

TAHBİZÜ'L-MATHÛN

el-Kânûn Fi't-Tıb Tercümesi

TOKADÎ MUSTAFA EFENDİ

3. CİLT

TEŞRÎHÂT 1

TÜRKİYE YAZMA ESERLER KURUMU BAŞKANLIĞI YAYINLARI: 98

- Bilim ve Felsefe Serisi* : 37
- Kitabın Adı* : TAHBÎZÜ'L-MATHÛN
el-Kânûn Fi't-Tıb Tercümesi
- Müellifi* : İbn Sînâ (ö. 428/1037)
- Mütercimi* : Tokadî Mustafa Efendi (ö. 1196/1782)
- Hazırlayanlar* : Prof. Dr. Mustafa Koç
Bilecik Şeyh Edebali Ün. Türk Dili ve Edebiyatı Bölümü
Prof. Dr. Eyyüp Tanrıverdi
Dicle Üniversitesi, Arap Dili ve Belagatı Anabilim Dalı
- Proje Yöneticisi* : Prof. Dr. Muhittin Macit
- Proje Koordinatörü* : Doç. Dr. Ferruh Özpilavcı
- Son Okuma* : Arafat Aydın - Abdullah Öztop
- Arşiv Kayıt* : Süleymaniye Yazma Eser Kütüphanesi, Hamidiye No. 1015
- Kitap Tasarım* : AS-64 Basın-Yayın Tanıtım, Org. ve Paz. Ltd. Şti.
Divanyolu Cad. Erçevik İşhanı, No: 203, Sultanahmet-İstanbul
Tel: 0212 513 39 90 / www.as64.org • info@as64.org
- Baskı* : Mega Basım Yayın San. ve Tic. A.Ş. Cihangir Mh. Güvercin Cd.
No: 3/1 Baha İş Mrk. A Blok Kat: 2 34310 Avcılar / İstanbul
Tel.: 0212 412 17 00 Sertifika No: 12026
- Baskı Yeri ve Yılı* : İstanbul 2018
- Baskı Miktarı* : 1. Baskı, 2000 adet

KÜTÜPHANE BİLGİ KARTI
Library of Congress A CIP Catalog Record

Tokadî Mustafa Efendi
Tahbîzü'l-Mathûn, *el-Kânûn Fi't-Tıb Tercümesi*
1.Tıp, 2. Eczacılık, 3. Hastalıklar, 4. İbn Sînâ, 5. el-Kânûn, 6. Tokadî, 7. Sultan III. Mustafa
ISBN: 978-975-17-4037-3 (3. Cilt) / 978-975-17-4011-3 (Takım)

Copyright © Türkiye Yazma Eserler Kurumu Başkanlığı. Her hakkı mahfuzdur.
Bütün yayın hakları *Türkiye Yazma Eserler Kurumu Başkanlığı'na* aittir. Başkanlığın izni olmaksızın tümüyle veya kısmen, hiçbir yolla ve hiçbir ortamda yayınlanamaz ve çoğaltılamaz.

T. C. Türkiye Yazma Eserler Kurumu Başkanlığı

Süleymaniye Mah. Kanuni Medresesi Sok. No: 5 34116 Fatih / İstanbul
Tel.: +90 (212) 511 36 37
Faks: +90 (212) 511 37 00
info@yek.gov.tr
www.yek.gov.tr

TAHBÎZÜ'L-MATHÛN

EL-KÂNÛN FÎ'T-TIB TERCÜMESİ

3. CİLT
TEŞRÎHÂT 1

TOKADÎ MUSTAFA EFENDÎ
(ö. 1782)

Hazırlayanlar

Mustafa Koç
Eyyüp Tanrıverdi



TÜRKİYE
YAZMA
ESERLER
KURUMU
BAŞKANLIĞI

İÇİNDEKİLER

**Ḳānūn'un Beş Kitābından Üçüncü Kitābı
Emrād-ı Cüz'iyelerde Olan Mufaşşal Müstefvā
Kelāmdır ki Zıkr Olunur Yesserenallāhu İtmāmehu
Bi'l-Ḥayri İnnahu Müyessirü Külli 'Asīrin
Fe-Ni'me'l-Mevlā ve Ni'me'n-Naşır**

[FENN-İ EVVEL]

Maḳāle-i Ūlā Re's ve Dimāğ Maraḍlarının Aḥkām-ı Külliyyeleri Beyānındadır	24
Faşl-ı Evvel Başın ve Baştta Olan Eczāların Menfa'atleri Beyānındadır	24
Faşl-ı Şānī Dimāğın Teşrihi Beyānındadır	26
Faşl-ı Şālīs Arāḍı Olan Baş Maraḍları Beyānındadır	34
Faşl-ı Rābi' O Delillerin Beyānındadır ki Ondan Dimāğın Aḥvāli Bilinir	36
Faşl Teşri	37
Faşl-ı Ḥāmis Dimāğın Ḥāline ve Dimāğın Ef'āl-i İle Külli İstidlāl Ne Keyfiyyette Olduğunu Bildirir	37
Faşl-ı Sādis Ef'āl-i Nefsāniyye-i Ḥissiyye ve Ef'āl-i Nefsāniyye-i Siyāsiyye vü Ḥarekiyyelerden Meḥūz Olan İstidlāl Beyānındadır ve Aḥlāmdan İstidlāl-i Ef'āl-i Siyāsiyye ile İstidlāl Ḳabīlindedir.	38
Faşl-ı Sābi' Ḥarekete Mütē'allik Olan Fi'iller İle ve Onlara Müşābih Olan Nev'm ve Yaḳaḳa Fi'illeri İle Olan İstidlāl Beyānındadır	43
Faşl-ı Şāmin Ef'āl-i Tab'iyyelerden Meḥūz Olan Delāilin Beyānında Olur. Bedenden Mündefi'a Olan Eşyādan ve Bedende Nābit Olan Tüylerden ve Kezālik Bedenden Zuhūr Eden Şişlerden ve Ḳurḥa Mişlillerden Ḥāl-i Dimāğa İstidlāl Ne Vech İle Olduğu Bu Faşlda Zıkr Olunur	45

Faşl-1 Tāsi‘ Mizāca Muvāfık veyāhūd Muḥālif Olan Nesneler ile ve İnfi‘ālâtın Sür‘ati ve Buṭ‘u ile Dimāğın Ḥāline İstidlālın Beyānında Olur	47
Faşl-1 ‘Āşir Başın Mikdārı Ḥasebiyle Olan İstidlāl Beyānında Olur	50
Faşl-1 Ḥādī ‘Aşere Eşkal-i Re’sten Me’ḥūz Olan İstidlāleri Beyān Eder	52
aşl-1 Sānī ‘Aşere Dimāğın Kuvve-i Lāmisesi Ḥasebiyle İhsās Eylediği Re’sin Şıkket ve Ḥiffeti ve Ḥarāret ve Bürüdeti ve Evcā’ından Me’ḥūz Olan İstidlāl Beyānındadır	52
Faşl-1 Sālise ‘Aşere Göz ve Dil ve Yüz ve Bunların Mecārileri ve Levzetān ve Boyun ve Sinirler Mişli Dimāğın Fūrū‘u Olan A‘dāların Aḥvāli ile İstidlāli Beyānındadır	54
Faşl-1 Rābi‘a ‘Aşere Dimāğa Qarīb Olup Dimāğa Müşārik Olan ‘Uḍvlar ile Aḥvāl-i Dimāğa Olan İstidlāl Beyānındadır	57
Faşl-1 Ḥāmise ‘Aşere Dimāğ Hangi ‘Uḍva Müşāreket Ḥasebiyle Mütē‘ezzī ve Mütē‘ellim Olduğu İçin Vāki‘ Olan İstidlālın Beyānındadır	57
Faşl-1 Sādise ‘Aşere Mu‘tedil Olan Dimāğın Delāli Beyānındadır	59
Faşl-1 Sābi‘a ‘Aşere Dimāğın Mizācı Ḥilkat-i Aşliyyede Redī Olduğunun Delāli Beyānındadır	60
Faşl-1 Şāmine ‘Aşere Başta Olan Maraḍlardan Her Birinin ‘Alāmetlerinin Başka Başka Beyānında Olur	62
Faşl-1 Tāsi‘a ‘Aşere Mu‘ālecātın Qānūnları Beyānındadır	64
Maḳāletü’ş-Şāniye: Bu Maḳāle-i Şāniye Baş Ağrıları Beyānındadır ve O Baş Ağrıları Şudā’ın Aşnāfi ve Aḳsāmıdır ve Maḳāle-i Şāniye Fuşūl-i Şettāyī Müştēmildir	79
Faşl-1 Evvel Şudā’da Olan Kelām-ı Küllī Beyānındadır	79
İkinci Faşl Sū’-i Mizācdan Ḥādīs Olan Baş Ağrıları Beyānındadır	84
Üçüncü Faşl Teferruḳ-ı İttişālden Ḥādīs Olan Baş Ağrısı Beyānındadır	85
Dördüncü Faşl Verem Ḥasebiyle Olan Şudā’ın Beyānındadır	86
Beşinci Faşl Mevādd Ḥasebiyle ‘Ārıḍ Olan Şudā’ın Ne Keyfiyyette ‘Ārıḍ Olduğunu Bildirir	87

Altıncı Faşl Müşâreket Hasebiyle Olan Şudâ'ın Aşnâfını Bildirir	89
Yedinci Faşl Aşnâf-ı Şudâ'ın Edillesi ve 'Alâmetlerinde Olan Kavl-i Küllî Beyânındadır	91
Sekizinci Faşl Şudâ'ı Emrâdda İnzâr Eden 'Alâmetlerin Beyânındadır	96
Dokuzuncu Faşl Baş Ağrısının Tedbîr-i Küllîsi Beyânındadır	96
Onuncu Faşl Şemste ve Ğayrıda İhtirâk Sebebiyle Bilâ- Mâdde Hâdis̄ Olan Şudâ'ın ve Kezâlik Mâdde-i Şafrâvî vü Demeviden Hâdis̄ Olan Şudâ'ın Mu'âlecâtı Beyânındadır	99
On Birinci Faşl Bilâ-Mâdde Sû'-i Mizâc-ı Bârid İle Veyâhüd Mâdde-i Balğamiyye vü Sevdâviyye ile Olan Baş Ağrılarının 'İlâcları Beyânındadır	103
el-Maķâletü's-Şâlişetü Kitâb-ı Şâlişten Fenn-i Evvelin Maķâlât-ı Hamsinden Üçüncü Maķâle Dahi Dimâğda Olan Vereme ve Mevdi'-i Veremin Teferruķ-ı İttişâline Mûte'alliķa ve Fuşul-i 'Adideyi Muhtevidir	130
Faşl-ı Evvel Karânîtus Beyânındadır	130
Faşl-ı Sâni Karânîtus Aşnâfı Beyninde Müşterek Olan 'Alâmetlerdir ki Zikr ve Beyân Eyeriz	134
Faşl-ı Sâliş Sersâm Aşnâfının Mu'âlecâtı Beyânındadır	139
Faşl-ı Râbi' Şubârâ Beyânındadır	144
Faşl-ı Hâmis Lîşerģus Tesmiye Olunan Sersâm-ı Bârid Beyânındadır	145
Faşl-ı Sâbi' Kelle Kemiği İçinde Hâdis̄ Olan Mâiyyeti Bildirir	149
Faşl-ı Sâmin Hâric-i Kîhfta Hâdis̄ Olan Şişleri ve Hâric-i Kîhfta Müctemi' Olan Mâiyyeti ve Şıbyânın 'Utâsını Ya'nî Şâbilere 'Arıđ Olan Aksırıkları Beyân Eder	149
Dokuzuncu Faşl Sübât-ı Seherî Beyânındadır	151
Onuncu Faşl Şeccenin Ya'nî Başa 'Arıđ Olan Teferruķ-ı İttişâlin ve Baş Derisinin İnķitâ'ının ve Bu Mecrâya Cârî Olan Āfetlerin Beyânındadır	154

Dördüncü Maqāle Bařta Olan O Emrāđ Beyānındadır ki Onun Ekser-i Mađarratları Hiss ve Siyāset Fi'lerinde Olur Ya'nī Havāss-ı Hamse-i Zāhire ve Havāss-ı Hamse-i Bāṭine Fi'lerinde Olur. Ve Bu Maqālenin Fuřūlünden:	156
Fařl-ı Evvel Sübāt Beyānındadır	156
İkinci Fařl Yaķaza ve Seher Beyānındadır	164
Üçüncü Fařl Āfāt-ı Zihn Beyānındadır	167
Dördüncü Fařl İhtilāt-ı Zihn ve Hezeyān Beyānındadır	168
Beřinci Fařl Ru'ūnet ve Humķ Beyānındadır	171
Altıncı Fařl Zikrin Fesādı Beyānındadır	172
Yedinci Fařl Fesād-ı Taḥayyül Beyānındadır	175
Sekizinci Fařl Manyā ve Dāü'l-Kelb Beyānındadır	177
Dokuzuncu Fařl Mālīḥūlyā Beyānındadır	181
Onuncu Fařl Kūṭrub Dedikleri Marađ-ı Dimāġī Beyānındadır	194
On Birinci Fařl 'Ařķ Beyānındadır	196
Fenn-i Evvelin Beřinci Maqālesi Dimāġiyye Olan O Emrāđın Beyānındadır ki Onun Āfāti Hareket-i İrādiyye Ef'ālınden Olur ve O Maqāle Dahi Fuřūl-i 'Adīdeyi Muḥtevidir	200
Evvelki Fařl Dīvār Beyānındadır	200
İkinci Fařl Lüviyy Beyānındadır	207
Üçüncü Fařl Kābūs Beyānındadır	208
Dördüncü Fařl řar' Beyānındadır	209
Beřinci Fařl Sekte Beyānındadır	233

**KİTĀB-I řĀLİř FÜNÜNDAN FENN-İ řĀNİ A'řĀBIN
EMRĀĐI VE MU'ĀLECĀTI BEYĀNINDA KELĀM-I
MÜCMEL OLUP BİR MAQĀLEYE MÜNĤAřIR VE
FUřŪLÜ MÜřTEMİLDİR**

Evvelki Fařl Sinirlerin Marađları Beyānındadır	241
İkinci Fařl Fālic ve İstirḥā Beyānındadır	244
Üçüncü Fařl Teřennüç Beyānındadır	256
Dördüncü Fařl Küzāz ve Temeddüd Beyānındadır	269
Beřinci Fařl Lakve Beyānındadır	276

Altıncı Faşl Ra'şse ve Ra'şenin Aşnâfı ve 'İlâcâtı Beyânındadır	283
Yedinci Faşl Hader Beyânındadır	287
Sekizinci Faşl İhtilâc Beyânındadır Ya'ni 'Uđv Seğrimesini Bildirir	290

**ĶĀNUN'UN KÜTÜB-İ ĦĀMSESİNDEN KİTĀB-I
ŞĀLİŞİN FENN-İ ŞĀLİŞİ EMRĀĐ-I 'AYNDA
OLAN KELĀM-I MÜCMEL VE EMRĀĐ-I 'AYNIN
MU'ĀLECĀTI BEYĀNINDADIR**

Evvelki Faşl 'Aynın Teşrihi Beyânındadır	293
İkinci Faşl Ahvâl-i 'Aynı Ta'arrüf ve Emziceleri ve Emrâđ-ı 'Aynnda Olan Akvâl-i Külliyyeler Beyânındadır	299
Üçüncü Faşl Ahvâl-i 'Aynın Alâmâtı Beyânındadır	302
Dördüncü Faşl Mu'alecât-ı 'Aynın Ķavâ'id-i Külliyyeleri Beyânındadır	303
Beşinci Faşl 'Aynın Ħıfz-ı Şihhati ve 'Ayna Muđırr Olan Eşyânın Beyânındadır	305
Altıncı Faşl Remed ve Tekeddür Beyânındadır	307
Yedinci Faşl Aşnâf-ı Remedin 'İlâc-ı Müştarekleri ve 'Ayna Nevâzil İnşibâbının Dahi Mu'aleceleri Beyânındadır	313
Sekizinci Faşl Demevî ve Şafrāvî Olan Remedin Mu'alecâtı Beyânındadır	320
Dokuzuncu Faşl Remed-i Bārid Mu'alecâtı Beyânındadır	322
Onuncu Faşl Verdinecin Mu'alecâtı Beyânındadır	323
On Birinci Faşl Remed-i Rihî Mu'alecâtı Beyânındadır	323
On İkinci Faşl Remedde İsti'mâl Olunan Edviyede Ķalilen Tekellüm Eylediğimiz Kelâmdır	324

**KİTÂB-I ŞÂLİŞİN FENN-İ ŞÂLİŞİNİN İKİNCİ
MAKÂLESİ MUKLE EMRÂDİNİN ʿİLEL-İ
BÂKİYELERİ BEYÂNINDADIR VE O ʿİLELİN
EKŞERİ TERKİBİYYE VE İTTİŞÂLİYYE OLUR O
MAKÂLE DAHİ FUŞÛLÜ MÜŞTEMİLDİR.**

Evvelki Faşl Nüfâhât Beyânındadır	325
İkinci Faşl ʿAynda Hâdiş Olan Qurhalar Beyânındadır	326
Üçüncü Faşl Tabaka-i Karniyyenin Harkı Yaʿnî Yarılması Beyânındadır	329
Dördüncü Faşl Göze ʿArıd Olan Besreler Beyânındadır	332
Beşinci Faşl Şifâk Tahtında ve Altında Müctemiʿa Olan Midde Beyânındadır	332
Altıncı Faşl Göze ʿArız Olan Sereṭan Beyânındadır	333
Yedinci Faşl Ğarb ve Mûk Veremi Beyânındadır	334
Sekizinci Faşl Mûkun Lahmı Ziyâde ve Noḡsân Olması Beyânındadır	340
Dokuzuncu Faşl ʿAyna ʿArıd Olan Beyâd Beyânındadır	340
Onuncu Faşl Sebel Beyânındadır	342
On Birinci Faşl Zufre Beyânındadır	344
On İkinci Faşl Tarfe Beyânındadır	346
On Üçüncü Faşl Demʿa Beyânındadır	348
On Dördüncü Faşl Havel Beyânındadır	349
On Beşinci Faşl Cuḡûz-ı ʿAyn Beyânındadır	351
On Altıncı Faşl Gözün Ğurûru ve Şıġarı Yaʿnî Çukurlanması ve Küçük Olması Beyânındadır	353
On Yedinci Faşl ʿAynın Zürkatı Beyânındadır	353

**MAKÂLE-İ ŞÂLİŞE ECFÂNIN VE ECFÂN
HAVÂLİSİNDE OLANLARIN BEYÂNINDADIR
O DAHİ BİRAZ FUŞÛLÜ MÜŞTEMİLDİR**

Evvelki Faşl Ecfânda Hâdiş Olan Kaml Beyânındadır	357
İkinci Faşl Sülâk Beyânındadır	357

Üçüncü Faşl Cesâu'l-Ecfân Beyânındadır	358
Dördüncü Faşl Ğılaz-ı Ecfân Beyânındadır	
Ya'nî Göz Kapaklarının Ğalîz Olduğunu ve ʿİlacını Bildirir	359
Beşinci Faşl Tehebbüc-i Ecfân Beyânındadır	359
Altıncı Faşl Ecfânın Şıkalî Beyânındadır	360
Yedinci Faşl İltişâk-ı Cefneyn Beyânındadır	360
Sekizinci Faşl Sedbe ve Mu'alecesi Beyânındadır	360
Dokuzuncu Faşl İnķılâb-ı Cefn Beyânındadır ve	
Ona Şetere Dahi Tesmiye Ederler	361
Onuncu Faşl Berede Beyânındadır	362
On Birinci Faşl Şa'ire Beyânındadır	362
On İkinci Faşl Şırnâķ Beyânındadır	363
On Üçüncü Faşl Tüse Beyânındadır	365
On Dördüncü Faşl Tahaccür Beyânındadır	365
On Beşinci Faşl Cefnin Ğurûhu ve İnķırâķı Beyânındadır	365
On Altıncı Faşl Cereb-i Ecfân Beyânındadır	365
On Yedinci Faşl İntifâh Beyânındadır	367
On Sekizinci Faşl Tarf Beyânındadır	368
On Dokuzuncu Faşl Kirpiklerin İntişârı Beyânındadır	368
Yirminci Faşl Ecfânda Olan Zâyid Tüyler ve Münķalib	
Tüyler Beyânındadır	370
Yirmi Birinci Faşl İltişâk-ı Eşfâr Beyânındadır	373

**FENN-İ ŞĀLİŞ MAĶĀLĀTINDAN MAĶĀLE-İ RĀBİʿA
ĶUVVET-İ BĀŞIRANIN AĶVĀLİ BEYĀNINDADIR
O MAĶĀLE-İ RĀBİʿA DAĶİ FUŞŪLŪ MŪŞTEMİLDİR**

Evvelki Faşl Ğaf-ı Başar Beyânındadır	375
İkinci Faşl Başara Ğârr Olan Umûrun Beyânındadır	383
Üçüncü Faşl ʿAşâ Beyânındadır	384
Dördüncü Faşl Ceher Beyânındadır	385
Beşinci Faşl Ķayâlât Beyânındadır	386
Altıncı Faşl İntişâr Beyânındadır	391
Yedinci Faşl Ğıķ-ı Ķadeķa Beyânındadır	393

Sekizinci Faşl Nüzûl-i Mâ Beyânındadır	395
Dokuzuncu Faşl Buṭlân-ı Başar Beyânındadır	401
Onuncu Faşl ʿAynın Şuʿâʿa Buğḍu Beyânındadır Yaʿnî ʿAyn Aydınlıktan Müteʿezzî Olduğunun Beyânındadır	403
On Birinci Faşl K̄umûr Beyânındadır	403

**FENN-İ RÂBİʿ EMRÂÐ-I ÜZÜNDE OLAN KELÂM-I
MÜCMEL VE MUʿÂLECÂT BEYÂNINDADIR
VE ONUN FUŞÛLÜ MÜŞTEMİL BİR MAKÂLESİ
VARDIR**

Evvelki Faşl Üzünün Teşrihi Beyânındadır	405
İkinci Faşl Kulakların Hıfz-ı Şihhati Beyânındadır	406
Üçüncü Faşl Âfât-ı Semʿ Beyânındadır	407
Dördüncü Faşl Vecaʿ-ı Üzün Beyânındadır	414
Beşinci Faşl Devî ve Tanîn ve Şafir Beyânındadır	420
Altıncı Faşl Üzünde Olan Midde ve K̄ayḥ ve K̄urûḥ Âfetlerinin Muʿâlecesi Beyânındadır	425
Yedinci Faşl Kulakta Kan Münfecir Olduğunun Beyânındadır	428
Sekizinci Faşl Kulakta Olan Vesah̄ Yaʿnî K̄ir ve Vesaḥtan Kulakta H̄adiş Olan Südde Beyânındadır	428
Dokuzuncu Faşl Kulağa ʿÂrıḍ Olan Südde Beyânındadır	429
Onuncu Faşl Üzüne ʿÂrıḍ Olan Raḍḍ ve Ḍarbe Beyânındadır	431
On Birinci Faşl Hikke-i Üzün Beyânındadır	431
On İkinci Faşl Üzüne Su Duḥûlü Beyânındadır	431
On Üçüncü Faşl Kulağa H̄âricden H̄ayvân Duḥûlü ve Kulakta Kurt Tevellüdü Beyânındadır	432
On Dördüncü Faşl Aşl-ı Üzünde Yaʿnî Kulak Dibinde Olan Veremler Beyânındadır	434
On Beşinci Faşl Aşvât-ı ʿAzîmeden Üzünün Herebi Beyânındadır	436

KİTĀB-I ŞĀLİŞ FÜNÜNUNDAN FENN-İ HĀMİS
EMRĀD-I ENF VE MU'ĀLECĀTINDA OLAN
KELĀM-I MÜCMEL BEYĀNINDADIR

[Fenn-i Hāmisin Makāle-i Ūlāsı Şemm ve Şemmin Āfātı Beyānındadır]	437
Evvelki Faşl [286a] Teşrih-i Enf Beyānındadır	437
İkinci Faşl Enfte İsti'māl Olunan Edviyenin Tarihini Bildirir	438
Üçüncü Faşl Āfet-i Şemm Beyānındadır	439
Dördüncü Faşl Ru'āf Ya'nī Burun Kanamak Beyānındadır	442
Beşinci Faşl Zükām ve Nezle Beyānındadır	449
Fenn-i Hāmisin Makāle-i Sāniyesi Enfin Bākī Ahvāli Beyānındadır O Dahi Fuşülü Müştemildir	457
Evvelki Faşl Enfte Olan Netn ve Rāyiha-i Kerīhe Beyānındadır	457
İkinci Faşl Burunda Hādīs Olan Qurhalar Beyānındadır	459
Üçüncü Faşl Burunda Hilve Tesmiye Olunan Qurūh-ı Enfin Ālācı Beyānındadır	461
Dördüncü Faşl Hāşşūmda Olan Süddeler Beyānındadır	462
Beşinci Faşl Hunānın Mu'ālecesi Beyānındadır	463
Altıncı Faşl Raḡd-ı Enf Mu'ālecātı Beyānındadır	463
Yedinci Faşl Bevāsīr-i Enf ve İrbiyān Mu'ālecātı Beyānındadır	463
Sekizinci Faşl Uṭās Beyānındadır	467
Dokuzuncu Faşl Uṭāsı Men' Eden Edviye Beyānındadır	469
Onuncu Faşl Mu'aṭṭīsāt Beyānındadır	469
On Birinci Faşl Burunda Vāқи Olan Eşyānın Mu'ālecesi Beyānındadır	470
On İkinci Faşl Cefāf-ı Enf Beyānındadır	470
On Üçüncü Faşl Enfin Hikkesi Beyānındadır	470

KİTĀB-I ŞĀLİŞİN FENN-İ SĀDİSİ FEM VE LİSĀN
EMRĀDINDA VE MU'ĀLECĀTINDA OLAN
KELĀM-I MÜCMELDİR

Evvelki Faşl Teşrih-i Fem ve Teşrih-i Lisān Beyānındadır	471
İkinci Faşl Emrād-ı Lisān Beyānındadır	472

Üçüncü Faşl Fesād-ı Zevk Beyânındadır	475
Dördüncü Faşl İstirhâ-i Lisân ve Şikal-i Lisân ve Kelâmda Olan İhtilâl Beyânındadır	476
Beşinci Faşl Lisânın Teşennücü Beyânındadır	478
Altıncı Faşl Lisânın Mikdâr-ı Hılkî Vü Tabî'iden Ziyâdeliği Beyânındadır	479
Yedinci Faşl Lisânın Kışarı Beyânındadır	480
Sekizinci Faşl Evrâm-ı Lisân Beyânındadır	480
Dokuzuncu Faşl İhtilâl-i Kelâm Beyânındadır	482
Onuncu Faşl Dıfır Beyânındadır	483
On Birinci Faşl Hurkat-i Lisân Beyânındadır	484
On İkinci Faşl Şukûk-ı Lisân Mu'alecesi Beyânındadır	484
On Üçüncü Faşl Del'-i Lisân Ya'nî Lisânın Femden Hârice Hurucu Beyânındadır	484
On Dördüncü Faşl Büşür-ı Fem Beyânındadır	485
On Beşinci Faşl Kulâ' ve Ağızda Zuhûr Eden Sâir Qurûh-ı Habîse Beyânında Olur	486
On Altıncı Faşl Lu'âb ve Büzâkın Kesreti ve Nevm Katında Seylânı Beyânındadır	489
On Yedinci Faşl Me'kulâtın Feme 'Arıd Olan Kerih Râyihaların Kaç ve İzâlesi Beyânındadır	490
On Sekizinci Faşl Femden Nezf Eden Dem Beyânındadır	490
On Dokuzuncu Faşl Behar Beyânındadır	490
Yirminci Faşl Fem Meftûhan Bâkî Kalmak Beyânındadır	493

**KİTÂB-I ŞÂLİŞ FÜNÜNUNDAN FENN-İ SÂBİ'
EMRÂD-I ESNÂN VE MU'ÂLECÂTI BEYÂNINDA
OLAN KELÂM-I MÜCMEL BEYÂNINDA OLUP
FUŞÛLÜ MÜŞTEMİLDİR**

Evvelki Faşl Esnân Ya'nî Dişler Beyânındadır	495
İkinci Faşl Dişlerin Şihhatini Muhâfaza Beyânındadır	496
Üçüncü Faşl 'İlâc-ı Esnân ve Edviye-i Sinniyyede Olan Kavl-i Külli Beyânındadır	498

Dördüncü Faşl Diş Ağrıları Beyânındadır	501
Beşinci Faşl Tahlile Muhtâc Olan Diş Ağrısında Müsta'mele Olan Edviye-i Muḥallile Beyânındadır	505
Altıncı Faşl Esnânı Muḥaddire Olan Edviye Beyânındadır	509
Yedinci Faşl Esnân-ı Müteḥarrike Beyânındadır	509
Sekizinci Faşl Esnânın Şukbesi ve Te'ekkülü Beyânındadır	511
Dokuzuncu Faşl Esnânın Tefettütü ve Tekessürü Ya'nî Dağılması ve Kırılması Beyânındadır	513
Onuncu Faşl [Elvân-ı Esnânın Tağayyürü Beyânındadır]	514
On Birinci Faşl Dişlerin Sühulet İle Bitmesi Beyânındadır	515
On İkinci Faşl Kal'-ı Esnân Beyânındadır	516
On Üçüncü Faşl Sinn-i Müte'ekkileyi Teftit Beyânındadır	517
On Dördüncü Faşl Dūd-ı Esnân Beyânındadır	517
On Beşinci Faşl Şarîr-i Esnân Beyânındadır	518
On Altıncı Faşl Uzayıp Qadr-i Tabî'iden Tavîl Olan Dişler Beyânındadır	518
On Yedinci Faşl Dares Beyânındadır	518
On Sekizinci Faşl Mâ-ı Esnânın Zâil Olması Beyânındadır	519
On Dokuzuncu Faşl Da'fu'l-Esnân Beyânındadır	519

**KİTÂB-I ŞÂLİŞ FÜNÜNUNDAN FENN-İ ŞÂMİN
EMRÂD-I LİŞE VE ŞEFETeyN VE MU'ÂLECÂTLARI
BEYÂNINDA OLAN KELÂM-I MÜCMELDİR.
BU FENN DAHİ BİR MAQÂLE ÜZERE KILINIP
FUŞÛLÜ MÜŞTEMİLDİR**

Evvelki Faşl Emrâd-ı Lişe Beyânındadır	521
İkinci Faşl Lişe-i Dâmiye Beyânındadır	522
Üçüncü Faşl Şukûḫ-ı Lişe Beyânındadır	522
Dördüncü Faşl Lişe Qurhaları ve Te'ekkülü ve Nevâşiri Beyânındadır	523
Beşinci Faşl Netn-i Lişe Beyânındadır	524
Altıncı Faşl Lişenin Noḫşânı ve Dumûru Beyânındadır	524
Yedinci Faşl İstirhâ-i Lişe Beyânındadır	524

Sekizinci Faşl Lişede Nābit olan Laḥm-ı Zāid Beyānındadır	525
Dokuzuncu Faşl İki Dudakların ve Emrāđlarının Beyānındadır	525
Onuncu Faşl Dudaklarda Olan Şukūku Bildirir	525
On Birinci Faşl Dudakların Evrāmı ve Kurūhu Beyānındadır	526
On İkinci Faşl Bevāsīr-i Şefeh Beyānındadır	527
On Üçüncü Faşl İhtilāc-ı Şefeh Beyānındadır	527

**KİTĀB-I ŞĀLİŞ FÜNÜNUNDAN FENN-İ TĀSİF
EMRĀĐ-I ḤALQ VE MU'ĀLECĀTI BEYĀNINDA
OLAN KELĀM-I MÜCMEL OLUP FUŞŪLŪ
MÜŞTEMİL MAQĀLE-İ VĀḤİDE ÜZERE KILINDI**

Evvelki Faşl A'ḍā-i Ḥalkın Ya'nī Boğazın Teşrihi Beyānındadır	529
İkinci Faşl Ḥalkta Olan A'ḍaların Emrāđı Beyānındadır	530
Üçüncü Faşl Boğazda Eğlenen Diken ve Onun Mecrāsına Cārī Olan Nesnelere Beyānındadır	530
Dördüncü Faşl 'Alaḫ-ı Nāşib Beyānındadır	531
Beşinci Faşl Ḥavānīk ve Zebḫ Beyānındadır	534
Altıncı Faşl Nevāhī-i Ḥalkta 'Ārıđ Olan Evrām-ı Ḥalk ve Ḥancerede ve Ḥancereyi Muṭīf ve Muḥīṭ Olan Ğudedde ve Lehāt ve Ğalşame ve Levzeteynde 'Ārız Olan Verem Mu'ālecelerinde Tekellüm Eylediğimiz Kelām-ı Küllī Beyānındadır	542
Yedinci Faşl Zebḫ ve Ḥavānīk ve Sāir Esbābdan Bir Sebeb ile Ḥādiş Olan İhtināḫ Mu'ālecelerinin Beyānındadır	544
Sekizinci Faşl Lehāt ve Levzeteyn Emrāđı Beyānındadır	553
Dokuzuncu Faşl Lehātın Suḫūtu Beyānındadır	556
Onuncu Faşl Müfreden Ḳaṭ'-ı Lehāt ve Bett-i Levzeteyn Beyānındadır	557
On Birinci Faşl Lehāt ve Levzetān Ḳaṭ'ları Āfātının Beyānındadır	558

**KİTÂB-I ŞALİŞ FÜNÛNUNDAN FENN-İ ‘ÂŞİR AĦVÂL-İ ŞADR
VE RİYEDE OLAN KELÂM-I MÛCMELİMİZ OLUP BEŞ
MAĦÂLE ÜZERE KILINDI**

**MAĦÂLE-İ ÛLÂ AŞVÂT ve TENEFFÛS BEYÂNINDA OLUP
FUŞÛLÛ MÛŞTEMİL KILINDI**

Evvelki Faşl Hancere ve Kaşabe-i Riye Teşrihleri ve Riyenin Dahi Kendi Teşrihi Beyânındadır	561
İkinci Faşl Riyenin Emzicesi ve Riye AĦvâlinin Tıruğ-ı ‘Alâmetleri Beyânındadır	568
Üçüncü Faşl Riyeye ‘Arıda Olan Emrâđ Beyânındadır	570
Dördüncü Faşl Riyeye Nâşib ve Mütēallik Olan Mevâdd ve AĦkâmı Beyânındadır	571
Beşinci Faşl Şadriyye Olan Müfrede ve Mürekkebe Edviyenin Kendileri ve O Edviyenin Cihet-i İstī‘mâlleri Beyânındadır	572
Altıncı Faşl Teneffüste Olan Kelâm-ı Küllîdir	574
Yedinci Faşl Nefes-i ‘Azîm ve Nefes-i Şaġir ve Bunların Emşâli ve Bi’l-Cümle Delâilleri Beyânındadır	577
Sekizinci Faşl Nefes-i Şedîd Beyânındadır	580
Dokuzuncu Faşl Nefes-i ‘Âlî vü Şâhiġ Beyânındadır	580
Onuncu Faşl Nefes-i Şaġir Beyânındadır	581
On Birinci Faşl Nefes-i Kaşir Beyânındadır	581
On İkinci Faşl Nefes-i Serîc Beyânındadır	582
On Üçüncü Faşl Nefes-i Baṭî Beyânındadır	582
On Dördüncü Faşl Nefes-i Mütevâtir Beyânındadır	582
On Beşinci Faşl Nefes-i Bârid Beyânındadır	583
On Altıncı Faşl Nefes-i Müntin Beyânındadır	583
On Yedinci Faşl Nefes-i ‘Azîm ve Nefes-i Serîc ve Nefes-i Mütevâtir Aralarında [306b] Vâkı‘a Olan İntikâlât Beyânındadır	583
On Sekizinci Faşl Nefes-i Munġurî Beyânındadır	584
On Dokuzuncu Faşl Sû-i Teneffüste Olan Kelâm-ı Küllî Beyânındadır	584

Yirminci Faşl Dîk-1 Nefes Beyânındadır	585
Yirmi Birinci Faşl	586
Yirmi İkinci Faşl Nefes-i Muḍârif Beyânındadır	586
Yirmi Üçüncü Faşl Nefes-i Muntaşif Beyânındadır	587
Yirmi Dördüncü Faşl Nefes-i 'Asir Beyânındadır	587
Yirmi Beşinci Faşl İntişâb-1 Nefes Beyânındadır	588
Yirmi Altıncı Faşl Aşhâb-1 Tabâyi'in Nefesi ve Esnânda Her Birinin Nefeslerinin Beyânındadır	589
Yirmi Yedinci Faşl Gıdâdan ve Hâbel ve İstiskâ Mişllilerden Hâdiş Olan Nefes-i Mümtelî Beyânındadır	590
Yirmi Sekizinci Nefes-i Müsteḥamm Beyânındadır	590
Yirmi Dokuzuncu Faşl Nâimin Nefesi Beyânındadır	590
Otuzuncu Faşl A'ḍâ-i Şadrda Vecaı Olanların Nefesi Beyânındadır	590
Otuz Birinci Faşl Nefesi Dîk Olanların Hangi Sebebden Olur İse Olsun Nefeslerini ve Şâhib-i Rebvın Nefesini Bildirir	590
Otuz İkinci Faşl Aşhâb-1 Middenin Nefesi Beyânındadır	591
Otuz Üçüncü Faşl Zebha ve İhtinâk Aşhâbının Nefesleri Beyânındadır	591
Otuz Dördüncü Faşl Rebvde Olan Kelâm-1 Mücmeli Bildirir	591
[Otuz Beşinci Faşl] Sû-i Teneffüstün Sâir Aşnâfi Mu'âleceleri Beyânındadır	601

**KİTÂB-I ŞÂLİŞ FENN-İ 'ÂŞİRİ MAḤÂLÂTINDAN
MAḤÂLE-İ ŞÂNİYE ŞAVTIN ḤAḤÎḤATİ VE
BÎ'L-CÜMLE AŞNÂFINDA OLAN KELÂM
BEYÂNINDADIR O DAHİ FUŞÛLÜ MÜŞTEMİLDİR**

Evvelki Faşl Şavtın Ta'rifî ve Emrâdı Beyânındadır	605
MaḤâle-i Şâniyeden İkinci Faşl Ḥuşûnet-i Şavt Beyânındadır	611
Üçüncü Faşl Şavt-1 Ḥaşîr Beyânındadır	611
Dördüncü Faşl Şavt-1 Ğalîz Beyânındadır	612
Beşinci Faşl Şavt-1 DaḤîk Beyânındadır	612
Altıncı Faşl Muzlim ve Mükeddir Olan Şavt Beyânındadır	612
Yedinci Faşl Şavt-1 Mürte'iş Beyânındadır	613

**FENN-İ ‘ĀŞİRİN ÜÇÜNCÜ MAKĀLESİ İKİ FAŞLI
MÜŞTEMİLE OLUR**

Evvelki Faşl Su‘āl Beyānındadır	615
İkinci Faşl Nefş-i Dem Ya‘nī Kan Tükürmek Beyānındadır	624

**FENN-İ ‘ĀŞİR MAKĀLĀTINDAN DÖRDÜNCÜ
MAKĀLE KALBDEN MĀ-‘ADĀ A‘ĎĀ-İ ŞADRIN
KURŪĦ VE EVRĀMINA MŪTE‘ALLİK OLAN
‘İLM-İ NAZARİNİN UŞŪLŪ BEYĀNINDADIR
O DAHİ FUŞŪLŪ MÜŞTEMİLDİR**

Evvelki Faşl Zātü’l-Cenb Beyānındadır	639
‘Alāmāt-ı Zātü’l-cenb	644
Zātü’l-cenb-i Hālīşin ‘Alāmâtı Beştir.	644
Zātü’l-cenb-i Hālīş ü Ğayr-i Hālīşin Aşnāflarının ‘Alāmâtı Beyānındadır	647
Ve Onun Redīsının ve Selīminin ‘Alāmetleri Beyānındadır	648
Zātü’l-cenb Evkātının ‘Alāmâtı Beyānındadır	650
Zātü’l-cenbin Bi-Hasebi’l-Esbāb Olan Aşnāfları ‘Alāmâtı Beyānındadır	651
Zātü’l-cenbin İntikālâtı ‘Alāmetlerini Bildirir	651
İkinci Faşl Zātü’l-cenb Hūdüşünden İkinci Veyāhūd Üçüncü Günde Bed’ Eden Nefşe MŪte‘allik Kelām-ı Cāmi‘dir	654
Buhrānāt-ı Zātü’l-cenb	655
Üçüncü Faşl Zātü’r-riye Beyānındadır	657
Dördüncü Faşl Riyede Hādīş Olan Verem-i Şulb Beyānındadır	660
Beşinci Faşl Riyede Hādīş Olan Verem-i Rıhv Beyānındadır	660
Altıncı Faşl Büşür-i Riye Beyānındadır	660
Yedinci Faşl Riyede Olan İctimā‘-i Mā Beyānındadır	660
Sekizinci Faşl Kaşabe-i Riyeye ‘Ārıđ Olan Verem ve Cirāhat Beyānındadır	661
Dokuzuncu Faşl Kayh ve Cem‘-i Midde Beyānındadır	661

Onuncu Faşl Şadr ve Riyenin Qurūhu Beyānındadır ve Sill Dahî O Qurūhtan Biridir	664
Hey'ette ve Sinnde ve Beldede ve Mizācda Sille İsti'dādı Olan Kimselerin İsti'dādları 'Alāmātları ve Ahvālleri Beyānındadır	667

FENN-İ 'AŞİR MAḲĀLĀTINDAN BEŞİNCİ MAḲĀLE
A'ḌĀ-İ ŞADRIN MĀ-SİVA'I-ḲALB OLAN
'UḌVLARININ VE NEVĀHİSİNİN ḲURḂALARI VE
'İLELLERİ 'AMELİYYĀTI BEYĀNINDADIR
O DAHİ FUŞŪLŪ MÜŞTEMİLDİR

Evvelki Faşl Nevāhî-i Şad ve Riye Evrāmının Mu'ālece-i Müşterekleri Beyānındadır	671
İkinci Faşl Zātü'l-cenb Mu'ālecāti Beyānındadır	673
Fî Mu'ālecāti Zātü'r-riye	683
Teḳayyuhta Olan Kelām-ı Ḳalil Beyānındadır	683
Üçüncü Faşl Nevāhî-i Şadr Qurūhu ve Mu'ālece-i Maraḍ-ı Sill Beyānındadır	687

KİTĀB-I ŞALİŞ FÜNŪNUNDAN ON BİRİNCİ
FENN EMRĀḌ-I ḲALBİN VE MU'ĀLECĀTİNİN
BEYĀNINDA OLAN KELĀM-I MŪCMELDİR
O DAHİ İKİ MAḲĀLEYİ MÜŞTEMİLDİR

MaḲāle-i Ūlā Onun Mebādîleri Beyānındadır O Dahî FuşŪlŪ Müştemildir	697
Evvelki Faşl Teşriḥ-i Ḳalb Beyānındadır	697
İkinci Faşl Ḳalbin Emrāḍı Beyānındadır	701
Üçüncü Faşl O Vücūh Beyānındadır ki Onunla Ahvāl-i Ḳalbe İstidlāl Olunur	703
Ḳalbin Emzice-i Ṭabī'ileri Beyānındadır	706
Dördüncü Faşl Emrāḍ-ı Ḳalbin 'Alāmāti Beyānındadır	708
Beşinci Faşl Ḳalbin Delāil-i Evrāmı Beyānındadır	709
Altıncı Faşl Ḳalbde Mü'eşşire Olan Esbābların Beyānındadır	710

Yedinci Faşl ʿİlâc-ı Kâlbü Mütʿallika Olan Kavânin-i Külliyye Beyânındadır	710
Sekizinci Faşl Edviye-i Kâlbîyye Beyânındadır	715

**KİTÂB-I ŞÂLİŞ FÜNÜNDAN ON BİRİNCİ FENNİN
İKİ MAKÂLESİNDEN İKİNCİ MAKÂLE
EMRÂD-I KÂLBDE CÜZʾİYYÂT-I MUFAŞŞALA
BEYÂNINDADIR O DAHİ FUŞÛLÜ MÜŞTEMİLDİR**

Evvelki Faşl Hafaqân ve Esbâb-ı Hafaqân Beyânındadır	717
Hafaqân-ı Hârr Muʿalecâtı Beyânındadır	723
Hafaqân-ı Bâride Muʿalecâtı Beyânındadır	725
İkinci Faşl Aşnâf-ı Ğaşy ve Ğaşy Esbâbı ve Mevt-i Müfâceʿe Esbâbı Beyânındadır	726
Üçüncü Faşl Bağteten Hâdis Olan Suqût-ı Kuvvet Beyânındadır	740
Dördüncü Faşl Kâlbde Verem Hâdis Olduğunun ʿÂlâmâtı Zuhûr Edenlerin Tedbîrleri Beyânındadır	741

**KİTÂB-I ŞÂLİŞ FÜNÜNUNDAN ON İKİNCİ FENN
EMRÂD-I ŞEDYDE VE MUʿÂLECÂTINDA OLAN
KELÂM-I MÜCMELDİR O DAHİ FUŞÛLÜ MUĖTEVİ
BİR MAKÂLEYİ MÜŞTEMİLDİR**

Evvelki Faşl Teşrih-i Şedy Yaʿnî Memeleri Teşrih Beyânındadır	743
İkinci Faşl Lebeni Tağzîr Yaʿnî Sütü Kâlîl Olan Hatunların Sütlerini Çok Etmek Tedbîrleri Beyânındadır	743
Üçüncü Faşl İfrât Üzere Dürür-i Lebeni Menʿ Edip Taklîl Eylemeğin Beyânındadır	747
Dördüncü Faşl Şedyde Mütecebbin Olan Leben Beyânındadır	748
Beşinci Faşl Memelerde Lebenin Cümüdü ve ʿUfûneti ve Meme[lere] ʿArıd Olan İmtidâd ve Gerginlik ve Memelere İşâbet Eden Marađ Beyânındadır	750
Altıncı Faşl Şedyin Verem-i Hârrî ve Şendüve Evcâcı Beyânındadır	751

Yedinci Faşl Şedyānda Bārid Balgāmı Olan Evrām-ı Bālīga Beyānındadır	751
Sekizinci Faşl Şalābet-i Şedy ve Şedyde ʿĀrıđ olan Silaʿ ve Ġuded ve Henüz Mürāhiķa Olanların Şedylerine ʿĀrıđ Olan Tekaʿub-ı ʿAzīm Beyānındadır	752
Dokuzuncu Faşl Şedylerde Ĥādiş Olan Dübeyle Beyānındadır	752
Onuncu Faşl Şedyde ʿĀrıđ Olan Ķurĥalar ve Ekkāl Beyānındadır	752
On Birinci Faşl Şedyi Suķūttan Menʿ ve Şāġiren ve Müktenizen Şedyi Ĥıfz Eden ve Kezālik Şıbyānın Ĥuşyelerini ʿİzāmdan ve Kiberden Menʿ Eden Devālar Beyānındadır	753

**[223a] *Ḳānūn*'un Beş Kitābından Üçüncü Kitābı
Emrād-ı Cüz'iyelerde Olan Mufaşşal Müstefvā Kelāmdır ki
Zikr Olunur Yesserenallāhu İtmāmehu Bi'l-Ḥayri İnehu
Müeyssirü Külli 'Asīrin Fe-Nf'me'l-Mevlā ve
Nf'me'n-Naşīr**

[223b] “el-Ḥamdü lillāhi ve selāmun ‘alā-‘ibādihillezīne’ ştafā’ llāhu ḥayrun ammā yuşriküne.” Ve ba‘dehu Ḥaḳ celle ve ‘alā ḥadretleri sizi cemī‘an umūrunuzda teşyīd edip sa‘ādet-i dāreyni ḥāvī olan bünyān-ı ḥuşūşunuzu teşīs ve teşyīd eyleye.

Ma‘lūm ola ki biz fenn-i tıbbın [cüz’-i] nazārīsi beyānında olan kitāb-ı evvelde ve kezālik edviye-i müfrede beyānında olan kitāb-ı şānīden fārīg olduk ve kitāb-ı şālīşe şūrū‘ eylememizin vaḳt ü zamānı ḳarīb oldu. Ve biz kitāb-ı şālīşte cüz’-i ‘amelīnin şihḥat-i mevcūdeyi ḥıfz eden kısmı ile maraḍ ḥasebiyle zāil olan şihḥati i‘āde eden kısmını zikr eyleriz. Ve kitāb-ı şālīşi biz yirmi iki fenne taḳsīm eyledik ve her fenni müte‘addid maḳālāta münḳasım kıldık ve her maḳālede fuşūl-i ‘adīde zikr eyledik ve o fuşūlde insānın başından ayağına varınca ḳadar zāhirinde ve bātinında mevcūd olan ‘udvlarından her birine maḥşūş olan maraḍları inşāallāhu ta‘ālā birer birer zikr eyleriz ve o maraḍlara müte‘allīḳa olan umūrları istifā eyleriz. Ve o ‘udvların emrādını beyāna şūrū‘umuzda evvelā ‘udvun teşrīhini ve menfa‘atını zikr eyleriz ve ba‘dehu ‘udvun şihḥatini ḥıfz eden nesneleri ekşer-i ḥālde bildiririz ve ‘udvun emrād ve esbābının külliyyātlarına ḳavl-i muṭlaḳ ile delālet eyleriz. Ve emrād ve esbābı ta‘yīn ve teşḥīş eden edille ile istidlālın ṭarīḳine ve emrādın mu‘ālecātına ḳavl-i küllī ile delālet eyleriz. Ve bu umūrlardan ferāğdan sonra emrād-ı cüz’iyyeye teveccūh ve iḳbāl eyleriz. Ve ekşer-i ḥālde her maraḍ-ı cüz’īnin ta‘rīfine ve sebeblerine ve delīllerine ḳavl-i küllī ile ḥükm edip delālet eylerim ve onlardan aḥḳām-ı cüz’iyyelere vāşıl olurum ve sonra mu‘ālecātın küllī olan ḳānūnlarını bildiririm ve sonra müfrede veyāḥūd mürekkebe olan edviye ile cüz’iyye olan mu‘ālecelere tenezzül eylerim. Ve bu minvāl üzere yirmi iki fennin mesāfelerini ḳaç edip yirmi ikinci fennin nihāyetine vardıkta kitāb-ı şālīş ḥazīnesi kapısını ḥatm ve temhīr eylerim.

Tercüme-i Kânûn'a bezl-i mesâ'î eden 'abd-i dâ'î der ki muşannif rahmetullâhi tâ'âlâ'aleyhi hadretlerinin her'udvun emrâdlarını beyânda vâkıf olan kavlı-i küllîlerini cem' an fehm ve idrâk muhaşşıluna bâ'is-i îyâ vü tâ'ab olup onun mî'âlecesinde sühûlet-i fehme mü'eddî olan mebâdî-i metrûkele-ri izhâr ve edillelerinin mutadammine olduđu keşret ve vefret hazf ve ıdmâr olunup le'âlî-i menşûreleri tanzîm ve me'âkîd-ı maş'ûbeleri hall ve terhîm olunarak tercümeğe ihtiyâc olmakla bundan böyle şecere-i kânûnun nađîc olan mîve-i me'âlî çide ve müntef' un bih olmayan nâ-puhteleri ma'rûd ve bürîde kılınmak istihsân olundu.

Kânûn'un kitâb-ı sâlişi fûnûnundan fenn-i evvel re's ve dimâğ marađlarının ahkâm-ı külliye ahvâlinde kelâm-ı mücmel ve kavlı-i küllî olup beş makâle üzere tertîb olundu.

[FENN-İ EVVEL]

Mağâle-i Ūlâ Re's ve Dimâğ Marađlarının Ahkâm-ı Külliyyeleri Beyânındadır

Faşl-ı Evvel Başın ve Baştâ Olan Eczâların Menfa'atleri Beyânındadır

Cem' an hayvânât iki cins olur: Bir cinsinin başı olur ve cins-i âherin başı olmaz. Baştan murâd olan, teşrîh-i re's'te yazıldığı üzere beyni ve beyni hâvîye olan kemikler ve ağşiye ve şiryân damarları ve verîd damarları olur. Hayyât ve 'akârib ve haşerât-ı sâirelerde âlât-ı hiss bedenlerinin bir tarafına terkîb olunmakla elsine-i nâsta o mağalle baş ıtlâk olunur, lâkin eţibbâ 'örfüne nazaran baş ıtlâk olunmaz. Ve o hayvânlarda her ne kadar havâss-ı hamse-i zâhire mevcûde ise yine eţibbâ o haşerâtın başı yoktur derler, zıkr olunan eczâlar bulunmadığı için.

Pes başı olan hayvânlarda baş kemiklerinin fâidesini ve başın sâir a'đâdan 'âlî olduğunun fâidesini beyân edip Câlînûs der ki başın vech-i mezkûr üzere hilkatinden gârađ dimâğı muhâfaza değildir ve kezâlik sem' ve şemm ve lems ve zevk kuvâlarını ve o kuvâların âletlerini ve kuvâların mevđî'lerini muhâfaza dahi değildir, zîrâ zıkr olunan dimâğ ve kuvâlar başı olma-

yan hayvânlarda dahi mevcûdedir, onlar dahi başı olan [224a] hayvânlar gibi işitirler ve zevk ve şemm ve lems kuvveleri ve kezâlik dimâğı olur ve o kuvvâlar bilâ-re's onlarda maḥfûz olur belki zikr olunan eczâlardan baş terkîb olunup ve sâir 'uḍvlerden 'âlî olduğundan ğaraḍ-ı aṣlî ve hikmet ve maşlahat başarın ebşârda ḥasenü'l-hâl üzere taşarruf etmesi olur, zîrâ başarın a'ḍâ-i sâireye kıyâsı câsûsun 'askere kıyâsı üzere olur. Düşmanı maḥall-i ba'ıdden görmek ğaraḍı için câsûsun maḥalli 'âlî olduğu gibi, başar dahi cem'ran a'ḍâyı ve a'ḍânın cihâtını görsün için başarın maḥalli olan baş dahi 'âlî maḥallde kılındı.

Ve başı olan hayvânın gözleri teşrîḥ-i 'aynda yazıldığı üzere laṭîf ruṭûbetlerden terkîb olunup o hayvânlar ḳuddâmı cihetini gördükleri gibi sağ ve solda olan cihetleri dahi görüp ebşârları kâmil ve nazarları tâmm olsun için taklîb-i ḥadeḳa âletleri olan 'aḍâlâta ve sinir parçaları 'ayna gelmeğe muḥtâc olmakla bi'l-cümle bu eczâ-i laṭîfeleri ḥâvî olsun için o hayvânların başları kemikten terkîb olunup ve kemikten 'ayna hücreler mişâlinde geniş hırz-ı ḥaşîn ve ḥışn-ı metîn ḥalk olundu. Ve 'ayna teb'an her ne kadar eşedd-i ihtiyâc yok ise dahi sâir ḥavâssa dahi baştan birer maḥall ta'yîn olundu.

Ammâ başı olmayan hayvânın 'aynı ruṭûbet-i laṭîfeden mürekkeb değildir, deĝme ḥâl ile âfeti kabûl eylemez ve taklîb-i ḥadeḳaya dahi muḥtâc değildir, zîrâ onlara cihet-i ḳuddâmı görmek kifâyet eder, yemîn ve yesâra iltifât etmek onların ḥâllerine ve mâ-ḥuliḳa lehlerine münâsib olmaz. Ona binâen o hayvânların bedenlerinin ṫarafey-i yemîn ü yesârından birer zâide iḥrâc olunup gözleri o zâidelerin çukuru içinde ḥıfz olundu.¹ [Aḥvâl-i] 'aynı zikr ve beyân eylediğimiz maḥallde ve bu bâbda olan kelâmı istikṣâ eyleriz.

Ve başın zâtî olan eczâlarını ve o eczâ-i zâtiyyeye münâsib olan eczâ-i 'araḍiyyeleri ta'nî tüy ve deri ve laḥm gibi eczâları ve ĝışâ-i muḥtefi ve beyni ḥâvî olan ĝışâ-i ĝalîzi ve ĝışâ-i rakîḳ-i meşîmîyi beyân eyleriz. Cevher-i dimâğı ya'nî beyniyi ve beyninin buṫununu ve beynide olan eczâları ve aḥvâlleri beyân eyleriz. Ve beyninin taḫtında olan iki ĝışâları ve onların dahi taḫtında olan cirm-i şebîkeyi ve ḳâ'ide-i dimâğ olan kemiği dahi beyân eyleriz inşâallâhu ta'âlâ.

1 Başı olmayan hayvânların ekşeri müzî olmakla o hayvânların maḍarratları şâmil olmasın için sağ ve sol cāniblerine nazardan men' olundular.

Faşl-ı S̄anī Dimāğın Teşrīhi Beyānındadır

Ammā insān dimāğının teşrīhi beyānı budur ki insān dimāğının terkībi üç türlü şeylerden ve eczālardan olur:

Evvelkisi cevher-i hicābīdir.

İkincisi muḥḥ dedikleri beyninin cevheridir.

Üçüncüsü buṭında olan tecvīfler yaʿnī boş yerlerdir ki ervāhla dolu olur.

Ammā sınırlar dimāğın eczā-i aṣliyyesinden değildir belki dimāğın fūrūʿundandır, dimāğdan bitip eṭrāfa tevzīʿ olunur.

Ve dimāğ tūlen iki bölük olur ve ikiye bölünmesi muḥḥuna ve hicābına ve tecvīfine nāfiẓ olur.² Ve bu inḳisāmda menfaʿat-i maʿlūme vardır yaʿnī iki kısmın birine āfet erişirse kısm-ı āḫere āfet sirāyet eylemez, taḳsīm ḫasebiyle her bir kısm āḫer kısımdan munfaṣıl gibi olduğu için. Lākin dimāğın üç baṭnından baṭn-ı evvelde zıkr olunan vech üzere bu inḳisām ḫisse ziyāde zāhir olur.

Ve dimāğın cevherinin yaʿnī beyni dedikleri cevherin ṭabīʿatı bārid ve raṭbdır, yaʿni soğuk ve yaş ḫalk olunmuştur. Soğuk ḫalk olduğu onun içindir ki dimāğa sūḫūnet keṣīren müteveccih olur ve dimāğ bārid olmasa sūḫūneti kabūlü serīʿ olup ruṭūbet-i dimāğ serīʿan maḫv olur. Ve dimāğa sūḫūnetin teveccühüne sebep bunlardır ki dimāğ sınırların menşeʿidir ve sınırlara ḫarekātleri ḫasebiyle ʿarīḍ olan sūḫūnet dimāğa ulaşır. Kezālik dimāğ ḫavāssın kuvālarının maʿdenidir, infiʿālāt ḫasebiyle ḫavāssa ʿarīḍa olan sūḫūnet dimāğa vāṣıl olur. Ve kezālik dimāğ rūḫ-ı nefsanīnin maʿdenidir, fikriyye ve taḫayyüliyye ve zıkrıyye olan istiḫālāt ḫasebiyle ervāḫa ʿarīḍ olan sūḫūnet dimāğa vāṣıl olur.

Ve dimāğın ṭabīʿatı ve ḫilkati bürüdet üzere olduğunun vech-i s̄anīsi budur ki dimāğa ervāḫ şiryān şuʿbelerinden iki şuʿbe ile ḳalbden şuʿūd eder ve ḳalbin ervāḫının ḫarāreti şedīde olmakla dimāğın bürüdeti ile taʿdīl olup aʿḍāya ḫiss ve ḫareket kuvālarını iṣāle şālih olur.

Ve dimāğ raṭb ve yaş ḫalk olduğunun vechi ve menfaʿati budur ki sınırların ve s̄air ervāḫ miṣlli nesnelere ḫareketleri ḫasebiyle dimāğ kurumayıp ḫavāssın iḫsās eylediği eşyānın şüretleri sūḫūlet ile dimāğda naḳş olunur.

2 Yaʿnī muḥḥu ve hicābları ve tecvīfleri cemīʿan bi-ḫasebi't-tūl ikişer bölüktür, o taḳsīm ile ʿarḍında dahi cüzʿ bulunur.

Ve dimâg bârid ve raṭb halk olunduğu gibi kezâlik mülâyim ve dūsümetli ya'nî yağlı halk olundu. Ammâ yağlı halk olduğunun menfa'ati budur ki dimâg yağlı oldukta dimâgdan biten sinirler dahi yağlı olur. Ve yağlı olan nesnelere sakız gibi lüzüçet ya'nî yapışkanlık olup a'ḍāya ittîşâli ziyâde olur ve o ittîşâl ile a'ḍâyı taḥrîki ziyâde olur.

Ve ammâ dimâğın mülâyim olduğu, iḥsâs olunan maḥsûsât mütebeddîl oldukça hiss-i müşterekte şüretlerinin yazılıp ve bozulması kolay olsun içindir.

Bu vechler Cālînüs'un irâd eylediği vechlerdir. Ve şâhib-i *Ḳānûn* der ki:

Benim katımda sinirler ba'ḍı ğidâsını dimâgdan alır, pes dimâg mülâyim halk oldu ruṭûbeti yağlı olup şalâbetli sinirlerin tağaddîsi tadrîcle şâlih olsun için. Ve katı olan sinirlerin ğidâsı yağlı olup bir miqdâr sinirler mülâyim oldukta a'ḍâyı taḥrîki vech-i lâyıḳ üzere olur. Ve dimâgdan biten 'aşabların menbitine ya'nî bittiği maḥallere karîb olan yerleri ziyâde mülâyim olur, lâkin lüdûnetli olur ya'nî üzülmaz ve munkaṭı' olmaz, muḥkemdir. Pes o sinirler bittiği maḥallden uzadıkça uzaklığı ḥasebiyle katı olur ve a'ḍāya vardıkta katılığı ziyâde olup bu vech ile olan sinirlerin a'ḍâda taşarrufu aḥsen ve ekmele olur.

Ve kezâlik dimâğın rûhları ba'ḍı kerre serî'an ḥareket eyledikte o rûḥa cefâf ya'nî kuruluk 'arîḍ olur ve dimâğın ruṭûbetinden istimdâd ile yine ruṭûbeti tâzelenir.

Ve kezâlik dimâğ-ı raṭb müteḥalḥil ya'nî gevşek olup ve gevşek olan ḥafîf olmakla başa ağırlığı olmaz.

Ve dimâğın cevheri ya'nî beyni her ne kadar mülâyim ise lâkin dimâğın evveli ve muḳaddeminin yumuşaklığı ekşer ve mu'aḥḥarlarının mülâyemeti eḳall olur. Ve ikisinin arasına ḥicâb-ı şulb girip beynehümâyı fark eder. Ve muḳaddem-i dimâğın ziyâde mülâyim olduğu onun içindir ki ekşer-i ḥavâssın mutaşarrıfı ve ḥuşûşan sem' ve başarda taşarruf eden sinirler dimâğın muḳaddeminden biter. Ve muḳaddem-i dimâğın mülâyemeti ḥasebiyle ondan biten sinirler dahi mülâyim olup ḥavâss-ı laṭîfede taşarrufu vech-i lâyıḳ üzere olur. Ve mu'aḥḥar-ı dimâg muḳaddem-i dimâgdan onun için katı ve şalâbet üzere olur ki a'ḍâyı taḥrîk eden 'aşabların ba'ḍıları ve kezâlik nuḥâ' mu'aḥḥar-ı dimâgdan biter. Ve nuḥâ' dahi fîḳarât-ı zahr şuḳbeleri mecrâsı-

na mâlik olur. Ve her iki fıkrâ arasında şalâbetli ʿuḍvlerde mutaşarrıf olan birer çift sinirler biter ve lâ-maḥâle katı ve şalâbetli ʿuḍvlerde mutaşarrıf olan sinirler şalâbetli olmak lâyıḳ olur. Ve şalâbetli sinirlerin menbiti olan nuḥâc dahi şalâbetli olmak lâyıḳ olur. Ve şalâbetli olan nuḥâcın menbiti ve kezâlik aʿşâb hareketinin menbiti olan muʾaḥḥar-ı dimâğ dahi muḳaddem-i dimâğa kıyâsla katı ve şulb olmak lâyıḳ olur.

Ve mülâyim olan cevher-i dimâğla katı olan muʾaḥḥar-ı dimâğın arasına zıkrî mürûr eden ḥicâbın tavassut eylediğinin vechi budur ki o ḥicâb aralıḡa girmekle muḳaddem-i dimâğ muʾaḥḥar-ı dimâğdan mümtâz olur. Ve muʾaḥḥar-ı dimâğın şalâbeti ile mülâyim olan muḳaddem-i dimâğ mutaḍarrır olmaz. Ve muḳaddem-i dimâğa nüfûz eden şerâyîn ve evride damarları ve sâir her ne ki nüfûz ederse onlar dahi cidden mülâyim kılındı.

Ve muḳaddem-i dimâğın zıkr olunan ḥicâbla yaʿnî sargı ile dürülmesinin âḥer menfaʿatleri vardır. O menfaʿatler bunlardır: Baştan dimâğa evride [224b] damarları iner ve dimâğda o damarların şuʿbeleri müteferriḳ olur. Ve o şuʿbeler mülâyim ve raḳîḳ olup bi-nefsihâ bir maḥallde mekşer kâdir olmamakla dayanacak ve istinâd edecek bir müstenede muḥtâc olur ve dimâğ ḥicâbla dürülü oldukta onlara müstened olur.

Ve bu muḳaddem-i dimâğ dürümünün âḥirinde ense cânibine mâil bir fedâ ve boş maḥall vardır ki ona maʿşare derler, dimâğa şuʿûd eden kan o maḥalle dökülür ve o maḥallden ince yollara ve cedâvile dağılır ve ondan cevher-i dimâğa yayılır. Ve cevher-i dimâğdan o kanları cevher-i dimâğda olan damarlar neşf tarîḳiyle ağızları cânibinden aḥz edip cemîʿan o kanları iki damara dökerler ve o iki damarda cemʿ ederler. Ve biz o iki damarın teşrîhini inşâallâhu taʿâlâ karîben zıkr eyleriz.

Ve muḳaddem-i dimâğdan kelle kemiğinin derzleri muḥâzâtında biraz ribâtât biter yaʿnî ince iplik gibi bağlar biter. O ribâtât ile dimâğın şafîḳ dedikleri ḥicâbi ve örtüsü bağlanır. Ve muḳaddem-i dimâğdan iki zâide biter ki onlar memelerin iki ḥalemeleri gibi yaʿnî memelerin başında olan düğmeler gibi olur. Ve şemm kuvveleri o ḥalemelerde olur, râyiḥa onlara vardıkta iḥsâs eder. Ve o zâideler dimâğdan katı ve sinirlerden mülâyim olur.

Ve dimâğın muḳaddeminin cümlesini iki ḥicâb örter, onlara ḡışâ-i mücellil derler. O iki ḡışânın biri raḳîḳ yaʿnî incedir ve biri şafîḳtır yaʿnî sık ve

ğalîzdir. Raķîķ beyniyi mûmâss olur, şafîķ baş kemiđini mûmâss olur. Ve bu iki ğışâların menfa'atleri budur ki o ğışâlar dimâĝla kemikler arasında hâil olmakla dimâĝ kemiđin katılıđından mutađarrır olmaz ve o ğışâlar hâil olmasa dimâĝ iki hâlinde kemiklere mûmâss olup müte'ezzî ve mutađarrır olur:

O iki hâlin evvelkisi dimâĝın tezeyyüdü hâlidir, zîrâ her ayın nûru ziyâde oldukça dimâĝ ziyâde olur ve vaķt-i tezeyyüdde o ğışâlar dimâĝın kemiđine mûmâss olmasına mâni' olur. İkincisi dimâĝ hâl-i inbisâtında zîķr olunan ğışâlar olmasa kemiđe mûmâss olur, zîrâ dimâĝın iki hareketi vardır, birine hareke-i inķibâdiyye ve birine hareke-i inbisâtîyye derler. Hareke-i inbisâtîyye ile dimâĝ genişir. Lâ-mahâle o ğışâlar olmasa o hâlde kemiđe mûmâss olur. Bu zîķr olan mûmâsse devr-i dâim olan mûmâssedir. Ve ba'đı kerre 'arîđ hasebiyle dahi mûmâsse hâdiş olur. Meşelâ şayha-i şedîde ile şayha eden kimselerin dahi dimâĝı yukarı kalkıp baş kemiđine [deđer ve] mûmâss olur, o vaķtte dahi ğışâlar hâil olup şalâbet-i 'azîm ile mutađarrır olmaz. Onun için o ğışâlar katılık ve yumuşaklık arasında vasatü'l-hâl kılındı.

Ve o iki ğışânın dimâĝı mess edeni ince ve kemiđi mess edeni şafîķ ve ğalîz kılındı. Ve o iki ğışâdan her biri âher ile fi'l-cümle mûmtezic olup dimâĝa viķâye-i vâhîde gibi kılındı. Bu ğışâlar dimâĝa viķâye olduđu gibi kezâlik dimâĝa nüfûz eden nabđ damarlarına ve kan damarlarına ribâķ gibidir, o damarları bađlar, mekânından çıķmađa koymaz, ana karnında cenîni rabķ edip bađlayan meşîme gibidir, dimâĝ içinde olan 'urûķların biri birleriyle iştibâkini ve örgüsünü ve damarların evdâ'ını o ğışâlar hıfz eder ve kezâlik derzlerden mevâđi'ci keşîrede dimâĝın buķtünuna nüfûz edenleri dahi bađlar. Ve bu ğışâların bu vech üzere viķâye olması dimâĝın muķad-demine maħşûş olur ve mu'aħħar-ı dimâĝ³ katında o ğışâlar munkatı'c olurlar, zîrâ mu'aħħar-ı dimâĝ muħkem ve şalâbetli olmakla viķâyeden müstaĝnî olur.

Ve ğalîz olan ğışâ dimâĝa muttaşıl deđildir, beynehümâda ğışâ-i raķîķ hâil olmak hasebiyle. Ve kezâlik ğışâ-i ğalîz ğışâ-i raķîķa muttaşıl olup her tarafından biri birlerine tehendüm edip ya'ni bađlanıp şey'i vâhid olmak üzere ittihâdları yoktur. Belki o iki ğışâlar bi-hasebi'l-hiss başķa ve müstaķ ill ğışâlardır.

3 Burada "mu'aħħar-ı dimâĝ" ile murâd baķn-ı evsaķ ile baķn-ı mu'aħħardır.

Ve zikri mürûr eden ʿurûk evvelâ ğışâ-i ğalîze nüfûz edip baʿdehu ğışâ-i rakîka nüfûz eder ve beynehümâda o ʿurûk vâsıl olur. Ve ğışâ-i ğalîza revâbiṭ yaʿnî bağlar ile baş kemiğine teşmîr olunup bağlanmıştır. Ve o ribâṭlar ğışâ-i ğalîzden bitip kelle kemiğinde olan derzlere bağlanır, dimâğa o ğışâ-i ğalîz yük olmasın için. Ve bu ribâṭlar dürûza vardıkta şüʿundan hürûc eder yaʿnî derzler arasına nüfûz edip kelle kemiğinin taşrasına çıkar ve hâric-i kîhfta o ribâṭlardan bir ğışâ örülüp kîhfin hâricine ğışâ-i mücellil olur. Ve bu ğışâ-i mücellil ile dimâğın ğışâ-i ğalîzinin kîhfa ittîşâli metîn ve müstaḥkem olur.

Ve dimâğın ṭülünde üç baṭn vardır ve o üç baṭndan her birisi bi-ḥasebi'l-ʿaraḍ iki kısma münkasımdır yaʿnî ṭülüne yarılmakla ʿarḍında iki cüzʿ olur, biri sağında ve biri solunda olur. Ve baṭn-ı evvelin bi-ḥasebi'l-ʿaraḍ iki kısma münkasım olduğu bi-ḥasebi'l-ḥiss zâhirdir. Ve bu cüzʿ yaʿnî baṭn-ı evvel istinşâka yaʿnî havâyı cezbe muʿindir ve kezâlik aksırık ile faḍla olan ebḥureleri defʿe ve nefde dahi muʿindir ve rûḥ-ı ḥassâsı aʿḍâya tevzîc ve takşîme ve bâṭında olan idrâk kuvâlarından muşavvere olan kuvâların⁴ efʿâline bi'l-cümle muʿindir.

Ve ammâ baṭn-ı muʿaḥḥar yaʿnî dimâğın ṭülen olan üç baṭnından üçüncü baṭn dahi baṭn-ı ʿazîmdir, zîrâ o baṭn maḥall-i ʿazîmi ve tecvîf-i kebîri doldurur. Felâ-maḥâle geniş ve vâsiʿ tecvîfi dolduran kebîr ve ʿazîm olur. Ve kezâlik ḥalîfe-i dimâğ olan nuḥâʿ yaʿnî nâs beyinde murdâr ilik diye müteʿâref olan ekşer-i aʿşâbın menbiti ve rûḥ-ı ḥassâsın ekşerinin makşemi muʿaḥḥar-ı dimâğdan biter ve lâ-maḥâle büyük nesnenin maḥalli dahi büyük olmak iktidâ eder ve kuvve-i ḥâfızanın efʿâli o maḥalde olur. Ve maʿa-hâzâ yine baṭn-ı muḳaddemden küçük olur ve belki baṭn-ı muḳaddemin ʿarḍan olan iki kısmının her birinden baṭn-ı muʿaḥḥarın mecmûʿu küçük olur. Ve maʿa-hâzâ baṭn-ı muʿaḥḥarın cüzʿ-i şânîsi cüzʿ-i evvelinden ve şâlisî şânîsinden ve hâkezâ ilâ en-yentehiye tedricle teşâğur eder. Ve bu mişlli tedricle eczâlarının evvellerinden âḥirleri keşîf olur, hattâ nuḥâʿın menbiti olan baṭn-ı şâlisten cüzʿ-i muʿaḥḥar baṭn-ı şâlisin cüzʿ-i muḳaddeminden ziyâde şağîr ve ziyâde keşîf ve şulb olur.

4 “Bu makâmda “muşavvere olan kuvâ”dan murâd hiss-i müşterektir ki onda maḥsûsâtın şüretleri nakş olunur.

Ammā dimāğın üç baṭnının ikinci baṭnı baṭn-ı evvel ile baṭn-ı s̄anī arasında dehlîz mişâlinde bir mecrâ gibi olur ve onun için baṭn-ı s̄anī dahi ‘azîm ve ṭavîl olur, zîrâ ikinci baṭn bir ‘azîmden âher ‘azîme vesîle ve ṭarîk olur ve baṭn-ı muḳaddemin rūḥu baṭn-ı mu‘aḥḥara o yoldan vâsıl olur ve eşbâḥ-ı tezekkür dahi o yoldan ulaşır. Ve lâ-maḥâle iki ‘azîm arasında vesîle olan dahi ‘azîm olur. Ve o baṭn-ı evsaṭın mebd’i ve evâili bāṭını küri olan bir saḳf ile müsakḳaf olup ezece gibi olur, onun için o saḳfa ezece⁵ tesmiye olunur. O saḳf ḥasebiyle baṭn-ı evsaṭ menfeze olur. Ve o saḳfın küreviyeti ve tedviri ḥasebiyle o baṭn âfâttan ba‘id olur ve muḳaddem-i dimāğî derc ve cem‘ eden ḥicâbın o saḳfa i‘timâdı katında ḥicâbı ḥaml ve yüklenmeğe kavî olur.

Ve dimāğın iki evvelki baṭnları ezece katında o vech ile cem‘ olur ki o iki baṭn ma‘an baṭn-ı mu‘aḥḥar ile o menfezden biri birlerine nazar ederler, onun için o mevdi‘e mecma‘u’l-baṭneyn derler. Ve o menfeze kendi bir baṭn iken baṭn-ı muḳaddemde olan taşavvurun baṭn-ı mu‘aḥḥarda olan ḥıfze kuvvesine te‘addîye menfeze ve ṭarîk olmakla taḥayyül ve tefekkür kuvvesine mevdi‘ olmağa ziyâde lâyıḳ oldu. Ve zîkr olunduğu üzere buṭün-ı selâse vech-i meşrûḥ üzere ḥavâss-ı bāṭninin maḥalleri olduğuna o maḥalle âfet eriştikte ḥâssesinin [225a] fi‘li bāṭıl olmakla veyâḥûd o fi‘le ḥalel gelmekle istidlâl olunur. Ve ḡışâ-i raḳîk buṭün-ı selâseyi cem‘ān örtmez belki baṭn-ı evsaṭın saḳfına gelince ḳadar baṭn-ı muḳaddemi örter, saḳfın fūrcesinde munḳaṭı‘ olur ve mâ‘adâ buṭünde şalâbet olmakla örtiye muḥtâc olmaz.

Ve ammā dimāğın üç boğum ya‘nî üç baṭn olup ve her boğumda zerdler olması rūḥ-ı nefsanî cevher-i dimāğa nüfûze eylesin içindir, zîrâ ba‘dı kerre ervâḥ keşîre olur ve dimāğ dahi müntefiḥa olmaz, o mişlî vâkette ervâḥ-ı keşîreye yer kalmaz, lâkin boğum ve zerd maḥallerinden dimāğın içine ervâḥ nüfûze etmekle dimāğa sereyân edip ḥayyiz ve mekân bulur. O boğumlar, zerdler olmasa dimāğın inḳıbâdı vâktinde dimāğa ervâḥ nüfûze edemez ve buṭündan boş maḥallerin dahi vü‘ati olmaz, ervâḥ bilâ-mekân maḥv olup boğulur.

5 Kütüb-i lügatte “ezece” bir nev‘ binâdır diye yazarlar. Ve ḥilye-i şerîfte “ezece” l-ḥâcibeyn” tefsîrinde muḳavves ve keşîri ‘ş-şar’ diye zîkr ederler. Pes binâda “ezece” tekne tavan ki mücessem küpler ola.

Ve dimâğın teẓrîd üzere üç baṭnı olduğunun bir vechi dahi budur ki ervâh dimâğa ḳalbden şu'ûd eyledikte o ervâhın mizâc-ı ḳalbîsi dimâğda istihâle-ye muhtâc olur, zîrâ o istihâle ḥasebiyle rûh-ı ḳalbî rûh-ı nefsanî olur. Ve o istihâle, rûh-ı ḳalbî dimâğda münṭabih olup dimâğın mizâcını aḥz etmekle olur. Pes rûh-ı ḳalbî dimâğa evvel vuşûlünde cevḑ-i evvele gelip onda munṭabih olur ve sonra o rûh ikinci baṭna nüfûz edip onda ziyâde munṭabih olur ve ondan dahi üçüncü baṭna nüfûz edip onda inṭibâhı ve kaynaması tamâm olur. Velâkin bu inṭibâhların kemâli ervâh dimâğın eczâsı ile muḥâlîṭ olduğu ḥâlde ṭabḥ olmakla olur, zîrâ ṭabîḥa matbûḥ muḥâlîṭ olmaksızın vâқиc olan ṭabḥta kemâl bulunmaz. Onun için kebidde ğidâ ṭabḥ olundukta kebidde o ğidâ sereyân eder, ḥattâ kebidî ğidâ müsteḑ'ib olup ihâṭa eder, ṭabḥ kemâl üzere olsun için. İnşâallâhu ta'âlâ kebidin teşrîhinde tafṣîli gelir.

Ve dimâğın her baṭnında zerdler vardır. Meşelâ bir 'udvun ip ile boğsalar o ipin yeri 'udvun sâir maḥallinden münḥafîd ve aṣağlı olur ve iki ipin arası mürtefi^c olur. Ve o boğumlara zerdler derler. Ve dimâğın her baṭnında zerd gibi müte'addid maḥaller olur. Ve baṭn-ı evvelin zerdlerinin efrâdı baṭn-ı mu'aḥḥarın zerdleri efrâdından keşîr olur.

Ve bu iki baṭnın altında bir mevḑi^c vardır ki dimâğa şu'ûd eden iki büyük damarlar o mevḑi^cde tevzî^c olunur ve şu'ab-ı keşîreye münḳasım olur. Ve o şu'abelerden meşîme gibi bir cirm örülür ki cirm-i şebekî demekle ma'rûf olur ve maḥalli dimâğın taḥtında olur. Ve o şebîke aralarında olan fûrceler laḥm-ı ğudedî ile dolu olur, zîrâ damarlar her ne vaḳt şebîke gibi nesc olup aralarında boş yerler ve fûrceler olsa elbette o fûrceler laḥm-ı ğudedî ile dolar ve o şu'abeleri dolduran laḥm-ı ğudedî o şu'abeler şekli ile müteşekkil olur ve o şu'abelerin tevezzu'u ve intisâcî gibi münessice olur.

Ve o damarların şu'abelerinin intisâcî bu vech ile olur ki darlıktan in-bisâṭa başlayıp şu'bede intisâcdan fâriğ olur. Ve fûrceleri dolduran laḥm-ı ğudedînin şekli şanevberî olur, başı 'urûḳun tevezzu'u mebd'eⁿinin üzerinden olup ğâyetine müteveccih olur ve ğâyetine vardıkta laḥm-ı ğudedî dahi meşîme intisâcî gibi müntesic olup ḳarâr eder.

Ve dimâğın baṭn-ı evsâṭta olan cüz'ün fevḳ cânibinden olan eczâları düd şeklinde olur ya'ni mevḑi^cinin⁶ zerdleriyle ṭülen müzerred olup nâs beynin-

6 “Mevḑi^c”inden murâd kemikte olan zerdlerdir, içinde olan dimâğ dahi zerdli olur.

de solucan dedikleri kurt gibi olur. Ve o zerdlerin ba'cdısı ba'cdısına merbût ya'ni bađlı olur. Ve solucan tekāşüf ve teħalħul ile hareket eylediđi gibi o eczā-i fevķāniler tekāşüf ve teħalħul ile ya'ni açılıp ve yumulmasıyla hareket eyler. Ve bađn-ı evsatta olan dimāđ fevķinde mevcüd eczā-i düdiyye altında olanları bir ğışā setr eder ki o ğışā bađn-ı muķaddemden nābit ve bađn-ı evsattın tülünü muħit ve iki faħiz gibi mütemādī olup o faħizlerin evāili biri birlerine müteķārib ve tedricle tebā'ud ederek bađn-ı mu'ahħarın evāiline vāşil olan iki zāidenin üzerine döşenir. Ve o iki zāideler mevđi'î lāyıkından hareket eylemesin için veterāt tesmiye olunan bađlar ile biri birine bađlanır. Ve kaçan düdlar münbasıt olup uzar ise düdların 'arđı dar olur ve zāideleri tađyık edip biri birlerine taķrīb eder ve bađn-ı evsattın mecrāsını sedd eder. Ve kaçan düdlar tülen tekāşüf eyleseler 'arđı genişir ve o zāideler biri birlerinden uzaklaşır ve mecrānın süddesi açılır ve o zāidelerin mu'ahħar-ı dimāđı vely eden cānibleri ziyāde daķık olur ve bulunduğu kadar tahdibe māil olur ve o zāidelerin mu'ahħar-ı dimāđla mültekāları sargı ile sarılır, ke-enne bir 'udv 'udv-ı āħere duħül etmiş gibi olur.⁷ Ve o zāidelerin muķaddemi mu'ahħarından dimāđın taħammülü miķdārı vüs'atli olur. Ve zıkr olunan zāidelere 'inebeteyn tesmiye olunur.

Tab' ile olan nüşhalarda 'inebeteyn tesmiye olunur diye zıkr olunmuştur. Zāhir budur ki nüşha-i ulā esahhtır, zīrā faħiz gibi olan nesne 'inebe tesmiye olunmaz belki 'inebe tesmiye olunan tarafında olan halemeler olur.

Ve o iki zāideler melsā ve müstevilerdir, onlarda düdlar gibi zerd olmaz. Ve müstevī olmaları ile zamān-ı inbisāтта olan mecrānın insidādı ziyāde olur. Ve iki zāidelerin üzerinde olan dimāđdan eczā-i düdiyyenin inbisātı ile zāideler ziyāde müteķārib olurlar ve inķibādlarıyla mütebā'id olurlar, zīrā müstevī olan iki 'udvun biri birlerine ittışāli ve temāsı ziyāde olur ve sebep-i vāhid ile harekete muťāva'atı ziyāde olur.

Ve dimāđın fuđülünü nefđ ve def' eylemeđe iki mecrā vardır: Evvelki mecrā bađn-ı muķaddemde olur ve bađn-ı muķaddemin bađn-ı evsatta mülākī olduğu maħall katında olur. Ve fuđülün ikinci mecrāsı bađn-ı evsatta olur. Ve yalnız bađn-ı mu'ahħar için mecrā yoktur, zīrā bađn-ı mu'ahħar tarafta olup bađn-ı muķaddeme kıyāsla şađır olmakla bađn-ı mu'ahħar saķb olunup

7 Ya'ni mefāşılda olan tuffāħa hoķķa girmiş gibi olur.

onda başka mecrâ ittihâz olunmağa tahammülü olmaz belki baṭn-ı evsaṭın mecrâsından baṭn-ı muʾahḥarın fuḍülü icrâ ve isâle olunup o mecrâ baṭn-ı evsaṭ ile baṭn-ı muʾahḥar arasında müşterek olur huşuṣan ki baṭn-ı muʾahḥarın ğâyetinden nâbit olan nuḥâḍdan fuḍülün bir miḳdârı mündefiḥ olur, bâkî kalan şey ʿkalîl olmakla başka mecrâyâ ḥâcet kalmaz.

Ve dimâğın muḳaddeminde ve evsaṭında olan mecrâlardan her biri kendi baṭnlarından ibtidâ edip dimâğın nefesine verip üzere nüfûz edip o iki mecrâlar bir ʿamîḳ ve derin menfez katında mülâkî olurlar. O menfez-i ʿamîḳin mebdeʿi hicâb-ı raḳîḳ ve âhîri ve esfeli hicâb-ı şulb katında olur. O maḥallde menfez-i ḍayyîḳ olur, zîrâ o menfez ḳamḥ mişâlinedir yaʿnî bir nesnenin kulpu mişâlinde olur, istidâre üzere siʿadan bedʿ eder, tadrîcle taḍayyûḳ eder, onun için o menfeze ḳamḥ tesmiye ederler ve müstenḳaḥ dahi tesmiye ederler.

Ve kaçan o mecrâ-ı ʿamîḳ ğîṣâ-i şulbe nüfûz eyledikte küre mişâlinde olup o kürenin aʿlâsı ve esfeli mestûre olan ğudde içinde bir mecrâyâ mülâkî olur ki o mecrâ ğîṣâ-i şulb ile ḥanek-i aʿlânın mecrâsı arasında olur ve o mecrâdan fuḍül-i mündefiḥa ʿazm-ı müşâşîden yaʿnî mişfât dedikleri süzğü kemiğinden nüfûz edip munḥurân ṯarîḳinden yaʿnî burun deliklerinden ḥârice ve taṣraya çıkar.

Faṣl-ı Şâliṣ Aʿrâḍı Olan Baṣ Maraḍları Beyânındadır

Biz bu maḳâmda başta olan tüyler mişlî nesnelere [225b] emrâḍına taʿarruḍ eylemeziz, onun için biz deriz ki reʿs ancak dimâğ ve dimâğın hicâblarıdır ve fiʿl-ḥaḳîḳa başta olan tüy ve deri mişlîlerin emrâḍı dahi baṣ maraḍlarından. Ve biz deriz ki başa sūʿ-i mizâcın sekiz nevʿinin mâddîsi ve ğayr-i mâddîsi min ḥayṣüʿl-mecmûḥ on altı sūʿ-i mizâc aḳsâmı ʿarîḍ olur:

Ve mâddî olanların mâddesi buḫâr olur veyâḥûd zât-ı ḳıvâm olan aḫlât-ı sāire olur. Ve başta ruṯubet maraḍlarının vukūḥu keşîr olur, zîrâ dimâğ evvel-i ḫîlḳatte keşîrîʿ-ruṯubet olur ve faḍla olan ruṯubetleri raḫimde veyâḥûd raḫimden ḫurûcundan sonra tenḳiye olunmasına o dimâğın ḫaṯarı ziyâde olur. Ve o sūʿ-i mizâc envâcının küllîsi dimâğın kendiye veyâḥûd dimâğda olan damarlara veyâḥûd dimâğın hicâblarına ʿarîḍ olur.

Ve dimāğa emrâd-ı terkîb dahi ʿarîd olur. Meşelâ miqdârı kâdr-i lâyıktan küçük olur veyâhüd büyük olur veyâhüd şekl-i tabîî üzere olmaz, bu sebeplerden efʿali lâyıkı üzere olmaz veyâhüd emrâd-ı terkîb dimāğın mecrâlarında ve viʿâlarında südde olmakla olur. Ve dimāğda olan süddeler baṭn-ı muḳaddemde veyâhüd baṭn-ı muʿahḫarda olur veyâhüd iki baṭnda maʿan südde olur. Ve o süddelerin her biri kâmile veyâhüd nâkışa olur veyâhüd südde kan damarlarında veyâhüd nabḍ damarlarında veyâhüd ʿaşab bittiği maḫallerde olur.

Ve başa emrâd-ı vaḍʿ dahi ʿarîd olur ve o emrâd-ı vaḍʿın ʿarîda olması hicâbda olan ribâṭların inḫilâʿı yaʿnî kopmasıyla olur ve iki cüzʿlerin iftirâkı ile olur.

Ve başa emrâd-ı ittişâl dahi ʿarîd olur, dimāğın kendide veyâhüd şerâyîn ve evridesinde veyâhüd hicâbında veyâhüd kelle kemiğinde inḫilâl-i ferd ve teferruḫ-ı ittişâl olmakla olur.

Ve başa verem dahi ʿarîd olur. O verem dimāğın kendide veyâhüd ğışâ-i rakîkte veyâhüd ğışâ-i ğalîzde veyâhüd cirm-i şebîkede veyâhüd hâric-i kıḫfta olan ğışâda olur.

Ve zîkr olunan şişlerin ve veremlerin küllîsi aḫlâṭ-ı hârreden veyâhüd aḫlâṭ-ı bârîdeden olur. Ve aḫlâṭ-ı bârîdeden olan veremler dahi iki kısım olur. ʿUfûnete muḫârin olan aḫlâṭ-ı bârîdeden olur ise o veremler evrâm-ı hârreden maʿdûd olur. Meşelâ ʿufûnetli balğamdan ʿarîd olan şişlere evrâm-ı hârre derler, zîrâ balğamın ṭabʿı her ne kadar bârid ise lâkin ʿufûnet ḫasebiyle ḫarâreti olur, o cihetten mâddesi ʿufûnetli balğam olan şişlere evrâm-ı hârre ıtlâḫ olunur, evrâm-ı bâride demek lâyıḫ olmaz. Ammâ o verem ki onun mâddesi balğam veyâhüd sevdâ olup onda ʿufûnet olmaya, o veremler evrâm-ı bâride ismine maḫall ve müsteḫaḫ olur. Ve bu bâride mâddelerden ʿufûnete muḫârin olmayıp sükûnet üzere olanlardan dahi evrâm ḫâdiş olur. Ve zann olunur ki sen tetebbuʿ ve tefahḫuş eylesen emrâd-ı dimāğdan zîkr olunan kısımlardan hâric bir kısım bulamazsın ve her ne ki bulursun o bulduğun bu maraḍların birine râciʿ olur veyâhüd onun aʿrâḍından olur.

Ve dimāğa emrâd baʿḍı kerre maḫşûşan ve aşâleten ʿarîd olur ve baʿḍı kerre dahi müşâreket ḫasebiyle ʿarîd olur. Ve ekşer-i ḫâlde emrâd müşâ-

reket-i da'îf olur ise lâkin ba'đı kerre emrâđ-ı müşâreketin şâni 'azîm olup marađ-ı aşlî gibi olur, hattâ kıttâl dahi olur. Ve çok kerre zâtü'l-cenb marađlarından ve hunâk marađlarından kıttâl ve hânık olan mevâdd dimâğa mündefi' olup marađ-ı şirkî ile helâk olur. Ve ba'đı kerre dimâğın müşârik olduğu 'uđvun ezâsı hasebiyle dimâğ dahi müte'ezzî olup sekte 'arıđ olur, el-'ıyâzu billâhi min aşıyyihi ve şirkiyyihi.

Faşl-ı Râbî O Delillerin Beyânındadır ki Ondan Dimâğın Ahvâli Bilinir

Ahvâl-i dimâğı ma'rifetine vesîle ve mebâdî olan dimâğın ef'âl-i hissiyeleri olur veyâhüd ef'âl-i siyâsiyyeleri olur ya'nî dimâğ onu bi't-tab' işler, irâdeye hâcet olmaz. O siyâsiyye olan fi'ller bunlardır: tezekkür ve tefekkür ve taşavvur ve vehm ve hads fi'lleridir. Ve ef'âl-i irâdiyye olan, a'sâb vâsıtasıyla tahrik-i a'đâda olan ef'âl-i dimâğ olur.

Ve dimâğdan istifrâğ olunan fuđülün kıvâmı ve levni ve ta'mı ile dahi dimâğın ahvâli bilinir. Ta'mdan murâd fuđülün harâfeti ve mülûhatı ve merâreti ve tefehi olmasıdır. Ve kezâlik dimâğdan istifrâğ olunan fuđülün kemmiyyetinden dahi dimâğın hâli bilinir ya'nî kıllet ve keşretinden ve fuđülün külliyyen ihtibâsından dahi bilinir. Ve ehviyenin ve e'timenin dimâğa muvâfaqatından ve 'adem-i muvâfaqatından ve idrârından dahi bilinir. Ve başın büyük ve küçük olmasından ve bâbu'l-'izâmde yazılan eşkâl-i re'sin cevdet ve redâ'etinden dahi bilinir. Ve başın hiffet ve şıkletinden dahi bilinir. Ve başın melmesinden ve levninden ve baş damarlarının levninden ve baş derisine 'arıda olan kırhalardan ve şişlerden ve gözün levninden ve göz damarlarından ve gözün selâmetinden ve marađından ve melmesinden bilinir huşuşan nevmi hâlimden ve yaqazası hâlimden ve tüylerin kemmiyyeti hâlimden ya'nî kıllet ve keşretinden ve gılzat ve rikkatından ve tüylerin keyfiyyetinden ya'nî cu'üdet ve sübûtatından ve levni hâlimden ya'nî sevâdından ve şühûbetinden ve ağarmağı kabûlünün sür'atından ve bu'tundan ve şihhat-i hâl üzere sebâtından ve zevâlimden ya'nî teşak্কukundan ve intişârından ve temerru'tundan ve tüylerin sair ahvâlimden bilinir. Ve raqabenin ya'nî boynun hâlimden, boynu yoğun veyâhüd ince olmaktan ve boynun selâmetinden ve evrâm ve hanâzirin raqabede keşret-i vukû'undan ve kıll-

let-i vuḳû'undan dahi dimāğın ḥāli bilinir. Ve kezālik lehātından ve levzeyteynin ve dişlerin ḥālinden dahi bilinir. Ve dimāğa müşāreketi olan a'ḍā-i 'aşabāniyyelerin kuvāları ef'ālinden dahi dimāğın ḥāli bilinir. Ve dimāğa müşārik olan a'ḍā-i 'aşabāniyye raḥim ve mi'de ve meṣāne mişllilerdir.

Ve dimāğın ḥāline müşāreket ḥasebiyle olan maraḍından istidlāl iki vech üzere olur:

Evvelkisi dimāğa 'arıḍ olan maraḍ-ı şirkī 'uḍv-ı müşārikte olan maraḍa kıyās olunur, 'uḍv-ı müşārikte olan maraḍ dimāğda olan 'araḍa ne ṭarīk ile iḥdās eder ise dimāğın ḥāli o şey⁷ olur. Meşelā 'uḍv-ı müşārikte olan maraḍ ile dimāğa istirḥā ḥādiş olsa dimāğın ruṭūbetine istidlāl olunur ve mā-'adā dahi bu kıyās üzere olur.

İkincisi dimāğa müşāreket ḥasebiyle elem veren 'uḍv hangi 'uḍv ise o 'uḍv-ı maḥşūştan ve o 'uḍvda olan elem-i maḥşūştan ve o elemi dimāğa te'eddîsi ve vuşūlü ne vech üzere olduğundan dimāğın ḥāli ve keyfiyyeti bilinir.

Ve zıkr olan edillenin kimisi ile dimāğda ḥālā mevcūd olan aḥvāle ve a'rāda istidlāl olunur ve kimisi ile dimāğa gelecek zamānda 'arıḍ olan a'rāda istidlāl olunur. Ṭūl-i müddet ḥüzn ve vaḥşetin vücūdundan gelecek zamānda ḳarīben mālīḥūlyā 'urūḍuna veyāḥūd geçmiş zamānda ḳarīben ḳuṭrub maraḍının ḥādiş ve vāḳi' olduğuna istidlāl olunur ve bilā-vech ḡaḍabdan şar'a ve ḥārr olan mālīḥūlyāya ve manyaya istidlāl olunur ve bilā-sebeb ḡülmekten ḥumḳa veyāḥūd ru'ūnete⁸ istidlāl olunur.

Faşl Teşrī

Faşl-ı Ḥāmis Dimāğın Ḥāline ve Dimāğın Ef'ālî İle Küllî İstidlāl Ne Keyfiyyette Olduğunu Bildirir

Pes dimāğın cins-i ef'ālinden meḥūz olan istidlāl budur ki ef'āl-i dimāğ kaçan selīme olsa dimāğın delīl-i selāmetine mu'tin olur, ammā ef'āl-i dimāğ mü'effet olsa dimāğda āfet olduğuna delālet eder. Ve āfet-i ef'āl üç vechin

8 *Ḳānūn*'un kelāmından münfehim olan budur ki ru'ūnet ile ḥumḳ biri birine muḡā-yirdir, lākin Nefīsī *Şerḥ-i Mūceẓ*'de der ki ru'ūnet ile ḥumḳ lügaten ve iştīlāḥen elfāz-ı müterādifedir, fikrin noḳşanı ma'nāsındadır.

biri ile olduğunu biz idâh eyledik, evvelkisi dâf, ikincisi tağayyür ve teşevvüş, üçüncüsü buṭlân olduğunu bildirdik.

Ve ef'âl-i istidlâlde kavî-i küllî budur ki ef'âl-i dimâğın buṭlân ve noḡşânı bürüdet hasebiyle olur ve ruṭübet hasebiyle ervâh tekâşüf etmekle ve kezâlik südde hasebiyle ef'âl-i dimâğ buṭlân ve noḡşân üzere olur. Ḥarâret hasebiyle dimâğın ef'âlî bâtil ve noḡşân üzere olmaz, lâkin ḥarâret ziyâde kavîyye olur ise kuvveti isḡâṭ eder. Ammâ teşevvüş-i ef'âl ve kezâlik harekete münâsib olan tağayyür ba'dı kerre ḥarâretten ve ba'dı kerre yübüsetten olur. [226a]

Faşl-ı Sâdis Ef'âl-i Nefsâniyye-i Hissiyye ve Ef'âl-i Nefsâniyye-i Siyâsiyye vü Harekiyyelerden Meḥûz Olan İstidlâller Beyânındadır ve Ahlâmdan İstidlâl-i Ef'âl-i Siyâsiyye ile İstidlâl Qabîlindedir.

Bu zîkr olunan ef'âle âfetin duḡlû beyân olunduğu üzere yâ buṭlân veyâḡûd dâf veyâḡûd teşevvüşten ve tağayyürden olur.

Bunun mişâlinde havâsstan başara ile ibtidâ eyleyelim, zîrâ başara 'arîḡ olan âfet başarı yâ külliyyen ibtâl eder veyâḡûd başara dâf verir yâḡûd başarı müşevveş edip taḡyîr eder ve mecrâ-yı ṭabî'isinden ihṡâc eder ve vücûdu olmayan nesnelere ḡâricden gözüne görölür, ḡayâlât ve sinek ve şu'le ve tütün gibi vücûdu olmayan eşyâ görölür. Ve bu mişlî eşyâları görmek 'aynının havâssından olmayan kimselerde vâḡî' olsa onunla o kimsenin dimâğında âfet olduğuna istidlâl olunur. Ve ba'dı kerre görünen ḡayâlât elvânî hasebiyle mevâdda delâlet eder. Meşelâ ḡayâlâtın elvânî ebyaḡ olur ise balḡama delâlet eder ve aşfer şafrâya delâlet eder. Lâkin elvânın mevâdda delâleti mizâc-ı 'ayn şaḡîḡ olur ise olur. Meşelâ mizâc-ı 'ayn şaḡîḡ iken o 'ayna ḡayâlât-ı beyḡâ görölünse bârid olan balḡamın ḡalebesine delâlet eder, ammâ mizâc-ı 'ayn mü'effet olsa 'ayna mer'î olan ḡayâlât elvânî her ne kadar ebyaḡ olur ise balḡam-ı bâride delâlet eylemez. Bi-hasebi'l-marâḡ 'ayna 'arîḡ olan teşevvüş lâ-maḡâle ḡarâret hasebiyle olur.

Ammâ sem'e âfet duḡlû kuvve-i sâmi'a ḡa'ife olup maḡall-i ḡarîbden cehverîlerin şavṡını işitip mâ-'adâyı işitmekle olur veyâḡûd sem'e de teşevvüş olup ḡâricde vücûdu olmayan nesnelere işitmekle olur. Meşelâ o devîler ile olur ki ırmak şadâsına ve mîṡraḡa şadâsına ve ṡubûl şadâsına ve

yel estikte ağaçlar yapraklarından hâdiş olan şadāya ve yelin kendi şadāsına o devî ya'ni kulağında olan gürültü müşābih olur. Bu mezkûrlar ile dimāğın vasa'tında hālā mevcûd olan mizāc-ı yābise istidlāl olunur veyāhūd yine dimāğın nāhiye-i vasa'tında riyāh ve ebhürenin ihtibāsına veyāhūd riyāh ve ebhürenin kulağa şu'ūduna istidlāl olunur ve buna müşābih nesnelere ile dahi istidlāl olunur. Ve sem'e āfetin duhūlü sem'in bu'tlānıyla dahi olur. Pes sem'in da'fı ve bu'tlānı berdin keşreti hasebiyle olur. Ve qarīb maḥallde olan şavtı uzak maḥallden işitir gibi işitmek ruṭubetten olur.

Ammā āfetin şemme duhūlü şemmin 'ademi veyāhūd da'fı ile veyāhūd şemmin teşevvüşü olup hāricde olmayan rāyiḥa-i kerīhe ve kötü kokuşmada olmakla olur. Eger o kimsenin meşāmmının bu mişlli hālet ḥavāssı ve mu'ādı değil ise ekşer-i hālde bu mişlli müntine rāyiḥası olan kimsede hiltın muḥaddem-i dimāğda ihtibāsına delālet eder.

Ammā zevk ve lemse āfetin duhūlü zikri müteḥaddim olan ḥavāssa āfetin duhūlü gibi olur, lākin zevk ve lemsin āfetleri ekşer-i hālde ālet-i qarībelerinde fesād olduğuna delālet eder. Meşelā zevkin tağayyürü ağzında āfet olduğuna delālet eder ve lemsin tağayyürü o lems yedi ile olur ise yedinin fesādına delālet eder. Ve ba'dı kerre ḳalilen dimāğda fesād olup zevk ve lemsin tağayyürü dimāğa müşāreket ile olduğuna delālet eder. Bu delālet cem'ī-i bedende ḥader ve uyusukluk olduğu vakte ḳaviyye olur. Ve ba'dı kerre ḥavāss-ı dimāğa bir nev' da'fta veyāhūd ḳuvvette müşārik olup o müşāreket dimāğda hālet-i maḥşūşa olduğuna dāimā delālet eder.

Ekşer-i hālde da'f-ı başār dimāğın küdüretine delālet eder. Ve ba'dı kerre başarda da'f olup ba'īd olan mer'iyi görmez. Ve kezālik keşirü's-şu'āc olan maḥallde mer'iyi görmez, lākin mer'ī taḳrīb olunsa ve şu'āc dahi az olsa eşyā-ı daḳıḳayı lāyıkı üzere görür. Bu mişlli da'f dimāğda küdüret olduğuna delālet eylemez belki dimāğın şafvetine delālet eder. Pes şafā ḳuvvet ile cem' olduđu gibi da'f ile dahi cem' olur, ammā küdüret ḳuvvet ile cem' olmaz. Ve dāimā küdüret māddeye delālet eder ve ammā şafā yübüsete delālet eder. Ve ba'dı kerre küdüret-i mezkûre bağıteten müstahkem olup seder marađı hâdiş olur. Ve bu vechle olan küdüret delālet eder ki dimāğda ve dimāğın şebeke-i 'urūḳunda mādde-i buḥāriyye vardır.

Ve bu âfetler ile olan istidlâllerde hüküm budur ki o âfetlerden teşevvüs ve tağayyür mecrâsına cārî âlet ekser-i hâlde mizâc-ı hârr u yâbise delâlet eder. Ve havâssın da'f ve noğşanı mecrâsına cārî olan âfet ekser-i hâlde mizâcın bürüdetine delâlet eder, lâkin havâssında da'f ve noğşân olan kimselerde fesâd kavî olup ve kuvvet sâkıta olur ise ba'dı kerre o âfetler harârete delâlet eder, lâkin harâret ve bürüdete kıyâs ile kuvâlara muvâfık ve mülâyim olur.

Mādâm ki mizâcın fesâdı dararı 'azîm olmaya, harâret-i kuvâya noğşân icâb eylemez. Ve lâyıq olur ki fesâd ziyâde şedîd olmayıp ve suqût-ı kuvvet dahi ziyâde mütehaqqak olmadığı maħallda mücerred fesâd ile mizâc-ı havâssın harâretine veyâhüd bürüdetine hüküm olunmaya belki âher delîl taharrî oluna. Eger noğşân-ı hissi olan olan kimsede harâretin delîl-i âheri bulunur ise harârete hüküm oluna, eger bürüdetin delîl-i âheri bulunur ise bürüdete hüküm oluna. Ve hissın buṭlânının esbâbı ba'dı kerre esbâb-ı dimâgiyye olur ve ba'dı kerre dahi o hissın âlâtında âfet olduğundan olur. Meşelâ âlette fesâd veyâhüd inkıṭâc veyâhüd südde olmakla hiss bâtil olur, ve'l-hâşıl âletin hissi edâya mâni' olan bir nesnesinin âlette bulunması olur. Ve ba'dı kerre dahi hissın buṭlânına sebep 'uḍv-ı hassâsın kendide olur. Ve havâssın ba'dıları dimâğa ziyâde qarîb olur, sem' ve şemm hâsseleri dimâğa ziyâde qarîbdir. Pes bu mişlli olan havâssın âfetinin ekser-i hâlde sebepleri 'uḍv-ı hassâsla dimâğ arasında müşterek olur, yalnız birinde olduğu ekall olur. Lâkin havâssta âfet olup tenkıye ile ve ta'dîl-i mizâc ile o âfet zâil olmasa onun sebebi ekser-i hâlde dimâğda olur. Binâen 'aleyh cemī'an havâsstan herhangi maḥsûsâtıyla müte'ezzî olsa o müte'ezzî olan hâssede harâret ve yübüset olduğuna delâlet eylemez, zîrâ sebep dimâğda olmak ihtimâli vardır, lâkin te'ezzî kuvveti isḳâṭ ederse o zamân müte'ezziye olan hâssede harâret ve yübüsetten biri bulunduğuna delâlet eder. Ve maḥsûsâtı ile müte'ezzî olan hâsse sem' ve şemm hâsseleri olup o te'ezzî onların kuvvetlerini isḳâṭ eylemez ise te'ezzînin sebebi dimâğda olduğu mütehaqqak olur, o iki hâssenin dimâğa ḳurbıyyeti hasebiyle.

Bu zıkr olunan aḳkâm havâss-ı hamse-i zâhirenin aḳkâmı idi, ammâ siyâsiyyenin aḳkâmı ya'nî bâtın-ı dimâğda olan kuvâlar ef'âlinden meḥhûz olan aḳkâm budur ki vehm ve ḥadş kuvvelerinin kuvveti cemī'an dimâğın

kuvvet-i mizâcına delâlet eder. Ve vehm ve hâds kuvvelerinin da'fı bu'tûn-ı dimâğdan birinde da'f olduğuna delâlet eder. Bu şürette bu'tûnun ef'âl-i sâilerine nazar olunur, hangisinde hâlel olur ise muhtell olan o fi'lîn fâ'ilinin ma'hallinde da'f olduğu mütehakkağ olur.

Ef'âl-i siyâsiyyeden me'hûz olan edillenin biri dahi hayâl ve taşavvur kuvvelerinin âfeti olur. Kaçan bu kuvveler kaviiye olsalar mu'addem-i dimâğın şihhatine delâlette mu'în olur. Ve bu iki kuvvelerin kuvveti ma'hsûsâtın şüretini hıfzda hangi insânda cevdet üzere olur ise ma'lûm olur ki mübsarâtın eşkâli ve mezûkâtın hâlâveti ve tu'ûm-ı sâiresi ve mesmû'âtın aşvâtı ve nağamâtı ve sâirinin dahi ef'âli şuveri kemâ-yenbağî hıfz olunmağ o insânın havâssı kuvvelerinin kudreti vardır. Ve nâsın ba'dısında cevdet-i hıfz ziyâde olur, hattâ mühendisînin fâdîlları fenn-i hendesede resm olunan hu'tûta nazar-ı vâhid ile nazar eder ve nefsinde o hu'tûtun şüreti ve hurûfunu [226b] resm edip o mes'eleyi ilâ âhîrihâ nazra-i uhrâya muhtâc olmaksız ta'rif edip bilir. Ve kezâlik bir kavim dahi nağamâtı bir kerre istimâ ile dab' ve hıfz eder. Mezûkât dahi bu minvâl üzeredir. Ve nabdı hıfz dahi bu bâba ta'alluk eder, zîrâ nabdı ta'arruf melmûsâtın şüretini hıfzda ve rûsûmunu nefsinde nakş ve resm eylemekte kavî hîleye muhtâc olur.

Ve kaçan hayâl ve taşavvur kuvvelerinde âfet olsa eger o âfet bu'tlân-ı fi'lî olur ise ma'hsûsâtın şüreti zâile olduktan sonra istihdâra o kimse kavî olmaz belki tekrâr ihsâsa muhtâc olur. Ve hayâl ve taşavvur kuvvelerinde olan âfet gâhice da'f ve gâhice dahi nokşân ve gâhice dahi o kuvvelerin mecrâ-yı tab'inden inhîrâfı olur. Meşelâ vücûdu olmayan nesnelere taşavvur ve tahayyül eder. Pes o kuvvelerinin da'fı ve bu'tlân-ı fi'lî ekser-i hâlde mu'addem-i dimâğda berdin veyâhüd yübsün vücûduna veyâhüd ru'tûbetin vücûduna delâlet eder ve o âfetlere berd bi'z-zât sebep olur; yübüset ve ru'tûbet bi'l-arağ sebep olur. Onun için ki ru'tûbet ve yübüset berdi celb eder ve berd o âfetlere sebep olur. Ve taşavvur ve hayâl kuvvelerinin tağayyürü ve teşevvüşü harâretin kuvvetine delâlet eder. Ve bu ahkâm-ı mezkûreler hükm-i ekserî olur ve e'tibbânın hiss kuvvelerine olan akvâlidir.

Ve bu makûle marâd ya'nî teşevvüş aşhâb-ı ukûle dahi 'arîd olur, hattâ idrâkleri tamm olur, cemîli kabîhten ve şahîhi sakîmden farkları kâmil olur ve nâs ile mükâlemeleri mevki'inde olur, lâkin onlar bir kavmi tahayyül

ederler, yanımızda hâdırıdır derler ki vâkı' de yanlarında o mişlli kavm mevcüd değildir. Ve tûbül şavtı iştirler ki onların vukû'u olmaz. Cālînûs hikâye eder ki Brokles nâm tabîbe bu hâlet 'arıda oldu.

Ve kuvve-i fikr ü tahayyülün fesādından dahi dimāğın ahvāline istidlāl olunur. O fesād butlân hasebiyle olur ise ona zehāb-ı 'aql derler ve eger da'f hasebiyle olur ise ona humk derler. Bu kuvvenin butlân ve da'fının sebebi dimāğın vasaatına berd veyāhūd ruṭubet ve yübüsetten birinin 'urūduudur. Ve bu hüküm dahi hüküm-i ekseridir.

Ve fikr ve tahayyül kuvvesinin âfeti teşevvüş ve tağayyür olup onun fikri mevcüd olmayan nesnelere olur ise ve şavāb olmayan nesnelere şavābdır diye bilir ise ona ihtilāt-ı 'aql derler.

Bu mezkûrlar yâ vereme delâlet eder yāhūd hārre-i yābise olan mādde-i şafrāviyyeye delâlet eder ve o maraḍa cünün-ı sebu'ı tesmiye olunur. Ve onun ihtilātı şerāret ve ta'addī ile olur veyāhūd o ihtilāt mādde-i sevdāviyyeye delâlet eder ve onun maraḍına mālîhūlyā derler. Ve onun ihtilāt-ı 'aqlı 'aqlı sū'-i zann ile olur ve onda bilā-hāşıl fikrler olur. Ve bu mālîhūlyā şāhibinde cübne ve korkuya meyl olur ise bürüdete ziyāde delil olur. Eger onda cür'et ve cesārete meyl olur ise ve ḡaḍab dahi olur ise o âfet harārete ziyāde delil olur. Ve bunların beynini fark eylemek vācib olur, bundan sonra o farkları biz zikr eyeriz inşāallāhu ta'ālā. Ve ba'ḍı kerre bu âfetler dimāğın 'uḍv-ı āhere müşāreketi ile olur ve müşāreket hasebiyle olan delāil-i cüz'iyeler ile bilinir ve o delāil-i cüz'iyeleri bundan sonra biz vaşf eyeriz.

Ve'l-hāşıl efkār harekāt-ı keşire ile hareket eylese ve teşevvüş ve te-fettüt eylese o hareket harārete delâlet eder. Ve ba'ḍı kerre teşevvüş fikri mādde-i bāride olan emrāḍda dahi hādiş olur. Eger o bārid mādde-i bir nev' harāret bulunursa lîşergus mişllide olan ihtilāt-ı 'aql mādde-i bāride-den hādiş olur.

Ef'āl-i siyāsiyyeden me'hūz olan delilin biri dahi kuvve-i tezekkürde olan âfettir. O âfet zikrin yâ da'fı veyāhūd butlānı ile olur. Cālînûs hikâye eyledi ki Habeşe diyārında bir nāhiyede vebā hādiş oldu, ona bināen aralarında kıtāl-i 'azim vâkı' olup cifenin keşreti vebāya mü'eddiye oldu. Ve o vebā Habeşe'den Yūnān diyārına sirāyet eyledi. Ve ehl-i Yūnān'a o vebā hasebiyle bir mertebe nisyan tārī oldu ki kişi kendi ismini ve babasının ismini tezekkür

edemez oldu. Ve ekşer-i hâlde fikre ʿarîd olan ɗaʿf muʿahhar-ı dimāğda berd hasebiyle veyā ruṭûbet ve yübüsetten biri ile fesād olmakla olur ve baʿdı kerre dahi zıkr kuvvesinde olan fesād teşevvüş hasebiyle olur ve o kimse işlemediği nesneyi tezekkür eder, işlediği nesnelere şüretini ihḍâr eylediği gibi işlemediklerinin şüretini dahi ihḍâr eder. O teşevvüş māddeye muḳârın veyāhūd bilā-mādde olan sūʿ-i mizāc-ı hârre delâlet eder. Ve teşevvüş-i zıkr sebeb yâbise olmak ekşer ve evlâ olur. Ve teşevvüşü müʿeddî olan sebeblerin küllîsi mizāc muḥâfaza olunmazsa kuvveti iskâf eder.

Ve bu maḳâmda biz ḳavl-i mücmel irâd eyleriz ve deriz ki efʿâl-i siyâsiyenin buṭlânı yâ dimāğın cirmine berdin ğalebesinden olur ve bu buṭlân biraz eyyâm müstevlî olur veyāhūd berdin tecāvîfe ğalebesi ile olur. Ve baʿdı kerre o berdlar ruṭûbet ile olur ve baʿdı kerre bürüdeti yübs cālib olur ve onda ruṭûbet olmaz. Ve kezâlik o efʿâlin ɗafının ḳavl-i mücmelleri bu minvâl üzere olur ve baʿdı kerre teşevvüş-i verem hasebiyle ve mizāc-ı şafrâviyye veyāhūd mizāc-ı sevdâviyye hasebleriyle veyāhūd bir cism-i mücerred hasebiyle olur. *Bu maḳâmı tercümede biz nüsha-i sulṭâniyyeye ḳaşr eyledik.*

Ve ahlâm ile yaʿnî görülen düşler ile istidlâl dahi efʿâl-i siyâsiyye ile olan istidlâllere ɗamm ve tezyîl olunmak lâyıḳ olur. Pes sarı olan nesnelere ve kezâlik harâretli olan nesnelere düşte keşret-i rüpyet şafrânın ğalebesine delâlet eder. Ve her mizāca elvânda ve keyfiyyette muvâfıḳ olan nesnelere rüpyâda çok görmek o mizācın ğalebesine delâlet eder. Ve bunlar zâhir olmakla birer birer taʿdâda muḥtâc olmazlar, ammâ müşevveş olan düşler mizācın harâret ve yübüsetine delâlet eder. Onun için ahlâm-ı müşevveşe emrâd-ı hârre-i dimāğiyyeleri inzâr ve ihbâr eder. Ve korkulu, müfzaʿ olan düşler dahi ahlâm-ı müşevveşe gibi olur. Ve görülen düşler hıfz ve tezekkür olunmasa o düşler mizācın bürüdetine ve ruṭûbetine delâlet eder. Ve eşyâyı hâricde vukûʿu üzere görmek itidâl-i mizāca delâlet eder.

Faşl-ı Sâbir Harekete Müteʿallik Olan Fîller İle ve Onlara Müşâbih Olan Nevm ve Yaḳaza Fîlleri İle Olan İstidlâl Beyânındadır

Efʿâl-i harekiyyede olan âfet buṭlân veyāhūd ɗaʿf olur ise o hareketin altında olan ruṭûbet raḳıḳa-i faḍliyenin keşretine delâlet eder. Ve hare-

ketin da'f ve buṭlânı hangi 'uḍvda bulunur ise dimāğda âfete delâlet eder, lâkin sekte mişlli bedenın cümlesinde olan buṭlân veyâhûd fâlic ve rıhv olan laḳve mişlli bedenın bir tarafında olan buṭlân dimāğ âfetine aḥaşş olur ve delâleti aḫher olur. Ve ba'ḍı kerre buṭlân hareket-i da'f ile cem' olur ya'ni beden-i vâhidde 'uḍvun birinin hareketi bâṭıl ve âḫer 'uḍvun hareketi da'f olur.

Ve o âfetler dimāğın kendide harâret veyâhûd yübüset olduğuna delil olur veyâhûd dimāğdan nâbit olan sinir mişllide harr ve yübsten biri olduğuna delâlet eder, lâkin bu hâlet o âfetin şâhibinde emrâd-ı keşîreden sonra niçe eyyâmda ḳalîlen ḳalîlen hâdiş olur. Ve 'uḍv-ı vâhidde olan istirhâ mişlli nesnelere ba'ḍı kerre sebebi o 'uḍv-ı hâşşta olan maraḍ ḫasebiyle olur ve ba'ḍı kerre dimāğdan o 'uḍva faḍla muṣabbe olmakla olur. Ammâ hareket-i 'uḍvun tağayyürü baḡteten olur ise yine ruṭubet-i âlâta delâlet eder. Ve eger ḳalîlen ḳalîlen 'arıḍ olur ise âlâta yübüset olduğuna delâlet eder. Ammâ o tağayyür ki onun sebebi dimāğa maḫşûş ola, teşennüci 'amm olan şar' ile maşrû'un [227a] hareketinin tağayyürü gibi ve bu mişlli tağayyür ancak ruṭubetten olur, zîrâ bu mişlli tağayyür ruṭubetin def'aten nüzülü ile olur. Ve 'uḍv-ı âḫere müşâreket ile şar'dan 'arıḍ olan hareketin tağayyürü dahi dimāğa maḫşûş sebebdendir, dimāğda südde-i ğayr-i kâmileye delâlet eder ve sebebi dimāğa maḫşûş tağayyürün biri dahi başta olan ra'şe olur.

Ve bu tağayyürler bi'l-cümle o âfetler bulunduğuna cānibden dimāğda mādde-i ğalîza olduğuna delâlet eder veyâhûd da'f ve yübüsetten birine delâlet eder, eger o tağayyürler âḫer maraḍdan sonra 'arıḍ olur ise ve ḫudûsu ḳalîlen ḳalîlen tedric ile olur ise.

Ve ammâ o tağayyürü olan 'uḍv dimāğdan ba'ḍı olur ise onun sebepleri kirâren bizim zıkr eylediğimiz üzere olur. Ve bu zıkr olunan harekette âfet mecrâ-yı tabî'den ḫâric olan âfetler idi ve biz deriz ki insân ḫarekât-ı tabî'inde neşîṭ olur ise fi'l-aşl mizâc-ı dimāğı ḫârr ve yâbis olduğuna delâlet eder. Ve eger hareketinde kesel olup ve istirhâyâ mâil ise mizâcı bârid ve veyâhûd raṭb olduğuna delil olur. Ve eger marîḍ olup ḫarekâtında ıḍtırâb olur ise mizâcı ḫârr olduğuna delâlet eder. Ve eger ḫarekâtı sükûta meyl edip suḳûṭ-ı kuvvet şedîd olmaz ise onun mizâcı bürüdete mâil olur.

Ve ahvâl-i dimāğa nevm ve yağa hâlınden istidlâl dahi bu maqâm-da zikre lâıyık olur. Ma'lûm ola ki nevm raṭb ve mürhî olan sũ²-i mizāca veyāḥũd bārid-i muncemid ya'nî dondurucu sovuğa tâbiᶜ olur. Ve o, sũ²-i mizācın ḥavāssa 'arîd olduđu kuvâlarının hareket edip rũḥ-ı nefsanî o hareket ile taḥallũl eylediđi ḥasebiyle olur veyāḥũd ḥaḍm-ı mevādd için kuvânın bātına indifāı ve kuvāya tebi'an ervāḥın dahi bātına indifāı ḥasebiyle olur. Ṭa'āmdan sonra 'arîd olan nevm bu sebep-i ahîr ile olur. Ve o nevm ki mecrā-yı ṭabîrî üzere olmaya ve onda ta'ab ve ḥareket dahi olmaya, onun sebebi yā ruṭûbet veyāḥũd cümüdet olur. Ve onda cümüdetin sebebi mevcũd olmasa ve zikri ātî şiddet-i berdin delâili dahi mevcũd olmasa o nevmın sebebi ruṭûbet olur.

Ve bundan sonra biz deriz ki her ruṭûbet nevmi icāb eylemez, zîrâ şeyḥ ve pîr olanların ruṭûbetleri ekṣer iken yine seherleri ğālib ve ekṣer olur. Cālînũs re'yy eder ki onun sebebi budur ki pîrlerin ruṭûbetlerinde bũraḳıyyet vardır ve bũraḳ ise dimāğa ezā eder ve seheri icāb eder, lâkin yũbũset her hâlde seheri iḳtiḍā eder.

**Faşlı-ı Şāmin Ef'āl-i Ṭabîriyelerden Meḥũz Olan Delâilin Beyānında
Olur. Bedenden Mündeffa Olan Eşyādan ve Bedende Nābit Olan
Tüylerden ve Kezālik Bedenden Zuhũr Eden Şişlerden ve
Kurḥa Mişlilerden Hâl-i Dimāğa İstidlâl Ne Vech İle Olduđu
Bu Faşlda Zıkr Olunur**

Ef'āl-i ṭabîriyyeden meḥũz olan delâil budur ki fuḍũlũn intifādından bi-ḥasebi'l-kemmiyyet ve bi-ḥasebi'l-keyfiyyet dimāğın hâli bilinir ve kezālik dimāğın ihtibāsından dahi bilinir. Ve fuḍũl-i dimāğın intifādı ya'nî taşra çıkması ḥanekten ve enften ve üzünlerden olur ve başta zāhir olan kurḥa ve beşre ve veremler ile olur ve tüyler bitmek ile olur, zîrâ baş tüyleri dimāğın fuḍũlũnden biter. Ve dimāğın hâline tũyũn sũr'at ile veyāḥũd buṣ ile bitmesinden istidlâl olunur ve sâir ta'ḍād eylediđimiz tũylerinin keyfiyyātından dahi istidlâl olunur.

Zikri sâbık olan yollardan fuḍũl-i dimāğın ḥurũcu ile olunan istidlâlleri biz zıkr eyleyelim: Ve fuḍũl-i dimāğıyyenin ḥurũcu keşîr olur ise zıkr olunan mevādda delâlet eder ve bundan aḳdem bildirdiđimiz üzere ḥāric olan

fađlaların sebebi ne idiđine delâlet eder ya'nî o hâric olan fađlanın dimâğda ğalebesi ħarâret ve bürüdet ve ruţubet ve yübüset işbu keyfiyyât-ı erba'anın hangisi sebep olduđuna delâlet eder. Ve o fađlalar çok çıkması kuvvet-i dâfi'a da'ife olmadığına dahi delâlet eder, ammâ fađla-i dimâğın ħurûcu mümteni' olup dimâğda fađla muhtebeşe olsa veyâhüd kalilen ħurûc eyleyip dimâğda dahi ağırlık veyâhüd vahz ya'nî bir şey dimâğa dürter gibi hâlet ihsâs olsa veyâhüd lez' ve temeddüd ve çarebân ve düvâr ve tanînden biri ihsâs olursa dimâğda südde olduđuna ve kuvve-i dâfi'ada da'f olduđuna ve dimâğda imtilâ olduđuna delâlet eder.

Ve maddenin cinsine dahi fađla ile istidlâl bu vech ile olur ki eger fađla lâzi' ve vâhiz ve muhrık olup ağırlığı az ve yüzü ve gözü sarartır ise delâlet eder ki o fađla-i dimâğıyye şafrâviyyedir. Ammâ mâdde çarebânî ve şakîl olup yüzü ve gözü kızartır ise ve damarları nefh edip kabartır ise delâlet eder ki dimâğda olan fađla demeviyyedir. Ammâ fađlası olan kimse belîd ve keslân olup yüzünün ve gözünün levni reşâşî olur ise ve uykusu ve nu'âsı ziyâde olur ise delâlet eder ki fađlası balğamî olur. Ammâ bu hâller mevcûde olup yüzün ve gözün levninde kümüdet dahi olur ise ve zikri fâsid olsa ya'nî işlediđi nesnelere hâtırına ihdâr edemese ve başında olan şiklet hafife olsa ve nevmi evvelen zikr eylediđimiz miqdâr olmasa ve sair fađla 'alâmetleri bulunmasa dimâğda olan fađla sevda'viyye olduđuna delâlet eder. Ve bu hâlât ile ma'an tanîn ve düvâr ve intikâlden berî olsa delâlet eder ki o mâdde rîhi ve nefhi ve buĥârı tevlid eylemiştir ve dimâğda o nesnelere tevlid ile ħarâret-i fâ'ile vardır. Ammâ fuđlün ihtibâsı ve ħarice çıkmaması eger o kimsenin başında ħiffet olur ise 'ale'l-ıtlâk yübse delâlet eder.

Ve bizim bu zikr eylediđimiz edille maddenin kemmiyyetine müte'alîka delîller idi, ammâ müntefida ve muhtebeşe olan fađlanın keyfiyyeti ile olan istidlâl budur ki fađlanın levni sarıya ve kıvâmı rikqate mâil olur ise ve terde idrâr olur ise ve ħarâreti dahi var ise delâlet eder ki mâdde-i dimâğ şafrâviyyedir. Ammâ fađlada ħumret ve ħalâvet olup yüzünde ve gözünde kırmızılık olur ise ve terinde dahi idrâr ve ħarâret olur ise delâlet eder ki mâdde demeviyyedir. Ammâ maddenin ta'mında mülûhat veyâhüd ħalâvet olur ise ve sair 'alâmet ve bürâkiyyet olmayıp ve melmesi dahi ħarr yâhüd

bârid olmaz ise bu keyfiyyât o balgama delâlet eder ki ona harâret galebe etmiştir. Ammâ zîkr olunan maddenin ta'ımı tefih ve kıvâmı gâlîz ve melmesi bârid olur ise balgam-ı ficce delâlet eder.

Bu istidlâller hâric olan maddenin ta'ımında ve levninde ve melmesinde ve kıvâmında olan edille ile istidlâl idi, ammâ râyiha ile istidlâl budur ki râyihanın ıfûneti ve hiddeti harârete delâlet eder. Ve 'adem-i râyiha ba'dı kerre bürüdete delâlet eder, lâkin bu delâlet vaşf olunan râyihanın harârete delâleti gibi kaviiye olmaz.

Ammâ o eşyâlar ki başın derisi üzere ve başa qarîb olan yerlerde kırhalar ve beşreler ve şişler mişlli zuhûr ederler, onlar ekser-i hâlde geçmiş zamânda mādde olup müntefida olduğuna delâlet eder, hâlâ dimâğın hâline delâlet-i vâdiha ile delâlet eylemez, lâkin zîkr olunan kırha ve verem mişlliler zamân-ı tezeyyüdde olur ise min-vechin dimâğın hâline delâlet eylese ba'd olmaz ve o delâlet bundan akdem bizim beyân eylediğimizdir.

Sen 'arif olursan harâretli şişler ve kezâlik bürüdetli ve şalâbetli şişler ve seretâniyye ve kırûh-ı sâ'ıye ve kırûh-ı sâkine ve mâ-'adâlar hangi mādde sebebi ile hâdiş olduğunu sen bilirsın ve başta zâhir olan verem hangi cinsten ise dimâğda o mādde olduğuna onunla istidlâl edersin ve kezâlik kitâb-ı evvelde yazıldığı üzere tüylerin esbâb-ı hudûsunu ve cu'üdet ve sübûtatın ve rikkat ve gılzatin ve kılllet ve keşretin ve şeybin sür'at ve ba'pının sebeblerini dahi sen bilirsın. Ammâ tüylerin teşakkuğu ve intişârını bir bâb-ı müstakilde inşâallâhu ta'âlâ biz zîkr eyleriz ve o mezkûrdan ahvâl-i dimâğa tüylerden ne vech ile istidlâl olunacağı fehm olunur. [227b] Tatvîl-i kelâmdan ihtirâz için şa'ırın keyfiyyeti ile ahvâl-i dimâğa istidlâli biz o maħalle havâle eyleriz.

Faşl-ı Tâsi' Mizâca Muvâfık veyâhûd Muħâlif Olan Nesnelere ile ve İnfi'âlâtın Sür'ati ve Bu'ı ile Dimâğın Hâline İstidlâlin Beyânında Olur

Ve muvâfık ve muħaliften her birisi yâ hâl-i şihhatte ihsâs olunur veyâhûd hâl-i marađda ihsâs olunur. Ammâ hâl-i şihhatte olan muvâfık, dimâğının aşlı olan mizâca şebih ve muvâfık olan nesnelere ki o nesnelere ile dimâğının mizâc-ı aşlısi maħfûz olduğuna istidlâl olunur. Ve hâl-i şihhatte olan

muḥālif o eşyâdır ki onlar mizâc-ı şihhîsine muḥālif olur. Ammâ ḥâl-i maraḍda muvâfık ve muḥālif olan nesnelere bu mezkûrların ‘aksi üzere olur ya‘nî ḥâl-i maraḍda muvâfık, mizâc-ı şihhîsine muḥālif olan nesnelere olur ve ḥâl-i maraḍda muḥālif, mizâc-ı şihhîsine muvâfık olan olur.

Ve bundan aḳdem biz beyân eyledik ki ebdânda olan ‘uḍvların küllîsi mizâc-ı vâhid üzere olmaz, beden-i vâhidde olan ‘uḍvun kimisi ḥârr ve kimisi bârid ve kimisi raṭb ve kimi yâbis olur ve kimisi dahi bu keyfiyyâtta mu‘tedil olmak mümkün olur. Ve yine beyân eyledik ki mizâc-ı vâhid beden-i vâhidde şihhâte sebep olur, ammâ o mizâc beden-i âḥerde olsa maraḍa sebep olmak mümkün olur.

Ve bu kelâmdan zâhir olur ki her bedeninin mizâcının miḳdârı o bedende o mizâcın cinsinin ifrâṭı ile ma‘lûm olur. Meşelâ ḥârr olan mizâcın iki cüz‘ ḥarâreti olan nesnelere taḍarruru mizâcının miḳdâr-ı ḥarâreti bir cüz‘ olduğuna delâlet eder ve buna ḳanâ‘at olunmayıp vâcib olur ki o mizâcın muḥâlifine dahi nazar oluna. O mizâc-ı ḥârrda iki cüz‘ ḥarâreti olan nesnelere mutaḍarrır olduktan sonra bürüdetli olan nesnelere dahi isti‘mâl olunur. Eger bir cüz‘ bürüdetli olan şeylerden mutaḍarrır olmayıp iki cüz‘ bürüdetli olanlardan mutaḍarrır olur ise o zamân o mizâcın miḳdâr-ı ḥarâreti bir cüz‘ olduğu ḥadṣ olunur.

Sû-i mizâc-ı ḥârrı olan dimâğ, nesîm-i bârid ya‘nî soğuk yellerden ve soğuk tılâlardan ve bürüdetli olan râyiḥa kokumaktan intifâ‘ eder, o soğuk râyiḥa gerek ise kâfûriyye ve şandeliyye ve nîlûferiyye mişli ṭayyibe olsun ve gerek ise râyiḥa-i ḥummâiyye vü ṭuḥlubiyye gibi râyiḥa-i kerîḥe olsun. Ve kezâlik sû-i mizâc-ı ḥârrı olan kimseler de‘at ve sükûn ile dahi intifâ‘ eder.

Ve sû-i mizâc-ı bâridi olan kimseler bunun ḳıddı ile intifâ‘ eder ya‘nî ıssı havâlar ve ıssı kokular ile intifâ‘ eder. Ve kezâlik râyiḥa-i müntineler ile intifâ‘ eder, zîrâ kötü kokular muḥallil ve müsaḥḥin olup mizâc-ı bâride nefî olur. Ve kezâlik sû-i mizâc-ı bârid aşḫâbı riyyâḳât ve ḥarekât ile dahi intifâ‘ eder.

Ve sû-i mizâc-ı yâbisi olan kimseler istifrâğlar ile müte‘ezzî olur.

Ve sû-i mizâc-ı raṭbı olanlar istifrâğattan intifâ‘ eder.

Ammâ sür‘at-i infi‘âlâttan istidlâl bu vech ile olur ki esbâb-ı sülḥünetten serî‘an mütesaḥḥin olan kimsenin sür‘at-i tesahḥunu ḥarârete delâlet

eder, kitâb-ı evvelde zıkr ve beyân olunan şuhûşa ri'âyet olunduğu taqdîr üzere. Ve kezâlik esbâb-ı bürüdetten serî'an teberrüd bürüdete ve esbâb-ı yübüsetten serî'an teceffüf yübüsete delâlet eder, lâkin esbâb-ı yübüsetten serî'an cefâfın hudûsu ba'đı kerre ru'ûbetin kılleti veyâhûd ru'ûbetin rik'kati veyâhûd mizâcının harâreti hasebiyle olur.

Mizâcın yübüseti hasebiyle esbâb-ı yübüsetten serî'an teceffüf mâ'-a-dâ sebebler ile teceffüften fark olunur o vech ile ki şüret-i ülâda yübüset dimâğın seher mişli 'alâmât-ı sâiresi mevcûde olur ve şüret-i şâniyede dimâğa yübüsetin 'urûdu gâhice olur. Hâreke-i 'anîfe ve harâret-i şedîde ve sâir esbâb-ı yübüsetten bu mecrâya cârî olan nesnelere 'urûdu katında dimâğa yübüset 'arıda olur ve evkât-ı sâirede dimâğda yübüsete delâlet eder nesne bulunmaz. Ve harâret-i mizâc ile olan yübüset ile dahi sâir esbâb-ı harâret dahi mevcûde olur.

Ammâ esbâb-ı ru'ûbet ile serî'an tera'ıtub ba'đı kerre cevher-i dimâğın harâreti hasebiyle olur ve ba'đı kerre cevher-i dimâğın bürüdeti ile olur ve ba'đı kerre dahi cevher-i dimâğın aşlı olan mizâcının ru'ûbeti hasebiyle olur ve ba'đı kerre mizâc-ı aşlısı yâbis olduğundan olur. Eger dimâğın serî'an tera'ıtubu dimâğda harâret olduğundan olur ise harâretin 'alâmât-ı sâiresi dahi mevcûde olur ve o harâret ile 'arıda olan ru'ûbet dâime olmaz belki harâret-i müfriteden sonra vâki' olur, zîrâ bedenine ru'ûbetlerini dimâğda olan harâret-i müfrite dimâğa cezb etmekle serî'an dimâğa ru'ûbet-i zâide 'arıd olur. Eger dimâğda olan harâret-i mizâc şedîde ve dâime olur ise gâlib-i hâlde dimâğın ru'ûbetini yübüsete tahavvül eder, zîrâ harâret-i şedîde hasebiyle dimâğ ru'ûbetini nef' edip silker ve yâbis olur. Ve eger ru'ûbet harârete galebe ederse o zamân dimâğın mizâcı bârid ve ra'ib olur. Ve eger harâret ru'ûbet ile müsâvî ve berâber olurlar ise ekşer-i emrde 'ufûnet 'arıd olup emrâd-ı 'afineye ve evrâma mü'eddî olur, zîrâ bedenden dimâğa harâret hasebiyle meczûb olan ru'ûbet gârîziyye değildir, dimâğın harâreti gârîziyye olur ise dahi o harâret ru'ûbet-i gârîbede fi'l-i gârîb işler ve 'ufûnete fâ'il olmak câiz olur. Ammâ dimâğın serî'an ru'ûbeti kabûlü mizâc-ı dimâğın berdinden olur ise dimâğa ru'ûbetin eyyâm-ı keşîrede tedrîcle vâşıl olup cem' olduktan sonra def'aten ve serî'an dimâğın o ru'ûbeti kabûl eylemesi ile olur ya'ni ru'ûbetin dimâğa vuşûlünden dimâğın ra'ib ol-

ması lâzım gelmez, azar azar o ruḡubet dimāğda cem^c olup ba^cdehu def^caten dimāğ teraḡḡub eder.

Ve esbāb-ı ruḡubāt ile serī^can dimāğın teraḡḡubu dimāğın ruḡubeti ḡasebiyle olur ise o sür^cat-i teraḡḡub iki şeyⁱⁿ biri ile olur:

Evv elkisi budur ki ruḡubet berdde fā^cil olur ve bir dahi dimāğın hādime ve muḡayyire kuvvesini izāle eder ve dimāğa vāşıl olan ḡıdāsı o kuvveler iḡāleye kādır olmayıp ḡıdānın ruḡubeti ile dimāğ serī^can raḡb olur. Ve berdin dimāğa ^curūdu def^caten olur ise teraḡḡub-ı dimāğ dahi o berdin ^curūdından sonra serī^can ve def^caten olur. Ekşer-i ḡâlde berd ḡasebiyle dimāğın mecārī-sinde sūdde ḡāşıl olur.

Ve ikincisi ruḡubet-i dimāğ ḡasebiyle ^carıd olan berdin süddesi lâzıme ve dāime olup o sūdde ḡasebiyle fuḡūl-i dimāğa def^caten vāşıl olmaz ve dimāğın dahi fuḡūl ḡasebiyle olan teraḡḡubu def^caten olmaz. Ve bu vech-i şānīnin vuḡū^cu ekşer olur.

Ve dimāğın serī^can teraḡḡubu yübūset-i dimāğ ḡasebiyle olduḡu onun içindir ki mizāc-ı dimāğ yābis oldukta fuḡūlü def^caten neşf eder ve lā-maḡāle ruḡubeti def^caten neşf eden def^caten raḡb olur. Ve yübūset ḡasebiyle olan sür^cat-i teraḡḡubla dimāğın yübūset-i zātīyyesi ^calāmetleri dahi muḡaddemā mevcūde olur.

Ve bu zıkr olunan dimāğın ḡa^cf-ı kuvā ḡasebiyle sür^cat-i infi^cālātından meḡḡūz olan edillelerdir, zīrā bu sebeblerden kuvālar ḡa^cife olup keyfiyyāt-ı serī^ca ^carıda olur.

Faşl-ı ^cĀşir Başın Miḡdārı ḡasebiyle Olan İstidlāller Beyānında Olur

Zikri mūrūr eden muvāfiḡ ve muḡālifin küllīsinin muvāfaḡatı ve muḡālefeḡi min ciheti'l-keyfiyyāt olmaz belki ba^cdı kerre dahi muvāfaḡat ve muḡālefeḡ kemmiyyet ve ḡareket ḡasebiyle dahi aḡz olunur. Ve beyḡa dedikleri ^cillete mübtelā olanları sen görürsün ki envā^c-ı idḡicā^cdan istilkāda o ^cilletin elemi sāir envā^cdan ziyāde olur. Ve bu ḡālet delālet eder ki ḡareketin dahi ^cillette medḡali olur.

Ammā dimāğın aḡvālını başın büyük ve küçük olması ile bilmeḡin ḡarīḡi [228a] budur ki aşl-ı ḡilkatte başın küçük olduḡu māddenin ya^cnī nuḡfenin

kılletinden ve büyük olduğu maddenin keşretinden olur. Ve maddenin kılleti muşavvire-i ülâ dedikleri kuvvetin kuvvetine muķārın olur ise o başın miķdârı küçük olur, lâkin şekli ḥâsen olur. Ve onun redâ'eti küçük olup şekli redî ve kabîḥ olandan noķşân olur, zîrâ miķdârı küçük ve şekli kabîḥ olan baş dimāğ kuvvâlarının da'fına delâlet eder, lâkin şekli her ne kadar ḥâsen ise dahi şağîr olmak ḥasebiyle redâ'etden ḥâlî olmaz, zîrâ küçük başın şekl-i zâhirîsi kuvve-i muşavvirenin kuvveti ḥasebiyle ḥâsen olur ise dahi lâkin hey'et-i dimāğ müteğayyir olur ve lâ-maḥâle kuvvâlarına da'f ve ḥavâss-ı bâtîne vü zâhireye mecârî-i dimāğın dar olduğundan ḥâlel ve redâ'et 'arîd olur. Onun için kayyâf ve aşḥâb-ı firâset bu şeklin medlûlâtını ta'dâd eyledikten sonra dediler ki el-kađiyye ya'nî ḥâşıl-ı kelâm bu şeklin şâḥibi lecûc ve cebân ve serî'ü'l-ğadıab [olur] ve umûrunda müteḥayyir olur. Câlînüs dedi ki başın küçüklüğü hey'et-i dimāğın redâ'etine delâletten ḥâlî olmaz, her ne kadar başın büyüklüğünün dimāğın cevdet-i ḥâline delâleti küllî ve dâimî değil ise. Lâkin baş büyük olup ve şekli ceyyid ve boynu yoğun ve göğsü geniş olur ise o mişlli başta lâ-maḥâle dimāğ ceyyid olur.

Ve göğsün geniş olması şulbün ve adlâ'ın 'azîm olmasına delâlet eder. Ve şulbün 'azîm olması nuḥâ'ın 'azîm ve kavî olmasına delâlet eder. Ve nuḥâ'ın büyük ve kavî olduğu kuvvet-i dimāğ kavîyye olduğuna delâlet eder, zîrâ mādde çok olup kuvvet-i muşavvirede kuvvet ziyâde olsa baş hey'et-i mezkûre üzere olur. Bu evşâf üzere olan başın bu delâletlerini sâir 'udvların ona münâsib olması te'kîd eder.

Eger mādde keşire olup ya'nî nuḫfenin miķdârı ziyâde olup kuvvet-i muşavvirede da'f olur ise o başın şekli redî ve boynu da'f ve şulbü şağîr olur. Ve ba'đı nüshâda şadıri şağîr olur diye vâkı' olmuştur. Ve şadıri müştetmil ve muḥîṭ olduğu âletler me'ûf olur ve nuḥâ'dan biten sınırlar dahi me'ûf olur.

Ve ba'đı kerre marâđ ḥasebiyle dahi baş büyük olur, nitekim ba'đı kerre şıbyânın başı müntefih olup büyür ve o büyüklük tabî'î olmaz belki marâđ ḥasebiyle olur. Ve onun sebebi mādde keşir olup galeyân etmekle ve kaynamakla olur. Ve kezâlik büyük ve bâliğ olan kimselere dahi şiddetli baş ağırlarında şıbyân gibi intifâḥ 'arîd olup baş büyük olur. Ve ba'đı kerre dimāğ üzere ḥumret 'âlî olup yâfûhu taşağğur eder ve şudğu dahi çöker. Bu

maħalle gelince kadar bařın büyük ve küçük olması ile dimāğın hāline olan istidlālâtı bildirdik.

Ve dimāğın cevdetinin bir ʿalāmeti dahi budur ki ceyyid olan dimāğ řarābın buħārı ile o buħār ile olan gelecekte bizim sana vařf edeceđimiz nesnelere müteʿessir ve münfaʿil olmaz, lākin řarābın telʿifinden ve ħarāretinden müteʿessir olup zihni ziyāde olur.

Fařl-ı Hādī ʿAřere Eřkāl-i Reʻsten Meħūz Olan İstidlālleri Beyān Eder

Kelle kemiđinin teřrihinde biz sana taʿrīf edip bařın řekl-i řabīʿisini ve redī olan eřkālını bildirdik ve yine bildirdik ki bař eřkālinden bir cüzʻde redāʻet olsa dimāğdan o cüzʻ-i redīnin muħāzīsinde olan cüzʻde dahi redāʻet olur ve o cüzʻde olan efʻalde ħalel olur. Ve Cālīnūs'un dediđi budur ki reʻs-i müseffaʻ ve reʻs-i murabbaʻ dāimā mezmūmdur ve iki řaraflarında nütūʻu olan reʻs dahi mezmūmdur, lākin o nütūʻa sebep kuvve-i muřavvirenin řaviyye olup fiʻlinde ifrāʻ üzere olduđu olur ise o nütūʻda redāʻet olmaz. Ve kuvve-i muřavvirenin kuvveti ʻunuğun řeklinden ve miđdārından ve řadrdan maʻlūm olur.

Ařl-ı Šānī ʿAřere Dimāğın Kuvve-i Lāmisesi Ĥasebiyle İhsās Eylediđi Reʻsin Şıķlet ve Ĥiffeti ve Ĥarāret ve Bürüdeti ve Evcāʻından Meħūz Olan İstidlāl Beyānındadır

Reʻsin şıķletinden ve Ĥiffetinden meħūz olan delīl budur ki şıķal-i reʻs dāimā bařta mādde olduđuna delālet eder. Lākin mādde řafrāviyye olur ise şıķali ednā olur ve iħrākı eředd olur. Ve mādde-i sevdāviyyede şıķal řafrāvīden ekřer olur olur, vesvese dahi ekřer olur. Ve demevī maddenin şıķali ikisinden dahi ekřer olur ve ħarebān dahi olur ve gözlerinin uşulünde ađrı olur, keymūs-ı ħārın nüfūzu Ĥasebiyle ve ʻurūķ-ı ʻaynında kırmızılık ve intifāĥ ekřer olur. Ve balgāmī maddenin şıķali cümleden ekřer olur, ađrısı demevīyye ve řafrāviyye mādde ađrısından eķall olur. Ve balgāmīnin nevmi sevdāvī nevminden ekřer olur ve belādet-i fikr ve keşel ve řillet-i neřāʻt olur.

Ammâ dimâğın harâret ve bürüdetinden me'hûz olan delîl ya'nî re'sin hâricden olan harâretinin medlûlâtı zâhirdir, ammâ re'sin dâhilden olan harâretinin delîl olduğunun beyânı budur ki o harâret eger dâim olur ise mizâciyye olur ve o harâret 'arîd ve mûzî olur ise harâret 'arađiyye olur. Ve bâridin hükümü dahi bu kıyâs üzere. Bürüdet-i dimâğ dâim olur ise mizâciyye olur. Ve eger bürüdet hâdiş olup ezâsı olur ise o bürüdet 'arađiyye olur ve dimâğda huşûnet ve yübüset icâb eder. Hâricde bürüdet olmayıp lâkin dimâğda yübüset ve huşûnet olsa o yübüset ve huşûnet dahi harâret ve bürüdet kıyâsı üzere. Eger dâimî olur ise mizâciyye olur ve eger sonradan hâdiş olup ezâsı olur ise o yübüset 'arađiyye olur. Ve dâhilden ter getirici harâret olmayıp lâkin dimâğda ru'tebet olur ise o ru'tebet dahi zıkr olunan kıyâs üzere. Eger dimâğda o ru'tebet dâime olur ise mizâciyye olur. Ve eger sonradan hâdiş olup ezâsı olur ise o yübüset 'arađiyye olur ve dâhilden ter döktürücü harâret olmayıp lâkin dimâğda ru'tebet olur ise o ru'tebet dahi zıkr olunan kıyâs üzere olur. Eger dimâğda o ru'tebet dâime olur ise mizâciyye olur ve eger sonradan ra'tb olup müziye olur ise o ru'tebet 'arađiyye olur.

Ve dimâğa bir nevc' ađrı 'arîd olur ki ke-enne bir canlı nesne dimâğ içinde yürüyüp dimâğı ekl eder gibi dimâğı lez' eder ya'nî dalar ve ona veca'-ı ekkâl tesmiye olunur, o veca'-ı ekkâl dimâğda hiddetli mādde olduğuna delâlet eder.

Ve dimâğa çarebânî veca' dahi 'arîd olur. Veca'-ı çarebânî ona derler ki damarları ifrâţ üzere hareket edip nabđ vezninden çıkar ve o hareket ile dimâğ mutađarrır olur. Ve o veca'-ı çarebânî dimâğda verem olduğuna delâlet eder. Ve hummâsı olur ise o hummâ ađrının vereme delâletini te'kîd eder.

Ve bir nevc' ađrı dahi olur ki o ađrı dimâğı dađt edip sıkıştırır ve şıklet verir ve ona veca'-ı şakîl derler. O veca' bârid olan mādde-i şakîle delâlet eder.

Ve veca'-ı mümeddid ya'nî dimâğa gerginlik veren ađrı mādde-i rîhiyyeye delâlet eder. Eger o ađrı dimâğın bir tarafından taraf-ı aĥere intikâl edip gezer ise o intikâl māddenin rîhî olduğunu te'kîd eder. Ve eger dimâğda olan ađrı mi'trakî olur ise ya'nî dimâğa debbûs gibi bir nesne ile çarb olunur mişâlinde olur ise beyda ve şakîka dedikleri baş ađrısının müzmin olduğuna delâlet eder.

Ve ağruların ciheti ve oldukları mevdi'î hasebiyle dahi delâleti olur. Meşelâ dimâğda olan ağrı mi'ade müşâreketinden olur ise bir hey'et üzere olur ve kebid müşâreketinden olur ise hey'et-i uhrâ üzere olur ve biz onları gelecek zamânda beyân eyleriz.

Ve dimâğda olan ağrılar devâmı ve 'adem-i devâmı hasebiyle dahi delâlet eder, meşelâ muḳaddem-i dimâğda ağrı olup dâim olsa ve kezâlik mu'ahhar-ı dimâğda ağrı dâim olsa ḳarânîṭus dedikleri sersâm marađını iḥdâş eder. [228b]

Faşl-ı Sâliḣe 'Aşere Göz ve Dil ve Yüz ve Bunların Mecârileri ve Levzetân ve Boyun ve Sinirler Mişli Dimâğın Fürûfu Olan A'ḳdaların Aḣvâli ile İstidlâli Beyânındadır

Ammâ göz ile istidlâl gözün cem'ân eczâsı ile olur yâhüd yalnız damarlar ile olur ve yalnız gözde olan ağırlık ve yeğnilik ile olur ve gözün sarı veyâhüd kümüdet veyâhüd reşâsiyyet veyâhüd ḣumret elvânıyla olur ve kezâlik gözün melmesi ile dahi olur. Ve bu delîllerin cümlesinin delâletleri biri birine ḳarîb olur, dimâğın kendide olan nesnelere delâlet eyledikleri zamân. Ve ba'ḳı kerre gözde olan dem'ca [dedikleri] ve remaş dedikleri ruṭûbet ile dahi istidlâl olunur. Ve kezâlik göze 'arıḳ olan yumukluđu ve göz ḣadeḳasının deđirmilenmesi ve yukarı kalkması ve büyük ve küçük olması ve ağruları ile dahi istidlâl olunur.

Ammâ gözün cefâfı ya'nî kuruyup yaş ḳıkmaması dimâğın yübsüne delâlet eder. Ve gözden ḳapak ve dem'ca seyelân eylemesi muḳaddem-i dimâğın ruṭûbetine delâlet eder, eger gözün kendide 'illet olmaz ise. Ve gözün damarları büyük olduđu, cevher-i dimâğın ıssı olmasına delâlet eder. Ve bilâ-sebebin zâhirin gözden akan yaş emrâḳ-ı ḣârreye ve dimâğın işti'âline delâlet eder ve kezâlik dimâğda evrâm olduđuna delâlet eder ḣuşuşan ki gözün ancak birinden yaş akarsa zıkr olunan âfetlere delâleti ziyâde olur.

Ve gözde örümcek nesci gibi ḳapak zuhûr edip ba'ḳdehu tecemmu' eder ise o vaḳt vaḳt-i mevt olur. Ve o göz ki dâimâ açık olup ṫarfa ya'nî yummağa o marîḳ ḳâdir olmaya, bu mişli ḣâlet ḳarânîṭusta olur ve ba'ḳı kerre lîşerğus marađında dahi olur.

Ve kezâlik göz yumuldukta açılması ʿusretli olur ise bu hâlet lîşergûs marađında ekşer olur ve baʿdı kerre ʿarânîṭusta kuvvetin inhilâli katında dahi olur. İşbu hâletler dimâğda büyük âfet olduğuna delâlet eder.

Ve ʿarfın keşreti yaʿnî gözü çok çok açıp ve yummak dimâğın iştiʿâline ve ʿarâretine ve cünûna delâlet eder ve ʿayn-ı müberhime ve vesvâsa ve mâlîhülyâya delâlet eder. ʿAyn-ı müberhime o göze derler ki bir şeye nazarı dâim ola, ona dikilip ondan ayrılmaya. O ʿayna müberhime dedikleri gibi ʿayn-ı mübersime dahi derler.

Ve gözün harekâtından dimâğın gâḍab ve gâmm ve ḥavf ve ʿaşk gibi evhâmına dahi istidlâl olunur. Ve gözün cuḥûzu⁹ evrâma ve evʿiyesinin imtilâsına delâlet eder.

Ve gözün gûʿuru ve soğulması dimâğda olan taḥallül-i keşîre delâlet eder, nitekim seher ve kuṭrub ve ʿaşk maraḍlarında gûʿur çok zuhûr eder, lâkin bunlarda olan gûʿurun heyʿeti muhtelif olup her birinde bir türlü heyʿet üzere olur, biz onları bâbında sana tafşîl eyleriz. Ve kezâlik gûʿur-ı ʿayn dimâğda ḥumret dedikleri şiş ve kûbâ⁹ yaʿnî demregi olduğuna delâlet eder.

Ammâ lisânın hâlinden meḥûz olan edille budur ki çok kerre lisân levni ile dimâğın hâline delâlet eder. Lisânın ebyaḍ olduğu lîşergûs maraḍına delâlet eder. Ve lisânın evvel maraḍda aşfer olup sonra esved olsa ʿarânîṭus maraḍına delâlet eder. Ve lisâna şufret galebe edip dilin altında olan damar yeşil olsa yalnız maşrûʿiyyete delâlet eder. Ve lisânın levniyle aḥvâl-i dimâğa istidlâl gözün levni ile istidlâl gibi kavî olmaz, zîrâ ki gözün dimâğa intisâbı kavî ve ihtisâşı muḥkemdir. Ammâ lisânın levni ile baʿdı kerre miʿdenin aḥvâline dahi istidlâl olunur, lâkin dimâğda âfet olduğu delîl-i âḫer ile şâbit olsa, o zamân levni-i lisânla dimâğın hâline istidlâl olunmak baʿd olmaz.

Ammâ yüzün levninden istidlâl sana maʿlûmdur, zîrâ elvânın emziceye delâletini kirâren ve mirâren sen bildin. Ammâ yüzün semiz veyâḥûd zebûn olmasından meḥûz olan delîl budur ki yüzün semizliği ve kırmızılığı demin çokluğuna ve galebesine delâlet eder. Ve yüz arık ve sarı olması şafrânın galebesine delâlet eder. Ve yüz arık olup yüzün levni kümüdet

9 أَلْحُحُوظُ [el-cuḥûz] (zameteynle) Gözün muklesî büyük ve yüksek olmak. Van-kulu.

üzere olsa sevdâvî yübüsete delâlet eder. Ve yüzde tehebbüc olsa demin ğalebesine ve mâiyyetine delâlet eder. Lâkin bu delâletler o şart ile olur ki o delâlet eden hâlet hâlet-i ‘arıda olup hâlet-i aşliyye olmaya ve hem zıkr olunan sehaneden mâ-‘adâ mevcûd olan ‘alâmetler cümlesi dimâğda ‘âfet olduğunun ‘alâmeti ola ve sâir a‘dâda âfet olduğunun ‘alâmeti bulunmaya.

Ammâ raqabe ya‘nî boyundan me‘hûz olan istidlâl budur ki eger raqabe kaviiye ve ğalıza olur ise delâlet eder ki dimâğın kuvvetleri kaviiyedir ve vefret ve keşreti vardır. Eger raqabe kısa ve ince olur ise kuvvet dimâğda kalîle olduğuna delâlet eder.

Ve ba‘dı raqabe hanâzîre müsta‘idd olup ednâ sebep ile onda hanâzîr ve sâir veremler hâdiş olur. O isti‘dâda sebep boğazda olan kuvve-i dâfi‘anın da‘fı değıldir. Ve kezâlik boğazın o veremleri ve hanâzîri ‘adem-i qabûlü boğazda olan kuvvet-i dâfi‘anın kuvveti değıldir belki bizim gelecekte zıkr edeceğımiz mizâciyye esbâbının biri ile dimâğda olan kuvve-i hâdîme da‘ife olup dimâğa vârid olan ğidâyı dimâğ hađm eylemez, o ğidâyı dimâğın kuvve-i dâfi‘ası kaviiye olmakla dimâğdan boğaza def‘ eder ve boğazda olan rıhv ve ğudedî lahm o mevâddı qabûl edip zıkr olunan hanâzîr ve sâir şişler boğazda hâdiş olur. Ve kaçan dimâğın kuvve-i hâdîmesi kaviiye olsa vârid olan ğidâyı o kuvvet hađm edip dimâğın cinsine ihâle eder ve dimâğ kuvvet bulur ve fesâd-ı mezkûru icâb etmez.

Ve lehât ve levzetân ve esnân işbu a‘dâların hâlerinden dahi ahvâl-i dimâğa istidlâl bu kıyâs üzeredir. Ammâ bātında olan mi‘de ve raħim mişli a‘dâ-i ‘aşabâniyye ile istidlâl müşâreket hasebiyle olur, zîrâ her ‘udv-ı ‘aşabânîde lâ-maħâle ‘aşab olur ve ‘aşab ise yâ dimâğî olur yâ nuħâ‘î olur. Ve ‘udv-ı ‘aşabîde âfet kaviiye olsa o kaviiye olan âfet dimâğa bilâ-vâsi‘ta veyâhûd bi-vâsi‘tati’n-nuħâ‘ ‘aşab tarîkıinden sirâyet edip dimâğın ahvâli ‘udv-ı ‘aşabânîde olan marađ ile ma‘lûme olur. Ve ba‘dı kerre dahi aşı olan marađ dimâğda olup ‘udv-ı ‘aşabâniyyeye marađ dimâğdan sirâyet eder. Bu şûrette dahi bātında olan ‘udv-ı ‘aşabânînin marađ-ı şirkîsi ile yine dimâğın ahvâline istidlâl olunur. Ve kaçan ‘aşablar kaviiye olup ve onlardan mün-tesic ola, ‘udv-ı ‘aşabânîler dahi kavî olşalar lâ-maħâle dimâğın selâmetine ve kuvâlarının kemâl-i şıhhatine delâlet eder.

Faşl-ı Râbî'a ʿAşere Dimāğa Karîb Olup Dimāğa Müşârik Olan ʿUđvlar ile Ahvâl-i Dimāğa Olan İstidlâller Beyânındadır

Dimāğa müşârik olan ʿuđvlar kaçan kavîyye olsa dimāğ kavî olur, ammā ʿuđv-ı müşâriklerde âfât çok olur ise ve o âfetler hüdüşunun esbâbı hâricden bir nesne ile olmaz ise dimāğın daʿif ve meʿûf olduğuna istidlâl olunur.

Ve marađ-ı aşlî baʿdı kerre dimāğda olup ʿuđv-ı müşârikte olan marađ-ı şirkî olur. Meşelâ marîd olan kimsenin bevl ve berâzı olur ve dimāğ meʿûf olup hissi olmadığında o fađalâtı ihsâs eder viʿâlarında kuvvet bulunmaz, o fađalât ihrâc olunmağa hâcet müştette iken ʿadem-i ihsâsa binâen ihrâca nühüd ve kıyâm eylemez tekdâyı anlamamak hasebiyle, nitekim lîserğus ve sübât-ı seherî marađında bu hâlet ʿarîd olur. Ve baʿdı kerre bu marađlarda ve kezâlik karânîtus dedikleri sersâm marađında o marađlar hasebiyle hareket etmek marîde ağır olur [hareket edemez] ve bevl ve berâzı [229a] her ne kadar ihsâs eylese dahi istifrâğ için hareket ağır olmakla kađâ-i hâcet eylemez. Ve cemîʿan bu ahvâl ile dimāğda âfet olduğuna istidlâl olunur.

Ve kezâlik zîkr olunan marađlarda taʿâm yedikte loğmasını yutamaz, izdirâddan ʿâciz olur. Ve baʿdı kerre o loğma boğazında kalır ve baʿdı kerre şerağ dahi ʿarîd olup bir nesne hâricden yok iken tükürüğünü yutmağa kâdir olamaz; mevte karîb olan muhtađırlarda bu hâlet ekşer olur.

Ve delâil-i nefes mişlîler ile dahi bi'l-müşâreket dimāğın hâline istidlâl olunur, zîrâ baʿdı kerre nefes kesilir, teneffüs edemez, dimāğda âfet olup göğsünde olan hicâb-ı munaşşifa o âfet bi'l-müşâreket işâbet ve sirâyet eylemek hasebiyle. Ve kezâlik nefesin ʿazîm ve kebîr olduğu dimāğda olan şubârâ¹⁰ marađına ve nefesin şağîr olup darlığı sübât-ı seherîye ve lîserğusa delâlet eder.

Faşl-ı Hâmise ʿAşere Dimāğ Hangi ʿUđva Müşâreket Hasebiyle Müteʿezzî ve Müteʿellim Olduğu İçin Vâkî Olan İstidlâlin Beyânındadır

Dimāğın müşâreket hasebiyle ekşer-i hâlde müteʿezzî olduğu ʿuđv miʿdedir. Ve vâcib olur ki dimāğın hâline miʿdenin efʿâli ile yaʿnî şehvet ve

10 “Şubârâ” sersâmdan bir nevʿdir ki onun hezeyânı ve mecnûn-ı muđtaribin idtirâbı olur ke-enne manya ve karânîtus marađlarından mürekkeb bir marađ olur.

hadımın ahvâli ile ve geçirmek ve qarâkır ile ve gâseyân ve hafakân-ı mi'adî ile istidlâl oluna. Bu mezkûrlar ile istidlâl olundukta mi'de bahşinde bizim zıkr edeceğimiz mi'de ahvâline nazâr oluna.

Ve mi'denin havâsı ve imtilâsı ile dahi dimâğın hâline istidlâl olunur, zîrâ dimâğın mi'deye müşârik olup mi'denin imtilâsından ve nefhasından mi'dede hâdis olan âfetler ile dimâğın bi'l-müşâreket müte'ezzî olması mi'denin imtilâsı hâlinde ziyâde zâhir olur.

Ammâ mi'dede olan harâret ve mirre-i şafrâ ve bunlardan tevellüd eden ağırlar hasebiyle mi'dede olan âfete ve kezâlik mi'denin şiddet-i hissi hasebiyle mi'dede olan âfete dimâğın müşâreketi hâl-i havâda ya'nî mi'de ta'âmdan boş olduğu zamânda ziyâde zâhir olur. Ve çok kerre mi'denin imtilâsı mizâc-ı dimâğın ta'diline sebep olur, onun için ki o imtilâ hiddetli buhâr ile mi'de arasına girer ve haylûlet eder. Ve o hâil hasebiyle buhâr-ı hâdd dimâğa vâşıl olmaz ve dimâğ o buhâr ile münharifü'l-mizâc olmaz.

Ve dimâğın mi'de müşâreketiyle me'ûf olduğuna ziyâde ahaşş olan delil ağrının mevçî'i olur. Meşelâ ağrı yâfûhtan ibtidâ edip ba'dehu omuz başları arasına intikâl eylese ve hadım katında ağrı müstedd olsa o veca'-ı dimâğî mi'de müşâreketiyle olduğuna ziyâde delâlet eder.

Ve ba'dı kerre kevide müşâreket hasebiyle baş marîd olur ve başta olan ağrı başın sağ cânibine mâil olur. Ve tihâl müşâreketi ile olan baş ağrısı sol cânibe meyl eder.

Ve çok kerre dimâğ merâkktan şerâsifî vely eden cânibe müşâreket hasebiyle müte'ezzî olur. O zamânda başta olan ağrı başın quddâmında ya'nî ön tarafında olur.

Ve hatunlarda olan baş ağrısı ba'dı kerre rahimde müşâreket ile olur. O baş ağrısında evcâ'-ı rahim dahi mevcûd olur. Ve evcâ'-ı rahimin edillesi bâbında zıkr olunur. Ve o baş ağrısı yâfûhun ortasında vâkıf olur.

Ve ekser-i hâlde dimâğın a'đâ-i sâireye müşâreketi dimâğa a'đâdan çıkan buhârlar ile olur. Ve dimâğa şu'ûd eden ebhurenin tarîki şerâsifin ön cânibi olur ise o şu'ûdun 'alâmeti budur ki evvelâ şerâsifte fevk cânibine temeddüd ve kiriş gibi gerginlik ihsâs olunur ve şerâsife qarîb olan damarlarda çarebân dahi ihsâs olunur. Ve bu şürette baş ağrısı ibtidâen başın ön cânibinden zuhûr eder. Ve ebhurenin a'đâ-i sâireden başa şu'ûdunun tarîki

kaḫā nāhiyesini vely eden cānib olur ise başın ağrısı ibtidā ense cānibinden ihsās olunur ve ense cānibinde olan şiryān damarlarında gerginlik ihsās olunur ve yine ense cānibinde olan şiryān damarlarında çarebān olur.

Ve baḫḫi kerre maraḫ-ı aḫlī dimāğda olup ʿuḫv-ı müşārikte olan maraḫ-ı şirkī olur, lākin maraḫ-ı aḫlīnin sebebi ḫaḫfī olmakla maraḫ-ı şirkī olan maraḫ-ı aḫlī, aḫlī olan maraḫ-ı şirkī zānn olunur. Meḫelā miḫdede ğaḫseyān olukta onun iki veche iḫtimālī olur: Bir vechi budur ki miḫdede ğaḫseyān maraḫ-ı aḫlī olur ve başta olan āfet onun ʿaraḫı olup bi'l-müşāreket dimāğ meʿūf olur. Ve ikinci vechi budur ki dimāğda olan āfet maraḫ-ı aḫlī olur, velākin sebebi ḫaḫfī ve gizli olmakla maraḫ-ı aḫlī olduđu bilinmez ve miḫdede olan ğaḫseyān zāhir olmakla maraḫ-ı aḫlī zānn olunur. Pes sana vācib olur ki kitāb-ı evvelde maraḫ-ı aḫlīyi şirkīden temyīz bābında bizim beyān eylediğimiz kānūna tām̄m riḫāyet etmekle maraḫ-ı aḫlīden ḫaḫfī olanlarını maraḫ-ı şirkīnin zāhir olanlarından fark ve temyīz edip tedbīrde ḫaḫādan maḫşūn olasın.

Faḫl-ı Sādis̄e ʿAḫşere Muḫtedil Olan Dimāğın Delāilī Beyānındadır

Maḫlūm ola ki dimāğın mizācī muḫtedil olduğunun ʿalāmetleri dimāğın ḫissiyye ve siyāsiyye ve ḫarekiyye olan efʿālī iḫtidāl üzere olduđu olur. Ve muḫtedilü'l-mizāc olan dimāğ kendiden nefḫi ve iḫrācī lāzım olan faḫlayı ve mevādd-ı müziyyeyi nefḫ eder ve ḫabsi ve imsākī lāzım olan ğıḫāyī im-sāk eder ve āḫer ʿuḫvdan vārid olan buḫār ve duḫān ve mevādd-ı müziyyeleri defe kādīr olup defc eder ve ḫabūl eylemez.

Ve dimāğ-ı muḫtedil şāḫibinin zamān-ı ḫuḫūliyyette başının tüyleri aḫḫar-ı nārī olur ve zamān-ı teraḫruḫda o tüylerin levni kırmızı olur ve ḫilḫatī tamām ve neḫvi kemāle eriḫtikte tüyleri sevāda māil olur ve tüyleri sübūḫat ile cuḫūdet arasında olup vasaḫu'l-ḫāl olur ne ziyāde kıvrırcık ve ne müster-sil olur ve tüylerin nebātī yaḫnī bitmesi dahi kemmen vasaḫu'l-ḫāl olur ne ziyāde biter ve ne noḫḫān üzere biter, beynehūmāda mütevassıḫ olur. Ve kezālīk zamān-ı nebātī müteḫaddīm ve müteḫaḫḫir olmaz, vaḫt-i ḫabīḫide nābit olur ve ağarması dahi zamān-ı ḫabīḫide olur, vaḫtinden evvel veyāḫūḫ sonra ağarmaz. Ve o dimāğ-ı muḫtedil şāḫibine ḫalaḫ sürḫat eylemez yaḫnī başının tüyleri seyreyip aḫlaḫ olması ʿacele eylemez.

Faş-ı Sâbî'a ʿAşere Dimâğın Mizâcî Hılkat-i Aşliyyede Redî Olduğunun Delâili Beyânındadır

Cālînūs reʿy ve zann eder ki dimâğın harâreti ihtilâf-ı ʿaklı ve tekel-lümde hezeyânı tevlîd eder ve onlara mülhâk olur, tayş ve hiffet üzere olmak ve ʿalbine her sâʿatte bir türlü ve biri birine muhâlif nesnelere hıttır eylemek ve bir ʿazîmet üzere olmayıp mekâşîdı perîşân olmak. Ve bürüdet belâdeti ve hareketin sükûnunu tevlîd eder ve belâdete mülhâk olur, fehmin baṭı ve geç olması ve fikrde taʿazzür ve kesel olması. Ve dimâğın yübüseti seheri [yaʿnî uykusuz olmağı] tevlîd eder, eger seheri ruṭûbât-ı bürâkiyyeden hâdiş olmaz ise ve kezâlik şıkal-i dimâğ ve istifrâğ-ı fuḍûl ve sâir edille-i ruṭûbet-i mâliḥa-i bürâkiyye bulunmaz ise yübüset-i dimâğa delâlet eder. Ve ammâ ruṭûbet nevm-i müstağrakı tevlîd eder eger qarîben mezkûr olan bürâkiyyet ve mâlihiyyet keyfiyyetleri o ruṭûbetlerde olmaz ise.

Ve Cālînūs zuʿm ve reʿy eder ki dimâğda sūʿ-i mizâc olduğuunun ʿalâmeti mevcûde iken ondan mevâdd seyelân eylememek o sūʿ-i mizâcın sâzec olup bilâ-mâdde olduğuna delâlet eder. Ve eger hem sūʿ-i mizâcın ʿalâmeti mevcûde olup ve hem mâddenin seyelânı olur ise o sūʿ-i mizâc mâddî olduğuna delâlet eder. Lâkin biz deriz ki mâddenin akması sūʿ-i mizâc mâddî olduğuna delâleti dimâğda südde ve dimâğın kuvve-i dâfiʿasında daʿf olduğu zamânda olur. Ve baḍı kerre dimâğın sūʿ-i mizâcî mâddî iken südde ve daʿf-ı dâfiʿa sebebiyle fuḍûl seyelân eylemez, ammâ dimâğın harâreti ʿalâmetleri bu [229b] mezkûrlar olur:

Vilâdetin evvelinde tüyler sürʿat üzere biter ve belki ana karnında iken tüyleri biter ve tüyler evvel nebâtında esved çıkar veyâhüd evvelen aşkaruʿl-levn bitip serîʿan şukreti sevâda istihâle eder ve kezâlik harârete delâlet eder. Tüylerin cuʿüdeti yaʿnî kıvrıcık çıkması ve şalaʿın sürʿat üzere ʿarîd olması ve revâyiḥ mişlli nesnelere ile dimâğın sürʿat üzeri şıkalî ve imtilâsî ve hiddetli râyiḥalar ile dimâğın sürʿat üzere müteʿezzî olması ve dimâğ hiffet üzere iken nevmın ʿalîl olması ve gözde olan damarların zâhir olması ve bir nevc zükâm bulunması ve reʿy ve ʿazîmetinin sürʿat-i taḡallübü yaʿnî bir fiʿle ʿazîmet eyledikten sonra hilâfına sürʿat ile ʿazîmet eylemek, nitekim şıbyânın reʿy ve ʿazîmeti tebeddülü gibi.

Ve harâret-i mizâcın bir delîli dahi budur ki melmesi hârr olur ve levni kırmızı olur ve munşabbe ve müntefîda ya'ni akan ve silkilen mevâdd nađic ve pişkin olur. Ve mizâc-ı bāride kıyâsla harâret-i mizâcı olan dimâğdan çıkan fađlaların kıvâmı mu'tedil olur.

Ammâ emzice-i dimâğdan mizâc-ı bāridin 'alâmeti bunlar olur: Fuđülün intifâdı ziyâde olur zıkr olunan şuhûş bulunur ise. Keşret-i intifâd bürüdet-i dimâğa delâlet eder. Ve mizâc-ı bāridin âher 'alâmetleri: şa'rın sübûtatı ve şa'rın kıllet-i sevâdı ve ağarmasının sür'ati ve vârid olan âfâttan dimâğın sür'at üzere inficâli ve nevâzilin keşreti ve zükâmın ednâ sebep ile keşret-i 'urûdu ve göz damarlarının hafî olması ve nevmin çok olması ve şüreti tapuklayan kimsenin şüreti gibi olması ve göz kapaklarını bađı üzere ya'ni geç tahrik eylemesi ve meşâyihün ya'ni pîr olanların 'azîmetleri gibi bir 'azîmet üzere karar eylemesi. Pes bu mezkûrlar cem'an bürüdet-i mizâc-ı dimâğ 'alâmetleri olur.

Ve dimâğın yâbisü'l-mizâc olduğunun 'alâmetleri dahi budur ki zıkr olunur: Mecârî-i fuđül nađiyy olur ya'ni burnundan sümük ve gözünde yaş ve sairlerden dahi hurücu mu'tad olan ruţubetlerden o mecârîler tahir ve hâlî olur ve havâssında şafâ olur ve seherinde kuvvet olur ve şa'rı kavî olur ve mizâcı evâil-i sinninde duhânî olduğundan tüyleri sür'at üzere nâbit olur ve şala'ı serî olur ve tüyleri kıvrırcık olur.

Ve ammâ dimâğın mizâcı raţb olduğunun 'alâmetleri dahi bu mezkûrlar olur: Tüyleri sübûtat üzere olur ve geç biter ve şala'ı geç olur ve havâssı küdüretli olur ve fuđülü ve nevâzili çok olur ve nevmi istiğrâk üzere olur. Bu zıkr olunan mizâc dimâğın müfred olan mizâcı idi.

Ammâ mizâc-ı mürekkebin 'alâmeti eger o mizâc-ı mürekkeb hârr ve yâbis olur ise fuđülün olmaması ve havâssın şafâsı ve seherin kuvveti ve nevmin kılleti ve tüylerin sinn-i evvelde sür'at-i nebâtî ve tüylerin kavî olması ve sevâdı ve cu'üdeti ve şala'ın cidden sür'ati ve melmesinin harâreti ve cefâf üzere olması ve baş ve göz kızarması ve 'azminde karar üzere olmayıp bir maţlabdan bir maţlab-ı âhere intikâl eylemesi ve marađın huşûlünde 'acele eylemesi ve fehm ve zıkrın sür'ati ve ef'al-i nefesiyyenin sür'ati olur.

Ammâ hârr ve raţb olan mizâcın 'alâmeti budur ki eger hârr ve raţb olan mizâc itidâlden cidden ba'd olmaz ise levn hasen olur ve damarlar âşikâre

olur ve melmesi harâretli ve mülâyim olur ve fuđülü çok olup pişkin olur ve tüyleri sübûtat üzere olup şukrata mâil olur, şala'ı serîf olmaz ve esbâb-ı sühûnet ü ruñbet ile tesahhunu ve terañtubu serîf olur. Ammâ hârr ve rañb olan mizâc cidden itidâlden ba'ıd olur ise o kimse mişkâm olur ya'nî tiz tiz hasta olur ve sovk ve ıssıcağın nikâyelerini ziyâde kabûl eder, cevher-i dimâğında ufunetli marađlar olur. Ve dimâğı o mizâc üzere olanın havâssı şakîle ve küdüret üzere olur ve gözleri da'ıf olur, uykuya şabrı olmaz ve müşevveş düşleri çok görür.

Ammâ mizâc-ı dimâğ bārid ve yābis olur ise onun 'alāmeti budur ki melmesi bārid ve levni hābil ya'nî fāsıd olur ve başında ve gözünde olan damarları gizli olur ve tüyü geç biter ve aşhebü'l-levn olur ve tüyleri ince olur, şala'ı buñu olur. 'Ale'l-ñuşuş yübüseti o mizâcın bürüdeti üzere gālibe olmasa o zamān şala'ın bañı'ı ziyâde olur ve kezālik müberridat isti'māliyle mutadarrır olur, eger şart-ı mütekdimm bulunur ise. Ve şebābı vañtinde havāssının şafası olur ve yaşı mürür eyledikçe havāssı da'ıfe olur ve herem gelir ve teşeyyuh zāhir olur ve beli bükülür ve nevāñi-i re'sinde tekabbuđ olur, serî'an kocar ve şihhati muđtaribe olur, bir kerre başı da'ıf ve başında olan mesālik açık olur ve bir āñer kerre dahi hilāfı üzere başı şakıl ve mesāliki kapalı olur.

Ammâ mizâcı bārid ve rañbın 'alāmeti budur ki o mizâc şāhibinin nevmi keşir ve müstağrak olur ve havāssı redi olur, keslān ve belādet üzere olup baştan istifrāğ-ı fuđülü çok olur, şala'ı bañı'ı olur ve nevāzilin vukū'u çok olur.

Ammâ dimâğ veremlerinin 'alāmetlerini biz o veremleri tafşilen zıkr eylediğimiz mañalldē beyān eyleriz.

Faşl-ı Şāmine 'Aşere Başta Olan Marađlardan Her Birinin 'Alāmetlerinin Başka Başka Beyānında Olur

Fī 'Alāmāti Sū'i'l-Mizāci'l-Hārrı Bilā-Mādde: Başında sū-i mizâc-ı hārr olup māddeyi olmayanların başında bilā-şıkal iltihāb olur ve seheri dahi olur ve harekātında kılak ve ıdñrāb ve tañayyülünde teşevvüş olur; ğadıba serîf ve gözü kırmızı olur; müberrid olan nesnelere intifāc eder ve müsahñināttan mutadarrır olur.

Fî 'Alāmāti Sū'î'l-Mizāci'l-Bāridi Bilā-Mādde: Dimāğında bilā-mādde sū²-i mizāc-ı bāridi olanların 'alāmeti budur ki o kimsenin başında bilā-şīkal berd ihsās olunur ve kesel ve füturu olur ve yüzünün ve gözünün levni beyāḍ olur ve taḥayyülâtında noḳşānı olur ve korkaklığa meyli olur; müsaḥḥināttan intifāc eder ve müberridātla mutaḍarrır olur.

Fî 'Alāmāti Sū'î'l-Mizāci'l-Yābisi Bilā-Mādde: Yübüseti olan dimāğın 'alāmeti budur ki baş ḥafīf olur ve o yübüset 'arıḍa olmazdan muḳaddem keşīren dimāğın faḍlasının istifrāğı olur; ḥayşümü kuru ve seheri ḡālib olur.

Fî 'Alāmāti Sū'î'l-Mizāci'r-Raṭbi Bilā-Mādde: Mizāc-ı dimāğ bilā-mādde raṭb olduğunun 'alāmeti budur ki o mizāc şāhibinde kesel ve fütür olur, lākin başının şīkali ḳalīl olur ve dimāğının faḍlası ḳalilen veyāḥūd i'tidāl üzere seyelān eder ve nisyānı ifrāṭ üzere olup nevmi dahi ḡālib olur.

Fî 'Alāmāti'l-Emziceti'l-Mürekkebeti'lletī Tekūnu Bilā-Mādde: Dimāğın sū²-i mizācı mürekkeb olup mādde olmıyan dört kısmdır: sū²-i mizāc-ı ḥārr u yābis, sū²-i mizāc-ı ḥārr u raṭb, sū²-i mizāc-ı bārid ü yābis, sū²-i mizāc-ı bārid ü raṭbdır.

Pes bu mürekkeblerde olan iki basīṭlerin 'alāmetlerinin mecmūcu mürekkebe 'alāmet olur:

Meşelā dimāğın imtizācı ḥārr ve yābis olsa o mizāc-ı mürekkebe hem ḥarāretin ve hem yübüsetin 'alāmeti mevcūde olur ve onun mecmūcu ḥārr ve yābis mizāca delīl olur ve bāḳiler dahi bu ḳıyās üzere olur. Lākin sū²-i mizāc-ı mürekkebin iki cüz²-i basīṭinden ḡālib olan cüz²ün gālebesine dahi istidlāl olunur; ḥārr ve yābis mizācda ḥarāretin gālebesine seher ve iḥtilāṭ-ı 'aḳl ile istidlāl olunur.

Bārid ve yābis olan sū²-i mizācda bürüdetin gālebesine cümüd demekle ma'rūf olan marāḍa müşābih 'arıḍ olan ḥālet ile istidlāl olunur. Ve ba'ḍı kerre olur ki bürüdetin gālebesi o marāḍın nefsine mü'eddī olur.

Ve ḥārr ve raṭb olan mizācda ruṭūbetin gālebesine nevmi gālebesi ve sübāt-ı yesīre ile istidlāl olunur.

Ve mizāc-ı bārid ve raṭbda bürüdetin gālebesine nevm-i sübātī ile istidlāl olunur. Mā-'adāları dahi bu ḳıyās üzere olur ya'ni her mürekkebe olan basīṭlerin hangisinin 'alāmeti ḡālibe ise o basitin gālebesine delālet eder.

Fî 'Alâmâti Ğalebeti'l-Mevâddi's-Şafrâviyyeti: Mevâdd-ı şafrâviyyenin ğalebesinin 'alâmeti [230a] bunlardır: Başta şıkal olur, lâkin ifrâṭ üzere olmaz ve lez^c ve iltihâb olur ve ihrâk-ı şedîd ve ḥayşûmda yübüset ve 'aṭaş ve seher ve yüzde ve gözde şufret ve çok terlemek ve sübât olur.

Fî 'Alâmâti Ğalebeti'l-Mevâddi'd-Demeviyyeti: Demevî mevâddın ğalebesine başın şıkalı ziyâde olması ve ḍarebânî ve yüzün ve gözün intifaḥı ve levnin ḥumreti ve terin keşreti ve dürürü ve sübât delîl olur.

Fî 'Alâmâti Ğalebeti'l-Mevâddi'l-Bârideti'l-Balgâmiyyeti: Balğam-ı bâridin ğalebesinin 'alâmeti bunlardır: Berdin iḥsâs olunması ve berdin ezâsının zamânî uzayıp müzmin olması, yüzünde ve gözünde ḥumretin ve şufretin az olması ve başta şıkalın ziyâde olması ve kesel ve belâdet ve sübât ve nisyân bulunması ve yüzünün ve gözünün ve lisânının levni levni reşâş olması olur.

Fî 'Alâmâti'l-Mevâddi's-Sevdâviyyeti: Sıkal ekall ve seher ekser olur ve vesvese ve fikr-i fâsîd olur ve yüzün ve gözün ve cemî-i a'ḍânın levni kûmüdet üzere olur.

Fî 'Alâmâti'l-Evrâmi'l-Hârreti: Hârâretli veremlerden ve şişlerin 'alâmetleri bunlardır: Ḥummâ-ı lâzîme ve şıkal ve ḍarebân olur. Ve o veca^c olur ki 'aynın köküne ulaşsın. Ve ba'ḍı kerre bu veca^c ile cuḥûz-ı 'ayn dahi vâki^c olur. Ve 'aqlın ihtilâṭı ve nabḍın sür'ati ve hârâreti olur. Ve eger verem dimâğın kendide olur ise nabḍ-ı mevcîyyeye mâil olur ve eger verem dimâğın hiçâblarında olur ise elemi eşedd olur ve nabḍ-ı minşâriyyete mâil olur.

Fî 'Alâmâti'l-Evrâmi'l-Balgâmiyyeti: Balğamî veremlerin 'alâmetleri bunlardır: Nisyân ve sübât ve şıkalın keşreti ve nabḍ-ı mevcî ve terehhül ve tehebbüc olur.

Fî 'Alâmâti'l-Evrâmi's-Sevdâviyyeti: Seher ve vesvâs ve şıkal-i maḥsûs ve şalâbet-i nabḍ olur. Ve bu maḥallde zikri lâzım ve mühimm olanların bâkîlerini bâb-ı şudâ'da biz zikr eyleriz.

Faşl-ı Tâsîfa 'Aşere Mu'âlecâtın Kânûnları Beyânındadır

Kaçan biz māddeyi istifrâğ murâd eylesek ve o istifrâğ murâd olunan mādde ile dem keşir bulunduğuna delîl olsa o mādde gerek balğam ve ge-

rek şafrâ ve gerek sevdâ olsun evvelâ faşd ile ibtidâ edip kıfâli ve bâbu'l-ʿa-dudda mezkûr olan baş damarlarının yaʿnî cebhe ve burun damarı ve nâhiye-i üzüin damarı, işbu damarların birinden faşd ile ibtidâ eyleriz.

Ve vâcib olur ki o faşd vecaʿ cānibinin hilâfından ola. Eger marađ ʿazîm olup demde dahi galebe olur ise biz vidâcı faşd eyleriz. Ve istifrâğı murâd olunan hılta deme her ne kadar gâlib olur ise dahi yine biz faşd ile ibtidâ eyleriz, zîrâ faşdın istifrâğı ahlât-ı erbaʿa arasında müsterektir.

Faşd ile dem istifrâğ olunduğu gibi kezâlik hılta-ı gâlib dahi istifrâğ olunur. Ve istifrâğdan maşşûd demi istifrâğ olur ise faşd-ı tamm kifâyet eder. Ve eger müzî olan hılta demin mâ-ʿadâsından olur ise o zamân o hılta nazâr olunur. Eger onun galebesi cemîʿ-i bedene şâmile ise evvelâ hılta-ı gâlibi kendiye maşşûş müstefrigât ile cemîʿan bedenden istifrâğ eyleriz, baʿdehu yalnız başından faşd eyleriz ve faşdı istifrâğ üzere takdîm eylemeziz. Ve bu vech ile ʿamel eger maddenin nađic olduğu müteʿayyin olur ise olur. Ve maddenin nađic olduğu mütehallibe olup o maddenin taşra çıkanları ziyâde gâliza veyâhüd ziyâde rakîka olmayıp muʿtedilü'l-kıvâm olmakla maʿlûm olur.

Ammâ dimâğın marađı zamân-ı intihâya erişip biz o başta o zamândan muqaddem mündic olan merühât ve neñulât istiʿmâl etmekle māddeyi indâc etmiş olsak o zamânda yalnız baştan māddeyi istifrâğ eden gârgara ile istifrâğ eyleriz, eger riyeye işâbetinden havf olunmaz ise ve o gârgara ile istifrâğ olan mādde hılta-ı lâziʿ olmaz ise ve o marîdin riyesi emrâdı kabûle müstaʿidd olmazsa ve mādde-i rediyye nüzülünden riyesini muhâfazaya mümkün olur ise ve başta olan mevâddı istifrâğa ihtimâm riyeyi muhâfazaya eşedd olur ise.

Ve kezâlik zıkr olunan dimâğın muʿâlecesinde müfettiş ve muʿatış olan meşmûmât ve ʿatûsât ve neñulât dahi istiʿmâl eyleriz, baştan mevâddı hârice cezb eylesin için. Ve baʿdı kerre biz o başı tırâş edip onda mevcûd ve müzî olan hılta ishâl eden edviye ile o başa dımâd eyleriz eger o dımâddan ifsâd-ı mizâc havf olunmaz ise. Ve biz bu dımâddan tevakkî ve ihtirâz üzere oluruz eger mādde nađica olup istifrâğı sehl ve âsân olur ise. Ve bu hâlâtın küllisinde balgam-ı bârid istifrâğ olundukta maddenin istifrâğ olup gâlizi bâkî kalmaktan ziyâde ihtirâz eyleriz, hattâ balgam-ı

bâridi istifrâğ murâd olundukta evvelâ o kimseye müleyyin ve mündic edviye veririz, baʿdehu istifrâğ edici devâlar saqy ederiz ve her zamân istifrâğı telyinden sonra eyleriz.

Ve hiddetli ahlâtı istifrâğda baʿdı kerre biz eyâric ve saqmünyâ ve türbüd ile karabaş mişlli edviye istiʿmâline muhtâc oluruz ve o vakte biz ziyâde ihtirâz eyleriz ki o harâretli istifrâğattan sū²-i mizâc-ı hârr bâkî kalmaya ve ziyâde cehd edip o mişlli hârr müşilât ve harâretli müstefrigât ve gârgara istiʿmâl olunduktan sonra onun harâretinin tedârükü olan müberridât ile dımâd ederiz.

Ve yine biz o harâretli edviye-i müşhileyi ve müstefrigayı marîde saqy eylemezden muqaddem marîdin mizâcını yoklayıp bize şıka ve itimâd gelir ise ki o edviye-i hârre marîde saqy olunsa mâddesini ishâl veyâhüd istifrâğ eder, o zamân zıkr olunan hârr devâları saqy ederiz, zîrâ o müşhil ve müstefrig devâlar baʿdı mizâcın mâddesini ihrâc edemeyip saqy olunan kimseyi ihlâk eder. Ve eger mâdde nađıca değıl ise zıkrî mürür eden nesnelere ile o mâddeyi kâmilten inđac eyleriz ve sonra istifrâğ eyleriz.

Ve eger istifrâğ olunan mâdde esfelde olup veyâhüd cemî^c-i bedende olup fevke şuʿûd eyledi ise o müteşâʿide olan mevâddi cânib-i hilâfa yaʿnî esfele huqne ve hamûlât ile cezb eyleriz ve o vakte marîdin etrâfını huşuşan ayaklarını ışâbe ile şedd eyleriz baʿdehu ʿudvdan mâddeyi istifrâğ eyleriz. Meşelâ mâdde miʿdede olur ise eyâric-i feykarâ ile istifrâğ eyleriz. Eger mâdde tihâlde ise tihâlden istifrâğa maşşüş edviye ile istifrâğ eyleriz ve sair aʿdâlar dahi bu kıyâs üzere olup her ʿudvu kendiye maşşüş müstefrigât ile istifrâğ ve tedbir eyleriz.

Bu mezkûrlar mevâdd bâbında olan kavânîn-i külliyyelerdir. Ve hangi mâdde istifrâğ olunup ondan sū²-i mizâc hâdiş olur ise o hâdiş olan sū²-i mizâca biz dıddı ile muʿalece eyleriz yaʿnî sū²-i mizâc-ı hârr olur ise bârid devâlar ile ʿilâc eyleriz ve eger hâdiş olan sū²-i mizâc-ı bârid olur ise hârr devâlar ile ʿilâc eyleriz, bâkî müfred veyâhüd mürekkeb olan sū²-i mizâclar dahi bu kıyâs üzere muʿalece olunur.

Ve başta olan ruţûbâtın aşhâb-ı keyy katında bir ʿilâcı vardır ki o ʿilâc cemîʿan ecnâs-ı ruţûbet beyninde müşterek olur, o ʿilâc budur: Yedde olan parmaklardan sebbâbe yâhüd hınşır ile burnun etrâfında mesâha olunur, o

parmak baştan ne maħalle müntehî olur ise o maħall keyy olunup dāğlanır veyāhūd bir kulaktan āher kulağa varınca kadar tülü olan bir haytın nısfı ile yine burnun tarafından baş mesāha olunur ve hangi maħalle o hayt müntehî olur ise baştan o maħall keyy olunur, lâkin evvelā baş tıraş olunup ba‘dehu o vücūh-ı keyyden hangisi murād olunur ise o keyy işlenir. Ve şimdi biz icmâlden tafşîle rüçû‘ eyleyelim:

Ammā dem, eger dem cümle bedende itidālî tecāvüz edip başta dahi mādde vāfire ve keşîre ise sen kîfālî faşd edersin.

Ve eger dem başta birikmeğe bed³ edip henüz birikmesi yok ise o zamān ekħal damarını faşd edersin. Eger birikmeğe dahi bed³ eylediği [230b] olmayıp lâkin gelecek zamānda birikmeğe başlar ve bed³ eder diye havf edersen o zamān bāsîlîki faşd edersin. Ve o havf o zamān olur ki başın etrāfında māddeyi başa cezb edecek sebep mevcūd olur, harr-ı hāricî gibi veyāhūd darbe gibi cezzāb sebebler mevcūd olur.

Ve eger bāsîlîk faşdından ziyāde baştan māddeyi cezb eder damardan faşdı murād edersen şāfin damarını faşd edersin ve topuktan bir şibr yukarı maħalli hacāmet dahi edersin. Ve ayak damarlarını faşd murād edersen ve eger mādde iki ‘uđv arasında müşterek olup deverān üzere olur ise ya‘nî gāhîce bir ‘uđvda ve gāhîce o ‘uđvun şerîki olan ‘uđv-ı āherde olur ise o zamān o iki ‘uđv beyninde müşterek olan damar faşd olunur. Eger iki ‘uđvdan dahi māddeyi istifrāğ edersen ve eger māddeyi yalnız ‘uđv-ı müşārikten istifrāğ edip māddenin muqaddem bulunduğu ‘uđvdan māddeyi nāhiye-i uhrāya cezb edersen evvelā māddenin bulunduğu ‘uđvun müşāriklerinden başın hilāfî cānibinde olan damarı faşd edersin.

Ve bu beyāndan sonra biz deriz ki eger dem yalnız başa teveccüh eder ise veyāhūd dem ‘an-aşl yalnız başta hādiş ise o zamān nazar olunur, eger dem kıhfin üzerinde olan hicāb-ı mücellil üzerinde emrād-ı cüz’iyyede tafşîlen zıkr edeceğimiz vech üzere olur ise veyāhūd o māddenin ağırsı şü‘ūna¹¹ karîb maħallde ihsās olunur ise ve sen onlara ‘ilāc-ı hafîf ile mu‘ālece murād eylesen kıhfin hāricine nukre-i kafādan sen hacāmet edersin.¹²

11 Kıhif dedikleri baş kasesi ile onun cidarı menziline olan kabail kemiklerinin derzine “şü‘ūn” derler.

12 “وينفع عرق الجبهة من ثقل الرأس وخصوصا مؤخره وثقل العينين والصداع الدائم المزمن” İlākî.

Ve eger dem gavrda ya'nî derin olup nukreden hacâmet ile demin kıhfin hâricine incizâbı ümîd olunmaz ise o zamân hâşşaten ırk-ı cebheyi faşd edersin eger veca' başın mu'ahharında olur ise.

Ve dem aḥz ve istifrag olunduktan sonra helilecden ve uşârât-ı fevâkihten müttehaz olan müstefrigât tenâvül olunur, eger müstefrigât isti'mâline hacet olur ise hıkneler dahi isti'mâl olunur. Eger o marîdin illeti sekte-i demeviyeye mişli şa'b olur ise vidâcdan faşd olunur.

Ammâ mündicât isti'mâlinin beyânı budur ki eger mâdde balgamiyye veyâhüd sevdâviyye olur ise onu inđac için isti'mâl olunan edviyenin ümmehâtı ya'nî aşlı o edviyedir ki onda tel'tif ve taḫtîr ve taḫlîl olur, merzencüş ve varak-ı gâr ve şîh ve kıaysüm ve babadya ve izḫîr ve iklîl-i melik ve şıbs ve besfâyec ve eftimün gibi. İşbu ikisi ya'nî besfâyecle eftimün mevâdd-ı sevdâviyyeye maḫşüş olur, bâkîleri sevdâviyye ve balgamiyye beyninde müşterektir, kezâlik vaşf olunan edviye hâşâ ve futenec ve zûfâ ve sezâb ve birincâsef gibi ve ibtidâ-i kitâb-ı şânîde cedvel-i taḫlîl ü inđacda taḫrîr olunan sâir edviye-i hârreler gibi. Ve bu edviye her ne kadar balgamiyye ve sevdâviyye olan mevâddı taḫlîl ve inđacda müşterek olurlar ise, lâkin bu edviye ile balgamî ve sevdâvî mevâdda tedbirlerin tarîkı başka başka vardır, biz inşâallâhu ta'âlâ o tarîkleri gelecekte beyân eyleriz.

Ve vâcib olur ki bu edviyelerin derecâtı mevâddı miḫdârınca kılma. Eger mevâddının kemmiyyet ve keyfiyyeti keşire ve şedide olur ise edviye-i hârreyi kuvvetli kılarız, hattâ âkırkarhâ gibi ve ferbiyün gibi ve bunların emşâli olup derece-i râbi'ada hârre olan edviyeleri o mevâddın mu'alecesi aḫlâḫına idhâl eyleriz. Lâkin mevâddın galeyânı havf olunur ise zîrâ mevâdd keşire olup galeyânı olsa mevâddın hacmi ziyâde olup uḫvu temdîd eder ve uḫvun temeddüdü ile elem ziyâde olur ve verem dahi ihdâş eder. Pes vâcib olur ki o mişli uḫvdan zıkr olunan şedidetü'l-harâret edviye ile mâddeyi def'aten istifragâ cesâret olunmayıp o mevâddan bir şey istifragla ibtidâ edip ba'dehu bâkîlerini inđac eylemeğe şürû oluna. Ve mülâyim olup ficce olan aḫlâḫı inđacdan aşveb olan ilâcın ve dımâdın teşḫîni mu'tedil olan edviye ile olmasıdır. Ve onun bağları mülâyim ve mu'tedil bağlanmak gerektir ki rıfk ile inđac-ı mâdde hâşıl ola. Eger mâddenin kemmiyyeti kalîle olur ise veyâhüd mâddenin keyfiyyeti da'ife olur ise zıkr olunan kalî-

lü't-teshîn edviyelerden derece-i ülâda laţîf olan devâlar ile inđâcda iktifâ eyleriz. Eger mādde kemmiyyet ve keyfiyyette mu'tedile olur ise o zamān edviye-i hārre-i mündicenin mütevasşıta olanları ile iktifâ eyleriz. Ve eger mādde sevdāviyye ise zıkr olunan edviye-i laţîfe ve edviye-i mütevasşıta ile iktifâ olunmaz, zīrā o edviye mevādd-ı sevdāviyyeden ancak laţîfi inđâc ve taḥlil eder, ğalīzinde taşarrufa kâdir olmaz, felā-maḥāle o mişlli edviye-nin mevādd-ı sevdāviyyeyi tecfîfi ziyāde olur ḥuşūşan ki o sevdāvi ğayr-i ṭabīrī ola ve ihtirākthan ḥādîş olmuş ola. Ve bu mişlli mevādd-ı sevdāviyyeyi inđâcda biz lâ-maḥāle evvelā telyîn ve terṭibe muḥtâc oluruz. Ve telyîn ve terṭibden sonra derece-i şāniyede ve şālisede muḥallil ve mündic ve laţîf edviyeler ile taḳṭib ederiz. Ve o müleyyin ve muraṭṭıb olan edviye verildikte evlā olan onlar muḳaṭṭıḥ ve muḥallil olan edviye ile cem' olunup ma'ān saḳy oluna.

Ammā māde-i hārrenin inđacı mā-ı şa'ır ve leben-i mā'iz-i ḥalīb gibi ya'ni keçi sütü gibi cilāsı ve ğasli olan müberridāt-ı muraṭṭıbe ile olur, zīrā o mişlli müberridāt-ı muraṭṭıbe mevādd-ı hārrenin kıvāmını cem' eder ve tefṭih ve taḳṭıfı dahi olur. Lâkin şudāfı olup kuvvetinde da'f olanlar lebeden ihtirāz ederler.

Ve hār olan mevāddın inđacı için isti'māl olunan mündicāttan olur o sular ki onda varak-ı ḥilāf ve benefşec ve nılüfer ve 'aşa'r-rāf ve kitāb-ı şāninin evvelinde buḳûl-i bāride-i müfrede cedvelinde yazılan sâir buḳûl ṭabḥ oluna. Ve o matbûḥ isti'māl olundukta ona sirkeden bir miḳdār ḥalt olunur, o matbûḥu bedene tenfīz eylesin için. Ve eger māddede ednā ğılzat bulunur ise o matbûḥun aḥlātına babadya ve ḥatmī karıştırılır. Ve eger o 'illet şāhibinde seher olup izāle murād olunur ise o matbûḥa ḥaşḥaş kabuḡu katılır. Şāhib-i *Ḳānûn* der ki:

Edviyeye sirke karıştırmak cümle edviye beyninde müşterek olur gerek emrād-ı hārrenin edviyesi olsun ve gerek emrād-ı bāridenin edviyesi olsun, zīrā cemī'an edviyeyi sirke bedeninin bāṭımına tenfīz edip menfa'ati olur, lâkin sirke bārid olmakla emrād-ı bāridenin edviye-i hārresine ḥalt olundukta bürüdeti ziyāde eylemek ḥavf olunur ve mümkün [olur ki] ba'dı eczā ile sirkenin tebrīdi kuvvesi kesr olunup kuvve-i müneffizesi ibḳā oluna. Ve menfa'ati bāḳıye ve maḍarratı zāyile olmakla emrād-ı bāride edviyeye

hâlt olunup isti'mâl oluna. Ammâ emrâd-ı hârre edviyesine hâlt olundukta sirkenin bürüdeti kuvvetini kesre ihtiyâc olmaz.

Ve cemî'an akrabâdinden zıkr olunan edhân-ı hârreler ki onlar reyâhînden ve ezhâr ve nebâtâtan ittihâz olunur, onlar bi'l-cümle mevâdd-ı bârideyi inđâc eder. Ve eger mevâddın bürüdeti şedîd olur ise veyâhüd kemmiyyeti keşîre olur ise veyâhüd inhilâli 'asîre olur ise o zamân şumûğ-ı hârreden müttehâz olan edhân ile inđâc olunur, meşelâ efâvîh ile ve dühn-i bân ile ve zanbağ ve nercis ve süsen ve erguvân ve ğâr ve merzencüş ve nârdîn dühnleri ile. Ve kezâlik o dühn zeyt ile inđâc olunur ki onda raṭb-ı sezâb ve futenec ve raṭb-ı şıbs ve raṭb-ı babadya ṭabḥ olunmuş ola veyâhüd bu mişlliler ṭabḥ oluna. Cemî'an bu devâlar ile mevâdd-ı bâride inđâc olur. Ve kezâlik neft ile dahi inđâc olunur. Ammâ dühn-i belesân laṭîf olmak ḥasebiyle sür'at ile taḥallül eder; aṭliye ve merühâtta kuvveti miqdârına lâyıķ nef'i olmaz 'uḍvda mekşî kalîl olduđu için.

Ve biz mevâdda iki vech ile muķâbele eyleriz: biri istifrâğ etmekle ve vech-i âheri cānib-i ḥilâfa [231a] māddeyi cezb etmekle. Ve baḍı kerre ikisi ile dahi muķâbele olunur. Ve cānib-i ḥilâfa māddeyi cezb ele ve ayağā cezb ile olur ve māddeyi ele ve ayağā cezb için mu'ın olur milḥ ile ve mizâcın muķtedâsınca dühn-i benefşec ve dühn-i bâbūnec ile eli ve ayağı delk eylemek.

Ve beyānı şadedinde olduğumuz inđâcda gāhice riyâdet dahi isti'mâl olunur, lâkin o riyâdette esâfil-i beden taḥrîk olunup baş ḥareketten ḥıfz olunur. Ve o riyâdetin ṭarîķi budur ki nişf-ı a'fâsımı bir cidâr üzere veyâhüd bir ip üzere kılar ve nişf-ı esfelini sarkıtıp taḥrîk eder, nişf-ı a'fâsı sâkin olmakla baş dahi sâkin ve ḥareketten maḥfûz olur. Ve bu riyâdet istifrâğdan sonra olur. Ve yine bunun gibidir eṭrâfı delk edip fevķinden esfele varınca kadar 'ışâbe ile sarmak. Ve bu vech ile ya'nî delk ve ta'şîb ile olan riyâdetin tağdiye katında ziyâde nef'i olur. Ve baḍı kerre yalnız baş tenķiye olunur riyâdet-i ḥafîfe ḥasebiyle ya'nî delk olunmak ve ğamz olunmak gibi ḥattâ saçını taramak dahi riyâdet-i ḥafîfe olur ve salıncakta salınmak dahi maḥşûş bir riyâdetdir. Ve o riyâdet kitâb-ı evvelde bilindiği gibi lîşergus âhirinde isti'mâl olunur.

Ammâ bu iki nev^c tedbîri câmi^c olan emr-i huķun u ĥamûlât ve müdir-rât ve mu'arriķât olur ki bi-ĥasebi'l-mâddeti ve'l-ķuvve isti'mâl olunur. Ve bunların küllîsi akrabâdinde mezkûr ve ma'ďud olur.

Ammâ bedene Őirket ĥasebiyle baŐta ĥaŐıl olan māddeyi istifrag eden müshilât ĥabb-ı eyāric ve ĥabb-ı ķūķiyā ve ĥabb-ı uŐuĥūdüs olur. Bu ĥabblar o aĥlât-ı muĥterikayı istifragına ziyāde muvāfiķ olur ki o mād-denin ekŐeri Őafrādan muĥterik ola ve ma'ā-zālik onda ĥılzat ola ve belki mirār ve balĥamdan 'ale'l-iŐtirāk muĥterika olan mevādd gibi ola. Ve bunların küllisinden istifragda ķavī olur o naķīr-i Őabır ki mā-ı hindebā ile ittiĥāz oluna. Ve ĥuŐuŐan Őabırın ĥāliŐi ve ķuvvetlisinin naķīr-i ziyāde baŐtan māddeyi istifrag eder. Ķarābâdinde yazılan Őabırdan murād o ķuvvetli olanlardır. Ve kezālik naķīr-i eyāric dahi dahi naķīr-i Őabır gibi ķuvvetlidir.

Ve beden iŐtirākiyle baŐta olan mevāddı sikencebīn ile bezr-i sermak isti'mâl edip ķay³ eylemek dahi tenķıye eder, ammā helīlec ve iccāŐ ve Őāhterec Őabīĥleri ve Őarāb-ı fevākih ve Őarāb-ı benefŐec ve ĥıyārŐenber Őabīĥi, bu Őabīĥler miŐllî nesnelere raķīķa olan aĥlât-ı mirāriyyeye muvāfiķ olur, bi-ĥasebi ĥāli'l-beden Őakmūnyā miŐlliler ile taķviye olunur ise ve bedende ĥummā olup veyāĥūd ĥummā olmadığı ĥāle mūrā'āt dahi olunur ise ve sinn ve ķuvvet mūrā'āt olunur ise.

Ammâ eyāric-i Erkāĥānīs ve eyāric-i Rūfus ve eyāric-i lūĥāziyyā ve eyāric-i Cālīnūs ve o ĥabb ki ĥacer-i lāciverd ve ĥarbaķtan bizim zikr edeceĥimiz vech üzere mütteĥāz ola, bunlar aĥlât-ı ĥālīzaya ve sevdāviyyeye muvāfiķ olurlar. Ve kezālik eczāsına uŐuĥūdüs giren devālar küllîsi ĥālīza ve sevdāviyyeye olan mevādda muvāfiķ olur. Ve kezālik o mevāddlara Őarāb-ı sikencebīn ve bezr-i fücl ve Őāĥm-ı ĥanżal ile ķay³ ve sāir aĥlât-ı ĥālīza ve aĥlât-ı leziceyi iĥrāc eden edviyeler ki biz onları zikr eyledik, cemī'an onların dahi menfa'ati olur.

Ve akrabâdinde mezkûre olan müstefrigātın Őabaķātı vardır: Őabaķa-i ūlā budur ki o müstefrig eyāric feyķarā ve türbūd ve eftīmūn ve ĥārīķūn ve cünd-i bīdester ve bu miŐllî edviyeden terkīb olunur. Ve Őabaķa-i Őāniye ĥubūb-ı kibār ve ŐālīŐe eyāricāt ve rābi'ā ĥarbaķān ki ĥarbaķ-ı esved sevdāyı iĥrāc eder ve ĥarbaķ-ı ebyađ balĥamı iĥrāc eder, lākin onları isti'mâl

mađarratlarından ihtirâz ile olmak gerektir, lâkin lâciverd ve hacet-i Ermenî ile sevdâyı istifrâgda hazere hâcet olmaz.

Ve vâcib olur ki ađaf olan devâ ile istifrâg olunup bađdehu aqvâ tedricle isti'mâl oluna hattâ zıkr olunan tabakâttan hangi tabakada mevâdd munkaıra olur ise o mađallde istifrâg terk oluna.

Ammâ baştan rıfķ ile mevâddı istifrâg edip başı tenkıye eden müşilât o Őebyârât olur ki ondan habb-ı kibâr ittiĥâz olunur. Ve habb-ı kibârın vezni her ne kadar kâlil olur ise habbın ũl-i mekŐi ĥasebiyle fi'li izyâde olur ve tekrâr-be-tekrâr isti'mâlinin mađarratı dahi olmaz, her bir defada vezni kâlil olduđu için. Ve o ĥabbları tenâvül eden kimselere gerektir ki üzerine uyuyalar, zîrâ ĥareket-i yakâziyye o ĥabbların fi'lini ibtâl eder. Ve bu ĥabbdâ kânûn budur ki o ĥabbin ĥamiresi Őabır ve eyâricden olur. Ve eger ĥabbdan takviye-i mi'de dahi kaŐd olunur ise maŐtakî dahi idĥâl olunur. Ve eger mi'dede tevellüd edip başa Őu'üd eden buĥâr-ı ĥaddi baştan men'e eylemek kaŐd olunur ise o ĥabba helilec dahi idĥâl olunur. Eger o ĥabb aĥlât-ı mirâriyye için ittiĥâz olunur ise Őakmünyâ miŐlli devâlar ile isti'ânet olunur.

Ve bađdı kerre tenkıye-i re's için veyâĥüd mi'deyi tenkıye için isti'mâl olunan Őabıriyyât ile ya'nî 'imâdi ve rüknü Őabır olan devâlar ile dahi Őakmünyâ isti'mâl olunur. Lâkin mi'de tenkıyesi için olan Őabıriyyât ile o vakıtte Őakmünyâ isti'mâl olunur ki Őabıriyyâtın mi'dede olan fi'line ve mi'deyi tenkıyesine mi'de müŐareketi ile dimâgda olan âfet [ya'nî dimâgdan dâimâ mi'deye nüzül etmekle Őabıriyyâtın mi'deyi teşĥinine] mâni' ola,¹³ pes o miŐlli zamânda Őabıriyyâta Őakmünyâ idĥâl olunur ve Őakmünyânın mi'dede ũl-i mekŐi ĥasebiyle mi'deyi ziyâde teşĥin eder ve te'Őir ve fi'lide kuŐuru olan Őabıriyyâtı tahrik ve tenŐit eder ve tamâm-ı tenkıyeye mu'ın olur.

Ve zıkr olunan ĥabbin aĥlât-ı balgamiyyeyi iĥrâcına i'ânet murâd olursa Őaĥm-ı ĥanzal ve zencebîl ve türbüd ve uŐuĥüdüs ile i'ânet olunur. Ve aĥlât-ı sevdâviyye iĥrâcına i'ânet kaŐd olursa ĥarbakıtan Őey'-i kâlil ile ve eftümün ve besfâyec miŐlliler ile i'ânet olunur. Ve Őebyârât biraz ĥubûbdur ki türlü türlü terkîb olunur, karâbâdinde sen o ĥubûbun nüŐhalarını muĥtelif bulursun ve her nüŐhanın menâfi'ini ve efdalini o mađallde bilirsin.

13 Ya'nî dimâgdan dâimâ mevâdd-ı bârîde mi'deye nüzül etmekle Őabıriyyâtın mi'deyi teşĥinine mâni' ola.

Ammâ başı hâşşaten tenkıye eden münakkiyât dahi çoktur, cümleden biri ġarġarât¹⁴ olur ve bi'l-cümle ġarġaralara mürrî dâhil olur.

Ammâ başta olan mevâdd şafrâ olur ise onu tenkıye için ġarġara isti'mâl olunmaz, zîrâ şadra nüzülü havf olunur. Şafrânın kendi hiddetinden mâ-âdâ tenkıyesi için isti'mâl olunan hiddetli ġarġaradan dahi hiddet iktisâb etmekle heyecânı ziyâde olur ve hiddeti olmayan ġarġaralar başı şafrâdan tenkıye eylemez, lâkin fâideden hâliye olmaz. Ve eger şafrâdan başı tenkıyede ġarġaralardan menfa'ati olur bir nesne var ise o nesne yalnız hindebâ ile sikencebîn-i büzürî olur. Ve o sikencebîn-i 'unşulî olur ki saġmünyâ ve mâ-ı leblâb ve mâ-ı iccâş ve şarâb-ı benefşec ve temr-i Hindî ve saġmünyâdan miġdâr-ı ġalîl ve bu mişlilerden mütteġaz ola.

Ammâ başta olan aġlât mirârî olup ġalîza olur ise onun ġarġarası mürrî ile şabır olur veyâhüd eyâric olur veyâhüd eyâric ile ma'an sikencebîn-i büzürî ve sikencebîn-i 'unşulî olur. Ve senin için bu ġarġarayı saġmünyâ ve türbüdden miġdâr-ı ġalîle ile taġviye eylemek câiz olur velâkin bunların üzerlerine âġer devâ ziyâde eylemek câiz olmaz.

Ve ammâ başta olan aġlât ġalîza balġamiyye olur ise zîkr olunan ġarġara üzere şaġm-ı ġanzal ve zencebîl ve ustuhûdüs ve türbüd ve eyâric-i Erkâgânîs ve eyâric-i Bûsütüs¹⁵ edviyelerini ziyâde eyle ve ba'dı kerre bunlar ile ma'an ġardal ve 'âġırġarġâ isti'mâline [231b] dahi muġtâc olursun. Ve fülful ile maşġakî bu devânın fi'lini taġviye eder. Binâen 'aleyh eger aġlât şedîdetü'l-ġuvvet olur ise onlar ile o devâ taġviye olunur. Ve kezâlik tenkıye-i re's için bu devâlar mađġ olunur, 'âġırġarġâ ve fülful ve zencebîl ve vecc ve mîvîzec¹⁶ ve bu mişlli nesnelere çiyenir. Ve ba'dı kerre ġarġaraya mülâtıfât dahi ġalt olunur ya'nî züfâ ve dârçîn ve selîġa ve sa'ter ve keber kökünün kabuġu ve füteneç ve bunların mecrâsına cârî olan devâlar ġalt olunur.

Ammâ baş tenkıyesi için isti'mâl olunan 'a'tüşât eger aġlât-ı mirârîyyeden tenkıye murâd olunur ise o 'a'tüş içinde miġdâr-ı ġalîl saġmünyâ olan sirkenin buġarıdır ve hiddetli ve ġâmiđ fuġġâ'ı şemm eylemektir. Ve aġlât-ı

14 “وإذا تغرغر به جلب بلغما كثيرا من الدماغ والحنك واورام النعانغ” İbn Kütbî.

15 “Eyâric-i Bûsütüs” kitâb-ı ġâmisteyâricât yazıldığı maġalldede zîkr olunur.

16 “Mîvîzec” zebîbü'l-cebel ma'nâsına gelir.

balgamiyyenin ʿaṭûsu kündüs ve fülful ve soğan ve sarmısak ve ḥurf ve ḥardal ve ḥiddetli bezrler ve bunlar mecrâsına cārī olan edviyelerdir. Ve baʿdı kerre bu edviyelerden dımādât dahi ittiḥâz olunur, aşdâğ için ittiḥâz olunan tılâlar dahi bu edviyelerden olur.

Ammâ tenkıye-i reʿs için ittiḥâz olunan seʿûṭât, onların baʿdısından tebrîd ve tertîb murâd olunur ve kiminden dahi taḥlîl murâd olunur ve baʿdı âḥerinden dahi taḳviye murâd olunur.

Ve muḥallile olan seʿûṭât taḳviye için istiʿmâl olursa tadrîcle istiʿmâl olunur yaʿnî seʿûṭât-ı muḥallile evvelâ dühn-i verd ile veyâḥüd leben ile ve bunlar mecrâsına cārī olan nesnelere ile istiʿmâl olunur. Ve defʿa-i şâniyede sılķ uşâresi mişlli ile istiʿmâl olunur. Ve defʿa-i şâlişede merzencûş suyu mişlli ile istiʿmâl olunur.

Ve eger başta olan mâddenin ve buḥârın mebdēi miʿde olur ise o zamân miʿdede bulunan ḥılṭın cevherinde sen teʿemmül ve tefekkür eyle ve miʿde emrâdı bâbında yazılan ʿalâmetler ile o ḥılṭın hangi cinsten olduğunu ve o ḥılṭ ne gûne edviye ile istifrag olunduğunu taʿarrüf edip bil.

Ammâ başta olan mâdde buḥârât ve muḥtebese olan riyâḥ olur ise vâcib olur ki onun taḥlîli şîḥ ve eftîmûn ve ḥâşâ ve bâbında mezkûr olan sâir edviye ile ola. Ve kezâlik yâsemîn yağı ve merzencûş ve defne yağları kulağına taḳtîr olunmak vâcib olur. Ve kaçan sen seʿûṭ istiʿmâli ile cirm-i dimâğı taḳviye ve miʿdede mevcûde olan aḥlât-ı mirâriyyeyi başa ve başın eṭrâfına ve ḥavâlisine şuʿüddan menʿ murâd eylesen vâcib olur ki o marîde ekşi meyveler içʿâm oluna ve ḥuşûşan ekşi enâr ve tuffâḥ ve kümmeşrâ yaʿnî emrûd ve kezâlik koruk içʿâm oluna ve ḥuşûşan o ḥâmidler taʿâm ardınca istiʿmâl oluna.

Ammâ başta olan süddeler muʿâlecesi beyânı budur ki süddelerin muʿâlecesi dâimâ müfettiḥa olan neṭülât ile olur. Neṭülün maʿnâsı edviye ile taḥḥ olunur suyu başa sekb edip yaʿnî yukarı cānibden döküp başı ğasl eylemektir. Pes vâcib olur ki bi-ḥasebi'l-ğaraḍ sekbın fevķ cānibinden mevķiʿi muḥtelif ola yaʿnî südde ziyâde muḥkem olur ise cānib-i fevķten suyun maḥall-i şabbı baştan ziyâde baʿîd ve mürtefiʿ ola. Ve südde ḍaʿîf olur ise maşabb-ı neṭülün irtifâı dahi ḍaʿf ḥasebiyle ola tā ki edviyenin teşîri vech-i münâsib üzere ola. Ve yine vâcib olur ki vaḳt-i neṭülde baş muntaşib ola,

zîrâ baş muntaşib oldukta evvel-i emrde su yâfûh üzere vâkı^c olur ve başın mu^ahharında olan ı^czâm-ı kavıyyeye sonra vâsıl olup te^sîri ziyâde olur.

Ve kezâlik baş süddelerinin mu^alecesi me^dûgât¹⁷ ile ve şebyâr habblarıyla ve edhân-ı muhallile ile dahi olur. Eger elem-i re^sin sebebi mi^cdede olan riyâh olur ise o riyâhtan mi^cde tenkıye olunur ba^cdehu o ı^calile acı ve tatlı bâdem yağları tabh-i uşul ve hulbe ve kardemânâ ve bu mişlli edviye matbûhları ile verilir ve dühn-i hırva^c nakı^c-i şabır ile verilir.

Ve kaçan başta evrâm-ı hârre olur ise onun mu^alecesinde vâcib olur ki evvelâ dâfi^c ve râdi^c devâlardan zıkr olunan müberridât hall ile ve mâ-ı verd ile halı olunup verile, lâkin eger veca^c-ı şedîd var ise o zamânda hall verilmek câiz olmaz belki ona nâfi^c olan dühn-i verdden mi^ckdâr-ı şâlih mu^tlağan sirke¹⁸ içinde darb olunup müberriden o ı^calilin cebhesinde ve başında isti^cmâl olunur. Ve kezâlik ı^cineb-i şa^cleb ve karanfûl ve za^cferân ve şandal ve şiyâf-ı māmîsâ ve fîn-i Ermenî ve ı^cades-i mu^aşşer ve bunların emşâlinin miyâhı isti^cmâl olunur. Ve kezâlik o sular isti^cmâl olunur ki onda kâbıd ve bârid edviyeler tabh olmuş ola. Ve kezâlik o evrâmı olan kimsede kavâbıd-ı hârre-i kavıyye olup lâkin mizâcında ya^cnî eczâsında berd olan nesnelere dahi isti^cmâl olunur, meşelâ o kavâbıd-ı hârın terkîbine eşl mişlli devâlar dâhil ola. Ve sana vâcib olur ki şedîdü'l-berd olan edviyeden ihtirâz eylesin, haşhâş ve afyûn mişllileri isti^cmâl eylemeyesin. Eger onları isti^cmâl hâcet-i şedîde olur ise o zamân def^c-i hâcet mi^ckdârı isti^cmâl olunur veca^c-ı şedîde katında. Ve mu^ahaddir olan ne^tüllerde bâbünec idhâl olursa mu^ahaddirin ta^hdîr kuvvetine kesr verir.

Ve başta olan emrâda kay^o ile mu^alece olmaz ve kay^oın i^câneti dahi olmaz, lâkin başın âfeti mi^cde müşâreketi ile olur ise o mara^dın ı^cilâclarının ziyâde şâlihi ve efđali kay^o olur.

Câlinûs der ki şudâ^c her ne kadar şedîd olur ise ta^hdîre ihtiyâcı kûlincın ta^hdîre ihtiyâcı kadar olmaz, zîrâ kûlincın veca^cı zamân-ı şiddetinde kattâl olur, ammâ şudâ^c ekşer-i emrde katl eylemez.

Ve zıkr olunan mevâddın hiddeti şedîde olur ise zıkr olunan fevâkih suyu isti^cmâl olunup ba^cdehu hâdde olan māddeyi mündicât-ı sâbıka ile

17 “Me^dûgât” çiyenecek nesnedir.

18 “Mu^tlağan sirke” demekten murâd sirke gerek kalîl ve gerek keşîr olsun demektir.

indāca mübāşeret olunur ve sonra ednā taḥlīli olan sular istiḥmāl olunur ki o suda keşk ve uşūl-i ās ṭabḥ olmuş ola ve kezālik tariyy olan bābūnec dühnü yalnız veyāḥūd dühn-i verd ile maḥlūt istiḥmāl olunur.

Maraḍın ḥiddeti ve māddenin kıvāmı ve zamānın müntehāya ḳurb ve buḍdu ḥasebiyle bu aṣnāf-ı edviyenin baḍdısı baḍdı āḥer üzerine tercīh olunur.

Ve bunlardan sonra o miyāh istiḥmāl olunur ki onda kerefs ve rāziyānec kökleri ve nuḥāle ve kerefs tohumu ve rāziyānec tohumu ve ḥulbe ve ḥaṭmī ve iklīl-i melik ve uḳḥuvān-ı ebyaḍ ṭabḥ olunmuş ola ve dühnlerden dahi şıbs dühnü mişliller istiḥmāl oluna, ḥattā zamān-ı intihāda taḥallül-i tamām ḥāşıl olunca ḳadar. Ve kezālik bu zıkr olunan devālardan ḍımādāt dahi itihāz olunur.

Ve vācib olur ki müstefriḡāt istiḥmāli iḳtidā eyledikte edviye-i müstefriḡa istiḥmālinden evvel marīḍin ḡıdāsında mādmesine göre tedbīr eyleyeyüz ve ḥāşşaten verem-i şafrāvīsi olan ḳalīle ḳable-eyyāmil-istifrāḡ aḡdiye-i ḥafife vü raṭbe iṭḳām eyleyeyüz. Ve evrām-ı bāride istifrāḡında sāir istifrāḡāt gibi ibtidā eyleyip evvelā dühn-i ḥırvaḥ ve levz-i mürr dühnü ve feyḳarā mişlli terkībine dāḥil olan müstefriḡ edviye veririz. Ve kezālik mā-ı uşūl demekle maḥrūf eşribe veririz. Ve zamān-ı ibtidāda rādiḳāttan dühn-i verde mūlaṭṭıfāttan ḥāşā ve fūtenec ve cünd-i bīdester ḥaḷṭ edip o maḥlūtu istiḥmāle ḳaşr ve onunla iḳtifā eyleyiriz. Ve ondan sonra mümkün olur ise ḳunşul ile ve ḳunşul sirkesi ile ḍımād ve ḡarḡara eyleyiriz ve baḍdı kerre cünd-i bīdesterden bir mişḳālin iki şülüşü miḳdārı saḳy eyleyiriz ve ḳale'l-ḥuşūş līşerḡus aşḫābına bu saḳyı eyleyiriz ve baḍdehu o mündicātı işleriz ki onda irḫā ve taḥlīl yesīr ola; biz o mündicātı bundan aḳdem zıkr eyledik. Ve bunlar ile tedbīr edip verem zamān-ı intihāya vardıkta bārid ve ḥārr veremlerin cümlesinde mürḫiyāt istiḥmāl olunur ki verem-i bāride mürḫiyāt-ı tāmme ve miyāh ve ḍımādāt ve edḥāndan muḥallilāt-ı ḳaviyye [232a] istiḥmāl olunur.

Maḳlūm ola ki her kimin ki başında māddele ḳilleti olsa o kimse ḥamrdan ve ḥammāmda çok eḡlenmekten mutaḍarrır olur. Ve ḥicāb-ı dimāḡında maraḍ ve āfet olan kimse cidden bārid olan sudan mutaḍarrır olur, ammā yalnız sūḡ-i mizāc-ı ḥārrın muḳālecesi buḳūlden tebrīdi olanlar ile olur ve kezālik dühn-i verd ve dühn-i ḥilāf ve dühn-i nīlūfer mişlli

edhân-ı bārîde ile olur. Ve bu mişlli edhânın hayırlısı gül yağı ve kabak çekirdeği yağı ve marul tohumu yağı ve haşhaş tohumu yağı olur ve ba'đı kerre veca'ın vaqt-i iştîdādında bezr-i benc dühnü isti'mâl olunur. Ve bu edhânın hayırlısı o edhân olur ki onun aşlı ya'nî zeytünü mümellah olmayıp fecâcete mâil zeyt yağına zıkr olunan edviyenin kuvveti ihrâc oluna. Ve hangi çiçeğin kuvveti o zeyte ihrâc olunur ise onun yaprağı çok olup¹⁹ tarî ve tâze ola. Ve bukül-i bārîdenin küllîsini sen bilirsın ki o bukül marul ve semiz ot ve qar' mişllilerin cürâdesi ve varak-ı hilâf ve varak-ı nîlüfer ve 'ineb-i şa'leb ve 'aşa'r-râ'î ve hayyü'l-'âlem olur. Ve bevârid olan edviyendendir: mâ-ı hıyâr ve mâ-ı qar' ve sirke ile maħlûṭ arpa sevîki ve mâ-ı verd ve kâfûr ve şandal ve akâkiyâ ve sirke ile dühn-i verdden mütteḥaz olan laḥlaḥa.²⁰ Pes emrâdda bevârid isti'mâl olunmak iktidâ eyledikte câiz değildir ki bu mezkûr mişlliyi tecâvüz edip taḥdîri ve ervâhı ve ecmâdı olan şedîdetü'l-bürüdet edviye isti'mâl oluna.

Ve etıbbâ dediler ki vâcib olur ki sirkenin isti'mâli iktidâ eyledikte müsta'mel olan sirkenin ḥiddeti ve ḥamriyyete meyli şedîde olmaya, zîrâ o mişlli sirkenin maḍarratı ziyâde olur ve kezâlik edviye-i bārîdeden olur karnıyarık lu'âbı ve küzbere suyu ve yaprağı. Ve vâcib olur ki zıkr olunan bevâridden mütteḥaz aḍmide ve aṭliye sinirlerin menşe'i olan mu'aḥḥar-ı dimâğda isti'mâl olunmaya, onun için ki bu aḍmide ve aṭliyenin dimâğa kuvveti şe'n-i yâfûḥî ve şe'n-i iklîlî dedikleri dürüzdân vâşıl olur. Ve mu'aḥḥar-ı dimâğdan o aḍmide ve aṭliyenin dimâğa menfa'ati olmadığın-dan mâ-'adâ mu'aḥḥar-ı dimâğ nuḥâ'ın ve ba'đı a'şâbın menbiti olmakla a'şâbı ve nuḥâ'ı ifsâd eder.

Ve yine sūp-i mizâc-ı ḥârî mu'âlecâtındandır bārîd râyiḥalar şemm eylemek ve zıkr olunan bārîd dühnler ve 'uşâreler ile isti'âṭ eylemek ve 'ades ve mâş ve keşk ve ısfanâḥ ve kaṭaf²¹ ve tıfşîl²² ve bunlar mişlli ile tağaddî eylemek ve zıkr olunan bukül-i bārîdeyi ve kezâlik evrâk-ı bārîdeleri döşeğine

19 Ve çok olduğundan mâ-'adâ o yapraklar tekrâr-be-tekrâr tecdîd oluna.

20 “Laḥlaḥa” tıb. *Ḳāmûs*.

21 “Sermaḳ ma'nâsınadır.

22 Ve *Ḳāmûs* ‘ta mezkûrdur ki “tafeyşel” semeyda' vezni üzere bir nev' meraḳtır lâkin tıbb kitâblarında yâ şînden evvel yazılır ve muḳaşşer mercimek aşı ki sirke ile mürebbâ olur diye yazarlar ve tefsîr ederler.

döşemek ve kendisi o soğuk yerde ve odada oturmak ki onda müberrid olan dallar döşenmiş ola. Eṭṭbâ meskeni zıkr olunan mefrûşât ile ferş oluna diye emr eyledikleri vaktte yine emr eylemişlerdir ki o mefrûşâtın içinde şâhisferem ve ḥınnâ fâğıyesi²³ dahi ola. Ve şâhib-i *Kânûn* der ki:

Ben zann ederim ki o meskene taqrîb olunan şâhisfereme su saçılmak aşveb olur. Ve kezâlik o ‘alile bâridü’ṭ-tab^c meyveler ve buz ve miyâh-ı keşîre dahi taqrîb olunur.

Ve sū²-i mizâc-ı ḥârrı olan kimsede yübüset olmayıp her ne kadar em-râḍ-ı dimâğda cidden nâdirü’l-vücüd ise o ḥarâret ile bilâ-mâdde ruṭûbet bulunur ise onun aṭliyesi kabḍı olan miyâh-ı fevâkih kılınır, biz onu bundan akdem zıkr eyledik; ḥuşuşan bu miyâh-ı fevâkih ile evrâm-ı ḥârrenin ibtidâsında tılâ olunmağın menfa‘ati ziyâde olur.

Ve zıkr olunan marîdler bâṭıniyye olan ḥarekât-ı nefsanîyyeden men‘ olunurlar ve gözlerini melâmiḥe terḍi[d]den ya‘nî müteşâbih olan eşyâ-ı daḳıḳaya kerrâtle nazardan ve berîḳ ve leme‘ânı olan eşyâya ve kezâlik münakkaş ve müzeyyen olan nesnelere nazardan dahi men‘ olunurlar. Ve kezâlik o ‘alilin istimâ‘ı dahi taḥfîf olunup katı şavttan ve egânî-i daḳıḳayı müşt Emil olan şadâlardan taḥzîr olunur.

Ve eger sū²-i mizâc-ı bârid olur ise o kimsenin mu‘alecesinde zıkrî sâbîḳ olan edviye-i ḥârreden müttehaz ḍimâdât ve miyâh ittiḥâz olunur ve kezâlik mârrü’z-zıkr edhân-ı ḥârre isti‘mâl olunur ve ‘ale’l-ḥuşuş sezâb yağı müsaḥḥanen isti‘mâl olunur. Ve eger ziyâde taḳviye murâd olunur ise ona ferfiyûn veyâḥûd dühn-i ğâr ve dühn-i merzencûş mişlli dühnler ḥalt olunur

Ve eger o sū²-i mizâc-ı bârid sevdâvî olur ise ve sevdâsı dahi sevdâ-i ṭabî‘î olur ise veyâḥûd balğamî olur ise o mizâcî sen teşhîn ve tertîb eyle. Ve eger mizâc-ı bâridin sevdâsı ḥarâreti olur ise müceffif ve müsaḥḥin olan devâlardan sen ictinâb eyle ve elbân ve edhân ve neṭülât ve aḍmide ve ağıdyeden muratṭıb olan edviye isti‘mâline iḳtişâr eyle. Eger sū²-i mizâcda bürüdet ile yübüset dahi olur ise yine tertîb ile teşhîn arasını sen cem‘ eyle. Eger berd ile ruṭûbet dahi olur ise zıkrî mürûr eden müferriğâtı isti‘mâl eyle dahi o edviyeyi isti‘mâl eyle ki onda ḥarâret ile neşf cem‘ ola. Ve o mişlli edviye kitâb-ı ḡânî cedvelinde ta‘dâd olundu.

23 “Fâğıyetü’l-ḥınnâ” kına çiçeğidir.

Ve ma'âlûm ola ki seyyâl ve akıcı olan devâlar başta taqtîr ile isti'mâl olunur, biz onu beyân eyledik. Ve ba'đı kerre dahi ħabsen isti'mâl olunur, meşelâ o sâil devâ bir kıt'a 'acın veyâhüd islanmış şûf içine vađ olunup mevđi'-i iklile ya'nî tepeye konur. Ve o devânın dökülecek maħalli ve maşabbı yâfûhın muqaddemini vely eden cânibden kılınır. Ve eger başa vađ ve ħabs olunan devâ leben ise vâcib olur ki o sütün bulaşığı başta ve maħbes-i iklilide müddet-i keşire terk olunmayıp tiz tiz o sütün bulaşığı ğasl olunup yerine tâzesi konula, zîrâ sütün tağayyürü ve ta'affünü serî olur, müddeti keşire mekşi ile yâfûhu ifsâd eder. Ve ecved olan budur ki onlar başa ħalk ve tırâştan sonra vađ oluna. Ve cemî'an başta isti'mâl olunan đimâdât ve merûhât tırâştan sonra isti'mâl olunur.

Ve kaçan başında mâddeler marađı olanları ğidâlandırsan ğidâ vermezden muqaddem etrâfını delk eyle ve baş cânibini râdi'ât saqı etmekle tecfif ve takviye eyle ve ondan sonra kemmiyyet ve keyfiyyette evkât-ı emrâđdan vaqt-i tezeyyüd ü intihâya ve bākî vaqtlerine mürâ'ât üzere rey eylediğın miqdârı ğidâ ile tağdiye eyle.

Kitâb-ı şâlişin külliyyât-ı ahkâm-ı re's ü dimâğ ħaqqında olan maķâle-i ülâsı bu mevķi'de ħatm oldu. el-Ĥamdü lillâhi vaħdehu ve kefâ ve selâmün 'alâ-'ibâdihi' llezîne'stafâ. [232b]

el-Maķâletü's-Şâniye: Bu Maķâle-i Şâniye Baş Ağrıları Beyânındadır ve O Baş Ağrıları Şudâ'ın Aşnâfi ve Aķsâmıdır ve Maķâle-i Şâniye Fuşûl-i Şettâyı Müştemildir

Faşl-ı Evvel Şudâ'da Olan Kelâm-ı Küllî Beyânındadır

Şudâ'ın ta'rîfi budur: "eş-Şudâ'u elemün fi-a'đâi'r-re'si." Ya'nî şudâ' o ağrıya derler ki o ağrı başta olan 'uđvlarda olur. Ve hangi 'uđvda olur ise olsun her ağrının sebebi zıkr olunacak şeylerin biri ile olur:

Ba'đı ağrı def'aten bir mizâcın âher mizâca tebeddül eylediğinden olur. Meşelâ ħarr olan mizâc def'aten mizâc-ı bāride tebeddül eylese ağrı peydâ olur. Ve ihtilâf-ı mizâc dahi ağrıya sebep olur. Ve ba'đı kerre dahi ağrının sebebi teferruķ-ı ittişâl olur ya'nî 'uđvun eczâsı biri birinden ayrılır ve

parçalanır ve ondan ağrı hâdis olur. Ve baḍı kerre ağrı bu iki sebebin ic-timāından hâdis olur yaḥnī hem mizāc tebeddül eder [ve deęişilir] ve hem ʿuḍv yarılr ve o iki sebebin mecmūundan ağrı hāşıl olur. Ve sū-i mizācın on altı kısmı kitāb-ı evvelden mizāc bahşinde beyān olunmuş idi, her hangisine mizāc taęayyūr²⁴ eylese ağrı hâdis olur.

Ve içinde ruḥbet olan mizāca taęayyūr ile ağrı hâdis olmaz, zīrā ruḥbetin ağrı ihdāş edecek kadar teşiri olmaz, velākin raḥb olan mādī sū-i mizācın mādresi hareket edip ve bir ʿuḍvun ittişālini tefriķ eder ise ʿuḍvun ayrılması ile ağrı hâdis olur. Ve kitāb-ı evvelden emrāḍ bābında beyān olunduęu üzere teferruķ-ı ittişālin maḥnāsı ve esbābı hasebiyle olan aķsāmı ve aşnāfı sana maḥlūmdur. Ve iki sebebin yaḥnī sū-i mizācın ve teferruķ-ı ittişālin mecmūundan hâdis olan elem veremlerde olur. Ve veremlerin aşnāf-ı erbaʿası olduęu dahi senin maḥlūmun oldu.

Ve cemīan esbāb-ı elem baḍı kerre cevher-i dimāğın kendide olur ve baḍı kerre dimāğı muḥit olan ḥicāb-ı raķiķte olur ve baḍı kerre ḥicāb-ı raķiķin ve ḥicāb-ı ğalizin ikisinde dahi olur. Ve bu ağrıların ve āfetlerin her birisi zıkr olunan ʿuḍvlarda şābit olup maraḍ-ı aşlı olur. Ve baḍı kerre dahi ʿuḍv-ı āḥere müşāreket hasebiyle olur. Ve o müşāreket gāhice dimāğ ile ʿuḍv-ı müşārik arasında eḥadühümādan āḥere vāşıl olur ʿaşab şağir olmakla olur, miḍe ve raḥim ve ḥicāb yaḥnī göęüste olan ḥicāb-ı munaşşif gibi. Bu aḍālar ile dimāğ arasında ʿaşab-ı şağir vāşıldır, bināen ʿaleyh dimāğa onlar müşārik olurlar. Bu minvāl üzere olan aḍā-i sāire var ise o dahi dimāğa müşārik olur.

Ve dimāğ ile ʿuḍv-ı āḥer arasında küçük damarlar olmakla dahi beynlerinde müşāreket olur. O damarların ise şiryān damarı olsun ve gerek verid şuḥbesi olsun ikisi ile dahi müşāreket olur. Ḳalbin ve kebidin ve tıḥālın müşāreketleri bu minvāl üzere olur.

Ve gāhice dimāğa ʿuḍv-ı āḥerin mücāvereti olmakla olur. Meşelā riye dimāğa mücāvır olur ve dimāğın esfelinde ve muḥāzisinde olmakla

24 “Taęayyūr-i mizāc” ile “ihḥtilāf-ı mizāc”ın farkı budur ki meşelā bir derece mizāc-ı ḥārrı olan kimsenin ḥarāret-i mizācı iki dereceye bālię olsa ona taęayyūr-i mizāc derler ve eger bürüdete istihāle eylese ihḥtilāf-ı mizāc derler; ikisi dahi ağrı ihdāş eder.

müşâreket olur ve riyenin âfâtı dimāğa müşâreket-i mezkûre hasebiyle mücāvîr olur.

Ve gâhîce dimāğa ʿuḍv-ı âherin müşâreketi bi'l-vāsıta olur, böbreklerin dimāğa müşâreketi gibi, zîrâ böbrekler kebidе müşâriklerdir ve kebidе dimāğa müşâriktir ve kebid vāsıtasıyla böbrekler dimāğa müşâriklerdir. Ve baʿḍı kerre cemîʿ-ı beden dimāğa müşârik olur, hummâlarda olan baş ağrıları cemîʿ-ı beden müşâreketi ile olur.

Ve cümle-i tekâdir üzere müşâreket hasebiyle olan baş ağrıları baʿḍı kerre edvâr ve nevâib ile olur. Ve o baş ağrısının devri ve nevbeti ʿuḍv-ı müşârikin âfetinin devri ve nevbeti hasebiyle olur. Meşelâ mevâdd-ı mirâriyye ğıbben yaʿnî gün aşırı miʿdeye dökülüp hummâsı olsa o hummânın ʿaraḍı olan baş ağrısının nevbeti dahi gün aşırı olur; bâkîleri dahi bu kıyâs üzeredir.

Ve baş ağrısı cihet-i uhrâdan taḳsîm-i âher ile taḳsîm olunur, zîrâ şudâʿ baʿḍı kerre sebab-i bâdîden²⁵ hâdiş olur, humârdan hâdiş olan baş ağrısı gibi, eger o ağrıları başta râsih olmakla maraḍ-ı aşlî olmaz ise.

Ve baʿḍı kerre humârdan baş ağrısı ʿarîḍ olur, lâkin o ağrı mütemâdî olmakla humârdan ezyed ve ekşer sebab-i âher ʿarîḍ olup baş ağrısı maraḍ-ı aşlîye tebeddül eder.

Ve kezâlik baş ağrısı esbâb-ı bâdiyeden olan şüm mişlli harâretli nesnelere ekli ile hâdiş olur. Ve baʿḍı kerre dahi baş ağrısının sebebi sâbık olup sonradan o sebab-i sâbık sebab-i vâşıl olur, meşelâ imtilâ hasebiyle şudâʿ hâdiş olup sonradan mâdde-i imtilâ taʿaffün eder ve ʿufûnet sebab-i vâşıl olmakla ʿufûnet mevcûd oldukça baş ağrısı dâim olur.

Ve baʿḍı kerre baş ağrısı bir maraḍın ʿaraḍı iken râsih olmak hasebiyle maraḍ-ı aşlî olur, hummayât münkâlîʿa olup küllî edvârı münkaḍiye olduktan sonra baş ağrısı bâkî olur, zîrâ harâretli hummâdan başta sebab-i âher hâdiş olup o ağrıyı icâb eder ve o ağrı maraḍ-ı aşlî olur. Pes bu mişlli hummânın zevâlinde sonra bâkî kalan baş ağrıları ʿilel-i dimâgiyyeyi inzâr

25 Ahlâḥ hasebiyle olmayan esbâb sebab-i bâdîdir hattâ keyfiyyât-ı nefsanîyye dahi emrâḍa sebab-i bâdî olur. Ve sebab-i sâbık odur ki ahlâḥ hasebiyle ola lâkin maraḍda ittîşâli bi'l-vāsıta ola. Ve ittîşâli bilâ-vāsıta olan esbâba sebab-i vâşıl derler. Tafşîli külliyâtta zikr olundu.

eder ve delâlet eder ki mādde-i hummāyı tabī'at ru'āf ile veyāhūd o mişlli nesne ile külliyyen ve 'ale'l-kemāl tenkīyeden 'aczi vardır ve lā-mahāle mādde-i bākıye sübāt ve sükāt²⁶ ve cünün ve istirhā ve şamem mişlli nesnelerin māddenin cevheri ve harekātı hasebiyle hüdüşunu inzār eder.

Ve baş ağrısı takşim-i āher ile ve mevādī'ı i'tibarıyla takşim olunur, zīrā baş ağrısı başın iki bölüğünden bir bölüğünde ise ya'nī yā sağında veyāhūd solunda ise ve o ağrı marīdde lāzım ve mu'tād ise ona şakīka derler.

Ve baş ağrısı ba'dı kerre başın muqaddeminde olur ve ba'dı kerre mu'ahharında olur ve ba'dı kerre dahi başı muhīt olur. Ve bu ağrılarının mu'tād ve lāzım olanlarına beyda ve hūze²⁷ derler, başı ihātada ağrılar beydaya²⁸ ya'nī demirden harb için başa müttehaz olan dir'in başa giydirdikleri tāsına müşābih olduğu için.

Ve bu takşimler gibi ağrının şiddet ve da'fı hasebiyle dahi şudā' takşim olunur: Ve bir kısmının ağrısı cidden şedīd olur, kemāl-i şiddetinden o ağrı şabīnin yāfūhuna işābet eylese şabīnin kemikleri mülāyim olmak hasebiyle yāfūhta olan kemiği pāreler ve derzini ayırır. Ve ikinci kısmı gāyette da'fı ağrı olur, ekser-i hālde līsergusta olan baş ağrısı gāyet da'fı olur. Ve bu da'fı olan baş ağrısı ba'dı kerre lāzım ve dāim olur ve ba'dı kerre dahi gāy-i lāzım olur. Ve sebab-i da'fıten hādīs olan baş ağrısı hīssi kavī olan eşhāsta hādīs olur ve hīssi da'fı olanlarda o ağrı olmaz. Ve'l-hāşıl hīssi kavī olanlarda baş ağrısı ekser olur, ednā sebebi ihās eylediği için.

Ve bi'l-cümle dimāğın muşaddī' olan esbābı sür'at-i kabūlü ile iki vech ile olur: Evvelkisi dimāğın da'fı hasebiyle muşaddī'āt onda ziyāde ve sür'at üzere te'sīr eder ve dimāğın o muşaddī'ı kabūlü ziyāde sür'atli olur. Ve sen külliyyatta bildin ki da'f sū-i mizāca tābi' olur. Ve ikincisi hīssin kuvveti olur ve ednā sebebden müte'ezzī olup ağrı hādīs olur, lākin o ağrı hafif olur.

Ve yine baş ağrısı iki kısma münkasım olur: Kısm-ı evvel o ağrıdır ki onun 'uđv-ı āherde 'arađı olmaz. Ve kısm-ı şānīsı o baş ağrısıdır ki 'uđv-ı āherde onun 'arađı olur. Meşelā o baş ağrısının ezāsı ve đararı ve teverrümü a'sābın ve sinirlerin uşūlüne ve dibine vāşıl olup teşennüc 'arıđ olur ve o

26 "Sükāt" sekte'nin cem'idir.

27 "el-hūze" el-miğfer. *Ķāmūs*.

28 "el-beydat" cevzetü külli şey'. *Ķāmūs*.

baş ağrısından nâşî olan âfetlerden biri mi'cdeye hâdis olup emrâd-ı mi'cde- den olan sukût-ı şehvet ve inçkırık ve gâseyân ve da'f-ı hadm ve bu mislli [233a] âfet mi'cdede baş ağrısının 'arađı olmak üzere hâdis olur.

Ve ma'lûm ola ki müzmin olan şudâ'ın sebebi ba'đı kerre balgam olur veyâhüd sevdâ veyâhüd başın da'fı olur ve ba'đı kerre evvelâ verem-i şulb olur veyâhüd o verem-i hârr olur ki evvelâ katılığı ve şalâbeti olmaz, harâ- reti hasebiyle şalâbet sonradan hâdis olur. Ekşer-i hâlde şudâ'-ı müzminin sebebi şalâbeti sonradan olan verem olur.

Ve cemî'an şudâ' ve sâir marađlar iki kısım olur: Birine marađ-ı müselle- lem derler ve kısım-ı âherine gayr-i müsellelem derler. Marađ-ı müsellelem o marađdır ki o marađda vâcib olan tedbîr ile mu'aleceye bir mâni' olma- ya. Ammâ gayr-i müsellelem o marađa muķârin marađ-ı âher olur ki o iki marađın mu'aleceleri addâd ile olur. Meşelâ şudâ'ı olan kimsenin nezlesi dahi olur. Şudâ'ın 'ilâcı istifrâğla olur ve nezlenin 'ilâcı ihtibâs ile olur ve hangisi ile tedbîr olursa marađın birine nâfi' ve birine dârr olur ve ikisini cem' mümteni' olmakla o marađa marađ-ı gayr-i müsellelem tesmiye olundu.

Ve yine şudâ' başka taķsîm ile dahi taķsîm olunur, zîrâ şudâ' ba'đı ker- re 'illeti olmayan şahîh kimselere hâdis olur ve ba'đı kerre dahi evrâmı ve evşâbı²⁹ olanlara 'arıđ olur ve ba'đı kerre ebdân baş ağrısına müsta'idd ve müntehî olur. O ebdân başı ve sâir a'đası ve kuvve-i hâdimesi da'ife olan ebdândır ki onda buķârât tevellüd edip ve mi'cdelerine ahlât-ı mirâriyye munşabbe olup baş ağrısı ihdâş eder.

Ve ba'đı kerre mütenâvelâttan dahi baş ağrısı hâdis olur ve 'ale'l-huşuş selîha ve kuş ve zaferân ve dârcîn ve hamâmâ ve bu mislli cemî'an mü- bahħhirâtın baş ağrısı 'arıđ olur, o mübahħhirât gerek ise hârr ve gerek ise bârid olsun. Lâkin bu iki nevc mübahħhirât biri birini ta'akub eylese mađar- ratları olmaz, her birisinin buķârını âher def' eder. Mübahħhir-i hârr üzere mübahħhir-i bârid isti'mâl olursa veyâhüd 'aks olunup mübahħhir-i bârid üye- re mübahħhir-i hârr isti'mâl olursa hiç mađarratı olmaz eger ezâsı yalnız key- fiyyeti hasebiyle olur ise. Ve eger hem keyfiyyeti ve hem kemmiyyeti hase- biyle ezâsı olur ise o zamân ta'akubun menfa'ati olmaz belki mađarratı olur.

29 "Evşâb" veşab"ın cem'idir; "veşab" marađ ma'nâsınadır. "el-Veşab" muħarreke- ten el-marađ. *Kâmûs*.

Eyyâm-ı şitâda olan ihtikân ile ekşer-i hâlde şudâc çok olur. Ve eger eyyâm-ı şayf şemâlî olup yağmuru az olur ise ve kezâlik güz faşlı cenübî olup yağmuru çok olur ise onlarda baş ağrısı kesret üzere olur. Ve çok kerre şiryân damarları buhârât-ı habîşeyi başa getirip şudâc ihdâş eder.

İkinci Faşl Sû-i Mizâcdan Hâdiş Olan Baş Ağrıları Beyânındadır

Şimdi biz zıkr olunan cümleleri tafşile şürûc edip deriz ki hârr ve bārid ve raṭb ve yābis olan mizācların her birinden ağrı hâdiş olur, zıkrı mūrūr eden uşûl-i külliyyelerde beyân olunduğu üzere, lâkin senin ma'lûmun oldu ki mizâc-ı yābisin ağrı ihdâsı kalîl olur ve mizâc-ı raṭbda hîç ağrı olmaz meger ki o mizâc-ı raṭbda mādde olup māddenin buhârî ve riyâhı teferruḡ-ı ittişâli icāb eyleye.

Ve hârr ve yābis ve bārid ve yābis olan mizācların her birisi ikişer keyfiyyetleri ḥasebiyle ağrı ihdâş ederler ve kezâlik o mizāclarda teferruḡ-ı ittişâle mü'eddiye hareket olmakla dahi ağrı ihdâş ederler. Ammâ hârr ve raṭb olan mizâc [kezâlik bārid ve raṭb olan mizâc] onlar hârr ve bārid oldukları cihetten ağrı ihdâş eylemezler ve kezâlik raṭblar oldukları cihetten dahi ağrı ihdâş eylemezler, lâkin māddeeleri teferruḡ-ı ittişâle mü'eddi olduğu cihetten ağrının ḥudūsuna sebep olurlar. Ve mizâc-ı hârrın ḥarâretine sebep ba'ḍı kerre hârr olan mādde-i demeviyye veyâḥūd mādde-i şafrāvîyye olur veyâḥūd bu ikisinden mürekkebe olup ḥiddetli ve iltihâblı olan mādde olur, pes bu mizâcın fi'li ve te'ḥîri keyfiyyeti ḥasebiyle olur. Ve ba'ḍı kerre mizâc-ı hârrın sebebi riyâḥ-ı hârr ve ebḥire-i hârr olur ve ba'ḍı kerre dahi bedenîyye veyâḥūd nefsanîyye olan hareketler ḥarâret-i mizâca sebep olur.

Kitâb-ı evvelde külliyyatta mufaşşalan beyân olunduğu üzere nāra mülākāt ve şemste tedāḥhî ve ihtirāk ve müsahḥin olan ağdıye ve edviye tenāvülü dahi ḥarâret-i mizâc esbâbından olur. Ve ḥarâreti olan uḍva uḍv-ı âḥerin mücâvereti veyâḥūd müşâreketi dahi o uḍv-ı evvelin ḥarâret-i mizâcına sebep olur.

Ammâ muşaddic olan mizâc-ı bāridin esbâbı zıkr olunan mizâc-ı hârrın esbâbının muḡâbili olur. O esbâbı sen ta'dâda kâdir olursun, itnâb-ı kelâma ḥâcet yoktur.

Ve mizâc-ı yâbisin esbâbı hâricden olan müceffifâtur, harâretli olan ađ-mide ve Őemâyim gibi, zîrâ bunlar taħlîli ve iħrâkı ĥasebiyle tecfif edip yübüset ihdâs ederler veyâhüd mizâc-ı yâbisin sebebi mücemmidât olur ya'ni aħlâtı dondurucu nesne olur. O mücemmidâtın kimi taħbîr olur ve kimi 'arîdî olup bađteten veyâhüd tadricle icmâd eder ve başa ĥıdâyı nüfûzdan o cümüd men' edip bi'l-cümle bedeni tecfif eder veyâhüd cümüd sebebiyle Őarâb munkaıı' olup cefâf ĥâdiŐ olur, zîrâ bedenin ruĥubet-i aŐıyyesi taħal-lülden ĥâlî olmaz. Ve cümüd ĥasebiyle Őarâbın inkııā'ından a'đâyı tertîb edecek a'đaya murattıb vâŐıl olmaz, lâ-maĥâle bedene cefâf gelir yâhüd mizâc-ı yâbisin sebebi dâĥilden olan müceffif nesnelerdir ki o müceffif ruĥubeti taħlîl veyâhüd istifrâĥ ile mizâca yübüset getirir ve kezâlik dâĥil-den vârid olan nesnelerin kendi de bi'z-zât kuvve-i müceffife olur veyâhüd mütenâvel olanlarda yâbis ĥıdâiyyet olur veyâhüd kalîlü'r-ruĥubet olur veyâhüd bir 'udv-ı yâbise müŐâreket ĥasebiyle 'udv-ı âĥerin mizâcı dahi yâbis olur. Ve bedeniyye veyâhüd nefsâniyye olan ĥarekât-ı müfriıālar istifrâĥ ve taħlîlleri ĥasebiyle dahi müceffifler olur. Ve kezâlik cimâ' ve idrâr ve nezf ve riyâdet-i ĥaviyye cemî'an bu mezkûrlar müceffif olurlar.

Ve müstefriĥâtın envâı vardır, kimi re'sin mâ-'adâsı a'đâlardan istifrâĥ eder. BaŐtan olan istifrâĥ müŐâreket ile ĥâŐıl olur. O dahi iki kısm olur: BaŐın mâ-'adâsı cemî'an bedenden bi'l-aŐâlet istifrâĥ eder veyâhüd baŐka baŐka 'udv-ı maĥŐuştan bi'l-aŐâlet istifrâĥ eder, meŐelâ yalnız mi'deden veyâhüd yalnız kebiden bi'l-aŐâlet istifrâĥ edip baŐta bi'l-müŐâreket istifrâĥ ĥâŐıl olur. Ve ba'đı istifrâĥ dahi bi'l-aŐâlet baŐtan olur, zükâm ve nezle ve ru'âf ile olan istifrâĥât bi'l-aŐâlet baŐtan olur. Ve kezâlik se'ûtât ve 'aıūsât ile olan taħallüb-i ruĥubât aŐnâfı dahi bi'l-aŐâlet baŐtan istifrâĥ eder ve esbâb-ı yübüsetten olur, mevâdd-ı ruĥubetin Őıyâm ve terk-i ta'âm ĥasebiyle inkııā'ı ve kesilmesi bunlara her ne ĥadar istifrâĥ itlâĥ olunmaz ise.

Üçüncü FaŐl Teferruĥ-ı İttiŐâlden ĥâdiŐ Olan BaŐ Ağrısı Beyânındadır

Teferruĥ-ı ittiŐâl ba'đı kerre dimâĥın ĥicâblarına 'arîd olur ve ba'đı kerre dahi dimâĥın kendine 'arîd olur. Ve 'urûĥa dahi teferruĥ-ı ittiŐâl 'arîd olup yarılır ve iki Őaĥĥ olur.

Ve teferruḡ-ı ittişâlin baʿdı kerre sebab-i evvelîsi bildiğın üzere buḡârât ve riyâḡın ḡareketi olur ve baʿdı kerre o ḡareketler teferruḡ-ı ittişâlin şid-detine sebab olurlar.³⁰ Ve baʿdı kerre sebab-i teferruḡ ḡalt-ı ekkâl olur. Ve ḡarbe ve saḡta dahi teferruḡa sebab olur. Ve ḡâricden ḡaç eylemek ittişâ-
le sebab-i teferruḡ olur. Ammâ dâḡilde olan teferruḡ-ı ittişâl baʿdı kerre onulmayıp mülteḡim olmaz ve ḡurḡa olup bâḡı kalır ve baḡa ezâsı dâim ve şudâʿı şâbit olur.

Ammâ ḡarbe ve saḡtadan ʿârîḡ olan teferruḡ-ı ittişâlin meʿûneti ekser-i ḡâlde ḡafife olur ve ona muʿâlece olunur. Ve baʿdı kerre ḡarbe ve saḡtadan dimâʿ teḡalkul ve ıḡtırâb edip helâke müʿeddî olur.

Ve Hind eḡıbbâsı zıkr eylediler ki [233b] baʿdı kerre baḡın nevâḡisinde dūd yaʿnî kurt tevellüd eder ve ḡareketi ile ve ekl ve temzîḡı ile baḡta şudâʿ iḡdâş eder. Ve ehl-i Hind'in o kelâmını bir ḡavm istibʿâd ederler ve o ḡav-
min istibʿâdı lâyık değildir, zîrâ dūd ḡok kerre muḡaddem-i dimâğla ḡayâşî-
min arasında tekevvin ve tevellüd eder ve câiz olur ki ḡicâblar katında dahi tevellüd eyleye her ne ḡadar nâdir olur ise.

Dördüncü Faşl Verem ḡasebiyle Olan Şudâʿın Beyânındadır

Şudâʿa sebab olan verem baʿdı kerre dimâğın ḡicâbında olur. Ve ḡicâbda olan verem verem-i ḡârr olursa ona sersâm-ı ḡârr tesmiye olunur. Ve baʿdı kerre verem-i ḡicâbî bârid olup ona lîşergus tesmiye olunur ve lîşergus nisyân ile tefsîr olunur. Ve baʿdı kerre dahi verem-i ḡicâbî ḡârr ve bârid mevâddan ḡâdiş olup mürekkeb olur ve o verem şâḡibinin ḡâline sübât-ı seherî iḡlâḡ olunur. Ve baʿdı kerre verem şulb olur ve ḡâḡice verem ḡicâb-
da olmayıp dimâğın kendide olur; o nefsi dimâğda olan verem ḡârr olur ise ona filiğamünî derler veyâḡüd ḡumret derler yaʿnî demevî olan vereme filiğamünî derler ve şafrâvî olan vereme ḡumret derler. Ve nefsi dimâğda olan verem ḡâḡice dahi verem-i bârid olur. Ve bu evrâmın tafşîli inşâallâhu taʿâlâ ḡarîbü'z-zamânda gelir. Ve bu veremlerin mevâddı baḡta olan kulak gibi ʿudvlardan ḡayḡ ve şadîd ve mâiyyet ḡıkmak ile taḡlîl olunup zâil olur.

30 Yaʿnî evvelî teferruḡ-ı ittişâl sebab-i âḡer ile mevcüd iken riyâḡ ve buḡârın ḡareketi o teferruḡu ziyâde eder.

Beşinci Faşl Mevâdd Hasebiyle 'Ārıḍ Olan Şudâ'ın Ne Keyfiyyette 'Ārıḍ Olduğunu Bildirir

Biz deriz ki mevâdd şudâ'a ba'ḍı kerre bi'z-zât sebep olur ve ba'ḍı kerre bi'l-'araḍ sebep olur. Mevâddın şudâ'a bi'z-zât sebep olduğu o vech ile olur ki mevâdd bi'z-zât mizâcı tağyîr eder veyâhûd mevâdd bi'z-zât ittişâli tefrîk eder ve elemi o 'uḍv ihsâs eder.

Ve mevâddın bi'z-zât mizâcı tağyîri iki vechin biri ile olur:

Vech-i evvel: Mevâdd 'uḍva mücāvîr olup o mücāvîrde olan mādde hârre ise 'uḍvu teşhîn eder ve mādde bârid ise 'uḍvu tebrîd eder, lâkin mādde taḥallül edip 'uḍvdan istifrâğ olundukta teşhîni veyâhûd tebrîdi zâil olur ve eşeri bâkî kalmaz.

Vech-i şânî budur ki mevâddın 'uḍvu tebrîd ve teşhîni 'uḍvda kavî olur ve o mevâddın eşeri şâbit ve râsih olup mādde istifrâğ olunduktan sonra sühûnet ve ḥarâret eşerleri bâkî kalır. Ve maddenin o eşerleri mādde-i müstefriğanın ḥalîfesi olup ke-enne mevâdd istifrâğ olunmamış gibi olur. Ve bu vech ile olan mevâddın mizâcı tağyîrine tarîk-i taḥlîf derler.

Ammâ mevâdd bi'z-zât ittişâl-i 'uḍvu tefrîk etmekle bi'z-zât şudâ'ı ihdâs eylediğinin beyânı budur ki mevâdd-ı fâside hareket edip 'uḍva ve dimâğa nüfûz etmekle 'uḍvu lez' ve ekl edip elem ihsâs olunur. Ve hareket hasebiyle şudâ' ihdâs eden ekşer-i hâlde riyâh olur. Ve ekşer-i hâlde riyâh o mevâdd-ı bârideden hâdiş olur ki ona ḥarâret 'arıḍ ola veyâhûd riyâh o ağdiyeden hâdiş olur ki onda rîhiyyet ve ḥarâret ola. Ammâ 'uḍvu lez' ve ekl eden mevâdd aḥlâṭ-ı hârre olur.

Ve şudâ'ı bi'l-'araḍ ihdâs eden mevâdd budur ki 'uḍvda südde-i veremiyye veyâhûd südde-i gayr-i veremiyye olup mevâdd muḥtebes olur. Ve senin bundan aḳdem ma'lûmun olduğu üzere süddeye tağayyür-i mizâc ve teferuk-ı ittişâl tâbi' olur. Ve bunun tavḍîh ve beyânı budur ki taḥbî'at bedende olan mevâddı iki vechle taḥrîk ve tehyîc eder: Evvelkisi nefḍ tarîkiyle bedenden iḥrâc kaşd edip taḥrîk eder. Ve ikincisi ğidâ-i şâlihi a'ḍâya taḳsîm edip her 'uḍvun sehmini temyîz eder ve her sehmi ta'yîn eylediği 'uḍva işâl için mevâdd-ı ağdiyeyi taḥrîk eder, lâkin menâfiz-i taḥbî'iyyesine taḥrîk edip o menâfizde südde oldukta mevâdd cereyândan memnû'a olur ve taḥbî'at dahi süddeye muḳâvemmet edip mevâddı maḥalline icrâ kaşd eder. Ve zikr

olunan mukâvemet ve ikdâm temdîdi ihdâs eder. Ve temdîdi dahi teferruk-ı ittişâli ihdâs edip bi'l-[°]araç mevâdd şudâ[°]a sebep olur. Ve ba[°]dı kerre südde cevher-i dimâğda olur ve ba[°]dı kerre dimâğda olan evride veyâhüd şerâyîn damarlarında olur

Ammâ süddenin hudûşu, lüzüctei veyâhüd gılzati olan ahlâttan olur. Ve kesret-i ahlâttan dahi südde hâdiş olur. Ve lüzüctet hasebiyle südde huşulü ancak mevâdd-ı balgamiyyede olur ve gılzat ile olan südde balgamiyye ve sevdâviyye olan mevâdd ile olur. Pes balgam lüzüctet ve gılzat ve kesret ile südde ihdâs eder ve sevdâ gılzat ve kesret ile südde ihdâs eder. Sevdâda lüzüctet olmaz ve şafrâ ancak kesret ile südde ihdâs eder. Şafrâda lüzüctet ve gılzat olmaz ve dem dahi şafrâ gibidir.

Ammâ emrâdın buhrânında [°]arıç olan şudâ[°] o sebep ile hâdiş olur ki buhrânda tabî[°]at-ı mevâddı nefç edip silker ve mädde-i menfûda şudâ[°]a sebep olur.

Ammâ o şudâ[°] ki [°]aķīb-i hađm-ı ta[°]âmda olur, o şudâ[°] karîben ma[°]lûmun olan tabî[°]atın beyne'l-a[°]çâ[°] gıdâyı takşim ve temyîz için mevâddı tahrîkin-den hâdiş olur.

Ammâ mevâdd-ı müziyenin [°]uđvda keyfiyyet-i huşulü için biz bâbında inşâallâhu ta[°]âlâ biraz uşûl beyân eyleriz ki sen o mevâdd-ı müziyenin huşulü ve ihtibâsı kadîmî midir veyâhüd hâlâ gıdâ-i vaķtten muhdeş midir ve hudûşu cevheri ve keyfiyyeti redî olan keymûstan mıdır ve gıdâda olan fesâd nefsi gıdâdan mıdır veyâhüd tertîbinden veyâhüd gıdânın kemmiyyetinden veyâhüd hađmından mıdır veyâhüd bâbında zıkr olunan sâir vücûh-ı fesâddan mıdır bildikten sonra o uşûl ile senin mevâdd-ı müziyenin [°]uđvda keyfiyyet-i huşulü ma[°]lûmun olur.

Ve gıdâdan hâdiş olan şudâ[°] kabîlindedir soğan ve sarmısak ve hardal tenâvülünden ve humârdan ve bâridât tenâvülünden hâdiş olan şudâ[°]lar.

Ve mevâddın a[°]çâda hareketi için olan uşûl-i külliyyeleri tezekkür eylemek vâcib olur.

Ve muşaddi[°] olan riyâh mevâddın cümlesinden olur. Ve riyâhın taşdîi temdîd ile olur ve temdîdi onun içindir ki riyâhın tabî[°] olan menfezleri dayyık olur ve vech-i lâyıķından dar olur veyâhüd menfez-i gayr-i tabî[°]ye müteveccih olup müceddeden menfez ihdâşına tâlîb olup temdîd eder.

Buhâr dahi şudâ^cın esbâbındandır. Ba^cdı kerre buhâr şudâ^cı keyfiyeti ile ihdâş eder ve ba^cdı kerre dahi buhâr emkinede ahlâta muşâhib olur, ahlâtı tahrik vâsıtasıyla taşdî^c eder. Ve riyâh ve ebhûre ba^cdı kerre bedende tevellüd eder ve nefis-i dimâğda dahi tevellüd eder ve ba^cdı kerre dahi hâricde olan ebhûre ve riyâh istinşâkla bâtına dâhil olur veyâhüd mesâmm-ı bedenden hâriciyye olan buhâr ve rih bâtına ve dimâğa nüfûz eder ve dimâğda muhtekân ve muhtebes olup baş ağrısı ihdâş eder. Ve bu kabilden olur müntin veyâhüd tayyib olan râyihaların baş ağrısı ihdâş eylediği.

Ve ma'lûm ola ki balgamiyye olan riyâh ve buhâr ağır ve şakîle ve hareketi batî'e olup bulunduğu mahalde muhtebese olur. Ve onlardan sevdâvî olanları şâbite ve mûhişe olur, miqdâr-ı kemmiyyeti az ve redâ'et-i keyfiyyeti ziyâde olur. Ve hiddetli ahlât riyâha istihâle eylemez belki ondan ebhûre hâşıl olur ve ebhûre-i demeviyye 'azbe olur, sâir ebhûrelerden çararı ekall olur ve kemmiyyeti ekser olur. Ve ebhûre-i şafrâviyye hiddetli olur ve iltihâbı ziyâde olur. Bizim cemî'an dediklerimizi bil ve dabt eyle.

Altıncı Faşl Müşâreket Hasebiyle Olan Şudâ^cın Aşnâfını Bildirir

Müşâreket ile 'arîd olan baş ağrısı iki sınıftır; birine müşâreket-i muţlakâ derler ve âherine müşâreket-i gayr-i muţlakâ derler.

Müşâreket-i muţlakâ o şudâ^cdır ki 'udv-ı müşârikten nâhiye-i dimâğa bir şey-i cismânî vâşıl ve vârid olmaz, ancak 'udv-ı müşârikin ezâsı vâşıl olup şudâ^c hâşıl olur. Ammâ müşâreket-i gayr-i muţlakâ o şudâ^cdır ki 'udv-ı müşârikten cevher-i dimâğa mādde-i hultıyyeden ve buhârdan bir cüz' şu'ud ve nüfûz [234a] eder. Teşennüc ve küzâz ve temeddüd ve riyâh-ı efrise ve evcâ^c-ı mefâşıl ve kuvvetli olan niķris ve ırķ-ı nesâ marađlarında hâdiş olan baş ağrıları müşâreket-i muţlakâ ile hâdiş olur.

Ve müşâreket-i muţlakâda 'udv-ı müşârikten dimâğa vâşıl olan keyfiyyet-i ezâ harâret ve bürüdetten biri olur veyâhüd harâret ve bürüdet mişlli keyfiyyât-ı tabî'iyeden biri olmaz belki dimâğa 'udv-ı müşârikten vâşıl olan ezâ harâret ve bürüdet olmayan keyfiyyet-i semmiyyet ve hâlet-i ğarîbe olur, zîrâ ba^cdı kerre 'udv-ı müşârikte cevheri redî bir nev' hultı-ı semmî olur ki dimâğa ondan ancak keyfiyyeti ulaşır. Ve ba^cdı kerre dahi dimâğa ulaşan mevâdd-ı müziye mevâdd-ı ğarîbe olmayıp belki tabî'î olur, ezâsı

ancak keyfiyyâtının iştîdâdı hasebiyle veyâhûd kemmiyyâtının ziyâde olması ile olur. Ve ba'đı kerre dahi dimâğa vâşıl olan mevâdd o mādde olur ki 'uđv-ı müşârikin ba'đısında tevellüd-i ğarîb ve tekevvün-i fâsid ile tevellüd ve tekevvün eder. Bu nev' māddenin tevellüdü ihtinâk-ı rahimde veyâhûd tûl-i zamân cimâ'ın terkinde olur. Ve ba'đı kerre tevellüd-i ğarîb merâkkta ve etrâftan bir tarafta olur.

Ve ba'đı kerre dahi 'uđv-ı müşârikten dimâğa ancak keyfiyyet ulaşıp o keyfiyyet dimâğda mādde-i müziyenin huşûlüne sebep olur. O dahi iki vech üzere olur: Evvelkisi budur ki dimâğa vârid olan keyfiyyet nevâhî-i dimâğda bulunduğu mevâdd-ı ceyyideyi veyâhûd dimâğa vârid olan ğidâyı ifsād eder. İkinci vechi budur ki o keyfiyyet hasebiyle dimâğın kuvve-i dâfi'ası da'ife olup vârid olan mevâdd-ı fâsideyi kabûl eder.

Ammâ dimâğın cemî'an bedene müşâreketi dahi iki vech ile olur: yâ cemî'an bedende fâş bir nev' keyfiyyet-i fâside olmakla olur veyâhûd cemî'an bedende fâş olan mevâdd fâside olmakla olur.

Hummayâtta ve kezâlik buhrânlarda dimâğın cemî'an bedene müşâreketi bi'l-cümle bedende fâş ve münteşire olan mādde olmakla olur. Ve hummayât-ı hâddede baş ağrısı ziyâde şedîd olsa 'alâmet-i rediyye olur ve ba'đı kerre katl dahi eder eger o ağrıdan ğayrı rediyye olan âher 'alâmetler dahi var ise. Ve eger 'alâmetlerden şudâ'ın iştîdâdından ğayrı 'alâmet-i rediyye olmaz ise o buhrân ru'af ile olacağına delâlet eder. Ve ba'đı kerre dahi aşnâf-ı şudâ'dan buhrânî olan şudâ'ın iştîdâdı buhrânın kay' ile olacağına delâlet eder.

Ve başa müşârik olan a'đâların evveli ve ülâsı mi'dedir, zirâ mi'dede fađla-i ahlâţ bulunur. Ve ba'đı kerre fađla mi'dede tekevvün ve tevellüd eder. Ve mi'deye şafrâ dahi dökülür. Ve şafrânın dökülmesi gâhîce devr ile ve gâhîce dahi bilâ-devr olur. Ve bizim bâbında zikr edeceğimiz vech üzere merâreden mi'deye mirârın ya'nî şafrânın ğalîzi dökülür ve rakîki dökülmez. Ve mi'dede muhtebeşe olan ba'đı riyâh veyâhûd ebhüre mi'deden başa müteşâ'ide olup ondan şudâ' hâdiş olur ve o şudâ' şirkî olur.

Ve humârın dahi taşdî'i olur ve humâr hasebiyle başa bürüdet sür'at eder başın nevâhîsi ve etrâfı mütehalhile olmak hasebiyle.

Ve rahimin dahi dimāğa müşāreket-i kavīyye ile müşāreketi olur. Ve kezālik merākḳ ve kebid ve tihāl ve hicāb ve küyeler ve tarafta vāḳi^c olan el ve ayak gibi a^cdālar ve arka nāhiyesi cemī^can dimāğa müşārik olurlar.³¹

Ve evvel-be-evvel dimāğa müşārik olan kılıfın üzerinde olan kılıfı mücellil ğışādır, zīrā o ğışānın intisācı a^cdā-i dimāğda ma^cdūd olan hicābların şaziyye ve şu^cbesinden olur ve lā-mahāle iştirāki kavī olur. Ve ekser-i hāle şudā^c müşāreket hasebiyle a^cdā-i bāṭımeden dimāğa müşārik olan u^cḍvun māddeşi heyecān edip fevḳe hareketinden hādiş olur.

Yedinci Faşl Aşnāf-ı Şudā^cın Edillesi ve ^cAlāmetlerinde Olan Kavl-i Küllî Beyānındadır

Darbe ve sakta ve kezālik eşyā-ı hārre ve eşyā-ı bāridelere mülākāt ile ve kezālik müceffif olan şemāyimi ve gerek tayyibe olan zefire ve şedide revāiyih ile ve kulakta ve burunda rih̄in ihtikāni ile ve bu mişlli esbāb-ı hāriciyye ile şudā^cın hādiş olduğuna istidlāl olunur o nesnelere vücdü ile. Meşelā şudā^cdan muḳaddem sakta olup ba^cdehu şudā^c arıḳ olsa o şudā^c sakta sebebi ile olduğuna istidlāl olunur; bāḳileri dahi bu kıyās üzere olur. Ammā o esbābların vukū^cundan ğaflet olursa o esbābların āsārına rücu^c olunur ve bizim gelecekte beyān edeceğimiz üzere onların āsarlarından istidlāle iştigāl olunur:

Da^cf-ı dimāğdan hādiş olan baş ağrısına delālet eder, ednā sebep ile ağrının heyecāni ve hareketi ve havāssın küdüreti ve efāl-i dimāğiyyede āfetin vücdü.

Ve dimāğda olan hiss kuvvesinin kuvvetinden olan baş ağrısına delālet eder, ednā sebebden dimāğın sür^cat-i infī^cālī; meşelā ednā şavtı veyāhūd ednā rāyihāsı olan meşmūmātın rih̄ini dimāğ ihsās edip münfa^cil olmasından baş ağrısının sebebi hiss-i dimāğın kuvveti olduğuna istidlāl olunur, lākin mücerred kuvvet-i hiss ile ednā sebebden şudā^c arıḳ olmaz belki hiss-i dimāğda kuvvet ve zekā olup mecārī dahi nakıyye ve dimāğın efālī ğayr-i me^cufe olur ise o zamān ednā sebebden dimāğ münfa^cil olup baş ağrısı hādiş olur.

31 Aḥşāyı üç ^caded ğışā muḳt olurlar: evvelkisi serb, ikincisi şifāk ve üçüncüsü merākḳtır, bunlara hicāb-ı hāciz derler, ālet-i ğidā ile ālet-i teneffüs aralarını faşl ederler.

Ammâ esbâb-ı mâddiyyeden olan baş ağrısının ‘alâmetleri cemî’an başta şıkal ve ağırlık olmak ve burun delikleri ruṭûbetli olmaktır. Ve eger mādde-i muşaddî‘a ḥâdde olur ise başta şıkal ile ma‘an ḥumret ve ḥarâret dahi olur ḥuşuşan mevâdd-ı ğalîzada bu hâletler ziyâde olur. Ve ba‘dı kerre o başta ḍarebân dahi olur, ammâ ruṭûbet-i munḥur mevâdd-ı ğalîzada ḳalîle olur. Ve bu mişlli şudâ‘da ḥayşûmun kuru olması dimâğda mādde olduğuna delâlet edemez eger başta ağırlık mevcûd ise.

Ve ammâ şafrāvî olan mevâdda ḥâşş olur lez‘ eylemek ve şedîden ḥurḳat ve naḥs eylemek. Ve bu ‘alâmetler şafrāvî mevâdda sâir ḥârre mevâddan ekşer olur. Ve mevâdd-ı şafrāvîde ḥayşûmda yübüset ve ‘aṭaş ve seher ve şufret-i levn olur velâkin başta şıkal ḳalîl olur.

Ammâ mevâdd-ı bârideye ba‘dı kerre bevl ve ağrının müzmin olması ve levn delâlet eder eger maddenin imtilâsı toḥme ile olur ise, şehvetin suḳûtu ve kesel olan ona delâlet eder. Ve mevâdd-ı raṭbe gerek ḥâr olsun ve gerek bârid olsun onun ‘alâmeti sübât olur. Ve mevâdd-ı balğamî vü sevdâvînin elemi şedîd olmaz. Ve mevâdd-ı yâbisede şıkal ḳalîl olur ve seheri çok olur. Ve mādde-i bâride iltihâb olmaz ve fikr-i fâsid çok olur ve levni kümûdetli olur.

Ve her ḥılṭa yüzün ve gözün levniyle istidlâl olunur ve ḳalîlen bu ‘alâmet taḥallûf edip demeviyye olan mevâdda yüz ve göz kırmızı olmaz ve şafrāvîde sarı olmaz. Ve o taḥallûf iki sebebin biri ile olur: Evvelki sebep budur ki o müzî ve mültehib olan ḥılṭ ‘umḳa ve derine mündefi‘ olup onda muḥtebes olur, zâhir-i beşereye çıkmamakla levni zâhir olmaz. Ve ikinci sebep budur ki şudâ‘ı icâb eden mādde-i bâride³² olur ve veca‘ cezzâb olmakla eṭrâftan mevâdd-ı ḥârreyi mevdi‘-i veca‘a cezb eder ve lâ-maḥâle o meczûb olan mevâdd-ı ḥârre ḥarâreti ḥasebiyle yüzde ve gözde zâhir olur ve ağrıya sebep olan mādde bârid olmakla zâhir-i beşerede levni görünüp zâhir olmaz. Ve bu mişlli veca‘ ḥasebiyle mevdi‘-i veca‘a müncezb olan ḥılṭ ekşer-i hâlde dem olur ve âḥer aḥlâṭın incizâbı ahyânen olur.

Ammâ riyâḥtan olan baş ağrısının ‘alâmeti budur ki onda şıkal az olur ve temeddüdü ya‘nî gerginliği çok olur ve ba‘dı kerre naḥsı olur, sancar ve çok kerre te‘ekkül gibi hâlet iḥsâs olunur.

32 “Mādde-i bâride”den murâd balğam ve sevdâdır.

Ammâ şudâ^c-ı buḥārînin ‘alâmeti budur ki başta aşlâ [234b] ağırlık olmaz. Ve ba‘dı kerre şudâ^cın rîhi ve buḥârı olduğuna kulakta olan tanîn ve devî delâlet eder. Ve ba‘dı kerre buḥârı olan şudâ^cda evdâcın dürürü ya‘nî evdâc damarlarından ruḫûbetin iltihâbı ve tereşşuḫu olur. Ve rîhi ve buḥârı olan baş ağrılarında ba‘dı kerre dahi veca^cın bir mevđî^cinden âḫer mevđî^cine intikâli olur. Ve kaçan buḥâr çok olsa şerâyîn damarlarının çarebânı ziyâde olur ve taḫayyülât-ı fâsidesi olur ve sederi ve düvârı olur.

Ammâ mâddesi olmayıp sū²-i mizâc-ı sâzecedden ḥâdiş olan baş ağrılarının ‘alâmetleri budur ki o ağrıyı icâb eden keyfiyyetler iḫsâs olunur, meşelâ bilâ-mâdde olan sū²-i mizâc-ı ḥârr baş ağrısı iḫdâş eylese başta keyfiyyet-i ḫarâret iḫsâs olunur; keyfiyyât-ı sāire dahi bu kıyâs üzere olur. Ve başta şikâl dahi olmaz. Ve ḫayâşimde yübüset olmak bilâ-mâdde olan sū²-i mizâc ağrıya sebep olduğuna delîl-i kavî ve münâsib ‘alâmet olur.

Ve ḫâşşaten sū²-i mizâc-ı ḥârr sebep-i şudâ^c olduğunun ‘alâmeti budur ki gerek ‘alîl olan kimse ve gerek âḫerler ‘alîlin başına lems eylese o başta ḫarâret ve iltihâb iḫsâs eder ve o ‘alîlin gözünde ḫumret zâhir olur. Ve müberriđât isti‘mâlinde ve berdden intifâc eder.

Ammâ şudâ^ca sâzec olan sū²-i mizâc-ı bârid sebep olduğunun ‘alâmeti mizâc-ı ḥârr-ı sâzecin ‘alâmetlerinin ađdâdı olur, yüzünde neḫâfet-i hüzál ve ḫumret-i levn olmaz ve ağrısı her ne kadar müzmin olur ise ifrât üzere şedîde olmaz.

Ve yübüset-i sâzecede olan ağrının ‘alâmeti budur ki o ağrının zuhûrundan evvel o kimse keşîren istifrâğ eylemesi ve riyâđât ve seherinin keşreti ve açlığının tül-i zamâni ve kerb ve hümümü cemî’an bu mezkûrlar mevcûd olan şudâ^cın sebebi yübüset olduğuna delâlet eder. Ve bir ‘alâmeti dahi budur ki ağrıya teḫaddüm eden zıkr olunan eşyâlardan biri zamân-ı veca^cda tekerrür eylese veca^c şedîd olur.

Ve müşâreket ḫasebiyle olan şudâ^cın ‘alâmetleri budur ki şirkî olan baş ağrısı dâim olmaz ve gâhîce ḥâdiş olur ve gâhîce zâil olur ve bir vaḫt şedîd olur ve vaḫt-i âḫerde da‘ıf olur. Ve bu ihtilâf ‘udv-ı müşârikte olan âfetin ihtilâfı sebebiyle olur. Ve şudâ^c şirkî olmayıp belki marađ-ı aşlî olur ise ef‘âl-i dimâğın sâirlerinde dahi âfet olur, zulmet-i ‘ayn ve sübât ve şikâl-i dâim gibi. A‘đâ-i dimâğdan mâ‘adâ ‘udvlarında âfet olmaz, onların ef‘âli şaḫîḫa ve selîme olur.

Ve eger âfet dimâğın hicâblarında ise ve o âfet-i hicâbî kaviiye ise onun ʿalâmeti budur ki o ağrı gözlerinin uşûlüne ulaşır. Ve eger âfet hâric-i kıhfta olan ğışâda olur ise veyâhüd mevdiʿ-i âherde ise ağrı gözlerinin uşûlüne ulaşmaz. Ve başta olan deriye mess olunsa o messin vecaʿı olur.

Ve miʿde müşâreketiyle olan baş ağrısının ʿalâmeti kerb ve ğaşeyân ve şehvetin kılleti veyâhüd buflânı ve hadmın redâʿeti veyâhüd kılleti veyâhüd buflânı olur eger bu mişlli âfetler baş ağrısı zuhûr etmezden muḳaddem dahi bulunur ise.

Ve eger şudâʿ-ı şirkîde miʿdenin âfeti mirârın miʿdeye inşibâbından olur ise aklıktan ve aç iken olan uykuda ağrı müştedd olur. Ve baʿdı kerre şudâʿ maraḍ-ı aşlî olup miʿdenin taʿdâd olunan efʿâlinden hâlel ve âfet miʿdede dimâğa müşâreket ile olur. Pes taḥarrî edip her birinin hâli tefahhuş olunmak gerektir ki hangisinin maraḍı aşlî olur ve hangisinin âfeti şirkî olur zâhir ve âşikâr ola. Ve aşlî olan maraḍ ekşer-i hâlde muḳaddem zuhûr eder ve muḳaddem âfeti olan aşlî olmak ğâlib olur.

Ve miʿdede hâşşaten âfet olduğunun ʿalâmetleri bunlardır: miʿde hadmının hâli muhtelif olur ve kezâlik miʿdenin hâli miʿde hâliye ve müm-teliʿe olmak ḥasebiyle muhtelif olur, zîrâ miʿdenin elemine sebep şafrâ olur ise miʿde hâliye oldukça şafrâ hareket eder. Ve miʿde âfeti hılt-ı bārîden olur ise miʿde hâliye olduğu miḳdâr elem sâkin olur ve cûʿı mādde-i bārîdeden hâdiş olan elemi teskîn eder. Lâkin baʿdı kerre cûʿ sebebiyle mādde-i bārîdenin buḥârı olur ve o buḥâr ezâ ve elem ihdâş eder. Ve bu ezâyı taʿâm ekl eylemek ekşer-i hâlde sükûn-ı tâmm ile teskîn eylemez. Ve baʿdı kerre nâdiren taʿâm ekl eylemek mādde-i bārîdenin ezâsını teskîn eder ve bu şürette o ezâ şafrâdan veyâhüd mādde-i bārîdeden olduğu müştebih olur, zîrâ ikisinden dahi hâdiş olan elemi ekl-i taʿâm teskîn eder ve ʿalâmet-i mezkûr birine maḥşuş olmaz, lâkin vech-i âḥir beynehümâyı fark eder, zîrâ mādde-i müziye şafrâ olsa miʿdede iltihâb olur ve ḥurḳat ve cüşâ yaʿnî geçirmek olur, âher mevâdda bunlar olmaz. Ve cüşânın delâleti ne keyfiyyette olduğunu maḥallinde beyân eyleriz ve kezâlik miʿde bābında miʿdenin elemi mādde-i hârreden veyâhüd mādde-i bārîdeden oldukları ve arasını fâriḳ ʿalâmet-i sâire[leri] beyân eyleriz inşâallâhu taʿâlâ.

Ve mi'dede olan māddeye kay² ile hurûc eden ruṭûbet dahi delâlet eder ve mi'deye vârid olan mevâddın ihtilâfına delâlet eder ḥâl-i şudâ'ın ihtilâfı.

Ve nâstan çok kimselerin mi'delerine edvâr ile mirâr munşabbe olur ve vaqt-i inşibâbda o kimsenin şudâ'ı hareket eyledikte ta'âm ekl eylese ağrısı sâkin olur ve bu ḥâlî delâlet eder ki o kimsede olan baş ağrısı mi'de müşâreketi ile olur. Ve bu vech üzere mi'de müşâreketinden olan ağrı yâfûhun cüz²-i muḳaddeminden ibtidâ eder ve ba'ḍı kerre yâfûhun vasatına mâil olur ve sonra nüzûl eder.

Ve baş ağrısından kebid müşâreketiyle olan ağrı başın sağ cānibine mâil olur ve tîhâl müşâreketiyle olan ağrı başın sol cānibine mâil olur. Ve merâkk dedikleri ḥicâb müşâreketiyle olan ağrı cidden ḳuddâma ve ön tarafa mâil olur. Ve raḥim müşâreketiyle olan ağrı yâfûhun vasat-ı ḥaḳîḳisinde olur. Ve raḥim müşâreketiyle olan ağrı ekser-i ḥâlde vaḍ^c-ı ḥaml eyledikten sonra veyâḥûd isḳâṭ-ı cenîn eyledikten sonra olur ve ṭamsın ihtibâsından ve ḳilletinden dahi olur.

Ammâ ehl-i Hind da'vâsı üzere düddan ḥâdiş olan şudâ'ın 'alâmeti budur ki dimâğda ekkâl-i şedîd iḥsâs olunur ve [netin rāyiḥa olur] hareket olundukça şudâ' müştedd olur ve marîḍ sâkin oldukça ağrı sâkin olur. Ve böbrekler ve şulb ya'nî arkada olan ḥarezât müşâreketleri ile olan ağrı başın ḥalfine ve ense cānibine mâil olur. Ve a'ḍâ-i uḥrâda olan evcâ' müşâreketiyle ḥâdiş olan baş ağrısı o evcâ'ın iştîdâdı ve heyecânı katında ḥâdiş olur ve o vâkte şudâ'ın ḥudûşu evcâ'-ı sāire müşâreketiyle olduğuna delâlet eder.

Ve ḥummayât ve buḥrânâta baş ağrısının 'alâmeti ḥummânın ve buḥrânın heyecânlarında baş ağrısı dahi heyecân ve hareket eder ve onların sükûn ve inḳıṭâ'ında ve kezâlik da'fları vâktinde şudâ' dahi sâkin olur. Ve ḥummânın şiddeti vâktinde başı ağrıyan kimsenin bevli ebyaḍ olsa o baş ağrısı ḥummânın 'araḍı olduğuna delâlet eder, zîrâ bevlin o ḥâlinde ebyaḍ olması şafrânın fevke teveccüh eylemesine delâlet eder ve lâ-maḥâle fevke teveccüh eden şafrâ-i hâyice taşḍîr eder. Ve ba'ḍı kerre eşyâ-ı mülâṭṭif her ne kadar ḥârr olmayıp bârid ise dahi ḥummâyaya sebep olur, zîrâ laṭîf olan eşyâ ebḥurenin dimâğa sâlik olduğu mecârîleri taṭḥîr edip tefṭîḥ eder. Meşelâ sikencebîn bârid iken ba'ḍı kerre mecârîleri tefṭîḥ etmekle başa müteveccih

olan mevâdd dimâğa yol bulup taşdı^ç eder. Ve şakîka demekle ma^çrûf olan yarım baş ağrısının hâli dahi zıkr olunan ağrılar kıyâsı üzeredir.

Ve kaçan baş ağrısının mu^çalecesi mirâr için isti^çmâl olunan tedbîr-i ğalîz ile olmak vâcib iken o ğalîz tedbîr terk olunup tedbîr-i laţîf ile mu^çalece olursa onun mađarratı olur. Ve kaçan bir şudâ^çın ağrısı müştedd olsa o iştidâd ile şudâ^ç dahi tezâyüd eder, kendi veca^çı marađı artırır. Bu bâbda irâd eylediğimiz cümleyi bil [235a] ve đabţ eyle.

Sekizinci Faşl Şudâ^çi Emrâđda İnzâr Eden çAlâmetlerin Beyânındadır

Marîđin bevli ħammâr bevline müşâbih olsa delâlet eder ki o marîđin o zamândan muğaddem şudâ^çı olup ħâlâ ħall olmuştur veyâĥûd ħâlâ şudâ^çı vardır veyâĥûd gelecek zamânda şudâ^ç çarıđ olacaktır. Ve kezâlik bevlin ħummayâtta ve buhrânda ebyađ olduđu dahi mevâddın başa intikâline delâlet etmekle lâ-maĥâle şudâ^ça delâlet eder.

Dokuzuncu Faşl Baş Ağrısının Tedbîr-i Küllîsi Beyânındadır

Senin ma^çlûmundur ki şudâ^ç mu^çalecede sâir emrâda üsve ve refîktir ya^çnî bir kânûn tahtında şudâ^çın ve sâir emrâđın çilâc-ı küllîleri mündericidir. O kânûn budur ki sâir emrâđ gibi şudâ^çın mu^çalecesinde vâcib olur ki evvelâ sebebi kay^çet oluna ve ba^çdehu ađdâd ile mu^çalece oluna. Ve bundan sonra izâle-i şudâ^çda ekl ü şürbün kılletinin menfa^çati olur ve ĥuşuşan şarâbdan ve keşret-i nevminden kaçınmak ziyâde nâfi^çdir. Ammâ ta^çâm ve şarâbi ifrâţ üzere azaltmağın ve taqlîl etmeğın şudâ^ç-ı ĥârrda mađarratı olur. Ve şudâ^ç-ı ĥârr müzmin olur ise onda ekl ü şürbün ziyâde olduđu muđırr olur. Ve tevdi^ç gibi ya^çnî de^çat ve sükün[et] gibi baş ağrısına nâfi^ç bir şey olmaz ve bâ^çis-i ĥareket olan cimâ^ç ve fikr mişlli muĥarrık nesnelere terk eylemek ziyâde menfa^çatli olur.

Ve vâcib olur ki mâddeli olan baş ağrısının mâddesini esfele cezb için ictihâd ve ihtimâm oluna, her ne kadar o cezb ĥârr olan ĥuĥne ile olur ise dahi terk olunmaya.

Ve yine vâcib olur ki mādde-i şudâ'ı istifrâğ eden edviyeler edviye-i muḳavviye ile taḳviye oluna tā ki taḳviye ḥasebiyle mevâdd-ı şudâ'ı o müs-tefrîgât mi'cidenin ve kebidin nevâḥisinden dahi istifrâğ eyleye. Ve mādde-i şudâ'ı esfele cezb edip maşdü'a bâ'is-i selâmet olan mu'âlecâtın ḳuvvetli-sinden olur, maşdü'un iki ayaklarını yatarken oğmak ve delk eylemek, zîrâ ayakları delk eylemek münevvim olur, ekser-i hâlde medlûk olan kimse uyur ve mādde o hâlde esfele müncezb olup ağı az kalır.

Ve sen murâd eylesen ki o kimsede aḥliye ve dımâdât isti'mâl eylesen, eger illet gerek ḥârre ve gerek bâride olsun müzmine olur ise sana vâcib olur ki evvelâ başını tırâş eylesen, zîrâ tâze tırâş olunan başa ziyâde nüfûz eder ve kezâlik isti'mâl olunan devânın ḳuvvetini tenfîze mu'în olur ve o devâ raḳîḳ olur ise onu seyelândan men' eder ve havânın ol devâyı iḫâresinden ḥıfz eder. O devânın üzerini kıḫ'a-i 'acîn ile veyâḥûd bir kıḫ'a şüf ile setr eylemek dahi vâcib olur.

Filagriyûs Ḥakîm der ki cebhe damarını faşd ve başın cānib-i esfeline miḥceme vaḫf ve ilzâm ve eḫrâfını delk ya'ni ellerini ve ayaklarını oğmak ve eḫrâfı ıssı su içine koymak ve ḳalîlen maşdü'u yürütmek ve neffâḥa olan ve kezâlik mübahḥire ve haḫmı baḫ' olan ağıdiyeleri terk eylemek ziyâde şudâ'a nâfi' olur. O kimselerin şudâ'ının zevâlini taleb edip bir dahi 'avdet eylesen diyenler bu mu'âleceyi ederler. Ve şâhib-i *Ḳânûn* der ki çok kerre vâḳi' olmuştur ki maşdü'un ayaklarına devâm üzere ıssı suyu biz dökeriz ve 'alîl zann eder ki ke-enne şudâ' başından ayaklarına iner, lâkin yine o şudâ' def' olmaz.

Ma'lûm buyurula ki ḥâmiḍ ağıdiyeler şudâ'ı olan kimselere mülâyim olmaz. Ve eger şudâ' mi'cde müşâreketiyle olur ise ağıdiye-i ḥâmiḍeden fem-i mi'cdeyi dibâğat edip māddeyi mi'cdeye inşibâbdan men' ve mi'cdeyi taḳviye edenleri o şudâ'a mülâyim olur. Ve eger müzmin şudâ'a şudâ'ın ezâsından mâ-'adâ bir nesne dahi muşâhib ve 'arîḫ olur ise tedbîrinde onun mu'âlecesini dahi idḫâl eyle, zîrâ o nesne her ne ḳadar 'araḫ ise maraḫ-ı aşlî olan şudâ'ın ziyâde olmasına sebep olur. Ve maraḫın ziyâde olanlarında aşl-ı maraḫa olan 'ilâcin te'sîri ḳavî olmaz. Meşelâ şudâ'ı olan kimsenin seheri olup o seher müştedd olsa şudâ'ın ziyâde olmasına sebep olur ve vâcib olur ki marîḫin başına seheri izâle eder edviye ile neḫûl oluna ve ona dühn-i ḳar'

ve dühn-i hîlâf ve dühn-i nîlüfer mişlli ile ve kâfûr ile mu'athtar olan elbân mişlli ile mu'alece oluna ve belki ona mu'alecede ba'cdı kerre sen qalîlen taħdîr ve tenvîm eylemeğe muhtâc olursun.

Ve her şudâc ki onda nezle ola, onun mu'alecesinde müberrid ve murattıb edhân isti'mâliyle başı tebrîde ve tertîbe meyl eyleme belki istifrâğa ve etrâfı şedd eylemeğe ve etrâfı delke ve ıssı suya komağa meşğûl ol.

Ve kuvveti bâtın-ı re'se nâfiz olmak için 'alîlin başına devâ vađc eylemek murâd eylesen yâfûh üzere ve muqaddem-i dimâğda derz-i iklîlî üzere vađc eyle. Baştan mevđi'-i âhère devâ vađc'ına sen muhtâc olmazsın, zîrâ devânın bâtın-ı re'se nüfûzu bu mevđi'lerden ümîd olunur; mu'ahhar-ı dimâğı muhtî olan kemikler ziyâde şalâbetli olur, ondan devâ bâtına nüfûz eylemez ve tenfizde teşdîd ve ikdâm olunmakla nüfûz edenler dahi yâfûhtan ve muqaddem-i re'sten nüfûz edenler kadar nâfi' olmaz. Ve bundan mâ'-adâ mu'ahhar-ı dimâğa vađc olunan devâ müberrid ise mebd'e-i a'sâba đararı olduđu ğaniyyün 'ani'l-beyân olur.

Ve đarebâni olan şudâc hârr ve bârid olan veremlere muşâhib olur. Ve şudâc-ı đarebâni o baş ağrısıdır ki ağrı başta ke-enne nabđ hareketi gibi hareket eder. Ve o đarebâni olan şudâca muşâhib olan verem hârr olursa onda leyyin olan müberridâtı isti'mâl eyle ve kezâlik nukresinden hacâmet eyle ve şudğlarına irsâl-i 'alağ eyle ve etrâfını rabt eyle. Ve eger verem bârid olur ise māddeyi dağıtıcı nesnelere meyl eyle ve muğassî olan, takviyesi ve qalîlen berdi olan devâları dahi hâlt eyle, meşelâ sezâba ve na'nâ'a dühn-i verd hâlt eyle. Ve ba'cdı kerre bu mişlli şudâc ziyâde müştedd olur, hattâ şıbyânda bir ğâyete bâliğ olur ki şıbyânın düruz-ı re'si ayrılır ve münfetık olur ve onun mu'alecesinde ihtimâm edip nâ'imen meshûk olan 'urûku ya'nî 'urûk-ı şufr dedikleri devâyı gül yağıyla ve sirke [ile] karıştırıp başı mâ ve milh ile ba'de'l-ğasl başında isti'mâl eyle. Ve eger sen muhallil-i kavî olan se'ûtâtı isti'mâl eder isen *Kânûn*'da yazıldığı üzere tedricle isti'mâl eyle ve sana vâcib olur ki bu bâbda mümkün oldukça muhaddirâta meyl eylemeyesin, taħdîr ile olan şudâcın müsekkinâtı vücühunu inşâallâhu ta'âlâ biz bâbında zikr eyszeriz.

Ve ma'lûm ola ki kay> şudâcın mu'alecâtından olmaz belki kay>ın şudâca ziyâde đararı olur, lâkin kaçan şudâc mi'de müşâreketiyle olsa o şudâca kay>ın bi'l-'arađ menfa'ati olur.

Ve mu'ahhar-ı re'ste olan şudâc hummâdan nâsî olmaz ise onun 'ilâc-ı evvelâ matbûh ile bi-ğadri'l-kuvve istifrâğ ve ba'cdehu faşd olunmaktır. Ve şudâc başta bir maħallden maħall-i âhere intikâl edip ona berd işâbet eyledikte sâkin olsa ümîd budur ki ona faşd lâzım olur veyâhûd hacâmet olunmak lâyıķ olur veca'ın devâmı ile fuđul başa müncezibe olmasın için.

Onuncu Faşl Şemste ve Ğayrıda İhtirâk Sebebiyle Bilâ-Mâdde Hâdiş Olan Şudâcın ve Kezâlik Mâdde-i Şafrâvî vü Demevîden Hâdiş Olan Şudâcın Mu'alecâtı Beyânındadır

Bu şudâcın mu'alecâtından ğarađ tebrîd-i re'stir. Bu nev' şudâcın ibtidâsında hâliş ve müberred ya'ni kar ile sovutulmuş olan gül yağından efđal bir 'ilâc olmaz. O yağ başa şabb-ı mü'ekked ile şabb olunur. Onun dahi efđali qarîben zıkr olunduđu üzere yâfûha şabb olunup şûf veyâhûd kıt'a-i 'acîn ile o yağ habs olunur. Ve mu'ahhar-ı dimâğa o yağla tılâ olunmaz. Ve eger yâfûh üzere konulan yalnız dühn-i verdin menfa'ati olmaz ise dühn-i verde [235b] buķül uşâreleri hâlğ olunur ve nebât-ı bârîde aşnâfının uşâreleri dahi hâlğ olunur. Ve ba'đı devâ vardır o devâ ile isti'âf qarîb olur ki cümleden menfa'atli ola, sût ve benefşe yağı ve gül yağı ki onlar müberred olalar ya'ni şelc üzere vađc olunmakla onların bürüdet-i fi'iliyyesi ola. İşbu mişlli devâ ile isti'âf eylemek ziyâde menfa'atli olur. Ve dühn-i verde sirke hâlğ olursa devâ şâlih olur, zîrâ sirke devâyı tenfîze mu'ın olur, lâkin *Kânûn*'da zıkr olunan şuhûşa ri'âyet olunmak gerektir. Ve o maşdü'lara su ile maħlûţ sirke saķy eylemek suyu keşîr olur ise onda menfa'at keşîr olur.

Ve hâşşaten bu şudâc'lar arasında şemsten ihtirâk hasebiyle olan şudâcın 'ilâcı yine zıkr olunan 'ilâclar olur,³³ lâkin şemsî olan şudâcın 'ilâcında gerektir ki havâyı ta'dîl ve teberrüdde ve 'alîli mesâkin-i bârîdeye îvâ ve iskân eylemekte edhânın küllîsinden ve ađmide ve neđulât ve merûhâtın gerek bi't-tab' bârîde ve gerek müşellec olanlarını isti'mâlde ziyâde ihtiyâf ve ihtimâm oluna. Ve kezâlik neşûkât ve kaţürât ve şemümât dahi isti'mâl oluna. Ve bunları bundan aķdem sen ta'arrüf edip bildin.

33 Ya'ni ihtirâk-ı şemsten hâdiş olan şudâc 'atîķ olsa ona 'ilâc olan devânın ve 'ilâc eden tabîbin şânları 'âlî olur, zîrâ mu'đile devâ olmuş ve eylemiş olur.

Ve sana vâcib olur ki bu şudâc'da ve gayrıda ictinâb eyleyesin māddeyi ʿunf ile taḥrîk eden şıyâḥ ve keşret-i fikr ve cimâc ve cûc gibi nesnelerden.

Ve şemsten ihtirâk ḥasebiyle olan şudâc'a evvel-i zuhûrunda ʿilâc olunur ise muʿâlecesi sehl olur, lâkin evvel-i zuhûrunda ihmâl ve imhâl olursa ʿilâcı mümteniç veyâḥûd ʿusretli olur dersem baʿid olmaz veyâḥûd ona olan ʿilâcın şanı ʿâlî olur.

Ve şemste ihtirâk ḥasebiyle olan şudâc şemsin teşhîninden ḥâdiş olduğu gibi baʿdı kerre dahi şemste vâkiç olan kimsede buḥâr ḥâdiş olur ve ebḥire ve sâir sâkine olan mevâdd ḥareket eder ve onların ḥareketlerinden şudâc ḥâdiş olur. Ve bu mişlli şudâc'ın muʿâlecâtında istifrâğdan istiğnâ olmaz, zıkr olunduğu üzere istifrâğ olunur. Ve baʿdı kerre şems ile teḍaḥḥiden yalnız ebḥire ḥareket edip o teḍaḥḥî māddeyi taḥrîk eylemez ve ḥareket eden yalnız ebḥireden şudâc ʿarıç olur. Ve o mişlli şudâc'da her ne kadar mādde-i mûziye olmaz ise lâkin onun muʿâlecesinde yine istifrâğ istiʿmâl olunur.

Eger bedende imtilâ ḥadş olup mevdiç-i eleme maddenin incizâbından ḥavf olunur ise ve senin bildiğin üzere eger ihmâl olup o mişlli ḥâlde istifrâğ olunmasa âfetin istiʿcâlinde emîn olunmaz. Ğâlib-i ḥâlde imtilâsı olan mādde serîʿan ḥareket edip dimâğa şuʿûd eder ve lâ-maḥâle tedbîr-i âḥer ile zâil olan şudâc serîʿan ʿavdet eder. Ve bu ḥavftan emîn olmak için istifrâğ lâzım olur.

Ve şudâc-ı ḥârrın cemîʿan envâcında reʿs cidden mültehib olup ve süḥûneti cidden ziyâde ve ḥaddi tecâvüz eylese sevîk-i şaʿîr ile bezr-i kaṭûnâ aḥz olup ʿaşa'r-râfî suyuyla yoğurulup ve tebrîd olup³⁴ başa dımâd olunur.

Ammâ o ḥarâretli şudâc mādde-i demeviyeden olur ise vâcib olur ki faşda mübâderet ve sürʿat oluna ve ḥâcet olduğu miqdâr ve kuvvetin taḥammülü ḥasebiyle dem iḥrâc oluna. Ve eger sâʿidde olan damardan yaʿnî kol damarlarından faşd kifâyet etmeyip istifrâğı maṭlûb olan mādde-i şudâc istifrâğ olunmasa ve ağrı ʿalâ-ḥâlihi bâkî olsa ve bi'l-cümle damarlarda dūrūr ve imtilâ zâhir olsa ve yüzde ve gözde ve başta imtilâ âşikâre görünse vâcib olur ki mādde-i dimâğı istifrâğ eden damarlar faşd oluna ve burnun iki cāniblerinde olan damarlar faşd oluna ve cebhe damarı dahi faşd oluna, zirâ cebhe damarını faşd başta olan ağırları çok kerre esâsından ve temelinden defc eder.

34 Yaʿnî selce vaçc olunmakla bi'l-fi'l bârid kılınır.

Ve vâcib olur ki baş damarlarını faşdda ağrı mevdi'inin cihetine mürâ'ât oluna. Eger ağrı cānib-i mu'ahhârda olur ise başın quddāmı cihetini vely eden cānibde olan damar faşd oluna ve ağrı āher maħallde olur ise o maħallin muķābilinde olan damar faşd oluna. Ve eger ağrı muķābilinde faşd olunmaĝa şālih damar olmaz ise faşd bedeline o muķābil olan maħall hacāmet olunur.

Erkāgānīs Hākīm dedi ki eger zıkr olunan damarları faşd müfîd olmaz ise vâcib olur ki kāhil³⁵ üzere hacāmet olunup ondan dem-i keşir akıtıla ve ba'cdehu mevdi'-i hacāmet dökülmüş tuz ile mesh oluna ve bir kıç'a şûf zeyt içine daldırılıp o mevdi'-i hacāmete ilzām ve ilzāk oluna ve ertesi gün o mevdi'e cirāhata vađc olunan devā vađc oluna. Ve bu mu'ālece yalnız zıkr olunan şudā'a hāşş olmaz belki bu mu'ālece cemī'an mevādd-ı hābīsedan hādīs olan müzmin şudā'ların küllīsine 'ilāc olur hangi māddeden hādīs olur ise olsun. Ve bu demevī şudā'a ve emşāline şāfinden faşd çok kerre nāfi' olur ve sāk üzere hacāmet dahi nāfi'dir. Bu zıkr olunan mu'ālecāt yalnız mādde-i dem olan baş ağrısının faşd ile 'ilācı idi.

Ve o baş ağrısının mādde-i demeviyyesine eger şafrā karıştığı ihsās olunur ise bizim şudā'-ı şafrāvī bābında zıkr edeceğimiz ṭabī'atı telyin edip ve māddeyi ilzāk eden müstefriĝāt ile bi'l-cümle istifragda be's yoktur. Pes o mişli şudā'ı olanlar neyšūkiyye³⁶ ve iccāşiyye merakalarıyla ṭabī'atlarını telyin edip māddelelerini ilzāk ederler. Ve kezālik mercimek ve māş merakalarını dahi bu menfa'atler için tenāvül ederler, lākin bu mezkūrların cirmlerini ekl eylemezler ve merakalarını tenāvüle müdāvemem ederler ve o marīdi yübüsete ve ĝılzate ve ķabda māil dem-i bārid tevlīd eden aĝdiye-i müberride ile taĝdiye ederler, meşelā aĝdiye-i summākıyye vü rummāniyye vü 'adesiyye ki ḥall ile muķaşşer mercimekten mürekkeb ola, işbu

35 "Kāhil" iki omuz arasına derler ve omuzun a'lāsına ve maĝrizine derler.

36 Nüşa-i sultāniyyede "نیسوقیه" ve ṭab' ile olan nüşhada "نیسوقه" yazılmıştır. Ve Semerķandī marađı için tertīb eylediĝi *Aĝdiye Risālesi*'nde der ki "وان كان معه اي مع الصداق الحار سهر وقلة النوم فالسنبوسق المتخذ من القرع والخس والسلق والقطف والخيار Intehā. ويحمض بماء حب الرمان او الانبربارس او الحصرم ويدهن بدهن اللوز والبختج" "Senbūsak" lügat-ı Fārsīde "senbūse"den mu'arrebdir, samsa dedikleri ta'ām ma'nāsına. Lā ya'lemu'l-ĝaybe illallāh. *Ķānūn*'da olan nüşhaların aşlı senbūkiyye olmak ĝālibdir.

ağdiye ile o marîd tağdiye olunur. Lâkin tabîr'atı yübüset üzere olmaktan havf olunur ise o zamân bu mişlli ağdiye içâm olunmaz ve sen emrâd-ı re's mu'alecesinde telyîn-i tabîr'ata ziyâde muhtâc olursun ve zıkr olunan kavâbıd-ı ağdiyeyi telyîne ihtiyâc vaktinde isti'mâl eylediğinde terencebîn ve şîr-hışt mişlli ile ve sâir telyîni ve taḥliyesi olanlar ile o kavâbıdı ta'dîl eylersin.

Ve vâcib olur ki o isti'mâl eylediğin ağdiyelerin keymüsu ḥâsen ola, miqdârı kâlîl ola, ondan imtilâ olunca kadar tenâvül olunmaya. Ve kaçan o şudâ'da neṭlât ve merühât isti'mâl olunsa onlardan tebrîdi ve tertîbi keşîr ve şedîd olmayanlar isti'mâl oluna belki o müsta'mel olan neṭül ve merühâ min-vechin red' ve min-vechin kabḍ ola, mâ-ı rummân mişlli ve kezâlik fevâkihten ve evrâk ve uşûlden bâride-i kâbıda olanların uşârâtı gibi ve sirke ile karnıyarık lu'âbı gibi ve 'aşa'r-râî suyu gibi nesnelere ile tenṭil ve merḥ oluna.

Ammâ mâdde-i şafrâviyyeden 'arîd olan şudâ'da demin dahi ednâ hareketi iḥsâs olunur ise onun 'ilâcî kâlîlen evvelâ istifrâğ olunur. Ve eger demde hareket olmaz ise evvelâ helîlec ile istifrâğa bed' olunur, eger ḥummâsı yok ise ve eger o şafrâvî şudâ'da ḥummâ mevcûde ise müzlük olan ve ḥuşûneti olmayıp ve 'unşuru dahi şedîd olmayan devâ ile istifrâğ olunur, şîr-hışt ve şarâb-ı fevâkih ve miyâh-ı leblâbla istifrâğ olunur. Ve baçdı kerre şâhte-reacle ve kezâlik ḥukun-ı leyyine ile istifrâğ olunur.

Ve eger o şudâ'nın mâddesi şafrâ-i gâlîza olup ve mi'denin tabakâtında o şafrâ-i gâlîza müteşerribe olup kay' ile istifrâğ ve iḥrâc olunmaz ise ve edviye-i müshile-i müzlûka dahi ishâl eylemez ise o zamân sen yazıldığı nüshaya muvâfık eyâric-i feykarâ ile saḥmünyâ saḳy edip mâddeyi istifrâğ edersin veyâḥûd müzlûkât-ı müstefriğa terkîbine eyâric-i feykarâyı saḥmünyâ ile ziyâde edersin veyâḥûd helîlec tabḥıyla aḳrabâdinde gördüğün üzere istifrâğ edersin. Ve istifrâğdan sonra tebrîd ve tertîbi olan eşyâ ile [236a] mizâcî tebdîl edersin, ammâ bedeninin mizâcını ağdiye ve eşribe ile tebdîl edersin.

Fe-ammâ re'sin mizâcını sebep eger yalnız re'ste olur ise *Kânûn*'da yazılan mu'alecât ile tebdîl edersin ve kezâlik ḥârr ve yâbis olan sū-i mizâcın mu'alecesiyle ve ḥarr ve yübsün 'umûm üzere esbâbını izâle için isti'mâl olunan mu'alecâtı ile dahi re'sin mizâcını tebdîl edersin.

Şudâ^c-ı hârr için isti^cmâl olunan leṭūhât-ı nâfi^cadan olur akrâş-ı za^cferân. Ve bu kuruşun sehere dahi menfa^cati olur ve nüshası budur: Za^cferân yedi mişkâl, mürr-i şâfi bir mişkâl ve nişf mişkâl ve şebb-i Yemânî sekiz mişkâl, kulkuṭâr beş mişkâl. Bu edviye aḥz olunup daḳḳ-ı nâ^cim ile daḳḳ olunup ve mazu suyuyla yoğurulup kuruş kılınır. Kaçan isti^cmâline hâcet olsa o kuruşlardan biri gül suyuyla memzûc sirke içinde ḥall olunup şudğlarına ṭlâ olunur. Ve ḥummayâtta olan sudâ^c-ı hârrı teksîr eder ebḥireyi başa meyl ettiren edviye isti^cmâli ve sirke ve gül kokumak ve istinşâk etmek şudâ^cdan ʿâfiyete sebep olur.

On Birinci Faşl Bilâ-Mâdde Sû~i Mizâc-ı Bârid İle Veyâḥûd Mâdde-i Balğamiyye vü Sevdâviyye ile Olan Baş Ağrılarının ʿİlâcları Beyânındadır

Zikr olunan ağrılara cem^can nâfi^c olur bi'l-fi^cl müsaḥḥine olan ḥırkalar ile ve câvers-i³⁷ müsaḥḥin ile ve ıssı tuz ile başa kimâd eylemek velâkin darı ile kimâd eylemek sâirlerden eltaf olur ve baş ağrısının cümlesine nâfi^c olur ve ḥuşuşan sovuktan ḥâdiş olan baş ağrısına nâfi^c olur başını açıp güneşin işrâkıında güneşte ikâmet eylemek mâddesi ḥall olunup şudâ^cı zâil olunca kadar o ağrı şâhibinin bedeni mâddeden ḥâlî ve naḳıyy olur ise. Ve eger güneşte ḥâsiren oturmaktan mevâddın ḥareketi ḥavf olunur ise ona güneşte ikâmet câiz olmaz.

Ve maşrûd olanlara ya^cnî ebridesi olan kimseye vâcib olur ki ğıdâsını taklîl eyleye ve ṭabî^catını ishâl eyleye o ishâl her ne kadar ḥuḳneler ile olur ise. Ve ḥarekât-ı bedeniyye ve ḥarekât-ı nefsanîyyeden ve [ḥarekât-ı] fikriyyeden ihtirâz üzere ola ve bârid eşribeden ictinâb eyleye. Ve o mebrûda sovuḳ mevḍi^clerde olmak ve sovuḳ nesnelere isti^cmâl eylemek câiz olmaz. Ve bürüdetten şudâ^cı olanların cümlesine tenḳiyeden sonra nâfi^c olur merūḥât ve se^cūtât ve neşûḳât ve şemûmât ve neṭülât ve admi^cde-i müsaḥḥine ki zikri mürûr eyledi. Pes ba^cde't-tenḳiye şey^c-i âḥer isti^cmâline hâcet mess eder ise bu mezkûrlar isti^cmâl olunur. Ve onlara nâfi^c olan nesnelere olur o şarâbı saḳy ki reyḥânî ve raḳıḳ olup bezri-kerefs ve bezri-râziyâ nec ve havuḳ bezri ve kemmûn ve dūḳū ve fuṭrâsâliyyûn

37 “Câvers” darı.

ve bu mecrāya cārī olan büzür ile taḳviye olunmuş ola, lâkin bu muḳavviyât ile taḳviye olunan şarāb o zamān saḳy olunur ki miʿdede ḥarekete ve intişāra müstaʿidd ḥılt olmadığı maʿlûm ola. Eger miʿdede ḥılt olup bu muḳavviyâtтан intişār ḥavf olunur ise o mişlli şarāb saḳy olunmaz ve kezālik ḥummāsı olana dahi saḳy olunmaz iştidāddan ḥavf olunduğu için. Ve kezālik o şudāʿa ḍimād-ı ḥardal ve sâir aḍmide-i muḥammize³⁸ ve ḥuşuşan aḍmide-i muḥammizenin terkibinde ḥardal ve şāfsiyā olanlar ziyāde menfaʿatli olur. Ve remād sirke ile tılā olunsa şudāʿ-ı bāride nāfiʿ ve mücerreb devā olur. Ve kezālik ʿurûḳ-ı şufr levz-i mürr ile merûḥ kılınsa nāfiʿdir. Ve bunların küllîsi baş tırāş olunduktan sonra olmak gerekir. Ve şudāʿ-ı bāridi sarmısak ekli dahi ḳaḥ eder.

Ammā şudāʿ-ı bārid mādde-i balḡamiyye ile ḥādiş olur ise onun ʿilāci cemīʿan bedenden balḡamı istifrāğdır eger ḥılt cemīʿ-ı bedende ʿaleʿl-iş-tirāk mevcūd ise. Ve baʿdeʿl-istifrāğ ḡıdā taḳlîl veyāḥūd telḥîf olunmaktır. Ve şudāʿı icāb etmeyen ebāzîr dahi istiʿmāl olunur. Ve zikri mürür eden mündicāt ve müstefriḡāt dahi istiʿmāl olunur, lâkin eḳall ile bedʿ olup azar azar istiʿmāl olunur ve sonra *Ḳânûn*’da mevşûf olan muʿālecāt-ı uḫrā istiʿmāl olunur ve yine o evcāʿı ve aḡrılarını teskîn eden edviyeler dahi istiʿmāl olunur. Bārid ve raḥb olan emrādın cemīʿisinde istiʿmāl olunan edviyenin küllîsi şudāʿ-ı balḡamiyyede dahi istiʿmāl olunur ve her haftada bir kerre tiryāḳāt-ı maʿācîn istiʿmāl olunur ise nāfiʿ olur.

Ammā bārid olan şudāʿ sevdāvī mādde ile ḥādiş olur ise onda dahi vācib olan *Ḳânûn*’da yazılan ile ʿamel edip dem fāsîd olur ise veyāḥūd demde ḡalebe ve keşret olur ise faşd ile ibtidā edip ve baʿdeʿl-inḍāciʿl-muʿtedil derecātı ḥasebiyle istifrāğ eylemektir ve baʿdehu zikr olunan ḫarîḳ üzere tebdîl-i mizāc edip dem-i laḥîf-i maḥmūd u raḥbı tevlîd eden aḡdiye istiʿmāl eylemektir. Bundan aḳdem bu bābda olan kelām tamāmen istifā olundu. Ve bu bārid-i sevdāvī olan şudāʿa cidden nāfiʿ olan devālardan olur ḳaranfûl. Ḥattā bu bābda Erkāḡānis Ḥakīm’in zikr eylediği muʿālecātı biz kâhili faşd bābında zikr eyleriz.

Ve şimdiki ḥâlde şudāʿ-ı bāride nāfiʿ olan aḫliyenin şifatını irād eyleyelim; o aḫliyenin istiʿmālının beyānı budur: Vācib olur ki evvelā baş tırāş

38 “Aḍmide-i muḥammize” şiddet verici ḍimādlar.

oluna ve sonra ferfiyûn ve bûrağ birer mişkâl, sezâb-ı berrî iki mişkâl, bezr-i harmel bir mişkâl, hardal iki mişkâl aḥz olunup daḳḳ olunduktan sonra merzencüş suyu ile yoğurulup maşdü'un başına tılâ oluna.

Ṭılâ-i âḥer: Bu tılâ zıkr olunan şudâ'-ı sevdâviyyeye nâfi'dir, fülful bir mişkâl, za'ferân yağının şüflü [ya'nî tortu] bir mişkâl ve sülüş mişkâl ve ferfiyûn-ı ḥadîs bir mişkâl, güğercin zibli iki mişkâl. Bu mecmû' şediden saḥḳ olunur, ba'de ḥall-i şikkîf ile yoğurulup maşdü'un başından ağrı olan maḥalle tılâ olunur.

Ṭılâ-i âḥer: Ferfiyûn ve milḥ ve bûrağ ile tılâ olunur.

Āḥer: Ferfiyûn ve mürr ve şabır ve şamğ-ı a'râbî ve cünd-i bîdester ve za'ferân ve afyûn ve anzerût ve kuşt ve kündür. İşbu mecmû'undan sezâb suyuyla tılâ ittiḥâz olunur.

Āḥer: Bârid ve müzmin olan ḥûze ve şakîka şudâ'larına ceyyid olan aṭliyeden olur ḥacer-i Mısırî³⁹ ile tılâ eylemek, zîrâ bu tılânın menfa'ati başı muḥîṭ olan bârid ağrıya ve kezâlik yarım baş ağrısına her ne kadar bu ağrılar müzmin ise dahi nef'i şedid olur.

Āḥer: Fülful-i ebyaḍ iki dirhem, za'ferân iki dirhem, ferfiyûn bir dirhem, yaban güğercininin zibli bir dirhem ve nişf dirhem Bu mecmû' sirke ile ḥall olunup cebheye tılâ olunur.

Āḥer: Şabır, mürr, ferfiyûn, cünd-i bîdester, eftîmûn, kuşt, 'âkırḳarḳâ, fülful aḥz olunup şarâb-ı 'atîḳ ile tılâ olunur.

Āḥer: Güğercin zibli devâsı dahi ḳavî devâ olur, o devâ budur: Fülful iki mişkâl ve za'ferânın zıkr olunan ḳurşu iki mişkâl ve ferfiyûn nişf mişkâl ve zibl-i ḥamâm bir mişkâl ve nişf mişkâl.

Bu edviyeler miḳdâr-ı ḥâcet sirke ile isti'mâl olunur. Pes bu edviyeler kesr olunup terkîḳ olunduktan sonra ba'dı kerre leben ile beyâḍ-ı beyḍ ile karıştırılıp isti'mâl olunur ve ba'dı kerre dahi şırfeten isti'mâl olunur velâkin dereceleri muḥtelife olur.

Şıfat-ı Se'ûṭât: Bârid baş ağrısı se'ûṭâtının biri müfredâtta mezkûr olan şünîz ya'nî çörek otu se'ûṭudur.

Ve biri dahi cünd-i bîdester ve misk ile mûmiyâ se'ûṭudur.

39 "حجر قبلي يكون بمصر ويسمون هناك اونة وهو كثير الوجود فيها وهو حجر اخضر كمد رحو
İbn Kütbî. سخيف وهو مجفف بقوة وفي الحار والبارد كالمعتدله سريع الانحلال"

Ve ba'ḍı eṭıbbā zu'ım eylediler ki sa'ter varaḳlarından yedi varaḳ ve ḫarḍal ḫabbelerinden yedi ḫabbe saḫḳ olunup dühn-i benefşec ile isti'âṭ olunsa şudâ'-ı bâride nâfi' olur.

Ve mücerreb olan se'ûṭât-ı nâfi'adan olur misk ve mey'a ve 'anber küllü vaktin bu mecmû'la mercimek miḳḍarı isti'âṭ olunur.

Ve şudâ'-ı bârid için isti'âṭ olunan edviyeden olur şaḫm-ı ḫanzal yaḡı veyâḫūd o dühn ki onda kıssâ-i ḫımār 'uşâresi ḫall olundu. Ve bu se'ûṭlar başı teşḫin edip bârid mâddelerini dahi istifrâḡ [236b] edip şudâ'ı ḫall eder.

Ve bir ḳavm zu'ım eylediler ki şudâ'-ı bâride bu se'ûtlardan dahi nâfi' ve ḳavî olur o se'ûṭ ki varaḳu'l-ḫâcc⁴⁰ 'uşâresinden ittiḫâz olunur. Bu 'uşârede o varaḳ 'aşr olunur, su katılmaz ve aḫz olunan 'uşâresinden o şudâ' şâḫibinin burnuna üç ḳatre se'ûṭ kılınır ve bir sâ'at sonra benefşe yaḡı taḳtîr olunur ve ziyâde düsümetli isfıdbâcı ḫasv edip tenâvül eder.

Ve bu şândan memdüh olur o se'ûṭ ki aşḳar öküzün merâresinden üç dirhem ve mûmiyâ iki dirhem, misk bir dirhem, kâfûr nişf dirhem aḫz olunup se'ûṭ kılınır.

Se'ûṭ-ı âḫer: Sâfsiyâ bir ve nişf mişḳâl, 'asel-i muşaffâ bir buçuk mişḳâl, pazı kökünün 'uşâresiyle cem' olunup darı miḳḍarı se'ûṭ olunur mîlin ucu ile burna taḳtîr olunmakla.

Âḫer: Ferfiyün aḫz olunup o meḫûzün iki şülüşü miḳḍarı ḫudâḍ-ı Hindî dahi aḫz olunup 'uşâre-i sılk ile yoḡurulup ve se'ûṭ kılınıp burna taḳtîr olunur.

Âḫer: Buḫûr-ı meryem kurusu sekiz mişḳâl, bûraḳ dört mişḳâl ve summâḳ dört mişḳâl aḫz olunup nâ'imen daḳḳ olunup bir ünbûbe ile burna nefḫ olunur ve 'alîl olan kimse başını kaldırıp ḳuvvet ile istinşâḳ eder.

Âḫer: Şûnîz dört mişḳâl, kıssâ-i ḫımār 'uşâresi iki mişḳâl ve nüşâdur iki mişḳâl bu mecmû' dühn-i ḫınnâ ve dühn-i kıssâu'l-ḫımār ile ma'cûn kılınıp burnun dâḫiline tılâ olunduktan sonra 'alîl başını kaldırıp ḳuvvet ile o tılânın rāyihâsını istinşâḳ eder ve o istinşâḳ fevrinde ve sâ'atinde başından şey'-i keşîr nüzül eder ve o vakte 'alîl ıssı su ile burnunu ḡasl eylesin.

40 “Ḥâcc”-âḳül dedikleri şevktir ki Horasân'da terencebîn onun üzerine yaḡar ve ḫalbah zann edenler ḫaṭâ eylediler diye İbn Kütbî taşriḫ eyledi.

O edhân beyânındadır ki şudâc-ı bāridi olanların başları onunla temrîh olunur, bārid baş ağrısından [‘alîl olanlara] hārre olan cemîf-i edhân nāfi‘ olur. Ve o dühnler dahi nāfi‘ olur ki onda şibṣ ve füteneç ve merzencüṣ ve şîh ve nemmām ve sezāb ve varak-ı ġār ṭabḥ olunmuş ola. Ve *Ḳānūn*’da zikri geçenler dahi nāfi‘ olur Ammā dühn-i belesān *Ḳānūn*’da onun ḥālî beyân olundu, bundan sonra zikr edeceğimiz edviyeler her ne kadar nefūh olmak üzere zikr olunur ise se‘ūt ve kaṭūr olmaya dahi şālîḥ olur:

Şıfat-ı Nefūh-ı Nāfi‘ Mine’ş-Şudā’i’l-Müzmin: Şudāc-ı müzmine bu nefūh nāfi‘dir: *Ḳıṣṣā*-ı hımār uşāresi aḥz olunur veyāḥūd şūniz ḳalilen sāfisyā ile aḥz ve saḥḳ olunup burna nefḥ olunur. Veyāḥūd buḥūr-ı meryem ve naṭrūn ve *ḳıṣṣā*-ı hımārın uşāresinden nefūh ittihāz olunur.

Fī ‘İlāci’ş-Şudā’i’l-Yābis: O şudāc-ı yābis ki mādde-i demeviyye vü şafrāviyye ile olur, bundan aḳdem biz onda tekellüm eyledik, ancak kelām bilā-mādde olan şudāc-ı yābiste bākī kaldı. Yābis-i sāzec olan şudācın evvel-i emrde ‘ilāci ‘alile aḡdiye-i muratṭıbeden olup keymüsu ceyyid ve ḥuṣūşan ġidāiyyeti keşir olan yumurta sarısı ve semiz piliç meraḳası, ṭayāḥic ve ḳıbāc meraḳaları ve yağlı bulamaçlar ki edhân-ı raṭbe ile terbiye oluna, pes bu aḡdiyeler ile tedbîr olunmaktır ve sonra o ‘alilin mizācına ḥarāret ve bürüdetten hangisi evfaḳ ise mizācını o muvāfiḳ olan keyfiyyet cihetine meyl ettirmektedir.

Ve yābis-i sāzec olan şudācın menfa‘ati olur maḥmūd olan edhân ile se‘ūtāt-ı muratṭıbe isti‘mālî, meşelā bādem yağı ve kabak yağı ve ona mānend yağlar ile isti‘āt eylemek.

Ve o edhāndan biri ḥarāret ve bürüdette ta‘dile muḥtāc olur ise onu mu‘addil olan edhāndan biri ile ta‘dîl olunur.

Ve ba‘dı kerre yübüset ḥasebiyle dimāḡda nokşān beyyin olup dimāḡ ağrıya ḥādır ve müheyyā olur, o zamān vācib olur ki koyun ve buzağı sākıların ilîḡi ‘izāmıdan taḥḥir olunup onunla se‘ūtāt isti‘māl oluna. Ve tavuk yağı ve dürrāc ve ṭayḥüc ve tedrüc ve keçi zübdü ve baḳar zübdü ile [dahi] o se‘ūtāt isti‘māl olunur.

Ve şudāc-ı yābis-i mezkūra nāfi‘ olur fālūzec-i raḳık ile ‘alilin başına ḳımād eylemek. Ve o fālūzecin şıfatı budur: *Ḥınta* ve şa‘ır-i semīnden ḳadr-i ḥācet aḥz olunup sükker-i ebyaḍ ile ve bādem yağıyla veyāḥūd ḳar‘

dühnü ile fālūzec ittihāz olunup dımād olunur veyāhūd o fālūzec-i raķık yāfūha şabb olunup ve seyelāndan men^c ve habs için ‘acīnden bir iklīl ittihāz olunup yāfūh üzere vađ^c olunur.

Fī ‘İlāci’ş-Şudā’i’l-Veremī: Veremden hādīs olan şudā’ın cemī’an aşnā-fından her birini bu ikinci maķāleden sonra olan maķālede başka başka birer bābda zıkr eyleriz.

Fī ‘İlāci’ş-Şudā’i’s-Südde: Südde şudā’larının ‘ilācı senin bildiğin münđi-cāt-ı sābıka ile evvelā inđac edip ba^cdehu mevādd-ı mūziyeleri istifrāğla şebyārāt⁴¹ hūbūbunu isti^cmālle ve sonra neṭūlāt ve ađmide ve şemūmāt ve ğarġarātla taḥlīl etmekle olur ve bākī kalan mevāddı tekrār inđac edip istifrāğ etmekle ve sonra taḥlīl etmekle olur. Ve ‘illet zāile olunca ķadar bu zıkr olunan inđac ve istifrāğ ve taḥlīl tekrār olunur. Ve bundan aķdem inđac ve istifrāğ ve taḥlīl ne keyfiyyette olduĝu beyān olunup senin ma‘lūmun oldu.

Eger başın mizācı ḥiddet üzere olup ve südde dahi ğalīza olur ise onun ‘ilācı sana şu‘ūbetli olur. Ve vācib olur ki onda ḥārr olan müfettiḫātu isti^cmāl edip süddeyi tefṭīh eylesin. Ve eger şudā^c heyecān ederse veyāhūd ‘ilāc-ı ḥārrdan baş mutađarrır olur ise onun đararını irḫāsı olan ve ķabđı olmayan müberridātla tedārük edesin. Ve bundan sonra elem sākin oldukta südde feth olunca ķadar yine o müfettiḫāt-ı ḥārre isti^cmālını i‘āde edersin. Ve bunların tafşīlen zıkrı mürūr etti.

Fī ‘İlāci’ş-Şudā’i’l-Kāini Min Riyāḫin ve Ebḫiretin Muḥteķanetin Fi’r-Re’si bi-Sebebin Min Ḥāricin: Mīn beyni’r-riyāḫ ğalīz olan rīḫlerden hādīs olan şudā^c evvelā nefḫi ve buḫārı olan aĝdiye eklinden ictinābla mu‘ālece olunur, cevz ve hurmā ve ḫardal mişlli mübaḫḫir ve mürevviḫ olanlar gerek bārid ve gerek ḥārr olsun tenāvül olunmak cāiz deĝildir ve zıkrı mürūr eden neṭūlāt ve dımādāt isti^cmāl olunur. Ve *Ḳānūn*’da vaşf olunan şemūmāt ve se‘ūṭāt dahi isti^cmāl olunur. Ve ḫāşşaten cünd-i bīdester ve misk şemm olunur. Ve aĉ karnına ḫammāma girmeĝin bu şudā’a menfa‘ati olur.

Ve bu rīḫ-i ğalīzin mebdē’i mi‘deden olur ise onun ‘ilācında zıkrı mürūr eden müstefriĝāt isti^cmāl olunur ve ḫuşūşan müstefriĝāt nüşḫalarından o nüşḫa isti^cmāl olunur ki onda dühn-i ḫırva^c veyāhūd onun bedeli olan zeyt-i ‘atīķ vāķi^c ola. Ve o şudā^cda kemmūnu veyāhūd ‘ilel-i mi‘dede yazılan kem-

41 “حب الشيبار وهو حب الصبر النافع من اوجاع المعدة والرأس” Sedīdī.

mûnu mecrâsına cârî devâlar isti'mâl olunur. Ve bunlardan sonra dühn-i âs ve lâden ile ve dühn-i süsen ile ve serv ve esl ve su'd uşâreleriyle ve teşhîn ve kabdı olan sâir edviye ile baş taqviye olunur. Ve kezâlik bu devâlar eţrâfta dahi isti'mâl olunmakla mādde cânib-i hilâfa cezb olunur.

Ammâ ebhîreden hâdiş olan şudâ', eger şudâ'a sebep olan ebhîre başta tevellüd eylediyse o âfette mi'dede nefh ve qarâkır olmaz ve o ağır vaqt-i imtilâda artmaz, hâl-i havâda ya'nî mi'de boş oldukta eksilmez ve kezâlik keşîrû't-tebahhur olan ağıdiye tenâvülünden artmaz ve kalîlü't-tebahhur ağıdiye tenâvülü ile eksilmez. Ve bu şudâ'ın 'ilâcı muğassî olup buhârî dağıtıcı neţül-i ma'rûfe ve başı kabd-ı yesîri olan edviye-i muhallile ile taqviye olur ve mûlaţţif meşmûmâtla olur. Ve bu kadar tedbîr o şudâ'a kifâyet eder.

Ve eger o buhâr-ı muşaddî' mi'dede ise mi'deyi taqviye eden devâlar ona nâfi' olur, maşakî ve cüencebîn gibi. Ve bunlardan sonra kemmûnî mişli edviye isti'mâli nâfi'dir.

Ve [237a] kaçan o kimse ta'âm ekl edip me'kûlü tebhîr ve taşdî'a ibtidâ eylese ona vâcib olur ki o ta'âmın üzerine karnıyarık lu'âbı ve küzbere-i yâbiseyi sükker ile tenâvül eyleye. Ve bezr-i kâţûnâ mi'deyi tebrîd eylemekten havf olunur ise küzbere-i yâbise ile bezr-i kettân tohumu isti'mâl eder. Ve zikri mürûr eylediği vech üzere 'ilâcdan veca'ı teskînden sonra baş taqviye olunur, neţûlât u şemûmât-ı mevşûfeler ile ve 'ale'l-huşuş merzencüş ile ve ba'dı kerre yalnız merzencüş bu şudâ'dan tamâmen hâlâşa sebep olur. Ve bu şudâ'da dahi māddeyi cânib-i hilâfa cezb isti'mâl olunur.

Ve kaçan mādde-i buhâriyyede ziyâde harâret olduğu harârete delâlet eden 'alâmetlerden ihsâs olunur ise ferfiyûn mişli teşhîn-i şedîdi ve keşîri olan muhallilâtta sen ziyâde ictinâb eyle ve belki o zamân sen ibtidâ edip evvelâ mādde-i buhâriyyeyi cânib-i hilâfa cezb eyle ve gargarâta tenkıye eyle ve ba'dehu mu'tedile olan neţülü isti'mâl eyle.

Fî 'İlâci's-Şudâ'i Min Rîhin Nefezet İlä Dâhili'r-Re'si Min Hâricin: Ve o şudâ' ki hâricde olan rîh menâfizden⁴² dimâğa duhûl edip şudâ' ihdâş eylese o rîh-i hâricde te'emmul olunur. O rîh rîh-i sayfî veyâhûd rîh-i şitâi ümîddir ta'arrûf olunur ve sonra hangi mecrâdan duhûl eylediği te'emmul ile ta'arrûf olunur.

42 Bu makâmda "menâfiz"den murâd kulak ve burundur.

Eger dimāğa vâsıl olan rîh hârre olup kulaktan girdiği ma'ûm olur ise o kulağa müftir babadya yağı ve hîrî⁴³ yağı ve durak otu yağı miqdâr-ı kalîl gül yağıyla kesr-i kuvvet için mezc olunup damlatılır. Ve kezâlik rîh-i hâricî burundan dâhil olur ise o devâ burnuna damlatılır ve bizim zîkr eylediğimiz rıfķ ile muhallil olan neţûlât ile tenţîl olunur. Ve bu devâlar hasebiyle sū-i mizâc-ı hârr hâdis olur ise o 'arîd olan sū-i mizâc-ı hârr rıfķ ile mu'alece olunup berdi eķall devâlar ile ibtidâ olunur. Eger onun nef'i olmaz ise o devâdan berdi kavî olan devâlar ile mu'alece olunur.

Ve ammâ dimāğa giren rîh şitâi ve bārid olur ise dimāğa sâlik kulak ve burun tārîklerinin hangisinden o rîh-i bārid dâhil oldu ise o tārîklere edhân-ı hârre taķtîr olunur ve taķtîr olunan edhâna ķunduz hâyâsı ve misk idhâl olunmak lâzımdır. Ve bu iki devânın miqdârı bunlara ihtiyâc hasebiyle olur ve zîkri mürûr eden neţûlât ve dîmâdât-ı hârre ve muhallileler ile 'alâ-hasebi'l-hâcet tenţîl ve tađmîd olunur ve müneffih ve müleyyin nesnelere ictinâb olunur.

Fî 'Îlâci's-Sudâ'i'l-Hâdisi Min Ebhîretin Rediyyetin Eşâbeti'r-Re'se Min Hâricin: Dimāğa hâricden dâhil olan ebhîre-i rediyyenin mu'alecesi dahi hâricden dâhil olan riyâhın mu'alecesi gibi olur. Ve ekser-i hâlde hâricden dimāğa vâsıl olan ebhîre hârre olur ve kalîlen hame'î ve mütekerrice⁴⁴ olan mevâdi'den ebhîre-i bāride dahi dimāğa dâhil olur. Ve bu ebhîre-i hârre neţûlât-ı mu'tedile ile taħlîl olunur eger o ebhîreden eşyâ-ı keşîre dimâğda muhtebeşe olup o kimsede seder ve dîvâr mişli âfetler tahayyül olunur ise. Ve kezâlik revâyiḥ-i tayyibe-i mu'tedile teşmîm olunmakla dahi taħlîl olunur, gül-âb ve gül yağı ve nîlüfer ve benefşe yağları koklatılır; eger başta harâret-i şedîde ihsâs olunur ise kâfûr ve şandal teşmîm olunur. Ve o 'alîl hammâma idhâl olunup mâ-ı hârr ile ve haţmî ile başı ğasl ve tahmîm olunur.

Ammâ dimâğda muhtebeşe olan ebhîre bāride olur ise o 'alîle misk ve ķunduz hâyâsı koklamak nâfi' olur ve ona bu teşmîm kifâyet eder.

Eger dimâğda muhtebeşe olan ebhîre duĥâniyye olur ise şedîden tertîb olunmaĝa muhtâc olur, zîkr ve ta'dâd olunan edhân ile ve murattîbâtla

43 “Hîrî” şebboy dedikleridir ki ona “mensûr” dahi derler.

44 “Hame'î” tîn-i esved ve “mütekerrice” fâsid ma'nâsınadır.

tertib olunur ve o mişli edhânla 'alîlin burnu gâsl olunur bu tarîk ile ki 'alîl o edhânı istinşâk-ı şedîd ile istinşâk edip fark cānibine dühnü cezb eder ve ba'dehu fevkte muhāfaza edip dühn-i müstenşâkı nüzülden men' eder. Ve dühnün kuvveti dimāğa vardıktan sonra fevķ cānibinde hıfz ve habs eylediđi dühnün sebîlini taħliye eder, hattâ o dühn kendi kendiye seyelân eder.

Ķānūn'un bu kelāmından fehm olunur ki istinşâk cāiz deđildir belki kendi ħālî üzere terk olunur. Ve bu vech ile dühnü istinşâk o ebħure-i duĥāniyye ħall olunca kadar tekrîr ve tecdîd olunur. Ve kezâlik 'alîlin burnu gül suyu ve kabak suyu ve ħilâf suyuyla dahi minvâl-i mezkûr üzere gâsl olunur. Ve bu sular tebħîr olunup o 'alîl o buĥâr üzere müddet-i keşire ikbâb eder. Ve eger o ebħure-i duĥāniyyeden âfet ve sū-i mizâc tevellüd eder ise ekşer-i ħâlde kibrît duĥānından ve zernîĥ duĥānından ve sâir bu mişli duĥānların dimāğda ihtibāsından sū-i mizâc tevellüd eylediđi gibi, dühn-i kar' ile kâfûr isti'mâl olunur, zîrâ kâfûr tebrîd eder ve dühn-i kar' tertîb eder ve ħâr ve yâbis olan duĥānın mađarratlarını 'ale'l-iştirâk def' ederler bi-iznillâhi ta'âlâ. Ve kezâlik kâfûr dühn-i ĥass ile ya'nî marul dühnü ile ve benefşe dühnü ile dahi isti'mâl olunur ve o 'alîlin olduđu mevđi'e [ve mebitine] ħilâf yaprađı ve reyâĥîn-i tayyibe döşenir.

Fî 'İlâci's-Sudâ'i'l-Hâdişi Mine'r-Revâyihi't-tayyibeti: Eger şudâ' rāyiĥa-i tayyibeden ĥâdiş olsa o tayyib rāyiĥa ĥârre ise ve đararı yübüseti ĥasebiyle olmayıp yalnız ĥarâretiyle idrâr eylesse ona rāyiĥa-i bārîde ile 'ilâc olunur, meşelâ rāyiĥa-i misk ve za'ferândan lâĥıķ olan đarar kâfûr ve şandal koklatmakla mu'âlece olunur. Ve kezâlik kâfûr şemminden ĥâdiş olan đarar misk ve za'ferân koklatmakla 'ilâc olunur.

Ve ammâ tayyib rāyiĥanın idrârında yübüset ve tecfîfin dahi medħali olur ise o şürette miskin đararını def'in 'ilâcında kâfûr şemm ettirmekle iktifâ olunmaya belki mümkün olur ise edhân-ı raṭbe müberriden is'âṭ ile miskin đararı tedârük oluna ve onunla mu'âlece kâfiye olur. Ve eger yalnız edhân-ı raṭbe ile is'âṭ kifâyet eylemez ise o zamân edhân-ı mezkûreye kâfûr dahi idħâl olunur. Ve bunların 'aksinde dahi bu kıyâs üzere olur ya'nî rāyiĥa-i muşaddi'a bārîde olur ise veyâĥûd ĥârre olup tertîb ile muđırır olur ise. Her ne kadar bu mezkûr nâdirü'l-vuķû' ise dahi bulunduđu vakte onlara dahi ađdâdı ile mu'âlece olunup onlara misk ve za'ferân teşmîm olunur

ve o edhân-ı yâbise ile is'ât olunur ve kifâyet eylemez ise o edhâna misk hâlt olunur.

Fî 'İlâci's-Şudâ'î'l-Hâdisi Mine'r-Revâyihi'l-Müntineti: Râyiha-i müntineden hâdis olan şudâ'nın 'ilâci râyiha-i tayyibe teşmîmi ile olur, lâkin keyfiyetleri müdâdde olmak şartıyla ya'nî müntine olan râyihanın harâreti olur ise râyiha-i tayyibede bürüdet ola, bâkiler dahi bu kıyâs üzere ola. Eger muşaddî'a olan râyiha-i müntinede tecfif ve yûbs olur ise ihtiyâl olup onun muķâbilinde isti'mâl olunan râyiha-i tayyibenin ruķubeti olanları isti'mâl olunur, meşelâ zekiyyü'r-râyiha olan nîlifer ve benefşe isti'mâl olunur. Ve zekiyyü'r-râyiha olan hilâfın dühnü için meziyyet vardır harâret keyfiyeti ile, ezâsı olan gerek tayyibe ve gerek müntine olan râyihalara muķâbil ve muķâvim olur, sâir muķâvimlerden menfa'ati ekşer olur.

Fî 'İlâci's-Şudâ'î'l-Hâdisi Mine'l-Humâr: Humâr şudâ'nının 'ilâcında evvel-i emrde vâcib olur ki mi'de tenķiye oluna sikencebîn ile turp tohumunu saķy edip kay' ettirmekle veyâhûd turp uşâresi ve sikencebîni âb-ı fâtir ile saķy edip kay' ettirmekle veyâhûd akrabâdinde mezkûr olup ve senin ma'lûmun olan muķayyi'ât-ı leyyine ve muķayyi'ât-ı mütevassîta isti'mâl edip takyi'e ve tenķiye ettirilir.

Eger o kimseyi kay' ettirmek iķtîdâ eylemez ise veyâhûd kay' iķtîdâ edip lâkin ettirilen kay'dan tamâm istifrag hâşıl olmayıp belki mi'dede maddeden baķiyye kalır ise o zamân eyâricle ishâl olunur, lâkin o eyâric [237b] saķmünyâ ile takyiye olunur mi'dede ziyâde meķs olmasın için.

Ve eger o kimsede harâretli marađ olup müshilât-ı hârre isti'mâli muđırır olur ise o zamân 'alîlin tab'ı helîlec-i Kâbüli saķy olunmakla itlâķ olunur veyâhûd itlâķı olan şarâb-ı fevâkih isti'mâl olunur.

Ve eger 'alîlin nefsi bunları kerîhe görüp isti'mâl eylemezse o 'alîlin tab'ı mâ-ı rummâneyn saķy olunmakla itlâķ olunur, lâkin bu şart ile ki o saķy olunan mâ-ı rummâneyn şaķmı ile [olup] saķmünyâdan miķdâr-ı kalîl ile takyiye olup saķmünyânın harâretinden havf olunmaya.

Zıkr olunan istifraglardan hâil ve hâciz olup hiç birini isti'mâl mümkün olmaz ise o zamân 'alîl mi'desinde mevcûd olan şarâb hađm olunca kadar tenvîm olunmak lâzım olur. Ve şarâbın hađm olduđu 'alîlin bevli şarâb levninde olmakla zâhir olur. O 'alîlin ayakları milh ile ve benefşe dühnü ile

ovulur ve eṭrāflarına babadya neṭülü şabb olunur ve sonra o ʿalîl hammāma idḥāl olunup şedîdü't-tebrîd olmayan dühn-i verd ile başı istiğrāk ve istiʿāb olunur ve mercimek ve koruk mişlliler ile tağdiye olunur. Ve kezālîk ğidā-i kernebiyyenin yaʿnî lahana ile tağdiyenin o bâbda hâşşası vardır, baştan buḥârı menʿ eder.

Ve Cālînūs dedi ki o ḥumārı olan ʿalîli güğercin palazı ile tağdiyenin şudâ-ı ḥumārîyi defʿde hâşşıyyeti vardır. Şeyḥ-i Reʿîs ʿilletini beyân edip der ki zirā güğercin palazı dem-i raḳîk tevlîd etmekle şarâbdan tevellüd eden buḥârı baştan menʿ eder.

Ve vâcib olur ki o ʿalîle sen fâkihe-i kâbîda veresin ve içecek şarâbı yalnız su kılasın ve âḥer şarâb kılmayasın. Lâkin o ʿalîlin miʿdesi daʿife olup istirhâ-i miʿdeden ḥavf olunur ise sovuksu şürbünü istiksârdan menʿ edersin ve ona ekşi enâr suyunu ve rîbâs suyunu ve hâşşaten rîbâsın rubbunu ve ağaç kavunu ekşisini ve hâşşaten o ekşinin rubbunu saḳy edersin ve ayva ve elma verirsin. Ve o ʿalîle küzbere-i yâbiseyi o veznde sükker ile sefûf edip istifâf ettirirsin. Ve bu mişlli sefûflar şudâ-ı ḥumārîsi olan ʿalîle nâfîʿdir. Ve bunlardan sonra o ʿalîli uyutursun ve teskîn edersin yaʿnî hareketten menʿ edersin. Bu neʿ şudâ-ı ʿilâc-ı aşlîsi tenvîm ve teskîn olur, mâ-ʿadâ ʿilâclar bunlara muʿîn olur. Pes bu muʿâlecâttan sonra yine şudâ hareket üzere bâkıye olur ise yine bu muʿâlecâtı o günde ve ertesi günde tekrâr edersin ve onun ğidâsını müberrid ve murattıb olan ağdiyelerden kılarısın ve yumurta sarısı mişlli ile ğidâsını telṭîf edersin ve ʿalîlin üzerine keşîren mâ-ı ḥârr şabb edersin. Ve bunlardan sonra yine sen o ʿalîli uyutmağa iştiğâl eyle, kâdir olduğun miḳdâr tenvîm eyle. Eger o ʿalîlde ğaşeyân olup bu muʿâleceler ile ğaşeyân defʿ olunduktan sonra yine şudâ bâkî olur ise o muʿâlece olunan edviyenin içinden gül yağını iḥrâc edip bâķileriyle tekrâr muʿâlece eyle, zirā o zamânda gül yağının maḍarratı olur. Gül yağını istiʿmâl başı takviye ve buḥârı baştan menʿ etsin diye idi. Bu ğaraḍlar hâşıl olduktan sonra ḥâcet mündefiʿ olur. Pes gül yağı edviyeden o ḥâlde iḥrâc olunduktan onun yerine babadya yağı ğarkan istiʿmâl olunur yaʿnî o yağ ile baş ihâta üzere ʧilâ olunur dimâğdan ebḥureyi taḥlîl eylesin için. Eger dühn-i bâbünecele dahi şudâ zâil olmaz ise süsen yağı ğâyette mücerrebdir. Ve bunlardan sonra ḥumâr ḥiffet bulup inḥîṭâṭ üzere olur ise o zamân sen ʿalîli azar

azar yürütürsün veyâhüd salıncakta sallarsın. Ve onun gıdâsını o zamân semek-i raḍrâḍî ve ḥorûs ḥuşyesi ve buḳûl-i bâride ile matbûḥ piliç eti kılar-sın. Ve lâyıḳ odur ki o ‘alîlî bu mezkûrlar ile taḡaddî ‘aḳabinde yürümekten men‘ oluna belki zamân-ı taḡaddîden üç sâ‘at sonra yürütüle. Ve’l-ḥâşıl o maḥmûra evlâ olan nevm ile veyâhüd sükûn-ı ṭavîl ile haḍma muntazır olup mi‘desini tecfif edecek ḳadar tevaḳḳuf eylemektir, ondan sonra eger o kimse maḥrûr ise sikencebîn-i sükkerî isti‘mâl eylemektir, eger o ‘alîl merṭûb ise sikencebîn-i ‘aselî isti‘mâl eylemektir. Ve ondan sonra ayaklarına ikbâl ve iltifât edip ta‘ab vermeyecek ḳadar meşy-i ḥafif ile meşy edip veyâhüd ḡayr-i müteb olan âḫer vech ile ayaklarını taḫrîk eder. Ve o ‘alîl yalnız sirke ve mürrü ekl etmekten ictinâb eder. Eger sirke tenâvül eylemeḡi muḳtedâ olur ise o zamân aşnâf-ı ḥallden ḥâzıḳ dedikleri sirkeden mâ‘adâsını idṭibâ‘ ṭarîḳi ile ekl eder ya‘nî ekmek mişli bir nesneyi ḡayr-i ḥâzıḳ sirkeye bulaş-tırıp ekl eder. Ve o ‘alîl ḳalîlen yürütülüp ba‘dehu ḥammâm ve âb-zen isti‘mâl ettirilir. Ve âḫirü’l-emr yine âcib olur ki neṭûlât-ı mu‘tediletü’t-taḫlîl ile yine tenṭîl olunur ve ḥafif olan luḫûm ile sonra taḡdiye olunur.

Şıfatu Devâi’l-Ḥumâr: Bezr-i hindebâ ve bezr-i kerefs ve münâḳḳâ en-berbâris ḥabbı ve summâḳ ve ‘ades-i muḳaşşer ve ḡül ve ṭabâşîr. Bu mecmû‘u aḫz olunup veznleri berâber kılınır ve cem‘ olunup mecmû‘undan üç dirhem miḳdârı bir ḳîrâṭ kâfûr ile ve bir vuḳıyye mâ-ı rummân veyâhüd mâ-ı rîbâs veyâhüd ağaç kavunu ḥummâdı veyâhüd ağaç kavunu ḥummâdı-nın rubbuyla şûrb olunur.

Fî ‘İlâci’ş-Şudâ‘i’l-Ḥâdişi Mine’l-Cimâ‘i: Cimâ‘dan ḥâdiş olan şudâ‘ın sebebi budur ki cimâ‘ ḥasebiyle yübüset-i dimâḡ ḥâşıl olur ve yübüsetten şudâ‘ ḥâdiş olur. Ve onun ‘ilâci şudâ‘-ı yâbis bâbında zıkr olunan mu‘âle-câtır ki o ‘ilâclar muratṭıbât ile mizâc-ı ruṭûbete meyl ettirildikten sonra isti‘mâl olunur. Yâhüd cimâ‘ın şudâ‘ ihdâş eylediḡi onun içindir ki bedende o kimsenin imtilâsı olur ve cimâ‘ın dahi bedeniyye ve nefsiyye ḫareketle-rinden mürekkeb olan ḫareketi o imtilâ üzere olmakla mevâdd-ı imtilâyı işâre ve taḫrîk eder ve ebḫire-i ḥabîseyi neşr edip başa şu‘ûd eden buḫâr şudâ‘ ihdâş eder.

Pes bedeni mümtelî olup cimâ‘ eyledikten sonra şudâ‘ ‘arıḍ olan kimse-lere vâcib olur ki ‘ilâcında faşḍ ile başlaya ve sonra ishâl eyleye, eger ikisi

dahi vâcib olur ise veyâhûd birisi vâcib olur ise.⁴⁵ Ve bundan sonra edhân-ı muḳavviye ile dimâḡ taḳviye olunur, dühn-i verd ve dühn-i âs gibi dimâḡı muḳavvî olan dühnler istiḳmâl ve kezâlik o ḳavî sular istiḳmâl olunur ki onda gül ve âs mişllî muḳavvî devâlar ḫabḫ olunmuş ola. Ve o ḳalîle haḏmı serîḳ ve keymûsu ceyyid olan aḡdiyeler iḫḳâm olunur ve cimâḳ ondan menḳ olunur. Ve eger cimâḳı terk etmek mümkin olmaz ise aḳ karnına cimâḳ etmekten menḳ olunur.ḳ

Fî ḳĪlâci'ş-Şudâḳı'l-Kâini ḳAn Ḍarbetin ve Saḳḳatin ve Tedbiri Men Yaḳriḏu Lehu Zaḳzaḳatu⁴⁶'d-Dimâḡi ve'ş-Şecceti: Ḍarbe ve saḳḳadan ḫâdiḡ olan şudâḳın muḳâlecesi bâbında sana vâcib olur ki senin maḳşad-ı aḳşân vecaḳı teskîn etmek cânibine ola. Ve māddeyi mevḏiḳ-i elemden tebḳide ihtimâm oluna yâ istifrâḡla ve māddeyi ḫârice iḫḳâc ile veyâhûd mevḏiḳ-i elemin cânib-i ḫilâfına māddeyi cezb etmekle. Ve eger ḳarbe ve saḳḳadan cirâḫat ḫâdiḡ olduysa o cirâḫat müdmile olan edviye ile muḳâlece olunur idmâl eylesin için, lâkin mevḏiḳ-i cirâḫatte sūḳ-i mizâc oldukça idmâl mümkin deḡildir belki vâcib olur ki o cirâḫatin nâhiyesinin ve bulunduğu ḳudḅun mizâcları taḳdîl oluna ve baḳdehu idmâl muḳâlecesi istiḳmâl oluna.

Ve maḳlûm ola ki bu âfetin şâhibinde ḫummâ zâhir olsa ve ḳaḳlı dahi muḫteliḫ olsa ve teverrûme başlasa evvelâ onun aḳmâlinde vâcib olan budur ki ḳîfâl veyâhûd ekḫal damarları faşḳ olunur ve bununla teverrûmden menḳ olur. Ve eger o marîḏden imtilâ olup aḫlâḫ ile bedeni dolu olur ise ḫarâretli ḫuḳneler ile istiḳmâl [238a] olunmak vâcib olur ḫattâ şaḫm-ı ḫanzal ile dahi iḫḫikân olunur. Lâkin ḫummâsı olur ise ancak ḫuḳne-i muḳtedile istiḳmâl olunur. Ve eger ḫuḳne istiḳmâlinde mâniḳ olur ise o vâḳte ḫummâsı olmayanlar ḳûḳıyâ ḫabbı mişllîler ile istifrâḡ olunur. Ve eger ḫummâ olmayıp lâkin o ḳalîlde ḫummâdan eḳall bir nevḳ ḫarâret var ise yine o ḫabb ile istifrâḡ olunur ve istifrâḡ o ḫarâret-i ḳalîle ḫasebiyle terk olunmaz, veremin ḳararından emn ḫâşıl olsun için.

45 “Veyâhûd birisi vâcib olur ise” dediḡi onun içindir ki her ne ḳadar vâcib olan ishâl ise yine faşḳ ve ishâl eder, zîrâ faşḳda istifrâḡ-ı küllî vardır ḫuşuşan beden mümtelî ola. Bu bâbda kelâm kirâren mürûr eyledi ve bunda remz ile iktifâ eyledi.

46 “Zaḳzaḳa” bir nesneyi taḫrîk etmektir. Burada “tezaḳzuḳ” maḳnâsındır yaḳnî dimâḡ maḫallinden ḫareket etmek maḳnâsındır.

Ve vâcib olur ki o ʿalîle sen nazar eylesesin. Eger darbe ve saġtadan cirāhat hâdiş olduysa evvelâ o cirāhat olan ʿudvun mizâcını taʿdîl edip ve müdmilâtle cirāhata muʿâlece eylesesin. Zikri karîben mürûr eylediği üzere cirāhat bulunduğu maġallin mizâcı taʿdîl olmadıkça muʿâlece ile o cirāhat idmâl eylemez. Ve eger o ħarâret-i ħalîle dahi yok ise muġavvî olan đimâd ile mevđiʿ-i cirāhate đimâd edersin. Ve vâcib olur ki o đimâdın suyu mâ-ı âs ve mâ-ı ħilâf mişli sular ola. Ve onun edhâni kezâlik âs ve süsen ve verd dühnlere ola. Ve sâir aġlâtı yaʿnî eczâları o edviyeler ola ki onlar ħabıd ve laţif ve yesiren muġallil ola, gül ve iklîlü'l-melik ve ħaşabu'z-zerîre ve babadya ve tîn-i Ermenî ve şebb-i Yemânî gibi devâlar olup şarâb reyġâmyıla đimâd oluna. Ve baʿdı kerre bu eczâların içinde yalnız edhân ile đimâda ħaşd olunur. Ve o edhâni istiʿmâl eden kimse o edhâni müftiren mevđiʿ-i cirāhate şabb edip döker, zîrâ o edhânın ħalîlen bürüdetinden vecaʿ hâdiş olur ve veremin ħudûsu dahi ħavf olunur. Ve o ʿalîle vâcib olur ki ħammâm ve şarâb ve ġadabdan ve kezâlik mübahġir ve müsahġin olan aġdiyelerden ħazer ve ictinâb eyleye. Ve eger darbe ve saġta mevđiʿi teverrûme ibtidâ eder ise o zamân lâzımdır ki ħabdı ħavî olup ve tebrîdi olan nar kabuġu ve cüllenâr ve mercimek ve gül mişli ħavâbıdı istiʿmâl eyleye yaʿnî ħavâbıdı taġġ edip suyuyla başını ġasl ede ve kendi cirmini đimâd eyleye. Ve bundan sonra o edviyeleri istiʿmâl eyleye ki onda ħabđ ve tebrîdden mâ-ʿadâ telţif dahi ola, mâ-ı serv ve ħarfâ ve ayva ve ġünlük gibi.

Ve eger darbe başta zaʿzaʿa ihdâş eylediyse vâcib olur ki sürʿat olunup su ile veyâġud bal suyuyla karabaş içireler, zîrâ onunla zaʿzaʿanın mađarratından [ʿalîl] emîn olunur bi-meşiyetillâhi taʿâlâ.

Ve maʿlûm ola ki eger aġrı ve elem dimâġın ħicâbına vâşıl olur ise onda ħaġar-ı ʿazîm olur. Ve eger darbe ile dimâġdan kan çıkar ise vâcib olur ki mümkün olur ise o ʿalîle tavuk beynisi saġy olunup onun üzerine ekşi, nar suyu saġy oluna. Ve kaçan bu ʿilâcla veremi taġlîl eylesen yaʿnî dimâġdan kanın ħurûcu kesilse o zamân tavuk beynini teġġir edersin, üçüncü ġünden sonra ve faşddan sonra saġy edersin.

Bu maġâmda nüşha muġteliftir. Baʿdısında “Ve izâ ħallelte'l-vereme eġġarte min saġyi'l-edmiġati ilâ baʿdi's-sâlişi ve baʿdi'l-faşdi eydan” vâġķ olmuştur. Ve aşl nüşhada “eġġarte” bedeline “ekşerte” vâġķ olmuştur.

tur. Bâkî terkîb nüshâ-i ülâ gibidir, lâkin siyâk-ı kelâmın muhtedâsı üzere “ehharte” nüshası evlâ olmak görünür. Ve Semerkandî'nin Esbâb ve ‘Alâmât’ta “Ve yuf’tâ min edmiğati’d-decâci b’de’l-yevmi’s-sâlişi” dediği dahi onu te’yîd eder, Allâhu âlem.

Fî ‘Îlâci’ş-Şudâ’i’l-Kâini ‘An Da’fi’r-Re’si: Da’f-ı re’sten hâdis olan şudâ’ın ‘ilâcı başta olan sū-i mizâc tebdil ve ta’dil olunmakla olur. Ve re’sin mizâcı başı muḳavvî olan o aḡdiye-i mu’atṭara tenâvülü ile olur ki onda telṭif ve ḳabḳ olar. Ve şudâ’ı muḫarrık olan esbâbı terk ile dahi mu’âlece olunur ya’nî külliyyâta mürûr eylediği ḳavâ’id üzere da’f şudâ’ın sebeb-i münfa’ilidir.

Ve ba’dı kerre o sebeb-i münfa’ile muḳârin olan sebeb-i fâ’ili gerek ḫârre ve gerek bâride aḫlâṭ-ı rediyyenin mi’dede ictimâ’ı olur ve bu şürette vâcib olur ki o mevâdd-ı müctemî’ayı müstefriğ olan edviye ile istifrâğ eyleyeler, zîrâ mevâdd-ı mezkûre istifrâğ olunmadıkça mücerred taḳviye-i re’s müfîde olmaz.

Ve vâcib olur ki istifrâğ-ı mevâddan sonra o ‘alîli taḡdiye edip ḡidâiyeti her vech ile maḫmûd olan ve ondan ḳuvve-i muḫallile tevellüd edip ve hadmı ḳabûl eden ḡidâlar verile. Pes bu iki ḫaşleti câmi’ ḡidâ bulunmaz ise ya’nî hem inhiḡâmı sühûlet ile ḳâbil ve hem kendiden ḳuvve-i muḫallile mütevellid olup bu iki ḫaşlet kendide mevcûd ḡidâ bulunmaz ise o zamân o iki ḫaşletten ‘alîlin hangisine ihtiyâcı ziyâde ise o eşedd-i ihtiyâcla muḫtâc olduğu ḡidâ ile ‘alîli taḡdiye evlâ olur. Ve ‘alîli taḡdiye vaḳtının evlâsı istiḫmâm ‘aḳabinde olan vaḳt olur. Ve onlara dahi vâcibdir ki aḡşiyelerini tecfif eden aḡdiyeler ile ta’âmlarını ḫimâye edip ekl eyledikleri eṭ’ime eşnâsında kuru hurmâ ve zeytûn ve peynir idḫâl eyleyeler, zîrâ bu aḡdiyeler fem-i mi’deyi taḳviye eder. Ve İbokrât Ḥakîm bu ‘alîle muṭlaḳan şarâb şürbüne ruḫşat verir, ammâ Câlînûs der ki o ‘alîl şarâbdan su ile memzûcu veyâḫûd reyḫânı raḳîḳ olan şarâbı veyâḫûd o iki sınıfı karıştırıp şürb eylesin diye min beyni’l-eşribeti o üç sınıfı ihtiyâr eder.

Fî ‘Îlâci’ş-Şudâ’i’l-Kâini Min Ḳuvveti Hissi’r-Re’si: Hiss-i dimâḡın ḳuvveti ḫasebiyle olan baş aḡrısının ‘ilâcı budur ki dimâḡın hissi teblid olunur ya’nî hissin zekâsı izâle olunur dimâḡın ḡidâsı taḡlîz olunmakla. Ve ‘alîle min beyni’l-aḡdiye ḫunṭa ve şa’îr ve laḫm-ı baḳardan mütteḫaze olan herâ-

yis içâm olunmakla eger ‘alîlin hađmı kavî olur ise. Ve eger da‘ifü'l-hađm ise marul ve ferfađ ve lahm-ı semekten mütteħaze olan ğidâ ile tađdiye olunur. Ve ba‘dı muħaddirâtan şarâb-ı haşhâş mişli sakı olunur ve ba‘dı kerre dahi şarâb-ı haşhâşla başına tılâ olunur.

Fî ‘İlâci’s-Şudâ‘i’l-Kâini ‘Arađan li’l-Hummayâti ve’l-Emrâđi’l-Hâdeti: Hiddetli olan marađın ve ħummânın ‘arađından olan şudâ‘ın kimisi marađın iştidâdı vaқtinde ve ħummânın nevbeti vaқtinde [‘arıđ] olup marađ ħiffet buldukta zâil olur. Ve şudâ‘ın kimisi dahi zâil olmayıp marađın ħiffetinden ve ħummânın ħal‘ından sonra dahi bâķi kalır. Ve ħummayâtta ‘arıđ olan baş ağrısı marîdde ħalađ ve ıđtırâb ihdâs eder, hattâ o şudâ‘ her ne kadar ħummânın ‘arađı ise ħalađı ve ıđtırâbı ħasebiyle ħummâyı ziyâde eder. Ve o şudâ‘a bevlın def‘aten ebyađ olması ve bevlın ħımâr bevlı gibi olması delâlet eder, lâkin o marîdin bevlı ħımâr bevlı gibi olması ba‘dı kerre o şudâ‘ hâlâ mevcûd olduđuna delâlet eder ve ba‘dı kerre şudâ‘ muқadema mevcûd olup hâlâ hall olduđuna delâlet eder. Pes bu iki emrden birini ta‘yinde sâir edilleye ihtiyâc olur.

Bu şudâ‘ın ‘ilâcında şavâb olan budur ki zeyt-i ünfaқtan dühn-i verd ittiħâz olunup o dühn ile veyâħûd mu‘tâd üzere bulunan dühn-i verd ile ‘alîlin başı tılâ olunup istiğrâķ olunur. Ve kezâlik dühn-i verd ile sirkeden o marîde laħlaħa ittiħâz olunur. Ve o devâlar eyyâm-ı şitâda ve ħummânın leyyini ve ħiffeti vaқtinde müftir kılınır ve eyyâm-ı şayfta ve ħummânın şiddetinde müberriden isti‘mâl olunur. Ve o şudâ‘ için arpa ve haşhâş ve benefşe ve gül tađħ olunup matbûħuyla tenţil olunmak nâfi‘ olur eger ħummâ buħârının o şudâ‘a sebep olduđu hiddeti ħasebiyle olur ise. Ve eger hiddeti ħasebiyle olmayıp belki keşret ħasebiyle olur ise zıkr olunan mu‘âlecâtan hıç biri ile ‘ilâc olunmaz belki istifrâğ olunup rıfķ ile tađlîli olan devâlar isti‘mâl olunur, meşelâ o zeyt yađı isti‘mâl olunur ki onda nemmâm ve aşı‘r-râ‘ı veyâħûd merzencûş ve ‘aşı‘r-râ‘ı tađħ olmuş ola, eger sen ebħirenin tađlîlini re‘y ve taşvîb eder isen. Ve hattâ ba‘dı ħudemâ re‘y eylediler ki o keşret-i ebħireden ħummâda başı ağrıyan kimseye bâbünecle tılâ olunur diye. Ve eger şiddet-i veca‘ ħasebiyle [238b] muħaddirât ve münevvimât isti‘mâline muhtâc olur isen o edviyeleri dahi isti‘mâl edersin, lâkin ħazer üzere isti‘mâl edersin. Ve ba‘dı kerre mevâddın başa irtifâ‘ ve şu‘ûdunu

sevîk ve bezr-i kâṭünā isti'mālî ibtidā-i maraḍda men' eder. Ve bu sevîk ve bezr-i kâṭünāyî marîde saḳy dahi edersen cāiz olur. Ve ba'ḍı kerre dahi mevāddın irtifā'ı küzbere ve dühn-i verd ile dahi men' olunur. Ve bu 'illette ba'ḍı kerre ihticām dahi olunur.

Ve eger bu maraḍda marîdin eṭrāfını şeddi isti'māl edersen bağlarını ḥall edip çözdüğünde eṭrāfını ıssı su içine vaḍ' edersin. Ve cemī'an bu devālar ile o şudā' zāil olmaz ise maşdü'un başını tırāş edip babadya ve ḥaṭmî ve benefşe ve ḥasek ile muḥteliten taḍmîd edersin. Ve ba'ḍı kerre dahi ḥacāmete ve irsāl-i 'alaḳa muḥtāc olursun. Ve ba'ḍı kerre dahi ḥummā ve emrād-ı ḥādde zāil olduktan sonra şudā'ı bākī kalır, onun 'ilācı o 'alîlin ḡıdāsını tebrîd ve tertîb ile ve başı gül yağı ve babadya yağıyla takviye etmekle ve her günde iki kerre akşam ve şabāḥ 'alîlin ellerine ve ayaklarına ıssı su dökmekle ve benefşe yağıyla eṭrāfını merḥ etmekle olur ve maraḍ mertebe-i inḥiṭāta vardığı 'alāmātından zāhir oldukta mülaṭṭıfāt ile dahi i'ānet olunur.

Fî 'İlāci's-Şudā'i'l-Buḥrāniyyi: Buḥrānda olan şudā'ın mu'alecesinin beyānı budur ki 'alîle nazar olunur, eger onda ḡaseyān ve taḳallüb-i nefes ve 'alîlin şefehlerinde ihtilāc ve baş dönmesi olur ise ve'l-ḥāşıl māddenin fevḳ cānibine teveccühü 'alāmetleri olur ise ḳay'a i'ānet olunup ona mü-saḥḥin sikencebîn ve muḳayyi'āt-ı bāride saḳy olunur.

Ve eger 'alilde ḳarāḳır olup ve iki yanında nefḥ olup bi'l-cümle mevāddın cānib-i esfele meylinin 'alāmetleri var ise onun ṭabī'atını telyîne mu'ın olan devālar verilip şarāb-ı iccāş gibi ve cüllāb içinde neḳū' kılınan iccāş gibi müz-lıḳāt-ı ḥafifeler verilir, velākin iccāş büyüün iḡne ile ḡarz olunup mevāḍi'ci müte'addide saḳb olunup ba'dehu cüllāb içinde naḳ' olunur veyāḥūd o 'alîle telyîn için benefşe şarābı ve temr-i Hindî şarābı ve şîr-ḥışt ve bu mecrāya cārî olan müleyyinātın beş dirhem miḳdārı verilip ziyāde verilmez.

Ve eger şudā'-ı buḥrānîsi olan 'alîlin böbrekleri nāhiyelerinde ve 'aḍlā'-ı ḥılf altında arkaya māil şıḳal iḥsās olunur ise ve bi'l-cümle mevāddın bevl yoluna meyli iḥsās olunur ise o 'alîle müdrir olan sikencebîn içine bezr-i biṭṭîḥ ve bezr-i ḥıyār münāşafeten ilkā olunup verilir ve ayva dahi yedirilir, [zîrā] bu devā hem idrār eder ve hem baştan buḥarı men' eder.

Ve eger buḥrānî şudā'ı olan 'alîlin gözüne şu'āc mişlli nesnelere görünüp ve gözü önünde ḥumret ve şufret mişlli ḥayālāt olup ve müddet-i ṭavileden beri

burnu kanamamış olur ise o ‘alil sirke ile ve sirke buhârî ile aksırtılır ve burnuna muhaşşinât nefh olunup burnu mütehalhil kılınır veyâhüd müfâce’eten şemsin şu‘âi onun gözü muhâzîsine ve muqâbiline kılınır eger mümkün olur ise. Ve bunlardan sonra nabda nazar olunur. Eger nabdı mevci olup ve cildi dahi mülâyim olur ise ter döktürücü mu‘arrıkât isti‘mâl olunur gerek o isti‘mâl delk ile olsun gerek şürb ile ve gerek başa tenfîl ile olsun. Ve vâcib olur ki o mu‘arrık ile mu‘tedilen tenfîl oluna, ziyâde hârr veyâhüd bârid olmaya.

Ve eger şudâ‘-ı buhrânîsi olan ‘alilin kulağı ardında veyâhüd koltuklarında veyâhüd ürbiyyelerinde ya‘nî uyluğunun kısık mahallerinde lez‘e müşâbih veca‘-ı i‘yâi olur ise mevdi‘-i veca‘ üzerine cezzâb olan na‘na‘ ve kerefs ile semn-i atîk mişlli nesnelere dîmâd olunur ve ba‘dı kerre bilâ-şart o mahallere mehâcim dahi va‘d olunur, onun için bu vech ile başta olan mevâdd o mevâdi‘e nüzûl edip onda teverrüm eder.

Fî ‘İlâci’ş-Şudâ‘i’llezî Yed‘â En Yekûne bi-Sebebi’d-Düdi: Zikri mürür eylediği üzere ba‘dı kerre dimâğda düd tevellüd edip ondan şudâ‘ hâdiş olur diye ehl-i Hind da‘vâ ederler idi. Ve bir kavm onların müdde‘alarını inkâr edip dimâğda kurt tevellüd eylemez derler idi. Pes ehl-i Hind’in da‘vâ eyledikleri şudâ‘ vâki‘ ise o mişlli şudâ‘ın mu‘âlecesinde vâcib olur ki evvelâ bi’l-cümle beden ve hâşşaten dimâğ tenkıye oluna ve sonra eyâric-i feykarâdan miqdâr-ı kâlil ile isti‘âf olunup her üsbû‘da o se‘ût birkaç kerre tekrâr oluna ve netn-i enf marađı bâbında bizim zıkr eylediğimiz edviyenin küllîsi isti‘mâl oluna ve batında tevellüd eden kurtları kıtîl olan devâların dahi küllîsi isti‘mâl oluna, şeftali yaprağının ‘uşâresi ve tût ağacının kökü ‘uşâresi ve şabır mişlli edviyeler gibi bi’l-cümle isti‘mâl oluna. Ve bunların ‘aķabinde ve ardınca dimâğı tenkıye eden se‘ûtât senin bildiğın üzere cümlesi isti‘mâl oluna.

Fî ‘İlâci’ş-Şudâ‘i’l-Kâini bi-‘Aķabi’n-Nevmi ve’n-Nu‘âsi: Nevm ve nu‘âs ardınca hâdiş olan şudâ‘ın ‘ilâcı budur ki karîben beyân olunduğu üzere cemî‘an beden ve re’s tenkıye oluna. Ve bu şudâ‘dan nefi olur şudğlarını ve cebhesini remâd ve hâll ile dîmâd eylemek. Ve remâdın ya‘nî külün efđali incir ağacının külü olur.

Fî Tedbîri Aşnâfi’ş-Şudâ‘i’l-Kâini bi’l-Müşâreketi: Bu tedbîri beyâna kelâm-ı câmi‘ ile ibtidâ edip biz deriz ki dimâğa müşâreketi olan a‘đâlardan

birine müşâreket ile baş ağrısı hâdis olur ise o ʿuḍv-ı müşârikin muʿâlecesine iʿtinâ olunup o ʿuḍvu istifrâğa hâşş olan edviye ile o ʿuḍv istifrâğ oluna ve o ʿuḍvun mizâcı tebdîl ve taʿdîl oluna. Ve bu tedbîr ile maʿan onun başı muḳavviyât ile taḳviye oluna başa çıkan esbâb-ı şudâʿı ḳabûl eylemesin için. Ve o taḳviye şudâʿın zamân-ı ibtidâsında muḳavviyât-ı bâride ile ola, gül yağ ve sirke gibi. Ve zamân-ı ibtidâdan sonra olan ezminede eger mādde hârre ve keyfiyyet hâdde olur ise yine dâimâ muḳavviyât-ı bâride ile baş taḳviye olunur. Ve eder mādde bâride ise zamân-ı ibtidâda zıkr olunan muḳavviyât-ı bârideyi istiʿmâlden sonra zamân-ı ibtidânın mâʿadâsı olan ezminede muḳavviyât-ı bâride den muḳavviyât-ı hârreye intikâl olunup babadya yağ ve âs yağ ile taḳviye olunur veyâhûd o dühn ile baş taḳviye olunur ki onda servin şamğı ḥall olunmuş ola veyâhûd o dühn servin yaprağı ve ʿuşâresi ile ve eşl ile ittiḥâz olunmuş ola.

Pes ʿuḍv-ı müşâriki bu vech ile istifrâğdan sonra gerektir ki sen teʿemmül ve fikr eyleyesin ki müşâreket ḥasebiyle ʿârîḍ olan şudâʿ ḥâlâ ʿarâḍ olmak üzere bâkî midir yoksa dimâğda o ʿarâḍ temekkün ve teşebbüs edip marâḍ-ı aşliye istihâle eylemiş midir, onu taʿarrüf edip bilesin ve kezâlik māddeyi ve keyfiyyeti dahi taʿarrüf edip bilesin ki mādde hârre ve keyfiyyet hârre midir yoksa ʿaks üzere midir bilesin ve baʿdeʿt-taʿarrüf her birinin muʿâlecesini bildiğin vech üzere kılasın.

Ammâ o şudâʿ ki sâḳta olan âfet ḥasebiyle dimâğa ʿârîḍ ola, onun şâhibi ihsâs eder ki sâḳından bir nesne başına çıkar. Ve o şudâʿda vâcib olur ki eger o marîḍde imtilâ var ise şâfin dedikleri damar faşd oluna ve sâḳlar ihticâm oluna ve bedeni iştumâhîkûn⁴⁷ ile tenḳiye oluna. Ve eger o marîḍde imtilâ zâhir değılse iki sâḳları ürbiyyelerine varınca ḳadar şedd ve rabṭ oluna ve ayakları milḥ ile hîrî dühnü ile delk oluna. Ve eger ayaklarda o âfetin ibtidâ eylediği maḥall bilinir ise o maḥall keyy oluna ve maḥall-i keyye müferriḥ devâlar vaḍʿ olunup tefriḥ ve taḳyîḥ oluna.

Ve ammâ cemîʿ-i bedenden ve aʿḍâlarının birinden ebḫire teşâʿud etmekle biʿl-müşâreket hâdis olan şudâʿın ʿilâcı budur ki o ebḫireyi tevliḍ eden ḥummâ mişlli marâḍın devrinden evvel ve nevbetinden muḳaddem

47 Kitâb-ı ḥâmiste ḥubûb yazıldığı mevḍiʿde “iştumâhîkûn liʿl-Kindî” ʿunvânı ile yazılıp ve menâfiʿi ve aḥlâtı zıkr olunur.

o 'alîle fâkihe içâm olunur. Ve fâkihe bulunmaz ise ona mâ-ı bārid saḳy olunur her ne kadar [239a] 'ale'r-rîḳ olur ise dahi zıkr olunan içâm ve saḳy terk olunmaz. Ve fevākîh arasından marīde ziyāde muvāfıḳ olan sefercel olur ve küzbere ile dahi bu bābda intifāc olunur ve küzbere buḫārı şu'ūddan men' eder.

Ve kebid müşāreketiyle olan şudācın 'ilācı dahi bu minvāl üzere olur, lākin şudāc-ı kebidīye maḥşuş olur idrār ile ve kebidin üzerine dımād ile olan mu'āleceler. Lākin dımād ile mu'ālece o zamān olur ki kebiden başa mādde şu'ūd etmekle şudāc 'ārıd ola.

Ve min beyni aşnāfi's-şudāc mi'cidenin ve 'ale'l-ḫuşuş fem-i mi'cidenin ḍa'fı ḫasebiyle ḫādîş olan şudācın sınıfı onun için ḫādîş olur ki mi'cde fāsîd oldukta āḫer maḥallden vārid olan mevāddı ḳabūl eder ve onda olan key-mūsāt dahi fāsîd olup şudāc'a sebep olur. Ve bu vech ile ḫādîş olan şudāc ḫavāda ya'ni açlıkta ḫareket eder. Ve onun 'ilācı budur ki ḡidāsından birkaç loḳma koruk suyuna veyāḫūd rībās suyuna daldırıp yutturulur veyāḫūd loḳmaları rāyihāsı tayyibe olup ḳābıd olan fâkihe rubūbuna ḡams olunur ve ḫubzdan veyāḫūd buḡday unundan bulamaç ṭabḫ olunup ḫabb-ı rummān-la ḫumūdat üzere kılınır ve defe'atle muḫammaḍ olan bulamacın isti'mālî istikşār olunsa fem-i mi'cdeyi taḳviye eder. Ve bu ešnāda ḡaşeyān olur ise ḳay' ettirilip ve bu ḳay' ile şafrā iḫrāc olunur, 'alîl o zamān istirāḫat eder. Ve ba'dehu bu āfet var iken bürüdet dahi olsa bu eşyālar rāyihāsı tayyibe ve mizācı ḫārre olan efāvīh ile isti'māl olunur veyāḫūd efāvīhten cüllāb ittiḫāz olunup zıkr olunan eṭimenin loḳmaları o cüllāba ḡams ve idḫāl olunup yedirilir. Ve eger ḫumūdat mi'cdesini lez' edip ona muvāfıḳ olmaz ise onun mi'cdesine muvāfıḳ olan loḳması cüllāb-ı sāzece veyāḫūd efāvīh ile mübezzer olan cüllāba ḡams olunup içâm olunur eger efāvīhe ihtiyāc olur ise. Ve bu mişlli şudāc'a mübtelā olana vācib olur ki mübāderet edip şudāc aḫz eylemezden muḳaddem birkaç loḳma iltiḳām edip bulamaç ve ḫasv ile teḫassī eyleye.

Ve ḳaçan o yediḡin ṭa'āmın fem-i mi'cdeden inḫidārımı ve ḫaḍmını iḫsās eylese o zamān ḫubz gibi ḳabdı olan ḡidālardan birkaç loḳma rubb-ı fevākîh ile tenāvül eder veyāḫūd fâkihenin kendini tenāvül eder veyāḫūd ḫubz ile ḳasb ya'ni kuru hurmā tenāvül eder veyāḫūd zeytūn ile ḫubz isti'māl eder.

Ammâ şudâ'ın mi'dede olan ahlâṭ sebebiyle ʿarîḍ olan sınıfının mu'âlecesi budur ki evvelâ mübâderet edip mi'ede tenkiye oluna ba'dehu [tenkiyeden sonra ve] tenkiye esnâsında laṭîf ve maḥmûd, haḍmı ḥafîf, keymûsu ceyyid olan ğidâlar ile taġdiye oluna ve ba'dehu mi'denin keyfiyyeti lâyıķına meyl ettirile ve keyfiyyetini ta'dîl eden edviyede haḍm ve taḥlîl ve iṭlâķ dahi ola.

Ammâ zikr olunan evşâf-ı erba'ayı câmi' ğidâ bulunmasa [bil ki] mevcûd olan ğidânın birisi laṭîf ve ḥafîfü'l-haḍm olup ve bir ğayrısı ğidâ-i maḥbûb ve ceyyidü'l-keymûs olsa o ğidâ maḥmûd olup dem-i ceyyidi tevliḍ eden ğidâ-i laṭîf olur, ḥafîfü'l-haḍm olan ğidâ üzere tercîh ve ihtiyâr olunur. Ve o ğidâ ile ʿalîli taġdiye evķâtının efdali ḥammâma duḥûlden sonra olan vaķtidir. Ve o ʿalîle vâcib olur ki buḥârlarını taķlîl ve taḥfîf eyleye.

Ve eger mi'dede olan ahlâṭ mirâriyye ise ona sen *Ķânûn*'da zikri mürûr eden bizim ta'lîm eylediġimiz mu'âlece ile ʿilâc eyle ve dimâġi dühn-i verd ve dühn-i âs ile taķviye eyle. Ve eger mi'dede olan ahlâṭ bâride-i balġamiyye olup ondan riyyâḥ-ı şedîde ḥâdiş olur ise ona aķvâ olan muġayyi'ât eyle ve mûlaṭṭıfâtla ʿilâc eyle. Eger onun ile zâil olmaz ise eyâric-i kibârı eftîmûn taḥbîhi ile isti'mâl eyle.

Ve bu ʿilette menfa'ati olur şudġda iki şiryânı kaṭç eylemek veyâḥûd iki şudġ üzere keyy-i ḥafîf ile keyy eylemek o vech ile ki o keyy başı iḥrâķ eylemeye velâkin şiryânları taḍyîķ eyleye. Ve çok kerre olur ki şiryân mevđi'inden sell olunup ba'dehu kaṭç olunur veyâḥûd keyy olunur. Ve sellin taṛîķi külliyyâta mufaşşalan beyân olundu. Ve keyyin aşlahı ve evlâsı şiryânı açıp ve şiryânın kendisini bi'z-zât keyy eylemektir ve keyyin eşeri cild üzere vâķi' olmaya. Ve gerektir ki şiryân keşf olmazdan muķaddem âlet-i keyy ya'ni miselle⁴⁸ muḥmât ola ve kızdırılıp ḥâḍır ve âmâde ola. Ba'dehu şiryân keşf olunup sâ'atince keyy oluna. Ve bu keyy o zamân ḥâcet olur ki mâddeyi başa şu'uddan men' ve def' eder nesne olmaya.

Ve ammâ edviye ile def' mümkün olur ise keyy eylemeġe cesâret olunmaz ve ḥuşuşan eyyâm-ı şayfta edviye ile mu'âlece olunur. Ve vâcib olur ki o ʿalîl maḍġa ḥâcet olan aġdiye ile taġdiye olunmaya belki onun ğidâsı bulamaç gibi nesnelere olup bilâ-maḍġ ekl eyleye, on gün miķdârı bulamaç ile taġdiye

48 "Miselle" çuvâl-düzdur.

eyleye. Ve eger o mu'âlece eyyâm-ı şayfta olur ise o hastanın gıdâsı sovuk vakte ya'nî akşam ve şabâh vaktinde verilir. Ve o hastaya vâcib olur ki çok söylemeye, keşret-i kelâmın ona mađarratı vardır. Ve yine vâcib olur ki onun şiryânları üzere kavâbıd olan edviyeler vađc ve ilşâk oluna ve o kavâbıd-da anzerût ve zaferân ola. Ve şiryân üzere vađc olunacak kavâbıdı inşâallâhu'l-müte'âl akrabâdinde beyân eyleriz. Ve bađdı kerre şerâyîn üzere kurşun veyâhüd ağır ve sengîn çemşir mislli ağaç vađc olunup bir bez ile bağlanır, hareket-i nabđiyye ile şiryân damarı hareket edip taşdı eylemesin için.

Ve bu şudâ'ı defc için olan keyyler altıdır, üç keyy ümm-i re's üzere olur ya'nî aşl-ı re's üzere ve hâmeye olur ve ikisi şudğlara olur ve biri mu'aşşar-ı re'ste nukre üzere olur. Ve vâcib olur ki o maşdüc hamırdan her hâl üzere hâzer eyleye.

Ve eger şudâ'ın sebebi mi'ceden başa ebhîrenin şu'ûdu olur ise onun mu'âlecâtı şürb-i mâdan hâdiş olan şudâ'ın mu'âlecâtında bizim sana beyân eylediğimiz cemî'an mu'âleceler olur, zîrâ mi'ceden buhârın şu'ûdu da'f hasebiyle olur ve da'f mi'cedenin ecved[-i 'ilâcı] kalilen şarâb-ı reyhânî saşy olunmakla olur, lâkin o şarâb-ı reyhâniyye şürbüne i'tiyâd eylediği su karıştırlıp mi'ceyi o şarâb lez' eylemesin için memzûcen saşy olunur.

Ammâ aşnâf-ı şudâ'da külye ve merâkş ve raşim ve bunun emşâli a'đâlar müşâreketi ile 'arıđ olan şudâ'lar onların tedbîrinde bizim kitâb-ı sâliş evâilinde yazdığımız mu'âlecât sana kifâyet eder. Ve hummayâtta hâdiş olan şudâ'ın mu'âlecâtını hummayât bâbında inşâallâhu ta'âlâ beyân eyleriz.

Fî 'İlâci Şikali'r-Re'si: Başına ağırlık ve şikal 'arıđ olan kimseye istifrâğ eylemek ve şebyâr isti'mâl eylemek nâfi' olur. Ve eger o şikal demevî olur ise onun 'ilâcı faşd ile olur ya'nî bedenden demi istifrâğ eden damardan faşd olunur ve sonra 'ırk-ı cebheden dahi faşd olunur huşuşan şikal hâlf cānibine māl ise 'ırk-ı cebheyi faşdın nef'i ziyâde olur. Ve kezâlik a'đâ-i re'sten olup huşuşâ dedikleri kulak ardında yumru ve kemik üzerinde olan damarlar dahi faşd olunur ve kulak ardında olan şiryânlar dahi faşd olunur huşuşan şikal baştan kuddām cānibinde olur ise o faşdın menfa'ati ziyâde olur. *Risâle-i Ebi'l-Fađl'da der ki العظمان اللذان خلف الاذنين النابتان من مؤخر* " *İntehâ* الاذن وقصاص الشعر يقال لها الخشاوان ولا حدهما خشاء وخششاء"

Fî 'İlâci's-Şudâ'i'l-Ma'rûfi bi'l-Beydati ve'l-Hûzeti: Başu istî'âb edip i'tiyâd üzere 'arıd olan şudâ'a beyda ve hûze derler. Bu iki lafzlardan her biri dahi miğfer ma'nâsına ya'nî harbde vikâye için giydikleri demirden olan tâsa derler ki başa giyerler. [239b] O şudâ' miğfer gibi başu ihâta eylediğinden ona dahi beyda derler ve hûze dahi derler.

Ve bu ağrı başu müstemil ve sâbit olur müzmin marađdır, küllü sâ'atin ednâ sebep ile şu'ûbeti hareket eder, ednâ hareketten ve şürb-i hamrdan ve mübahhir olan mütenâvelâtan ve şavt-ı şedîdden heyecân ve hareket eder. Ve ba'dı kerre şavt-ı mütevasşıttan dahi hâyice olur, hattâ o şudâ'ın şâhibi şavttan ve diyâdan ve nâs ile muhâlaţadan buğd üzere olup vahdete ve zulmete ve râhat ve istilkâya muhibb olur.

Ve o şudâ'ın aşhâbına mûzî olan nesnelere muhtelif olur, kimine zıkr olunan nesnelere îzâ eder ve kimine dahi eşyâ-ı âher îzâ eder. Ve o hasta zann eder ki küllü sâ'atin başına bir dârib miţraķa ile darb eder veyâhûd bir câzib küllü sâ'atin başını cezb edip çeker veyâhûd başını iki şakķ edip parçalar ve ezâsı gözlerinin uşûlüne ya'nî ka'rına vâşıl olur.

Câlinûs dedi ki bu illetin câlibi ve sebebi dimâğın da'fı olur ve hissini şiddeti olur ve redî olan hıltı tevîd eden sebepler olur veyâhûd hârr ve bârid olan veremlerin biri olur ve çok kerre sevdâvî ve şulb olan veremler olur ve ekşer-i hâlde o şudâ'a sebep olan verem dimâğ hiçâblarının üzerinde ve vasa'tında olur, lâkin kimisi dâhil-i kıhfta olur ve kimisi kıhfin hâricinde olur.

Ve bundan aķdem senin ma'lûmun oldu ki verem dâhil-i kıhfta olan hiçâbda olsa ağrı 'ayn cânibinde mümtedd olur ve eger verem hâric-i kıhfta olan ğışâda olsa o maħalle yed ile mess ve mesh olunsa ağrı ihsâs olunur ve o hasta o maħall üzere el ile 'unf ile yapışılmađı kerîh görür ve müte'ezzî olur.

Ve ekşer-i hâlde beyda illeti o kimseye 'arıd olur ki ona muķaddemâ emrâd-ı sâire işâbet edip dimâğın kendiyeye ve hiçâb-ı dâhiliyyeye vü hâriciyyelerine kemâl üzere da'f gelip harekât-ı bedenden ğidâiyyeye ve buhâriyyeye olan ednâ hareketler ile ve kezâlik ednâ hareket-i hâriciyyeye ile dimâğ müte'ezzî olur ve dimâğ zıkr olunan da'ftan nâşî vârid olan fuđülü kabûl eder.

Ve ba'dı etıbbâ beydanın esbâbını beyân eyledikte bu şuhûşa ri'âyet eylemeyip derler ki başın küllîsini müstev'ib olup beyda tesmiye olunan şudâ'

gerek ise hâric-i kıhfta olsun ve gerek dâhil-i kıhfta olsun o beydanın sebebi mi'ce veyâhüd re'ste olan buhârât veyâhüd mirâr olur veyâhüd nefsi dimâğda veyâhüd hicâblarında olan filigamünî olur ve verem-i filigamünî olduğu şürette başta şıkal ve darebân olur ve ba'dı kerre beydanın sebebi dimâğda ve hicâbda humret olmakla olur ve o şürette başta iltihâb ve lez' olur, lâkin şıkal kâlîl olur veyâhüd o beyda ahlât-ı sāireden hâdis olur. Eger humret 'alâmetleri olmayıp ve başta şıkal olup ve ahlât-ı bāride 'alâmeti mevcûde olur ise pes beyda aşnâfının her birisi tedbîr-i münāsibi ile tedbîr olunur, lâkin etîbbâdan muhaqqıķın katında beyda diye bizim zıkr eylediğimiz şuhuş üzere olan şudâ'ca derler.

el-İlâc: Eger bilirsen ki demde keşret vardır ve o şudâ'ı muharrik olan demdir, o zamân sen faşd edersin, ammâ ahlâtın bāride olduğunun delâili ve 'alâmetleri var ise ve müddet-i marađ tavile olduysa ve marađın evvelinde rādî'at isti'mâl etmiş olur isen hālâ onda sen ne'ülâtı isti'mâl eyle ki onun miyâhında olan edviyede taḥlîl-i yesir ve teshîn ola ve kabđ-ı yesir ola, Mekke ayrığının çiçeği gibi ve babadya ve na'nâ' gibi ve sāir *Kânûn*'da bildiğin bunun emşâli edviyeler ola. Ve da'if ne'ülât ile ten'ile bed' edip kavî ile ten'ile tederrüc eyle ve o ahlât-ı bārideyi müstefriğât ile istifrag eyle. Ve ḥabbu's-şabırî maştakî ile isti'mâl eylemek cidden nâfi'dir. Ve bu ḥabbu's-şabırî üç gecede bir kerre isti'mâle ta'ahhüd ve iltizâm eyle ve istifragâtta kûkiyâyı dahi isti'mâl eyle eger ḥabbu's-şabırdan kavî müstefriğâ muhtâc olur isen. Ve bunlardan sonra ḥıyârşenber tabîḥini dört mişkâl dühn-i ḥurva' ile isti'mâl eyle.

Ve ma'lûm ola ki bu mezkûrlar ile istifrag eyledikten sonra sen nefsi dimâğı ve hem hicâb[ları]ı müstakillen ten'iyeye kavî olan bizim sana bildirdiğimiz edviye ile ten'iyeye muhtâc olursun. Ve o munaḥkıyâttan olur misk ve 'anber şemümâtı ki ona kâfûr hâl oluna ve ba'dı kerre onlara şabır dahi hâl olunur o edviyelerde takviye olduğu gibi taḥlîl dahi olsun için. Ve o 'alile sen dımâdât-ı hârreti ve dımâdât-ı muhaddireyi ilzâm eyle ve bundan aḳdem o dımâdâtı biz sana bildirdik. Ve kaçan marađ zamân-ı inḥıḩâta bālig olsa ḥammâmı ve aḳmide-i kaviiyeleri sen isti'mâl eyle. Ammâ marađ mādâm ki zamân-ı ibtidâda ola ve sen bilesin ki mevâdd hârredir, tedbîr-i dimâğda yazılan mu'alecât ile tedbîr eyle ve ḥıyârşenber lübbünü bādem

yağıyla mütevâtiren birkaç eyyâm biri biri ardınca sakıy eyle ve ba^cdı kerre mümiyâyı dühn-i benefşec ile isti^cât dahi nâfi^c olur.

Ve ma^clûm buyurula ki kaçan beydanın müddeti uzayıp tavile olsa mizâc-ı bürüdete isti^hâle eder her ne kadar sebep-i hudûşu mevâdd-ı hârre olur ise.

Ve ma^clûm ola ki beyda-i müzmineyi ancak teşhîn ve ta^hlîlî kavî olan edviyeler kal^c eder. Ve ba^cdı kerre ona akrâş-ı kevâkib ve şelisâ⁴⁹ ve devâü'l-misk ile ve bunlar mecrâsına cârî olanlar ile isti^cât nâfi^c olur. Ve bunlardan hangisi ile isti^cât olunur ise kız sütü ile hâll olunup ba^cdehu isti^cât olunur huşuşan veca^c-ı şedîd ola ve seher gâlib ola, o zamân kız sütü ile isti^cât olunmak ziyâde nâfi^c olur. Ammâ keyy olunmak ve cebhede olan şerâyîn faşd yâhüd kaç^c olunmak pes beydadada bu mu^câleceler şudâ^c-ı ^catîkte yazıldığı üzere olur. Ammâ beyda aşhâbının gîdâsı mübahhîr olmayan bildiğin ağdiyelerdir, hattâ tatlı bâdem dühnü ile mercimek dahi i^câm olunur. Ve kezâlik bu^kûl mera^kaları ile dahi ta^gdiye olunur. Eger ^calîl mebrûd ise onlar ile ta^gdiyede be^s yoktur bu^hârî kalîl olmak hasebiyle.

Ve ammâ aşhâb-ı beydanın atliyesi vâcib olur ki o atliyeden ma^kşad-ı akşâ ta^hlîl ve kalîlen ta^hđîr dahi ola ve bu mürekkeb ile o atliyenin biri olur afyûn, dem-i ehavayn, za^ferân, şamg. Bu edviyeler ta^hđîre ihtiyâc vaktinde şudğa tîlâ olunur.

Nüşa-i U^hrâ: Za^ferân, mazu, akrâş-ı kevkeb. Pes bu edviyeler ile cebhe tîlâ olunup isti^câb olunsa nâfi^c olur. Bâkîleri için dahi sen akrabâdîne ve edviye-i müfredede olan levhâlara mürâca^cat eyle.

Fî Kelâmin Mücmelin Fî'ş-Şakîkati: Şakîka dedikleri ağrı başın bir cânibinde olan ağrıdır ki heyecân eder. Ammâ Câlînüs ta^hđîd edip der ki şakîka başta olan şü^undan şân-ı mütevassıttâ olan ağrıdır. Ve ba^cdı kerre şakîkanın hudûşuna sebep olan dâhil-i kıhftan olur ve ba^cdı kerre kıhfı hâricden mücellil olan gîşâdan olur ve ba^cdı hâlde şudğda olan ^cadalden olur.

Ve ammâ hâricden olan şakîka ba^cdı kerre bir hadde bâliğ olur ki ağrının olduğu mev^di'e el ile mess ve mesh olunmağa marîđ ta^hammül eylemez. Ve şakîka olan ma^halle mevâdd-ı mülime hâricde olan evrideden veyâhüd şerâyînden vâşıl olur veyâhüd dimâğdan ve dimâğın hicâblarından vâşıl

49 “Şelisâ” ma^cacîn yazıldığı mev^di'de *Kânûn*'da mezkûrdur.

olur. Ve dimâğdan ve hicâblarından vâşıl olan mevâdd ekser-i hâlde dürüzdan vârid olur.

Ve ba'dı kerre şakıkanın sebebi o buhârât olur ki cemî-i bedenden mündefîa olur veyâhüd şakıka hangi cânibde ise o cânibde olan a'cdânın birinden mündefîa olur. Ve ekser-i hâlde şakıkanın urûdu edvâr ile olur ve gâlib-i hâlde sebep-i hudûsu ahlât olur. Ve sū-i mizâc-ı sâzeccden hâdis olan şakıkanın kadri ve itibârı olmaz.

Ve ahlâttan hâdis olan şakıka ba'dı kerre ahlât-ı hârreden olur ve ba'dı [240a] kerre dahi ahlât-ı bârideden hâdis olur ve ba'dı dahi riyâhtan ve gâhice buhârdan olur. Ve bunların alâmetleri senin ma'lûmun oldu ki mevâdd-ı bârideden hâdis [olan] şakıkada başa sühûnet işâbet eylese ağrı sâkin olur ve bârیده olan şakıkada temeddüd olur. Ve şakıka-i hârrede melmeste sühûnet olur ve şudğlarda çarebân olur ve müberridâtle istirâhat eder. Ve kezâlik bârیده olan şakıkada ağrı müştedd oldukta ke-enne üzerine bir şey-i bârid vađ olunmuş gibi ihsâs olunur, ammâ şakıka-i hârre vaqt-i iştidâdında bir şey-i hârre üzerine vađ olunmuş gibi ihsâs olunur.

Şakıkanın ilâcı budur ki beyda ilâcında ta'lîm olunup bildiğin gibi o marîd faşd olunur ve ale'l-huşûş cebhe ve şudğ damarları faşd olunur. Ve ishâl ve hıkneler ve māddeyi cânib-i hilâfa cezb kemâ-yakteđhi'l-hâl isti'mâl olunur ve bunların hudûdu *Kânûn*'da cemî'an beyân olundu.

Ve şakıka-yı hârreye bu devâ nâfi'dir: şabır hindebâ suyundan naç olunup isti'mâl olunur. Bu nekû' çarâbâdinde mezkûrdur. Ve şerbet-i vâhidesi bir vakıyye ile altı vakıyye arasındadır. Ve bu hârre şakıkada cebhe ve burun damarlarını faşd cidden nâfi' olur.

Ve eger şakıka ile düvâr dahi olur ise vâcib olur ki faşddan evvel beden tenkıyye oluna ve tenkıyyeden sonra mizâc tebdîl oluna.

Ve eger mādde hârre olur ise o hastanın iki şudğlarına afyün ve luffâh kökünün kabuğu ve durak otu ve benc ve kâfûr mişlli muhaddirât vađ oluna ve mevđi-i veca' *Kânûn*'da zıkr olunan senin ma'lûmun olan müberridâtle tebrîd oluna.

Ve ba'dı kerre küttâbın kitâbet eylediği mürekkeb ile ağrı olan cânibe tılâ olunmağın menfa'ati olur. Ve aşhâb-ı şakıkanın cebhesine tılâ olunacak edviyeden olur za'ferân.

Ve yine bu âfetten menfa'ati olur sezâb ve na'nâ ve hubz ve dühn-i zeyt ile tılâ olunmak. Ve kezâlik akrâş-ı Bûlus ile tılâ olunmağın dahi menfa'ati olur ve o akrâş akrabâdinde mezkûrdur.

Ve kezâlik lübb-i gâr ve varağ-ı sezâb ki o iki devâların vezneleri mütesâvî ola ve birinin nısfı vezni miqdârı sezâb suyu ile bu eczâlar cem' olunup dımâd olunur, nâfi'dir.

Ve bundan dahi ziyâde nâfi'dir zerârîh ya'nî kuduz böceği ile kayrûti ittihâz olunup mevdi'-i eleme vađ' olunur ve kabartınca kadar terk olunur veyâhüd tefsiyâ dedikleri devâdan kayrûti ittihâz olunup isti'mâl olunur. Ve bu dımâd muqarrihtir, onda keyy menfa'ati vardır.

Ve eger mādde-i bāride cidden şedidetü'l-berd olur ise ferfiyûn ve ħardal ve âkırkarhâ ve bu mişlli nesnelere ile dımâd olunur.

Ve ammâ o şakîka ki müddeti uzayıp müzmine ola, lâ-mahâle o şakîka 'alâ-küllü hâl bāride olur, sebebi gerek ise ħarr ve gerek ise bārid olsun, pes onun 'ilâcında kuvvet ile taħlîl ve teşhîne ihtiyâc muqarrerdir. Ve akrabâdinde biz o aţliyeyi zıkr eyleriz ki kimisi aşnâf-ı şudâc beyninde müşterektir ve kimisi şakîkaya ħâşş olur. Ve sen evvelâ bedeni istifrag ve tenkıye edip ba'dehu aţliye isti'mâl eyledikten sonra veca' cānibinde olan şudğun 'ada-lini parmağın ile veyâhüd ħırka-i ħaşine ile marađın devri vaqtinde temrih edip ovasın.

Ve bundan sonra veca'-ı dārebānî şedide olup taħdire ihtiyâc olur ise tılâ eylesin. Ve ba'dı kerre mevdi'-i veca' olan cānibde şudg üzere olan şiryānı afyûn ve anzerût ve sâir kavābid ile tılâ eylemeğın menfa'ati olur. Ve ba'dı kerre dahi o şiryān üzere ānük ya'nî kurşun yāhüd mühendem ya'nî sargılı ve ıslāh olunmuş ağaç bağlanır nabđ-ı kaviden ve dārebāndan şiryānı men' edip veca'ı teskîn eylesin için. Ve bunu bundan aqdem *Kānūn*'da beyān eyledik.

Ve ba'dı müte'ahħirîn şakîka-i müzmine için bir 'ilâc zıkr eyledi ki menfa'ati mücerredir ve o 'ilâc bir hatundan aħz ve ta'allüm olunmuştur. Ve o 'ilâc budur: kıssâ-i ħımār ve efsentūn su ve zeyt içinde teherrî edince kadar taħh olunup suyu ve zeyti ile başından elem ve ağrı olan cānibe o neţil ħarr iken tenţil olunur ve şüflü ile dımâd olunur. Ve her kaçan bu devâ bu vech üzere isti'mâl olunur ise şakîka sâkin olur gerek ise o şakîka ħummāya muqārin olsun ve gerek ise ħummāya muqārin olmasın.

Ve şakîka için olan dımâdlardan bir dımâd menfa'atte hardal dımâdına mu'âdil olmaz. Ve kaçan 'illet uzasa ve tavîle olsa şâfsiyâ ve keber kökünün kabuğu ve 'unşul ve ferfiyün dımâdıyla tađmîd olunur, o eczâlar sahk olunup şarâb-ı reyhân ile onlardan dımâd ittihâz olunup isti'mâl olunur. Ve o dımâd şakîka için menfa'ati 'azîme bir 'ilâc olur.

Ve yine şakîkaya nâfi' mu'âlecâtındır, evvelâ 'alîli hammâma idhâl edip zamân-ı keşir mâ-ı hârrın buhârı üzere kebb eyledikten sonra dühn-i fustuk ile se'ût eylemek, zîrâ bu mu'âlece ile veca' baştan 'unuğa ya'nî 'alîlin boynuna nüzül eder. Ve bundan sonra akırabâdinde ve kitâb-ı şânî elvâhında muharrer olan o ağrının nüzül eylediği maħallden def'i bâbında olan mu'âleceleri iltikât ve ahz edip onunla 'amel eyle.

Ve bu maħalde aşl nüshalarda “وان ذلك يخدر الوجع الى العين” vâķķ olmuştur, lâkin nüsha-i sulţâniyyenin kenârına “الى العنق” yazılıp nüsha olmak üzere işâret olunmuştur. Ve zâhir olan budur ki hâmişe yazılan nüsha şahîhtir, zîrâ ağrıyı baştan göze indirmek aħaşşın şalâhı için eşrefi idrâr eylemektir. Ve “Tefirrü min varţatin ve teķķu fı-ekberihâ” meşelinin mâ-şadaķıdır.

el-Maķâletü's-Sâlişetü Kitâb-ı Şâlişten Fenn-i Evvelin Maķâlât-ı Hamsinden Üçüncü Maķâle Dahi Dimâğda Olan Vereme ve Mevdî-i Veremin Teferruķ-ı İttişâline Müte'alliķa ve Fuşûl-i 'Adîdeyi Muhteviyedir

Faşl-ı Evvel Karânîţus Beyânındadır

İki noktalı ķâf ile “ķarânîţus” sersâm-ı hârr ma'nâsınadır. Ve o marađ harâretli bir veremdir ki dimâğın iki hicâblarının birinde olur yâ hicâb-ı rakîkte olur veyâhüd hicâb-ı ğalîzde olur ve ba'đı kerre dimâğın kendide dahi eşahh-ı akvâl üzere verem hâdiş olur, velâkin nefsi dimâğda hâdiş olan vereme ķarânîţus ve sersâm tesmiye olunmaz, o isimler ancak hicâblarda olan verem-i hârra maħşuş olur.

Ve ba'đı müteţabbib zann ederler ki nefsi dimâğda verem hâdiş olmaz. Ve onların delîli budur ki her nesnelere ki ziyâde mülâyim veyâhüd ziyâ-

de katı ola o nesnelere temeddüd eylemez ve temeddüd eylemeyen cisimler teverrüm dahi eylemez, pes dimâğ ziyâde mülâyim ve yumuşak olmakla, kezâlik kemikler ziyâde katı ve şalâbetli olmakla onlarda temeddüd olmaz ve temeddüd olmayan nesnelere teverrüm dahi olmaz.

Ve baḍın bu kelâmı ḥaḩadır, zîrâ dimâğ temeddüd eder leyyin ve lezic olmak ḩasebiyle ve kemiklerde dahi verem ḩâdiş olur, ḩattâ Cālînûs dahi dimâğda ve kemikte verem ḩâdiş olduğunu ikrâr ve itirâf eyledi. Ve dişleri yazdığımız bâbda bunun beyânı senin maḩlûmun olur ki her bir cism ki tağaddî eyleye, lâ-maḩâle o cism temeddüdü kabûl eder. Ve onun temeddüdü iki vechin biri ile olur yâ nefsi-gıdâ ile olur ve bu temeddüd ḩasebiyle o cism büyüür veyâḩûd onun temeddüdü faḩla ile olur ve o temeddüd ile verem ḩâdiş olur. Ve dimâğın ve ʿizâmın gıdâ ḩasebiyle temeddüd edip büyüdüğünde iştibâh yoktur ve kezâlik faḩla ḩasebiyle dahi onların teverrümünde iştibâh olmaz.

Velâkin dimâğda olan veremler ḩarânîḩus ve sersâm isimleriyle tesmiye olunmazlar ve ḩalîlen itlâk olunduğu tecevvüz ve istiʿâre ḩarîḩiyedir, [240b] zîrâ sersâm-ı ḩârr-ı ḩaḩîḩiye hezeyân ve ihtilâḩ-ı ʿaḩl ve ḩarâret-i muḩriḩa ʿarîḩ olur ve ʿavâmm-ı nâs o ʿavârîḩa sersâm tesmiye ederler. Ve dimâğda olan verem-i ḩârrda dahi bu ʿavârîḩa mevcûde olduğundan ona dahi sersâm derler ve ḩavâşş dahi ḩalîlen istiʿâre ḩarîḩiyle o ismi nefsi-dimâğda olan verem-i ḩârra itlâk ederler. Ve bunun nazîri gibi olur sersâm-ı bâride nisyân tesmiye olunması, zîrâ sersâm-ı bâride nisyân lâzım gelir ve lâzımın ismi verem-i bâride itlâk olunur.

Ve sersâma bi-ḩasebi'l-lafz ve'l-implâ müşâbih bir lafz vardır ki başka bir maraḩın ismidir ve o lafz bersâm lafzıdır ki zâtü'l-cenbe itlâk olunur. Ve fenn-i lügatte maḩrifeti olmayanlar zann ederler ki sersâm ve bersâm ikisi dahi dimâğî olan verem-i ḩârra itlâk olunur, lâkin o verem şedîd olursa ona sersâm derler ve eger ḩafif olur ise ona bersâm derler. Lâkin onların bu zannı ḩaḩadır, zîrâ lügat-ı Fârsî'de “ser” baş maḩnâsınadır ve “ber” göğüs maḩnâsınadır ve “sâm” verem ve maraḩ maḩnâsınadır. “Sersâm”ın maḩnâsı baş veremi ve “bersâm”ın maḩnâsı göğüs veremi demektir. Pes başta olan vereme bersâm tesmiyesi nice câiz olur!

Lâkin “arḍ”a yaʿnî hezeyân ve ihtilâṭ-ı ʿaql ve ihtirâka ıtlâk olunan ser-sâmın envâı ve aşnâfı olur, kimisi hummayâtta olur ve kimisi ahlâṭ ḥasebiyle olur ve bunlarda ihtirâk olur ve kimisi dahi bersâma müşâreket ile olur yaʿnî göğüste olan hicâb ve sâir ʿadalât veremlerine müşâreket ile olur ve kimisi dahi meşâne ve raḥim ve miʿde müşâreketiyle olur. *Ve bunlar cemʿtan sersâm-ı ḥaḳîḳiye ʿaradda muvâfiḳ olmakla muşannifinin sersâmi tavsîf ve tefrîfleri ihtilâf üzere bulunur.*

Ve fiʿl-ḥaḳîka sersâm hicâblarda olan vereme ıtlâk olunur. Ve baʿḍı kerre hicâblarda olan verem-i ḥârâ müşâreket ile cevher-i dimâḡ dahi teverrüm eder ve hicâbdan intikâl ile dahi cevher-i dimâḡ teverrüm eder yaʿnî verem-i hicâbın mâddesi dimâḡa teveccüh etmekle hicâbın veremi zâil olur ve dimâḡda verem ḥâdiş olur. Ve bu ḥâllerde olan sersâm gâyet redâʿet üzere olur, yevm-i râbîʿde katl eder, eger yevm-i râbîʿi tecâvüz eder ise necât bulur. Ve sersâmdan helâk olanların ekseri nefes âfeti ile helâk olur.

Ve dimâḡın eczâlarının ihtilâfı ḥasebiyle sersâm dahi muhtelif olur, ḥattâ baʿḍı kerre verem dimâḡın ki cüzʿüne şâmil olur ve baʿḍı kerre biʿl-cümle dimâḡı istîʿâb eder. Ve biʿl-cümle dimâḡı ihâṭa eden verem-i ḥârân ekser-i ḥâlde ʿamüdu tecvîf-i evvel ile evsâṭ arasında qarâr edip tecvîf-i evsâṭa mâil olur. Ve o veremin mübdiʿi yaʿnî sebep-i fâʿilisi dem olur veyâḥûd o şafrâ olur ki onun levni şufret-i şaḥîḥa veyâḥûd ḥumret-i şaḥîḥa olur veyâḥûd o veremin mübdiʿi şafrâ-i muhterîka olup sevdâya dârib ve mâil olur. Lâkin bu kısım-ı ahîr cidden redîdir ve müşâbih olup benzer ki ekser-i ḥâlde bu dimâḡı müstevʿib olan verem-i ḥârî nakî ve ḥâliş olan demden ḥâdiş olmaz ve kezâlik ḥâliş olan şafrâdan dahi ḥâdiş olmaz belki dem-i mirârîden ḥâdiş olur. Ve yine müşâbih olur ki bu verem münkaḍî ve zâile olmaz illâ ʿaraḳ ve ruʿâf ile zâil olur [yaʿnî terlemek ve burnu kanamak ile zâil olur.]

Ve çok kerre başın taşrasında olan hicâb ve damarlar teverrüm eder, ḥattâ damarların veremleri o gâyete bâliḡ olur ki dâhilden ḥârîce nüfûz eylediḡi şüʿûn ve dürûz açılmaḡa ve münfetih olmaḡa qarîb olur ve buna ʿarîḍ olan ihtilâṭ-ı ʿaql bükâ ile ḍahikten mürekkeb olup sâʿaten fe-sâʿat vâḳiʿ olur ve bu ḥâl ʿalâmet-i rediyye olur. Eger sersâm zâtüʿr-riyeden intikâl ile olur ise yaʿnî riyede olan veremin mevâddi dimâḡa intikâl edip riyeden verem zâil olup ve dimâḡda verem ḥâdiş olur ise o sersâm ḥıltın kemâl-i ḥarâretine

delâlet eder. Ve kezâlik zâtü'r-riyenin veremi ğayr-i haķıķî olan sersâma dahi intikâl eylerse yine hıltın ifrâṭ-ı harâretine delâlet eder.

Ammâ sersâm uḍv-ı müşârikten intikâl tarıķıyle olmayıp müşârikte olan maraḍın ʿaraḍı olur ise, eger ʿaraḍ olan sersâmda nevâhî-i reʿste ve riyede şıķal dâim olup teşennüc ve kayʿ-ı zencârî ʿarıḍ olur ise o ʿalîl evvel sâʿatte helâk olur ve ʿalâ-mehlin helâk olanların müddet-i mehlleri bir gün yâhüd iki gün olur, iki günü tecävüz eylemez. Ve bu mühlet dahi ʿalîlin kuvveti ziyâde kavî olduđu vaķtte olur

Ve qarânîṭusun şıḥhat meʿmül olanları o sersâmdır ki hummâsı vaķtinde eylediđi hezeyânı hummâsı zâile olduktan sonra tezekkür eyleyip hâṭırına getire. Ve o sersâma himürîdüs ʿarıḍ olur ise yaʿnî maķʿade damarlarından kan münfecir olup boşanır ise ʿalâmet-i maḥmûde olur.

Ve müsersem olan kimsenin yaʿnî sersâmı olanların gözleri şâḥıṣa olsa yaʿnî gözünü bir ṭarafa dikip o cânibe nazâr-ı dâim ile nazâr eylese ve hem mirâr-ı aḥmer kusup ve kuvvetinde dahi ḍaʿf olsa o gündün o ʿalîl helâk olur. Ve eger başarı şâḥıṣ ve kayʿı mirâr-ı aḥmer olan müsersemün kuvveti kavî olur ise iki gündün sonra helâk olur. Ve o kimse ki onun dimâđı nâḥi-yelerinde verem vardır, onun bevlî mâî olsa o kimse vereminden necât bulur ve ḥalâş olur.

Ve çok kerre bevâsîrin seyelânıyla sersâm-ı ḥârr taḥallül eder. Ve baʿḍı sersâm-ı ḥârr teberrüd edip lişergusa intikâl eder. Ve baʿḍı kerre dahi sersâmdan ḥalâş bulup dıķķta veyâḥüd cününde vâķiʿ olur. Ve çok kerre dahi ğayr-i haķıķî olan sersâm haķıķî sersâma intikâl eder.

Qarânîṭusa mübtelâ olan meşâyıḥ ve pîrler o ʿilletten necât ve ḥalâş bulmazlar ve kurtulanları nâdir ve kalîl olur.

Ve baʿḍı müteṭabbibîn zuʿm ederler ki qarânîṭusa müşâbih olur bir maraḍ vardır ki onun hummâsı olmaz ve hummânın olmadığı delâlet eder ki onun veremi dahi olmaz, lâkin kalâķ ve ıḍṭırâbı ve vüṣubu şedîd olur; o ʿilletin şâḥibinde qarâr ve sükûnet olmaz ve dîvârlara ḍarb ve taʿn eder, ḍucreti ve dıķ-ı nefesi ve ʿaṭaşı ziyâde olur, su içse bođazına durup yutamaz ve yine taşra atar ve o maraḍ bu hâletlerin zuhuru gününde ekseriyyâ şâḥibini ḳatlı eder ve baʿḍı kerre dört güne varınca ḳadar mütemâdî olup baʿdehu ḳatlı eder. Ve bu ʿilletten bir kimse necât bulmaz belki o kimseye ʿarıḍ olur ki

onun yüzü ve lisânı kara ve siyâh olur ve gözleri hâmid olur ya'nî sönüp nûru gider ve onların hâli melhûfînin hâli gibi olur. Ve bunlardan sonra onun harekâtı mülâyim ve nabdı sâkıf olup helâk olur ve çok kerre onların helâki ihtinâk ile olur. Ve onları sen görürsün ki bir kerre 'adv edip koşar ve ba'cdehu sâkıf olup düşer ve ölür. Ve ba'cd olmaz ki bu âfetin dimâğa 'urûdu dimâğa müşârik olan bir 'udv-ı kerîm-i âher hasebiyle ola, meşelâ nefes için müte'ayyin olan 'ađale teşennüc-i 'azîm veyâhüd fesâd-ı âher 'arıd olur ve o fesâd hunâk cānibine müteveccih olup dimâğa olup dimâğa vâsıl olur ve bi'l-müşâreket dimâğa fesâd 'arıd olur ve 'aql muhteliğ olur ve nevâhî-i re's ve halk ve şadı cefâf üzere olup 'ataş ziyâde olur.

Faşl-ı Şânî Karānîfus Aşnâfı Beyninde Müşterek Olan 'Alâmetlerdir ki Zıkr ve Beyân Eyeriz

Sersâm-ı hârr-ı hakîkinin aşnâfı beyninde müşterek olan 'alâmetler bu mezkûrlardır: hummâsı lâzıme vü yâbisedir ki ekser-i hâlde zahîre vaktinde o hummâ müştedd olur ve o hezeyân ki gâhice ifrâf üzere vâkıf olur ve gâhice keslân üzere olup tekellümü kerih görünüp kelâmını kaç eder ve 'aql dahi muhteliğ olur, ekser-i hâlde o ahlâf yevm-i râbî'e qarîb zamânda olur ve eţrâfî ile 'abes edip oynar ve nefesi muđtarib olup [241a] muntazam olmaz, lâkin nefesi 'azîm olur ve şerâsîflerinde fevk cānibine keşîren temmeddûd ve gerginlik olur ve a'đada o âfet ile ihtilâc olur, a'đa seğirir. Eger ihtilâc o âfet işâbet etmezden muqaddem 'arıd olur ise sersâmı inzâr eder.

Ve ba'cdı kerre sersâmda nevm muđtarib olur ve ıdîrâbından taħlîş kaçad edip ma'ıyyetinde bulunanlar uyartmak için şayha ederler ve ba'cdı kerre uyuturlar ve ba'cdı kerre uykuyu terk ettirip seherde kırlarlar. Ve ekser-i hâlde hayâlât ve korkunç düşler hasebiyle uykuları müşevveş olur ve uykudan uyanmaları dahi müşevveş olup şayha ederek uyanırlar ve uyandıklarında vekâhat ve cesâret olur ve gâdabları dahi müştedd olup mu'câd ve ma'cüd olan gâdablarından ziyâde olur. Şu'â'dan irâz edip aydınlığa buğd ederler ve lisânları ıdîrâb-ı şedîd ile muđtarib olur ve lisânları huşunetli olur ve lisânlarını 'ađd edip ısırlar hattâ ba'cdı kerre lisânları teverrüm eder. Ve çok kerre şavtları dahi munkaţıf olur. Ve suya iştihâları olur, lâkin kalîlen şûrb ederler, şûrb-i mâi istikşâr eylemez ve suya iştihâları dahi keşîr olmaz.

Ve ba'đı kerre berd-i hâricî mevcûd deđil iken elleri ve ayakları bilâ-mücib sovur, ammâ bevlleri zürkâta ve le'âfete mâil olur. Ve nabđları şulb ve katı olur, verem 'udv-ı 'aşabîde olmak hasebiyle. Ve nabđ şađır olur, damarda şalâbet ve kuvvette da'f olup mādde kuvveti dađt eylediđi hasebiyle. Ve nabđlarında kuvvetten bir şey' olur, lâkin ha'ara qarîb oldukta kuvvet ašlâ bulunmaz. Ve onlarda olan yübüset nabđı cem' ve şedd edip inķibâd ve inbisâtın âhîrleri esra' olur. Ve nabđlarında olan minşâriyyet mevcîyyetten hâlî olmaz, zîrâ dimâğ-ı cevher ra'bdır ve ru'ubetten nabđda mevcîyyet hâdiş olur. Ve ba'đı kerre onların nabđları 'arîd olur ve hâcet katında 'azîm ve mütevâtir olur ve eczâ-i va'fda muhtelif dahi olup mürte'îş olur. Ve bu vech ile olan ihtilâf ve irtî'âş ğaşyı inzâr eder, lâkin ba'đı kerre irtî'âştan bir nev' nabđ olur ki onu 'ırkın şalâbeti ve kuvvetin kuvveti icâb eder ve o nev' irtî'âş ğaşy inzâr eylemez. Ve o müsersemle ba'đı kerre nabđ teşennüci 'arîd olup teşennüc marađının 'urûdunu inzâr eder.

Ve kağan sen emrâd-ı hâddenin ve hummayât-ı şa'benin 'alâmetlerini bilsen ve görsen ve o 'alâmet şâhibinin tabî'atında itikâl olsa ya'nî onun kabdı olsa o 'alâmetler sersâmı inzâr eder ve bu inzâr münzirât-ı kavîyeden olur, o kimsede sersâm hâdiş olur, taħallîf eylemez ve qarânîtus tekaddüm eder qarîben vukû'u olan şeyi nisyân etmek üzerine ve bilâ-illet mahzûn olmak ve ahlâm-ı rediyye görmek ve şudâ'ı çok olmak ve şîkal ve imtilâsı olmak üzerlerine ya'nî bu 'avârîdlar qarânîtus bulunduktan ve hâdiş olduktan sonra bulunur, evvel bulunmaz. Ammâ qarânîtus 'arîd olmazdan muqaddem yüz şađır olur ve seher tavîl olur ve nevm muđtarib olur. Bu 'alâmetler qarânîtustan evvel olur.

Kaçan kim mādde dimâğa teveccüh edip damarlarında deverân ve teraķ ruķ ede ya'nî mādde cereyân edip gidip gelmeđe başlaya, zîkr olunan seher tavîl olur ve nevm muđtarib [olur.] Ve bu mişlli âfetler müştedd olur. Ve o mevâdd dimâğa qarîbe oldukta ve mevâddı dimâğ teşerrüb eyledikte evvelâ başın ense tarafında kafâda bir ađrı zuhûr eder huşûşan mevâdd-ı şafrâviyyede bu ađrı müteħaķķaķ olur.

Ve dimâğ teverrüm edip sersâm hâdiş oldukta evvelâ onların gözlerine yübs-i şedîd 'arîd olur ve sonra gözleri yaşarmađa başlar ve huşûşan gözlerinin birinde dem'a ve çapak ziyâde olur. Ve çok kerre vâķi' olur ki göz

damarlarına kızılık ‘arîd olup humret-i şedîde ile humret gelir. Ve ba‘dı kerre o humret ‘aķabinde burnundan ķatarât-ı dem damlar. Ve ba‘dı kerre gözünü ovarlar ve o ovmak ile [ekser] ebdānda hüdū ve sükūna meyl olur, ancak eṭrāfında sükūn olmaz belki elleri ile yine ‘abes edip oynar ve şiyābının zıḫrını ya‘nî havını iltikāt eder ve yolup kaldırır. Ve ba‘dı kerre o ‘alil gözünü yumar ve gāhice taḥḍik eder ve şayḫa dahi eder ve gāhice dahi kelām-ı faṣīhten kesel üzere olup lisānlarını taḥrîk etmeđi murād eylemezler. Ve ba‘dı kerre dahi onlardan bevl teķāturu eder, gāhice o teķāturu fehm ederler ve gāh olur ki teķāturu fehm eylemezler. Ve hummayatta bu vech üzere olan teķāturu-ı bevl sersām-ı ḥāḍıra ya‘nî o ḥālde sersām bulunduđuna delil-i kavī olur. Ve onlar ebdānlarında olan ālām ve ekdārı iḥsās ve fehm eylemezler ve belki ađrısı olan ebdānlarına ‘unf üzere mess olursa elemi bilmezler.

Ve sersāmın ‘alāmetleri beyānında biz tekellümü ziyāde edip deriz ki verem dimāđın cānib-i muķaddeminde olsa taḫayyülü ifsād eder ve şiyābının ipliđini ve havlarını ve dīvārda olan saman ķöpünü bulup iltikāt eder ve ḥiṭāndan bu mişli nesnelere yolar. Ve o eşbāḫ ve eşḫāşı taḫayyül eder ki onların vücūdu olmaz.

Ve eger o verem dimāđdan vasaṭa māil olur ise o verem fikri ifsād eder ve ‘amelinde iḥtilāt olur ve hezeyānı keşir olur. Ve verem buṭūn-ı dimāđdan ḫalf-i re’si vely eden cānibde olur ise ḫālā gördüğünü ve işlediđini unuttur, ḫattā nisyānı o gāyete bāliđ olur ki bir nesneyi taleb edip ister, önüne iḥḍār olunup getirilse taleb eylediđini bilmez. Ve ba‘dı kerre bevl etmek için ķārüreyi ister ve önüne getirirler ve istediđini bilmez. Ve kaçan verem dimāđın küllisini müştemil olsa bu ‘alāyimin cümlesi zāhir olur.

Ve nefsi dimāđ dahi müteverrim olsa yüzü ve gözü kırmızı olur ve gözü cuḫūz-ı şedîde ile cāḫıza ve mürtefi‘a olur. Ve mādde dem ise gözleri ḫamrā olur ve mādde şafrā ise gözleri sarı olur eger o şafrā şafrā-i şırf olur ise.

Ve müşāreket ile olan iḥtilāt-ı zihn defaten ḫāḍis olur ve ‘uḍv-ı āḫerin sū-i ḫālne tābi‘ olup o ‘uḍvun nāibelerinin iştıdādı ile iḥtilāt dahi müştedd olur ve ḫiffeti ile iḥtilāt dahi ḫafif olur ve ziyādesiyle zāid ve noķşānıyla nāķış olur.

Ammâ sersâm-ı dimāğīden hâdis olan ihtilâf kalilen kalilen tadrîc ile hâdis olup lâzım olur, ihtilâttan münfekk olmaz.

Ve sersâm-ı haķikînin ‘alâmetleri kendiden akdem hâdis olup sersâm sonra hâdis olur, ammâ haķikî olmayan sersâm bulunmazdan muķaddem âḫir-i ‘uḍvda maraḍ ḫâşıl olur ba‘dehu ‘alâyim-i sersâm zâhir olur. Ve şadrda olan ḫicâb-ı ḫâciz ve şadrın ‘aḍalât-ı sāireleri müşareketiyle olan sersâmda olan sersâmın ve zâtü'l-cenbin ‘alâmetleri zâhir olur. O ‘alâmetler bunlardır: İki cenbinde veca‘-ı nâḫıs olur, teneffüs eyledikçe o veca‘ zâhir olur ve nefesinde ḫıķ olur ve nabḍ-ı minşārî olur ve evvel-i ḫudûşunda su‘âl-i yâbisi olur ba‘dehu ekşer-i aḫvâlde su‘âl-i raḫba intikâl eder ve nefş olur ve ḫummâ-ı lâzimesi olur ve ḫarâretin ekşeri nevâḫî-i şadrda olur ve sersâm-ı haķikîde ekşer-i ḫarâret nevâḫî-i reḫste olur ve şerâsifte fevķ cānibine temeddüdün iḫsâs olunması ekşer olur. Ve sersâm-ı haķikîye maḫşûş olur cümçüme üzere ya‘nî kelle kemiği üzere veca‘-ı ḡayr-i şâmil iḫsâs olunmak. Ve zikri mürür eden ‘alâmetler sersâm-ı haķikîde keşireten ve kavıyyeten olmaz. Ve nefesi muḫtelif olur, merreten ḫa‘îf ve mütevâtir olur ve târeten uḫrâ nefesi ‘azîm olur ve ḡâlib-i aḫvâlde nefesi şaḡîr-i ḫa‘îf olur ve ba‘ḫı kerre dahi nefes zefre gibi olur. “Zefre” o nefestir ki bir müddet ḫabs olunduktan sonra ḫurûc eder. Ammâ ḫârr [241b] olan ḫarânîḫusta ancak nefes ‘azîm olur.

Ve iki sersâmlar ya‘nî sersâm-ı ḫârr ve sersâm-ı bârid ihtilâf-ı zihnin kuvvetinde müşterek olurlar, velâkin âḫer ‘uḍva tebe‘iyyet ile olan sersâm sersâm-ı haķikîden müfâraķat eder o vech ile ki ‘uḍv-ı âḫere tâbi‘ olan sersâm o ‘uḍvun ḫummâsına tâbi‘ olur, sersâm ḫummânın kuvvetiyle kavî ve ḫa‘îfî ile ḫa‘îf olur.

Ve ammâ fem-i mi‘dede olan aḫlât ile ‘arîḫ olan sersâm, o sersâmda fem-i mi‘dede lez‘ iḫsâs olunur ve onda ḡaḫeyân ve ‘aḫaş ve aḡızın merâreti olur.

Ve âḫer ‘uḍvların evrâmı ḫasebiyle olan sersâm, o verem olan ‘uḍvun aḫvâlınden zâhir olanlar ile bilinir, zirâ o ‘uḍvun aḫvâli âşikâre olmadıkça o ‘uḍvun âfeti ihtilâf-ı ‘aḫla ve sersâm-ı beyyine sebep olmaz. Bu mezkûrlar bilinsin ve ḫabḫ olunsun.

Fî ‘Alâmâti’s-Sersâmi’l-ḫaķikî li-Cemî‘i Aşnâfihi: Biz deriz ki demden hâdis olan sersâm-ı haķikînin evvel ‘alâmeti budur ki ‘avarıḫ-ı müştere-

keden olan ʿalâmetlerin cümlesi ʿaḥik ile ʿarîd olur ve onda ʿaḥarât-ı ruʿâf bulunur, nefesi ʿazîm olur, gözünde demʿa ve remaş olur ve seheri ğayr-i ḥaḳîḳide olan seherler gibi ifrâṭ üzere olmaz ve lisânında ḥuṣûnet olur ve lisânının levni evvelâ sevâda mâil ḥumret olup baʿdehu sevâd-ı ḥâlîş olur ve lisânı ağırlaşır ḥattâ tekellümden keslân olur ve kırmızı şebahlar taḥayyül eder ve yüzünde olan damarlar aḥmer olur ve ʿaynı mümteliʿe olur ve min-ğayri ḥâcetin ḳuʿûd ve ḳıyâmı keşîr ve mütevâtir olur.

Ammâ sersâm-ı ḥaḳîḳî şafrâ-i şaḥîḥadan ḥâdiş olur ise seheri keşîr olur ve gözlerinde cefâf şedîd olur ve lisânında ḥuṣûnet şedîd olur. Evvelâ lisânı sarı olup baʿdehu esved olur. Ve ḥummâsı şedîd olur ve müddet-i ṭavile gözlerini mesh eder ve sarı şeyler taḥayyül eder. Ve aḥlâḳına sebuʿiyyet ve şeverân ve şiddet ve ḥuṣûmete hırş üzere olmak ʿarîd olur ve ke-enne o ʿalîl muḳâbil ve muḥârib heyʿeti üzere olur. Ve burunları ince olur ḥuṣûşan tarafları ziyâde ince olur ve cebhelerinin fevḳ cānibine incizābı ve çekilmesi şedîd olur.

Ammâ şafrâ-i muḥterîḳadan ḥâdiş olan sersâm-ı ḥaḳîḳî redî ve mühlîk olur. Ve onun ʿalâmet-i ũlâsı budur ki onun bi'l-cümle ʿavârîdı cünûn ve ḍucret ile ʿarîda olur ve nefesi ʿazîm ve gözleri küdüretli olur ve şubârâya müşâbih olur, ke-ennahu şubârânın kendisi olur.

Ve ammâ bu sersâmın intikâllerinin ʿalâmetlerinden eger lîşerğus intikâlinin ʿalâmeti mevcûde olur ise ondan şıḥḥat meʿmûl olur; o ʿalâmetler bunlardır: Gözler çukurlanır ve dâimâ yumuk olur, ağzının salyası seyelân eder, nabḍı baṭî ve leyyin olur.

Ammâ sersâm şıḳâḳûlusa ve verem-i dimâğiyyeye intikâl eylese onda şıḳâḳûlûs ʿalâmeti zâhir olup aḥyânen gözlerinin sevâdı ğâib olup beyâdı zâhir olur ve idṭicâʿdan imtinâʿ ve ibâ eder, lâkin istilkâdan imtinâʿı olmaz, karnı şişer ve şerâsîfi mümtedde olup uzar ve aʿdâsının iḥtilâcî [yaʿnî seğirmesi] ziyâde olur.

Ammâ sersâmın dıḳḳa intikâlinin ʿalâmeti gözleri çukurlanır ve ḥummâsı ḥâdiye yaʿnî mülâyim olur ve bedeni ḳaḥl olup arıklanır ve nabḍı şağîr ve şulb olur.

Ammâ sersâmın teşennüce intikâli ʿalâmetlerini inşâallâhu taʿâlâ biz teşennüc bâbında zıkr ederiz.

Faş-ı Şâliş Sersâm Aşnâfının Mu'alecâtı Beyânındadır

Sersâm-ı haķîķînin bi'l-cümle aşnâfı beyninde müşterek olan ʿilâclar bunlardır: Kîfâl faşd olunup dem-i şâliḥ ve cidden keşir olan dem iḥrâc olunur. Vâcib olur ki mübâderet olunup ʿalîl olan kimse ihtilâṭ-ı zihne bedʿ eylediği gibi eger mâniʿ-ı kavî yok ise zîkr olunan faşd oluna ve o faşdda ihtiyâṭ üzere olup ʿalîlin hâli taʿarrûf ve tefahḥuş oluna ki onda ğaşy var mıdır ve yok mudur biline. Ve ğaşye karîb ḥâlet oldukta demʿ katʿ oluna velâkin maʿrifette ihtiyâl olunmak gerektir, zîrâ ifâkat ve ğaşyın ḥâlâtı ve ʿalâmâtı ḥafiyeye olup biri birinden fark ve temyîz olunmakta ḥîleye muḥtâc olunur velâkin nabḍ ile fark olunur. Kaçan nabḍda irticâş ve inhifâz olup bilâ-nizâm muḥtelif olsa ḥattâ nabḍ-ı vâḥid ʿazîm ve nabḍ-ı âḥer şaĝîr olsa ğaşyın ḳurbüne delâlet eder.

Ve vâcib olur ki maḥall-i faşdın sargısı muḥkem ola, ḥattâ ʿalîlin ḥarekâtı ve ıdṭırâbâtı ile çözülmeye, zîrâ vaķt-i ıdṭırâbında ʿışâbenin çözüldüğünü bilmez ve demin seyelanı ğaşye müʿeddî olur. Ve kezâlik ʿışâbe muḥkem bağlanmasa ʿalîlin kendisi ḥayâl-i fâsid sebebiyle ʿışâbenin ḥall olunmasında ve demin cereyanında nefʿ mülâhaza edip ḥall eder, ammâ ʿışâbede istihkâm oldukta ḥallî ihtiyâl ile olup ve ṭarîķ-i ihtiyâlî bilmediğinden ḥalle ḳâdir olmaz.

Ve bu faşddan sonra cebhe damarı dahi faşd olunur eger ʿalîlin ḳuvveti ḳaviyye olup ḥâl dahi ʿırķ-ı cebhe faşdını iḳtidâ eder ise ve maraḍ dahi kavî olur ise. Ve eger ʿalîlin ḳuvveti daʿife olup ve faşd-ı küllîye ḥâlde müsâʿade olmaz ise ve el damarında dahi faşda müsâde yok ise yaʿnî el damarından faşd ile ʿalîl şedidden ḳalaķ ve ḍucette olur ise o zamân cebhe damarını faşd eyle ve ḥâl-i ibtidâda sirke ve gül yağıyla müberriden ve kezâlik sâir ʿuşârât-ı bâride ile başına tîlâ eyle. Ve şafrâvî sersâmda ʿulleyķ yaprağıyla ḍimâd eylemek ziyâde nâfiʿdir.

Ve onu havâsı muʿtedil ve zînet ve tasvîrsiz bir beyt-i sâzcede iskân eyle, zîrâ zînet ve şürette onların vücûdu taḳḍîri üzere o sersâm taḥayyül ve teʿemmülde mülîʿ ve müksir olup ezâya bâʿis olur, zîrâ keşret-i teʿemmül dimâĝa ve ḥucublarına muḍîrr olur. Ve vâcib olur ki o ʿalîlin meskeninde ve ḳurbünde nîlüfer ve benefşec ve verd ve kâfûr ve *Ḳânûn*’da bizim taʿdâd eylediğimiz mişlli meşmûmât-ı bâride konula ve ona sen zarîf olan dostla-

rımı ve sevgili[sini] ve ona şefkatli olan yārānlarını onun şöhetinde eyleyip ona taqrīb eyle. Ve kezālik hayā edip utandığı kimseleri muşāhib eyle, zīrā hayā edip utandığı kimsenin yanında đārr olan tahlīt ve idtirābdan imtinā^c eder.

Ve sa'y ve ictihād edip tenvīm eyle, ne kadar o tenvīm cebīnine ve enfi-ne afyūn taqrīb etmekle olur ise, eger kuvveti kavīyye olup ve afyūn taqrībī muđırr olmaz ise. Eger kuvveti da'if olur ise afyūn taqrībinden hāzer eyle, zīrā helāk eder. Ve o da'ifü'l-kuvve olanların tenvīminde şarāb-ı haşhāş sakıy edip başına marul ile dımād eyle ve bezr-i haşhāş arpa suyuyla sakıy eyle.

Ve ma'a-hāzā ziyāde şavāb olan budur ki eger vaktin taħammülü olup te'ħīr muđırr olmaz ise faşdı te'ħīr edip iki gün yāhūd üç gün miqdārı zīkr olunan tedbīr ile iktifā eylesin ve sonra faşd eylediğinde demi ihrācda mümkün olduğu kadar mübālağa eylesin, hattā bedende bākī kalan dem ile tabī'at buhrānatta müsāra'ata ve marađ ile muhārebeye kādīr ola ve ğī-dāyı kafda ya'ni taşarrufa kādīr ola.

Ve bu vech üzere faşd eyledikten sonra şavāb olan budur ki cidden leyyin olan huķne isti'māl oluna, gül yağı mā-ı şa'ir ile veyāhūd mā³ ve zeyt ile ihtikān oluna ve leyyin olan huķnelerden olup zīkr olunan huķne kavī olan huķneye muhtāc olur isen onlardan kavī olanlar ile ihtikān eyle, lākin huķne-i leyyine derecesinden ħurūc eylemesin. Ve mevāddı min-küllī vech esfele cezb eyle, ayaklara ve o mişli taraf-ı esfele cezb eyle ve ayaklara mā-ı ħārr şabb eyle ve belki şedd ve ta'lik-i meħācim ile māddeyi dimāğdan ayağa cezb eyle. Ve bu cezb ħummānın iştidādından muķaddem ve mu'ahħar olan zamān-ı ibtidāda ve zamān-ı hūbūtta olmak evlā olur. Ve ba'đı kerre vācib olur ki ibtidā-i 'illette kāhiline miħceme ilzām oluna.

Ve sen o 'alīlin [242a] ibtidā-i 'illette ğīdāsını ğāyette tel'tif etmekle tedbīr eyle ya'ni ğīdāsını sikencebīn-i sūkkerīye haşr eyle ve bir gün yāhūd iki gündən sonra sikencebīn ile mā-ı şa'ir-i raķīka ğīdāsını nuķl eyle ve ba'de-hu mā-ı şa'ir-i ğalīza nuķl eyle ve emr-i ğīdāda kuvvete ve 'illete mūrā'āt eyle. Kaçan ki 'illetin a'rādını şedīde görür isen ħāl-i ibtidāda tel'tif-i ğīdāda mübālağa eyle, lākin se'ūt kuvvetinden ħavf olunur ise mübālağa cāiz olmaz, kuvveti muħāfaza ve suķūttan māni^c olacak kadar tađdiye olunur. Ve

‘alîli berdi şedîd olan mâ-1 bârid şürbünden ba‘îd eyle, ‘ale’l-ħuṣûṣ ħicâb-1 ħâcizede ve aḥşâda verem olur ise mâ-1 bâriden ihtirâz ziyâde lâzımdır.

Ve kaçan sen görürsün ki maraḍ zamân-1 inĥitâtta olur, tadrîcle ğıdâsını ziyâde eylersin ve ğıdâyı kabak ve sâir bârid sebze ve mâṣ ve ĥubûb-1 bârideden kıalarsın. Ve bu aĝdiyeler isfıdbâc kılınıp iç‘âm olunur veyâĥûd fevâkih-i bâride-i ĥâmiḍe ile tahmîz olunup verilir. Ve yine inĥitât vaqtinde mâ-1 bârid içinde veyâĥûd şelc ile cidden müberred cüllâb içinde neḳûc olmuş ĥubz-1 semîd tenâvül eylemek ile intifâc olunur.

Ve vâcib olur ki zamân-1 ibtidâda şırfeten râdi‘ât ile tedbîr oluna, lâkin sersâmın ĝâile-i ‘azîmesi olan şınıfı ki onda ĥâric-i re‘ste olan damarlar ĥicâba müşâreket ile teverrüm eyleye, o sersâmda ihtiyâc olur ki ibtidâ-i irĥâsı kalîl ve veca‘ı müsekkin olan edviye ile bed‘ oluna. Ve zamân-1 ibtidâdan sonra kavâbıḍ verilir ve ĥuḳnelere ilticâ-i şedîd ile ilticâ olunur. Ve bunlardan sonra kabḍı olmayan neṭülât-1 müberride isti‘mâl olunur ve o neṭülde tenvîm için ĥaşĥâştan şey‘-i kalîl kılınır ve ĥaşĥâş muḳâvim olsun için kalîlen babadya dahi idĥâl olunur.

Ve kaçan bu mu‘âlecâtla ‘illet nâķıṣa olup lâkin hezeyânı bâķî kalsa memeden onun başına lebeni ĥalb eyle. Eger ‘alîlin kuvveti ħaviyye ise keçi sütünü başına ĥalb eyle ve eger kuvveti ḍa‘ife ise leben-i nisâyı ĥalb eyle. Ve her ĥalbinden bir sâ‘at mürûrundan sonra neṭülât-1 mu‘tedile ile ĝasl eyle ki o neṭülde benefşe ve meyân kökü ve babadya ve sâir müberridât vâķi‘ ola ve bunu akrabâdinde Bukrât ta‘lîm eylemiştir.

Kaçan ‘illet uzayıp bu mu‘âlecâtla zâil olmaz ise veyâĥûd ‘illet şaķîle-i sübâtiyye ise ve ibtidâ ĥaddini tecâvüz edip sükûnu ĥareketinden ekṣer ise onun mu‘âlecâtı tebrîdi şedîd olan müberridâttan ve ĥâşşaten ĥaşĥâştan teb‘îd eyle ve şüret-i mezkûrede yedinci gündün sonra onun neṭülüne nemmâm ve füteneç ve sezâb ve na‘nâ‘ ‘uşâresi ve iklîlü’l-melik idĥâl eyle ve başına kettân tohumunun lu‘âbını zeyt ve mâ ile vaḍ‘ eyle ve bedenini dâimâ dühn-i müsahĥin ile ta‘rîķ eyle.

Ve kaçan sen murâd eylersin ki ṭül-i müddet ile kuvvet bâķiye olup ve yevm-i sâbi‘i ve mâ-fevķını tecâvüzden sonra ‘alâ-ĥâlihâ mevcûd ve maĥfûz ola, ona kalîlen şarâb-1 memzûc saķy eyle. Ve çok kerre sersâmdan ḳay‘ ‘ârıḍ olup ondan intifâc ederler. Ve ba‘ḍılar onlara bârid raṭb

dühne su katıp saḳy ederler, o saḳyle ḳazf vaḳtleri sühüetli olur ve hem onları tertı̄b eder.

Ve kaçan sersâmdan ‘aḳlı olmayıp ihşâsları ḳalıl olmakla bevl edemez ise meşâneleri dühn-i fâtir ile ovulur ve o bâbda menfa‘ati olan dühnün efḫalı zeyt olur veyâhüd babadya ḫabḫ olunup suyuyla meşâne tenḫıl olunur ve bevl edince ḳadar meşâne ḡamz olunup ovulur. Ve bu tedbire iḫtinâ ve ihtimâm edip küllü vaḳtin ‘amel eyle ve bevl edecek vaḳtlerde meşânesini ḡamza mübâvemet eyle. Ve bevl mücerred ḡamz ile icâbet eylemez ise zıkr olunan neḫlât ile meşânesini tenḫıl eyle. Ve eger onda ziyâde taḳallüb ve ıḫtırâb olup taḳallübü ḫasebiyle mutaḫarrır olur ise ve ‘ale’l-ḫuşuş faşḫ olunup mevḫî-i faşḫ mülteḫim olmadan iltihâm olmaḡa mâni‘ olur ıḫtırâbı olur ise o sersâm şâhibini ıḫtırâba mâni‘ ribât ile şedd eyleyip baḡla. Ve ‘illet zamân-ı inḫiḫâta bâliḡ olup müddet-i inḫiḫâtta bu‘d ve im‘ân olur ise ve maraḫın çoḡu gidip ve bâḳı kalan ḳalıl ise onlara nâḳıhların tedbiri gibi tedbir eyle ve salıncakta taḫrık edip riyâdet ettir, rediyye ve ḫârre olan ehviyeden ba‘id ve mücânib eyle ve şemsten ve sümümdan dahi teb‘id eyle tâ ki maraḫları nüks eylemeye. Ve eger ıssı su ile yıkamak murâd eder isen ḫafifü’l-ḫarâret mâ-ı ‘azb ile ḡasl edip tenvîm eyle, zîrâ onları tenvîmde menâfi‘-i keşire vardır. Ve onlara ḫafif olan luḫumu iḫ‘âm eyle. Cem‘ân bu mezkûrlar mu‘âlecât-ı külliyyeler idi. Verem hangi mâddeden ḫâdiş olur ise olsun bu tedbirlerin cümlesine menfa‘at-i şâmile olur idi.

Ammâ o ‘illet aşnâfından her şınıfın ‘ilâc-ı maḫşûşları budur ki şafrâvî mâddeden ḫâdiş olan sersâma ‘ilâcda şafrâyı ishâle ḫâcet ziyâde olur ve faşḫda ḫâcet ḳalıl olur. Ve şafrâsı zıkr olunan müzlıkât-ı laḫife ve münakḫıyât-ı dem saḳy olunmakla ishâl olunur. Ve o müshilin eczâsına şâhterec idḫâl eyle eger bilirsen ki ‘alâ-küllü ḫâl ḫabî‘at mücîbe olur. Ve ba‘dı kerre o müshilde saḳmünyâ dahi ḫamm edersin ḫabî‘atı mücîbe olacağını ‘alîlin mu‘tâdından bilir isen. Ve şafrâvîyi faşḫ eylediḡinde ḡaşye ḳarîb olunca ḳadar kanını akıtmazsın, ḡaşyeden ihtirâz eyleyerek faşḫ-ı şâliḫ ile faşḫ eylesin. Ve faşḫdan sonra ishâl eylesin ve edviyesini bârid ve raḫb kıgarsın. Ammâ demevînin aḡdiyesi bâride olur ve ḳâbıḫa olmak dahi câiz olur. İshâlden ve ḫuḳneden fâriḡ olduḡun zamân ḫışırımıyye ve rummâniyye ve seferceliyye ve tuffâhiyye mişli ḳâbıḫa aḡdiye verilmek câiz olur.

Ammâ şafrāvī olanlara bu mişlli kâbıd gıdâlar şâlih olmaz. Ve şafrâviyye ye kar'iyeye ve keşkiyyenin kabuğundan ihrâc olunmuş arpadan mütteḥaz olanı verilir ve kezâlik isfıdbâciyye ve kâtafiyye ve mâşiyeye verilir. Ve bunlar ḥall ve sükker ile veyâḥūd neyšûk veyâḥūd iccâş ile tahmîz olunur ya'nî onların ekşileri bu cins nesnelere olur.

Ve ma'lûm buyurula ki şafrāvī sersâm kâtafiyyeye ziyâde muhtâc olur ve demevînin taḥlîle ihtiyâcı ekşer olur. Ve şafrāvîde tebrîdden ihtirâzın demevîde olan senin tebrîdden ihtirâzın miqdârı olmasın; şafrāvîde tebrîdden ihtirâz-ı küllî ile ihtirâz eyleme ve mâ-ı bâridden ḥazerin ziyâde olmasın. Ve şafrāvîde sa'yin tenvîme ekşer olsun ve münevvim olan neṭlât-ı muratṭıbe ve marul dühnünü ve kabak yağını ve bunlar mişlli edhânı isti'mâlin keşîr olsun, onlar ile keşîren isti'ât eyle. Ve o şafrāvî ki onun şafrâsı muhterika ola, onda tertîbe 'inâyet ekşer olur ve onlarda sen müberrid ve muratṭıb ḥukneleri ḥasbemâ-emken isti'mâl eyle.

Fi'l-Filigamûni'l-Ârıdı li-Nefsi Cevheri'd-Dimâgi: Filigamûnî o veremdir ki onun mâddesi dem-i şırf ola. Pes ba'dı kerre cevher-i dimâgda ekşer-i ḥâlde 'ufûnetli demden filigamûnî ḥâdiş olur. Ve ba'dı kerre olur ki o verem kelle kemiklerinde olan şü'ün dedikleri derzleri ayırır ve dimâgın taḥtında münbasıṭ olan cirm-i şebîkeyi müteḥalḥil eder ve karîb olur ki o verem ḥasebiyle baş ayrılıp münşakḳ ola. Ve o verem ḥasebiyle ağrı şedîd olur ve gözler kırmızı olur ve cidden gözleri cāḥıza olur ve yanakları cidden kırmızı olur. Ve mi'denin müşâreketi ḥasebiyle ba'dı kerre onlara kay ve ḡaseyân 'ârıd olur ve ḥilâf-ı mu'âd üzere olan istilkâya mâil olur ve istilkâsı niżâmın ḥilâfı üzere olur. Bu vech ile dimâga 'ârıd olan filigamûnî ekşer-i ḥâlde üçüncü gün kâtil olur. Ve üçüncü günü tecâvüz ederse şihḥat me'mûl olur.

Ve ma'lûm buyurula ki bu 'illet cidden şu'übetli değıldir. Eger cidden şa'b olsa idi dimâg mişlli kıvâmı rakîk olup eşref olan 'udv ona taḥammül eylemezdi ve sâ'atine helâk olurdu.

Ve dimâgî olan filigamûnînin mu'âlecâtı sersâm mu'âlecâtı gibi olur. Ve lisânın taḥtında olan damarı faşd eylemek bu âfete nâfi' olur [242b] ve menfa'ati şedîde olur, lâkin taḥt-ı lisânda olan damar kolda olan müşterek ya'nî ekḥal damarından ve sâir damarlardan faşd olunduktan sonra faşd olunur.

Fi'l-Ĥumreti ve'l-Kûba'l-Hârretheyni Fi'd-Dimâgi: Ĥumret o veremdir ki şafrâ-i hâlişadan hâdiş olur. “Kûbâ” demregi ma'nâsınadır, cevher-i dimâğin kendide ĥumret dedikleri verem ve kûbâ 'arîd olur, onların 'urûdundan veca' ve iltihâb-ı şedîd olur. Lâkin yüzü bârid olur harâret kâmine ve gizli olmak hasebiyle. Ve yüzü sarı ve ĥuşuşan gözünde şufret ziyâde olur mâdde-i münteşire şafrâ olmak hasebiyle. Bu hâlet 'arîda olduktan sonra def'aten harâret zuhûr edip yüzü ve gözü kızarır, ammâ aaleb-i hâli berd ve şufrete mâil olur ve ağzında yübüset-i şedîde olur ve bu ĥumrette sübâtan bir nesne olmaz. Ammâ filigamünide sübât olur, lâkin ĥumretin a'râdı hevl-nâk ve korkunç ve ĥummâsı şedîde olur. Ve 'ilâci şubârânın mu'alecesi gibi olur. Ve ekser-i hâlde yevm-i sâliste kâtil olur ve yevm-i sâlişi tecâvüz ederse necât bulur.

Ve şıbyânın dimâğına ĥumret 'arîd olup yâfûhu ve gözleri çukurlanır ve gözleri sararıp cemî'an bedeni yâbis olur. Ve yumurta sarısı ve gül yağıyla müberriden dîmâd olunup küllü sâ'atin tedbîl olunur ve bârid ve ra'ib olan 'uşârât ve buķûl ile başa dîmâd olunur ve 'ale'l-ĥuşuş kabak ve kavun kabuğıyla ve kıssâ ile mu'alece olunur.

Faşl-ı Râbî' Şubârâ Beyânındadır

Sersâm-ı ĥarr-ı şafrâvî ile ba'dı kerre ifrâţ üzere cünûn 'arîd olur, hattâ o müsersem mecnûn-ı muđtarib gibi hezeyân eder ve o sersâm ile olan ifrâţ-ı cünûna şubârâ derler. Sâzec olan qarânîţusta dahi hezeyân ve ihtilâţ-ı 'aql olur velâkin cünûn olmaz. Eger cünûn dahi olursa ona şubârâ derler. Ve yine eţibbâ derler ki ke-enne şubârâ manya ile qarânîţustan mürekkebirdir, nitekim qarânîţus o mâliĥülyâya benzer ki o mâliĥülyâ verem ve ĥummâdan mürekkeb olur ve çok kerre qarânîţusun muĥaddeminden cünûn olur ve sonra onu verem ve ĥummâ ta'ķîb eder ve qarânîţus o zamân şubârâ olur ki onun ĥudûşu ĥamrâ'-i nâşî'a olan şafrâ-i şırfeden veyâĥûd şafrâ-i muĥterikadan olur, zîrâ bu mâddeler dimâğa evvel vuşûlünde cünûn iĥdâş eder ve onunla ma'an veyâĥûd ondan sonra verem dahi iĥdâş eder. Pes qarânîţusta cünûn veremden 'arîd olur ve subârâda cünûn ve verem mâddeden ma'an 'arîd olur, eĥadühümâ âĥere sebep olmaz, lâkin ba'dı kerre her birisi âĥerin ziyâde olmasına sebep olur.

Ve kaçan şubārā zühûra başlasa seheri tavîl olur ve nevmi muđtarib olur ve nevminde feza^c eder ve sıçrar ve nefesi kebîr ve mütevâtir olur ve nisyânı olup bir şeyden su^{al} olunsa cevâbı su^{ale} muvâfık olmaz ve gözleri kırmızı olur ve hem gözleri muđtarib ve şakîl olur, ke-enne gözleri kurumuş ve kadîd olmuş şahmelere benzer ve ba^ı kerre zikri mürûr eylediği vech üzere gözlerinde şufret olur ve bu şürette kafâsında temeddüd ve veca^c ihsâs olunur buğârın teşâ^udu hasebiyle. Ve kezâlik gözlerinin birinden bi-gayri irâdetin dem^{an}ın seyelânı olur. Ve kaçan marađ karar ve istihkâm eylese hummâda şalâbet ve şu^übet ve lisânda huşûnet ve yübüset olur ve âhir-i marađda cüfünun hareketi sâkine olur kuvvet da^tife olmak hasebiyle ve harekât-ı bedeniyyesi hattâ cüfünunun yaⁿi göz kapaklarının hareketleri dahi da^tife olur, onda âsar-ı cünûndan hezeyândan mâ-^cadâ bir nesne kalmaz, onu dahi ^caczi hasebiyle kalîlen tekellüm eder. Ve ekser-i ikbâli zi^{bir}-i şiyâb ve tibn-i hîţân iltikâtına mâil olur yaⁿi şiyâblarda olan havları ve dîvârlarda olan saman çöplerini yolmağa mâil olur. Ve nabđının şıgârı ve da^fı ve şalâbeti artar yübüset olmak hasebiyle.

Ve ba^ı kerre şubārā mađd ve sâzec olmayıp mürekkeb olur, o şubārâda ^calîlin zikrinde ve harekâtında ve kelâmında ahvâli muhtelif olur merreten muntazıme ve târeten uhrâ o nesnelere intizâm olmaz.

Ve şubārânın ^cilâcı şafrâvî olan sersâmın bi-^caynihi ^cilâcı gibi olur, lâkin şubārâda tertîbe ri^âyet sersâm-ı şafrâvî ^cilâcında olan tertîbe ^cinâyetten keşiren ziyâde olur. Ve şubārâda vâcib olur ki marîdin etrâfını şedd ve raıbda ihtimâm oluna.

Faşl-ı Hâmis Lîşergûs Tesmiye Olunan Sersâm-ı Bârid Beyânındadır

Ona nisyân dahi derler, bu marađı olan kimse unutkan olduğu için. Lîşergûs o veremdir ki dâhil-i kıhfta balğamdan hâdiş olur. Ve bu sersâm-ı balğamînin ekseri cevher-i dimâğın mecârîsinde olur, hicâb ve bu^tün ve cirm-i dimâğda olmaz, zîrâ balğamın cem^c olup ağşiyeye nüfûzu ve kezâlik cevher-i dimâğa nüfûzu kalîl olur ağşiyede şalâbet ve cevher-i dimâğda lüzüccet olmak hasebiyle, nitekim zâtü'l-cenb marađında dahi ekser-i hâlde sebep-i fâ^cilî mādde-i şafrâviyye olur ve mādde-i balğamiyyenin zâtü'l-cenbe sebep olduğu nâdir olur, zîrâ şadrın ağşiyeleri şifâkî ve şulb olur, balğam

ona nüfûz eylemesi kalîl olur ve belki kalîlen nüfûz eder. Balgâmın nüfûzu dahi o balgâma şafrâ muhâlağa etmek hasebiyle olur ve mümkün olur ki sersâm-ı bârid ba'đı kerre dahi cevher-i dimâğın kendiyeye ve hicâblarına 'arıđ ola.

Ve lîşergusun ma'nası nisyân demektir. Ve bu 'illete nisyân etmek lâzım olmakla lâzımı ile tesmiye olundu. Bu 'illetin haqîkati zıkr olunan veremlerdir ki nisyân o vereme lâzım gelir. Ve bu ism hasebiyle eţibbâdan kavm-i keşîr haţâ edip zann eylediler ki nisyânın kendisi marađdır ve bilmediler ki aşl-ı marađ veremdir ve nisyân onun lâzımıdır. Ve ba'đı eţibbâ dimâğda olan verem-i bâridin küllisine lîşergus tesmiye eylediler gerek ise o verem balgâmî olsun ve gerek ise sevdâvî olsun, lâkin ekşer-i eţibbâ ve kezâlik eţibbâdan muhaqqıķın lîşergus ismini sevdâvî olan verem-i bârid-i dimâğî-yeye itlâķ eylemeyip o ismi balgâmî olan vereme tahsîs eylediler. Ve senin için iki nev'e dahi itlâķ eylemek câiz olur.

Ve bu 'illetin mâddesi seder 'illetinin mâddesine müşâbih olur, lâkin lîşergusta mâddenin istiħkâmı ziyâde olur. Ve bu 'illet hılt-ı balgâmîyi tevlid edip tebhîri olan nesnelere hâdiş olur, onun için soğan tenâvülünü iksâr edenlere 'arıđ olur. Ve toħmeden ve keşret-i şîrbden ve fevâkihi keşret üzere ekl edenlere dahi 'arıđ olur.

Ve lîşergusun 'alâmetleri bunlardır: şudâc hafif ve ħummâ leyyine olur, zîrâ 'ufünetli hılttan hâdiş olan vereme ħummâ lâzım gelir, lâkin veremin mâddesi bâride olmakla ħummâ hafife olur. Lîşergus bu ħummâ hasebiyle sübâttan fark olunur. Sübâtın ħummâsı olmaz, lîşergusta ħummâ-ı leyyine olur. Ve lîşergusta olan ħummâ ba'đı kerre ihsâs olunmaz ve o zamânda onunla şakîl olan sübât mevcûde olur hattâ 'alîl gözünü açtığı gibi sâ'atince yine gözünü yumar.

Ve lîşergus marađı olan kimseye nisyân dahi 'arıđ olur ve nefsi müteħalhil olup cidden baţîr olur ve nefesinin küllisinde yesîren đıķ olur ve büzâķ dahi olur ve cüşâsı ya'ni esnemesi ağzını açıp yumması çok olur. Ve ba'đı kerre esnemek mişli nesnelere için ağzını açar ve oynatır, ağzını yummak ħatırına gelmez, ağzı açık kalır. Ve unutmaya ve ağzını yummađı kaşd ve irâde eylese tekâsülünden yummaz. Ve onda inķırık dahi olur mi'ndenin şirketî hasebiyle. Ve lisânı ebyađ olur. Ve cevâbdan ve göz ka-

paklarını tahrîk eylemekten keslân üzere olur ve ʿaqlında ihtilâf olur. Ve berâzı ekser-i hâlde raṭb olur, eger kuru dahi olur ise kuruluğu muʿtedil olur ve bevli hımâr bevli gibi olur.

Ve baʿdî kerre lîşergûs aşhâbına raʿşe ʿarîd olur ve eṭrâfı dahi terler ve onlar qarânîṭus aşhâbının hilâfı üzere olurlar, zîrâ lîşergûs aşhâbı firâşından aşâğı münhadir olur, ammâ qarânîṭus aşhâbı tesaʿud ederler yastık üzere ve tâkât-ı beyte şuʿud ederler. Ve lîşergûsta nabḍ ʿazîm ve mütefâvit ve baṭîʿ olur ve zelzelî yaʿnî mürtaʿiş ve mütemevvic olur ve zâtü'r-riye nabḍına müşâbih olur, lâkin ʿarḍ ve ṭülü eḳall olur ve buṭu ve tefâvütü qarânîṭustan ekser ve ezyed olur ve ihtilâfı qarânîṭus ihtilâfından eḳall olur, onun için ki [243a] ḳalbin lîşergûstan teʿezzîsi qarânîṭustan teʿezzîsinden eḳall olur.

Ve sersâm-ı bâridde “el-vâkıʿ fi'l-vast” tesmiye olunan nabḍ keşîrî'l-vuḳûʿ olur, zîrâ bârid olan sersâmıda ḳuvve-i hayvâniyye eslem olur ve ḥummâsı eḳall olur ḳalbden baʿid olmak ḥasebiyle. Ve sübâtı ekser olur, zâtü'r-riyede eḳall olur, zîrâ sersâm-ı bâridde mâdde nefis-i dimâğda olur, ammâ zâtü'r-riyede mâdde dimâğa riyeden müteşâʿide olur ve lâ-mahâle dimâğda mütemekkiye olan mâdde müteşâʿide olan mâddeden sübâtı ziyâde ihdâş eder. Ve bu zîkr olunan ʿalâmetler balgamî olan sersâm-ı bâridin ʿalâmetleri idi.

Ve baʿdî eṭıbbâ ḳavli üzere sevdâvî olan verem-i dimâgiyye dahi sersâm-ı bârid ve lîşergûs tesmiye olunur idi. Binâen ʿaleyh sevdâvî veremin ʿalâmetlerini dahi bu maḥallde zîkr lâzım geldi, o ʿalâmetler bunlardır: Sevdâvî olan sersâmıda vecaʿ eşedd olur ve ḍucret ve hezeyân olur ve göz açık ve mebhûte yaʿnî müteḥayyire olur. Ve sevdâvî lîşergûs dimâğın cevherinde olur ise sübât eşedd olur ve ḥarekât ʿusretli olur ve vecaʿın rehâvete meyli olur. Ve lîşergûs ḥicâbıda ise vecaʿ eşedd olur ve ḥarekât eḳaff olur ve onda nisyân ḥasebiyle ve ʿaḍale-i mübevvilenin ḍaʿfı ḥasebiyle ihtibâs-ı bevli keşîr olur.

Ve insânın lîşergûsa şâir ve müstaʿidd olmasının ʿalâmeti başta keşret-i ihtilâc olur ve çok seğirir ve kesel ve şıḳal olur. Kaçan lîşergûsta aʿrâḍ müştedde ve ʿaraḳ cidden keşîr olsa o ʿillet kâtil olur çok terlemek ḳuvveti iskâf eylemek ḥasebiyle. Ve kaçan nefeste vüsʿat ve cevdet olup aʿrâḍda inḥıṭâf olsa ʿalâmet ceyyide olur, meʿâli selâmete olur ḥuşuşan ki bu ʿalâmetler ile

kulak ardında verem zühür eyleye, zîrâ dimâğ emrâdının buhrânı ekseriyyâ kulak ardında verem ihdâşıyla olur.

el-İlâc: Eger mâni^c yok ise evvelâ faşd edip ba^cdehu harâretli hıkneler isti^cmâl edersin ve mevâddı esfele cezb edersin. Ve bir yeleşi bal ile hardala bulaştırıp onunla ^calîli vech-i ma^chûd üzere kusturursun ve aydınlık odada iskân edersin ve sübâtta istiğrâktan onu men^c edersin intıbâha ibrâm ve ilhâh etmekle. Ve evvel-i emrde dühn-i verd ve hall ile mäddeyi men^c ve red^c edersin ve iki gün mürûrunda dühn-i verd ile halle cünd-i bîdester halı edersin ve halli ^cunşul halli kııarsın ve ona mâ-ı bârid saşy eylemezsin ve saşy edersen dahi kalilen saşy edersin ve mâ-ı bârid saşyını her hâlde men^c edersin, lâkin zamân-ı ibtidâda ve zamân-ı intihânın âhirinde hâşşaten men^c-i şedîd ile men^c edersin.

Ve bu tedbîrlerden sonra bedeni zeyt ile ve na^ctrûnla ve ısırğan tohumu ve mâzeryûn tohumu ve büber ve ^cakırkarhâ ve bunlara müşâbih edviyeler ile temrîh edip ovarsın ve taşlılı kavî olan netûlâtla tenîl edersin. Ve kezâlik şemûmât ve ^ca^cüşât ve ğarâğır-ı mülâttıfe ve *Kânûn*'da bildiğın edviye-i sâireleri isti^cmâl edersin. Ve eger ^calilin başı üzere ^cunşul isti^cmâl eylesen ziyâde nâfi^c olur huşûşan isti^cmâl eylediğın ^cunşul tâze ve ra^ctb ola. Ve kezâlik muhammirât-ı sâireyi dahi isti^cmâl edersin ve hardal letûhunu dahi isti^cmâl edersin. Ve ^calilin etrâfını ya^cnî ellerini ve ayaklarını kızarıp müte^cellim olunca kadar delk ve ğamz edersin. Ve bu delk ve ğamzın menfa^cati ^cazîme olur.

Ve o ^calîl sübâtla müstağrak oldukça tüylerini medd ve cezb edersin ve ba^cdı tüyünü dahi netf edip yolarsın ve kâfâları nukresi üzere min-ğayri şartın nârdan mehâcim va^cd^c edersin ve ba^cdı kerre istifrâğ-ı deme muhtâc olduğunda şart dahi edersin.

Ve o merzâlardan birine ğıdâ versen onun ğıdâsını mâ-ı türmüs ve mâ-ı hımmaş ve mâ-ı keşk kııarsın ve onların bu vech üzere ğıdâsını verdikten sonra ellerini ve ayaklarını birkaç sâ^cat ğamz eyle, zîrâ o ğamz buhrânı fevke teşâ^cudunu men^c eder.

Ve illet uzayıp ishâl hâcet olsa ve huşûşan ^calilde ra^cşe zühür eylese ona sen cünd-i bîdesterden bir mişkâlin iki şülüşünü saşmünyâdan mişkâr-ı kalîl ile ya^cnî bir dâniğtan e^call ile saşy eyle. Ve eger hummâsının ifrâtından havf edersen saşmünyâyı terk edip yalnız cünd-i bîdesteri isti^cmâle

tedbîrini kaşr eyle ve istifrâğdan tebdîl-i mizâcla iktifâ eyle ya'ni müstefriğ vermeyip mizâcı tebdîl eden edviyeyi isti'mâl eyle.

Ve istifrâğatın evlâsı hûkne ile olan istifrâğdır. Ve hûkneden gayrı müstefriğe muhtâc olur isen eyâric-i feykarâdan bir dirhem, şaḥm-ı ḥanzal rubu' dirhem, helilecden şülüş dirhem, maştakîden bir dâniḳ ile müşhil terkîb edip saḳy eyle, eger ḥummâ şedîdetü'l-ḥarâret olmayıp bu müşhilin o 'alîli ishâl eylemesine ic'timâdın var ise. Eger ic'timâdın yok ise ona ḥamûle ḥaml eyle veyâḥûd şiyâf eyle tâ ki iki sebep cem' olup ya'ni hem saḳy ve hem müşhil ve hem taḥmîl-i ḥamûle ic'timâ' edip ishâl eyleye. Ve o 'alîle tenbîh ve teklîf eyle ki ḥâcetini kaçâda tekellûf eyleye. Ve o 'alîle bevl ve berâzını nisyân 'arîd olur ise iki ḥâliblerini ve baḥnını o matbûḥla tenḫil eyle ki onda bâbûnec ve iklîlü'l-melik ve benefşec ve süsen kökü taḥḫ olmuş ola. Ve bevl eylesin için meşânesini dahi ḡamz eyle. Ve kaçan 'illet müntehiye olsa onda erâciḥ ve ḥaml ve isti'mâl eyle ba'ḍehu riyâdet-i yesîre isti'mâl eyle ya'ni salıncakta taḥrîk ve dâbbeye ḥaml eyle. Ve bunlardan sonra yayan yürüt ve nâḳıhlarda eylediḡin mu'âlecâtla 'ilâc eyle.

Faşl-ı Sâbîf Kelle Kemiḡi İçinde Ḥâdiş Olan Mâiyyeti Bildirir

Ba'ḍı kerre kıḫfın dâḫilinde mâiyyet müctemi'a olur ve ḥâric-i kıḫfta dahi mâiyyet müctemi'a olur ve onun edillesini ve 'alâmetlerini qarîben beyân eyleriz inşâallâhu ta'âlâ. Eger o mâiyyet dâḫil-i kıḫfta olur ise onun maḥalli ḡışâ-i şulbün fevḳi olur ve o ḡışâ-i şulb üzerinde ic'timâ' eden sunun 'alâmet-i ic'timâ'ı budur ki dâḫil-i kıḫfta şıḳal iḥsâs olunur ve gözü yummak 'usretli olur ve belki gâḥice müte'azzir ve mümteni' olur ve gözü ruḫûbetli olur ve dâima dümû'u akar ve cereyân eder. Ve bu mişlli olan âfet ḫile ve 'ilâc ḳabûl eylemez.

Faşl-ı Şâmin Ḥâric-i Kıḫfta Ḥâdiş Olan Şişleri ve Ḥâric-i Kıḫfta Müctemîf Olan Mâiyyeti ve Şıbyânın 'Uḫâsını Ya'ni Şabîlere 'Arîd Olan Aksırıkları Beyân Eder

Ve başın taşrasında olan ḡışâ-i mücellile ḫârre ve bâride olan veremlerden her biri 'arîd olur. Ve ba'ḍı kerre dahi o ḡışâda mâiyyet müctemi'a olur ḫuşuşan şabîlerin ḫâric-i kıḫflarında mâiyyetin ic'timâ'ı ziyâde olur

ve ahyānen kibārda dahi olur. Ve bu illet bir illettir ki kıh̄f kemiği ile başın derisi arasında māiyyet cem^c olur veyāhūd o māiyyet h̄āric-i kıh̄fta olan iki hicāb arasında vāki^c olur. Ve alāmeti budur ki māiyyetin h̄āric-i kıh̄fta ictimā^cı maḥalli münḥafid olur ya^cnī çukur olur ve onda ağlamak ve uykusuzluk çok olur. Ve bu āfetin şıbyāna ārid olduğu ekşer-i emrde kâbilenin ḥaṭāsı ḥasebiyle olur, şıbyānın yāfūhuna eli ile ḡamz eder ve o maḥalli tefrīk eder ve urūḡun ağızlarını açar ve derinin altına māiyyetli dem cereyān edip müctemī^a olur ve ba^cdı kerre cārī olan mādde aḥlāt-ı sāire olur. Ve kaçan başın derisinin levni levni-i cild üzere olup fevk cānibine nütū^u ve irtifā^cı olsa velākin üzerine basıldıkta esfele mündefī^a olup çukurlansa delālet eder ki o mādde-i müctemī^a māiyyet olur ve eger cild-i re^sin levni müteḡayyir olup ve lemsin ḥālī māiyyet ḥālının ḥilāfı üzere olsa ya^cnī ḡamz olundukta ingimāza muṭāvi^c olmasa ve basılmakla çukurlanmasa veyāhūd onda veca^c ve lez^c iḥsās olunsa o mādde-i müctemī^a h̄āric-i kıh̄fta ḥādīs olan verem olur. Pes şıbyānın başında bu māiyyet keşīrū^l-vukū^c olur.

Ve muṭlaḡan māiyyeti olan re^sin aḥvālī ta^carrūf ve tefahḡuş olunur ki o re^ste olan māiyyet keşīre midir veyāhūd ḡalīle midir ve o māiyyete ḡahr olunup [243b] ḡuvvet ile mess olunsa h̄āricden dāḡile mündefī^a olur mu veyāhūd muḡāvemet edip indifā^cı ḡabūl eylemez mi. Eger mādde keşīre olup ve defⁱ dahi ḡabūl eylemez ise mu^cālece terk olur ve eger mādde ḡalīle olup cild ile kıh̄f arasında istimsāki ve ḡarārı olur ise ona sen şaḡḡ ile mu^cālece eyle yā arḡdan şaḡḡ-ı vāḡid ile şaḡḡ eyle yāhūd iki şaḡḡ ile şaḡḡ eyle ki her biri āḡeri teḡātu^c eyleye veyāhūd üç şaḡḡ ile şaḡḡ eyle ve her şaḡḡı āḡeri taḡṡī^c eyleye. Şaḡḡta bu iḡtilāf māddeinin ḡilleti ve kesreti ḡasebiyle olur.

Ve bu şaḡḡ ile mādde istifrāḡ ve iḡrāc olunduktan sonra mevḡi^c-i şaḡḡı şedd ve rabṡ eyle ve üç gün miḡdārı üzerine zeyt ve şarāb vaḡ^c eyle ba^cdehu baḡmı çözüp iḡtiyāc kalır ise cirāḡatine merhem ve fetīl ile mu^cālece eyle. Eger fetīle ve merheme muḡtāc olmayıp ḡayṡ ve derz kifāyet eder ise dūrūz-ı sevb ilşāk olunduḡu gibi dikip ilşāk eyle. Ve onun iltihāmında baṡı^p olur ise ya^cnī laḡmı geḡ biter ise eṡibbā emr eylediler ki o zamān baş kemiği ḡafifen cerd olunur ya^cnī etin bitmemesi azmın saṡḡında olan nebāt-ı laḡ-

ma mâni^c eczâ-i fâsîdelerden ise. Ve a^cazmın üzerinden o eczâ-i fâsîdeleri rıfık ile kazanıp baş ta^chîr olunur ve mâni^c'in zevâli ile tâze etler biter.

Ve hâric-i kıhfta olan mâiyyet cidden kalîl olur ise a^cdmide ile o hıltı ta^chlîl eylemek sana kifâyet eder, ammâ başta olan evrâmin hârr ve bâridini melmes ve levn ile ta^carrûf edip bilirsin ve o vereme ilşâk olunan nesnelere veremin muvâfa^ckatı ve muhâlefetinden dahi bilirsin. Meselâ üzerine hârr nesne va^c olursa vereme o nesne muvâfık olur ise mâddenin ve veremin bârid olduğunu bilirsin ve bârid nesne va^c olursa vereme muvâfık olması ile veremin hârr olduğunu bilirsin. Ve o veremlerde gerek hârr ve gerek bârid olsun kıhfi dâğıt elem ihsâs olunur ve el ile lems olundukta dahi elem işâbet eder, pes hâric-i kıhfta olan bu evrâma sersâm mu^câlecâtının e^chaffı ile mu^câlece edersin ve ma^ca-hâzâ mu^câlecât-ı kaviiyyeler ile ilâc eylesen dahi dârarından emîn ve sâlim olursun. Ve bu illette hacâmetin nef'i faşdın nef'inden ekşer olur.

Ammâ şıbyâna cârîd olan c^cu^ctas ya^cnî aksırıklar ilâcında lâyı^cık olan budur ki o illeti olan şabînin mürdî^casına arpa suyu veyâhüd arpa sevîkının suyu sa^cky olunur eger şabîde ishâl var ise. Ve yine ishâl olduğu ta^ckdîr üzere kavrulmuş tabâşîrden bir miqdâr sa^cky olunur ve kavrulmuş semiz ot tohumu sa^cky olunur. Ve bu illette ishâl-i redî olur, zîkr olunan nesnelere ile ishâl ka^c olunmak gerektir. Ve mürdî^caya vâcibdir ki ıssı su isti^cmâlinde ihtirâz eyleye ve şabînin yâfûhuna müberrid benefşec va^c eyleye.

Dokuzuncu Faşl Sübât-ı Seherî Beyânındadır

Ba^cdı e^cttbâ bu illette şuhûş itlâk ederler, lâkin bu illet şuhûş değıldir belki şuhûş-ı cümüd tesmiye olunan illetten bir nev^cdir; sübâta şuhûş itlâk olunmaz. Ve biz deriz ki sübât-ı seherî dedikleri illet illet-i sersâmiyyedir ki sersâm-ı hârr ve sersâm-ı bâridden mürekkeb olur, zîrâ sübât illetinin veremi balgâm ile şafrâdan hâdiştir. Ve onların heyecân ve hareketine sebep olan o imtilâdır ki onu nehem ya^cnî ekl ve şürbü ve sekri ikşâr tevlid eder.

Ve bu iki hılt ya^cnî balgâm ile şafrâ ba^cdı kerre mu^ctedil olurlar ve ba^cdı kerre dahi şafrâ balgama veyâhüd balgâm şafrâya gâlibe olur. Eger balgâm şafrâya gâlib olur ise ona sübât-ı seherî derler ve eger şafrâ balgama gâlib olur ise ona seher-i sübâtî derler.

Ve baʿdı kerre olur ki bi'ş-şahş müttehid olan marağ-ı mezkûrun birinde bir vakte balğam şafrâ üzerine gâlib olup sübât ve şıkal ve tağmîd ihdâs eder ve suʿâl olunsa ona cevâb vermek ağır gelir ve baʿde-mühletin cevâb verir ve çok fikr eyledikten sonra cevâba taşaddî eder. Ve yine o marağda vaqt-i uhrâda şafrânın hükümü galebe edip o şafrâ erağ yaʿnî uykusuzluk ve hezeyân ve muttaşilen taḥdîk yaʿnî nazarı bir maḥalle muttaşiletten dâim kılmağa sebep olur. Ve biz o kimseyi sübâtta istiğrâka mâniʿ oluruz ve onu mütenebbih eyleriz, ḥâli üzere istiğrâқта terk eylemeziz, zîrâ galebe-i şafrâdan ḥâdiş olan sübât şâhibi tenbîh ile mütenebbih olur.

Ve balğam galebesinden ḥâdiş olan sübât şakîl olur ve tekellûf edip gözünü açsa göz kapaklarını imsâke kâdir olmayıp kendi kendiye kapanır. Ve şafrâdan olan sübâtta ednâ tenbîh ile mütenebbih olur ve hezeyân eder ve hareketi kaşd eder ve gözünü açar, taraf ve tağmîdi olmaz yaʿnî gözünü açıp yummaz belki sersâm aşḥâbında olduğu gibi taraf-ı aʿlâsı müncezib olup göz açık durur ve gayr-i tabîʿî olan istilkâyı iştihâ eder ve yüzünde tehebbüc olur ve yüzü ḥudrete ve ḥumrete mâil olur ve ekser-i aḥvâlinde göz kapağı fevḳ cānibine müncezib olur ve gatt edip uykuda hırıldayan kimse gibi horlar ve gözünü açsa aşḥâb-ı cümüd u şuhûşun fetḥi gibi açar yaʿnî fetḥi cefn-i aʿlâsının incizâbıyla olur, taraf ve gamz ile olmaz. Ve nutḳ eylese kelâmının niżâmı olmaz ve içtiği su boğazından aşâğı geçmez ve baʿdı kerre burnundan çıkar. Ve kezâlik bulamaç ve aḥsâ gibi izdirâdı sühûletli olan eḥime dahi şeraḳ ihdâs edip boğazından geçmez. Ve bu ʿalâmetler seher-i sübâtının redâʿeti ʿalâmetleridir. Ve çok kerre bevl ve berâzın maʿan ihtibâsı ʿarîd olur veyâḥüd ikisinden dahi kılet olur ve dîk-ı nefes dahi ʿarîd olur. Ve aḥvâlinde çok ḥâli ihtinâk-ı raḥim aḥvâline müşâbih olur, lâkin ihtinâk-ı raḥimde vech ḥâl-i şihḥîsi üzere bâkî olur ve sübâtta bildiğin vech üzere müteğayyir olur. Ve ihtinâk-ı raḥimin sâir aḥvâli bâbında mezkûr olur. Ve bu ʿalîle tekellüm için cebr olunur ve fehm için dahi cebr mümkün olur ve raḥiminde ihtinâk olanlara tekellüm ve fehm için cebr mümkün olmaz mādâm ki ihtinâk bâkî ola.

Ve bu ʿillet lîşergusa dahi ʿavârıdda müşâbih olur, lâkin bunda yaʿnî seher-i sübâtide vech zikr olduğu üzere ḥâl-i şihḥat gibi olur, müteğayyir

olmaz, lâkin lîşergusta müteğayyir olur. Ve bu ʿillette seher ʿarîd olur ve min-ğayri ʿarfîn tefṭîh-i ʿayn olur ve bunda ḥummâ şedîd olur.

Ve bu ʿilletin ʿarânîṭusa dahi müşâbeheti olur, lâkin ʿarânîṭustan farkı budur ki bunda sübât ekser ve hezeyân eḳall olur ve ʿarânîṭusta ʿaks üzere olur.

Ammâ bu ʿilletin sâir müşâbihlerinden nabḍ ḥasebiyle farkı budur ki bunda sübâtın nabḍı serîc ve mütevâtîr olur verem ve ḥummevî aḥlâṭ ḥasebiyle ve bu vechten lîşergus aşḥâbının nabḍına muḥâlif olur verem ve balḡam ḥasebiyle. Mesbûtun nabḍı ʿarîd ve ʿaşîr olur ve ʿaşîr olması ʿarîd olmak ḥasebiyle olur ve bu vechten ʿarânîṭus nabḍına müfârîk ve muḡâyir olur. Ve bunlardan mâ-ʿadâ mesbûtun nabḍı lîşergus nabḍından aḳvâ ve ʿarânîṭus nabḍından aḍʿaf olur. Ve mesbûtun nabḍı mütemeddid ve mütesennic ve mütefâvit olmaz, iḥtinâḳ-ı raḥimde bu nabḍlar olduḡu gibi belki mesbûtta kuvvet sâkıta olup nabḍ mütevâtîr olur.

el-Muʿâlecât: Mesbûtun aşnâfı beyninde müşterek olan muʿâlecesi senin maʿlûmun olan faşddır ve baʿdehu iḥtikândır. Ve iḥtikânın ḥiddeti ve lîni mādde ḥasebiyle ziyâde ve nokşân kılınır. Ve maddenin keyfiyyeti zikri mürûr eden ʿalâmâtla bilinir. Ve mesbûtta olan balḡam ve şafrânın muʿtedil olduḡu veyâḥûd balḡamın veyâḥûd şafrânın ḡalebesi ʿalâmât-ı mezkûreden bilinir.

Ve ʿarânîṭus aşḥâbından ḡidâ menʿ olunduḡu gibi mesbûtta dahi ḡidâ menʿ olunur ḥuşuşan [244a] ikşâr-ı ʿaʿâmdan ḥâdiş olan sübâtta ḡidâdan menʿ ziyâde mühimm olur. Ve sübâtın ikşâr-ı ʿaʿâmdan ḥâdiş olan şınfın ʿilâcında ḳayʿ dahi istiʿmâl olunup miʿdesi tenḳiye olunur.

Ve eger sebab-i ḥudûşu sekr olur ise sekri munkatîc olunca ḳadar muʿâlece olunmaz ve inḳıṭâdan sonra başı muratṭıb olan edviye ile muʿâlece olunur ve muʿâlece muratṭıbat-ı reʿse ḳaşr olunur ve âḫirü'l-emr ḥumârın âḫir ʿilâcıyla muʿâlece olunur.

Ve aşnâf-ı sübâtın zikri sâbîḳ olan cemîʿan neṭûlât ve dîmâdât ve ʿaṭûsâtta iştirâkleri olur ve şürben ve iḥtinâḳan istiʿmâl olunan senin bildiḡin müstefriḡât-ı laṭifelerde dahi iştirâkleri olur. Ve bu edviyeler sübâtta ʿarânîṭusta emr olunduḡu gibi olmaz ve kezâlik lîşergusta emr olunduḡu gibi dahi olmaz belki sübâtta istiʿmâl olunan edviyelerin bürüdeti ʿarânîṭus edviye-

lerinin bürüdetinden nokşân olur. Ve kezâlik sübât edviyelerinin sühûneti lîşergus edviyelerinin sühûnetinden nokşân olur ve belki sübâtın edviyeleri bârid olan devâlar ile hârr olan devâlardan mürekkeb olur. Ve sübâtın mevâddında bu şafrâ ve balgâmdan hangisi gâlib olur ise gâlibin ʿilâcına muvâfık olan eczâlar ziyâde kılınır, meşelâ şafrâ ziyâde ise bârid devâlar ziyâde kılınır ve balgâm ziyâde ise hârr devâlar ziyâde kılınır. Ve *Qânûn*'da bu devâların zikri mürûr eyledi ve şafrâya ne mişlli edviye ile ʿilâc olunur ve kezâlik balgama muʿâlece hangi devâlar ile olur cemʿan beyân olundu.

Ve vâcib olur ki sübâtta eger şafrâ gâlib olur ise onun neṭülünde söğüt yaprağı ve benefşec ve süsen kökü ve şaʿîr ile babadya ve iklîl-i melik ve durak otu idhâl olunur. Ve baʿdı kerre mesbûta şarâb-ı haşhâş saqı olunur eger o ʿalîle balgâm galebesinden havf eylemez isen. Ve mesbûta şarâb-ı haşhâş saqıyından maṭlûb olan, mesbûtu tenvîm eylemektir. Ve eger sübât maddesi olan şafrâ ve balgâm mütesâvîler olup birinde galebe yok ise bu edviyeler üzere şîh ve merzencûş ziyâde kılınır. Ve eger balgâm gâlib ise varağ-ı ğâr ve sezâb ve fûdenc ve zûfâh ve cünd-i bîdester ve saʿter ziyâde kılınır ve admide ve huḫunda dahi hâl bu minvâl üzere olur. Ve bu *Qânûn*'un ve emr-i küllînin tahtında mûnderice olan edviye-i cüzʿiyyeleri senin için akrabâdînden aḫz ve iltikât eylemek vardır.

Ammâ bu maraḫın âhirinde ve zamân-ı inḫitâtında neṭülât-ı bârîdeden ictinâb eyle ve bildiğın mûlaṭṭıfâta iktîşâr eyle baʿdehu mâ-ı hamîm yaʿnî ıssı su ile ğasl edip nâkıhlara bildiğın mûlaṭṭıfât iktîşâr eyle baʿdehu mâ-ı hamîm yaʿnî ıssı su ile ğasl edip nâkıhlara eylediğın tedbîr gibi tedbîr eyle.

Onuncu Faşl Şeccenin Yaʿnî Başa ʿÂrıd Olan Teferruğ-ı İttişâlin ve Baş Derisinin İnḫitâfının ve Bu Mecrâya Cârî Olan Âfetlerin Beyânındadır

Başta vâkıʿ olan teferruğ-ı ittişâl ya deri ile laḫmın mecmûʿunda olur veyâḫûd ʿazmda dahi olup mûdîḫa veyâḫûd hâşime veyâḫûd munakḫıle veyâḫûd simḫâḫ olur. Mûdîḫa o şeccedir ki deri ve laḫm munḫatıʿ olup kemik zâhir olur. Ve hâşimedede kemik dahi kırılıp pârelenir. Ve munakḫılede kemik kırıldığından mâ-ʿadâ onun bir kıṭʿası maḫallinden tahavvül edip hârice çıkar veyâḫûd ḫurde ḫurde olur. Ve simḫâḫ fi'l-aşl

ķıĥfı mŭcellil olan ġıřānın ismidir. Pes ařnāf-ı řicācdan simĥāķ o řeccedir ki deri ve et kesilir ve o ġıřā ĥāricden ġörŭnŭr. Ve simĥāķ ařnāfından bir řınıf vardır ki ona fuķre derler, o řınıfta simĥāķ berelenir ve teverrŭm eder ve veremi semriyip mantar gibi ĥārice ķıkar, onun iķin o řeccenin ismine fuķre derler.

Ve řicācın iki řınıfı dahi vardır ki birine āmme ve āĥerine cāyife derler. Āmme o řeccedir ki ŭmmŭ'd-dimāġ olan ĥicāblara bāliġ ola. Ŭmmŭ'd-dimāġ cevher-i dimāġı muĥıķ olan ĥicāb-ı ġalīz ve ĥicāb-ı raķīķlerdir. Ve recā olunur ki řāĥib-i *Ķānŭn*'un cāyifeden murādı dāmiġa ola. Ve dāmiġa o řeccedir ki ŭmmŭ'd-dimāġların dahi ittiřāli mŭteferriķ olup nefsi dimāġ ġörŭne. Ve cāyife o cirāhattir ki cevfe ve baķna vāřıl ola. Pes bu taķřim bařta olan řicācı taķřim olmakla cāyife-i mŭteārefi īrād eylemek bu maĥalle mŭnāřib olmaz, bināen āleyh cāyife ile dāmiġa murād olunmak mŭteāyyin olur. Ve dāmiġada ĥaķar-ı āzīm vardır, ĥattā dāmiġa ġālib-i ĥāldde mŭĥlik olmakla Īmām Muhammed ĥādetleri aķřām-ı řicācı zıķr eyledikte onu zıķr eylemedi. Ve řāĥib-i *Ķānŭn* der ki:

Kaķan řecce dimāġın ĥicābına ve ġıřāsına vāřıl olsa řecce cānibinde istiřĥā ve muķābilinde olan maĥallerde teřennŭc ĥādiř olur. Ve eger řecce ŭmmŭ'd-dimāġda mŭntehiye olup dimāġa vāřıl olmaz ise eslem olur ve eger kaķ ve teferruķ-ı ittiřāl dimāġa vāřıl olur ise ĥummā ve ķay-ı mirār ĥādiř olup felāĥ bulan nādir olur. Ve bunlardan selāmete aķreb olan iki baķn-ı muķaddemde olan řeccelerden fuķre tesmiye olan řecceye māil olanlar olur, zīrā sŭrāt ile tedbīr ve tedārŭk olunsa řecce mundaamm olup bitiřir, ammā baķn-ı muāĥĥarlarda olan řeccelerin inķimāmı ařāb olur. Baķn-ı evsaķ ŭzerinde olan řeccelerin iltiyāmı baķn-ı muāĥĥardan dahi ařāb olur ve ĥālet-i ŭlāsında āvd ve rŭcŭu ziyāde baīd olur, lākin řeccesi ķalīle ve yeřire olup tedārŭkünde sŭrāt olunur ise o zamān ĥālet-i ŭlāsına āvdet eder.

Ammā řeccelerin āilācı budur ki gerektir ki sŭrāt olunup evvelā veremin ĥudŭsuna māniā olan muālecelerden reāsin ve dimāġın taĥammŭl eyledikleri tedbīr[ler] istiāmāl oluna. Ve o muālecātın tafřili maķlŭb olur ise cild ve laĥmda olan řeccelerin mufařřalan āilācını biz kitāb-ı rābiāde ķurŭĥ muālecelerini zıķr eylediġimiz maĥallde zıķr ederiz, o maĥallden taleb oluna. Ve kemiġin inķisār ve inķiķācını dahi bābu'l-kesri ve'l-cebrde zıķr eyleriz.

Ve eṭṭibbā için kışfta olan munakḳıle şeccesi ʿilâcında iki mezheb vardır. Mezheb-i evvel budur ki onun ʿilâcında o edviyeler istiʿmāl olunur ki onların keyfiyeti hâdiye ve sâkine olur velâkin vecaʿı ve elemi teskîni ekşer ve eşedd olur. Mezheb-i sâni budur ki o şeccede tecfîfi şedîd olan edviyeler istiʿmāl olunur, lâkin bu edviyeleri istiʿmāl o kırılan kemik parçasında kışfta ittîşâl var ise kaṭʿ ve ihṛâc olunduktan sonra ve eger kırılan parça külliyyen teferruḳ edip baṭnda kaldıysa ḥârice ihṛâc olunduktan sonra olur ve münkesir olan kemikler ḥâricden şeccenin üzerine edviye-i cezzābe ve merâhim vaḍʿ olunmakla cezb olunur ve baʿde'l-cezb üzerine ḥall ve ʿaselden letûh vaḍʿ olunur. Ve ikinci mezhebde selâmet-i mezheb evvelde olan selâmetten ekşerdir ve şedîdü't-tecfîf olan edviye istiʿmâli bu bâbda ʿacîb deĝildir. Câlînûs der ki ĝîşâ ve ʿazmın mizâcları yâbislerdir, onların muʿâleceleri vetîre-i uḥrâ üzere olur Allâhu aʿlem. [244b]

Dördüncü Maḳâle Baştâ Olan O Emrâḍ Beyânındadır ki Onun Ekşer-i Maḍarratları Ḥiss ve Siyâset Fîllerinde Olur Yaʿnî Ḥavâss-ı Ḥamse-i Zâhire ve Ḥavâss-ı Ḥamse-i Bâṭine Fîllerinde Olur. Ve Bu Maḳâlenin Fuşûlünden:

Faşl-ı Evvel Sübât Beyânındadır

Sübât ifrâṭ üzere olan nevm-i şakîle ıtlâḳ olunur. Eger ifrâṭ nevmin müddetinde ve keyfiyyetinde maʿan olur ise yaʿnî müddeti ṭavîl ve heyʿeti ziyâde kavî olup tenbîh ile mütenebbih olması ziyâde şüʿbetli olur ise ona sübât tesmiye olunur. Ve bu iki vech üzere ifrâṭı olmayan nevm-i şakîle sübât tesmiye olunmaz.

Ve muṭlaḳan nevm aşnâfının bir sınıfının miḳdârı ve keyfiyyeti ṭabîrî olur ve bir sınıfı dahi şakîl olur ve bir şımf-ı âḫeri dahi sübât-ı müstaĝrak olur. Ve bi'l-cümle aḳsâm-ı selâşeye şümülü olan nevmin mâhiyyeti ervâḫın âlât-ı ḥiss ü hareketten mebdʿine yaʿnî dimâĝa rücûʿ eylemesidir o vech üzere ki âlât-ı mezkûre efʿâlini işlemekten muʿaṭṭal olur, ḥiss ve hareketten beḳâ-i ḥayâtta ḍarûrî olan teneffüs fiʿlinden mâʿadâ efʿâlini işlemeĝe ḳâdir olmaz. Ve ʿale'l-ıtlâḳ nevm-i ṭabîrîde rûḫ-ı ḥayvânî ĝıdâyı ḥaḍm ve

indâc için bâtına müncezib olur ve ona tebe'iyet edip rûh-ı nefsanî dahi bâtına rücû eder. Ekser-i hâlde ecsâm-ı laîfe-i mütemâziceden birisi hareket eylese âhlerleri dahi ona tebe'iyet eder dâret-i halâ hasebiyle.

Ve ba'dı nevmde dahi ervâhın mebd'ine rücû'u istirâhat için olur, zîrâ mebd'inde müteferrih olan eczâları ictimâ eder ve taḥallül eden cüz'leri tekmil olur ve da'fı takviye olunca kadar mebd'inde eğlenip o müddette hiss ve hareket âletleri mu'at'ale kalır ve istirâhat olan nevmde qarîb olur.

O nevm ki marîde def'aten ve müşârefeten 'arîd olur, istiğrâk üzere uyur ve râhat eder. Ve o nevm ki marîdin sükûnuna delâlet eder, lâkin o mişlli nevm-i tavîl ü müstağrak eşihhâya müşârefe eylese hayra delâlet eylemez. Ve bu mişlli nevmin müşârefesi devâ ile mevâdd-ı keşîre istifrâğ edenlerde dahi olur ve o uyku nâfi olup istifrâğla zâile olan kuvveti istirdâd eder.

Ve bir nevm dahi 'arîd olur ki 'ale'l-ıtlâk tabîr olmaz belki rûhta taḥallül ziyâde olur, mevcûd ve bâkî kalan ervâh kalîle olur ve hiss ve hareket âletlerine münbasit olmak müteyessir olmaz ve tekmil-i kuvvet ve tetmim-i kemmiyyet için mebd'ine rücû eder. Ve bu nevm riyâdet-i kavîyye ve ta'abdan sonra vâki olur. Ve bu nevm ile mâ-ḳablinde mezkûr olan nevmin farkı ya'nî riyâdet-i kavîyyeden ve ta'abdan sonra olan nevm mişlliler ile edviye hasebiyle vâki istifrâğ-ı keşîrden sonra vâki olan nevmin farkı eşihhâda olan taḥallül-i tabîrîye bedel olsun için tabîr'atın gıdâyı talep eylemesi ile dâim ve lâzım olan ishâlden ve nezften sonra tabîr'atın gıdâyı talep eylemesi arasında olan fark gibi olur, nitekim eşihhâda tabîr'atın gıdâyı talebi tabîrî ve dâimî olur; kezâlik ta'abı olmayan nevmi tabîr'atın talebi tabîrî ve dâimî olur ve nezf ve ishâle mülâzım olanların gıdâyı talebi 'arîdî ve gayr-i tabîrî olduğu gibi, ta'ab ve riyâdet hasebiyle olan nevmi talebi dahi gayr-i tabîrî olur, zîrâ ta'abın ervâhı taḥlîli taḥlîl-i gayr-i tabîrî olur ve o taḥlilde bedel mâ-yeteḥalleli taḥşîl için tabîr'atın nevmi talebi dahi gayr-i tabîrî olur.

'Ale'l-ıtlâk gayr-i tabîrî olan nevmin bir sınıfı dahi vardır ki berd-i hâriciden veyâhüd müberridât olan edviye istîmâlından ḥâdis olur, zîrâ zîkr olunan berd cevher-i rûha münâfi ve münâfir olur, kaçan ebdâna berd işâbet eylese rûh-ı nefsanî âlâtından mebd'ine rücû edip hiss ve hareket fi'li mu'at'ale olur. Ve kezâlik muḥaddir istîmâlından dahi nevm-i gayr-i tabîrî

hâdiş olur, zîrâ muhaddirât ile rûh-ı nefsanînin mizâcî fâsid olur ve mebede'inden kuvve-i nefsanîyyeyi o mizâcî fâsid olan ervâh istifâda eylemez.

Ve kezâlik âlâtında dahi tebellüdü hasebiyle inbisâtı olmayıp nevm-i gayr-i tabîrî hâdiş olur ve ona hader tesmiye olunur.

Ve ba'đı kerre dahi gayr-i tabîrî olan nevm murattıbat isti'mâliyle olur, zîrâ ba'đı murattıbat âlât-ı hiss ü hareketi tertîb eder ve cevher-i rûhu tekdîr eder ve rûhun mesâlik ve menâfizini sedd eder ve 'aşab ve 'aşalın cevherlerini südede mü'eddî olan irhâ ile irhâ eder ve bu nevm-i gayr-i tabîrî sekrânın nevmi olur. Ve bu nevm'e qarîb olur tohme aşhâbında hâdiş olan nevm ve kezâlik fem-i mi'dede e'îmenin tül-i mekşi hasebiyle hâdiş olan nevmeler. Ve bunların sübâtı kay' ile zâil olmaz. Ve sübâtın ekser-i hâlde sebebi bu iki sebebler olur ya'nî seker ve e'îmenin fem-i mi'dede tül-i mekşi olur eger müstahkem olur ise.

Ve ba'đı kerre nevm'e sebep berd ve ru'ubetin mecmû'u olur, lâkin sebebi mu'addim berd olup ru'ubet mu'îni olur, nitekim sehre ba'đı kerre harâret ile yübüsetin mecmû'u sebep olup sebep-i mu'addim harâret olur ve yübüset ona mu'în olur.

Ve bu mezkûrlardan mâ-'adâ sübâtın âher sebepleri vardır, onlardan birisi budur ki hummânın nevbetleri müştedde olmakla cemî'an tabî'at 'illete munşarife olur ve tabî'at mādde tahtında mündâğıt ve mahsûr kalır. Ve rûh-ı nefsanî dahi tabî'ata tâbi' olmakla o dahi mādde tahtında haşr olup âlette inbisâtı olmaz ve e'fâli mu'at'ale olup sübât hâdiş olur. Ve huşuşan hummânın māddesi balğam olur ise sübâta o mādde sebep-i kavî olur, zîrâ balğam bârid ve ra'bdır ve harâreti 'ufünet-i 'arıda hasebiyledir. Bârid ve ra'bdâ sübât ziyâde olur.

Ve sübâtın ikinci sebebi budur ki ahlâ't rediyye olup mi'de ve riye 'illetlerinde ve a'đâ-i sâir 'illetlerinde ihtilâ'larından mu'addem dimâğa buhârât tesa'ud edip sübâta sebep olur. Ve mi'dede olan kurtlardan ve habbu'l-kar'dan dahi sübât olur.

Ve sübâtın üçüncü sebebi nefs-i dimâğın 'azm-ı kılıfın tahtında veyâhüd cânibinde veyâhüd gışasında in'îgâ't ve in'îşârdır. Ve bu hâlât kılıf'a işâbet eden çarbeden hâşıla olup sübâta mü'eddî olurlar. Ve bu'ün-ı dimâğın hangisinin kaç'ı ve verem hasebiyle olan teferruku sübâta ziyâde kavî sebep

olur ise dağtı dahi o minvâl üzere sebep-i kavî olur. Ve sübâta butûn-ı selâse âfâtından hangisinin kuvvetli sebep olduğu karîben zıkr olunur.

Ve dördüncü sebep veca^c-ı şedîddir gerek ise o veca^c şudğun a^cdalâtına işâbet eden darb-ı şedîdden hâdiş olsun veyâhüd fem-i mi^cdede veyâhüd rahimde olan ezâya müşâreket hasebiyle olsun, zîrâ onlara müşâreket ile cevher-i dimâğ münkabıd olmakla rûh-ı hassâsın mesâliki meşdüde olup sübât hâdiş olur.

Ve sübâtın beşinci sebebi ervâhın şiddet-i da^cfı olur, ta^challül-i keşîr hasebiyle âlette inbisâtı a^casîr olduğundan için. Kaçan cillet-i sübât a^carıd olsa havâsstan evvelâ bâtıl olan hâsse-i başâr ve hâsse-i sem^cdir, ona binâen ma^clûm olur ki sübâtta âfet mu^caddem-i dimâğda olmak gerektir, zîrâ sem^c ve başâra hiss ifâde eden a^cşabların menbiti mu^caddem-i dimâğdır ve mu^caddem-i dimâğın âfeti ile sem^c ve başâr mu^cat^cta olurlar ve ta^chayyülün fesâdı dahi onlara müşâreket eder, lâkin hareket-i kuvveleri bâkıye kalır, zîrâ a^cđâya hareket ifâde eden a^cşabların menbiti mu^ca^chhar-ı dimâğ olur. Ve mu^caddem-i dimâğda âfet olmakla harekete dârar-ı küllî gelmez, hattâ teneffüs a^cđâlarının hareketi hareket-i şihhiyye gibi bâkıye kalır. Pes sübâtın harekete dârarı sem^c ve başâra dârarı mi^cdârınca olmaz, ammâ cümüd ve şuhûş dedikleri marađ bunun a^caksi üzere olup cümüdü harekete dârarı hisse dârarından ekşer olur. Ve yine vâcib olur ki mesâlik-i rûhın sübâtta süddeleri tämme ve cidden keşîfe olmaya, teneffüse dârarı işâbet eylesin için.

Ve sũ-i mizâcdan hâdiş olan sübât evvelâ sũ-i mizâc-ı bâriden ve şâniyen sũ-i mizâc-ı ra^cbdan hâdiş olur. Ve ba^cdı kerre zâtü'l-cenb ve zâtü'r-riye mişlli marađlar sübâta intikâl eder. Ve ba^cdı nâsın ahlâtı müddet-i cülüsünde sâkine olup hareket-i müziyyesi olmaz ve o kimseye nu^câs gâlib olup ıd^cicâ eyledikte harâret-i garîziyye bâtına [245a] çekilip ahlât-ı sâkineyi tahrîk eder ve ondan dimâğa ebhîre şu^cüd edip ve ahlâtın severânı ile nevm onu gâşy ve ihâta eylemez ve uykusunda istiğrâk olmayıp temel-mül olur. Ve bu mişlli hâlât yâbisü'l-mizâc olanlarda keşîrü'l-vukûc olur ve o kimselerde bu hâlât ta^challüf edip gâşeyân-ı nevm keşîr olsa o kimsede marađ hudûsunu nevmi istiğrâkı ve gâşeyânı inzâr eder ve mâ-ı rummân mişlli a^cuşârâtın mi^cdede mekşi tavîl olur ve bu^chârâtı habs eder ve sehere mâni^c olur.

Ve ğidâ tenāvül edip ıdıcâc edenlerin hey'et-i lâyıķalarını bundan aķdem biz beyân eyledik, lâkin Őimdiki hâlde biz deriz ki arka üzere istilkâyı iksâr eylemek arkaya vehn verip irhâ ihdâs eder. Kesret-i istilkâdan hâdiş olan vehn ve istirhânın  ilâcı intişâb-ı keşir olur ya'ni [dikili]  amüd gibi istikâmet üzere çok eĒlenmek o vehne  ilâc olur.

Ve Őemste nevm ile bařın mutadarrır olmasından havf olunur. Ve kamerde nevm tenahhu'ı demi müris olur ya'ni kan tükürmeĒe sebep olur onun için ki Őu'â-ı kamer ahlâtı tahrik eder.

Ve harharenin sebebi kařabe-i riyenin aĒzı muntabık olur ya'ni iki Őukaları ve cânibleri biri biri üzerine kapanır ve lüzücteli ruĒubetle Őukkalar biri birine yapışır ve lâ-mahâle nefes ĥurücu taleb edip temzık eyledikte ya'ni Őefeleri kaĥr ile ayırdıkta harhare hâdiş olur.

el- Alâmât: Cemr'an sübât için  alâmetler vardır:

Hâricden olan berd-i sâzec sebebiyle  arıđ olan sübâtın  alâmetleri budur ki evvelâ başa berd-i Őedid hâricden işâbet edip sübât ardınca hâdiş olmaktadır. Ve kezâlik dâhilden işâbet eden berdin eđerinde ve  aķabinde sübâtın ĥudüşu dahi berde  alâmet olur. Ve yüzde ve göz kapaklarında teheb-büc olmamak ve yüzün levni ĥudrete mâil olmak ve nabđ mütemeddid ve Őalâbete mâil ve tefâvütü Őedid olmak berd-i hâriciye delâlet ederler. Ve eger sübât afyün ve benc ve ařl-ı yebrüh ve bezr-i luffâĥ ve cevz-i mâşil ve fuřr ya'ni mantar ve mi'dede tecebbün eden süt ve küzbere-i rařbe ve bezr-i kařunânın keşiri mişli muĥaddirât Őürbünden hâdiş olur ise onların her birinin  alâmetlerini biz sümüm bâbında inşâallâhu ta'âlâ beyân eyleriz.

Ve kaçan mesbüt olan kimsede âĥer  arađlardan raĥimin ihtinâķı ve etrâfin ĥudret ve berdi ve lisânın veremi ve râyiĥanın taĒayyürü olsa ve nabđ dahi sâķıt ve nemli olup onda tefâvüt olmasa belki nabđ düdi ve nemli gibi mütevâtir olsa veyâĥüd tefâvüt olur ise dahi onun tefâvütü bilâ-nizâm ve lâ-şebât olup tefâvütten tevâtüre ve tevâtürden tefâvüte intikâl eylese, bu a'radlar ile ma'lum olur ki o mesbür zikri ânifen mürür eden semmiyyetli olan edviyelerin birini içmiş veyâĥüd içirilmiştir. Ve bu a'rad ve  alâmetlerin hangisi hangi semmi Őürbe delâlet eylediĒinin ta'yin vechi üzere beyânı ve her birinin başka başka mu'aleceleri sümüm bâbında mufaşşalan beyân olunur.

Ve nâstan ba'ḍıdır o kimseler ki onlar dediler berd-i sâzecedden olan sübât mādde-i raḥbdan ḥādîş sübâttañ eḥaff ve eshel olur, lâkin bu kavlin şîḥḥati müteḥakkak ve müte'ayyen değıldir belki berd-i sâzecin sübâtı mādde-i raḥbın sübâtından ba'ḍı kerre cidden kavî olur. Cevher-i dimâğa berd işâbeti ile ḥādîş olan sübâtın cemî' aşnâfına ve kezâlık şürb-i devâdan ḥādîş olan sübâtın aşnâfına zıkr ve fikrin fesâdı tâbî' olur.

Ve kaçan sübât sū'-i mizâc-ı raḥbdan ḥādîş olsa onun 'alâmeti budur ki o kimsede 'alâmet-i dem görölmez ve balğamın şıkalı dahi olmaz.

Ve sübât mādde-i raḥbdan ya'nî balğamdan ḥādîş olsa onun 'alâmeti imtilâ ve toḥmenin ve keşret-i şürbün teḳaddümü ve nabḍın leyyin ve mevcıyyeti ve 'arîḍ olması olur. Ve kezâlık sübâtın balğamı olduğuna delâlet eder sübâtın istiğrâkı ve şıkal ve yüzün ve gözün ve lisânın elvânı ebyaḍ olması ve başta şıkal ve göz kapaklarında tehebbüc olması ve melmesin so-vuk olması ve tedbîr-i müteḳaddım ya'nî sübât 'arîḍ olmazdan muḳaddem eḥîme ve eşribeden balğamı müvellid olanları tenâvül eylemesi ve sinn-i şeyḥūḥatta ve belde-i bâridede olması cemî'an bu 'alâmetler sübâtın sebebi balğam olduğuna delâlet eder.

Ve sübâtın demden ḥādîş olduğuna delâlet eder vidâc damarlarının in-tifâḥı ve gözlerin ve vecnelerin ve lisânın kırmızı olmaları ve başta ḥarâret işsâs olunması ve bu mişlli nesnelere ve senin ma'ḷûmun olanların cümlesi sübâtın demden ḥudûşuna delâlet eder.

Ve dem ile balğam veremde ictimâ'e eyledikleri gibi müctemî'a olup ikisi ma'an sübâta sebep olur ise o sübâtta ḳarânîḥus 'alâmeti ve lîşergus 'alâmeti veyâḥūd sübât-ı seherî 'alâmeti zâhir olur.

Ve sübât kaçan ḥummayâtta teşâ'ud eden buḥârlardan ḥādîş olur ise ve ḥuşuşan zâtü'r-riye ve veca'u'r-riye buḥârâtından ḥādîş olur ise veyâḥūd mi'de buḥârından ḥādîş olur ise bu mesbûtların 'alâmetlerinin beyânı budur ki mi'de buḥârından ḥādîş olan sübâttañ muḳaddem seder ve düvâr ve tanîn ve ḥayâlât bulunur. Ve o sübât aḳlıkta ḥıffet üzere olur ve vaḳt-i imtilâda ziyâde olur. Ve riye nâḥıyesinden ve şadrdan teşâ'ud eden ebḥire sebebiyle olur ise o sübât ḥādîş olmazdan muḳaddem veca'-ı şakîl veyâḥūd nâḥıye-i şadrdan veca' ve ḍıḳ-ı nefes ve öksürük ve zâtü'l-cenb a'râḍı ve zâtü'r-riye a'râḍı mevcûd olur.

Ve kezâlik sebab-i sübât olan ebhûre kebiden teşâ'ud eden buhârlar olur ise emrâd-ı kebidin delâili sübâtın akdem o mesbûtta mevcûde olur. Ve işbât eden ebhûre rahîmden müteşâ'id ise emrâd-ı rahîmin delâili sübâyâ tekdâdüm eder.

Ve darbenin hâme üzere ve şudg üzere vukû'undan sübât hâdis olur ise o dahi delâili ile bilinir.

Ve sübât ile sektenin farkı budur ki mesbût olan kimseye bir nesneyi tefhîm mümkün ve tenbîh ile mütenebbih olmağı kâbil olur ve harekâtı ihsâsından ziyâde selîs olur. Ammâ sükûtta hiss ve hareket cemî'an mu'atfâl olur ve mesbûtun hiss ve hareketi ma'an mu'atfale olmaz.

Ve da'f-ı kalb hasebiyle gâşy 'ârîd olan kimsenin mesbûtla farkı budur ki mesbûtun nabdı aqvâ ve şahîh olan kimselerin nabdına ziyâde müşâbih olur ve gâşy aşhâbının nabdı ad'af ve aşleb olur ve gâşy tadricle az az vâki' olur ve gâşy şahibinin levni şufrete ve mevtâ levnine mütegayyir olur ve elleri ve ayakları soğuk olur. Ammâ mesbûtun levni redâ'ete mütegayyir olmaz belki şihhate olan levninden mesbûtun levni ahsen olur.

Ve rahîminde ihtinâk olan hatunlar ile mesbûtenin farkı budur ki mümkündür ki mesbût tekellûf ile tekellüm eyleye ve fehm-i hitâb eyleye. Ve rahîminde ihtinâk olanların tekellûf ile fehm-i mümkün olur velâkin elbette tekellümü mümkün değildir. Ve mesbûtun hareketi ve huşûşan boynunun ve başının ve ayaklarının hareketleri sühûletli olur. Ve ihtinâk-ı rahîmi olanların ihsâsı ve göz kapaklarının açması sühûletli olur. Ve ihtinâk bir sebebirdir ki def'aten vâki' olur ve gâlib hükümünü icrâ eder ve sonra münkađî olup şihhate teveccüh eder veyâhüd katl eder, çok uzatmaz. Ammâ sübât mümtedd olur ve istiğrâka duhûlü tadricle olur ve nevm-i şakîl ile bidâye eder. Velâkin sübâtın dahi sebebi berd-i hâricînin def'aten işâbeti olur ise veyâhüd devâ-i müberrid şürbü olur ise o sübâtın hudûsu dahi def'aten olur. Ve bu ahkâmlar hükmi-ı ka'fî olduğu ma'lûm buyurula.

Fi 'Îlâci's-Sübâti ve'n-Nevmi's-Şakîli'l-Kâini Fi'l-Hummayâti: A'qdâ-i bedenden bir 'uđvda marađ olup o marađa 'arađ olmak üzere sübât hâdis olsa ve kendi marađ-ı aşlî olmasa onun mu'alecesinin tarîki budur ki marađ-ı aşlîsi olan ma'hallî tenkîye edecek faşd ile 'uđv iftişâd olunur ve tedbîr olunup o 'uđvdan marađ izâle ve dimâg dahi takviye olunur ki hattâ dimâg

[245b] a^cdâ-i sāireden vārid olan mevādd-ı müziyeyi kabûl eylemeyip kuvveti hasebiyle def^c eyleye.

Ve mesbûtun nevmi ni def^c için evvelâ hall-i keşîr ile yalnız dühn-i verd isti^cmâl olunur ve taqviye-i dimâğ dahi kaçd olunur ise mu^ckavvî olan uşârât-ı fevâkih ile isti^cmâl olunur. Ve bunlardan sonra müberrid olan ne^cûl ile ten^cîl olunur ba^cdehu dimâğda muhtebes mevādd kalır ise muhallilâta intikâl olunur. Ve bunların küllîsi *Kânûn*'da senin ma^clûmun oldu.

Ve hummayâtın ibtidâ-i devrinde ^carıd olan sübât için vâcib olur ki mübâderet olunup ^calîlin e^ctrâfı rab^c oluna ve onda aksırtıcı muharrik-i ^cu^ctâs nesnelere isti^cmâl oluna, sirkenin kendi ve sirkenin bu^chârı ve bu^cğu dâimâ koklatıla ve başı dühn-i verd ve hall-i keşîr ile istiğrâk ve isti^câb oluna veyâhüd koruk ve enâr ve sâir kavâbid nesnelere miyâhı ile baş istiğrâk oluna. Ve muhaddirât şürbünden hâdis olan sübât ^cilâcında şüreb eylediği muhaddire ^cilâc olan devâlar ile mu^câlece olunur ve o muhaddirin tiryâkı isti^cmâl olunur. Ve her muhaddirin tiryâkı ni biz kitâb-ı hâmisteye inşâallâhu ta^câlâ beyân eyleyiriz.

Ve berd-i hâricîden hâdis olan sübât mu^câlecesinde tiryâk ve meşrudî^cûs ve devâü'l-misk verilir ve sezâb ve kûnduz hayâsı ve ^câkırkarhâ ile matbûh olan miyâh ile ^calîlin başı ten^cîl olunur. Ve başı bân ve nârdîn dühnlerine cünd-i bîdester dahi katılıp temrîh olunur. Ve kezâlik dühn-i misk ve dühn-i kûştâ yine kûnduz hayâsı hal^c olunup mesbûtun başı temrîh olunur. Ve başına bu dîmâd dahi va^cd olunur, o dîmâd iki cüz^c kûnduz hayâsı ve bir cüz^c ada soğanı ve mi^ckdâr-ı kalîl miskten ittihâz olunur. Ve ona dâimâ misk koklatılır ve teshîn-i dimâğda zikr olunan edviyeler bilâ-rıfk ^cunf ile isti^cmâl olunur.

Ve gâlebe-i demden hâdis olan sübâtın mu^câlecesinde vâcib olur ki kifâlden faşda mübâderet oluna ve sâk hacâmet oluna veyâhüd şâfîn faşd oluna ve hûkne-i leyyineler isti^cmâl oluna ve gîdâ tel^cîf oluna ve mâ-ı hımmaş isti^cmâl oluna.

Ve bilâ-mâdde sū^c-i mizâc ra^ctb-ı sâzecedden hâdis olan sübât mu^câlecesinde vâcib olur ki o dîmâdât isti^cmâl oluna ki kûnduz hayâsı ve Mekke ayrığının çiçeği ve kûşt ve cevzü's-serv ve übhül ve ferfiyûn ve ^câkırkarhâdan müttehâz ola ve gîdâsı tecfif oluna. Ve edhân ve ne^cûlâtta ic^ctinâb oluna

ve onların isti'mâlini mûcib olur ise isti'mâlinde ihtiyâ oluna, zîrâ edhânın tertîbi ba'đı kerre edviyenin kuvvetine gâlib ve 'ameline mâni' olur meger ki edviye şedîdü'l-kuvvet ola, o zamân dühnün tertîbi edviye kuvvetine gâlib olmaz. Ve vâcib olur ki baş temrîh ve tahmîr oluna ve misk koklatıla.

Ammâ sübâta sebep olan sū-i mizâc raṭb-ı balgām ile olur ise vâcib olur ki evvelâ balgām hūkne-i kaviiyeler ile istifrag oluna ve 'alili kusturmak için ihtiyâl oluna. Ve sübâta sebep olan balgām ekser-i hâlde mi'de balgām-ları olur. Ve vâcib olur ki muḳaṭṭ'âtlâ mi'de dahi balgām-dan tenḳiye oluna, mücerred dimâğın tenḳiyesi ile iktifâ olunmaya ve bu münâḳḳiyât-ı mi'deyi inşâallâhu ta'âlâ zıkr eyleriz. Ve o mesbûta kaviiye olan netûlât-ı mündice ve se'ûṭât ve ğarğarât ve *Ķânûn*'da mürûr eden sair edviyeler dahi isti'mâl olunur. Ve sübâtın mu'alecâtından olur mesbûta ğammı mûcib olur nesnelere göstermek ve işittirmek, zîrâ bu maraḍ mişlli fikri ḍaṭf ve fehmi câmid eden a'râḍın küllisine ğammın nef'i olur, zîrâ ğamm nefsi tahrik eder ve 'alili şalâha redd eder. Ve bu maraḍda müştēhire olan mu'alecâtan olur burun deliklerine ḳalkand ile tılâ eylemek ve yüzünü sirke ile mesh eylemek ve esfelde olan uḍvlarını şedd eylemek ve mu'attisât isti'mâl eylemek.

İkinci Faşl Yaḳaza ve Seher Beyânındadır

Yaḳaza ḥayvânda bir hâlettir ki rûh-ı nefsanî hiss ve ḥareket âletlerine dökülüp o âletleri isti'mâl eyledikte hâlet-i mezkûre hâdiş olur. Ammâ seher zıkr olunan yaḳaza miḳdâr-ı ṭabî'iden ifrât üzere ziyâde olmasıdır. Ve seherin bi-ḥasebi'l-mizâc olan sebebi rûhın nâriyyetinden ḥarâret ve yübüsetin 'arıḍ olmasıdır, zîrâ bu mizâcda olan ervâh dâimâ ḥârice hareket eder ve rûhın ḥârice ḥareketi nevme müdâdde olur, zîrâ nevm rûhın dâhile hareketinden 'ibârettir. Ve ḥareket seheri icâb eylediği mûcibât-ı saireden eşedd ve aḳdem olur.

Ve ba'đı kerre seher bûraḳiyyeti olan ruṭubetin dimâğda ihtibâsından dahi olur. Ve veca' ve ğamma mü'eddî olan efkâr ḥasebiyle dahi olur. Ve ba'đı kerre seher ḍav' ve mebitin münevver olmasıyla 'arıḍ olur. Kaḳan sehere müsta'idd olan kimse o mişlli müstenîr maḥallerde iḳâmet eylese ona seher 'arıḍ olur. Ve sū-i haḍmdan ve imtilâdan ve baḳla mişlli müneffih ve aḥlât-ı müşevveşeyi müvellid ve aḥlâm-ı müfzi'ayı mürâi olan ağdiye

isti'câlından ve tenâvülünden dahi hâdiş olur. Ve hummayâtta buhârât-ı lâzi'a vü yâbisenin dimâğa teşâ'udundan ve veca'dan dahi seher 'arîd olur. Ve meşâyihâ 'arîd olan seher meşâyihîn ahlâfında bürâkiyyet ve mülûhiyyet olup cevher-i dimâğın yübüseti hasebiyle olur ve ba'cdı kerre dahi nâhiye-i dimâğda sevdâdan hâdiş olan şişler ve seretân hasebiyle olur. Ve etib-bâ dediler ki bir kimsenin seheri müştedd olup ba'de hu o kimseye su'âl 'arîd olsa o kimse ölür. Ve biz bâbu'n-nevme de lâyiğ olanları bildirdik.

el-Âlâmât: Bilâ-mâdde sū-i mizâc-ı yâbisten hâdiş olup harârete dahi mu'kârın olmayan seherin 'alâmeti havâssın ve re'sin hıffeti ve 'aynın ve munhurların ya'nî burun deliklerinin kuru olması ve başta harâret ve bürüdetten birinin ihsâs olunmaması olur. Ve bilâ-mâdde harârete mu'kârın olan yübüsetten 'arîd seherin 'alâmetleri zıkr olunan 'alâmet-i yübüsetin iltihâb ve hurkât ile vücûdu olur. Ve ba'cdı kerre o 'alâmetler 'atâşa ve aşı-ı 'aynda ihtirâka dahi mu'kârın olur.

Ve ahlâf-ı bürâkiyyetten hâdiş olan seherin 'alâmetleri burun deliklerinde yaşlık bulunmaz ve göz çapaklanmak ve cüz'î şıkal ihsâs olunmak ve uykudan sür'at ile tenebbüh ve vüshüb edip belinlemek olur. Ve kezâlik seherin bürâkî olduğuna tedbîr-i müte'addim ve sinn ile dahi istidlâl olunur.

Ve sâkin olduğu mahallin münevver olduğundan ve gîdâ-i mütenâvelden hâdiş olan seherin 'alâmetleri o şeylerin vücûdu olur.

Ve verem-i sevdâvî hasebiyle olan seherin 'alâmâtı kirâren mürür eden sevdâ 'alâmetleri olur ve veca'-ı efkâr-ı gâmmeye ya'nî gâmmü müris fikrler olur.

Ve hummayâtta olan seherlerin 'alâmâtı o esbâbın vücûdu olur.

el-İlâc: Sebebi yübüset olan seherin mu'alecesi budur ki o 'alîle murattıb gîdâlar iç'âm olunur ve hâşşâten hammâm-ı mu'tedil isti'câlı olunur. Eger ba'de'l-isti'hmâm o 'alîl uyumaz ise delâlet eder ki o 'alîlin bedeni mu'tedil değildir ve mizâcı dahi ceyyid değildir, henüz o 'alîlde yübüsetin gâlebesi ve ahlâf-ı rediyyenin izdihâmı vardır; hammâm onu işâre ve tahrîk etmekle nevme mâni' olmuşlardır. Pes vâcib olur ki o kimse fikri ve ta'abı ve cimâ'ı hecr ve terk eyleyip râhat ve sükûnu isti'câlı eyleye ve zıkrı mürür eylediği üzere başını murattıb olan edhân ile devâm üzere istiğrâk eyleye ve başına leben halb eyleye ve ne'ülât-ı sâbıkaları dahi isti'câlı eyleye ve

kezâlik edhân-ı mezkûreleri istinsâk ve isti'âf edip ve kulağına dahi taqtır oluna. Ve huşuşan bu vücûh ile isti'mâl olunan dühn-i nîlüfer olmak ziyâde menfa'atlı olur ve 'ale'l-huşuş o dühni isti'âfla isti'mâl sair vücûh isti'mâlinden enfa' olur. Ve esfel-i kâdemi delk eylenecek dahi nâfi'dir.

Ve seherin harârete muķârin olan yübüsetten hâdis olan şınıfının mu'alecesinde zıkr olunan edviyeler üzere kabak cürâdesi ve baķlatu'l-ħamķâ ve lu'âb-ı bezr-i kâtünâ ve 'aşa'r-râfî ve hayyu'l-'âlem ve bunlara müşâbih devâlar ziyâde isti'mâl olunur. Ve münevvimâttan lezîz ve raķık olup iz'âcı ve iķâcı dahi şaķil olmayıp [246a] mezci mütesâvî olan ğidâlar isti'mâl olunur. Ve bu mişli ğidânın münevvim olması kabîlinden olur, mâ-ı cârînin ħarîr ve şavtı ve riyâh-ı ħâbbenin ħafîf ve sadâsının münevvim olduđu.

Ve veca'dan 'arîd olan seherin 'ilâcı teskîn eden tedbîrler olur ki aşnâf-ı evcâ'ın her bir şınıfı müsekkîn olan edviyeler bâbında mezkûrdur.

Ve ħummayât ile olan sehere ekser-i ħâlde diyâķûd ya'nî devâ-i ħaşĥâş saķy olunmakla tenvîm olunur. Ve vâcib olur ki o seherin şâĥibi yüzünü ğasl eyleye ve neġlât isti'mâl eyleye ve dühn-i ħaşĥâş ve dühn-i ħass ile cebhesi ve şudğunu tağrîķ eyleye. Ve ħasvına ya'nî yediĝi bulamaca ħaşĥâş-ı ebyadın bezri karıştırılır. Ve ba'đı kerre nüşhası akrabâdinde mezkûre olan muĥaddirât ile tütsü verilir. Şudâ'-ı ħârr bâbında zıkr olunan akrâş-ı za'ferân ħaşĥâş 'uşâresinde veyâĥûd ħaşĥâş yâĥûd marul ile taĥĥ olunan gül suyu içinde o ķurş ħall olunup cebhesi üzere tîlâ olursa nâfi' olur.

Ve seher için mücerreb devâlardandır ki selîĥa ve afyûn ve za'ferân aĥz olunup gül yaĝıyla ħall olunduktan sonra burna meş olundur.

Ve yine sehere nâfi' ve mücerreb devâlardan olur ħaşĥâş kabuĝu ve aşl-ı yebrûĥ ile iki şudğlara tîlâ eylemek ve onları şemm eylemek. Ve bu edviyelerden burçak ħabbesi miķdârı aĥz olursa nevm-i mu'tedil ile tenvîm eder. Ve eger dimâĝa teş'ud eden ebĥire ğalîza olur ise cebhe iklîlü'l-melik ve babadya ve meybuĥtec đimâd olunur, aşĥâb-ı ħummayâtı ve ĝayrıları tenvîm eder.

Seheri olan kimsenin eġrâfını elem verici rabt ile rabt eylemek ve önüne sirâc vađ eylemek ve ona ifâda-i ħadis ve icâde-i kelâm olan mevâdi'e ĥudûr ile emr olunur ve ba'dehu baĝları ħall olunup ve sirâcı kaldırılır ve söz söyleyenlere def'aten sükût ile emr olunur ve bu sanî ile o 'alîl tenvîm olunur.

Ve ruṭûbet-i bûraḳiyye ve mâlihâdan hâdiş olan seher mu'alecesinde vâcibdir ki o 'alîl hîrîf ve mâlih olan ağdiyelerden men' oluna, semek-i radrâdî ile tağdiye oluna ve luḫûm-ı laṭifeden müttehâz olan ḳalîlü'l-milḫ şûrbâce iṭ'âm oluna ve ḫabbu's-şeybâr ile istifrâğ oluna ve 'azbe olan edhân ile müftiren 'ale'd-devâm 'alîlin başı istiğrâḳ ve isti'âb oluna.

Ve ruṭûbet-i bûraḳiyye ve mâliḫa ḫasebiyle olan seher şeyḫûḫatta 'arîd olsa onun 'ilâcî güç olur, lâkin lâyıḳ olan budur ki o sebebden seheri olan meşâyîḫ ancak bu neṭülü isti'mâl eyleye, suda sa'ter ve babadya ve uḫḫuvânı ṭabḫ edip matbûhuyla başını tenṭil eyleye. Ve her gece bu neṭülü isti'mâl eylese tenvîm-i ḫasen ile tenvîm eder ve âḫer edviyeye ḫâcet kalmaz. Ve kezâlik dühn-i uḫḫuvân ve dühn-i îresâ ve dühn-i za'ferân ile istinşâḳ eyleye.

Ve ba'dı kerre seher ifrâṭ üzere olup kuvvetinin taḫallülü ḫavf olunur ise bir ḳirâṭ miḳdârı afyûndan tenvîm eylemek için saḳy olunur. Seherinde zıkr olunan ifrâṭı olmayanların riyâdetleri ve ta'abları ve istihmâmları tenvîme kifâyet eder. İstihmâm edip sonra tağaddî eylemezden muḳaddem müseddid olan eşribe şûrb edip ardınca fi'l-ḫâl tenvîm eder ve nevmi i'tidâl üzere olur.

Üçüncü Faşl Âfât-ı Zihn Beyânındadır

Dimâğ ef'âline işâbet eden ḫararın aşnâfı iki sebep ile hâdiş olur ve o aşnâf üç 'alâmet ile bilinir:

Kaçan bir kimsenin ḫissi selîm olup nevm ve yaḳazada eşyanın şebahlarını taḫayyül-i şaḫîḫ ile taḫayyül eyledikten sonra o muḫayyel zâil olup bir müddet zühûl vâḳi' olsa, eger muḳaddemâ taḫayyül eylediği şeyi müceddeden görüp veyâḫûd vaşfını işittikte taḫayyül-i sâbıḳını ve şûret-i zâilesini tekrâren ihḫâra ḳâdir olmasa delâlet eder ki onun âfeti mu'ahḫar-ı dimâğda olup zıkrında âfet vardır.

Ve eger bu vech ile onda âfet olmayıp velâkin tekellümü lâyıḳ ve müstaḫsen olmayan nesnelere söyleyip ve me'mûl olmayan ve recâ olunmayan meṭâlibi recâ ederse ve şan'atı lâyıḳ olmayan ef'âli işlerse ve ihtirâz olunmayacak nesnelere ihtirâz ederse ve re'y ve tedbîr olunması mu'tâd olan nesnelere re'yden 'âciz olur ise bu mezkûrlar fikrde âfet olduğuna delâlet eder ve o âfet dimâğdan baṭn-ı evsaṭta olur.

Ammâ zikri sâbık olan âfetler bulunmayıp zıkr ve fikri kemâ-kân mevcûd olsa velâkin biraz maḥsûs olan eşyâlar taḥayyül eylese ve şiyâbdan zi'bir iltikât edip devşirse ve kâzibe eşḥâş ve âteşler ve sular görse ve bu mişlli ḥilâf-ı vâkı' ve ḥâricde olmayan eşyâ' rü'yet eylese veyâḥûd nevm ve yakâzasında o kimsenin gördüğü eşḥâşın eşbâhını taḥayyülü dâ'if olsa o dimâğın âfeti baṭn-ı muḳaddemde ve kuvve-i ḥayâlde olur.

Bu 'alâmetlerin iki türlü'sü cem' olur ise verem iki baṭnda olduğuna ve üç türlü'sü cemī'an mevcûde olur ise verem üç baṭnı muḥiṭ olduğuna delâlet eder.

Ve ba'ḍı kerre zıkrde âfet olup ona müşâreket ile fikre dahi âfet ve kuşür terettüb eder. Ve noḳşân-ı fikrin âfet-i zıkre müşâreketi gerek ise ma'an ḥâdiş olsun ve gerek ise evvelen zıkre âfet işâbet edip ba'dehu fikre âfet işâbet eylesin her hâlde fikrin zıkre müşâreketi zıkrin fikre müşâreketinde eshel ve ehven olur ya'nî âfet-i aşliyye fikrde olup zıkrin âfeti şirkî ve 'araḍî olduğundan eshel olur.

Ve âfât-ı zihn noḳşâna meyl ile olup onda teşevvüş olmasa o âfet bürüdet sebebi ile ḥâdiş olduğuna delâlet eder. Teşevvüş ve ıdṭırâba meyli olan âfet-i zihn ḥarâretten ḥâdiş olur. Ve ba'ḍı eṭıbbâ zu'm eylediler ki âfet-i zihnin ba'ḍı kerre noḳşâna meyli cevher-i dimâğın kemmen noḳşânı ḥasebiyle olur ve ba'ḍın bu zu'mları ba'ıd olmaz. Ve bi'l-cümle zihn âfetlerinin mebdē-i esbâbi yâ nefsi-i dimâğdan olur veyâ 'uḍv-ı âḥerden olur ve ba'ḍı kerre ḍarbe ve saḳta mişlli emr-i ḥâricî âfete sebeb olur.

el-Mu'âlecât: Âfet-i zihnin mu'âlecâtında vâcib olur ki bizim *Ḳânûn*'da zıkr eylediğimiz uşûl ve ḳavâ'ide ta'vîl ve i'timâd oluna ve kitâb-ı şânide mersûm olan edviye-i re's levḥasından âfât-ı zihne nâfi'a olan edviyeler te'emmul ve aḥz ve iltikât oluna ve aḡdiyelerden muḍırr olan ḡidâlar te'emmul olunup terk oluna.

Dördüncü Faşl İhtilât-ı Zihn ve Hezeyân Beyânındadır

Âfât-ı zihn beyninden zihnin ihtilâtı ve hezeyân âfetlerinin sebepleri nefsi-i dimâğdan olur ise o sebeb ḥâlî olmaz ki yâ mirre-i sevdâ veyâḥûd mültehib olan dem-i ḥârr veyâḥûd mirre-i şafrâ veyâḥûd ḥamrâ olur ya'nî o ḥılt-ı muḥtedd olur ki onun levni kırmızı olur veyâḥûd nefsi-i dimâğda olan

sebeb bilâ-mâdde harr-ı sâzec veyâhûd buhâr-ı hârr olur ve dimâğda hâdis olan buhâr mişlli sebeb ile ʿarîd ihtilâṭ-ı zihn ve hezeyânın meʿüneten ʿilâcî hafife olur veyâhûd sebeb-i ihtilâṭ yûbs-i dimâğ olur ki o yûbs seher ve fikrin teḳaddümünden ve sâir müceffif-i dimâğdan hâdis olur.

Ve esbâb-ı ihtilâṭın sebebi cemrân beden veyâhûd ʿudv-ı âher olur ise o ʿudv-ı âher yâ miʿde veyâhud fem-i miʿde veyâhûd merâḳḳ veyâhûd raḥim veyâhûd ḥummayât mişlli illetlerde cemr-ı-i beden olur. Ve bu vücûhun küllisinde o ʿudvlardan dimâğa keyfiyyet-i sâzece vâşıl olur, nitekim el veyâhûd ayak parmaklarından biri teverrüm eylese keyfiyyet-i sâzece şuʿûdu âşikâre olur veyâhûd o ʿudvlardan dimâğa vâşıl olan mirreden muḥtedd ve müteʿaffin balğamdan mürtefiʿ olan ḥarâretli buhâr olur.

Ve ihtilâṭ-ı ʿaqlın eslemi ḍahik ve sükûnet ile ʿarîd olan ihtilâṭtır. Ve ihtilâṭın ziyâde redîsi ḍucret ve ıdṭırâb ve ikdâmla olan ihtilâṭtır.

el-ʿAlâmât: Maʿlûm ola ki bir kimsenin ağrısı ziyâde şedîd olup onu o kimse ihsâs eylemeyip ağrısı olduğunu bilmese o kimsede ihtilâṭ-ı ʿaql olduğuna delâlet eder. Ve ḥummayâtta ḳârüenin zehebî olduğu dahi baʿdî kerre ihtilâṭa delâlet eder. Ve sevdâdan olan ihtilâṭla ğamm ve sũ-i ḳann ve mâlihũlyâ ʿalâmetleri olur ki bâbında onları biz zikr eyleriz. [246b]

Ve eger sevdâ şafrâviyye olur ise o ihtilâṭ şâhibinde sebuʿiyyet ve ikdâm olur. Ve eger sevdâ demeviyye olur ise o kimsede ihtilâṭla ḍahik ve ṭarab olur ve çok terler.

Ammâ sebebi şafrâ olan ihtilâṭta iltihâb ve ḥarâret ve ḍucret ve sũ-i ḳuluk ve ıdṭırâb-ı şedîd ve nâr ve şerâre-i nâr taḥayyülü ve lisânda ḥurḳat olur. Kezâlik şufret-i levn ve iltihâb-ı reʿs olur. Ve cebhenin derisinde imtidâd ve ğũr-ı ʿayn ve karşısı olan cânibe veşbe dahi olur.

Ve mirre-i ḥamrâ sebebinden olan ihtilâṭta bu zikr olunan aʿrâḍ baʿdî kerre şedîde ve şaʿbe olur. Ve ekşer-i ḥummayâtta ve ḥuşuşan vebâiyye olan ḥummâlarda ʿarîd olan ihtilâṭ-ı ʿaql mirre-i ḥamrâ sebebiyle olur. Ve ḥârr ve yâbis sũ-i mizâc-ı sâzec ḥasebiyle olan ihtilâṭla şıḳal olmaz ve ḳavâninde mezkûr olan mevâdd ʿalâmetleri dahi olmaz.

Ve muḥtedd ve müteʿaffin olan balğamdan hâdis ihtilâṭ-ı ʿaql ile rezânet yaʿnî ağırlık olur ve elleri ile kaşlarını küllü vaḳtın refʿ eder ve başında ağırlık olur. Ve balğamın cevheri bârid olmak ḥasebiyle sũbâtları olur ve

o balğamdan ihtidād ve harāret-i ʿafine olmak hasebiyle ihtilāt-ı ʿaqlı olur ve onlar tuttıkları nesnelere salıvermezler. Ve baʿdî kerre onlar kendiyi devābb ve kuş sanırlar.

Ve cümle-i kelām budur ki eger ihtilāt-ı ʿaql ʿarîd olup o ihtilāt harāret-i yābiseden ise sehere delālet eder. Ve harāret-i raṭbeden ʿarîd olup o harāret ruṭbet-i demden veyāhūd ʿufūnetli balğamdan olur ise ona sübāt delālet eder. Ve o ihtilāt ki bir ʿuḍvdan müteşāʿid olan buḥār ile hādîş olur, o ʿuḍvun hālinden maʿlūm olur ve buḥār cemīʿan bedenden müteşāʿid olur ise beden hālinden maʿlūm olur bi'l-cümle bedeni müştamil olan hummayātta olduğu gibi, pes vācib olur ki cemīʿan bedenden dimāğa vārid olan ezā keyfiyyet-i sāzece midir veyāhūd maʿa'l-mādde midir taharrī ve taʿarrūf oluna. Ve bunların bi'l-cümle ʿalāmetleri bāb-ı şudāʿda mürūr eyledi fe-tezekker.

el-Muʿālecāt: Zikr olunan ihtilāt-ı zihnin sevdāvi olup mālîhūlyā ile olanların ʿilācī mālîhūlyā bābında zikr olunur.

Ve dem sebebi ile olan ihtilātın ʿilāc ve tedbīrinde vācib olur ki mübāderet olunup faş oluna ve demi taʿdīl ve tebrīd ve kıvām-ı ṭabīʿisine istirdād ve işlāḥa sürʿat oluna.

Ve safrādan ve hamrādan olana mübāderet olunup istifrāğ ve tebdīl-i mizāc oluna ve o istifrāğ iktidāsı üzere yā cemīʿ-i bedenden veyāhūd yalnız baştan ola ve *Kânûn*'da mezkūr olan tebrīdāt ve tertībāt istiʿmāl oluna ve başını tırāş edip aḍmideler istiʿmāl oluna. Eger o āfet-i ihtilāt ziyāde ve müştedd ve kavī olur ise manya tedbīri ile tedbīr oluna.

Ve harāretli olan ihtilāt-ı zihni işlāḥ eder o ḳayrūtī-i müberrid ki dühn-i verd ile sirkeden terkīb olunup yāfūḥuna vaḍʿ oluna veyāhūd o ḳayrūtī dühn-i benefşec ile sütün ittiḥāz oluna, lākin süt ḳayrūtī[si] ile ḥummā olmaz ise muʿālece olunur veyāhūd gül yağı ve ḥaşḥaş ile ḍimād olunup buḥārātın dimāğa inʿitāfından ihtirāz olunur.

Ve eger ihtilāt āfetinde seher dahi olur ise cemīʿan atliye ona ḡayr-i nāfiʿdir. Ve baʿdî kerre ḍimād olunmak dimāğda olan buḥārı ḥabs edip maḍarrat ziyāde olur ve istiʿāt olunsa o dahi buḥārı dimāğa cezbe sebep olur belki vācib olan budur ki seherī olan ihtilāta ḥuḳne-i leyyine ile muʿālece oluna.

Ve ʿudv-ı âher şirketıyla olan ihtilâtta başı takviye ve tebrîd eden edviyeler istiʿmâl olunur ve maddesi cānib-i hılâfa cezb olunur. Ve külliyye ve cüzʿiyye olan kavānîn-i mādîyede cemīʿan bu mezkûrlar beyân olundu.

Ve eger ihtilâtle ɗaʿf ve ʿalāmât-ı verem olmaz ise vācib olur ki o ihtilâttın şāhibine laṭme-i şedīd ile ɗarb oluna. Ve baʿdı kerre yalnız ɗarb olunmak kifāyet etmeyip savt mişlli ālet ile ɗarb olunur ve bu ɗarbe ile ʿaqlı veşbe edip yerine ʿavdet eder. Ve baʿdı kerre keyye muhtāc olup başına haçvārī keyy olunur eger zıkr olunan muʿālecātın nefi olmaz ise. Ve ihtilâ-ı zihne nāfiʿ olan edviyelerden olur ruʿūs ve ekārīʿ taḥl olunup başına onun taḥlî şabb olunmak ve bu ʿillete çok kerre menfaʿati olur. Birkaç eyyām fāşerāyı yalnız veyāḥūd şimār-ı âher veyāḥūd ḥalāvī içinde ihfā ve setr edip içirmek ve bu devā ekşerine sebep-i muʿāfāt olur.

Beşinci Faşl Ruʿūnet ve Ḥumk Beyānındadır

İhtilâ-ı zihnele ruʿūnet ve ḥumk ikisi dahi ʿaqlın āfetleridir ve ikisinin dahi sebep-i fāʿilîleri baʿdı kerre buṭūn-ı dimāğdan baṭn-ı evsaṭa olur, lākin ikisi arasında fark budur ki ihtilâ-ı zihnde efʿāl-i fikriyye müteğayyire olur ve ruʿūnet ve ḥumқта fikrde tağayyür olmaz belki noḳşān veyāḥūd buṭlān olur. Ve bu ruʿūnet ve ḥumk şāhibinin fikri ḥarefiyye ve şabeviyye olan fikrlere müşābih olur. Ve qarīben bu āfātın aḳsāmı üç şınıfa münḥaşır olup tağayyür ve teşevvüş ve noḳşān ve buṭlān olduğunun zıkrı mürür eyledi.

Ammā ruʿūnet ve ḥumğun sebebi yā o bürüdet-i sāzece veyāḥūd bürüdet ile yübsün mecmūʿu olur ki onlar buṭūn-ı dimāğdan baṭn-ı evsaṭı ṭülüʿl-eyyām ve müddet-i keşire müşt Emil ve müstevʿib ola veyāḥūd bu āfetin sebebi maʿaʿl-balğamiyye bürüdet olur. Ve o bürüdet ve balğamiyyet dimāğda olan evʿiyelerin tecāvifinde olur ve ḥarāret fikrin sebep-i fāʿilîsi olmakla noḳşān-ı fikr mişlli maʿnâlardan ʿibāret olan ruʿūnet ve ḥumқа sebep olmaz ve belki onun sebebi zıkr olunan vücūh-ı berde münḥaşır olur.

Ve bu ʿillet dimāğı teşḥīn ve tertīb ile muʿālece olunur eger sebebi olan bürüdet yübüsete muḳārīn olur ise veyāḥūd dimāğda olan mevāddı taḥlîl ile olup edviye-i kibār ile istifrāğ olunur ve sikencebīn-i ʿunşulī ve turp tohumu ile ḳayʿ ettirilir, sebebi olan bürüdet ile eger mādde dahi mevcūde ise.

Ve vâcib olur ki kalbe tenbîh eylemekte hâşşıyyeti olan edviyeye teveccüh olunup devâü'l-misk ve meşrudîtüş ve müferrihât ve bu mişlli kalbi takviye ve ikâz eden nesnelere isti'mâl oluna. Ve bu mişlli devâların vücûh-ı isti'mâli kavâninde zıkr olundu. Bu mevdi'de tatvîl-i kelâm eylemek bize lâyıf ve vâcib olmaz.

Ve vâcib olur ki müdâvât olunan ahmak aydınlık odada iskân olunup vakti ile uyutula ve vaktiyle uyandırıla ve gıdâsı telvîf ve taklîl oluna ve mizâc-ı yübüsete ve demi lefâfete ve kıllete ve 'adâlete ve sühûnete meyl ettirile. Ve sühûnet-i demi bir hâlde kılına ki tebahhur ve galeyânı şedid olmayıp belki hârr ve lafîf ola. Ve bu zıkr olunan tedbîr zihni zekî ve şâfi eder.

Ve ağıdiye ve eşribe ile imtilâdan ziyâde zihne düşman yoktur ve yübüset dahi zihne dârar verir. Velâkin yübüsetin zihne dârarı noşşân ciheti ile olmaz, lâkin dimâğda ervâhın hareketi ifrâf üzere olup serîf olup zekâsı gâlib olmakla olur ve ona cerbeze tesmiye olunur, zihne muđır olan nesnelere dendir. Ve yübüsetin bir dârarı dahi budur ki yâbis olan dimâğda ervâh cidden kalîle olup ednâ hareket ile tağallül eder.

Altıncı Faşl Zıkrın Fesâdı Beyânındadır

Fesâd-ı zıkr ru'ûnetin nazîri olur, lâkin fesâd-ı zıkr dimâğın mu'ahharında olur ve ru'ûnet evsâfta olur, zîrâ fesâd-ı zıkr mu'ahhar-ı dimâğın ef'âlinde zıkr fi'linin noşşânına veyâhüd cemî'an buğlânına ıtlâk olunur.

Ve fesâd-ı zıkrın sebep-i evvelisi Câlînüs katında berd-i sâzec veyâhüd yübüsete muqârin berd olur. Ve bu iki mizâcın biri dimâğa 'arıf olsa eşyâ-ı mer'ıyyenin ve sâir mahsûsâtın şuveri onda münţabi'a ve mürtesime olmaz, binâen 'aleyh zıkrı dahi olmaz veyâhüd sebep-i fesâd berd ma'a'r-ruţûbet olur ve o ruţûbet ile her [ne] kadar şuveri münţabi'a olur ise o şuveri hıfza kâdir olmaz.

Ve eger sebep-i fesâd yübüset ile olur ise ona seher [247a] delâlet eder ve o mizâc umûr-ı mâdiyeyi hıfza kâdir olmaz ve umûr-ı hâliyye vü vaktiyyeyi hıfz eder.

Ve eger sebep ruţûbet olur ise ona sübât delâlet eder ve bu mizâcda olan elbette umûr-ı mâdiyeyi hıfz eylemez ve umûr-ı hâliyye vü mâziyyeden ziyâde hıfz eylemek me'mûl olur.

Ve eger sebab berd-i sâzec olur ise seder ve hader olur.

Ve ba'đı kerre fesâda sebab hârâret ve yübüsetin mecmû'u olur ve onunla ihtilâf-ı zihn bulunur. Ve o harr ve yübsün mevđü'u yâ nefsi-i dimâğın cüz'ü veyâhüd batnı veyâhüd ev'iyeleri olur.

Ve gâhice sebab-i fesâd şudğlarda olan ihtilâf-ı rediyye veyâhüd şudğun süp-i mizâcı olur, onun redâ'eti dimâğa vâsıl olup zikri ifsâd eder. Bu sebebi ba'đı mütekkaddimîn zikr eylemiştir ve bu sebab mücerreb ve müşâhede olunmuştur.

Ekşer-i hâlde nisyânın ve fesâd-ı zikrin sebebi berd ve ruţubetten olur ve ba'đı kerre dahi dimâğın evrâmından ale'l-huşuş bârid olan veremden hâdiş olur. Ma'fûm ola ki kaçan şahih olan kimseye nisyân 'arıđ olsa em-râđ-ı dimâğiyyeden şar' ve sekte ve lîşergus gibi bir kavî marađ işâbetini inzâr eder.

el-Ālāmât: Bunların 'alâmetleri zikri sâbık kavâninde mezkûrdur, bu mevđü'da onları tekrâr eylemeziz.

el-Mu'âlecât: Sebebi harr ve yübs olan fesâd-ı zikrin mu'âlecesi sühûletlidir ve mirâren o mu'âlece mürûr eyledi. Ammâ yübs-i mücerreden olan fesâdın mu'âlecesi budur: 'Alîl itidâli ve tertîbi olan ađdıye ile gıdâlandırılır ve riyâdet dahi ettirilir, başı nâhiyesi hırka-i haşine ile delk ve gamz olunmakla ellerini ve ayaklarını tahrik eylemek ile kuvvetli olmayan sâir riyâdetler ile tervîđ olunur. Ve o riyâdetin miqdârı 'alîli acıktırıp miqdâr-ı gıdâsı ziyâde olacak kadar de'a ve sükûna ve nevme ve hammâma mü'eddî olacak kadar kılınır. Ve o 'alîl zikri sâbık olan dımâdât-ı müsahhine ile tađmîd olunur ve bilâ-şart başına mehâcim vađ' olunur ve edviye-i muham-mire isti'mâl olunur. Ve ba'đı kerre kafâsı üzere ardında iki maħallden key-ye dahi muhtâc olur. Ve o tabih dahi isti'mâl olunur ki onda babadya ve iklîlü'l-melik ve keçi paçası ve ayakları tabh olmuş ola. Ve edhândan dühn-i süsen ve nercis ve hîrî dühnleri isti'mâl olunur.

Ve fesâd-ı zikrin sebebi bürüdet ve ruţubeti olan mādde olur ise zikri mürûr eden bildiğın devâlar ile evvelâ māddeyi inđac edip ba'dehu istifrag eyle ve 'alîli münevver ve rüşen olan meskende iskân eyle ve o istifragâtın eħaffını isti'mâl eyle, eyâric ve şahm-ı hanzal ve cünd-i bîdester isti'mâl edip tadricle eyâricât-ı kibârı isti'mâl eyle. Bunlardan sonra süp-i mizâc-ı

hârr hüdüşundan emîn olur isen ma'cûn-ı belâdur isti'mâl eyle, zîrâ ma'cûn-ı mu'kavviyât zihnde cümlesinden aqvâdır ve ifâde-i hıfzda menfa'ati gâyete bâliğadır. Ve kezâlik sâir müsahhinâttan muhammirât ve garâgır ve şemûmât mişllileri ma'lûmun olduđu vech üzere isti'mâl eyle. Ve ru'ûbeti tecfiften isti'câl etmeyip tedricle tecfif eyle ve senin tecfifin ru'ûbet-i aşliyyeyi ifnâ eylemesinden hâzer ve ictinâb eyle, zîrâ ru'ûbetin fenâsı bürüdede mü'eddî olur ve bürüdet dahi nisyâna müeddî olur.

Ve o 'alîle vâcib olur ki sekerden ve rüzgârdan ve imtilâdan ihtirâz eyleye ve hârr ve bârid olan sulardan biri ile dahi iğtisâl eylemeye, zîrâ mâ-ı hârrın irhâsı ve mâ-ı bâridin ta'hdîri ve rûh-ı hâssı ıdrârı olur. Ve eger onda imtilâ hâdiş olur ise tedbiri tel'îf olunur.

Ve vâcib olur ki müsekkite ve müşakkele ve muhaddire ve mübahhire olan ağdiyeden ictinâb oluna.

Ve şarâbdan imtilânın cidden dârarı olur. Ve şarâbın kâlîli 'alâ-ka'vlihim nefse neşât verir, rûhu takviye ve tezkiye eder ve ifrâ' üzere su içmekten iğnâ eder. Ve şûrb-i mânın keşreti o mişlli 'alîle ziyâde dârr olmakla ondan iğnâ eylemek menfa'at-i 'azîme olur ve keşret-i kaylûleden dahi muğnî olur.

Ve fesâd-ı zikri olanlara cemî'an keşret-i nevm mu'dırr olur ve 'ale'l-huşuş imtilâ üzere nevm ziyâde mu'dırr olur. Ve kezâlik ifrâ'-ı seher dahi rûhu hâll ve id'âf eder ve dimâğı ebhûre ile doldurur. Ve bu 'illete eđir mürebâsı ve dâr-ı fülful mürebâsının menfa'ati tecrîbe olunmuştur ve bu iki mürebâsının hıfzı ziyâde eylediđi müşâhede olunmuştur.

Ve bu devâ dahi mücerrebdır, şan'atı budur: Kündür, su'd, fülful-i ebyađ, za'ferân, mürr. Bu eczâlar mütesâviyetü'l-me'kâdir ağız olunup 'asel ile ma'cûn kılınup küllü yevmin birer dirhem kadar tenâvül olunur.

Bu devâ dahi mücerrebdır: Fülful-i ebyađ, za'ferân mütesâviyetü'l-me'kâdir ağız olunup küllü yevmin birer dirhem isti'mâl olunur.

Ve bu dahi mücerrebdır: Fülful, kemmün iki cüz', sükker-i şaberzed üç cüz' bu dahi ma'cûn olunup küllü yevmin bir dirhem miqdârı tenâvül olunur.

Ve bu devâdan dahi bir mişkal miqdârı alınmak 'ale'r-rîk sağı olunmađın menfa'ati müşâhede olunmuştur: Kündür üç rubu', fülful bir rubu'. Ve bir nüşha dahi budur: Kemmün beş cüz', fülful bir cüz' ve vecc iki cüz', su'd iki cüz', helilec-i esved iki cüz' ve 'asel-i belâdur bir cüz', 'asel-i nahl zikr

olunan mecmû' eczânın iki katı ola. Ve vâcib olur ki kitâb-ı şânî elvâhından 'ilel-i re's edviyeleri resm olunan edviye-i müfrede levhasına dahi mürâca'at oluna. Ve bir beytte iskân oluna ki onda şuver ve temâsîl ola.

Ammâ o fesâd-ı zîkr ki evrâm-ı dimâğ hasebiyle 'arîd ola, onun mu'âlecesi qarânîtus ve lîşergus ve sübât-ı seherî mu'âlecesi olur.

Yedinci Faşl Fesâd-ı Tahayyül Beyânındadır

Fesâd-ı tahayyül saîr ef'al-i siyâsiyyenin bi-'aynihâ esbâbıyla 'arîd olur ve 'alâmetleri dahi onların 'alâmâtı olur velâkin fesâd-ı tahayyülde âfet mu'kaddem-i dimâğda olur. Ve fesâd-ı tahayyülden murâd vücûdu olmayan nesnelere tahayyül eylemektir veyâhûd ma'cûm olan nesneyi görmektir. Bu vech ile fesâd-ı mirârın mu'kaddem-i dimâğda gâlebesindendir veyâhûd bilâ-mâdde sū-i mizâc-ı hârrın mu'kaddem-i dimâğa gâlebesindendir.

Ve fesâd-ı tahayyül ba'dı kerre dahi tahayyülün no'şânıyla olur, umûr-ı tahayyüliyyeyi idrâk ve tahayyülden kuvvet da'ife olur, ahlâm ve rü'yâsı kalîleten vâkî'a olur ve onu dahi nisyân edip unuttur ve ihsâs eylediği ma'şûsâtın şuveri ne keyfiyyette olduğunu unuttur ve tahayyül edemez.

Ve fesâd-ı tahayyülden bu nev'in sebebi bi-'aynihi fesâd-ı zîkrin sebebi olur velâkin fesâd-ı zîkrin ekser-i hâlde hudûsu berd ve ru'ûbetten ve kalîlen yübûset ile olur. Ve bu nev' fesâd-ı tahayyülün ekser-i hudûsu yübûsetten ve kalîlen berd ve ru'ûbet ile olur.

Ve tahayyülün âleti ya'nî mu'kaddem-i dimâğ mülâyim ve yumuşak olur ma'şûsâtın şuverinin intibâ'ı sühûletli olsun için. Ve zîkrin âleti ya'nî mu'ahhar-ı dimâğ şulb ve katı olur, onda mersûm olan şuver serî'an zâile olmasın için.

Ve zîkrin fesâdı ma'şûsâtın ma'ânîsinde olur ve terkîbi hasebiyle olur. Ve fesâd-ı tahayyül ma'şûsâtın temâsilinde ve şuverinde olur. Ve beynlerinde bu vech ile farkları 'ilm-i tabî'iden ma'cûm olur.

Bu 'abd-i fakîr mütercim der ki ma'kâm âşikâr olsun için onun a'hvâlini zîkr eylemekte be's yoktur. Havâss-ı hamse-i zâhire müteha'kkak olduğu gibi bâtında dahi be's aded havâss vardır ki 'inde'l-hukemâ bu dahi müteha'kkaktır. Ve bâtında olan havâss yâ kendisi müdrike olur veyâhûd müdrike olan hâsseye mu'fîn olur. Ve müdrike olan iki kısmdır: Birisi ma'şûsâtın

şuverini ve mişâlini idrâk eder veyâhûd mâ'ânî-i cüz'iyeleri idrâk eder. Ve müdrikeye mu'în olan dahi yâ hıfzda mu'în olur veyâhûd taşarrufta mu'în olur. Ve hıfzda mu'în olan dahi yâ şuveri müdrik olan hâsseye mu'în olur veyâhûd mâ'ânî-i [247b] cüz'iyeyi müdrik olan hâsseye mu'în olur.

Ve cem'ân havâss-ı bâtına beş hâsse olur. Şuver-i mahsûsâtı hiss eden kuvvet dimâğın ba'tn-ı evvelinin mu'kaddeminde olur, adına hiss-i müşterek derler. Ve ona mu'în olan kuvvet zıkr olunan ba'tn-ı evvelin mu'ahharında olur ve adına hayâl derler. Ve mâ'ânî-i cüz'iyeleri idrâk eden kuvvet ba'tn-ı şâlisin mu'kaddeminde olur ve 'inde'l-ba'd ba'tn-ı evsâtın mu'ahharında olur, o kuvvetin adına vâhime derler. Onun f'li budur ki meşelâ Zeyd ile 'adâveti olan kimse Zeyd'i görse Zeyd'in şüret-i mahşûşası hiss-i müsterekte resm olduğu gibi Zeyd'de olan mâ'nâ-yı 'adâvet dahi kuvvet-i vehimde mürtesime olur. Ve bu kuvve-i vehmin idrâkâtını hıfzda mu'în olan kuvvet ba'tn-ı şâliste ve ba'dılar katında ba'tn-ı şâlisin mu'ahharında olur.

Ve kuvve-i müdrikelere taşarrufta mu'în olan hâsse-i hâmise vasat-ı dimâğda olan düde olur ya'nî zıkrı teşrîh-i dimâğda mürür eylediği üzere ba'tn-ı evsatta tahte'l-ezec ve fevka'l-âtiyeteyn düde mişâlinde zerdler var idi, onların evâsıtında olanlar olur. Ve bu kuvveti gâhice 'akl ist'f mâl eder, o cihetten adına müfekkire derler ve gâhice 'akla muhâlif olan nesnelere vâhime ist'f mâl eder, meşelâ mevcûd olmayan gül mişli nesnelere taşarruf eder, o cihetten adına mütehayyile derler. Ve bu kuvvetin f'li tahtlîl ve terkîb olur, gâhice şüreti şüretten veyâhûd mâ'nâyı mâ'nâdan ve şüreti mâ'nâdan ve mâ'nâyı şüretten tahtlîl eder ve gâh olur ki şüreti şüret ile ve mâ'nâyı mâ'nâ ile ve şüreti mâ'nâ ile ve mâ'nâyı şüret ile terkîb eder.

İzâ 'arifte hâzâ şâhib-i Kânûn'un fesâd-ı tahayyülden murâdı hiss-i müsterekte ve hayâlde vâk'f olan âfettir ve fesâd-ı zıkrden murâdı vâhimede ve hâfızada ve mutaşarrıfede olan âfettir. Biz yine tercümeye şür'f edelim:

Ve bu fesâd bürüdet ve ru'ubetten veyâhûd yübüsetten hâdis olduğuna delâlet eden edillenin cümlesinden akvâ olan delîl nevm ve seher hâli ve gözün ve burnun ra'tb veyâhûd yâbis olduğu ve lisânın levni ve ru'ubeti veyâhûd cefâfı olur. Ve eger 'illet-i tahayyülde fesâd olup lâkin o fesâd tahayyülün noqşânı hasebiyle olmasa o fesâdın sevdâdan veyâhûd şafrâdan veyâhûd mizâc-ı hârr-ı müfreden hâdis olduğunu bundan akdem her

birinin mezkûr olan edille ve ‘alâmetleri ile bilirsin. Ve bunların mu‘âlecâtı ‘ilel-i mâziyenin mu‘âlecâtı gibidir, lâkin vâcib olur ki mu‘âlecât-ı sāire mebādî-i hîssin nâhiyesine olur ve delk ve mehâcim hâşşaten muqaddem-i dimâğa olur ve sen bildiğin mûcibince ‘amel eyle.

Sekizinci Faşl Manya ve Dâü'l-Kelb Beyânındadır

Manya o cünûna derler ki sebucun ya‘nî yırtıcı hayvânların fi‘line onun fi‘li müşâbih olur ve müsâdefe eylediği kimselere îzâ eder. Ve dâü'l-keleb manyadan o nev‘dir ki o nev‘in şâhibinin gâdabı la‘ib ve ‘abese muhtelit olur ve kezâlik îzâsı isti‘âf ile maḥlûḥ olur ya‘nî öperken ısırır, onun için ona dâü'l-keleb derler, zîrâ kelbin ṭab‘ı bu minvâl üzere olur.

Ma‘lûm ola ki cünûn-ı sebucıye fâ‘il olan mādde mâlîḥülyâyı fâ‘il olan mādde cevherinden olur, zîrâ cem‘an bu iki âfetin fâ‘ili sevdâvî mevâdd olur lâkin o iki sevdânın sınıfları biri birlerine muğâyir olur. Cünûn-ı sebucıye fâ‘il olan sevdâ şafrâdan muhterik veyâḥûd ziyâde redî olan sevdâ olur. Ve mâlîḥülyânın fâ‘ili olan sevdâ sevdâ-i ṭab‘înin keşreti veyâḥûd balğamdan ve dem-i ‘azbden muhterik olan sevdâ olur. Ve balğam-ı muhterikten cünûn ḥâdiṣ olmaz. Ve ekşer-i ḥâlde mâlîḥülyânın ḥuşûlü ev‘ıye-i dimâğda sevdânın ḥuşûlüyle olur ve manyanın ḥudûsu sevdânın muqaddem-i dimâğın cevherinde olması ile olur, nitekim qarânîṭusta dahi sevdâ cevher-i dimâğda olur. Ve mâlîḥülyâda sū-i zann ve fikr-i fâsid ve ḥavf ve sükûn olup ıdṭırâb şedîd olmaz. Ammâ manyanın küllisinde ıdṭırâb-ı şedîd ve veşbe ve ‘abes ve sebucıyyet olur ve nazarı nazarı-ı insâna benzemez, yırtıcı hayvân bakışlı olur. Ve qarânîṭusta dahi cünûn olmakla manya qarânîṭusa müşâbih olur lâkin farkları budur ki manyada ekşer-i ḥâlde ḥummâ olmaz, ammâ qarânîṭus ḥummâdan ḥâlî olmaz.

Ve dâü'l-keleb zikri mürûr eylediği üzere manyadan bir nev‘ olur. Ve dâü'l-kelebe mu‘âşeret-i şedîde ve ülfet-i ekîde olup musâra‘ası müâ‘ade ve muvâfaqa ile olur ya‘nî dostluk ederken şar‘ ve îzâ eder. Dâü'l-kelebe sū-i itikâd olmaz ve ke-enne manyayı icâb eden mevâdd-ı sevdâviyenin küllisi demeviyyeye akreb olur

Ve manyanın ekşer-i ḥudûsu faşl-ı ḥarîfte olur, zîrâ o faşlda aḥlâṭ-ı reddyeye olur ve faşl-ı rebî‘ ve faşl-ı şayfta dahi keşirü'l-vukû‘ olur. Ve rîḥ-i

şemâlde cefâf olmakla o rîhin hüübunda manyanın heyecânı ve severânı olur. Ve çok kerre manya aşhâbına bevâsîr ve devâliden biri ʿarîd olup manya ʿilletini tahlîl ve izâle eder. Ve manya hudûsunun ʿaķabinde gâhîce istiskâ ʿarîd olup ruṭûbeti ile o dahi manyayı defʿ eder.

Ve ʿale'l-ḥuşuş manyanın sebebi kebidin ḥarâreti ve yübüseti ola. Ve çok kerre manya miʿde müşâreketiyle olur ve manyanın o kısmına kusmak şifâ olur.

el-ʿAlâmât: Manyanın iki türlü ʿalâmeti vardır. Bir türüsü cemʿan manya aşnâfı beyninde müşterektir ve âḥer türüsü başka başka şınıflarının ʿalâmetleridir. Cümle aşnâfı beyninde müşterek olan ʿalâmetler bunlardır: Manya aşhâbının efʿâl-i siyâsiyyesi ve efʿâl-i ḥarekiyyesi zikri mürûr eylediği vech üzere müteğayyire olur ve o kimselerde manyayı inzâr eden ʿalâmetlerden bulunur, ḥarâret-i dimâğıyla kâbûsun ʿurûdu gibi ve ayakların dem ile mümtelî olup kırmızı olması gibi ve hatunların memelerinde demin münʿakid olması gibi, zîrâ zikr olunan bu üç ʿalâmetler demin fâsid olduğuna delâlet eder ve manyayı inzâr eder.

Ve içlerinde ʿalâmet-i ulâ yaʿnî kâbûs maʿa-ḥarâreti'd-dimâğ baʿdı kerre ḥâlâ demin fesâdına ve baʿdı kerre dahi ḥârr-ı ğarîzîsi kavî olmayan ʿuḍvda demin gelecek zamânda fâsid olacağına delâlet eder, zîrâ ḥârr-ı ğarîzîsi kavî olmayan ʿuḍvun demi dimâğa müzî olan bir nevʿ fesâd ile fâsid olur. Pes vâcib olur ki dem tedbîr-i ceyyid ile tedbîr oluna.

Ve manyanın âḥirinde ʿalâmet-i ulâ yaʿnî kâbûs maʿa-ḥarâreti'd-dimâğ ḥâdiş olsa baʿdı kerre manyanın inḥilâline delâlet eder, devâlînin ʿurûdu manya inḥilâline delâlet eylediği gibi.

Ve çok kerre manya emrâd-ı ḥâddede ʿarîd olup buḥrâna delâlet eder. Ve eger buḥrânın cevdetine ve şalâhına delâlet eder ʿalâmet-i uḥrâ mevcûde ise o manyanın zamân-ı müstakbelde buḥrân-ı ceyyid iḥdâşına delâlet eder.

Ve baʿdı kerre manya ʿilleti olan kimsede ʿillet müştedde olur ve o iştidâd manyanın buḥrânına delâlet eder.

Ve bu ʿalâyimler aşnâf-ı manya beyninde müşterek olan ʿalâmetler idi, ammâ sevda-i muḥterikadan ḥâdiş olan manyanın ʿalâmeti budur ki o ʿillette cünûn-ı sebuʿî olur ve fikr-i fâsid olur ve sükûnu ve sükûtu bir müddet mütemâdî olur baʿdehu ḥareket edip tekellüme ibtidâ eyledikte tegâfûl

eder ya'nî gâhîce söyler ve aralıkta sükût edip mütefekkir olur, bir kelâmın ardına düşmez ve kelâmının üzerine varılıp tekrâr ettirilse ondan hâlâş ve onu iskât mümkün olmaz. Ve sevdâvî manyada beden şedîden nahîf olur ve levni sevâda emyel olur ve ahlâmı redî olur ve korkulu düşler görür. Ve ba'đı kerre bir şey-i hâmiđ kay² eder ki arz üzere vuķū'unda o kay²ın redâ'etinden düştüğü yerin [248a] toprağı ğaleyân eder. Ammâ onun sevdâ-sı şafrâdan muhterika olan sevdâ olursa ondan hâdiş olan manya aşhâbının şerre intikâli serî^c ve kezâlik şerrden sükûnu dahi serî^c olur ve şerri zikri ve hıkdının miqdârı şıf-ı evvel miqdârı üzere olmaz ve sükûnu qalîl ve hareketi ve đucreti ve ıdđırâbı keşir olur.

el-Mu'alecât: Manya aşhâbında ahlâtın imtilâsı olur ise faşd olunur. Bevl ile ve sâir 'alâmet ile bedende mirâr olduğı bilinir ise nazâr olunur; eger mirâr-ı ma'lüme sevdâviyye olan şafrâ ise eftimün veyâhüd helilec tabîhleriyle mādde istifrag olunur ve eger mādde şıf sevdâ ise sekiz dirhem miqdârı yalnız eftimün ve sikencebîn ve hacar-i lâciverd ile istifrag olunur.

Ve bundan sonra başa nazâr olunur, eger başta demevî ve sevdâvî imtilâ var ise lisânın altında olan damardan faşd ile mādde istifrag olunur ve kezâlik dâimâ bu habb ile istifrag olunur, o habbin şıfatı budur: eyâric bir cüz² ve eftimün ve karabaş birer cüz², saķmünyâ nışf cüz², helilec bir cüz². Bu edviyeler aħz olunup ondan habb-ı kibâr ittiħâz olunur. Ve istifrag-ı külliden sonra ya'nî cemî^c-i bedenden leyâlî-i müteferrikada istifrag olunduktan sonra bu habbdan iki dirhem miqdârı her gece isti'mâl oluna.

Ve yine bu 'illete bu habbin menfa'ati olur ve bunun nüshası: eftimün, besfâyec beşer dirhem, hacar-i Ermenî bir dirhem, milh-i Hindî, şahm-ı hanzal dört dirhem, helilec, emlec, hâşâ, ħarbaķ-ı esved her birinden üçer dirhem, türbüd yirmi dirhem, sikencebîn-i 'aselî ile bu eczâlar ma'cün kılınır ve sikencebîn ile saķmünyâ dahi isti'mâl ve ğargara olunur. Ve habbu'ş-şeybâr isti'mâlinde ifrâf olunmaz belki bir müddet isti'mâl olunur ya'nî o habb ile ħiffet hâşıl olduğı kadar isti'mâl olunur ve kaķan sū-i mizâc-ı ħârre mü'eddî olduğı iħsâs olunsa habbu'ş-şeybâr isti'mâlî kaķ olunur.

Ve bu habblar ile dimâğın dahi istifragı tekmiil oluduktan sonra neñülât ve ğayr-i tedâbir ile dimâğı tebrîd ve tertîb olunur ve ba'đı günde beş def'a tenñile muħtâc olunur ve kelle ve paķa tabîhi ile 'alîlin başı tenñil olunur ve

başına süit hâlb olunur ve kaymak ile çımâd olunur. Ve senin kaçdın tertî-be tebrîde kaçdından ekşer olsun, lâkin tertîbi olan edviyenin küllîsi bârid olur, bürüdetsiz muraţţıb devâ bulunmaz. Pes lâyıķ olur ki şüret-i mezkû-rede bârid devâlar isti'mâl olundukta bâbûnec ile maħlûten isti'mâl oluna.

Ve bađı kerre tenvîm için diyâķûd dahi isti'mâl olunur ve onlara tertîb [eylesin] için tatlı enâr suyu saķy olunur. Eger telyîn kaçd edersen mâ-ı rummân-ı hulvü şarâb-ı iccâş ile veyâhûd mâ-ı şa'tır ile saķy edersin. Ve kezâlik tenvîm için haşhâş tabîhiyle tenţil eyle velâkin aşveb olan haşhâş ile miķdâr-ı qalîl babadya tabh olunmaktır. Ve başına leben hâlb olunur. Ve o 'illete edhânın menfa'ati olur.

Ve kaçan sen zıkr olunan neţûlât ve se'ûtât-ı muraţţıbeyi ve edhâni isti'mâl eylesen der-âķab 'alîli 'alâ-hâlihi tenvîme ihtiyâl edip neţûlât-ı mü-nevvimeyi isti'mâl eyle, 'ale'l-huşuş dühn-i hass mişlli sübâta mü'eddî olan edhân isti'mâl eyle ve arpa suyu gibi muraţţıb olan eşribeyi saķy eyle ve sikencebîn mecrâsına cârî olanları ve teltîf ve tecvîf ve taķtî'i olanları ona saķy eyleme. Ve tab'ında şalâbet rü'yet olunur ise onda hıķne isti'mâl olunur, buħâr başına şu'ud eylemesin için.

Ve vâcib olur ki onların içtikleri sulara yabanî râziyâne kökü ve tohumu karıştırıla ve kermetü'l-beydâ ya'ni fâşerâ saķy olunmak nâfi'dir ve her gün bir mişķâl fâşerâ saķy olunur, eger şürb eylemez ise ta'amına dess olup bilmeden yedirilir.

Ve 'alîlin hayâ ve heybet eylediđi kimseler karşına iclâs olunur. Ve faħizleri ve sâķları dâimâ bađlanır cânib-i esfele buħâr müncezib olsun için. Eger kendi kendiyi ihlâk eder diye ħavf olunur ise o manyası olan 'alîl rabt-ı şedîd ile muħkem bađlanıp bir kafes içine o mecnûn vađç olup ürcûħat gibi mürtefi' bir mi'âlâktan asılır.

Ve vâcib olur ki onların ađdiyeleri her hâlde raţb olan ğıdâlar ola velâkin neşâ mişlli ruţûbeti südde ihdâş eden raţb ğıdâlar isti'mâl olunmaya, zîrâ o mişlli müseddid olan ğıdâ-i raţbı isti'mâl cidden muđırr olur. Ve o 'alîle keşrü'l-idrâr olan nesnelere dahi verilmez, zîrâ keşret-i idrâr dahi onlara muđırr olur. Ve ihtirâzı vâcib olan sâir mu'alecâtı mâliħülyâ mu'alecâtında ihtirâzı lâyıķ olanlardır ki inşâallâhu ta'âlâ mâliħülyâ bâbında biz onları zıkr eyleriz.

Ve kaçan manya ʿilleti zamân-ı inhîṭâta bâliġa olsa mâ-ı keşîr ile müm-tezic olan şarâb saġy olunmakta be's-i ṭıbbî yoktur. Ve bu mişlî şarâbı şûrb eylemek ʿalîli terṭîb ve tenvîm eder. Ve müsahhine olan eşyâ-ı hârre istiʿmâlınden ihtirâz etmek sana lâyıġ olur.

Dokuzuncu Faşl Mâlihûlyâ Beyânındadır

Zunûnun ve fikrin mecrâ-yı ṭabîʿisinden fesâda ve havfa ve redâpete taġayyürüne mâlihûlyâ ıflâk olunur. Ve bu taġayyürün sebebi mizâc-ı sev-dâvîdir ki o mizâc rûh-ı dimâġı dâhilden vahşette kılar ve zûlmeti ḥasebiyle ifzâc eder, nitekim zûlmet-i hâriciyye ervâhı vahşette kılıp ifzâc eylediġi gibi. Ve ḥuşûşan mizâc-ı sevdâvîde olan bürüdet ve yübüset rûhu idʿâf eder, nitekim mizâc-ı şarâbda olan ḥarâret ve ruṭübet rûha mülâyim ve muġavvî olur.

Ve mâlihûlyâ ducret ve teveşşüb ve şerâret ile terkîb olursa mâlihûlyâdan o ʿillet intikâl eylemiş olur ve ona manya tesmiye olunur. Ve bu ʿillete mâlihûlyâ tesmiye olunduġu muḥterika olan sevdâ ḥasebiyle ḥudûşundan içindir.

Ve mâlihûlyânın sebebi dimâġın nefsinde veyâḥüd dimâġın hâricinde olur: Ve nefsi dimâġda olan sebep yâ bilâ-mâdde bârid ve yâbis mizâc olur ve cevher-i dimâġa o mizâc vürüd edip saġîl eder ve nûrânî olan rûhun o sebebden zûlmete mâil olur veyâḥüd dimâġda olan sebep maʿa'l-mâdde sû-ı mizâc olur ve o mâdde baʿdî kerre dimâġın ʿurûkuna sâir maḥallden şâire ve vâride olur. Ve baʿdî kerre ʿurûk-ı dimâġiyyede olan ġidâ sevdâya istihâle edip ve o istihâle bir kerre ihtirâġ ile olur ve âḥer kerre teʿakkür ile olur.

Ve ekşer-i hâlde ʿurûkun ihtilâtı teʿakkür ile sevdâya istihâle eder veyâḥüd mâdde-i müziyeyi cevher-i dimâġ teşerrüb eder, o mâdde damarlarda maḥbûse ve dimâġda müteberrî olmaz. Ve baʿdî kerre mâdde kemmiyyeti ve keyfiyyeti ḥasebiyle dimâġa îzâ edip buṭûna munşabbe olur. Buṭûndan murâd cevher-i dimâġı ḥavî olan tecâvîf olur.

Ve mâlihûlyâ çok kerre şarʿdan intikâl eder, ammâ sebep dimâġda olmayıp hâric-i dimâġda olsa o sebep hangi ʿuḍvda ise dimâġda âfet-i hûlyâ ona müşâreket ile olur, zîrâ o ʿuḍvdan dimâġa ḥılt ve buḥâr-ı muzlim teşâʿudu mâlihûlyâ ihdâş eder.

Ve dimâğın müşâreketi ba'đı kerre cemîc-i bedene olur, bi'l-cümle bedene mizâc-ı sevdâvî galebe edip dimâğ dahi bedene müşâreket eder.

Veyâhüd yalnız tîhâle müşârik olur o vakte ki tîhâlde sevdâ muhtebise olur ve tenkıyesine kavî olmaz veyâhüd tîhâlin kuvve-i câzibesini da'ife olup demden sevdâyı tenkıyeden ve cezbeden 'âciz olur.

Veyâhüd mâlihülyânın sebebi harâret-i kebidin şiddeti olur.

Veyâhüd o sebep merâkğ olur. Ve merâkğ bir ğışâdır ki aĥşâ cemî'an onun cevfinden olur ve aĥşâyı muhît olan şerb ve şifâk ğışâlarının merâkğ fevkinde olur. Ve bu üç 'aded ğışâlar âlet-i teneffüs ile âlet-i ğidâ arasında fâsıl olur, onun için bu ğışâlara hicâb-ı hâciz derler ağdıyenin ğaleyâmı ile hâdis olan ebhîre ve edhinenin kalbe vuşûlüne hâil ve hâciz olduđu için. Pes dimâğda mâlihülyâ 'urûdu merâkğ müşâreketi ile olduğunun vechi budur ki merâkğa vâsıl olan ğidânın fuđülü [248b] veyâhüd em'âda hâdis olan ebhîre menâfizden nüfûz ederek merâkğa vâsıl olup onda zıkr olunan fuđül veyâhüd ebhîre terâküm ve ictimâc eder. Ve o rediyyü'l-keyfiyyet ruĥbetlerin ictimâcıyla merâkğın aĥlât-ı sâiresi dahi muhterik olup ba'đı kerre merâkğta verem ihdâs eder ve ba'đı kerre dahi verem ihdâs eylemez ve iki takdîr üzere dahi aĥlât-ı muhterikadan hâşıl olan sevdâ-i ğayr-i tabî'nin muzlime ebhîreleri dimâğa şur'ud edip dimâğda âfet ihdâs eder. Ve bu vech ile hâdis olan dimâğın âfetine nefha-i merâkğıyye tesmiye olunur ve mâlihülyâ-yı nâfiĥ ve mâlihülyâ-yı merâkıyâ isimleri ile dahi tesmiye olunur. Ve bu vech üzere aĥlât-ı merâkğın ihtirâkına sebep Câlînüs katında ekser-i hâlde bâbu'l-kebid tesmiye olunup muĥâ'ar-ı kebidde olan damarın teverrümü olur ve o veremin harâret-i 'ufüniyyesi merâkğta cem' olan aĥlâtı ihrâk eyleyip hülyâ-i merâkıyâ 'arîd olur. Ve Rûfus der ki aĥlât-ı merâkğı ihrâk eden harâret kebidin ve em'ânın harâretidir ki harâret-i kebid ü em'â kaçan müştedd olsa aĥlât-ı merâkğ muhterik olup vech-i mezkûr üzere mâlihülyâ merâkğı hâdis olur.

Ve bir tâife dahi mâlihülyânın sebebi mi'ade ile kebid ve em'â-i sâire arasında vâsıl olup mäsârîkâ tesmiye olunan ĥurde damarlara vâkı'a olan süddeler olur diye zâhib olurlar, zirâ mi'dede ve em'âda hâşıl olan keylûs muhtebes olup kebidde ve 'urûka nüfûz eylemeyip ihtibâs ile fâsid olup o âfete mü'eddi olur.

Ve ba'ḍılar dahi icmāl üzere derler ki bu âfet ekşeriyyâ ḥummâ ve 'aşaşı ve kay'-ı mirârî olmayan verem sebebiyle ḥâdiş olur ve veremde tûl-i müddet ğıdâ bilâ-ṭabḥ 'alâ-hâlihi bâkî kalıp bu âfet ḥâdiş olur. Ve ba'ḍı kerre mâddenin sebep-i tevellüdü mi'de mişlli 'uḍv-ı âḥerde olup mebde'i dimâğ olur, meşelâ mi'dede verem-i ḥârr olur, onun ḥarâret-i 'afînesi ve buḥârî aḥlât-ı dimâğı iḥrâk edip o aḥlât âfeti iḥdâş eder. Ve raḥimin veremi ve sâir dimâğa müşârik olan 'uḍvların evrâmı dahi bu kıyâs üzere mâliḥülyâ âfetini iḥdâş eder.

Ve zıkr olunan esbâb beyninden bilâ-mâdde berd ve yübs olan sebep dimâğda ḳalbe müşâreket ile ḥâşıl olur ve ba'ḍı kerre ḳalbe bilâ-mâdde veyâḥüd ma'a-mâddetin berd ve yübs mizâcî ya'nî mizâc-ı sevdâvî 'arıḍ olur. Ve ona müşâreket ile iki şürette dahi dimâğa berd ve yübs mizâcî bilâ-mâddetin 'arıḍ olur, zîrâ ḳalb rûḥ-ı ḥayvânînin mebde'idir. Ve rûḥ-ı ḥayvânînin dimâğda olan rûḥ-ı nefsanîye ittişâli olmakla ḳalbe 'arıḍ olan sevdâvî mizâca dimâğ müşârik olur. Ve dimâğın berd ve yübsü ba'ḍı kerre dimâğı tebrîd ve yübüsetli edici âḥer sebebler ile dahi ḥâdiş olur, yalnız ḳalbe müşârekete ḥâşş olmaz, lâkin her ḥâlde ḳalbe müşâreketin medḥali olmak lâzım ve belki esbâb-ı mürekkebenin mu'zam-ı eczâsı ḳalbin mizâc-ı sevdâvisi olur ve onun için bu maraḍın 'ilâcında 'ilâc-ı dimâğla 'ilâc-ı ḳalb maḥlûṭ olmak lâzım olur.

Ve ma'ḳûm ola ki kaçan dem-i ḳalb raḳîḳ ve şâf ve cilâlî ve müferriḥ olsa dimâğda olan fesâda muḳâvemem edip izâle eder. Ve bu ḥâl iḳtidâ eder ki dimâğın fesâdı zâhir olsa ḳalb dahi fâsid ola belki ekşer-i ḥâlde evvelâ ḳalb fâsid olup dimâğın fesâdı ona müşâreket ile olmak emr-i 'acîb ve müsteb'ad olmaz. Ve ibtidâ-i ḥâlde dimâğ fâsid olsa ḳalb dahi ona müşâreket ile fâsid olur ve o fesâd ile rûḥ-ı ḥayvânî muzlim ve mûḥiş olup rûḥ-ı nefsanîyi dahi muzlim kılmakla mâliḥülyâ âfeti ḥâşıl olur. Bu şürette dahi her ne kadar ḥülyânın sebebi dimâğda olur ise lâkin istiḥkâmı ḳalbede olan sebep ile olur ve dimâğın ona i'âneti olur.

Ve ba'ḍı kerre emrâd-ı mâddiyenin âḥirinde ve ḥuşuşan mevâdd-ı ḥârreden ḥâdiş olan emrâdın âḥirinde ḥülyâ ḥâdiş olur ve o mâliḥülyâ marîḍin mevtine 'alâmet olur. Ve o ḥâlde olan insân mevti ve mevtâları çok zıkr eder.

Ve'l-hâşıl sevdânın aşnâfi keşir olur, ba'đı kerre kebidde tevellüd eder iki vechin biri ile. Ekseriyyâ kebidde dem-i muhterik olup sevdâ-i gayr-i tabîr olur ve kalilen kuvvet-i mümeyyizede da'f olup fađlayı temyîz edemez ve def'e dahi kâdir olmaz ve dem fađla ile mađlût kalıp sevdâ olur. Ve sevdâ-i gayr-i tabîrinin bir sınıfı dahi tıhâlde tevellüd eder ve sebep-i tevellüdü iki vechin biri olur: Evvelki vech budur ki dem kebidde muhterik olur ve tıhâl dem-i muhterikin remâdiyyetini cezb ve imtişâş edip tıhâlde o remâdiyyet-i müziye sevdâ olur. İkinci vech budur ki tıhâle gelen ğidâda mevcüd olan fađlı tıhâl mefragına def'e eylemekten 'aciz olup o fađla sevdâ-i müziyeden olur.

Ve ba'đı kerre sevdâ kebid ve tıhâlin mâ-'adaları olan 'udvlarda tevellüd eder yâ o 'udv-ı âhere vârid olan ğidâ muhterik olmakla veyâhüd o vârid olan fađlı def'den 'udv 'aciz olmakla olur, zîrâ fađlı-ı ğidâ ile mađlûtan kalsa laţîfi tağallül eder ve keşîfi te'akkür edip sevdâ olur. Ve ğidânın fađlı sevdâ olduğunun sebebi budur ki ba'đı kerre o fađla müberrid veyâhüd müceffif bir nesne mülâsık olup onu ziyâde tebrîd ve tahmîd veyâhüd tecfif etmekle sevdâya istihâle eder. Ve ba'đı kerre dahi müvellidât-ı sevdâ olan ağdiye tenâvülü sebep olur.

Ve ba'đı eţibbâ rey ederler ki mâliĥülyâ cänn kavminden vâkıf olur, sebep-i fâ'ilisi cinndir derler. Ve biz fenn-i tıbbda ondan bahş eylemeziz, zîrâ cinnden olduğu tađdir üzere ğidâda cinn taşarruf edip demi sevdâya ihâle ederler. Ve mâliĥülyânın sebep-i karîbi sevdâ olur ve eţibbânın akvâli tâmm olur, ammâ o sevdânın sebep-i fâ'ilisi cinn olup veyâhüd gayr nesne olduğundan fenn-i tıbbda bahş olunmaz.

Ve mâliĥülyânın esbâbının ziyâde kavî sebebi ğammın ve ĥavfin ifrâtı olur. Ve bilinmesi vâcib olan nesnelerdendir ki mâliĥülyâyı fâ'il olan sevdâ yâ sevdâ-i tabîr olur veyâhüd o balĝam olur ki o balĝam tekâşüf ĥasebiyle veyâhüd ednâ ihtirâk ile sevdâya istihâle eder velâkin balĝamdan istihâle eden sevdânın mâliĥülyâ ihdâsı kalil ve nâdir olur veyâhüd mâliĥülyânın sebebi olan sevdâ şiddet-i ihtirâk yok iken mücerred inţibâĥ veyâhüd tekâşüf ile demden ĥâdiş olan sevdâ olur. Ammâ ĥılt-ı şafrâvînin ihtirâkı ĝâyete bâliĝ olsa onun sevdâsı yalnız mâliĥülyâ ihdâs eylemez belki manya ile mâliĥülyâ mađlût olur.

Ve aşnâf-ı sevdâdan herhangi sınıf dimâğdan zikr olan mevdi'de vâki' olsa mâlihülyâyı ihdâs eder lâkin kimisi yalnız mâlihülyâyı ve kimisi hulyâ ile manyayı ma'an ihdâs eder. Ve mâlihülyânın eslemi 'aker-i demden hâdis ve hulyâsı müferrih olandır.

Ve çok kerre mâlihülyâ bevâsîr ve devâlî 'urûdu ile tahallül eder ve bîd ve simâna ya'ni levni ve beşeresi ebyađ olup semiz olanlara mâlihülyâ 'urûdu kalîl olur. Ve buğday enli ve arık olanlarda keşîrî'l-vuķû' olur ve kalbi cidden hârr olup dimâğı raṭb olanlarda dahi vuķû' cidden keşîr olur, zîrâ kalbin hârâreti sevdâyı tevlîd eder ve dimâğın ruṭubeti sevdâyı dimâğın kabûlüne sebep olur.

Kaçan bir kimsenin lisânı elsağ olup kendisi hadîd ve bed-zebân ve nazarı şedîd ve lisânı hafif olup tîz tîz tekellüm eylese ve yüzü kırmızı ve sâir beşeresi buğday enli ve mehzûl ve huşuşan göğüslerinde esved ve ğalîz tüyler olup damarları geniş ve dudakları ğalîz olsa pes bu 'alâmetler kendide mevcûd olanlar mâlihülyâ işâbetine ziyâde müsta'idd olurlar, zîrâ bu 'alâmetlerin ba'ḍısı hârâret-i kalbe delâlet eder ve ba'ḍısı ruṭubet-i dimâğa delâlet eder. Ve zikri ânifen mürür eylediğı üzere hârrî'l-ḳalb ve raṭbu'd-dimâğ olanlar o âfete müsta'idd olurlar. [249a] Bi-hasebi'z-zâhir balğamî olanlarda dahi vuķû' keşîr olur.

Ve mâlihülyâ âfeti ricâlde çok olur ve hatunlarda efḫaş olur. Ve sinn-i kühûlet ü şeyhühatta keşîrî'l-vuķû' olur. Ve faşl-ı şitâda az olur ve şayf ve ḫarîf faşllarında çoğalır. Ve ba'ḍı kerre faşl-ı rebî'de dahi keşîren hâreket ve heyecân eder, zîrâ rebî' ahlâtı taḫrîk edip dem ile ḫalt eder.

Ve 'illet çok kerre edvâr ile heyecân eder ya'ni sevdânın heyecânı devr ile olduğı hâlde mâlihülyânın heyecânı dahi devr ile olur.

Ve mâlihülyâyâ müsta'idd olan kimselere kaçan ḫavf ve ğamm ve seher 'arîḍ olsa veyâḫûd o kimselerden seyelân-ı dem ve ḳay'-ı sevdâ ve bu mişlli nesnelere mu'tâd iken zamân-ı i'tiyâdda muḫtebese olsa ona mâlihülyâ serî'an işâbet eder.

'Alâmâtü'l-Mâlihülyâ ve Aşnâfuhu: Mâlihülyânın ibtidâ-i ḫudûsunun 'alâmeti zann-ı redî ve bilâ-sebebe ḫavf ve sür'at-i ğaḍab ve ḫalvete muḫabbet ve a'ḍâsında ihtilâc olmak ve düvâr ve devî olur ve huşuşan merâḳıyâ olan mâlihülyâda devî ve düvâr ve sâirleri ziyâde olur.

Ve istihkâmında ‘alâmeti tefezzu‘ ve sũ-i zann ve ğamm ve vahşet ve kerb ve kelâmında hezeyân ve şebağ olur, zirâ bu ‘illette riyâh-ı bāride olmakla mücâma‘ata ikbāl ziyāde olur ve havf dahi bi-cümleti aşnāfihi o ‘illetin istihkāmına sebep olur ya‘nī hũlyāsı müstaħkem olan kimselerin kimisi vücũdu olmayan eşyādan ve kimisi mevcũd olanların havf olunmayacaklarından havf ederler ve havf eyledikleri nesnelere hadd ü haşrı olmaz hattâ ba‘dıları başımıza semâ sākıř olur diye havf ederler ve kimisi beni yer yutar diye havf eder ve kimisi dahi cinnden veyāhũd sultāndan veyāhũd luşũştan havf eder ve yanına bađlı ve mađhũr sibā‘ idhāl olmaktan ittiķā ve hāzer eder. Ve ba‘dı kerre bu havflarda umũr-ı māziyenin te’sĩri olur, meselā ba‘dı kimselerin hasf ile helāk olduđunu müşāhede veyāhũd istimā‘ eder ve mālīhũlyāya o müşāhede mu‘in olur. Ve bunlar ile ma‘an ba‘dı kerre huđũrunda mevcũd olmak üzere vücũdu olmayan nesnelere taħayyũl eder. Ve ba‘dı kerre kendilerini bey ve pařa olmak üzere taħayyũl ederler. Ve yine kendilerini sibā‘ ve şeyātĩn ve tũyũr ve ālāt-ı şĩnā‘at taħayyũl ederler.

Ve kimisi daħik eder, ‘ale’l-huřuř hũlyāsı dem sebebiyle olanların daħiki ğālib olur, o sebep ile hũlyāsı olanların hũlyāsı lezzete ve feraħa müte‘alilik olur. Ve kimine dahi bũkā ğālib olur huřuřsan sevdā-yı mađđ hasebiyle olan hũlyā aşhābına bũkā ziyāde ğālib olur. Kimisi mevte muħabbet ve kimisi mevte buđđ eder.

Ve bu āfet aşnāfının arasında nefsi-dimāđda olanların ‘alâmeti ifrāt-ı fikr ve devām-ı vesvās ve şey‘-i vāhĩde dāimā nazār ve dāimā arđa nazār olur. Ve ona bařın levni ve yũzũn ve gũzũn levni ve bař tũylerinin sevādı ve keřāfeti ve seherin ve fikrin teķaddũmũ ve řemse ve řems misli nesnelere ta‘arruđun ya‘nī muķārenetin teķaddũmũ ve dimāđiyye olan emrāđ-ı saĩrenin sebķat ve teķaddũmũ cemĩ‘an ‘alāmet olur.

Ve dimāđa müşārik olan a‘đā-i saĩrelerin āfetlerinin bizim zıkr edeceđimiz ‘alāmātı mevcũde olmamak mālīhũlyānın dimāđa mađřuř olduđuna ‘alāmettir. Ve mālīhũlyā āfetinin dimāđa ‘urũđu ‘uđv-ı āher müşāreketiyle olduđu hads olunup o ‘uđv-ı āher mu‘ālece ve tenķiye olundukta nef‘i zāhir olmamak dahi āfetin dimāđa hāřř olduđuna delālet eder. Ve kezālik a‘rāđın cidden řiddeti dahi ‘illet dimāđa hāřř olduđuna delālet eder.

Ammâ âfet-i hûlyâ cemî'an beden müşâreketiyle olduğuna bedenin sevâdı ve helâseti ya'nî naḥîf olması ve tîḥâl ve mi'ceden istifrâğı mu'tâd olanların ihtibâsı ve idrâr ile maḳ'addan ḥurûcla ve ṭams ile istifrâğ olunacak nesnelere ihtibâsı ve bedende tüylerin keşreti ve tüylerin şiddet-i sevâdı ve ṭamsın keşreti ve kitâb-ı şânîde bildiğın müvellidât-ı sevda olan ağdiye tenâvülünün teḳaddümü ve ḥummayât-ı müzmine vü muhteliḳe 'aḳabinde hûlyâ âfetinin vuḳû'u cemî'an bu mezkûrlar dimâğa âfet-i hûlyânın 'urûdu bi'l-cümle beden müşâreketiyle olduğuna delâlet eder.

Ve tîḥâl müşâreketiyle dimâğa mâlihûlyâ 'urûdunun 'alâmâtı kılllet-i haḍm ve keşret-i şehvet ve sol tarafta karâkırın keşreti ve tîḥâlin intifâhı olur. Ve bu 'alâmet-i intifâh o âfet şâhiblerinden âfetleri bâkî oldukça müfâraḳat eylemez. Ve nefḥa ḥasebiyle şebaḳları dahi ziyâde olur. Ve ba'dı kerre tîḥâlî olan hûlyâda ḥummâ-ı rubu' olur. Ve ba'dı kerre ṭabî'at leyyine olur ya'nî berâz sühuletle elemsiz ḥurûc eder ve ba'dı kerre sevda lez' eylemekle elem icâb eder.

Mi'ceden olan hûlyânın 'alâmeti emrâḍ-ı mi'cede mezkûr olan verem-i mi'cede 'alâmâtının vücûdu imtilâ ve toḥme oldukça âfetin ziyâdeliğı ve kezâlik haḍm katında dahi artması olur. Ve çok kerre dahi vâkı' olur ki ṭa'âm yedikte istimrâ-ı haḍm olunca ḳadar hûlyâ artar, haḍm oldukta sâkin olur ve ba'dılarında dahi haḍm vaktinde sâkin olmayıp hûlyâsı zamân-ı cû'a varınca ḳadar ḥareket ve heyecân eder ba'dehu sâkin olur. Ve eger o 'illet ḥârr olur ise merâḳḳın ḥarâreti ve mirâr kusmak ve 'aṭaş-ı ḥâil ona delâlet eder. Ve mâlihûlyâ aşḫâbının ekşeri maṭḥûldür.

Ve merâḳıyâ hûlyânın 'alâmeti merâḳḳın ağır olması ve fevḳ cânibine ictizâbı ve mi'ceden dâimâ tehevvu'u ya'nî müte'assır olması ve ḥuḅs-i nefis ve fesâd-ı haḍm ve ekşi geğirmek ve ağzında olan büzâḳının ruṭûbeti ve ḳarḳara ve rîḥin ḥurûcu ve telehhüb ve veca'-ı mi'cede ve beyne'l-ketifeyn veca' olmak ḥuşuşan bu veca'lar ṭa'âmdan sonra 'arîḍ olup tamâmen istimrâ olunca ḳadar mütemâdi olmak bi'l-cümle merâḳıyânın 'alâmetidir. Ve ba'dı kerre merâḳıyâ aşḫâbı mirârî olan balğamı ḳazf eder ve ba'dı kerre dişi ağrıtabak miḳdâr ḥumûdatı olan ḥılt-ı ḥâmiḍ ḳazf eder. Ve bu a'râḍlar ona ṭa'âm tenâvülünden ve belki tenâvül eyledikten birkaç sâ'atten sonra 'arîḍ olur ve onun berâzı balğamî ve mirârî olur ve cevdet-i haḍm ḥasebiyle ḥafif olur ve haḍmın noḳşânıyla berâz ziyâde olur.

Ve ba'ı kerre mâlîhülyâ ile merâkkta verem hâdiş olur, ikisi zamân-ı vâhîdde hâdiş olur veyâhüd veremin zamân-ı hudûsu hûlyânın hudûşundan mu'kaddem olur. İki hâlde dahi merâkkta vaqt vaqt-i ihtilâc olur. Ve tohme hâlinde 'illet ziyâde olur ve hađm sür'atlı olur.

Ve biz deriz ki mâlîhülyâda fâ'il olan sevdâ demevî olur ise o hûlyâda dahik ve ferağ olur ve ona ğamm-ı şedîd mülâzeme eylemez. Ve fâ'il balġam olur ise o âfette kesel ve kıllat-i hareket ve keşret-i sükûn olur. Eger fâ'ili şafrâ olur ise onda ıdıtırâb ve nev'-i cünûn olup manya gibi olur. Ve eger fâ'il şırf sevdâ olut ise onda fikr çok olur ve 'âdiyesi ya'nî mađarratı eķall olur lâkin tahrîk olunsa ducret eder ve bir vech ile hıķd eder ki onu kaķ'â unutmaz.

el-Mu'âlecât: Mâlîhülyânın istiħkâmından evvel vâcib olur ki 'ilâcına sür'at ve mübâderet oluna, zîrâ o 'illete ħable'l-istiħkâm mu'âlece sühûletli olur ve istiħkâmdan sonra 'ilâcı şu'ûbetli olur. Ve her hâlde vâcib olur ki o 'alîl tefrîh ve taķrîb oluna ve mu'tedil mevdi'lerde iskân oluna ve meskeninin havâsı tertîb oluna ve meskenine reyâhîn döşenip taķyîb oluna. Ve vâcib olur ki ona dâimâ revâyiġ-i tayyibe koklatıla ve cidden muratķıb olan keymûsu fâđıl aġdiye iķ'âm oluna ve tedbîr olunup bedenini muħađđıb muvâfık aġdiyeler ile ġıdâlandırıla ve ħable'l-ġıdâ' ħammâma idhâl oluna ve ħarâreti şedîd olmayan mâ-ı fâtir başına şabb oluna. Ve ħammâmdan çıktıktan sonra ħalîlen 'aķaş 'arıđ olur ise ona miķdâr-ı ħalîl su iķirmede be's yoktur. Ve ħıfz-ı şıġhat bâbında zıkr olunan bedene nâfi' ve muħađđıb delk dahi isti'mâl [249b] olunur. Ve senin o kimseyi tertîbe 'inâyetin onu teşhîne 'inâyetinden ħasbemâ-emken ziyâde ve ekşer olsun.

Ve mâlîhülyâ şâhibini cimâ'dan ve çok terlemekten ve baķla ve pastırma ve mercimek ve lahana yemekten ve şarâb-ı ġalîz ve şarâb-ı ħadîş iķmekten ve mümellaġ ve ħırrîf ve mâliġ olan me'kûlâtta ve ħumûdatı şedîde olanlardan ictinâb ve ihtirâz eylesinler. Ve onlara muvâfık aġdiye ve düsûmetli ve ħalâvetli nesnelerdir.

Ve o 'alîli kaķan uyutmak kaşđ eylesen ħaşġaş ve babadya ve uķġuvân suları ile başını tenķil eyle, zîrâ nevm onlara sâir mu'âlecâtta evfaķ olur. Ve o 'alîle min-vechin ħaşġaşın mađarratı olur, lâkin ħaşġaşın tenvîmi ħasebiyle ħaşıl olan menfa'ati o mađarratı telâfi ve tedârük eder.

Ve bilâ-mâdde sū-i mizâc-ı bârid ü yâbisten hâdis olan mâlîhûlyânın mu'alecesinde lâyiğ olur ki qalbi teşhîne iştiğâl oluna ve müferrihât ve edviye-i misk ve tiryâk ve meşrudîtus ve bu mişlli ma'âcînler isti'mâl oluna ve ru'ünet bâbında zikri mürûr eden sular ile başına mu'alece oluna.

Emrâd-ı hârreden sonra ve 'aķabinde 'arîd olan mâlîhûlyâ ziyâde kavî olur velâkin mu'alece sühûletli olup mücerred tenzîl ile zâil olur.

Ve mâdde-i sevdâviyyeden 'arîd olup mâdde dimâğda mütemekkin olur ise onun 'ilâcının uşûlü üç aşla râci' olur:

Aşl-ı evvel istifrâğ-ı mâddedir. Ve o istifrâğ ba'đı kerre hûkne ile ve ba'đı kerre kay' ile olur lâkin mi'cesi đâ'ife olanları ve merâķķı olanları bu marađda kay' ile istifrâğ câiz olmaz.

Aşl-ı şânî o istifrâğla bile dâimâ ne'ûlât ve edhân-ı hârre ile 'alîl tertîb olunmaktadır. Ve onun ne'ûlüne babadya ve durak otu ve iklîl-i melik ve süsen kökü idhâl olunur, zîrâ bu edviyeler hâl olunmasa zikr olunan ne'ûlât-tan muhallil-i sâzec olanlar bilâ-telyîn taħlîli hasebiyle hılıta tağlîz eder ve muratıb-ı sâzec olanlar bilâ-taħlîl tertîbi hasebiyle hılıta ğılzat-i tabî'isinden ihrâc eder. İmdi bu edviyeler hâl olunmakla ta'dîl olunurlar. Ve eger sevdâ harâretten ba'îd olur ise ya'nî zikr olunan müsahhînâtın teşhînine mu'tavi' olmayıp 'işyân üzere olur ise o devâlar üzere şîh ve defne varaķı ve fûdenec ziyâde olunup muratıbâtla ma'an isti'mâl olunur ve bunların yübüsetinden hafv olunmaz. Ve dem-i maħmûd tevlîd eden semek-i radrâđi mişlli ve kezâlik zikri mürûr eden luħûm-ı hafife olan ađdiye ile ğidâlandırılır ve aħyânen şarâb-ı ebyađ-ı memzûc dahi verilir, şarâb-ı 'atîķ-i kavî verilmez.

Aşl-ı şâlîş muķavviyât-ı qalb isti'mâlidir. Eger qalbin mizâcının bürüdeti ihsâs olursa ona müferrihât-ı hârre verilir. Ve ammâ qalbin mizâcında harârete meyl ihsâs olunur ise ona müferrihât-ı mu'tedile verilir. Ve eger harâret cidden şedîde olur ise onda müferrihât-ı bârideden bürüdeti ifrât üzere olmayan müferrih isti'mâl olunur. Ve qalbin harâret ve bürüdeti nabđ ile bilinir.

Ve bu zikr olunan uşûl-i icmâlînin şimdi tafşîline şürû' ve ibtidâ eyleyelim:

Ammâ istifrâğın tafşîl üzere beyânı budur ki kaçan o 'alîlin 'urûķu 'alâ-eyyi vechin kâne mümteli'e olsa ve sevdâ dahi demevî olsa ekħal da-

marı faşd olunur ve her hâlde ʿilâca faşd ile şürûc olunmak vâcib olur, lâkin faşd ile ʿalile daʿf-ı şedîd ʿarîd olacağı ihsâs olunur ise veyâhüd o ʿalilde mevâdd-ı kalîle ve o dahi dimâğa mahşûş olup aʿdâ-i sâirede yok ise ve onun mizâcına yübûset müstevliye ise faşd ile muʿâlece olunmaz, terk olunur. Ve kaçan faşd olundukta dem-i rakîk hürûc eylese demin rikḳati ile demin şalâhuna istidlâl olunup dem habs olunmaz, zîrâ çok vâkîc olur ki evvelâ dem-i rakîk-i şâlih çıkar baʿdehu ğalîz sevdâvî fâsid hürûc eder. Onun için vâcib olur ki faşdın şukbesi geniş kılına tâ ki kan süzülüp rakîki çıkıp sevdâvisi bâkî kalmaya ve şerri ziyâde olmaya.

Ve sen ʿalilin başına nazar eyle, kaçan başın hangi tarafı şakîl ise onu taʿarrûf edip bil ve o şakîl yemîn ve yesârdan hangisinin ise o tarafta olan bâsilîki faşd eyle. Ve baʿdı kerre şikal iki tarafta olmakla iki tarafta olan bâsilîkler faşdına hâcet olur. Baʿdılar derler ki ʿırk-ı cebhe faşd olursa mevâddı ziyâde tahrîk eder yaʿnî müzînin hürûcu ziyâde olur.

Pes dem-i hâricden maʿlûm olsa ki müzî olan hılt sevdâvî ve meyli bürüdete olur, o hılt eftîmün ve şabır ve harbaktan müttehâz hubûbla istifrag olunur ve evvelâ indâcla bedʿ olunup baʿdehu edviye-i hafîfe ile istifrag olunur. O edviyenin içine eftîmün ve şahm-ı hanzal ve miḳdâr-ı kalîl sakmünyâ idhâl olunur. Ve bundan sonra eftîmün ve ğarîkûn tabîhiyle istifrag olunur. Ve eger bu istifraglar ile tenḳiye-i tâmmе hâşıl olmaz ise eyâricât-ı kibâr ile istifrag olunur. Eger bundan sonra ihtiyâc bâkî kalır ise harbak-ı esved istiʿmâl olunur veyâhüd hâcer-i lâciverd ve hâcer-i Ermenînin kendileri veyâhüd habbları istiʿmâl olunur lâkin harbak-ı esved istiʿmâli ḫavf ve ihtirâz üzere olmak lâzımdır. Ammâ iki hâcerleri istiʿmâlde o ḫaṭar yoktur. Ve zîkr olunan devâları mâ-ı cübñ ile müdâvemet üzere istiʿmâl baʿdı kerre nefʿ verir, lâkin müdâvemet olundukta devânın miḳdârı taḳlîl olunur. Ve eger mâ-ı cübñ ile müdâvemet üzere istiʿmâl nefʿ vermez ise zîkr ve tertîb olunan muʿâlecâtı muʿâvede eylesin ve ḫabb-ı laṭîf ü vasaṭ ile küllü üsbûcın bir kerre istifrag edersin. Ve zîkr olunan mâ-ı cübñ ve tabîh-i eftîmünla iṭrifîl-i eftîmün istiʿmâl olunur. Ve iṭrifîli eftîmünla bu şıfat üzere saḳy olunması tecrîbe olunmuştur ve nüshası budur: iṭrifîl üç dirhem, eftîmün bir dirhem, eyâric nışf dirhem. Bu edviye zîkr olunan vezn miḳdârı aḫz olunup saḳy olunur ve küllü şehrin birer kerre eyâricât-ı kibâr-ı

ķaviyye ile ve ĥubûb-ı kibâr ile ėillet zâile olunca ķadar istifrâġ olunur. Ve bu istifrâġlar gibi ķay³ ile dahi istifrâġ olunur.

Ve ĥuŖuŖŖan miċdede bir âfet olsa ki onun ziyâde olması ile mâlihûlyâ ėilleti ziyâde ola ve miċdede đaf-ı Ŗedîd olmaya ve vâcib olur ki onun muķayyî⁴ o sular ola ki onda fûtenec ve kengerzid ve bezr-i fücl Ŗabĥ olmuş ola ve turpun kendisine ĥarbaķ ġarz olunup o ĥâl üzere birkaç eyyâm terk olunur ĥattâ ĥarbaķın ķuvveti ĥıka baċdehu turp ėaŖr olunup ėuŖâresi sikencebîn ile tenâvül olunur veyâĥûd o muķavvî turp sikencebîn içinde naķċ olunup yalnız turpun kendisi tenâvül olunur. Ve gerekir ki sikencebînin miķdârı üç istâr⁵⁰ ola ve miķdâr-ı ėuŖâre istâr-ı vâĥid ola ve ķuvvet ve đaf ĥasebiyle ziyâde ve noķŖân kılınır. Ve eger đaftan ĥavf olunur ise ĥarbaķtan ictinâb olunur.

Ve kaçan istifrâġlar ile kemâ-yenbaġî tenķiye ĥâŖıl olur ise o zamân ķalbi taķviyye ķaŖd ve ėinâyet olunup muķavviyât-ı ķalbden ġayre merrettin zikri mürür edenleri istiċmâl ile ķalb taķviyye olunur. Ve iŖrifil-i eftimûnînin bu bâbda nefċi mücerredir.

Ve eger bu ėillet müzmine olur ise ĥarbaķ ile ķay³ istiċmâl eyle ve zikri mürür eden međûġât yaċnî ĥiyenecek nesneleri ve ġarġarât-ı maċrûfeyi ve kezâlik meŖmûmât-ı tayyibe ve misk ve ėanber ve efâvĥ ve ėüd istiċmâl eyle. Ve eger mâdde mirâr-ı Ŗafrâviyyeye mâil ise eftimûn Ŗabîĥi ve iŖtu-maĥîķûn ĥabb-ı muċtedilî ile istifrâġ olunur. Ve baċdı kerre bu devâlar ve kezâlik Ŗafrâ istifrâġı bâbında zikr olunan edviyeler Ŗafrâ-i muĥterikâyı dahi istifrâġ eyler. Ve bu müzmin mâlihûlyânın ėilâcında tertîbi ziyâde ve teşĥîni noķŖân eyle velâkin re'y eylediġin miķdâr bâbûnecden ve bâbûnec ķuvvetinde olan edviyeden onlara idĥâl [250a] olunmak gerekir. Ve neĥûlât istiċmâlini murâd edersen senin için ėalîlin başını müberridât-ı Ŗırfle ile tenĥîl eylemek câiz olmaz.

Ve baċdı ķudemâ bu miŖlli mevđiċde beher yevm miķdâr-ı ķalîl Ŗabır aĥzını veyâĥûd efsentîn Ŗabĥ olmuş sudan üç ūkiyye matbûĥ tecerruċunu veyâĥûd efsentîn ėuŖâresinden on ķîrât ėuŖâreyi su ile ĥall edip tecerruċ eylemeġi istiĥsân eylediler. Ve kezâlik her gice ĥall-i Ŗıķķîf ve ĥuŖuŖŖan ĥall-i ėunŖul tecerruċuna dahi Ŗenâ eylediler lâkin ben bu ėillette ĥallın ġâilesin-

50 “والذين اتفق الاطباء الحذاق ان الإستار أربعة مثاقيل” Şifâ-i Hâcî PaŖa.

den havf eylerim meger yakînen ma'lûm ola ki mādde şafrâ-i muhterikadan mütevellidedir ve mādde-i hārredir, bu şürette ona hall enfa-i eşyâ³ olur ve huşuşan hall-i 'unşulî veyâhüd hall-i 'unşulden müttehaz sikencebîn ve kezâlik o hall ki onda ca'de veyâhüd zerâvend kılınmış ola. Ve yine hall nâfi⁴ olur eger dimâğa o mâlihülyânın 'urûdu tihâle müşâreket ile olup mādde tihâlde olur ise.

Ve vâcib olur ki onun meşemmi ve koklayacak nesnelere tîb-i mu'tedil ü mürekkebe olup terkibinde kâfûr ve misk ve dühn-i benefsec ola ve dühn-i benefsec râyihâsı kâfûr ve miskin yübüsetine gâlib olacak kadar teksir oluna ve o terkibde sâir revâiyih-i tayyibe vü bāride dahi ola huşuşan nîlüfer dahi ola.

Ve kaçan mâlihülyânın sebebi mi'de ve ahşâ ve sâire veremleri olur ise veyâhüd mi'denin ve ahşânın mizâcında olan harâret muhrîka olur ise o veremin ve harâretin tedârükü görülür ve baş tebrîd ve takviye ve tertîb olunur, zîkr olunan 'uqvdan munfaşıla mevâddı kabûl eylesin için.

Ve eger mâlihülyânın sebebi merâkқта olup māddenin riyâh ve qarâkırı olur ise ve merâkқта dahi verem-i hâr olur ise sen mu'alece edip veremi tahlîl edersin o edviye-i lâyîka ile ki onun bâbu'l-evrâmda zikri bize vâcib olur. Ve başını takviye edip edhân-ı muqavviyeye ve edhân-ı muqavviye vü muratçıbeye müstağrak edersin ve şart-ı mehâcim ile istifrag edersin. Ve bu mişlli hâlde kebid teshîn câiz olmaz belki vâcib olur ki kebid hâr olup harâreti demi ihrâk eder ise o mişlli kebid tebrîd oluna. Ve yine vâcib olur ki tihâl dahi takviye oluna. Ve merâkқ üzere mehâcim ve kezâlik devâ-i hardal mişlliler vađ oluna, onun için ki tihâle bu mehâcim ve devâ vađ olundukta merâkқта olan vereme tihâlden meded vâşıl olmaz ve tahlîli âsân olur.

Ve eger merâkқ bāridü'l-mizâc olup onda nefh mevcüd ise veremi ve lehîbi yok ise minvâl-i mezkûr üzere ona pelin matbûhunu ve 'uşâresini saqy eyle ve zîkr olunan ne'ûlât-ı hârre ile mi'desini tenñil ve dîmâdât-ı mezkûre ile tađmîd eyle ve penc-engüşt bezrini ve bezr-i sezâbı ve sūsen kökünü ve şecere-i meryemi isti'mâl eyle. Ve ađmide vađ eyledikte üzerinde müddet-i tavîle mekş eyle. Ve kaçan ađmideyi kaldırsan ađmide mevdi'ine mâ-ı hârre vađ ve ğams olunmuş bir kıt'a kuñn vađ eyle veyâhüd bir kıt'a atılmış yün veyâhüd sünger vađ eyle. Bu illete beyne'l-ketifeyn

đımād-ı ħardal ve zerûr ve teys đımādları vađ^c olunmak nâfi^cdir ve o đımād- lar akrabādinde mezkûrdur.

Ve merākķ üzere vađ^c olunan meĥâcim bilâ-şarţ vađ^c olunur lâkin merākķta verem ve veca^c olur ise bilâ-şarţ dahi vađ^c-ı meĥâcim olunmaz, onlara muţlakān meĥâcim muđırr olur.

Ve çok kerre mâlîĥülyā aşĥâbı bu edviyeleri saķya muĥtâc olur: Bezr-i kerefs ve kemmûn ve enîsûn gibi ve o eşribeler gibi ki onda bu zıkr olu- nan büzûr ve kezâlik sezâb ve şıbs tabĥ olmuş ola ve belki bezr-i sezâb ve penç-engüşt saķyına muĥtâc olur.

Ve merākķı müzmin dahi ĥarbaķ-ı ebyađ ile kay^a muĥtâc olur. Ve mâlîĥülyā-ı merākķî aşĥâbı kebidini işlâĥa muĥtâc olur, sevdâyı tevîd ey- lemesin [için.] Ve kezâlik mâlîĥülyā-i merâkıyā aşĥâbı çok kerre müberrid eşyâ ile intifâ^c eder onun için ki eşyâ-ı müberridede olan ruţûbet sevdânın yübüsetine muzâdde olur. Ve kezâlik mûzî olan rîĥ ve buĥâr tevellüdüne mâni^c her ne kadar eşyâ-ı bâride  ilâc ĥaķîķî ve māddeyi kâţı^c deđil ise lâkin zıkr olunan vech ile bi'l- arađ nâfi^c olur.

Ve ma lûm ola ki ba dı müvellid-i balĥam olan olan tedbîr-i muĥalliz sevdâya muķâvim olur, mađarratını def  eder. Ve tedbîr-i mûlattıf iĥrâķı sühûlet ile ķabûl etmekle ba dı kerre mâlîĥülyāya mu n olur. Ve ba dı kim- seler balĥam istifrâĥ etmekten intifâ^c eder; ona maĥrûr olup marađım gitti diye zann eylesin belki balĥamın ĥurûcundan intifâ ı bātında cem  olan balĥam-ı keşîrin aĥlâtı daĥt ve tad ıķı eleminden ĥalâş olmaktadır. Ve bu  illete bi'z-zât nâfi  olan nefsi sevdâyı istifrâĥ olur.

Ve mâlîĥülyā mu alecesinin ķânûnu budur ki tertîbde mübâlaĥa olunup ve ma a-hâzâ sevdâyı istifrâĥda taksîr eylememektir. Ve her bâr ki mâlîĥül- yâ aşĥâbının buţûnunda ĥıdâ fâsid olur ise onları sen ķazf ve kay^a ĥaml eyle. Ve ĥuşuşan  alîl aĥzında ĥumûdat iĥsâs eder ise o vakte kustumâĥa ziyâde ikdâm eyle ve o vakte şey⁻ⁱ aĥer tenâvül eylemek ona tıbben ĥarâm olur belki o  alîl fem-i mi deyi muķavviye olan cüvârişenât isti mâl eyle- mek gerektir. Ve o kimseler mi desinde ta âm-ı fâsid mevcûd iken üzerine ta âm idĥâlinden ziyâde iĥtirâz eylesinler.

Ve mâlîĥülyâ aşĥâbına vâcib olur ki şevâĥıldan hangi şuĥl olur ise olsun birine meşĥûl olup ĥalvette ferâĥ üzere olmaya ve iĥtişâm eylediĥi kimse-

ler meclisinde beğenip istihsân eylediği kimsenin maḥḍarında cülûs eyleye ve ḳalîlen şarâb-ı ebyaḍ-ı memzûc şürb eyleye ve ṭarab verici egânî istimâc eyleye. Ve onlara ḥalvet ve ferâğdan aḍarr bir nesne olmaz, zîrâ ḥalvette ve ferâğda onlar mûris-i ğamm yâhûd mûcib-i ḥavf olur bir fikre meşğûl olup müştâcîl ve mültehib olurlar ve maraḍları tezâyüd eder. Ammâ zîkr olunan meşâğîle şuğl ile fikr-i fâsid taḥayyülüne vaḳt kalmaz ve o mefsededen emîn olurlar, zîrâ onların a'ṛâḍ-ı 'illetleri efkâr-ı fâsidedir.

Ve mâlîḥûlyâ aşḥâbının mu'âlecelerinin aşlı ve ḍabıtı budur ki eger o 'illete sebep seyelanî vâcib olan ṭamsın ve ruṭûbet-i maḳ'ade ve bu mişl- li nesnelere ihtibâsı ise onlara mu'âlece olunup idrâr olunur. Ve onlara sukût-ı şehvet 'arîḍ olur ise 'illetin redâ'etine ve cefâfın müstevlî olduğuna delâlet eder. Ve bedenlerinde ḳurḥalar zuhûr eder ise ḳurb-ı mevte delâlet eder. Ve onların hangisinin bedeninde sevdâ hareket eyler ise o maraḍ 'ilâcî sevdâsı sâkinelerden ziyâde ḳabûl eder ve sevdâsı hareket üzere olanların sevdâsı ḳayḍa ve berâzda ve bevde ve levn-i cild ve behaḳ ve kelefte ve ḳurûḥta ve cerebde ve devâlî ve dâü'l-fîl ve maḳ'adeden sâil olanlarda ve bu mişl- li nesnelere zâhir olur. Ve bunlarda sevdânın zuhûru ile sevdânın hareketine istidlâl olunur ve 'âlâmet-i ḥayr olur, zîrâ sevdânın demden imtiyâzı ḳabûl edip mu'âlecenin imkânına delâlet eder.

O 'illet aşḥâbına ishâl ve istifrâğdan sonra teşennüc 'arîḍ olsa vâcib olur ki onlar mâ-ı fâtire oturtula ve cüllâb ve ḳalîl şarâb içinde naḳ' olmuş ḥubz iṭ'âm oluna ve mâ-ı memzûc⁵¹ dahi saḳy olunup ba'ḍehu uyutulur ve ba'ḍe'l-intibâḥ ḥammâma idḥâl olunup ve ḥammâmdan çıktığı gibi ğidâsı verilir. eṣ-Şâfî hüvallahü ta'âlâ.

Onuncu Faşl Ḳuṭrub Dedikleri Maraḍ-ı Dimâğî Beyânındadır

Fi'l-aşl ḳuṭrub bir nev' saġîr böcek adıdır ki dâimâ hareket üzere olur, aşlâ istirâḥat eylemez, onun için Sîbeveyhi telâmizinden Muḥammed b. el-Mustenîr ḥaḍretlerine Ḳuṭrub tesmiye etmiştir, tahsîl-i 'ilm için geceden ḳable-fethî'l-bâb geldiği için. Muhammedşâh-ı Ḳazvînî *Şerh-i Mücezz'* de der ki o böcek gece leme'ân eder, onun için yebrûḥu's-şaneme dahi sirâc-ı

51 Ya'nî ḳalîl şarâb ile karıştırılmış su içirile.

kuṭrub tesmiye olundu, yebrûhta dahi gecelerde leme^ʿân [250b] olduğu için. Ve kuṭrubda aḳvâl-i sāire çoktur ve ekserinde hareket ma^ʿnāsı mevcüddur. Ve bu maradda dahi hareket ʿaraḍı olmakla ona kuṭrub tesmiye olundu. Pes şāhib-i *Ḳānūn* der ki:

Ḳuṭrub ʿilleti mālîhūlyādan bir nev^ʿdir ekseriyyā şubat ayında ʿarîḍ olur. Ve kuṭrub aşhâbı insân-ı hayydan firâr eder ve mevtâlara muhabbet edip mekâbirde mücâvir olur; fec^ʿeten üzerine dâhil olan aḫyâya sū^ʿ-i kaşd eder. Ve gündüz saklanır ve gece zuhûr eder ve nâstan firâr ve ḥalveti ihtiyâr için bu fi^ʿleri işler. Ve bu aḫvâli ile bir maḥallde bir sâ^ʿat sâkin olmaz belki tereddüd ve tebdîl-i mekân eder ve meşy-i muhtelif ile meşy eder, gâh sağ cânibe ve gâh sol cânibe ve öne ve arda gider, teveccühü bir cânibe olmaz. Ve bu ihtilâf-ı meşy ve tebdîl-i mekân bi'l-cümle nâstan ihtirâz için olur.

Ve ba^ʿḍılarının ğafleti ğâlibe ve feṭânetleri ḳalîle olup gördüğü ve müşâhede eylediği nesnelere bilmez, ḥaceri şecerden ve aḫyâyı emvâtan fark eylemez, binâen ʿaleyh o mişli kuṭrub aşhâbı insândan ʿadem-i şu^ʿûrlarına binâen firâr eylemezler, dâimâ sükûn üzere olurlar. Ve onlar dâimâ ʿabûs ve müte^ʿessif ve mütehazzin hey^ʿeti üzere olup levn-i beşereleri sarı ve lisânları kuru ve ʿaṭşân ve sâḳlarında indimâli ḳabûl eylemeyen ḳurḫalar keşir ve firāvân olur. Ve o ḳurḫaların sebab-i ḫudûşu mevâdd-ı sevdâviyyelerinin fesâdı ve ayaklarının keşret-i harekete i^ʿtiyâdı olur, zîrâ ekseriyyet hareket ile mevâdd-ı fâside sâḳlarına nüzûl ve sâḳlar dahi mevâdd-ı nâzileyi ḳabûl edip ḳurûḫ-ı ğayr-i mündemile ḫâdiş olur. Ve ḫuşûşan onlar keşirü'l-ʿişâr olur ya^ʿnî sürçmeleri çok olur ve sâḳlarını dahi şalâbetli nesnelere iştikâk ederler veyâḫûd kilâb ayaklarını keşiren ʿaḍḍ edip ısırır ve bu aḫvâller mevâddın sâḳa mütevâliyeten nüzûlüne sebep olur ve ḫâdiş olan ḳurḫalar bür^ʿü ḳabûl eylemez. Ve onların gözlerinde yaş olmaz ve gözler ḍa^ʿife ve ğaire olur. Ve bu a^ʿrâḍın ʿurûḍuna sebep ʿaynın mizâcının yübüseti olur

Ve kuṭrub bir düveybedir ki su üzere olur, bilâ-nizâm ḫarekât-ı muhtelif ile hareket eder, küllî sâ^ʿatin suya dalıp hereb eder, der-ʿaḳab sudan çıkıp zuhûr eder. Ve ba^ʿḍılar dediler ki kuṭrub zıkr olunan düveybe-i mâsiyeden başka bir düveybenin ismidir ki aşlâ istirâḫat eylemez. Ve ba^ʿḍılar dahi

dediler ki kuṭrub se'ālînin⁵² erkeğine ıtlāk olunur. Ve ba'ḍılar dahi zi'b-i em'āṭa⁵³ ıtlāk eylediler. İki evvel ma'nâlar maḳâma münâsibdir. Ve bu 'illetin sebebi sevdâ ve şafrâ-i muḥterikadır.

el-Mu'âlecât: Bu 'illetin mu'âlecesi sebebi sevdâ ve şafrâ-i muḥterika olan mâlîhülyânın mî'alecesidir. Ve vâcib olur ki bu 'illetin faşında mübâlağa oluna ve gâşy qarîb olunca kadar dem-i keşîr ihrâc oluna ve ağdiye-i maḥmûde ve ḥammâmât-ı tayyibe-i raṭbe ile tedbîr oluna. Ve üç gün miḳdârı ona mâ-ı cübn saḳy olunur. Ve bu tedbîrlerden sonra eyâric-i Erkâgânis ile istifrâğ olur ve ba'dehu tenvîminde ihtiyâl olunur. Ve istifrâğdan sonra tiryâḳ ve tiryâḳ mecrâsına cârî olan ma'âcîn ile ḳalbi taḳviye olunur. Ve ma'a-zâlik o 'alîl muratṭıbâtla cidden terṭîb olunur ve neṭûlât-ı münevvide ile tenṭîl olunur zîkr olunan edviye ḥarâreti ile ḥarâret-i ḳadiyye vü riyâdiyye cem' olmasın için. Ve o kimse muḳavviyât-ı ḳalbi isti'mâl edip ḳalbi teşhîn eylemeğe muḥtâc olur ve bedeni cidden terṭîb etmeğe ve mizâcını ta'dîl için tenvîme dahi ḥâcet olur ve 'ilâcının tamâmı tenvîm-i keşîr olur ve aḫyânen ona eftîmün saḳy eylemek ile olur ṭabî'atını teskîn edip fikrini ḳaç eylesin için. Ve ona bu devâlar nef' vermez ise te'dîb olunup başına ve yüzüne ḍarb ile icâ' ve îlâm olunur ve yâfûhu keyy olunur. Ve bununla aşḫâb-ı kuṭrub ifâḳat bulur. Ve ba'de'l-ifâḳat 'illet yine 'avdet ederse yine ḍarb i'âde olunur.

On Birinci Faşl 'Aşk Beyânındadır

'Aşk bir nev' maraḍ-ı vesvâsîdir ki mâlîhülyâya müşâbih olur. Ve onun sebebi budur ki insân fikretini şuver ve şemâilden ba'ḍılarını istiḫsâna teslîf eder ve o sebebden 'aşḳ maraḍını nefsine celb eder ve o vechle celbe o insânın şehveti mu'în olur ve ba'ḍı kerre i'ânet dahi olmaz.

52 "السعالات اخيث الغيلان وكذلك السعالته ويقصر والجمع السعالى واستسعلت المرأة إذا كانت صاحبه بذيئة" Kezâ ḳâle'd-Demîrî fî-*Hayâti'l-Hayevân*. Ve Süheyli katında gündüz görünene "si'lat" ve gece görünene "gûl" ıtlāk olunur. Ve Kazvîni der ki "Müteşeytmeden gûle muḡâyir bir şeytâna si'lat derler." Ve *Ḳâmûs* 'ta o şeytânin insânı ekl eder diye taşriḥ eder. Ve si'latın ekşer-i vücûdu feyâfide ve geniş şaḫrâlarda olur, eline eger insân girer ise kedinin fârî oynattığı gibi insân ile oynar. Ve ba'ḍı kerre si'latı zi'b aḫz edip iftirâs eder ve si'lat şayḫa edip der ki "Zi'b beni aḫz eyledi! Benim yanımda bin altın vardır, beni kurtaranım olsun" der. Nâs işitirler ve si'lat olduğunu bilir kimse mühimm eylemez.

53 Zi'b-i em'āṭ tıyü yolunmuş kurda derler.

Ve aşkın alâmeti gözü gâire ve yâbise olur ve bükâ zamânından mâ-â-dâ ezminede gözündem dem olmaz ve göz kapaklarında ale'l-ittişâl hareket ve vaqt-i dahikte olan hâlet olur, ke-enne bir şey-i lezîze nazar eder gibi veyâhüd haber-i sârr işitir gibi ve mizâh ve mülâtafe eder gibi olup nazarında onların heyet-i nazarları hâdis olur. Ve nefesini keşiren kaç ve keşiren istirdâd eder. Ve onun şuadâsı çok olur ya'nî göğsünü çok çok geçirir. Ve hâli müteğayyire olup gâhice güler ve ferağ-nâk olur ve gâhice ağlar ve gam-nâk olur. Ve gazeliyyât istimâında ve ale'l-huşuş hecr ve firâkı mutadammın kaşâyid istimâında ve nağamât katında bükâsı çok olur. Ve gözleri hâlinin hilâfı üzere sâir bedeni nem-nâk olur, zîrâ gözlerinin muklesi gâire ve ecfânı kebîre ve semîne olur. Ve dem'ası zîkr olunduğu üzere vaqt-i bükâdan gayrı evkâtta kalîle olur seheri için ve ecfânının re's canibine tezefzûfî ve irtî'âdı hasebiyle tebhîri için.

Ve aşkın heyeti nizâm üzere olmaz. Ve elbette nabdı dahi muhtelif, gayr-i muntazam olur aşhâb-ı hümûmun nabdı gibi. Ve huşuşan maşûk zîkr olundukta nabdının ve sâir hâlinin tağayyürü ziyâde olur. Ve kezâlik bağıteten maşûkuna mülâkî oldukta nabdı ve sâir hâli ziyâde müteğayyir olur. Ve aşık maşûkunu bildirmese ve aşkı kime idîğini ihfâ eylese zîkr olunan vechten maşûku ta'arrûf mümkün olur. Mezanne olanlar birer birer üzerine idhâl olunur, hangisinin duhûlünde tağayyür hâşıl olur ise maşûku odur. Ve marağ-ı aşka mu'alece tarafından maşûku ta'arrûf bir tarîk olmakla ba'dı kerre bu istidlâle hâcet şedîd olur. Ve ba'dı kerre maşûku getirmek mümkün olmaz, o vakitte ta'arrûfe ihtiyâl olunmak gerektir ve hîlesi budur ki aşkın nabdına el vaç olunup mezanne olanların her birinin isimlerini mükerreren zîkr edersin, her hangisinin tekerrür-i zîkri hasebiyle nabda ihtilâf ârîd olsa meselâ evvelen nabd munkaṭıṭ gibi olup ba'dehu mu'âvede eylediği birkaç def'a ihsâs olursa o ism şâhibi maşûku olduğu müte'ayyin olur. Ve kezâlik eşkâli ve sikek ve mesâkini ve hîrfet ve şan'atları ve neseb ve büldânı dahi zîkr olunup her birine o ta'arrûf olunan ism muḍâf kılınır ve her birinde onun nabdı hıfz olunur hattâ o mezkûrların birisi tekrâr olundukça nabd her merrede müteğayyir olur ise o mükerrer olan ism ma'a-evşâfihi hıfz olunup ve onunla istidlâl olunur ki onun maşûku o ismin şâhibi olup sebab-i aşkı o evşâf ve o zîkr olunan hilye ve şekl ve şemâili olmuştur. Şâhib-i Kânûn der ki:

Biz bunu tecrîbe eyledik ve bu vech ile istidlâl edip ‘aşıkın ma‘şûkunu ta‘arrüf eyledik ve bu ta‘arrüften ona tedbîrde menfa‘at-i ‘azîme bulduk. Ve bu vech ile ta‘arrüf eyledikten sonra beynehümâyı cem‘den mâ‘adâ mu‘âlecât-ı sâire müfîd olmayıp ve ‘ilâc hâşıl olacak miqdârı cem‘lerini şer‘at-ı şerîfede müsâ‘ade ve mesâğ mevcûd ise cem‘ ile mu‘âlece eyle, zîrâ biz marađ-ı ‘aşk kendiyi idnâ ve id‘âf edenlerde müşâhede ve mu‘âyene eyledik ki onlar şiddet-i ‘aşk hasebiyle hüvâle vâşıl olup belki onlara o dâ‘-i mu‘dil hasebiyle meblağ-ı zübülü tecâvüz hâşıl olmakla onlara emrâđ-ı müzmine-i şa‘be ve hummayât-ı tavîle-i muhtelife ‘arîđ olup helâk ve tevâları quddâmlarına hâđır olmuş idi. Ve o ‘aşık ma‘şûkuna vuşlatı ihsâs edip az vakte da‘fı kavıyye [251a] ve hüvâli semânete mübeddel olup selâmete ulaştı. Ve bu hâlet-i ğarîbeyi müşâhededede ta‘accüb edip bize ‘ilm hâşıl oldu ki evhâm-ı nefsanıyyeye müdebbir olan tabî‘at-ı külliyye bi-cümletihâ tâbî‘ ve mu‘âvî‘ olur.

Bu ‘abd-i fakîr der ki ‘aqlı lâyıķ olan budur ki nâire-i evhâmını kabîle’l-istiḥkâm reşehât-ı feyd-i ‘aql ile hâmidde ve sâkine edip şerâre-i evhâm ve sâ‘ıye-i eškâm u evrâmdan dâimâ selâmet üzere ola, zîrâ evhâm-ı nefsanıyye her ne kadar tabî‘at-ı hayvâniyyeye ḥâkim ise ‘aql-ı insânî dahi vehm-i insânî üzere ḥâkim ve ḥâsimdir, lâ-maḥâle ‘aql-ı şaḥîḥini düstûru’l-‘amel eyleyen kimse sa‘âdet-i dâreyne fâiz ve muzaffer olur.

el-Mu‘âlecât: Marađ-ı ‘aşka müdâvât eden tabî‘e lâyıķ olur ki onun aḥvâlinde te‘emmül eyleye, o ‘alîlin ḥarâret-i ‘aşkı lâ-maḥâle aḥlâḥından birini iḥrâk eylemiştir, onu zikri âti ‘alâmetler ile bile. Ve o ḥılt-ı muḥteriki istifrâğ eyleye ba‘dehu o ‘alîli tertîb ve tenvîme ve ađdiye-i maḥmûde ile tađdiyye iştigâl eyleye ve şuhûş-ı ma‘lûme üzere ḥammâm-ı muraḥḥib ile istiḥmâm ettirip ve bir şuğl ile meşğûl eyleye ve münâza‘ât ve muḥâşamâta ikâ‘ eyleye, zîrâ ba‘dı kerre o şuğl hasebiyle kendiyi idnâf ve temrîđ eden ‘aşkı nisyân eder veyâḥûd ihtiyâl olunup vuşlatı şer‘an helâl ve ta‘aşşuka şâyân bir aḥer şaḥib-i cemâle ta‘şık kılınır. Ve ma‘şûk-ı sâniye ‘aşkı munşarîf olmakla ma‘şûk-ı evvele olan ifrâḥ-ı muḥabbet zâile olur ve ma‘şûk-ı evvele olan ‘aşk zâil olduktan sonra ve ma‘şûk-ı sâninin ‘aşkı müstahkem olmazdan muḥaddem ‘aşk-ı sâni dahi ‘aşk izâle olunur.⁵⁴

54 “‘Aşk-ı sâni dahi ‘aşk izâle olunur” demekle izâle olunur ‘aşk her hâlde mezmûmdur gerek ḥelâle olsun ve gerek ḥarâma olsun.

Ve eger ‘aşık ‘uçalâdan ise⁵⁵ ona va‘z ve naşîhat eylemek ve onun bu şanî’ini suhriyye ve istihzâ eylemek ve bu mişlli ahvâl ve a‘mâl vesvese ve bir nev‘ cünûn olduğunu ona bildirmeğin menfa‘at-i ‘azîmesi vardır, zîrâ bu bâbda kelâm nâfi‘ ve nâci‘ olduğu zâhir ve âşikârdır.

Ve kezâlik biraz ‘acâyiz ya‘nî kocamış hatunlar o ‘aşığın şöhetine idhâl olunup dâimâ ma‘şûkun bezâzetini ve müstekreh ve müstaķzer olduğunu vaşf edip “Senin gibi bir zarîf ve pākîze zât-ı şerîfin ‘aşkı onun gibi bir müden-nes ve müstekreh olan kimseye munşarıf olması lâyıķ deęildir!” diye dâimâ tenfir ederler ve ma‘şûkun mesâvisini rûz u şeb zîkr ederler ve cefâsı keşîr ve bî-vefâ olduğunu hikâye ile tenfir ederler. Ve bu mişlli ‘acâyizin tenfirâtı ile ‘aşık müteneffir olur. Ve âherlerden iğrâ eden dahi olur ise onların iğrâ ve teręibi müfid olmaz. Ve yine nâfi‘ olur zîkr olunan ‘acâyizin teşbihât-ı kabîha ile ma‘şûkun şüretini ve yüzünde olan a‘dâlarını zîkr ve hikâye eylemek ve onları temsîlât-ı şenî‘a ile zîkre idmân edip iķsâr ve işhâb eylemek, zîrâ bu bâbda ‘acâyiz ziyâde hâzıķlardır ve tenfir ve tefrîķ bābında ‘âriflerdir, ricâl onların bildiklerini bilmezler. Lâkin ricâlden dahi muhannes olanlar bu mişlli işlerde ve kayd ve tefrîķ şan‘atında ‘acâyizden geri kalmazlar.

Ve kezâlik zikri mürûr eden şan‘at ya‘nî ‘aşığın ‘aşkıma ma‘şûķ-ı evvel-den ma‘şûķ-ı âhere şarf edip evvele olan ‘aşkı mensiyy olduktan sonra ve şâniye olan ‘aşķ müstaķkem olmadan mukaddem sânidan dahi ‘aşķı kat‘ eylemek ‘acâyize mümkün ve müyesser olur; o bâbda onlar tavsiyeye muhtâc olmazlar.

Ve şevâğıl-ı ‘aşktan olur o ‘aşığa cevârî-i keşîre iştirâ ettirip iķsâr-ı cimâ‘ ettirmek ve cāriyelerini gâh bî-gâh tecdîd eylemek ve o cevârî ile ‘ayş ve tarabda kılmak, lâkin bu vech ile ‘ayş ve tarab ba‘dı ‘aşıklara bā‘is-i tesliye olur ve ba‘dı âherlerin şevķ ve ğarāmını ziyâde eder.

Ve vâcib olur ki o ‘aşık tecribe olunup cevârî ile ‘ayş ve tarabın nef‘i olacak ‘aşıklardan ise zîkr olunan vech üzere tatîb oluna ve yine ‘aşığı tesliye eder şayd ve şikâra ve la‘ib ve lehve müdâvemmet ve kerâmât-ı sulţâniyyeye

55 “‘Aşık ‘uçalâdan ise” demekle Mecnûn-ı ‘Āmirî ve Kays bin Mülevvah mişlli ‘aşıklardan ihtirâz eyledi, zîrâ Leylâ‘ya olan ‘aşķları tesliyeyi bir vechle kâbil olmadı. Süre-i Fâtiha‘nın âhîrinde Şeyh-zâde‘ye nazar edenlere onların ‘acâyib-i hâlleri ma‘lûm olur.

vaqt vaqt nâil olmak ve kezâlik gumûm-ı ‘azîme-i mütenevvi‘a ile gam-nâk olmak dahi bâ‘is-i tesliye olur.

Ve ba‘dı kerre aşhâb-ı mâlîhülyâ ve manya ve kûtrub tedbîrleriyle tedbîr olunur ve onlar eyâricât-ı kibâr ile istifrâğ olunup zikri mürûr eden muraţţibât ile tertîb olunurlar. Ve bu tedbîr o vâkıtte olur ki ‘aşkıñ hey‘et ve şemâili ve ebdânlarının şehaneleri o ‘ilel aşhâbının şemâil ve şehanelerine müdâhî ve müşâbih ola. Ve ihvân-ı eţıbbâya lâyıktır ki onları tertîbe ziyâde mürâ‘ât eyleyeler ve yübüset-i ‘aşkı edviye-i muraţţibe ile izâleye iştiğâl eyleyeler. Allâhu eş-Şâfi.

Fenn-i Evvelin Beşinci Mağâlesi Dimâgiyye Olan O Emrâdın Beyânındadır ki Onun Āfâtı Hareket-i İrâdiyye Efālinden Olur ve O Mağâle Dahi Fuşûl-i ‘Adîdeyi Muhtevidir

Evvelki Faşl Dûvâr Beyânındadır

Dûvâr bir ‘illettir ki onun şâhibi bi’l-cümle eşyâ-ı mer‘iyyeyi dimâğını ve bedenini deverân eder zann eder ve kıyâma kudreti olmayıp düşer ve çok kerre aşvâtı istimâ‘dan müte‘ezzî olup kerîh görür. Ve keşiren sür‘at ile deverân eden kimseler kıyâma ve ku‘ûda ve fetḥ-i başara kâdir olmadıkları gibi bu ‘illet şâhiblerine dahi o hâletler ‘arıd olur, zîrâ deverân-ı serî‘ ile bi’l-ittisâl deverân eden kimselerin rûhlarına deverân-ı re‘si ve suķūtu mücib olan hâletler gibi bu ‘illet şâhibinin dimâğı bütününde ve evridesinde ve şerâyininde mevcûd olan ervâḥa dahi o hâlet ‘arıd olur.

Ve dûvâr ile şar‘ın farkı budur ki ba‘dı kerre dûvâr bir müddet sâbit olur, ammâ şar‘ bağıteten hâdiş olup sâkinen şâhibi sâkıḥ olur ve müfik ve şâhî olur ya‘nî ayılır ve kendiye gelir. Ammâ seder o ‘illettir ki onun şâhibi kıyâm eylese gözü kararır, ‘aynı muzlime olur ve suķūta müheyyâ ve müsta‘idd olur. Kaçan seder müştedd olsa şar‘a müşâbih olur lâkin şar‘da olan teşennüc gibi sederde teşennüc olmaz.

Ve insâna dûvâr ba‘dı kerre o sebebden ‘arıd olur ki insân bir müddet deverân eder, lâ-maḥâle dimâğda olan ervâḥ dahi deverân eder, kaçan

deverândan insân sâkin oldukta rûhün deverânı bâkî kalıp hâlet-i ma' hûde 'arîd olur. Ve bunun nazîri su ile dolu o fincânedir ki bir müddet tahrîk ve idâre olunup kaçan fincâneyi tahrîk terk olursa fincâne sâkine olur ve içinde olan sunun hareketi bir müddet bâkıye olur. Ve kaçan rûh-ı bâşıra deverân eylese insân tahayyül eder ki eşyâ-ı mer'iyeye bi'l-cümle deverân üzere olurlar, onun için ki rüpyet ve ihsâs eczâ-i rûhün eczâ-i maşsûsâta muqâbelesi ile hâşıl olur. Ve kaçan zîkr olunan muqâbele bir qarâr üzere bâkıye olsa maşsûsâtın sükûnu ihsâs olunur. Ve maşsûsât deverân üzere oldukta hey'et-i deverân üzere muqâbele-i mezkrûre mütebeddile olmakla deverân ihsâs olunduğu gibi kezâlik deverân yalnız ervâhta oldukta dahi yine muqâbele mütebeddile olup deverân ihsâs olunur. Muqâbelenin menşe-i tebeddülü maşsûsât veyâhüd ervâh olduğunun ihsâs-ı deverânda tefâvütü olmaz.

Ve ba'dı kerre [251b] düvâra sebep deverân üzere olan mubşarâta dâimâ nazar olur, zîrâ devâm hasebiyle hey'et-i deverân rûh-ı bâşırada mütemekkin ve mutavaţtin olur ve deverân üzere olan mubşarâttan nazar kaç olunuktan sonra her ne kadar nazarını sâkine olan maşsûsâta kılar ise yine o sâkini deverân üzere tahayyül eder. Hey'et-i deverânın rûh-ı bâşırada kuvvet-i temekkünü ve şiddet-i rûsûh u teşebbüsü rûhün hey'et-i sükûnu kabûlüne mâni' olup mubşar-ı lâhıkı mubşar-ı sâbık hey'eti ve hâleti üzere ibşâr eder ve ona binâen hukemâ zâhib oldu ki ef'âl-i hissîyenin küllîsi âlât-ı cesedâniyyeye ta'alluk eder, o ef'alle âlât münfa'ile olur. Ve o âlâtın evveli ve ülâsı rûh-ı hassâstır ve maşsûsât-ı kavîyyeden lâ-mahâle o rûhta maşsûsâta müte'allik ve müfârağatından sonra bir hey'et bâkıye kalır.⁵⁶

Ve *Qânûn*'un tavdîh-i kelâmı budur ki ba'dı hukemâ zâhib olurlar ki külliyyâtı ve cüz'îyyât-ı mücerredeyi idrâk eden nefis-i nâţıkadır ve cüz'îyyât-ı māddeyi müdrîk kuvâ-yı cismâniyyedir, muhakkiqün zâhib oldular ki cüz'îyyât-ı māddeyi dahi müdrîk olan ancak nefis-i nâţıkadır ve idrâki kuvâyâ nisbet kaç sikkîne nisbet gibidir. Lâkin zümre-i muhakkiqîn dahi

56 Âliyyeti sâirlerinden evlâ ve âkdemdir. Ve rûhün kuvâyâ maşsûsâta olduğu hasebiyle cesede ta'alluku vardır, rûh-ı bâşıra gibi dahi cesedden cüz'î değildir velâkin onda şebâh-ı mer'î resm olunur. Ve biri cüz'dür, meşelâ ruţûbet-i celîdiyye gibi ya'nî âlât iki kısımdır, biri cesed-i insândır.

iki fırka oldular: Bir fırkası derler ki cüz'iyât-ı mâddiyenin idrâki nefsi-i nâtiqada olduğu gibi hey'et eşbâhının irtisâmı dahi nefsi-i nâtiqada olur. Ve irtisâmı âlâtında olur. Ve fırka-i uhrâ zâhib oldular ki cüz'iyât-ı mâddiyenin idrâki nefsi-i nâtiqada ve irtisâmı âlâtında olur. Pes cüz'iyât-ı mâddiyede hâşşaten üç kavlı oldu. Evvelde ve âhirde olan kavllerin mücebi âlâtın ef'âl-i hissiyyeden infi'âli ve vasatta olan kavlin muktezâsı zikr olunan infi'âli icdâm oldu. Ve tafşil olunan deverân taraflarda olan iki kavlin kâillerinin medâr-ı kavli ve sened-i maqûlleri oldu. Ve bunun tahkîki 'ilm-i tabîata müfevvedir. Ve şâhib-i *Kânûn* der ki:

Her ne miqdâr bedende da'f olsa ef'âl-i hissiyyeden âlât-ı cesedâniyyenin infi'âli o miqdâr eşedd ve esra' olur, onun için merdânın meblağ-ı da'ftan gâyete bâliğ olanlarında ednâ hareket ile deverân hâşıl olur.

Ve ba'dı kerre düvâr esbâb-ı bedeniyye ile 'arîd ve gâhice o sebep dimâğda olan 'urûk ve 'aşabda cevelânı olan buhârât olur ve gâhice dahi 'urûk ve dimâğda ecnâs-ı ahlâatın ihtikân ve ihtibâsından hâdis olur, zîrâ o ahlâat-ı muhtebese ednâ hareket ve ednâ harâret ile tebahhur edip hâşıl olan buhâr hareket eyledikte mukâribi olan rûh-ı nefsanîyyeyi dahi tahrik eder, zîrâ rûh-ı nefsanî o 'urûқта inđac olunur ve onda tekavvüm edip cevher-i dimâğda karar eder ve dimâğdan aşâba taksim olunup cem'an bedene aşâb tarîkinden tevzi' olunur.

Ve ba'dı kerre sebep-i düvâr emrâd-ı hârre-i mütekdaddimedden bâkıye olan buhârât-ı keşire veyâhüd emrâd-ı bârideden bâkıye riyâh-ı ficcet olur ki o buhâr mevdi'-i âherden harâreti hasebiyle dimâğa şu'ud edip onda muhtebese olur ve kezâlik riyâh-ı ficcet kuvve-i mündice vü muhallile ile hareket edip ebhure gibi teşâud ve dimâğda muhtebes olur, fe-lâ-mahâle ihtibâs hasebiyle harâretli olan ebhure ve riyâh mahbesinde deverân edip rûh-ı nefsanîyyeyi dahi deverân üzere kılar.

Ve ba'dı kerre dahi rûh-ı nefsanînin dimâğda deverânı buhâr ve riyâh hasebiyle olmaz belki dimâğa sū'-i mizâc-ı muhtelif bağıteten vârid olup ondan rûh-ı nefsanî hareket-i muđtaribe ile hareket eder. Ve rûhun o hareket-i muđtaribesi bir cirm-i ecnebî muhâlatası ve kasrı olmaz. Bunun nazîri su ile âteştir ki ikisi cem' olursa mizâc-ı muhtelif cem' olup ondan hareket-i ıđtırâbiyye müşâhede olunur.

Ve ba^çdı kerre rûh-ı dimâğînin muharrîki hâricden olan çarbe ve şak^çta mişlli ve kıhfi kâsir olan nesnelere olur. Bu mişlli nesnelere dimâğı ve rûh-ı sâkineyi dağ^ç edip sıkır ve o indîğâta harekât-ı dâire-i muhtelif vü mütemevvice tâbi^ç olur. Ve bu hâletler suda müşâhede olunur. Kaçan suya bir şey-i şak^çil ilkâ olursa veyâhüd sunun metnine ve zâhrına bir nesne ile çarb-ı anîf olursa o sunun mevci istidâre eder. Bu mişlli hareket-i müstedîrenin zühûruna ecrâm-ı havâiyye ve havânın kendisi sudan ekşer ve ziyâde mağall ve müsteħak olur velâkin onların leğâfetleri hasebiyle merî olmadıklarından istidâreleri dahi merî olmaz. Ve havâda çarb hasebiyle istidâre müşâhede olunmadığından istidârenin havâda ‘adem-i hudûsuna istidlâl olunmaz ki ona kıyâsen ervâh-ı dimâğîyye cirm-i havâyî olmakla rûh istidâreyi kâbil olmaz diye istidârenin deverâna sebep olması ibtâl oluna.⁵⁷

Ve ba^çdı kerre dahi ‘udv-ı âherden dimâğa buğâr teşâ‘ud edip dimâğda ihtibâs eylemeksiz mücerred teşâ‘ud ile rûh-ı nefsanîyi ebhûre-i müteşâ‘ide tahrik edip düvârı ihdâş eder. Ve o ‘udv-ı âher yâ mi‘denin kendi veyâhüd mi‘de vâsıtasıyla merâre veyâhüd meşâne ve raħim ve hicâbdır, zîrâ bu a^çdâlara emrâd işâbet eylese veyâhüd o ‘udvların ahlâtı hareket eylese onların ebhûreleri ‘aşab tarîkînden dimâğa şur‘udunda dimâğda bilâ-ihtibâs mücerred teşâ‘ud ile düvârı ihdâş eder. Ve ekşer-i hâlde o buğâr mi‘deden şur‘ud eder ve ondan sonra kâbil-i fuđül olan raħimden teşâ‘ud eden buğâr ekşer olur. Ve dimâğa buğâr gâire ve zâhire olan evride ve şerâyînler tarîkîlerinden dahi teşâ‘ud eder. Ve buğârın mâddesi ba^çdı kerre şafrâ ve ba^çdı kerre balğam olur. Ve balğamî olan düvâr şar‘a müşâbih olur.

Ve ba^çdı kerre düvâr ve sederi ‘ale’l-iştirâk ihdâş eden mâdde olmayıp belki dimâğa vâsıla olan bir müziye keyfiyyet olur ki o keyfiyyet ‘ale’l-iştirâk seder ve düvârı ihdâş eder. Ba^çdı nâsa açlıkta ‘arıđ olan ve ‘ale’l-huşûs cû‘a tahammül edemeyenlere ‘arıđ olan seder ve düvâr bu kabîlden olur,

57 Ya‘nî düvârın sebebi rûh-ı dimâğînin dimâğda deverânı olmak bâtıldır, zîrâ rûh havâ gibi lağiftir, suya kıyâs olunmaz. Ve havâ çarbe ile deverân eylemez, kezâlik rûh dahi deverân eylemez. Ve ne keyfiyyetle sebep-i düvâr olur diye vârid olan su‘âl-i muğadderi def‘ edip der ki çarbe ile havâ deverâna sudan eħakktır, deverânın zîrâ medârı leğâfettir, pes havâda deverân olur velâkin zâhir olmaz ve düvâra sebep deverânın vücûdudur, zühûru değildir.

zîrâ açlıkta fem-i mi'ce müte³ezzî olup keyfiyyet-i ezâsı dimâğa vâsıl ol-
dukta rûhu iz'âc ve tahrîk eder.

Ve ba'dı kerre dahi düvâr ve seder buhrân tarîkiyle 'arîd olur.

Ve mütevâtiren düvârın vukû'u sekteyi inzâr eder. Ve meşâyıhta o düvâr-
rın sekteyi inzârı ziyâde olur. Ve bir 'uđvun devâm üzere haderinden sonra
dövâr 'arîd olsa o dahi sekteyi inzâr eder. Ve ba'dı kerre aşhâb-ı dövâra
şudâ' 'arîd olup dövârı tahtlîl eder. Ve kezâlik maşdü'a dahi dövâr 'arîd olup
şudâ'ı tahtlîl eder.

el-'Alâmât: Aşnâf-ı dövârdan insânın bi-nefsihi deverânından veyâhüd
deverânı olan eşyâya nazarından veyâhüd eşyâ-ı münevvere vü müstađî'e
ve eşyâ-ı mürtefi'aya nazarından 'arîd olan dövârlar ve kezâlik çarbe ve
sağtadan olan dövâr o esbâbın tekdâdümünden ma'lûm olur.

Ve dimâğda çok müddet muhtebese olan buhârât hasebiyle 'arîd olan
dövârın 'alâmeti ve kezâlik dimâğda tevellüd edip 'uđv-ı âherden teşâ'udu
olmayan buhâr hasebiyle olan dövârların 'alâmeti budur ki o dövâr devâm
üzere olur ve 'uđv-ı âherin marađına tâbi' olmaz.

Ve vakt-i imtilâda dövâr hareket üzere olup açlıkta sükûn üzere olmaz
belki cû' ve şîba'da dâimâ bir karar üzere hareketi olur ve o sınıf dövâra baş
ağrısı ve devî ve tanîn ve başta şîkal olmak tekdâdüm [eder] ve gözünde
zulmet-i şâbite vü dâime olur ve havâssının ef'âli kuşur üzere olur hattâ
zevk ve şemm kuvvelerinde dahi noşşân olur ve zikri tekdâdüm eden şir-
yânlarda çarebân-ı şedîd olur ve meşâmmında dahi şîkal olur.

Gerek dimâğda ve gerek 'uđv-ı âherde olup buhârıyla dövâr ihdâs eden
hılt eger hılt-ı balgâmî olur ise onun 'alâmeti şîkal ve cübñ ve keşret-i nevm
ve kânûn-ı mütekdâdimde mezkûr olan sâir balgâm 'alâmetleri olur. Ve
eger o hılt şafrâ olur ise o dövârda seher ve iltihâb olur ve onda keşir şîkal
[252a] olmadığı ihsâs olunur ve o 'alîl altın levninde biraz eşyâ ihsâs ve
tahayyül eder. Ve eger o hılt dem olur ise onun damarları müntefiha olup
kabarır, başı ve gözü ve yüzü kızarır aşmer olur ve onlarda ihtidâd olur ve
şîkal ve i'şyâ ve nevm ve çarebân olur.

Ve eger o hılt sevdâ olur ise o 'alîlde sevdânın şîkali miqdârınca şîkal
bulunur ve zikri mürür eden sevdânın 'alâmât-ı sâiresi mevcûd olur.

Ve eger sebab-i düvâr olan hılt miçdeden olur ise o ʿalîlin şehveti yâ bâtila veyâhüd meʿufe olur ve hađm onda fâsid olur ve hafaķān ve nefste fütür ve miçdesinin taķallüb ve inʿişarı olur ve başında ezānın meyli muķaddem-i reʿse ve vasaṭına olur ve baʿd olmaz ki muʿahhār-ı reʿse dahi ezānın meyli ola. Ve düvārın bu sınıfından olan vecaʿın hâli muhtelife olur yaʿnî imtilā ve havā ḥasebleriyle vecaʿın hâli muhtelife olup bir kerre vecaʿ ziyāde ve āḥer kerre sâkin olur. Ve o düvârda toḥme-i sâbıķa dahi olur ve miçdesinde vecaʿ ve nefh dahi aḥyānen mevcūd olur,

Ve miçdeye dimāğın ṭarîķ-i müşāreketi ʿaşab olur. Ve o düvārın zuhūrundan evvel ve iştidādının āḥirlerinde yāfūḥun ḥalfinde ve dimāğ ʿaşablarının altıncı zevcinin bittiği maḥallde ve ḳafā nāḥiyesinde vecaʿ bulunur.

Ve eger dimāğın raḥime müşāreketiyle olur ise düvārın ḥudūsundan evvel iḥtināk-ı raḥim ve menînin veyâhüd ṭamsın iḥtibāsı veyâhüd raḥiminin teverrümü ḥādîş olur.

Ve meşāne müşāreketiyle olan düvârda dahi raḥim müşāreketiyle olan düvārların ʿalāmetlerinin nezāyirleri bulunur.

Eger düvārın mebdə-i sebebi aʿḍānın cemīʿisi veyâhüd ḳalb veyâhüd kebid olur ise o sebebin dimāğa nüfūzu üzere evride ve şerāyîn ṭarîķleri ile ḥalf-i üzünden veyâhüd ḳafā cihetinden olur. Ve düvârdan bu sınıfın ʿalāmeti raķabede olan ʿurūķun tevettürü yaʿnî gerginliği ve ḍarebānı ve muʿteddün bih ve muʿteber olacak ḳadar boynunda ve boynunun aʿşābında ve sâir ʿaşablarda vecaʿ olmamak olur.

Ve kaçan sebab-i düvâr şerāyîn ṭarîķinden dimāğa vāşıl olup lâkin o damarların zāhirde ve bâtında olanlarının hangisinden mevādd[ın] dimāğa sülūk[u] maʿlûm olmasa onun taʿarrüfünüm ve bilinmesinin ṭarîķi budur ki ḥāricde olup merʿiyye olan şerāyîne nażar olunur, eger onlarda ḳafā katında temeddüd iḥsās olunur ise ve kezālik yed ile veyâhüd ribāṭ-ı aʿcemī ile veyâhüd kurşun ile veyâhüd o damara ḳavābıd ile ṭilā olunmakla nabḍ menʿ olundukta şerāyînde mevādd olduğu iḥsās olunur ise düvārı fāʿil olan mevādd dimāğa o şiryāndan vāşıl olduğu müteʿayyin olur. Ve bu ṭarîķ ile şerāyîn-i zāhirenin her birisi başka başka tecribe olunur ve o tecribeler ile zāhirde olan cemīʿ şerāyînin birinde mevādd olmadığı taḥaḳḳuk eyledikten sonra o mevādd şerāyîn-i ğāire vü bâtında olduğu hūkm olunur.

Ve sebab-i düvâr sū²-i mizâc-ı muhtelif olduğunun ‘alâmeti odur ki onda dimâğ hafif olur ve ‘alâmât-ı sâbıkalar mevcûde olmaz ve fec’eten ona hâricden harr-ı şedîd veyâhûd berd-i şedîd veyâhûd mütenâvelât hasebiyle bâtında harr u berd-i şedîdlerin işâbetleri ‘aķabinde o düvâr ‘arıđ olur.

Ve sederi olan kimse su ile intifâc eylediđi miķdâr şarâbla intifâc eylemez. Ve seder ile düvârın zamânı mütemâdî olsa ‘illetin bürüdetine delâlet eder. Ve düvâr-ı buhrânînin ‘alâmetleri zâhirdir.

el-Mu‘âlecât: Aşnâf-ı düvârdan insânın kendi deverânından veyâhûd deverân eden şey²-i âhîre nazarından veyâhûd mekân-ı a‘lâdan esfele nazarından hâdiş olan düvârlara sükûn ve karar ile mu‘âlece olunur. Ve eger serî‘an bununla def’ olmazsa tenvîm olunur ve kavâbıđ-ı hâmiđe tenâvül ettirilir. Ve kavâbıđ-ı hâmiđenin içine loķması bırakılır, meşelâ ekmek doğranıp o loķmalar iç‘âm olunur.

Ve düvârın bedende muhtebeşe olan dem ve ahlâť hasebiyle hâdiş olan şımfının ‘ilâcında kîfâl faşđ olunur ve sonra kulak ardında olan ‘urûķ-ı sâkine faşđ olunur, zîrâ düvâr-ı mâddînin faşđ efđal-i ‘ilâcî olur. Ve ba‘đı kerre bu düvârda ve huşuşan tûruķlardan bir tarîķ ile bi’l-cümle bedenden buhârın dimâğa şu‘ûdu hasebiyle hâdiş olan düvârda keyy olunur. Ve nukre üzere hacâmet ve kezâlık re²se hacâmet dahi nâfi‘dir.

Eger o dem ile sâir ahlâť olur ise veyâhûd düvârın sebab-i fâ‘ilisi yalnız ahlâť-ı sâir olur ise istifrâġa sür‘at ve mübâderet olunur. Eger ahlâť hârre ise eyâric habbı ve naķî‘-i şabır ile mu‘âlece ve istifrâġ olunur. Eger ahlâť mûziye-i muhtelife olup hârre ve bârid hıltlar muhteliťe ise tabîh-i helilec ve tabîh-i eftîmûn ve iştumâhîķûn habbı ile istifrâġ olunur. Ve istifrâġdan sonra kañturiyûn ve hanzâl huķnesi isti‘mâl olunur ve ba‘dehu başa ve nukreye ihticâm olunur. Ve bunlardan sonra o ġarġaralara ve ‘aťûsâta ve şemûmâta iķbâl olunur ki onda misk ve ķunduz hayâsı ve çörek otu ve merzencûş ola.

Ve kañan düvârın nevbeti heyecân ve hareket eylese esâfili delk etmekle isti‘ânet olunur. Ve eger sebab olan ahlâť mi‘de ahlâťı olur ise kay² isti‘mâl eyle, durak otu ve turp tabîhine milh ve ‘asel katıp onunla ve sâir muķayyi‘ât-ı mu‘tedile ile kay² ettir. Ve bunlardan sonra eger ķuvvet kavıyye ise ķuķıyâ habbı ile istifrâġ eyle ve eger ķuvvet da‘ife ise eyâric habbı ve naķî‘-i şabır ile istifrâġ eyle. Ve eger ahlâť yalnız mirre olduğü ma‘lûm olur

ise helîlec ile şâhterec tabîhîni isti'mâl eyle. Ve ahlâtların hangisi sebeb olduğu bu bâbda ve mi'ce bâbında mezkûr olan 'alâmetler ile bilinir.

Ve eger sebeb olan hılt 'udv-ı âherden olur ise o 'udvlardan her birine kendiyeye lâyıķ mu'alece ile 'ilâc olunur. Ve o düvârın ibtidâ-i zuhûrunda dühn-i verd ve kâlîlen dühn-i bâbûnec ile baş taķviye olunur ve ba'dehu hammâma idhâl olunur ve sonra yalnız babadya yađı isti'mâl olunur.

Ve maddenin yalnız başta olduğu ma'lûm olur ise re's üzere ve nukre üzere hacâmet olunur ve kulak ardında olan damarlardan faşd olunur ve şebyârât ve ğarğarât ve neṭûlât ve şemûmât ve aṭûsât ve se'ûṭât ve zıkr olunduđu üzere bunlara müşâbih olanlar mevâddının iktidâsı üzere isti'mâl olunur.

Eger re'y olunup bilinse düvârın sebebi sū-i mizâc-ı muhtelifdir, o sū-i mizâcın sebebi 'alâ-vechî't-ta'yîn sâbık 'alâmetler ile bilinir ve dıddı ile mu'alece olunur ya'nî sū-i mizâc bürüdetten ise edviye-i hârre ile ve harâretten ise edviye-i bâride ile mu'alece olunup mizâc-ı tabî'isine istirdâd olunur.

Ve eger sebeb-i düvâr darbe ve sakṭa ise evvel-i emrde o darbeye ve sakṭaya bâbında yazılan mu'alecât ile 'ilâc olunur ve bür' hâşıl olup düvâr bâķi kalırsa düvârın zıkr olunan mu'alecesi ile 'ilâc olunur.

Ve düvâr aşhâbına vâcib olur ki sür'at ve 'acele üzere deverân eden nesnelere nazardan ictinâb eyleye ve mürtefi' maḥallerden dahi esfele nazardan ictinâb eyleye.

Ve mi'cenin havâsı ḥasebiyle olan düvârı ve sederi fevâkih-i kavâbıd rubbuna ve kavâbıd olan miyâha ğams olunan loķmaları tenâvül teskîn eder ḥuşûşan koruk suyuna mağmûse olan loķmayı tenâvül ziyâde teskîn eder.

İkinci Faşl Lüviyy Beyânındadır

“لَوَى عَنِ الْأَمْرِ” تَتَأَقَلَ عَنْهُ” *ma'nāsınadır.*⁵⁸ *Nüşa-i sultâniyyede “fi'l-lüviyy ve hüve bicîkak” vâķ' olmuştur.* Ve ba'dı kerre bedene ve 'adalât ve 'urûķa tevâtür-i imtilâ ḥasebiyle i'ya gibi bir ḥâlet 'ârıda olup o sebebdan

58 “Lüviyy” lâmin ḍammı ile dir. Kânûn'un evâil-i kelâmı bu maķâmda lüviyy teşâķul ma'nâsından me'hûz olmak iktidâ eder ve âḥir-i kelâmına nazâr ile in'îṭâf ma'nâsına dahi ḥaml mümkin olur.

damarlar temeddüd eder ve gerilir ve keşret-i riyâh u buhâr hasebiyle o hâlette esnemek ve gerinmek ziyâde olur ve yüz ve göz kırmızı olur. Ve o hâlet televvî ve temeddüdü icâb eder ya'nî a'ḍâlar [252b] uzayıp ve kısa olup dürülür. İnsânda kaçan bu hâlet keşirü'l-vukû' olsa imtilâya delâlet eder.

Ve vâcib olur ki demevî ve şafrāvî olan hılḫlar istifrâğ oluna ve mâ-ı bārid isti'māl oluna. Ve mâ-ı bārid isti'mālî ba'ḍı kerre 'ale'l-fevr o hâleti def' eder, māddenin galeyānını def' etmekle. Ve eğirin bu bâbda hâşşiyet-i 'azîme ve menfa'at-i keşiresi vardır, şürb ve maḍğ ve istifâf olunsa o hâleti izâle eder rîhi taḫlîli için. Ve şeker ile küzbere isti'mālî dahi vecc isti'mālî gibi nāfi'dir. Ve ḥammām ḥuddāmları o hâleti olanların boynunda vāki' 'ırk-ı sübât dedikleri damarları sıkırlar ḥattâ o kimseye ḡaşy 'arıḍ olur velâkin 'illet zâile olur, zîrâ 'unf ile o damar sıkıldıkta lüviyyi icâb eden mevâdd taḫallül edip 'illeti izâle eder velâkin dimāğa şu'ud eden rûḫ dahi münze'ic olmakla ḡaşy 'arıḍ olur. Bu vech ile ḥammāmîlerin tedbîrlerinde ḫaṭar vardır. Ve vâcib olur ki insânın taḫammülü miḡdârı sıkıp ellerini o damarlar üzere çok imsâk eylemeyeler.

Üçüncü Faşl Kâbûs Beyânındadır

Bu 'illete kâbûs ıtlâk olunduğu gibi cāsûm dahi derler ve nîdilân dahi tesmiye olunur.⁵⁹ Kâbûs bir maraḍdır ki o maraḍda insân uykuya vardıkta ihsâs ve taḫayyül eder ki bir ağır nesne üzerine vāki' olup kendiyi 'aşr eder ve onun nefesini teḫayyûk edip dar olur ve şavtı ve ḫareketi munḫaṭı'lar olur ve mesâmmâtı mesdüde olmakla muḫtenik olup helâk olmağa ḫarîb olur. Ve kaçan o aḡırlıktan tefaşşî edip ḫalâş olsa def'aten müntebih olur.

Ve bu 'illet şar'a veyâḫûd sekteye veyâḫûd manyaya işbu üç 'illetten birine muḫaddîme olur eger kâbûsun ḫudûsu mevâdd tezâḫumu hasebiyle olur ise ve ḡayr-i mādî olan sebebden 'arıḍ olmadı ise. Lâkin ekşer-i ḫâlde sebebi demevî veyâḫûd balḡamî veyâḫûd sevdāvî olan mevâdd-ı ḡalîzanın buḫârı olur ki o buḫâr insân uyuyup ḫareket-i yaḫaziyyesi munḫaṭı'a olup

59 Kâbûsa "cāsûm" denildiği gibi "cüsâm" dahi derler ḡurâb vezni üzere. Ve fi'l-*Kāmûs* "وَالْيَيْدِلَانُ بِكَسْرِ النُّونِ وَتَثْلِيثِ الدَّالِ وَيَفْتَحُ النُّونَ وَضَمَّ الدَّالِ، وَالْيَيْدِلَانُ، مَهْمُوزَةٌ بِكَسْرِ النُّونِ وَالِدَالِ وَتُضَمُّ الدَّالُ وَالْيَيْدِلُ، بِكَسْرِ النُّونِ وَفَتْحِهَا وَضَمَّ الدَّالِ: الْكَابُوسُ أَوْ شَيْءٌ مِثْلُهُ"

sükûna vardıkta o hareket ile taḥallül eden ebḫirenin sebab-i taḥallülü zâil olmakla bâṭında cem^ç olup def^çaten ve baġteten dimāġa mürtefi^ç olur. Ve kâbûsun sebebi hangi ḫıltın buḫârı ise o ḫıltın levninde bir şakıl nesnenin üzerine vuķû'u taḥayyül olunur. Ve ḳavânîn-i müteḳaddimedede her ḫıltın çalâyimi beyân oldu.

Ve ba^çdı kerre berd-i şedîdden dahi kâbûs ḫâdiş olur. Uykuda evvelâ berd başa işâbet edip dimāġı çaşr eder ve ḳabḍ ve teḳşîf eder ve onlar dahi bi-çaynihâ o taḥayyülâta bâ'is olurlar. Ve bu esbâblar ile kâbûs eger dimāġ ḫarâret ve sū^ç-i mizâc ile çarf olur ise ḫâdiş olur.

el-Mu'alecât: Kâbûsun çilâcı faşd ile olur ve hangi ḫıltı sebab ise onu iḫrâc ve ishâl ile olur. Eger mâdde ḫıltı-ı ġalîza ise bu ishâl ona nâfi^çdir ve nüshası budur: ḫarbaḳ bir dirhem, saḳmünyâ şülüş dirhem, şaḫm-ı ḫançal rubu^ç dirhem, enîsün iki dâniḳ. Eger ḳuvvet ḳaviyye ise bu edviyelerden müshil ittiḫâz olunup saḳy olunur. Eger ḳuvvet çarfıfe ise ḫabb-ı lâciverd ile veyâḫûd ḫabb-ı işumahîḳûn-ı eftîmünî ile veyâḫûd eyâricât-ı kibâr ile çale'l-ḫuşuş ḳıssâu'l-ḫımâr eyârici ve eyâric-i Rûfus ile ishâl olunur ba^çdehu *Ḳânûn*'da senin bildiġin muḳavviyât-ı re^çs ile baş taḳviye olunur. Ve bu çillete nâfi^ç olur çale'l-ittişâl fâvâniyâ ḫabbı saḳy olunmak.

Ve kâbûsun sebebi berd olup bu taḥayyülât berd ile çarıḍ olur ise vâciḅ olur ki ḫârre-i müsahḫine ve edhân ve çimâdât-ı muḫammire ve bunların emşâli istiçmâl oluna. Ve bu mu'alecelerde taṭvîl-i kelâm olunmamak bize vâciḅdir, zîrâ mirâren eylediġimiz tafşîl bu maḫalldeki tafşîlden muġnî olur.

Dördüncü Faşl Şarç Beyânındadır

Şarç bir çillettir ki rûḫ-ı nefsanıyyenin taçalluḳ eyledikleri çudvları yaçnî ḫiss ve hareket âletlerini efâlinden menç eder ve o çilletin şâḫibi itişâb-ı tâmma ḳâdir olmaz. Ve onun sebebi mecrâ-yı rûḫta olan nâ-tamâm süddeler olur. Ve şarçın ekşeri buṭün-ı dimāġda baṭn-ı muḳaddeme âfet işâbetinden teşennüc-i küllîyi müciḅ südde-i ġayr-i kâmilenin ḫudûsu ile olur, zîrâ südde ḫasebiyle ḫiss ve hareket ḳuvvelerinin baṭn-ı muḳaddeme ve açdâ-i säireye nüfûzuna o âfet mâniç olur ve südde kâmile olmamakla rûḫ bi'l-küllîyye nüfûzdan memnûç ve açdâ-i mezkûreden munḳaṭıç olmaz ve ona binâen insânın o ḫâlette ḳâmeti muntasıbe olmak mümkün olmaz.

Ve bunun tavdîh ve beyânı budur ki teşennüc bâbında zıkr eylediğimiz üzere üç sebebin biri ile hâdis olur, o sebebler imtilâ ve yübs ve müzî hasebiyle olan kabđ olur ya'nî a'sâb-ı müzîden mebd'eine karar edip münkabıda olmakla olur. Şar' da dahi teşennüc-i küllî ya'nî cemî'an a'çâda teşennüc olmakla şar' dahi esbâb-ı teşennüc ile hâdis olur, lâkin şar'ın teşennücü yübüset sebebiyle olmaz, zîrâ yübüsetten hâdis olan teşennüc tedricî hâdis olur ve şar'ın teşennücü def'aten hâdis olur ve kezâlik dimâğın yübsü o kadar bâlîğ olmaz ki o yübs ile dimâğ veyâhüd beden müteşennicler olalar.

Pes müte'ayyin olur ki şar'ın teşennücü zıkr olunan esbâb-ı teşennücden bâkî kalan iki sebebin biri ile yâ imtilâ ile veyâhüd dimâğın tekabbuđu ile olur. Ve dimâğın tekabbuđu buhârın veyâhüd lâzî'a olan keyfiyyetin veyâhüd rediyyü'l-cevher olan ru'tubetin îzâsı ile olur. Ve imtilâ dahi bir hılt ile olur ki o hılt ba'n-ı dimâğda veyâhüd a'sâb-ı dimâğ uşûlünde südde-i ğayr-i kâmileyi ve teşennücü ihdâs eder veyâhüd o hıltta bir nev' hareket-i mevciiye veyâhüd harâret-i südediyyeden hâdis bir nev' ğaleyân olur ki onlar hiss ve hareket kuvvelerini nüfûz-ı tâmm ve tabî'iden men' ederler her ne kadar nüfûzun-mâ bâkî olup min-vech hiss ve hareket dahi mevcüde olur ise.

Feylesüf-ı ekber Aristâlîs zâhib oldu ki ba'đı kerre menâfiz-i rûhta riyâh-ı ğalîza muhtebese olup şar'ı ihdâs eder diye bu vech ile olan riyâh-ı ğalîzayı esbâb-ı şar'dan 'add eyledi. Fi'l-haķıķa hılt-ı sâdd sebebi ile olan şar' teşennücü tekabbuđ ile olan şar'a 'âid olur, zîrâ süddenin ezâsını def' için lâ-maħâle dimâğ münkabıđ olur, zîrâ a'çâ müziyâtı kabđ ile def' eylemek sâbit ve mütehaķķaķ bir aşl-ı küllîdir, fem-i mi'deye 'arıđ olan müziyi fivâķ ile fem-i mi'de def' eder ve mi'de dahi müzîsini kezâlik tehevvu'la def' eder. Ve a'çâ-i sâire dahi ihtilâcla müziyâtı def' eder. Ve fivâķ ve tehevvu' ve ihtilâcdan her biri kabđ ile hâşıl olur. Fel-lâ-maħâle dimâğ dahi süddeyi def' için münkabıđ olup şar' teşennücü 'arıđ olur. Ve kaçan dimâğ tekabbuđ eylese hareket-i dimâğ muhtelif olup yüzünde ve sâir a'çâda olan 'aşablar dahi münkabıda olur ve o a'sâbın hareketleri muhtelif olur ifâķat bulunca kadar. Ve onun ifâķati hıltın ve rîhin ve sâir teşennüce sebep olan müziyâtın indifâ'ıyla olur. Ve ba'đı kerre dahi dimâğî olan teşennücün şar'ı def' olur velâkin ba'đı a'çâda teşennüc bâkî kalır hattâ ba'đı maşrû'ların

zamân-ı ifâkatlarıda dahi eli veyâhûd ayağı tutmaz olur. Onun sebebi budur ki dimâğı kabđ eden esbâb bi'l-aşâlet aʿşâba lâhık ve nâzil olup aʿşâbı dahi müstakillen kabđ ve teşennüc eder. Mâdâm ki o sebep müteşennec olan ʿuđvda bâkî oldukça şarʿın zevâli ile ʿuđvun teşennücü zâil olmaz.

Ve dimâğı kabđ eden mevâddın aʿdâda olan aʿşâba nüzül ile ʿuđvda teşennüc ihdâsı üç ʿilletin biri ile olur:

Evvelki ʿillet budur ki aʿşâb dimâğdan tevellüd etmekle cevherleri cins-i vâhid olur, felâ-mahâle dimâğı kabđ eden mevâdd aʿşâba nâzil oldukça aʿşâbı dahi kabđ eder.

İkinci ʿillet budur ki dimâğ müteʿezzî olup münkabıđ oldukça dimâğın teʿezzîsinden ʿuđvun ʿaşâbı bi'l-müşâreket müteʿezzî ve münkabıđ olur ve zikri mürür eylediği üzere şirket hasebiyle ʿarđ olan ʿarâđ baʿdı kerre cevher-i ʿuđvda mütemekkin olup marâđ-ı şirkî marâđ-ı aşliye istihâle etmekle marâđ-ı aşlînin zevâli ile marâđ-ı şirkî zâil olmaz, pes şarʿ zâil olur, ʿuđvda müstahkem olan teşennüc bâkî kalır.

Üçüncü ʿillet budur ki aʿşâb dimâğdan nâbite olmakla dimâğ mevâdd ile mümtelî oldukça [253a] uşûl-i aʿşâbın elyâfı arasına o mevâdd tedâhul etmekle lâ-mahâle o uşûlün ʿarđı ziyâde olur ve ʿarđın tezâyüdüne tülün tenâkusu tâbîʿ olup teşennüc hâşıl olur

Ve şarʿ istirhâ ile hâdis olmayıp teşennüce mahşûş olduğunun vechi budur ki şarʿın hudûşunda maşlahat dimâğdan ezâyı defʿtir ve qarîben zikri mürür eylediği üzere ʿuđvun ezâyı defʿi ancak inkıbâđ ile olur, istirhâ ile inbisât hâşıl olur ve yalnız inbisâtla ezâ defʿ olunmaz.

Ve mâdde hasebiyle olan teşennücler hummâ ile intifâc eder ve binâen ʿaleyh şarʿ dahi teşennüc-i mâddî olmakla hummâ ile intifâc eder. Ve çok şarʿ mâlihülyâya intikâl eder.

Ve baʿdı nâs zann eylediler ki bilâ-mâdde baʿdı kerre şarʿ hâdis olur. Eger o baʿđ murâd eylerse ki şarʿ baʿdı kerre mücerred buhâr veyâhûd keyfiyyet-i mücerrede dimâğa îşâl ezâ edip dimâğda teşennüc ve taqalluşu ihdâs eder, bu şürette o kavlı için maʿnâ-yı şahîh olur ve eger murâd ederse ki dimâğın kendi mizâc-ı sâzeci şarʿı ihdâs eder, o kavlin vech-i şâlihi ve mahmil-i şahîhi olmaz, zîrâ dimâğda olan mizâc-ı sâzec şarʿa sebep olsa şarʿ dâimî olup maşrûʿda ifâkat olmak mutaşavver olmaz idi, zîrâ bir ʿil-

lette devâm olsa ma'fûlde dahi devâm olmak lâzımdır. Belki şar'ın sebebi mizâcdan mâ'-adâ bir sebebdir ki def'aten dimâğa vârid olup dimâğı kabđ ve şar'ı ihdâş eder ve der'-aķab ifâķat gelir veyâhüd ķatl eder; 'ale'd-devâm maşrûc olmak mümkün değildir. Ve bu mişlli fi'li dimâğda mütemekkin olan mizâcın fi'li olmaz belki o fi'lin fâ'ili o mûzî keyfiyyetler olur ki def'aten dimâğa vâşıl ve vârid olup fi'l-hâl dimâğdan mündefi' olur ve fi'l-hâl vârid ve mündefi' olan sebep lâ-maḥâle 'uđv-ı âḫerden vârid olur, nefsi dimâğda olan mizâc olmaz.

Şar' ve sekte aşḫâblarının ağızlarında zebed olup köpürür lâkin maşrûcun zebedi nefesinin ıdḫırâbı ḫasebiyle olur ve sükûtta zebed ihtinâķ ḫasebiyle yâhüd teneffüsten istikrâḫı ḫasebiyle olur.

Ve şar' ile teşennüc-i muşḫalaḫın farkı budur ki taķalluş ve teşennüc evvelâ dimâğa 'arıđ olur ise ona şar' derler ve eger evvelâ 'uđv-ı âḫere 'arıđ olur ise ona teşennüc derler.

Ve 'uḫâsta ya'nî aksırıkta evvelâ teşennüc dimâğa 'arıđ olduğundan eḫıbbâ şar' ile 'uḫâsı cinsi vâḫid kılıp 'uḫâsı şar'-ı ḫafîf ve şar'ı 'uḫâs-ı kebîr ü kavî diye tefsîr ve ta'rif ederler lâkin 'uḫâsî olan teşennüc māddeyi ḫuddâm cānibine def' eder, ḫuvvetin ḫaviyye ve mādde ḫa'ife olduğü için, ammâ şar'da ḫuvvet hangi cānibe sühület ile def'e ḫaviyye olur ise o cihete def' eder.

Ve bu ḫavli tahsîl ve iktisâb eylemek vâcibdir ki onu eḫıbbâ ifâde eylediler ve dediler ki şar'ın mebd'e-i zuhûru dimâğ olmakla lâzımdır ki sebep-i şar' dahi dimâğda mevcûd bir mādde ola ve o mādde ḫiss ve ḫareket mecārîsinde muḫtebese olan veyâhüd dimâğın iki baḫn-ı muḫaddemini ba'đı imtilâ ile mümtelî eyleyen buḫâr olur ve gâḫice o mādde dem-i ğâlib ü keşîr ve gâḫice balġam ve bir kerre sevdâ ve diġer kerre şafrâ olur. Lâkin şafrânın o fi'li cidden ḫalîl ve şafrâdan sonra ziyâde ḫalîl olan dem-i sâzeddir ya'nî o dem-i ḫâlîştir ki ona aḫlâḫ-ı sâire muḫâlîḫ olmaya ve mizâcî onların mizâcına müşâbih olmaya. Ammâ o dem ki onun mizâcî mizâc-ı sevdâ veyâhüd mizâc-ı balġam gibi olur, o demden şar'ın ḫudûsu keşîr olur lâkin şar'ın ruḫbet-i mücerrededen ya'nî yalnız balġamdan veyâhüd sevdâya mâil balġamdan ḫudûsu sâirlerden ekşer olur. Ve maşrûcu olanlar tettebbu' olursa ekşerinin şar'ına sebep balġam olduğü bilindir, ḫattâ İbokrât dedi ki

maşrûc olan koyunların dimāğları şerh ve keşf olursa ekşerinde bir ruṭûbet-i rediyye-i kerîhe vü müntine bulunur.

Ve dimāğî olan şarḥ'ın esbâbının küllîsi daḥf-ı haḍma müstenid olur. Evvelâ haḍm daḥf olur, ondan bu mişlli esbâb tevellüd eder baḥdehu o sebep yâ dimāğın cevherinde ve iliğinde olur ve bu nevḥ sebep ziyâde redî olur veyâhûd o sebep ağşıye-i dimāğda olur ve bu nevḥ sebep ziyâde hafif olur. Sevdâdan hâdiş olan şarḥ-ı kavî ziyâde redî olur.

Şarḥ'ın balğam ile hüdûsu sevdâdan hüdûsundan ekşer ve ezyedir. Ve sevdâvî şarḥ balğamî şarḥ'dan erde ve aḍarrdır, zîrâ menâfiz-i rûhu sevdânın seddi balğamın seddinden kavî ve muhkem olur. Ve bundan bir sınıf ve baḥdılar katında ümmü's-şıbyân ismine maḥşûş olur ve o sınıf cidden kâtil olur. Ve kaçan şarḥ'ın nevbetleri tîz tîz gelip ittîşâl üzere işâbet eylese o şarḥ kâtil olur.

Ve uḍv-ı âherde olan esbâbın şarḥı ihdâsı o uḍv-ı âherde mevcûde olan mâddeden kemmiyyeti ḥasebiyle mûziye olan ebḥîrenin dimāğa ḥâlâ-sebîli't-tasḥîd mürtefiḥa olup dimāğda cemḥ ve tekâşüf eylediğinden sonra tekavvüm edip zât-ı kıvâm olan mâdde-i hâdişe kıvâmı ḥasebiyle şarḥı icâb etmekle olur veyâhûd o tekâşüf eden ebḥîreden rîḥ-i musâriḥ tekevvin etmekle olur.

Ve baḥdı kerre uḍv-ı âherde olan mevâddan teşâud eden buḥâr kemmiyyeti ḥasebiyle mûzî olmayıp belki îzâsı ancak bi-ḥasebi'l-keyfiyyet ve o keyfiyyet yâ icmâd veyâhûd ihrâk ve semmiyyet keyfiyyetlerinden bir veyâhûd redâet-i cevher olur veyâhûd uḍv-ı âher mevâddından buḥâr teşâud eylemeyip ancak keyfiyyet-i sâzece mürtefiḥa ve vâride olur veyâhûd o mürtefiḥa olan ebḥîre kemmiyyeti ve keyfiyyeti ḥasebleriyle maḥan îzâ eder. Ve kemmiyyetleri ile îzâ ve tasriḥ eden ebḥîre yâ cemîḥ-i bedenden veyâhûd miḥde ve tîhâl ve merâkk aḥdâlarının birinden teşâud eder. Ve sâir aḥdâdan dahi teşâudu olur.

Ve o buḥâr-ı mûzî ki onun hem cevheri ve hem keyfiyyeti rediyye ola, o dahi baḥdı kerre sâir ebḥîre gibi cemîḥan aḥdâ-i beden mevâddından mürtefiḥa olur ḥattâ elde ve ayakta olan parmaklar mevâddından dahi hâdiş olur. Ve onun sebebi budur ki menâfiz-i aḥdâda südde olmakla onda dem ve aḥlât-ı sâire muḥtebes olur ve ihtibâs ile ḥarâret-i ġarîziyye on-

dan munkatı^{ca} olmakla hayâtı gidip keyfiyyet-i rediyyeye istihâle eder ve ondan edvâr ile veyâhüd bilâ-edvâr mādde-i buhâriyye veyâhüd keyfiyyet-i semmiyye münba^{is} olur veyâhüd o a^çdâlar üzere sümûmun ba^çdısı vâkı^c olup aşabda te^sîr eder, akrebin les^cinden aşab müte^essir olduğu gibi. Ve aşabdan o keyfiyyet-i semm dimâğa aşab vâsıtasıyla vâşıl ve muttaşıl olup ondan dimâğ müte^ezzî ve münkabıd ve müteşennic olup harekâtı mu^ttaribe olur, nitekim mi^cde hâliye iken lez^ci olan me^kül ekl olundukta hareket-i id^trâbiyye hasebiyle inçkırık ihdâş eder eger fem-i mi^cdenin hissi kavî olur ise. Ve fuvâқта dahi teşeyyuh olmak hasebiyle fuvâk şar^ca müşâbih olur.

Ve zıkr olunan esbâblardan biri ile dimâğa teşennüc ârid olsa ona cem^ran beden tâbi^c olup a^çdâlarda teşennüc-i küllî hâdis olur.

Cālînüs kendi nefsinden hikâye eder ki kaçan felâfilî⁶⁰ tenâvül eyleyip ve ba^çdehu şarâb ile felâfilî şürb eylese ona fuvâk yaⁿi inçkırık ârid olur idi hiddetleri hasebleriyle. Ve biz dahi buna qarîb hâletler gayrılarda müşâhede eyledik. Ve yine Cālînüs ve gayrılar hikâye eylediler ve onlardan sonra biz dahi müşâhede ve mu^râyene eyledik ki çok vâkı^c olur ki maşrû olan kimse ihsâs eder ki eşâbi^c-i riclin ibhâmından rih-i bârid gibi bir nesne mürtefi^c olup kalbe ve dimâğa teşâud eder ve kaçan o iki u^dv-ı re^se vardıkta şar^c hâdis olur.

Ve Cālînüs dedi ki kaçan şar^cın nevbeti gelmezden mu^kaddem maşrû'un iki sâkı kavî bağlar ile bağlansa o teşâud men^c olunur veyâhüd hiffet üzere olur. Şeyh-i Re^s der ki biz dahi bu bâbda umûr-ı a^cibe müşâhede eyledik. Ve ba^çdılar ibhâm üzere keyy eylediler. Ve mādde-i şar^c âher parmağından şu^ud edenler o âher parmak cihetinden keyy eylediler ve o keyy onların bâ^cis-i bür^ü oldu.

Mi^cdede ve em^âada olan düdlardan ve habbu'l-^qar^cdan olan ezâ dahi şar^c-dan ma^düd olur ve şar^c bâbında [253b] mezkûr olur.

Ammâ şar^c envâ^rından bir nev^c şar^c dahi vardır ki gâşy ile mürekkebe olur. Ve etıbbâya qarîb oldu ki o nev^ci şar^c bâbından ihrâc eyleyeler velâkin fi'l-^hakîka şar^c bâbındandır.

60 “Felâfil” “fülfül”ün cem^cidir. Murâd fülful-i ebyâd ve dâr-ı fülfuldür. Ve bunlardan ma^cün yapıp adına “felâfilî” tesmiye olundu.

Ve şarḥdan bir nevḥ dahi vardır ki o dahi şarḥ kabîlindedir, o nevḥin adına ihtinâku'r-raḥim derler. Kaçan hatunlarda vaḳtsiz ihtibâs-ı tams̄ ʿarîḍ olsa yaḥnî sinn-i iyâsa⁶¹ varmazdan evvel mücerred terk-i cimâ'la görüm görmese raḥiminde muḥtebes olan dem-i tams̄ı keyfiyyet-i semmiyyeye istihâle eder ve onun devrli ve devrsiz harekât ve tebhîrâtı olup ebḥure-i semmiyyesi ḳalbe ve dimâğa vardıkta o hatunu şarḥ aḥz eyler.

Ve kezâlik ricâlde dahi evḥiye-i menîde menînin baḥdı kerre ictimâı olur ve cemḥ olan menîde kesret olmak ḥasebiyle terâküm eder yaḥnî biri biri üzerine munḫabık olur ve teberrüd edip keyfiyyet-i semmiyyeye istihâle eder. Ve hatunlarda ʿarîḍa olan ḥâlet-i şarḥiyye mişli ḥâlet ricâlde dahi ʿarîḍa olur. Ve baḥdı kerre müşâdif olup ḥâmil olan hatunlara dahi şarḥ ʿarîḍ olur. Kaçan vaḥḥ-ı ḥaml eyleyip mevâdd-ı rediyye-i tams̄iyyeyi istifrâğ eylese ona bir dahi şarḥ ʿarîḍ olmaz.

Ve bir nevḥ şarḥ dahi ḥikâye olundu ki o şarḥ feḳâr-ı zâhrdan ibtidâ eder. Ve bir âḫer nevḥ dahi ḥikâye olundu ki onda şarḥ ketiften ibtidâ eder. Ve bunlardan mâ-ʿadâ ḡayri şarḥ aşnâfı ḥikâye olundu.

Ve miḥde ve merâḳḳ müşâreketiyle ḥâdiş olan şarḥ toḫmeden ḥâdiş olan südde sebebi ile olur, zîrâ ʿurûḳta kaçan südde olsa o ʿudḫlara ḡidâ-i maḥmûd gelmez ve onlarda olan aḫlâḫ fâside olur ve südedin baḥdı şuve-rinde⁶² o ʿudḫlara ḡidâ-i maḥmûd vâşıl olur velâkin o ʿudḫlardan südde ḥasebiyle cereyân eylemeyip muḥtebes kalıp fâsid olur. Ve baḥdı kerre o ḡidâ-i fâsid südde ḥasebiyle mecrâsına cereyân edemeyip miḥdeye fâsiden munsabb olup miḥdede olan aḫlâḫı dahi ifsâd eder. Ve çok kerre dahi o munşabbe olan fâside mâdde ḳayḫı taḫrîk edip miḥdede bulunan ḥadım olmadık ḡidâyı ḳazf ettirir.

Ve şarḥ gerek bilâ-şirket ve gerek be-şirket olsun cümlesinin evvel-i zuhûru ve mebde'-i ḳarîbi dimâḡdan veyâḫûd buḫûn-ı dimâḡın baḫn-ı evvelinden olup âḫer baḫnlarda âfet baḫn-ı evvele ma'ıyyet ile olur, zîrâ evvelâ âfet semḥ ve başarda ve yüzün ve göz kapaḡının ʿadalâtı hareketlerinde zâhir

61 Hatunlar elli beş yaşına vardıkta görüm görmez ve uşak doğuramaz olur, o sinne sinn-i iyâs derler.

62 “Baḥdı şuver”den murâd o ʿudḫlara sâlik olan menâfizde südde olmayıp onlara ḡidâ vâşıl olur velâkin maḫreclerinde südde olmakla muḥtebes kalır.

olur. Ve bu âfetler muḳaddem-i dimāğda nābit olan zevc-i evvelin ef'ālının âfeti olur. Ve butûn-ı sāirenin dahi âfetinde baṭn-ı evvele şirketine a'ḳdā-i sāirenin ḥarekātlarında olan âfet-i maḥsûse ile ve kezālik fehmin butlānı ve teneffüsün taḍarrur ve noḳşāmı ile istidlāl olunur.

Ve şarḥın ekşerinde evvelā teşennüic zuhûr eder ve şarḥ sonra olur, zīrā şarḥ ve suḳût teşennüicün istihkāmı ile olur.

Ve kaçan şarḥa sebep aḥlāt ise o aḥlāt dimāğdan mündefi'ca olsa ve riyāḥ ise o riyāḥ taḥallül eylese ef'āl-i ḥissiyyesi ḥālet-i şihḥīsine 'avdet edip ifākat bulur. Ve ba'ḳı maşrû'cun dimāğından def'c olunan mādde burnunun deliklerinde ve ḥalkında iḥsās olunur.

Ve çok kerre dahi şarḥda teşennüic iḥsās olunmaz, onun için ki sebep-i şarḥ olan mādde raḳīḳa ve redā'et keyfiyyeti ḳalîle olur ve şarḥ fi'lini mād-denin imtilāsı ya'ni keşret-i kemmiyyeti ḥasebiyle işler. Ve bu mişlli şarḥda teşennüic zāhir olmaz.

Ve çok şıbyāna şarḥ işābet eder ve ba'ḳı kerre vilādetleri fevrinde ve 'aḳabinde maşrû'c olurlar, şıbyānın ruṭūbetleri ziyāde olmak ḥasebiyle. Ve ba'ḳı kerre şarḥ şıbyāna sinn-i tera'ru'c'dan sonra dahi 'arıḳ olur ya'ni a'ḳdā-ları pekiştikten sonra 'arıḳ olur. Ve eger şıbyāna 'arıḳ olan şarḥın tedbīrinde işābet olunur ise onlardan şarḥ zāil olur ve eger işābet olunmazsa âfet-i şarḥ bākī kalır. Ve vācib olur ki şıbyān şarḥının tedbīrinde ihtimām olupuḳ kable'l-inbāt ya'ni 'ānesinde tüy bitmezden evvel izālesine sa'y oluna. Ve kaçan şıbyānın nāḥiye-i re'sine ḳurūḥ ve evrām 'arıḳda olup ve burun deliklerinden ruṭūbet seyelān eylese o şıbyān şarḥdan ba'ḳid olurlar ve dimāğ ḥilkat-i aşliyyesinde ruṭūbet üzere olur ve vācib olur ki o ruṭūbetden dimāğ tenḳiye oluna. Ve ba'ḳı kerre cenīn iken dimāğ raḥimde tenakkī eder. Ve ba'ḳı kerre tenakkī eylemeyip ruṭūbeti ile tevellüd eder. Kaçan o şabīnin ba'ḳde'l-vilādet dimāğı tenḳiye olunmasa lā-maḥāle ona şarḥ 'arıḳ olur.

Ve şıbyāna 'arıḳ olan şarḥın 'ilācı sehl ve ḥafīf olur. Ve ba'ḳde'l-bülüg dahi zāil olur eger tedbīrde ḥaṭā olupuḳ sū'ı tedbīr şarḥı taḳviye eylemedi ise veyāḥūd mu'ālece terk olunmadı ise.

Ve ba'ḳı kerre şarḥ şıbbāna dahi 'arıḳ olur. Eger yirmi beş seneden sonra şıbbāna 'arıḳ olup ve ḥudūsu dimāğda olan sebep ile olur ise ḥuşūşan o sebep dimāğın cevherinde olur ise şarḥ ona lāzıme olup ondan müfāraḳat ey-

lemez. Ve ona mu'alecenin fâidesi o miqdâr olur ki ezâyı taqlîl ve nevbet-i şar'ı teb'îd eder. Ve İbokrât dedi ki o mişlli şar' maşrû'da müddetü'l-ömr bâkî kalır, ölmedikçe şar'dan hâlâş olmaz. Ammâ şar'-ı südedînin meşâyıha 'urûdu qalîl olur.

Ve şar'ı muharrik ve müheyyic olan esbâba ba'dı kerre esbâb-ı hâriciyye mu'în olur ve o esbâb-ı hâriciyye mat'am ve meşreb ve tohuma ve şemse keşîren ta'arruđ ve bürüz ve sâir mevâddı re'se cezb eden nesnelere olur, zîrâ o mişlli nesne mevâddı yemîn ve yesâra intişârdan men' eder ve cihet-i fevke ve re'se cezb eder.

Ve keşret-i cimâ' dahi esbâb-ı şar'dan olur. Ve kezâlik tena'um ve sükûn ve kılllet-i riyâdet şar'a sebep olur. Ve imtilâ üzere riyâdet dahi şar'ı icâb eder, zîrâ o riyâdet ahlâtı nokşân üzere tahtlîl edip tecâvîf olunla müm-teli'e olur. Ve yine şar'ın esbâbındandır havf-ı şedîd ve bağıteten heddet⁶³ ve şayha vukû'u. Ve kezâlik şâhib-i mi'de olnlara ya'nî ziyâde ekle itiyâdı olanların şiyâmları dahi sebep-i şar' olur lâkin bu mişlli esbâblar esbâb-ı ba'idedir ki şar'ın esbâb-ı qarîbelerine sebep olurlar ve biz bu esbâb-ı ba'ideyi başka bir bâbda irâd eyleriz.

Ve denildi ki maşrû' olan kimse keçi derisini hayvânından soyulduđu gibi giyip suya dalsa fi'l-hâl onu şar' ağız eyler. Ve kezâlik keçinin boynuzu ile ve mürr ve hâşâ ile tedahhun eylese onu şar' ağız eder. Ve çok kerre hummayât-ı şedîde ve huşuşan tavîle ve hâşşaten rubu' şar'ı tahtlîl eder. Ve rubu'un tahtlîli sâir hummayâtan ziyâde olur zamân keşîr ve tavîl olup ve mevâdd-ı sevdâviyyeleri indâcı ekser olduđu için. Ve kezâlik nâfid-i kavî dahi şar'ı tahtlîl eder, zîrâ dimâğda olan fürceleleri lahc edip ya'nî muhkem doldurup eczâ-i aşıyye gibi olan fuđülü nefd-i kavî ile iz'ac eder ve o nâfide tâbi' olan 'arağ onu nefd edip dimâğa tenkıye hâşıl olur ve şar' o vech ile tahtlîl eder. Ve keşîren sekte fâlice tahtlîl eylediđi gibi, kezâlik şar' dahi fâlice tahtlîl eder.

Ve ba'dı etıbbâ zu'm eylediler ki balğamî şar'da irticâş ve ıdtırâb olur, zîrâ balğamdan hâdiş olan südde tämme olmamakla hareket külliyeten kaç olmaz ve südde-i nâkışa mevcüde olmakla hareket-i irticâşıyye vü ıdtırâbiyye şar'a muşâhib olur. Ammâ şar'-ı sevdâvî bunun hilâfı üzere olup

63 "Hedde" binâ yıkıldıkta zâhir olan şadadır.

südde onda tām̄m olur ve onda hareket-i ıd̄tırābiyye munkaṭı'a olup ḳalīle-ten bulunur.

Ve baḳdı āḫerler dahi zuṣm eylediler ki o ṣar'a ki onda ıd̄tırāb ekṣer ola, ona lāyık ve ḫarī olur ki onun ḫılṭ-ı fā'ilisinin miḳdārı ve mecārīde nüfūzu eḳall ola. Ve bu ṭāife ṭāife-i ūlānın ḫilāfını zuṣm eylediler, zīrā miḳdārı ve nüfūzu eḳall olan mādde sevdādır [254a] ve bu maḳālleri sevdāda ıd̄tırāb ekṣer olmasını iḳtidā eder. Ve bu iki ṭāifenin dahi maḳālleri müteḫaḳḳaḳ deḡildir.

Ve Rūfus dedi ki kaçan maṣrū'un nevāḫī-i re'sinde baraṣ zāhir olsa fesād-ı ṣar'ın inḫilāline ve bür'üne delālet eder ve çok kerre ṣar' fālic ve mālḫūlyāya inḫilāl ve intikāl eder.

el-Müteheyyi'üne li'ş-Şar'i: Merṭūb olanlar ṣar'a müsta'idd ve mütehey-yi' olurlar. Ve ruṭubet baḳdı kerre bi-ḫasebi's-sinn olur, eṭfālın ve şıbyānın merṭūb oldukları gibi ve baḳdı kerre dahi bi-ḫasebi't-tedbīr merṭūb olur, aṣḫāb-ı tuḫamın ve bilād-ı cenūbiyye sükkānının ya'nī rīḫ-i cenūbī keşiren hūbūb eden diyār ahālīlerinin ruṭubetleri gibi, zīrā tuḫam ve rīḫ-i cenūbī başı ruṭubet ile doldurur. Ve ṣar' ṣabīlerde ve hatunlarda ve demi ḳalīl olup damarları ḳayyık olanlarda çok olur.

el-Ālāmāt: Eṭṭibbā derler ki aṣnāf-ı ṣar'ın ekṣerine ḳalām̄et-i dālle olur maṣrū'ların elsinelerinin sarı ve elsineleri altında olan damarları yeşil olması. Ve ṣar'a teḳaddüm eder bedenleri mizācının taḡayyürü ve başlarının şıḳalı, ḳale'l-ḫuṣūṣ muṭlaḳan ḫāl-i ḡaḳabda veyāḫūd ḡaḳab ile batnları müntefiḫ oldukta başlarının şıḳalı. Ve yine ṣar'ın hudūşüne teḳaddüm eder hareket-i lisānın ḳaḳfı ve aḫlām̄larının redā'eti ve nisyan ve feza' ve ḫavf ve cūbn ve ḫadīşü'n-nefs ve ḳıḳ-ı ṣadr ve ḡaḳab ve ḫiddet. Ve kaçan ṣar'a müsta'idd olanlarda bu mezkūrlar keşiren ḫadīş olsa ṣar'a ḳalām̄et olur.

Ve ṣar'ın her şınfı ḳilāc ḳabūl eylemez. Ve ṣar'ın müzīsī o ṣar'dır ki evvel nevbetinde hezz-i şedīdi ve ḳavī ıd̄tırāb-ı keşiri olur ve baḳdehu sākin olup müddet-i süḳūnu ṭavīl olur ve nefesinde ḳarar ve ḫarḫare olarak katı çok zamān sāḳıṭan sākin olur. Ve maṣrū'un bu ḫāleti māddesinin keşretine ve ḳuvvetinin ḳaḳfına delālet eder.

Kaçan sen murād edersin ki ḳillet-i ṣar' dimāḡda veyāḫūd aḳḳā-i sāirede olduğunu ta'arrūf ve ta'yīn eylesin, tefekkür ve te'emmul eyle eger başta

şikal-i dâim ve düvâr-ı dâim ve gözde zulmet-i dâime bulursan ve kezâlik lisânda ve havâssta şikal ve harekâtlarında ıdıtırâb ve yüzünde şufret bulup ʿaqlında dahi ihtilâf ve nisyân-ı dâim ve belâdet ve ruʿûnet işbu âfetlerden birini bulursan ve bu hâletler havâ vaktinde ve tabîʿatın lîni ve müstefriğât ile olan istifrâğ vaktinde noķşân veyâhüd ziyâde olmaz ise sen hükme eyle ki bu ʿillet-i şarʿ dimâğda sâbittir, ʿudv-ı âhere müşâreket ile değildir.

Ve bu ʿalâmetler ile ʿilletin dimâğa maḥşûş olduğu maʿlûm olduktan sonra o ʿilletin âfeti yalnız efʿâl-i dimâğa ḥâşş olduğunu veyâhüd bi'l-müşâreket ʿudv-ı âherde dahi âfet olduğunu bilmek murâd eylesen yine taḥarrî ve teʿemmül eyle ki eger ʿaşabî olan ʿudvlarda ve tıḥâl ve kebidde ve eṭrâf ve mefâşılın birinde âfet bulmaz isen ve ʿalîl dahi ʿudvlardan rîḥ mişli bir nesnenin reʿs ve dimâğa şuʿudunu iḥsâs eylemez ise senin katında müteḥakkak ve mütebeyyen olur ki ʿillet dimâğa maḥşûş olduğu gibi âfet dahi dimâğa ḥâşş olur.

Ve şarʿın sühûletli ve ziyâde âsân olduğunun ʿalâmeti budur ki eshel olan şarʿın aʿrâdı dahi eslem olur ve onun ʿaqlı sürʿatle veşbe eder yaʿnî tîz tîz yerine gelir ve ifâkati sâʿatinde kendiye maradının kazâretinden ḥacâlet ʿarîd olur ve ʿatûsât ve şemûmât istiʿmâliyle ifâkati serîʿ olur. Ve kezâlik kayı tahrîk eden nesnelere boğazına duḥûlü ile ifâkat bulur gerek ise o muḳayyîʾ onu kayı ettirsin ve gerek ettirmesin.

Ammâ şarʿın ʿalâmet-i şuʿûbeti budur ki nefesi ʿusretli olur ve ıdıtırâbı ṭavîl olur ve ıdıtırâbdan sonra sükûn ve ḥumûd dahi ziyâde uzun olur ve teşmîm ve taʿṭîs ile ifâkatleri nâdir ve ḳalîl olur. Ve bu şarʿın şuʿûbetinden şuʿûbeti ḳalîl olur o şarʿın ki onda ıdıtırâb ṭavîl ve ḥumûd ḳaşîr veyâhüd ḥumûd ṭavîl ve ıdıtırâb ḳaşîr olur.

Ve dimâğda tevellüd eden riyâḥ-ı ğalîzadan ḥâdiş şarʿın ʿalâmeti budur ki bu şarʿın şâhibinin dimâğında ve dimâğa ḳarîb olan maḥallerde şikal olmaz belki temeddüdü ve kulağında devîsi olur ve teşennüci şedîd olmaz.

Ve balğamdan olan şarʿın ʿalâmeti budur ki onda olan rîḳte yaʿnî ağzında olan ruṭûbette ḥarâret ve zebediyyet ve ğılzât ve keşret olur ve bevlinde zücâc-ı zâib gibi bir nesne olur. Ve o şarʿ şâhibinde cübne ve fezaʿ ve kesel ve şikal ve nisyân keşîr olur. Ve şarʿın balğamî olduğu ḳayıdan dahi maʿlûm olur ve zebedin ve demin levninden dahi maʿlûm olur ve

sinninden ve beledinden ve tedâbir-i mâdiyeden dahi ma'lûm olur. Ve ba'dı kerre de'â ve sükûn ve yüzün ve gözün levni ve kânûn-ı sâbıkta bildiğin balğam 'alâmetleri şar'ın balğamı olduğuna delâlet eder. Ve eger o şar'ı mücib olan balğam ficc ve bârid ise onda nisyân ve belâdet ve re's ve bedenin şikâli ve sübât sairlerinden ziyâde olur ve şar'ın irhâsı ve id'âfı ziyâde olur. Ve bu nev' şar' cidden redî olur ammâ balğam-ı mâlih hasebiyle hâdis olan şar'da sübât e'kall ve dimâğın bürüdeti e'ğaff ve harekâtı eslem olur.

Ve sevdâdan hâdis olan şar'ın 'alâmeti onda kay'ı sevdâ olur ve kay' olunan sevdâ yâ dem-i esvede şebîh olur yâhüd hırrif-i muhterik⁶⁴ olur veyâhüd hâmid olup şiddeti ile düştüğü yerin toprağını kaynatır. Ve bu nev' sevdâvî şar' şâhibinin tıbâ'ı ihtilâf-ı zihne ve mâlihülyâ hâletlerine mâil olur ve vâkt-i ifrâkta⁶⁵ ya'nî korkutulduktaki 'aklı şâf olmaz. Ve yine sevdâya istidlâl olunur yüzün ve gözün levninden ve munhurânın ve lisânın kuruluğundan ve müvellid-i sevdâ olan tedbirin tekaddümünden.

Ve eger mâdde-i şar' olan sevdâ dem-i tabî'inin 'akeri ve tortu[su] olur ise onun şar'ı istirhâ ile kıllet-i kelâm ve sükûnla olur ve onun şâhibinin efkâr-ı hâdiye vü sâkinesi keşire olur

Ve eger sevdâ şafrâ-i muhterik cinsinden ve hırrif ise o şar'da olan ihtilâf-ı zihn cünunî olur ve onun şâhibinde keşret-i kelâm ve şiyâh olur ve şar'ı muhtarib ve zevâli hafif olur. Ve ba'dı kerre o şar' hummâ ile olur ve 'ale'l-huşuş sevdâ-i şafrâviyyesi rakîk olur ise hummâsı ekser olur.

Ve eger mâdde-i şar' sevdâ-i demevî olur ise onun ahvâli dahik ile olur.

Ve mâdde-i şar' bu sevdâların hangi sınıfı idiğini kay'dan ta'arrüfe sen kâdir olursun, zirâ kay'ın şikâli demin şikâline müşâbih olur ise o mâdde sevdâ-i tabî' olur ve nebîz şikâline müşâbih olur ise mâdde sevdâ-i muhterikadır. Ve eger o kay'da huşûnet ve 'ufûşat olup boğazını tahşin eyledi ise maddenin berd ve yübsü gâyete erdiğine delâlet eder. Ve eger o mâdde-i sevdâviyye rakîk ve hâmid olup rığvesi olur ise o sevdâ ma'hall-i vukû'unu kaynatır. Ve ba'dı kerre dahi o sevdâda rığve olmaz.

Ammâ dem-i şaftan ve hâlişten hâdis olan şar'ın 'alâmetinin beyânı budur ki eger şar'ı dem keşret-i galeyân ve hareket-i heyecânla işleyip o fi'li

64 “Hırrif-i muhterik” ya'nî şafrâ-i muhterik demektir.

65 Ve “ferak” ke-ferah feza'. *Kâmûs*.

keşret-i kemmiyyet hasebiyle işlemedi ise onun levnde ve remedde ve evdâcda fi'l-i keşri olur. Ve kezâlik şar'adan muqaddem ihtinâk-ı raḥim ḥâlâtı gibi bir ḥalet zâhir olmaz velâkin onda şikal ve belâdet ve istirhâ ve kesrî-i rîk ve kesret-i muḥâṭ şar'-ı balgamîde zâhir olduğu kadar zâhir olur.

Velâkin demevîde bu 'alâmetler ile ma'an ḥarâret ve gözde ḥumret ve başta buḥâr-ı demevî olur. Ve eger dem fi'lini kemmiyyeti hasebiyle işler ise bu 'alâmetler işler ise bu 'alâmâtlar ile evdâc damarlarında dūrur olur ve [şar'] zuhûrundan evvel ihtinâk ḥâlâtı gibi ḥalet zâhir olur. Ve şafrâdan ḥâdiş olan şar'ın ezâsı ve kerbi ziyâde şedîd olur ve teşennüci eḳall ve müddeti ziyâde kısa olur velâkin idtîrâbı ziyâde şiddetli olur ve ona kay' ve iltihâb ve 'aqlın şiddet-i ihtilâtı ve 'aynın ve levnin şufreti dahi delâlet eder.

Ve mi'de sebebinden 'arıḍ olan şar'a fem-i mi'denin [254b] ihtilâcı ve ḥuşûşan ḡıdânın te'eḥḥüründe olan ihtilâc ve kezâlik zamân-ı şar'da olan ri'de ve irti'âş ve ihtizâz ve şıyâḥ ve 'ale'l-ḥuşûş ibtidâ-i aḥzda olan şıyâḥ delâlet eder. Ve o mi'adî olan şar'da berâzda intilâk ve bevilde dūrur ve mezî ve menînin zuhûru ve ḥafaḳân ve şudâ'-ı şedîd ve şar'ın ḥiffeti ve kay' ile zevâli ve sâir fesâd-ı mi'de 'alâmetleri olur. Ve mi'denin telaṭṭuḡu ve neḳâsı zamânlarda şar'ın ziyâde ve noḳşân olması dahi şar'ın mi'adî olduğuna delâlet eder. Ve mi'adî şar'ın tevâtüren düvârı kâtil olur. Ve mi'dede olup bu bâbda te'sîri ve fi'li olan her ḥılt dahi bu ḳabilden olur eger o ḥılt fi'lini kemmiyyetinin keşretiyle ve kezâlik buḥârının keşretiyle işlerse. Ve bu mezkûrlar ḥılt balgamî olduğunun 'alâmetleri idi ve ba'dı kerre ona aḥlât-ı sâire dahi karışır.

Pes şar'ın mi'de aḥlâtından olduğunun 'alâmeti budur ki mi'adî olan şar' imtilâ ve toḡme zamânlarında 'arıḍ olur ve vaḳt-i cû' u ḥavâda ta'âmı tabi'atın def'i ve istiṭlâḳının kuvveti zamânında şar' ḥafif olur ve toḡme-i müte'âḳıb ya'nî biri biri ardınca birkaç nevbet toḡme vukû'unda 'arıḍ olur. Ve bu mezkûrlar ile ma'an mâdde şafrâviyye olur ise 'aṭaş ve lehîb ve lez' ve ihtirâk olur. Ve eger o mevâdd ile sevdâ olur ise ekşer-i aḥvâlde şehveti keşir olur ve ağzında 'alîl ta'm-ı ḥâmiḍi iḥsâs eder ve ondan fikr ve vesvâs tevellüd eder. Ve mi'de aḥlâtından olan şar'da her ḥâlde balgam 'alâmetleri sâirlerin 'alâmetlerinden ziyâde olur.

Ve eger mi'cede ahlâtinin fi'li keşret-i miqdâr ile olmayıp redâ'et hasebiyle olur ise onun 'alâmeti budur ki o sebep ile olan şar' vaqt-i havâda 'arîd olur, zîrâ o vakte fem-i mi'cede fem-i mi'cede hâlî iken mādde-i müziye müşādîf olur ve 'adiyesini kesr ve teskîn eder gıdâ bulunmamakla fem-i mi'cedeyi o mādde müte'ezzî kılıp şar'a mü'eddî olur. Ve kaçan mi'dede maḥmūd ve muvâfık gıdâya müşādîf olsa şar' munḳatı' olur.

Ve eger mi'dede olan hılt-ı müzî şafrâ cinsinden olup hādde olursa bundan aḳdem ğayre merretin mürûr eden 'alâmet ve edille ile sen onu ta'arrüf edip bilirsin.

Ve mādde-i şar'ın mebd'e'i merâḳḳ olur ise onun 'alâmâtı budur ki onda cüşâ-i hâmiḳ olup ekşi ekşi geçirir ve müci'a olan nefh ve qarâḳır olur ki onların teskîni baṭı' olur ve merâḳḳında iltihâb olur. Ve ba'ḳı kerre bunlar ile ma'an beyne'l-ketifeyn ağrı ve veca' olur ki o veca' tenâvül-i gıdâ zamânından sonra müddet-i ḳalîle mürûr ettikte zuhûr eder ve mütemādî olup o gıdâ haḳm olmadıkça veca' sâkin olmaz ve kaçan ta'am ekl eyledikte kezâlik veca' avdet eder. Ve'l-hâşıl her tağaddiden zamân-ı yesîr mürûrunda veca' hâdiş olur ve her haḳmda o veca' sâkin olur. Ve havâ vaqtinde şar' o zamân 'arîd olur ki ṭabî'atta ḳabḳ ve şalâbet ve huşuşan merâḳḳta fevḳ cānibine temeddüd ve ri'de ola. Ve eger ṭabî'at mülâyim olur ise şar' bâṭıl olur ve bu nev' maşrû'a münhaḳım olmadık ta'amı ḳay' etmek 'arîd olur.

Ve māddenin mebd'e'i merâḳḳ olan şar'ın bir şınıfı dahi vardır ki şar'ı fâ'il olan buḫâr-ı merâḳḳî şafrāvî olur. Ve onun şafrāvî olduĝu iltihâbdan ve levnden ve ihtilâṭ-ı 'aḳldan ve ḳucret-i ta'aba ve ta'annüte meylinden ma'fûm olur.

Ve bir şınıfının dahi buḫârı sevdāvî olur. O şınıfta mâlîḫülyādan bir şur-be olur ve cübn ve ḫadîş-i nefis ve ḫavf olur mādde muzlime olmak hasebiyle. Ve ona mevte muḫabbet veyâḫūd mevte buĝḳ ve mâlîḫülyā bâbında zıkr olunan 'araḳlar olur.

Ve şar'ın sebebi ve mebd'e'i kebiden veyâḫūd cemī'an bedenden olur ise ona levn-i beşere ve tüyler ve cildin yübüseti ve 'alîlin ḳahlî ve reheli ve simen ve hüzâlî ve demin îcâb eylediĝi keşret-i teneddîsi ya'nî nem-nâk olması delâlet eder. Ve kezâlik nabḳı ve bevli ve aĝdiye-i müteḳaddime ve

tedbîr-i sâlif delâlet eder. Ve kezâlik miçdeden ve rahimden istifragı muçtâde olan mevâddın ve çırkın ihtibâsları dahi delâlet eder.

Ve eger mādde-i kebid ihtirâka mâil demevî olur ise levnde humret ve terinde mevcuiyyet ve şarçın daħik ile zuhûru delâlet eder.

Ve kebiden veyâhûd cemîç-i bedenden zuhûr eden mādde şafrāvî veyâhûd balgamî veyâhûd sevdāvî olur ise onlar dahi çalâmât-ı sâbıkalarından maçlûm olur. Ve sebebi rahimden olan mevâdd olur ise lâ-maħâle onda çamsın ihtibâsı ve menînin ve rahime âher açdâdan munşabbe olan mevâddın ihtibâsı olur. Ve o nevç şarçdan muçaddem çânede ve iki ernebiiyelerde ve arkanın nevâhîlerinde ađrı ve rahimde ađırlık ve şıkal zuhûr eder.

Ve şarçın sebebi tıħâlden olur ise çilletin sevdāvî olmasıyla bilinir ve cânib-i tıħâlde vecaç ihsâs olunur. Ve tıħâlde nefha veyâhûd şalâbet olur ve tıħâl cânibinde çarâkır olur. Ve ekşer-i hâlde tıħâlî olan şarç cemîçan beden müşareketiyle olur.

Ve mādde-i semmiyyet ile hâdiş olan şarçda o mādde çaşab vâsıtasıyla baçdı açdâdan dimâğa tâliç ve şaçid olmakla çarıç olur. Ve o çuđvda olan mādde-i semmiyyetin mebdçi baçdı kerre hâricden olur, çuđvdan çaşab olan mevđçi çakreb ve rüteylâ ve zünbûr sokması ona delâlet olur. Veyâhûd çuđvun mebdç-i semmiyyeti dâhilden olur ve bu şınıf şarçda çulmet-i çaynı ve suçûtu yaçnî maşrûçun şarç işabeti ile düşmesini icâb eden buħârın başa şuçüdu ihsâs olunur. Ve mebdç-i şuçüd olan çuđv baçdı kerre ricl ve baçdı kerre dahi yed veyâhûd arkadan ve çânenen biri veyâhûd miçde ve rahim mişlli aħşâdan biri olur.

Ve didân hasebiyle olan şarçın çalâmeti seyelân-ı luçâb ve didânın ve habbu'l-karçın berâz ile çurücu olur.

Fi'l-Esbâbi'l-Muħarriketi li'ş-Şarçi: Şarçı taħrîk eder havâsı şarça muçın olan mevâdaçâ intikâl eylemek ve çarâret-i müfriteye taçarruđ eylemek gerek ise o çarâret güneşten ve gerek ise âteşten olsun. Ve bi'l-cümle berdın aşnâfı ve kezâlik keşret-i cimâç şarçı taħrîk eder. Ve baçdı kerre dahi keşret-i emtâr ve şemâl ve cenûb yelleri dahi taħrîk eder, zîrâ şemâl yelleri ve bilâd-ı şimâliyyenin havâsı mevâddı çabs eder. Ve cenûb yelleri ve bilâd-ı cenûbiyyenin havâsı aħlâtı taħrîk edip terkîk ve tehyic eder, dimâđı ruçûbet ile doldurur. Ve riħ-i şemâl ile şarç müteħarrek olduđu gibi faşl-ı şitâda dahi

keşîren hareket eder ya'nî hareketine sebep mevâddın ihtibâsı olur ve harîf-te fesâd-ı ihtilâf hasebiyle hareket eder. Ve şar^c bilâd-ı şimâliyyede kalilen vâki^c olur velâkin kâtil olur, zîrâ bilâd-ı şimâliyyede şar^c sebep-i da'îf ile hâdiş olmaz ve hudûşu ancak sebep-i kavî ile olur ve sebebi kavî ile olan şar^c kâtil olur revâyiğ gerek tayyibe ve gerek müntine olsun. Ba'đı kerre bunların her birisi şar^cı tahrîk eder.

Ve hareketin kendisi veyâhüd hareket-i serî'anın ve dâirenin mütâla'ası ve işrâfı ve irtifâ'ı olan mahâllerden nazar ve ıttılâ^c ve hammâmda tül-i mekş ve me'kûl hadm olmazdan mu'addem hammâma girmek ve başına ıssı su dökmek ve tebhîri olan dem tevlîd eden ağdiye tenâvülü şar^cı tahrîk ederler gerek ise o gîdânın 'akeri olsun ve gerek 'akeri olmayıp muzlim olsun, meşelâ şarâb-ı 'akir ve şarâb-ı 'atîk⁶⁶ ve o şarâb-ı hadîş gibi ki kendi bi-nefsihi taşaffî eylemedi veyâhüd misfât ile taşıyie olunmadı. Ve o şarâb-ı şırf dahi şar^cı tahrîk eder ki onun dimâğa nikâyesi ve lez'î olur.

Ve kerefs tenâvülünün şar^cı tahrîkte hâşşıyyeti vardır. Ve mercimek dem-i sevdâvî tevlîdine binâen şar^cı tahrîk eder lâkin keşk-i şa'ire hâlî olunan 'adeste şar^cı tahrîk olmaz. Ve bakla dahi 'ades gibidir. Sarmısak ve soğan başı buhâr ile mümtelî etmekle onlar dahi şar^cı tahrîk ederler. Ve soğanın cevheri ru'ubet-i rediyyeye istihâle eylemek hasebiyle dahi şar^cı tahrîk eder. Ve kezâlik süt ve helvânın cemî'an aşnâfı ve düsümetli ağdiye tenâvülleri dahi tahrîk-i şar^c eder. Ve o ağdiyenin küllîsi ki galîz ve neffâh ve kabbed [255a] ve bârid veyâhüd hâdd ve hîrrîf ola, onları dahi tenâvül şar^cı tahrîk eder.

Ve ahlâtı tahrîk hasebiyle heyda marađı dahi ve kezâlik tohme ve sū²-i hadm ve seher ve âlâm-ı nefsanîyye-i kavîyyeden gamm ve gâdab ve havf ve kavîyye olan infî'âlât-ı hissiyye-i kavîyye, meşelâ ra'd ve davul şavtları ve arslanın ze'îrini⁶⁷ istimâc ve kezâlik celâcil mislli nesnelere şalşalasını ve şadâsını ve kapı fethinde olan şarîr gibi şarrâre olan nesnelere şarîrini istimâc dahi şar^cı tahrîk eder. Ve envâr-ı bâhireye nazar dahi tahrîk eder, başarı ha'f ve izâle eden berîka ve kurş-ı şemsin nûruna nazar gibi. Ve

66 Şarâb-ı 'akirde 'aker vardır lâkin muzlim değildir ve şarâb-ı 'atîkte 'aker yoktur velâkin muzlimdir.

67 "Ze'îr" arslan şavtıdır.

harekât-ı kavîyyesi olan muharrikin mülâmesesi dahi tahrîk eder, rîh-i 'aşî-
fın mülâmesesi gibi. Ve ba'dı kerre imtilâ üzere riyâdet dahi şar'ı tahrîk
eder gerek o riyâdet ile māddeyi tahlîl kaşd olsun ve gerek olunmasın.

el-Edviyetü's-Sâri'atu: Şar'a mü'eddî olan edviyeleri ve kezâlik şar'ı
izâle ve keşf eden edviyeleri emrâd-ı re's cedâvilinde 'alâmetleri ile zıkr
eyledik, kınni ile mürr ve çurûn-ı mâ'iz ile tebahhur gibi ve ergeç kecinin
kebidini ekl ve râyihasını şemm ve kezâlik mürriyi burnuna idhâl, bunlar
muşâra'ata müte'allik devâlardandır.

el-Mu'âlecât: Şıbyânın şar'ı mu'âlecesinde vâcib olur ki mürdî'anın ğı-
dâsı ıslâh oluna ve ona iç'am olunan ğidâ harâret-i laţîfeye mâil olup key-
mûsu ceyyid ola. Ve mürdî'a leben-i mâi ve fâsid veyâhüd leben-i ğalîz
tevlid eyleyen ağdiye tenâvülünden ictinâb eyleye. Ve mürdî'a keşret-i
cimâ'dan ve habelden men' olunur.

Ve vâcib olur ki şabîyi ifzâ' ve iz'âc eden şavt-ı tabl u bük u ra'd u
celâcil ve şayyâh olan hayvânâtın şayhaları gibi aşvât-ı 'azîmeye şabînin
müfâce'esinden şabî hıfz oluna ve fec'eten ciss-i ğalîz ile cissten hıfz oluna
ve seherden ve ğadabdan ve havftan ve berd-i şedidden ve harr-ı şedid-
den ve sū-i hađmdan ictinâb ettirile. Ve ta'amdan muqaddem ona riyâdet-i
rakîka teklif oluna ve ta'am yedikten sonra riyâdetten men' oluna. Ve o
şabî balgam-ı rakîki müstefriğa olan edviye ile istifrâğa taħammül eder
ise o istifrâğ terk olunmaya. Ve ahyânen mâ-ı 'asel saqy olunmakla şabîyi
kay' ettirmeğın menfa'ati olur. Ve ona cülencebîn-i sükkerî ve cülencebîn-i
'aselî dahi saqy olunur ve sezâb ve sâir mülâttıfât koklatılır, zîrâ bizim zıkr
edeceğımız şemümât ba'dı kerre şıbyânın şar'ı mu'âlecesine kâfî olur.

Şağîr ve kebîr cemî'an aşhâb-ı şar'ın mu'âlecesinde gerektir ki onlara
o ağdiye-i maħmûde verile ki onda min-ğayri ifrâtin tertîb-i maħmûd ola
ve imtilâdan ve sū-i hađmdan ictinâb ettirile ve şiba'ları tamm olmadan
ta'amdan men' oluna.

Ve def'aten ğidâsını tenâvül etmek mu'tâdı olmayanların mâ-dün-ı şiba'
ğidâsı üç kısım olunur: Bir kısım şabâhla ve bir kısım öğle vaktinde ve
üçüncü kısmı ikindiden sonra verilir. Ve mecmû'u o kadar olmak gerektir
ki üç sehm cem' olup def'aten verilse onunla şiba'-ı tamm hâşıl olmaz. Ve
o 'alîl üç vaktin her birinde riyâdet-i laţîfe isti'mâl eyledikten sonra ğidâları

verile ve şürb-i hamrı istikşâr eylemeyeler, zîrâ hamr dimâğı ruṭûbet ile şedîden doldurur. Ve eger hamr istiḥmâli onlara gerekli olur ise şarâb-ı ʿatîk-i ʿafîşî tervîk ve taşfiye eyledikten sonra kâlılen şürb eyleyeler.

Ve aşhâb-ı şarʿa adarr-ı eşyâ baʿde'l-istiḥmâm şürb olur. Ve fecʿeten berdde vukûʿları dahi adarr olur ve belki onlara vâcib olur ki başlarını hıfz ve vikâye eyleyeler ifrât üzere olan harr ve berdin mülâkâtından ve hammâmında çok eğlenmekten. Ve maşrûʿa vâcib olur ki luḥûm-ı ğalîza tenâvülünün küllîsinden ve ğidâiyyeti kavî olanları ve kezâlık balığın cemîʿ-i aşnâfını tenâvülden ihtirâz eyleyeler ve belki dört ayaklı hayvânâtın büyüklerinin luḥûmunu eklden ihtirâz eyleyeler ve onlar luḥûmdan ferârîc ve derârîc ve tayâhîc ve ʿaşâfir-i ehliyye vü cebeliyye ve kanâbir ve şefânîn ve cidâ ve ğizlân ve erâneb luḥûmuna kaşr eyleyeler.⁶⁸ Ve denildi ki yaban ğinzîrının lahmı onlara ziyâde menfaʿatli olur. Ve baʿdı kerre lahm-ı mâʿiz dahi onlara memdûh olur tecfîfi olup terṭibi kâlîl olmak hasebiyle.

Ve onlara ḥalâvât ve düsümât mişlîli ağdiye istiḥmâli mezmûm olur. Ve gerekir ki onlar buḳûlden ve cemîʿ-i fevâkihten ḥattâ kâtaftan ve bakla-i Yemâniyyeden dahi ihtirâz eyleye. Ve bunlardan ihtirâz lâzım olduktan sonra mâ-ʿadâdan ihtirâz vâcib olur. Ve kerefste taḥrîk-i şarʿ olmakla ondan taḥarrüz ziyâde lâzımdır. Ve eger buḳûl istiḥmâl olunmak iktidâ eder ise şâhterec ve hindebâ istiḥmâl eylesinler. Ve etıbbâ marul istiḥmâline dahi ruḥşat verdiler. Ammâ Şeyḫ-i Reʿîs der ki maşrûʿun marul istiḥmâline keşîren ben şenâ eylemem, kezâlık küzbere tenâvülüne dahi baştan buḫârı menʿ eylediği için murahḫaş kıldılar, onu dahi ben kerîh eylerim, istikşârını istiḥsân eylemem lâkin demeviyye ve şafrâviyye olan şarʿda küzbere tenâvülüne ben dahi izin veririm, ammâ sılķ yaʿnî pazı dedikleri nebât su ile ṭabḫ olunup meslûk olduktan sonra zeyt ve mürrî ile ve o mecrâya cârî olan nesnelere ile işlâḫ olunup kable't-ṭaʿâm ekl olursa ṭabʿı telyîn eder ve telyîni için maşrûʿa o vech ile sılķ ekline izin verilir.

Ve cümle buḳûlden maşrûʿa sezâbı şemm nâfiʿ olur. Ve ṭaʿâmlarında durak otuyla sezâb vâkıʿ olmak nâfiʿdir. Ve vâcib olur ki yaş yemişin küllî-

68 Yaʿnî piliç ve turaç ve sülün ve sühlî ve cebelî serçe ve kanarya ve yemâme ki güğercinden büyük olur, Fârsîde şefâne derler ve oğlak ve âhû ve tavşan etlerinden ğayrı et yememektir.

sinden ve ğalîz olan yemişlerden ictinâb eyleyeler lâkin ta'âm üzere ba'đı kavâbıddan cidden yesîren miqdâr-ı hafîf tenâvül olunmak fem-i mi'deyi sedd ve ğidâyı ihdâr ve tabî'atı telyîn ve buĥârı men' eylediđi için câiz olur.

Ve yine vâcib olur ki lift ve fücl ve kerneb ve cızr mecrâsına cârî olan ađdiye-i şakîleden ictinâb eyleyeler. Ve kezâlik ĥirrif ve mübahhir olan ađdiyeden ve ĥardal gibi müzî olan mütenâvelden ihtirâz eyleyeler, zîrâ ĥardal buĥârı başa çıkarır ve dimâĝ o buĥârın ĥarâfeti ĥasebiyle tefezzu' eder.

Ve sekerden ve mehebb-i riyâhtan ya'nî rüzĝarlı maĥallerden ve imtilâdan ictinâb eder, ĥâr ve bârid su ile iĝtisâlden ĥazer eder, zîrâ mâ-ı ĥârda irĥâ ve mâ-ı bâridde taĥdîr olur, rûĥ-ı ĥâssa đarar olduđu için. Ve maşrû'a ta'âmdan imtilâ 'ârıđ olsa kay' eder ve ba'dehu tedbiri ya'nî ta'âmını telĥîf eder.

Ve yine vâcibdir ki müsbite ya'nî sübât ihdâs eden ğidâdan ve ađdiye-i şakîle vü mübahĥireden ihtirâz ede. Ammâ şarâbla imtilâ maşrû'a cidden muđırrdır, lâkin şarâbın kalîli etıbbâ katında nefsi baş eder, rûĥu taĥviye ve tezkiye eder, çok su içmekten muĝnî olur. Ve şürb-i mâin keşreti ise adarr-ı eşyâ olur. Kaylûle nevmi ni iksâr ve belki muĥlaĥan nevmi istiksâr eylemek muđırrdır ĥuşuşan imtilâ üzere uyku ziyâde muđırrdır. Ve ifrâ-ı seher dahi rûĥu taĥlîl ve id'âf eylediđinden ebĥure ile dimâĝı doldurur.

Ve şar' tedbirinin evveli ve aĥdemi şar'ı muĥarrik olan nesnelere ihtirâz olur ve karîben esbâb-ı muĥarrikeyi beyân eyledik. Maşrû'un ĥâline sâkin olmak ĥareketinden evlâdır. Ve zikri mürür eden istifrag ve tenkıye-i beden eyledikten sonra riyâdete ĥâcet olur ise vâcib olur ki o riyâdeti imtilâ üzere eylemeye ve riyâdeti i'câ ihdâs edecek ĥadara bâliĝ olmaya ve ba' de'r-riyâdet bir miqdâr istirâĥat eyleye. Ve ictihâd eyleye ki vakt-i istirâĥatında ve sâir ezminede başını muntaşib ve dikili tuta ve irsâl edip başını esfele sarkıtmaya ve keşret ile başını taĥrik eylemeye, zîrâ başını keşret ile taĥrik eylemek mevâddı başına cezb eder. Ve vâcib olur ki nişf-ı esfelini taĥrik eylemek nişf-ı a'âsını taĥrikten ziyâde ola. Ve mevâddı esfele cezb eden tedbirlerden olur cemî'an bedenini delk eylemek bu vech ile ki delke a'âdan başlayıp tedricle tesseffül ve tenezzül ederek sâĥta tekmîl eyleye. Ve delke bed'i göĝüsten ve göĝüsü vely eden cânibden ola ve delki ĥırĥa-i ĥaşine ile olup göĝüsü kızarıncâ ĥadar delk eyleye ve ba' dehu tedricle tenez-

zül eyleyip [255b] sâkta hatm eyleye ve her delk-i s̄anī ūlādan eşedd ola. Ve bu hālātların cümlesinde baş muntaşib ola ve bundan sonra o ʿalīle meşy teklīf oluna.

Ve vācib olur ki o ʿalīl riyādet eylediği maḥallde tervīh oluna, kuvāları ḥālet-i ūlāsına gelip ıdṭırābı sākīn olunca kadar mevḍiʿ-i riyādetde istirahat ettirile baʿdehu o maḥallden maḥall-i ašlīsine naḳl oluna ve cemīʿan mevād-dı delk ile esfele cezbden sonra cāiz olur ki başını dahi delk edip ve tüyle-rini tarayalar, zīrā başı bu vāḳtte delk teşḥīn eder ve başın mizācını tağyīr ve tebdīl eder.

Ve bu ʿillete nefʿi olan tedbīrlerden olur başına meḥācim vaḍʿı ve baş üzere keyy eylemek, zīrā bunlar başı teşḥīn eder. Pes bu tenḳıye ve ishāl ve irāhadan birkaç gün sonra ʿalīli ḥammāma idḥāl edip ve ʿalīlin şerāsīfi tahtına vaḍʿ-ı meḥācim ve başını senin bildiğin müsahḥīnātla teşḥīninde beʿs yoktur.

Ve şarʿın nevbeti geldikte şarʿdan veyāḥūd şarʿ mişlī nesnelerden ittiḥāz olunan bir küre ağzına ilḳām ve idḥāl olunur, o şarʿlar dīşlerinin arasına gi-rer, ağzından ihṛāc edemez ve ağzı meftūḥan kalır, ḥālet-i ıdṭırābında ağzı meftūḥ olmak ḥasebiyle dīşler mutaḍarrır olmaz.

Ve vācib olur ki istifrāğa bedʿ olunup mādde-i şarʿ hangi aḥlāt ise onu müstefriğ olan edviye ile istifrāğ oluna baʿdehu başın tenḳıyesi ḳaşd oluna, cāzib olan gārgaralar ile baş tenḳıye oluna. Ve eger şarʿ edvār ile olup aḥlātın keşretiyle devr dahi mütekeşsir olur ise rebīʿ geldikte istizḥār olunup onda olan aḥlātın hangisi gālīb ise o ḥılt istifrāğ olunur. İstizḥārın tefsīri mūrūr eylediği üzere bahār geldikte müstefriğāt istiʿmāl olunmağa derler. Ve eger faşda māniʿ bir nesne yok ise faşd olunur, zīrā rebīʿde o ʿalīli faşd ḥuşūşan ayaklarından faşd ona nefʿ verir eger dimāği tebrīd eylemeyip ve bizim zıkr edeceğimiz vaşf üzere olur ise. Ve kaçan şarʿın nevbeti ḳarīb olsa mümkün olur ise bir rīşe dühn-i süsen ile yağlanıp ḥalkına idḥāl olunmakla kusturulur. ʿAleʿl-ḥuşūş miʿdenin müşāreketi olur ise bu ḳayʿın menfaʿati ziyāde olur, zīrā o ḳayʿ ile miʿdede olan ruṭūbet ḥurūc edip fiʿl-hāl ḳayʿın menfaʿati zuhūr eder lākin keşret-i ḳayʿın dimāği olan şarʿa maḍarratı olur.

Ve maşrūʿa ḥāl-i şarʿda ve ḥāl-i şaḥvdā bu vecūrāt nāfiʿ olur: ḥıltīt ve cünd-i bīdester ki sikencebīn-i ʿaseli ile istiʿmāl oluna. Ve bu nefūḥātın dahi

nefi olur: şahm-ı hançal ve kıssâ-i hımârın kendi ve uşâresi ve nüşâdur ve şünîz ve nânihâh ve kündüs ve harbak-ı ebyađ ve fülful ve zencebîl ve mürr ve ferfiyûn ve cünd-i bîdester ve uşuhûdüs ve bu mezkûrlar müteferrika ve mürekkebe nefh olunur. Ve gerek hiltit ve zift ve kaţrân dahi nefûhât-ı nâfi'adır. Ve maşrû'a nâfi' olan bahûrât fâvâniyâdır. Ve meşmûmât-ı nâfi'a sezâbdır şar' ahz eyledikte. Ve kezâlik ifâkati vaqtinde sezâbı şemm etmek nâfi'dir. Huneyn nâm tabîbin muhtârıdır ki sâfsiyâ arpa unuyla ve hall-i hamr ile ma'cûn kılınıp ondan neffahât ittihâz olunur ve dâimâ şemm olunur.

Ve maşrû'a nâfi' eşribeler bunlardır: sikencebîn-i uşulî bi'l-hâşşa nâfi'dir, küllü yevmin saqy olunur. Ve bunun gibidir pelin şarâbı ve zûfâ tabîhi ki sa'ter ile tabh oluna. Ve kezâlik efsentîn ve sa'terden müttehz sikencebîn isti'mâli nâfi'dir. Ve sikencebîn-i uşulî faşl-ı şitâda ıssı su ile ve faşl-ı sayfta mâ-ı bârid ile isti'mâl olunur. Ve denildiği üzere merûhât-ı ceyyideden olur erkek deve sâkınım iliği ki o ilik dühn-i verd ile şudğlar ve şü'ûn üzere ve fekâr-ı zahra ve şadra merh olunur. Ammâ fâvâniyâ ta'lik etmeğin şar'a menfa'ati olduğunu kudemâ tecrîbe eylediler. Ve bu mücerreb olan fâvâniyâ ta'likinin menfa'ati olduğu hıfz ve dâbı olunmak gerektir lâkin müşâbih olur ki onların tecrîbe ile eyledikleri menfa'at Rûmî fâvâniyânın tâzesine ve raţbına hâşştır.

Ve maşrû'a bu devâların her dâim saqyı vâcib olur: gârîkûn, sîsâliyûs, işkurdîyûn, zerâvend-i müdahrecin aşlı ve fâvâniyâ mişlli edviyeler beher yevm su ile saqy olunur ve şar'a muvâfiq devâ olur. Bulunduğu maħallda 'alîlin her günde iki def'a ya'nî ğudveten ve gece yatacak vaqhte teyâdrîtûstan bi-nefsihi şürb eylemesi ve bunu ba'dı 'ulemâ-yı tıbb re'y eylediler ve tecrîbe dahi onu te'yîd eyledi. Ve teyâdrîtûs *Ķânûn*'un kitâb-ı hâmisinde eyâricât bâbında mezkûrdur. Ve ba'đılar dahi yine günde iki kerre zebdü'l-baħr saqyını istihsân eylediler. Ve ca'de ve hınnâ saqyını istiħbâb eylediler menfa'atleri hasebiyle ca'dede hâşşıyyet olmak ile.

Ve bu şıfat üzere olan işkîl devâsı dahi şar'a nâfi'dir, o devânın şıfatı budur: Ada soğanı ahz olup bir toprak zarf içine sirke koduktan sonra o işkîl dahi o zarf içine ilkâ olup ağzı bir sidâd ile sedd olunduktan sonra üzerine bir kalın deri çekilip bağlanır ve o hâl üzere kırk gün kadar terk olunur. O kırk günün ibtidâsı Şi'râ'nın tulû'unun yirmi gün muqaddeminden

İtibâr olunur ve o zarf güneşte ikâme olunup rîh-i cenûba müte'arriq kılınır ve her vakte kalilen kalilen o zarf çevrilir, ona harrın vusûlü 'ale's-seviyye olup eczâsı müteşâbih olsun için. Ve müddet-i mezkûre mürûrundan sonra küpün ağzı açılır ve sen o ada soğanını bulursun ki matbûh ve müteherrâ olmuştur. Ba'dehu o ada soğanını ihrâc edip 'aşr ile 'uşâresini ahz edersin ve 'asel ile o 'uşâreyi hâlt edip küllü yevmin birer mil'ağa sakı edersin. Ve 'alîle 'ucâleten isti'mâli mühimm olup mürûr-ı vakt-i mezkûra tahammül olunmaz ise isķil su ve sirke içinde tabh olunur, o matbûhtan sikencebîn-i 'unşulî ittiḥâz olunur ve şar' için edviye-i ceyyideden olur.

Bu zıkr olunan devâ, sîsâliyûs üç mişkâl ve ḥabbu'l-gâr üç mişkâl ve zerâvend-i müdahrec iki mişkâl ve fâvâniyânın aşlı iki mişkâl ve cünd-i bîdester ve akrâş-ı isķil birer mişkâl, bu mecmû' miqdârlarınca ahz olunup köpüğü alınmış 'asel ile ma'cûn kılınıp küllü yevmin sikencebîn ile isti'mâl olunur.

Ve maşrû'lara intikâl dahi nâfi'dir, zîrâ havâsı mizâcına muvâfık bir belde bulunca kadar bir beldeden bir belde-i uhrâya ve ondan dahi dîger beldeye nakl onlara esnânda intikâl gibidir, nitekim sinn-i şıbâdan şebâba intikâlde menfa'at ḥâşıl olup ve havâsı keşif ve murattıb olan beldeden havâsı mülattıf ve müceffif olan beldeye intikâl eylemekte dahi maşrû'lara menfa'at vardır. Ve maşrû'a iltivâ 'arîd olup ba'dı a'ḍâsında teşennüc olur ise o 'uḍv-ı müteşennic dühn ile ve mâ-ı fâtir ile ve gamz-ı kavî ile tesviye olunur.

Ve kaçan şar' dimâgî olur ise ona evlâ olan ḥarbaḳ ve ḥarbaḳ mecrâsına cârî olanlar ile ve şahm-ı hanzal ve saḳmünyâ ve eyâric ve gârîkûn tabîhi ile istifrag edip beher sene kerreten ba'de merretin mükerreren ishâl eylemektir. Ve faşd hangi hılt için iktidâ eder ise ya'nî ahlâttan biri galebe edip demin dahi o hılt-ı gâlibe muḥâlaḫası olur ise vâcib olur ki o hılt için olan istifragât ile iktifâ ve iktişâr olunmayıp faşd oluna ḥattâ kifâlin ikisinin dahi faşdı iktidâ eder ise ikisini dahi faşd eyleyeler, ardınca tahte'l-lisân olan damarı dahi faşd edeler. Ve ba'dı kerre her üsbû'da kafâ üzere ḥacâmet olunup mâdde dimâgdan cezb olunur eger dimâğın mizâcından ve ḍâfından ḥacâmet-i mezkûreye mâni' bir nesne bulunmaz ise. Ve ba'dı kerre dahi teksîr-i faşda ḥâcet olur. Ve kaçan bu faşdlar olursa vâcib olur ki o 'alîl bir hafta istirâhatte kılınıp ba'dehu meşrûbât-ı müshile ile ishâl oluna ve kavî ḥuḳneler ile ḳanṭuriyûn ve şahm-ı hanzal [256a] ve ḥırva' ve bu mişlli

hukneler ile ihtikân oluna. Ve bundan sonra dahi bir müddetistirâhat edip ba'dehu kâhil katından ve baştan ve nukreden ihticâm oluna ve sâk üzere dahi hacâmet oluna. Ve yine 'alilistirâhat ettirilip ba'dehu yine ishâl oluna. Ve bu hâl üzere irâhât ve ishâlât istimrâr üzere oluna beden tenkıye olunca kadar. Ve ba'de't-tenkıye yalnız başı tenkıye edin. Bundan aqdem senin bildiğin ğarâğır ve 'atûsât ile baş dahi tenkıye oluna ve evvelâ şelîsâ⁶⁹ ve ba'dehu şâbânek⁷⁰ ve mâ-ı merzencüş ile se'ût eyleseler nâfi' olur.

Ve vâcib olur ki şar'ın nevbetinde mi'de tenkıye olunmuş buluna ve mümkün olur ise ta'âmdan evvel kay' ettirilip mi'dede mevcûd olan ihrâc oluna ve ba'dehu iç'âm oluna huşûşan mi'dede olan semek mâlih ve ğayr-i mâlih semek olur ise onu ihrâc ziyâde nâfi' ve menfa'atli olur. Ve bunların küllisinden sonra dimâğın mizâcı muqavviyât-ı müsahhine ile tebdil olunur, dımâd-ı ğardal ve senin bildiğin dımâd-ı ğardal mecrâsına cârî olanlar ile ta'dil olunur ve sezâb dahi şemm olunur.

Ve vâcib olur ki müsahhinât u mübeddilât-ı mizâc def'aten ğaml olunmaya belki tadricle isti'mâl oluna. Ve müsahhinâtın isti'mâlinden ef'âl-i dimâğa đarar olur iseistirâhatte kılınır ve müsahhinât terk olunur.

Ve aşnâf-ı şar'dan sebebi balğam olan şar'ın müstefriglerinin efđali eyâric ve şahm-ı ğanzal ve eyâric-i Hürmüstür. Ve eyâric-i Hürmüsten küllü yevmin şabâhla nişf dirhem ve 'aşıyyeten dahi nişf dirhem şürbünün nef'-i 'azîmi olur. Ve eger balğam ile imtilâ-i küllî olur ise bizim vaşf ettiğimiz üzere faşd nâfi' olur. Ve kezâlik türbüd ve ğarîkûn ve usţuhûdüs ve eyâric-i Rûfus ile istifrag ğaşşaten nâfi' olur.

Ammâ mâddesi sevdâ olan şar'da tabîh-i eftümün ve ğarbağ ve ğacer-i lâciverd ve ğacer-i Ermenî ve usţuhûdüs ve bespâyec ve helîlec ile ishâl olunur ve erkek deve inciğinin iliği ve dühn-i verd ile feğârât ve adlâ-ı şadr temrîh olunur.

Ammâ şafrâvî olan şar'da vâcib olur ki onda i'tinâ tebrîd ve tertîbe ola, 'ale'l-huşuş tebrîd ve tertîbi ihtikân ile ola. Ve o şafrâ şafrâ-i muhterika ise o mâdde sevdâvî hükümindedir yâhüd sevdâvî ve şafrâvî arasında olur.

69 “Şelîsâ” ma'âcîndendir.

70 “Şâbânek” bürnüf dedikleri devâdır; tafşîli İbn Kütbî müfredâtında ve Ħalimî lügâtinde mezkûrdur.

Ve ümmü's-sıbyân tesmiye olunan şarḥ qarīb olur ki baḥdî eṭıbbâ katında şafrāvî ola, onun için o şarḥın ʿilâcında biz emr eyleriz ki âb-zen ve seʿûṭât-ı bâride-i raṭbe istiʿmâl oluna ve ʿalîlin başına sût şabb oluna ve bedeni kuvvet ile tertîb eden murattıbbât istiʿmâl oluna. Ve eger o şarḥ sıbyânda olur ise mürdî'aya sütünü tebrîd eden edviye saḳy olunur ve emr olunur ki o mürdî'â mevâdî'î bâride sâkine ola ve meskeni serdâbî ola. Ve benzer ki ümm-i sıbyân şarḥına şafrāvî şarḥ hükmünü verenler katında ümmü's-sıbyân şarḥ-ı şubārâ ve şarḥ-ı manya olur velâkin bu isimler eṭıbbâ-i muhaḳḳıḳîn katında maʿrûf ve meşhûr deḡillerdir.

Ve kaçan maşrû'un baḥdî aḥḍasına iltivâ ve teşennüc ʿarîd olur ise dühn ve mâ-ı fâtir ile o mültevî olan ʿuḍv delk olunur ve ğamz-ı celîl ile ğamz olunur.

Ve kaçan şarḥ miʿadî olsa ona ziyâde muvâfıḳ olan müstefriğ şaḥm-ı ḥanzal ve usṭuhûdüs olur ve senede birkaç kerre bu müstefriğler ile miʿde tenḳıye olunur. Ve miʿdeyi tenḳıyeden sonra vâcib olur ki miʿdenin taḳviyesine dahi taʿahhüd oluna ve miʿdeye îrâd olunan etʿimenin haḍmı serîf ve keymûsu ceyyid ola ve miʿdeye o aḡdiyeyi îrâd dahi bizim vaşf edeceḡimiz gibi ola ve cevdet-i haḍmı tahsilde ictihâd oluna ve miʿde zamân-ı ṭavîl ḥâliyeten terk oluna ve baḥdehu ğidâ verile. Ve miʿdenin ḥâlî olmasından ʿale'l-cûʿ heyecân eden âfet ve aʿrâḍ şudâʿ baḥşinde zıkr olunan nesnelere ile tedârük oluna.

Ammâ o şarḥ ki dimâġa ʿuḍv-ı âḡerden bir şey'in şuşûdu ile ola, o ʿuḍv fevḳ cānibinden ribâṭ-ı ḳavî ile nevbet gelmezden muḳaddemce rabṭ olunur ve baḥdan olur ki o rabṭ ile nevbet mündefîʿ olur. Ve dimâġa şuşûd eden maʿrûf olan müstefriġâtle mādde istifrâġ olunur eger devānın ḳuvveti o ʿuḍva vâşıl olur ise, ammâ o ʿuḍva buḥduna binâen ḳuvvet vâşıl olmaz ise şarḥın sükûnu vaḳtinde edviye-i muḳarrıḡa ile o ʿuḍv taḳrîḡ ve taşdîd olup ḳayḡı istifrâġ ve isâle olur veyâḡhûd o ʿuḍvun māddesi şâfsiyâ ve ferfiyûn ve bu mişlli edviyeler ile ṭılâ olup iḡrâḳ olunur. Ve māddeyi iḡrâḳ eden edviye kitâb-ı şânîde zıkr olunan levḡalardan maʿlûm olur.

Ve baḥdî kerre o nevc şarḥ bir dereceye varır ki onda zerârîḡ ve kebî-kec ve belâdur ve cervvî'l-bâzî istiʿmâline ḡâcet olur. Ve eger ʿuḍvu şarṭa muḡtâc olursan şarṭ eyle. Ammâ o şey-i şâʿidin şuşûdu cemîʿan bedenden

olur ise ba'ḍı 'ulemâ dediler ki eger ḥaṭarı 'azîm olmasa iki sübât damarlarını o şar'ḍa faşddan enfa' bir nesne olmaz; o faşḍ ile bür'ü-i tâmm ḥâşıl olur velâkin onu faşḍda ḥaṭar-ı 'azîm vardır, zîrâ sübât damarları şiryânîdir, demi munḳaṭı' olmaz ve ba'ḍı tedbîr ile demi ḳaṭ' olursa dahi o faşḍ dimâğî tebrîd eder ve rûḥu dimâğdan ḳaṭ' eder ve bunlara sekte tâbî' ve müteferri' olur.

Ve muşannif der ki iki sübât damarlarının faşḍında zîkr olunan ḥaṭarlar olmakla faşḍı mümkün olmaz ise lâkin başa şu'ûdu olan şiryânları ḳaṭ'ḍa sübât faşḍının ḥaṭarı mişlî ḥaṭarı olmayanların birisi ḳaṭ' ya'nî faşḍ olursa nef'-i keşîr onda 'azîm olmak ba'ḍ olmaz.

Beşinci Faşl Sekte Beyânındadır

Sekte bi'l-cümle bedende olan a'ḍâ ḥiss ve ḥareketten külliyyen mu'atṭale olmağa derler. Ve a'ḍâyâ o ta'atṭul dimâğın butûnunda vâқи' olan ḥiss ve ḥareket ervâḥının mecârîlerinde südde olmakla dimâğdan o a'ḍâlara ervâḥ vâşıl olmayıp ḥiss ve ḥareketten kalmakla olur. Ve sekte ḥasebiyle eger âlât-ı ḥareket dahi mu'atṭale ve teneffüs dahi mu'atṭal veyâḥûd âlet ḍa'if olup teneffüs sühûletli olmaz ise ve belki nefesinde muḥtenıḳ olanlar gibi zebed olup zâ-feterât veyâḥûd ḡaṭîṭ olur ise o sekte şu'ûbetli olur ve delâlet eder ki kuvve-i muḥarrike a'ḍâ-i nefesi taḥrîkten 'âciz olmuştur.

Ve bunlardan dahi şu'ûbetlisi olan o sektedir ki onda nefes ve zebed ve ḡaṭîṭ bunların birisi dahi olmaya. Eger teneffüste âfet-i 'azîm olmayıp ve cevri ile boğazına şabb olunan nesne bâṭına gidip ve burnundan ḥurûc eylemez ise bu nev' sekte her ne miḳdâr zîkri müteḳaddim olan sekteleden erce' olur ise⁷¹ lâkin bunda dahi ḥaṭar-ı 'azîm olur. Ve İbokrât dedi ki eger sekte ḳaviyye olur ise şâḥibi için bür'ü recâ olunmaz ve eger ḍa'ife ise onun bür'ü ve şıḥḥatî şu'ûbetli olur.

Ve dimâğda olan mecârî-i rûḥun insidâdı iki vechin biriyle olur: yâ inṭibâḳ ile olur veyâ imtilâ ile olur. Ve inṭibâḳ ile olan o vech ile olur ki dimâğa dimâğî mûlim ve müzî olan bir nesne vâşıl olur, o müzîden dimâğ ḥareket-i inḳıbâḍiyye ile münkabıḍ olup dimâğ sıkışmak ile arasında olan

71 “Erce' olur ise” demek o şar'ḍan bür'ü ziyâde me'mûl olur ise demektir.

tecâvîf ve mecârînin tâkları biri birine mülâsık olup tecvîf zâil ve rûh dahi cereyândan ʿatıl olur veyâhûd dimâğa vâşıl olan mādde keyfiyyet-i kâbîda olup dimâği kabđ ve teksîf edip fesâd-ı mezkûr ve intıbâk hâşıl olur, berd-i şedîd keyfiyyeti dimâğa vâşıl oldukça bu nevʿ intıbâk ve sekte hâdiş olur. Ve dimâğın imtilâ hasebiyle insidâdı bu iki vech ile olur:

Vech-i evvel budur ki imtilâ dimâği tevrîm eder. Mâdde dimâği imtilâ hasebiyle ifsâd edip temdîdiyle sedd eder. Ve bu sedd ile hâdiş olan sekte şüʿbetli olur gerek ise mādde-i imtilâ hârre olsun gerek ise bāride [256b] olsun.

Vech-i şânî budur ki dimâği mādde-i imtilâ tevrîm eylemez ve ekşerriyyâ vâki olan sekteler bu sınıftan olur. Ve sektenin bu sınıfının süddesi yâ dimâğın kendide olur yâhûd kırbünde olup mecârî-i rûhu imtilâ ile sedd eder veyâhûd dimâğdan hâric olan mecârî-i rûhta olup dimâğda ve kırb-ı dimâğda olan südde-i imtilâi hılt-ı demevînin dimâğa defʿaten inşibâbıyla veyâhûd balgamînin inşibâbıyla olur. Hılt-ı balgamînin inşibâbı keşîrîʿl-vukûʿ olur. Ve dimâğa sâlik olup dimâğdan hâric ve baʿd olan mecârînin insidâdı şiryânların ve ʿurûk-ı sâkinelerin keşret-i dem hasebiyle şiddet-i imtilâsından olur, zîrâ o damarlar mecârî-i rûh olmakla rûhun nüfûzuna ve dimâğa vuşûlüne imtilâ-i şedîd hâil olur. Ve ervâh cereyândan kaldıkta az vâkte ihtinâk ʿarîd olur ve zikri mürür eylediği üzere ʿunuқта olan sübât damarları şedd oldukça ʿarîd olan hâlet bu insidâd ile dahi ʿarîd olur ve âlet-i hiss ü hareket efʿâlini işlemekten muʿatıl kalır.

Ve sektenin aşnâfı ve esbâbı ancak bu mezkûrlar olur lâkin baʿdî kerre fâlic-i ʿamme yaʿnî iki şıkkâ şâmil olan fâlice dahi sekte itlâk ederler. Ve maʿa-hâzâ fâlic-i ʿammda başta olan aʿdâlar selîm olur. Ve baʿdî kerre bir tarafta vâkiʿ olan istirhâya dahi sekte itlâk edip o ʿuđvun sektesidir derler. Ve bu itlâk ve taʿbîr İbokrât'ın kelâmında vâkiʿ olmuştur.

Ve baʿdî evkâtta vâkiʿ olur ki insâna sekte işâbet eder ve o meskût meyyitten fark olunmaz ve onda teneffüs dahi ihsâs olunmaz ve hayâta delâlet eder bir ʿalâmet dahi olmaz ve baʿdehu sektesi zâil olup selâmet üzere vâfir müddet taʿayyüş eder. Ve biz bu hâl üzere olan çok kimseleri gördük ki onlara nefesten bir nesne zuhûr eylemezdi ve nabđları tamâm

sukûṭ ile sâkıṭlar idi baʿdehu şıḥhat bulup taʿayyüş eylediler. Ve benzer ki bunun vechi budur ki o ḥālet üzere olan meskûtların ḥārr-ı ğarîzîsinin terṭıhe ihtiyācı şedîd deĝildir ve buḥār-ı duḥānîlerini tard ve defʿe ve teneffüs-i ʿazîme ve nefesi keşîre ihtiyācı yoktur. O meskûta berd ʿarîḍ olmakla bu ihtiyāc mürtefiʿ olur. Bu sebebden eṭıbbā katında maḥbûb olur ki mevtini ve ḥayātını temyîz mümkün olmayan mevtâ defn olunmaya, ḥālî mütebeyyin olunca kadar defni teḥîr oluna. Ve onun ḥālî ancak yetmiş iki sâʿatte mütebeyyin olur.

Ve ekşer-i ḥâlde sekte fâlic maraḍına intikāl eder ve ona münḥall olur onun için ki sektenin māddesini cemîʿan bedenden defʿden ṭabîʿat ʿāciz olur ve o vakte māddeyi bir cānibe defʿ edip fâlic ḥādîş olur.

Ve sektede olan südde buṭün-ı dimāĝdan yalnız baṭn-ı muʿaḥḥara maḥşûş olmaz, zîrâ südde yalnız baṭn-ı muʿaḥḥarda olsa sekte ʿarîḍa olan kimsenin muḳaddem-i reʿsinde ve yüzünde olan ḥiss bâṭıl olmazdı.

Fâḍıl İbokrât dedi ki bir kimsenin ḥāl-i şıḥhatinde baĝteten başına aĝrı ḥādîş olup baʿdehu meskûṭ olur ise o kimse ḳableʿs-sâbi^{c72} yaʿnî ḳableʿl-yevmiʿs-sâbiʿ helâk olur meger ona ḥummâ ʿarîḍ ola, o zamân ümîd olunur ki ḥummâ ile faḍla taḥallül edip sekte zâile ola.

Ve maʿlûm ola ki sekte beldesi ve sinni ve tedbiri raṭb olanlara ʿarîḍ olur ḥuşûşan o mertûbların ruṭubetleri maʿiyyetinde bürüdet dahi ola. Ve eger mizâcı ḥārr ve yâbis olana sekte işâbet eder ise onun emri ve ḥāl ü şānı şuʿûbetli olur, zîrâ sekte maraḍının mizâcı ile mizâc-ı ḥārr u yâbis olan kimsenin mizâcları müdâdde olurlar ve maraḍ müdâddeyne ʿarîḍ olmak cidden sebebin ḳuvveti ile olur ve mizâca baʿîd ve ḳavî olan sebebi marîḍin taḥammülü olmaz. Ve ḥarâretten sekte nâdiren vâḳiʿ olur.

Fâlic maraḍı olan kimsenin māddesi bir şıḳḳtan yayılıp iki cānibine münbasıṭ olsa o mādde-i fâlice sekte iḥdâş eder. Ve kaçan sektenin māddesi münkabıḍa olup iki cānibde olan mevâdd-ı münbasıṭa cānib-i vâḥidde müctemiʿa olsa o mādde fâlici iḥdâş eder.

72 “es-Sâʿatü ḳableʿs-sâbiʿ” iki ihtimâl vardır: Biri ḳableʿs-sâbiʿa murâd olunmak ve ihtimâl “âḥiru ḳableʿl-yevmiʿs-sâbiʿ” murâd olunmaktır lâkin şānî evlâdır. Sâbiʿin mezkûr olması ve ḥummâ ile taḥallülü ona ḳarîne olur, zîrâ az vakte ḥummâ işâbet edip mādde taḥallül eylemek baʿîddir.

Ve sektenin ve sekte sebebinin ekseri iki baṭn-ı muḥḥarda olur. Ve eger sekte ile ḥummā olur ise o baṭnlarda ʿale'l-ekser verem olduğuna delâlet eder. Ve baʿdî kerre olur ki dem-i sevdâviyyesi keşir olan eşḥâş faşd-ı keşire muhtâc olup dimâc-ı keşirlerini faşd ile ihrâc edip intifâc ederler velâkin yine ʿuqbâlarında yaʿnî o kimseler âḥir-i emrlerinde yine sekte ve sekte mişli emrâdda vâkıf olur.

el-İstiʿdâdu li's-Sekteti'd-Dâireti: Edviye-i ḥâdde tenâvülü sekte ḥudûşunu taʿcîl eder onun için ki bedende olan sekte mevâddının tevânî ve tekâsül üzere olanlarını harekete taʿcîl eder. Ve düvâr bâbında düvâr sekteyi münzir olduğu maḥalleri bildirdik, o mevdiʿden taʿarrüf eyle.

el-ʿAlâmât: Sekte ile sübâtın üç vech ile farkı vardır:

Vech-i evvel meskûtun ğaṭṭi olur ve nefesinde âfet olur; mesbûtta bu hâletler olmaz.

Vech-i sâni mesbût nevm-i şakîl ile ibtidâ edip tadrîcle sübâta varır, ammâ meskûtta sekte defʿaten olur.

Vech-i sâlis sekte ʿarîḍ olan kimsede ekser-i ḥâlde sekteden muḥaddem şudâc ve evdâc damarlarının intifâhı ve düvâr ve seder ve zulmet-i başar cemîʿan bedende ihtilâc ve nevm vaḳtinde şarîf-i esnân⁷³ ve şikâle ve kesel olur. Ve ekser-i ḥâlde bevlinin zencâriyyeti ve sevâdı olur ve bevde nüşârî ve nuḥâlî rüsüb olur.

Ammâ ezâ ve ḍarbe ve saḳtadan veyâḥûd ʿuḍv-ı âḥere müşâreketten ḥâdiş olan sektenin ʿalâmetlerini kirâren beyân olunan uşûlden sen taʿarrüf eyle. Ammâ verem ḥasebiyle sekte ḥummâdan ḥâlî olmaz, ḥummâ o nevʿ sekteye delâlet eder. Ve kezâlik verem ʿalâmetlerinin teḳaddümü dahi delâlet eder. Ve mâdde-i demden olan sekteye zikri keşiren mürûr eden ʿalâmât-ı dem dahi delâlet eder ve yüzü ve gözü cidden kırmızı olur ve evdâc ve boynunda olan sâir damarlarda temeddüd ve imtilâ olur. Ve çok zamândan beri faşd olunmamak dahi delâlet eder. Ve sektenin ʿurûḍundan muḥaddem demi müvellid olan ağdiye tenâvülü dahi delâlet eder.

Ammâ sektenin mâddesi balġam olduğuna seḥane ve gözün levni ve ḥayâşimde yaşlık olmak ve bu mişli ʿalâmât balġamın vücûduna delâlet

73 “Şarîf-i esnân” dişlerini biri birine ḍarbe ve ışûkâktan ḥâdiş olan şadâdır.

eder. Ve eṭibbānın kavli üzere pîr ve şeyh olanlara düvâr-ı lâzım⁷⁴ veyâhûd düvâr-ı mütekerrir ʿarîd olsa sekteyi cidden inzâr eder.

el-Muʿâlecât: Sebeb-i hâricden ʿarîd olanın ʿilâcı o sebeb-i bādînin tedbîriyle olur. Ve ʿuḍv-ı âhere müşâreket ile olan sektenin ʿilâcı o ʿuḍv-ı müşârike *Kānûn*'da senin bildiğin muʿâlece ile olur.

Ve demden olan sektenin muʿâlecesi ve tedbîri sektenin işâbeti vaktinde faşd edip dem-i keşîr isâle ve iḥrâc etmekle olur, zîrâ dem-i keşîrin ḥurucıyla fi'l-hâl ifâkat gelir. Ve faşddan sonra bildiğin ḥuḳneler ile ihtikân olunur. O ḥuḳne ile mevâdd baştan esfele müncezibe olur ve tedbîri yaʿnî meʿkûlâtı teltîf olunur ve ğidâsı cüllâb ve mâ-ı şaʿîr-i rakîḳ ve mâu'l-cübne kaşır olunur. Ve dimâġı takviye eden şemûmât koklatılır velâkin dimâġ bildiğin müsahḥinâtla teshîn olunmaz.

Ve ammâ mādde-i balġamdan hâdiş olan sektenin muʿâlecesi budur ki eger balġam ile ʿalâmât-ı dem mevcûde ise yine faşd olunur baʿdehu ḥuḳun-ı kavîyye ile ihtikân olunur ve şiyâfât-ı kavîyye ile tahmîl olunur. Ve o şiyâfâtta şumûġ ve baġar merâresi dâhil olunmak lâzımdır. Baʿdehu müşhil saġy olunur. Eger müşhil nüfûz edip boġazından geçer ise meskûta saġyda iʿtimâd olunan ḥubûbdan olur ferfiyûn ḥabbı. Ve bunlardan sonra meskûtun başına kimâdât-ı müsahḥine vaḍʿ olunmaġa [257a] ikbâb ve ısrâr olunur. Ve o mâ-ı matbûhla tenṭile ikbâb olunur ki onda durak otu ve şîh ve merzencûş ve ağaç kavunu yapraġı ve fûtenec ve ḥâşâ ve zûfâ ve ikli-lü'l-melik ve saʿter ve ḳaysûm mislli ḥaşâyîş-i müsahḥine taḃḥ olunmuş ola. Ve kezâlik o edhânla başı teshîn olunur ki onlarda zıkr olunan ḥaşâyîş kuvveti ola. Dühn-i sezâbla dahi başı tılâ olunur ki o dühnün içine ʿâkırkarhâ ve cünd-i bîdester ve cāvşîr ve ḳinne fetḳ ve idḥâl olunmuş ola. Ve o meskûtun cemîʿan bedeni kibrît ile maḥlûṭ olan zeyt ile yağlanır. Ve eger başına vaḍʿ olunan kimâdât ḳaranfûl ve besbâye ve hâl [ve] [cevz-i] bevâ ve vecdden yaʿnî eġirden mütteḥaz olur ise emr-i şavâb ve ʿilâc-ı râst olur. Ve ayakları dahi müsahḥin ve ḥârr olan dühn ile ve mâ-ı ḥârr ile delk olunur. Ve ḥarezât-ı zahrı meyʿa ve zanbaḳ ile temrîḥ olunur. Ve aşl-ı nuḥâc

74 “Düvâr-ı lâzım” o düvârdır ki aşlâ münfekk olmaz. “Düvâr-ı mütekerrir” o düvârdır ki işâbet eder ve zâil olur ve yine işâbet eder ve yine zâil olur, bu vech üzere gelir ve gider.

üzere ya'nî nuhâ'nın bittiği maħalle ħardal ve sekbî nec ve cünd-i bîdester ve ferfiyûn vađ olur.

Ve meskûta ceyyid olan edhândandır kıssâ-i ħımâr dühnü ve sezâb ve isķîl dühnleri ki onlar zeyt-i 'atîķ ile ittiĥâz olunmuş ola. Ve onun ittiĥâzı iki vech ile olur: Eger o edviyeler tâze olur ise zeyt-i 'atîķin içinde kırk gün kadar naķ kılınır veyâĥûd zeyt-i 'atîķ içinde o edviye řabh olunur, meşelâ zeytten bir kışt miķdârı aĥz ve isķîlden iki vakıyye aĥz olunup isķîl teherrî edince kadar řabh olunur. Ve kezâlik 'akırkarhâ dühnü dahi bu iki vech üzere olur, tarîsi inkâ' tarîķi ile ve 'atîķi řabh tarîķi ile olur.

Ve meskûta hangi dühn isti'mâl olursa gerekir ki o dühn şem' ile taĥsîr oluna ya'nî katı kılına, tılâ olundukta o dühnler akıp seyelân eylesin için. Ve lâyık olur ki temrîĥe evvelâ merûĥâtın ađ'afı ile ibtidâ oluna. Eger onunla necâĥ ĥâşıl olur ise fe-bihâ ve eger necâĥ ĥâşıl olmayıp def'aten uĥrâ merûĥ isti'mâline ĥâcet kalır ise o zamân merûĥ-ı kavî isti'mâl olup kavînin isti'mâli tederrüc ile ola. Ve ĥuķne mişli müstefriĥât ile istifrâĥdan sonra burnuna kündüs taķrîb eylemekte ve se'ûât-ı kavıyyede ve edhân-ı kavıyye isti'mâlinde be's yoktur. Ve yine ĥadîdi kızdırıp başı muĥâzîsine vađ etmekte ve senin bildiĥin đimâdât-ı muĥallile isti'mâl etmekte dahi be's yoktur. Ve bir yeleĥi dühn-i süsen veyâĥûd zeyt ile yağlayıp meskûtun boĥazına idĥâl eylemek ile taķi'e mümkün olur ise kay' ettireler, nâfi'dir ĥuşuşan fem-i mi'dede imtilâ olduĥu ĥadş olur ise nef'i ziyâde olur ve kezâlik sekteye toĥme teķaddüm eyledi ise yine nef'i şedîden ziyâde olur. Ve meskûta kay'dan fâide-i uĥrâ ĥâşıl olur o fâide budur ki sektesi bârîde veyâĥûd rařbe olanların başlarını tehevvu' ve tekellûf ile kay' teşĥîn eder.

Ve vâcib olur ki meskûtun riyâĥı edviye-i müsehhile ile iĥrâc oluna, zîrâ riyâĥı iĥrâcla 'alîle ĥiffet gelir. Ve ba'dı kerre zikri sâbıķ şa'rdan küre idĥâline sür'at olunur dıřleri biri birini ifsâd eylesin için. Ve kaķan meskût miķdâr-ı yesîr tenķiye olursa vâcib olur ki ona mâ-ı sezâb ile matbûĥ olan dühn-i ĥurva' mâ-ı uşul ile beher yevm iki dirhem saķy oluna, onu saķyda tederrüc olup iki dirhemden bed' olup azar azar ziyâde olunarak beher yevm beşer dirhem saķy oluna ve ba'de'l-istifrâĥ mümkün olursa tiryâķ ve meşrudîştan ve kezâlik enķardiyâ ve şelişâ ve sencerînâ ve bu mişli mürekkeb devâlardan bunduķa miķdârı vecûr ile boĥazına akıtıla. Ve

besâyıttan ya'ni edviye-i müfredelerden dahi cünd-i bîdesterden bir mişkâl miqdârı mâ-ı 'asel ile ve sikencebîn-i 'aselî ile saqy oluna ve bâkılât miqdârı sekbî nec saqy oluna ve onların şarâbları mâ-ı 'asel-i sâzec ola. Ve hâcet mess eder ise efâviyâ ile mürebbâ mâ-ı 'asel şürb eyleye.

Ve kaçan 'alilde hiffet müşâhede olunur ise ona gârgarât ve 'a'ûsât verilir. Ve kâfâsı ve nukresi üzere bi-şart ve bilâ-şart bi-hasebi'l-iktidâ mehâcim vađ olunur ve erâcîhte ya'ni salıncakta kılınmak ile 'alile riyâdet ettirilir. Ve üç haftadan sonra isti'hmâm ettirilip hammâm gününde edhân-ı müsahhine ile temrîh olunur.

Teğayyi' ve tenkıye-i külliyyeden sonra gârgarât onlara nâfi'adan olur hâşâ ve fütenec ve sa'ter ve zûfâ ve bu mişlli edviyelerin tabîhi ki sirke ile tabh olup 'asel dahi hâl olunmuş ola ve kezâlik mâu's-sılk ile dahi gârgara olunur ki onda 'âkırkarhâ ve mevîzec ve hâşâ ve summâk tabh olmuş ola. Ve bu mezkûrlardan aqvâ olur felâfil ve dârü'l-fülfül ve zencebîl ve mevîzec ve bûrağ ve verd ve summâk ahz olup dağ oluna ve mey-puhtec ile ma'cün kılınıp andan şiyâfât itti'âz oluna. Ve isti'mâli mađg olunmak ile olur veyâhüd tabîh-i zûfâ ma'a'l-maştakî ile o şiyâftan gârgara olunmak ile olur. Bu mezkûrlara menfa'atte qarîb olur fülful ve dâr-ı fülful ve hardal ve fütenec ahz olup şiyâf-ı sâbık gibi ma'cün kılındıktan sonra minvâl-i muharrer üzere isti'mâl olunsa. Ve meskûta nâfi' međügâttan olur fütenec ve mevîzec ve fülful ve merzencüş ve hardal mişlli nesnelere. Bu nesnelere mecmû'aten ve münferideten isti'mâl olunur. Ve mecmû'aten isti'mâlinde onun terkîbine verd ve summâk hâl olunmak lâzım olur ve eğirin dahi bu bâbda menfa'ati olup te'sîri kavî olur. Ve aşhâb-ı sekteye ervâhı muqavviye olan edhân-ı hârre ile tedhînin nef'i olur, zîrâ bu dühnler a'sâbda olan ervâhı takviye ederler ve cevher-i a'sâbı dahi takviye edip bilâ-'unf a'sâbda olan fuđulu dahi ta'hlîl ederler. Edhân-ı hârre süsendir ve ba'dehu merzencüş dühnü ve babadya ve şibş ve izhîr dühnleridir. Ve huşuşan bu dühnler ile başı tedhînde nef' ziyâdedir ve emr-i re'ste ta'dîl ve itimâd bu dühnlerdir ve huşuşan o edhân-ı hârre zûfâ ve sa'ter ve fütenec ve hâşâ mişlli edviyeden ahz olunmuş ola.

Ve sekte aşhâbının tağdiyesi aşhâb-ı şar'ın tağdiyesinden eltaf kılınır. Ve aşveb olan meskûtun şabâhla gîdâsı yalnız hubza kaşr oluna ve hubz ile

kuru incir onlara gıdâ-i ceyyid olur. Ve ta'am üzere şürb eylemek onlara adarr-ı eşyâdandır. Ve kaçan onların harâret-i garîziyyeleri in'âş olunmak murâd olursa ta'âmdan mu'addem riyâdet-i hafife edip a'câ-i müsterhiyelerini hareket-i hafife ile tahrik eylemekte be's yoktur. Ve kaçan ta'am tenâvül eyleseler sür'at ile onlar uyumayalar belki yedikleri ta'am fem-i mi'deden ka'r-ı mi'deye nüzül edip hadm olunca kadar uykuya şabr eyleyeler. Ve onları seherde dahi kılmayalar, zîrâ dimâğda seher i'câ ihdâş eder ve ağıdyesinden buhârât-ı gayr-i münhazimelerini⁷⁵ ta'hlil eden seher hadma mâni' olmak hasebiyle. Ve bir kavim onlara müstehab kıldılar onlar şa'iri mercimek ile tenâvül eylemeği. Ve zebîb ve bâdem ve kuru incir onlara muvâfık enkâlden olur, gâh u bî-gâh onu çerez edinirler. Ve şarâb-ı hadîs kesret-i fu'dülü hasebiyle onlara muvâfık olmaz. Ve kezâlik şarâb-ı 'atîk dahi muvâfık olmaz, şarâb-ı 'atîk serî'an dimâğa nüfûz ve dimâğı serî'an doldurduğu için. Ve sekte aşhâbına muvâfık olan şarâb beyniyye olan şarâbdır ki o şarâb ne hadîs olur ve ne 'atîk olur, beynehümâda mütevassıttır.

Ve meskûta kaçan hummâ⁷⁶ işâbet eylese onun emrinde yetmiş iki sâ'at miqdârı teva'kkuf olunur, zîrâ onun hummâsının buhrân hasebiyle olmak ihtimâli vardır ve buhrânda olan imhâl yetmiş iki sâ'ate bâliğ olmak gerektir. Ve o vaktin mürûrundan sonra zâhir olur ki o hummâ verem ve 'ufûnet hasebiyledir, buhrân ile değildir, o zamân meskûtun helâki zâhir olur.

Ve ma'lûm buyurula ki sekte ve fâlic marađlarında o marađlar hasebiyle mecârî ziyâde te'dayyuk edip dar olur ve qarîb olur ki onlara verilen müşhil o marađların fâili olan mevâddi mecârînin darlığından ihrâca kâdir olmaya. Ve tabîbe vâcib [257b] olur ki mu'alecede 'unf eylemeye, nazârını nâ'im edip mevâdd-ı fâ'ili tadrîcle ve rıfık ile ihrâc eyleye.

75 “Buhârât-ı gayr-i münhazîme” lâ-mahâle mevrîdini îlâm ve îzâ eder.

76 *Qânûn*'un hummâdan murâdı gâşye mü'eddî olan hummâdır ve ona binâen bâkî kelâmı muntazam olur.

KİTÂB-I ŞALİŞ FÜNÜNDAN FENN-İ ŞÂNİ AŞÂBİN EMRÂDI VE MU'ALECÂTI BEYÂNINDA KELÂM-I MÜCMEL OLUP BİR MAKÂLEYE MÜNHAŞİR VE FUŞÛLÜ MÜŞTEMİLDİR

Evvelki Faşl Sinirlerin Marađları Beyânındadır

Sen aşabın menşeyini ve ađāya aşabın tevezzu'unu ve eşkālını ve tab'larını ve teşrihini bundan aqdem ta'arrüf eyleyip bildin ve ammā emrādının beyanı budur ki aşāba emrād-ı mizāciyye vü āliyye ve inhilālü'l-ferdi'l-müşterek⁷⁷ işbu ecnās-ı emrāddan üç cins dahi ārıđ olur ve o emrād hasebiyle aşābın ef'āl-i tab'iyye vü hissiyye vü muharrikesinden āfet zāhir olur.

Ve harekāt-i anifenin aşāba ilel ihdāşında medhal-i azīmi olur ve sāir esbābdan kavī sebep olur, zīrā aşāb hareketü'l-ātīdir. Ve ef'ālin anif olması lā-mahāle āleti isti'malde iştidād eylemek ile olur. Ve iştidād ile isti'māl aşāba vehn verip marađa mü'eddī olur. Ve hareket-i anife habli temdīd ve ağır nesnelere ref ile olur ve sāir kuvvet temdīdi ve aşrı ve kabdı olanlar ile olur. Ve aşābın ahvāline istidlāl hiss ve hareket ef'ālinden ahz olunur ve aşabın melmesinin līni veyāhūd melmesinin şalābeti ile ahvāli bilinir. Ve dimāğın ve fekārın müşāreketiyle dahi aşābın ahvāli bilinir. Ve evcādan ve aşāba mahşüş mevāddan dahi bilinir. Ve ahvāl-i dimāğa delālet eden alāmātın ekşeri ef'ālin tađarruru ve melmesin keyfiyeti ile olur.

Kaçan emrād-ı aşabdan bir marađa işkāl olunsa o marađ raṭb mıdır veyāhūd yābis midir bilinmese onun tarīķ-i ta'arrüf budur ki evvel-i urūđunda ne keyfiyyet üzere ārıđ olduğunda te'emmul olunur. Eger def'aten ārıđ oldu ise ruṭubetinde iştibāh olunmaz. Ve kezālik o işkāl olunan aşāb tedhīn olunur, eger sür'at ile aşāb dühnü neşf edip içer ise marađın yābis olduğunda şekk olunmaz. Eger o uđvda harāret-i ğarībe yok ise mizāc-ı aşābı tebdil eden esbābın cümlesinden efđal olan

77 İnhilālü'l-ferdi'l-müşterek" o teferruķ-ı ittisāldir ki ađā-i müteşābiheye ārıđ olur, aşabın teferruķu gibi ve ađā-i müteşābiheye ārıđ olmaksız evvelā ađāya ārıđ olur, mefāşılın hurūcunda olduğ gibi; aşāb dahi ba'dı kerre mevđi'inden hurūc eder.

ba^cde't-tenkıye riyâdet ettirmek olur.⁷⁸ Velâkin her ^cudvun bir gûne riyâdeti olur, bâbında ta^carrüf olunduğu üzere. Ve vâcib olur ki mübeddilât-ı mizâcdan ve riyâdattan erfak ile başlayıp tedrîcle mu^ctedil-i kavîye intiķâl oluna.

Ve a^cşâbı tenkıyede ve mizâcı tebdilde olan ^cilâc bu vech ile dir ki em-râd-ı a^cşâbdan ek^cser-i hâlde istifrâğa ve ^caşabdan mevâddı cemî'an ihrâca muhtâc olan marađ mâddesi bâride olan marađlardır. Ve mevâdd-ı bâri-denin müstefriğâtı şahm-ı hanzal ve harbak mişlli kavî edviyelerdir. Ve huşuşan harbak-ı ebyađ ile kusturmak mevâddı ziyâde ihrâc eder. Ve kezâlik ferfiyün ve üşşec ya^cnî uşşak⁷⁹ ve sekbî nec ve sâir şumüg-i kavîyye ve eyâricât-ı kibâr mevâdd-ı bârideyi ihrâc eden edviye-i kavîyyeden olur. Ve mevâdd-ı bârideyi istifrâğ-ı laţif ile hammâm-ı yâbis ve riyâdet-i mu^ctedi-le istifrâğ eder. Ve a^cşâbın mizâcını istibdâl edenler bâbu'd-dimâğda zikr olunan mübeddilât-ı mizâcdır ve huşuşan onların beyninden dühn veyâhüd dühniyyeti olan edviyelerin tebdil-i mizâcda e^cseri ek^cser olur.

Ve ^caşab marađında şuhûm isti^cmâl olunur ise isti^cmâle elyağ olan şuhûm-ı sibâ^c ve edhân-ı hârrenin tortuları, meşelâ zeytin ve dühn-i ket-tânın tortusu olur, zîrâ bunlar a^cşâb marađlarına muvâfiķ ve ^caşabda olan şalâbete mülâyim olur ve kuş ve handekükâ dühnlerinin a^cşâba ihtişâşı ziyâde olur. Ve bunlardan sonra neţülât ve ^cuşârât bi-hasebi'l-emzice isti^cmâl olunur velâkin neţülât ve ^cuşârât ^caşabın tebdil-i mizâcı için isti^cmâl olunur ise cidden kavîyye olmak vâcib olur. Ve onların tenfizi için mesâm-mâtı tefthihte mübâlağa ile tedbîr olunmak vâcib olur.

Sinirlerin Mizâclarını İslâh Beyânındadır: Ve mizâc-ı ^caşabı islâh-ta ek^cser-i hâlde hâcet edviye-i hârreye olur, dımâd-ı hardal u sâfsiyâ ve dımâd-ı zift mişlli ve kezâlik evcâ-ı mefâşılta bizim vaşf edeceğimiz üzere o zeyt dahi ^caşabın mizâcını tebdil eder ki onun içinde tilki veyâhüd sırtlan tabh olmuş ola. Ve ^caşabında sū^c-i mizâc olanlar şanevber şamğından cid-den intifâ^c ederler.

78 Eger ^cudvda harâret olur ise dühni harâret tahtil edip yübüset-i ^caşab ile intişâf ma^clûm olmaz.

79 “Üşşec”, “uşşak”, “vuşşak”, “lizâķu'z-zehab” cümlesi bir ma^cnâyadır, çadır uşâğı dedikleri şamğdır.

Ve ma'fûm ola ki a'şâbın mu'alecâtında mu'aşşar-ı dimâğ cānibine faşd olunup o cānibe tedbîr olunur lâkin me'ûf olan 'aşab yüzde olan 'aşablardan ise mu'aşşar-ı dimāğa şarf-ı 'ināyet eylemek iktidā etmez. Pes mu'aşşar-ı dimāğ cānibine şarf-ı 'ināyet olunduktan sonra u'dv-ı me'ûfun muharriki olan 'aşabın mebd'e'ine 'ināyet olunur.

Ve a'şāba bir niçe edviyenin menfa'ati ve bir niçesinin mađarratı olur, onların ba'çdılarını biz elvāhlarda beyān eyledik. Ve a'şāba edviyenin ihtişāşı menfa'ati ve mađarratı a'şāba mahşüş ba'çdı hālet ve marađ vaqtinde zuhûr etmekle i'tibār olunur, meşelā devā 'aşabın temeddüdüne veyāhüd istirhāsına nāfi' olur ise ona a'şāba nāfi' devādır deriz ve kezālik o marađlara muđırr olur ise ona a'şāba muđırrdır deriz, zīrā temeddüd ve istirhā a'şāba mahşüş bir nev' āfettir.⁸⁰

Meşrübāt ve müsakkiyyattan a'şābı takviye eden vecc mürebbāsı ve cünd-i bīdester ve şanevber habbının lübbü ve pişmiş tavşanın beynisi ve uşūhūdüstur. Bunların a'şābda hāşşıyyeti vardır ve miqdār-ı şerbetleri küllü yevmin bir dirhem miqdārı olur. Ve bunlardan habb ittiḥāz olunmakla isti'māl olunur veyāhüd şarāb-ı 'asel ile isti'māl olunur.

Ve me'ûfu'l-a'şāb olanlara suların evfaķı mā-ı maţar olur. Ve riyādet-i mu'tedilenin ve edhān-ı hārrenin dahi menfa'ati olur. Ve a'şāba muđırr olanlardan biri cimā'-ı müfrat u keşîr ve imtilā üzere olan nevmdir ve mā-ı bāridi meslūcen veyāhüd keşîren şürbdür ve sükkerdir ve şarāb-ı keşîri şürbdür, zīrā şarābın lez'î şedîd olduğundan mā-'adā şarāb hıllıyyete istihāle edip a'şābı tebrid eder. Ve kezālik her hāmiđ olan ve nāfiḥ ve bi-ķuvvetin müberrid olan eşyālar a'şāba muđırr olur. Ve faşd-ı keşîr dahi muđırrdır.

Biz murād ederiz ki bu maķālede 'aşab marađlarından mizācî ve südedî olan marađları zikr edevüz, ammā a'şābın evrāmlarını ve ķurḥalarını bu kitāb-ı şālîşi ta'ķîb eden kitāb-ı rābi'e te'ḥîr eyleriz.

Ve ma'fûm ola ki mā-ı bārid a'şāba muđırr olur, zīrā 'aşab mā-ı bāridin tebrîdi ḥasebiyle cevherine tedāḥul eden ruṭübātı hađmdan 'āciz olur ve o ruṭübāt hılt-ı ḥāma münķalib olup ona münāsib emrāda mādde-i fā'ile olur.

80 Ḥummā-ı ğıbbda teskîn-i hārāret için müberridātın isti'mālının her ne kadar a'şāba dahi nef'i olur ise ona edviye-i 'aşabiyye denmez o āfet cem'ān bedene şāmil olduğu için.

Ve ma'fûm ola ki a'sâbî gârîkûn mu'kavvî ve müsahhîn ve mûnaqqî olur ve gârîkûnun bu hâlâtı bundan aqdem senin ma'fûmun oldu.

İkinci Faşl Fâlic ve İstirhâ Beyânındadır

Ba'đı kerre fâlic kavlı-i mu'tlak ile isti'mâl olunur ve ba'đı kerre dahi kavlı-i ma'şûş-ı muhakkak ile isti'mâl olunur. Ammâ mezheb-i mu'tlak üzere isti'mâl olunan, lafz-ı fâlic istirhânın delâlet eylediđi ma'nâya delâlet eder, nitekim istirhâ 'uđv-ı vâhidde olan âfete ve şıkk-ı vâhıde tûlen 'umûmî olan âfete ıtlâk olunduđu gibi kezâlik fâlic dahi kavlı-i mu'tlak ile o iki nev' âfetten her birine ıtlâk olunur.

Ammâ fâlic-i ma'şûş o istirhâdır ki bedenın tûlen şıkk-ı vâhidine işâbet eder, o dahi iki şınf olur: Birinde istirhâ raqabeden bed' edip şıkk-ı vâhidde kademe varınca kadar şümülü olur ve bu şımfıta başı ve yüzü şahîh olur. Ve şınf-ı âherde istirhâ baştan ibtidâ edip mine'l-ıqarnı ile'l-kadem [258a] şıkk-ı vâhıdi tûlen müstev'ib olur. Ve lüğat-i 'Arab'da yazılan "fâlic" tefsirinden anlaşılır ki [fâlic bu ma'nâya ya'nî] şınf-ı sâniye hâşş ola.⁸¹

Ve kaçan fâlic kavlı-i mu'tlak ile aqz olunup mu'tlakın istirhâ ma'nâsında isti'mâl olunsa istirhâ iki şıkkı cemi'an 'âmm olup lâkin baş selâmet üzere istirhâ dahi fâlicin aşnâfından olur lâkin bu şürette baş selim olmasa sekte olur, kavlı-i mu'tlak ile dahi ona fâlic ıtlâk ve isti'mâl olunmaz. Ve kezâlik yalnız bir parmakta olan istirhâya dahi kavlı-i mu'tlak ile fâlic denilir.

Ve senin ma'fûmundur ki fâlic âfeti işâbet eylediđi 'uđvda hiss ve hareket bâtil olur ve onların bu'tlânı hiss ve hareket kuvvelerini hâmil olan ervâh muhtebe olup a'đâya 'adem-i nüfûzu hasebiyle olur veyâhüd ervâh-ı mezkûre a'đâya nüfûz eder velâkin 'uđvun mizacı fâsid olmakla o iki kuvvelerin onda te'siri olmaz ve 'uđv o kuvvelerin fi'lini kabûl eylemez, binâen 'aleyh hiss ve hareket bâtil olur.

Pes mizâc-ı 'uđvun fesâdı yâ harâretten veyâhüd bürüdetten veyâhüd ru'tübet ve yübüsetin birinden olur. Ve lâyıq olan budur ki mizâc-ı hârr-ı fâsid kuvve-i hâseyi te'sirden men' eylemeye, lâkin harâret gâyete bâliğ olur

81 Kâle'l-Cevherî: "وقد فُلِحَ الرجل فهو مفلوج قال ابن دريد: لأنه ذهب نصفه ثم قال: وفُلِحْتُ الشيء فليجئ أي شَقَّقْتُهُ نصفين ولا مثال الشيء بينهم بالكسر أَفْلِحُهُ فُلَجًا، إذا قسمته ثم قال: وفُلِحْتُ الشيء فليجئ أي شَقَّقْتُهُ نصفين ولا مثال ذلك قال في الفائق فإن الفالح قد يشير في لغتهم إلى شق وتنصيف"

ise o vakte o mizâc-ı fâsid-i hârr hissten uđvu men' eder. Ve bu da'vaya şehâdet eder ki zübül aşhâbında ve kezâlik medkûklarda harâret hasebiyle fesâd-ı mizâc mevcûd iken yine hiss ve hareketleri bâtıl olmaz.

Ve yübüsetten 'arıđ olan fesâd-ı mizâc dahi hükmdede mizâc-ı hârr-ı fâsid hükmi gibi olur veyâhüd ona qarîb olur belki uđvu hiss ve hareketten men' eden bürüdet ve ruţubetle olan mizâc-ı fâsiddir. Ve bürüdet ve yübüsetin bu teşîri ba'îd değildir, zîrâ bürüdet rûhun dıddı olmakla rûhu tađdır eder. Ve kezâlik uđvu ruţubet belâdete müheyyâ ve müsta'idd kılmak ba'îd değildir, onun için bilâ-mâdde uđva işâbet-i bürüdet ü ruţubet hiss ve hareket butlânını esbâbından 'add olur, lâkin bu vech ile olan fâlicin mu'alecesi sühûletli olur ve teşhîn ile zâil olur.

Ve zann olunan budur ki bürüdet ü ruţubet-i sâzecele ile hâdiş olan fâlic ekşer bedene veyâhüd şıkk-ı vâhîde 'amm olmaz belki o sebep ile 'arıđ olan fâlic uđv-ı vâhîde 'arıđ olur. Ve kezâlik zann olunan budur ki ekşer ebdâna 'amm olan fâlicin sebebi rûhun ihtibâsı olur ve rûhun ihtibâsı mecârî-i rûhun insidâd ile ve kezâlik a'đâya sâlik olan mecârînin ve mesâmmât ve menâfizîn seyf mişli âlet ile ve sâir vech ile olan teferruk-ı ittişâli olur. Ve insidâd dahi vücûhla 'arıđ olur, yâ mesâmmâtın ve menâfizîn inkıbâdı olup tecâvîf kalmamakla olur veyâhüd o mesâliklerde südde olup uđva rûhun vuşûlüne olan sebîl mesdûd olmakla olur veyâhüd ikisi cemî'an bulunmakla olur. Verem hasebiyle olan fâlicin sebebi bu iki emri câmi' olur.

Pes fâlic ve istirhânın sebep-i fâ'ilîsi rûhun a'đâdan inkıţâ'ı olur. Ve inkıţâ'-ı rûh yâ mesâmmîn kabđından yâhüd imtilâsından veyâhüd veremden veyâhüd inhilâl-i ferdden 'arıđ olur. Ve mesâmmâtın inkıbâdı hâricden bir râbıtı izâlesi mümkün olan rabţ ile olur ve hiss ve hareketin butlânı ve uđvun istirhâsı bu şürette emr-i 'arađı olur, ribâtı hâll olup ya'nî bađı çözüldükte o âfet o âfet zâil olur.

Ve mesâmmâtın inkıbâdı ba'đı kerre dahi darbe ve sakta ile olan inđıgâţ-ı şedîdden olur ve feķârât-ı zahr münkesire olup cihet-i yümnâya yâhüd yüsrâya fıķra-i münkesirenin meylinden 'arıđ olan inđıgâţ ile dahi mecârîde insidâd olur. Eger fıķra-i münkesire cihet-i yümnâya yâhüd yüsrâya mâil olmayıp ancak meyli kıddâma veyâhüd hâlfe olur ise ondan istirhâ ve fâlic 'arıđ olmaz belki ondan 'arıđ olan âfet ekşer-i hâlde temeddüd olur.

Ba'dı kerre cevher-i 'udvda gılaẓ ve keşāfet olduğundan mesāmm münkabıd olur.

Ammā imtilā ile olan insidād raṭb ve seyyāl olan mevāddan olur, zīrā o mevādd a'şābda müctemi'a olup elyāfının aralarına duḥūl edip mecārī-rūḥu külliyyen sedd eder veyāḥūd a'şābın mebādīsinde veyāḥūd şu'belerinde o mevādd-ı seyyāle südde ihdās edip 'ale't-teḳādīr 'udva ḥiss ve ḥareket iṣāl eden ervāḥın nüfūzu mümkün olmaz.

Ve ammā verem ḥasebiyle olan insidād a'şābın menābitinde veyāḥūd şu'belerinde verem olup menāfiz-i rūḥu sedd etmekle olur.

Ve ammā ḳaṭ' ve teferruḳ-ı ittişāl eger 'aşābın tūlünde olur ise o ḳaṭ' a'ḳānın ḥiss ve ḥareketine mānī' olmaz. Ve eger ḳaṭ' 'arḳan olur ise o ḳaṭ' 'aşābın vāşıl olduğu 'udvdan ḥiss ve ḥareketi men' eder.

Ve ma'lūm ola ki dimāğın buṭūn-ı selāşesinden her baṭnı zikri mürūr eylediği üzere iki kısma münḳasımdır. Meşelā baṭn-ı evvelin cihet-i yümnāsı bir kısmdır ve yüsrāsı dahi kısım-ı āḥerdir. Ve ḳaçan o iki kısmdan birine āfet işābet eylese āḥerine o āfet sārī olmaz; bāḳī baṭnlar dahi baṭn-ı evvel gibidir. Pes bu minvāl üzere dimāğın buṭūn-ı selāşesinden her biri iki kısım olduğu gibi nuḥā' dahi iki kısma münḥaşır olur. Nuḥā'ın sağ tarafı bir kısım olur ve sol tarafı başka kısım olur, lākin nuḥā'ın bu vech üzere inḳisāmı ḥafīdir, buṭūnun inḳisāmı gibi ḥisse zāhir olmaz. Ve nuḥā'ın inḳisāmına delālet eder, nuḥā' baṭn-ı mu'ahḥar-ı dimāğın iki kısmından nābit olduğu.

Ve ba'ıd olmaz ki her ne ḳadar nuḥā'ın inḳisāmı bi-ḥasebi'l-ḥiss zāhir olmaz ise menbitinde olan aḥkāmı ṭabī'at-ı nuḥā'da dahi icrā edip nuḥā'ın sağ tarafına āfet işābet eylese o āfeti sol tarafa işābetten men' eyleye ve kezālik sol tarafına āfet işābet eylese sağına sirāyetten men' eyleye. Ve bu taḳrīrden ḥāṭırda vāḳi' olan ḥalecān mündefi' olur. O ḥalecānın taḳrīri bu olur ki a'ḳāya ḥiss ve ḥareketi iṣāl eden a'şāb-ı nuḥā'ıyyedir, ḥiss ve ḥareketin buṭlānı lā-maḥāle nuḥā'ın istirḥāsı ile olur ve nuḥā'a istirḥā 'arıd oldukta nuḥā' şey'-i vāḥid olmakla yümnāsında ve yüsrāsında nābit olan a'şāb cemī'an müsterḥiye olup fālic cemī'-i bedene 'āmm olur. Ve fālicin bir şıḳḳa ḥāşş olan ekşer-i ašnāfının vech-i zāhiri olmaz. Ve bilā-vechin ma'ḳūlin bu şınıfın keşret-i vuḳū'u emr-i 'acīb olur lākin nuḥā'ın inḳisāmı

mülâhaza olundukta bu isti'câb zâil olur, zîrâ nuhâ'ca müteveccih olan âfeti tabî'atın külliyyen def'i mümkün olmasa o iki kısmın hangisi ađ'af veyâhüd māddeyi hangisi aqbel olur ise tabî'at âfeti o kısma def' eder ve kısım-ı âhe-ri âfetten hıfz eder ve binâen 'aleyh fâlic bir şıkkı maşşüş olur. Ve tabî'at bundan ziyâde dađık olunan nesnelere bi-izni hâlikihâ fark ve temyîz eder ve bu temyîzi onlara nisbet ile emr-i vâdîh olur.

Ve ma'lûm ola ki çok olur ki mevâdd-ı raṭbe bedenden eṭrâfa münde-ffî'ca olur bedene ḥarâret müstevliye ve ğâlibe olmak ḥasebiyle veyâhüd o mevâdd-ı raṭbe ḥavf ve feza' ve ğaḍab ve lezzet ve ğammdan birinin muğâfaḍaten ve müfâce'eten vuḳû'ca ḥasebiyle müfâce'eten ḥareket et-mekle olur.

Ve ma'lûm ola ki eger âfet ve fâlici fâ'il olan mādde butûn-ı dimâğın bir batnının bir şıkkında olur ise bedenın şıkk-ı vâhîdine ve vechin şıkkına 'amm olur. Ve kezâlik mādde şıkk-ı vâhîde sâlik olan mecârîde olur ise yine o şıkkta ve şıkk-ı vechte 'umûmen fâlic olur. Ve eger mādde-i mezkûre butûn-ı dimâğın birinin iki şıkkında veyâhüd bedenın iki şıkkının mecârî-şinde olur ise o māddenin âfeti sekte olur. Ve eger mādde ve âfet nuhâ'ın menbitinde olur ise bedenın küllîsi meflûc olur lâkin a'ḍâ-i vechte selâmet olur ve ma'ca-hâzâ başın cildesine ḥader 'arîḍ olur ve ona ḥiss nüfûz eyle-mez, zîrâ başta olan cildeye ḥiss getiren 'aşab raḳabeden gelir ve şüret-i mezkûrede raḳabeden nâbit olan a'sâb me'ûf olur. Ve eger mādde menbit [258b] nuhâ'ın bir şıkkında olur ise bedenden o şıkkı fâlicin 'umûmu olur velâkin yine vech sâlim olur.

Ve eger nuhâ' menbitinden bi'l-cümle müsterḥî veyâhüd nuhâ'ın şıkk-ı vâhîdi müsterḥî olduğu ḥâlde nüzûl eylese o müsterḥiyen nâzil olan nuhâ'-dan nâbit olan 'aşab hangi 'uḍva vâşıl olur ise o 'uḍv meflûc olur. Ve eger müsterḥiyen menbitinden nâzil olan nuhâ' olmayıp seb'ca-i ezvâcın biri müsterḥiyen nâzil olur ise o 'aşabın cüllü ve ekşeri müsterḥî ise muḥarrik olduğu 'uḍvün cüllü ve mu'zamının ḥareketi bâtıl olur. Ve eger nişfi müs-terḥî ise muḥarrik olduğu 'uḍvün nişfinin ḥareketi bâtıl olur. Ve nişfindan nokşân olan eczâsı müsterḥî olur ise 'uḍvün dahi ḥareketinin butlânı nişfin-
dan nâkiş olur. Bu vücûhta âfetin mādde ḥasebiyle veyâhüd inḥilâl-i ferd ile veyâhüd verem ile 'urûḍu 'ale's-seviyye olur.

Ve fâlic aşnâfından bir şımf dahi vardır ki o şımf kûlincın buhrânı olur ve çok kerre fâlicin bu şımfında hiss bâtıl olmaz belki 'alâ-hâlihi bâkî kalır, zîrâ bu şımfda mādde-i müfellige a'sâb-ı harekette olur ve a'sâb-ı hiss-i selîme kalır.

E'tıbbâ-yı akdemîn zıkr eylediler ki sinîn-i mâdiyeden birinde kûlinc-ı 'amm vâkı' olup ekşer-i nâs ondan helâk oldular. Ve onlardan necât bulanlar fâlic-i müzmine intikâl ile necât buldular. Ve zann olunur ki o necât bulanların tabîatları kûlincın mevâddını em'adan hârice def' eyledi ve o mevâdd-ı medfû'a dâhil-i 'urûka gılzati hasebiyle nüfûz edemeyip a'dâya teşebbüs eyledi ve a'sâbın menâfizini lahc edip fâlici ihdâş eyledi. Ve kûlinc buhrânı hasebiyle olan fâlicin ekşerinde hiss bâkî olur.

Ve ba'dı fâlic dahi emrâd-ı hâddenin buhrânı hasebiyle olur. Emrâd-ı hâddenin mevâddı a'sâba intikâl edip fâlic 'arıd olur lâkin emrâd-ı hâdde mevâddının a'sâba intikâli o zamân olur ki min ciheti's-sinn veyâhüd min cihetin uhrâ tabîatta dâf olup emrâd-ı hârre buhrânında mevâddı cem'an istifrag etmeğe kâdir olmaz ve nevâhî-i dimâgda mevâddan bakıyye kalır, o bakıyye-i mevâdd hasebiyle zamân-ı intihâdan sonra şudâ' ve şıkal-i re's mişlli müzî bâkî kalıp tabîat o bâkî kalan müzî mevâddı istifrag-ı tamma kâdire olmamakla def'-i nakl ile a'sâba def' edip fâlici ve fâlic mişllileri ihdâş eder.

Fâlicin ekşer-i 'urûdu vaqt-i berdde ve şiddet-i şitâda olur ve ba'dı kerre dahi vaqt-i rebî'de ve imtilânın hareketi vaqtinde olur ve ba'dı kerre bilâd-ı cenûbiyye sükkânından elli yaşını tecâvüz edenlere ve o mişllilere işâbet eder, zîrâ cenûbî mizâc onların başını ru'tubet ile doldurup başlarından o ru'tubet nevâzil tarîki ile nüzül etmekle fâlic 'arıd olur.

Ve meflûcun nabdı dâ'if ve ba'tî ve mütefâvit olur ve şillet kuvveti inhâk ve id'âf eylese nabđ dâ'if ve mütevâtir olur ve o nabđın bilâ-nizâm feterâtı olur.

Ve meflûcun bevli 'ale'l-ekşer ebyad olur ve ba'dı kerre cidden kırmızı olur, zîrâ o hâlette kebid dâ'if olmakla demi mâiyyetten temyîze kâdir olmaz veyâhüd 'urûkta dâf olmakla demi cezbe kâdir olmayıp dem mâiyyet ile bevli tarîkine munşabb olur veyâhüd kebidde ve 'urûkta veca' veyâhüd onlara karîb olan a'dâda marâd olmakla bevle humret 'arıd olur.

Ve fâlicde bir hâlet dahi ba'ḍı kerre 'ārîḍ olur ki meflûcun selîm olan tarafı müştâ'îl ve mültehib olur, âteş içinde olan nesnenin iltihâbına şıkk-ı selîmin iltihâbı bâliğ olur ve meflûc olan tarafı şelc ile müberred olan nesnenin bürüdeti gibi bârid olur ve iki şıkkın nabđları muhtelif olur ve şıkk-ı bâridin nabđı sâkıḥ olur bürüdetin icâb eylediği sukûḥ hasebiyle. Ve bürüdet ba'ḍı kerre şıkk-ı bârid cānibinde olan 'aynın şıgarına mü'eddî olur.

Ve müsterhî ve meflûc olan 'uḍvların levni a'ḍâ-i sâire levni gibi olup sarı olmaz ise ve ḍumûru ya'ni neḥâfeti olmaz ise o fâlicde şıḥḥat ḥilâfî üzere olanlardan ziyâde me'mûl olur.

Ve ba'ḍı kerre sekte ve şar' ve kûlinc, bu mezkûrların her birinden intikâl tarîkiyle dahi fâlic 'ārîḍ olur. Ve kezâlik ihtinâk-ı raḥimden ve ḥummayât-ı müzmineden buḥrân tarîkiyle fâlic 'ārîḍ olur.

Ve feḳârât-ı zahrın zevâlinde 'ārîḍ olan fâlic ekser-i hâlde kâtildir, ammâ şademâtından ḥâdiş olan fâlicde eger a'sâb daḳḳ-ı şedîd ile daḳḳ olunmayıp ve ezilmedi ise ba'ḍı kerre o fâlicden berâ'et ve şıḥḥat ḥâşıl olur. Ve eger a'sâbda daḳḳ ifrâḥ üzere bulunur ise ondan bür' recâ olunmaz. Ve fâlic şademât ile 'ārîḍ olup o fâlicden bür' recâ olunsa onun tedbirinde faşḍ ile ibtidâ olunur. Ve bundan aḳdem sektenin mādresi ne keyfiyyette münkabıza olup fâlici ihdâş eder ve fâlicin mādresi ne keyfiyyet ile baş olunup ondan sekte 'ārîḍ olduğunu biz beyân eyledik.

el-'Alāmât: Fâlicin ḥudûşu iltivâ-i 'aşab ile veyâḥûd saḳḥta ve ḍarbe ile veyâḥûd seyf mişlli âletin kaḥ'ı ile olur ise sebebin vukû'u ve mu'âyenesi ona delâlet eder. Ve ba'ḍı kerre kaḥ' şüretinde sebep-i ḥafî olur, 'aşab ḡâirde ve derinde olmak hasebiyle 'aşabın inḳıḥâ'ı iḥsâs olunmaz. Ve o şürette 'aşabın inḳıḥâ'ı fâlicin defâten ḥudûşu ve tedâbir ve mu'âlecâtan 'adem-i intifâ'ı ile ma'lûm olur. Ve 'ilâcî kâbil olan fâlicin sebebi kaḥ' olmaz belki kâbil-i mu'âlecât olan fâlic veremden ve verem mişlli sebeplerden olan fâlic olur.

Ve eger sebep-i fâlic verem-i ḥârr olur ise ona temeddüd ve veca' ve ḥummâ delâlet eder.

Ve eger verem-i şulb sebep oldu ise o şalâbet melmesten ma'lûm olur ve 'aşabda dahi 'uḳdeler iḥsâs olunur ve fâlic 'ārîḍ olmazdan muḳaddem veca' mevcûd olur, zîrâ ekser-i hâlde şalâbet ḍarbeden veyâḥûd iltivâ veyâḥûd ḥârr olan veremden sonra olur ve bunlardan lâ-maḥâle veca' ḥâdiş olur.

Ammâ verem-i rıhvdan hâdiş olan fâlice istidlâl eylemek müşkil ve meşakkatli olur ya'ni 'alâmet-i mahşûsası olmamakla kaç'a ma'lûm olmaz lâkin her hâlde rıhvdan hâdiş fâlic veca'ı yesîrden ve haderden ve hummâ-ı leyyineden ve harekât ve ağdiye hasebiyle veca'ın ziyâde ve noķşân olmasından hâlî olmaz ve hudûsu dahi def'aten olmaz. Ve bu hâlât-ı mezkûre hasebiyle meflûc olan kimse kaçan hareket murâd eylese ihsâs eder ki tahrîki murâd olunan 'udvdan bi-'aynihi bir mâni' vardır ki o 'udvu hareketten men' eder.

Ammâ ruṭûbet-i fâşiyeye vü münteşire hasebiyle hâdiş olan fâlicin 'alâmeti budur ki o meflûc fâlici olan şıkkının bi'l-cümle a'ḍâsında o sebep-i fâşî ihsâs eder.

Ve a'sâbın gılzati hasebiyle 'arîḍ olan fâlicin 'alâmeti budur ki 'udv-ı meflûc kabḍ olunduktan sonra meflûc olan kimse o 'udvu bi-nefsihi başṭ murâd eylese 'usret ile münbasıṭ ola ve kezâlik kendinin başṭ mümkün olmayıp âḫer kimse o 'udv-ı maḳbûdu başṭ murâd eylese yine sühûlet ile münbasıṭ olmaya ve istirhâ dahi olmaya ve fâlic-i muṭlaḳta a'ḍâ-i meflûce mülâyim olduğu gibi o gılzat sebebinden meflûc olan 'udv mülâyim olmaya.

Ve fâlicin mâddesi dem ile maḫlûṭ olur ise ona evdâc damarları ve sair damarlar ve göz ve nabḍın mümteli'e olması ve zikri mütekerrir olan delâil-i saire delâlet eder.

Ve eger fâlicin sebebi ruṭûbet-i mücerrede olur ise 'udvun ebyaḍ olduğu ve terehhül, ona delâlet eder.

Ve fâlicin hudûsu ḳülinc yâhüd hummayât-ı hâdde 'aḳabinde olur ise ona ḳülinc-ı müteḳaddim ve hummayât-ı müteḳaddime delâlet eder.

Ve eger fâlicin sebebi sū-i mizâc-ı müfred-i bârid veyâḫüd müfred-i raṭb olur ise o fâlic def'aten hâdiş olmaz ve onda fâlicin aṣnâf-ı sairesinin 'alâmâtı mevcûde olmaz. Ve sebebi ruṭûbet-i müfrede olduğuna lems ile ḫükm olunur ve kezâlik 'udvda mu'ahḫar olan sebebler ile ḫükm olunur ya'ni 'udvda yâbis olan devâ isti'mâlinin menfa'ati olup raṭb olan devânın nefi olmaz ise onunla fâlice sebep müfred-i raṭb olduğu bilinir.

Eṭibbâ dediler ki kaçan şabînin bevlinin levni yeşil olsa o [259a] bevl fâlicin veyâḫüd teşennücün hudûsunu inzâr eder.

el-Mu'âlecât: Vâcib olur ki emrâd-ı a'sâbdan beş 'aded marađda ya'nî hader ve teşennüc ve ra'se ve fâlic ve ihtilâcda senin kaşdın mu'ahhar-ı re'se ola ve 'acele edip bu marađların evâilinde edviye-i kaviiye isti'mâl eylemeyesin belki o edviye isti'mâlini yevm-i râbi'e veyâhüd yevm-i sâbi'e te'hîr eylesin. Eger 'illet kaviiye olur ise o kavî edviyeleri on dördüncü güne kadar te'hîr eyle. Ammâ hâl-i ibtidâda zıkr olunan eyyâmdan mu'addem müleyyin ve mündic ve müşhil olan edviyelerin mülâttifâtına iktisâr eyle. Ve hâl-i ibtidâda huğun isti'mâl eylemede be's yoktur. Ve bu tedbîrlerden sonra müstefrigât-ı kaviiye ile istifrag eyle.

Ve ammâ meflûcinin ğıdaları tedbîrleri budur ki 'illetin evvel-i zuhûrunda iki yâhüd üç gün miqdârı ğıdâsı mâ-ı şa'ir ve mâu'l-'asel mişlliye kaşr olunur. Ve eger kuvveti kaviiye olup taħammül ederse on dört gün miqdârı mâ-ı şa'ir ve mâ-ı 'asel ile iktifâ olunur. Ve eger mu'tıka olmaz ise üçüncü günden sonra tıyûrdan hafifü'l-laħm olan laħm-ı tayr ile tağdiye olunur. Ve sen icthâd ve ikdâm eyle 'alîli aciktırıp ağdiye-i yâbise ile tağaddî eylemekte ve ba'dehu çok zamân susuz koyup şediden ta'ti's eylemekte ħabb-ı şanevber-i kibârın lübbü ile ya'nî kabuğundan ihrâc olunmuş çam fıstığı ile intikâl eylemek ya'ni çerezlenmek bi'l-hâşşa meflûca nef' verir.

Ve ma'fûm ola ki meflûca su içmek şarâb içmekten hayırlıdır, zîrâ şarâb mevâddı a'sâba tenfîz eder ve marađı teksîr eder. Ve kezâlik şarâb-ı keşîr bedende teħammuđ edip sirkeye isti'hâle eder ve sirke sinirlere nazar ile adarr-ı eşyâdan olur.

Ammâ iltivâdan ve inđığâttan hâdiş olan fâlicin 'ilâcı bundan sonra iltivâ ve inđığâť bábında bizim sana ta'rîf ve taħdîd edeceğimiz mu'âlecelerdir.

Darbe ve sağtadan olan hâdiş olan fâlicin mu'âlecesi şübetli olur ve 'alâ-eyyi hâl onun mu'âlecesinde darbe ve sağtanın eserlerinde taħarrî ve te'emmül olunur ve nazar olunur ki darbe ve sağta fâlice sebep olan iltivâdan ve veremden mevâddı 'uđv-ı meflûca cezbden hangisini ihdâs etmekle fâlic hâşıl oldu ve te'emmülden sonra hâdiş olan hangisi ise o sebepleri def'den vâcib olan mu'âlece ile 'ilâc olunur. Ve vâcib olur ki bu şüretlerin küllisinde dahi mevdi'-i darbeye ve kezâlik âfeti olan 'uđvun 'aşabının mebd'e'ine edviye vađç oluna, ammâ meflûc olan 'uđvun kendi üzere edviye vađçının menfa'ati olmaz. Ve lâzım olur ki emrâd-ı 'aşabiyyede devâ a'sâbın

menâbiti üzere vad^c oluna gerek ise o devâdan ma^cşûd ‘aşabda olan veremi def^c olsun ve gerek ise devâ ile irhâ veyâhûd ‘aşabı teshîn ve mizâcını ta^cdîl kaşd olunsun her hâlde edviye menâbit-i a^csâba vad^c olunmasa onun fâide-i mu^cteddun-bihâsı olmaz. Ve ba^cdı kerre dahi ‘u^cḍv-ı madrûbun ve müteverrim olup veremi inhilâle bed^ḍ eden ‘u^cḍvun mevdi^c-i karîbine mehâcim vad^cına ihtiyâc olur onun için ki mehâcim-i mevdu^ca mevdi^c-i âfetten demi cihet-i uhrâya veyâhûd zâhir-i bedene cezb eder.

Ve kaçan ‘illet fâlic-i ha^cqîkî olsa ya^cnî nişf-ı bedeni âfet müstevîb olup ve sebebi istirhâ olsa onda dahi bu zîkr olunan ‘ilâc-ı müşterek ile mu^câlece olunduktan sonra vâcib olur ki mevâdd-ı müfellice zîkri mürûr edip mevâdd-ı ra^cîkayı istifrâğ eden müstefrigât ile bizim resmimiz ve zîkr ü tahdîd ettiğimiz vech üzere bilâ-ziyâde velâ-no^cşân istifrâğ oluna.

Ve bu bâbda olan edviye-i müstefriğanın ziyâde menfa^catlısi ferfiyûn habbı ve habb-ı bîmâristânî ve habb-ı şeytarec ve habb-ı müntin ve eyâric-i Hürmüs⁸² olur. Ve kezâlik harbak[-ı ebyad] ile yalnız veyâhûd turp ‘uşâresine harbak-ı ebyadın kuvvetini i^chrâc eyledikten sonra o ‘uşâre ile meflûcu te^ckayyi^ḍ edip kusturmağın dahi menfa^cati ziyâde olur. Ve cemî’an mu^ckayyi^ḍât-ı sâire ile te^ckayyi^ḍin menfa^cati olur.

Ve ba^cdı kerre meflûcun mu^câlecesinde tadrîc olunup biraz eyyâm tiryâktan birer dâni^c sakı olunur ba^cdehu azar azar bir dirheme varınca kadar tadrîcle ziyâde olunur ve mi^ckdâr-ı dirhemden tecâvüz olunmaz. Ve ba^cdı kerre tiryâka simsim-i mu^ckaşşer ve sükker dahi hâl^c olunur. Ve ba^cdı kerre sekbî nec bi-hâlihi ve cāvşîr bi-hâlihi ve cünd-i bîdester bi-hâlihi şarâb-ı ‘asel ile tenâvül ettirilir. Ve şerbet-i vâhidesi bâkılât mi^ckdârıdır, bunlar bu bâbda ziyâde nâfi^cdir.

Ve vâcib olur ki bu ‘alîle hu^cğun-ı kavîyye ile ihtikân oluna ve şiyâfât-ı kavîyye tahmîl oluna ve mevâddları cânib-i esfele imâle oluna. Ve fe^ckârât-ı zahırî edhân-ı kavîyye ile temrîh oluna. Ve o ‘illete nâfi olur gayr-i merre zîkr olunan edhân u dîmâdât-ı mu^chammireden merûhât-ı hârre isti^cmâli nâfi^cdir hu^cşuşan hissi bâtıl kılan fâlice nef^ci keşîr olur. Süsen kökü ha^ckk-i

82 *Ḳânûn*’un kitâb-ı hâmisinde yazıldığı üzere “Hürmüs” bir nebînin ismidir lâkin ba^cdı mu^châdarâtta mezkûrdur ki “hürmüs” ha^ckîm ve ‘azîm ma^cnâsınadır, İdrîs’e nübüvvet ve hikmet ve mülk ve sal^ctanat cemî’an ona verildiği için.

merûhî ile ya'nî oğuşturarak tahkîk olunup mahkûku isti'mâl olursa tahmîri ceyyide edviyeden olur. Ve 'adalât ru'ûsuna min-ğayri şartın mehâcim vađının dahi nef'i olur eger vađ-ı mehâcim ba'de'l-istifrag olur ise ve menfa'ati 'adalâti teşhîni hasebiyle olur ve ba'dı kerre şart-ı kalîle dahi muhtâc olur. Ve vâcib olur ki 'adalâta vađ olunan mehâcimin ru'ûsu çayyika ola ve nâr-ı keşîre ile vađ ve ilşâk olunup maşş-ı şedîd-i 'anîf ile maşş olunduktan sonra sür'at ile kal oluna. Ve mehâcim vađ olunmak iktidâ eyledikte vâcib olur ki mevâdi-i keşîre-i müteferrikeya vađ oluna eger istirhâ keşîr ve müteferriş olur ise. Ve eger istirhâda keşret yok ise mevdi-i istirhâya mehâcim-i müte'addide-i müctemi'a vađ oluna. Ve mehâcim vađından sonra mevdi-i mehâcim üzere zift ve şanevberin şamğı isti'mâl oluna. Ve dîmâdât-ı muhammireden dađık şeylem dîmâdı ve sūsen 'asel ile isti'mâl oluna. Ve bu 'illete dîmâd-ı hardal nâfi'dir.

Ve zîkr olunan dîmâdât her kaçan da'if olup kuvveti az olsa vâcib olur ki tecdîd ve tebdîl oluna. Zâhir-i beşereye o ađmide demi ihrâc edip 'udvu kızartıp 'udvda dem-i neffâhât zühür edince kadar şeytarec dîmâdı ya'nî zirkele dîmâdının fâlic 'illetine nef'i 'azîmi vardır. Ve eţibbânın ekşeri kantında zirkele dîmâdının isti'mâli hardal ve şâfsiyâ isti'mâline hâcet komaz. Ve zift dîmâdının dahi menfa'ati olur, 'ale'l-ğuşuş naţrûn ve kibrît ile isti'mâl oluna. Ve 'udv-ı meflûcu zeyt ile ve naţrûn ve miyâh-ı kibrîtiyye ve mâ-ı baır ile delk eylemek dahi nâfi'dir. Ve neţûlât-ı mûlaţţife isti'mâli dahi nâfi'dir.

Ve hiss da'if olduđu zamân isti'mâl olunan dîmâd-ı kavînin 'udva nikâyesi olur velâkin hissîn da'fı hasebiyle ihsâs olunmaz ve o nikâye âfet-i şedîdeye ve taqrîhaya mü'eddî olur. Pes vâcib olur ki dîmâdât-ı kavîyyenin bu hâlâtından taharrüz ve tahazzür oluna ve dîmâdın eşerinin hâlinde te'emmul oluna. Eger o dîmâdın nefhi ve tahmîri cildi mütecâviz olmaz ise dîmâd tecdîd ve î'ade olunur ve eger cildi mütecâviz olduysa terk olunur ve dîmâd tecdîd ve î'ade olunmaz. Ve cildi mütecâviz olmadığının tarîk-i ta'arrüfü budur ki dîmâda işba' vađ olunup ğamz-ı laţîf ile ğamz olunur. Eger mevzi-i işba' beyâđ olur ise o dîmâdın eşeri olan ğumret cildi mütecâviz olmadığı bilinir. Ve eger işba' ile ğamz olunduktan mevdi-i ğamzda tahammür sâbit olup ve harâret zâhire olur ise ma'lûm olur ki dîmâdın eşeri

cildi tecāvüz eylemiştir. Pes vâcib olur ki küllü vaqtın dımâd ref^c olunup dımâd te³şirinin bu tarîk ile miqdârı tefahhuş oluna ve cildi tecāvüz eylemedi ise dımâd tecdîd ve i^cade oluna ve eger cildi ta^caddî ve tecāvüz eyledi ise ta^cdmîdden ferâgat oluna.

Ve ma^clûm ola ki meflûcun burnuna kündüs nefh eylemek ve kezâlik kündüs mecrâsına cârî olan edviyeyi nefh eylemek cidden nâfi^cdir, zîrâ o mişli edviyenin burna nefhi dimâğı tenkîye eder ve ^cilletin mevâddını ci-het-i ^cilletten şarf eder.

Ve şarâb-ı atîki kâlilen isti^cmâl cemî^can emrâd-ı aşabdan cidden nâfi^cdir. Ve şarâbî keşret üzere isti^cmâl aşâba adarr-ı eşyâ olur. Ve müreb-bâ-ı vecc nâfi^cdir. Ve kezâlik eyârici eyâric miqdârı cünd-i bîdester ile halı eyledikten sonra tedrîcle saşy eylemek dahi nâfi^cdir, bir dirhemden bed³ edip azar azar ziyâde ederek altı dirhemden ziyâde artırmak gerekir. Ve kezâlik mâu^cl-uşul ile dühn-i hırva^c [259b] saşy olunmak cidden nâfi^cdir.

Ve nâstan ba^cdıları fâlic ^cilletine küllü yevmin bir mişkal eyârice bir mişkal fülful saşy eylediler ve onunla o ^cillete şifâ hâşıl oldu.

Ve vâcib olur ki bu edviyeleri şürb eden kimseler su içmeyeler hattâ mi^cdede o devâ bâkî olup te³şiri ziyâde ola. Ve ba^cdı kerre olur ki meşrûb olan devânın ^cameli yevm-i vâhid-i kâmil mürûrununda olur ve su içilse o devâ su ile mi^cdeden kable'l-^camel seyelân eder ve menfa^cati olmaz.

Ve ba^cdı kerre meflûca gece ile birer mişkal fülful ile cünd-i bîdes-ter saşy ederler. Ve meflûcîne tiryâk ve meşrudîtus ve şelîsâ ve huşuşan anşardiyâ gibi nâfi^c devâ olmaz. Şürben ve dımâden hiltî isti^cmâli dahi şedîden nâfi^c olur huşuşan beher yevm iki def^a isti^cmâl oluna. Ve rete ya^cnî bunduğ-ı Hindînin dahi nef^ci ^cacîb olur.

Ve kaçan ^cuđv bür^e ikbâl ve teveccüh eylese vâcib olur ki o ^cuđv tervîd olunup bir kerre ^cuđv kabđ oluna ve ba^cdehu baş oluna. Ve bu kabđ ve baş defe^catle tekrâr oluna hattâ o ^cuđva riyâdet-i mezkûre ile ^câfiyet-i kâmile si^cavdet eyleye.

Ve ba^cdı kerre dahi meflûcîn hummâ ile intifa^c ederler. Ve şayha etmek ile ve kırâ^cet-i cehriyye ile dahi intifa^c ederler. Ve onlar istifrâgla intifa^c eyledikten sonra hammâm-ı yâbisi tavîlen isti^cmâl ederler veyâhüd mâ-ı

hamʿeti⁸³ istiʿmāl ederler. Ve āhîr-i emrde yaʿnî istifrâgât tekmîl olup ve taḥlîl vâcib olduđu maḥallde onlarda yalnız vâcib olan muḥallilât-ı sâzece istiʿmāl olunmaya belki o istiʿmāl olunan muḥallilâtta kabḍ-ı yesîr dahi ola, onun için vâcib olur ki onlarda istiʿmāl olunan muḥallilât-ı enîsûn ve meyʿa ve cünd-i bîdester ve izḥîr ve bunlara benzer edviye-i ḥârre-i kâbîda ola.

Ammâ kûlîncdan sonra ḥâdiş olan fâlice aḫrabâdinde mezkûr olan cevz-i Rûmî nâfiʿdir. Ve onlara kuvveti şedîde ve eczâ-i terkîbinde keşret olmayan edhânın dahi menfaʿati olur, dühn-i süsen ve dühn-i nârdîn ve dühn-i ḥîrvaʿ ve dühn-i nercis ve dühn-i zanbaḫ mişli edhânlar nâfiʿdir. Ve cevz-i Rûmî dühni ve şamḡ-ı bellûṭ ile mütteḥaz dühn-i nercis tecrîbe olunup menfaʿati olduđu bu iki dühnün ḥâşşiyetleri ḥasebiyle müşâhede olundu ve bunlardan çok kimseler intifâc eylediler. Bu yağlarda tebrîd ve taḫviye vardır, māddeyi ʿuḍvdan menʿ eder.

Ve kaçan muʿâlece ḥârr olan edviyeler ile olsa mādde-i ʿilletin raḫîki ʿuḍva münbasıta olur, ammâ ʿilâc edviye-i bâride ile olup ʿuḍv tebrîd olsa o edviye ʿuḍvu taḫviye eder māddenin ḥacmi şaḡîr olur ve mütelâşî olur yaʿnî lâşî olur. O sebebden vâcib olur ki onları teşḫinde mübâlağa olunmaya lâkin istiʿmāl olunan edviyeler bâbünec ve iklîl-i melik ve merzencûş ve naʿnâc ve fütenec ile taḫviye olunmağa muḫtâc olur. Ve o edviyelere ednâ tebrîdi olan devâlar dahi ḥalṭ olunmağa muḫtâc olur sūs rubbu gibi⁸⁴ ve bezr-i hindebâ gibi ve bu mişli devâlar ḥalṭ olunur ve bu vech üzere o eşyâlar istiʿmāl olunursa nâfiʿ olur. Ammâ kaṭʿ ḥasebiyle olan fâlic muʿâlece kabûl eylemez.

Ve mizâc-ı bâridden ḥâdiş olan fâlice müşâḫhinât-ı maʿrûfe ile muʿâlece olunur. Ve eger o mizâc-ı bârid mâ-ı keşîr şûrb eylemekten ḥâdiş olup fâlici ihdâş eyledi ise onun ʿilâcı ḥammâm-ı yâbis istiʿmâl etmekle olur. Ve maʿlûm ola ki fâlic ile ḥummâ cemʿ olsa muʿâlecede fâlicin teḫîri vâcib olur, o vaḫtte cülencebîn ile sikencebîn ona devâ-i ḥâsen olur.

83 “Mâ-ı ḥamʿet” çökekli ve siyâh çamuru olan sulardır.

84 “Sūs rubbu” beyan rubbu demektir.

Üçüncü Faşl Teşennüc Beyânındadır

Teşennüc sınırlara müteʿallik bir ʿillettir ki o ʿillet hasebiyle ʿaḍalâtın sınırları mebdâsine yaʿnî bittiği mahalle hareket eder ve o hareket ile sınırlar inbisâta ʿişyân ederler. Ve o müteşennec olan sınırların baʿdısı ʿalâ-hâlihi bâkî kalıp inbisâtı kâbil olmaz ve baʿdı âheri inbisâta ʿavdeti sühûletli olur. Esnemekte ve inçkırıktâ hâdiş olan teşennücün inbisâta ʿavdeti sühûletli olur.

Ve teşennücün sebebi yâ mādde olur veyâhüd harâret ve yübüset gibi gayr-i maddî olan keyfiyyetler olur. Ve mādde-i teşennüc ekşer-i hâlde balgamiyye olur ve baʿdı kerre dahi sevdâviyye ve baʿdan demeviyye dahi olur. Ve maddenin teşennüc ihdâsı ʿaḍalâtın teverrümünden olur, zîrâ ʿaḍalde verem olsa aʿşâbın lifleri teferruk edip elyâf-ı aʿşâb arasına müverrim olan mādde taḥallül eder ve ʿaşâbın ʿaradı ziyâde olup tülû nokşân olur ve tülûn nokşânından ʿuḍv münkabiḍ olur.

Ve maddî olan teşennücün küllisi hâlî olmaz ki onun maddesi muşabb olduğu ʿaḍalâtın küllisini yâ şetmle olur, bu şürette ʿaḍalâta verem olmaz veyâhüd ʿaḍalın mevdiʿ-i vâhidinde olur. Ve mādde olmayan mevdiʿ dahi mādde olan mevdiʿe tâbiʿ [olup] o ʿaḍalde mevcûd olan aʿşâb cemîʿan mebdâsine müncezib olur ve bu şürette ʿaḍal teverrüm eyledikte bulunur gerek ise o verem ḍarbe ve gerek ise sakta ile hâdiş olsun ve gerek esbâb-ı veremden sair sebep ile olsun.

Ve baʿd olmaz ki keşife ve nâfiha olan riyâhtan dahi teşennüc hâdiş ola. Ben zann ederim ki ekşer-i hâlde ʿarıḍ olan teşennücler zıkr olunan riyâh hasebiyle olur ve ʿale'l-fevr riyâh taḥallül edip teşennüc zâil olur.

Ve maddî olan teşennüc ekşeriyyâ maddesinin ʿuḍv-ı âherden intikâli ile hâdiş olur. Havânîk ve zâtü'l-cenb ve sersâm maraḍlarından sonra hâdiş olan teşennüc o maraḍların mevaddı aʿşâba intikâl eylemesi ile olur. Ve yübüset ile olan teşennücün hudûsu ruḥbetin zevâli ile olur, zîrâ ruḥbet taḥallül eyledikte ʿarıḍ olan yübüset ile ʿaşâb ve ʿaḍal hem tülen ve hem ʿarḍan tenâkus edip büzülür ve onun hâlî âteşe takrîb olunan seyre yaʿnî deriye müşâbih olur. Ve evtârın ahvâli senin maʿlûmudur ki evtârın [hâlî] faşl-ı şayfta kısa olup ve şitâda uzamak olur teceffüf ve teraḥḥub hasebiyle. Ve sınırların hâlî dahi veter gibi olup şayf ve şitâda uzar ve kısalır. Ve bilâ-mādde hâdiş olan

teşennücin ba'cdısı her ne kadar māddeye nisbet olunmaz ise lākin bir şey²-i mūzīden nefād edip o mūzīyi ref^c ve nefđ için 'aşab cem^c olur.

Ve 'aşabın nefādına sebep olan nesne ba'cdı kerre o veca^c olur ki o veca^c ekşer-i hālde hıltı-ı lāzi^c ü hārr ile hādiş olur. Ve ba'cdı kerre dahi o teşennüc keyfiyyet-i semmiyyenin dimāğ ve 'aşaba te'ezzīsinden hādiş olur, 'aşabı 'akreb les^c eyledikte olduğu gibi. Ve ba'cdı kerre semmiyyeti olmayan keyfiyyet dahi sebep olur, berd-i şedīdden hādiş olan teşennüc gibi, zīrā 'aşab ve 'ađal kaçan şedīden müberred olsalar tekāşüf edip cem^c olur ve başı cānibine çekilip teşennüc hādiş olur, nitekim fālic ve istirhā 'uđvun a'sābının mebādisi hasebiyle a'đada muhtelif olduğu gibi kezālik teşennüc dahi a'sābın mebādisi itibārı ile 'uđvda muhtelif olur.

İstirhā ve teşennücede kıyās şey²-i vāhid üzere olur eger o āfetler boğazdan aşāğı olur ise ve quddāmda ve hāfta ve cihāt-ı sāirede olur ise. Ammā o fevka'r-raqabe olur ise fevka'r-raqabe olan teşennüc raṭb-i imtilānin sebep-i zātisi ruṭubet olur. Ve bürüdet dahi ruṭubete ihdās-ı imtilāda mu'ın olur, icmād ve tağlīz edip inbisāta māni^c olduğu için. Veyāhüd fevka'r-raqabe olan teşennücin sebep-i zātisi yübüset olup ona harāret mu'ın olur, zīrā harāret ruṭubeti mübālağa ile taḥlil eder.

Ve teşennücü fā'il olan mādmenin fi'li 'uđvu teşennüce hāşş olup istirhā-yı fā'il olmadığı mücerred mevāddın gılzati hasebiyle olur, zīrā o mevādd a'sābın elyāfına sereyān tārīkiyle müdāhale eylemez belki müdāhalesi fūr-celere müzāhame tārīki ile olur ve lā-mahāle o müzāhameden hādiş olan 'illet ancak teşennüc olur, istirhā olmaz.

Ve teşennüc bir 'uđvun şar^cı olur, nitekim şar^c cemī'an bedeninin teşennücü olur. Ve şar^c ile teşennüc beyninde niseb-i erba'adan 'umüm ve huşuş olur ya'nī 'umüm ve huşuş-ı muṭlağ olur, zīrā şar^cda cemī'an bedende olan a'sāb müteşennüce olur. Bir 'uđvda olan teşennüce kavı-i muṭlağ ile şar^c [260a] denmez, ammā teşennüc cemī'an bedende olan teşennüce ve bir 'uđva hāşş olan teşennüce kavı-i muṭlağ ile tesmiye olunur. Pes şar^c hāşş-ı muṭlağ ve teşennüc 'āmm-ı muṭlağ olur ve kezālik beynehümāda āḫer vech ile dahi fark olunur, zīrā şar^c sür^cat ile münḥall olur ve hem şar^c ba'cdı kerre edvār ile olur, Ammā teşennüc-i 'örfide bu hāletler me'hūze olmaz. Ve senin ma'lūmun olan vücūh-ı uḫrā ile dahi beynehümā fark olunur.

Ve süt emen tıfla ʿarîd olan teşennüc dahi teşennüc-i raṭbdir, zîrâ raḍîʿin evtârı memeye mücâveretiyle ve mass eylediği süt ile teraṭṭub eder. Ve evtârın ruṭûbeti kaçan tecemmüd eylese teşennüc ḥâdiş olur. Ve baʿdı kerre teşennüc-i raṭb sükârâya ve raḍîʿ olmayan şıbyâna dahi ʿarîd olur ruṭûbetleri ḥasebiyle. Velâkin ekşer-i hâlde şıbyâna teşennücün ʿurûdu ḥummayât-ı ḥârrede ve buṭunlarının iṭtikâlinde ve seherlerinde ve keşret ile bükâ eylediklerinde ḥâdiş olur.

Ve şıbyân ḥummayât-ı hafifede dahi müteşennic olurlar. Ve'l-hâşıl dimâğları ve ʿaşabları ve ʿadâllerinin kuvâlarında daʿf olmakla onların teşennüde vukûʿları sühûletli olur. Ve kezâlik teşennücün onlardan müfâraḳati dahi sühûletli olur şıbyânın kebidinde ve kalbinde olan kuvâlarda kuvvet ekşer olduğu için ve hem şıbyânın aḥlâṭı şedîde ve galîza olmayıp nuḍc ve taḥallüle ʿişyânı olduğu için. Ve kezâlik teşennüc-i yâbisten şıbyâna serîʿan ʿâfiyet ḥâşıl olur mizâcları ve ğıdâları raṭb olmak ḥasebiyle. Ammâ bâliğlerde bu iki emr yaʿnî teşennücün ʿurûdu ve müfâraḳati sehl olmaz.

Ve baʿdı kerre şıbyâna ḥummayât-ı ḥâdde ʿaḳıbinde teşennüc-i redî ḥâdiş olur ki onun ʿalâmâtını inşâallâhu taʿâlâ biz zıkr eyleriz. O vech ile ḥâdiş olan teşennücden şıbyân nâdiren ḥalâş olur. Ve yedi yaşını tecâvüz eden şabîler cidden şuʿûbetli olan ḥummâ ḥasebiyle müteşennice olur, ḥummâ-ı ḥafife ḥasebiyle onlara teşennüc ʿarîd olmaz.

Ve baʿdı kerre teşennüc ḥavf ḥasebiyle ʿarîd olur ve onun vechi budur ki ʿuḍvu bâsıt olan ervâḥ ḥavf ḥasebiyle defʿaten bâṭına ğâire ve müncezi-be olur ve ona tebeʿan ʿadâller dahi mebâdisine ḥareket edip o hâlde aʿḍâ ʿalâ-heyʿetihâ mütecemmide olurlar. Ve baʿdı kerre dahi ʿuḍv-ı münkabıḍa iṭtimâd ve istinâd ḥasebiyle dahi teşennüc ḥâdiş olur, zîrâ münkabıḍa olan ʿuḍv şedîden iṭtimâd olundukta ona mâdde munşabbe olup o ʿuḍvda muḥtebese olur. Ve ʿuḍv heyʿet-i inḳıbâḍ üzere münhedim iken mevâdd-ı muḥtebese cümüd edip teşennüc ʿarîd olur.

Ve baʿdı kerre bu minvâl üzere ḍarbeden ve ağır yük yüklenmekten ve katı firâş ve mihâd üzere uyumaktan dahi teşennüc ḥâdiş olur. Velâkin vech-i ahîrde⁸⁵ teşennüc bi-nefsihi zâil olup muʿaleceye ḥâcet kalmaz.

85 “Vech-i ahîr”den murâd katı firâş ve mihâd üzere uyumaktır.

Ve baʿdî kerre bu mişlli teşennüc hader hasebiyle olur, ʿuḍva munşabbe olan mevâddın imtilâ hasebiyle ʿuḍvu muharrik olan rûha tezâhum edip rûhu o ʿuḍvda nüfûzdan menʿ eylemesiyle hâdiş olur, zîrâ ʿuḍvu tahrik eden ervâh olmakla ervâhın inʿidâmı ile ʿuḍvun inbisâti ve hareketi dahi münʿadim olur. Ve kaçan kuvvet ʿavdet edip mevâddı tefriķ eyledikte yine rûh ʿuḍva nüfûz edip inbisâti ve hareket ʿavdet eder.

Baʿdî kerre dahi hâl-i nevmde münkabiḍ olan ʿuḍv vaķt-i intibâhta müteşennic olup imtidâdı serîʿan müteyessir olmaz, onun için rûh nevm vaķtinde bâtına meyl etmekle ʿuḍvu başta tekâsül eder.

Ve teşennüc-i yâbisin bunlardan mâ-ʿadâ dahi esbâb-ı müteʿaddidesi vardır. Baʿdî kerre teşennüc-i yâbis müshil devâ şürbü ʿaķabinde hâdiş olur. Ve bu teşennüc cidden redîdir. Ve kezâlik istifragdan sonra hâdiş olan teşennüc dahi redîdir.

Ve teşennüc-i yâbis hummayât-ı muhrıķa ʿaķabinde ve huşûşan sersâm maraḍında olan hummayâtın ʿaķabinde olur ve harekât-ı bedeniyye ve seher ve ğamm ve havf mişlli harekât-ı nefsâniyye ʿaķiblerinde olur. Ve bu nevc teşennüc-i yâbisten taḥalluş ḳalîl olur.

Ve baʿdî teşennüc dahi vardır ki hummayâtta olur ve maʿa-zâlik cidden redî olmaz. O teşennüc-i yâbis ʿaşabda ve ʿaḍalde olan mevâddı hummânın isâlesinden olur ve onun maḍarratı ziyâde olmaz huşûşan beden mümtelî oldukta redâʿeti eķall olur.

Ve baʿdî kerre dahi hummayâtta teşennücün ʿurûḍu fem-i miʿdeye müşâreket ile olur ve onu ḳayʿ eylemek izâle eder. Ve hummayâtta bunlar gibi ʿarıḍ olan teşennücler ḥaḫarlı ve şaʿb ve redî deĝildir belki şaʿb ve redî olan o teşennücdür ki aʿşâbı ve ʿaḍalâtı tecfîf ve dimâĝı şeyy ve ḫabḫ eden hummâ-ı muhrıķa ve sersâm-ı hârre hummayâtında vâķi ola. Ve hummâ-ı müzminede dahi olan teşennüc şuşûbetli ve redî olur, zîrâ hummâ ezmânı hasebiyle sınırları ve ʿaḍalları ve belki dimâĝı dahi tecfîf eder ve ruḫbât-ı ĝarîziyyelerini ifnâ edip teşennüc ihḍâş eder.

Ve teşennüc-i yâbisten bir nevc dahi vardır ki serîʿan hâdiş ve serîʿan bâtıl olur. Bunun sebebi budur ki dimâĝa bi-hasebi'd-ḍaḍf yübüset ʿarıḍa olur ve dimâĝa müşâreket ile ʿaşablara dahi yübüset ʿarıḍa olur ve serîʿan yübüset hasebiyle aʿşâb münkabiḍa olur. Kaçan ḫabîʿat inâyet edip dimâĝa

ruṭûbet-i kâfiye ifâde eylese aḥṣâb dahi tertîb edip aḥḍâ inbisâta bi-tekellûfin mutîʿa olur. Ve bu mişlli teşennüc berd-i şedîd ile dahi ʿarîd olur. Ve mûzî olan teşennüc yübüset ile olan teşennüc olur.

Ve teşennüc-i yâbis envâʿındandır o teşennüc ki onda ruṭûbet bir nevʿ cümüd ile müncemid olup hacmi ḳalîl olur ve cidden mütekâsif olur ve ʿuḍv dahi tekâşûf ḥasebiyle müteşennic olur. Ve bu teşennüc berd-i şedîd işâbet edenlerde ve afyûn gibi muḥaddir devâ şürb edenlerde ḥâdiş olur. Ammâ mûzînin ezâsından ḥâdiş olan teşennüc ḥarbaḳ şürb eden kimsenin teşennücüdür, zîrâ ḥarbaḳ baʿdeʿl-ishâl yübüset ḥasebiyle şâribinde teşennüc ihdâş eder. Ve baʿdı kerre ḳableʿl-ishâl dahi ṭabîʿata müdâdde olduđu ḥasebiyle teşennüc ihdâş eder, zîrâ ḥarbaḳın semmiyyetinin şiddet-i îzâsından ʿaşab münkabîd ve müteşennic olur. Ve ḥılt-ı zencârî ḳayʿ edenlerin teşennücü dahi bu ḳabîlden olur. O ḥılt-ı zencârî fem-i miʿdeye nikâye etmekle teşennüc ihdâş eder.

Ve yine bu ḳabîlendendir fem-i miʿdenin kuvvet-i ḥissi ḥasebiyle fem-i miʿdeye munşabb olan mirârdan ḥâdiş olan teşennüc ve emrâd-ı raḥim ve emrâd-ı meşâne ve bunların emşâline dimâğın müşâreketi ile ḥâdiş olan teşennücler ve ʿakreb ve rüteylâ ve ḥayye mişllilerin ʿaşab üzere vâḳîʿ olan lesʿalarından ḥâdiş olan teşennücler ve aḥṣâba işâbet eden ḳaç ile ve âkile marađı ile ve miʿdede ve raḥimde ve sâir aḥḍâ-i ʿaşabiyyelerde olan ʿilel ile ḥâdiş olan teşennücler dahi biʿl-cümle zıkr olunan teşennüc ḳabîlinden olur. Ve deydân ḥasebiyle olan teşennüc dahi o teşennüclere ḳarîb olur. Ve teşennüc-i redîdendir şefeye ve göz kapaklarına ve lisâna maḥşûş olan teşennücler. Bu teşennücler ile maʿlûm olur ki sebeb-i teşennüc nefis-i dimâğda olur.

Ve kaçan beden teşennüc ile ḳuddâma meyl eylese teşennüc ʿaḳalât-ı müteḳaddimedede olduđuna delâlet eder. Ve eger bedenin meyli ḥalf cānibine ise teşennüc ʿaḳalât-ı ḥalfta olduđuna delâlet eder. Ve eger bedenin meyli iki cānibe dahi olursa ʿillet iki cānibde olduđuna delâlet eder. Fâlicde olan teşennüc iki cānibe dahi mâil olur.

Ve baʿdı kerre teşennüc müştedd olur ḥattâ ʿunuk mültevî olup boynu bükülür ve dişleri ıştıkâk edip biri birine sürtülür. Ve teşennücden helâk olan kimselerin baʿde-helâkihi bedeni ḥârr olur, zîrâ teşennüc ḥanıḳ ile ih-

lâk eder. Ve haniğin sebebi budur ki ʿaḍal-i teneffüs teşennüc eder ve harekete kudreti gider. Ve cirāhat ile olan teşennüc ekşer-i hâlde kattâl olur ve ekşeriyâ mevte ʿalâmet olur.

el-ʿAlâmât: Teşennüc aşhâbının nabdı mütemeddid ve vaḍʿda muhtelif olup gâhice şuʿûd eder ve gâhice nüzûl eder. Ve şuʿûd ve nüzûlü râmînin sihâmı kavısından boşandığı gibi defʿaten olur. Ve nabdı fıkrâ fıkrâ olup her fıkranın hareketi fıkrâ-i uhrâya sürʿat ve buḡta muhâlif olur. Ve damarların harâreti aḍâ-i sāirenin harâretinden ziyâde olur. Ve damarlar müctemîʿa olur velâkin ictimâʿı nâfiḍde olan damarın ictimâʿı gibi olmaz ve mündâğıḡ gibi dahi olmaz. Ve kezâlik tûl-i maraḍ hasebiyle damarların şalâbeti ve ictimâʿı gibi olmaz ve ahşâların vecaʿında damara ʿarîḍ olan ictimâʿ gibi dahi olmaz belki müteşennicînin ictimâʿ-ı ʿurûku muşrânın yaʿnî o bağarsıkların ictimâʿı gibi [260b] olur ki iki taraflarından temḍid olunur. Ve teşennücün evcâʿdan meʿhûz olan ʿalâmetlerini karîben biz zikr eyleriz.

Ammâ imtilâdan hâdiş olan teşennücün ʿalâmeti budur ki o teşennüc defʿaten hâdiş olur ve ʿuḍv-ı müteşennicîn üzerine dühn vaḍʿ olursa serîʿan dühnü ʿuḍv teşerrüb eylemez meger ki karîbü'l-ʿahdde o ʿuḍva harâret ʿarîḍa olmuş ola.

Ve yübüsetten hâdiş olan teşennücün ʿalâmeti budur ki onda teşennüc tadrîcle hâdiş olur.

Ve emrâḍ-ı istifrâgiyyenin cemîʿan ecnâsının birinden sonra hâdiş olur. Ve edviye ile olan istifrâḡdan ve heyḍadan ve istifrâḡ-ı ṭabîʿiden sonra dahi hâdiş olur.

Ve ammâ mûzînin ezâsı ile ʿarîḍ olan teşennücün ʿalâmeti senin bildiğin sebab-i hâricîler olur ve afyûn ve harbak mişlli edviyenin şürbü olur.

Ve ezâ miʿdede olup ona evvelâ dimâḡ müşâreket ve sâniyen dimâḡ vâsıtasıyla ʿaşab dahi müşâreket edip teşennüc hâdiş olduysa o teşennücün ʿalâmeti budur ki onun hudûşundan muḡaddem miʿdede ḡasy ve kerb ve inʿişâr ihsâs olunur. Ve baḍı kerre bu âfetler zâile olmayıp müddet-i teşennüde dahi mevcûde olur.

Ve baḍı kerre o teşennüc hılt-ı kürrâsî veyâhûd zencârî kayʿından sonra vâkiʿ olur. Ve bunun gibidir fem-i miʿdenin kuvvet-i hissi hasebiyle olan

teşennüc. Ve her kaçan fem-i mi^cdeye munşabbe olur ise fem-i mi^cdenin kuvvet-i hissi ile teşennüc ihdâs eder velâkin o teşennücün hudûsundan muqaddem fem-i mi^cdede ezâ ve lez^c ihsâs olunur.

Ve bu mişlli teşennüc rahim ve meşâne mişlli u^dıvların emrâdında dahi ^carıd olur eger o emrâdlar kaviiye olurlar ise. Ve teşennücün ^curûdundan muqaddem o a^dâda şedîd olan elem ve veca^c ve âfet-i vâdiha hâdiş olur. Ammâ bu mezkûrlardan mâ-^cadâ olan teşennücler hâlî değıldir ki onlarda yâ elem bulunmaz veyâhüd o elem bulunur ki teşennücden hâdiş olur. Ve kısm-ı sâliş ya^cnî evvelâ elem bulunup o elem teşennüce sebep olmak câiz olmaz. Ve veremden hâdiş olan teşennücü bundan a^kdem bizim zıkr eylediğimiz ^calâmetlerle sen bilirsın.

Ve teşennücün hudûsuna delâlet eden edilleden olur evvelâ nabđın şağır ve mütefavit olup ve ba^cdehu qarîben zıkr eylediğimiz nabđa intikâl eylediğı. Ve çok kerre yüz kızarır ve gözlerine havel t̄arî olup şaşu olur ve meyelân eder ve teneffüsünde inkı^tâ^c ve inbihâr olur. Ve ba^cdı kerre onlara bilâ-sebebe dâhik ^carıd olur ve t̄abî^catı kabđ üzere olur ve hürüc eden berâzı dahi kuru olur. Ve çok kerre bevlı muhtebeş olur ve bevlın ^cadem-i ihtibâsı dahi keşirü^cl-vu^kû^c olur. Ve hürüc eden bevl demin mâiyyeti gibi olur ve o bevlde neffâhât olur. Ve ba^cdı kerre şudâ^c ve fuvâk ve seher ve ra^cşe ve mafşal-ı unukun tahtında beyne^cl-ketifeyn ^carıd olan veca^c ve kaçan ve ^cuşuş mafşallarında ve kezâlik esfellerinde dahi ^carıd olan veca^c teşennücün hummâ hasebiyle ^carıd olduğuna delâlet eder.

Ve hummayâtta ^carıd olan gözün ^civeci ve etrâfında zühür eden humret ve havel ve dişlerin şarîri ve lisânın sevâdı ve cilde-i re^ssin imtidâdı ve bevlın evvelâ a^hmer olup sonra mevâdd başa şu^cüd etmekle ebyađ olması ve şudğların ve baş damarlarının dârebânı teşennücü inzâr eder. Ve bu âfetler ile batna yâ cefâf veyâhüd teşennüc ^carıd olur.

Ve İbokrât dedi ki evvelâ teşennüc ^carıd olup ba^cdehu hummâ ^carıda olmak hayrlıdır evvelâ hummâ ^carıd olup ba^cdehu teşennüc ^carıd olmaktan. İbokrât'ın bu kelâmının ma^cnâsı demektir ki teşennüc-i ra^tb üzere hummâ t̄arî olsa hummânın harâreti ru^tubeti ta^hlîl edip teşennücü yâ ta^klîl veyâhüd külliyyen izâle eder, ammâ hummâ hasebiyle hâdiş olan teşennüc teşennüc-i yâbis olmakla ^cilâc kabûlü nâdir ve kalîl olur.

Ve ba'ḍı kerre teşennücden evvel eşnâ-i nevmde tefezzuḥ ve levnde tebeddülât ʿarîḍ olup levni ḥumrete ve ḥudrete ve kümüdete tahavvül eder. Ve ḥummâ nevbetinde ṭabîratta kabḍ ve bevl kayhı ve kuşarîret olur. Eger bu mezkûrlar ile başta ter dahi olur ise ve kezâlik göze zulmet teşennücden muḳaddem ʿarîḍ olur ise o ʿavârîḍ delâlet eder ki o kimseye sebebi aḥşâda dübeyle olan teşennüç ʿarîḍ olur. Ve ḥummâ ile maʿan teşennüç olup lâkin ruṭübâtı ihrâk veyâḥûd tefşîye edecek miḳdâr ḥummâda kuvvet ve tül-i müddet dahi olmasa o teşennüç kâmileten yâbis olan teşennüç gibi ḥaṭarlı olmaz.

Ve teşennüç-i raṭbın ʿalâmât-ı rediyyesinden olur riyâḥın aʿḍâda keşreti ḥuşuşan keşret-i riyâḥla baṭında intifâḥ dahi ola ve ḥuşuşan o riyâḥ ve intifâḥ ʿilletin zamân-ı ibtidâsında ola.

Teşennüç ve temeddüdde bevl-i ḥâddin zuhûru redîdir, delâlet eder ki o âfetlerin sebebi ḥarâret-i sâzece vü sâriyedir. Ve teşennüçle aḥşâda ḍarebân veyâḥûd ihtilâc olur ise redâʿetine delîl olur, zîrâ ḍarebân iki emrin birine delâlet eder: Evvelkisi aḥşâda ḍarebânı taʿzîm eden veremdir. Ve ikincisi aḥşâda neḥâfet olmakla aḥşâda keşret ile dârib olan ʿırktan nabḍ-ı ʿazîmin zuhûrudur.

Ve ḥavânîkte nabḍ teşennüçünün zuhûru delâlet eder ki ḥavânîkin mevâddı aʿşâba intikâl edip teşennüç ihdâs eylemek üzeredir, ammâ zâtü'l-cenbin mevâddı aʿşâba intikâline ḍîk-ı nefesin şiddeti ve ḥummânın cidden şedîde olmadığı delâlet eder.

Ammâ sersâm mevâddının aʿşâba intikâlinin delîli budur ki o intikâlde ʿalîlin ṭarfı keşir olur yaʿnî gözlerini çok açıp ve yumup ve dişlerinde şarîr çok olur ve sonra gözleri şaşır olur ve raḳabesine ʿvicâc gelip boynu bükülür ve sonra teşennüçü fâş olup sâir maḥallerinde dahi zâhir olur.

el-Muʿâlecât: Ḍarbeden ḥâdiş olan teşennüçâtta vâcib olur ki keşk-i şaʿîr ve bâbünec ve ḥaṭmî ve boy tohumunun unu mişllilerden mütteḥaze olan neṭülât istiʿmâl oluna. Ve maḥall-i istiʿmâlini kânûnlarda biz beyân eyledik.

Ve ezâdan ḥâdiş olan teşennüçde eger o ezâ bir semmiyyetli nesne şürbünden olur ise sümüm bâbında senin bildiğin nesnelere muʿâlece olunur.

Ve eger ḥummâdan ḥâdiş oldu ise dimâğ ve aʿşâb ve ʿaḍâlât şedîdetü't-terṭîb olan merûḥât ile şedîden terṭîb olunur ve bârid olan beyte mülâzemet olunur.

Ve eger teşennüc veca'dan hâdiş oldu ise veca' teskîn olunur o veca' ta'arrûf olunup sebebi kaç' olunmakla.

Ve eger teşennüc semmiyyetli hayvânın les'asından hâdiş oldu ise bâbu'l-lüsû'da bizim beyân eylediğimiz edviyeler ile mu'alece olunur.

Ve eger sebebi verem ise bizim evrâm-ı aşab bâbında yazdığımız edviyeler ile mu'alece olunur.

Ve eger yübüsetten hâdiş oldu ise onun 'ilâcı şu'betli olur ve mu'alecesi âb-zen isti'mâli ve sonra dühn-i raṭb ile temrîh olunup defe'atle onların tekrîri olur eger ḥummâsı lâzime ve ğayr-i fâtire değil ise. Ve bi'l-cümle mefâşılını âb-zene idhâl ve ba'dehu temrîhte ta'ahhüd olunur eger mümkün değil ise.

Âb-zen o sudan ittiḥâz olunur ki onda varaḳ-ı ḥilâf ve keşḳ ve benefşec ve nîlüfer ve ḳar' ve ḥıyâr ṭabḥ olunmuş ola veyâḥüd onun âb-zeni yalnız ḳar' uşâresinden veyâḥüd kıssâ uşâresinden veyâḥüd onun âb-zeni o mâ-ı verdden ittiḥâz olunur ki onda zıkr olunan edviyelerin biri ṭabḥ olunmuş ola veyâḥüd âb-zen biṭṭîḥ-i Hindî suyundan veyâḥüd mâu'l-ḥilâftan ve o mişlli suların birinden ittiḥâz olunur.

Ve müteşennicün için zıkr olunan uşârâtın ve edhândan müdessime-i muratṭıbe olan süllâkât ile ḥuḳneler ittiḥâz olunsa şedîdü'n-nef' olur. Ve mefâşıl üzere ve menâbit-i a'sâb üzere edhân isti'mâl olunup o mevâdi' edhân ile isti'râb olunur. Merreten-ba'de-uḥrâ isti'râb ve taḡrîḳ oluna. Ve emr-i dimâġa cidden 'inâyet olunup terṭîb-i dimâġda bizim ta'lîmimiz gibi terṭîb-i dimâġ dahi olunsa ziyâde nef'i olur.

Ve ḥummâsı olmayan teşennüc aşḥâbına leben-i ḥalîbden şey'-i şâlih saḳy olunsa nef'i olur, ammâ mâ-ı ḳar' ve mâ-ı şa'ır ve mâu'l-biṭṭîḥi'l-Hindî ve cüllâb her ḥâlde saḳy olunsa nâfi'dir gerek teşennüc ile [261a] ḥummâ olsun ve gerek ḥummâsı olmasın. Ve bu devâları tenfîz için bunlara şarâb-ı ebyaḍ-ı raḳîḳten miḳdâr-ı ḳalîl ḥalṭ olunsa tedbîr-i şâlih olur. Ve o devâların sularına dahi şarâbdan bir şey' ḥalṭ olunup memzûcen isti'mâl olunur. Ve vâcib olur ki bu mu'alecâta müdâvemet olunup 'alîl ḥareket ettirilmeye ve riyâdete dahi mülâzemet ettirilmeye. Ve bedenini bi-külliyetihi dühn-i müftire ġams eylemek mümkün olur ise ġams oluna. Ve ona edhân u uşârât-ı muratṭıbeler ile se'ûṭ oluna. Ve bundan aḳdem senin bildiġin muratṭıbât-ı re's ile başı terṭîb oluna. Ve vâcib olur ki bezr-i ḳatûnâ ve

dühn-i verd isti'mâlinde sebât üzere olalar. Ve terencebîn sakıyı onlara nâfî'dir huşuşan teşennüc-i şıbyâna ziyâde nâfî'dir. Ve eger terencebîn şıbyâna sakı mümkün olmaz ise mürdî'asına sakı olunur.

Ve teşennücü raṭb olan kimsenin kuvveti daṭfe olur ise anlardan luḥûm kaç olunmaz velâkin vâcib olur ki onlara aşâfir ve kanâbir ve kıbâc ve tayâhic laḥmları mişli luḥûm-ı yâbise içâm oluna. Ve eger teşennüc-i raṭb aşhâbının kuvveti kavıyye ise onun gıdâsı ḥubz ile 'asel ve mâ-ı ḥımmaş ile şıbs ve ḥardal kılınır ve kezâlik mürri ile dahi taḡdiye olunur ve her hangisi içâm olunursa mütenâveline fülful katılır.

Ammâ teşennüc-i yâbis aşhâbının gıdâsı murattıb ve müleyyin aḡdiye olur, mâ-ı şaṭır ve dühn-i levz ve sükker-i fâikten mütteḥaz olan ḥasv mişli düsûmetli ve müleyyin aḥsâlar ile taḡdiye olunur. Ve kuzu ve oḡlak etinden mütteḥaz olan mâ-ı laḥm ile dahi taḡdiye olunur, lâkin o mâ-ı laḥma laḥmın ezâsını kâsire olan buḡul ḥalt olunur eger 'alilde ḥarâret var ise. Ve o gıdâyı tenfiz eylesin için kalîlü'l-mikdâr ona şarâb ḥalt olursa şavâbdan baṭd olmaz huşuşan 'alilde ifrât üzere ḥarâret olmaya. Ve bu mişlidir 'alilin içtiği suya şarâb karıştırılmak.

Ve bu mezkûrlar teşennücün aḡdiyeye müte'allik tedâbiri idi ve ammâ 'ilâcının beyânı budur ki ona vâcib olur ki kavî istifragât eyleye ve kavî tenkiyeler isti'mâl eyleye. Biz onları aşabdan ḥalt-ı ḡalîzi müşilât ile ve ḥuḡun ile istifrag bâbında zıkr eyledik. Ve eger sen o 'illette 'alâmât-ı demi vâdih ve yakînen gördün ve bildin ise evvelâ faşd eyle ve huşuşan ki ruṭbet-i imtilâ şarâb-ı keşir şürbünden nâşiye ola, o vaḡt evvelâ faşd olunmak ziyâde mühimm olur velâkin iḥrâcî lâzım gelen miqdârdan dem noḡşan iḥrâc olunur bir miqdâr dem bâkî kalıp teşennüce muḡâvemmet eylesin için ve ḥarekât-ı teşennücü ile müteḥallil olsun için.

Ve teşennüc-i raṭbın mu'alecâtından olur mâ-ı ḥamette münḡamis olup dalmak. Ve bizim evcâc-ı mefâşılta zıkr edeceğimiz vech üzere içinde tilki ve sırtlan ṭabḥ olan zeyt içinde oturtmak nâfî'dir. Ve sırtlan şaḡmyıla ve dühn-i süsen ile ḥummâsı olmayanlar temriḥ olunur. Ve kezâlik köpek eniklerinin ṭabḥi ile temriḥ olunur. Ve o suda dahi iclâs olunur ki onda ḡaysûm ve varaḡ-ı suḡd ve ḡaşabu'z-zerire ve defne yapraḡı ṭabḥ olmuş ola. Ve ona o leṭûḡ dahi nâfî'dir ki o leṭûḡ şevketü'l-Yehüdiyye kökünden

ve şevketü'l-beydâ bezrinden ve şevketü'l-Mışriyye bezrinden ve kañtu-riyün-ı daķık uşâresinden müfredeten ve mürekkebeten müttehaz ola.

Ve ma'ûm ola ki âb-zende ve âb-zen mişlilerde müteşennicin tûl-i kıyâmı kuvveti irhâsı sebebiyle muđırır olur, binâen 'aleyh tûl-i meks bedeline teksîr-i 'aded ikâme olunur, meselâ âb-zende beher yevm iki sâ'at meks iktidâ eylese bir def'a cülûsta iki sâ'at meks ettirilmez belki her gün iki def'a âb-zene idhâl olunup her bir def'asında birer sâ'at meks ettirilir.

Ve teşennücden bir şımf vardır ki bedene 'âmm olur ve ona tâtânis tesmiye olunur. Eđer o teşennüc ve kezâlik temeddüd âfetleri mâdde sebebi ile hâdiş olur ise o iki âfet şâhiblerini bârid olan suya def'aten ilkâ eylemek nâfi' olur fâđıl İbokrât'ın beyân eylediđi üzere, zîrâ mâ-ı bârid ile bedenin zâhiri tekâşüf eder ve hârr-ı ğarîzî bedenin bâtınında muhtebe olup ve kuvvetlenip teşennüc ve temeddüde sebep olan mevâddı taħlîl eder. Velâkin her bedende bu menfa'at selîmen 'ani'l-haţar hâşıla olmaz belki bu menfa'at şâbb-ı kavî vü laħîm olup kurhası olmayan bedende ve eyyâm-ı şayfta hâşıla olur. Ve bir kavm bu tedbîr ile 'âfiyete eriştiler.

Ve sen müteşennicünün veterinin âheri mümtedd olduđu mevdi'de bilâşart mehâcim isti'mâl eyle eđer teşennüc hafif ise. Ve eđer teşennücdede ħiffet olmaz ise şarta ħâcet yoktur, zîrâ 'adem-i ħiffet şüretinde şart olunmasa vađ'-ı mehâcim ile mevâdd müncezibe olmakla teşennüc mütezâyid olur. Ve mehâcimin maħall-i vađ'ları raķabe ve feķâr-ı zahrın yemîn ve yesârı ve şadrda olan 'adaller olur. Ve eđer teşennücdede bevl tarîkinden demin ħurûcu ħavf olunur ise o zamân meşânenin ħuddâmına ve külye mevdi'i üzere dahi mehâcim vađ' olunur; mâ-'adâ vaķtlerde o iki mevdi'e miħceme vađ' olunmaz. Ve lâyıķ olur ki mehâcim keşret üzere vađ' olunmaya ve def'aten dahi vađ' olunmaya. Ve miħceme vađ' olunan mevâdi'ler muħâfaza olunup tebrîd olunmaya, zîrâ mevdi'-i miħcemenin tebrîdi ile bi'l-cümle beden müteberrid olup muđırır olur.

Ve yine teşennücün 'ilâcındandır mevdi'-i teşennüc rıķ ile tesviye olunmak.

Ve teşennücün 'ilâc-ı tabî'isinden olur ħummâ-ı hâdde 'arıđa olmak, onun için İbokrât dedi ki evvelâ teşennüc ve ba'dehu ħummâ 'arıđ olmak, evvelâ ħummâ hâdiş olup ba'dehu teşennüc 'arıđ olmaktan ħayrlı olur.

Ve hūmmā-ı rubu'un hūdūsunun dahi teşennüce menfa'ati olur, zîrâ rubu'un nâfi'dinde olan za'za'a mevâddı a'sâbdan nef'd eder ve rubu'un keşret-i 'arâkı ile dahi mevâdd taḥallül eder. Ve hūmmā-ı rubu'u olan kimseye teşennücin hūdūsu ḳalîl olur, zîrâ rubu'-ı teşennücden emân olur.

Ve teşennücin mücerreb mu'âlecât-ı 'acîbesindendir müteşennic olan 'udv üzere elye ya'nî değirmi kuyruğu olan ḥayvânın kuyruğu vađ' olup netn ve 'ufûnet 'arıda oldukça tecdîd eylemek.

Ve cem'ân bedene 'âmm olan teşennücin mu'âlecât-ı nâfi'asındandır dimâğın tenkîyesini ḳaşd edip 'atûsât isti'mâl eylemek, zîrâ 'atûsât-ı münaḳḳıyenin o teşennüce menfa'at-i 'azîme[si] olur.

Ve mücerreb mu'âleceden olur rıḥv olan şūf-ı keşirden ḳılâde ittiḥâz olup üzerine vaḳt vaḳt dühn-i ḥâr saçmak. Ve ḥammâm-ı yâbisin menfa'at-i 'azîmesi olur. Ve taş kızdırılıp üzerine şarâb saçıldıktan sonra buḥârı üzere 'alîli kebb eylemek dahi nâfi'dir. Ve 'alîl üzerini şiyâb ile örtüp terletmek dahi nâfi'dir. Ve onlara ḍimâd-ı ceyyiddir o merhem ki mey'a-i sâile ve ferfiyûn ve cünd-i bîdester ve şem'e-i aşfer ve dühn-i süsünden ittiḥâz oluna. Ve aḳrabâdinde mezkûr olan merâhim dahi nâfi'dir. Ve şuḥûm ve ğayr-i mezkûrlar dahi nâfi'dir. Ve şîrûğan dühnünün tortusu ile teşennücü temrîḥ dahi nâfi'dir. Ve bezr-i kettân dühnü ile ve boy tohmu lu'âbı ile dahi temrîḥin menfa'ati vardır.

Onlara menfa'atli kimâddan olur meḥâric-i a'sâb üzere milḥ-i müsahḥan ile tekmi'd eylemek. Ve onlara hūmmâ celb edip mevâdd hūmmâ ḥasebiyle taḥallül eylesin için cünd-i bîdester ve ḥılît 'asel ile ma'cûn olup cevze miḳdârı saḳy olunur ve saḳy olunduğu mekânda hūmmâyı celb edip teşennücü taḥlîl eder. Ve kezâlik mâ-ı 'asel ile dühn-i ḥırva' ve ḥılît ve ḥabb-ı belesân taḥbîḥi nâfi'dir.

Ve teşennüce cidden menfa'ati olur tiryâḳ ve ma'âcîn-i kibârı saḳy eylemek. Ve müdirrât isti'mâlinin dahi menfa'ati olur.

Ve bu devânın menfa'ati dahi mücerrebdir, nüshası budur: fuṭrun kökünden yirmi dirhem aḥz olup iki rıtl su içinde sülüşü bâḳî kalınca ḳadar taḥbḥ olup o maṭbūhtan fâtiren dört evâḳî maṭbūḥ iki dirhem dühn-i levz ile şîrb olunur. Ve bu devânın menfa'ati ziyâde olur ḥuşūşan teşennüç ḥalf cânibine mâil olur ise nefî ezyed ve ekşer olur. Ve ba'dı kerre aşl-ı fuṭr

bedeline ḥabb-ı belesāndan on dirhem [261b] ṭabḥ olunup miḳdār-ı şerbet-i vāhidesi üç evākī olur. Ve fūtenec-i berrī dahi ṭabḥta ve şerbeti miḳdārında ḥabb-ı belesān gibi olur.

Ve teşennüce menfa'ati şedīde olan edviyedendir cāvşīri saḳy eylemek. Eger 'alīl olan kimse ḳavī olur ise bir mişḳāl cāvşīr saḳy olunur ve eger ḳuvveti vasatı'l-ḥāl ise dirhem-i vāhid saḳy olunur ve eger da'ifü'l-ḳuvve ise rubu' dirhem cāvşīr saḳy olunur. Ve şūret-i ahīrde mi'deye mūrā'at olunup mi'deyi da'if kılıcı nesnelere muḥāfaza lāzım olur, zīrā 'an-aşl mi'de da'if olduğundan mā'-adā cāvşīr dahi mi'deyi ziyāde da'if eder.

Ve teşennüci olan kimseye burçak ḥabbesi ḳadar ḥıltūt dört buçuk evākī 'asel ile saḳy olunur. Ve kezālik uşşak dahi ḥıltūt gibi saḳy olunur. Ve ba'dı kerre bu devāların küllisi zūfā ṭabīḥi ile dahi saḳy olunur ve encudān ṭabīḥi ile dahi saḳy olunur.

Ve teşennüci mu'alecātında cünd-i bīdesterin nef'i ekser ve maḍarratı eḳall olur. Ve cünd-i bīdesterin şerbet-i vāhidesi iki mil'aḳa miḳdārı olur velākin def'aten isti'māl olunmaz, defe'at-ı keşīrede azar azar isti'māl olunur. Ve eger cünd-i bīdester ba'de'ta'ām saḳy olunur ise 'alā-küllü ḥāl onun maḍarratı eḳall-i ḳalīl ve nef'i celīl olup onda ḥaṭar olmaz.

Ve teşennücin mu'alecātından olur ḥırva' ve sezāb ve ḳuşt ma'a-cünd-i bīdester ve 'ākırḳarḫā dūhnleri gibi edhān-ı ḳaviyyenin biriyle temrīḥ eylemek, zīrā bu vech üzere mevḍi'-i teşennüci temrīḥ ziyāde ve cidden nāfi' olur. Ve kezālik erinmiş kuyruk ve dūhn-i nercis dahi nāfi'dir.

Ve o dūhn dahi nāfi'dir ki onun şıfatı budur, nüshası: nārdīn dūhnünden ḳışt-ı vāhid ve dūhn-i ḥuḍaḍ. Kezālik bir ḳışt şem', iki evḳıyye ca'de ve ḥamāmā ve mey'a ve maşḳakī, bunların her birinden birer evḳıyye, fūlful ve ferfiyūnun her birinden dört mişḳāl, sūnbül bir ūḳıyye, dūhn-i belesān bir ūḳıyye bu mezkūrlar cem' olup isti'māl olunur.

Ve yine cidden nāfi' olur müteşennic olan 'uḍv üzere ferfiyūn dımādı isti'māl olunmak.

Ve eger teşennüci mürḍi'alara 'arīḍ olur ise onlara kifāyet eder mafşal-ları üzere 'asel ile za'ferān ve aşl-ı süsen ve enīsūn ma'cūn kılınıp dımād olunmak, lākin bu eczāların ekseri aşl-ı süsen ve ba'dehu ekser olan enīsūn olup za'ferāndan miḳdār-ı yesīr olmak üzere. Ve onların a'ḍāları müdāve-

met üzere o taḫbîḥ içre konulur ki onda bâbūnec ve iklîlî'î-melik ve ḫulbe taḫḫ olunmuş ola. Ve ba'ḏı kerre a'ḏâda vaḏ' olunan suda yalnız babadya yaḡı vaḏ' olunur.

Ve teṣennüci-i raḫḫ aṣḫâbına ba'ḏı kerre miḑdâr-ı ḫalîl şarâb dahi nâfi'ci-dir, o şarâb ruḫûbet-i müşenneceyi taḫlîl ve ḫummâ gibi ḫall eder, ammâ şarâbın miḑdâr-ı keṣîri teṣennüci bâbında aḏarr-ı eṣyâ ve ḫavî sebep olur. Ve vâcib olur ki şarâb saḫy olundukta şarâb-i 'atîḫten miḑdâr-ı ḫalîl saḫy oluna, o miḑdâr-ı ḫalîl 'alîle ta'âm tenâvül eyledikten sonra saḫy oluna.

Ve ma'lûm ola ki kaçan teṣennüci yüzden mâ-'adâ cemî'an bedene 'âmm olsa eṭṭibbâ ḏımâd ile mu'âlece eylediklerinde feḫârât-ı 'unuḫı ḫaşd ederler. Eger teṣennüci cemî'i bedende olduḡu gibi yüzde dahi olur ise o ḏımâdât ile feḫârât-ı 'unuḫı ḫaşd eyledikleri gibi dimâḡı dahi ḫaşd ederler.

Ve eger teṣennüci mi'ce müşâreketi ile olup ve onun bundan aḫdem zîkir olunan 'alâmetleri bilinir ise o 'alîli kusturmaḡa mübâderet eyle, zîrâ ba'ḏı kerre mirre-i ḫârre ve ḫıltı-ı 'afin ḫay' edip sâ'atinde bür' ḫâşıl olur.

Dördüncü Faşl Küzâz ve Temeddüd Beyânındadır

Temeddüd bir marâḏdır ki 'uḏv-ı âliye ya'ni besâyıttan mürekkeb olan 'uḏva 'ârîḏ olup o 'uḏvun ḫuvve-i muḫarrikesi ḫabḏ olunmak şânından iken ḫabḏdan men' eder 'aḏalde ve 'aşabda âfet olmak ḫasebiyle.

Ammâ küzâz lafzı ma'ânî-i muḫtelifede isti'mâl olunur. Ba'ḏı kerre küzâz ile o temeddüdü murâd ederler ki 'aḏalât-ı terḫuvetten ibtidâ edip ḫuddâm cānibine veyâḫūd ḫalf cānibine veyâḫūd iki cāniblere ma'an temeddüd eder. Ve ba'ḏı kerre dahi her temeddüde küzâz ıtlâḫ olunup onları elfâz-ı müterâdifeden 'add ederler. Ve ba'ḏı kerre dahi teṣennüci'nin kendiye küzâz ıtlâḫ ederler. Ve ba'ḏı kerre dahi ḫâşşaten 'unuḫta olan teṣennüce küzâz ıtlâḫ ederler. Ve ba'ḏı kerre dahi sühûnetten olan temeddüde ve iki taraftan ya'ni ḫuddâm ve ḫalften olan temeddüde isti'mâl ederler. Ve ba'ḏı kerre küzâz ismini berd-i mücemmidden ḫâdiş olan temeddüde ḫâşş kılarlar. Ve fi'l-ḫaḫîka temeddüd teṣennüci'nin ḏıddı olur velâkin teṣennüci nev'i'nin cinsinin temeddüd nev'i-i âḫeri olup ikisinden her biri cins-i vâḫidin birer nev'i olur, insânla feres iki ḏıddlar olup cins-i ḫayvândan her biri birer nev' oldukları gibi.

Ve temeddüd ile teşennücün 'arıd olmaları sebab-i vâhîde müstened olur her ne miqdâr kendileri biri birlerine çıdd olurlar ise, zîrâ sebab-i vâhid-i mezkûr ile 'aşab kıddâma veyâhüd hâlfе yalnız bu iki cihetten birine müncezib olur ise o incizâba teşennüc tesmiye olunur. Ve eger o sebab ile 'aşabın incizâbı ma'an iki cāniblere [ma'an] olur ise o iki teşennücden temeddüd hâşıl olur ve ona 'örfen teşennüc itlâk olunur her ne kadar teşennüc müteďā'ıf ise. Ve vācib olur ki bu teşennüc-i müteďā'ıf teşennüc-i basīţten hiddetli ve buhrānı sür'atli ola. Ve vācib deđildir ki bu teďā'uf her bār iki teşennücden hāşıl ola belki iki temeddüdden dahi teďā'uf hādiş olur. Ve ekşer-i hâlde teşennüc veca'ı şedīdden hālī olmaz.

Ve küzāzın esbābı min-vechin teşennücün esbābına müteşābih olur ve min-vechin muhālif olur. Ammā vech-i müşābehet budur ki küzāz ba'dı kerre imtilādan olur ve yübüsetten dahi olur. Ve 'uđv-ı 'aşabīye lāhık olan ezādan dahi olur. Ve evrāmdan dahi küzāz hādiş olur, nitekim teşennüc bu vechle hādiş olduđu gibi.

Ve ammā vech-i muhālefet budur ki teşennücün rīhten hūdūsu nādir olur ve küzāzın riyāh-ı mümidde sebebiyle hūdūsu ekşer olur ve belki iki teşennücden mürekkeb olan küzāzın ekşeri riyāhın bedene istilāsından olur. Ve bu vech ile olan temeddüd 'illet-i şa'be olur. Ve 'uđv-ı vāhidde rīh hasebiyle olan teşennüc-i müfred dahi o teşennüc-i mürekkeb gibi şu'übetli olmaz, zîrâ rīhī olan teşennüc-i müfredde rīh cümle bedene müstevlī olmaz. Lākin teşennüc-i müfredde dahi ba'dı kerre rīhin galebesi olup o dahi hātarlı olur ve mevte dahi 'alāmet olur. Ve müfred-i rīhī teşennüc-i rīhin galebesinde mevte 'alāmet oldukta muďā'af-ı rīhīnin mevte delāletinden eşedd ve şiddeti dahi ezyed olur. Ve vech-i āherden dahi küzāzın sebebi teşennüc sebebine muhālif olur, o vech budur ki teşennüc-i mādīnin sebebi 'aşabdan bir mevďī'de bir hey'et üzere vāķī' olur ki o 'uđvu inbisāttan men' eder, zîrâ o hey'ette 'aşabın lifleri 'arđan temeddüd edip aşl cānibine kabđ olup 'uđv müteşennic olur. Ammā küzāz-ı mādīde mādīnin 'aşab üzere vuķū'u bunun hīlāfı üzere olur, zîrâ mādīnin 'aşab üzere küzāz-ı mādīde vuķū'u iki vech üzere olur:

Vech-i evvel budur ki küzāz ihdās eden mādde a'şabın elyāfı arasına tahallül edip girer ve cāmide olup donduktan sonra şalābet üzere kalıp 'uđvun inbisāttan inķībāda rücū'u 'usretli olur.

Ve vech-i şānī budur ki mādde ʿaşab üzere defʿaten vākīʿa olur ve elyāf arasına taḥallül eylemez lâkin her lifin fûrcelerine girer ve lifin tûlde olan mesâmmlarını doldurur bir ḥāl üzere ki lifin tûlü ne artar ve ne eksilir ve mevâddın nisbeti lifin nisbeti gibi olur. Ve mevâddın bu vech üzere lifleri doldurması lifin tûlünü muḥāfaẓa edip inḳıbāda mānīʿ olur. Ammā teşennüci fāʿil olan maddenin vaḍʿı muḥtelif olur, zīrā mevâddın elyāfına nüfûzu müteşābih olmaz ve kezālik keşret üzere nüfûzu dahi olmaz ve zann olunur ki küzāzda maddenin elyāfa nüfûzu istirḥāda maddenin elyāfa nüfûzu gibi olur [262a] lâkin istirḥāda mādde raḳīka olmakla elyāfı irḥā eder ve müsterhā olan ʿaşab ʿuḍvu taḥrīke ḳādir olmaz. Ammā teşennücede mevâdd cāmide ve şulbe olur, ʿuḍvun inbisāṭını ḥıfẓ edip inʿiṭāfına ve inḳıbādına mānīʿ olur.

Ve gāhice küzāzın māddesi ʿaḍal ve veter ve ʿaşabdan birinin vasaṭında olmaz belki mebdeʿinde olur. Ve ʿaşab ve veter o mevâdd-ı müzīnin ezāsından çekinip ḥafir olur yaʿnī tûlü noḳşān olur ve inḳıbāda ʿuḍv ḳādir olamaz ve gāhice dahi o maḳāmda verem olmakla küzāz ḥādiş olur.

Ve baḍı kerre dahi mevâdd esnā-i elyāfta bir vech üzere vākīʿa olur ki kaçan ʿuḍv ḳabḍ olursa elyāf mevâdd ile münḍaḡıt olup sıkışır ve o inḍiḡāṭtan vecaʿ ḥādiş olur.

Ve baḍı kerre dahi icāʿ ve izā eden mevâdd ve keyfiyyāt-ı mücerrede ʿaḍalin veyāḥūd veterlerin mebādīsinde olup ʿaḍal ve veter tûlen o ezādan hereb eder ve kaçır. ʿUnfle olan ḳayʿ ve istifrāḡ-ı keşirden sonra ḥādiş olan küzāzdan bir nevʿ vardır ki bu ḳabilden olur ve benzer ki ʿaşabın ve veterin bu vech üzere olan ḳayʿda teʿezzisi miʿde müşāreketiyle olur.

Ve kaçan sebep-i küzāz yübüset olur ise onun vechi bu olur ki ruṭūbātın inḥilāli ḥasebiyle ʿaḍalin ʿarḍı noḳşān üzere olur ve ʿarḍın noḳşānından lā-maḥāle ʿaḍalin tûlü ziyāde olur ve menāfizi ḳabḍ olunup ḳuvve-i muḥarrikeye menfezi mesdūd olmakla ḍaʿf gelip ʿuḍvu ḳabḍa ḳādir olmaz. Ve yübüsetten ḥādiş olan şalābet dahi ʿuḍvun ḳabḍ olmamasına muʿin olur.

Ammā teşennüci-yābiste mevâddın inḥilāli inşivā ṭarīki ile olur yaʿnī āteş üzere kebāb olan laḥmın ve derinin ruṭūbetinin inḥilāli gibi olup tûlen ve ʿarḍan ʿaşab ve veter noḳşān üzere olur, zīrā teşennüci-yābis küzāz-ı yābisten ziyāde redī olur. Ve istirḥā baḍı kerre ḳaṭḥ ḥasebiyle olduğu gibi

kezâlik temeddüd dahi ba'ḍı kerre cirāhat ḥasebiyle olur, zîrâ cirāhat 'ārîd oldukta 'uḍvun inkıbādından 'aḍal müte'ezzî olur.

Ve küzâzın ba'ḍı nev'î kavî olur sebebi ve mâddesi kavî olmak ḥasebiyle.

Ve ḥader-i imtilâi ile teşennüic vâkı' olduğu gibi o minvâl üzere küzâz dahi vâkı' olur, zîrâ ḥader-i imtilâi ile mesâlik-i rûh mesdüde oldukta 'uḍv kabḍ üzere olur ise rûhın 'adem-i nüfûzundan 'uḍvun hareketinin imtinâi ḥasebiyle 'alâ-ḥâlihi 'uḍv kabḍ üzere bâkî olur ve inbisâtı olmayıp teşennüic ḥâdiş olur. Ve eger o vakte 'uḍv münbasıt bulunur ise zıkr olunan sebebden 'uḍv 'alâ-ḥâlihi mütemeddiden ve münbasıtan bâkî kalıp temeddüd âfeti 'ārîd olur. Kaçan südde tefth olup ervâh cereyâna bed' eylese teşennüic ve temeddüdden her biri zâil olur. Bu vech ile olan temeddüd ve teşennüic ekşer-i hâlde uykudan henüz uyandıktâ vâkı' olur, zîrâ hâl-i nevmd eervâh bâtına müncezi-be olur ve uyandıktâ tedricle zâhire rüci' eder. Ve 'aḍalât-ı zâhireye 'uḍvu tahrike şâlih olacak kadar rûh gelmezden muḳaddem 'uḍv maḳbûd ise teşennüic ḥâli üzere ve mebsût ise temeddüd ḥâli üzere bâkî kalır, kaçan kuvvet 'alâ-kemâlihâ zâhire 'avdet eyledikte teşennüic ve küzâzdan her biri zâil olur.

Ba'ḍı kerre 'aḍalâta meşakkatli ve ğayr-i ḥabîrî bir hey'et 'ārîda olup kuvve-i muḥarrike 'aḍalde ḳalîle ve ḍa'ife olur veyâhüd şiddet-i veca' ile kuvvet ḳalîle olup tahrik eylemeği kuvvet taḥammül eylemez ve 'uḍv bulunduğu hâl üzere kalır; maḳbûd ise teşennüic üzere ve mebsût ise temeddüd üzere bâkî kalır. Ve bu hâletler ḥabel ile temdîd olunanlarda ve şey'î-i şakîli kaldıranlarda ve arkasına ağır yük yüklenenlerde ve katı yer üzere uyuyup 'aḍalleri yere mümâss olanlarda vâkı' olur. Ve kezâlik 'aḍal üzere vâkı' olan ḍarbeden ve saḳtadan dahi ḥâdiş olur eger 'aḍali onların her biri raḍḍ edip ezdi ise. Ve ḳaḥḍan ve ḥaḳḳ-ı nârdan dahi ḥâdiş olur eger 'aḍal o sebebler ile müteveccî' olup bi-ḥasebi'l-veca' inkıbâḍdan 'âciz olur ise.

Ve ba'ḍı kerre küzâz ile 'aḍalât-ı a'sâba mevâdd munşabbe olur veyâhüd o küzâzı olan a'ḍâda mütevellide olan riyâḥ-ı ğalîza olur veyâhüd âḥer maḥallden şâir ve müntakıl rîh olur, nitekim yüze ve a'ḍâ-i veche maḥşûş olan teşennüic redî olur, kezâlik a'ḍâ-i veche ḥâşş olan temeddüd dahi redî olur ki göz kapağına ve lisâna ve şefelere ve yanaklara 'ārîd olan temeddüd redî olur.

Ve bir nevc küzâz-ı yâbis ü redî vâki^c olur ki o küzâz hummayât-ı lâzımeden sonra qalâk ve ıdıtırâb ve bükâ ve hezeyânla vâki^c olur. O mekzûzun benzi sarı ve ağzı ve dudakları kuru ve lisânı kara ve tabî^catı mu^cteklil ve cildi müstaşhaf ya^cnî huşûnetli ve mütemeddid olur. Ve bu nevc küzâz redî olur.

Ve darbe sebebiyle hâdis olan küzâza inçkırık ve mağş [ya^cnî ince bağırsıklarda olan sancı] ve ihtilâf-ı zihn ve ‘aqlın zehâbı ve zevâli tâbi^c ve muşâhib olur ise o küzâz kıttâl olur, zîrâ o ‘alâmetlere mukârin olan küzâzda ‘adale cefâf gelir ve ruḫbât-ı ‘adalı harâret kaynatır; o galeyân ‘udvu ḫülen temdîd eder ve o ‘udvu cefâf-ı bâliğ ile hıfz eden cefâf dahi küzâzı ‘alâ-hâlihi hıfz eder.

Ve çok kerre şıbyâna dahi küzâz ‘arıd olur velâkin onların küzâzı sühuletli olur, zîrâ teşennüc bâbında zıkr olunanın kıyâsı üzere şıbyânın şığarı hasebiyle küzâzı âsân olur.

Ve çok kerre küzâzdan muḫaddem bedene ihtilâc ve şıkal ve kezâlik şıkal-i kelâm ve ‘adâlâta ve feḫâr nâhiyesine ‘uşuşa varınca kadar şalâbet ‘arıd olur ve bel^cı ‘asîr olur. Ve o ihtikâk dahi ‘arıd olur ki kaşındığında lezzet hâdis olmaz. Ve kaçan bevlinde midde ve kayḫ olup ḫabsinde ḫuşa‘rîret ve gözünde ğışâve ve başında ve boynunda ter olsa bu ‘alâmetler delâlet eder ki ḫarîbü‘z-zamânda o kimsenin iki cânibinde imtidâd hâdis olur, zîrâ bevlinde bu mişlli midde olanların ekşer-i hâlinde esfel cânibinden tenḫıye-i tâmmе ḫâsıl olmaz belki mevâddan bir şey^ḫ meşâne ile dimâğ beynine şu‘ûd edip îzâ eder ve küzâz ihdâş eder.

Ve kaçan küzâz-ı ‘âmm ‘arıd olmağa başlasa ‘alîlin ağzı kapanır ve yüzü kızıl olur ve ağrısı müştedd olur ve bir hâle varır ki içtiği su boğazından geçmez ve tarafı keşîr olur ya^cnî gözünü açıp yumması çok olur ve gözünde dümû^c ve yaş olur.

Ve teşennücle temeddüdün ibtidâ zuhûrlarının farkı budur ki ikisi dahi ‘adaleden zuhûr eder lâkin teşennüc ‘adalenin ḫareketi ile bed^ḫ eder ve temeddüd sükûnuyla ‘adaleden ibtidâ eder. Ve teşennücede zıkr olunan intikâl kıyâsı üzere temeddüd dahi ḫavânîkten ve zâtü’l-cenbden ve sersâmdan intikâl tarîkı ile hâdis olur. Ve bilâd-ı cenûbiyyede bi-ḫasebi’l-imtilâḫ keşîrü’l-vuḫû^c olur aḫlâḫın o bilâdda ḫareketi ve ḫuşuşan balğamî olanların

aḥlâṭının keşret-i hareketi için. Ve ba'ḍı kerre temeddüd bilâd-ı cenûbiyye-
de dahi ḥâdiş olur fuḍûlün o bilâdda ihtikân ve ihtibâsı ḥasebiyle. 'Ale'l-
ḥuşuş nisvânın a'sâbında ḍâf olmakla onlarda temeddüd ziyâde olur.

el-'Alâmât: Muṭlaḳan temeddüdün⁸⁶ 'alâmeti budur ki 'uḍv inḳıbâda muḥıbb ve mâil olmaz. Ve ḳuddâm cānibine olan küzâz ve temeddüdde 'alîl olan şahş boğulan kimseler gibi olup yüzünde ve gözünde ihtinâḳ eşeri olur ve yüzünde olan 'aḍallerin temeddüdü ḥasebiyle o şahşın yüzü ḍâḥik olan kimsenin yüzüne müşâbih olmakla o kimse ḍâḥik olmak üzere taḥayyül olunur. Ve başı ḳuddâm cānibine müncezib olup bâriz ve âşikâr olur. Ve boynu mümtedd olup iltifâta ḳâdir olmaz ya'nî iki taraftan birine taḥvîl olmaz. Ve 'aḍal-i baṭnda dahi ba'ḍı kerre imtidâd olup ḳuvve-i dâfi'ada dahi ḍâf olmakla tebevviile iktidârı olmaz. Ve ba'ḍı kerre dahi meşâne 'aḍali dâimâ mütemeddid olup münkabıḍa olmaktan imtinâc ve 'işyân üzere olmakla min-ğayri irâdetin bevl eder. Ve ba'ḍı kerre dahi şiddet-i inḍigât ile damar tefeccür etmekle dem bevl [262b] eder. Ve ba'ḍı kerre dahi temeddüdü ḳuddâma olanlara inçkırık dahi 'arıḍ olur.

Ve eger temeddüd ve küzâz ḥalf cānibine olur ise onun 'alâmeti budur ki baş ve omuzlar ve 'aḍal ḥalf cānibine müncezib olur, zîrâ ḥalfin 'aḍallerinin imtidâdından 'aḍalât-ı baṭnda dahi bi'l-müşâreket temeddüd olur ve 'aḍalât-ı baṭnın temeddüdünden zıkr olunan 'avarıḍ 'arıḍa olur. Ve maḳ'adede olan 'aḍal dahi temeddüd etmekle mi'â-i müstaḳîmde olan şüflü imsâke ḳâdir olmaz. Ve em'â-i diḳâḳtan dahi şüfl istinzâl olunmaz ve diḳâḳın şüflü maḥallinde muḥtebesen bâḳî kalır ve ḥalf cānibine olan temeddüd ile ḳuddâma olan temeddüdü bu 'avarıḍda şerîk olurlar ya'nî ikisinde dahi ihtinâḳ ve seher ve vecac ve bevl mâiyyeti ve bevlde keşret-i riyâḥla nefâḥat-ı keşire ve esirrede suḳût olur ya'nî göbeği düşer.

Ammâ temeddüd-i raṭb ve temeddüd-i yâbis ve temeddüd-i veremî ve ezâdan ḥâdiş olan temeddüd işbu mezkûrların 'alâmetleri teşennüc bâbında zıkr olunan 'alâmât kıyâsı üzere olur. Ve ekşer-i ḥâlde temeddüd-i bârid aşḥâbına ḳülinc 'arıḍ olur bürüdet ḥasebiyle.

86 “Muṭlaḳan temeddüd”den murâd temeddüd gerek ise ḳuddâma ve gerek ise ḥalfe ve gerek ise hem ḳuddâma ve hem ḥalfe olsun demektir.

el-Mu'âlecât: Temeddüdün 'ilâcî bi-'aynihi teşennüc 'ilâcî olur ve temeddüde isti'mâl olunan mehâcim teşennüde müsta'mel olan mehâcimden ekser ve ezyed olmak lâzım olur, zîrâ harâret keşret-i mehâcim ile istirdâd ve istircâ olunur ve harâret ile mādde-i temeddüd taḥallül eder. Ve temeddüd için vađ olan mehâcimde şart olunmak lâzımdır ḥuşuşan feḳ ârâta ve 'unuḳa ve şerâsîfe müte'alliḳa olan 'adalât ve a'sâb üzere vađ olunan mehâcimde şart olunmak ziyâde lâzım olur.

Ve kaçan şiddet-i veca' ile veyâḥûd 'ilâc için isti'mâl olunan edviye ile mekzûz terlese vâcib olur ki o ter sovuyunca kadar terk olunmaya belki ıslanmış bir kıt'a şûf ile o ter neşf ve aḥz oluna. Ve ba'dı kerre zeyt-i müsahḥan içinde mekzûz oturtulur, zeyt-i müsahḥan kuvvet ile taḥlîl eylediği için. Ve cāvşir dahi saḳy olunur kuvvet ve da'fina 'alîlin i'tibâr olunup da'ife dirhemden eḳall ve aḳviyâya dirhem miḳdârına varınca kadar saḳy olunur. Ve ḥiltit dahi bu minvâl üzere saḳy olunur.

Ve küzâzın mu'âlecesine müsâra'at mu'âlece-i teşennüce müsâra'atından ziyâde olur, zîrâ küzâz kâtil ve ḥânıḳ ve müzîdir.

Ve küzâz ve teşennücün mu'âlecâtında eḫbânın zıkr eyledikleri devârlardan olup cidden nâfi' olur turak otunun sülâḳası taḫḫ olunup ḥâl-i taḫḫta içine sırtlan ve kelb ve tilki yavruları tarḫ olunup teherrî edince kadar taḫḫ olunduktan sonra o matbûḫa 'alîl iki def'a girdirip meḳş ettirmek.

Ve kezâlik küzâza nâfi' olur ḥımâr-ı vaḫşî şaḫmıyla 'alîli temrîḫ eylemek ve geyik şaḫmıyla ve arslan ve ayı ve sırtlan şaḫmları ile müfredeten veyâḥûd edviye-i sâire ile mürekkeben temrîḫ dahi nâfi'dir. Ve dühn-i sezâb ve cünd-i bîdester ve ḳanḫuriyûn ile ihtikân eylemek ve ḥamûlât-ı lâzi'ayı ve ḥāddeyi taḥammül eylemek dahi nâfi'dir bürâḳiyyeti ḥasebiyle. Ve kezâlik şaḫm-ı ḥanzal mişlliler dahi nâfi'dir. Ve eger bu edviyeler ifrâḫ üzere iḫrâḳ eder ise o muḫrıḳ ihtikândan sonra eşek sütüyle ve semn ile ve kuyruk yağıyla müfredeten veyâḥûd zıkr olunan şuhûmun biri ile terkîb olduğu ḥâlde âḫer kerre ihtikân dahi olunur.

Ve temeddüd-i bârid-i raḫba enfa' eşyâ cünd-i bîdester olur ve bu devâyaya te'âḫüd eylemek gerektir.

Ve aşḫâb-ı küzâza gerektir ki ta'âm tenâvül eylediklerinde loḳmalarını taşgîr ve tađ'if eyleyeler ve ḥasv-ı raḳîḳi vecûr ile boğazlarına isâle ede-

ler. Ve loğmayı ibtilâc'dan hâzer edeler, zîrâ onlara loğmayı belc eylemek şu'ûbetli olmakla yutmak şadedinde oldukları loğma burunları deliklerine kaçır, o sebebden muđtarib olup cilletleri artar.

Ve mezkûza sađy olunacak devâları ve ađdâlarına ve mađcadelere sürünecekleri ve dühn-i hınnâ gibi olan merühât-ı säireleri ve se'ûfât ve c'atûsâtları cemî'an akrabâdinde biz zıkr eyledik. Ve onlara c'atûsâtların hayırlısı o mey'adır ki mümiyâi ola ve bađdı edhânla mađlûğ ola. Ve küzâz-ı ruđübî aşhâbına řabîrî olan ĥummâ ĥayr[ı] c'ılâc olur.

Beşinci Faşl Lağve Beyânındadır

Lağve⁸⁷ bir c'illettir ki yüzde olan ađdâ-i âliyyeye c'arıđ olur ve onda yüzün bir şıkkı cihet-i ġayr-i řabîrîye müncezib olur ve yüzün hey'et-i řabîrîyesi müteğayyire olur ve iki dudakların iltikâları cevdet üzere olmaz. Ve kezâlik lağve olan řarafa göz kapaklarının dahi cevdet-i iltikâları zâile olur ve yüzün c'adaleleri dahi müteşennic olur. Ve o c'adalelerin ve aşâblarının menâbiti teşriř bâbında senin ma'lûmun oldu.

Ve istirhâ sebebi ile ĥâdiş olan lağvede eger istirhâ kavî olursa yüzün müsterhî olan şıkkı kuvvet ile müncezib ve mâil olur. Ve o şıkkın kuvvet-i incizâbından şıkk-ı âher dahi müncezib ve müsterhî olup o şıkk-ı âherin dahi hey'eti müteğayyire olur. Ve eger müsterhî olan şıkkın istirhâsı đarf olur ise o istirhâ kendiyeye ĥâşş olup şıkk-ı âhere sârî olmaz.

Bu mađâmda nüşha-i sultâniyyede bir ĥilâf mezķürdur ki o ĥilâf řab ile olan nüşhalarda mezķür deđildir, c'ibâreti budur: “عند بعضهم إن الاسترخاء في الجانب السليم وهو جذب الاعوج وليس بمعتمد ومنهم قولس Ya'nî “Yüzün iki cānibinden selīm olan cānib me'ūf olan şıkkı kendiyeye cezb ve şıkk-ı me'ūfu ıřlâĥ kaşd eylediđinden ve şıkk-ı me'ūfun istirhâsı cānibine istirhâ ve onda cezb için tecemmuř eder ve o tecemmuř da cānib-i řaĥihte řvicâc ĥâdiş olup şıkk-ı selīm muřvecc ve şıkk-ı me'ūf selīm görünür diye eřıbbâdan bir cem'at ve Koles dahi zāhib oldular velâkin bu řavlı muřtemed deđildir.”

87 “Lağve” c'uķâb dedikleri kuşun ismidir. Bu marađ aşhâbı o kuşa müşâbih olmakla ismi isti'âre olundu. Vech-i müşâbehet budur ki o kuşun şıđıkları ya'nî avurdu vâsî'edir ve minķârı eđridir ve her nazar edenler o kuşu gördüklerinde başını bir řarafa mâil görürler. Bu vechler cemî'an bu marađ aşhâbında mevcûde olmakla lağve ismi ona isti'âre olundu.

Bu ‘abd-i fakîr-i mütercim der ki bu kavil her ne kadar İbn Sînâ ve ekser-i muşannifîn katında merdûd ise lâkin fühûl-i eţibbânın kavli olmakla bu kavli şıhhate takrîb eder bir vechten lâzımdır; o vechi bilmek bir mukaddime temhîdine muhtâc olur. Ve o mukaddime budur ki şıkk-ı me’ûfta mādde-nin şüflü hasebiyle olan istirhâ ve meyl dört vechten hâli olmaz, zîrâ şıkk-ı me’ûfun meyli yâ cānib-i vahşisine olur veyâhûd cānib-i insisine olur ve ‘alâ-kele’t-takdîreyn o meyl ve istirhâ yâ kuvvet ile olur veyâhûd da’f ile olur. Ve eger şıkk-ı me’ûfun istirhâsı vahşî cānibine olup ve istirhâ kavî olur ise o şıkk-ı me’ûf şıkk-ı selîmi şıkk-ı selîmin cānib-i insisine iki şıkkın cildeleri vâhid-i muttasıl olduklarından cezb edip şıkk-ı selîm şıkk-ı me’ûf üzere maḥmûl olur. Ve eger bu şürette şıkk-ı me’ûfun meyl ve istirhâsı da’f olursa istirhâ yalnız şıkk-ı me’ûfta olup şıkk-ı selîmde istirhâdan bir nesne olmaz ve şıkk-ı selîm şıkk-ı me’ûf üzere ḥıml ve şıkal olmaz. Ve eger şıkk-ı me’ûfun istirhâsı cānib-i cānib-i insîye olup lâkin o istirhâda da’f olur ise istirhâ yine yalnız şıkk-ı me’ûfta olup şıkk-ı selîm hâli üzere bâkî kalır ve şıkk-ı me’ûf şıkk-ı selîm üzere ḥıml ve şıkal olmaz.⁸⁸

Ve bu üç şürette zıkr olunan kavle mecâl ve şıkk-ı selîmin tecemmuḥ edip şıkk-ı me’ûfu cezbine mesâğ olmaz. Ve eger şıkk-ı me’ûfun istirhâsı cānib-i insisine olup ve istirhâda kuvvet dahi olur ise şıkk-ı me’ûf şıkk-ı selîm üzere rûkûb eder ve şıkk-ı selîm cānib-i vahşîye meyl eder. Bu şürette Koles’in kavil-i mezkûruna mesâğ olur, zîrâ mümkün olur ki şıkk-ı selîmin cānib-i vahşîye istirhâ edip onda tecemmuḥu şıkk-ı me’ûfu cezb ve ıslâh için olup o tecemmuḥ dan şıkk-ı selîme İvicâc hâdiş ola.⁸⁹

Lâkin ekser-i ‘ulemâ bu kavil-i teşrîḥe muvâfık değildir diye redd ederler, zîrâ cezb lif-i tavîl ile olur ve beynehümâda elyâf-ı mezkûre ise fenn-i teşrîḥte mezkûr değildir.

88 Bu vücut-ı erba‘a Şerh-i Esbâb u ‘Alâmât’ta Nefisî’nin kelâmından intihâl olunmuştur.

89 Bu vech-i râbî‘ ile vech-i evvelin farkı ve vech-i evvelde Koles’in kavline mecâl olmayıp vech-i râbî‘de mecâl olduğunun vechi budur ki vech-i evvelde şıkk-ı selîm maḥmûldür ve maḥmûl ḥâmilî cezb mutaşavver değildir ve şüret-i râbî‘de şıkk-ı selîm ḥâmilîdir ve onda cezb ihtimâli mümkündür, ammâ vasatta olan iki şürette da’f olup ḥâmil ve maḥmûl olmamakla onda cezb aşlâ taşavver olunmaz.

Felneşra^c ile't-tercemeti: Ve istirhâ ile hâdiş olan lağvenin esbâbı istirhâ bâbında zıkr olunan istirhâ esbâbıyla [263a] olur.

Ve ekşer-i hâlde lağvenin vukû'u teşennücle olur. Lağve-i istirhâi nâdireten vâkı'a olur. Ve lağve-i teşennücînin beyânı budur ki kaçan vechin şıkk-ı vâhidi esbâb-ı teşennücden biri ile müteşennic olsa şıkk-ı sâniyi dahi cezb eder. Ve teşennüci olan lağvenin esbâbı bi-aynihâ teşennücün esbâbı ve teşennüc bâbında zıkr olunan sebebler olur.

Ve teşennüc-i yâbisten 'arıd olan lağve hummayât-ı hâddede gerek kay' ile ve gerek ihtilâfla ya'nî ishâlle ve ru'af ile olan istifrâğlarda olur. Ve bu teşennüc-i yâbisten olan lağve kâtil ve redî olur.

Ve ba'đı etıbbâ dediler ki lağvede yüzün iki şıkkından marîd olan şıkkı selîm görünür ve selîm olan şıkkı marîd görünür ve fi'l-ıhâkıka mâdde hangi cânibde ise o cânib marîd olur velâkin mâdde olmayan cânib cânib-i marîdi kendiye cezb edip ve onu ıslâh ve tesviye eylemeđi kaşd edip tecemmu' etmekle selîm iken tecemmu'u hasebiyle ona i'vicâc 'arıd olur ve o şıkk-ı selîm mu'vecc görünür. Ekşer-i emrde⁹⁰ ve teşrîhe nazar ile bu kavil sedîd olmaz. Ve vechin bâb-ı teşrîhinde zıkr olunan 'adalâtının evdâ'ı bu kavli külliyyen tezyîf eder.

Ve kezâlik selîm görünen tarafın hissi bâtıl olmaz ve marîd görünen şıkkın hissi bâtıl olur. Ve bu hâlet dahi şehâdet eder ki kavli-i mezkûr bâtıldır, zîrâ hâkıqaten marađ hangi şıkkta olur ise o şıkkın hissi bâtıl olmak vâcib olur ve hâkıqaten selîm olan cânibin hissi dahi selîm olmak vâcib olur.

Ve çok kimselerin rağabesine verem 'arıd olup onda bir nev' hunâğ hâdiş olur ve o hunâğ ile lağve hâdişe olur. Ve kezâlik o verem ile fâlic dahi 'arıd olup iki elleri meflûc olur, zîrâ elleri tahrîk eden 'adaller kuvve-i muharrikeyi feğârât-ı unuqtan nâbit 'aşabdan istifâda ve istifâde eder. Binâen 'aleyh rağabe veremi hunâğ ve lağveyi ihdâş eylediđi gibi iki ellerde fâlic olmasını dahi icâb eder.

Ve bir lağve ki altı ay kadar mütemâdî ola, o lağveden şıhhat me'mûl olunmaz.

90 *Qânûn*'un "ekşer-i emrde" dediğinin vechi budur ki zıkr olunan dört ihtimâl bu makâmda dahi cereyân edip teşrîh müsâ'id olsa dört vechten birinde olur.

Ve ma'ûm ola ki laḳve ba'ḍı kerre fâlic inzâr eder ve belki çok kerre sekteyi inzâr eder. Ve lâzım olur ki laḳve 'urûḍunda te'emmül oluna, o laḳvede şar' ve sekte muḳaddemâtından bir nesne var mıdır biline. Ve eger muḳaddemât-ı mezkûre mevcûde ise istifrâğ-ı ḳavīye mübâderet oluna. Ve ba'ḍılar zu'c ettiler ki şâhib-i laḳveden üç güne varınca ḳadar mevfi müfâce'e ḳavf olunur ve üç günü selâmet ile gezer ise necât bulur. Ve benzer ki o ḳâilin ḳavli üzere üç gün miḳdârı mevfi müfâci'den ḳavf olunduğu sekte-i ḳaviyyeyi inzârından ola.

el-ʿAlâmât: Laḳvenin ʿalâmetleri budur ki melḳuvvun nefḫası ve büşâkı bir cânibden ḫurûc eder ve aḡzının bir tarafı rîhi ve rîki imsâk edemez, dâimâ o tarafından rîh ve rîki ḫurûc eder

Ve çok kerre melḳuvve şudâ' dahi ʿarîḍ olur ḫuşûşan teşennüci olan laḳvede şudâ' ekşer olur. Ve melḳuvvun yüzünün maraḍ ve âfet hangi şıḳḳında olduğu onunla ma'ûm olur ki iki şıḳḳın birisi yed ile medd olunup vaḍ'ı aşlısı üzere kılınır. Eger o şıḳḳın aşl-ı vaḍ'ına gelmesinden şıḳḳ-ı âḫer bi-nefsihi ḫâlet-i ülâsına müsteridde olur ise delâlet eder ki âfet medd ve yed ile tesviye olan cânibde olur.

Ammâ istirḫâdan ḫâdiş olan laḳvenin ʿalâmeti budur ki me'ûf olan şıḳḳın ḫareketi ḍa'ife ve ḫavâssta küdüret olur ve cild ve ʿaḍalde mülâyemet olup temeddüd iḫsâs olunmaz ve şıḳḳ-ı me'ûfun göz kapaklarından cefn-i esfel münḫadır ve esfele nâzile olur ve ḫanek üzere olup o ʿayna muḫâzî olan ḡışânın nışfı miḳdârı raḫb ve rehel olduğu ḫâlde müsterḫî rü'yet olunur. Ve bu vech ile o nışf-ı ḡışâyı rü'yet o vâḳtte zâhir olur ki lisân üzere yed ile ḡamz olunup ḫanek üzere olan ḡışâda te'emmül olunur. Ve o te'emmül ile müsterḫî görünen ḡışâ ḫanek üzere olan ḡışâ olduğu ve olmadığı zâhir olur. Onun için ki lisânın şifâkı şe'nden ya'ni kelle kemiḡinin derzinden ḫurûc edip ḫaneki tûlen ḳaḫ' eden şifâḳa şerîk olup mümtezic olur ve lâ-maḫâle şifâḳ-ı lisân ḡamz olunup cezb olundukta üzerinde olan şifâḳtan gözün muḫâzîsinde olan mevḍi' dahi müncezb olup o müncezb olan ḫanekin şifâkı idiḡi ve istirḫâsı olduğu ma'ûm olur.

Ve bu taḳrîr nüşha-i sultâniyyenin taḳrîridir. Ve terkîbinde vâḳf olan "min tarîki's-şe'n" kelimesi taḫf ile olan nüşhalarda "min tarîki'l-lisân"

vâķķ olmuştur.”⁹¹ Onu dahi vech-i şahîh üzere takrîr edip me’âlini tercümede zikr olunan nüsha me’âline ircâ eylemek ehl olanlara âsândır.

Ve laķve-i istirhâide cilde nevâhî raķabeden mütebâfiden mâile olup mevđi’ine reddi şu’übetli olur.

Ve teşennücden hâdiş olan laķvede havâss ekşer-i hâlde küdüretli olmaz ve cildesi bir vech ile mütemedde olur ki o me’üf olan şıķķ-ı vechte bükümler bâtıl olup açılır ve yüzde olan a’đale şulb olur. Ve ekşer-i hâlde büşâķı ve rîķi kalîl olur ve ekşer-i hâlde cildin meyli raķabe cânibine olur ve o cânibden istirdâdı şu’übetli olur.

Ve teşennüci olan laķvenin raţb ve yâbis olduđu senin bildiđin ‘alâmetler ile ma’lûm olur. Ve laķve ‘alâmetlerindendir yüzün kemiklerinde veca’ olmak ve cildesinde hader olmak ve ihtilâci keşir olmak.

el-Mu’âlecât: Vâcib olan budur ki yevm-i râbi’a veyâhüd sâbi’a varınca kadar taharrük eylemeye ve ğidâsı mülaţţifât olup mâ-ı hımmaş zeyt ile ve bu le’âfette olan ađdiyeler ile tađdiye olunur. Ve ‘asel ve firâh ya’nî kuş yavrusu cefâfî miķdârı cefâfî olan ađdiye ile tađdiye olunmakla tecfif olunmaz ya’nî ednâ cefâfî olan ađdiyeden ihtirâz lâzım olur.

Eger ‘alîlin taķîratında yübüset var ise şedîdeten leyyin olan huķne ile yevm-i şânide ihtikân olunup taķîratı tahrîk olunur ve ona telyîni ziyâde olan huķne ziyâde muvâfık olur. Ve zamân-ı ibtidâda ğarâğıra mübâderet eylemek đararlı olur, zîrâ zamân-ı ibtidâda olan ğarğara uzakta olup ‘illet ihdâşında medhâli olmayan mevâdd-ı ğarîbeyi maħall-i âfete cezb eder ve ‘illetin sebebi mütezâyide olur. Ve maħall-i ‘illete ğarîb olan mevâdd-ı ficceyi nuđcu olmamakla taħlîle dahi ķâdir olmaz ve o zamânda ğarğara bir fâideyi müfid olmaz.

Ve laķve-i teşennüci edviye-i ķaviyye ile istifrâğa eħaķķtır. O laķvede edviye-i đa’ife ile istifrâğ muvâfık olmaz belki mirreyi indâca kifâyet eden edviye ile istifrâğ olunur. Ve hiddetli devâya isti’câl mevâddı tecfif ve tağlîz eder ve ‘aşabı kurutur ve onda devânın te’siri olmaz. Pes ‘acele üzere devâ-i hâdd isti’mâl olunmamak vâcib olur.

91 Fi’l-aşl nüsha-i sulţâniyyede dahi “min tarîķi’l-lisân” taķrîr olunmuş lâkin üslûb fenninden habîr olanlar taşhîh edip “min tarîķi’ş-şe’n” yazmışlardır.

Ve vâcib olur ki laḳveye fâlic ve teşennücün mu'âlecesi ile mu'âlece oluna ve onların bâblarında bildiğin devâlardan münâsib olanlar ile bu âfete dahi mu'âlece oluna. Ve tecrîbe olunmuştur ki şâhib-i laḳveye eyâric-i Hürmüsten bir ay muttaşilen beher yevm iki dirhem miḳdârı saḳy olursa eṣer-i ḳavî ile te'sîr eder.

Ve yine mücerredir ki zencebîl ile eḡiri 'asel ile ma'cûn edip beher gün akşamda ve şabâhta cevze ḳadar saḳy olunmak nâfi'dir. Ve vâcib olur ki onlardan mâ-ı 'asel kesilmeye.

Ve eṭibbâ-i Hind'in ba'ḳdıları zîkr ederler ki laḳve 'ilâcının eblaḡı elem olan 'uḍv ve baş vahşî hayvânın matbûh olan laḳmı ile ḡabş ve ḡalt oluna ya'nî yakı gibi o 'uḍvlara vaḍ' oluna. Ve zann olunur ki ḡabş olunmaḡa vuhûştan evlâ olan tavşan ve sırtlan ve tilki ve ve'ul ya'nî erkek [263b] yaban keçisi ve geyik ve yaban eṣeḡi mişllilerdir. Ammâ zıbâ mişlliler laḳmında teşhîn olmayanlar her ne ḳadar var ise o mişlli vuhûş laḳmından ḡabşı muvâfîḳ olmaz.

Ve vâcib olur ki eger o laḳve raṭb olur ise 'illetin mebd'e'i olan ṭaraf hey'et-i ṭabî'isine redd olunup rabṭ olunur. Ve eger laḳve teşennücî ise o müteşennic olan şıḳḳı telyîn ile bed' olunup sonra taḫlîl olunur. Ve eger dem 'alâmeti var ise taḫte'l-lisân olan damar faşd olunur, feḳârât-ı 'unuḳtan fîḳra-i ulâ üzere bilâ-şarṭ miḡceme vaḍ' olunur.

Ve reyb ve şekk yoktur ki laḳveyi fâ'îl olan mâdde 'aşabın mebdâsinde şâbitedir ve 'aḳalde dahi mevcûdedir, onun için sevgili olur ki feḳârât-ı 'unuḳ üzere edviye-i muḡammire vaḍ' oluna. Ve ḡanekten 'aḳal-i veche elyâf-ı keşîre gelmekle fekk üzere dahi edviye-i muḡammire vaḍ' olunmak maḡbûb olur.

Ammâ göz kapaḡının 'aḳalı 'aḳal-i vech cümlesinden olunmakla zîkr olunan mevḑi'e edviye-i muḡammire vaḍ'ının ona menfa'ati olmaz. Ve onun tedbîri budur ki dimâḡın cüz'-i muḳaddemi tenḳiye olunur ve kezâlik zîkr olunan feḳârâta ve çene kemiḡi üzere yâbis nesnelere ile kimâd olunup o maḡaller delk olunur ve baş dahi delk olunur ve ḡuşuşan cû' vaḳtinde delkin menfa'ati ziyâde olur.

Ve şâhib-i laḳveye nâfi' olanlardandır dâimâ yüzünü sirke ile ḡasl eylemek. Ve zîkr olunan mevâḑi'e sirke sürmek ve 'ale'l-ḡuşuş ḡasûl kılınan

sirkede mülâttîfât tabh oldu ise veyâhüd o sirke içinde hardal sahk olundu ise teşîri acîb olur.

Ve yine o lakvenin ilâcında vâcib olur ki şîh ve kıysüm ve harmel ve ğâr ve bunlar gibi olanlar tabh olunup alîl o tabîhin buhârî üzere kebb ve imâle oluna. Ve o vakte o tabîhin altına tarfâ ve eşl ikâd olunur. Ve eger bu edviyelerin nefc ve teşîri olmaz ise kulak ardında olan damar üzere keyy olunur. Ve vâcib olur ki tekellûf olunup ğargara sair edviyeden ziyâde kılınâ. Ve onda međûğât dahi istiâmâl olunur huşuşan vecc ve cevz-i bevvâ ve akırkarhâ çiynettirilir ve helîlec-i esved dahi cümle-i međûğâtından kılınır. Ve vâcib olur ki međûğ elem olan cânibde imsâk oluna.

Ve o melkuvvun mekânı karanlık odada kılınır ve kürkî ve bâşak ve zîb ve şebbût⁹² merâreleri ve kezâlik şehdâ nec ve merzencüş ve sılq uşâreleriyle, ma'a-dühni's-süsen sekbî nec ile ve hatun sütünde mahlûl mercimek mîkdârı ferfiyûn ile, pes bu mezkûrların biri ile isti'âf olunur. Ve emrâz-ı re's kânûnunda mezkûr olan min külli vech münakkiyât-ı re's ile dahi mu'alece olunur. Rete ya'nî bunduĝ-ı Hindî dahi o illete nâfi' ve mücerreb a'ûsâtan olur huşuşan retenin kışr-ı a'lâsı ziyâde menfa'atli olur. Ve âzân-ı fâr ve kışsâ-i hîmâr ve artanîsâ dahi nâfi' olan a'ûsâtan olur. Ve ba'dı kerre bu a'ûsât müsahhın ve mu'attıs olan devâlar ile dahi halĝ olunur, cünd-i bîdes-ter ve şünîz gibi.

Ve se'ûtâtın efdali âzânü'l-fâr suyudur. Ve kaçan o sudan iki dirhem mîkdârına bir dâniĝ sekbî nec ve niş dirhem zeyt katılıp isti'âf olunsa nefci olur ve belki beş güne varınca kadar alîl şîhhat bulur. Ve o alile emr olunur ki dâimâ mir'âta nazâr eyleye hattâ i'vicâcını görüp tesviyesinde tekellûf eyleye. Ve muvâfık olur ki âyîne-i şîniyyeye nazâr eyleye, zîrâ âyîne-i şîniyye şebahı müşevveş gösterir.

Ve şıbyâna rebî'in âhirinde lakve gelse itrifil-i aşĝarı istiâmâl eylemek ona yedi güne varınca kadar şîfâ olur ve ĝidâsı mâ-ı hîmmaş kılınır.

92 “Kürkî” turna, “bâşak” atmaca dedikleri kuşlardır, “zîb” sibâ'dandır, Türkî'de kurt derler, “şebbût” bir nev' balıktır.

Altıncı Faşl Raşşe ve Raşşenin Aşnâfı ve İlacâtı Beyânındadır

Sâhib-i *Qānūn*'un raşşe beyânında irād eylediği hadd ve ta'rîf ziyâde tavdîhe ve muqaddemât ile temhîde muhtâcdır. O muqaddemât budur ki bi'l-cümle bedene veyâhüd bedeninin ba'đı uđvlarına mevâdd-ı şaķîle vü ğalîza munşabbe olup mevâdd-ı şaķîle kendi meyli cânibine uđvu kırsı ile taħrîk eder. Ve kezâlik uđvda iki kuvvet vardır: Biri kuvvet-i muħarrike ve biri kuvvet-i mäsikedir. Ve bu kuvvetler fi'llerini irāde ile işlerler. Bu iki kuvvetten birinin fi'li ile uđv münfa'il olmaktan hālî olmaz, gāhîce kuvve-i muħarrikeden münfa'il olup uđv bi'l-irāde hareket eder ve gāhîce kuvvet-i mäsikeden münfa'il olup uđv bi'l-irāde sâkin olur. Lâkin kâsir-i kavî o iki kuvveti te'sîrden men' eder ise uđv onlardan müte'essir olmayıp kâsire tâbi' olur. Ve ba'đı kerre kâsir ziyâde kavî olmaz ve irâdiyye olan o iki kuvvette ona muqâvemette min-vechin 'aciz ve min-vechin kuvvet olur ve ona bināen bir kerre kuvveti ħasebiyle kâsirin uđvu taħrîk eylediği cânibin hilâfına uđvu taħrîk eder ve merreten uħrâ muqâvemetten 'aciz olup mevâdd-ı kâsire meyli cihetine uđvu kırsen taħrîk eyler. Kuvvet-i mäsike-i irâdiyye dahi bu kıyâs üzere bir def'a kâsire muqâvemet eder ve def'a-i uħrâda muqâvemetten 'acize ve fâtire olur. Pes şüret-i mezkûrede mevâdd-ı şaķîle merreten uđvu şıķali ve meyli cânibine taħrîk edip zıkr olunan iki kuvvet cemî'an te'sîrden ve mevâdd-ı kâsire muqâvemetten 'acize olurlar ve merreten uħrâ o iki kuvvetten biri teķavvî edip kâsire muqâvemet eder.

Eger kuvve-i muħarrike kâsire muqâvemet eder ise raşşe iki nev' hareketten ya'nî hareket-i irâdiyye ve hareket-i kırsıyyeden mürekkebe olur. Ve eger kuvvet-i mäsike muqâvemet eder ise raşşe hareket-i kırsıyye ile sükün-ı irâdiyyeden mürekkebe olur. Ve raşşe iki hareketin mecmû'unun ve bir hareket ve bir sükünun mecmû'unun ismi olur.

Muşannif rahmetullâhi 'aleyh zıkr olunan tafşîli "Ĥayrü'l-keâm mâ-kalle ve delle" fehvâsınca ekall-i elfâz ile edip buyurdular: "الاتصال مقاومة للثقل المعروق المداخل بتحريكه لتحريك الارادة فتخلط حركة اراديه بحركة غير اراديه
"Ya'nî raşşe 'adâ-i mürekkebe müte'allik bir âfettir ki o âfetin ħuduşu 'adâlât-ı uđvu muħarrik olan kuvve-i muħarrikenin o 'adâlâtta olup ħarekât-ı irâdiyyeyi mu'âvîk ve ğayr-i irâdiyye-

yi muharrrik olan mevâdd-ı şakîleye 'ale'l-ittişâl muķâvemetten 'aczi için olup o kuvve-i muharrrike hareket-i irâdiyyesini hareket-i ğayr-i irâdiyyeye veyâhûd sebât-ı irâdiyyesini hareket-i ğayr-i irâdiyyeye mezc ve halq eder.

Fe'Inercî' ile't-tercemeti: Ve ra'şe 'illeti kuvve-i muharrikedeki bir âfet-tir, nitekim hader kuvve-i hassâsede âfet olduğu gibi. Ve onun sebebi yâ kuvvette olur veyâhûd âlette olur veyâhûd hem kuvvette ve hem âlette olur. Ve kaçan bir kimseye havf 'arîd olsa veyâhûd ona korkunç ve müfzi' nesne vâşıl olsa mevdi'ci' 'âliyeden esfele nazar gibi ve yüksek dīvâr üzere yürümek ve muhteşem kimse ile söyleşmek gibi ve bu mislli kuvâ-yı nefsâniyyeyi kabd eden nesnelere gibi ve kuvve-i hareketin nizâmını müşevviş olan ğamm ve hüzn ve feraḥ gibi pes bu mezkûrların itirâdından ra'şe hâdis olur. Ve ba'dı kerre ğadab dahi ra'şe ihdâş eder, zîrâ ğadab rûhun hareketinde ihtilâf ihdâş eder ve o ihtilâf ile ra'şe hâdis olur.

Ve kuvvete vehn vermekle ra'şe ihdâş eden sebeplerin biri cimâ'dır, eger imtilâ ve şiba' üzere olur ise. Ammâ âlet sebebiyle olan ra'şe o vech ile olur ki sinir ba'dı istirhâ ile müsterhî olup o istirhâ fâlic ihdâsı mertebesine bâliğ olmaz lâkin kuvve-i mäsikesine hâlel getirir ve 'udvu tahrik eden kāsir-i da'ife dahi muķâvemete kâdir olmaz ve temäsük kuvvesi zâile olur. Ve bu nev' âfet şürb-i keşir ve sekr-i mütevâtir katında ve soğuk suyu çok [264a] içmekten ve vaktisiz içtikte hâdis olur.

Ve âlet sebebiyle olan ra'şe ba'dı kerre dahi a'sâbda süddeler olmak ile olur. Ve südde-i 'aşabiyyenin sebebi keşret-i imtilâ olur ki o imtilâ tohme ve terk-i riyâdet gibi esbâb-ı ma'lümeden hâdis olur. Ve o südde hasebiyle kuvvet 'aşaba nüfuz-ı tamm ile nâfize olmaz ve 'aşabı sedd eden [mâdde mecârîden] münkalî'a olan mevâdd-ı mütereddide olur, bir kerre 'aşaba nüfuz için kendiyi darb eder ve bir kerre nüfuzdan imtinâf eder veyâhûd o sâdd olan sebep münkalî'a ve münfa'ile olmayıp bir karar üzere olur, tereddüd eylemez.

Ve ba'dı kerre âlet hasebiyle olan ra'şe âletin cefâfından olur. Ve cefâf hasebiyle müstersil olan muṭâva'at ile 'atf için muṭâvi' olmaz ya'nî 'aşabın cefâfı ğâyete bâliğa olduktaki 'aşab mün'atıf ya'nî münkabıd olmaz ve kezâlik sühulet ile münbasıt olmaz, nitekim seyr ya'nî kayış câff olduktaki münkabıd ve münbasıt olduğu gibi rûh dahi vech-i lâyıḳ üzere o 'aşaba nâfiz olmaz.

Pes bu sebeblerden uđv tahrîk murâd olundukta irâdeye muvâfık hareket eylemeyip hareket-i idtîrâbiyye hâdiş olur. *Bu 'ibâreti bi-eynihâ Semerkandî irâd edip ve Nefisî bu vech üzere tefsîr eylemiştir.*

Ammâ raşenin 'ale'l-iştirâk kuvvet ve âlet âfetlerinden hudûsu bu vech ile olur ki âlete bir nev' çarar işâbet eder ki âletin tađarruru kuvveti idrâr eder, meşelâ âlete berd-i şedîd işâbet edip âletin teberrüd-i şedîdinden kuvvet dahi mutađarrır olur. Ve o berd yâ hâricden veyâhüd hayvânın les'inden veyâhüd hılt-ı bârid hasebiyle işâbet eder veyâhüd âlete harr-ı şedîd işâbetinden kuvvet dahi mutađarrır olup ikisinden raşe hâdiş olur, ihtirâk mişli nesnelere hâdiş olan harâret gibi, zîrâ o mişli nesnelere harâretiyeye aşaba âfet 'arıđ olduđu gibi kuvvete dahi âfet 'arıđ olur ve bađı kerre dahi kuvvete kendiye maşşüş sebep ile. Ve kezâlik aşaba dahi kendiye maşşüş sebep ile âfet 'arıđ olup iki âfetin mecmû'undan raşe hâşıla olur.

Ve raşe bađı kerre cemî'î bedende ve bađı kerre dahi iki yede ve bađı kerre yalnız başta olur, âfet ve mâdde bađı 'adale maşşüş ve bađı âherde âfet olmadıđından.

Ve bađı kerre raşe yalnız iki ellerde olur ve iki ayaklarda olmaz, onun için ki raşenin sebebi olan âfet nuhâ'ın aşında olmaz belki şu'abında olur. Ve me'ûf olan şu'ab yede vâşıl olan şu'be olur, ayađa vâşıl olan şu'be sâlim olur veyâhüd âfet nuhâ'ın aşında olur lâkin o âfeti nuhâ' nefđ edip silker ve yed aşl-ı nuhâ'a karîb olmakla o âfeti aşl-ı nuhâ' yede tarh ve ilkâ eder ve tabî'at dahi aşl-ı nuhâ'da olan âfeti cemî'an eczâ-i nuhâ'a nüfûzdan men' edip nuhâ'ı muhâfaza eder veyâhüd aşl-ı nuhâ'da olan âfet ayak aşablarına ve akşâ-yı nuhâ' vâşıl olup o aşablar dahi me'ûf olur velâkin ayaklarda olan ervâh kuvvetli ve teşîri şiddetli olmakla o münfa'il ve me'ûf olan aşabı isti'mâl edip fi'line hâlel ve teşîrine nokşân gelmez ve belki âfet ziyâde kavî olmadıkça onu kuvvet kahr edip ke'l-evvel me'ûf olan âleti isti'mâl eder. Ve cânib-i esfel ađâ-i âliyyeyi hâmil olmakla o cânibin ervâhı keşîre ve kuvveti şedîde olur ve ednâ sebep-i dârrdan mutađarrır olmaz ve yedin kuvveti riclin kuvvetine bâliğa olmaz.

Ve raşeyi ihdâş eden sebep ekşer-i hâlde o berd olur ki aşabı ve rûhu ma'an irhâ eder o ruţûbet-i bâlle olur ki aşabı ıslatır lâkin fâlic ihdâş edecek miqdâr ıslatamaz belki raşe ihdâş eder.

İbokrât dedi ki hummâ-ı muhrıkaşı olan kimsenin raşesi olsa maḥmûmun ihtilâ-ı zihni raşeyi taḥlîl eder. Velâkin Cālînûs bu kavle râdî olmaz, lâkin İbokrât'ın kavli-i mezkûru bî-vech deḡildir.

Ve ma'lûm ola ki raşenin ziyâde şuşubetlisi şitâda bed' eden olur. *Ve bađı nüshada “yesârdan bed' eden olur” diye vâkıf olmuştur.* Ve meşâyıhta olan raşe ilâcla zâil olmaz.

el-ʿAlâmât: Raşenin ʿalâmâtı ânifen zıkr olunan esbâbdır ve onlar zâhir olmakla icâde-i zikre ḥâcet yoktur.

el-Muʿâlecât: Emrâd-ı sāire muʿâlecâtında zıkr olunan muʿâlecâtla raşeye dahi ilâc olunur. Südedi tefṭîḥ ve istirḫâyı ibtâl ve mevâddı istifrâğ eden edviyeler istiʿmâl olunur ve ihtiyâc olur ise ʿaşabı takviye ve tertîb ve kuvveti inʿâş eden devâlar dahi istiʿmâl olunur. Ve inʿâşa ihtiyâc marađ hasebiyle kuvvete daʿf ʿarîđ olur ise olur.

Eger fecʿeten berd işâbetinden veyâḥûd meşrûbdan berd işâbetinden raşe ḥâdiş oldu ise teşḫîn ile ilâc olunur. Ve eger iktidâ ederse kânûnda yazıldığı üzere delk ve nefđ olunur. Deryâ ve ḥamʿet suları ile mürtaʿiş istiḥmâm olunur. Ve naṭrûnî ve zernîḫî ve kafrî⁹³ ve kibrîti miyâh dahi nâfiʿdir.

Ve eger raşenin sebebi mâ-ı bârid oldu ise naṭrûn ve ḥardal ile kimâd olunur ve dühn-i kuş ile yağlanır. Ve eger sebep ḥamr-ı keşîr şûrbü ise istifrâğ olunur ve kıssa-i ḥımâr dühnü ve o mecrâya cârî olanlar istiʿmâl olunur ve dühn-i ḳatt⁹⁴ ile dâimâ temrîḫ olunur, ḥandeḳûkā dühnünün bu bâbda ḥâşşa-i ʿacîbesi vardır. Ve kezâlik yalnız raṭbe ile dahi ḳimâd olunur.

Ve eger raşe uđvun mevâddı teşerrübünden oldu ise veyâḥûd illetin mevâddı ḡalîza ise veyâḥûd illette rûsûḫ ve istiḥkâm var ise o zamân fıkrâ-i ūlâ⁹⁵ üzere miḥceme vađc olunur ve dühn-i müsahḫandan âb-zen ittiḫâz olunup ʿalîl o âb-zende iclâs olunur. Ve fâlic ve teşennücede ve küzâzda zıkr olunan ḥayvân merakası içre dahi iclâs olunur ve âhirü'l-emr ona cünd-i bîdester bal şerbetiyle saḳy olunur ve eyâricât dahi saḳy olunur ve sezâb ve

93 “Kafrî”den murâd kafru'l-Yehûd dedikleridir; deryâ altında ve Buḫayre-i Yehûd arâđisinde ḥafr ile dahi çıkar, mûmiyâ ḥükmündedir.

94 “ḳatt” yoncanın kuru su ki ona fişîşa dahi derler.

95 “Fıkrâ-i ūlâ” muṭlak zıkr olunmakla nuḫâ'ın mebd'e ve raḳabenin fıkrâ-i ūlâsı murâd olunur.

işkulafendriyûndan maşnûc olan ħabb dahi saġy olunur. Ve ernebin dimāġi dahi saġy olunsa cidden intifāc ederler.

Ve yine mürta'ise menfa'ati olur şarāb-ı 'asel ile ħabb-ı ħaţmî ve varaġ-ı dāmūniyûn⁹⁶ ile taġġ olunan su yarım vakıyye saġy olunur ise. Ve su ile ġāfeş 'uşāresini saġy dahi nāfi'dir. Ve kezālik mürta'iş istirġada isti'māl olunan 'ilācāt ile mu'ālece olunurlar.

Ve eger ra'şe yalnız başta olur ise uştuġūdūstan bir dirhem veyāġūd iki dirhem yalnız isti'māl olunur veyāġūd eyāricāt-ı feyġarā ile muġabbeben veyāġūd şarāb-ı 'asel ile isti'māl olunur. Uştuġūdūs vücūh-ı mezġküreden biri ile isti'māl olunmaġın menfa'ati tecrube olunmuştur. Ve bir dirhemden iki buġuk dirheme varınca kadar her on günde bir kerre ħabb-ı kŭġiyā şŭrbŭ dahi tecrube olunmuştur. Ve vācib olur ki onları isti'māl eden mürta'işin ġidāsı ġadmı serîc olan aġdiye ola. Ve onlara şarāb muđırr olur ve kezālik mā-ı bārid dahi muđırrdır. Ve suların eslemi ve đararı onlara eġall olanları yaġmur suyu olur. Kezālik emrād-ı 'aşabiyyenin küllisinde yaġmur suyunun mađarratı eġall olur. Ve mürta'işler keşret-i faşđ ile mutađarrır olurlar.

Yedinci Faşl Ĥader Beyānındadır

Kütübde lafz-ı ġader isti'māl-i muġtelif ile isti'māl olunur. Ba'đı kerre ġader ra'şe ma'nāsına isti'māl olunup elfāz-ı müterādifeden kırlarlar, ammā biz ve kezālik nāstan çok kimseler elfāz-ı müterādifeden kılmayıp bu ta'rif ile ta'rif ve taġdīd eyleriz, o ta'rif budur ki ġader 'uđv-ı ālīde ya'ni a'đā-i müteşābiheden mürekkeb olan 'uđvda bir 'illettir ki o 'illet ġiss-i lemsīde buġlān veyāġūd nokşān āfeti iġdās eder. Eger o 'illet đa'ife olur ise ona ra'şe maşġūb olur, eger 'illet ġaviyye ise o āfet istirġā ile olur, zīrā ġuvve-i ġāsse

96 Varaġ-ı dāmūniyûn nüşġa-i sultāniyyede bu minvāl üzere dāl ile ve taġc ile olan nüşġada bilā-dāl āmūniyûn vāġıc olmuştur. Ve mevcūd olan kütüb-i tıbbiyye te-tebbuc olunup o varaġı birinde bulmadık lākin *Mufālecāt-ı Buġrātīyye*'de ra'şe bābında bir ġuġne-i ġādde terkībinin eczālarından olmak varaġ-ı behlec diye bir nebt zıkr edip der ki varaġ-ı behlec bir ġaşışedir ki müzze demekle ma'rūftur, bilād-ı bāridede olur ve onu Ekrād isti'māl eder ve zu'c ederler ki o ġaşışeyi şemm ve ġubz ile ekl ra'şeyi izāle eder ve ona ziyāde i'tinā ederler. Ba'đ olmaz ki varaġ-ı dāmūniyûn murād o ġaşışe ola ve dāmūniyûn o varaġı isti'māl eden ġavme ıġlāġ oluna.

‘aşaba nüfûzdan o [264b] zamân men^c olunur ki ondan kuvve-i muhârrike men^c oluna. Ve kuvve-i muhârrikenin men^c olunması ra‘şe ve istirhâ olan ‘udvlarda olur ve ona binâen hâderde yâ ra‘şe veyâhûd istirhâ bulunmak lâzım olur her ne kadar onların vücûdu vaqt vaqt ve ba‘dı eĥâninde olur ise, zîrâ ba‘dı kerre hâder olur ve onda ‘usr-i hareket olmaz. Kuvve-i hâsse ve kuvve-i muhârrike ‘aşabları biri birinin ġayrı başka başka ‘aşablar olmakla bundan aġdem bunları defe‘ât ile biz tavdîh eyledik.⁹⁷

Ve hâderin sebebi ba‘dı kerre kuvvetin da‘fı cihetinden olur, hâdere mü‘eddî olan ĥummayât-ı kaviyye vü hâddeden hâdiş olan hâder gibi ve muġaddime-i ġaşy ve ġurb-ı mevttte hâdiş olan hâder gibi.

Ve ba‘dı kerre hâder âlet cihetinden hâdiş olur. Ālet-i ĥissin mizâcı şiddet-i berd işâbetiyle ve devâ şürbüyle ve ‘aġreb-i mâi mişlli ĥayvânın les‘i ile ve erkâ tesmiye olunan ra‘‘âde⁹⁸ dedikleri semekeye mess ile ve afyûn mişlli devâ şürbüyle fâsid olup ĥissi zâil olur. Ve afyûn mişlli nesnelere şürb rûhu taġlîz eder ve rûh kuvveti hâmil olmakla kuvvete da‘f tārî olur.

Ve ba‘dı kerre dahi ĥarr-ı şedîd ile âlet-i ĥiss ya‘nî ‘aşabın ve kuvvetin mizâcı fâsid olduğundan hâder hâdiş olur ĥayye les‘asından ve şiddet üzere ĥarâret-i müfritası olan ĥammâmda tûl-i meġsten ve ĥummayât-ı muĥrıġadan ‘aşabın mizâcı fâsid olduğu gibi veyâhûd ra‘şenin ĥudûsu cevher-i ‘aşab ġalîz olup rûhun onda nüfûz-ı ĥasen ile nâfiz olduğundan olur.

Ve ayakta olan sinirlerde yedde olan sinire ġiyâs ile ġılzat olmakla ayaġa ġedden ziyâde ve ekşer hâder ‘ârîd olur.

Veyâhûd hâder sütte ĥasebiyle ‘ârîd olur. O sütte dahi dem ve balġam ve sevdâdan her biri ile olur ve mümkün olur ki şafrâdan dahi sütte hâdiş ola. Ve verem ve ĥurâcdan birinin daġtı ile dahi hâdere mü‘eddî olan sütdden olur. Ve ribâtin daġt-ı şedîdiyle dahi sütte olur. Ve ‘udvun o evdâiy-la dahi sütte olur ki o va‘d ‘aşabın iltivâsına veyâhûd in‘işârına veyâhûd ‘udva dem-i keşîr ve aġlâf-ı sâire inşîbâbına mü‘eddî olur, zîrâ bu inşîbâb

97 Bundan fehm olunur ki ba‘dı ‘udvda olan ‘aşab-ı vâhid kuvve-i ĥissi ve kuvve-i muhârrikeyi hâmil olan rûĥların cemî‘an mecrâsı olur, o şürette hâdere ra‘şe ve istirhâdan biri lâzım olur. Ve ba‘dı kerre dahi her bir kuvvenin mecrâsı başka ‘aşab olur, o şürette hâdere ra‘şe ve istirhâdan bir nesne maşhûb olmak lâzım olmaz.

98 “الرعاد سمكة تحدث الخدر اذا وقعت في شبكة الصياد ارتعدت يده وخرت” İbn Kütbî.

ile mesâlik-i ervâh münsedde olup hader hâşıl olur. Ve bi-hasebi'l-vađı̄ ʿuđva munşabbe olan ahlâṭ ekser-i hâlde dem olur. Ve kaçan vađı̄ tağyır olunup ʿaşabın iltivâsı zâil ve dem maḥalline ʿavdet eylese haderden bür² ve şihhat hâşıl olup hiss rücû³ eder.

Ve bađı̄ kerre hader yübs ve cefâftan ḥâdiş olur, zîrâ yübs mesâlik-i rûhu sedd eder, ʿaşabın elyâfı müctemi⁴ ve muntabika olduđu için. Ve bu sebep ile ʿarıđ olan hader redî olur.

Ve bađı̄ kerre bilâ-mâdde bi-hasebi'l-mizâc sinire ruṭübet ʿarıđa olup sinirler müsterhî olduğundan sinirlerde olan mesâlik-i ervâh mesdüde olmakla hader ḥâdiş olur. Ve kaçan esbâb-ı hader nefsi-i dimâğda olup külliyyen o sebep dimâğı müşt Emil olur ise hader cemî⁵-i bedene sârî olur ve o hader o günde ʿalîli katl eder.

Ve bađı̄ kerre haderin sebebi nuḥâda olur; o dahi bađı̄ kerre fıkrâ-i vâhideden ibtidâ eder ve bađı̄ kerre ʿaşabın şurbesinde olur.

Ve hader-i bârid idmân üzere vâkı⁶ olup müddetinde tûl olsa istirhâya müpeddî olur. Ve hader-i gâlib sekteyi veyâḥûd şar⁷ ve teşennüc ve küzâzı ve fâlic-i ʿâmmı inzâr eder. Ve her ʿuđvun haderi dâim ve müştedd olsa o ʿuđvun fâlic veyâḥûd teşennücüne intizâr olunur.

Ve yüzde olan hader laḳveyi inzâr eder. Ve çok kerre zâtü'r-riye ve zâtü'l-cenb ve sersâm-ı bâridi hader vely ve taḳṭib eder.

Ve maʿlûm ola ki bir ʿuđvda hader olup istifrâğla o hader zâil olmayıp ve istifrâğı dîvâr taḳṭib eylese o hader sekteyi inzâr eder.

el-ʿAlâmât: Haderin ʿalâmâtı haderin bi-ʿaynihâ esbâbının vücûdu olur ve o esbâbdan ḥadere istidlâl olunur. Ve haderin ziyâde ve noḳşân olduđu esbâbın ziyâde ve noḳşânı olduğundan olur.

el-İlâc: Haderin ʿilâcı raʿşe bâbında yazılan ʿilâclar olur lâkin eđer hader dem-i gâlibden ḥâdiş oldu ise dem-i gâlibde olduğuna imtilâ-i ʿurûk ve intifâḥ-ı evdâc ve şikal-i beden ve nevm ve ḥumret-i vech ve ḥumret-i ʿayn mişli edille-i dâlle kâim oldu ve delâlet eyledi ise lâyıḳ olur ki faşd-ı bâliḡ ile faşd oluna, zîrâ bu minvâl üzere olan haderi zıkr olunan faşd yalnız izâle eder ve âḫer ʿilâcdan ignâ eder. Bađı̄ kerre faşd ıslâḥ-ı tedbîr ve tecfif-i ğidâ ile nâfi⁸ olur.

Ve kaçan bir ʿuḍvda sebep-i sâbık veyâhüd sebep-i bâdî ile hader zâhir olsa berd gibi veyâhüd berd mişlli sebebler gibi nesnelere var ise o vakitte sen ʿaşabın mebdedeinde teʿemmül ve tefekkür eyle. Ve vâcib olur ki senin muʿâlecen yalnız mevdiʿ-i hadere olmaya belki o ʿuḍva sâlik olan ʿaşabın mebdedeine ʿilâc oluna.

Ve hadere nâfiʿ olan muʿâlecâtan olur haderi olan ʿuḍvu dâimâ tahrîk edip riyâdet eylemek. Ve maʿlûm ola ki hûkne içine kırıtım vaḍʿ olursa siniri teşhîn eder.

Sekizinci Faş İhtilâc Beyânındadır Yaʿnî ʿUḍv Seğrimesini Bildirir

Ve ihtilâc ʿadalâtın harekât-ı gayr-i irâdiyyesine derler ki o harekâta tebeʿan baʿdı kerre cilde dahi hareket eder. Ve sebebi baʿdı kerre neffâh olan riyâh-ı gâlıza olur, zîrâ tabîʿat o riyâh-ı gâlızayı taḥlîl eder ve riyâh dahi hâl-i taḥallülde ʿadalleri tahrîk edip ihtilâc îrâs eder.

Ve ihtilâc lahm ile ʿaşabdan terkîb olunan ʿadalde olup yalnız lahmı veyâhüd yalnız ʿaşabda olmadığına delîl budur ki dimâğ gibi rıhıv olan veyâhüd kemik gibi şulb olan ʿuḍvlerde ihtilâc olmaz. Ve bundan istinbâḥ olunur ki ihtilâcın maʿrûzu bir maḥall olmak gerektir ki rıhıv olmaya ve kezâlik şulb dahi olmaya, beynehümâda vasaḥuʿl-hâl ola. Ve o vasaḥ lâ-maḥâle ʿadal olur, zîrâ yalnız lahm lahm rıhıvdır ve yalnız ʿasan şulbdür ve ikisinden mürekkeb olan ʿuḍv şalâbet ve reḥâvette muʿtedil ve vasaḥtır ve ekser-i hâlde ihtilâc bu mişlli muʿtedile ʿarîḍ olur.

Ve esbâb-ı ihtilâc kuvve-i müberride ve mâdde-i raḥbe olur. Ve çok kerre ihtilâc aʿrâḍ-ı nefsanıyyeden ʿarîḍ olur, ʿaleʿl-huşuş feraḥtan ʿurûḍu ekser olur. Kezâlik gâḍabdan ve emşâlınden dahi ʿarîḍ olur, zîrâ keyfiyyât-ı nefsanıyyede rûḥ hareket ve mevâdd riyâḥa istiḥâle eder ve o hâlde lâ-maḥâle ʿadalde hareket-i gayr-i irâdiyye ḥâdiş olur.

Ve maʿlûm ola ki kaçan ihtilâc bedeni istiʿâb eylese sekte ve küzâzdan birini inzâr eder. Ve eğer merâḳta ihtilâc olup dâim olsa mâlıḥülyâyı ve şarʿı inzâr eder. Ve veche ihtilâc ʿarîḍ olup dâim olsa lakveyi inzâr eder. Ve şerâsîf ḳurbünde olan ihtilâc baʿdı kerre ḥicâbda verem olduğuna delâlet eder, zîrâ o maḥallde ihtilâc zıkr olunan vereme tâbiʿ olur ve tâbiʿin vücûdu baʿdı kerre metbûʿun vücûduna delâlet eder.

‘İlâcu’l-İhtilâci’l-Mütevâtir: Tevâtür ve devâm üzere olmayan ihtilâc mu‘âleceye muhtâc olmaz, ammâ tevâtür-i ihtilâcın ‘ilâcı budur ki [o ‘alîle] kimādât-ı müsahhine ile kimād olunur. Eđer o kimād ile ‘illet mündefi‘a olur ise maṭlûb hâşıl olur ve eđer [‘illet] mündefi‘a olmaz ise edhân-ı muḥal-lile isti‘mâl olunur: Evvelâ da‘ifü’t-tahlîl ve’l-kuvve olan dühn ile başlanıp tadrîcle kavîye intikâl olunur. Ve edhânla dahi zâile olmaz ise müşhil saḳy olunup ve ba‘de’s-saḳy ‘uḍv-ı me‘ûfu teshîn eden edviye-i müsahhine ile ‘uḍv temrîḥ olunur. Ve bu teshînde cünd-i bîdester ile zanbaḳ isti‘mâlinin hâşşıyyeti ‘azîm olur. Ve ona buzlu su içmek ve ḥamr-ı keşîr içmek ve nefḥ ve tebrîdi olan nesneleri tenâvül eylemek muḍırr olur. Ve bunun mu‘âlecâti nezâyirinin mu‘âlece-i mezkûrlarına [265a] qarîb olur.

Bu zikr olunanlar emrâd-ı [‘aşabdan] hiss ü ḥarekete ve ‘aşabın evḍâ‘ına müte‘allik olan maraḍlar idi. Ve ‘aşabın evrâmlarını ve ittışâllerinin teferruḳunu biz kitâb-ı râbi‘e teḥîr edip bu kitâb-ı şâliste emrâd-ı ‘aşabı bu maḥalde ḥatm eyleriz. İnşâallâhu ta‘âlâ o bâḳîleri kitâb-ı âtîde beyân edip evvelen ve âḥiren Allâh ta‘âlâya ḥamd eyleriz. Felillâhi’l-âhîretü ve’l-ülâ.

KĀNUN'UN KÜTÜB-İ ĦAMSESİNDEN KİTĀB-I SĀLİSİN FENN-İ SĀLİSİ EMRĀD-I ʿAYNDA OLAN KELĀM-I MÜCMEL VE EMRĀD-I ʿAYNIN MUʿĀLECĀTI BEYĀNINDADIR

Bu fenn-i sālīs dört maḳāleyi müştemil olup maḳāle-i ūlā aḥvāl-i ʿaynın evāili ve remed beyānındadır. O maḳāle-i ūlā dahi biraz fuşulü müştemildir.

Evvelki Faşl ʿAynın Teşriḥi Beyānındadır

Ben derim ki ḳuvve-i ebşarı ḥāmil olan rūḥ-ı bāşıra ʿayna mücevvefe olan iki ʿaşabe tarīkinden gelir ki o ʿaşabeler dimāğdan gelip ʿaynı ḥāvī olan kāselerle nüfūz eder. Ve o ʿaşabeleri aʿdā-i müteşābihe teşriḥinden aʿşāb teşriḥini zikr eylediğimiz bābda sen bildin.⁹⁹ Ve kaçan o ʿaşabeler ve o ʿaşabelere muşāhib olan ğışālar ḥacāca yaʿnī kaşların menbiti olan ʿazm ḥacrelerine münḥadir ve nāzil oldukta onların her birinin tarafları açılır. O vech ile ki ḥadeḳada olan üç ruṭūbeti zikri ātī vech üzere muḥīṭa olup onlar ile ʿaşabların ve ğışāların münbasıta olan tarafları mümteliʿe olur. Ve o ruṭūbetlerin vasaṭları olan ruṭūbete celīdiyye derler.

Celīdiyye bir ruṭūbettir ki berede ve celīde gibi yaʿnī semādan nüzül eden dolu gibi müstedīredir lākin cihet-i ḳuddāmı tedricle tefertuḥ etmekle mebdedeinde olan istidāreyi ḳuddāmının tefertuḥu izāle eder.

Ve o ruṭūbet-i celīdiyyenin cihet-i ḳuddāmda tefertuḥunun ḥikmeti ve fāidesi budur ki merʿinin şebaḫı ruṭūbet-i celīdiyyenin ḳuddāmında mürtesim olur ve o ruṭūbetin ḳuddāmında tefertuḥ olmayıp mebdede müstedīr olsa şebaḫta vefret olmaz ve ebşārda dahi tāmmlamaz ve maḥall-i müfertaḫta resm olan şebaḫta vefret ve ebşārda keşret olur. Ve bir fāidesi dahi budur ki ecsām-ı şaġire-i merʿiyelerin şüretlerine maḥall-i müfertaḫta mekān bulunur, ammā celīdiyye tāmümü'l-istidāre olsa defʿaten merʿiyye olan ecsām-ı şıġār-ı müteʿaddiden birinin şüreti naḳş oldukta āḫerlere naḳş olacak maḥall kalmaz.

99 Gözde üç ruṭūbet vardır: Evvelkisi zücāciyye ve ikincisi celīdiyye ve üçüncüsü beyḳiyyedir. Ve gözlerin ṭabaḳātı yedi ṭabaḳadır: Evvelkisi şebekiyye ve ikincisi ʿankebūtiyye ve üçüncüsü meşīmiyye ve dördüncüsü ʿinebiyye ve beşincisi şafīkiyye ve altıncısı ḳarniyye ve yedincisi mülteḥimedir. Her birinin māhiyyetleri tercümeden maʿlūm olur.

Tefertuḥ bir şekldir ki muḍalla^c ve müstedîr hey²etleri arasında bir hey²e-ti olur, ne ziyâde yassı ve ne ziyâde deĝirmidir, beynehümâda bir şekldir.

Ve o ruṭûbet-i celîdiyyenin cânib-i mu²aḥḥarı müstedıkk ve incedir, zîrâ ruṭûbet-i celîdiyye tahtında olan ruṭûbet-i zücâciyyenin içine girer ve ruṭûbet-i zücâciyye celîdiyyenin ince olan cânibini iltikâm eder. Ve celîdiyyenin mültekâm olan tarafı miqdâr-ı yesîr ince olsa iltikâm tamm olmaz. Ve celîdiyyeyi iltikâm eden ruṭûbet-i zücâciyye enli ve şıḥanı ince kılındı cevdet üzere celîdiyye müstedıkkını iltikâm eylesin için

Ve celîdiyye zücâciyye ile ruṭûbet-i beyḍiyye arasında mütevassıt kılındı ya^cnî ruṭûbet-i zücâciyyenin fevkinde ve ruṭûbet-i beyḍiyyenin tahtında kılındı, zîrâ ^caynın üç ruṭûbetinin celîdiyye maḥall-i şebaḥ olmakla eşrefi ve efdali olur ve efdal olan nesnenin maḥalli ve mevḍi^ci hırz-ı kavî olmak gerektir. Pes vasaṭın aḥrâzı iki tarafın aḥrâzından kavî ve metîn olmakla celîdiyye vasaṭta kılındı.

Ve bu mezkûr ruṭûbet-i celîdiyye idi, ammâ ruṭûbet-i zücâciyye dimâĝdan celîdiyyeye ğidâ olmak üzere gelir ve zücâciyyeye dem-i şırf tedricle istihâle eder. Ve o ruṭûbet zâib olan zücâca benzer ve zücâc-ı zâibin levninde ḥumrete mâil şafâ olur. Ammâ şafâ üzere olduğu onun içindir ki şâfi olan celîdiyyeye ğidâ olur ve lâ-maḥâle ğidâ muĝtedîye müşâbih olmak lâyıḳ olur. Ammâ zücâciyyede ḥumret kalîle olduğu onun içindir ki zücâciyye demden istihâle eder ve celîdiyyeye ğidâ olur. Ve lâyıḳ olur ki ğidâ olan ruṭûbet dem-i şırf levniyle muĝtedî olan celîdiyye levni arasında levnde vasaṭ üzere olup onda min-vechin dem ḥumreti ve min-vechin celîdiyyenin şafveti olup min külli vech celîdiyyeye istihâle eylemeye, zîrâ o istihâle taĝaddîden sonra olur.

Ve zücâciyyenin celîdiyye tahtında olduğu onun içindir ki zücâciyye cirm-i şebîke¹⁰⁰ vâsıtasıyla dimâĝdan münba^cise olur, pes vâcib olur ki o ruṭûbet-i zücâciyye onların tarafında ve celîdiyye tahtında ola. Ve zücâciyye celîdenin nışf-ı mu²aḥḥarına ve celîdiyyede olan a^czam-ı devâire ya^cnî mevḍi^c-i iklîle varınca kadar şebekenin şayda ta^calluḳu gibi ta^calluḳ edip o miqdârını iltikâm eder.

100 Bu şebikeden murâd Allâhu a^clem dimâĝın tahtında münferiş olup ^curûḳtan mün-tesic, ğidâ ile memlüvv olan cirm-i şebikedir.

Ve celîdiyyenin fevkinde bir âher ruṭûbet dahi vardır ki o âher ruṭûbete beyḍiyye derler ve o beyḍiyye celîdiyyenin faḍlı gibi olmakla o dahi celîdiyye gibi şâf olur, zîrâ celîdiyyenin kendi şâf idi ve şâf olan ruṭûbetin faḍlı dahi şâf olur.

Ve ruṭûbet-i beyḍiyye celîdiyyenin ḳuddâmında olduğunun iki türlü sebebi vardır. O sebebin birine sebab-i müteḳaddim ve birine sebab-i tamâmî derler. Sebeb-i müteḳaddim odur ki ḳarîben zikri mürûr eylediği üzere beyḍiyye celîdiyyenin faḍlı olur. Ve lâıyık olan budur ki bir şey'in faḍlı o şey'in cihet-i ḳuddâmında ola. Ve sebab-i tamâmî odur ki yine zikri mürûr eylediği üzere mer'ıyyâtın eşbâhı celîdiyyede mürtesem ve müntakaş olur ve celîdiyye ile mer'ıyyât beyninde beyḍiyye ḥâile ve celîdiyyenin ḳuddâmında beyḍiyye cünne ve kalkan meşâbesinde vaḍc olundu ki ḍıyâ def'aten celîdiyyeye vâşıl olmakla celîdiyyeyi idrâr eylemeye ve tadrîcle ta'dîl olunarak beyḍiyyeye mürûr ve nüfûz edip o ḍıyâ [celîdiyyeye] mu'tediletten vâşıl ola ve tamâmen eşbâh celîdiyyede müntakışe olup rüḳyet ḥâşıl ola.

[Şürûc fi't-Ṭabakât:] Ve bundan sonra deriz ki dimâğdan 'ayn kâselerine vârid olup münbasıta olan 'aşabe-i mücevvefenin ṫaraf-ı inbisâtı celîdiyyeyi ve zücâciyyeyi muḥîṫ olur lâkin celîdiyyeyi 'aşabenin ihâtası zücâciyye içinde mülteḳam olan mevḍı'e varınca ḳadar olur ve o mevḍı'e zücâciyyenin nihâyeti ve iklîl tesmiye olunan mer'î dâiredir ve 'aşabenin o münbasıt olan ṫarafı o ruṭûbetlerin miḳdâr-ı mezkûruna şebekenin şayda ta'alluḳu gibi ta'alluḳ etmekle 'aşabenin o miḳdârına ṫabaḳa-i şebekiyye tesmiye ederler.

Ve 'aşabenin nihâyeti olan mevḍı'e-i mezkûrdan örümcek ağı gibi örülmiş bir şıfâḳ-ı laṫîf nâbit ve mütevellid olup zikri âṫı ṫabaḳa-i meşîmiyyeden nâzil olan ḥayṫlar ile tereküb edip celîdiyye ile beyḍiyye arasına tavassut eder. O tavassut ḥasebiyle celîdiyye-i laṫıfe beyḍiyyenin keşâfetinden müte'ezziye olmaz. Ve celîdiyyenin ḡıdâsı 'ankebütiyye ṫarîkin-den cihet-i ḳuddâmından vâşıl olur ve 'ankebütiyye her ne ḳadar şafîḳ ise lâkin laṫîf ve şeffâf olmakla ḍav'ın celîdiyyeye vuşûlüne mâni' olmaz ve ebşâra ḥalel gelmez. Ve zıkr olunan iki ṫabaḳa [265b] ya'nî ṫabaḳa-i şebekiyye ve ṫabaḳa-i 'ankebütiyye 'aşabe-i mücevvefelerin ṫarafı veyâḥûd

tarafından nâbit idi. Ve bākī tabakalar o ʿaşabe ile nâzil olan ğışâlardan¹⁰¹ hâşıl ve müntesice olur, zîrâ dimâğın ğışâ-i rakîkinden nâzil olan şaziyye ve şuʿbe dahi meşîme¹⁰² gibi ʿurûka müntesice ve ğidâya menfez olur, zîrâ fi'l-hakîka ğidânın menfez ve mecrâsı ğışâ-i rakîkin nesc eylediği ʿurûk-ı meşîmiyye olur ve o ʿurûkun cümle mevâdiçi zîkr olunan ğidâ-i ʿayna mecrâ olmaz belki o ʿurûk-ı meşîmiyyenin ğidâ muʾahharında olur. Ve o muʾahhar olan mevdiç ğidâ ile mümtelî olup ʿaynı saqı eder. Ve o ʿurûkun mecrâ-yı ğidâ olan mevdiç-i muʾahharından bir şifâk-ı laţif ü şeffâf müntesice olup ona tabaka-i meşîmiyye tesmiye olunur. Ve o ğışâ-i rakîkten tabaka-i meşîmiyyeyi tabaka-i quddâma tecävüz eden mahaller ğalîz olur ve onda ğidâ olmaz. Ve o ğalîz olan eczâ-i ğışâdan zâtü'l-levn bir şifâk-ı ğalîz müntesic olur ve levni ebyađ ile esved arasında bir levn olur ki ona âsmâncünî derler, gök renginde olur. Ve o şifâkın levni beyâđ ve sevâdı cemʿ eylediğinin sebebi budur ki o şifâk sevâdı hasebiyle başarı cemʿ edip teferruktan menʿ eder ve ʿayna kelâl gelip zulmete ilticâ için ʿayn itbâk olursa itbâk ile hâşıl olan zulmeti o şifâkın levni-ebyađı taʿdîl edip zulmet-i sırfeden başar müteʿezzî olmaz ve kezâlik zulmet ve davʿı terkîbe muhtâc oldukta o şifâk ile intifâc eder, o şifâkın levni beyâđ ve sevâddan mürekkeb olan âsmâncünî olduğundan için.

Ve bu şifâkın faide-i uhrâsı budur ki bu şifâk üç ruṭubet-i ʿayndan cümlelerin fevkinde olan ruṭubet-i beydiyyenin üzerinde olur ve o şifâkın üzerinden dahi karniyye dedikleri şulb ve katı olan bir tabaka olur. Ve şalâbet ve rehâvette muʿtedil olan şifâk şedîden rıhv olan ruṭubet ile şedîden katı ve şalâbetli olan tabaka-i karniyye arasına vađc olundu, ruṭubet-i rıhveyi karniyyeden muhâfaza için.

Ve kezâlik o şifâkın zîkr olunan fevâidinden mâ-ʿadâ bir fâidesi dahi budur ki onun fevkinde olan karniyyenin ğidâsı o şifâkın cüzʿ-i muʾahharı olan

101 O ʿaşabeler ile maʿan üç ğışâ nâzil olur: Evvelki ğışâ dimâğın hicâb-ı rakîkinden ve ikinci ğışâ dimâğın hicâb-ı ğalîzinden ve üçüncü ğışâ hâric-i kışfta olan hicâbdan nâzil olur. Ğışâ-i rakîkten tabaka-i meşîmiyye ve tabaka-i ʿinebiyye hâşıl olur. Ve ğışâ-i ğalîzden tabaka-i şafîkiyye ve tabaka-i karniyye hâşıl olur. Ve hâric-i kışfın ğışâsından tabaka-i mültehime hâdiş olur.

102 “Meşîme” cenînin viʿâdır ki ʿurûktan müntesic olur ve lügat-i aşlîsi arslan yatağıdır.

ṭabaḳa-i meşîmiyyeden ḳarniyyeye o şifâḳ ṭarîḳinden olur, zîrâ meşîmiyye ṭabaḳası zîkr olunduḡu üzere o şifâḳın cüz-i muḳahḫarıdır ve şifâḳ cüz-i muḳaddemidir. Ve ġıdâ fi'l-ḫaḳîḳa cüz-i muḳahḫardadır ve şifâḳ kalın ve ġalîzdir, onda ġıdâ olmaz velâkin ḳarniyyenin ġıdâsı ondan mürür eder.

Ve zîkr olunan şifâḳ bi'l-cümle ruṭûbetleri beyḏiyye üzerinden setr eder velâkin ihâtası tâmm olmaz belki o şifâḳın ḳuddâm tarafında vasatta bir şukḫbe bâḳiye kalır, ḏavṽ ve mer'ıyyâtın eşbâhı ruṭûbet-i celîdiyyeye o şukḫbeden nüfûz eylesin için, zîrâ şifâḳ ruṭûbetleri fevḳinden tamâmen setr eylese ḏavṽ ve eşbâhın nüfûzuna mâniṽ ve ebşâra ḏarr olur. Ve o şukḫbe üzüm salkımının ḫabbeleri şefârîḳten ya'ni ḳalâkalarından ḳaç olundukta ḫabbe-i ḳinebde bâḳî kalan şukḫbe mişâlinde olur. Ve her ḳaçan o şukḫbe fâsid olsa ebşâr dahi fâsid olur. Ve bu şukḫbenin bâṭnında ḫaml vardır, şifâḳta her ne ḳadar şalâbet var ise, lâkin ḫaml ḫasebiyle o şifâḳın şukḫbesi ve beyḏiyyeye mümâss olan bâṭnının eczâları cism-i müteḫalḫil gibi leyyin ve yumuşak olur taḫtında olan ruṭûbete katılıḡı ile ezâ eylesin için. Ve ḫabbe-i ḳineb gibi o şifâḳta şukḫbe olmakla ona ṭabaḳa-i ḳinebiyye derler. O ṭabaḳanın ziyâde şulb olan maḫalli cihet-i fevḳte olan eczâları olur, onun için ki o ṭabaḳa-i ḳinebiyyenin fevḳinde olan ṭabaḳa-i ḳarniyye şedîden şulb olur. Ve ona mülâḳî ve mümâss olan ḳinebiyyenin ciheti ḳavî ve şalâbetli olmasa ondan ḳinebiyyenin o maḫalli müte'ezzi olur. Ve şukḫbe mevḏiṽ dahi şulb olur, zîrâ o mevḏiṽ şulb olmasa şukḫbe muḫâfaẓa olunmaz. Ve zîkr olunan menfa'at için ya'ni ḏavṽ ve eşbâhın nüfûzu için o şukḫbe ruṭûbet ve ervâḫla memlüvve olur ve rûḫla şukḫbenin memlüvve olduḡuna mevṽ ḳarîb oldukta şukḫbe muḫâzî olan maḫallin ḏumûru ya'ni çekilmesi ve çökmesi ile istidlâl olunur.

Ve ṭabaḳât-ı ḳayndan bu maḫalle ḳadar zîkr olunanlardan ṭabaḳa-i şebeḳiyye ḳaşabe-i mücevvefenin ṭaraf-ı münbasıṭı idi ve ṭaraf-ı ḳankebütıyye o ḳaşabenin nihâyetinden nesc-i ḳankebüt gibi nâbit olup ruṭûbât-ı celîdiyyenin ḳaşabeden ḫâric olan maḫallini dîvâr gibi eṭrâfından muḫîṭ ve üzerinden setr edip celîdiyye ile beyḏiyye beyninde mütevassıṭ olan ġışâ idi ve ṭabaḳa-i meşîmiyye zîkr olunan ḳaşabe ile kâse-i ḳayna nâzil olan ḫicâb-ı raḳîḳin cüz-i muḳahḫarından müntesic ruṭûbet-i beyḏiyyeyi cihet-i fevḳten setr eden şifâḳ-ı laṭîf ü şeffâf idi ve ṭabaḳa-i ḳinebiyye zîkr olunan ḫicâb-ı

raķîkin cüz²-i muķaddeminin nesc edip meşîmiyye üzerinde ʿinebiyye tesmiye olunan şıfâķ-ı meşķûb idi ve bu dört ıabakanın ikisi ʿaşabeden ve ikisi ʿaşabe ile nâzil olan hicâb-ı raķîkten hâşıl idi. Ve o ʿaşabe ile hicâb-ı evvel-i mezkûr nâzil olduđu gibi bir hicâb-ı sâni dahi nüzûl eder ki o hicâb-ı sâni ğayet ile şiti ve şafık olur, hâvi olduđu ruķûbatı ve ıabakâtı muhâfaza eylesin için. Ve o hicâb-ı sâninin dahi muʿahharının nesc eylediđi şıfâķa ve ğışâya ıabaķa-i şulbe vü şafikiyye derler ve muķaddeminin nescine ıabaķa-i ķarniyye derler onun için ki o ıabaķa cerd ve naht olunup¹⁰³ terkîķ olunan boynuz şeklinde ve levninde¹⁰⁴ olur ve cemīʿan hadeķayı yaʿni zikri mürür eden üç ruķûbet ve beş ıabakayı muhîr olur.

Ve ķarniyyenin ziyâde şalâbetli olan mevâdiʿi ķuddâmda olan maħalli olur ve her ne kadar mübâlağa ile şafık ise yine şeffâf olup davın ve eşbâhın nüfûzuna mâniʿ olmaz. Ve bu ıabaķa-i ķarniyye bir ıabaķa sayılır. Ve fi'l-ħakıķa o ıabaķa-i vâhide dört ıabakadan mürekkebe gibi olur kuşûr-ı mürekkebe gibi yaʿni kat kat olup birkaç ıaktan terkîb olunan kabuklar gibi. Ve ķarniyyenin bu vech ile terkîbi onun içindir ki zikr olunan dört kattan biri meʿuf olsa onun âfeti sâir katlara ve ķarniyyenin tahtında olan ıabakât ve ruķûbata ve şukbeye muhâzî olan maħalle tecâvüz eylemez ve âfet ʿamm olmaz.

Ve ʿaşabe ile ʿayn kâsesine nâzil olan hicâb-ı sânidin ıabaķa-i şafikiyye ve ıabaķa-i ķarniyye olduđu gibi, zikr olunan ʿaşabe ile üçüncü bir hicâb dahi nâzil olup gözde olan ʿađalâta muhteliķ olur. Ve o hicâb mukle-i ʿayni muhîr olup ķarniyye ile o hicâbın düsümetli lahm-ı ebyad ile maħşüvv olur ve düsümeti hasebiyle o haşv gözü ve göz kapađını telyin edip cefâftan menʿ eder. Ve o hicâb-ı sâlisten nesc olunan ğışâ ile o ğışânın içinde olan haşvin mecmûʿuna ıabaķa-i mülteħime derler. Pes mecmûʿ-ı hadeķa yedi ıabaķa ve üç ruķûbetten mürekkeb oldu. Üç ruķûbet zücâciyye ve celidiyye ve beydiyyedir ve yedi ıabaķa şebekiyye ve ʿankebûtiyye ve meşîmiyye ve ʿinebiyye ve şafikiyye ve ķarniyye ve mülteħimedir. Ve hadeķayı taħrîķ eden ʿađalâti kitâb-ı evvelde zikr eylediđimiz teşrih-i ʿađal bâbında beyân eyledik.

103 Yonulmuş ve oyulmuş maʿnâsınadır.

104 Yaʿni levni ebyad olur; âher kütübden taşrih olunmuştur.

Ammâ kirpiklerin beyânı budur ki ‘ayna viķāye gibi olup hâricden ‘ayna tayerân eden kazâyı ve baştan nüzûl eden ezâyı ‘ayndan men‘ eder ve göze nüfûz eden davı mevâddı hasebiyle ta‘dîl eder. Ve kirpiklerin menbiti olan ğışâ ğudrûfa müşâbih kılındı o menbit-i kavî üzere kirpiklerin intişâbı hasen olsun için, zîrâ menbit da‘îf olsa kirpikler muztaca‘ olup istikâmet üzere olmazlar. Ve o maħall ğudrûf gibi kavî olmakla gözü açan ‘adale cefni hîn-i fethte ona istinâd edip cefni [266a] tahrîki sühûletli olur. Sâir ‘udvları tahrîk eden ‘adale mefâşıl kemiklerine istinâd edip tahrîki sühûletli olduğu gibi, cefni fâtiħ olan ‘adalin dahi o ğudrûfa istinâd ile tahrîki âsân olur.

Ve cefn-i a‘lâ beş cüzden mürekkebirdir: Evvelki cüzü cilde, ikinci cüzü birinci kat ğışâ ve üçüncü cüzü şaħme, dördüncü cüzü ‘adale-i mezkûra ve beşinci cüzü ikinci kat ğışâdır. Şaħme ile ‘adale iki kat ğışânın arasında haşv gibidir.

Ammâ cefn-i esfelde bu beş eczânın içinden ‘adalden mâ-‘adâsı mevcûddur. Ve hareket eden cefn-i a‘lâ olup cefn-i esfel dâimü’s-sükûn olmakla ‘adale-i muħarrikeye hâcet yoktur. Ve cefn-i a‘lâdan o ‘adalenin mebde‘i cânibini şakķ ziyâde hatarlıdır ve mâ-‘adâ maħaller şakķa ihtiyâc katında şakķ ve baħt olursa onda hatar olmaz.

İkinci Faşl Aħvâl-i ‘Aynı Ta‘arrûf ve Emziceleri ve Emrâd-ı ‘Aynda Olan Aķvâl-i Külliyyeler Beyânındadır

Ve ‘aynın aħvâli dokuz ‘alâmet ile ma‘lûm olur: Evvelkisi melmes, ikincisi hareket-i ‘ayn, üçüncüsü levn, dördüncüsü şekl, beşincisi miķdâr, altıncısı ‘aynın fi‘l-i hâşşı, yedincisi ‘ayndan sâil olan ruṭûbet, sekizincisi ‘aynın infî‘âlâtı ve dokuzuncusu ‘aynın ‘urûķudur. Cem‘an ‘aynın aħvâline bu zıkr olunan dokuz ‘alâmet delâlet eder, o dokuz vücûh ile ‘aynın aħvâli ta‘arrûf olunur.

Ammâ melmes ile ta‘arrûfün tarîķi budur ki el ile ‘ayna mess olunur, harâret [ve] bürüdetten, kezâlik yübüset ve cefâf ve lînet ve ruṭûbetten hangisi ihsâs olunur ise ‘aynın mizâcı o maħsûs olan keyfiyyet üzere idiķi bilinir.

Ve ammâ ‘aynın hareketinden ‘aynın mizâcının ta‘arrûfı bu vech ileddir ki ‘aynın hareketinde te‘emmül olunur, eđer ‘aynın hareketi hafife olursa harâret ve yübüsetten birine delâlet eder ve o iki keyfiyyetten birini ta‘yîn melmesin inḍımâmıyla olur. Ve eđer hareket ‘aynda te‘emmül olunduk-

ta hareketin şikâli ve ağırlığı ihşâs olunur ise bürüdet ve ruṭübetle delâlet eder. Ve ʿurûḳ-ı ʿayneynde ahvâl-i ʿaynı taʿarrüf ʿurûḳ-ı ʿaynın ḡilzatinde ve rikḳatinde teʿemmül ile olur. Eğer damarları ḡalîz ve vâsîf ise ḥarârete delâlet eder ve eğer ʿaynın damarları daḳîḳ ve ḥafî ise bürüdetle delâlet eder. Ve kezâlik yine ʿurûḳ-ı ʿayn teʿemmül olunur; eğer ʿurûḳ ruṭübetten ḥâliye ve boş ise yübüseti maʿlûm olur, eğer ahlât ile dolu ise mevâddın keşretine delâlet eder.

Ammâ ʿaynın ahvâlini ʿaynın levninden taʿarrüf onun içindir ki elvânın her birisi mevâdd elvânından birine müşâbih olur, pes müşâbehet hangi mâddeye olur ise ʿaynın levni o mâddenin ḡalebesine delâlet eder. Meselâ ahmer olur ise deme ve aşfer şafrâya ve levn-i reşâşî balgama ve kümüdet sevdâya delâlet eder.

Ammâ ahvâl-i ʿaynın eşkâl-i ʿayndan taʿarrüfü ʿaynın şeklinin ḥüsnü ḥilkat-i aşliyyede ʿaynın kuvvet üzere olduğuna ve şekl-i ʿaynın ḳubḥu ḥilkat-i aşliyyede daʿf üzere olduğuna delâlet eder.

Ammâ ʿaynın büyük veyâḥüd küçük olduğunun delâlet eylediği ahvâl reʿsin şıḡar ve kiberinde beyân eylediğimiz kıyâs üzere olur.

Ammâ ʿaynın ahvâlini ʿaynın fiʿl-i ḥâşşî ile bilmek bu vech ileddir ki o ʿayn ḥafî olan merʿiyyâtı görür ise ḳarîb ve baʿîd olan merʿiyyâtı dahi rüpyet edip mubşarât-ı kavîyyeden ʿayna vârid olan eşyâdan mutaḳarrır olmaz ise ʿaynın mizâcında itidâl ve kuvvet mevcüde olur. Ammâ ebşârî daʿf olup zîkr olunan efʿâlin ḥilâfı üzere olur ise o ʿaynın mizâcı veyâḥüd ḥilkati fesâd üzere olur. Ve eger ʿayn ḳarîb olan merʿiyyâtı her ne kadar daḳîḳ ve ḥafî olur ise dahi rüpyetten münʿaşire olmayıp ve tamâm üzere bilâ-ḳuşûr rüpyet edip lâkin baʿîd olan mubşarâtı idrâkte ḳuşûr üzere olur ise o ʿaynın rûḥ-ı bâşırası raḳîḳ ve şâf ve şaḥîḥüʿl-mizâc olup lâkin ḳalîl olduğuna delâlet eder.

Ve eṭṭebânın zuʿmüne göre gözden şuʿac ḥâric olup merʿiyyâta vuşûlünde rüpyet ḥâşıl olur ve o şuʿac ervâḥ cinsinden olur. Ve onların zuʿmü üzere zîkr olunan ʿaynın rûḥunda ḳillet olduğuna delâlet zâhirdir. Ve kaçan rûḥ-ı bâşıra ziyâde raḳîḳ ve ḳalîl olsa ḥârice ḥurûcunda o ervâḥ münteşire olup kemâ-yenbaḡî merʿiyyâtı ihtivâya vefâ eylemez, onun için baʿîdi idrâkte ḳuşûr eder. Ve eger ʿayn eşyâ-ı baʿideyi bilâ-ḳuşûr idrâk edip lâkin eşyâ-ı daḳîḳa taḳrîb olundukta rüpyet edemeyip ḳâşıra olur ise ve bir miḳdâr ʿayna baʿîd olan maḥalle o nesne naḳl olunmakla rüpyet ḥâşıla olur ise o ʿaynın er-

vâhı keşîre velâkin küdüret üzere olduğuna delîl olur ve o ʿaynın ervâhı şâf ve laţîf olmadığı bilinir belki kendisi ve mizâcı raţbdır.

Ve eţıbbâ şuʿâʿa ve şuʿâʿ ervâh cinsinden olduğuna zâhib olmakla derler ki keder olan şuʿâ-ı rûhî ʿayndan hurûc eyledikte küdüreti hasebiyle karîb olan eşyâ-ı dakîkayı idrâk eylemez ve kaçan baʿid olan merî cânibine hareket eylese hareketin harâretiyle ervâh taşfiye olunur ve merîye o muşaffâ olan ervâh vâşıl oldukta lâ-mahâle idrâkte kuşûr eylemez. Ammâ ʿayn karîbi ve baʿidi idrâkte kuşûr üzere olur ise delâlet eder ki o ʿaynın rûhu hem kâlîl ve hem kederdir. Ve ʿayndan seyelân eden ruţûbetin aĥvâl-i ʿayna delâleti eger ruţûbet-i sâile câffe olup onun aşlâ remaş olmasa ise mizâc-ı ʿaynın yübüsetine delâlet eder. Ve eger ifrâţ üzere remaş olur ise mizâc-ı ʿaynın cidden ruţûbetine delâlet eder.

Ve aĥvâl-i ʿayna ʿaynın infiʿâlâtının delâleti eger o ʿayn harrdan müteʿzziye olup bürüdet ile şifâ bulur ise o ʿaynda sū-i mizâc ĥâr olduğuna delâlet eder ve eger ʿayn berdden müteʿzzî ve harâret ile müteşeffiye olursa o ʿaynda sū-i mizâc bârid olduğuna delâlet eder.

Ve maʿlûm ola ki bu zıkr olunan aĥvâl-i ʿaynın her birinde vasaţ ve iki taraflar vardır. Taraf-ı ʿâlîsine ifrâţ ve taraf-ı sâfiline tefrîţ derler. Bi'l-cümle ifrâţ ve tefrîţten vasaţ evlâdır¹⁰⁵ lâkin cevdet-i ebşârın taraf-ı ʿâlîsi vasaţtan evlâdır.

Ve ʿayna cemîʿan emrâd-ı mâddiyye ve emrâd-ı sâzece ve emrâd-ı terkîbiyye ve ʿâliyye ve müştereke ʿârîd olur. Ve ʿaynın ĥâl-i taraf ve ĥâl-i taġmîd ü tefţîhinde ve levn ve demʿde heyʿetinin taġayyürü hasebiyle ʿaynın emrâdı için biraz aĥkâm vardır ki o aĥkâm emrâd-ı ĥâddeye müteʿallıktır, o aĥkâmı bilmek murâd edenler emrâd-ı ĥâdde zıkr olunduġu mahallden taleb eylesinler.

Ve emrâdın ʿayna ʿurûdu bi'l-aşâle olur ve baʿdı kerre dahi ʿuđv-ı âĥere müşâreket hasebiyle olur. Ve müşâriklerinin akrebi dimâġ olur ve başa ĥicâb-ı ĥâriciyye vü dâhiliyyeye dahi müşâreket olur. Ve bunlardan sonra akreb müşâriki miʿde olur. Ve ʿayna ĥicâb-ı ĥâric müşâreketiyle ĥâdis olan emrâdın küllîsi eslem ve ehven olur.

105 Bu hükm-i ekşerîyi şâʿir bir beytte zıkr eylemiştir: “وخير الامور اوسطها- كلا طرفي قصد الامور ذميم”

Üçüncü Faşl Ahvâl-i 'Aynın Alâmâtı Beyânındadır

Dimâğ müşâreketiyle olan emrâd-ı 'aynın 'alâmeti budur ki zikri mürûr eden âfet-i dimâğ 'alâmetlerinin ba'cdısı onda mevcûd olur. Ve eger dimâğa müşâreketi bâtında olan hicâblar vâsıtalarıyla olur ise göz elemi göziün ğav-rından ibtidâ eder. Ve onun mâddesi hârre olsa o marađda 'uťas ve hikke-i enf hâdiş olur. Ve eger mâdde bârîde ise onun seyelân-ı bârîdesi ihsâs olunur. Ve dimâğa 'aynın mizâc-ı müfred ya'ni ğayr-i maddî olan sũ-i mizâcla müşâreketi kalil olur. Ve eger emrâd-ı 'ayn hicâb-ı hâric müşâreketiyle olur ise ve mâdde 'ayna hicâb-ı hâricden gelir ise evvelâ cebhede ve hâricde olan damarlarda temeddüd ve gerginlik ihsâs olunur ve göz kapađı cânibinde mađarrat ekşer olur.

Ve eger marađ-ı 'ayn mi'de müşâreketiyle olur ise dimâğın mi'deye müşâreketinin bâbında beyân olunan 'alâmetler mevcûde olur. Ve eger mi'de müşâreketiyle marîd olan 'aynda hayâlât olur ise o hayâlât açlıkta nokşân ve imtilâda ziyâde olur.

Ve ammâ 'aynın kendide hâdiş olup 'aynda [266b] bi'l-aşâlet marađ ihdâş eden mevâddın 'alâmetleri budur ki eger o mâdde demevî olur ise ona şikal ve humret ve dem' ve intifâh ve göz damarlarının dürûru ve şudğlarda dârebân ve gözlerin iltişâkı ve harâret-i melmes ve remaş delâlet eder ve huşuşan ki başta 'alâmât-ı dem mevcûde ola.

Ammâ balğama şikal-i şedîd ve levnin humret-i hafife ile reşâsiyyete meyli ve iltizâk ve remaş ve tehebbüc ve kıllet-i dümü' delâlet eder.

Ammâ şafrâya naş ve iltihâb ve levnin sarıya mâil humreti ki o humret kalil olup dem humretine muğâyir ve rikkat ve hiddet üzeredir. Ve kezâlik iltizâk-ı ecfân ve harâret-i melmes delâlet eder.

Ve ammâ sevdâya şikal ve kümüdet-i levn ve kıllet-i iltişâk delâlet eder.

Ammâ bilâ-mâdde mizâc-ı sâzecin 'alâmetleri budur ki o vech ile marîd olan 'aynda şikal ve cefâf olmaz. Ve sâir mizâc-ı sâzecin zikri mürûr eden 'alâmetleri dahi 'aynın sũ-i mizâcına delâlet eder. Ammâ 'aynın emrâd-ı âliyye ve emrâd-ı müsterekesinin bir bâb-ı müstakillde zikri gelir inşâallahu ta'âlâ.

Dördüncü Faşl Mu'âlecât-ı 'Aynın Kavâ'id-i Külliyyeleri Beyânındadır

'Aynın mu'âlecâtı 'aynın emrâdına mukâbil olur. Ve emrâd-ı 'ayn mizâciyye-i mâddiyye ve mizâciyye-i sâzece ve emrâd-ı terkîb ve [emrâd-ı] teferruḡ-ı ittişâl olduğu gibi 'aynın 'ilâcî dahi istifrâḡî olur. Ve bu istifrâḡide tedbîr-i evrâm dahi dâhil olur veyâhûd 'ilâc-ı 'ayn tebdîl-i mizâc veyâhûd ıslâh-ı hey'et olur. Cuḡûz-ı 'aynın 'ilâcî ıslâh-ı hey'et ile olur veyâhûd 'ilâc-ı 'ayn idmâl ve ilhâmı olur.

Ve 'ayndan mevâddı istifrâḡ ba'dı kerre 'ayndan mevâddı şarf etmek ile olur ve ba'dı [kerre] taḡallüb tarîkı ile 'ayndan mevâdd istifrâḡ olunur. Ve mevâddın 'ayndan şarfin tarîkı budur ki eger beden mümtelî ise evvelâ bedenden mevâdd istifrâḡ olunur ve sonra dimâḡı münakḡî olan edviyeler ile dimâḡdan dahi mevâdd istifrâḡ olunup dimâḡ tenḡıye olunur. Ve ba'dı mevâdd enf tarîkinden ve ṭabaḡât-ı 'aynın ṭabaḡa-i ḡarniyye 'urûḡunun mûḡlarda olan maḡallerinden naḡl ve istifrâḡ olunur.

Ammâ 'ayndan mevâddı taḡlîb tarîkıyle istifrâḡın tarîkı budur ki o 'aynda edviye-i müdemmi'a ya'nî gözden yaş akıtıcı devâlar isti'mâl olunur veyâhûd mizâc-ı 'aynı ta'dîl ve tebdîl eden edviye-i ḡaşşa isti'mâl olunur.

Ammâ 'aynda vâḡîc teferruḡ-ı ittişâl o edviye ile mu'âlece olunur ki onda ḡalîlen tecfîf olup ve lez' olmaya ve remedde ve sair 'ilel-i 'aynda bizim kelâmımızdan sen o edviyeleri fehm edip bilirsin.

Ve ma'ḡûm buyurulmak vâcibdir ki emrâd-ı 'aynın mâddî olanlarında ḡidâ taḡlîl oluna ve ḡılt-ı maḡmûdu müvellid olan ḡidâ isti'mâl oluna ve mübahḡur ve seyyi'ü'l-haḡm olan aḡdiyeden ictinâb oluna. Ve eger 'aynın mâddesi 'uḡv-ı âḡherden gelir ise sen o 'uḡvun mu'âlecesini ḡaşd edersin. *Ve ba'dı nüshada "ḡaşd" bedeline "faşd" vâḡî olmuştur.*

Ve eger mâdde başın ḡicâb-ı ḡâricinden müteveccih ise ḡacâmet isti'mâl edersin ve cebhede dahi edviye-i râdi'a isti'mâl edersin. Ve isti'mâl olunacak revâdi'den olur mevâdd-ı ḡârrede ḡışt-ı bitṡîḡ ve mevâdd-ı bâridede ḡalkḡadîs. Ve 'ayn için faşd olunacak damarlar ḡîfâl mişlli damarlar olur. Ve bunlardan sonra faşdı 'ayna menfa'atlı olan damarlar başın nevâḡisinde olan damarlardır. Ammâ nevâḡî-i re'ste olan damarlardan ḡuddâmda olanları, mevâddı 'ayndan naḡle menfa'atlı olur ve ḡalfte olan-

ları, mevâddı cezbe menfaati olur ya'nî quddâmdan faşd ayna mevâdd inşibâbına mâni olur ve hâlfen faşd mevâddın munşabbe olanlarını cezb edip ihrâc eder. Pes faşd-ı evvel dâfi ve faşd-ı sâni râfi olur. ed-Def'u eshelü mine'r-ref'i.

Ve ma'lûm ola ki mevâdd-ı aynın uđv-ı âherre nakl olunmağa muhtâc olanlarının nakl olunması ziyâde şavâblı olan ma'hall burun delikleridir, eger munhurân mevâddın uđv-ı âherden ayna inşibâbı tarîkinde deđil ise. Ve mevâddı munhurâna nakl ancak aţûsât ve neşûkât ile olur ve onları biz evcâ-ı re'ste zikr eyledik.

Ve edviye-i aynın ba'dıları aynın mizâcını tebdil etmekle ayna menfaati olur. Ve mizâc-ı aynı mübeddil dahi yâ aynı tebrîd etmekle tebdil eder, 'inebü's-şaleb ve aşa'r-râfi uşâreleri ve mâ-ı hindebâ ve mâ-ı hass ve mâ-ı verd ve bunların uşâreleri ve bezr-i kaçûnâ lu'âbı gibi veyâhüd teshîn etmekle aynın mizâcını ta'dil ve tebdil eder, misk ve fülful ve vecc ve māmîrân ve bunlar mişlli olan edviye-i sâire gibi veyâhüd tecrif ile aynın mizâcını tebdil eder, tütüyâ ve işmid ve iklîmiyâ gibi. Ve müceffîfât cümlesinden ma'dûd olur kâbız olan edviyeler, şiyâf-ı māmîsâ, şabır ve fîl-zehrec ve za'ferân ve verd gibi veyâhüd mizâc-ı aynı mübeddil olan edviye aynın mizâcını telyîn etmekle tebdil eder, sût ve bâdem hûkâkesi ve yumurta akı ve lu'âb-ı müleyyine gibi veyâhüd edviye-i mübeddiletü'l-mizâc mündicât olur, urûk-ı şufr ve mâ-ı hulbe ve za'ferân ve meybuhtec ve huşuşan içinde hubz nak olunmuş meybuhtec gibi veyâhüd edviye-i muhallile olur, anzerût ve mâ-ı râziyâ nec gibi. Ve edviyenin ba'dısı dahi muhâddir olmakla ayna nâfi olur, luffâh ve haşhaş ve afyûn uşâreleri gibi.

Ve ma'lûm ola ki göz ağrısı şudâ'la olur ise evvelâ şudâ'a mu'alece olunur ve şudâ'ı izâle eylemedikçe mu'alece-i ayna mübâşeret olunmaz. Ve kaçan istifrâğ ve tenkiye ve şavâb olan tedbîrler olundukta onların birisinden gözde olan marađa fâide hâşıl olmasa ma'lûm olur ki aynada mizâc-ı hârr vardır veyâhüd mizâc-ı bârid vardır veyâ bir mādde-i habîse vardır ki tabakât-ı ayna duhül edip berkişmiştir ve ayna vârid olan ağdiyeyi o mādde-i habîse ifsâd eylemek üzeredir veyâhüd onun dimâğından bir mevđi'de da'f vardır ki dâimâ o mevđi'den ayna nevâzil nüzül eder.

Beşinci Faşl ʿAynın Hıfz-ı Şihhati ve ʿAyna Muđırr Olan Eşyânın Beyânındadır

Gözünün şihhatini muhâfaza kaçd edenlere vâcib olur ki gözünü ğubâr-dan ve duhândan ve harr ve berdde itidâlden hâric nesnelere ve riyâh-ı muʿaccice yaʿnî ʿâşife ve muşavviteden ve riyâh-ı bârideden ve sümümiyeti olan riyâhtan muhâfaza eyleye. Ve dâimâ bir nesneye nazârını kaçr edip ve âhere nazardan ibâ ve imtinâc eylemeye. Ve vâcib olur ki keşret-i bükâdan ziyâde ictinâb eyleye ve eşyâ-yı daķıkaya nazârını taķlil eyleye. Ve daķık olan eşyâya riyâdet-i ʿayn için ahyânen nazâr eyleye. Ve kaçfâsı üzere nevmi taṭvîl eylemeye.

Ve maʿlûm ola ki cimâi iksâr eylemek göze ađarr-ı eşyâdan olur. Ve kezâlik keşret-i sükker ü eṭʿimeden mümtelî olmak yaʿnî çok yemek ve imtilâ üzere uyumak ve cemîʿan ağdiye ve eşribelerin ğalîz olanları ve buhârı reʿse şâʿid olan mubahhîrât ʿayna ađarr-ı eşyâ olur. Ve mubahhîrât-ı mezķûreden olur, kürrâs ve hândeķükâ ve sâir ifrâṭ üzere müceffif olan nesnelere. Ve ʿayna muđırr olanlardandır milh-i keşir ve keşret üzere riyâhı tevliḍ eden ağdiye, kerneb ve ʿades gibi ve edviye-i müfrede bâbında zıkr olunup ʿayna muđırrdır diye yazılan nesnelere gibi.

Ve maʿlûm ola ki keşret-i nevm ve keşret-i seher ikisi dahi ʿayna ziyâde muđırr olur. Ve nevm ve seherden muʿtedil olanlar ʿayna muvâfiķ ve mülâyim olur.

Bu zıkr olunan eşyâ ʿayna muđırr olan şeyler idi, ammâ ʿayna istiʿmâli nâfiʿ olup ʿaynın kuvvetini hâfız olan eşyâlar isimid ile tütüyâdan ittiḥâz olunan şeylerdir, tütüyâ aşnâfi gibi ki onlar mâ-ı merzencüş ve mâ-ı râziyâ nec ile mürebbedir. Ve küllü vaķtin mâ-ı râziyâ nec ile iktiḥâlin nefʿi ʿazîmi ve nefʿ-i ʿacîbi olur. Ve kezâlik rummân-ı hulvün berüdü¹⁰⁶ ve kezâlik o mâ-ı rummâneyn berüdü ki şahmı ile muʿtaşar olup tennürda ʿasel ile inḍâc oluna, inşâallâhu taʿâlâ mevḍiʿinde ḥaķıķati üzere ona sen vâķıf olursun.

Ve göze cilâ verip ḥiddetlendiren nesnelere olur mâ-ı şâfi içinde ğavş edip suyun içinde gözünü açmak.

106 “Berüd” ʿaynı tebrîḍ için ittiḥâz ve terkîb olunan devâlara itlâķ olunur.

Ve ammā göze muđırr olan umūr iki kısımdır: [267a] Biri ef'āl ve harekāt olur ve biri dahi ađdiye olur. Ve ađdiyede taşarrufun mađarratı ađdiye mađarratından dāhil olur.¹⁰⁷ Ammā ef'āl ve harekāt ḥasebiyle muđırr olanlar o fi'llerdir ki cefāfa mü'eddī olur, cimāc-ı keşir ve muđī olan nesnelere nazarin taṭvīl eylemek ve daḳıḳ olan ḥaṭṭı çok okumak. Eger ḥaṭṭ-ı daḳıḳı kırā'eti mütevasşıṭ olur ise o kırā'et 'ayna riyādet olup nāfi' olur. Ve bu minvāl üzeredir her a'māl-i daḳıḳa. Ve yine 'ayna muđırr olur imtilā üzere uyumak ve akşam ta'āmı yedikten sonra uyumak

Ve başarına da'fin 'urūdu bed' eyleyen kimselere vācib olur ki ba'de't-ta'aşşī ve ḳable'l-hađm uyumaya belki ta'ām hađm olunca ḳadar uykuya şabr eyleye. Ve 'ayna her imtilā muđırr olur. Ve ṭabī'atı tecfif edenlerin ve eşyā-ı māliḥa vü ḥırrife mişli demi mu'akkir olanların dahi küllisi muđırr olur. Ve sükker dahi 'ayna ađarr-ı eşyādandır.

Ammā ḳay' iki vech i'tibārı ile hem muđırr ve hem nāfi'dir, zīrā ḳay' ḳay'ın mi'deyi tenḳıyesi ḥasebiyle nāfi'dir, ammā mevādd-ı dimāḡı taḥrīk edip 'ayna hareket eden mevāddı def'i cihetinden muđırr olur. Pes kaçan ḳay' eylemek iḳtidā eylese lāyık olan budur ki ta'ām tenāvülünden sonra rıfḳ üzere ḳay' eyleye. İstihmām ve nevm-i müfraṭ dahi muđırr olur. Ve nevm-i keşir ve faşd-ı keşir ve ḥuşūşan mütevātiren ve mütevāliyen ḥacāmet dahi ḳārr olur.

Ammā ađdiyelerden muđırr olanlar māliḥa ve ḥırrife ve mübahḥire ve fem-i mi'deye muđırr olanlar ve kürrāş ve başal ve şüm ve bārid vecc yemek ve zeytūn-ı nađic ve kerneb ve şibş ve 'ades bu mezkūrlar cemī'an 'ayna muđırr olur.

Ammā 'ayna ađdiyede muđırr olan taşarruflar budur ki ḡidānın tenāvülü bir ḥāl üzere ola ki o ḥāl hađmı ifsād eylemeye ve riyāḥı teksir eylemeye. Biz o ḥālet-i ekli mevđi'inde beyān eyleriz. Ve biz o ḥālete vuḳūf tahsil eyledik, sen dahi bu kitāb-ı şālişin maḳālātında tahsil-i vuḳūf eylersin in-şāllāhu ta'ālā.

107 Ya'nī mađarrat-ı ađdiye iki kısımdır. Birisi mađarrat cevher-i ađdiyede ve āḫeri isti'mālinde olur. Meşelā ađdiye-i şālihaların tertibinde ve ṭabḥında ve ezmine-i tenāvülünde mađarrat olur.

Altıncı Faşl Remed ve Tekeddür Beyânındadır

Remed iki kısım üzere olur: Birisi remed-i haqîkî ve âheri bir âfettir ki remede müşâbih olur, remed-i haqîkî olmaz ve o müşâbehete tekeddür ve taḥaṣṣür ve ḥaşr dahi derler. Ve o tekeddür ‘aynda bir tesahḥun ve terattubdur ki esbâb-ı hâriciyye o sühûnet ve ruṭûbeti ‘aynda işâre edip ve ‘aynı kızzartır, o esbâb-ı hâriciyye şems gibi ve şudâc ihtirâkı ve ḥummâ-ı yevm ihtirâkı gibi nesnelerdir. Ve kezâlik berd dahi kabdı ḥasebiyle ve darbe ‘aynı tehyîci ḥasebiyle ve riyâḥ-ı âşîfe şafkı ḥasebiyle evvelen zıkr olunan esbâblar gibi sühûnet ü ruṭûbet-i ‘aynı işâre eder. Ve bu işâreler hafife ve esbâb-ı mezkûreye maşḥûbe olup esbâbın vücûduna muttaşıl olur, reyş ve te’ehhür edip ba’de-zamânin olmaz. Ve ona ‘ilâc olunmasa dahi sebebin zevâli ile o âfet dahi ekşer-i hâlde zâil olur. Ve remedin bu nev’ine tareksîs ismiyle ehl-i Yünân tesmiye ederler.¹⁰⁸ Ve bu vâkıc olan esbâb-ı hâriciyyeye esbâb-ı bedeniyye dahi zuhûr edip mu’âvin olsa veyâḥûd esbâb-ı bâdiye-i uḥrâ evvelâ vâkıc olan esbâb-ı hâriciyye vü bâdiyeyi taḥviye edip esbâbı mütedâ’ife vü müte’âdıde olsa o vaḳtte mümkün olur ki o âfet ‘aynda verem-i zâhir-i haqîkîye intikâl eyleye, ḥummâ-ı yevmin ḥummâ-ı uḥrâya intikâli gibi. Ve kaçan o tekeddür verem-i haqîkîye intikâl eylese zamân-ı ibtidâsında Yünânîler o vereme aḳrîkimâ derler.

Tabf ile olan nüshalarda “tareksîs” (طاركسيس) bedeline “kâraṣîs” (كارطسيس); ve “aḳrîkimâ” (اقریکما) bedeline “laḳvikimâ” (لقویکما) vâḳf olmuştur.

Ve remedin bir nev’i dahi vardır ki cereb-i ‘ayna tâbiç olur. Onun sebebi ‘aynı ḥadşe olur ya’nî ‘aynda cereb olup ‘aynı taḥdîş etmekle ‘ârîd olur. Ve bu nev’ remed zıkrî mürûr eden tekeddür mecrâsına cârî olur. Ve onun mu’âlecesine cereb-i ‘ayn ḥakk olunup cereb izâle olunduktan sonra mübâşeret olunur.

Ammâ remed-i haqîkînin bi’l-cümle aşnâfının mâhiyyeti budur ki remed tabaḳa-i mülteḥimede bir nev’ veremdir ve o verem iki şımf üzere [olur:]

108 Ya’nî ‘aynı sebebin vâhid-i hâricîden mütekeddür olduktan sonra yine hâricden sebebin âḥer dahi vârid olsa tekeddür ziyâde olup remede intikâl eylemek câiz olur.

Bir sınıfı verem-i basîttir, onda ʿurûk-ı ʿaynın dürür ve seyelânından ve vecaʿdan mâ-ʿadâ nesne olmaz ve verem o haddi tecävüz eylemez.

Ve sınıf-ı uhrâ ʿazîm olur ve zıkr olunan haddi ve mertebeyi tecävüz edip beyâd-ı ʿayn büyüyüp hâdeka-i ʿaynı setr eder ve ona keymûsîs tesmiye ederler; bizim katımızda verdî nec demekle maʿrûf olur.

Ve çok kerre remed şıbyâna keşret-i mevâddları ve gözlerinin daʿfı sebebiyle ʿarıd olur. Ve remedin ʿurûdu mevâdd-ı hârre hasebiyle olmaz belki baʿdı kerre mevâdd-ı balgamiyye vü sevdâviyye ile dahi ʿarıd olur, zîrâ remed-i haqîkî hâdekada ve belki mültehimede olan vereme ıtlâk olunur.

Ve muṭlaқан verem dem ve şafrâ ve balgâ ve sevdâ ve riyâh işbu beş nevʿ mevâddın her biri ile hâdiş olur. Felâ-maḥâle remed-i haqîkî dahi mevâdd-ı ḥams-ı mezḳüreden her biriyle hâdiş olmak câiz olur. Ve zıkr olunan mevâdd baʿdı kerre ʿaynın kendide tevellüd eder ve baʿdı kerre dahi âḥer ʿudvdan nezle ʿarîkiyle ʿayna gelir ve onun nüzülü kıḥfın ḥâricinde kıḥfı mücellil olan ğışâ ʿarîkinden olur veyâḥûd dâḥil-i kıḥfta dimâġı muḥîṭ olan ḥicâb ve kezâlik nevâḥî-i ḥicâb ʿarîkinden nüzül eder. Ve bi'l-cümle o mevâdd dimâġ ve dimâġın nevâḥîsinden münbaʿîs olup zıkr olunan ṭuruğun birinden ʿayna munşabbe olur, zîrâ her kaçan dimâġda mevâdd keşire olup dimâġ mümtelî olsa o mevâdd taşıp ʿaynı dahi doldurup ʿaynda remed hâdiş olur meger ki ʿayn cidden kavıyye olup mevâdd-ı şâireyi kabûl eylemeye ve ʿaynın dâfiʿa-i kavıyyesi onu defʿ eyleye.

Ve baʿdı kerre ʿayna şerâyîn fuḍlünü defʿ edip remed iḥdâş eder gerek o şerâyîn dâhiliyye ve gerek ḥâriciyye olsun ikisi dahi fuḍlü keşret üzere oldukta ʿayna defʿ ederler. Ve baʿdı kerre mevâdd ʿayna dimâġdan ve reʾsten şâire olmaz belki remedi iḥdâş eden mevâdd reʾs ve dimâġdan mâ-ʿadâ ʿudvlerden ʿayna şâire olur ḥuşûşan ʿaynlar sūʾ-i mizâc hasebiyle daʿf gelip her vârid olan mevâddı kabûl eyleye.

Ve aşnâf-ı remedin baʿdı sınıfında devr ve nevbet olup mâdde tevellüdü-nün ve inşibâbının devri ve nevbeti hasebiyle remed dahi nâibe ve dâire olur.

Ve remed ağrılarının iştîdâdı gözde ḥılṭ lezzâʿ olup ṭabaḳât-ı ʿaynı ekl ve ifnâ etmekle olur veyâḥûd ḥılṭ keşir olup ʿaynı temdîd etmekle olur ve buḥâr ile dahi olur. Ve bu sebeblerin tefâvütüyle ağrı dahi mütefâvit olur. Pes ʿaynın mevâddı ḳarîben senin bildiġin üzere yâ bedenden veyâḥûd

resten veyâhûd göze sâlik olup göze mādde-i rediyye vü bāride i^şāl eden damardan olur.

Ve ba^çdı kerre ^çaynı ağrıtan mevādd ^çaynın kendide tevellüd eden mādde olur. Ve gözde mādde tevellüdünün vechi budur ki ^çaynda muhtebese olan ahlāt mizāc-ı ^çaynın fesādı veyâhûd remed-i ^çavıl hasebiyle fāsıde olup cemī^çan ^çaynın ru^çtübeti mevādd-ı rediyyeye istihāle eder. Ve ^çaynı cāhıza ve mürtefī^ça olanların ^çaynında remedın ^çızam ve nütü^çu ziyāde olur, zīrā o mişli ^çaynın ru^çtübeti ziyāde ve mesāmmlarının ittisā^çı olur. Ve remed aşnāfında dümü^ç-ı bāride çok olur, ru^çtübeti gayr-i münhadım olmak hasebiyle. Ve ihtilāf-ı ^çabī^ç ile remed münhall olur ya^çnī müsterāha gidip ve gelmekte keşret olmak ile remed zāil olur.

Ve ma^çlûm ola ki [remedin] redā^çeti keyfiyyet-i mevāddın redā^çeti ile olur. Ve remedın ^çızamı mevāddın kemmiyyetinde keşret olmakla olur.

Ve ma^çlûm ola ki bilād-ı cenūbiyyede remedın ^çurūdu çok olur lākin sür^çat ile zāil olur. Ve keşret-i ^çurūdu sebebi budur ki o bilādın ahālilerimde ru^çtübet hasebiyle seyelān-ı mevādd ve ebhıre keşir olur velākin yine ru^çtübet ile ebdānlarının mesāmmları mütehalhil [267b] ve ^çabī^çatlarında in^çtilāk ve mülāyemet olmakla mevāddları her ne miqdār keşire olur ise indifā^çı ve ta^çhallülü serī^ç olur. Ve eger o bilād ahālisine fec^çeten berd işābet eylese onların remedleri şuşūbetli olur, zīrā ekşer-i hālde onların hıtları severān [üzere] olur. Ve şāire olan ahlāt-ı keşireye fec^çeten berd işābet eylese severānı olan olan ahlāt-ı keşireyi kab^çd edip severāndan ve indifā^çdan māni^ç olup bür^çünde şuşūbet olur.

Ammā bilād-ı bāride ve ezmine-i bāride remed ^çalil olur velākin ma^ça-killetin vāqī^ç oldukça indifā^çı şuşūbetli olur. Ve killeti onun içindir ki bürüdet hasebiyle o bilād-ı bāride ahālisine ve ezmine-i bāride mevādd muncemide olup mevāddın severānı ^çalil olur ve ^çayna şāire mevāddın killeti hasebiyle remed dahi ^çalilen hādış olur. Ve o remedın şuşūbet-i inhilāli onun içindir ki kaçan ^çayna bir ^çarīk ile mevādd munşabbe olup remed ihdās eylese o mevādd bürüdet-i ^çabıda ile muhtebese olup ta^çhlili şuşūbetli olur ve mecāriye bürüdet hasebiyle istişhāf ve in^çtibāk ^çarid olup temdīd-i şedīd ile temdīd eder ve temdīdi ^çabakāt-ı ^çaynda olan şifāk ve ağşiyeyi pāreleyip ittışālını tefrīke ^çarīb olur.

Ve kaçan şitâ şemālî olup onun ardınca gelen şitâ cenübî ve maḥîr olsa ve onun ardınca gelen şayf şedîdü'l-ḥarâret olsa onda remed keşîrî'l-vuḳûc olur. Ve kezâlik şitâ cenübî ve defî yaʿnî ıssı olup onda ebdân aḥlâḥla müm-teliʿe olsa ve ardınca gelen rebîc-i şemālî olup o bedeni mâlî olan ḥıltı ḥaḳn ve ḥabs eylese yine remed keşîrî'l-vuḳûc olur.

Şayf-ı şemālîde remed keşîr olur, ʿale'l-ḥuşuş o şayf-ı şemālî şitâ-i cenübîden sonra ola. Ve kezâlik o şayfta dahi remed keşîr olur ki onun rebîc-i cenübî vü şitâsı şemālî olup cefâf üzere ola yaʿnî maḥîr olmaya.

Ve bilâd-ı şimâliyye ahâlîlerinden ebdânı şulb olanlarda ve bilâd-ı cenübîyye ahâlîlerinden ebdânı müteḥalḥil olanlarda dahi remed keşîr olur. Ve bilâd-ı ḥârrenin remed iḥdâsı keşîr olduğu gibi kezâlik cidden ḥâr olan ḥammâm dahi remedi iḥdâs eder, ḳarîb olur ki ona dâḥil olan insâna remed işâbet eyleye.

Ve maʿlûm ola ki ʿaynında remed ve taḡayyür olan kimseye şavâb olan muʿalecât ile ʿilâc olunup mübâlaḡa üzere tenḳıye olunduktan sonra remedi zâil olmasa o remedin sebebi mâdde-i rediyyenin ʿaynında ihtikâni ve ihtibâsı olduğu veyâḥûd reʿs ve dimâḡın birinden mevâddın nüzûl eylediği zâhir olur; bundan aḳdem dahi biz onu beyân eyledik.

el-ʿAlâmât: Maʿlûm ola ki göze ʿarîḳ olan vecaʿ iki kısım üzere olur: Biri lezzâʿa ve biri mümimde olur. Lezzâʿiyye olan olan vecaʿ maddenin fesâdına ve keyfiyyeti ḥiddet üzere olduğuna delâlet eder. Ve vecaʿ-ı mümimde keşret-i mevâdda veyâḥûd rîḥe delâlet eder.

Ve aşnâf-ı remedin zamân-ı intihâya sürʿat üzere bâliḡ olanları esyelî yaʿnî gözünün ruḥubeti keşret ile akan ve lezʿi ḥiddetli olan sınıf olur. Ammâ zamân-ı intihâya bülûḡu baḥî ve geç olan şınıfta seyelân olmayıp yübüset olur ve remaş yaʿnî gözün çapaḡı maddenin nuḳcuna veyâḥûd maddenin ḡılzatine delâlet eder ve sürʿat üzere remaşın ḥudûsu olup şıḳal-i reʿsten mâ-ʿadâ olan aʿrâḳ-ı ḥafife olduğu maddenin ḡılzatine delâlet eder. Ve o remed ki onun mevâddında nuḳc olup ve zamân-ı ibtidâda ʿaynda ḥiffet-i ḳalîle olsa ve inḥilâli dahi serîc olsa o remed maḥmûd olur.

Ammâ remed ḥasebiyle gözde ḥabbe mişâlinde ḥâdiş olan âfetlerin eger ḥabbesi şıḡâr olur ise onun ḥayra delâleti eḳall olur, zîrâ ḥabbın şıḡarı nuḳcun baḥî olduğuna delâlet eder. Ve kaçan göz kapakları iltişâḳa ve yapış-

mağâ başlasa nuđcun karîb olduğuna delâlet eder. Ve mādām ki gözden su gibi ruṭûbet seyelān eder, o seyelān nuđcun buḍduna delâlet eder.

Ve bu mezkûrlardan sonra biz deriz ki ammā aşnâf-ı remedin tekeddür tesmiye olunan şınfı ‘aynın ḥiffeti ile ma’lûm olur. Ve kezâlik tekeddürün bādî olan esbâb-ı mezkûreleri teḳaddümü ile ve remedin fiḳdānıyla dahi ma’lûm olur.

Ve ammā ḥaḳîḳî remedden re’sse müşâreket ile ḥâdiş olana baş ağrısı ve baş ağırlığı delâlet eder.

Ve nezleden olan remede eger o nezlenin tarîkı ḥâric-i kıḥfta olan ğışâ-i mücellil olur ise cebhenin temeddüdü ve ḥâricde olan ‘urûkun dürüru ve göz kapaklarına intifâḥın sür’at-i ‘urûdu ve cebhenin ḥumreti ve çarebân delâlet eder.

Ve eger ‘ayna nüzül dâḥilde olan ḥicâb tarîḳinden olur ise ona zıkr olunan ‘alâmetlerin biri olmayıp ‘uṫas ve ḥanek ve enfin ḥikkesi delâlet eder.

Ve eger remed müşâreket-i mi’de ile olur ise ona tehevvue ve kerb-i mi’de ve mi’de mevâddının zıkrı geçen ‘alâmetleri delâlet eder.

Ammā remed demevî olur ise ‘aynın levni ve ‘urûḳ-ı ‘aynın dürüru ve şudğların çarebânı ve nevâḥî-i dimâğda olan demin sâir ‘alâmetleri ve kezâlik dümûcun kılleti ve ‘inde’n-nevm ḥâdiş olan remaş ve iltizâḳ-ı ecfân ona delâlet eder.

Ammā remed-i şafrāvîye naḥs-ı şedîd ve veca’-ı şedîd-i muḥterik ü mültehib ve ḳalîl ḥumret ve dem’a-i raḳîḳa ve o dem’anın aḥyānen taḳrîḥi ya’nî ḳurḥa ihdâsı delâlet eder. Ve aḥyānen remed-i şafrāvî dem’adan ḥâlî olur, remed-i demevînin ḥâlî olduğu gibi. Ve remed-i şafrāvî ‘inde’n-nevm mültezîḳ olmaz.

Ve şafrāvî remed cinsinden olur ḥumret tesmiye olunan o verem ki ‘ayna ‘arıḳ olur. Ve o ḥumret ve remed ḥurâcât-ı ḥabîsedendir ve baḍdı kerre ‘aynı keyy ve taḳrîḥ eder ve ḳurḥasının debîb ve sa’yı olur ya’nî ḳurḥa büyür ve mevdi’-i şaḥîḥe sirâyet eder.

Ve remed-i şafrāvînin bir şınfı dahi kuru olup onda ḥikke olur ve ḥumreti ḳalîle ve remaş dahi ḳalîl olur ya’nî gözünde çapak az olur ve onda olan verem zuḥûr-ı mu’teber ile zâhir olmaz ve o remed mādde-i ḳalileden ḥâdiş olur.

Ve ammâ remed-i balgamîye şıkal-i şedîd ve harâret-i kalîle ve humret-i hafife delâlet eder, zîrâ o remedde levni-î gâlib beyâd olur ve nevm katında ‘aynda remaş ve iltişâk olur ve tehebbüc-i ‘ayn dahi vâkı‘ olur ve yüzün levni dahi ‘aynın levni gibi olur.

Ve eger balgamî olan remedin mebd’i mi‘de olur ise ona tehevvue delâlet eder. Ve ba‘dı kerre balgamî olan remedde mülteħime mürtefi‘a olur ve remedin ‘ızamı ħasebiyle sevâd-ı ‘ayn üzere meyl eder lâkin onda şedîden humret zâhir olmaz ve dümü‘ dahi olmaz belki remaş olur.

Ve remed-i sevdâvinin ‘alâmeti ‘aynın kümüdeti ve cefâfi ve remedin izmânı ya‘nî zamânının tülû ve iltişâkın kıletti olur.

Ve remed-i rîħninin ‘alâmeti bilâ-şıkal velâ-seyelân temeddüd olur ve ba‘dı kerre o temeddüd humrete mü‘eddî olur.

el-Mu‘âlecât: Tekeddüre ve remed-i ħafiften tekeddür mecrâsına cârî olanlara ba‘dı kerre esbâbını kaç‘ kifâyet eder. Onların sebepleri müte‘ayyen olup imtilâ-i dem mişlli nesnelere olur ise imtilânın mevâddı istifrâğ olunur. Ve ba‘dı kerre ‘ayna süt ve yumurta akı taķtîr olunup ħareket-i mādde teskîn olunmak dahi kifâyet eder ve istifrâğa dahi ħâcet olmaz.

Ve eger tekeddür ħarbeden ħâdiş oldu ise o ‘ayna güğercin yeleğinin kanı veyâħüd güğercinin kendi kanı damlatılır. Ve ba‘dı kerre sünger veyâħüd yün maţbûħ olan nesne içine ħams olunduktan sonra ‘aynın üzerine onunla kimâd olunmak dahi kifâyet eder.

Ve nüşhaların kiminde “mağmüse” ve kiminde “memsûħa” vâķı‘ olmuştur. “Memsûħa” nüşhasına göre lâzımdır ki o süngerin veyâħüd şüfun kıvâmı zâil ve hey‘eti müteğayyir olunca kadar taḫl oluna veyâħüd o sünger ve şüf [268a] gül yağına ve ‘ades taḫlîhine ħams olunup kimâd olunur veyâħüd o ‘ayna hatunların sütü memesinden sağılıp ‘alâ-ħarâretihi ‘ayna taķtîr olunur. Ve bunlar ile mu‘âlece müfide olmaz ise boy tohumunun taḫlîhiyle ve şiyâf-ı ebyâd ile mu‘âlece olunur.

Ve eger tekeddürün sebebi berd ise o tekeddür remed mertebesine varmadı ise ve veremi dahi yok ise ve beden ve re’s mümteliler değil ise o remedde ħammâm menfa‘atli olur. Ve tekeddüre babadya taḫlîhiyle tekmiḍ nâfi‘ olur. Ve ta‘âm yedikten üç sâ‘at sonra şarâb-ı laḫîf şürb edip üzerine uyumak tekeddüre ‘ilâc-ı nâfi‘ olur gerek ise o tekeddür güneşten

olsun veyâhûd sovuktan ve ğayrı sebebdan olsun bi'l-cümle tekeddüre nâfi'dir.

Ve cereb hasebiyle olan remed-i hafifin mu'alecesinde evvelâ cereb-i 'ayn kazanıp hakk olunur ba'dehu remede mu'alece olunur. Ve ba'dı kerre cerebi hakk eylemek kifâyet edip remed zâil olur ve remed için mu'alece olunmağa hâcet kalmaz. Ve eger cereb hasebiyle hâdis olan remed 'azîm olup o remed-i 'azîm mevcûd iken cerebi hakk mümkün olmaz ise huşûnet-i remed terkîk ve telyîn ve hikke şâlih olunca kadar tenkıye olunur ve ba'dehu hakk olunduktan sonra remedin mu'alecesi olunur.

Yedinci Faşl Aşnâf-ı Remedın 'İlâc-ı Müsterekleri ve 'Ayna Nevâzil İnşibâbının Dahi Mu'aleceleri Beyânındadır

Ben derim ki mâddiyye olan remedin ve sâir emrâd-ı 'aynın tedbîrlerinde kânûn-ı müsterek budur ki o mişlli 'illet olanların ğidâları tahfif ve taklîl olunur ve onlara hılt-ı maħmûd tevli'd eden ğidâlar iç'âm olunur ve mübahhur ve seyyi'ü'l-hađm ğidâdan ve cimâ'dan ve harekette ve tedhîn-i re'sten ve şarâbdan ve hâmiđ ve mâlih ve hırrif olan agdiye tenâvülünden ictinâb ettirilir ve tab'ı 'ale'd-devâm telyîn olunur. Ve kifâlden faşd bi'l-cümle göz ağrısına nâfi' olur.

Ve aşhâb-ı remede vâcib olur ki şey'-i ebyada ve şu'â'a nazar eylemeye ve belki vâcibdir ki oturduğu odanın bisât ve firâşı ve kendi üzerinde olan şeyyâbi dahi esvedü'l-levn yâhûd aħđar ola. Ve yüzüne bir hurka-i sevdâ ta'lik ede o vech üzere ki onun siyâhi 'alilin 'aynına zâhir ola. Ve zikr olunan âfet aşhâbının hâl-i marađda esved ve hâl-i şihhatte âsmâncünî isti'mâli evfağ olur. Ve yine vâcib olur ki onun mebîti ya'nî süknâsı zulmete nâzır ola ve ona nevm isticlâb oluna, zîrâ aşhâb-ı remede nevm 'ilâc-ı ceyyid olur.

Ve vâcibdir ki başının tüyleri uzayınca kadar terk ve ihmâl olunmaya, zîrâ o tüyler remede cidden muđırır olur meger ki onun başında olan tüyleri irsâl eylemek 'âdet-i kadîmesinden ola; o mişlli kimselere başında tüy olmak nâfi'dir, zîrâ başta olan ru'tübâtı ğidâ olmak üzere kendiyeye cezb eder ve başta nevâzil mevâddı kalil olur.

Ve eger 'alilin bedeni nağy olup remedi fâ'il olan 'urûktan nâşî dem-i ğalîz cinsinden ise ve huşûşan remed intihâya vardı ise hammâma duđul ve

kezâlik şürb-i şarâb ona evfağ olur, zîrâ hammâm mevâddı terkîk eder ve şarâb mevâddı uđvdan iz'ac edip ihrâc eder. Ve istifrâğdan sonra hammâm remed mu'alecâtının efdali olur huşuşan remedi olan 'aynın veca'ını müsekkîn kimâdâtın biri ile 'aynın veca'ı teskîn olunduktan sonra hammâm isti'mâli ziyâde nâfi'dir.

Ve remedin ve bi'l-cümle emrâd-ı 'aynın mâddi olanları tedbîrlerinin biri dahi budur ki vaqt-i idtîcâ'da 'alîlin başı yastığı terfi' olunur ve başı münhadir ve esfele sukûttan ziyâde hâzer olunur. Ve onun başı tedhîn olunmaz belki dühni onun başından teb'îd eylemek vâcibdir; tedhîn remede ziyâde muđırrdır. Ve kulağına dühn taqtîr olunmak remede ziyâde ve cid-den muđırrdır her ne kadar o dühn muқтаtar gül yağı olur ise dahi.

Ve ba'dı kerre remed büyüyüp şabakât-ı 'aynı tadyîk eder, o mişli remedde mevâdd eger 'ayna uđv-ı âherden gelir ise mâdde o uđv-ı âherden istifrâğ olunup hıknê ile veyâhüd faşd ile o uđvun cihet-i hilâfına mâdde cezb olunur. Ve ba'dı kerre kıfâli faşd kifâyet etmeyip şudğda olan veyâhüd kulakta olan şiryânları faşda hâcet olur, zîrâ 'ayna mâdde o şiryânlardan munşabbe olur ve faşd olundukta mevâddın 'ayna sâlik olan tarîki munқтаı'a olur eger tarîk-i şiryân zâhir olur ise. Ve o şiryân sell ve kaç olunmak murâd olursa vâcib olur ki 'alîlin başı halk ve tıraş olunur. Ve te'em-mül olunur ki selli ve kaç câiz olan şerâyîn-i şığardan hangisi biri birlerine kıyâsla a'zam ve enbađ ve eşhandır ta'arrüf olunup bilindikte o şığarın a'zam ve enbađ ve eşhanı kaç olunup istîşâl ve ihlâkinde mübâlağa olunur. Ve bu vech ile kaç olunması câiz olan şiryân şerâyîn-i şığarın a'zamı ve enbađı ve eşhanı olur. Ammâ şiryân-ı kibârın kaç câiz olmaz. Ve ba'dı kerre şudğ üzere olan şiryân dahi kaç olunur. Ve vâcib olur ki kaç olunması murâd olunan şiryân evvelâ hazm olunup [ya'nî] bağlanıp ba'dehu kaç oluna ve kaç olunacak mahalle karîb mevdi'den şiryân hayt-ı ibrişim ile tavîlen ve şediden bağlanıp kaç oluna ve meşdüd olunan mahall şeddi ile terk oluna. Ve kaçan mevdi'-i şedd ta'affün eylese câiz olur ki şeddi hâl oluna. Ve bu vech ile kaç muhtâc olan şiryân mevâdd-ı remedin mecrâsı, şiryânî şu'belerinin ve şığarının a'zamı olanlardır.

Ammâ o şu'abın şığarı mecrâ-yı mevâdd olduğu mütehaqqak olur ise o şiryân kaç olunmaz belki şart-ı amîk ile şart olunup içinde olan mevâdd

istifrag olunmak kifayet eder. Ve nukre üzere hacâmetin ve irsâl-i ʿalağın menfaʿati şiryânı kaçın menfaʿatine qarîb olur.

Ve bu muʿalecât bi'l-cümle müfid olmaz ise mâktan yaʿnî göz pınarı dedikleri maḥallden ve ırq-ı cebheden faşd olunur lâkin nukre üzere hacâmetin menfaʿati gâyete bâliğa olur yaʿnî o hacâmet ile ekşer-i hâlde âfet mündefiʿa olur, mâkı faşda hâcet kalmaz.

Ve kaçan göz ağrısı mütemâdî ve müzmin olsa o şiyâf istiʿmâl olunur ki onun terkibinde nuḥâs-ı muḥrak ve zâc-ı muḥrak ola. Ve baʿdı kerre yalnız şabır ile iktihâl kifayet eder.

Ve kaçan remed uzayıp muʿalecâtın birinden intifaʿ eylemese maʿlûm olur ki ṭabakât-ı ʿaynda mādde-i rediyye vardır, ona vâşıl olan gıdâyı ifsâd eder ve o mişlli mevâddı istifrag için mağsûl olan tütüyâyı kaşd edip isfidâc ve zehebî ve mağsûl-i iklîmiyâ ve neşâ ve şamğdan miqdâr-ı kalîl mişlli müleyyinât ile maḥlûtan istiʿmâl olunur. Ve baʿdı kerre yâfûhu keyye hâcet olur, zîrâ keyy nezleyi ḥabs eder. Ve remede sebep ʿale'd-devâm nezlenin ʿayna nüzülü ise keyyin remed-i müzmine menfaʿati zâhire olur.

Ve kaçan remedin menşe-i mevâddı ḥicâb-ı bâṭniyyeden olur ise onun ʿilâcî şuʿûbetli olur ve ʿilâcının medârı istifragât-ı qaviyye olur. Ve başı taqviyede ve bu bâbda şânı olup maʿrûf olan dımâdât istiʿmâl olunur, sünbül ve verd ve akâkıyâ ve küzbere suyu mişllilerden mütteḥaz olan dımâdlar gibi. Ve küzbere-i raṭbın kendi ile ve kezâlik küzbere-i yâbise kalîletü'l-mikdâr zaʿferânla dımâd olunur. Ve o dımâdât bir sâʿat veyâḥûd iki sâʿat ʿudvun üzerinde terk olunup baʿdehu defʿ olunur. Ve baʿdı kerre muğarriyât ve mevâdd-ı hâddeyi muʿaddil olan edviyeler dahi istiʿmâl olunur. Ve el-bân muʿaddilât-ı mezkûre cümlesinden olur. Ve o muʿaddilât ʿayna taqṭîr olundukta o kaçūr ʿaynda tûl-i müddet terk olunmak ʿayna şâliḥ ve muvâfiq olmaz belki vâcib olur ki o kaçūr ʿayndan irâka ve izâle [268b] olunup küllü vaktin tecdîd oluna. Ve yine muʿaddilât cümlesinden olur yumurtanın beyâdı. Ve yumurta beyâdı istiʿmâl olundukta küllü vaktin tecdîd olunmak vâcib değildir, bir kerre beyâd-ı [beyd] göze vaḍʿ olunup terk olunur. Ve kaçan gözü ıdrârı ḥavf olundukta refʿ olunur, küllü vaktin tecdîde hâcet kalmaz, zîrâ beyâd-ı beyd lebenden cämiddir ve bâṭın-ı ʿayna nüfûz edip ıdrârı geç olur ve müddet-i işlahında mevḍî-i ʿilleti işlâḥa kâdir olur lâkin

lebende hâlâvet ziyâde olur. Ve beydîn ‘aynı cem‘ ve temlîsi ve telyîni vardır ki ona binâen mesâmmâtı sedd eylemez ve onda lehac olmaz. Ve hülbe tabîhinin tahlîl ve indâcı ve hem ‘ayna ihdâs-ı melâseti olur ve huşûnet-i ‘ayn ile ‘arıd olan veca‘-ı ‘aynı def‘ ve teskîn eder. Ve dühn-i verd dahi mu‘addilât-ı ‘ayndan olur.

Ve’l-hâşıl gözde müsta‘mel olan edviye ve huşûsan remedde müsta‘mel olan o edviyedir ki onun huşûneti olmaya ve merâret ve humûdat ve harâfet mişli keyfiyyet-i ta‘mı dahi olmaya.

Ve vâcib olur ki ‘aynda isti‘mâl olunan edviye ceyyiden sahk oluna tâ ki o edviyenin huşûneti zâile olup ‘aynı mutađarrır eylemeye. Ve ta‘mı olmayıp mesîha olan edviye ile iktifâ olunmak, mümkün oldukça ta‘mı olan edviye isti‘mâl olunmamak vâcib olur.

Ve ba‘dı kerre göz ağrısına se‘ûtât-ı sılkıyye¹⁰⁹ ve o mecrâya cārî olan se‘ûtât isti‘mâl olunup ba‘dı mevâdd onunla ihrâc ve enften istifrag olunur, eger o se‘ûtâtın ‘udv-ı âherin mevâddını ‘ayna cezbinden havf olunmaz ise. Ve ba‘dı kerre göz ağrısı için gargara dahi isti‘mâl olunur.

Ve yine ‘ayna mu‘alecât-ı nâfi‘adan olur mâ-ı fâtir ile meblûle olan sünger yâhüd şûf ile kimâd olunmak. Ve çok kerre bu kimâdı bir kerre ve iki veyâhüd üç kerre isti‘mâl eylemeğın fâide-i keşiresi olur. Ve ba‘dı kerre dahi bu kimâdın teşîri defe‘ât-ı keşire ile isti‘mâle muhtâc olur remedin kuvvet ve da‘fı hasebiyle. Ve eger kimâd iklîlü’l-melik ve hülbe tabîhi ile isti‘mâl olunur ise o kimâdın menfa‘ati ekşer ve eblağ olur.

Ve ba‘dı kerre cebhe üzere edviye-i râdi‘a ile tîlâ olunur ve huşûşan bu tîlâ o remedde keşiren isti‘mâl olunur ki onun mevâddı hâric-i kılhfı mücellil gışâdan sâlik ola. Ve o tîlâ olunacak revâdi‘ hâşşaten kavun kabuğu gibi ve mâ-ı ‘aşar-r-râ‘i ve māmîsâ şiyâfi ve fîl-zehrec ve şabır ve verd ve za‘ferân ve anzerût ve kezâlik ‘avsec ve sevîku’ş-şa‘îr ve ‘inebü’s-sa‘leb ve sefercel gibi. Ve eger ‘ayna munşabbe olan fađla şedîdetü’l-hiddet olur ise onda kabdı şedîd olan letûhât isti‘mâl olunur, ‘afş ve cüllenâr ve hasek gibi. Bu edviyeler mecârî-i nevâzile dımâd olunsa teşîr-i ‘azîmi olur. Ve bu mu‘aleceler eger mâdde hârre ise nâfi‘ olur ve eger bârîde ise müceffif ve kabıd ve ‘udvu mu‘avvî ve müsahhîn olan edviye isti‘mâl olunur, zanbak

109 “السلق اذا يسعط بعصارتة مع العسل تقى الرأس” İbn Kütbî.

ve kerneb ve bûraktan müttehaz letûhla telîh olunmakla. *Nüşa-i sulţāniyyede “kerneb” bedeline “kibrît” vākʃ olmuştur.*¹¹⁰

Ve vâcib olur ki dâimâ remaştan ʿayn tenkıye oluna ʿayna sût damlatmakla, zîrâ sût ʿaynı ğasl eder veyâhûd beyâd-ı beyd ile ʿayn tenkıye oluna lâkin bununla tenkıye ʿayna rıfķ ile mess ve meshe muhtâc olur.

Ve vâcib olur ki remed şedîd olur ise faşd olunup kanı ğaşy gelince kadar akıtıla, zîrâ keşîren kan akıtılrsa sâʿatince bür gelir. Ve mümkün oldukça şiyâfât istiʿmâli üç gün miqdârı teʃhîr olunur. Ve o üç günde karîben zîkr olunan tedbîrler ile iktifâ olunur istifraglar gibi ve mevâddı eţrâfa cezb gibi. Ve karanlık maħâlde iskân ve elbise-i sûd ilbâsı gibi tedbîrler olunur. Ve bunlardan sonra şavâb görülen nesnelere dahi istiʿmâl olunur ise beʿs yoktur. Ve çok kerre remed bu eşyâ ve bu tedbîrler ile taħallül edip sağalar ve âher ʿilâca hâcet kalmaz. Ammâ tabîʿatı telyîn eylemek her hâlde emri vâcib olur belki ishâl olunmak dahi emri vâcibdir, zîrâ baʿde'l-faşd deme hıltı istilâ ve ğalebe eder, lâ-maħâle o hıltı ishâle ihrâc olunmak lâbüdd olur.¹¹¹ Ve kable't-tenkıye tekmiđ olunmak ve hâmmâma girmekte hayr olmaz. Ve çok kerre kable't-tenkıye kimâd ve hâmmâm mevâddı cezb edip tabakât-ı ʿayna taķtîr eder.

Ve vâcib olur ki remed zamân-ı ibtidâda kuvvet ile teksîf ve şedîden kabđ keyfiyyetleri olan edviye ile muʿâlece olunmaya, zîrâ o mişlli edviyeler tabakât-ı ʿaynı kabđ ve teksîf edip mevâddı taħallülünden menʿ eder ve vecaʿı dahi şedîd eder, ʿale'l-huşûş ʿan-aşl vecaʿ şedîd olur ise bu çararlar kat-ender-kat tezâyüd eder. Ve kezâlik ibtidâ-i remedde daʿifü't-teşîr olan kabıđ edviyeler dahi istiʿmâl olunmaz, zîrâ kabđı daʿif olan devâ mevâddı ʿudva seyelândan menʿ ve redʿ eylemez lâkin tabaka-i zâhireyi teksîf edip mevâddı onda hâbs etmekle muđırr olur. Bi-hasebi'l-ittifâķ bu mişlli devâlar istiʿmâl olunmuş olur ise onun tedârükü ve çararının defʿi bu vech ile olur ki dâimâ mâ-i hârre ile ʿayna kimâd olunur.

Ve remedin ʿilâcında şiyâf-ı ebyâđ ikilîlü'l-melik suyunda hâll olunup istiʿmâl olursa ve muʿâlece bu şiyâfa kaşr olursa emri şavâb olur, zîrâ

110 Muʿâlecât-ı ʿaynda bundan sonra dahi kibrît istiʿmâl olunduĝu zîkr olunur.

111 Zîrâ faşd ile dem istifrag oldukça deme noķşân terettüb eder ve nâķış olan deme aħlât-ı sâire ğâlib olur ve lâ-maħâle deme ğâlib olan hıltı ishâle hâcet olur.

şiyâf-ı ebyâddan kavî edviyeyi başta imtilâ var iken isti'mâl eylemek ekseriyyâ muđırr olur.

Ve ibtidâ-i remedde muhallil edviye isti'mälinden şediden hazer ve ic-tinâb eyleyeler. Ve evvelen zıkr olunan edviye-i kıbıda isti'mälinden sonra ve huşuşan o kavâbıda muhaddirât halı olunmuş olur ise 'ayna mâ-ı sükker ve mâ-ı 'asel taqtîrine hâcet olur. Ve eger taqtîrden sonra taqtîr hasebiyle 'illet heyecân eder ise tekşîfi olmayan müberridâta 'aynın heyecân ve harâ-retini tebrîd eyle.

Ve vâcib olur ki bu edviye isti'mäl olunmazdan evvel bizim zıkr eylediğimiz üzere 'inâyet ve kaşd olunup rıfı ile remaşı tenkıye oluna. Ve 'ayna tenkıye için îzâ olunmaya, zîrâ tenkıye-i remaş ile 'aynın vecaı hafif olur ve 'ayna cilâ gelip edviyenin 'amelde temkîni ziyâde olur. Ve vecaın işti-dâdından çok kerre luffâh 'uşâresi ve hass ve haşhâş ve bir miqdâr summâk mişli muhaddirât isti'mâline hâcet olur. Ve kaçan veca müştedd olsa o mişli muhaddirât ile vecaın iştidâdını sen def' eyle. Ve bunlardan bir şey' bi-hasebi'd-đarüre isti'mâl olursa hazer üzere isti'mâl oluna ve mümkün oldukça beyâđ-ı beyđ tabîh-i haşhâşla hall olunup ya'nî haşhâş kaynatılmış su içinde beyâđ-ı beyđ darb olunup çalıdıktan sonra isti'mâl edip 'ilâcı ona kaşr eylemek evlâ olur.

Ve ba'dı kerre vâcib olur ki o muhaddirât içine hulbe halı oluna, zîrâ hulbe taħlîli hasebiyle teskîn-i veca'a mu'in olduktan mâ-'adâ muhad-dirâtın âfetini dahi taħlîl ve izâle eder. Ammâ mâdde-i remed raķıka ve ekkâle olursa benim katımda afyûn ve muhaddirât isti'mälinde be's olmaz, zîrâ onlar bir şifâdır ki onları veca' taķîb eylemez. Ve her ne kadar afyûn ve muhaddirât başara muđırr olmakla şey'-i mekrûh u redî olduğuna ic'tikâd vâcib ise lâkin mâddesi ekkâle olup temdîdi olmayan veca'a 'âcilen şifâ olur.

Ve veca'-ı lezzâ'ın 'ilâcı tağriye ve tebrîd ve telķif olur.

Ve veca'-ı temeddüdünün 'ilâcı 'aynı irhâ olur ve mevđi'inde zıkr edeceğimiz edviyeler ile taħlîl olur ve mevâddı mevzi-i âhere naķlı olur.

Ve kaçan 'illet müzmine olsa mâķlar ve kezâlik kulak ardında olan şir-yân faşd olunur.

Bizim bundan aqdem zîkr eylediđimiz üzere vâcib olur ki remed ve sâir nevâzil aşhâbı başını tedhînden ve dûhnü kulađına taqţîrden ziyâde ictinâb eyleyeler.

Mu'âlecât-ı remedin icmâlen beyânı budur ki evrâm-ı sâire gibi remedde evvelâ revâdî^c ve şâniyen muhallil devâlar isti'mâl olunur lâkin uđv-ı 'aynın nefsi hasebiyle remedde mu'âlece ziyâde rıfķ olunmak vâcibdir. Bu mevâddı kam^c ve red^c [269a] ve telţif ve taħlîl ve tecliye için 'unf ile 'ayna mess olunmaya, zîrâ 'unf ile mess olundukta elem ziyâde olup huşûnet-i 'ayna dahi mü'eddî olur. Ve o mişlli ef'âli olan edviyelerden mu'tedil olan devâlar isti'mâl oluna. Râdî^c devânın qabđı mu'tedil ve muhallil devânın lez'î hafif ve hafî ola belki evlâ olan o edviye-i muhallilerde bilâ-lez^c tecfif ola ve taħlîlinin 'unfî kesr oluna, muhallile beyâd-ı beyđ katılmakla ve ik-tihâl olunan şiyâf-ı meħakkî üzere hatun sütü ħalb olunmakla.

Ve kaçan gözden mevâdd istifrâğ olunup veca^c ziyâde 'anîf olmasa o zamân yevmî tesmiye olunan şiyâfı yumurta sarısıyla ħalt edip isti'mâl eyle. Ve ba'îd olmaz ki o şiyâf isti'mâl oldunduđu günde şıħhat ve bür^c ħâşıl ola ve o şiyâfı isti'mâl eylediđi günün gecesi ħammâma dâħil ola. Ve mevâddan 'aynda bâkî kalan mâdde için şiyâf-ı sünbülî tesmiye olunan şiyâf isti'mâl oluna. Ve ba'đı kerre vaqt icâb eder ki şiyâf-ı iştâfîkândan miqđâr-ı yesîr ona yevm-i evvelde teşmîm olunup ve yevm-i şânide ziyâde oluna ve ondan bür^c ħâşıl olmak me'mûl olur. *Ve bu maqâmda Qânûn'un 'ibâreti budur: "وربما أوجب الوقت أن يشممه من شياف اصطفيطيقان في اليوم الاول"* "Intehâ. فتزیده في اليوم الثاني فيكون معه البرء"

*Siyâk-ı kelâmdan fehmedilun budur ki o şiyâftan râyiħa gibi ħafîfi ve qalîl olan bir cüz' ile yevm-i evvelde 'ayn tılâ olunup ve yevm-i şânide ziyâde olunur demektir. Ve ba'đı nüshada "أن يشممه" bedeline "أن يشمنه" vâķt olmuştur, zâhiren budur ki "یشممه" nüshası şahîhtir.*¹¹²

112 Ve fi'l-Kāmûs: "وَأَمَّنُ الشَّيْءِ، مَحْرَكَةٌ: مَا اسْتَحَقَّ بِهِ ذَلِكَ الشَّيْءُ." İntehâ. Pes nüsha-i şâniyede olan şîn sâ'dan muħarref olup "أن يشمنه" olsa ve ma'nâ vaqt zîkr olunan şiyâftan uđvun istihkâkı ve taħammülü miqđârı isti'mâl olunur ve yevm-i şânide ziyâde kılınır demek olsa vechi olur. Ve bu tekellüfü irtikâb eylediđimiz nüsha-i şâniyeyi ehl kimseler taşhîħ eylemiştir. Ve şînin sâya müşâbeheti vardır, her ħâlde me'âlleri vâħiddir.

Ve kaçan remed-i mütekkâdim mevâddı tahtlil olunmakta işyân eylese kıssâ-i hımâr uşâresi mişllileri istîmâle sen muhtâc olursun.

Sekizinci Faşl Demevî ve Şafrāvî Olan Remedin Mu'alecâtı Beyânındadır

Demevî ve şafrāvî olan iki nevc remedin ilâc-ı müsterekleri budur ki onların ilâcında faşd ve istifrag istîmâl olunur.

Eger dem dem-i hârr-ı şafrāvî olur ise veyâhüd remedin sebab-i maddîsi yalnız şafr[ā] olur ise ona faşd ile ve helilec maḥbūhuyla istifrag nâfiç olur. Ve baḍı kerre helilece türbüd dahi ḥalt olunur.

Ve eger maddede ednâ gılat olup o maddede ḥucub-ı dimâğda müteşerreb olduğunu bilir isen müstefriğ olan helilec-i türbüdiyi eyâric-i feykarâ ile takviye eyle. Ve bu mişlli remedde baḍı kerre nakıç-ı şabıra iktisâr dahi kifâyet eder. Ve eger o remedde ḥarâret olur ise o ḥarâreti teskine nâfiç olan hindebâ suyu ve yağmur suyu olur.

Bu remedlerin cümlesinde vâcib olur ki evvelâ ayn tebrîd oluna müberriât olan uşâreler ile dımâd olunmakla, lisân-ı ḥamel ve varak-ı ḥilâf uşâreleri ve lu'âbât gibi. Ve kezâlik bu uşâreler ayna taḥḫir olunup ayn tebrîd olunur. Ve bunlardan sonra eşek sütü ile beyâd-ı beyḍ istîmâl olunur ve beyâd-ı beyḍ müfreden dahi istîmâl olunur.

Ve bunlardan sonra şiyâf-ı ebyaḍ ve bizim revâdi'de zıkr edeceğimiz şiyâfât-ı sâire dahi istîmâl olunur. Ammâ o şiyâfâtın istîmâli o mertebeye vâşıl olmaya ki onunla ḥabakât-ı aynda tekâşüf ḥâdiş olup mevâdd muhtebese ve vecaḥ şedîd ola.

Ve kaçan zıkr olunan istifragât ve râdi'ât ve câzib olan devâlarla mevâdd inşibâbdan redç ve menç olursa tadrîc ile mündicâtı istîmâl eyle, evvelâ mündicâtı râdi'ât ile ḥalt eyle baḍehu şırf mündic istîmâl eyle. Ve evvel istîmâlde mündicâtı gül suyuyla terḫik edip maḥlūḫan istîmâl eyle. Ve sütte kuvve-i inḍac vardır, bezr-i kâḫūnâda redç olduğu gibi bir nevc inḍac dahi vardır. Ve ayva çekirdeği lu'âbında inḍac bezr-i kâḫūnâdan ekşerdir. Ve boy toḫmu suyunun inḍacı ceyyiddir ve aḡrıları müsekkin olur.

Ve remedde râdiç istîmâl olunduktan sonra mündicâta evvelâ boy toḫmu suyuyla başlanır; bunda cezb yoktur. Ve bundan ḡalîz bir mündic istîmâli

iktidâ eyledikte lu'câbât isti'mâl olunur veyâhûd hülbeden bârid bir mündic isti'mâl olunmak iktidâ eylese 'uşârât isti'mâl olunur. Lisân-ı Yûnânî üzere aţâfâ ve lügat-i Fârsîde üçek¹¹³ tesmiye olunan şecer 'uşâresi remed-i hâr- rın ibtidâsında ve zamân-ı intihâsında mücerredir; o remede iki hâlinde dahi bi'l-hâşşa menfa'at-i kavîyyesi olur. Ve ba'dı kerre zıkr olunan 'uşârât 'ağd olup hıfz olunur ve hîn-i iktidâda isti'mâl olunur. Ve kaçan bunların isti'mâlinde tecävüz olup bundan kavîye tederrüc olursa iklîl-i melik tabîhi ki onda anzerût-ı ebyad hall oluna ve huşuşan hatun sütü ile veyâhûd eşek sütüyle o tabîh terbiye olunmuş ola, pes bu vaşf üzere olan tabîh isti'mâl olunur.

Ve kaçan illet zamân-ı inhiţâta bâliğ olsa muhallilâtan akvâ olan edviye isti'mâl olunur, mâ-ı hülbe ile anzerût veyâhûd mâ-ı râziyâ nec isti'mâl olunur ve za'ferân ve mürr-i şâfi suda tabîh olup maţbûhuyla kimâd olunur. Ve sen onda hammâm isti'mâl edersin eger dimâğı mevâddan nakî ise. Ve ta'âmdan birkaç sâ'at sonra ona şarâb-ı kavî şırf ve 'atîkten miqdâr-ı kalîl saqy edersin. Ve bundan sonra eger mâ-ı hâr ile istihmâm veyâhûd mâ-ı hâr ile kimâd olunur ise ziyâde nâfi' olur. Ve remedin zamân-ı inhiţâtında akrâbâdinde zıkr ve vaşf olunan şiyâfâtı isti'mâl eyle.

Ve eger remedin maddesi demevîye ise faşddan sonra hacâmet dahi eyle ve dâimâ etrâfını ellerin ve ayakların delk ve şedd eyle ve senin sâir emrâdda delk ve şeddinden remed-i demevîde olan delk ve şeddin ekser olsun. Ve demevîde evvel-i emrde zıkrî mürür eden 'uşârâtı isti'mâl edip ba'dehu o 'uşârâta lübâb-ı hubzu halî eyledikten sonra o hubzu meybuhtecde nekü' edip maşlûtan isti'mâl eyle. Ve eger veca' müştedd olur ise o hubza afyûndan miqdâr-ı kalîl dahi halî olunur.

Ve eger madd-i remed şafrâviyye olur ise onu faşd edip şafrâyı müstefriğât ile istifriğ eyle ve mâ-ı 'azble istihmâm eyle. Ve ba'zı kerre re's ve 'ayn üzere mâ-ı bârid şabbı dahi nâfi' olur. Ve ba'zı kerre dahi mâ-ı bâride miqdâr-ı kalîl sirke halî olup yüzünü o maşlût ile gâsl eylemek nâfi' olur.

Ve vâcib olur ki remed-i şafrâvîde yevm-i evvelde bilâ-ıfrâţ edviye-i kâbîda isti'mâline cür'et ve cesâret oluna. Ve şiyâfât-ı kâbîda 'uşârâta hall olunup isti'mâl oluna.

113 “Şükk” dik-ber-diktir ki sıçan otudur. Hâlimî.

Ve remed-i şafrāvī cümlesinden humret tesmiye olunan remedde müşhilât ve huğun isti'mâl olunduktan sonra vâcib olur ki 'aynın üzerine bu çımād vađ' oluna, onun şan'atı budur: Nar kabuđu saħk olup meybuħtec ile veyāhūd 'asel ile taħl olup çımād kılınır ve dāimā o 'ayna ıssı sünger ile tekmīd olunur. Ve burçak otu ve buđday unu bal şarābıyla veyāhūd süsen kökü daķtķi ile ittiħāz olunan çımād ile dāima tađmīd olunur ise nef'i olur.

Ve vâcib olur ki süt ile 'aynı ğasle müdāvemem oluna ve 'atnı tebrīd ve tertībe müdāvemem oluna lākin müberridāta iķtişār bür'ü ibtā' ve teblīd eder. Ve kaçan 'illet taħallül edip ve humret bāķıye kalsa pişmiş yumurta sarısı ve za'ferān ve 'asel ve sāir aķrabādīnde mezkūr olan humret edviyeleri ile saħk olup 'ayna çımād olunur.

Dokuzuncu Faşl Remed-i Bārid Mu'alecātı Beyānındadır

Mevādd-ı bārideden hādiş olan remed 'ilācında hılt-ı bārid istifrag olunur ve o istifrag gerek şürble ve gerek ihtikān ve ğargara ile olsun o mu'alece ve istifragın [269b] kirāren ve mirāren isti'māline hācet olur, bir kerre isti'māl kifāyet eylemez. Ve evvelā onda isti'māl olunan o rādi'attır ki onda tebrīd şedīd olmaya ve telķifi qalīl ola, mürr ve anzerūt gibi. Ve eger şiyāf-ı sünbülü ba'zı miyāh-ı mu'tedile ile isti'māl edersen devā-i şāliħ olur. Ve remed-i bāride hādeķa taħaķātında āfet olmaz ise suda za'ferān ve kaķkadīs ve 'asel taħl olup o su ile iktiħāl olunur.

Ve vâcib olur ki ibtidā-i remedde kaķkadīs ile cebhe telķi oluna huşuşan ki 'ayna mevādd-ı bāride hāric-i kıħfta olan ğışā tarīķinden nāzil ola. Ve be's yoktur ki kaķkadīs idāfe ve hāl olunan su ile yüz ğasl oluna. Ve eger zamān-ı ibtidāda ecfān tiryāk ile kibrīt ve zernīħ ile laħta olursa ceyyid olur ve terk-i şürb dahi nāfi'dir. Ve bu devā mücerredir: Varaķ-ı hırva' daķķ olup varaķ-ı haţmī ve şibş ile şarāb içinde taħl olup isti'māl olunur. Ve biz aķrabādīnde remed-i bāride isti'māline şāliħ olan aķrāşı zikr eyleriz. Remed-i bāridi olan 'ayna mā-ı hulbe ve lu'āb-ı bezr-i kettān taķtīr olursa nef'i olur.

Ve bunlardan sonra menfa'atli olan bu mezkūrlardır: Şiyāf-ı aħmer-ı leyyin şiyāf-ı aħmer-ı ekber ve şiyāf-ı lāmüzdciyānā ve anzerūt ve evrāk-ı keber 'uşāresinde hāl olunur. Ve yalnız evrāk-ı keber ile çımād dahi nā-

fi'edir. Ve mevâdd-ı bārideden hâdiş olan remedin küllisine hammâm ve şarâb-ı ebyađ-ı şırfı isti'mâl ve tedbîr-i laţîf nâfi'edir.

Onuncu Faşl Verdînecin Mu'âlecâtı Beyânındadır

Ve remed-i 'azîm verdînece olsa onun 'ilâcî istifrâğ ve faşd ve hacâmet olur. Ve ba'zı kerre sell-i şiryâna dahi hâcet olur. Ve eger remed hârr olup verdînece oldu ise cemî'-i vücûhtan ve huşûşan baş damarlarından istifrâğ ve hacâmet dahi olunduktan sonra vâcib olur ki râdi'attan şiyâf-ı ebyađ ve leyyine-i bāride olan 'uşârât isti'mâl oluna. Ve hâric-i 'ayna olunacak admidelerden za'ferân ve varağ-ı küzbere ve iklîlü'l-melik şufret-i beyd ile hâricden dîmâd olunur. Ve hubz rubb-ı 'inebde nekü' kılınıp dîmâd olunur. Ve gâhice bu dîmâdlara muhâddir katılmağa hâcet olur. Ve verdînece için zîkr olunan dîmâdlar ile 'ayna tîlâ olunur. Ve kezâlik māmîşâ ve hudađ ya'nî havlân ve şabır ile dahi tîlâ olunur. Ve verdînece için mücerreb devâ-lardandır ayı şahmı ile yumurta sarısı merhem gibi bir hırka üzerine yayıp 'ayna vađ' olur. Ve 'ineb 'ağîdi ile gül dahi bunun gibidir ya'nî merhem gibi kılınır ve ba'dehu şufretü'l-beyd ile teşhîn olunup 'ayna vađ' olunur. Ve kaçan verdînecede veca' müştedd olsa leben ve 'uşâre-i küzbere ile za'ferân saħk olunup 'ayna tağtîr olunur.

Ve verdînece mu'âlecâtında müsteħabb olan budur ki hâric-i 'uđva mu'âlece oluna ve dâhile müte'allîk mu'âlecât terk oluna. Eger hâl ve vaqtinde ihtimâl var ise üç gün miğdârı 'ayna leben tağtîr oluna. Ve kehhâllerin verdînece-i müveccî'a vü muğarrihe tecrîbe eyledikleri 'ilâclardandır anzerût ve za'ferân ve şiyâf-ı māmîşâ ve afyûn ile iktihâl eylemek. Ve eger verdînece gâlîz ve bārid olan remeden sonra 'arıđ olur ise bi'd-đarüre eyâricâtla istifrâğ olunur ve lu'âbât-ı leyyine kerneb 'uşâresi ve kerneb sülâkasıyla isti'mâl olunur. Ve ba'đı kerre o lu'âbâta 'inebü's-şâleb suyu katılmağa hâcet olur. Ve ba'đı kerre dahi mürr ve za'ferân mezcine hâcet olur.

On Birinci Faşl Remed-i Rîhî Mu'âlecâtı Beyânındadır

Mâddesi rîh olan remed neţül ve kimâdât ve hammâmât ile 'ilâc olunur. Ve cāversle remed-i rîhîye olan kimâd sâir kimâdattan enfa' olur. Ve haţarlı nesnelere cür'et ve cesâret eden tağîb remed-i rîhîden veca'ın şiddeti

vağtinde muğaddirât isti'mâl ederler. Ve onların isti'mâl eyledikleri muğaddir her ne kadar vağt-i isti'mâlde veca'ı teskîn ederse ba'de-sâ'atin veca'ı tahrik eder ve evvelen olan veca'dan eşedd veca' ihdâs eder, zîrâ muğaddirât rîhi tağallülden men' eder.

On İkinci Faşl Remedde İsti'mâl Olunan Edviyede Kâtilen Tekellüm Eylediğimiz Kelâmdır

Şiyâf-ı ebyađ muğarrî vü müberrid ve veca'ı müsekkin ve hılt-ı lezzâ'ı muşlıhtır. Ve ba'dı kerre ona afyün hâlt olunur ve o mağlûṭ veca'ı cidden teskîn eder lâkin ba'dı kerre başara muđırır olur ve tağdır ve tefcîci ḥasebiyle iletî taṭvîl eder.

Ve kuruş-ı verdî şiyâf-ı ebyađ mecrâsına cârî olur, zîrâ bu kuruşun iltihâb ve veca' teskîninde menfa'ati 'azîm olur. Ve kuruş-ı verdînin iki sınıfı vardır: Biri şağır ve biri kebîrdir. Ve akrâbâdinde sen biraz akrâş ve şiyâfât bulursun ki bu kabîlden olur. Ve cedvel-i 'aynda edviye-i müfredde-i râdi'adan mürdâsenc ve keşîrâ ve ḥavlân ve işmid ve akâkıyâ ve mâmîsâ ve şandal ve 'afş ve tîn-i mağtûm ve 'uşârât-ı sâire ve şamğ misilli müfred devâları bulursun. Ve mevâdd-ı ğalîzaya mağşûş müfred devâlardan olur mürr ve za'ferân ve kündür ve sünbül ve cünd-i bîdester ve nuḥâs-ı aḥmerden miğdâr-ı kâlîl ve ḥâşşaten şabır ve ḥamâmâ ve karn-ı iyyel-i muḥrak mişlliler. Ammâ bunların veznini tağdır ve ebred ve eşhanını birbirlerine hâlt ḥads-i şinâ'î ile cüzîyyâtta ḥâsıl olur. Ammâ sâir tecrîbe olunan muḥteliğât onları biz akrâbâdinde zîkr eyleriz.

Ve mücerreb olan râdi'âttan ve mādde-i ğalîza ḥasebiyle şiddet-i veca'ı müsekkin ve 'aynı muğaddir devâlardan olur şedâdü'l-esâkife¹¹⁴ 'asel-i ḥâlîş ve mâ-ı ḥulbe ile aḥz olunup mîl ile mûklara vađc olunmak.

Ammâ cümle-i mürekkebâttan şiyâf-ı iştaftîkân ve şiyâf-ı aḥmer-i ley-yin ve şiyâf-ı şâzenec-i ekber ve akrâşu'l-büzür mişlliler bâliġu'n-nef' cey-yid devâ olur. Ve mevâdd-ı remedin keşret ve kıletî ḥasebiyle edviyede taşarruf ṭabîbe müfavvađ olur.

114 “Şedâd” zâc-ı esveddir demişler.

**KİTĀB-I ŞĀLİŞİN FENN-İ ŞĀLİŞİNİN İKİNCİ
MAKĀLESİ MUKLE EMRĀDİNİN ʿİLEL-İ BĀKİYELERİ
BEYĀNINDADIR VE O ʿİLELİN EKŞERİ TERKĪBİYYE
VE İTTİŞĀLİYYE OLUR O MAKĀLE DAHİ FUŞŪLŪ
MÜŞTEMİLDİR.**

Evvelki Faşl Nüfāhāt Beyānındadır

Zikri mürür eylediği üzere tabaka-i karniyye vāhıde sayılır idi velākin o tabaka-i vāhıdenin dört katı ve tākı vardır ve onların kışrlarında nüfāhāt-ı māiyye hādiş olur, onun için ki o tabakanın kışre mişālinde olan katların aralarında māiyyet cemʿ olur ve ondan māiyyetli kabarcıklar hādiş olur ki ona nüfāhāt derler. Ve lā-mahāle onun mahalli muhtelif olur katların taʿaddüdü hasebiyle; onun ağveri ve derinde olanı ziyāde redī olur.

Ve māiyyetin ziyādesi ve noqşanı hasebiyle nüfāhāt ʿızam ve şıgarda muhtelife olur ve levn ve kıvāmda dahi muhtelife olur [270a] ve ʿuzūbet ve hiddette dahi muhtelife olur ve ekkāli ve ğayr-i ekkāli dahi olur.

Ve kışre-i ūlāda olan nüfāhāt esvedü'l-levn rüpyet olunur onun için ki kışre-i ūlāda olan nefh ve māiyyet ʿinebiyyeyi yaʿnī gözün siyāhını rüpyetten ʿāyık ve māniʿ olmaz Ve ʿinebiyye siyāhını rüpyet hasebiyle fevkinde olan nüfāhāt dahi esvedü'l-levn rüpyet olunur. Ve kaçan nüfāhāt tāk-ı rābiʿde olsa sevād-ı ʿaynı rüpyetten şuʿāʿdan o nāfihin buʿdu hasebiyle māniʿ olup ʿinebiyye rüpyet olunmaz ve rüpyet olunan ancak mevādd ve mevdiʿi mevāddın kendi levnleri olur. Ve kışrların ve mevāddın elvānı ebyađ olmakla nüfāhātın levni dahi ebyađ görünür. Ve nüfāhātın māiyye ve hādde olup kebīr olanları redī olur, zīrā o mişlli kebīre olan nüfāhāt temdīdi ve teʿkīli hasebiyle elem verir ve ağrısı bu iki sebebeden olur. Ve o nüfāhātın ğavrı ziyāde olanlarının temdīdi dahi ziyāde olur ve onda teʿekkülün intişarı dahi ziyāde olur. Ve o nüfāhātın şukbe-i ʿinebiyyeye muqābil ve muhāzīsinde olanlar ebsāra muđırır olur huşuşan o muhāzī olan nüfāhāt mevādiʿini ekl eyleye ve kūrha ihdāş eyleye.

el-Murālecāt: Nüfāhāt mādām ki şaġire ola, onun muʿalecesi edviye-i müceffife ile olur ve tīn-i Şāmūs devāsı mişlli devālar olur. Ve tīn-i Şāmūs devāsının şanʿatı budur ki maqlā tīn-i Şāmūstan üç vuqıyye ve tütıyā bir

vuķıyye ve mağsül-i iklîmiyâ iki vuķıyye ve kuħl-i mağsül iki vuķıyye ve tûbâl-i nuħâs-ı mağsül ‘alâ-iħtilâfi’n-nüşhateyn dört vuķıyye veyâħûd bir vuķıyye,¹¹⁵ afyûn üç vuķıyye, şamğ dört vuķıyye. Pes bu edviyeler miķdâr-ı mezķûr aħz olunup yağmur suyuyla saħķ olunduktan sonra şiyâf ittihâz olunur ve boy toħmu suyuyla isti‘mâl olunur. Ve kaçan nüfâħât büyüyüp kebîr olsa onda ħadîd isti‘mâl olunur.

İkinci Faşl ‘Aynda Ĥadîş Olan Ķurħalar Beyânındadır

‘Aynın Ķurħaları ekşer-i ħâlde ħâdde ve muħterika olan aħlâttan ħadîş olur. Ve ‘aynın Ķurûhu yedi nev‘ üzerine olur, dördü Ķarniyyenin saħında ħadîş olur. Câlînûs o dörde Ķurûħ tesmiye eder ve Câlînûs’tan muķaddem olan eṭibbânın ba‘dıları o dörde ħuşûnet tesmiye ederler:

Evvelkisi Ķurħadır ki sevâd-ı ‘ayn üzere duħâna müşâbih görünür ve münteşir olup maħall-i keşîri aħz eder ve ona ħafâ tesmiye ederler ve ona Ķatâm dahi derler.

Ve ikinci sınıfı evvelkiden derinde olur ve şedîden ebyaḍ olup ħacmi aşğar ve küçürek olup ona şehâb derler.

Ve üçüncü sınıfı iklîlidir, sevâd-ı ‘aynın iklîli üzerinde olur ve ba‘dı kerre mülteħimede olan beyâḍın bir miķdârını dahi aħz eder. Ve o Ķurħanın ħadeķa üzere olanı ebyaḍ ve mülteħime üzere olanı aħmer görünür.

Ve dördüncü sınıfına ihtirâķî tesmiye olunur ve şüfî dahi tesmiye olunur. Ve o Ķurħa zâhir-i ħadeķada şüfe-i şağîre gibi görünür.

Ve bu mezķûrlar saħ-ı Ķarniyyede olan Ķurħa ve ħuşûnet idi, ammâ yedi Ķurħanın bâķî kalan üç nev‘ ġâirenin ve derin Ķurħanın evvelkisi lütûķûnu’l-‘amîķu’l-ğavr tesmiye olunur. O sınıf bir ‘amîķ Ķurħadır ve ḍayyiķa venîķbedir.¹¹⁶

Ve ikinci sınıfına lûlümâ tesmiye olunur. Lûlümâ “ħâfir”¹¹⁷ ma‘nâsına olur. Ve bu Ķurħanın ‘umķu eķall ve mevḍî‘i vâsi‘ olur.

115 Ya‘nî devâ-i tîn-i Şâmûs iki sınıf üzeredir, bir sınıfında tûbâl dört vuķıyye ve bir sınıfında bir vuķıyye olur demektir.

116 النِّقْبَةُ [en-niķbet] (nûn’un kesriyle) Peçe tutunmak. Vankulu.

117 “Ĥâfir” feres mişllilerin tırnağıdır.

Ve üçüncü kûrḥa-i gâireye ik'ûmâ tesmiye olunur. Ve bu dahi ihtirākî olur. Ve bu sınıf kûrḥa-i vesîhadır, ḥuşkrîşeti olur. O kûrḥayı tenkîye ḥatarlı olur, zîrâ o kûrḥada ağşiyenin te'ekkülü olur ve kûrḥa tenkîye olundukta ruṭûbet-i 'ayn seyelân edip fâside olur. Ve 'ayna kûrḥa yâ remedden sonra ḥâdiş olur veyâḥûd besre ḥudûsundan sonra ḥâdiş olur veyâḥûd ḍarbeden ḥâdiş olur. Ve çok kerre kûrḥanın mebd'î dâhilden olup ḥârice münfecire ve sâile olur ve ba'ḍı kerre 'aks üzere olur ya'nî mebd'î ḥâricden olup dâhile münfecire olur.

el-'Alâmât: Muklede olan kûrḥanın 'alâmeti budur ki ḥadeka üzere nokṭa-i beydâ veyâḥûd mülteḥime üzere nokṭa-i ḥamrâ zâhir ve mer'î olur; veca'-ı şedîd ve ḍarebân olur. Ve o kûrḥadan rifâde¹¹⁸ ile aḥz olunan midde beyâd olur ise şu'ûbetli ağrıya ve ḍarebân-ı kavîye delâlet eder. Ve eger o midde şafrâ veyâḥûd kemide veyâḥûd rakîka ise ḍarebân ve veca'da ḥiffet olduğuna delâlet eder. Ve eger midde ḥamrâ olur ise veca' cidden ḥafîf olur. Ve eger middenin levni ḡabrâ olur ise veca' şedîd olur.

el-Mu'âlecât: Kûrḥa sağ gözünde ise sol taraf üzere uyur ve sol gözünde ise sağ tarafına yatıp uyur. Ve vâcib olur ki evvelâ tedbîrî telṭîf oluna ya'nî laṭîf olan ağdiye ile taḡdiye oluna. Ve kaçan kûrḥası münfecire olup deşilse onun tedbîri ya'nî ḡıdâsı ḥumlâna ve eṭrâfa ya'nî paçaya ve pilice nakl olunur, zîrâ nakl olunmayıp tedbîr-i laṭîf ile iktifâ olunsa kuvvet ḍa'ife olup kûrḥa mündemile olmaz ve fuḍûl-i bedeni keşîr olur.

Ve vâcib olur ki o 'alîl temellî ve taḡallüb ve şayḥa ve 'aṭse eylemeye; ḥasbemâ-emken onlardan bir 'arîḍ olsa def' eyleye. Mâdde nuḍc bulmadıkça ḥammâma dâḥil olmaya ve dâḥil oldukta ḥammâmda ṭûl-i mekş eylemeye.

Ve kûrûḥ-ı 'ayn mu'âlecesinde 'umde ve maḡşad-ı aḡşâ mevâddı esfele câzîb olan istifrâḡât ile tenkîye-i re's olur, onun için kûrûḥ-ı 'ayn mu'âlecesinde sâḡ üzere ḥacâmet ve faşd-ı şâfin ve ḥârr ve rakîk olan eṭbiḥa ve nekû'âtan mevâddı müstefriḡât ile ishâlin keşîren nef'î olur.

Ve müteḡarriḥa olan 'aynda remed dahi olur ise evvelâ remed mu'âlece olunur, bâb-ı remedde zîkr olunan istifrâḡlar ile ve o edviyeler ile ki on-

118 "Rifâde" kâse ma'nâsınadır. Bu maḡâmda bir âlettir ki onunla bu mişlli 'illetlerde midde aḥz olunur.

larda hem veca^{cı} teskîn ve hem Qurûhu idmâl ola, neşâstecî ve kündürî ve isfidâcî şiyâflar gibi ve ʿayna leben taqtîri gibi.

Ve eger o ʿaynda seyelân dahi olur ise seyelânı men^c kuvvesi olan edviyeler dahi ona halı olunur. Ve o ʿilletin muʿalecesinde ihtiyâr olunan devâ lâıyık olur ki müceffif ola lâkin lezzâ^c olmaya. Ve kaçan harâret-i ʿayn müstedde olsa ona şiyâf-ı sâzec-i leyyin ve şiyâf-ı kündürî cidden nâfi^c olur. Ve şiyâf-ı sekâbinün ve kübiyüs menfa^catlı şiyâflardır. Ve eger bu ʿillette seyelân olur ise şiyâf-ı diyürs ve emâlün ve bendî isti^cmâl olunur. Ve eger seyelân eden mâddede hiddet olur ise sârmâbün şiyâfı isti^cmâl olunur.¹¹⁹

Ve eger seyelânda hiddet olmaz ise o şiyâflar isti^cmâl olunur ki onun terkibinde mürr ve nârdîn ola.

Ve eger Qurûhta vesah olur ise şarâb-ı ʿasel ile tenkıye olunur veyâhüd mâ-ı hulbe ile şiyâfât-ı mezkûre isti^cmâl olunup vesah tenkıye olunur veyâhüd bezr-i kettân veyâhüd hatun sütü ile tenkıye olunur. Ve eger Qurhanın te^cek-külü şedîd olursa tarhamâti^cün isti^cmâline ıdtırâr ve hâcet olur.

Ve kaçan Qurhayı sen tenkıye eylesen lez^ci olmayan müceffifâta sen teveccüh ve ikbâl eyle, kündür şiyâfını veyâhüd kündürün kendiyi ve neşâstec ve isfidâc ve reşâş-ı muhrağ-ı mağsül ve şiyâf-ı ebyad ve hâşşaten şiyâf-ı âbâr mişllileri isti^cmâl eyle ve şadefin remâd-ı mağsülünü beyâd-ı beyd ile veyâhüd şadef-i kebîrin remâd-ı mağsülünü kendi vezninde şâzenecele isti^cmâl eyle.

Nüşa-i Şiyâf-ı Lümâyes: Bu şiyâf cidden kavî olur: iklimiyâ on altı mişkâl, isfidâc-ı mağsül neşâ ve afyün ve keşîrâ her birinden ikişer mişkâl aḥz olunup daḳḳ olunur ve yağmur suyuyla lett olunup beyâd-ı beyd ile ma^ccün kılınıp vaqt-i hâcette isti^cmâl olunur.

Nüşa-i uhrâ: Buna dahi şiyâf-ı lümâyes derler, bu nüşa nüşa-i ülâdan kavî olur: Muhriğ ve mağsül-i iklimiyâ ve isfidâc-ı [270b] mağsül seki-zer mişkâl, mürr altı mişkâl, mağsül ve muhrağ kuhl bir mişkâl, nişâsta ve reşâş-ı muhrağ u mağsül ve talğ her birinden dört mişkâl, keşîrâ sekiz mişkâl; su ile saḥḳ olunup beyâd-ı beyd ile ma^ccün kılınır.

119 Bu bâbda zıkr olunan esâmî-i şiyâfât nüşa-i sulṭâniyye mu^ctemed olmakla onda muḥarrer olunan resm üzere taḥrîr olundu; ṭab^c ile olan nüşhalar bu resm üzere deḡildir.

Üçüncü Faşl Tabaka-i Karniyyenin Harkı Ya'nî Yarılması Beyânındadır

Ba'đı kerre onun harkı 'aynda hâdis olan kırhanın karniyyeye nüfuzundan olur ve ba'đı kerre dahi hâricden darbe ve şadme mişlli hâriķ nesnelere olur. Ve darbe mişllilerden hâdis olan karniyye harķında tabaka-i 'inebiyye zâhir olur.

Ve eger 'inebiyyeden zâhir olan miķdâr yesir olur ise o harķa nemli ve kezâlik mür-ı sürh ve zübâbi tesmiye olunur ve bu tesmiye o zâhirin şıgarı ve kiberi hasebiyle olur. Ve eger 'inebeden zâhir olan bu miķdârdan ziyâde olup cüz-i zâhir üzüm dânesi miķdârı olur ise o harķa 'inebiyye derler. Ve üzüm dânesinden ziyâde olur ise ona tuffâhî tesmiye olunur. Ve eger 'inebiyye cidden hurûc edip iki göz kapakları arasına hâile olup gözün kapanmasına mâni' olur ise ona mismârî tesmiye olunur. Ve eger 'inebiyye beyâđ olur ise onun bür'ü ve şihhati olmaz. Ve ma'lûm ola ki eger karniyye tûlen yararılır ise onda beyâđ rüpyet olunmaz velâkin harķın kendi görünür ve 'ayndan nâzir tesmiye olunan maħall muṭavvel gibi görünür.

Ve deyilir ki hurûķ-ı 'aynı zikr olunan beyândan vâđih beyân-ı âher ile beyân mümkün olur ve o vâđih beyân budur ki zikri mürür eylediđi üzere karniyye her ne kadar tabaka-i vâhîde ise lâkin kuşur-ı mütedâ'if gibi biri biri üzere karniyyenin dört katı vardır. Pes karniyyeye 'arıđ olan harķ ba'đı kerre o katların ve kuşurun cümlesine 'arıđ olur, bu şürette nütü' ve irtifâ' 'inebiyyenin cevherinde olur.

Ve ba'đı kerre dahi yırtık ve teferruķ-ı ittişâl o katların ba'đısında olup ba'đı âher sâlim olur ve bu şürette 'inebiyyede nütü' ve irtifâ' olmaz, nâti olan karniyyenin kendi ve yırtılan cüz'ü olur. Ve bu hâlet kuşurdan biri müte'ekkil olmakla 'arıđ olur ve bu vechle olan nütü' nüfâhâta müşâbih olur. Velâkin nüfâhât ve nüfâṭattan bu nütü'-i harķının farkı budur ki nüfâhâta beyâđ-ı 'ayn üzere humret olur ve dem'a ve dârebân olur ve mîl idhâl olursa tenekküs ve rücû' edip çukurlanır. Ammâ bu nütü'-i harķide bu aḥvâlin birisi olmaz. Ammâ karniyyenin cem'an kışrları ve katları münharîķ olsa 'inebiyyenin küllisi veyâhüd ba'đısı görünür.

Ve bu harķın aşnâf-ı erba'ası vardır:

Evv elkisi şağîr olup yâ zübâbî veyâhûd nemlî olur.¹²⁰ Ve bu dahi şağîr oldukta nüfâhât ve nüfâţata müşâbih olur lâkin farkları budur ki bu nev^ç harktan olan nütû²-i ‘inebiyye elvânî üzere yâ esved veyâhûd azrak yâhûd eşhel olur. Ve eger o nütû²un levnî zîkr olunan elvân-ı ‘inebiyyenin gayrı levn olur ise o nütû² nüfâha olur. Ve bu nütû²-ı harkînin aşlını tırâz gibi ya‘nî damga ve ‘alâmet gibi bir şey²-i ebyađ dolandır. O görünen ebyađ karniyye harkının kenârları olur. O hark kaçan mündemile olsa levn-i ebyađ üzere olur. Ve bu mezkûrları hiss tahkîk eder.

Ve bu harkın ikinci nev^çi bizim bundan ađdem ‘inebî tesmiye eylediğimizdir.

Ve harkın üçüncü sınıfı habbe-i ‘inebden kebîr olur, göz kapakları biri birine muntabık olmaz. Ve o hark-ı kebîre tuffâhî ve mismârî derler.

Ve hurûk-ı ‘aynın dördüncü sınıfı tuffâhî cinsinden olur velâkin bu sınıf-ı râbi^ç müveşşak ve mültehim olur. Karniyyeden hâric olan harktan taşra çıkan ‘inebiyye hâricde müstahkem ve bağı gibi olur durur ve ona fülkî tesmiye ederler, fülke-i miğzele müşâbih olduğu için, zîrâ fülke-i miğzele ya‘nî iğe ne güne muttaşıl olur ise bu ‘inebiyye-i hârice dahi karniyyeye o minvâl üzere muttaşıl olur.

el-Mu‘âlecât: Mâdâm ki hurûk-ı ‘ayn zamân-ı tezeyyüdde ola ve bir taraftan tekevün eyleye, onun mu‘âlecesi o vakte kurûh ve büşürun mu‘âlecesi gibidir. Ve bizim zîkr eylediğimiz üzere o mu‘âleceler mevâddi müstefriğ olan her ne ise onunla bedenden mâddeyi ihrâc ve tenkıye-i bedendir gerek o müstefriğ faşd ve gerek ishâl olsun. Ve istifrâğdan sonra suyu tatlı olan hammâm isti‘mâl olunur huşuşan mizâcda dahi hiddet ola lâkin hammâma duhûlünde hammâmın havâsında mekşî keşîr olmaya ve âb-zenin ıssı veyâhûd sovak suyuna başını idhâl edip tül-i müddet mekş eylemeye. Ve başında edhân isti‘mâl eylemeye, zîrâ edhânın ba‘đısı mâddeyi ‘ayna irsâl eder, eger dimâğda müctemi‘a mâdde var ise tahtîl edip ‘ayna döker ve dimâğda yok ise ‘uđv-ı âherden mâddeyi dimâğa cezb eder ve dimâğdan

120 Ya‘nî “neml” kara karıncaya derler; “mür-ı sürh” kırmızı karıncadır; “zübâb” sinektir. Pes evvel zâhir olan ziyâde küçük olur ise nemlî ve ondan büyüğüne mür-ı sürh ve ondan büyüğüne zübâbî derler. *Kânûn*’un bu işâretinde ba‘dı muşannifin gaflet edip bu üç ismi elfâz-ı müterâdifeden saydılar, mür-ı sürhü cîm ile resp edip cîm ta‘rib için kıldılar ve ser-i mü ma‘nâsına kılıp karınca başı diye tefsîr eylediler.

me'ûfe olan 'ayna nâzile olur. Ve edhânın ba'ḍ-ı âheri mesâmmâtı tekşîf etmekle mevâd-ı re'si tahallüliden men' eder, bi'd-ḍarûre muhtebese olan mevâdd dimâğın eṭrâfına seyelân edip 'ayna nâzile olur.

Ve vâcib olur ki o 'alîlin ağdiyesi keymûsu laṭîf olan ğıdâlar ola, o ğıdâ i'tidâl üzere bārid-i raṭb ola. Ve bedenin sâir tedbîri dahi bārid-i raṭb-ı mu' tedil olan nesnelere ola ya'fî havâsı ve şarâbı ve sâir ḍarûriyât-ı sitteden isti'mâl eylediği nesnelere i'tidâl üzere bedeni tertîb ve tebrîdi mü'eddî ola.

Ve mādâm ki âfet-i 'ayn beşre ola, ona ḳable't-teḳarruḥ mündic devâ verilir ve ḳurûḥ 'ilâciyla mu'âlece olunur. Ve kaçan teḳarruḥ eylese onun üzerine aḍmide-i ḳâbıḍa vü cāliye vaḍ' olunur; ayva bal ile ṭabḥ olunup ḍımâd olunur, bezr-i rummân¹²¹ ve zeytûn ve yumurta sarısı ve za'ferân veyâḥûd rummân-ı müzz miḳdâr-ı ḳalîl sirke veyâḥûd koruk suyuyla kaynatılıp müherrâ olduktan sonra ḍımâd ittiḥâz olunur. Ve eger ḳuvvetin ihtimâli olur ise o maṭbûḥ göze taḳṭîr dahi olunur. Ve o gözde zuhûr eden beşre teḳarruḥ eyledikten sonra ḥarḳa¹²² mü'eddî olup ḳarniyye müteḥarriḳ olur ise ḥarḳ 'ilâciyla mu'âlece olunur.

Eger o ḥarḳ nemli olur ise mâyi'ât-ı ḳâbıḍa ile ona mu'âlece olunur ve mâ ve ḥall ve ḥamr ve 'afş ile ona kimâd olunur veyâḥûd su ile gül ṭabḥ olunup maṭbûḥuyla kimâd olunur ve şiyâfât-ı ḳâbıḍa ile iktiḥâl olunur.

Ve ḥarḳ-ı nemliye nâfi' olan devâlardan olur zeytûn yaprağının uşâresi ve'âşa'r-râ'î uşâresi ve edviye-i müfrede-i ḳâbıḍadan ona menfa'atli olan sünbül ve verd ve reşâş-ı muḥraḳ ve ḳaymüliyâ ve ḫin-i maḥtûm, isfidâc mişli devâlardır.

Ve ekḫâl-i nâfi'a 'afş iki cüz², kuḫl-i ma'rûf on cüz². Bunlar terkîb olunup kuḫl kılınır.

Ve menfa'atli şiyâflar şiyâf-ı ḥanûn ve ağzedînûn ve nârûṭiyûn ve mâmilyâs ve şiyâf-ı 'Arabî olur. Ve nemliden ḳavî olanlara menfa'atli berdîṭüliya'lis şiyâfidır. Ve o ḳavî nemlesi olan 'ayna şiyâf-ı 'aşab taḳṭîr olunup müstelḳiyen uyursa o dahi menfa'atli olur.

Ve bu 'illete ḳavî şiyâf olan şiyâflardan biri dahi budur, nüşâ: İçinde nuḥâs tenḳiye olunan ocağın içinde olan mesbekin ya'fî bakır sebîke kı-

121 “Bezr-i rummân” nar çekirdeğidir.

122 “Ḥarḳ” yırtmak ve ayırmaktır.

linan beytin ve ocağın remâdı ki ona “remâdü'l-mesbekillezî yaħluşu fı-hi'n-nuħās" derler, za'ferân, neşā, keşîrā işbu edviye tavuk yumurtası yumurtlandığı günde aħz olunup beyâdı ile ma'cûn kılınıp ondan şiyâf ittiħâz ederler. Ve ba'đı kerre dahi o terkîbe ħacer-i Yemânî idħâl olunur.

Nüşha-i uħrâ: Bu nüshadan ittiħâz olunan şiyâfa şiyâf-ı nârdînün derler, envâc-ı besrelere nâfi'dir; mağsûl ve muħrak kuħl dört mişķāl, muħrak ve mağsûl isfidâc altı mişķāl, ħavlân-ı Hindî on altı mişķāl, sünbül sekiz mişķāl, ca'de iki mişķāl, aķākıyâ-i aşfer yirmi mişķāl, cünd-i bîdester [271a] altı mişķāl, şabır altı mişķāl, şamğ yirmi mişķāl. Bu edviyeler aħz olunup mâ-ı mațar ile saħķ olunduktan sonra şiyâf ittiħâz olunur.

Ve ma'fûm ola ki ħarniyyenin ħurħası nütû'a ve kabarmağā başlasa vâcib olur ki refâdeye ve istilkâyâ müdâvemet oluna. Ve eger [o ħurħa] mis-mârî olur ise ona 'ilâc olmaz. Ve ba'đı ețıbbâ müre-serecâtan nâti olanları kaț ederler, manzar-ı 'ayn ħabîħ olmayıp 'alâ-ħüsnihâ bâķî olsun için. Lâkin aşveb olan o nütû' kaț ve taħrîk olunmamaktır, zîrâ ba'zı kerre o taħrîk ile mâdde ħareket edip 'ayn-ı uħrâyâ şabb olunur ve âfet ona intikâl eder.

Dördüncü Faşl Göze 'Arıđ Olan Beşreler Beyânındadır

Ķarniyye üzere 'arıđa olan beşre beyâda mâile olur ve mülteħime üzere olan beşre ħumrete mâileolur.

el-Mu'âlecât: Onun mu'âlecâtı faşd ve 'ayna bizim țarfe bâbında zikr edeceğimiz üzere dem taķtîr eder ve beyâđ-ı beyđ ħamr ile ve dühn-i verd ile đarb olunduktan sonra ona bir kıț'a şüf ħams olunup onunla đimâd olunmaktır ve sût içinde mürrün bezri naķc olunduktan sonra o sût göze damlatılmaktır ve şiyâf-ı âbâr ve şiyâf-ı ħanâkıyûn isti'mâlidir.

Beşinci Faşl Şifâķ Taħtında ve Altında Müctemî'a Olan Midde Beyânındadır

Bu midde bir middedir ki ħarniyyenin taħtında muħtebese olur yâ 'umķunda veyâħûd ħurbünde olur ve ħarniyye zügre¹²³ ve denese müşâbih

123 Ȧab' ile olan nüshada “zũgre” bedeline “zũfre” vâķı' olmuştur; “zũgr” denese ve saħ ma'nâsına, “zũfre” göze 'arıđ olan zikri âti marađdır ve lügatte tırnak ma'nâsınadır. [Lügatlerde “zũgr”ün kök ve türevlerinde kir anlamı bulunamadı!]

olur. Kaçan karniyye kışrelerinin birinde te'ekkül olsa ona kâlakţâmâ tesmiye olunur.

el-Mu'alecât: Koles der ki o âfet şarâb-ı 'asel ve 'uşâre-i hulbe ve şiyâf-ı kündür ile mu'alece olunur veyâhûd remedi olmadığı şürette o mädde iklilü'l-melik ve bezr-i kettân lu'âbı raţb ve maţbûh turp isti'mâliyle takyîh olup ba'dehu şiyâf-ı mürr ve şahterec ile o kayh tenkıye olunur. Ve eger o 'aynda kūrha yok ise bu şiyâf isti'mâl olunur ki nüshası budur: kâkâdîs, za'ferân birer vukıyye, mürr-i şâfî bir buçuk dirhem, 'asel bir rıtl. Ve kezâlık o 'illette zıfre için ittiḥâz olunan devâ-i mıḡnâţîs dahi isti'mâl olunur. Ve nüfâhât bâbında zıkr eylediğimiz tîn-i Şâmûs devâsı dahi isti'mâl olunur.

Altıncı Faşl Göze 'Arız Olan Sereţân Beyânındadır

Sereţânın ekşeri şifâk-ı karniyyede ḥâdiş olur.

el-Ālâmât: Bu 'illette veca'-ı şedîd ve 'urûk-ı 'aynda temeddüd olur ve naḡs dahi kavî olur hattâ naḡs şudġa vâşıl olur huşuşan o 'illet şâhibi hareket eyledikte naḡs ziyâde olur. Ve 'aynın şifâk-ı tıbâkıında şufreti ve dem'a-sı olur ya'nî gözü yaşarır ve şehvet-i ta'âmın sukûtu ve ḥârr olan nesnelere müte'ezzî olur. Pes sereţânın bür' ve şıḡḡhati tama' olunmaz velâkin elemnin ḡiffeti ve teskîni ümîd olunur. Ve 'ayna 'arıġ olan sereţânın veca'ı a'ġâ-i sâirede olan sereţân veca'ından ziyâde olur ve sereţân-ı 'ayn veca'ına mu'âdil a'ġâ-i sâire sereţânının birinde veca' olmaz. Ve o 'alîl edviye-i ḥârrer isti'mâliyle müte'ezzî olur ve tākattan ḥâric veca' iḡdâs ve işâre eder.

el-Mu'alecât: Eger mu'aleceyi terk eylemek mümkün olmaz ise 'illetin mađarratını taḡfîf ve teskînini kaşd edip cemî'an bedenini ve baş nevâḡîsini tenkıye eylesin ve aḡlâţ-ı 'akeriyyeyi iḡrâc eylesin ve keymüsu ceyyide olup teşḡini olmayan ḡınta mişlli aġdiye isti'mâl eylesin. Ve o 'alîle şürb-i leben nâfi' olur.

Ve vâcib olur ki sereţân-ı 'aynda yumurtanın beyâdı iklilü'l-melik ve bir miġdâr za'ferânla isti'mâl oluna. Ve şiyâf-ı ebyađ ve kezâlık her şiyâf ki neşâdan ve isfîdâc ve şamġ ve afyün mişllilerden mütteḡâz ola, onların cümlesi nâfi'dir. Ve o şiyâfât dahi nâfi'dir ki onda müleyyinât-ı sâire ve muḡaddirât vâki' ola. Ve şiyâfât-ı semerdiyün ve şiyâf-ı Me'mûn dahi

isti'mâl olunur. Ve o kayrûti dahi isti'mâl olunur ki yumurta sarısı ile gül yağından ittiḥâz oluna.

Yedinci Faşl Ğarb ve Mûk Veremi Beyânındadır

Ba'dı kerre mûk-ı 'aynda ya'nî göz pınarında ḥurâc olup o ḥâdiş olan ḥurâcda şalâbet olur ve ona mess edip taḥrîk eylesen müteḥarrik olur ve münfecire olmaz belki ğuded cinsinden olur ve 'âdiyyesinin ya'nî maḍarratının ekşeri mûkta nütü³ ve irtifâ' görünmek olur ya'nî maḍarratı kûbh-ı manzardır, sâir maḍarrat-ı mu'teberesi yoktur. Ve ba'dı kerre o mûkta olan âfet ruṭûbet-i keşîrenin ictimâ'ından olup şiddeti ḥasebiyle veca' ḥâdiş olur ve remedi dahi olur. Ba'dı kerre ḥurâc-ı beşrî dahi 'arıḍ olur ve münfecire olup deşilir. Ve kaçan o beşre münfecire olsa ekşer-i ḥâlde nâşür olur.

Bu maḳâmda Kânûn'un muşahḥaha olan nüshada 'ibâreti budur: "وَيَصَابُ الْقَمُورُ وَيُوجَعُ غَمْرُهُ" İntehâ. "Ġumûr" mâ-ı keşîr ma'nâsına" ve "yuşâbu" yecîu ma'nâsına ve "ġamr" şiddet ma'nâsındadır. Hâşılı ma'nâ "Mûka mâ-ı keşîr gelip cem' olur ve ruṭûbet-i müctem'anın ḥiddeti ḥasebiyle ondan veca' ḥâşıl olur" demektir. Bu maḳâmı bu vech ile ḥalle kâdir olmayanlar nüshayı taḥrîfe ḥaml edip bî-vech nesnelere zâhib olurlar ve derler ki ḥakk-ı 'ibâret "وَيَغَابُ بِالْغَمْرِ" dır, taḥrîf olunmuştur." İntehâ. Fi'l-ḥaḳîka nüshada taḥrîf var ise aşl 'ibâret "وَيَصَابُ الْقَمُورُ" olmak evlâdır, zîrâ "kumûr" zikri âti bir maraddır ki selce nazardan ḥâdiş olur, göz kamaşmasına derler.

Ve ḥurâc-ı evvel ile ḥurâc-ı sâni-i beşrî bu 'alâmetlerde müşterek olur ya'nî o iki ḥurâcdan hangisine mess olursa elin altında ḥareket eder, el ile basılsa ğâyib olur ve ḥâli üzere terk olursa nâti ve mürtefi' olur. Ve ba'dı kerre bu beşrenin cevheri derinde olup irtifâ'ı ve nütü³u olmaz, ḥâricden iḥsâs olunmaz velâkin o beşreye ḥikke delâlet eder. Ve ba'dı kerre dahi mûk üzere yed ile ziyâde ğanz olursa o beşreye yed işâbet edip ḥâsse-i lems onu iḥsâs eder.

Bu zikr olunan âfet verem-i mûk idi, ammâ ğarbin beyânı budur ki ğarb o nâşûra derler ki 'aynın mûk-ı insisinde ḥâdiş olur ve ekşer-i ḥâlde ğarb mûkta ḥurâc ve beşrden sonra 'arıḍ olur, zîrâ ḥurâc ve beşre münfecir oldukta mûkta nâşür ḥâdiş olur. O ḥurâce münfecir olmazdan muḳaddem aḥ-

telûs tesmiye olunur. Ve mûkûn hûrâc ve beşresi münfecire olduktan sonra nâşûr hâdis olduğunun vechi budur ki ʿuḍv-ı mûkûn cevheri rakîk olmakla o cevherin bātınında o hûrâc hasebiyle bir ünâ¹²⁴ yaʿnî bir menfez olur ki o menfez cevbe mişâlındedir, onun bir tarafı burun kemiğine ulaşır ve âher tarafı mukle cānibine olur. Ve kaçan mûka ʿarîḍ olan hûrâc münfecire olup mevâdd seyelân eylese lâ-maḥâle o cevbede bir buʿd yaʿnî bir boş maḥall kalır ve o maḥall mülteḥim olmaz ve o maḥalle mevâdd-ı sâile dâimâ seyelân edip nâşûr olur ve ona şıḥḥat ve bürʿ olmaz, zîrâ o mevdiʿ ʿuḍv-ı raṭb mevdiʿidir ve dâimâ hareket üzeredir. Ve hareket hasebiyle maḥall-i âfet dâimâ raṭb olur ve mevâddı kesilmeyip nâşûrdan ḥalâş mümkin olmaz.

Ve zıkr olunan hûrâcın inficârı baʿḍı kerre ḥârice olur ve baʿḍı kerre dâḥile olur ve yemîn ve yesâra olur. Ve baʿḍı kerre inficârı hem ḥârice ve hem dâḥile olur veyâḥûd hem yemîne ve hem yesâra olur. Ve baʿḍı kerre inficârı enf cānibinde olup enfe seyelân eder. Ve baʿḍı kerre ḥuḅs-i şadıdı kemiğe ulaşır kemiği ifsâd edip karartır ve baʿdehu teʿekkül ihdâş eder ve göz kapaklarında olan ğuḍrûfları ifsâd edip gözü midde ile doldurur ve kaçan göze el ile ğamz olunup basılsa gözden ḍarūrî ḥârice çıkar.

el-Muʿâlecât: Ğarb verem-i müzmin olur ve tâze iken eḥaff olur ve tâze iken ona sühûletli edviye ile ʿilâc olunur, o edviyeyi biz zıkr eyleriz inşâal-lâhu taʿâlâ.

Ammâ ğarb eskiyip müzmin olsa onun ʿilâc-ı ḥaḳîkîsi keyy olur ki o keyyi dahi biz vaşf eyleriz. [271b] Ve o müzmin ğarba keyy mecrâsına cārî edviyeler ile dahi ʿilâc olunur, o devâ dîk-ber-dîk¹²⁵ mişli devâlardır. Ve ṭarîk-i istiʿmâli budur ki evvelâ nâşûr bir hırka ile ḥakk olunur baʿdehu dîk-ber-dîkten bir fetîle ittiḥâz olunup deliğine doldurulur. Baʿḍılar zuʿm eylediler ki kaçan nâşûr taḥṭîr olunup laḥm-ı meyyit ondan aḥz olunduktan

124 “ وَأَنَا كُهْنَا أَوْ كَحْتَىٰ أَوْ بَكْسَرِ التُّونِ الْمَشْدَدَةِ: بِئْسَ بِالْمَدِينَةِ لَبْنِي فُرَيْظَةً وَوَادٍ بِطَرِيقِ حَاجٍ مِصْرَ.” *Kāmūs*. “el-Cevb” cîmin fetḥi ve vâvin sükûnu ile yırtmak, ḥarḳ maʿnâsına. Kezâ zeke-rehu el-Vānî fî-tercemetihi. Bu maḳâmda “cevbe”den murâd boş maḥall ve meydân demektir.

125 “Dîk-ber-dîk bir devâdır ki ʿamme taḥrîf edip dilberdik derler ve sıçan otu dahi derler; tûz dârûlardandır, çömleği çömlek üzerine koyup taşʿid olunmuştur, bu sebebden dîk-ber-dîk derler.” Ḥalîmî. “Dîk-ber-dîk ismün Fârsiyyün liʿd-devâiʿi-l-ḥarri el-mürekkebüʿl-maʿmûlü li-ḳalʿiʿn-nevâşîr” İbn Kütbî.

sonra ħarnüb-i Nebaṭînin suyuyla bir kûṭna ıslatılıp ġarba vađ^c olunsa nef^c-i ŧedîd ile nâfi^c olur.

Ve keyyin mâ⁻adâsı edviye ile tedâvî murâd olunsa o tedâvînin efđalı budur ki o nâşûr ‘aşr olunup içinde olan mādde iħrâc olunur ve ona ŧarâb-ı kâbîđ taķtîr olunmakla nâşûr ġasl olunur. Eger mādde kâlîle olup ‘aşr-ı evvelde taşraya mu‘teber olacak kadar bir nesne çıkmadıysa ġasl-i evvelden sonra ‘ıŧâbe ile sarılıp miķdâr-ı mu‘teber midde cem^c olunca kadar iki veyâĥûd üç ġün terk olunur ba‘dehu yine ‘aşr olunup midde iħrâc olunduktan sonra tekrâren nâşûr ŧarâb-ı kâbîđ-ı mezķûr ile ġasl olunur. Ba‘dehu ŧiyâf-ı ġarb tesmiye olunan ŧiyâf ki onu Muĥammed bin Zekerıyyâ kendıye ‘azv ve nisbet eylemiştir, o ŧiyâf nâşûra taķtîr olunur o vech ile ki ŧiyâf-ı mezķûrdan bir kaṭre taķtîr olunduktan sonra bir sâ‘at mürûrunda bir kaṭre dahi taķtîr olunur ve her iki taķtîr arasında bir sâ‘at fâşıla gerektir.

Ve ġarbın efđal-i tedbîri budur ki bir mîl ile o nâşûrun ġavrı ve derinliġi yoklanır ve derinliġi miķdâr kûṭneden maşnû‘a bir fetîle edviye ile telṭîĥ olunup mîl ile idĥâl olunur. O devânın devâ-i seyyâl veyâĥûd zerûrâtın olması berâberdir. Ve kaçan o ‘aynda devâ isti‘mâl olunsa vâcib olur ki bir sargıyla sarılıp o ‘alîl sükûnet üzere ola, ĥareketten ĥazer ve ictinâb oluna. Ve bu bâbda mücerreb ŧiyâftan olur zernîĥ-i aĥmer, zâc, zerârîĥ, kils, nûşâdur, ŧıbs. İŧbu devâlar veznleri berâber aĥz olunup cem^c olunur ve bevl-i ŧabî ile berâber saĥķ olunup ba‘de‘t-tecfif isti‘mâl olunur.

Ve ba‘dı kerre verem-i ġarbe evvel ĥâlinde münfecire olmazdan muķaddem bu ‘ilâc nâfi^c olur; o ‘ilâc-ı nâfi^c budur ki o veremin üzerine zâc vađ^c olunur, uşşak ve mîvîzec vađ^c olunur. Ve kezâlik cevzü‘z-zenc¹²⁶ dahi vađ^c olunur. Ve taĥlîli kavî olan edviye-i sâire dahi vađ^c olunur.

Ve kaçan sezâb-ı bostânînin varaķı mâ-ı remâd ile saĥķ olunup aĥtelûs üzere ya‘nî mûķta zuhûr eden münfecire olmadık beşre üzere büyüklüġü ġâyete bâliġ olmazdan muķaddem veyâĥûd min-ġayri inficârın ġâyete bâliġ olduktan sonra vađ^c olunsa o veremi idmâl eder ve laĥmını dahi ıŧlâĥ eder, lâkin evvel vađ^cında lez^ci olur sonra lez^c eylemez.

126 “Cevzü‘z-zenc”den murâd cevz-i Hindîdir, zîrâ bilâd-ı Zenc’in ba‘dısı Hind a‘mâlindedir.

Ve kaçan o verem münefcir olup ğarb olsa ma'âlûm olmak gerektir ki onun mu'alecesinde kânûn olan evvelâ ğarb tenķiye olunup ba'dehu mu'alece oluna. Ve ğarby tenķiye eden münakķiyâttan biri budur ki kamışın iç kışresi aĥz olunur lâkin kamışın köküne qarîb maĥallin cevfinden olan kışre aĥz olunsa evlâ olur, zîrâ cevfinden olan sâir kışrelerinin hacmi olmaz, ğâyette rakîķ olur. Pes o kışre-i me'ĥûze bal ile telîķ olunup ğarba ilzâm ve ilşâķ olunur, lâ-maĥâle o ğarb onunla tenķiye olur, ba'dehu sünger bal suyuyla islatılıp mevđî-i ğarb ğasl olunur. Ve ba'dı kerre ona itbâ olunup zîkr olunan kamış kışresiyle o nâşûr üzere idâ olunur ya'nî kışre yâbisen nâşûr üzere vađ olunup devâ-i müceffif âĥere ĥalķ olunmaz.

Ve bu tercümenin Kânûn'da zîkr olunan aşlı budur: "فاذا صار غربا فاعلم ان القانون فيه ان ينقى اولاً ثم يعالج ومما ينقيه ثم يغسل الموضوع باسفننج مغموس في ماء العسل إنتهآ. وربما اتبع ذلك ايداعه غرقى القصب يابسا وحده بلا دواء آخر مجفف فيكنى"

"قصب" kâfla kamış ma'nâsıdır. "Ayn ile "عصب" yazılan nüshalar tahrîftir. "غرقى" âĥirinde hemze iledir lâkin o hemze şâhib-i Kâmûs katında zâid ve Cevherîye göre aşlıyedir. Her ĥâlde yumurtanın dâhilinde olan ğışâ-i rakîķtır. Bu maķâmda [murâd] kamışın iç yüzünde olan ğışâ-i rakîķtir. "ايدع" za'ferân ve bakķam ağacı ve demü'l-aĥaveyn ve şamġ-ı aĥmerdir ki Sukuṭrâ cezîresinden meclûb olur ve cirâĥat için istîmâl olunur ve bunlardan mâ'adâ dahi ma'ânîsi vardır.

Ve şâhib-i Kânûn bu maķâmda nâşûr için istîmâl olunan kaşabın dâhilinde olan kışreye dahi "eyda" itlâķ edip "وربما اتبع ذلك ايداعه" dedi,¹²⁷ ya'nî sünger ile ğaslin ardınca o ğarbde ġırķî-i kaşab eyda tarîķi ile yâbisen istîmâl olunur demek olur.

Felneşra' ile't-tercemeti: Ve ğarb için mücerreb devâ olur māmîsâ şiyâfî ve za'ferân mâ-ı taraĥşekûķ ile istîmâl olunmak. Ve gerektir ki bu şiyâfî istîmâl eden kimse vaķt vaķt tebdîl ve tecdîd-i devâ eylemekten zâil olmaya.

Ve yine mücerrebdir ĥalezûn bi-cevfîhi¹²⁸ ya'nî içinde olan laĥmiyyeti ve eşķâṭ-ı sâiresi ile cemî'an saĥķ ve mürr ve şabır ile ĥalķ olunup is-

127 "وربما اتبع ذلك ايداعه" ilh. Bu terkîbin ĥâşıl-ı ma'nâsı: ġırķî-i kaşab olan eyda' ile ğarb yâbisen idâ olunmak istîmâl-i evvele tâbî' kılınır.

128 Ṭab' ile olan nüshalarda "bi-cevfîhi" yazılmamıştır. [Roma matbu nüshada "meshûķuhu"]

ti'mâl olunmak. Ve o verem begre olup velâkin henüz cem^c-i midde eyleme onda zıkr olunan devâ ile intifâ^c olunur ve kırha oldukta dahi intifâ^c olunur.

Ve kezâlik yine mücerrebâttandır ved^c-i muhrağ ve za^cferân ve tarağ-şekûk-ı yâbis mâ-ı summâk-ı müşemmes¹²⁹ ile isti'mâl olunmak ve sezâb varakı mâ-ı rummânla ğarb üzere vađ^c olursa nefi^c acıb olur. Ve ğarb bu devâ ile şıhhat bulduktan sonra onun eşeri kalmamak bu devânın havâşşındandır lâkin lez^ci olur. Ve vâcib olur ki o lez^ce iltifât olunmayıp fevâidini taleb terk olunmaya

Ve hürâcı müfeccire olan edviyeden olur hubzdan mürr tohumuyla çimâd ittihâz olunup veyâhüd kündürden hatun sütüyle veyâhüd za^cferân mâ-ı circîr ile veyâhüd mürr ile mürrün şülüş vezni şamg-ı a^crâbîden çimâd ittihâz olunup baqar merâresiyle ma^ccün kılındıktan sonra ğarb üzere ilşâk olunur ve bür³ hâşıl olunca kadar o çimâd üzerinde terk olunur, aşlâ tahrîk olunmaz.

Ve ğarb edviyesinden olur o fetile ki kevr¹³⁰ ve uşşak ile ma^cküd olan zencârdan ittihâz oluna.

Ve Hind zu^cm eder ki mâş mađğ olunup isti'mâl olursa ğarbu sağaltır. Ve bađdılar dahi zu^cm eder ki yalnız mürr dahi ğarb üzere vađ^c olursa nâfi^c-dir. Ve bu şıfat üzere olan zerûr dahi mücerreb devâ olur.

Nüşa-i zerûr: 'Urûk-ı şufr bir cüz³, nânĥâh bir cüz³ün iki şülüşü. Bunlar saĥk olunup ğarb üzere ekilirse bi-iznillâh nâfi^c olur.

Zerûr-ı âĥer: Bürâde-i nuĥâs ve şebb ve nüşâdur bu eczâlar terkîb olunup ğarba zerûr kılınır.

Āĥeri: Ğarba nef^c-i bâliĝi olan edviyedendir zâc ve şabır ve muhrağ kündür kuşûru ve māmîsâ. Bu edviyeler veznleri berâber aĥz olunup mâk üzere vađ^c olunur. Ve kezâlik şabır kuşâr-ı kündür ile vađ^c olunur. Ve akrabâdinde mezkûr olan edviye dahi te^cemmül olunur ve huşûşan devâ-i hâdde-i aĥdarî te^cemmülü ziyâde olur. Ve elvâĥ-ı müfrede eczâları dahi te^cemmül olunur ya^cnî onlardan ğarb isti'mâline muvâfık olanlar aĥz ve iltikâ^t olur.

129 "Müşemmes" güneşlenmiş ma'nâsıdır.

130 "Kevr" muql-i Yehüddur ki ona muql-i azrak dahi derler.

Ve kaçan zıkr olunan edviye müfîd olmayıp ğarbın ıızamı ğāyete bālīga olsa o ğarbı şakḳ edip bātımını kemiğe varınca kadar açıp nazar olunur, eger onda lahm-ı meyyit mevcûd ise onu aḥze ḥacet olur. Ve baʿde'l-aḥz onun tebdîri üç vech üzere olur: Eger kemik şahîḥ olup üzeri karardı ise o ʿazmın sevādı ḥakk olunup kemik taḥîr olunur ve edviye-i müdmile ile şakḳ doldurulup şedd olunur ve baʿdehu bir müddet terk olunur. Ve eger o ğarb şedîd olup bununla muʿālece müfîd [272a] olmayacağı maʿlûm ise o mişlli ğarb keyye muḥtâc olur. Ve baʿdı kerre keyyin ğavra nüfûzu ziyâde olsun için lahm-ı meyyit nâfizen şakḳ olunur, zîrâ bu vech ile [nâfizen] şakḳ olunmasa¹³¹ zıkrî mürûr eden cevbenin ğavrına varıp keyy ile o ğavr taḥîr olmaz ve hem ḥavf olunur ki keyyin eṣeri ʿayna varıp mülteḥimeyi tezvîb ve tesyîl eyleye eger şukḳbenin meyli ʿayn cānibine olur ise.

Ve eger şukḳbenin meyli zâhirden burun cānibine olur ise keyyden maḥlûb olan fâide yine ḥâşıla olmaz belki maḍarratı olur. Ammâ maḥall-i ğarb olan mûḳ bir maḥallden şakḳ veyâḥûd üç maḥallden küçük şukḳbeler ile şakḳ olunup ʿayn ve enf cāniblerine meyl olmaksız cevbe feḍâsına nâfizen şakḳ olunsa ve dem ağız ve burun nâhiyelerine akıtılıp bu vech ile tenkıyeden sonra keyy bālîğ olunsa o keyyin nef-i bālîği olur. Ve gerektir ki o keyyde dahi muḳle muḥâfaẓa oluna belki vâcib budur ki ḳable'l-keyy muḳle ḍabṭ-ı bālîğ ile ḍabṭ olunduktan sonra keyy oluna ve maḥall-i keyye edviye ekilip üzerine ʿışâbe ile bağlana. Ve baʿdı kerre zıkr olunan şukḳbe istiʿmâl olmaksız bilâ-şakḳ keyy-i mücerred dahi kifâyet eder. Ve mümkün oldukça bilâ-şakḳ keyye ḳaşr olunmak evlâ olur ve maḥall-i keyy edviye-i reʿsiyye ile muʿālece olunmak ʿilâc-ı ceyyid olur.

Ve vâcib olur ki kaçan keyy olunup ve maḥall-i keyye devâ ekilse gözün kendi üzerine mâ-ı müberred ile ıslanmış sünger vaḍʿ oluna veyâḥûd ʿacîn-i daḳıḳ selc ile tebrîd olunup vaḍʿ oluna. Ve dâimâ o ʿacîn-i müberred tebdîl ve tecdîdden ḥâlî olunmaz, teşehḥun eyledikçe ʿacîn-i müberred-i âḥer vaḍʿ edersin.

131 “Nâfizen şakḳ olunmasa” demek ile iki vech murâd olunur: Aşlâ şakḳ olunmasa veyâḥûd şakḳ olunsa velâkin o şukḳbenin cevbeye nüfûzu olmasa belki şukḳbenin meyli muḳle cānibine olsa demektir. Pes bu muḳaddimeyi tezekkür lâbüddür tâ ki tercümenin fehmi âsân ola.

Sekizinci Faşl Mûkun Lahmı Ziyâde ve Noğşân Olması Beyânındadır

Ba'dı kerre mûkun lahmı ziyâde olur ve ziyâde olması o kadar bāliḡ olur ki başara māni^c olur. Ve lahm-ı mûk cidden noğşân dahi olur ve lahm-ı mûk hafı olup dem^cayı dahi seyelāndan men^c edemez. Ekser-i hâlde noğşân-ı mûkun sebebi eṭibbānın zıfreyi kaṭ^cda haṭāsı olur.

Ammā mûkun ziyâdeliḡi edviye-i şeteriyye ile 'ilāc olunup lahm-ı zāide o edviye vaḍ^c olunur, lākin mûkun lahmı külliyyen izāle ve istihlāk olunsa dem^ca maraḍının ḡudūşundan ḡavf olunur.

Ammā noğşân-ı lahmın mu'ālecesi eger o noğşân kaṭ^cla ḡādīs oldu ise ona 'ilāc olmaz. Eger kaṭ^cdan mā-'adā sebep-i āḡer ile 'ārıḡ oldu ise ba'dı kerre mümkün olur ki lahmı münbite olan edviye-i kābıḡa vü müceffife ile ona 'ilāc oluna, māmīsā ve zaferān ve şabır gibi devālar şarābla isti'māl olunur. Ve kezālik şabır ve benc şarābla ve yalnız şabır ile devā ittiḡāz olunup isti'māl olunur. Kaçan şabır yalnız mûk üzere zerūr kılınsa nāfi^c olur. Ve şarābın kendi dahi nāfi^cdir ḡuşūşan o şarāb içinde şey^c-i kābıḡ taḡḡ olunsa nef'i ziyâde olur.

Dokuzuncu Faşl 'Ayna 'Ārıḡ Olan Beyāḡ Beyânındadır

Ma'lūm ola ki 'ayna 'ārıḡ olan beyāḡ ba'dı kerre raḡıḡ olup saṭḡ-ı ḡāric üzere ḡādīs olur ve ona ḡamām tesmiye olunur. Ve ba'dı kerre dahi o beyāḡ ḡalīz olur, ona beyāḡ derler, muṭlaḡan zıkr olunur, ḡayd-ı āḡeri olmaz. Pes beyāḡın iki kısmı dahi 'aynda 'ārıḡ olan ḡurḡa veyāḡūd beşre münfecire olup mündemile olmakla 'ārıḡ olur ya'nī baḡiyye-i mevāddın indimāli beyāḡ olur.

el-Mu'ālecāt: Ammā beyāḡın raḡıḡ olup ebdān-ı nā'imede ḡādīs olanları 'ilācında vācib olur ki o mādde-i raḡıḡe 'ale'd-devām miyāh-ı ḡārre ile teḡḡir oluna ve miyāh-ı ḡārre ile istihmām dahi ettirilip ba'dehu ona bir şey^c-i yesir laḡsen iṭ'am oluna.

Ve ba'dı kerre o nev^c beyāḡa şaḡāyıḡu'n-nu'mān 'uşāresi ve ḡanṡuriyūn-ı daḡıḡ 'uşāresi nāfi^c olur.

Ve kezâlik ‘urûk-ı şufrdan bir cüz’ ve nānhāh şülüşān cüz’ ahz olunup zerūr ittiḥāz olunur. Ve bu mezkûrdan ḳavī olur anzerût, sükker-i ṭaberzed, zebedü’l-bahr, zerāvend bûrak ile iktihāl eylemek.

Ve bu beyâd-ı rakıka nâfi‘ olur iştârimāhûn kuḥlü ve ābār kuḥlünün ḳavîsi ve iştâftikān ve ṭarḥamāṭikûn devāları.

Bu mezkûrlar beyâd-ı daḳıḳın devāları idi, ammā beyâd-ı ḡalîzin müzmin olup a‘dā-i ḡalîzada ḥādîş olanlarının ‘ilācı budur ki o mişlli beyâd telyîn olunur zıkrı mürür eden tebhîrāt ve istiḥmāmāt ile ve iktihāl olunacak şiyāfāt-ı mezkûre mā-ı veccede veyāḥūd maḥlûl olan milḥ-i enderānī suyunda müdāfe ya‘nī meblûle olduḡu ḥâlde isti‘māl oluna ve o ekḫālî ḥammām-da isti‘māl eyleye. Ve eger ona ḥammāmāt nâfi‘ olmaz ise ḳatrān ile nuḥās-ı muḥraktan şiyāf ittiḥāz olunup iktihāl oluna. Ve kezâlik geyik boynuzu şiyāfı ile veyāḥūd yalnız ḍabb ba‘r-ı ile veyāḥūd ba‘r-ı ḍabba meshûkûniyā ve nuḥās-ı muḥrak veyāḥūd maḥlûl olan milḥ-i enderānī idāfe ile iktihāl oluna.

Ve bunlardan aḳvā olur ḥaṭāṭif ḥur’u şehd ile veyāḥūd ‘asel ile kuḥl kılınmak ve sām-m-ı abraş¹³² zibli ile aḳşam ve şabāḥ iktihāl olunsa ḳavī kuḥl olur. Ve ḥalezûn envā‘ından olan şünc-i muḥrak ve sereṭān-ı baḥrî ve ḳilîmiya’z-zehab ile terkîb olunsa kuḥl mu‘tedil olur.

Ve eger o beyâdda taḳ‘îr ve çukurluk olur ise māmîrān ve uşşak ve ba‘r-ı ḍabb ve mürr mütesāviyetü’l-eczā terkîb olunup isti‘māl olunur; züfre bābında zıkr olunacak devā-i mıḡnāṭis dahi isti‘māl olunur. Ve ba‘dı kerre dahi o beyâdın levnini izāle eden şıbg ya‘nī beyâdı boyayan edviye dahi isti‘māl olunur, meşelā nar çiçeḡinin tesāḳuṭ eden şaḡîrleri ahz olunup aḳāḳiyā ve ḳalkādîs ve şamḡ bu eczāların her birinden birer ūḳıyye, işmid ve mazunun yeşili üçer dirhem ahz olunup şu ile idāfe olunduktan sonra isti‘māl olunur. Eger nar çiçeḡi bulunmazsa bedeline ḳısrı yāḥūd aḳmā‘ı veyāḥūd narın ḥabbeleri arasında olan ḡışā-i şaḥmîleri isti‘māl olunur.

Ve kezâlik edviye-i şābigadandır ‘afş, aḳāḳiyā her birinden ikişer dirhem, ḳalkādîs bir dirhem, bunlar ahz olunup şābig devā kılınır.

Ve ekḫāl-i şābigadandır bu vaşf üzere olan kuḥl, nüşḥa: muḥrak maḡsûl reşāş, za‘ferān, şamḡ her birinden ikişer mişḳāl, nuḥās-ı sebîke kılınan beytin

132 “Sām-m-ı abraş” kelerin büyüğüdür.

remâdı ki yağmur suyuyla ğasl olunmuş ola iki mişkâl, mağsül tûbâl-i nuhâs ya'ni bakır bürâdesi nişf mişkâl. Bu eczâları terkîb edip bundan aqdem ma'lümun olduğu vech üzere isti'mâl eyle.

Âher: Bu nüshanın cevdeti ğâyete bâliğdir: kulkuţâr, 'afş-ı aqđar her birinden dört mişkâl su ile ĥall olunup defe'ât-ı keşire ile isti'mâl olunur.

Âher: 'Afş, aqākıyâ birer cüz', qalkand nişf cüz' aqđ olunup şaqâ-yıku'n-nu'mân şuyuyla saqđ olunur.

Onuncu Faşl Sebel Beyânındadır

Sebel bir ğışâve ya'ni bir perdedir, mülteħime ve qarniyye saţh-ı zâhirlerinde olan 'urûqun intifâhından ĥâdiş olur. O iki saţhın müntefiħa 'urûqlarının arasında duĥân gibi bir ğışâ müntesice olup ona ğitâ ve ğışâve denir.

Ve o 'urûqun intifâhının sebebi budur ki re's mevâdd ile mümtelî olur ve o mevâdd ĥâric-i re'si mücellil ğışâ tarîkinden veyâhüd bâtin-ı re'ste olup dimâğı ĥâvî olan ğışâlar tarîkinden 'ayna nüzül eder. Ve 'aynda đaf olur ise o mevâdd-ı nâzileyi def' edemeyip qabûl etmekle 'aynın zıkr olunan 'urûquna o mevâdd nüfûz edip intifâh-ı 'urûq ĥâdiş olur. Pes sebelden 'arıđ olan âfet bunlardır: ĥikke ve dem'a ve ğışâve ve đav'-ı şems ve đav'-ı sirâcdan te'ezzî. Ve ba'đı kerre sebeli olan 'ayna şığar ya'ni küçük olmak ve ĥadeqanın cirmi noqşân olmak 'arıđ olur. Ve sebel bir marađdır ki onda tevârûş ve ta'addî vardır.

el-'Alâmât: Ĥicâb-ı ĥâric ĥasebiyle olan sebelin 'alâmâtı zıkrı [272b] mürûr eden 'alâmetlerdir. Ve 'urûq-ı ĥâricenin dürûru ve ĥumret-i vech ve şudğlarda đarebân-ı şedîd ve kezâlik qarniyyede đarebân-ı şedîd gibi 'alâmetlerdir. Ammâ ĥicâb-ı dâhil ĥasebiyle 'arıđ olan sebelin 'alâmâtı senin *Kânûn*'da ma'lümun olan 'alâmetlerdir ki o 'alâmetler bunun ĥilâfı üzeredir.

el-Mu'alecât: Nevâzil-i 'ayn aşĥâbına hecri ve terki vâcib olan nesnelere sebel şâhiblerine dahi terki vâcib olur. Gözünde nezlesi olanların mu'alecesinde biz onları beyân eyledik, bu maqâmda i'ade eylemeziz. Ve sebel mu'alecelerinde bundan aqdem bizim zıkr eylediğimiz istifragât ve münakkiyât dahi isti'mâl olunur. Ve baş üzere edhân isti'mâlinden ve admi-deden dahi ictinâb olunur. Ve se'ûtât dahi kerîh 'add olundu lâkin sebelde se'ûtât isti'mâlinde benim katımda be's yoktur eger re's mevâddan naqî ve

tâhir ise. Ve Cālînûs ‘alîli şarâb içip ba‘dehu uyumakta muraħħaş kıldı eger ‘alîlin başı ve ebdân-ı sāiresi naķiyye ise. Ve benzer ki bu vechler ile mu‘aleceler sebel-i hafife muvâfık olur.

Ammâ sebel kavî oldukta bunlar ile ‘ilâc müfid olmaz belki laķt¹³³ isti‘mâl olunmağa hâcet olur. Ve laķt isti‘mâlinin aħsen-i ĩuruķu budur ki zıkr olunan ‘aynın muntefiħa olan ‘urūķu taħtından ĩuyūť-ı keşire tenfiz olunup geĀirilir ba‘dehu o ĩuyūť fevķ cānibine cezb olunup re’sinde ĩiddet olan mikrāş ile sebel laķt olunur bir vech ile ki sebelden ‘aynda bir nesne bākī kalmaz, zīrā sebelden bir cüz² bākī kalsa ĩālet-i ũlāsından ziyāde ĩādış olur. Ve sebeli tenķiyeden sonra zıkrı zıfre bābında ātī olan men‘-i ilişāķ tedbiri isti‘mâl olunur.

Ve laķtın te’sirinden ‘aynda veca‘ ĩādış olursa o veca‘a yumurta sarısıyla ‘ale’d-devām mu‘ālece olunur. Ve o veca‘ın şifāsı yumurta sarısıyla olur bi-iznillāhi ta‘ālā. Ve bunlardan sonra şiyāf-ı aħmer ve şiyāf-ı aħdar isti‘mâl olunur baķıyye-i sebeli taħlil ve ‘aynı külliyyen tenķiyye ve taħhır eylesin için

Ve laķt isti‘mâlinin efdāl-i evķātī faşl-ı rebī‘ ve faşl-ı ĩarīf olur. Ve isti‘mâli evvelā bedeni ve re’si tenķiyye edip ba‘dehu laķt olunmakla olur, zīrā ķable’l-istifrag ve t-tenķiyye olan laķtın veca‘ı bedeninin mevāddını ‘ayna cezb eder.

Sebele nāfi‘ olan edviye ekşer-i hālde ĩādış ve tāze olan sebele nāfi‘ olur. Ve sebele nefi mücerreb olan edviyeden olur decāce yumurtası decāceden munfaşıl olduđu gibi aħz olunup tāze ve ĩarī iken kabuđu sirke içinde on gün miķdārı kaynatılır ba‘dehu taşfiyye olunup bir kinn¹³⁴ içinde kurutulur ve vaķt-i hâcette saħķ olunup iktihāl olunur.

Ve yine mücerrebāttan olur remādī dedikleri şiyāfa bir mişli merķaşışā idāfe edip göze çekmek.

133 Bi-ħasebi’l-lüĀa “laķt” bir nesneyi kaldırmağa derler. Arđdan kaldırılan sünbülle-i sākıtaya dahi iki fetħa ile “leķať” derler. “لكل ساقطة لأقطة” ĩurūb-ı emşāldenendir, ĩıfz-ı lisān için isti‘mâl olunur. Kezālik mu‘taķ olan ‘abd “lāķıt” ve mu‘taķın mu‘taķına “māķıt” ve mu‘taķın mu‘taķının mu‘taķına “sākıt” derler, ĩattā kelām-ı ‘Arabda vāķi‘ olan “ساقط بن ماقط بن لأقط” bu ma‘nālara maħmũldür. Ve bu maķāmda laķt ile murād Āişāveyyi kaldırmaktır.

134 “Kinn” kap ma‘nāsınadır.

Ve yine mücerredir nuhās-ı Kıbrısî bürādesi bevl içinde bir gün kadar terk ve terbiye olunduktan sonra o bürāde saḥk olunup isti‘māl olunur.

Mürekkebāttan şiyāf-ı iştāfīkân ve aḥmer-i leyyin ve aḥmer-i ḥādd şiyāfları ve şiyāf-ı aḥḍar ve tarḥamāṭīkūn ve şiyāf-ı rūsahṭec ve devā-i mīgnāṭīs nāfi‘dir ve cemī‘an bunlar akṛabādīnde zıkr olunur. Ve şıbs ve cülleṇār şiyāfi dahi nāfi‘dir.

Ve kaçan sebel ‘illetine cereb-i ‘ayn muḳārın olsa ona şiyāf-ı summākın menfa‘ati tecribe olunmuştur ve o şiyāf yalnız summākıtan ittiḥāz olunur. Ve ba‘dı kerre miḳdār-ı ḳalīl şamḡ ve anzerūt dāḥil kılınıp iktiḥāl olunur ve bu şiyāf sebeli ḳaç ve cerebi izāle eder.

On Birinci Faşl Züfre Beyānındadır

Sāḥib-i *Ḳānūn* der ki ben derim ki züfre bir ziyādedir ki mülteḥimeden veyāḥūd ‘aynı muḥīṭ olan ḡışādan ḥādiş olur ve ekşer-i emrde o zāide mūḳ-tan ibtidā edip ḳarniyyeyi setr eder ve ḳarniyye üzere nüfūz eder ḥattā ba‘dı kerre ḳarniyyenin şukbesini örter.

Ve züfre aşnāfının bir sınıfı şalābetli ve sınıf-ı āḥeri leyyin olur ve min ciheti’l-levn muḥtelife olup kimi sarı ve kimi aḥmer ve kimi dahi kemi-dü’l-levn olur.

Ve züfrenin bir sınıfı mülteḥimeye mücāveret-i iltiṣāk ile mücāvır olur ya‘nī her birinin ‘alā-vechi’l-ittiṣāl başka başka cirmi vardır, lākin eczāları ‘alā-vechi’l-ittiḥād tedāḥul eylememiştir belki ittiṣālleri vardır. Ve bu sınıf züfre mülteḥimeden sür‘at ile münkeşīṭ olur ya‘nī soyulur ve ednā ta‘alluk ile ittiṣāli zāil olup ayrılır.

Ve züfrenin sınıf-ı āḥerinin mücāvereti ittiḥād tarīḳiyle olur. Ve bu sınıf senin ma‘lūmun olan vech üzere keşṭ ve selḥe muḥtāc olur.

el-Mu‘ālecāt: Bunun ‘ilācının efdali ḥādīd ile keşṭ olur ḥuşūşan sınıf-ı leyyinin keşṭi ve ḥādīd ile mülteḥimeden soyulup ayrılması ziyāde efdal olur.

Ammā sınıf-ı şulbūn kāşīṭine vācib olur ki ‘amelinde ziyāde rıfḳ eyleye, zīrā rıfḳ olunmasa ḍararı mü‘eddī olur.

Ve keşş olunmağın tarîki budur ki şinnârât¹³⁵ ile züfre işâle olunur ya'ni kaldırılır. Eger züfre muţâva'at edip şinnâreye ta'alluk eder ise züfreyi karđ ve kaţc sühület üzere olur. Ve eger şinnâre ile işâle olunmaktan imtinâc ederse o züfrenin altından bir mevđi'den veyâhüd iki mevđi'den ibre ile veyâhüd ibre mislli bir rişe-i laţife ile birer şa're veyâhüd hayt-ı ibrišem tenfîz olunup onunla keşş olunur. Ve bu 'amel müfid olmaz ise hiddetli olmayan hadid ile selh-i laţife hacet olur.¹³⁶ Ve vacib olur ki o züfre istişâl ya'ni cem'an istihlak oluna, mümkün olduđu miqdâr züfreden bir nesne bâkî kalmaya velâkin mükun lahmına ta'arruđ olunmaya. Eger mûka ta'arruđ olunur ise dem'a dedikleri âfet 'arıđ olur. Ve züfre hacmiyle mükun lahmları levnlerinden fark olunur.

Ve kaçan züfre kaţc olursa kemmün mađğ olunup milhle göze taqtir olunur. Ve onların 'aynının lez'i yumurta sarısı ve dühn-i levz ve dühn-i verd ve dühn-i benefşec ile tedârük ve telâfi olunur. Ve eger zıkr olunan kemmün-ı memdüğ ma'a'l-milh taqtir olunmasa mülteħime cefne ya'ni göz kapağına mülteşik olup yapışır, onun için züfre-i 'aynı keşş olunan kimseye vacib olur ki o marid hadeķa-i 'aynı küllü vaktin taqlib ve bir taraftan taraf-ı âhère tahrik eyleye hareket iltişâķa mâni' olsun için. Ve vakt-i keşşten üç gün mürürunda şiyâfât-ı hâdde istimâl olunur züfreden kalan baķiyeyi istihlak eylesin için.

Ve züfre üzere istimâl olunacak edviyeye 'inâyet keşir olmaz eger züfre ğalîz olursa, zîrâ ğalîz olan züfreyi edviyenin taħlîli ümîd olunmadığından mâ-'adâ o ğalîz züfreye 'ilâc olsun için istimâl olunan edviye-i hâddenin cilâsı ve ta'fini şedid olmakla hadeķa-i 'aynı nikâyeden hâlî olmaz.

Ve züfre için tecrîbe olunan ekhâlden olur tarhamâţikûn ve kulkuţârîn şiyâfları ve kayşar şiyâfı ve bâsilikûn-ı hâdd ve rüşenâyî ve dînârcûn şiyâfları. Ve bu şiyâflar cem'an aķrabâdinde mezkûr olur.

Ve yine züfre için tecrîbe olunmuştur nuhâs-ı muħrak ve kâķkadîs ve merâretü't-teys. Bu eczâlar mütesâviyeten aħz olunup şiyâf ittiħâz olunur veyâhüd kâķkadîs ve milh-i derânî birer cüz', şamğ nişf cüz' aħz olunup

135 الْعَصَّارَةُ [eş-şinnâret] (şâd'ın kesri ve nün'un teşdidiyle) İğ başıdır, re's-i miğzel ma'nâsına. Vankulu.

136 Bilâ-işâletin hadid ile yüzülür.

hamr ile şiyâf ittiḥâz olunur veyâḥûd nuḥâs-ı muḥrak ve kâlkand ve aşl-ı keberin kışrı ve nüşâdur ve merâretü't-tüyüs veyâḥûd merâretü'l-bakar aḥz olunup bal ile şiyâf ittiḥâz olunur veyâḥûd yalnız 'asel mâ'iz merâresiyle şiyâf kılınır veyâḥûd mıḡnâṭis ve cengâr ve maḡre ve uşşak ikişer cüz', za'ferân bir cüz'. Pes bu edviye minvâl-i mezkûr üzere cem' olunup kaç vukıyye cem' oldu ise vukıyye başına bir kütûlî 'asel katılır.

Ve yine zufreye nâfi' dir kâlkand ile nüşâdurdan kuḥl ittiḥâz olunur ve bu kuḥl 'acîb kuḥl olur.

Ve zufre için mücerrebâtan olur ve te'sîri keşṭ te'sîrine ḡarîb olur o kuḥl [273a] budur ki şırlı olan saksı aḥz olunup üzerinden yeşil şırrı ḡakk olunur ve saḡḡ-ı nâ'im ile saḡḡ olunup kabak çekirdeḡi yaḡıyla ḡalt olunduktan sonra yine maḡlûtan saḡḡ olunur ve ber-mîl deri içine idḡâl olunur ya'nî mîle bir kıṭ'a deri sarılıp o meshûka bulaştırılıp onunla zufre ḡakk olunur, bür' ḡaşıl olunca ḡadar günde mirâren bu minvâl üzere ḡakk olunur, zîrâ zufreyi bu minvâl üzere ḡakk terkîk eder ve aḡıru'l-emr izâle eder.

Ve vâcib olur ki o 'alîl edviye isti'mâlinden muḡaddem mâ-ı ḡârrın buḡarı üzere mükıbb ola, gözü tesahḡun edip yüzü kızarıncâ ḡadar buḡâra meyl üzere ola ve ḡammâma dâḡil ola.

Ve zufre-i ḡafîfeye nâfi' olur kündür saḡḡ olunup mâ-ı ḡârr içinde bir sâ'at miḡdârı naḡ' olunduktan sonra taşfiye olunup iktiḡâl oluna.

On İkinci Faşl Tarfe Beyânındadır

Tarfe 'aynda tarî ve tâze dem-i aḡmerden bir nokṭa-i ḡâdişedir veyâḥûd dem-i 'atîk-i mâitten¹³⁷ levni ekheb¹³⁸ veyâḥûd esved olur, ḡarbe mişlli nesnelerden 'urûk münfecire olup demin 'ayna seyelanından ḡâdiş olur. Ve imtilâ ve verem ḡasebiyle dahi münfecire 'urûkun seyelanından dahi tarfe ḡâdiş olur. Ve urûku fetḡ eden esbâb cümlesindedir şayḡa eylemek ve ḡareket-i 'anife ile ḡareket eylemek. Ve ba'ḡı kerre demin ḡaleyânından dahi 'urûk münfetika olur. Ve ba'ḡı kerre dahi ḡarbeden ḡâdiş olan

137 “Dem-i 'atîk-i mâit” kan eskıyıp rengi solması ola.

138 الكُهْبَةُ [el-kühbet] (kâf'ın ḡammıyla ve hâ'nın sükünuyla) Bir levndir ki ak olup karaya mâ'îl ola, toz rengi gibi, gerd renk ma'nâsına. Ba'ḡdılar eyitti: كُهْبَةُ [kühbet] şol levndir ki ḡâlîş kırmızı olmaya. Vankulu.

tarfe hasebiyle hadêkada inhirâk hâdis olur ya'ni gözde yarıklık olur. Ve o inhirâk mültehimede olur ise eslem olur.

el-Mu'alecât: Tarfesi olan 'ayna himâr kanı veyâhüd şefânin ve fevâhit¹³⁹ ve verâşin kanları taqtîr olunur huşuşan zikr olunan tıyûrun taht-ı rîşinde ya'ni yeleş kökünün ucunda olan kanı taqtîr ziyâdesiyle nâfi' dir.

Ve tarfenin zamân-ı ibtidâsında dimâ-ı mezküreye tîn-i kaymüliyâ ve tîn-i Ermenî mişli râdi'âttan bir nesne halı olunur. Ammâ tarfenin evâhirinde o demlere muhallilât halı olunur hattâ zernîh ile tîn-i mahtûm dahi halı olunmak câiz olur. Ve ba'dı kerre hatun sütün ile ve tuzlu sular ile kündür isti'mâl olunur, 'ale'l-huşuş o sütte ve suda milh-i enderânî ve nüşâdur-ı mahtûl ola ve huşuşan onlara kündür dahi vađ oluna ve 'atîk olan tarfeye taqtîr oluna, o vaqt nef'i ziyâde olur. Ve dînârcün şiyâfi tarfeye cidden nâfi' olur.

Ve o devâ dahi nâfi' olur ki hacet-i fülful,¹⁴⁰ anzerût mütesâviyetü'l-eczâ ahz olunup ikisinin mecmûu kadar zernîh ile halı olunup devâ ittihâz oluna. Ve ba'dı kerre ona milh-i enderânî dahi halı olunup şiyâf ittihâz olunur. Ve ba'dı kerre dahi kalâ hamr ile veyâhüd hall ile ğasl olunup hâricden dîmâd olunur. Ve kezâlik güğercin tersi hall ve hamrdan biri ile dîmâd olunur. Çekirdeği ihrac olunan zebîb ile dahi vahdehu veyâhüd hall ile veyâhüd etibbânın dedikleri ahlât-ı saire ile dîmâd olunur huşuşan o tarfede verem dahi ola. Ve kezâlik tâze peynir miqdâr-ı kalîl tuz ile ve turp kabuğu ve iklîlü'l-melik dem-i ahaveyn ile veyâhüd aşl-ı süsen, zaferân, 'ades, dühn-i verd yumurta sarısı ile dahi dîmâd olunur. Ve suda zûfâ ve sa'et tabh olunup buhârına ikbâb olunur ve kendiler ile 'ayna kimâd olunur. Ve sirke içinde tabh olunan remâd dahi bu minvâl üzeredir veyâhüd lübân naqtî' şabır ile veyâhüd 'aşfer-i berrî suyu ile veyâhüd zaferân naqtî' ile veyâhüd babadya ve iklîlü'l-melik mahtûhuyla veyâhüd babadya ve iklîlü'l-melik 'uşâreleriyle veyâhüd lahana yaprağı sülâkasıyla kimâd olunur veyâhüd lahana yaprağı tabh ve daqq olunup dîmâd olunur.

139 "Fevâhit" üveyik dedikleri kuşlardır. Mâ-'adâ zikr olunanlar güğercin envâ'ındandır.

140 "Hacet-i fülful" diye nüshalarda muharrer olan gâlib-i ihtimâl muharreftir Allâhu a'lem, aşl nüsha habb-ı kılkıll olmak gerektir ki 'avâmm ona bir noktalı fâ ile habb-ı fülful derler, zîrâ hacet-i fülful müfredâtta bulunmamıştır.

Ve kavî müzmin olan ʔarfeye ʔardal daḳḳ olunup iki vezni incirin laḥ-
mı ile ʔalt olunup ʔimād olunur veyāḥūd süt ile maḥlül olan zernîḥ ile
ʔimād olunur. *Baʔdı nüshada “maḥlül” bedeline “maḥkük” vāḳıʔ olmuştur.*
Veyāḥūd remād şarābla ʔabḥ olunup ʔimād olunur veyāḥūd nāḥḥāḥ ve zūfā
sıḡır sütiyle istiʕmāl olunur.

Ve eger ʔarfeden mülteḥimeye ʔarḳ vāḳıʔ oldu ise kemmün ve milḥ maḍḡ
olunup o devāları maḍḡ edenin rıḳı mülteḥimede olan ʔarḳa yaʕnī yırtıḡa
taḳḳır olunur. Ve varāḳ-ı ḥilāf ile ʔimād olunsa cidden nāfiʕ olur.

On Üçüncü Faşl Demʕa Beyānındadır

Demʕa o ʕillet-i ʕayndır ki o ʕilleti olan göze daimā ruḡubet-i māiyye ile raḡb
olur ve baʔdı kerre demʕa seyelān eder. Ve bu ʕilletin baʔdıḥı anadan doḡma ve
māder-zād olur. Ve baʔdı kimseye sonradan dahi ʕarıḍ olur ve ʕarıḍ olan dahi
iki ḳısm olur: Biri ḥāl-i şihḥatte olup demʕa-i lāzıme olur ve āḥeri marāḍa
tābiʕa olup marāḍın zevāli ile zāile olur, ḥummayātta olduḡu gibi.

Ve demʕa-i ʕarıḍanın sebebi ḳuvve-i māsikenin ʔafı veyāḥūd ḥāḍı-
me-i mundıcenin ʔafı olur veyāḥūd mūḳun miḳdār-ı ḥabıʕiden noḳşanı
olur ve devā-i ḥādd istiʕmālinden dahi olur ve zıfrenin ʔaḳıʕı ʕaḳıbinde
dahi ʕarıḍ olur.

Ve bu ruḡubātın mebdıi dimāḡdır, iki ʔarıḳin birinden ʕayna seyelān
eder ki o ʔarıḳin zıḳri kirāren mürür eyledi, pes bu demʕa ʕilletinden anadan
doḡma olanlar ve kezālik zıfrenin ʔaḳıʕından olanlar için mūḳun laḥmiyyeti
külliyyeten istiḥlāk olundu ise bürʕ recā ve ümīd olunmaz.

Ve demʕin seyelānını mücib ʕillet-i maḥşūşa olmayıp lākin ḥummā ḥase-
biyle beyāḥūd emrād-ı ḥādde-i dimāḡiyye ile veyāḥūd ḥummā-ı yevmden
ḥummā-ı seheriyye ile baʔdı kerre demʕa ʕilleti ʕarıḍa olur. Ve ḥummā-ı ʕafi-
niyyede keşir olur. Ve temeddüd marāḍında dahi demʕa keşirü'l-vuḳʕ olur.
Bu mezkūrların küllisi demʕa-i ʕarıḍa aşnāfıdır, cemīʕan marāḍa tābiʕdir,
marāḍın zevāli ile demʕanın zevāli serıʕ olur.

el-İlāc: Bu ʕilletin muʕalecesinde ḳānūn budur ki ḳabḍı muʕtedile olan
edviye istiʕmāl oluna. Ammā zıfrenin ʔaḳıʕı ʕaḳıbinde ḥādiş olanlara veyāḥūd
devā-i ekkāl istiʕmāl olunduktan sonra ʕarıḍ olanlara zerūr-ı aşfer ve akrāş-ı
zaʕferān istiʕmāliyle ʕilāc olunur. Ve kezālik şiyāf-ı şabır ve şiyāfu'z-zaʕ-

ferân benci isti‘mâl olunur ve mâka kündür ile veyâhüd kündür duhâniyla ve huşûşan şabır, māmîşâ, za‘ferân ile kuhl kılınır. Ve eger mâk külliyyen fenâ bulup istişâl ve istihlâk olundu ise o müstehlek istirdâd olunmaz ve ‘ilâcla helâk olan lahmiyyet geri gelmez. Ve mâ-‘adâ dem‘anın mu‘âlecesi tütüyâ veyâhüd tütüyâyî olan devâlar ile ‘ale’l-huşûş bâbu’l-beyâdda zıkr olunan kuhl-i tütüyâyî ile ve şiyâfât-ı lezicenin cümlesi ile ve şiyâf-ı ebyad-ı anzerütî ve şiyâf-ı ıştâfîkân ve sair akrabâdinde mezkûr olan şiyâflar ile ‘ilâc olunur.

Ve bu bâbda mu‘âlece olunan mücerreb devâlardandır: ekşi enâr suyundan edviye-i säire ile müttehaz olunan devâ. Ve o devânın şıfatı budur: Ekşi nar suyundan bir rıtl nısfı kalınca kadar tabh olup ba‘dehu üzerine şabır-ı Sekûtarî ve hudađ ve fîl-zehrec ve za‘ferân ve şiyâf-ı māmîşâdan birer mişkâl, misk iki dâniğ ilkā olup ağzı mesdûd zücâc içinde kırk gün kadar güneşte terk olunur.

Ve yine dem‘a için mücerreb devâlardan olur ‘ale’r-rîk hammâma duhûl ve hammâmda mekş edip mâ ve halli göze keşiren tahtîr eylemek. Ammâ anadan doğma olan dem‘adan kâbil-i ‘ilâc olanlarının mu‘âlecesi ‘usretli olur.

On Dördüncü Faşl Havel Beyânındadır

Lisân-ı Türkîde havel gözüün şaşî olmasıdır. Ve havelin esbâb-ı müte‘ad-didesi vardır. Ba‘dı kerre muqle-i ‘aynı muharrik olan ‘adâlatın ba‘dılarının [273b] istirhâsı olup muqle cihet-i istirhânın hilâfı ve dıddı olan cihe-te meyl eylemek ile hâdis olur. Ve ba‘dı kerre dahi zıkr olunan ‘adâllerin ba‘dılarında teşennüc olup muqle cihet-i teşennüce meyl eylemek ile hâdis olur. Ve her hangisinden olur ise ba‘dı kerre ruţubetten ve ba‘dı kerre yübüsetten olur.

Emrâd-ı hâddede ‘arıđ olan havel yübüsetten olur. Teşennüc-i ‘adal hasebi ile olan havel ‘aynı muharrik olan ‘adalin teşennücünden olur, zîrâ ‘aynda havel ve âfet ihdâş eden teşennüc o muharrik-i ‘ayn olan ‘adalin teşennücü olur. Ammâ ‘aynı imsâk eden ‘adâleden¹⁴¹ ‘ayna bir âfet ‘arıđ olmaz belki dâimâ nâfi‘dir.

141 “‘Aynı imsâk eden ‘adale”den murâd ‘aşabe-i mücevvefeyi itâfe eden ‘adaldır ve *Ķânûn*’da zikri gelir.

Ve çok kerre havel ʿilel-i dimāgiyye hasebiyle ʿarîd olur, şarʿ ve qarānîṭus ve seder mişlli emrâd ile olur, zirā o emrâd ile ihtirāk ve yübs ʿarîd olur ve lâ-mahāle ihtirāk ve yübs hasebiyle müʿeddî olur. Ve imtilā hasebiyle dahi havel ḥādîş olur.

Ve maʿlûm buyurula ki aḥvelin şeyʿ-i vāhidi iki görmesi maʿrûftur velā-kin her aḥvelde o ḥālet olmaz. Eger muḳle-i ʿayn maḥall-i ṭabʿisinden mü-nezziʿ olup fevḳ cānibine veyāḥūd süfle ḥareket ve meyl eyledi ise o aḥvel bir nesneyi iki görür, ammā sağ cānibine veyāḥūd sol cānibine ḥurūc eyledi ise o aḥvelde ḥālet-i mezḳüre olmaz belki her nesneyi ʿadedince görür ve onda ḍarar muʿteber olmaz.

el-Muʿālecāt: Bu āfetin anadan doğma olanlarına bürʿ olmaz lâkin zamān-ı tufūliyyette beden cidden raṭb iken muʿālece olunur ise bürʿ meʿmül olur ḥuşūşan havel doğduktan sonra ʿarîd olup tedārükü ve ʿilācî ṭıfl iken ve ruṭūbeti keşire iken görüle, o zamān ümîd-i şıḥḥat ziyāde olur. Ve o mişlli ṭıflın ḥavelinin muʿālecesi budur ki o ṭıflın mehdi tesviye ve taʿdîl olunur ve ṭıflın ḥaveli cihetinin ḥilāfına bir sirāc vaḍʿ olunur. Ve o ṭıfl berîḳ-ı sirāca nazar için dāimā tekellüf edip muḳlesini o cānibe meyl ettirir ve ruṭūbet hasebiyle muḳle dahi ʿişyān eylemeyip mevḍiʿ-i aşlisinde qarār edip bürʿ ḥāşıl olur.

Ve kezālik aḥmerü'l-levn püskül mişlli bir nesne ḥavelin ḥilāfı cihetine asılır ve yine cihet-i ḥilāfta olan şudḡa veyāḥūd üzüne aḥmerü'l-levn ve sāir ṭıflın meyl eylediği bir nesne ilşāk olunur. Bu mişlli nesnelere ṭıfl teʿemmül ve tabaşşur etmek için ednā külfet ile ʿaynını cihet-i ḥavelden taḥrîk eder. Ve baʿdî kerre o tekellüf bürʿe sebep olur ve demi irsāl dahi nazarı müstakîm eder.

Ammā o ḥavel ki kebire ve meşāyiḡa ʿarîd olup sebebi istirḡā veyāḥūd teşennüc-i raṭb ola, onun muʿālecesinde vācib olur ki zikri mürür eden istifrāḡāt ve eyāricāt-ı kibār mişlli tenḳiye-i dimāḡ istiʿmāl oluna ve tedbiri telṭif oluna ve ḥammām-ı muḥallil istiʿmāl oluna. Ve ḥavele nāfiʿ edviyeden olur zeytün varaḳı ʿuşāresiyle seʿūṭ istiʿmālî.

Ve ḥavelin ʿurūdu teşennüc-i yübsî hasebiyle olur ise vācib olur ki onda neṭülāt-ı murattıbe istiʿmāl oluna. Ve eger ḥummāsı olmaz ise cidden murattıb olan edhānla eşek sütü istiʿmāl oluna. Ve'l-ḥāşıl onların tedbiri mu-

raṭṭibât ile olur ve gözlerine şefânîn demi dahi taḳṭîr olunur. Ve beyâḍ-ı beyḍ ve dühn-i verd miḳdâr-ı kalîl şarâbla ḍimâd olunup üzeri bağlanır, birkaç gün bu ḍimâd ile mirâren ʿamel olunur.

On Beşinci Faşl Cuḥûz-ı ʿAyn Beyânındadır

Gözün fevḳe çıkıp nütûḡ üzere olmasına cuḥûz-ı ʿayn derler. Bu âfetin dahi esbâb-ı müteʿaddidesi vardır. Baʿḍı kerre muḳlenin yaʿnî bunduḳa-i ʿaynın intifâḥı ḥasebiyle olur. Ve intifâḥ dahi şıḳal ve imtilâdan olur. Ve baʿḍı kerre dahi cuḥûza sebep bir ḍâğıṭın ḍağıṭ edip cihet-i ḥârice iḥrâciyla olur. Ve baʿḍı kerre dahi ʿaynın ribâtı ve bağlarının ve o ribâtı ḥıfz eden ʿaḍalâtın müsterḥiye olmasıyla olur.

Kaçan cuḥûza sebep intifâḥ ve şıḳal ve imtilâ olup mevâddi gerek ḥıltıyye ve gerek rîḥiyye olsun ʿaynın kendide olur ise o mevâdd ḥâliye değıldir ki tevellüdü yâ ʿaynda olur veyâḥûd dimâğ müşâreketi ile veyâḥûd cemîʿan beden müşâreketiyle olur.

Hatunlarda ihtibâs-ı ṭamş katında ʿarıḍ olan cuḥûz cemîʿan beden müşâreketiyle olur. Ve ḥâric cânibine şiddet-i inḍıḡâṭla olan cuḥûz kabîlindedir ḥanıḳ katında ve şudâʿ-ı şedîd katında ve baʿde'l-ḳayḡ ve baʿde'ş-şıyâḥ Ve baʿdehu veca'i'l-vilâde ḥâdiş olan cuḥûzlar.

Kaçan hatunların ṭalakı yaʿnî vilâdet ağırlarında tezahḥur ve renne ziyâde olsa ʿaynları câḥıza olur. Ve baʿḍı kerre o hatunda dem-i nifâstan bakıyye kalıp ʿayna seyelân eder ve ondan dahi cuḥûz ḥâdiş olur. Cuḥûz cenînin fesâd-ı mizâcından ve mevt ve taʿaffününden dahi ḥâdiş olur.

Ve istirḥâ-i ʿaḍale ile olan cuḥûz teşriḥte zıḳri mürûr eden ʿaşabe-i mücevvefeyi muḥîṭ olan ʿaḍalâtın istirḥâsiyla olur, zîrâ o ʿaḍale müsterḥiye oldukta muḳleyi ḥıfza ḳâdir olmaz ve muḳle ḥârice çıkar. Eger ʿaḍalde faḳaṭ istirḥâ olup inhitâk¹⁴² olmaz ise o ʿaynda yalnız cuḥûz olur ve başâr şaḥîḥ olur, eger ʿaḍalde intihâk dahi olur ise başâr bâṭıl olur.

Ve ḥavânîḳ mişlli ve evrâm-ı ḥucub-ı dimâğ ve zâtü'r-riye mişlli maraḍlarda iki göze dahi maʿan cuḥûz ʿarıḍ olur. Ve bu maraḍlarda ʿarıḍ olan cuḥûz dahi baʿḍı kerre inḍıḡâṭ ve baʿḍı kerre ʿaynın mevâdd ile imtilâsı olur. Ve ekşer-i ḥâlde o cuḥûzda mer'iyyede düsümet ve ḳarniyyede verem olur.

142 “İnhitâk” inḥırâḳ maʿnâsınadır, yırtıklık demektir.

el-‘Alâmât: Hadekada müctemi‘a olan mevâddan ‘arıd cuhūzda ‘ızam ve inđığātta olan cuhūza mādde i‘ānet eder ise onda dahi ‘ızam olur ve ba‘dı kerre onun ‘ızamı olmaz. Ve iki hâlde dahi cuhūz-ı inđığātinin ense tarafında temeddüd ihsās olunur. Ve cuhūz-ı inđığāti sebebinin vuķū‘undan dahi [ma‘lūm] olur. Ammā ‘adalenin istirhāsı ile olan cuhūzda hadeķa ‘azım olmaz, bāında temeddüd-i Őedīd ihsās olunmaz velākin hadeķa ķalı‘a gibi olur ya‘nī maħallinden ħurūc eder.

el-Mu‘ālecāt: Cuhūzda ħafīf olanların mu‘ālecesinde hadeķayı bāına def‘ eden ‘aŐāyib ve bađ kifāyet eder, muħkem bađlanıp müstalkıyen ten-vīm olunur ve ğıdāsı taħfif ve ħareketi taķlīl ve ‘aynı tađmīd olunmađa mü-dāvemet olunur ve edviyeden me‘ūnet ħācet olur ise summāk Őiyāfi isti‘māl olunur.

Ammā ķavī olan cuhūzda eger mādde var ise tenķıyeye ħācet olur, mevādd bedenden ve re‘sten ma‘lūmun olan müshilāt ve faŐd ve aħde‘ayn¹⁴³ damarlarından ħacāmet ve ħuķun-ı ħādde ile istifrāđ olunur. Ve’l-ħāŐıl cuhūzun cümlesine ishāl enfa‘ eŐyādan olur ve ķafā üzere meħācim vađı dahi enfa‘ olur. Ve vācib olur ki zamān-ı ibtidāda bir kıt‘a Őūf sirke ile ıslatılıp đımād kılına ve mā-ı bārid-i ‘azb ile veyāħūd mā-ı bārid-i māliħ ile yüzü ğasl oluna ħuŐuŐan ki o su içinde ķuŐūr-ı rummān ve ‘ulleyķ miŐlli ķābıdāt taħħ olunmuŐ ola ve ħaŐħāŐ ve hindebā ve ‘aŐa’r-rā‘i miŐlli edviye dahi taħħ olmuŐ ola.

Ve eger o cuhūz imtilā ħasebiyle deđil ise bāķī aŐnāfına cemī‘an bu zikr eylediđimiz tedbīr nāfi‘ olup ve cuhūzun her vaķtine muvāfiķ olur. Eger cuhūz imtilā ħasebiyle oldu ise zamān-ı ibtidādan sonra vācib olur ki mādde taħlīl oluna.

Ve eger cuhūz istirhādan ‘arıd oldu ise onun ‘ilācı eyāricāt-ı kibār ve ğarāđır ve Őemūmāt ve baħūrāt-ı ma‘rūfe olur.

Ve bunlardan sonra o ķābıdlar isti‘māl olunur ki onun Őeddi ola ya‘nī o ķābıdlar gevŐek olan ribātı Őedd edip [274a] bađlaya.

Ammā vilādet ħasebiyle olan cuhūz eger dem-i nüfesānın ķillet-i seyelānıyla veyāħūd cenīnin fesādından ‘arıd ise onun ‘ilācı ħamsı idrār ve cenīni iħrāc olur.

143 “وفي العنق الاخدعان وهما عرقان في موضع الحجامة” Min risāleti Ebi’l-Fađl ve sāiri’l-lūgat.

Eger yalnız inçığâttan cuhûz hâdiş ise edviye-i kâbîda isti'mâl olunur.

Ve nütûp ve cuhûza nâfi' edviyeden olur verd ve kündür ile isti'mâl olunan bākılâ unu ve beyād-ı beyd ile dîmād olunmak. Ve kezâlık temrin muh-
rağ çekirdeğiyle sünbül isti'mâli devâ-i ceyyid olur.

On Altıncı Faşl Gû-uru ve Şıgarı Ya'nî Çukurlanması ve Küçük Olması Beyânındadır

Bu âfet hummayâtta ve huşuşan seherî olan hummâlarda olur. Ve istifrâgât 'aķibinde ve erağ ve ğamm ve hemmde olur. Ammâ erağ ya'nî seheriyye olan ğu'ur ve şıgar nu'âsiyye olur ya'nî o âfetin şâhibi tapuklar ve göz kapağı şaķıl ve hareketi 'asîr olur, ammâ hadeķada bu 'usret olmaz. Ve sebep-i ğu'ur ğamm olur ise o zamân hadeķa sâkine olur.

Ve hikâye olundu ki nâstan ba'đıları iki şıķķına ihtilâf 'arîd olup bir cānibi şedîden bārid ve cānib-i âheri şedîden hārr oldu. Ve cānib-i bāridinde olan 'aynına ğu'ur ve şıgar 'arîd oldu. *Ve ba'đı nüshada "فاعلم ذلك بجملة" vâķî' olmuştur. Allāhu 'lem murādi.* Biz bu âfetin esbābını beyānla iktifā edip icmāl eyledik ve sana ma'lûm olur ki onun 'ilâcı esbāb-ı mezkûreyi izāle olur.

On Yedinci Faşl 'Aynın Zürķatı Beyânındadır

'Aynın azrağ olduđu 'aynın ũabaķātında olan esbābla olur yāhūd ruṭûbāt-ı 'aynda olan esbābla olur. Ve ruṭûbatta olan sebep budur ki celīdiyye ruṭûbetinin miķdārı keşîr ve ruṭûbet-i beyṭiyye şāf olup ve beyṭiyyenin vad'ı hārice karîb olur ise veyāhūd beyṭiyyenin miķdārı mu'tedile veyāhūd ķalîle olur ise bu esbābla 'ayn azraķu'l-levn olur eger ũabaķāt-ı 'aynda o esbāba münāzi' ve zürķate māni' bir nesne olmaz ise.

Ve eger ruṭûbet-i 'ayn küdüret üzere veyāhūd ruṭûbet-i celīdiyye ķalîle ve beyṭiyye keşîre olup keşîrü'l-miķdār olan sunun terāküm-i eczādan nāşî hâdiş olan zūlmeti gibi beyṭiyyede dahi zūlmet olur ise veyāhūd celīdiyye ğāire olur ise o 'ayn kehlā¹⁴⁴ olur. Ammâ 'aynın levnini muķtedî sebep

144 "Kehlā" hadeķası sevdā olan 'aynın vaşfidir. Bu maķāmda murād olunan bu ma'nādır. Ba'đı kerre mevđi'-i kuḥl sürme çekilmiş kimse gözü gibi hılkatte siyāh olan gözde isti'mâl olunur.

ṭabaḳâttan ʿinebiyyede olur ise eger o ʿinebiyye ṭabaḳasının levni esved olur ise ʿayn kehlâ olur.

Eger ʿinebiyye zerḳâ olur ise ʿayn dahi zerḳâ olur. Ve ʿinebiyye ṭabaḳasının zerḳâ olduđu ʿadem-i nuḍc ḥasebiyle olur, nebâtâtın o sebebden zerḳâ olduđu gibi, zîrâ nebâtâtın evvel-i zuhûrunda ḥisse levn-i ṭabîʿisi zâhir olmaz belki beyâda mâil olur. Kaçan nuḍc eylese levn-i ḥudret ʿarîḍ olur ve bu sebebden eṭfâlin gözü zerḳâ ve şehlâ olur. Ve bu zürḳat ruṭûbet-i ʿaynın mübâlağa üzere olduğundan olur yaʿnî keşîrîʿl-miḳdâr olan ruṭûbeti ṭabîʿat evvel-i emrde indâc edemeyip şıbgı zâhir olmaz ve nuḍc ettikte indâcı miḳdârınca şıbgı merʿî olur.

Ve ʿinebiyyenin zerḳâ olduđu ruṭûbetin nuḍcu kemâle eriştikten sonra taḥallül eylediğinden dahi olur, zîrâ şıbg ruṭûbete tâbiʿ olur, ruṭûbetin noḳşâniyla şıbg dahi nâḳış olup zürḳat ḥâdiş olur. Bunun nazîri yine nebâtâtın evâḥir-i ḥâli olur ki kaçan nebâtâtın ruṭûbeti nuḍcu müntehî olsa vaḳt vaḳt o ruṭûbet taḥallül eder ve ruṭûbetin taḥallülü ḥasebiyle şıbg dahi tenâḳuş edip ağarmağa başlar. Ve bu vechle olan zürḳat yübüset-i ğâlibden ḥâdiş olur. Ve bu sebebden ḥastaların ve meşâyihün ʿuyûnu şehlâ olur, zîrâ meşâyihṭa ruṭûbet-i ğarîbe keşîre olur ve ruṭûbet-i ğarîziyye taḥallül edip ḳalîlüʿl-miḳdâr olup ḳilleti şühûlete müʿeddî olur veyâḥûd ʿinebiyyenin zürḳat levn-i ḥalkîsi olur.

Ve baʿḍı kerre ʿinebiyyenin cüzʿ-i mâddîsi olan ruṭûbetin şafâsi ḥasebiyle ʿinebiyye azraḳ olur. Ve baʿḍı kerre dahi ʿinebiyyenin zürḳatı evvel-i ḥilḳatte cüzʿ-i mâddîsinin levni azraḳ olduğundan olmaz lâkin evvel-i ḥilḳatte ʿinebiyye levn-i âḥer üzere olup ḳableʿl-vilâdet iki âfetin biri yaʿnî ruṭûbet-i ğâlibe ve yübüset-i bâliġadan biri ʿarîḍ olmakla ʿinebiyyenin mâdde-i ḥalkîsinin levni zürḳate taḥavvül eder. Ve ikisi beyninde fark bu olur ki ʿinebiyyenin mâdde-i ḥilḳatinin levni azraḳ olur ise o başarda âfet olmaz, ebşârı cevdet üzere olur. Ve eger levn-i ḥalkîsi azraḳ olmayıp ḳableʿl-vilâdet zıkr olunan iki âfetin birinden zürḳat ḥâdiş oldu ise o mişlli başarda âfet olup ebşârında cevdet olmaz. Pes zürḳat iki sınıf olur: Biri zürḳat-i ṭabîʿî ve biri zürḳat-i ʿaraḍî olur.

Ve kuḥlet esbâbiyla esbâb-ı zürḳat cemʿ olur ise şühlet ʿarîḍ olur, zîrâ şühlet kuḥlet ile zürḳat arasında bir levndir ve o iki nevʿ esbâbın ictimâından şühlet ʿarîḍ olur.

Enbâduklus zann eyledi ki ba'đı 'uyûnda nâriyyet olur ve nâriyyet şühleti iktidâ eder. Lâkin bu zann fâsiddir onun için ki gözde nâriyyet olsa ruṭûbet-i 'aynı nâriyyet ifnâ etmekle başari mutadarrır olurdu, zîrâ başarin cevdeti ruṭûbet ile olur ve 'ayn-ı şehlâda o taḫdîr üzere ruṭûbet noḫşân üzere olmakla başarda cevdet olmazdı, bu ise hîlâf-ı vâkı'dir.

Ve 'ayn-ı kehlânın ebşârı 'ayn-ı zerḫânın ebşârından ba'đı kerre ḳâşır ve nâḳış olur eger zerḫânın zürḳati âfet ḫasebiyle olmaz ise. Ve sebebi budur ki ba'đı kerre kühûlet ruṭûbet-i beyḫiyyenin küdüreti ḫasebiyle olup onda şeffif olmaz. Ve o mişlî ruṭûbete şeffif olan elvânın kâmilen eşbâhı nüfûz etmemekle eşbâhı ruṭûbet-i kedire beyân edemeyip ebşâr nâḳış olur ve zîkr olunan 'adem-i nüfûz beynehümâda olan müdâdde ḫasebiyle olur. Ve kezâlik ḳarıben ma'lûmun olduđu üzere kühûlet-i 'ayn ruṭûbet-i beyḫiyyenin keşretinden olur ise 'ayn taḫdîka icâbet eylemeyip ḳuddâma ḫareket-i muṭteberesi olmamakla dahi 'ayn-ı zerḫânın ba'đısından kehlâ ebşârda ḳâşır ve nâḳış olur.

Ve 'ayn-ı zerḫânın sebep-i zürḳati ruṭûbet-i beyḫiyyenin ḳilleti olur ise o zerḳâ gecede ve zulmette ebşârı gündüzden ziyâde olur, zîrâ nehâr mādde-i ruṭûbet-i ḳalîleyi taḫrîk eder ve ḫareket ḫasebiyle eşbâhı o müteḫarrîk olan ruṭûbet tebyîn etmeđe ḳâdir olmaz, zulmetten ḫav'a ḳıkan kimsenin 'aynı eşbâhı tebyîn edemediđi gibi kezâlik ruṭûbeti ḳalîl olan 'ayn dahi ḫav'i nehârda eşbâhı tebyîn eylemez.

Ammâ keşret-i ruṭûbet ḫasebiyle kehlâ olan 'ayn gece az görür, başari gecelerde eḳall olur, zîrâ leylen ebşârın cevdeti taḫdîḳ ve māddeyi ḫârice taḫrîk ile olur. Ve mādde-i ruṭûbet keşire oldukta onun taḫrîki 'asîr ve mādde-i ḳalîleyi taḫrîkten şu'ûbetli olur. Ammâ ṭabaḳa-i 'ayn ḫasebiyle olan kühûlet başari cem'-i şedîd ile cem' eder ve lâ-maḫâle ebşâr cevdet üzere olur.

el-Mu'âlecât: Zürḳata nâfi' olan ekḫâl-i mücerrebedendir benc-i mücfeff su içinde 'asel gibi olunca ḳadar ṭabḫ olunur ba'ḫe hu onunla iktiḫâl olunur. Veyâḫûd işmid-i İşfahânî üç dirhem, inci bir dirhem, misk, kâfûr birer dâniḳ, duḫân-ı sirâcu'z-zeyt yâḫûd duḫân-ı zîbaḳ iki dirhem, za'ferân bir dirhem. Bu eczâlar cem' an saḫḳ ve cem' olunup iktiḫâl olunur. Ve za'ferânın kendi dahi isti'mâl olunur.

Ve dühn-i za'ferânı isti'mâl hâdekeyı tesvîd eder. Kezâlik 'inebü's-şaleb 'uşâresi dahi hâdekeyı tesvîd eder. Veyâhûd hâsek 'uşâresi iki dirhem, 'afş-ı meshûk bir dirhem, ağacında erişmiş ve siyâhlanmış zeytûn çekirdeğinin dühnü ve ğayr-i muqâşşer simsim [274b] dühnü her birinden bir dirhem aḥz olunup nâr-ı leyyinede siyâh olunca kadar ṭabḥ olunup iktihâl olunur.

Ve yine mücerrebâtan olur o devâ ki bu vaşf üzeredir: Bندوق ihrâk olunup zeyt ile ḥalṭ olunur ba'dehu azraqu'l-'ayn olan şabînin yâfûhu onunla temrîḥ olunur. Ve kezâlik tâze ve raṭb ḥanzale içine bir mîl idḥâl olunup o mîl ile iktihâl olunur. Ḥattâ dediler ki o mişlli mîl ile kedinin gözüne iktihâl olursa her ne kadar kedinin zürkat-i 'aynı ṭabî'î ve kavî zürkat ise dahi o iktihâl ile sevâda istiḥâl eder. Tesvîd-i 'aynda cevzin kuşûru dahi ḥanzale-i raṭb gibidir. *Ba'dı nüshada "cevz" bedeline "cillevz"¹⁴⁵ vâkif olmuştur.*

Veyâhûd aḳâkıyâ bir cüz' ve südüs cüz' 'afş aḥz ve cem' olunup şaḳâyık-ı nu'mân suyu ve 'uşâresiyle dahi kaṭûr ittiḥâz olunur. Ve kezâlik benc 'uşâresi ve kuşûr-ı rummân 'uşâresiyle dahi kaṭûr ittiḥâz olunur.

Ve bu mişlli müdâvât ile azraqu'l-'ayn şabînin zürkat-i ḥalkîsi zâil olmak mümkün olduğundan Muḥammed bin Zekerıyyâ 'aleyhi rahmetü'l-Mevlâ dedi ki azraqu'l-'ayn olan raḳî'in zürkatı ona Zencî veyâhûd Ḥabeşî mürdî'a ittiḥâz olunmakla zâyile olur. Ve Câlînüs tecrîbe-i şâdıka ile bunun şıḥhati müteḥakkak olmuştur diye şehâdet eylediğini Muḥammed bin Zekerıyyâ ḥikâyet eder. Allâhu a'lemu bi-ḥaḳîkatihî.

145 Meşhûr olan "cillevz" bندوق ma'nâsıdır. Ve ḥabbu's-şanevber ma'nâsına dahi isti'mâl olunur.

MAKĀLE-İ SĀLİSE ECFĀNIN VE ECFĀN HĀVĀLĪSİNDE OLANLARIN BEYĀNINDADIR O DAHĪ BĪRAZ FUŞŪLŪ MÜŞTEMİLDİR

Evvelki Faşl Ecfānda Hādiş Olan Kaml Beyānındadır

Kamlın sebab-i mād̄d̄isi ʿufūnetli bir ruṭūbettir ki onu ṭabīʿat nāhiye-i cilde defʿ eder ve o ruṭūbet-i medfūʿadan kaml tevellüdünün sebab-i fāʿil̄isi ğayr-i ṭabīʿī olan ḥarāret olur. Ve kaml ekser-i ḥālde o kimsede olur ki fūnūn-ı eṭʿime ve elvān-ı aĝdiye ile tenaʿum muṭād̄ı ola, ḳalilü'r-riyādet olur nazīf olmaya ve ḥammām istiʿmāl eylemeye.

el-Muʿālecāt: Onun muʿālecesinde bedeni ve reʿsi tenkıye ile ibtidā olunur ve nāhiye-i ʿayn dahi senin bildiĝin münakḳıyāt ile tenkıye olunur, ʿale'l-ḥuṣūş o ĝarāĝır ile tenkıye olunur ki sirke ile ḥardaldan mütteḥaz ola ve baʿdehu o cefn ĝasl olunur, deniz suyuyla ve miyāh-ı māliḥa vü kibritiyye ile tenṭil olunur. Ve cefnin şüfresi yaʿnī kirpiĝin bittiĝi maḥalli bir cüzʾ şebb ve nişf cüzʾ mīvīzec ile telṭiḥ olunur. Ve baʿdı kerre o leṭūḥa şabır ve būraḳ her birinden nişf cüzʾ ziyāde olunur. Ve aḥsen olan bu eczālar ḥall-i ʿunşul ile maʿcūn kılınmaktır. Ve būraḳ ile mīvīzec ḳamla devā-i ceyyid olur.

İkinci Faşl Sülāk Beyānındadır

Sülāk göz kapaĝına ʿarıd olan ĝılzate derler, ehl-i Yūnān ona enbūsīmā tesmiye ederler. Sāhib-i *Ḳānūn* der ki ben derim ki sülāk ecfānda ḥādiş olan bir nevʿ ĝılzattir ki ĝalīza ve rediyye ve ekkāle ve būraḳıyye olan mevāddan ḥādiş olur; o mevāddın inşibābı ile ecfānın eṭrāfı muḥammere olur ve kızarır ve ehdābı münteşire olup daĝılır ve cefnin eṣfārı teḳarruḥuna sebab olur ve ona fesād-ı ʿayn tebeʿiyyet eder ve ekser-i ḥālde ʿaḳıb-i remedde olur. Ve onun ḥādiş̄i olur ve ʿatīki olur; ʿatīki redī olur.

el-Muʿālecāt: Ḥādiş̄ yaʿnī tāze olan sülāka bu ḍımād nāfiʿdir: Mercimek gül suyuyla ṭabḥ olup ḍımād olunur veyāḥūd semiz otu ve hindebā dūhn-i verd ve beyāḍ-ı beyḍ ile ḍımād kılınıp gecelerde istiʿmāl olunur baʿdehu ḥammāma idḥāl olunur. Veyāḥūd ʿades-i muḳaşşer ve summāk ve şaḥm-ı rummān ve verd aḥz olup meybūḥtec ile maʿcūn kılınıp leylen

istiḥmāl olunur ve şabâh ile istiḥmām olunur. Ve ḥammāma idmān sülâk muḥālecātının enfaḥındandır.

Ammā sülâkın ḥatîk ve müzmin olanları muḥālecâtında vâcib olur ki sâk üzere ḥacāmet oluna ve ḥırq-ı cebhe faşd oluna ve ḥale'd-devām ḥammām istiḥmāl oluna.

Ammā edviye-i mevdi'iyreden biri budur ki nuḥās-ı muḥrak nısf dirhem, zâc üç dirhem, zaḥferân, fülful birer dirhem aḥz olunup şarâb-ı ḥafîş ile saḥk olunur ḥattâ ḥasel-i raḥîk gibi olur ve ḥâric-i cefne tılâ olunur.

Ve remed ḥakibinde olan sülâk için bu şanḥat üzere olan şiyâf mücerredir, nüshası budur: Zâcu'l-ḥibrül-muḥrak,¹⁴⁶ zaḥferân, sünbül birer cüz², şâzenec, on cüz², bunlardan şiyâf edip cefne kuḥl kılınır. *Ve baḥdî nüshada “يكتحل” bedeline “يحك به الجفن” vâkḥ olmuştur.*

Üçüncü Faşl Cesâu'l-Ecfân Beyânındadır

Baḥdî kerre göz kapağında cesâ¹⁴⁷ ḥarıḍ olur ve cefnin ḥareketi ḥusretli olur, göz açık olsa yummakta ḥusret ve kezâlik göz yumuk olsa açmakta ḥusret olur. Ve cefnde vecaḥ ve ḥumret dahi olur ve ruḥbeti olmaz. Ve çok kerre olur ki uykudan uyandıktan cefn infitâḥa icâbet eylemez, biraz vaḥt yumuk olur. Ve ekser-i ḥâlde remaş-ı yâbis ü şulb¹⁴⁸ tefâriḥından ḥâlî olmaz ve onda bi-nefsihi seyelân olmaz ve onun seyelânı bi'l-ḥaraḍ olur, zîrâ o âfet yübsten ve yübüsete mâil ḥılt-ı lezicden ḥarıḍ olur, o sebebler ile ḥarıḍ olan maraḍda seyelân olmaz, lâkin vecaḥı ve ḥumreti olur.

Ammā o âfet ki onda cefne muḥşabbe olur mādde olmaya ve belki bilâ-mādde cefnde ḥikke ola, ona yübüset-i ḥayn tesmiye olunur ve çok kerre o cefnde mizâc-ı ḥârr ve mevâdd-ı keşîre dahi olur ve o mevâddı istifrâğa ḥâcet olur.

el-Muḥālecât: Cesâu'l-ecfân muḥālecesi budur ki mâ-ı fâtir ile ıslatılan sünger ile ḍimâda müdâvemmet olunur. Ve gerektir ki suyu tatlı olan ḥammāmda istiḥmām eyleye ve ḥammām muḥtedil ola ve beyâd-ı beydi dühn-i verd ile ḍarb edip uyurken gözü üzere vaḍḥ ede ve başını taḥrîka müdâvemmet

146 “Zâcu'l-ḥibr” suḥayre dedikleridir ki müfredât-ı *Ḳânûn*'da zikri mürür eyledi.

147 “جَسَا كَدَا جَسُوًا صَلَبٌ وَجَاسَا عَادَاةً” *Ḳāmūs*.

148 Yaḥnî müteferriḥ mevâdi'de kuru çapaklar olur.

edip murattıbat isti'mâl eyleye. Ve murattıb edhân ve ne'tülât ve se'ûfâtı dühn-i benefşec ve dühn-i nîlüfer ve ğayrılar ile tertîbi isti'mâl eyleye.

Eger o 'alîlin âfeti mādde-i şafrâviyye ile olduğuna delâlet eder delîl var ise leblâbla istishâl¹⁴⁹ olunur, leblâbın o bâbda hâşşıyyeti vardır.

Ve eger zann olunur ise ki cefnde mādde-i ğalîza vü müceffife vardır ve o mādde-i müceffifeyi taħallül eylemeĝe hâcet olur, o vaqt hülbe lu'âbı ve bezr-i kettân lu'âbı sût ile aħz olunup 'ayna vađ olunur ve o lu'âblar cesâyı izâle ve hılt-ı redîyi istifrâĝ eder. Ve bu 'illet için mücerreb devâlardan olur tavuk yaĝı ve karnıyarık lu'âbı ve bal mûmu ve gül yaĝı. Bu mezkûr- lar dâimâ o 'ayn üzere vađ olunur ve ahyânen yaş getiren câlibü'd-dümûc edviye dahi vađ olunur [275a] İraştırâtiş şiyâfı gibi devâ vađ olunur, zîrâ cesâ-i mâddî vü müzmine ekhâl-i müdemmi'a isti'mâli nâfi' olur ve o ekhâl mādde-i ğalîzayı taħlîl edip isâle eder ve ru'tübât-ı raķıkayı maħall-i âherden cezb eder ve raķiki taħlîl ile ğalîz dahi taħallül eder.

Dördüncü Faşl Ğalaz-ı Ecfân Beyânındadır

Ya'nî Göz Kapaklarının Ğalîz Olduĝunu ve 'İlâcını Bildirir

Bu 'illet cerebü'l-'ayna tâbi' olur ve ba'đı kerre cefn üzere edviye-i bâri-de ile tılâ olunmaktan dahi 'arıđ olur.

Bu 'illetin 'ilâcı o ekhâldir ki lâjiverd ve hacet-i Ermenî ve nevâ't-tem-rü'l-muħraq ve nârdinden mütteħaz ola ve devâm üzere ħammâm isti'mâli ve şürb-i nebîzden ictinâb olur. Ve çok kimseler mîl ile ve şiyâf-ı aħmer ile cefni ħakk ederler, ammâ sükker ile cefni ħakk eylemek çok kerre mevâddı tehyîc edip cereb ihdâş eder.

Beşinci Faşl Tehebbüc-i Ecfân Beyânındadır

Tehebbüc:¹⁵⁰ Mevâdd-ı raķıka ve buħarâttan göz kapakları müntefih gibi olur, ona tehebbüc derler. Ve hađmın đafından ve seyyi' olmasından olur. Seherde ve ħummayât-ı seheriyyede 'arıđ olur. Ve ba'đı kerre istiskâ evâilinde sū-i ħunyede dahi 'arıđ olur; zâtü'r-riye ve lişergus mişlli evrâm-ı

149 "İstishâl" ishâl taleb etmektir.

150 "هَبَّجَهُ نُهَيْبًا" tânın fethiyle ve bânın đammı ve teşdîdi ile şişmek; yukâlu: هَبَّجَهُ نُهَيْبًا Vankulu.

raṭbeden dahi ʿarîd olur. Kaçan nâkıhinde tehebbüc-i ecfân ʿarîd olsa nüksü inzâr eder ve huşuşan ecfânın havâlisinde olan aʿdâlarda çumûr olup ecfân-da tehebbüc olsa o mişli tehebbüc nüksü kaviiyen inzâr eder.

Ve bu ʿilletin ʿilâcı, sebebini kaç ʿyaʿnî mevâdd-ı raķıķayı ecfâna inşibâb-dan ve buḥârâtı şuʿüddan kesip ve tekmiđ eylemektir.

Altıncı Faşl Ecfânın Şıķali Beyânındadır

Şıķal-i ecfân baʿdı kerre tehebbüc ḥasebiyle olur ve tehebbüc esbâbı ile olur ve baʿdı kerre kuvvetin daʿfı ve suķûtu ile olur, zîrâ kuvvet daʿife olsa cefni taḥrîk eylemek ona ađır olur. Dıķķta olan şıķal-i ecfân daʿf-ı kuvvet ile olur. Ve baʿdı ecfânın şıķali ğılzatten ve şırnâktan nâşî olur. Ve baʿdı şıķal-i ecfân nevâib-i ḥummayât evâilinde olur.

Yedinci Faşl İltişâķ-ı Cefneyn Beyânındadır

Baʿdı kerre cefne iltişâķ ʿarîd ʿyaʿnî muķleyle yapışmaklık ʿilleti ʿarîda olur. Cefn yâ mülteḥimeye veyâḥüd ķarniyyeye veyâḥüd ikisine maʿan mülteşıķ olur. Ve baʿdı kerre iltişâķ mûķun iki cānibinin birinde olur ve baʿdı kerre dahi vasaṭta olur. Ve iltişâķın şümülü dahi olup vasaṭı cānible-rine istiʿâb eder.

Ve iltişâķın esbâb-ı ʿadidesi vardır, ķurḥa sebebiyle ʿarîd olur veyâḥüd evvelâ ḥâdiş olan sebeli ve zıfreyi kehhâl laķt ve keşṭ eyledikte ḥaṭaen iḥdâs eylediđi ḥarķ ḥasebiyle veyâḥüd cereb-i cefni ḥakk edip ḥakk olunan maḥalli kemmûn ve milḥle keyy eylemekten dahi ḥâdiş olur veyâḥüd bizim zıķr eylediđimiz üzere mübâlağa eylemeyip ve baʿde'l-key küllü vaķtin mürâʿatı vâcib olan şurûṭa mürâʿat eylememekten dahi iltişâķ ḥâdiş olur.

Sekizinci Faşl Sedbe ve Muʿâlecesi Beyânındadır

Bu marađ bir âfettir ki muķlede beşre gibi bir laḥmiyyet ʿarîd olur. Eger o laḥmiyyet mûķ katında olursa onun ʿilâcında ziyâde şavâb olan budur ki o maḥall keyy olunup baʿdehu ğarb muʿâlecesi ile ʿilâc olunur veyâḥüd bâsilîķün devâsı ve devâ-i benefşecî iktihâl olunur ve zıfre edviyesi ve

huşûşan şiyâf-ı zernîhî isti‘mâl olunur. Eger bu ‘illet ‘aynın beyâd ve sevâdında olur ise onun ‘ilâcı züfre ‘ilâcı olur.

Bu zîkr olunan tercüme tabf ile olan nüshanın mefhûmu idi lâkin o nüsha hilâf-ı zâhirdir, zîrâ maqâle ‘ilel-i ecfân beyânındadır, tabakât ‘illetini o maqâlede îrâd münâsib değildir. Ve hem sedbe nâmında ‘illet mârûfe değildir, nüsha-i muşahhâhada başka faslda îrâd olunmayıp “et-tedbîr ve ‘l-‘ilâc” diye iltişâk ‘illetine mu‘âlece olmak üzere zîkr olunmuştur, lâkin bu dahi hilâf-ı zâhirdir, zîrâ âhir-i faslda “onun ‘ilâcı züfre ‘ilâcı gibi olur” dediği bundan âbîdir. Bu mişlli mahâllerin kemâ-yenbağî taşhîh olunması birkaç nüsha mütercim yanında bulunmasına tevakkûf eder.

Dokuzuncu Faşl İnqılâb-ı Cefn Beyânındadır ve Ona Şetere Dahi Tesmiye Ederler

Bu ‘illetin üç sınıfı vardır:

Evvelkisi budur ki cefn münkalib olur ve inqılâb sebebinden o cefn beyâd-ı ‘aynı setr eylemez. Bu sınıf ba‘dı kerre halkî ve ba‘dı kerre dahi cefn kaç olunmakla olur. Ve bu mişlli ‘ayna ‘ayn-ı ernebiyye tesmiye olunur.

Ve şinf-ı şânî şinf-ı vasattır. Bu sınıf beyâd-ı ‘aynın ba‘dısını setr ve tağtiye eylemez. Ve bu sınıfa kışaru’l-cefn derler. Ve şinf-ı evvelin sebebi şinf-ı şâniye sebep olur velâkin zîkr olunan sebep şinf-ı evvelde keşîr ve şinf-ı şânîde kalîl olur.

Ve üçüncü sınıf o inqılâbdır ki onda cefn-i a‘lâ cefn-i esfele muntabîka olmaz. Ve onun sebebi cefnin inţibâkına mâni‘ ğudde¹⁵¹ olmakla veyâhüd kırha-i müteqaddimeden bâkıye lahm-ı zâid olmakla veyâhüd o lahm-ı zâid cefnde müceddeden hâdiş olmakla olur veyâhüd ‘adem-i inţibâk cefn üzere mündemile olan kırhadan cefnin teşennüci ile olur.

Bu esbâblardan hangisi mevcûd olur ise cefnde a‘lâyı esfel üzere inţibâka mâni‘ olur. Ve ba‘dı kerre inqılâb aşnâfının küllîsi cefni itbâk eden ‘âdale teşennüci hasebiyle olur.

el-Mu‘âlecât: O şetere ki kışaru’l-cefn tesmiye olunur idi, onun ‘ilâcı budur ki o cefnin cildesi şakç olunur velâkin hayt ile o şakç dikilmez. Ve cefn bu sebep ile uzar ve mündemil olur üzerinde lahm-ı cildî nebât etmekle. Ve

151 “Ĝudde” bez dedikleri mârûf nesnedir.

bu 'ilâc beyâd-ı 'aynı külliyyen ve cüz'îyyen setr eylemeyen şımf-ı evvelin ve şımf-ı şânînin 'ilâcı olur.

Ammâ ğudde ve lahm-ı zâid hasebiyle olan şımfın 'ilâcı budur ki o ğudde veyâhüd lahm-ı zâid hadîd ile aĥz olunur. Ve kezâlik kuruĥa-i mündemileden eşer bâkî kalmakla cefn kaşır oldu ise onun 'ilâcı cefni hadîd ile fetk edip idmâl etmekle olur.

Ve şetere teşennüc hasebiyle hâdiş oldu ise 'ilâcî yübsî ve ruĥübî olan iki nev' teşennücün 'ilâcî olur. Ve bu zıkr olunan şetere mufâlecâtı tab' ile [olan] nüshalarda mevcûde değildir.

Onuncu Faşl Berede Beyânındadır

Berede bâtım-ı cefnde taĥallüz ve taĥaccür eylemiş bir nev' ruĥübettir ve beyâda meyli olup beredeye ya'nî gökten inen doluya benzer.

el-Mu'âlecât: O berede üzere vesah-ı kevârîrden¹⁵² ve ğayrıdan letüh isti'mâl olunur. Ve ba'dı kerre onun üzerine dühn-i verd ve şamġ-ı buĥm ve anzerüt ziyâde kılınır veyâhüd uşşak ĥall ile saĥk olunur, tılâ olunur. Ve bârzed¹⁵³ ya'nî kasnı veyâhüd ĥiltit ile tılâ olunur veyâhüd bâbu'ş-şacirde zıkrî âti olan üriyâsiyüsla tılâ olunur.

On Birinci Faşl Şacire Beyânındadır

Şacire bir verem-i müstaftildir ki cefnin tarafında zâhir olur, şekilde arpa-ya benzer ve ekşer-i ĥâlde mâddesi dem-i ġâlib olur.

el-Mu'âlecât: Onun mu'âlecesi faşd ve istifragla olur. Senin bildiġin üzere eyâric ile istifrag olunur ve ba'dehu sekbineceden bir şey' aĥz olup su ile ĥall olunduktan sonra şacireye laĥ olunur ve cidden nâfi' 'ilâc olur. Ve erimiş şaĥm ile kimâdın dahi nef'i olur. Ve daĥık-ı şacir ve kınne yâhüd ĥubz-ı müsahĥan ile kimâd olunur ve ĥubz-ı müsahĥan tiz tiz deġiştirilir veyâhüd dünb¹⁵⁴-i zübâbla kimâd olunur ya'nî sinek oturduġu kuyruk ile

152 "Kevârîr"den murâd beytü'n-naĥldır.

153 "Bârzed" Fârsîdir, kınneye itlâk olunur; "kınne" kasnı ma'nâsındır.

154 "Dünb" dâl-ı mühmele ile Fârsîdir ve zâl-ı mu'ceme ile 'Arabîdir, kuyruk ma'nâsındır. Nüşhada dâl-ı mühmele vâkı' olmuştur. Ve "dünb"ün "zübâb"a idâfeti ednâ mülâbese içindir. Tab' ile olan nüşhada "zeytü'z-zübâb" vâkı' olmuştur, ġalaı-ı fâĥiştir.

dimād olunur, zîrâ sineğin murdârı ziyâde muhallildir hattâ tahtlilde âtrîlâle gâlibdir. *Ḳānûn*'un 'ibâreti budur: ¹⁵⁵“الكماد بدنّب الذباب والذباب المقطوف الرأس”

Veyâhûd şa'ir taḥḥ olunan [275b] su ile veyâhûd güvecin kanı, vereşân kanı ile ve dem-i şifnîn ile kimād olunur veyâhûd ḳalîlü'l-miḳdâr bûraḳ ve keşîrî'l-miḳdâr ḳinne aḥz ve cem^c olunduktan sonra şa'ire üzere vaḍ^c olunur. Ve tîlâ-i üriyâsiyûsla tîlâ dahi nâfi^cdir.

Nüşa-i tîlâ-i üriyâsiyûs: Kündür, mürr birer cüz², lâden rubu^c cüz², şem^c-i şeb, bûraḳ-ı Ermenî nişf cüz², dühn-i süsenin 'akeri ile bu eczâ cem^c olunup tîlâ olunur.

On İkinci Faşl Şırnâḳ Beyânındadır

Şırnâḳ cefn-i a'läda bir ziyâdedir ki mādde-i şaḥmiyyeden ḥâdiş olur. Ve cefn-i a'lânın o ziyâde ḥasebiyle infitâḥı şaḳîl olur ve cefni müsterḥî eder. Ve o mādde cefnde mütelâḥhic ya'nî fürcelere girmiş ve pekişmiş olur, sil'â ḥareketi gibi ḥareket eylemez. Ve şırnâḳın ekşer-i 'urûdu şıbyâna ve merṭû-bîne olur ve dem^cası ve remedi keşîr olanlarda olur.

Ve şırnâḳ 'alâmetlerinin birisi budur ki o intifâḥ üzere iki parmak ile muttaşılan basılsa ba^cdehu parmaklar tefriḳ olundukta iki parmakların arası mürtefi^c ve nâti olur, mevâddın o maḥalle cem^c olunduğundan.

el-Mu'âlecât: Şırnâḳın mu'âlecesi yed ile [olur.] Ve şıfatı budur ki o 'alîl iclâs olunup ve başı aḥz ve imsâk olunup ve ense cānibine cezb olunur ve 'alîl olan gözü üstünden vasaṭ-ı ḥācibden cebhe cildesi medd olunur, o medd sebebiyle cefni ya'nî gözünün kapağı mürtefi^c olur. Ve 'ilâc eden kimse mürtefi^c olan göz kapağını sebbābe ve vustâ parmaklarının arasında kılıp aḥz eder ve ḳalîlen o cefn üzere ḡamz edip parmağı ile basar ve o ḡamz ile mevâdd mundaḡıta olup zıkr olunan sebbābe ve vustâ parmaklarının arasında müctemi'a olur. Ve 'alîlin başını aḥz ve imsâk eden kimse o zamān 'alîl olan gözün üzerinde olan kaşın vasaṭından cezb eder ve o cezb ile iki parmak arasında nâti olan maḥallin nütû'u ve irtifā'ı ziyâde zāhir olur. Ve mu'âlic olan kimse o nütû'u olan maḥallin cildesini raḳıḳan şaḳḳ eder ve şaḳḳı derin eylemez, zîrâ o maḥalli şaḳḳta ihtiyâṭ şaḳḳın raḳıḳ ve

155 “مقطوف الرأس” [maḳṭūfu'r-re's] başı kesilip ṭard olunan sinek demektir.

ğayr-i ğâir olması ile olur. Ve eger o şakḳ-ı rakîḳ kifâyet eylemez ise ba^c-dehu şakḳ-ı âher-i rakîḳ ile şakḳ eylemek defâten ^camîḳan ve ğâiren şakḳ eylemekten evlâ ve aḥvaṭ olur.

Ve eger evvelki teşrîḥ ve şakḳ ile şırnâḳ ya^cnî mādde-i şaḥmiyye zâhir ve âşikâr olur ise teşrîḥ-i âhere ḥâcet kalmaz. Ve eger şakḳ-ı evvel ile şırnâḳ zâhir olmaz ise bir dahi şakḳ-ı âher ile şakḳ olunur, şırnâḳ zâhir olunca kadar teşrîḥ tekrâr olunur.

Ve şırnâḳın zuhûrunda şırnâḳa nazar olunur, eger şırnâḳ müteberrî ise ya^cnî cefne muttaşıl deĝil ise o zamân ^cilâc eden kimse eline bir kıṭ^ca kettân hırkası leff edip şırnâḳı aḥz-ı vâhid ile aḥz edip yemneten ve yesreten meyl ettirdikten sonra ḳal^c eder. Eger o aḥz ve ḳal^cdan baḳıyye kalır ise o baḳıyyeyi ekl ve ifnâ eylesin için üzerine milḥ ekilir.

Ve eger ba^cde't-teşrîḥ ve'n-nazar şırnâḳ müteberrî olmayıp ĝilâf içinde olduĝu ve cefne şedd ve iltişâḳ üzere olduĝu zâhir olur ise müteberrî olduĝu miḳdâr aḥz olunup iltişâḳı olan eczâlarına ta^carruḍ olunmaz belki mültaşık olan eczâ-i şırnâḳın üzerine tuz ekilip onun taḥlîli milḥe ihâle olunur. Ve bu ^camelden sonra bir kıṭ^ca hırka sirke ile ıslatılıp üzerine vaḍ^c olunur.

Ve kaḳan yevm-i şânînin şabâhı oldukta eger remed ḥudûsundan emn var ise sen ona edviye-i mülâşşıḳa ile mu^câlece eyle ve o edviyeye ḥadaḍı ve şiyâf-ı māmîşâyı ve za^cferânı idḥâl eyle.

Ve ba^cdı kerre dahi müteberrî olmayıp cefne mülteşık olan şırnâḳın keşṭ ve selḥine ta^carruḍ olunur. Ve selḥinin ṭarîḳi budur ki o şırnâḳ şanâyir ile birkaç şa^cre onun taḥtında tenfîz olunup yemneten ve yesreten taḥrîk olunur, mülteşık olan şırnâḳ müteberrî olmasın için. Ve ba^cdı kerre dahi o vech ile şırnâḳı taḥrîk esfel-i rîşe ile olup tenfîz-i şa^crâta ḥâcet kalmaz.

Ve vâcib olur ki şırnâḳı izḥâr için cefnin cildesi baṭṭ ve teşrîḥ olundukta ihtiyâṭ olunup şakḳ-ı mezkûr zikri mürûr eylediĝi üzere rakîḳan şakḳ oluna ve ĝavrı aḥz eylemeye, zîrâ cefni baṭṭ eden kimse cefni ziyâde temdîd edip baṭṭta im^cân ve ĝavrı aḥz eylese ḥattâ âlet-i baṭṭı ḍarbe-i vâhîde ile ḍarb etmekle cildeyi ve taḥt-ı cildede olan ĝışâyı ḳaṭ^c edip taḥt-ı ĝışâda olan şaḥm mevḍi^c-i ḳaṭ^cın etrâfına vaḍ^c eylediĝi zikri sâbık iki parmaklarını ziyâde bastıkta mevḍi^c-i ḳaṭ^cda ṭulû^c ve ḥurûc eder olsa o mislli baṭṭ veca^c-ı şedîdi ve verem-i ḥaddi ihdâs eder ve şırnâḳtan bir baḳıyye-i mu^cavvaḳa dahi bâḳıye kalıp şır-

nâkıtan o bakıyye ziyâde şerrli ve mađarratlı olur. Ve vech-i mezkûr üzere ihtiyâf olunmasa bađı kerre ʿaynı müşeyyil ve refʿ eden ʿadaleden bir şey-i şâlih kaç olunur ve cefn infitâhta daʿf olur. Ve ammâ şırnâkın tâzesi ve daʿfî çok kerre edviye-i muhallile ile şihhat bulur, ʿamel-i yede muhtâc olmaz.

On Üçüncü Faşl Tûse Beyânındadır

Bu illet bir lahm-ı rıhvdr ki göz kapağının iç tarafında hâdis olur ve o lahmıdan dâimâ dem seyelân eder ki levni aħmer ve esved ve aħdar olur. Onun ʿilâcı müceffifât-ı ekkâle ve şiyâfât-ı hâdde ile cefni mevâdd-ı mezkûreden tenkıye olur. Ve zıkr olunan edviye tûseyi¹⁵⁶ ekl ve ifnâ eyledikten sonra üzerine menbit-i lahm olan o zerûrât ve şiyâfât istiʿmâl olunur ki onlar kûrûh-ı ecfânda zıkr olundu. Ve'l-hâşıl tûsenin ʿilâcı, kavî olan hikke ve cerebin ʿilâcı olur.

On Dördüncü Faşl Tahaccür Beyânındadır

Tahaccür bir nevʿ verem-i şağirdir ki idmâ ve tahaccür eder. Bađı kerre yed ile ʿamel edip edviye-i kûrûh istiʿmâl olursa ondan necât ve halâş olur.

On Beşinci Faşl Cefnin Kûrûhu ve İnhirâkı Beyânındadır

Onun ʿilâcında bu dımâd istiʿmâl olunur: ʿAdes-i mukaşşer ve kuşûr-ı rummân ve fustuk bu eczâlar sirke ile taħ olunup üzerine dımâd olunur. Ve kaçan huşkrîşet sâkıta olup teʿkkül bâtil olsa üzerine yumurta sarısı zaʿferânla vađ olunup idmâl olunur. Eger murâd edersen kündür şiyâfı ve şiyâf-ı aħmer-i leyyin ile şiyâf-ı âbârı ve ıštaftîkân şiyâfını istiʿmâl eyle. Ammâ cefnin inhirâkı iltihâmı ve ittişâli kabûl etmekle o inhirâka cülûdun inhirâkı bâbında zıkrî âtî olan edviyeler ile ʿilâc olunur.

On Altıncı Faşl Cereb-i Ecfân Beyânındadır

Hiddetli dem hasebiyle tekevün eden mâlih ve bûrakî mevâddan veyâhüd hâdd olan hıl-ı âherden cefne evvelâ hikke ʿarîd olup baʿdehu

156 “Tût-tûş” iki ve üç nokta ile ikisi dahi lügattir ve maʿrûf meyvedir. Bu illetin tût-ı Şâmîye müşâbeheti olduğundan tûse tesmiye olundu.

cereb zâhir olur ve ekşer-i hâlde kurûh-ı ʿayn ʿaķibinde olur. Cefnde evvelâ ĥikke-i yesîre zuhûr eder, ardınca ĥuşûnet zuhûr edip cefn kızarır baʿdehu tînî kurĥa¹⁵⁷ olur baʿdehu şalâbetli ĥabbeleri zuhûr eder. Ve bu ĥabbeler cefnin teverrümü ve şikâķı iştidâdında olur.

el-Muʿâlecât: Kaçan cerebe remed muķârin olsa evvelâ remed muʿâlecesi olunur baʿdehu cereb muʿâlecesine iķbâl olunur ve emr-i cereb ihmâl olunmaz. Ve bunun gibi olur cereb ʿillet-i âĥere muķârin olsa evvelâ ʿillet-i âĥere devâ olunur baʿdehu cerebe müdâvât olunup cerebin muʿâlecesi ihmâl olunmaz. Ve vâcib olur ki her iki muķârin olan marađlardan şedîd olana ihtimâm ziyâde kılınır.

Ve kaçan sen cerebi olan cefnde teķarruh ve verem görsen onun muʿâlecesinde edviye-i ĥâdde istiʿmâlinden ĥazer eyle ve evvelâ cefnin ĥakk olunması mümkün olacak miķdârî şalâĥa müʿeddî olan edviyeyi rıfķ ile istiʿmâl edip baʿdehu ĥâdde olan edviyeyi istiʿmâl eyle, zîrâ evvelâ edviye-i ĥâdde mişlîliler istiʿmâl olursa elem-i şedîde müʿeddî olur.

Ve cereb envâʿından nevʿ-i şânî ve nevʿ-i şâlişte yaʿnî tînî kurĥası olan ve muĥabbeb olan cereblerde [276a] ĥakke ihtiyâc olur; ĥadîd ile ĥakk olunur veyâĥûd edviyeden miĥâkk ittiĥâz olunup ĥakk olunur, meşelâ zebdü'l-baĥrden ve ʿale'l-ĥuşûş zebdü'l-baĥr envâʿından maʿrûf olan nevʿi ĥacer-i Ķayşûr ile veyâĥûd incir yaprađıyla miĥâkk ittiĥâz olursa nefʿi ziyâde olur. Veyâĥûd şâzenec ve zaʿferân ve merķaşîşâdan şiyâf kılınıp onunla ĥakk olunur.

Ve envâʿ-ı cerebden yalnız edviye kifâyet eden ancak nevʿ-ı evvel olur yaʿnî ĥuşûnet-i mücerrede olan nevʿidir.

Kaçan cereb derece-i şâniye vü şâlişeye bâliĝ olsa onun ʿilâcî devâm üzere istifrâĝdır ve faşddır, her ne kadar beher şehri iki defʿa faşd iķtîdâ eder ise o faşd işlenir. Ve faşd-ı küllîden sonra mâķ dahi faşd olunur. Ve devâm üzere istiĥmâm olunup tuzdan ve tütünden ve şayĥadan ictinâb olunur ve kaftanında olan göĝüs düĝmelerini şiddet üzere şedd etmekten ve gönleĝi yakasını tađyîķ etmekten ihtirâz olunur. Ve ĝađabdan ve ĥareden¹⁵⁸ ve

157 “Tînî kurĥa” kurĥadan bir nevʿdir.

158 “والحرد هو الغضب لكن يستعمل اذا كان معه قصد الغضب عليه ولذلك يقال حرد حرد الاسد”
der-lügat li-Râĝib el-Işfahânî.

keşret-i kelâmdan ve istilkâ eyledikte baş yastığı alçak ve esfel olmaktan ve secdeyi tatvîl etmekten ihtirâz olunur. Ve kezâlik mevâddı fevke taşîd edip ve veche cezbe eden nesnelere tevakkî ve ictinâb olunur. Ve zamân-ı ibtidâda şiyâf-ı ahmer-i leyyin nâfi' olur ba'dehu şiyâf-ı ahdar-ı leyyin nâfi' olur. Ve eger 'illette bir miqdâr kuvvet ziyâde olur ise şiyâf-ı ahmer-i hâdd ve şiyâf-ı ahdar-i hâdd isti'mâl olunur. Ve tarhamâtîkûn ve kuhl-i İrastırâtis ve şiyâf-ı za'ferân isti'mâl olunur. Ve ba'dı kerre keçi merâresi ve hınzır merâresi ve nüşâdur ve nuhâs-ı muhrak ve kalkadîs ile mürekkeben ve müfreden mu'alece olunur. Ve bâsilikûn ve şiyâf-ı remâdî ceyyiddir. Ve devâ-i İrastırâtis cidden nâfi'dir.

Bu şıfat üzere olan devâ dahi nâfi'dir, nüshası budur: Bir cüz' kehrübâ ile iki cüz' kuşûru'n-nuhâs ahz olunup bal ile ma'cûn kılındıktan sonra isti'mâl olunur veyâhüd nuhâs-ı muhraktan on altı mişkâl ve fülfulden sekiz mişkâl, iklimiyâdan dört mişkâl, mürren iki mişkâl, za'ferân iki mişkâl, zencâr beş mişkâl, şamg yirmi mişkâl ahz olunup dağ ve mâ-ı maşar ile bildiğin vech üzere cem' olunur.

On Yedinci Faşl İntifâh Beyânındadır

İntifâh bir veremdir ki bārid olur ve hikkesi olur ve gālib-i hâlde mādde-si rih olur ve ba'dı kerre fađla-i balgamiyye-i rakıka olur ve fađla-i māiyyet ve fađla-i sevdāviyyet dahi olur.

el-ʿAlāmāt: İntifâh-ı rihî bađteten ʿarid olur ve meyli mâk nāhiyesine olur ve mađallinde ʿađda-i zübāb gibi hālet olur. Ve faşl-ı şayfta meşāyihā ʿarid olur ve onda şikal olmaz.

Ammā balgamī intifāhın ʿalāmeti o intifāh-ı ebred ü eşkal olur ve parmak ile o intifāha ğamz olunsa eşeri bir sâʿat kadar bâkî kalır.

Ve mâi intifāhta ğamzın eşeri bâkî kalmaz, ğamz olunan parmak ref' olundukta eşer zāil olur ve onda veca' olmaz.

Ve sevdāvi intifāh ekşer-i hâlde cefne ve ʿayna ʿāmm olur ve onda şalābet ve temeddüd olup o temeddüd kaşlara ve vecnelere bâliğ olur ve veca'-ı mu'teberi olmaz ve levni kemid olur ve ekşeriyyā remeden ve cüderiden sonra hādiş olur.

el-Mu'alecât: Vâcib olur ki 'ilâca ibtidâ olunup beden istifrag ve re's tenkıye oluna. Ve balğama meyli olan intifâh mu'alecesinde haţmî ile dımâd oluna. Ve bu dımâddan kavî olur hırva^c yaprağı durak otuyla maĥlûţan daĥķ olunup dımâd olunmak. Ve kezâlik sünger sirke ve mâ-ı ĥârr ile ıslatılıp kimâd olunur. Ve kezâlik şabır ve fıl-zehrec ve māmîşâ şiyâfı ve fufel ve za'ferân ve 'inebü's-şaleb suyuyla leţûh kılınıp isti'mâl olunur.

On Sekizinci Faşl Tarf Beyânındadır

Bu 'illetin şâhibi gözünü tîz tîz açar ve yumar. Ve keşret-i tarf göze kazâ-i hafif işabetinden olur ve beşreden dahi olur ve aşĥâb-ı temeddüde çok olur ve bi'l-fi'l temeddüdü olmayıp lâkin temeddüde müsta'idd olanlarda dahi olur. Ve keşret-i tarf temeddüdü ve teşennücü inzâr eder.

On Dokuzuncu Faşl Kirpiklerin İntişârı Beyânındadır

Kirpiklerin intişârı¹⁵⁹ ya'nî dağılması iki sebebin biriyle olur; o iki sebebin biri mâddedir ve âĥeri maĥalli ve menbit-i şa'rdır. Ve mâdde sebebiyle olan intişâr yâ mâddenin ve ruţûbetinin kıletti ile olur.

Emrâd-ı şa'be vü ĥâdde evâĥırında olan kirpiklerin döküldüğü kıletti mâdde ile olur veyâĥûd eşfârın mevâddına ve ruţûbetine fâsid şeyler karışmakla mevâdd fâsid olup eş'arı iskâţ eder, dâ-i şalebde olan intişâr-ı eş'âr bu kabilden olur, zîrâ dâ-i şalebde cefnin bātınında ruţûbet-i ĥâdde veyâĥûd mâliĥa ve bûrakıyyeden biri olur ve bātında olmakla zâhir-i cefnde fesâdı olmaz velâkin kirpikler müntesire olur Ammâ intişâr-ı şa'rın sebebi mevdi'le olduğı o mevdi'de âfet zâhire olmakla olur, meşelâ cefnde şalâbet ve ĥılaz olmakla şa'rın mâdde-i tevellüdü olan verem ebĥire-i duĥâniyyenin menfez ve mecrâsı mesdûd olmakla eşfâr bilâ-ĥidâ bâkıye kalıp müntesire olur veyâĥûd cefnde olan verem yâĥûd te'ekkül ile şa'r sâķıţ olur ve ona ĥumret ve lez'-i şedîd delâlet eder.

el-Mu'alecât: Eger şa'rın sukûţuna sebep mevdi'in âfeti olur ise o âfet ne ĥüne âfet ise onun bâbında zıkr olunan mu'alece ile 'ilâc olunur.

159 نَنْزَعُهُ فَأَنْتَرُ [el-intişâr] (hemzenin kesriyle) Saçılmak; yukâlu: نَنْزَعُهُ فَأَنْتَرُ Vankulu.

Eger intişâra sebeb maddenin kıletti olur ise mādde-i kāmıneyi inʿaş eden ve kezâlik tevlîd-i mevâdd eden ağdiye ve edviye ile tağdiye ve tedāvî olunur. Ve mādde-i şarî ecfâna ve eşfâra cāzib olan bizim akrabādinde zıkr edeceğimiz edviyeler ve edviye-i müfredde elvâhında dahi zıkr eylediğimiz edviye istiʿmâl olunur.

Ve ruṭûbet-i fāsıde sebebiyle olan intişâr-ı eşʿâr muʿâlecesinde [tenkıye-i reʿse ve] tenkıye-i ʿuḍva iştiğâl olunup baʿdehu şarîn muʿâlecesi görülür. Ve şarî münbit muʿâlecâtan olur müfred kuḥllerden ḥacer-i Ermenî ve lâjiverdden kuḥl istiʿmâli ve ekḫâl-i mürekkenbeden nevât¹⁶⁰-ı temr ile lâdenden akrabādinde zıkr olunuğu üzere kuḥl ittiḫâz edip istiʿmâl eylemek. Ve büsrün nevâtı yaʿnî ḥurmâ koruğunun muḫrak çekirdeği üç dirhem, nârdîn¹⁶¹ iki dirhem aḫz olunup kuḥl ittiḫâz olunur. Ve bu ʿillete menfaʿati olan ekḫâldendir sünbül-i esved¹⁶² kuḥl gibi saḫḫ olunup mîl ile istiʿmâl olunmak. Ve kezâlik ḥurʿi fâr¹⁶³ iḫrâk olunup veyâḫûd kable'l-iḫrâk bal ile istiʿmâl olunur ḥuşûşan sülâkî olan intişâr-ı eşʿâra ziyâde nefʿi olur. Kürümün menbiti¹⁶⁴ olan arḍın türâbı iklîfî tesmiye olunan zaʿferân-ı Rûmî ile vezni mütesâvî aḫz olunup iktiḫâl olunur.

Ve intişâr ile ḥikke ve cereb ve ḥumret ve teʿekkül olur ise baş enâr cemîʿan eczâsı ile [ḥall içinde] ṭabḥ olunur ve baʿdeʿt-teherrî mevdiʿi-î âfete vaḍʿ olunur. Ve bi'l-cümle lâzûkâtın¹⁶⁵ o bâbda nefʿi vardır. Ve kezâlik zıkr olunan evşâfı müstecmiʿ intişâra iklîmiyâ ve ḳulḳutâr ve zâc mütesâviyetü'l-evzân aḫz olunup baʿdeʿs-saḫḫ istiʿmâl olunmağın menfaʿati olur. Ve yine mücerreb devâdır ḥurʿi erneb-i muḫrak sekiz dirhem, baʿr-ı teys üç dirhem aḫz ve baʿdeʿs-saḫḫ iktiḫâl olunur. Ve kezâlik zübâbın reʿsi ḳaçʿ olunup baʿdeʿt-tecfîf iktiḫâl olunur veyâḫûd bunduḳ iḫrâk ve baʿdeʿs-saḫḫ keçi şaḫmıyla veyâḫûd ayı şaḫmıyla maʿcûn olunup o mevdiʿe ṭılâ olunur

160 “Nevât” çekirdektir.

161 “Nârdîn” muṭlak zıkr olursa sünbül-i Hindî murâd olunur ve baʿdılar katında muṭlak zıkr olursa sünbül-i Rûmî murâd olunur.

162 “واكثر السنبل الجبلي سود طيبة الريحه كالتي لعجنى” İbn Kütübî.

163 “Ḥurʿi fâr” sıçan murdârı.

164 “Menbit-i kürüm” teğek bittiği yer.

165 “Lâzûkât” “lezûk”un cemʿidir, verem mişli nesnelere üzerine yapıştırılan devâya lezûk derler.

ve o tılâ kirpikleri inbât eder ve siyâh eder. Ve kezâlik kuhl-i meşvî ve fül-fülden birer cüz², muhrağ ve mağsül reşâştan dört cüz², za^cferân dört cüz², nârdîn üç cüz², hürmâ çekirdeğinin muhrağı iki cüz² aḥz olunup kuhl ittiḥâz olunur.

Yirminci Faşl Ecfânda Olan Zâyid Tüyler ve Münkalib Tüyler Beyânındadır

Şa^r-ı münkalib kirpik bittiği mevdi^cde biter, lâkin o tüyde ^cıvec olmakla gözün içine dâhil olur ve tüyün ucu göze batar ve naḥs edip cefn hareket eyledikçe îzâ eder, onun için ^cayna mevâdd-ı keşîre seyelân edip sebel ve ḥikke ve ḥumret ve dem^ca [276b] ve beyâd ḥudûsuna sebep olur. Ve şa^r-ı zâid dahi menbit-i şa^rda nebât-ı ğayr-i ṭabî^c ile nâbit olup yâ evvelen zıkr olunan şa^r gibi bâṭın-ı ^cayna münkalib olur veyâḥüd istiḳâmet üzere olmayıp ḥâricden cānib-i esfele sâlik ve ebşâra ḥâil ve mâni^c olur. Ve bu taḳrîrden zâhir olur ki beynehümâda ^cumûm ve ḥuşûş-ı muṭlağ vardır.

Bu faşlda bu âfetlerin mâhiyyetlerini¹⁶⁶ şâḥib-i *Kânûn* beyâna taşaddî eylemeyip mu^câlecâtına taşaddî eyledi ve dedi ki bi'l-cümle bu mişlli eş^cârın mu^câlecesi beş nev^c mu^câlecenin biriyle olur: ilzâğ ile ve keyy ile ve nazm bil-ibre ile ve cefn kaṭ^c ve taḳşîr olunmakla ve nebâta mâni^c zıkr olunan tüyleri netf etmekle ^cilâc olunur.

Ammâ ilzâğ ile mu^câlecenin ṭarîki budur ki o şa^r işâle olunur ya^cnî sâir kirpikler gibi kaldırılıp istiḳâmet üzere kılınır ve ^cıveci tesviye olunur. Maştakî ve râtîneç ve dıbğ ve uşşak ve buṭûn-ı şadeften iḥrâc olunan ğırâ¹⁶⁷ ve şabır ve anzerût ve keşîrâ ve beyâd-ı beydle maḥlûl olan kündür ile tılâ olunmak ile. Ve ilzâğ-ı ceyyid olur o şa^r-ı münkalib dühn-i şînî ile ilzâğ olunmak. Ve bundan dahi eved olur o şa^rı ğırâ-i cübñ ile ilşâğ eylemek. Bu ğırâyı inşâallâhu ta^câlâ aḳrabâdinde zıkr eyleriz.

Ammâ o şa^r-ı münkalibe ibre ile ya^cnî iğne ile mu^câlecenin ṭarîki budur ki ğayr-i ṭabî^c nâbit olan şa^rın menbiti cānibine bâṭın cihetinden iğne sokulup cānib-i âherden iğne ucu iḥrâc olunur ve iğnenin deliğine o münkalib olan tüy geçirilip ḥârice iḥrâc olunur ve ḥâricde tüy şedd olunur. Eger şa^r-ı

166 Ve bu mâhiyyetler *Şerḥ-i Müceç*'de Nefîsî'nin taḳrîrinden aḥz olunmuştur.

167 “Ġırâ's-semek” balık tutkalı.

münkalibi iğne deliğine idhâl eylemek ʿusretli olur ise hatunların başları tüyünden bir tel aḥz olunup iki uçları maʿan zıkr olunan iğne deliğine idhâl olunup iğne ile maʿan o telin iki tarafı ḥāric-i cefne iḥrāc olunur ve o cefnin dāḥilinde zıkr olunan telin vasaṭı ḥalka gibi bākī kalır ve şaʿr-ı münkalib o ḥalkanın içine idhâl olunup ḥārice cezb olunup şedd olunur. Ve ʿamel-i evvel ile o tüyü taşra iḥrāc edemeyip sâniyen bir dahi iğneyi tenfîzî ḥācet olur ise vācib olur ki sâniyen iğne sokuldukta evvelki şukbeden sokulmaya belki münkalib olan şaʿr yanında başka bir maḥallden tenfîz oluna, şukbe büyümeyip şaʿr-ı münkalibi ḥāricde muḥāfaẓa āsān olsun için.

Ammā şaʿr-ı münkalibin olduğu cefni kaṭʿ ve taḫşîr ile muʿālecesinin tarîki budur ki o şaʿrın cefninden menbiti olan maḥall kaṭʿ olunur. Ve baʿdî eṭibbā dediler ki cefnin tarafında olup iccāne¹⁶⁸ demekle maʿrûf olan maḥall şakḳ olunur ve baʿdehu idmāl olunur. Ve idmāl ḥasebiyle o maḥalde laḥm-ı zāid bitip o şaʿr-ı münkalibi müceddeden nābit olan laḥm-ı zāid tesviye eder ve istikāmet üzere ḥıfz edip inkılābına māniʿ olur.

Ve ammā şaʿr-ı münkalibe keyy ile muʿālececinin tarîki budur ki bir ibre-i muʿaḳḳafetü'r-re's yaʿnî eğri başlı bir iğne āteşte kızdırılır ve cefn medd olunur ve onunla şaʿr-ı münkalibin mevdiʿine basılıp keyy olunur, o maḥalde bir dahi şaʿr nābit olmaz. Ve baʿdî kerre merreten ev merreteyn tekrāra ḥācet olur. Ve cemīʿan ṭuruk-ı keyyden zıkr olan keyy tarîki aḥsendir.

Ammā netf-i şaʿr ile olan muʿālece budur ki o mişli tüyler yolunur baʿdehu mevdiʿi üzere nebāt-ı şaʿra māniʿ olan edviye vaḍʿ olunur, ʿale'l-ḥuşuş cefn üzere bizim edviye-i müfrede bābında zıkr eylediğimiz devālar ve kezālik şaʿr-ı zāid bābında qarīben zıkr edeceğimiz devālar vaḍʿ olunur. İşbu zıkr olunan tedāvī şaʿr-ı münkalib tedāvîsi idi.

Ammā gözü setr ve ebşāra muḍırr olan zāid şaʿrın devāları budur ki zıkr olunan şaʿr-ı zāid ecfān-ı ʿaynda cemʿ olan ruṭūbet-i ʿafineden ḥādîş olmakla vācib olur ki evvelā beden ve re's ve ʿayn senin bildiğin müstefriğātla istifrag oluna baʿdehu cefni münakḳī olan ekḫāl-i ḥādde istiʿmāl oluna, bāsīlīkūn ve rüşenāyī ve aḥmer-i ḥādd ve aḥḍar-ı ḥādd şiyāfları ve şiyāf-ı

168 “el-İccānet” hemzenin kesri ve cīmin teşdīdi ile kersān dedikleri büyük kāse ki leğene şebīhtir, lākin bu maḳāmda murād kirpiği tevliḍ eden mevādd cemʿ olacak maḥalldir ki cefn-i aʿlānın tarafında olur.

helilecî gibi nesnelere isti'mâl oluna huşuşan o 'aynda dem'adan veyâhüd ahlâ't âridâlarından ya'nî ahlâ't hasebiyle 'arîda olan emrâddan biri mevcûd ise helilecî olan şiyâf isti'mâli ziyâde nâfi' olur. Ve bu mu'alece ile şa'r-ı zâidin mađarratı def' olmaz ise netfle mu'alece olunur ve o tüyler yolunup mevdi'ci kirpi kaniyla ve merâresiyle ve kemâlâvun¹⁶⁹ merâresiyle ve nesr ve mâ'iz merâreleri tîlâ olunur. Ve ba'dı kerre zîkr olunan dem ve merâyire cünd-i bîdester hal't olunup fülüs-ı semek gibi ondan şiyâf ittiḥâz olunur ve vaqt-i ihtiyâcda o şiyâf insânın ağızı suyuyla ḥall olunduktan sonra nişf-ı sâ'at şabr olunup isti'mâl olunur.

Ve yine mu'alecât-ı ceyyideden olur künfuz merâresi ve kemâlâvun merâresi ve künfuz ḥayâsı. Bunların vezni mütesâviyeten aḥz olunup güğercin kaniyla cem' olunup akrâş kılınır.

Ve bu bâbda vaşf olunan devâlardandır kûrâd demi ya'nî kene dedikleri kurdun kani huşuşan kelbin kûrâdının kani ve dıfıd' kani¹⁷⁰; lâkin bunları tecrîbe taḥkîk eylememiştir ve zu'm eyledikleri üzere o kanlar kaṭrân ile hal't olunmak gerektir.

Ve yine menfa'ati bu bâbda vaşf olunan devâlardandır: Teys¹⁷¹ merâresi remâd ile veyâhüd nûşâdur ile yâhüd pırasa 'uşâresi ile huşuşan bir miḳlâ ya'nî tâbe gibi bir şey' içine konulup âteş üzerinde biri birine mümtezic olup ve kuruyunca kadar imsâk oluna. Eger zîkr olunan remâd şâdef remâdı olur ise ef'dal olur. Ve paslanmış demirin sühâlesi insânın ağızı suyuyla o bâbda ziyâde nâfi'dir velâkin veca'ı olur.

Ve mücerreb olan devâlardandır: Araḍa ya'nî ağaç kurdu nûşâdur ile isti'mâl olunmak huşuşan ḥımâr tırnağı ḥurâkası ve ḥall-i şikkîf ile maḥlûṭ ola. Ve kezâlik zebedü'l-baḥr mâ-ı esfiyüş¹⁷² ile mücerrebdır. Kaçan bunlar isti'mâl olunsa mevdi'-i şa'r-ı taḥdîr ve tebrîd edip o mevdi'de bir dahi şa'r nâbit olmaz.

169 Tab' ile olan nüşhalarda "كمالاون" bedeline "حاملاون" vâқи' olmuştur. "حاملاون" Yünân lisânıdır, ḥırbâ dedikleri ma'rûf ḥayvâna derler.

170 "Nesr" akbaba; "mâ'iz" keçi; "künfuz" kirpi; "dıfıd'" kurbaga; "kûrâd" kenedir.

171 "Teys" ergeç keçidir.

172 "Esfiyüş" lügat-i Fârsîdir, karnıyarığa derler ki 'Arabca ona bezr-i ḳatûnâ derler.

Yirmi Birinci Faşl İltişâk-ı Eşfâr Beyânındadır

Cefnin bâtını hâdeqaya mültaşık olduğu gibi şüfreler ya'nî kirpik bittiği maḥallerin fevkânîsi taḥtânî şüfreye mültaşıka olur ve bu iltişâk ekser-i ḥâlde remedden sonra olur. Onun mu'alecesinde vâcib olur ki anzerût, süker-i ṭaberzed birer cüz², zebedü'l-baḥr rubu^c cüz² aḥz olunup saḥk olunduktan sonra eşfâra iltişâkı olan maḥalle zerûr kılınır.

FENN-İ ŞALİŞ MAKĀLĀTINDAN MAKĀLE-İ RĀBĪʿA KUVVET-İ BĀŞIRANIN AĦVĀLĪ BEYĀNINDADIR O MAKĀLE-İ RĀBĪʿA DAHĪ FUŞŪLŪ MÜŞTEMİLDİR

O makāle-i rābīʿa dahi Ve o ʿilelin ekşeri terkībiyye ve ittişāliyye olur. O makāle dahi fuşŪlŪ müştemildir.

Evvelki Faşl Đaʿf-ı Başar Beyānındadır

Başarın đaʿf ve āfeti sebebi baʿdı kerre ʿumūmen bedenın mizācı tağay-yür edip yübüsetin veyāhūd ruṭūbetin bilā-mādde veyāhūd maʿa-māddetin ğalebesi olur veyāhūd bi'l-cümle bedenden veyāhūd miʿdeden buḥārāt mür-tefīʿa olup cefne şuʿūdu sebebiyle olur veyāhūd bi-mādde veyā bilā-mādde đaʿf-ı başara bered sebep olur veyāhūd māddeye ve ğayr-i māddeye ḥarāret ğalebesinden olur veyāhūd đaʿf-ı başarın sebebi budur ki dimāğın kendide maʿrūf olan emrād-ı dimāğiyenin biri olur [277a] ve ona đaʿf-ı başar tābiʿ olur, o marađ-ı dimāğī gerek dimāğın cevherinde olsun veyāhūd baṭn-ı muḳaddemin küllisinde olsun, đarbe-i đāğıta ḥasebiyle ḥādiş olan ʿadem-i ebsārda olduđu gibi veyāhūd o marađ-ı dimāğī baṭn-ı muḳaddemin cüzʿi muḳaddeminde olsun.

Ve đaʿf-ı başarın ekşeri ruṭūbet-i ğālibeden veyāhūd yübüset-i ğālibeden olur. Ve yübüsetten olan ʿaḳıb-i emrādda ve ḥarekāt-ı müfriṭa-i bedeniyeye vü nefsanıyye ve istifragāt-ı müfriṭada olur, zīrā bu sebeplerden mevādda cefāf ʿarıđ olup kuvvet-i bāşıra sākıta olur veyāhūd đaʿf-ı başar rūḥ-ı bāşıraya maḥşuş bir emr ḥasebiyle olur, meşelā ʿaşabe-i mücevvefe ve ruṭūbāt-ı ʿayn ve ṭabakāt-ı ʿayn ve bunların ḥavālisinde đaʿf-ı başarı müʿeddī olur nesnelere olmakla olur.

Ve rūḥ-ı bāşıraya baʿdı kerre rikḳat ve leṭāfet ve baʿdı kerre ğılzat ve keşāfet ʿarıda olur ve baʿdan kıllet dahi ʿarıda olur. Ammā rūḥa keşret ʿarıđ olduđu aḥsen-i eşyā olur. Ve rūḥa rikḳat ʿarıda olduđu ekşer-i ḥālede yübüset ḥasebiyle olur.

Baʿdı kerre güneş mişlli işrākı olan nesnelere nazardan rūḥ müteferriḳ olup şiddet-i teferruḳ ḥasebiyle rūḥa rikḳat ʿarıđ olur. Ve baʿdı kerre dahi rikḳat-i rūḥun sebebi bu olur ki rūḥ muḥteḳan ve muḥtebes olmakla eczāları

cem^c olup ve sıkışır ve o tecemmu^c hasebiyle taḥallül eder. Pes taḥallülden terakḳuk lāzım olup rûḥun ihtibâsı evvelâ tekâsife ve şāniyen cidden terakḳuka mü^oeddī olur. Ve bu nev^c terakḳuk zulmette tûl-i müddet ikâmet edenlere ^carıd olup başarılarının da^cfına mü^oeddī olur.

Ammā rûḥun gılzati ruṭûbet ile olur ve ba^cdı kerre dahi rûḥ tecemmu^c eylemekten olur eger rûḥun ictimā^cı rûḥun işti^câl ve taḥallülüne mü^oeddī olmaz ise, zîrâ işti^câle mü^oeddī olan ictimā^c rûḥun rikḳatine sebep olur ve işti^câle mü^oeddī olmayan ictimā^c gılzate sebep olur.

Ve ba^cdı kerre rûḥun gılzat ve leṭâfetinin sebepleri aṣl-ı ḥilkatte olur. Kezâlik kılet dahi ba^cdı eşḡaṣta ḥilkatte olur. Ve ba^cdı kerre şiddet-i yübs-ten ve istifrâğâtın keşretinden ve muḳaddem-i dimâğın cidden da^cfından ve emrâdın şu^cûbetinden olur ve rûḥ taḥallül eylese mevt qarîb olur.

Ve rûḥun kıletî ṭabaḳât-ı ^caynın da^cfı hasebiyle dahi olur. Onların da^cfından ervâḥ dahi da^cf olur velâkin ḥâricde olan ṭabaḳâtın da^cfından bu ḥâlet ^carıda olur, gâire olan ṭabaḳât da^cf-ı başara mü^oeddī olmaz. Ve o sebep ba^cdı kerre ṭabaḳanın cevherinde ve ba^cdı kerre dahi ṭabaḳada olan menâfiz-i rûḥ hasebiyle olur. Ve ṭabaḳanın cevherinde olan sebep mizâc-ı redî ile olur. Ve ṭabaḳâtın mizâc-ı redîsi buḥârın onda ihtibâsından veyâḥûd faḍla-i ruṭûbetin ona muḥâlaṭasından olur veyâḥûd ṭabaḳâta cefâf ve yübs ve teḳaṣşüf¹⁷³ ve teḡaṣşüf¹⁷⁴ ^carıd olmakla olur ḡuşuşan ^cinebiyye ve ḳarniyye ṭabaḳalarına bu âfetler ^carıd olsa da^cf-ı başari ziyâde olur yâḥûd ṭabaḳâtın saḡında ḳurûḥ-ı sâbıḳadan bâḳıye kalan âṣâr hasebiyle olur gerek ise âṣâr zâhire ve gerek ise âṣâr bâṭine olsun veyâḥûd remed-i keşirin muḳâsâtıyla ṭabaḳâtın işfâfının zevâli veyâḥûd levn-i ġarîbin müdâḡalesi ile olur, yerekânda ḳarniyyeye ^carıda olan şufret gibi ve tarfe maraḡında ^carıda olan ḡumret gibi veyâḥûd ṭabaḳanın levn-i ṭabî^cisi münselih olmakla olur, meşelâ ṭabaḳa-i ḳarniyyeye insilâḡ-ı levn ^carıd olup şefîfi ziyâde olur ve ḡav^o-ı ḡarîcî ḳarniyyenin işfâfi hasebiyle rûḡ-ı başırayı ziyâde tefriḳ edip da^cf-ı başara mü^oeddī olur. Ve ba^cdı kerre dahi ḳarniyyeye ^carıd olan işfâf için havâ ve ḡav^oın ^caynda temekkünü ve fi^cli ziyâde olup ruṭûbât-ı ^caynı

173 أَلْفَسْفُ [el-kaşef] (fethateynle) Yüzün levni güneşten veyâḥûd fakrdan taḡyîr olmak. Vankulu.

174 “et-Teḡaṣşüf” câme-i kuhne pûşiden.

tecîf etmekle da'f-1 başara mü'eddî olur veyâhûd da'f-1 başara şabakâta olan sebep şabakâta te'ekkül hasebiyle 'arîd olan şabakâtın terakkuğu olur, zîrâ şabakât miqdâr-1 tabî'iden rakîk oldukta o şabakaya dav'ın nüfûzu tedricle olmaz belki def'aten nüfûz edip ruṭûbet-i celîdiyyeye şavvet ve 'unf ile eşbâhı tahmîl eder ve lâ-mahâle eşbâh-1 celîdiyyede vech-i lâyıḳ üzere mürtesim ve mütebeyyin olmaz veyâhûd şabakât üzere ğışâ-i ğarîb nebâtî da'f-1 başara sebep olur zufrede olduđu gibi veyâhûd şabakâta olan intifâh-1 'urûḳ ve ğılaz sebep olur sebelde olduđu gibi.

Ammâ 'aynın şukbesi ve şabakâtın menâfizi bu vech ile da'f-1 başara sebep olur ki onların bâblarında bizim zîkr edeceđimiz esbâbla onların tecvifleri miqdâr-1 tabî'iden dayyîḳ olur veyâhûd o tecâvîf miqdâr-1 tabî'iden vüs'atli ve geniş olur veyâhûd südde-i kâmile ile veyâhûd südde-i nâḳışa ile mesdûd olur nüzül-i mâ katında olduđu gibi. Biz bunları başka başka birer bâbda zîkr eyleriz.

Ammâ ruṭûbet-i 'ayn hasebiyle da'f-1 başarın esbâbı budur ki celîdiyye i'tidâl üzere olan kıvâm-1 tabî'isinden müteğayyir olup yâ kıvâmı ğalîz veyâhûd kıvâmı rikḳati ziyâde olur ve hâricden vârid olan dav'ı ve elvân-1 bâhire-i zâhireyi tahammül eylemez belki onlardan müte'ezzi olur.

Ammâ ruṭûbet-i beydiyye eger cidden kesîre veyâhûd kalîle olur ise işfâfının kılletine sebep olur. Ve ba'dı kerre dahi beydiyyenin kıllet-i işfâfı ruṭûbet-i sâirenin ve ebhîrenin beydiyyeye muhâlaşası hasebiyle beydiyye müteğayyire olmakla olur, zîrâ hâricde olan ebhîre ve edhîne o ruṭûbete îzâ eder, dâhîliyye olan buhâr ve duhânın îzâsı bi-ṭarîḳi'l-evlâ olur ve cemî'an nâfiḫa ve mübahhîre olan hûbûb-1 başarı şakîl eder.

Ammâ ruṭûbet-i zücâciyye başara evvelâ ve bi'z-zât muḍirre olmaz belki bi'l-'araḍ ve bi'l-vâşıta başara muḍir olur, zîrâ zücâciyyenin âfeti ile celîdiyye bi'z-zât mutadarrır olur. Celîdiyye vâşıtasıyla başar dahi mutadarrır olur, zîrâ zîkri mürûr ettiđi üzere zücâciyye celîdiyyenin ğıdâsı olur ve kaçan zücâciyye me'ûfe olsa celîdiyyenin ğıdâsı me'ûf olmakla kendi dahi me'ûf olur.

Ammâ da'f-1 başara 'aşab sebep olduđu 'aşabe südde veyâhûd verem veyâhûd inhitâk¹⁷⁵ 'arîd olmakla olur.

175 "İnhitâk" parçalanmak ve dađılmak.

el-‘Alāmât: Cemî‘an beden müşâreketiyle ‘ārîd olan đâf-ı başarin ‘alâmeti cemî‘an bedenin tağayyür-i mizâcî için sana bundan aқdem bizim bildirdiđimiz ‘alâmetler olur.

Ve müşâreket-i dimâğla olan đâf-ı başarin ‘alâmeti âfet-i dimâğ ‘alâmetinin vücûdu ile ma‘lûm olur ve cemî‘an havâssın me‘üfe olduđu đâf-ı başarin dimâğ müşâreketiyle olduđuna delîl-i қavî ve şâhid-i ‘adl olur.

Ve baş üzere đarbe ҳasebiyle dimâğdan cüz²-i muқaddem cidden münđağıta olsa onun âfetinin ekşer-i hâlde başara ihtisâşî ve irtibâtî olur. Ve kezâlik şemme dahi o âfetin ihtisâşî keşîr olur lâkin sem‘e ihtisâşî olmaz. Ba‘dı kerre o şürette sem‘ ‘alâ-hâlihi bâķî kalıp selâmet üzere olur, ammâ ‘ayn meftûhaten bâķî kalıp gözü yummak mümkün olmaz ve göz kapađı açık olur velâkin rü‘yet zâile olur.

Ve đâf-ı başara sebep rûhun rikқat ve kılleti olduđunun ‘alâmet-i maҳşûsası budur ki ‘ayna қarîb olan nesneyi o mişlî ‘ayn tamâm rü‘yet ile ‘alâ-vechî’l-istikşâ rü‘yet eder ve ba‘ıdde olan mer‘iyyâtî rü‘yet tamâm üzere olmaz ve istikşâ etmek ona müyesser olmaz.

Ve rûhun raқîķ ve keşîr olduđunun ‘alâmet-i hâşşası budur ki қurb ve bu‘dda [277b] olan mer‘iyyâtî kemâ-yenbađî tamâmen rü‘yet eder ve istikşâ-i rü‘yet şedîd olur. Velâkin rikқati ifrât üzere olur ise onun cirm-i münîr üzere nazarı şâbit olmaz belki o münîrin sâţı‘ ve mürtefi‘ olan đavı başarı ve rûhu tahrîķ ve tefrîķ edip sübût-ı nazarı izâle eder. Eger rûh ğalîz ve keşîr olur ise o rûh şâhibi ba‘ıde olan mer‘iyyâtî te‘emmülde istikşâdan ‘âciz olmaz ya‘nî devâm üzere ve te‘emmül eyleyerek nazâr eylese kemâl üzere rü‘yet eder, ammâ қarîb olan nesneyi istikşâya қâdir olmaz.

Ve şu‘â‘a қâil olan ҳukemâ katında ya‘nî külliyyâta zikri mürür eylediđi üzere rü‘yet şekl-i maҳrûţî üzere gözden şu‘â‘ ҳurûc edip mer‘iyyâta o şeklin қâ‘idesi vuşûl ile hâşıl olur diye zâhib olan ҳukemâ katında zikr olunan ‘alâmetlerin vech-i mezkûr üzere delâletlerine bâ‘iş budur ki rûh-ı ğalîzden ba‘ıd olan mer‘iyyâta müteveccih olan rûh mesâfe-i ba‘ıdeye ҳareket-i zâidesi ҳasebiyle telaţţuf edip kıvâmı mu‘tedil olur ve mer‘iyyâta mu‘tediletlen vâşıl olup rü‘yet kemâl üzere hâşıla olur. Ammâ raқîķ olan rûh mesâfe-i ba‘ıdede mütehallil olup müteferriķ olur. Ve mer‘iyyâta vâşıl olan қalîl ve müteferriķ olmakla rü‘yette noқşân üzere olur.

Ammâ hükemâdan ‘ayndan eşi‘a hurûcunu inkâr edip râî ile mer’iyyât arasında olan havâ-i müşiff mer’inin şebahını ‘ayna te’diye etmekle rü’yet hâşıl olur diye zâhib olan t̄aife katında vücûh-ı mez̄kûre üzere rü’yetin tâmm ve kâmil ve nâkış ve k̄aşır olduğunun sebebi aşhâb-ı şu‘â‘ın z̄ikr eyledikleri sebebin ğayrı sebebiyle olur. Ve o sebab-i âher budur ki mer’iyyât-ı ba‘ıdeyi tabaşşur ve rü’yet k̄aşd eden ‘aynın celîdiyyesi hareketi ziyâde olur ve bu hareket-i zâide ile celîdiyyede muhtebeş olan rûh-ı ğalîz terakruk¹⁷⁶ eder ve rûh-ı rakîk taħallül eder. Ve rûh hem rakîk ve hem kâlîl olur ise onun taħallülü ziyâde olur ve z̄ikr olunduğu üzere aħkâm-ı rü’yet bu esbâba teferru‘ eder.

Ve bu iki ferîkin kavllerinden hangisi şavâb idiğini taħkîk hükemâya müfevvađdır, eṭbânın lâzime-i hâli deđildir.

Ammâ đaf-ı bařarın sebebi ancak řabakâtta ve ruṭûbât-ı ğâirede olan esbâb ile olduğunun ta‘arrüfü şu‘ûbetli olur, binâen ‘aleyh o esbâbları ta‘arrüf için řabakâtın levnine ve intifâh ve temeddüdü ve teħaşşüf ve zübülü ve řağîre olan ‘aynın řığarına ve ‘aynın saṭhında terakruk edip kavş-ı kuzah [ya‘nî] eleđim sağmal gibi elvâni ve leme‘ânî olan ruṭûbete nazâr olunup te‘emmül olunur ve onlardan řabakât u ruṭûbât-ı ‘aynda olan đaf-ı bařarın esbâbına tenebbüh olunur. Ve kezâlik o tenebbüh için ‘aynda olan o yübüset ve küdürete nazâr olunur ki hâricden ona nazâr ile onlar görünür velâkin ba‘dı kerre hâil ve hâciz olup o yübüset ve küdüretten ‘aynda mer’î olan insân-ı ‘ayn dedikleri nâzırın řebahı nâzıra mer’î olmaz. Ve bu ‘alâmâtın kimisi řabaka-i karniyyenin ve kimisi ruṭûbet-i beyđiyyenin hâline delâlet eder. Ve bu terakruk eden ve yübüset ve kümüdeti olan ‘aynın aşhâbı dâimâ iki gözü muķâbilinde đabâb¹⁷⁷ gibi nesne görür.

Ve eger sen ‘alîlin ‘aynında olan küdüreti ancak řukbe hizâsında rü’yet edip karniyye eczâsının sâiri selîm olsa delâlet eder ki küdüret beyđiyyede olur ve beyđiyyede řafvet yoktur. Eger küdüret eczâ-i karniyyeyi ihâta edip ‘amm olur ise o küdüret karniyyenin kendide olduğunda řekk olunmaz

176 التَّرْكُوقُ [et-terakruk] (‘alâ-vezni التَّرْزُلُ [et-tezelzul]) Yaldıramak; yukâlu: تَرْفُوقُ الشَّيْءِ إِذَا لَمَعَ Vankulu.

177 الصَّبَابَةُ [eđ-đabâbet] (đâd’ın fethiyle) Bir buluttur ki yer yüzüne inip yeri tütün gibi kaplar ki ona duman derler. الصَّبَابُ [eđ-đabâb] (kezâlik đâd’ın fethiyle) صَبَابَةٌ [đabâbet]in cem‘i. Vankulu.

lâkin şekk bu vech ile olur ki o küdüret yalnız karniyyede midir yoksa karniyye ile beydiyye cem' an küdüret üzere midir hangisinde olduğu yakînen ma'lûm olmaz.

Ve ba'dı kerre ru'tûbet-i beydiyyeye yübüset 'arıda olup ba'dı eczâları o yübüset hasebiyle cem' olup işfâfı zâile olur ve ona binâen hizâsında küvve-i vâhîde veyâhûd müte'addid küvveler ve pencereler görür ve kezâlik bu mişlli eşyâ-ı ma'düme-yi rü'yet eder karniyyesinde kuruhtan bâkî kalann âsâr-ı hafiiyesi olan kimseler, zîrâ o mişlli hayâlât o âsâr şâhibine dahi zâhir olur. Ve ba'dı kerre o vechlerden rü'yet olunan hayâlât nüzül-i mâ hasebiyle olan hayâlât zann olunup ha'tâ olunur, ma'a-hâzâ nüzül-i mâdan 'arıd değildir ve 'ayna mâ nüzül eylememiştir, pes te'emmul ve taharrî eylemek gerektir. Ammâ şukbe-i 'aynın dîkı ve si'ası ve 'ayna mânın nüzülünde olan kelâmı ve 'aşabenin ahvâli beyânını bâblarına te'hîr eyleriz.

Ve ma'lûm ola ki her fesâd ki yübüsetten 'arıd ola, o fesâd açlıkta ziyâde olur ve kezâlik riyâdet-i muhallile ve istifragât katında ve vaqt-i hâcizede ya'nî kaba kuşlukta dahi müştette olur. Ve her fesâd ki ru'tûbet sebebiyle 'arıd ola, bunun dıddı üzere olur.

el-Mu'âlecât: Eger da'f-ı başarin sebebi yübüset olur ise mâ-ı cübn ile ve muratıbbât-ı sâire ve henüz halb olunan lebeni şürb ile ve başına muratıbb dühnler [sürmek] ile intifâc olunur huşuşan o da'f-ı başar nâkıhlarda olur ise edhân-ı mezküreyi vech-i mübeyyen üzere isti'mâl ziyâde nâfi' olur. Ve başarda olan da'f-ı yübüsiye nevm ve râhat ve se'ûtât-ı muratıbbe huşuşan dühn-i nîlûfer ile isti'â't nâfi' olur. Ammâ şabakada olan esbâb-ı yübüset ile hâdiş da'f-ı başarin mu'âlecesi şu'übetli olur.

Eger da'f-ı başar ru'tûbetten hâdiş olur ise onun mu'âlecesi evvelâ müstefriğât ba'dehu muhallilât isti'mâli olur. Ammâ kay' rıfk ve sühulet ile olur ise menfa'ati olur, huşuşan meşâyıhta menfa'ati ziyâde olur. Ammâ kay'-ı 'anîf cidden mu'dırır olur, ammâ gârâgır ve muhavviât¹⁷⁸ ve se'ûtât menfa'atli olur.

Ve da'f-ı başara nâfi' olan istifragâttan olur naķt'-i şabır ile dühn-i hurva' şürbü ve ıtrîfil gibi baştan buhârı def' eden devâlar isti'mâli, 'ale'l-huşuş nevm katında isti'mâli ziyâde nâfi' olur. Ve riyâdât-ı e'trâf ile 'ale'l-huşuş esfelde olan e'trâfı ya'nî ayaklarını tahrik ve irtiyâd ile intifâc olunur. Ve

178 “Muhavviât” semek için isti'mâl olunan edviyedir.

vâcib olur ki ayakları dahi delk oluna. Ve eger sebab-i dâf ğılağ olur ise levh-i 'aynda mezkûr olan 'aynı mücellî edviyeler isti'mâl olunur.

Ve vâcib olur ki kaçan edviye-i hâdde isti'mâl olunsa onunla ma'an edviye-i kâbıda dahi isti'mâl oluna.

Ve yine bu 'illete nâfi' olan eşyâdan olur o tütüyâ ki mağsül ola ve mâ-ı merzencûşla veyâhüd mâ-ı râziyâ nec veyâhüd mâ-ı bâdrücla ve ferâsiyün 'uşâresiyle o tütüyâ mürebbâ ola. Ve huđad ile devâm üzere iktihâl olunmak 'ayna cidden nâfi' olur ve kuvvet-i 'aynı tül-i zamân muhâfaza eder.

Ve helîlec hûkâkesi mâ-ı verd ile iktihâl olunsa hârâret ve hikkeye muğârin olup ruṭubet-i raḳıḳadan hâdis dâf-ı başara ziyâde nâfi' olur. Ve bu mişlli olan dâf-ı başara nâfi'a olan ekhâlden olur ḳabc ve zürraḳ¹⁷⁹ ve şebbûṭ ve reḫame ve şevr ve dübb ve erneb ve teys ve kürkî ve huṭṭâf ve 'aşâfir ve şa'leb ve zi'b ve sinnevr ve kelb-i Selûkî ve kebş-i cebeli¹⁸⁰ ve bu mişllilerin merâreleri ile müfredeten iktihâl eylemek ve ḫubârâ ya'ni toy dedikleri kuşun merâresinin bu bâbda nef'-i 'azîmi vardır. Ve ba'ḳı kerre dahi mezkûr olan merâreler edhân-ı nâfi'a ile terkîb olunup mürekkeben isti'mâl olunur ve ona nâfi'a olan edhândandır hırva' ve nercis ve ḫabbu'l-ğâr ve fücl ve ḫulbe ve süsen [278a] ve merzencûş ve bâbûnec ve uḫḫuvân dühnleri. Ve kezâlik bâdrüc suyuyla iktihâl dahi nâfi'dir.

Ve yine edviye-i mu'tedile-i ceyyideden olur iki cevz¹⁸¹ ve otuz 'aded helîlec-i aşfer çekirdeği iḫrâḳ olunup saḫḳ olunur ve üzerine bir mişḳâl fülful-i ğayr-i muḫraḳ ilkâ olunup iktihâl olunur.

Ve yine edviye-i nâfi'adandır mayahoş enâr 'uşâresi aḫz olunup nişfi kalınca ḳadar ṭabḫ olunur ba'dehu ref' olunup o bâkî kalanın nişf vezni miḳdâr 'asel ile ḫaṭḫ olunup teşmîs olunduktan sonra isti'mâl olunur.

179 "Zürraḳ" ke-sükker ṭâir-i şayyâd. *Kâmûs*.

180 Eşahḫ olan budur ki "ḫacel" çil dedikleri kekliktir. Ve "zürraḳ" beyâd doğandır, bâzî-i ebyad ma'nâsına. "Şebbûṭ" bir nev' balıktır. Ve "reḫame" enûḳ dedikleri kuştur ki alaca olur, ḫilḳatinde kerkese şebîhtir. "Şevr" öküzdür. "Dübb" ayı. "Erneb" tavşan. "Teys" ergeç keçi. "Kürkî" leğlek. "Huṭṭâf" kırlağuş. "Aşâfir" serçe. "Şa'leb" tilki. "Zi'b" kurt. "Sinnevr" kedi. "Selûḳ" Yemen'de bir ḳaryenin veyâhüd Lân dedikleri şehrin ismidir ki ona dürü' ve kilâb nisbet olunur, dir'-i Selûḳî ve kelb-i Selûḳî denir. "Kebş" koç koyun.

181 Cevzetân kabuğu ile ma'an iḫrâḳ olunmak lâzım olduğunu Nefîsî taşriḫ eder. Ve ṭab' ile olan nüshada "nevâtu helîlec" sâḳıttır.

Ve kezâlik mâ-ı rummâneyn aḥz olunup iki ay miḳdârı ḳayzda yaʿnî eyyâm-ı şayfin şiddet-i ḫarâretinde terk olunduktan sonra taşfiye olunur ve her rıtlına üç dirhem şabır ve dâr-ı fülful ve nüşâdur ḫalt ve ilkâ olunur. Ve baʿdı kerre nüşâdur terk olunur. Ve ʿale't-taḳdîreyn o maḫlûṭ bi'l-cümle nâʿimen saḫḳ olunur ve ḫıfz olunup istiʿmâl olunur ve her ne ḳadar eskise o ḳadar nâfiʿ olur.

Ve ḫaf-ı başara nâfiʿ olan edviyedendir vecc, māmîrân, ekḫâl saḫḳı gibi saḫḳ olunup istiʿmâl olunmak. Soğan suyu bal ile ḫalt olunup kuḫlen istiʿmâl olursa nâfiʿ olur.

Ve şiyâf-ı merârât merârât-ı aḳvâdır. Ve merârâtın aḳvâsı bâzî ve nesr merâresidir veyâḫūd bakırdan bir şalâye yaʿnî edviye saḫḳ edecek bir dest-gâḫ ve kezâlik bakırdan bir destece dahi ittiḫâz olunup o şalâye üzere birkaç ḳatre sirke ve bir ḳatre sût ve bir ḳatre bal taḳtîr olunduktan sonra o şalâye üzere zıkr olunan fihr¹⁸² ile onlar siyâḫ olunca ḳadar saḫḳ olunup baʿdehu o meshûḳ-ı esved ile iktiḫâl olunur.

Ve maʿlûm ola ki dâimâ ṭabḫ olunmuş şalgam ekli gözü ḫiddetli eder ḫattâ ḳadîm olan ḫaf-ı başarı dahi izâle eder, laḫm-ı efâʿî tiryâḳta ṭabḫ olunduḡu gibi. Ve bizim cüzâm bâbında ṭabḫımı vaşf eylediḡimiz gibi ṭabḫ edip tenâvülüne ḳâdir olan kimse o vech üzere ṭabḫ edip tenâvül eylese ḫıfz-ı bâliḡ ile şıḫḫat-i ʿaynını muḫâfaza eder.

Ve meşâyihın ḫaf-ı başarına ve keşret-i cimâʿdan ḫaf-ı başarı olanlara ve o mişllilere edviye-i ceyyideden olur tütîyâ-yı ḡayr-ı maḡsûl ve şarâb ḫacet miḳdârı ve dühn-i belesân. Tütîyâdan ḫasbe mâ-yettefaḳ ziyâdece bu mezkûrlar aḥz olunup tütîyâ saḫḳ olunur ve meshûḳunun üzerine dühn-i belesân ilkâ olunur baʿdehu şarâb dahi ilkâ olunup lâyıḳı üzere o mecmûʿ saḫḳ olunup refʿ olunur.

Ve bir devâ dahi vardır ki onun nefʿi cidden ʿazîm olur ḫattâ o devâyı istiʿmâl eden kimse için ḳurş-ı şemse dâimâ [nazar] etmek mümkin olur ve o nazardan ona aşlâ ḫarar gelmez ve onun nüşhası budur: ḫacer-i yâsefis ve ḫacer-i miḡnâṭis ve ḫacer-i eḫâṭis yaʿnî şebb-i ebyaḫ ve şâdenec ve bâbüneç ve fütenec ve kündüs uşâresi bu mezkûrların her birinden birer cüzʿ ve nesr merâresi ve efʿî merâresi bu ikinin her birinden birer cüzʿ aḥz olunup

182 “Fıhr”den murâd zıkr olunan bakır destecedir.

kuhl ittihâz olunur. Ve başta muşt isti'mâli dahi nâfi'dir huşûşan meşâyıha maştın¹⁸³ isti'mâli ziyâde nâfi' olur. Ve vâcib olur ki küllü yevmin muştı birkaç def'a isti'mâl eyleye, zîrâ maşt buhârı 'ayndan tahrîk edip fevķ cāni-bine cezb eder.

Ve mā-ı şâfi içre dalıp mümkün miķdârı gözünü su içinde açmak 'aynın şihhatini hıfz eden nesnelere; onunla göz kuvvetlenir ve huşûşan şabbların 'aynını takviye eder ve şihhatini hıfzı ziyâde olur.

Ve mi'de buhârâtı ve ruḫbâtından ve maḫarratlarından şikâyet eden kimseye vâcib olur ki ḫable't-ḫa'âm efsentîn ḫabîhi ve sikencebîn-i 'unşulî ve sâir müleyyinât isti'mâl edip mi'dede olan fuḫlülü ḫaḫ eyleye. Bunları bu vech ile isti'mâl 'ayna nâfi'dir huşûşan zıkr olunan müşteklere ziyâde nâfi' olur.

İkinci Faşl Başara Ḍârr Olan Umûrun Beyânındadır

Başara ḫârr olan umûr üç sınıf üzere olur: ef'âl ve ḫarekât ve ağdiyenin aḫvâl-i taşarrufudur.

Ammâ ef'âl ve ḫarekât onlardan müceffef olan nesnelere küllîsi başarı ıḫrâr eder, cimâ'-ı keşir ve berîk ve işrâkî olan nesnelere keşret-i nazar ve ifrâḫ üzere daḫîk olan ḫaḫḫı kırâḫet eylemek gibi. Ammâ ḫaḫḫı ifrâḫ üzere daḫîk olmasa ona nazar 'ayna riyâḫet olup nâfi' olur. Ve her a'mâl-i daḫîka dahi ḫaḫḫı gibidir, ifrâḫı muḫırr ve i'tidâli nâfi'dir.

Ve imtilâ üzere nevm ve akşam ḫa'âmı yiyip uyumak dahi ef'âl-i muḫırradandır belki başarıda ḫaḫ olan kimselere vâcib olur ki ḫa'âm münḫaḫım olunca ḫadar nevm şabr eyleye. Ve her imtilâ ve kezâlik ḫab'atı tecfif eden nesnelere dahi muḫırrdır. Mâlih ve ḫırrîf mişli mu'akkir-i dem olan ve müskirât cem'an 'ayna muḫırrdır.

Ammâ ḫayḫ min-vechin nâfi' ve min-vechin âḫer muḫırrdır, zîrâ ḫayḫ mi'deyi tenḫıye eylediğinden başara nâfi'dir ve mevâddı dimâğdan tahrîk ve 'ayna def'i ḫasebiyle başara muḫırrdır. Ve eger o kimsenin ḫayḫı iḫtîḫâ edip ona ḫayḫ eylemek lâzım olur ise ḫa'âmdan sonra rıfķ üzere ḫayḫ eylesin.

183 “Maşt” baş taramak.

Ve da'f-ı başarı olana istihmâm ve ifrâṭ üzere uyumak ve bükâ-i şedîd keşret-i faşd ve huşuşan hacâmet-i mütevâliye dârr olur. Ve ağdiyeden dahi mâliha ve hırrife ve mübahhıre ve fem-i mi'deyi izâ eden gıdaların küllîsi ve galîz, kedir şarâb cemî'an muḍırr olur. Ve kürrâs ve başal ve eklen bād-rûc ve naḍic olan zeytûn ve şıbs ve kerneb ve 'ades dahi muḍırr olur.

Üçüncü Faşl 'Aşâ Beyânındadır

Başarı leylen mu'atṭal olup nehâren rü'yeti olan 'aynın âfetine 'aşâ derler. Bu maraḍda âhır-i nehârda başar da'fa bed' edip tedrîcle da'tif olarak leylen mu'atṭal olur. Bunun sebebi ruṭûbât-ı 'aynın miḳdâr-ı ṭabî'inden ziyâde teraṭṭubu ve gılzati veyâhüd rûh-ı bâşırının teraṭṭubu ve gılzati olur.

Ve 'aşânın ekşer-i hâlde 'urûḍu kehlâ olan 'ayna olur ve zürkâya keşiren 'arîḍ olmaz. Ve 'aşâ o 'ayna dahi 'arîḍ olur ki onun hâdekası şağîr ola veyâhüd 'aynında elvân ve te'arîc-i keşîre ola, zîrâ bu vaşflar o 'aynın hilkat-i aşliyyede kılllet-i rûhuna delâlet eder.

Ve ba'ḍı kerre bu âfetin sebebi 'aynın nefsinde olur. Ve ba'ḍı kerre dahi mi'de ve dimâg müşâreketiyle olur. Ve müşâreket hasebiyle olduđu bundan akdem zıkr olunan 'alâmet ile senin ma'ḷûmun olur.

el-Mu'âlecât: Bu âfeti olan kimsenin mevâddında keşret olur ise kîfâl ve mâklar faşd olunur ve ma'rûf olan müstefriḡât-ı sâire dahi mükerreren istî'mâl olunur. Ve ba'ḍı kerre saḳmünyâ ve cünd-i bîdester ile istifrâḡ olunup o istifrâḡın menfa'ati olur. Ve ḳable't-ṭa'âm zûfânun şarâbı saḳy olunur veyâhüd zûfâ ve sezâb-ı yâbisten sefûf ittiḡâz olunup istî'mâl olunur. Ve ṭa'âm tamâmen haḍm olduktan sonra şarâb-ı 'atîḡten miḳdâr-ı ḳalîl istî'mâl olunur.

Ve bu bâbda mücerreb olan edviyedendir keçinin kebedi cemre üzere kebâb olundukta bıçak ile o kebâba ḡarz olunur ve o kebâb olan kebiden seyelân eden ruṭûbet aḡz olunup üzerine milḡ-i Hindî ve dâr-ı fülful ekilip iktiḡâl olunur. Ve ba'ḍı kerre dahi âteş üzerinde kebid kebâb kılınır iken zıkr olunan edviye kebâb üzerine ekilip buḡârına 'alîl olan 'ayn kebb ve imâle olunur. Ve o kebid piştikten sonra 'alîle iṭ'âm olunur. Ve bunların cümlesi nâfi'dir.

Ve ba'ḍı kerre mâ'iz kebedi parça parça 'arîḡdan ḳaṭ olunup ondan şiyâf kılınır. Ve dâr-ı fülfulden dahi şiyâf kılınup dâr-ı fülful şiyâfı kebidin iki

şiyâfı arasına vađ^c olunur o vechle ki [dâr-ı] fülful şiyâfının altı ve üstü kebid şiyâfı kıtaları olur ba^cdehu tennürda şeyy olunur velâkin şeyy ve tabhında mübâlağa [278b] olunmaz. Ba^cdehu tennürdan ihrâc olunup ondan mâiyyeti ahz olunup iktihâl olunur. Ve bu ^camel ve menfa^catte ernebin kebid-i kebid-i mâ^ciz gibidir.

Ve yine bu mişlîlidir dâr-ı fülful şiyâfı. Ve yine o şiyâf dahi nâfi^cdir, onun nüshası budur: Dâr-ı fülful ve fülful ve kınbîl¹⁸⁴ mütesâviyetü'l-eczâ ahz olunup iktihâl olunur.

Ve merârât dahi ^caşâyâ nâfi^cdir, ^cale'l-ğuşuş cebeliyye tüyusun ve cebeliyye kibâşın merârları ziyâde nâfi^cdir.

Ve kezâlik dühn-i belesân içine afyûndan miqdâr-ı kâlîl kılınıp iktihâl olunmak dahi nâfi^c olur.

Ve felâfil-i şelâse ya^cnî fülful-i esved ve fülful-i ebyađ ve dâr-ı fülful ahz ve ğubâr gibi olunca kadar saħk olunduktan sonra iktihâl olunmak cidden nâfi^c olur. Ve şebb-i Mışrî dahi onun gibidir. Ve ^casel ile iktihâl dahi nâfi^cdir. Ve râziyâ nec suyuyla iktihâl edip suyu gözünde muhâfaza için gözünü müddet-i tavîle yummak cidden nâfi^cdir.

Ve ondan kavî olur o ^casel ile iktihâl ki onda şebb ve nüşâdurdan bir kuvvet ola. Ve mizâcî hârr olan hayvânın kanıyla iktihâl dahi nâfi^c olur. Ve kışşâ-i ħumâr ^cuşâresinin keyfiyyeti baĸlatu'l-ħamķâ ile kesr olunup iktihâl olursa nâfi^c olur.

Ve şiyâf-ı kâlâ ve şiyâf-ı zencâr dahi nâfi^cdir. Ve verel ve işkanķurâ zibli dahi nâfi^cdir. Ve kezâlik keçi yavrusunun merâresi bir cüz³ ve fülful iki cüz³, üçec üç cüz³ ahz olunup ^casel ile ^cacîn kılınıp isti^cmâl olunur. Ve mâni^c yoksa iki mâķ damarlarından bildiĝin üzere faşd olunmak nâfi^cdir.

Dördüncü Faşl Ceher Beyânındadır

Ceher bir âfettir ki đav³-ı nehârda o âfeti olan ^cayn gündüz görmez. Ve onun sebebi rûhun rikķati ve cidden kıletti olur. Ve kaçan rûh-ı bâşıra raķîķ ve cidden kâlîl olsa đav³-ı nehârda o rûh daĝılır ve rüpyete ķâdir olmaz ve

184 “Kınbîl” meşhûr olan kınbîl “tulûl”dendir, “menn”in eşrefidir, Yemen’de olur. Ba^cdılar derler ki kınbîl tîn-i Cülûd dedikleridir. Tafşîli İbn Kütbî müfredâtında mezkûrdur.

gece cem^c olup rü^yet eder. Ve ba^dı kerre dahi ceherin sebebi kalîl olmakla gece gördüğü gibi gündüz zılda ve şu^câ^c-ı şems olmayan maḥallde dahi görür lâkin dav^v olan maḥallde görmez.

el-Mu^câlecât: A^cşâ olan kimseye vâcib olur ki tertîbi ve tağlîz-i demi ziyâde eyleye. Tağlîz ve tertîb ne gûne edviye ile hâşıl olduğu bundan aḳdem senin ma^clûmun oldu, tekrâra hâcet kalmadı.

Beşinci Faşl Ḥayâlât Beyânındadır

Ḥayâlât emâm-ı ‘aynda iḥsâs olunan biraz elvân olur ve iḥsâsı o vech ile olur ki ke-enne o mülevvenât cevvdde beşş ve neşr olunmuştur. Ve o ḥayâlâtın sebebi budur ki gözde olan ruṭûbet-i celîdiyye ile mubşar arasın-da işfâfı olmayan bir şey’in tavassuṭ eylemesi olur. Ve o şey^v-i mütevassıṭ ba^dı kerre bir şey^v olur ki o mişlli nesne bi-ḥasebi’l-mu^tâd idrâk olunagelmemiştir. Ve kuvvet-i başarı olan kimseler zekâ-i ḥissi ḥasebiyle onu ḥilâf-ı ‘âdet idrâk ve iḥsâs ederler. Ve ba^dı kerre o şey^v-i mütevassıṭı i^tidâl üzere başarının kuvveti olanlar dahi rü^yet eder, onu idrâk başar gâyet-i zekâda olmağa hâcet olmaz belki onu iḥsâs mecrâ-yı ‘âdet üzere olur.

Ḳısm-ı evvelin maḥşûl-i maⁿâsı budur ki cevvd-i havâda ṭayerân eden ḥafî şeyler vardır, başara ḳarîb olan cevvdde dahi o mişlli ḥafî nesnelere olur ve o ḥafıyyâtı başarında kuvvet-i bâliğa ve zekâ-i ḥissi gâyete varanlar ancak idrâk eder; mütevassıṭu’l-hâl ve da^cifü’l-iḥsâs olanlara onu iḥsâs müyesser olmaz. Lâkin o ḥafıyyât ḳaviyyü’l-başar olanların ‘aynı ḳurbünde olmakla iḥsâsını o kimse taḥḳîḳ edemeyip ona ḥayâl gibi gâhice zuhûr ve gâhice ondan gâybet eder. Ve kezâlik dâḥil-i ‘aynda dahi ebḥire-i kalîle olur, zîrâ insânın mizâc ve ṭab^cı muḳtedâsı üzere ‘aynında ve sâir a^cdâlarında lâ-maḥâle ebḥire-i mütelevvine bulunur ve zekâ-i ḥissi gâyete bâliğ olanlar o ebḥire-i ḥafıyyeyi bilâ-taḥḳîḳ b-ṭarîkı’t-taḥayyül idrâk eder ve mu^ctedilü’l-ḳuvve olanlara o rü^yet-i ḥayâliyye ‘arıda olmaz. Ve bu kısmın başara zıkr olunan ḥayâlâtın gayrı maḳarratı keşîre olmaz.

Ammâ ḳısm-ı âḫer ki onu mütevassıṭu’l-iḥsâs olanlar idrâk ederler, o mişlli ḥayâlâtı fâ^cil olan sebep ba^dı kerre ṭabaḳâtta ve ba^dı kerre dahi ruṭûbâtta olur. Ammâ ṭabaḳâtta olan sebep ḳarniyye üzere cidden ḥafıyye olan eserlerdir ki müteḳâdim olan cüderî ve remed ve büşür mişlli nesnelere

bâkıyedir. O âsâr ziyâde hafıyye olduğuna binâen hâricden nazâr edenlere zâhir olmaz velâkin bâtından hayâl mişâlinde rü'yet ve tahayyül olunur. Ve o âsâr tahtında olan maḥsûsu setr edip hâricden iḥsâs olunmaz. Ve kezâlik o âsâr tahtında havâ-i şâffı setr edip o havâ-i şâff hâricde olan mubşarâtan biraz eczâyı iḥsâs eylemez ki o eczânın şebahının mevki'î zikr olunan âsârın tahtında olmak lâyıķ olur ve âsâr o mevki'in işfâfını ibtâl etmekle zikr olunan a'râđ 'ârıđa olur.

Bu me'âli 'ibâret-i *Kānūn*'dan istifâde emr-i şa'bdır, o 'ibâret budur: "واللذي يكون في الطبقات فهو ان يكون على الطبقة القرنية آثار خفية جدا قد بقيت عن الجدرى او عن رمد وبثور او غير ذلك فلا تظهر للعين من خارج ويظهر للعين من باطن من حيث لا يشف المكان اللذي هو فيه فيخفي تحته من المحسوس ومن الهواء الشاف اجزاء ترى كثيرة بمقدار ما لو كانت موجودة من خارج لكان يكون ذلك الجزء الصغير قسط شبحها من الثقبه العنينة"

Ammâ ikinci kısmdan hayâlât esbâbının ruṭûbât-ı 'aynda olan şınıfı dahi iki kısm üzere olur:

Evvelkisi, o sebep ruṭûbât-ı 'ayna hâricden vârid olmaz belki cevher-i ruṭûbetin kendi istihâle edip o sebep hâdiş olur. Ve ikincisi, o sebep ruṭûbet-i 'ayna hâricden vâriddir.

Ve kısm-ı evvel dahi hâlî olmaz ki yâ ruṭûbet-i 'aynın ba'đı eczâsına sū²-i mizâc 'ârıđ olmakla o eczâların levni müteğayyir ve şefîfî zâil olur ve ona sū²-i mizâc bürüdetten veyâhüd ruṭûbetten hâdiş olur veyâhüd o miḳdâr eczâsına ḥarâret 'ârıđa olup ancak ruṭûbât-ı 'ayndan o ḥarâret ma'rûdunu tađliye edip kaynatmakla havâiyyetini işâre eder. Ve kaçan havâiyyet raķıķ ve şefîf olan nesneye muḥâlaṭa ve müdâḥale eylese levnini leben gibi ebyađ-ı ğayr-i müşiff eder veyâhüd o eczâ-i ruṭûbete sū²-i mizâc mükeşşife ve cidden cemmâ'a olan yübüset ḥasebiyle 'ârıđ olur.

Ammâ kısm-ı şânî ya'ni sebebin ruṭûbet-i 'ayna hâricden muḥâlaṭası beyânı budur ki o muḥâliṭ olan şey' hâricî ve ba'đı kerre 'arađı olup ma'rûdu olan eczâ-i ruṭûbette mütemekkin ve mütemâdî olmaz, cemî'an bedenden şu'üd eden ebḫire gibi ve mi'de ve dimâĝ buḫârâtı gibi, zîrâ o ebḫire ziyâde laṭif oldukta muḥâlaṭa eder ve laṭif olan ebḫire lâ-maḥâle şâbite olmayıp tahallül eder. Ve bu mişlli ebḫire buḫrânâtta ve kay' ve ğađab 'aķiblerinde dahi hâdiş olup ruṭûbet-i 'ayna vech-i mezkûr üzere müdâḥale eder veyâhüd

[ruṭûbet-i ʿayna müdâhale eden] o şey²-i hâricî ʿarîdî olmaz belki maʿrûdu olan ruṭûbet-i ʿayn eczâsında mütemekkin olur. Ve bu vechle olan müdâhale ʿayna nüzûl-i mâ işâbetini inzâr eder.

Pes bu mezkûr olan esbâbla hâdiş olan hayâlâtın kimisi miḳdârında muhtelif olup şağîr ve kebîr olurlar ve kimisi muhtelifü'l-kıvâm olup keşîf ve rakîk-i hafî olurlar. Ve evdâında dahi muhtelif olup mütehalhilü'l-eczâ yâhüd mütekâşif-i diyâyî vü şehâbî olur. Ve baʿdı kerre dahi eşkâlinde muhtelif olup habbe ve bakka ve zübâb eşkâlinde ve baʿdı kerre dahi hayt-ı tavîl ve şaʿr-ı tavîl eşkâlinde olur.

el-ʿAlâmât: Bu hayâlâtın zekâ-i hiss hasebiyle ʿarîd olanların [279a] ʿalâmetleri budur ki o vech ile ʿarîd olan hayâlât hafî olur, nehc-i vâhid ve şekl-i vâhid üzere olmaz ve insâna şihhat-i başarı müddetinde ʿarîd olur ve ondan insâna bir halel gelmez.

Ve karniyye sebebiyle ʿarîd olan hayâlâta zıkr olunan esbâbın vücûdu delâlet eder ve o hayâl artıp ve eksilmez, bir karar üzere dâim olur; başarda ve gayrıda dahi darara müʿeddî olmaz.

Ve beydiyye sebebiyle hâdiş olan hayâl ʿalâmeti budur ki o hayâlâtın müddeti tavîle olur ve ʿâfet-i ʿazîmeye müʿeddî olmaz ve remed-i hârr ʿakibinde hâdiş olur veyâhüd müberrid veyâhüd müsahhîn sebeblerin ʿakibinde olur. Ve beydiyye sebebiyle hayâlâtın hudûsu hadisle dahi maʿlûm olur huşûşan karniyye şakîle ve berrâk ve şâf olup vechen mine'l-vücûh beydiyyede huşûnet olmasa o vâkt beydiyye sebebiyle hâdiş olan hayâlâtın o sebepten hâdiş olduğu ziyâde hads olunur, zîrâ karniyye bu hâl üzere iken hayâlât bir karar üzere olduğu ve artıp ve eksilmediği ve darar-ı ʿazîme dahi müʿeddî olmadığı o hayâlâtın beydiyye sebebiyle olduğunu hadse ziyâde bâʿis olur.

Ammâ ebhîre-i miʿdiyye vü bedeniyeden hayâlâtın hudûsu mübahhîrât tenâvülünde ve haḍm ve imtilâ ve harekât zamânlarında o hayâlâtın heyecânından maʿlûm olur. Ve o hayâlât düvâr ve sedere muḳârin olur ve bir hâl üzere ber-karâr olmayıp artar ve eksilir ve bir ʿayna maḳşûş olmaz, iki ʿaynda dahi olur. Ve o hayâlât gâseyâna muḳârin olur ise delâlet-i mezkûre şahîha ve sâbite olur.

Ve kay^o vaktinde, kezâlik eyâric isti'mâli ile istifrâğ katında ve telîf-i ğidâ ve hađma 'inâyet katında dahi hayâlât ziyâde ve noqşân olduđu, hayâlâtın buhârî olduđuna 'alâmât-ı şahîha olur.

Beydiyyenin ve gayrıların yübüsetinden hâdis olan hayâlât 'alâmetleri da'f-ı başa bābında senin ma'lûmun oldu.

Şahîh ve sâlim olan 'aynın hayâlâtı altı ay miqdârı ma'a's-ş-şihhat mütemâdî olsa onda emn olur, havf olunmaz. Ammâ nüzül-i mâ muqaddimesi [olan] hayâlât şahibesi olan 'ayn tadrîc üzere tekeddür eder, nüzül-i mâya mü'eddî olunca kadar vaqt vaqt küdüreti artar hattâ def'aten ona mâ nâzil olur. Ve hayâlâtın zuhuru ibtidâsından mânın nüzülü altı ayı mütecâviz olmaz ve olanlar dahi kalîl ve nâdirü'l-vukûc olur. Ve sen görürsün ki hayâlât gâhice zâile ve gâhice 'aide olur ve ziyâde ve noqşân olur. Ammâ o mişli hayâlât muqaddime-i nüzül-i mâ olmadığını taḥkîk eyle. Ve kezâlik hayâlât sâbite olup lâkin başarı id'âfî müstemir olmaz ise yakînen bil ki o hayâlât muqaddime-i nüzül-i mâ değıldir.

el-Mu'alecâtu li-İbtidâi Nüzülü'l-Mâi ve'l-Hayâlât: 'İlâcına evvelâ ikbâl olunan hayâlât nüzül-i mâi münzire olan hayâlâttır, evvel-be-evvel onun tedbirine müsâra'at ve ihtimâm gerektir.

Ammâ hayâlât-ı sâireden yübüsetten 'arıda olan hayâlâta ekşer-i ahvâl-de senin ma'lûmun olan muraḥḥibâtı isti'mâl nâfi'dir.

Ve eger sebab-i hayâlât ruḥbet veyâhüd yübüsetin mâ-'adâsı olan sâir nesnelere olur ise cilâsı olan ekhâl isti'mâli ona nef' verir.

Ammâ nüzül-i mâ muqaddimesi olan hayâlât mu'alecesinde vâcib olur ki 'ilâca ibtidâ olunup evvelâ beden ve huşuşan mi'de tenkıye oluna ve sonra baş tenkıyeye ikbâl oluna; ğarğarât ve se'ûḥât ve meḍüğât isti'mâliyle baş tenkıye oluna. Ammâ 'aḥsât isti'mâli irhâsı ve inkâsı ḥasebiyle ondan tenkıye-i nâfi'a recâ olunur. Ve 'aḥsât mevâddi hareket-i 'anife ile muḥarrik olduđu ḥasebiyle nüzüle müsta'idd olan suyu taḥrîkenden havf olunur, 'ale'l-huşuş 'aşabe önünde ve kurbünde vâkıf olan mâi taḥrîkten havf olunur.

Ve ma'lûm ola ki bu bābda eyâric-i feyḳarâ keşîrü'n-nef'dir. Ve kezâlik ḥabbu'z-zehab ve edviyeden terkîbine ḳanturiyün ve kıssâ ve mürr dâhil olan devâlar dahi nâfi'dir. Ve re'sin mu'alecâtı ve tenkıyesinde mu'temed olan ediyeleri bābında sen ta'arrüf edip bildin.

Ve vâcib olur ki eyâric-i feykarâ ile ve habbu'z-zeheb ile tenkıye 'alâ-tarıki'ş-şebyâr olup isti'mâli cidden mütevâtir ola. Ve edviye-i mülaţţife ve cellât ekhâl tariki ile kable't-tenkıye isti'mâl olunmayıp o mislli ekhâl ba'de't-tenkıye isti'mâl olunur. Ve mânın nüzülü ibtidâsında kulak ardında olan şiryânı faşd nâfi'dir.

Ve lâyık olur ki evvelâ edviye-i leyyine ile bed³ oluna, bal ile râziyâ nec ve zeyt isti'mâl oluna. Ve dedikleri üzere merzencüş şemmi dahi nâfi'dir. Ve merzencüş dühnü ile neşûk dahi nâfi'dir. Ve denildi ki şudğayna irsâl-i 'alağ nüzül-i mâ ibtidâsında nâfi'dir. Ve bezr-i ketem ile iktihâl dahi istihsân olunup denildi ki mâ izâle ve tahtlilde gâyete bâliğdir.

Bu edviye-i leyyine isti'mâlından sonra sekbî nec ve emşâlından mürekkebe olan edviyeler tadricle isti'mâl olunur. O isti'mâl olunacak mürekkebe devâdan birinin nüshası budur:

Nüşha: Sekbî nec üç cüz³, harbak-ı ebyađ ve hıltit onar onar, 'asel sekiz kütüli.

Ve yine mücerreb olan devâlardandır: Huţţâfın başı ihrâk olunup hurâkası 'asel ile iktihâl olunmak. Ve bundan dahi aqvâ olur şiyâf-ı merârât-ı mâristânî ile iktihâl olunmak. Ve kezâlık iştaftıkân ve da'f-ı başar bâbında zıkr olunan merârât dahi nâfi'dir. Ve bunlardan dahi aqvâ olur şiyâf-ı merârât-ı mâristânî ve kezâlık kuhl-i ümîlavüs ve akrabâdinde mezkûr olan o kuhl ki sülâhfât merâresiyle ittihâz olunur. Ve kezâlık ürinâsiyüs devâsı mâ-ı râziyâ necle ve merzencüş şiyâfı ve sârüs ve mürr ve haremün. Ve mürr ve haremün" bedeline "merhüyün" nüshadır. Ve dühn-i belesân şiyâfları dahi nâfi'dir. Ve ibtidâ-i mâdde bu şıfat üzere olan devâ dahi nâfi'dir.

Nüşha: Şahihü'l-beden ve şâbb olan sevrin merâresi aHz ve bir bakır kap içine vađ olunup on günden iki haftaya varınca kadar o hâl üzere terk olunur. Ve mürr-i meshûk ve za'ferân-ı meshûk ve sülâhfât-ı berriyye merâresi ve dühn-i belesân bunların her birinden ikişer dirhem aHz olunup merâre-i sevr-i mezkûre ile bi'l-cümle hâl ve cem^c olunduktan sonra onunla iktihâl olunur.

Nüşha-i uhrâ: Harbakıtan bir cüz³ ve hıltit bir cüz³, sekbî nec bir cüz³ün humusu ve 'öşrü ya'nî bir cüz³ün on bölükten üç bölüğü. İşbu eczâlardan şiyâf ittihâz olunup iktihâl olunur.

Nüşha-i uhrâ: Harbak-ı ebyad ve fülful bir cüz², uşşak şülüş cüz². Bu eczâlar turp ʿuşâresiyle şiyâf kılınıp istiʿmâl olunur.

Ve vâcib olur ki ʿalil semekten ve mübahhîr olan ağdiyeden ve suyu ve şarâbı keşîren şürbden ve mütevâtiren faşd ve hacâmetten ictinâb eyleye. Ve bunda faşd ve hacâmet teʿhîr olunmak gerektir. Demin şiddet-i harâreti ve kesret-i kemmiyeti mütehaqqak olup faşd ve hacâmete eger hâcet ziyâde olur ise o zamân teʿhîr olunmaz velâkin tevâtür ve tetâbuʿ dahi câiz olmaz.

Altıncı Faşl İntişâr Beyânındadır

Hadeka-i ʿaynda olan şukbe-i ʿinebiyyenin miqdâr-ı tabîʿiden ekser geniş olmasına intişâr¹⁸⁵ tesmiye olunur. Bu intişâr şudâʿ ʿakibinde hâdiş olur ve darbe ve şadme mişlli esbâb-ı bâdiye ile ʿarıd olur. Ve baʿdı kerre dahi nefsi-hadekada olan esbâb ile ʿarıd olur. Ve hadekada olan olan sebep yâ ruṭûbet-i beydiyye veyâhûd ṭabaḳa-i ʿinebiyyede olur.

Kaçan ruṭûbet-i beydiyye teraṭṭub ve tekeşşür eylese ʿinebiyyeye müzâhim olup ʿinebiyyeyi taḥrîk eder ve hareket sebebiyle ʿinebiyye münteşire ve müttesiʿa olur. Ve kaçan beydiyyeye yübüset ʿarıda olsa o dahi intişârı icâb eder velâkin bi'z-zât icâb eylemez belki icâbı bi'l-ʿaraḍ olur o vech ile ki kaçan beydiyyeye cefâf ʿarıd olsa ona tâbiʿ olup ʿinebiyye dahi câff ve yâbis olur.

Ve kaçan ʿinebiyyeye yübüset ʿarıda olsa ʿinebiyye şukbesinin havâlîsi eṭrâfa çekilip [279b] temeddüd eder. Ve o mişlli temeddüd ile şukbeye vüsʿat gelip genişir Ve bunun nazîri o cildedir ki onun vasaṭında şukbe vardır ve ona yübüset gelip temeddüd eylemiştir.

Ve kaçan bu mişlli derinin temeddüdü şukbe havâlîsinden eṭrâf cihetlerine olsa lâ-mahâle onun şukbesine vüsʿat gelir belki bu yübüset ile ʿinebiyye şukbesinin intişâr ve siʿası beydiyyenin dağt ve zaḥm ile şukbenin intişâr [ve] siʿasından ziyâde olur.

Ve baʿdı kerre ʿinebiyye intişârının sebebi ile o ruṭûbet olur ki ʿinebiyyenin cevherine tedâhul edip ʿinebiyyenin şihanını ve ʿumḳunu tağlîz ve tekeşşür eder ve ʿinebiyye cevheri eczâları şihanına ve gılaza temeddüd ve incizâbla lâ-mahâle şukbeye vüsʿat ve intişâr gelir.

185 Bu “intişâr” şîn-i muʿceme ile; zikri mürür eden “intişâr-ı ecfân” sâ-i müşellese ile dir.

Ve ba'dı kerre tabaka-i 'inebiyyeye verem 'arîd olup temdîd eder ve mürûr eden vech üzere temdîdden intişâr 'arîd olur.

Ve ba'dı kerre dahi şukbenin si'ası halkî ve cibillî olur. Ve 'alâ-kül-li't-tekâdir şukbenin vech-i lâyıktan ziyâde olması muđırır olur, zîrâ şukbesi vâsi'a olan başar eşyâyı miqdârından aşgar rü'yet eder.

Ve ba'dı kerre şukbenin si'ası iklile bâliğa olunca kadar ziyâde olur ve başardan mu'teddün bih bir nesne kalmaz ve eşyâdan bir şey' görmez şukbe-i vâsi'ada rûh-ı bâsıra müteferrika ve mütehallile olmak hasebiyle.

Ve darbe ve şadmeden olan intişâr min küllin vech kaç'â 'ilâcî kâbil olmaz. Ve 'aşabe-i mücevvefe sebebi ile olan intişârın bür'ü 'asîr olur.

el-'Alâmât: İntişârın ekser-i aşnâfının 'alâmâtı da'f-ı başar bâbında zikr olundu. Ammâ 'aşabe-i mücevvefenin şukbe intişârına mü'eddî olan ittisâ'nın 'alâmeti o ittisâ' şey'en-fe-şey' tadricle 'arîd olup bağıteten olmamaktır. Ve tabaka-i şebekiyyenin ittişâli teferrukundan hâdiş olan ittisâ' bağıteten hâdiş olur.

el-Mu'alecât: İntişârdan halkî ve tabîrî olanlar için bür' ve 'ilâc olmaz. Ve yübüset hasebiyle olanlara 'aynı murattıb olan zikri sâbık edviyeler ile terfîb nâfi' olur. Ve ruḫbetten olanlara bedende mevâdd keşîr ise faşd nâfi' olur. Ve 'uḫvdan mevâddı istifrâğ için mâkayn ırkından dahi faşd nâfi'dir. Ve şudğayn ırkını faşd ve sell dahi nâfi'dir. Ve senin sâbıkan bildiğin istifrâğlar dahi nâfi'dir. Ve mâ-ı mâlihi ve mâ-ı mümallaḫı başına şabb ve 'ale'l-ḫuşûş sirke ile karıştırıp şabb eylemek nâfi'dir.

Ve lâyıḫ olan budur ki müshilât isti'mâliyle istifrâğı ikşâr eylemeye, zîrâ ikşâr-ı mezkûr kuvveti da'ife eder ve ona binâen maḫlûb olan istifrâğ ḫâşıl olmaz belki ona lâyıḫ olan budur ki her onar günde bir dirhem veyâḫûd bir buçuk dirhem ḫabb-ı kûḫyâ ile iktifâ eyleye, onun istifrâğına kifâyet eder. Ve onun ğidâsı şîrec ile mâ-ı ḫımmaş olur. Ve intişârı olan 'aynın uḫrâsı olan 'ayna tütîyâ çekilir intişâr ona sirâyet eylemesin için. Ve ḫayâlât ve nüzûl-i mâ bâblarında zikr olunan ekḫâl dahi isti'mâl olunmak vâcib olur. Ve kafâ üzere ḫacâmet etmek mevâddı fevḫ cānibine cezb eylediği için nâfi' olur.

Ve darbe 'akibinde hâdiş olan intişârın 'ilâcî tekellûf ve şu'ûbet ile olur ve o 'ilâc budur ki evvelâ faşd ve sonra baş üzere ḫacâmet olunur ve sonra

müberraîdât isti'âmâl olunur. Ve muķaşşer bâkılâ unu veyâhûd şa'rî unu vарақ-ı hîlâf suyuyla veyâhûd hindebâ suyuyla ıslatılıp dımâd olunur veyâhûd bir kıřa şüfe dühn-i verd ve şarâb-ı kâlîl ile mađrûb olan şufret-i beyde ıslatılıp dımâd olunur.

Ve intişârı olan 'aynda şefânîn ve firâh demleri taķtır olunur. Ve üçüncü günde leben taķtır olunur ve kavî ekhâl ile iktihâl olunur. Ve bi'l-cümle intişâra ekşer-i hâlde verem-i hârr cinsine olan 'ilâclar ile 'ilâc olunur. Üçüncü gündenden sonra bu şiyâf isti'âmâl olunur: Kündür ve za'ferân ve mürr her birinden birer cüz², zernîh nişf cüz². Bu edviyeler aħz olunup şiyâf ittihâz olunur.

Amûriyâsfîs dedikleri 'illete ya'nî intişâr-ı 'ayna bu devâ dahi nâfi'dir, nüshası budur: Cedy ve kürkî¹⁸⁶ merâreleri ikişer mişķâl, za'ferân bir dirhem, fülful yüz yetmiş 'aded, rubbu's-sûs beş mişķâl ve bir mişķâlin sülüşânı, üşşec iki mişķâl, miķdâr-ı kifâye 'asel ile kuhl kılınıp isti'âmâl olunur. Ve o edviyenin saħķı râziyâ nec ile ve haļı 'asel ile olur.

Ve đarbeden şâdiş olana bu devâdan nişf mişķâl turp 'uşâresi ile saħķ olunur, kuruyunca kadar ve yâbisen isti'âmâl olunur. Ve yine merâretü't-teys bir mişķâl, đabbın veyâhûd verelin ba'r-ı yâbisi bir buçuk mişķâl, nařrûn bir mişķâl, fülful ve merâre-i kürkî ikişer mişķâl, za'ferân bir mişķâl, uşşak nişf mişķâl, harbak-ı ebyađ bir mişķâl. Bunlar dahi mâ-ı râziyâ necle saħķ olunup 'asel ile haļı olunur.

Ammâ şebekiyyenin inhirâkından ve teferruķundan hâdiş olan intişâr için 'ilâc olmaz. Ve ba'đı kerre bunda dahi tekellüf olunup kafâ üzere hacâmete müdâvemet olunur ve edviye-i kâbıđa-i yâbise ile iktihâl olunur.

Yedinci Faşl Đıķ-ı Hadeķa Beyânındadır

Şuķbe-i 'inebiyyenin mu'tâddan dar ve ađyak olmasına đıķ-ı hadeķa derler. Eger bu đıķ řabî'î olur ise maħmûd olur, eger marađ hasebiyle olur ise redîdir ve redâ'eti intişâr redâ'etinden ekşerdir. Ve ba'đı kerre đıķ-ı hadeķa insidâd mertebesine bâliğa olur.

186 řab' ile olan nüshada "ev merâretü'l-kürkiyyi" vâķi' olmuştur, ona göre iki merâre ma'an terkîbde idhâl olunmaz.

Ve esbâb-ı dîk ba'dı kerre yübüset olur, karniyye yübüseti ile taşaşşüf ve tecemmu' edip şukbe münkabıd olur ve inkıbâd dîkı veyâhüd süddeyi ihdâş eder.

Ve ba'dı kerre dîk-ı hadeķaya sebep karniyyeye ruṭübet 'arıda olup o ruṭübet intişârın 'aksi üzere karniyye cevherini etrâfından vasaṭa ve şukbe cânibine temdîd edip şukbe dar olur. Bunun nazîri menâhildir¹⁸⁷ ki islatılsa şukbeleri dayyık olur.

Ve ba'dı kerre dahi dîk-ı hadeķaya sebep beydiyyeye 'arîd olan yübs-i şedîd olur. Ve o yübüset ile beydiyye miķdârı kalîl olup ona dahi ṭabakası dumûra muvâfık ve cuhûza muḥâlîf, ictimâ'a müsâ'id olur ve bu minvâl üzere olan dîk-ı hadeķa ekser-i hâlde yübüset ḥasebiyle olur.

el-'Alâmât: Bunun 'alâmâtını ḍa'f-ı 'ayn bâbında biz zîkr eyledik.

el-Mu'âlecât: Yübüset ile 'arîd olan dîka muraṭṭıbâtla mu'âlece olunur. Meşelâ muraṭṭıb olan kaṭürât ve se'ûṭât ve neṭülât ki uşârât-ı raṭbeden ve ğayrıdan senin bildiĝin üzere ittiḥâz ve isti'mâl olunur. Ve ona nâfi' ve ğayr-i ḍârr olan aĝdiye-i lebeniyye ve desime olan aĝdiye olur. Ve ba'dı kerre mādde-i raṭbeyi 'ayna cezb eylesin için ḥârr olan devâdan bir şey' isti'mâline ḥâcet olur ve vâcib olur ki o devâ re'ste ve yüzde isti'mâl oluna. Ve delk-i mütetâbi' ile delk oluna lâkin zamân-ı delk kaşır ola. Ve bunun küllisi ruṭübetli māddeyi 'ayna cezb eylesin için işlenir, zîrâ muraṭṭıbât-ı şırfa isti'mâli ba'dı kerre muḍırr olur. Ve kağan sen cezzâb olan ekḫâl isti'mâl eylesen muraṭṭıbât isti'mâlini i'âde eyle. Ve ekḫâl-i raṭb o ekḫâldir ki onları ḍa'f-ı başar ve nüzül-i mâ ve ḥayâlât bâblarında biz zîkr eyledik. Ve o muraṭṭıbâtın biri dahi bu şıfat üzere olan eşyâf olur.

Nüşa: Zencâr, uşşak birer cüz², za'ferân bir cüz² ve şülüş cüz², şabır beş cüz², misk nişf cüz². Bu eczâlardan şiyâf ittiḥâz olunup isti'mâl olunur.

Nüşa-i uḥrâ: Zencâr dört mişķâl, uşşak iki mişķâl, zibl-i verel üç mişķâl, şamĝ bir mişķâl. Bu eczâlar 'asel ile şiyâf kılınıp isti'mâl olunur.

Nüşa-i uḥrâ: Fülful, uşşak her birinden ikişer cüz², dühn-i belesân dokuz cüz², za'ferân [280a] bir cüz². Bu eczâlar aḫz olunup evvelâ uşşak mâ-ı râziyânedde ḥall olunup üzerine dühn-i belesân ilkâ olunup 'asel ile ma'cün kılınır ve cidden ceyyid olur.

187 "Menâhîl" "munḥul"ün cem'idir, uneledikleri eleĝe derler.

Ve ben o dîk-ı hadêkası olanlara mu'alece eyledim ki onun dîkı karniyede evvelâ kurlı olup mündemile olmuş idi ve kurlı gâire değıl idi ve indimâlden sonra ona dîk 'arîd olmuş idi. Ve ben o kimselere mücelliyât ve mülâttıfât ve muhallilât ile mu'alece eyledim. Ve istı'mâl eylediğim muhallilâtın tahtlıli derece-i şâniyede idi. Ve o muhallil 'asel ile 'ağd olunan rāziyānec-i raṭb 'uşāresi idi. Ve benim 'ilāc eylediğim o kimsenin bür'-i tām̄m ile dîkı şıḥhate münkalib oldu, ḥattā evvelki rü'yeti 'avdet eyledi.

Sekizinci Faşl Nüzül-i Mā Beyânındadır

Bu āfet südde ḥasebiyle 'arîd olur bir maraḍ-ı şediddir ve māhiyyeti budur: Mā dedikleri bir ruṭbet-i ğarîbedir, şukbe-i 'inebiyyede vākıfe olur, ruṭbet-i beyḍiyye ile şıfāk-ı karnî arasında olur. Ve o ruṭbet eşbāhi başara nüfūzdan men' eder. Ve o ruṭbet kemm ve keyfte ba'ḍı kerre muhtelif olur ve onun kemmde ihtilāfı bu vech iledir ki o ruṭbet-i ğarîbe gāhice şukbeye kıyāsla keşire olup şukbeyi tamāmen sedd eder ve südde ḥasebiyle başar rü'yetten kalır, mer'ıyyāttan bir nesneyi görmez. Ve ba'ḍı kerre o ruṭbet şukbeye kıyās ile ḳalıl olur ve şukbeyi kāmilen sedd eylemez belki bir tarafını sedd eder ve taraf-ı āḥer açık kalır ve mer'ıyyāttan südde ḥızāsında olanları görmez ve mekşūf olan taraf ḥızāsında olan mubşarı rü'yet eder.

Ve südde-i nākışası olan 'ayn ba'ḍı kerre mubşarın nişfini ve ba'ḍı kerre cüzünü görür, mā-'adāyı görmez lākin hadêkayı naḳl eder ise görmediği tarafı görür ve gördüğünü görmez. Ve ba'ḍı kerre bi-tamāmihi mer'ıyî görür eger o mer'ı bi-tamāmihi şukbeden mekşūf olan cānibin muḥāzīsinde olur ise.

Ve südde-i nākışayı icāb eden ruṭbet lüzüctli olmakla ne maḥalle işābet eylese ona teşebbüs eder, gāhice fevke ve gāhice şukbenin tahtına ve yemneten ve yesreten işābet eylediği maḥallda şābit olup muḥāzīsinde olan mer'ıyî başar rü'yet eylemez.

Ba'ḍı kerre dahi o ruṭbet şukbenin ḥāḳḳ-ı vasaṭında olup merkez-i dāire gibi olur ve eṭrāf-ı mekşūfe dāire şeklinde kalır. Bu minvāl üzere olan 'ayn mer'ıyyātın cevānibini rü'yet eder ve mer'ının vasaṭını görmez belki vasaṭında küvve ve hüvve¹⁸⁸ gibi nesne görür ya'ni o kimse vasaṭ-ı mer'ide ebşara māni' bir zulmet vardır diye taḥayyül eder.

188 “Küvve” delik ve “hüvve” çukur ma'nāsındadır.

Ammâ o ruṭûbet-i ğarîbenin keyfte ihtilâfı baʿdî kerre kıvâmda olup o ruṭûbet gâhîce rakîk, şâf ve gâhîce dahi cidden ğalîz olur. Rakîk ve şâf olan, davı ve şemsi setr eylemez. Ve baʿdî kerre ihtilâf keyfiyyet-i levnde olur, kimisinin levni havâyî ve kimisi ebyaḍ-ı caşşî, baʿdîsı dahi ebyaḍ-ı lü'lü'î [ya'nî inci levninde] olur ve baʿdîsı dahi ebyaḍ olup zürkâta ve firûzeciyyete ve zehebiyyete meyli olur ve baʿdîsı aşfer ve baʿdîsı esved veyâhüd ağber olur. Min ciheti'l-levn ʿilâcî kabûl eden mâ havâyî ve ebyaḍ-ı lü'lü'î olan mâdır ve kalîlen zürkâte veyâhüd firûzeciyyete mâil olan ve baʿdî nüshada ğubrete mâil olan mâ dahi ʿilâcî kabûl eder. Ammâ levni caşşî ve aḥḍar ve ekder ve şedîdü's-sevâd ve aşfer olanlar kadḥ ve ʿilâc kabûl eylemez.

Ve mâ-ı ğalîz aşnâfından bir şınıfı cidden şulb olur ḥattâ suluktan ve cins-i ruṭûbetten ḥurûc eder, onun için ʿilâc olmaz.¹⁸⁹ Ve kıvâm cihetinden ʿilâcî ziyâde kabûl eden rakîk olandır o vech ile ki ziyâde münevver olan gölgede taḥarrî ve teʿemmül edip parmağını üzerine ğamz eyleyip bassan sen o ruṭûbeti bulursun ki sürʿat ile teferruk eder ve sürʿat ile tecemmuʿ eder. Ve bu kıvâmda rakîk olan sunun kadḥle zevâlî recâ olunur. Lâkin zıkr olunan imtiḥâna müdâvemem olunsa ve her zamân o su üzere parmak basılsa sunun kıvâmını taʿarrüf için, lâ-maḥâle onun kadḥi müşevveş olur, zîrâ kadḥ¹⁹⁰ beyne'l-keḥḥâlîn maʿrûfe olan âlet ile suyu aḥzdir. Ve dâimâ imtiḥân için mâ-ı rakîk üzere parmak basıldıkta mâ-ı rakîk teferruk eder ve onu âlet ile aḥz müyesser olmaz. Onun için baʿḍılar mânın kıvâmını vech-i

189 Kadḥi kâbil olmayan aşnâf-ı mâin esâmîleri bunlardır: türâbî, ʿaynu'l-cerâd, neftî, aşheb, maṭfûr, firûzeci, muʿaḳkaddır. Ve kâbil olanların esâmîleri şâfî, muʿallaḳ, mündemic, seʿîl, cenâhu'n-naḥl ve lisândır.

190 ”واعلم ان صورة القدح انه يجب ان يكون القادح حسن البصر زكي الناظر حاد النور عارف بطبقات العين ورطوبتها وطبقة العين ويعرف جميع اجزائها ويعرف صورة خروج النور وامتناعه ويستفرغ بدن العليل بما يجب ان يستفرغ به ويضع المحاجم على الساقين وعلى الاخدعين حتى يجذب الفضول الى اسافل الاعضاء ويميلها عن العين والدماغ ويجب ايضا ان لا يرتعد يد القادح ولا يكون طبعه في الجين وخور النفس طبعا تحرب به الدوار ويجزع عند حصول المهت في العين فاذا كان بهذه الصورة جاء الى الماق المؤخر عند ما يحتد فان هناك اخر الطبقة الملتهمة فيدخل الالة برفق فان فتحه برأس المبضع ثم ادخل كان اوفق وآمن من الخطر ويمر بالالة برفق لا يمر به الي غور العين فيخرق العنكبوتية ولا يشيل يده الي فوق فتخرق العنبيه او القرنية فيبطل ولكنه يدفع الالة برفق وهو ينظر اليها حتى اذا ساوى بالالة الحدقة وثقبة الناظر وهو يرى الماء والالة كبه الي اسفل برفق حتى ينكشف له الحدقة ويبين ثقبة الناظر وهو يرى الماء والالة كبيته واستخبرت العليل فذكر انه يبصر جميع الاشيا يخرج الالة برفق وان سالت شئ من الرطوبات اذا لم يسرف في الخروح فلا بأس بل سيلانها اذا كانت قليلة دليل جيد محمود والطبيعة تعوض بدل ما يسيل مع حسن التدبير“ *Murâlecât-ı Bukrâtiyye* li-Ahmed eṭ-Ṭaberânî

âher ile imtiḥân eder, o imtiḥân budur: O ʿaynın üzerine bir kıṭʿa penbe vaḍʿ ederler ve penbeyi nefḥ-i şedîd ile nefḥ edip baʿdehu penbeyi ḥadeḳanın üzerinden izâle ederler ve sûʿat üzere o suya nazar ederler. Eger o suda ḥareket görürler ise o mâ ḳadḥi ḳâbil olur. Ve yine bunun ile dahi tecribe olunur ki ʿaynın birisi taḡmîd olursa ʿayn-ı uḥrâ müttesiʿa olur ise o dahi ḳadḥi ḳâbil olur. Ammâ sakta veyâḥûd maraḍ-ı dimâḡîden sonra vâḳiʿ olan nüzül-i mânın bürʿü ʿasîr olur.

el-ʿAlâmât: Nüzül-i mâi inzâr eden ʿalâmât bundan aḳdem zikri mürûr eden ḥayâlâtı ki o ḥayâlâtı icâb eder esbâb-ı âḥerler olmaya. Ve onun aḥvâlini ḥayâlât bâbında biz şerḥ ve beyân eyledik.

Ve nüzül-i mâi inzâr eden ḥayâlâtla ʿaynda küdüret-i maḥsûse olur ve ḥuşûşan o küdüret ʿayn-ı vâḥidde olur ise nüzül-i mâya delâlet ve inzârı ḳuvvetli olur ve o ʿayn dîyâlî nesnelere taḥayyül eder, vuḳûʿu olmayan müteʿaddid sirâc ve ḳandîl gibi münevver eşyâlar rûpʿet eder.

Ve bu mişlî ḥayâlât iki sebebin birinde olur: Evvelkisi nüzül-i mâ ile, ikincisi bâḥn-ı ʿaynda südde ḥudûsüyle olur. Beynehümâyı tefrîḳ eden fârîḳ budur ki nüzül-i mâda iki ʿayndan biri ḡamḍ olursa ʿayn-ı uḥrâ müttesiʿa olur ve süddesi olan ʿaynda eḥadühümânın ḡamḍı uḥrânın ittisâʿına müʿeddî olmaz. Pes ḥayâlâtı olan ʿayn bu ṭarîḳ ile imtiḥân olunur. Eger eḥadühümânın ḡamḍı uḥrânın ittisâʿına müʿeddî olur ise o ḥayâlât nüzül-i mâ sebebiyle ḥâdiş olduğuna ḥükm olunur. Ve eger eḥadühümânın ḡamḍı uḥrânın ittisâʿına müʿeddî olmaz ise ḥayâlât südde ḥasebiyle olduğuna ḥükm olunur, zîrâ eḥadühümânın ḡamḍı uḥrânın ittisâʿına müʿeddî olduğunun vechi budur ki eḥadühümâ ḡamḍ olundukta o ʿaynın rûḥu ʿayn-ı uḥrâya bi-ḳuvvetin mün-defiʿa olup ʿaynı tevsîʿ eder ve süddesi olan ʿaynda südde rûḥun indifâʿına mâniʿ olmakla ittisâʿ ḥâşıl olmaz. Ve bu vech ile fark ekşer-i emrde olur. Ve baʿdî kerre nüzül eden mâ şedîden ḡalîz olmakla eḥadühümâ ḡamḍ olmakla uḥrâ müttesiʿa olmaz her ne ḳadar südde olmaz ise. Ammâ intişâr-ı ʿayn maraḍının dahi iki ʿaynın birini ḡamḍ âḥerin ittisâʿına müʿeddî olmaz, süddesi olan ʿaynların birini ḡamḍ âḥerin ittisâʿına müʿeddî olmadığı gibi.

el-Muʿâlecât: Şâhib-i *Ḳânûn* der ki ʿaḳl ve kiyâset ricâlinden taḥşîle müdâvim ve muvâzıb olanlardan bir kimse gördüm ki onun ʿaynına mâ nüzül eyledi ve kendi nefesine o kimse muʿâlece edip şîḥḥat buldu ve muʿâlecesi

bu idi ki o kimse istifragât ve hımye eyledi, gıdâyı taklîl ve emrâktan ve muratıbbâtan ictinâb eyledi ve gıdâsını meşviyyâta ve kalıyyelere kaşr eyledi ve muhallile ve mülâtıffe olan ekhâl isti'mâl eyledi. Ve bu tedbîr ile ona başarı 'avd-i şâlih ile 'avd eyledi.

Ve fi'l-hakıka nüzül-i mânın evvel-i hudûşunda tedârükü görölüp mu'alece olursa ona 'ilâcın nef'i olur. Ve kaçan istiḥkâm bulsa ona qadhten¹⁹¹ gayrı mu'alecenin nef'i olmaz.

Ve nüzül-i mā aşhâbına vâcib olur ki imtilâdan ve şürbden ve cimâ'dan ictinâb üzere ola ve gıdâsını nişf-ı nehârda vecbeten¹⁹² tenâvül ede, balık ve meyve ve galîz luḥûm tenâvülünden ziyâde hâzer eyleye. Ve o 'alile mi'cesini tenkıye hasebiyle kay' nâfi' olur ve huşuş-ı 'illete [280b] nazâr olursa muḥırr olur.

Ve hayâlât bâbında nüzül-i mânın 'ilâc-ı devâsini biz sana ta'rif ve kânûnunu dahi beyân eyledik. Bu maqâmda dahi mücerrebâtan biraz edviye dahi beyân eyleyelim: Mücerreb devâların biri budur ki ḥabbu'l-gâru'l-muqaşşer on cüz', şamg bir cüz' aḥz olunup mürâhık olmayan şabînin bevlî ile saḥk olunur eger nüzül-i mā için isti'mâl olunur ise. Ve eger da'f-ı başar için isti'mâl olunur ise o devâlar mā-ı sâzecele saḥk olunur. Atyūs-ı Âmidî dahi 'asel ve merâre-i ef'î ile ḥalṭ ve ma'cûn kılınıp iktihâl olundukta cidden nef'i olur [dedi.]

Şeyḥ-i Re'îs der ki tâife-i muḥaşşılînden bir kavm ef'î merâresini tecrîbe eylediler ve o isti'mâl eyledikleri merâre-i ef'î sümüm-ı sâire ef'âlini işlemedi. Ve bu tecrîbe beyne'l-eṭıbbâ müştahir olduḡu üzere merâre-i ef'î sümümünden ma'dûd olup iḥtirâzı vâcib olduḡuna mâdde-i naḳd olur.

Mücerreb-i aḥer-i ceyyid: Kaykîdes¹⁹³ nâm cezîreye nisbet olunan ḥabbın 'uşâresi, kemâzeryūs, büssed birer mişḳâl aḥz olunup mā-ı râziyânecele ma'cûn kılınır.

191 “القده اخذ الماء بألة يعرفه اصحاب اعمال اليد من الكحالين” *Şerḥü Mucez li-Sedîdî*.

192 “Vecbeten” ey def'aten.

193 “ومن جزاير بحر عمان جزيرة بها شجرة تحمل ثمرًا كاللوز في صفته وقدره ويأكل بقشره وهو احلى من الشهد ويقوم مقام كل دواء ومن اكله من الرجال والنساء يزداد نضرة وشبابا ولا بينهم ابدا وان كان اكله وهو طاعن في السن وقد ذهبت قوته وابيض شعره عاد في الحال الى قوت الشباب Min târiḥi Min târiḥi واسود شعره وذكر ان بعض ملوك الهند زرعه في ارضه فاورق ولم يثمر” ونضارته *Ḥarîde-ti'l-'Acâyib*.

Ammâ kadhile tedbîrin tarîkı budur ki kadhten muqaddem vâcib olur ki beden ve re's tenkıye oluna ve eger ihtiyâc var ise faşd dahi isti'mâl oluna. Ve maqdûh olan kimse maşdüc olmaya, zîrâ şudâc mevcûd iken kadh tabakât-ı 'aynda verem ihdâş eder. Ve kadh olunan kimsede öksürük dahi olmaya ve şedîdü'd-ı dâcer ve serî'ü'l-ğadâb dahi olmaya, zîrâ şiddet-i dâcer ve sür'at-i gâdâb mevâddı 'avde tahrîk eder.

Ve vâcib olur ki şarâb ve cimâc ve hammâmı hecr ve terk eyleye. Ve bu şartlara ri'âyet olunduktan sonra kadhi isti'mâl ancak nüzül eden mânın taqarrüründen sonra olur ya'nî nüzüle müteheyyi³ ve müsta'idd olan su bi-tamâmihi nüzül edip ardı kesildikten sonra ve nüzül eden sunun kıvâmına kalilen gılzât geldikten sonra olur. Sunun o hâline istikmâl tesmiye olunur.

Ve vaqt-i gılzate kadhi te'hîrin vechi budur ki kaçan miqdağ 'ayna vađc olunduktan suyu o miqdağ esfel-i 'ayna tahrîk eder ve gılzât-i kalîlesi hasebiyle o mâ taqarrür edip ahz olunur. Ve kaçan kadhi isti'mâl olunmak murâd olursa o şâhib-i mâya kadhten muqaddem semek-i tarî ve sâir nüzül eden suyu ağırlaştırıcı ve tertîb edici gıdâlar verilir. Ve mađarrat-ı mâi muqavvî olan nesnelere dahi isti'mâl olunup ba'dehu kadh olunur. Ve bi'l-cümle nüzül eden mâ cidden rakîk veyâhüd galîz olur ise kadhe mu'tâvîc olmaz.

Ve kaçan kadhi murâd olursa kable'l-kadh 'alîle vâcib olur ki dâimâ mûk-ı insî tarafından burnuna nazâr eyleye ve zikr olunan nazardan hâdiş 'aynın şekli ve hey'eti muhâfaza oluna. Ve o 'alîl medhal-i dav³ olan küvve ve pencere ve sâir dav³-ı keşîr hizâsında ikâmet olunmaya. Ve ba'dehu kadhe mübâşeret olunup evvelâ ve ibtidâen miqdağa ile şakb olunur ve iki tabaka¹⁹⁴ arasında miqdağa 'inebiyye şukbesi hizâsına varınca kadar imrâr olunur. O hizâyâ vardıkta miqdağa fedâ ve cevbe mişli bir hâlî maħalle varır.

Ve ehl-i şinâ'attan ba'dıları kaçan miqdağayı o maħalle vâşıl olduktan ihrâc ederler ve onun şukbesine mihettin zenebini idhâl ederler ya'nî suyu ahz edecek âlet ki ona mihett derler ve zenebine iklîd derler. Miqdağa ihrâc olunduğu maħallden iklîd şukbe-i 'inebiyyeye varınca kadar idhâl olunur, zîrâ iklîdde hiddet yoktur. Evvel-i emrde iklîd idhâl olunmakla mihettin hiddetini tahammüle 'ayn müsta'idd ve müteheyyi³ olur ve tadrîcle mihettin

194 "İki tabaka"dan murâd beydiyye ile şifâkıyyedir.

ezâsına ic'tiyâd gelir. Ve sonra zeneb-i mihett ya'nî iklîd ihrâc olunup mi-hettin kendi idhâl olunur o maħalle varınca kadar ki mihette taħdîd olunup üzerine nişân vađ olunmuştur. Ve kaçan mihett hadd-i mezķura varınca kadar ʿayna idhâl olundukta o mā-ı nâzil cānib-i ʿulve müntefid olmaktan ħālî olmaz hattâ külliyyen mā zāil ve ʿayn münceliye olur, ammā ķarniyye ve ʿinebiyye ŧabaķalarının taħtında olan mā münkebisen¹⁹⁵ bākî kalır. Ve fevkte olan mā müntefid olmakla her ne kadar ʿayn münceliye oldu ise mihett ihrâc olunmaz ve maħallinde bir miķdâr imsāk ve ilzâm olunur, o zamānda mihett mekbûs olan suya dahi mülâzım olup onu dahi ihrâc eder. Ve baʿdehu mihett ʿayndan refʿ ve işâle olunup ʿayna nażar olunur. Eger su ʿayna yine ʿavdet eder ise zıķr olunan tebdîr tekrâr ve icāde olunur, suyun nüzûlünden emn gelince kadar icāde ve tekrâr terk olunmaz. Eger mihettin suyu haŧŧ eylediđi cānibe su icābet eylemeyip belki suyun meyli cānib-i āĥere olur ise o mihett suyu suyun meyli cānibine isāle eder ve o cānib-i āĥerde suyu tebdîd ve tefrîķ eder. Ve eyyām-ı muʿālecede su yine ʿavdet eder ise mihett tekrâr ʿayna idhâl olunur velâkin suķbe-i ūlâdan idhâl olunur, başka maħallde suķbe ihdâs olunmaz, zîrâ suķbe-i ūlâ bākıye kalır, mülteħime olmaz. Ve eger ihdâs olunan suķbeyeye dem seyelân eder ise kebs olunup dem ihrâc olunur, zîrâ ihrâc olunmasa suķbede dem müncemid olur ve ona bir nesne iclâc olmaz.

Ve kaçan minvâl-i muĥarrer üzere ķadĥ tamâm [oldukta ķadĥ] olunan ʿayn üzere yumurta sarısını dühn-i benefşec çalkayıp bir parça penbe ile vađ eyle.

Ve vâcib olur ki ʿalîl olan ʿayn şedd olundukta ʿayn-ı şaĥîĥ dahi şedd oluna, zîrâ ʿayn-ı şaĥîĥ şedd olunmasa lâ-maĥâle ĥareket eder ve ʿayn-ı şaĥîĥanın ĥareketine müsāʿade edip ʿalîle olan ʿayn dahi ĥareket eder.

Ve vâcib olur ki üç gün miķdârı maķdûĥ olan kimse maħall-i muzlimde ķafâ üzere ināme oluna. Ve baʿdı kerre zıķr olunan đımâd muʿāvedât-ı keşî-reye ve bir hafta miķdârı heyʿet-i istilkâyı muĥâfazaya ĥacet olur. Ve bunlara ihtiyâc ʿaynda verem veyâĥûd başta şudâʿ ve bu mişlli ʿavarıđ olur ise olur velâkin verem oldukta ķavî ribâŧlar ĥall olunup gevşetilir. Ve'l-ĥâşil evlâ ve elyaķ olan budur ki baʿde'l-ķadĥ ķadĥin vecaʿı tesķîn olunca kadar

195 “Münkebisen” mestüren maʿnâsınadır.

‘alîl vađı ve nuşbesi üzere terk olunur ve ribâtı ancak üç günde bir kerre hâll olunur ve devâsı hâll-i ribâť olduđu günde tecdîd olunur. Ve câizdir ki ribâť hâll oldukta mâ-1 verd ve mâ-1 hilâf ile veyâhûd mâ-1 qar‘ yâhûd ‘aşa’r-râfı suyuyla ve bu mişlli sular ile kimâd oluna.

Ve kadh bābında nās için ŧuruk-i āher vardır, hattā ba‘dı nās karniyyeyi cānib-i esfelden fetk edip nāzil olan suyu o maħallden iħrāc eder. Ve bunda ħařar-1 ‘azīm vardır, zīrā ba‘dı kerre nüzûl eden mā ğalīz olur ve lā-maħāle ğalīz olan mā iħrāc olundukta ‘aynın ruřubet-i beyđiyyesi dahi ħurûc eder; ħafazanallāhu ta‘ālā iyyānā ve iyyāküm min külli sū’in.

Dokuzuncu Faşl Buřlān-1 Bařar Beyānındadır

Bařarın buřlānı ba‘dı kerre đaf-1 bařar esbābından olur; đaf-1 bařar esbābının ifrātı buřlān-1 bařara mü‘eddī olur ve o esbāba đaf-1 bařar bābında nazār olunsun. Lākin müřāreket-i dimāĝ ve ĝayr-i müřāreket ile olan buřlān-1 bařarı o bābda yazıldıđına bināen terk edip bu maķāmda biz deriz ki buřlān-1 bařar ba‘dı kerre ħādīř olur lākin ‘aynın zāhirde olan eczāları cevāhiri cemī’an řaħīř ve sālīm olur ve ba‘dı kerre dahi buřlān-1 bařarı olan ‘aynın āfet-i muħarriķası¹⁹⁶ veyāhûd āfet-i müseyyilesi ve bunlar mişlli āfet iħsās olunur. Velākin bizim kelāmımız kışm-1 evveldedir, her ne kadar cevher-i ‘aynın eczā-i zāhireleri selīm ise, zīrā kışm-1 evvelde ‘avāmm-1 nāsa ve cumhūr-1 enāma nazāran onun āfeti iħsās olunmaz ve ħavāřş onda olan āfeti iħsās eder. Pes o mişlli ‘aynın řukbesi yā hāl-i řiħħatte olduđu üzere olur veyāhûd hāl-i řiħħatte [281a] olan řukbesi gibi olmaz. Ve eger hāl-i řiħħatteki gibi olur ise o řukbede sūdde-i māiyye olur veyāhûd sūdde-i ‘ařabe-i mücevvefede olur, řukbede olmaz. Ve ‘ařabede olan sūdde dahi enābīb-i ‘ařabeden bir ünbūba tecvīfinde bir bir řey’ vāķıf olmak ile olur veyāhûd ‘ařabede cefāf ve istirħā ħasebiyle inřıbāķ ‘ārıđ olmakla veyāhûd ‘ařabede ve ‘ađalāt-1 ‘ařabede verem olmakla ‘ařabe mündāĝıta olup munřabıķa ve mesdūde olur.

Ve bizim sālifü’z-zamānda beyān eylediđimiz üzere dimāĝa ‘ārıđ olan đuđtaya tebe‘an dahi ‘ařabe mündāĝıta olup munřabıķa ve mesdūde olur

196 “Muħarriķa” ‘aynı yırtıcı; “müseyyile” yařı akıtıcı demektir.

veyâhüd aşabe intihāk ve teferruk olup rûh-ı bâşıra tahallül etmekle başara buṭlân ʿarîd olur veyâhüd celîdiyye şukbe-i ʿinebiyye muḥâzâtından zâile olmakla veyâhüd celîdiyyenin mizacı fâside olup rüpyete şalâhiyyeti olmamakla olur. Ve bunun celîdiyyeye ʿurûdu ekser-i hâlde cidden ruṭûbetin veyâhüd cidden yübüsetin ʿurûdu ile olur. Ve kaçan celîdiyyeye yübüset ḡalibe ve ʿarîda olsa celîdiyye zâtına müncezibe olup müctemiʿa ve müstahşife olur ve merʿiyyâtın eşbâhını kabûl eylemeyip başara buṭlân ʿarîd olur. Ve bu vech ile olan ʿillete ve âfete ʿulkûm tesmiye olunur ve ona devâ olmaz. Ve bu vech ile olan âfetten ʿayn mütehaşşife veyâhüd şehlâ olur.

Ve bu maḳâma gelince kadar zıkr olunan vücûh-ı şukbe-i ʿinebiyye hâl-i şıḥhat şukbesi gibi iḥsâs olunan kısmın aşnâfı idi, ammâ şukbe-i ʿinebiyyede âfet iḥsâs olunup ʿavâmm-ı nâs onu rüpyet ederler ise onun aşnâfı budur ki ʿaynın şukbesine ittisâc veyâhüd teḍayyuk ve inṭibāk ʿarîd olur ve o âfetler ḡâyete bâlîḡa ve nihâyete vâşıla olmakla ʿavâmm dahi onu iḥsâs ederler.

el-ʿAlâmât: Mânın ʿalâmeti yaʿnî şukbede südde-i mâiyye olduğunun ʿalâmeti ve ittisâc ve ḏıḳ gibi nesnelere olduğunun ʿalâmetleri kendi bâblarında zıkr olundu.

Ammâ aşabe-i mücevvefe hasebiyle olan sebebin ʿalâmeti bâbu'l-mâda zıkr olunan ʿalâmetlerden bi-ṭarîki'l-icmâl istifâda ve ihâta olunmak sühuletli olur. Fe-ammâ tafşîli üzere umûr-ı ʿalâmâtı ihâta şucûbetli olur ve ʿilm-i beşer onu ihâtaya muḳarib olmak maznûn olmaz. Ve kaçan sebep-i mezkûr ile başara buṭlân ʿarîd olsa o ʿaynda ḍarebân ve ḥumret olur ve aşabede verem-i ḥârr vardır diye ḥads olunur. Ve eger o ʿaynda şıḳal ve ḥarâret var ise aşabede verem-i bârid vardır diye ḥads olunur. Ve eger şıḳal şedîd olup ʿaynda cidden ruṭûbet olur ise mādde raṭb olduğuna delâlet eder. Ve eger ʿayn yâbise olur ise mâddenin sevdâviyye olduğuna delâlet eder.

Ve kaçan başa ḍarbe veyâhüd saḳta işâbet eylese gerek ise o ḍarbe ve saḳtadan ʿayna ʿale'l-fevr cuḥûz ʿarîd olsun gerek olmasın her hâlde ʿayna baʿde-zamânin ḡuʿûr ve buṭlân ʿarîd olsa ḥads olunur ki aşabe münhetike ve müteferriḳa olmuştur.

Onuncu Faşl ʿAynın Şurâʿa Buğdu Beyânındadır Yaʿnî ʿAyn Aydınlıktan Müteʿezzî Olduğunun Beyânındadır

Bu âfet rûhın tesahhunununa ve iştiʿâline ve terakkuğuna delâlet eder ve ekser-i hâlde qarânîtus maradının hudüsünü inzâr eder lâkin cereb-i ecfân sebebiyle o âfet ʿarîd olsa qarânîtus maradını o zamân inzâr eylemez. Ve bu âfetin ʿilâcı cerebû'l-ecfân bâbında zîkr olunan ʿilâc olur.

On Birinci Faşl Kıumür Beyânındadır

Kıumür¹⁹⁷ selce keşret-i nazardan göziin tahayyürüne derler. Muşannif der ki baʿdı kerre dav-ı gâlibden ve beyâd-ı gâlibden kıumür hâdis olur. Selce idâme-i nazardan kimse eşyâyı görmez olur veyâhüd eşyâ-yı qarîbeyi görür, baʿdeyi görmez rûha o sebebden daʿf geldiği hasebiyle. Ve kaçan mülevven ve renk-âmîz nesnelere nazar eylese tahayyül eder ki o eşyâ-ı mülevvenin üzerinde levn-i ebyâd vardır.

el-Muʿâlecât: O âfet şâhibine yeşile ve âsmâncünî levni olanlara idâme-i nazar eyle diye emr olunur ve gözü karşısına esvedü'l-levn nesnelere taʿlîk olunur. Ve selce nazardan nâzıra selcin beyâdlığından mađarrat işâbet eylediği gibi selcin bürüdetinden dahi mutadarrır olur ise suda hınța tabh olunup maṭbûhu fâtiren ʿayna taḫtîr olunur. Ve baʿdı kerre ʿasel ile ve süm ʿuşâresiyle iktihâl olunur. Ve baʿdı kerre dahi hacet-i rehâ kızdırılıp üzerine nebîz¹⁹⁸ taḫtîr olunur ve buḫârına o ʿalîl olan ʿayn fetḫ olunur veyâhüd nebîz-i şulb¹⁹⁹ ile o ʿayna kimâd olunur veyâhüd zûfa ve iklîlü'l-melik gibi olan muḫallile ve mûlaṭṭife olan maʿrûf ḫaşâyîş ile maṭbûḫ suyun buḫârına ʿayn-ı ʿalîl kebb ve imâle olunur.

197 “Kıumür” göz kamaşıp hîrelenir ve bir şey rüʿyet edemez.

198 “النبيذ اسم عربي بمعنى منبوذ وهو عبارة عن نقيع مشد مسكر حاد” İbn Kütbî.

199 “Nebîz-i şulb”den murâd kıvâmı olup katı olan nebîzdir.

FENN-İ RÂBİʿ EMRÂÐ-I ÜZÜNDE OLAN KELÂM-I MÜCMEL VE MUʿALECÂT BEYÂNINDADIR VE ONUN FUŞÛLÜ MÜŞTEMİL BİR MAKÂLESİ VARDIR

Evvelki Faşl Üzünün Teşrihi Beyânındadır

Üzün bir ʿuḍvdur ki semʿ için halk olunmuştur ve vârid olan şavtı cemʿ edip tanîni icâb eylesin için ona bir şadef-i muʿvecc vaḍʿ olunmuştur ki onun için bir şukbe halk olunmuştur ki o şukbe ʿazm-ı hâcerîyi²⁰⁰ aḥz eder. Ve o şukbe mülevleb²⁰¹ olur yaʿnî mîl-i iktihâl gibi o şukbenin evveli ve bidâyesi vüsʿatli olup tadrîcle teḍayyuk edip ince olur. Ve o şukbe zât-ı teʿârîc olur. Eger teʿârîci olmasa şukbenin mesâfesi kalîle ve kaşîre olur idi. Ve teʿârîc hasebiyle mesâfe tavîle olur. Ve o vech ile mesâfe tavîle olmasa ḥarr ve berd semʿe fecʿeten ve defʿaten vâşıla olur ve tûl-i mesâfe ile bâtına vârid olacak ḥarr ve berd taʿdîl olunup bâtına muʿaddilen vârid olur. Ve zikr olunan şukbe bir cevbe ve feḍâya münthehî olur ki o feḍâda sâkin ve râkid havâ olur ve o feḍânın saḥ-ı insîsinde ʿaşab-ı sâmiʿin lifî mefrûş ve mebsût olur. Ve nefis-i dimâğda nâbit olan ezvâc ʿaşabdan zevc-i ḥâmisin ʿaşab-ı sâmiʿ mefrûş bir şuʿbesidir ki ziyâde şulb olur, havânın qarından ve keyfiyyetinden müteʿessir ve münfaʿil olup aḍʿaf ve evhen olmasın için. Ve kaçan mevc-i şavtî ʿazm-ı hâcerî şukbesinden nüfûz edip o ʿaşabe-i mefrûşa qar ve ḍarb eyledikte ʿaşab o şavtı idrâk eder, o ʿaşabın aḥvâl-i semʿe kıyâsı ruḥbet-i celîdiyyenin aḥvâl-i rüʿyete kıyâsı üzere olur. Ve ʿaşab-ı mefrûştan mâ-ʿadâ üzünün eczâ-i sâireleri celîdiyyeden mâ-ʿadâ ʿaynın ec-

200 Teşrih-i ʿizâmda yazıldığı üzere kılıfın dört cidârı ve bir kâʿidesi vardır; o dört cidâra kabâil-i erbaʿa derler, sağda ve solda olan cidârlara hâcereteyn derler, hâcer gibi şalâbetli olduğundan. Ve o hâcereteyn üzerlerinde kulaklar müdeʿadir, şukbe o ʿazm-ı hâcerîlerde olur.

201 “الْمَلْوَبُ [el-mulevveb] tîb sürülen nesne, mûlaṭṭah biʿt-tîb maʿnâsına. Ve ammâ مِرْوَدٌ [mirved]e yaʿnî sürme mîline مَلْوَبٌ [mulevleb] derler, مَلْوَبٌ [mulevveb] demezler.” Vankulu.

“الْمَلْوَبُ [el-mulevveb] der hem-sîçide. Kâle el-Ezherî: “لا ادري اعربي هو ام معرب غير” Kâmil-i ʿAlâi.

“el-Melâb” biʿl-fethi envâ-ı tîbden bir nevʿdir. Aḥterî.

“Sîçide” sükût-ı yâeyn-i taḥtâniyyen ve kesr-i cîm-i Fârsî ile bi-maʿnâ sâhte ve ârâste, kezâ fiʿl-cemʿ. Ferheng-i Şuʿurî.

“Der hem-sîçide” tamâmen yapılmış ve bezenmiş kapı demek olur Allâhu aʿlem.

zâ-i sâireleri gibi olur, onlar celîdiyyeyi itâfe ve celîdiyyeye hıdmet ederler veyâhüd vikâye olurlar ve fi'line mu'ın olurlar. Ve şimâh-ı üzün ya'nî kulak deliği 'aynın şukbe-i 'inebiyyesi mişâlinde olur.

Ve üzün güdrüfî halkı olundu, zîrâ [281b] o âlette taç'ır ve ta'rîc olmak iktidâ eder ve taç'ır ve ta'rîci güdrüf muhâfaza eder. Ve cevher-i üzün lahmî veyâhüd ğışâi olsa taç'ır ve ta'rîcin eşkâli ve hey'atı bir qarâr üzere kalmaz ve o eşkâlin menâfi'î dâim olmaz. Ve eger cevher-i üzün 'azm-ı hâliş olsa her bir qar'adan ve çarbeden kendi müte'ezzi olur ve âherleri dahi izâ eder.²⁰² Pes üzün güdrüfî kılındı ki eşkâl-i mezkûre muhâfaza olunup in'itâfi dahi leyyin ola.

Ve iki üzün re'sin iki cânibinde kılındı, cihet-i kuddâmında kılınmadı onun için ki cihet-i kuddâma 'ayn ehaqq olur, zîrâ kitâb-ı sâlişin evvelinde tafşil olunduğu üzere 'ayn a'qâ-i sâirenin talî'ası ve cäsüsü olur ve cäsüsun mevdi'î cihet-i kuddâm olur. Ve kuddâm-ı dimâğ cihet-i ebşara müte'ayyin oludukta sem' âher mevdi'îde olmak lâyıq olur.

Ve kulaklar kışâs-ı şar' ya'nî tüy bittiği mevdi'îin tahtında ve ittişâlinde kılındı onun için ki kışâsın fevkinde olsa baş tüyü ile ve kışâsın tahtında mekân-ı mütebâ'idde olsa şiyâb-ı melbûse ile mestûre olup sem'e muhill ve muđırır olur.

Ve 'udv-ı üzüne aşnâf-ı emrâd 'arıd olur ve ba'çdı kerre dahi veca'ı kâtil 'arıd olur. Ve marâd-ı üzünden ba'çdı kerre hummayât-ı şa'be 'arıda olur.

İkinci Faşl Kulakların Hıfz-ı Şihhati Beyânındadır

Vâcib olur ki kulağa itinâ olunup harr ve berd ve riyâh ve hayvânât ve miyâh mişlli eşyâ-ı ğarîbe duhûlünden ziyâde muhâfaza oluna ve evsâhtan dahi muhâfaza olunur. Ve gâh u bîgâh tahtîr-i şimâh oluna. Ve bundan sonra vâcib olur ki haftada bir kerre acı bâdem dühnü kulağa taç'ır olunmağa müdâvemet oluna. Bu bâbda acı bâdem yağının nef'-i 'acibi olur.

Ve vâcib olur ki kulakta verem ve büsür ve kurûh tevellüdüne mâni' olan nesnelere mürâ'ât oluna, zîrâ bu âfetler üzünü ifsâd eder. Ve eger kulakta beşre hudûsundan havf olunur ise o kulakta māmîsâ şiyâfi sirke ile kaçüren

202 Ya'nî havânın üzüne çarb ve qar'ından müte'ezzi olur.

isti'cāl olunur. Ve her haftada bir kerre kulağa māmīsā şiyāfî taqṭirinde nevāzilin kulağa nüzülünden emān olur. Ve ḥasse-i sem'e ve sâir havāssa toḥme ve imtilā ve 'ale'l-ḥuşuş imtilā üzere nevm muḍırr olur. Ve vācib olur ki bu mezkûrlardan ictināb oluna.

Üçüncü Faşl Āfāt-ı Sem' Beyânındadır

Ve sem'in āfâtı ef'āl-i sāirenin āfetleri gibidir, zīrā her fi'lin āfeti yā buṭlān olur ve sem'in buṭlānı ona nazīr olur veyāḥūd her fi'lin āfeti noḳşān-ı fi'l olur ve sem'in noḳşānı dahi ona nazīr olur, zīrā ba'ḍı sem'e noḳşān te-rettüb edip mesmū'atı istikşā eylemez ve şavt-ı qarībî işitir, ba'ḍı işitmez. Ve sâir fi'lerde olan tağayyürün fi'l-i sem'inden olan ṭanīn ve devī ve şafir nazīri olur, bu mesmū'atın aşl müteḥakkakı yoktur, min-vechin ona tağay-yür iṭlāk olunur.

Ve ma'lûm ola ki āfet-i sem' ba'ḍı kerre aşliyye olur, vilādī olan şamem ve ṭareş ve vaḳr gibi. Ve ba'ḍı kerre dahi 'arıḍı olur, vilādetinde sem'i selīm olup ba'ḍehu o āfetler ḥādişe olur

Şamemin ma'nāsı ṭareşe muğāyir olur, zīrā şamem āfetinde şimāḥın bāṭını aşamm olur ya'nī aşl-ı ḥilḳatte bāṭında zıkr olunan tecvīf olmaz ve 'aybe²⁰³ ya'nī heybe gibi havā-i rākidi müşt Emil olan cevbesi olmaz. Ve sem' o cevbede rākid olan havānın temevvücü ve mevcinin ṭabl gibi mefrüş olan 'aşaba qar'ı ile ḥādiş olur. Kaçan cevbe olmasa havā ve temevvüc ve qar' ve ḍarb olmamakla sem' bāṭıl olur. Ammā ṭareş ve vaḳrda āfet kül-liyyen buṭlān mertebesine bālīg olmaz. Ve ba'ḍ olmaz ki qar' muṭlaḳan buṭlān-ı sem' ma'nāsına olup zıkr olunan cevbenin ve havā-i rākidin fiḳdānı ve in'icāmı ile olan şamemden ve kezālik cevbe ve havā-i rākid mevcūd iken 'aşabda kuvvet olmamaktan ḥādiş olan buṭlāna 'āmm ola. Ammā ṭareş noḳşān-ı sem' ma'nāsına ola. Ve yine ba'ḍ olmaz ki "vaḳr" noḳşān-ı sem' ve "ṭareş" buṭlān-ı sem' ma'nāsına ola. Ve ṭareş ekser-i evḳāta ḳay'dan sonra olur, o ṭareşin zevālî ser' olur.

Ve fiḳdān-ı sem' ba'ḍı kerre ṭabī'ī ve vilādī olur, onun 'ilācı olmaz. Ammā vaḳr ve ṭareşin aşnāf-ı sāiresi dahi ba'ḍı aḫyānda vilādī ve ṭabī'ī olup

203 الْعَيْبَةُ [el-'aybet] ('ayn'ın fethi ve yā'nın sükūnuyla) Şol nesnedir ki ona esbāb korlar. Ve fi'l-hadīsi: "الْأَنْصَارُ كَرِشَى وَعَيْبَتِي" Vankulu.

ona dahi ʿilâc olmaz. Ve baʿdî kerre ʿârîdî ve hâdiş olur velâkin tûl-i müddet bâkî kalıp müzmin olur ise o dahi yeʿse qarîbdır, ona dahi ʿilâcın teʿşîri şûʿubetli olur. Ammâ qarîbü'l-ʿahdde hâdiş olan tares muʿâleceyi kabûl eder.

Ve âfet-i semʿin sebepleri budur ki baʿdî kerre o âfet ʿuḍv-ı âhîre müşâreket ile olur, meşelâ dimâğa müşâreket ile veyâhûd qarîb-i dimâğ olan ʿuḍvun birine müşâreket ile olur. Ve dişlerin evvel-i nebâtında hâdiş olan âfet-i semʿ bu kabîlden olur. Ve kezâlik vecaʿ-ı esnâna müşâreket ile dahi âfet-i semʿ hâdiş olur.

Ve baʿdî kerre âfet-i semʿin sebebi üzûnün kendide bir âfet olur yâ ʿaşabe-i semʿde veyâhûd şukbede âfet olur.

Ammâ ʿaşab-ı semʿde olan âfet baʿdî kerre müteşâbihetü'l-eczâ olan emrâdın esbâbıyla olur. Ve baʿdî kerre aʿdâ-i âliye emrâdî ve inhilâl-i ferd esbâbıyla ferdin ʿârîd olur.

Ammâ kerre müteşâbihetü'l-eczâ olan emrâdla olan âfet-i semʿ sūʿ-i mizâc-ı müfred ve sūʿ-i mizâc-ı mürekkeb aşnâfı ile hâdiş olan âfet-i semʿ olur ve ekşer-i hâlde ona sūʿ-i mizâc-ı bârid sebep olur. Müfred ve mürekkeb sūʿ-i emziceden her biri baʿdî kerre maʿa-mâddetin ve baʿdî kerre dahi bilâ-mâdde olur. Ve maʿa'l-mâdde olanın dahi mâddesi sevdâviyye veyâhûd şafrâviyye veyâhûd mâddesi balğam-ı ficc veyâhûd rihîyye olur. Ve çok kerre ishâl-i mirârî muhtebes olmakla ʿakîbinde şamem ʿârîd olur. Ve mirârî olmayan ishâlin ihtibâsında dahi şamem teʿâkub eylemek baʿid olmaz.

Ammâ ʿaşab-ı hâsseye maraḍ-ı âlî hudûşundan ʿârîd olan âfet-i semʿ o ʿaşabede südde ʿârîd olmakla olur. Ve o süddeyi hılıṭ veyâhûd midde veyâhûd verem icâb eder ve onun veremi yâ dübeyle veyâhûd verem-i hârr veyâhûd verem-i şulb olur veyâhûd o süddeyi bir gışâve icâb eder ki vesahtan hâdiş olur veyâhûd ʿaşabda rehel veyâhûd nefha veyâhûd inhilâl-i ferd olur. Ve baʿdî kerre dahi ʿaşabda kırha ve teʿekkül olduğundan olur.

Ammâ mecrâ sebebiyle olan âfet-i semʿin sebebi bedenî südde veyâhûd hâricî olan südde olur. Bedenî olan südde siğil ve verem ve lahm-ı zâid ve dūd ve keşret-i vesaḥ ve keşret-i hılıṭ ve şımlâh²⁰⁴ yaʿnî çirk ve verem-i mün-

204 ^{الصَّمْلَاخُ} [eş-şımlâḥ] ve ^{الصَّمْلُوخُ} [eş-şumlūḥ] (şād'ın evvelde kesri ve şānide ḍamımyla) Kulakta olan çirk, وَسَخُّ الأذُنِ maʿnâsına. Vankulu.

fecirden munfaşıl olan midde ve dūd gibi nesnelerdir. Ve hāricī olan südde reml ve haşāt ve çekirdek ki hāricden bātın-ı üzüne duhūl eder. Ve kezālik kulaktan hurūc eden demin baʿdī eczāsı seyelān eyledikte baʿdī āheri kulak içinde tecemmüd edip südde olur.

Ve semʿ āfeti baʿdī kerre defʿaten ve baʿdī kerre dahi tedricle hādîş olur ve gāhice ʿalā-sebīlī'l-buhrān olur ve gāhice dahi emrād-ı hādde āhirlerinde bi-hasebi'l-intikāl semʿ meʿūf olur. Ve baʿdī kerre dahi hummā zevālinden sonra başta şıkal ve ağırlık bākī kaldığından olur.

Ve buhrān hasebiyle olan āfet-i semʿ dahi harekāt-ı buhrāniyyeye tābiʿ olup harekātın ʿarađı olur ve harekātın zevāliyle āfet-i semʿ dahi zāil olur veyāhūd nefsi buhrāna tābiʿ olur ve buhrāndan sonra bākī kalıp ʿarađ sâbit olur. Ve beynehümāda farq budur ki şımf-ı evvelde tabīʿat-ı külliyye vaqt-i buhrānda mevāddı tahrik eder ve üzüne mücāvereti olan mevādd-ı müteharrike mücāvereti hasebiyle üzüne seyelān eder ve onda karar eylemez belki buhrāndan sonra zāil olur. Ammā ʿarf-ı şānīde tabīʿat kaşd edip mevāddı üzüne defʿ eder ve üzünde o mevāddı işbāt ve ihkām eder ve bināen ʿaleyh buhrān zāil olduktan sonra āfet-i semʿ bākī kalır ve zevāli marađ-ı aşlı gibi müstaķill tedbīr ile olur. Ve çok kerre kayʿ ve ruʿaf bu mişlī āfet-i semʿ [282a] ʿarađını inzār eder ve baʿdī kerre bu āfeti ishāl izāle ve ibtāl eder.

el-ʿAlāmāt: Müşareket-i dimāğla hādîş olan āfet semʿe havāss-ı sāirenin küdüreti delālet eder ve kuvā-yı muharrikenin dahi ʿarfı delālet eder. Ve āfet-i semʿin dimāğ müşareketiyle olduğuna ziyāde kavī delīl olur āfet-i semʿ ile lisānda dahi āfet olduğu huşūşan sersām ve ihtilāt-ı ʿaql ve sāir āfāt-ı dimāgiyye vü mizāciyyelerin birinin ardınca olan āfāt-ı semʿ müşareket-i dimāğla olduğuna edell-i delīl ve şāhid-i kavī olur.

Ammā āfet-i semʿin sebebi ʿaşab-ı hāsse-i hāşş olur ise ona dimāğın ve sukbe-i üzünün ve menāfiz-i ʿaşabın selāmeti ile istidlāl olunur. *Ve baʿdī nüshada “menāfiz-i ʿaşab” bedeline “menāfiz-i semʿ” vākʿ olmuştur.* Ve kezālik āfet-i semʿ hudūsundan muķaddem ālet-i semʿin şıhhatini muhāfazaya müdāvemet olduğu dahi āfetin ʿaşabda olduğuna yaʿnī ʿaşab ile kāime olan kuvve-i hāssenin ʿademine istidlāl olunur.

Ve eger āfet-i semʿin sebebsi nefsi ʿaşabda olan dübeyle ve verem-i hārr olur ise o hummā delālet eder ki onda kuşarīret ve nāfid olur ve ona

bu mişlli hummā lâzım olur ve onda ihtilâf-ı ‘aql ve hezeyân olur. Ve onda haţar-ı ‘azım vardır lâkin teġayyuh ve tefettuh eder ise haţarı az olur. Ve eger zıkr olunan verem ve dübeyle nefis-i ‘aşabda olmaz ise o mişlli âfet-i sem‘de hummā olmak vâcib ve lâzım olmaz velâkin hummā-ı yevm mişlli hummâsı olmak câiz olur. Ve onda temeddüd ve veca‘ ve ğarebân ve şıķal olur ve şıķal ve veca‘ ‘alâmet-i müştereke olur. Ve remedden ve mâddeden hâdiş olan âfet-i sem‘in bi’l-cümle aķsâmında şıķal bulunur; o mâdde ve verem hangi mevđi‘de olur ise olsun elbette üzünde şıķali ve veca‘ı olur.

Ve eger âfet-i sem‘in sebebi riyâh olur ise ona ŧanîn ve devî delâlet eder ve onda şıķal olmaz.

Ve eger sebep ħurġa ve beşre olur ise ona ħikke ve veca‘ delâlet eder.

Ve sebep südde olur ise ekşer-i hâlde onda şıķal olmaz ve ba‘dı kerre süddede dahi şıķal olur. Ve kaçan âfet-i sem‘ bulunup şıķal olmasa ve sū‘-i mizâc zâhir dahi olmasa o âfet süddeden olduġu ma‘lûm olur. Ve o süddeye tedbîr-i müteġaddim delâlet eder. Ve o südde reml mişlli nesne olur ise ona ğarebân delâlet eder. Ve eger südde dem-i câmid olursa demin kulaktan seyelân-ı sâbıķı ona delâlet eder.

Ve eger âfet-i sem‘ sū‘-i mizâc-ı müfreden olur ise bilâ-şıķal ve bilâ-temeddüd ‘umġta olan veca‘ delâlet eder.

Ve eger sebep sū‘-i mizâc-ı bârid olur ise bâridât isti‘mâlınden müte‘ezî olur. Kezâlik nehârın ebred-i evġâtında dahi veca‘ı iştidâd bulur

Ve eger sebep olan sū‘-i mizâc müfred-i ħârr olur ise mizâc-ı bâridin ‘aksi üzere olup eşyâ-ı ħârre isti‘mâlınden ve nehârın eġarr-ı evġâtında müte‘ezzî olur ve onda iltihâb ve lez‘ ihsâs olunur.

Ve eger sū‘-i mizâc mâddeye muġârin ise her nev‘ sū‘-i mizâcın zıkr olunan ‘alâmetleriyle ma‘an şıķal olur ve ħuşuşan secde eyledikte şıķal ziyâde ihsâs olunur.

Ve eger âfet-i sem‘ yübüsetten olur ise onun zuhûr ve ħuduşu seherden ve şavmdan sonra olur ve yüzde ve gözde ğumûr olup göz çekilip küçük olur.

Ve sebep-i âfet düd olur ise üzün-i me‘üfede daġdaġa olur ve aġyânen o üzünden düd ħurûc eder.

el-Mu'âlecât: Evvelâ biz deriz ki kulağa her ne ki taqtîr olunur, vâcib olur ki o nesne hârr ve bârid olmaya belki fâtiren taqtîr oluna. Ve bu kelâm kavlı-i küllîdir, kaçtûrun cümlesinde cereyân eder.

Ammâ âfet-i sem^c mu'âlecâtının mufaşşalan beyânı budur ki mevâdd-ı mirârîden hâdiş âfette mirâr ishâl olunur, zîrâ çün vâkı^c olur ki mirâr hasebiyle sem^cinde âfet olanlara def^c-i tabî^c zühûr edip mirârî hurûc etmekle şamemi zâil olur. Ve kezâlik mirâr hasebiyle ihtilâfî olanların ishâli habs olmakla ona şamem 'arıd olur. Ve bunlar delâlet eder ki mirârî edviye ile ishâl dahi âfet-i sem^c-i mezkûra nâfi^cdir.

Ve âfet-i sem^c ile hâreter olur ise ona müberridât ile mu'âlece olunur, o müberridât gerek edhândan ve gerek edviye-i sâireden olsun. Ve yine o âfet-i sem^c'in mu'âlecesinde rummâne-i vâhidenin batnı kışrından ihrâc olunup 'aşr olunduktan sonra 'aşîri yine kışrına i'ade olunur ve o 'aşîre bir miqdâr sirke ve kündür ve dühn-i verd hâl olunup o mahlût kabuk içinde tabh olunur kıvâm hâşıl olunca kadar, ba'dehu üzüne taqtîr olunur veyâhüd o üzüni me'ufeye marul suyu veyâhüd mâ-ı 'inebü's-şaleb taqtîr olunur.

Ammâ berdden ve mādde-i bārideden hādiş olan āfete cemī'an edhān-ı hārre isti'mālī nāfi^c olur ve cünd-i bīdester tefṭīk ve taḥlīṭ olunan edhān dahi nāfi^c olur, 'ale'l-ḥuşuş edhān-ı hārreden dühn-i belesān ve dühn-i kuş ve acı bādem yağı ve efsentīn 'uşāresi ve babadya yağı şaḥm-ı baḳar ile ziyāde nāfi^c olur. Ve kezālik merāru's-sevr veyāhüd dühn-i ḥall ya'nī şīrūḡan şaḥm-ı ḥanzāl ile veyāhüd uşūl-i ḥanzāl ile tabh olunup isti'māl olunsa nefī olur. Ve mürr-i şāfi bevlü's-sevr ile ḥall olunup kaçtûr kılınsa nāfi^cdir. Ve kuşsā-i ḥimār 'uşāresi dahi nāfi^cdir. Ve bu mezkūrlar o vakt isti'māl olunur ki mevādd-ı bāride bedende ve nevāḥī-i re'ste keşīre ola, o vakte evvelā istifrāḡ-ı 'āmm ile beden ve istifrāḡ-ı ḥāşş ile nevāḥī-i re's tenḳīye oluna ve ba'dehu edviye isti'māl oluna. Ve kezālik senin ma'lūmun olan neṭūlāt ve ḥuşuşan o neṭūlātın varak-ı dehmest ve ḥabb-ı dehmest isti'mālī ziyāde nāfi^cdir. Ve riyādetin dahi menfa'ati şedīdedir. Ve o me'uf olan üzüne şedīden şayḡa eylemek ve boru ile kulak içine şedīden taşvīt eylemek. Ve maṭbūḡāt-ı muḡallilenin buḡārını ḳam^c dedikleri boruyla kulaḡına idḡāl eylemek nāfi^cdir. Ve bunların cümlesinden nāfi^cdir sezāb 'uşāresi 'asel ile veyāhüd cünd-i bīdester ve durak otu yağı ve keçi bevlī ve merāresi ḥuşuşan ḳaşnı ile nāfi^cdir.

Ve bu bâbda mücerreb devâlardandır cünd-i bîdester üç dirhem, naṭrûn ve ḥarbaḳ birer buçuk dirhem. Bunlardan akrâş ittiḥâz olunup vaḳt-i ḥâcette kaṭûren isti'mâl olunur. Nüşâ-i uḥrâda ḥarbaḳ bir dirhemini üç rubu'u, naṭrûn şülûs dirhemdir.

Nüşâ-i uḥrâ: kündüs, z'ferân, cünd-i bîdester birer cüz', ḥarbaḳ ve būraḳ her birinden dört cüz'. Bu eczâlar şarâbla ḥall olunup isti'mâl olunur veyâḥûd şabır, cünd-i bîdester ve şaḥm-ı ḥanzal ve ferfiyûn aḥz olunup merâre-i baḳar ile ḥall olunup isti'mâl olunur.

Ve yine mücerreb devâlardandır turp yağı ve mevîzec yağı. Bu iki yağın âfet-i sem'e menfa'ati şedîde olur. 'Uşâre-i efsentîn veyâḥûd taḃîḥ-i efsentîn veyâḥûd turp 'uşâresi milḥle nâfi'dir, 'ale'l-ḥuşûş üzünde belle veyâ südde ola, ona menfa'ati ziyâde olur.

Ve bu âfette mücerreb devâ olur ḥardal ile incirden fetîle ittiḥâz olunup kulaḡa idḥâl olunmak. Ve ba'dı kerre o fetîleye naṭrûn dahi vaḍ' olunur. Ve deniz suyunu ḥârren kulaḡa taḳtîr eylemek nâfi' olur. Ve ḥarbaḳ-ı esved ve merârât dahi nâfi'dir, 'ale'l-ḥuşûş 'anz merâresi ziyâde nâfi'dir dühn-i verd ile isti'mâl olunur ise. Ba'dılar zu'm ederler ki şîrûḡan ile übhül bir miḡrefe içinde siyâh olunca ḳadar taḃḥ olunup kaynatılsa kaṭûr ceyyid olup şameme nâfi' olur.

Ve yine edviye-i nâfi'adan olur durak otu yağı ve defne ve sūsen yağları veyâḥûd cünd-i bîdester ile nârdîn veyâḥûd pelin rıḡvesi veyâḥûd sezâb 'aşîri. Bi'l-cümle bu edviyeler şameme nâfi'dir.

Ve âfet-i sem'in sebebi yübs olur ise onun mu'âlecesi ḥammâma mülâzemet ve muraṭṭıḃ aḡdiye ve eşribe [282b] tenâvülü ve dühn-i mu'tedil ve mâ-ı fâtir başa şabb olunmak ve nîlüfer dühnü ve ḥilâf ve kabak çekirdeḡi dühnleri isti'mâl olunur.

Ve südde sebebiyle âfet-i sem'e südde bâbında zıkr olunan mu'âlecât ile 'ilâc olunur. Ve kezâlık ona şehdâ nec ḥabbı 'uşâresi ve ḥanzal-i raṭb 'uşâresinin menfa'at-i ceyyidesi olur.

Ve evrâm ḥasebiyle ḥâdiş olan âfet-i sem'e evrâm bâbında zıkr olunan verem-i ḥâr ve verem-i bârid mu'âleceleriyle 'ilâc olunur.

Ve taraş baḡteten vâқи' olur ise ona içinde pelin taḃḥ olmuş su ile mu'âlecenin nef'i olur veyâḥûd pelin 'uşâresinde ökü z merâresi ve şebbüt de-

dikleri balık merâresi ve kaplumbağa merâresi halı olup isti'mâl olunur veyâhüd merâretü's-sevr dühn ile ya'nî zeyt ile veyâhüd harbak hall ile ve selh-i hayye hall ile isti'mâl olunur.

Ve baş ağrısı 'aķibinde hâdiş olana mâ-ı fücl ve dühn-i verd nâfi'dir. Ve cünd-i bîdester ve habb-ı gâr dühn-i verd ile nâfi'dir.

Ve sersâm 'aķibinde hâdiş olana ilâc olundukta evvelâ istifrâgla bidâye olunur ve eyâric-i feyķarâ ile istifrâg olunur. Ba'dehu üzün-i me'üfeye cünd-i bîdester dühn-i kuş içinde taķtır olunur veyâhüd bilâ-cünd yalnız dühn-i kuş veyâhüd tatlı bâdem yağı taķtır olunur. Ve turp suyu ve gül yağı ve cünd-i bîdester gâr ile ve dühn-i verd ile nâfi'dir.

Ve südde ve hılt ve rîhin birinden 'arıđ olan âfet-i sem'e menfa'ati mücerrebe hubübdandır bu habb ki onun şıfatı budur: Türbüd yirmi dirhem, hanzal on dirhem, anzerüt iki dirhem ve nışf dirhem, keşirâ yedi dirhem, helilec on dirhem. Bu vezn üzere edviye-i mezkûre ahz olunup ondan habbu's-şebeyâr ittiḥâz olunur. Ve şerbet-i vâhidesi bir dirhem miķdârı olur.

Muşannif der ki baştan kelâmı i'ade edenler gibi ben derim ki cem'an kulakta olan âfet ya'nî şikal-i sem'e ve evcâ-ı üzün ve riyâh ve devî ve tanîn bu âfetlerin mâddesi bârîde ve berdden hâdiş olanlarına edviye-i müşterekeden olur. Evvelâ re'si tenķiye edip ba'dehu üzün-i me'üfeye hall ve 'asel ile bûraķ ve zeyt ve şarâbla mirârât taķtır eylemek veyâhüd o edviyeyi acı bâdem yağıyla taķtır eylemek veyâhüd pırasa ve soğan suyunu 'asel ile taķtır eylemek veyâhüd hatun sütünü taķtır eylemek ve bâbu'l-evcâ'da benim zıkr eylediğim edviye-i müşterekeyi isti'mâl eylemek, akşam ve şabâh katrândan ikişer katre taķtır eylemek ve harbak-ı ebyad ve harbak-ı esved ba'dı edhânla huşuşan dühn-i süsen ile ve pelin suyuyla ve turp kabuğunun suyuyla taķtır olunur. Ve kezâlik o dühn taķtır olunur ki onda selhü'l-hayye veyâhüd habbu'l-gâr veyâhüd ferfiyün tabḥ olunmuş ola veyâhüd cünd-i bîdester dühn ile ya'nî zeyt ile taķtır olunur veyâhüd dühn-i belesân veyâhüd nefḥ taķtır olunur veyâhüd ilk-i enbâttan bir üķiyye ve hîrî dühnünden iki üķiyye, acı bâdem yağı nışf üķiyye. Bu mecmû'e ahz olunup maḥlûtan kaynattıktan sonra akşam ve şabâh üçer katre isti'mâl olunur. Ve kezâlik 'asel-i lübna ya'nî mey'a-i sâile dühn-i hîrî ile ve hanzal yaprağının

suyu ve ʿuşâre-i lûf ve hezâr-ceşân bu bâbda ceyyid ve kavî devâlar olur. Ve evcâe bâbında zıkr eylediğimiz edviye-i müşterekenin dahi nefi olur.

Ve bu mişlli âfet şıbyâna ʿarıd olur ise onlar içinde sezâb ve merzencüş tabh olunmuş dühn-i dâzî ile intifâe ederler veyâhüd milh-i enderânî ile sae ter mađg eden kimsenin yalnız büşâkıyla intifâe ederler.

Ve nâfi olan kimâdattandır bâbünec ve şıbs ve varağ-ı ğâr ve merzencüş ve habağ-ı yâbis ve ʿâkırkarhâ tabh olunup suyuyla kimâd eylemek. Bu maṭbüh ile boyuna ve kulak altına kimâd dahi olunur. Ve kezâlik bâbu'r-reste zıkr olunan neṭlât ile zıkr olunan maḥaller tenṭil olunur. Ve o maṭbühların şâfisi bir bülbüle yaenî kilindir dedikleri şarâb kabı içine vađ olunup üzüne takrîb ve muḥâzî kılınır buḥârî üzüne dâhil olsun için.

Ve tarşe için istifrag kaçd olursa gerektir ki o istifragın ʿadedi keşir ve miqdârı yaenî hârice ḥurûc eden ruṭubetin kemmiyyeti kalîle ola, zîrâ bu vech üzere olan istifragda kuvvet muḥâfaza olunur. Ve nuđca dahi muvâfât ve muvâşale olur.

Ammâ evrâm sebebiyle ḥâdiş olan âfet-i semʿe evrâm-ı ḥârre ve evrâm-ı bâridenin senin bildiğin ʿilâclaryla muʿâlece olunur.

Dördüncü Faşl Veca-ı Üzün Beyânındadır

Kulak ağrısının sebebi sū-i mizâc veyâhüd verem ve beşre veyâhüd teferruğ-ı ittişâl olur. Ve sū-i mizâc dahi bilâ-mâdde sū-i mizâc-ı ḥârr olur, havâ-i ḥârrdan ve rîḥ-i ḥârrdan ḥâdiş olan veca-ı üzün gibi, ʿale'l-ḥuşuş berdden ḥurûc ve ḥulûş edip defaten havâ-i ḥârre ve rîḥ-i ḥârre vuḳûe ve teşâdüf edenlere kulak ağrısı keşrü'l-vuḳûe olur. Ve mâ-ı ḥârr ile iğtisâl edip kulağına ıssı su duḥûl edenlerin ve tabîratına kuvvet-i ḥârre gâlebe eden miyâh-ı säire ile iğtisâl edenlere ʿarıd olan kulak ağrısı bilâ-mâdde sū-i mizâc-ı ḥârr ḥasebiyle olur.²⁰⁵

Ve bađı kerre dahi veca-ı üzüne sebep maʿa-mâddetin demeviyetin veyâhüd maʿa-mâddetin şafrâviyyetin sū-i mizâc-ı ḥârr olur veyâhüd veca-ı üzüne sebep olan sū-i mizâc bilâ-mâddetin bâridetin havâ-i bârid ve rîḥ-i bârid ḥasebiyle ʿarıd olan sū-i mizâc olur, ʿale'l-ḥuşuş ḥârrdan ḥurûc

205 Bu iki ıssı su beyninde fark budur ki şüret-i ülâda sunun ḥarâreti âteş ve güneş mişlli ḥârr-ı ḥâriciye mülâkât ile olur ve şüret-i şâniyede tabîrî ve ḥalkî olur.

edip def'aten havā ve riyāh-ı bāridelere teşādîf edenlerde o sū-i mizāc-ı bārid hādîş olduğu keşîrū'l-vuķū olur. Ve kezālik mā-ı bārid ve ṭabī'atına bürüdet gālibe olan mā ile iğtisāl dahi sū-i mizāc-ı bārid-i müfrede sebep olur. Veyāhūd veca'ı üzünün sebebi ma'a'l-mādde sū-i mizāc-ı bārid olur. O mādde dahi rīhiyye ve bāride veyāhūd hıltıyye-i lehice olur.

Ve büşür ve evrām sebebiyle dahi [veca'ı] üzün hādîş olur.

Ve teferruķ-ı ittişāl ile dahi olur. Rīh-i mümeddid 'arıđ oldukta ittişāl teferruķ edip veca' 'arıđ olur. Ve kūrūh ve hūrācātla dahi ittişāl teferruķ edip veca'a mü'eddī olur.

Ve evcā'ı üzün cümlesindedir o veca' ki müferriķ-i ittişāl olan rīh üzünde tevellüd eder veyāhūd su veyāhūd hayvān kulak deliğine duhūl eder veyāhūd kulakta dūd tevellüd eder ve bu mezkūrlardan veca' hādîş olur. Ve darbe ve saķta 'aķiblerinde dahi veca' 'arıđ olur.

Ve kulak ađrılarının ziyāde şedīdi ve şu'übetlisi bāṭın-ı üzünün 'umķunda olan verem-i gāişten 'arıđ olan veca'ı üzündür. Ve o mişlli veca'da hummā lāzım olur, 'ale'l-huşuş verem ihtilāṭ-ı 'aķlla ola.

Ammā üzünün eczā-i hāriciyyesinden olan ğudrūfun evrāmı ile veca'ı üzün 'arıđ olur ise o veca'da şiddet ve kezālik ḥaṭarında dahi şiddet olmaz. Ammā evvelen zıkr olunan veca' ya'nī bāṭın-ı üzüne gāiş olan veca'ı sekte gibi ba'đı kerre bađteten ḳatl eder ve bu nev' veca' şābbı şeyhten ziyāde ḳatl eder ve ḳatli esra' olur ve ba'đı kerre yevm-i sābi'de ḳatl eder. Ammā ekşer-i meşāyihṭa bu verem bāṭın-ı üzünde tefettuḥ eder velākin ḳable't-tefettuḥ şübbānı veca'ın ḳatli keşîr olur. Kaḳan verem-i gāiş müteķayyih olup 'alāmāt-ı maḥmūde zāhire olsa ḥalās recā olunur.

Ve veca'ı üzün ba'đı kerre ḥikke ile ve ba'đı kerre dahi bilā-ḥikke olur. Biz ḥikke-i üzün için mevđi'inde bir bāb zıkr eyledik.

el-'Alāmāt: Vecau'l-üzün 'alāmātı ṭareş bābında zıkr olunan 'alāmāt gibidir.

el-Mu'ālecāt: Üzüne edviye taķṭiri bābında zıkr olunan ḳānūn muḥāfaza olunmak vācib olur, o ḳānūn budur ki şedīdü'l-ḥarr ve şedīdü'l-berd ḳaṭūr olmaya belki fātiren taķṭir oluna.

Ve eger veca'ı üzüne sebep bedende ve re'ste olan imtilā olur ise vācib olur ki nāhiyye-i beden mevādd-ı imtilā cinsinden istifrāğ ve tenķiyye oluna.

Ve eger mevâdd-ı imtilâ hârre olur ise ya'nî dem olur ise faşd ile ve sâir mādde-i [283a] hârre mevâdd-ı hârreden re'si münakķı olan senin bildiğın münakķiyât ile istifrag olunur. Ve eger hılıt lüzücteli ve hılıt lehic olursa ma'rûfe olan şebyârât habblarıyla ve garâğır ile tenķıye olunur. Ammâ o hılıt lehic olup nâhiye-i üzünde müstekin olur ise vâcib olur ki ishâlden sonra ebhıre-i müleyyine ve kaçūrât-ı müleyyine isti'mâl olunup merreten uhrâ 'uđvdan müstefrig olan edviye bir dahi isti'mâl oluna.

Ve eger veca'ı üzüne sebep harâret-i müfrihte olur ise vâcib olur ki harâreti teskîn eden muftiyât-ı ma'rûfe dimâğ bābında zıkr olunduğı üzere isti'mâl oluna. Ve kulağā müftiren dühn-i verd ve beyâd-ı beyd taķtır oluna. Ve eger veca' şedîd olur ise zıkr olunan kaçūra kâfūr dāmm olunur. Ve ba'đı kerre kâfūr ile benefşec yağının irhâsı hasebiyle veca'ı teskîni dühn-i verdin teskîninden ziyâde olur. Ve kezâlik evcâ'-ı 'aynı müsekkine olan şiyâfât dahi beyâd-ı beyd mişli ile kulağā taķtır olunur ve bu bābda beyâd-ı beydin menfa'ati 'acıbdır. Veyâhüd leben, 'inebü's-sa'leb suyu ve küsfüre suyu ile taķtır olunur. Ve lebenin hayırlısı o lebendir ki đar'đan halb olunduğı gibi kable't-tağayyür isti'mâl oluna ya'nî düğ ve mâst ve mehîd ve cübn ve bu mişlilere her ne kadar lebenin şümülü var ise o mişlilere leben-i halîb denmez, zıkr olunan menfa'at onlarda mevcüde olmaz. Leben-i halîb taķtırının veca'-ı üzüne cidden menfa'ati olur. Ve kezâlik harâtin²⁰⁶ dühn-i verdde kaynatılıp üzüne taķtır olunur veyâhüd halezün dahi dühn-i verdde kaynatılıp taķtır olunur veyâhüd dühn [-i verd] üç mişli hamır sirkesi içinde tabh olunup üç mişli gidip biri kalınca kadar kaynadıktan sonra kaçūren isti'mâl olunur, veca'-ı hârrdan ve đarebāndan o dühn cidden nâfi' olur. Ve kezâlik kabak çekirdeğî dühnü ve nîlüfer ve hılâf dühnleri ve bunların emşali olan dühnler dahi nâfi' olur. Ve kezâlik kabağın cirminin ve yaprağının uşâresi mişli uşârât dahi nâfi' olur. Ve hâricden olan đimādât-ı müberride dahi nâfi'dir. Ve ba'đılar zıkr eylediler ki mâ-ı leblâb bu mişli hâlde cidden devâ-i ceyyiddir. Ve şehdānec-i raţbın uşâresi nâfi'dir.

Ve kaçan đarebān ve veca' müştedd olsa ve ondan teşennüc havf olunsa onun ilâcında mürhıyât isti'mâli lâzım ve lâbüdd olur velâkin isti'mâl olunan mürhü 'atıķ semn-i baķar gibi müsahhın olmamak gerektir. [Ve ba'đı

206 Solucana harâtin derler.

kerre] dahi bir kumkuma içine mâ-ı hârr vađ^c olunup ağzına bir ünbübe idhâl olunup mevđi^c-i duhülü sargı ile sarılır buhâr đayı^c olmasın için, ünbübenin ağzı veca^cı olan kulağa idhâl olunur. Ve mâ-ı hârrın bātın-ı üzüne nüfûz eden buhârı veca^c-ı üzünün haţbına²⁰⁷ ve mu^calecesine kifâyet eder. Ve ba^cđı kerre âher mu^caleceden ve muhaddirât isti^cmâlineğnâ eder, ^cale'l-ğuşuş o kumkumaya vađ^c olunan mâ-ı müsahhan rıfık ile irhâ eden edviye ile maţbüh ola ve ğuşuşan o maţbühâ muhaddirât dahi halı olmuş ola. Ve kaçan veca^c-ı üzün muhaddirât isti^cmâline muhtâc olur ise eslem olan muhaddir māmîsâ şiyâfidır. Ve afyündan bir şemme o şiyâfa halı olunup saħk olunur sonra hatun sütüyle karıştırılıp üzüne taqtır olunur.

Ve kulak ağrısının sebebi kulağa suyun duhülü olur ise onun ^cilacı bāında zikri ātı mu^calecât olur. Ve eger sebab-i veca^c umkta mütemekine olan bürüdet olur ise veyâhüd berd-i hârici olur ise vâcib olur ki onun kaţuru edhân-ı hârre ola. Ve edhân-ı hârre bu dühnlerdir: dühn-i sezâb ve dühn-i şıbs, dühn-i sünbül-i Rümî, dühn-i ğâr, dühn-i uqhuvân, dühni'l-belesân, dühni'l-hırva^c ve sâir bu mezkûrlar gibi olan dühnlerdir. Veyâhüd veca^c-ı bāridi olan üzünde bu kaţurlar isti^cmâl olunur: Zeyt içinde şüm taţlı olunup ba^cde't-taşfiye isti^cmâl olunur veyâhüd fülful ve cünd-i bîdester ve ferfiyün ile zeyt isti^cmâl olunur veyâhüd miqdâr-ı dānik ğāliye dühn-i bānın bir mişkālî içine konup taqtır olunur yâhüd ^cıtrıyeti olan edhân-ı hârreden biri taqtır olunur. Ve ba^cđı kerre o veca^c şāhibi şarâb-ı şırf u kavî şürb edip yatıp uyur ve uyanır, aşlâ taqallüb eylemez, bir taraftan taraf-ı âhere tahavvül eylemez.

Ve eger veca^c-ı üzüne sebab riyâh-ı bāride olur ise devî ve tanîn bāında zikr edeceğimiz ^cilac ve kezâlik sebebi hılt-ı lehic ve sebebi berd olanların mu^calecâtiyla ^cilac olunur. Ve riyâh-ı bārideden hâdiş veca^c-ı üzüne muvâfık ^cilac olur. Mihceme mâ-ı hârr ile doldurulup kulağın havâlîsine yapıştırılmak ve kulağa sezâb ve hamâmâ ^casel ile taqtır olunmak yâhüd kay-süm ve merzencüş dühn-i süsen içinde taqtır olur veyâhüd cünd-i bîdester, kaysüm ve merzencüş ile dühn-i süsen içinde taţlı ve taşfiye olunduktan sonra isti^cmâl olunur veyâhüd naţrûn hall ile ve dühn-i verd ile veyâhüd lûf ^cuşâresi ile isti^cmâl olunur. Ve bunlardan akvâ edviyeye hâcet olur ise ferfiyün ve cünd-i bîdester mişlli devâlar dühn-i kuşt ile veyâhüd kuşt-ı bahrî

207 Ya^cnî hâl ve şânına yeter, âher nesneye ihtiyâc kalmaz.

ve zerāvend isti'māl olunur. Ve ba'ḍı kerre müsahhın cāvers ve müsahhın libd²⁰⁸ ile kimādın dahi menfa'ati olur.

Ve eger veca'ı üzüne sebep büsür olur ise büsür-ı üzüin bābında zıkr olunan 'ilācla mu'ālece olunur.

Ve kulakta mütevellid dūd veca'a sebep olur ise o dahi bābında mezkūr olan edviye ile müdāvāt olunur.

Kezālik kulağa mā ve haşāt duhūlünden hādış olan ağrıya dahi bāblarında zıkrı gelecek edviyeler ile 'ilāc olunur.

Ve eger sebep-i veca' verem-i hārr ve gāiş olur ise o sebeble olan veca'da haşar vardır, teḳayyuh edince ḳadar ondan ḳavf olunur, zīrā bātın-ı üzüin dimāga ḳarīb olur ve veca'dan dimāg müte'ezzī olur. Pes o veremden faşd ve ishālden sonra evvelā müleyyināt ve müberriḍāt isti'māl olunur üçüncü güne varınca ḳadar, merreten ba'de uhrā leben isti'māl olunur. Ve kezālik evāil-i vaktinde dūhn-i verd ḫall ile ṭabḫ olunur. Ba'dehu ḫulbe ve bezr-i kettān lu'ābları ve bezr-i mürr lu'ābı leben içinde isti'māl olunur. Ve bu vakt mişllide mā-ı leblābın dahi menfa'ati olur. Ve bu sınıf veca'da simsim-i medḳūḳ mücerrebdir. Ve bunlardan sonra dāimā ḫarāretin-māsi olan zeyt ile kimād olunur. Ve vācib olur ki o isti'māl olunan zeyt 'azb ola ve fātir ola. Bir mīlin daḳıḳ olan ṭarafına o zeyte maḡmūs ḳuṭne leff olup kulağa merreten ba'de uhrā idḫāl oluna. Ve ḫāricden dahi müleyyināt-ı mündice olan edviye ile ḍimād oluna.

Ve eger veca' ve verem şedīdü'l-ḳuvve olmaz ise ve zamān-ı ibtidāyı dahi mütecāviz ise vācib olur ki o üzüne şahm-ı şa'leb taḳṭir oluna veyāḫūd şahm-ı verel taḳṭir oluna veyāḫūd bāsiliḳūn dūhn-i verd ve dūhn-i ḫinnādan biriyle taḳṭir oluna veyāḫūd şahm-ı baṭṭ ve şahm-ı reḫameden biriyle taḳṭir oluna veyāḫūd şahm-ı decāc ve şahm-ı baṭṭın birinden mütteḫaz olan merhem idḫāl oluna.

Ve eger verem şedīdü'l-ḫarāret deḡil ise onda o devā isti'māl olunur ki müzāb olan şahm-ı 'anz kendi vezninde 'asele ve kezālik kendi vezninde meybuḫtec ve zūfāya ḫalṭ olup terkīb olunduktan sonra o devā-i mürekkeb kulağa idḫāl oluna. Ve bunlardan te'sīri ve inḍacı ḳavī olur mertek ve isfidāc birer ūḳıyye, kündür ve ḡubār-ı reḫā ve rātiyānec üçer vuḳıyye, zeyt

208 "Libd" keçedir.

bir rıtl ve şahm-ı hınzîr veyâhûd şahm-ı mâ'iz-i tarî iki rıtl, bezr-i kettân miqdâr-ı kifâye. Bu devâlar aḥz olunup onlardan merhem ittiḥâz oluna. Ve ba'ḍı kerre muḥaddirât isti'mâline dahi ihtiyâc olunur. Ve o muḥaddirât bizim qarîben zîkr edeceğimiz vech üzere isti'mâl olunur.

Ve kaçan verem middeye istiḥâle eylese bezr-i kettân lu'âbı dühn-i verd ve dühn-i bâbūnec ile ve bâbında sāir zîkr edeceğimiz ile isti'mâl olunur.

Ve eger verem ḥâric-i üzünde ise onun ḥaṭarı 'azîm ḳalîl olur ve ona daḳîḳ-i şa'îr ceyyid olur. Ve daḳîḳ-i bâḳilâdan mütteḥaz ḍımâd ceyyid olur. Ve bâḳilâ daḳîḳından mütteḥaz olan ḍımâdın nüshası budur: daḳîḳ-ı bâḳilâ ve [bâbūnec] ve benefşec ve daḳîḳ-ı [283b] şa'îr ve ḥatmî ve iklîlü'l-melik. Bu edviyeler daḳḳ olunup elekten geçirildikten sonra mâ-ı fâtir ile ve dühn-i benefşec ile idâfe oluna. Ve ba'ḍı kerre 'inebü's-şac'leb ve dühn-i ḥall ya'nî şîrûḡan ve daḳîḳ-ı hınṭa bu edviyeden mütteḥaz olan ḍımâd ile iktifâ olunur.

Ammâ büşür-i üzün mu'âlecesine incir hınṭa ile ṭabḥ olunup maṭbūḥu kulaḡa taḳṭîr olunmak veyâhûd ondan fetîle ittiḥâz edip kulaḡa idḥâl olunmak kifâyet eder. Ve ağrısı teskîninde bundan aḳdem zîkr ve vaşf ettiğimiz ünbübeyi kulaḡa idḥâl kifâyet eder. Ve ünbûbe zîkri 'aḳibinde zîkr ve vaşf eylediğimiz vech üzere muḥaddir isti'mâli taḥdîrde kifâyet eder.

Ve evcâ'-ı üzün aşnâfına nâfî' olan ve ḥuşuşan berde meyli olanlara nâfî' edviye-i müştarekedendir o zeyt-i ünfaḳ ki ya'nî naḍîc olmayan zeytünden mu'caşar zeyt ki onun içinde ḥanâfis veyâhûd ḥarâṭîn veyâhûd su destîlerinin altında bulunan düd ṭabḥ olunmuş ola. Ve kezâlik balık merâresi zeyt-i ünfaḳ ile veyâhûd şahm-ı verel veyâhûd şac'leb ve reḥame ve kürkî bunların her birinin şahm-ı edviye-i müştarekeden olur. Ve kezâlik dühn-i 'aḳârib cidden nâfî' olur. Ve tarî olan merzencüşun suyu ve kavak ağacının kuşuru sülâḳası veyâhûd ḥarâṭînin sülâḳası şahm-ı baṭṭ ile ṭabḥ ve taşfiye olunan maṭbūḥ mürr ile ḥalṭ olunup isti'mâl olunur.

Ve üzün berd-i şedîde mâile ise dühn-i ḥîrî içinde merâre-i şevr merârenin taḥallülü ḡann olunca ḳadar ṭabḥ olunur ve ba'ḍeḥu ḳaṭüren isti'mâl olunur ve te'sîri 'acîb olur. Ve ba'ḍı kerre üzünün evcâ'-ı şedîdesine 'ilâcda muḥaddirât isti'mâline ḥâcet olur, süt ile felūniyâ ve kezâlik akrâş-ı za'ferân ve akrâş-ı kevkeb mişlîliler isti'mâl olunur veyâhûd afyün ve cünd-i bîdester ve za'ferân bu devâlar hatun sütüyle isti'mâl olunur.

Ve vâcib olur ki bu muhaddirâtı isti'mâl gâşy havf olunca kadar te'hîr olunca, huşûşan mevâdd-ı âfet bâride olur ise te'hîrin vücûbu mü'ekked olur, zîrâ muhaddirâtın mevâdd-ı bârideye cidden dârarı vardır, âfet gâşye mü'eddî olmadıkça cidden muđır olan devâyı isti'mâl câiz olmaz. Ve eger muhaddirât isti'mâlinden dârar hâdiş olur ise o muhaddirâttan sonra yalnız cünd-i bîdester isti'mâl olunur. Ve ba'đı kerre cünd-i bîdester saħk-ı belîğ ile saħk olunur ba'dehu üzerine afyün ilkâ olup saħk olunur. Ve o maħlûttan şarâb-ı şırf ile akrâş ittihâz olup isti'mâl olunur.

Ve eger üzünde cidden mülime kırha olur ise süt ile hudađ ve afyün isti'mâl olunur veyâhüd yirmi 'aded mukaşşer bâdem, bûraq, afyün, kündür birer buçuk dirhem, za'ferân altı dirhem, kaşnı, mürr birer buçuk dirhem. Bu mezkûrlar aħz olup sirke ile saħk olup kurutulur ve 'inde'l-hâcet dühn-i verd ile ıslatılıp kaťüren isti'mâl olunur.

Ve eger o üzünde midde olur ise zıkr olunan edviyenin cem'î hamr ile olur, sirke bedeline hamr isti'mâl olunur veyâhüd 'asel veyâhüd sikencebîn ile sirke istibdâl olunur.

Beşinci Faşl Devî ve Ŧanîn ve Şafîr Beyânındadır

Ve bu aħvâl birer nev' şavtlardır ki insân o aşvâtı hâricten sebep yok iken işitmekten hâlî olmaz. Ve bu aşvâtın sem'e kıyâsı min-gayri sebebin hâricî hayâlât-ı muşaranın ve zulmetin 'ayna kıyâsı üzeredir. Ve bu a'râđda havânın hareketi olur, zîrâ onlar cemî'an aşvât kabîlindedir. Ve aşvâtın sebebi havânın temevvüci ile ve temevvüc hareket ile olur. Ve zıkr olunan devî ve Ŧanîn ve şafîr²⁰⁹ itlak olunan aşvâtın hüdûsu havâ-i dâhilin hareketiyle olur, zîrâ o aşvât hâricde olan havânın hareketi yok iken hâdiş oldu-

209 Devî ve Ŧanîn ve şafîr kulakta zâhir olan şavt-ı hafif. Riyâha ve arı ve tâir şavtına ve devîsine müşâbih olur ise ona "devî" derler. Sinek şavtına ve taşt şavtına benzer ise ona "Ŧanîn" derler. Ve kuş sıklığına benzer ise ona "şafîr" derler. Ve Ŧaberânî taħric eyledi ki Resûlullâh şallallâhu 'aleyhi ve sellem buyurdu: "إِذَا طَنَّتْ أَدُنْ أَحَدِكُمْ فَلْيَذْكُرْنِي فَلْيَقُلْ ذَكَرَ اللَّهُ مَنْ ذَكَرَنِي بِخَيْرٍ" Münâvî der ki "üzün" o vakte Ŧanîn eder ki Resûlullâh şallallâhu 'aleyhi ve sellem hadretleri o kimseyi mele'-i a'lâda zıkr eder ve rûha onun haberi 'âlem-i ervâhtan vâşıl olup Ŧanîni ihdâs [eder.] Ve eţbbânın zıkr eyledikleri sebep buna muħâlîf olmaz, zîrâ rûha haber vâşıl oldukça havâyı sukbeyi taħrîk ile Ŧanîn ihdâs eylesin. Ve zâhiren bu aşvât eşihhâda olur ise hâdişin mâ-şadağı olur.

ğu delâlet eder ki o aşvâtın hudûsuna sebep bâtın-ı üzünde olan havânın hareketi olur. Ve bâtın-ı üzünde olan havâ o buhârdır ki tecâvîfe munşabbe olur. Ve o ebhîrenin temevvücü ba'đı kerre ziyâde hafî olur ve tecâvîfe maşbübe olan buhâr o hafî temevvüden hâlî olmaz. Ve ba'đı kerre dahi havâ-i buhârînin temevvücü hafî temevvüden ziyâde olur ve o hafî olan temevvücü ba'đı ebdânın sem'î-i hâssesi ihsâs eder ya'nî ondan hâdiş olan şavtı işitir ve ba'đı âher ebdânın hâssesi o temevvü-i hafînin şavtı ihsâs ve idrâk eylemez. Ve onun sebebi budur ki ba'đı eşhâşın hâsse-i sem'î ziyâde zekiyye olur, hafî olan hareket-i havâyı idrâk eder ve ba'đı âherin hâssesi mu'tedile olur, ifrâ't-ı zekâsı olmaz, onun için ziyâde hafî olanları idrâk eylemez; bunun nazîri bizim bâb-ı hayâlâtta zikr eylediğimiz muhayyelât olur veyâhüd o hafî temevvücü ba'đı eşhâşın ihsâsı hâssesinin cidden da'fı olduğundan olur, zirâ da'f olan kuvvet ednâ sebeble müte'essir olur; bunun nazîri o da'fî'ü'l-mizâc olan mebrûd kimsedir ki ednâ berdden münfa'îl ve müte'essir olur ve kezâlik harâret-i mizâc hasebiyle da'f olanlar ednâ harâretten müte'essir olurlar. Ve da'fın aşnâfı cemî'an sū'î mizâc aşnâfidır ki kitâb-ı evvelde mufaşşalan o aşnâf senin ma'lûmun oldu.

Ammâ bâtın-ı üzünde olan havâ-i buhârînin temevvücü hafî olmayıp temevvü o kadara bâliğ olsa ki o miqdâr temevvüden hâdiş olan şavtı hissî zekî olmayanlar ve kezâlik kuvveti da'fî olmayanlar dahi ihsâs eder olsa o mislli şavt ba'đı eşhâştâ ihsâs olunduğu onun içindir ki o şahşın bâtın-ı üzününde olan havâ-i buhârîyi tabî'î hareketinden ziyâde muharrik olur ve şahş-ı âherde o muharrik olmaz ve muharrik olan üzünde o aşvâtın biri hâdiş olur.

Ve havâ-i bâtını muharrik olan sebep nâhiye-i re'ste mütevellide ve müteharrike olan riyâh olur veyâhüd re'ste mütevellide olan şadîdin sevki ve o nâhiyede mütevellide olan kayhın galeyânı veyâhüd mecârî-i üzünde mütevellid düdun hareketi olur.

Ve esbâb-ı mezkûrenin hudûsuna sebep-i sâbık budur ki hummânın evâil-i nevbeti idtırâbı gibi bedende idtırâb olur ve o idtırâbla ahlâ't-ı bedenin küllisi galeyân edip zikr olunan esbâb-ı vâsıla hâdiş olur veyâhüd sebep-i sâbık ifrâ't üzere bedende olan imtilâ olur veyâhüd yalnız re'sin imtilâsı olur.

Sekr-i keşir ʿaķibinde hâdiş olan devînin ve nazîrlerinin sebab-i sâbıkı reʿse maḥşuş imtilâ olur veyâḥûd sebab-i sâbık dimâğ cânibinde olan hareket-i müfriṭa ve ıdṭırâb olur, kayʿ-ı ʿanîf arasında ve şadme ve darbe ʿaķiblerinde hâdiş olan aşvât-ı mezkûrenin sebebi bu kabîlden olur. Ve baʿdî kerre sebab-i sâbık bu ıdṭırâbların birisi dahi olmaz belki mevâddı lüzücutli olmakla azar azar riyâḥa taḥallül eder ve bu vech ile olan devâm üzere olur.

Ve baʿdî kerre dahi sebab-i sâbık cūc ve ḥavâ olur. Kaçan cūc ve ḥavâ şedîd olsa bedende mebsûse olan ruṭübât-ı sâkine muḍtaribe olur, zîrâ ṭabîʿat taşarruf edecek ğidâ bulmadıkça ruṭübât-ı mebsûseye iķbâl eder ve o ruṭübâtı taḥlîl ve taḥrîk eder.

Ve baʿdî edviye vardır ki onu tenâvülden aḥlât ve riyâḥ nevâḥî-i dimâğ-da muḥtebe olur, o mişlli devâ tenâvülü dahi ṭanîne ve nazîrlerine sebab-i sâbık olur.

Ve devî-i üzünün sebebi baʿdî kerre üzünün kendide olur ve baʿdî kerre dahi miʿde ve aʿdâ-i sâire müşâreketi ile olur, zîrâ miʿde ve emşâli riyâḥı üzüne irsâl eder, o dahi bâṭın-ı üzünde olan ebḥure-i havâiyeyi taḥrîk edip o aşvât hâdişe olur.

el-ʿAlâmât: Bu aşvâtın vâşıl ve dâim yaʿnî ʿale'l-ittişâl olanların sebebi başın kendide müstekin olur. Ammâ vâşıl ve dâim olmayıp imtilâ ve ḥavâ ve hareket ve sükûn ve ḥarr ve berdin iştîdâdı ve ʿadem-i iştîdâdı ḥasebiyle gâḥice sâkine ve gâḥice heyecân ve hareket üzere olurlar ise onların ḥudûşu müşâreket ile olur ve o [284a] aşvâtın heyʿetleri müşâreket-i maḥşûşaya delâlet eder.

Eger o mesmûc şol şavta müşâbih olursa ki o şavt bir suyun âteşte kaynayıp fevķ cânibine kabarıp kalktıktâ ondan zuhûr eder ve o şavt bi'l-cümle beden müşâreketi veyâḥûd miʿde müşâreketi ile olduğuna delâlet eder.

Ve eger o mesmûc, şecerin rüzgâr estikte zâhir olan şavtı gibi ve bir nesenin kendi nefsinde deverânından ve hareket-i vaḍʿiyyesinden zâhir olan şavt gibi olursa yaʿnî deĝirmen şavtı gibi olur ise başta riyâḥın istiknân ve ihtibâsından hâdiş olduğuna delâlet eder.

Ve eger o ʿillet şâhibinde ḥummâ ve vecaʿ olup kuşarîrete müʿeddî olur ise kayḥın ictimâʿına delâlet eder.

Ve eger o mesmûc olan şavtın tekevvinü vâhiden ba'de vâhidin tedrîcle olup muttasıl ve hafî olur ise onun sebebi lüzüçetli hılt olduğuna delâlet eder.

Ammâ zekâ-i hissten hâdiş olan devînin ve nezâyirinin ʿalâmâtı budur ki onda rîh ve imtilâ esbâbı olmaz ve semʿi dahi bâkî olur²¹⁰ ve cûc ve havâda âfetin harekâtı ve heyecânı olur.

Ve yübüsetten olana hummayât ve istifragât ʿaķibinde olduđu delâlet eder.

Ve daʿf-ı kuvvetten hâdiş olana ifrâât-ı mâdiye delâlet eder.²¹¹ Meşelâ tabl ve bûk ve sâir şıyâh-ı şedîde vü müzʿice istimâcının teķaddümü daʿftan âfet-i mezkûrenin hudûsuna delâlet eder.

Ve mizâc harâretinden hudûsuna âfet-i mezkûrenin defʿaten ʿarıd olduđu ve iltihâbın vücûdu delâlet eder. Ve bunların hılâfı yaʿnî tedrîcle ʿurûdu ve iltihâbın ʿademi bürüdet olduğuna delâlet eder.

el-Muʿâlecât: Cemîʿan bu âfet aşhâbına vâcib olur ki güneşten ve ham-mâmdan ve hareket-i ʿanifeden ve kayʿ ve şıyâh ve imtilâdan ictinâb eyleyeler ve tabîʿatlarını dahi telyîn eyleyeler.

Ve müşâreket ile olanlara muʿâlece ʿudv-ı müşârik muʿâlecesine kaçd olunmak ile olur, ʿaleʿl-huşuş miʿde tenkıyesine kaçd ziyâde olur ve dimâğın ve üzünün takviyesine dahi kaçd olunur. Ammâ dimâğ dühn-i âs mişli ile ve üzün dühn-i levz ile takviye olunur.

Ve bu âfetin muʿâlecesinde mizâc-ı evvelîye yaʿnî şihhî olan mizâca nazâr olunup kavânîn-i maʿlûme üzere o mizâcın meʿûnetine kaçd olunur yaʿnî mizâc-ı ʿarıdıyî taʿdîl edip kadîmî mizâca istirdâd eden tedbîrler işlenir.

Ve imtilâdan olanların senin bildiğın telţif tedbîr ile ile bedeni ve reʿsi tenkıye olunur.

Ammâ buhrândan olanlara ʿilâc edip mevâddı tahrîk eylemek câiz olmaz belki hummânın zevâli ile o ʿarıdalar dahi zâile olur.

Ammâ hissin sürʿat-i zekâsından olanlar için muhaddirât istiʿmâliyle baʿdı nâs emr ederler. Zikri mürür eylediği üzere dühn-i verd sirke ile tabh ve miķdâr-ı kalîl afyün halţ olunup istiʿmâl etmekle veyâhüd devâ-i

210 “Ve semʿi dahi bâkî olur” dediğının maʿnâsı budur ki semʿinde daʿf olmaz ve şavt-ı hafî-i mezkûru istimâc daʿf hasebiyle olmaz.

211 Zîrâ ifrâât-ı müteķaddime kuvveti idʿâf eder ve o kuvvet-i daʿife ednâ sebebdan müteʿessire olur.

nezkûrun dühn-i benc ile memzûc olanları gibi olan devâ isti'mâliyle veyâhûd cünd-i bîdester ile ve dühn ile meshûk olan şevkerân mişllileri isti'mâl ile emr ederler. Ve emr eylediklerinin cümlesinin aşlahı budur ki habbu's-şanevber ve cünd-i bîdester dühn ile ya'nî dühn-i zeyt ile aḥz ve sirke ile saḥk olunup kulaḡa taḡtîr olunur.

Ammâ kayḡtan ya'nî irinden sonra ḡadiṣ olana verem ve kayḡ ṣilâciyla mu'âlece olunur.

Ammâ ḡastalıktan kalkıp nâkıḡ olanlarda ve mizâcı yâbis olanlarda ḡadiṣ olan ṡanîn ve nezâyiri eger sebepleri yübüset olur ise taḡdiye ve edhânla terṡîb olunur lâkin o ḡidâ ve o dühn ile ki mu'tedile olup bi-ḡasebi'l-ḡacet yâ berde veyâhûd ḡarre mâil ola.

Ve eger sebep ḡa'f olur ise ḡa'fı mücib olan mizâc-ı 'arız ta'dîl olunur, zıkrı mürür eden ḡatürâtlâ ta'dîl olunur.

Ve sersâm maraḡında üzüne vârid olan mâdde-i mündefi'a veyâhûd ḡılt-ı ḡalîz-i lezic sebebiyle ḡadiṣ oldu ise veca'-ı üzün ve ṡareṣ bâbında zıkr olunan mu'âlecâtlâ ṣilâc olunur.

Ve sersâm maraḡından sonra olanlara ve ḡâṣṣaten ḡummâyı ta'ḡîb eden devî ve ṡanîn mu'âlecesine maḡşûṣ devâ olur, pelin ṣuṣâresi ve dühn-i verd ile veyâhûd dühn-i süsen sirke ile zıkr olunan şımfa bunlar mu'âlecât-ı şâliḡa olurlar.

Lüzücetli ve bârid ḡılt ḡasebiyle ḡadiṣ olanlara ṣilâc-ı maḡşûṣ bu şâna şâliḡ ve mücerreb olan ḡurṣ olur ve o ḡurṣun nüṣṡası budur: ḡarbaḡ-ı ebyaḡ üç dirhem, za'ferân beṣ dirhem, naṡrûn on dirhem. Bu mezkûrlardan ḡurṣ ittiḡâz olunup vaḡt-i ḡacette isti'mâl olunur.

Ve âfet-i mezkûre aṣnâfına mu'âlece-i müṣtereke vü mücerrebeden olur, ḡa'f ve südde ve ḡılt sebebiyle ḡadiṣ olanlara şümülü olan devâlardan olur: ḡaranfûl, bezr-i kürrâṣ her birinden niṣf dirhem, misk bir dânik. Bu eczâlar aḡz olunup merzencüṣ ve sezâb sularıyla veyâhûd şarâbla üzüne taḡtîr olunur. Ve kezâlik şanevber yapraḡının ṡabîḡi ve şımşâd²¹² yapraḡının ṡabîḡi ve ḡâr yapraḡının ṡabîḡi dahi taḡtîr olunur. Ve bunların cümlesinde ṣaşâdan ya'nî akşam ṡa'amından ictinâb vâcib olur.

212 “Şımşâd” çemşir dedikleri aḡaçtır. Ba'ḡı diyârda enîsûna ve râziyânece dahi itlâk olunur. Dâl ile ve râ ikisi dahi lüḡattir.

Ve ba'cdı ʿulemā dediler ki şafire ya'nî kulakta sıklık gibi istimâc olunan âfete devâ-i füteneccden enfa' bir devâ olmaz ve o devâ bâb-ı hıfzda zıkr ve vaşf olunmuştur.

Ve Allāhu ta'ālānın halk eylediği devâlardan bu ʿillete cümleden enfa' devâdır: zūfâ ve varaḳ-ı şanevber ve ḥabbu'l-ġârdan mütteḥaz ḳaṭür dahi nâfi' devâdır. Ve tæreş ve veca' bâbında zıkr olunan mu'âlecât-ı müşterekede ve ḥuşuşan bârid olan mu'âlecâtta dahi te'emmül olunsun, bu bâbda menfa'ati olanlar isti'mâl olunsun.

Altıncı Faşl Üzünde Olan Midde ve Ḳayḫ ve Ḳurūḫ Āfetlerinin Mu'âlecesi Beyânındadır

O âfetlere mu'âlece olunmazdan muḳaddem vâcib olur ki telṭif-i ġidâ oluna ve ḥılt-ı ṭayyib ü ʿazb ü maḥmûdu tevli'd eden buḳûl ve luḫûmdan ağdiye iṭ'âm oluna ve keyfiyyet-i mu'tedileye meyli olan tedbîr oluna. Ve eger mizâc mâ-ı şa'ir ve ona müşâbih ağdiye tenâvülünü iḳtidâ eder ise onlar ile taġdiye ettirile ve riyâdet-i hafîfe ile tervîd oluna ve se'ûṭât ve ġarâġır ile mādde ağıza ve burna meyl ettirile.

Ve ḳurūḫ-ı üzünün kimisi ḥisse zâhir olur ve kimisi dahi derinde ve ʿamîḳ olup ḥisse zâhir olmaz. Ammâ ḥisse zâhir olan ḳurḫa sirke ve su ile ġasl olunur veyâḫûd sikencebîn ve su ile ġasl olunur veyâḫûd ʿasel ve su ile veyâḫûd ḫamr ile veyâḫûd ʿasel ve verd ve âs ṭabîḫiyle ġasl olunur ve sonra zâc-ı muḫraḳ mişlli müceffif devâ kulaġa nefḫ olunur.

Ve şadîdiyye ve ḳayḫiyye olanlara şehdānec dühnü nâfi'dir. Ve evlâ olan budur ki onların mevâddı inşibâbdan red' ve men' olunmaya inşibâb ifrât üzere olmadıkça belki vâcib olan budur ki onlar mâ-ı mürr ve dühn-i şehdānecle ġasl ve tecliye oluna. Ve kezâlik zeytûn yapraġı ʿuşâresi ḳaṭüren isti'mâl oluna.

Ve ammâ kulakta olan ḳurḫa-i ʿamîḳa iki kısım olur: Biri tâze ve ṭarî olur ve âḫeri ʿatîḳ ve müzmin olur. Ve ḳarîbü'l-ʿahdde zuhûr edip ṭarî ve tâze olan ḳurḫa-i ʿamîḳanın mu'âlecesi sirke ile māmîşâ şiyâfı veyâḫûd şiyâf-ı verd ve mürr, şabır ile ʿasel içinde veyâḫûd ḫamr içinde üzüne vaḍ' olunur. Ve koruk suyunu taḳṭîr dahi ḳurūḫ-ı ʿamîḳaya nâfi' olur, ʿale'l-ḥuşuş ona ʿasel dahi karıştırıla. Ḥilâf varaḳının ʿaşîri veyâḫûd o varaḳın ṭabîḫi taḳṭîr olunur veyâḫûd muḫraḳ şebb-i Yemānî ve mürr birer dirhem ʿasel ile saḫḳ

olunup bir şûf ile ihtimâl olunur ya'nî kulağa idhâl olunur veyâhüd dem-i aḥaveyn, zebedü'l-baḥr, anzerût, bevrak-ı Ermenî, mürr-i lübân ve māmîsâ şiyâfi eczâları mütesâvî aḥz olunup bir mîle leff olunan 'asele maḡmüseten fetîle üzerine o edviye zerr olunup o mîl kulağa idhâl olunur.

Ve eger o ḡurḥa-i 'amîkâda veca' dahi olur ise ḡabeş-i ḡadîd keşîrâ ile saḡḡ ve müceffifâtan müsekkin-i veca' olan edviyeden biriyle [284b] ḡalt olunup isti'mâl olunmakla 'ilâc olunur. Ve dühn-i verd ve mürr ve şabır ve za'ferân mişlli devâlar isti'mâl olunur. *Tab' ile olan nüshada "dühn-i verd" bedeline "dühn-i levz" vâkıf olmuştur.* Ve ba'ḡı kerre o devâya miḡdâr-ı ḡalîl afyün ḡalt olunmaḡa ḡâcet olur ve devâ-i rāsî²¹³ isti'mâlî dahi nâfi' dir. Ve aḡrabâdînde zıkr olunan mürekkeb devâları isti'mâl dahi nâfi' dir, aḡrâş-ı enderün dahi nâfi' dir. Ve helîlec çekirdeḡi ve 'afş aḡz ve iḡrâḡ olunup dühn-i ḡîrî ve dühn-i bezr dürdü ile cem' olunup isti'mâl olunmak nâfi' dir. Merhem-i isfidâc bâsilîḡûn merhemi ile maḡlûḡan isti'mâl olunmak dahi nâfi' dir, kulaḡa taḡḡîr olunmakla isti'mâl olunur.

Bu zıkr olunan edviye 'amîka-i ḡadîse olan ḡurûḡ-ı üzünün devâları idi, ammâ ḡurḥa-i 'amîka müzmine olur ise cidden o ḡurḡa rediyye olur ve ba'ḡı kerre 'izâm-ı üzün keşf olunmaḡa muḡtâc olur. Ve o ḡurḡa-i müzmine delâlet eder üzün mecrâsının ittisâ'ı ve müntin şadîdin keşreti.

Ve o ḡurḡa-i müzmine mu'alecesinde bu edviyelere ḡâcet olur: ḡatrân 'asel ile maḡlûḡan isti'mâl olunur ve ḡurâb ve sülâḡfât merâreleri hatun sü-tüyle isti'mâl olunur yâhüd ḡardemânâ ve naḡrûn çekirdeḡi iḡrâc olunmuş incir ile cem' olunup ondan fetîle ittiḡâz olunur. Ve üzün vesâḡtan tenḡı-ye ve taḡḡîr olunduktan sonra üzüne o fetîle idhâl olunur ve sâir edviye dahi üzün taḡḡîr olunduktan sonra isti'mâl olunur. Ve bu bâbda ḡavî edviyeden olur tûbâl-i nuḡâs, zernîḡ, 'asel ḡall ile ve ḡabeş-i ḡadîs şadâsî²¹⁴ ve ḡabeş-i ḡadîdin kendi dahi ḡubâr gibi saḡḡ olundukta ḡall-i ḡamr ile 'asel ḡivâmında olunca ḡadar tekrâr-be-tekrâr ḡalâ-i mütevâtîr ile ḡalâ olunduktan sonra kulaḡa taḡḡîr olunur.²¹⁵ Ve ba'ḡı kerre dahi merhem-i zencâr is-

213 Karâbâdînde mezkûr re'si tenḡıyeye müte'alliḡ devâlara devâ-i re'sî derler.

214 Ya'nî pası.

215 Zıkrî âtî olan kelâmın muḡteḡdâsı bir ḡabaḡ üzere ḡabeş-i ḡadîd mükerreren kavru-lup ba'ḡdehu saḡḡ olunur. Bu maḡâmdan mütebâdir olunan saḡḡ olunduktan sonra kavrukmaktır; ḡable's-saḡḡ kavrukmak evlâ zann olunur, zirâ saḡḡı nâ'im olur.

ti'c-mâline hâcet olur ve bu ihtiyâc kırğa-i müzmine vü mütevevsiha olduğu vakte olur. Ve bu bâbda te'sîri mütevassıf olur şebb-i muhrağ ve mişli 'asel ile isti'c-mâl olunmak. Ve ba'cı kerre onda temr²¹⁶ ziyâde olunur. Ve bundan sonra kavî devâ olur bu şıfat üzere olan terkîb:

Nüşha: Zencâr-ı kuşûru'n-nuḥās²¹⁷ dörder dirhem, 'uşâretü'l-kürrâs bir ūkıyye, 'asel-i mâziyy bir ūkıyye. *Ḳāmūs*'ta العسل الأبيض أو الجديد "المادِّي العسل الأبيض أو الجديد" "أو خالصه أو جيدة" diye tefsîr olunmuştur. Ve kaçan kayḥ cidden keşîr olsa bir fetîle ittiḥâz olunup ve merâre-i şevre ğams olunup üzüne idḥâl olunur veyâḥūd o üzüne bevl-i şabî taḫtîr olunur. Ve bu bâbda edviyenin aqvâsı ḥabeş-i ḥadîd-i mağsûl bir ṭabağ üzere kirâren kavrulup ba'cdehu sirke ile ṭabḥ olunup isti'c-mâl olunur. Ve eger kayḥ-ı müzmin ile veca'c dahi olur ise üzüne nebîz-i şulb dühn-i verd ile veyâḥūd mâ-ı kürrâsıla ve semek-i mâliḥ suyuyla şabb olunur. Ve ba'cı kerre veca'c hasebiyle şabır ve afyûn ve za'ferân 'asel ile yoğurulup kulağa vađ'c olunmağa hâcet olur.

Ve kaçan sen görürsün ki edviye-i mâni'ca vü müceffife isti'c-mâli hasebiyle ruṭûbet kulakta muḥtebese olur, o zamân kulağa dühn-i verd şabb olunur ḥuşkrîşeti düşürsün için. Ve ba'cdehu münbit-i laḥm olan devâ vađ'c olunur.

Ve bi'l-cümle vâcib olur ki şadîd ḥabs olunmaya belki tevellüdden men'c oluna ve şadîdi tevlîd eden kırğa tecfif oluna. Mu'alic ve muḥtâl olan eṭibbâdan çok kimse üzün-i müteḳayyihayı ḥırğa ile maḥşuvve²¹⁸ edip seyelândan men'c ederler ve 'alîli üzün-i müteḳayyih cānibine idṭicā'c edip uyumaktan men'c ederler onun için ki kulakta ḥırğa ile mesdüde olmasa ve kezâlik kulak üzere idṭicā'c olursa kulak şukbesinden kayḥ akar ve keşreti zâil olup lâkin tamâmen istifrâğ ḥâşıl olmaz ve âfet bâkî kalıp bür' ḥâşıl olmaz. Ammâ kulak mesdüde ve idṭicā'c dahi cānib-i âḫere olsa kayḥa maḥrec olmamakla kulakta cem'c olur ve tezâḥum eder ve kulak dibinde olan laḥm-ı

216 Zâhir budur ki "temr"den murâdı "temr-i heyrün"dur ki ma'cünlarda çok isti'c-mâl olunur.

217 Cālînüs'un zikr eylediği üzere ecsâd-ı münṭabi'anın dahi kuşûru olur. O ecsâddan teḳaşşur edene ya'nî kavlayıp dökülene kışre derler. Mesâmîrden aḥz olunan kuşûr ḥadîd ve nuḥâstan aḥz olunan kuşûrdan ḥayrlı olur ve kuşûr-ı nuḥâs kuşûr-ı ḥadîdden ḥayrlı olur. Hâkezâ zekere İbn Kütbî.

218 Kulağa ḥırğa sokmaktır.

rıhva munşabb olup bi'l-âhere kulak dibini tevrîm eder. Ve ba'ḍe'n-nuḍc baṭṭ ve şakḳ olunup mevâddı kâmileten iḥrâc ve istifrâğ olunur. Ve bu istifrâğla kulakta midde seyelân âfetinden bür' ḥâşıl olur.

Yedinci Faşl Kulakta Kan Münfecir Olduğunun Beyânındadır

Ba'ḍı kerre kulaktan kan akması ru'âf gibi buhrânî olur ve ba'ḍı kerre dahi imtilâ ile ırḳın inşikâkı ve inḳitâ'ı ve ağzının infitâhıyla olur ve ḍarbe-den ve şadmeden dahi olur.

el-Mu'âlecât: Buhrân ḥasebi ile kulaktan demin seyelânı mādâm ki ḍa'f ve ğaşye mü'eddî olmadıkça ḥabs olunmaz.

Ammâ inficâr-ı demden buhrânı olmayanlar kâbîḍât veyâḥūd kâviyât veyâḥūd müberridât ile kaṭ' olunur.

Ammâ kâbîḍ olanlar su ile veyâḥūd sirke ile maṭbūḥ 'afşın ṭabîḥi ve 'avsec ṭabîḥi mişllilerdir. Ve ba'ḍı kerre 'avsec ṭabîḥinde mürr ḥamr-ı 'atîḳ veyâḥūd sirke ile ziyâde kılınır. Kezâlik māmîşâ şiyâfi ve ḥudaḍ ve maştakî ağacının yaprağı ṭabîḥi veyâḥūd sirke içinde ṭabḥ olunan rummânenin 'aşî-ri. Bu mezkûrlar bi'l-cümle kâbîḍ devâlardır.

Ammâ müberridât 'aşa'r-râ'î 'uşâresi ve lisânü'l-ḥamel ḥamr ile ve şiyâf-ı māmîşâ ve afyün mişllilerdir. Ve kâviyât bâdrüc 'uşâresidir.

Ve 'acîb devâlardandır erneb infeḥası ḥall ile ve kürrâs 'uşâresi ḥall ile, bunların inficâr-ı demi kaṭ'da eşer-i 'acîbi olur. Ve yine dem inficârını kaṭ'da mücerreb devâlardandır: Bir öküzüni iki külyesi ve şaḥmından dahi bir miḳdâr aḥz olunup tuzlanır ve nişf şeyye ile şeyy olunup ya'nî âteşte burtulup onun suyu kulağa taḳṭîr olunur.

Sekizinci Faşl Kulakta Olan Vesah̄ Ya'nî Kîr ve Vesah̄tan Kulakta Ḥâdiş Olan Südde Beyânındadır

Bu âfete ḥafîf 'ilâc budur ki cebelî olan acı bâdem yağı kulağa taḳṭîr olunur ḥuşuşan gece taḳṭîr olunmak evlâ olur. Ve ḥammâma idḥâl olunur ve ḥammâmın ḥârre olan arḍına o üzün vaḍ' olunur vesah̄ eriyince kadar. Ve ba'ḍı kerre o üzüne zâc nefḥ olunmağın nef'i olur.

Ve kezâlik bu terkîb dahi nâfi'dir: ḳardemânâ bir mişḳâl, bûraḳ-ı Ermenî yarım mişḳâl; beyâḍ incir ile bunlar ma'cûn kılınıp ondan fetîle

ittihâz olunur veyâhûd ona keçi merâresi dühn ile veyâhûd ferâsiyün-ı meshûk ve mâ-ı ferâsiyün veyâhûd bûrağ sirke ile izâbe olunup galeyânı sâkin olunca kadar terk olunur ve dühn-i verd ile temrîh olunur ve kulağa taqţîr olunur.

Ve menzû'ı'l-ḥabb olan incir ile bûrağ karıştırılıp ondan ḥabb-ı şîğâr ittihâz olunup kulağa vađ olunur ve vađı gününden üçüncü günden sonra ihrâc olunur. Ve o ḥabb ile ma'ân vesah-ı keşîr ḥurûc edip üzüne ḥiffet-i bey-yine 'ârîda olur. Ve ba'đı kerre o kulağa kardemânâ ile encüre²¹⁹ vađ olunur.

Ve aqvâ olan devâlardan olur: Varaq-ı ḥanzal 'uşâresi kulağa taqţîr olunmak veyâhûd bûrağ ve zernîḥ 'ale's-seviyye aḥz ve bal ile ma'cûn kılındıktan sonra sirke ile eritilip üzüne taqţîr olunup bir sâ'at kadar şabr eyledikten sonra o mevdi' mâ-ı 'asel ve mâ-ı ḥârrdan biriyle gâsl olunmak. Ve istifrag olunmadıkça fetâil-i kavîyye isti'mâl olunmaz. Ve fetâil-i kavîyyeden olur o fetîle ki zeyte ve babadya yağına ve dühn-i nârdîne gams oluna.

Ve bir kavm zu'f eylediler ki tareşe kâfûr şeddü'n-nef' olur. Ve benzer ki onun nef'i mirârî olan tareşe ola. Ve zeyt-i 'akâribin şameme nef'i çok kerre tecrîbe olunmuştur.

Süded-i vesahıyyeye nâfi' olan edviyeden olur o fetîle ki ḥurf ve bûrağtan ittihâz olunup üç gün miqdârı kulağa ilzâm oluna ve sonra ihrâc oluna. O fetîle ḥurûcuyla vesah-ı keşîr dahi ḥurûc eder. Ve 'asel ile ittihâz olunan fetîlede dahi bu menfa'at olur bi-iznillâhi ta'âlâ.

Dokuzuncu Faşl Kulağa 'Ârîd Olan Südde Beyânındadır

Kulakta ba'đı kerre ḥalkî südde olur, şukbe üzere ḥilkat-i aşliyyede bir gîşâ halk olunmakla. Ve ba'đı kerre dahi sonradan 'ârîda olup vesah veyâhûd dem-i câmid ḥasebiyle südde olur. Ve laḥm-ı zâid ve şü'lûl ya'nî şîğil bitmekle südde ḥâdiş olur veyâhûd ḥaşât ve nevât ve ḥayvân girip şukbede olmakla olur. Ve ba'đı kerre dahi [285a] lüzüctli ḥılt munşabb olup şukbeyi veyâhûd 'aşab-ı ḥiss mecrâlarını sedd etmekle südde olur, o şürette insân iḥsâs eder ki dâimâ üzünü mesdüdedir. Ve ḥılt-ı lezic inşibâbıyla olan südde ekşeriyyâ riḥ-i şedîd ḥudûşundan sonra olur.

219 “Encüre” ısırgandır.

el-Mu'âlecât: Ammâ aşl-ı hilkatte sukbede gışâ-i şifâkîden veyâhûd lahm-ı zâidden südde olup mecrâyı sedd eyledi ise o süddenin gavrda ve umқта olanlarına ʿilâc ziyâde şuʿûbetli olur ve zâhirde olanlarına mu'âlece sühûletli olur.

Ammâ bâtında ve gavrda olanlara âlet-i daķıķa ittiḥâz olunup o süddeyi kaçda ihtiyâl olunur baʿdehu bizim zıkr edeceğimiz üzere maḥall-i kaç id-mâlden menʿ olunur.

Ammâ zâhirde olan süddelerde vâcib olur ki nâşûr-ı enf onunla taķvîr²²⁰ olunup sikkîn-i şevkî tesmiye olunan âlet ile o zâhirde olan südde şakķ olunup ona bir fetîle ilşâķ olunur ki o fetîle üzere kulķutâr mişlli nebât-ı lahma mâniʿ edviye ekilmiş ola.

Ve ammâ sebep olan südde üzüne nüşûb yaʿnî dâhil-i üzüne duḥûl eyledi ise o üzüne verd ve süsen ve ḥîrî dühnlerinden biri taķtîr olunur. Ve eger o nâşib ḥayvân olup nüşûbundan sonra kulak içinde helâk olup bâķî kaldı ise o ḥayvânın cüssesini fesh edici ve dađıtıcı dühnler taķtîr olunup infisâḥından sonra kulađa rıfķ ile mûnaķķî olan devâlar taķtîr olunur.

Ve eger südde lahm-ı zâid veyâhûd siđil olur ise vâcib olur ki mâ-ı ḥarr ve naṭrûn ile ğasl olunup baʿdehu o üzüne nuḥâs-ı muḥraķ ve zemîḥ-i aḥ-mer sirke ile nâʿimen cidden saḥķ olunduktan sonra taķtîr olunur. Ve bu taķtîr olunan devâ ile lâ-maḥâle o südde olan lahm muḥterâķ olur ve sonra kurḥa ʿilâcıyla mu'âlece olunur. Ve zıkr olunur ki o mişlli üzüne ḥinzîr merâresinin devâm üzere şabbı idmân olunmak cidden nâfiʿ olur.

Ve ammâ kulakta ḥılṭ-ı lezic olup o sebebden insân kulađında devâm üzere südde taḥayyülünün mu'âlecesinde dühn-i süsen taķtîri nâfiʿ olur. Ve kezâlik şevrin merâresinin sılķ uşâresiyle taķtîri dahi nâfiʿdir. Şehdâ nec ve ḥanzal uşârelerinin kulak süddelerinde ḥâşşıyyeti vardır.

Ve eger südde vesâḥıyye olur ise südde-i vesâḥıyye bâbında mezkûre edviye ile ʿilâc olunur. Vesâḥıyye ve ğayr-i vesâḥıyye olan süddelere nâfiʿ edviyelerden olur o fetîle ki ḥurf ve bûraktan ittiḥâz olunup üç gün miķdârı üzüne ilşâķ ve ilzâm oluna ve üç günden sonra iḥrâc oluna.

Ve bu fetileden aķvâ olduđundan mâ-ʿadâ ʿaşabe-i ḥissi dahi tenķıye eder ḥarbaķ akrâşı. Ve onun nüşhası budur: ḥarbaķ-ı ebyađ iki mişķâl,

220 “Takvîr” oymak maʿnâsıdır.

naṭrûn on altı mişkâl, za'ferân üç mişkâl. Bu edviyeler daḳḳ olunup sirke ile saḥḳ olunduktan sonra ondan ḳurş ittiḥâz olunur ve vaḳt-i ihtiyâcda yine sirke ile ḥall olunup kulaĝa taḳṭîr olunur, ʿacîb ve cidden nâfiʿ devâ olur.

Ammâ ḥilkat-i aṣliyyesinde üzününde şukbe olmasa veyâḥûd dâḥil-i üzününde ḥilkiyye südde olsa ʿamel-i yed ile tecribe olunup keşṭ ve taṭrîḳ olunur yaʿnî şukbede olan süddeler ḥadîd ile selḥ olunarak yol açılır. Ve eger bâṭında olan şimâḥa yaʿnî cevbeye varınca ḳadar yol açılır ise nefʿi olur ve baʿḍı kerre dahi nefʿi olmaz.

Onuncu Faşl Üzüne ʿArîḍ Olan Raḍḍ ve Ḍarbe Beyânındadır

“Raḍḍ” Vankulu lügatında “nîm-küft” ile tefsîr olunmuştur yaʿnî kulak ezilir ve ḳıvâmı nişfiyyet üzere zâil olur. Fâḍıl İbuḳrâṭ zâhib olur ki raḍḍ ve ḍarbe işâbet eden kulaĝa muʿâlece olunmaz. Ammâ İbuḳrâṭ’tan sonra olup muʿâlece olunmasını reʿy edenler bu devâ-i mürekkeb ile muʿâlece ederler: Aḳâḳiyâ, mürr, şabır, kündür aḥz olunup ḥall ile ve beyâḍ-ı beyḍ ile onlardan leṭûḥ ittiḥâz olunur veyâḥûd etmek içiyile ʿaselden leṭûḥ ittiḥâz olunur.

On Birinci Faşl Ḥikke-i Üzün Beyânındadır

Mâ-ı efsentîn dühn ile kulaĝa taḳṭîr olunur.

On İkinci Faşl Üzüne Su Duḥülü Beyânındadır

İstiḥmâm ve iĝtisâl eden kimse kulaĝını muḥâfaza eylemese baʿḍı kerre kulaĝına su dâḥil olur ve îzâ edip kulaĝı dibini tevrîm ve vecaʿ-ı şedîd iḥdâş eder.

el-Muʿâlecât: Bu âfete ʿilâc-ı nâfiʿdir, kulaĝına bir ünbübe²²¹ idḥâl olunup maşş-ı şedîd ile maşş olunur ve defʿaten o ünbüba cezb olunur ve sonra o kulaĝa tatlı bâdem yaĝı şabb olunur. Ve baʿḍı kerre o kulaĝa dâḥil olan suyu öksürük ve aksırık dahi iḥrâc eder. Ve baʿḍı kerre durak otunun bir ağacı veyâḥûd berdiyy²²² dedikleri ḥaşîr otunun bir şukḳası her hangisi olur ise bir şibr aḥz olunup o ʿüdü bir ṭarafından sülüşânı miḳdârına

221 “الأُنْبُوبَةُ” [el-unbûbet] kamışın iki boğumunun arası, أَفْعُولَةٌ [ufʿûlet] vezni üzere.” Vankulu.

222 “الْبَرْدِيُّ” [el-berdiyy] (bâ’nın fethi ve yâ’nın teşdîdiyle) ḥaşîr otu dedikleri ottur, damlara ve dîvârlara korlar.” Vankulu.

kuşne leff olunur ve o kuşne üzerine ğams olunur. Ve o ʿūdun kuşnesiz olan taraf-ı āheri kulağa girdiği miqdār kulağa idhāl olunup ʿūdun kuşneli tarafı işʿāl ve ikād olunur. Ve harāret dāhil-i üzüne teʿsîr edince kadar o meşʿal kulakta meks olunur. Ve harāret-i nār bātin-ı üzüne teʿsîrinden sonra defʿaten o ʿūd cezʿ olunur. Ve kulakta olan su defʿaten cezʿ olunan ʿūd ile maʿan hurūc eder.

Ve yine bu ʿillete nāfiʿdir, ʿaleʿl-ḥuşuş evāil-i duḥülünde ziyāde nāfiʿ olur rāḥa miqdārı yaʿnī bir avuç miqdār su aḥz edip o su ile ʿalīl olan kulağın doldurur ve o cānibe münkalib olup ḥacl yaʿnī bir ayak üzere seker ve o mişye ile kulağında [olan] su biʿl-cümle çıkar.

Ve kezālik kulakta olan su zerrāka ile dahi istiḥrāc olunur bu tarīk ile ki evvelā zerrākanın başı kulağa idhāl olunur ve ʿamūdu cezʿ olunmakla mā müncezb olur.

Ve eger kulağa duḥül eden su ḳalīl olur ise kulağa edhān şabbı ve mirāren ve mütetābiʿan elbān-ı fātire şabbı kifāyet eder ḥuşuşan ʿillet zāile olup ağrısı bākī kalır ise onların menfaʿati ziyāde olur.

Ve eger duḥül-i mādan vecaʿ-ı şedīd ḥādīs olur ise ḥaşḥāş kuşūru ve iklīl-i melik ve bābūnec ve benefşec ve ḥatmī ve bezr-i kettān ve daḳīḳ-ı şaʿir hatun sūtiyle kulağa ḳimād olunur, cidden nāfiʿ olur.

On Üçüncü Faşl Kulağa Ḥāricden Ḥayvān Duḥülü ve Kulakta Kurt Tevellüdü Beyānındadır

Kulağa hāmme yaʿnī hümüm ve elem verici ḥayvānın kulağa duḥülü şiddet-i vecaʿdan ve ḥadş²²³ ve ḥikkeden tefaḫḫun ve ḥads olunur ve hareketinden o ḥayvānın miqdārına yaʿnī büyük ve küçük olduğuna tefaḫḫun olunur. Ammā kulakta kurt tevellüdüne kulakta zāhir olan dağdağ²²⁴ delālet eder.

el-Muʿālecāt: Bunların cümlesine nāfiʿ devā olur kulağa ḳatrān taḳtīr olunmak, zīrā ḳatrān fiʿl-hāl kulakta ḥayvānın hareketini teskīn eder ve ḥayvānı az vaktte ḳatl eder ḥuşuşan küçük olanları vaḥyen ḳatl eder. Ve

223 “الْحُدُوشُ [el-ḥudūş] (dammeteynle) Tırmalamak; yukālu: حَدَشَ وَجْهَهُ يَحْدِشُهُ مِنْ” Vankulu.

224 “الْدَّغْدَاغَةُ [ed-dağdağat] (ʿalā-vezni) الرَّزْزَلَةُ [ez-zelzelet] Teşevvüş ve ıdḫirāb maʿnā-sına.” Vankulu.

kıssâ-i hımâr uşâresini taqtîr dahi bunun gibi nâfi' dir gerek yalnız ve gerek sakmûnyâ ile taqtîr olunsun. Ve kezâlik kibrît ve zerâvend-i tavîl ve kalkâdis ve meycâ dahi nâfi' dir.

Ve ona veyyid devâ olur lahm-ı baqarı şeyy edip ondan seyelân-ı ruṭû-beti üzüne taqtîr eylemek. Ve yine nâfi' olur kulağa zeyt vaḍ' olunup şems-te oturmak.

Ve kulağa giren hayvâna ve huşûşan düda nâfi' olur uşârattan aşl-ı keber uşâresi ve fırşâd²²⁵ kökünün uşâresi ve havk uşâresi ve iccâş ve havk yapraklarının uşâresi ve efsentîn veyâhüd qanturiyün veyâhüd ferâsiyün uşâreleri veyâhüd buṭm-ı aḥḍar²²⁶ ağacı yaprağının uşâresi veyâhüd şimşâd varaḳı veyâhüd şanevber varaḳı huşûşan bu varaḳların ḥall-i ḥamr ile taḃîhi, kıssâ-i hımâr ve ḥarbaḳ-ı ebyaḍ uşâreleri veyâhüd taḃîhi veyâhüd eftimün veyâ sakmûnyâ ile futenec uşâresi veyâhüd şîḥ uşâresi veyâhüd mermâhüz uşâresi veyâhüd bu mezkûrlardan biri ile mâ-ı asel ve kezâlik uşâre-i fücl ve uşâre-i [285b] başal ale'l-huşûş bu uşâre telḥ piyaz ya'nî acı soğan uşâresi ola veyâhüd bezr-ı başal mâ-ı asel ile veyâhüd merârâtın baḍısı ve huşûşan merâr bir rummânın içinde şahm ile teşhîn olursa ziyâde nâfi' olur. Ve kezâlik keber-i tarî ḥabbının taḃîhi veyâhüd uşâresi veyâhüd uşâre-i türmüs veyâhüd mâ-ı fâtir ile şabır veyâhüd kuşt-ı meshûḳ veyâhüd âkırkarḥâ. Bu mezkûrlar cemî'an düda ziyâde nâfi' ve kavî olur.

Ve bu şıfat üzere olan devâ düd için mücerrebâttan olur, nüşha şıfatı budur: Şarâb iki dirhem, asel üç dirhem, dühn-i verd bir dirhem, iki aded yumurtanın beyâdı ile ḥalt olunup teftîr olunur ve ona bir kıṭ'a şüfe gams olunup kulak onunla doldurulur ve o kulağa ittikâ ve istinâd eder velâkin uyumaz. Baḍehu o şüfeyi def'aten çıkarır ve onunla düd-ı keşîr ḥurûc eder. Ve baḍı kerre düdün îzâsına nâfi' olur marul uşâresini veyâhüd avsec veyâ pelin uşârelerini veyâhüd taḃîhlerini kulağa şabb eylemek veyâhüd aşl-ı keberin lihâsının saḥîkîni veyâhüd mermâhüz suyunu veyâhüd merzencûş suyunu veyâhüd bevl-i mu'attaḳı şabb eylemek nâfi' dir.

225 "Fırşâd" kırmızı tüt ve "havk" hâ-i mühmele ile bâdrüca derler.

226 "Buṭm" sakız ağacı. Meyvesine "ḥabbetü'l-ḥaḍrâ" derler. Vanî der ki "ألْبُطْمُ [el-buṭm] (bâ'nın ḍammı ve tā'nın sükünuyla) meneviş dedikleri yeşil dâne ki ağaçta biter ki ona çitlemik dahi derler, الْحَبَّةُ الْخَضْرَاءُ ma'nâsına."

On Dördüncü Faşl Aşl-ı Üzünde Ya'nî Kulak Dibinde Olan Veremler Beyânındadır

Bu verem lahm-ı rıhvda ve huşuşan lahm-ı rıhvın aşnâfından lahm-ı güdedî cinsinden hâdiş olan evrâmdan olur ve o vereme bārītüs derler, bezâlik benātu'l-üzün dahi derler. Ve ahyānen o veremin vecaı bir қadre bālīg olur ki müteveccıı қatlı eder. Ve bu mişlli vecaıa ekşer-i hâlde ihtilâı-ı aқıl teқaddüm eder.

Ve aşl-ı üzünde olan vecaı ile şımāh-ı üzünde olan veremin vecaı şüb-bānı meşâyıhtan ziyāde қatlı eder, zırā o iki mağallerin vecaı meşâyıhta mülāyim olur, ammā şābbaların mizācı eşhan olur ve mādde-i mülimerinin hıddeti ziyāde ve icāı ekşer ve imhāli ekall olur mevāddı cemı ve teқayyuh edince қadar.

Aşl-ı üzünün tahtında buhrān hasebiyle olan verem eslem olur eger buhrānın alāmāt-ı şālīhası ve hasenesi var ise, ammā buhrānın nuđca delālet eder alāmātı mevcüde olmaz ise veyāhüd o verem vaқt-i buhrāndan muқaddem hâdiş oldu ise redı olur.

Ve bi'l-cümle bu veremler bađdı kerre māddeten hārre-i şafrāviyye veyāhüd hārre-i demeviyeden olur ve sevdā ve balğamdan dahi olur.

Ve evrām-ı mezküreden demevı olanlara humret ve şıқal ve hisste müdāfaı ve mecārıde đıқ olduđu delālet eder.

Ve şafrāvı vereme ve dem-i raқıқten hâdiş olanlara māşerāya²²⁷ mensüb olup şıқal ve đıқ-ı mecārı olmaksız hâdiş olan vecaı-ı lezzāı delālet eder velākin iltihābı şedıd olur.

Ve balğamı olan vereme terebbül ve lın delālet eder ya'nı hacmi kebır ve yumuşak olur ve humreti dahi қalıl olur.

Sevdāvı vereme şalābet ve kıllit-i vecaı delālet eder.

Ve eger vereme munşabbe olan mādde uđv-ı re'ısın ya'nı dimāğın fađla-la-i medfıası olur ise ve bā-huşuş o fađla dimāğ emrādımnın buhrānında munşabbe oldu ise lışergus buhrānında ekşer-i hâlde munşabbe olduđu gibi onun ilācında itinā mevāddı vereme cezbe ve māddenin tezeyyüdüne [sebeb] olur. O mişlli veremin mevāddını redı ve menı edici devālar istıcmāl olunmaz.

227 “Māşerā” bir nevı marađdır.

Ve zîkr olunan veremin mevâddı faḍla-i dimâğ olduğuna delâlet eden ʿalâmâtı biz kitâb-ı küllîde beyân eyledik. Kaçan o ʿalâmât ile mādde-i verem ʿuḍv-ı reʿîs faḍlası olduğu zâhir oldukta o veremin evâilinde kabḍı ve redʿi olan edviye istiʿmâl olunmaz ve baʿdehu istiʿmâl olunan edviyeler râdiʿ devâ ile terkîb olunmaz. Ve zamân-ı inhiṭâta dahi muḥallil-i şırf devâ verilmez her ne kadar kânûn olan vereme muʿâlece bu vech üzere ise, lâkin ʿuḍv-ı reʿîs faḍlasından hâdiş olan veremde o kânûna itibâr olunmaz belki bu nevʿ veremde vâcib olur ki huşûşan bu nevʿ verem ḥummayâtta ve evcâf-ı reʿste hâdiş oldukta māddeyi ʿuḍv-ı reʿsten vereme cezb eylemeğe iʿânet oluna ve o cezbe müʿeddî her mümkün olan hîle ile ihtiyâl oluna, her ne kadar o hîle vaḍf-ı meḥâcim olur ise de işlene.

Eger mevâdda incizâbı serîr mādde yok ise vâcib olur ki faşda ihtiyâc olur ise faşd edip mevâdd taḳlîl oluna. Ve eger mevâddın taḥallübü ve incizâbı ziyâde ise taḳîrâta ihâle olunup ihtiyâl ile cezb olunmaz, zîrâ ihtiyâl olunsa vecaʿ şedîd ve ḥummâ müteḍâʿif olur belki o maḳâmda vecaʿ-ı şedîd mevcûd ise vâcib olur ki mürḥiyât ve müsekkinât-ı evcâf dan ḥârr-ı raṭb olan edviyeye iḳtişâr oluna. Ve eger o verem vecaʿ-ı şedîd ile ibtidâ eder ise mâ-ı qarâḥla tekmîd ile iktifâ olunur.

Ve eger ibtidâ-i ḥudûsunda verem ḥafif olur ise milḥ dımâd eylemek ile veyâḥûd ukḫuvân devâsı ile ve diyâḥaylûn ve māmîşâ merhemiyile iḳtişâr olunur.

Ve eger vecaʿın ḥiffeti şedîde olmayıp veremde reʿs zuhûr eder ise onun ʿilâcında o edviye istiʿmâl olunur ki onda taḡriye ve tehşîş ve indâc ola, şarâb-ı ʿasel ile müstaʿmel olan daḳîḳ-ı ḥınta ve kettân gibi ve mâ-ı ḥulbe ve ḥaṭmî ve bâbûnec gibi.

Ve eger verem taḥallül eylemeyip belki teḳayyuh edeceği ḥads olunur ise vâcib olur ki ondan ḳayḥ iḥrâc oluna, mümkün olur ise māddeyi telḳîf edip luṭf ve rıfḳ ile iḥrâc oluna ve mümkün deḡil ise ʿunfle iḥrâc oluna, her ne kadar mevâddı iḥrâcda şarta ve maşşa ḥâcet olur ise işlene.

Ve veremden ḳayḥı iḥrâc eden muʿâlecedendir: Evvelâ şart ve baṭṭ olunup ismîlûn devâsını istiʿmâl eylemek. Ve bu vereme muvâfiḳ devâ olur cezb ve taḥlîli ve ḥâşşıyyeti ḥasebiyle ivezze veyâḥûd decâc şahmı ile baʿr-ı ḡanem. Ve kezâlik muvâfiḳ olur nûre ve kaʿk ve ḡayr-i mümallaḥ olan şahm-ı baḳar istiʿmâli.

Ve eger verem müzmin olur ise şadef ve ved^c remâdlarını ^casel ile veyâhüd şahm-ı ^catık ile isti^cmâl eylemek. Ve kezâlik incir, deniz suyuyla tabh ve isti^cmâl olunur. Ve uşşak dahi yalnız isti^cmâl veyâhüd devâ-i âher ile isti^cmâl olunur. Kezâlik zift-i raṭb ve muḳl kevâyir vesahıylı ve mey^ca-i sâile ve iyyelin muḥḥu ya^cnî geyik kemiğinin iliği ile isti^cmâl olunur.

Ve kaçan o verem ḥanâzîr olup tebettüt eylese ya^cnî ^cuḳdeler ḥâşıl olup müteferriḳ olsa bu ^canâşırdan ya^cnî bu eczâlardan merhem ittiḥâz olunur, nüsha şıfatı budur ki ^cilk-i buṭm, zift, ḥabb-ı dehmet, mevîzec, şamğ-ı kemmûn, fülful, aşl-ı lûf, kınnec, küzbere, şuhûm-ı ḳardemânâ, aşl-ı keber ḳuşurunun remâdı, ^câḳırḳarḥâ, ba^cr-ı ḡanem, ba^cr-ı mâ^ciz ve beyne^c’ş-şuhûm ḥâşşıyyeti olur ḥinzîr ve mâ^ciz ve tüyüs-ı cebelî şahımları, ^cale’l-ḥuşuş o veremin mâddesi sevdâvî olur ise enfa^c olur.

Ve yine nâfi^cdir tavuk beynisi ve ḳıbâc ve baḳar beynileri ve baḳar iliği ve ḥuşuşan baḳar-ı vahşî iliği ve edhân isti^cmâli dahi nâfi^cdir. Sühûnetli mâddesi olan evrâma dühn-i verd ve dühn-i benefşec ve mâddesi bârid olan vereme süsen ve şıbs ve bâbûnec ve ḥırva^c dühnleri nâfi^cdir. Ve bu veremin taḥallülü ^cusretli olursa râtiyânec merhemi nâfi^c olur.

On Beşinci Faşl Aşvât-ı ^cAzîmeden Üzünün Herebi Beyânındadır

Üzünün [aşvât-ı] ^canîfeden hereb ve firâr eylediğinin sebebi dimâğda olan ḳuvâ-yı nefsanıyyede veyâhüd sem^ce ḡâişa olan ḳuvvette ḳa^cfin vücûdu olur. Ve sana vâcib olur ki o mişlli âfete senin bildiğın dimâğı muḳavvî olan edviye ile mu^câlece eylesin.

KİTĀB-I ŞĀLİŞ FÜNŪNUNDAN FENN-İ HĀMİS EMRĀD-I ENF VE MU'ĀLECĀTINDA OLAN KELĀM-I MŪCMEL BEYĀNINDADIR

Ve fenn-i hāmīs iki maḳāleyi müştēmil olur: Evvelkisi şēmm ve şēmmīn āfātı beyānındadır. Maḳāle-i şāniye seyelānāt-ı enf beyānında olur. Maḳāle-i ūlā fuşŭlŭ müştēmildir.

[Fenn-i Hāmīsın Maḳāle-i Ūlāsı Şēmm ve Şēmmīn Āfātı Beyānındadır]

Evvelki Faşl [286a] Teşrīh-i Enf Beyānındadır

Biz deriz ki enfin teşrīhinin mufaşşalan teşrīhi 'izāmının ve gādārīfinin ve 'adalātının ve mecrālarının teşrīhiyle olur. Üç evvelki cüz'lerinin teşrīhlerini kitāb-ı evvelde a'ḍā-i müteşābihe teşrīhi bābında biz zıkr eyledik, ammā enfin mecrāleri teşrīhi budur ki enfin iki 'aded mecrā-i ma'ŭlmesi vardır, o mecrālar mişfāt dedikleri kemiğe nāfiz ve sālīk olurlar. Ve mişfāt dimāğdan nāzile olan iki şedyin hālemelerine müşābih zāideler tahtına mevḍū'adır. Ve mişfātın mecrālarının ittişālinde olan mevḍi'de bir şukbe vardır, o şukbe muḫāzīsinde dimāğı muḫīṭ olan gışāda dahi bir şukbe olur, enften dāhīl olan riyāh dimāğa o şukbe ṭarīkinden vāşıl olur. Burunda olan iki mecrādan zıkr olunan minvāl üzere dimāğa ṭarīk olduğu gibi kezālik ḫalka ya'nī boğaza dahi ṭarīk olur.

Ammā ālet-i şēmmīn teşrīhi budur ki hiss-i şēmm kuvveti zıkr olunan o iki zāidelerde olur ki onlar şedyānda olan iki hālemelere benzer ve muḳaddem-i dimāğda olurlar. O zāideler butŭn-ı dimāğın iki baṭn-ı muḳaddeminden müstemidd²²⁸ olurlar. Ve zıkrī sābıḳ şukbeden dimāğın fuḍŭlŭ teşaffi eder ve dimāğa erāyih gibi nesnelere ṭarīkten vāşıl olur ve o zāideler istinşāḳ-ı havā ile meşmŭmātı şēmm ve idrāk eder. Ve dimāğın kendi teneffüs eder ve o teneffüs ile dimāğda olan ḫārr-ı gārīzīyi dimāğ hıfz eder ve ḫārr-ı gārīzīsini 'ırḳ-ı nābīd ḫārr-ı gārīzīsini gibi az olur ve çoğalır şiyāh katında ve havānın ve rŭhŭn fevḳe ihtināḳı katında ḫarāret-i gārīzī ziyāde olur.

228 Ya'nī kuvve-i şāmmeye meded zıkr olunan iki baṭndan gelir.

Ve burnun akşāsında ve nihāyetinde iki mecrā dahi olup iki māka ya'nī göz pınarlarına sālīk olur onun için iktihāl olundukta kuhlün ta'cımını ağızda olan kuvve-i zāika idrāk eder, zikr olunan tarīkten kuhlün eczā-i laṭifesi lisāna vāşıl olmakla.

Ammā şemmin keyfiyyeti bāb-ı kuvāda zikr olundu.

Ve ammā rāyihānın kendi havāda bir keyfiyyet olur ki zū'r-rāyihaya muḳārenet ile o keyfiyyet havāda hādīs olur ve istinşāk ile hāse-i şemme o havā vāşıl oldukta o keyfiyyet idrāk olunur veyāhūd o rāyiha zū'r-rāyihānın buḫārı olur, kaçan zū'r-rāyihadan buḫār taḫallül eylese havā-i müstenşāk o buḫārı meşamma ma'an tenfīz eder ve kuvve-i şamme dahi onu idrāk eder. Ve bu taḫkīk feylesüfa gerekli olur. Ve eṭibbāya gerektir ki şemm havādan bir nev' istihāle ile olur ki o havā ālet-i şemme rāyihayı edā eder ve onun te'diyesine zū'r-rāyihada olan buḫārın sūtū'u mu'ın olur diye itikād eyleye.

Ve biz enfin teşrīhini ve menfa'atini ve munḫurlarda ya'nī burun deliklerinde olan aḫdalleri bundan aḫdem zikr eyledik, el-ān bize lāzım olan ancak emrād-ı enfi ve esbābını ve alāmāt ve mu'alecātını zikr oldu.

İkinci Faşl Enfte İstīmāl Olunan Edviyenin Tarīkini Bildirir

Burun emrādına olan mu'aleceler gāhice tarīk-i enfe hāşş olmaz, ğarāğır ve başta istīmāl olunan aṭliye gibi. Ve ba'ḫısı tarīk-i enfe hāşş olur, baḫūrāt ve şemümāt ve aṭūsāt gibi. Ve aṭūsāt bir nev' ecsām-ı raṭbedir ki enfe taḫtīr olunur. Ve tarīk-i enfe hāşş olan devāların biri dahi neşūkāt olur. Ve neşūkāt bir nev' ecsām-ı raṭbedir ki burna onun ictizābı havāyı ictizāb ve istinşākla olur. Ve tarīk-i enfe hāşş olan devāların biri dahi nefūhāt olur. Ve nefūh o edviye-i yābisedir ki enfe nefḫ için müheyyā kılınmıştır ve vācib olur ki nefūh ünübūbe ile nefḫ oluna.

Ve isti'ātı murād olunan kimseye emr olunur ki ağzını su ile doldura ve istilkā eyleyip başını ḫalf cānibine neks eyleye ve o ḫāl üzere burnuna se'ūt taḫtīr oluna. Ve vācib olur ki burna vaḫ olunan devā istinşāk-ı küllī ile tenesşuk oluna ḫattā o devā-i menşūk fi'lini icrā eyleye.

Ve çok kerre olur ki enfe taḫtīr veyāhūd nefḫ olunan edviye-i ḫādde re's-te şediden lez' ihdās eder ba'dehu bi-nefsihi sākīn olur. Ve ba'ḫı kerre dahi lez'i teskīn eden devāya ḫācet olur. Ve ziyāde şavāb olan budur ki devā-i

hâdd u hırrîf ile isti'âf olundukta baş üzere ıssı su ile ıslatılmış hırka-i meblûle vađ oluna ve isti'âtтан muqaddem başına 'alā-vechi'l-isti'âb leben hâlb oluna veyâhûd dühn şabb oluna, kabak çekirdeđi dühnü ve dühn-i verd ve dühn-i hilâf 'alā-vechi'l-istiğrâk ve'l-iğâta tılâ oluna. Ve kaçan isti'âf olunan devâ fi'lini işledikte burna edhân-ı bārîde ile leben taqtîr oluna, bu vech ile lebenni taqtîr nâfi' olur.

Üçüncü Faşl Āfet-i Şemm Beyânındadır

Sâir ef'âle âfet işâbet eylediđi gibi fi'l-i şemme dahi âfet işâbet eder ve âfet-i şemm butlân olur veyâhûd đaf ve nokşân olur veyâhûd fesâd ve tağayyür olur.

Ve butlân ve đaf dahi ikişer vech üzere olur: Vech-i ulâ budur ki gerek butlân ve gerek đaf rāyiha-i tayyibe ve rāyiha-i müntinenin her biri hakkında olur. Ve ikinci vechi onların birini idrâkte hiss-i şemmde butlân veyâhûd đaf olur, âheri idrâkte butlân ve đaf olmaz, meşelâ rāyiha-i tayyibe hakkında đaf ve butlân müntineyi idrâki tâmm olur veyâhûd müntine hakkında đaf ve butlân olur, tayyibeyi idrâki tâmm olur.

Ve şemmin fesâd ve tağayyürü dahi iki vech üzere olur: Vech-i evvel budur ki hâricde rāyiha-i habîse mevcûde deđil iken şemminde habîş rāyiha bulunur. Ve ikinci vechi rāyiha-i kerîheyi o kimse istiğâbe eder, meşelâ kâzürâtın rāyiha-i kerîhesini rāyiha-i tayyibe 'add eder ve tayyib olan rāyihayı kerîh görür.

Ve bu âfetlerin sebebi sū-i mizâc-ı müfred veyâhûd hılî-ı redî olur ki o hılî muqaddem-i dimâğda olan iki bađnda hâşıl olur yâhûd kuvve-i şâmmenin âleti olan şedy hâlemelerine müşâbih zâidelerde olur veyâhûd âfet-i şemm 'azm-ı müşâşide ya'nî mişfatta südde olmakla olur. Ve o südde dahi hılîttan veyâhûd verem ve serefân ve bespâyec²²⁹ veremlerinin birinden ve lahm-ı zâid nebâtından olur veyâhûd zikr olunan âfet-i şemm 'azm-ı müşâşî fevkinde olan dimâğı muhîf hicâbda südde olmakla olur.

229 “Bespâyec” Fârsîden mu'arrebdir, aşlında “bes-pâye” idi, keşîrü'l-ercül ma'nâsınadır. İrbiyân derler deryâda bir balık vardır, keşîrü'l-ercül olur. Bu cillet o balığın şeklinde olduğundan bespâyec tesmiye ederler ve irbiyân dahi tesmiye eder[ler].

Ve sū-i mizāc-ı müfreden hādīs olan āfet ekşer-i hâlde isti'mâl-i edviyeden ve kaçūrāt taķtūrinden olur, zīrā isti'mâl olunan edviye ve kaçūrāt mizācı teşhīn eder veyāhūd tebrīd ve taḥdīr eder ve onlardan sū-i mizāc-ı müfred hādīs olup āfet-i şemme mü'eddī veyāhūd zıkr olunan teşhīn-i mizāc ve tebrīd ve taḥdīr keyfiyyeti müfriṭa olan havādan dahi 'arıḍ olur.

Ve ba'ḍı kerre dahi āfet-i şemm ḍarbe ve saķtadan olur, 'azm-ı müşāşīye onlardan āfet erişmekle.

el-ʿAlāmāt: Kaçan bir kimse revāyiḥi idrāk edemeyip mu'tād üzere burnundan fuḍül seylān eylese mişfatta südde olmadığına delālet eder.

Ve eger burnunda nefesin nüfūzu mümteni' olup ğunne ile tekellüm eylese ḥayşūmun kendide südde olduğuna delālet [eder.]

Ve seylān-ı fuḍül munkaṭı' olup dimāğda sū-i mizāc ve fuḍülde dahi kılllet olmadığı ma'lūm olsa ve mā-dūnu ya'ni alt tarafı meftūh olsa onlar delālet eder ki mişfatın fevkinde südde-i ğāire vardır.

Ve eger fuḍülün seylānı ve mu'tād üzere cereyānı olup ve taḥte'l-ḥayşūm ve ḥavālisinde südde olmasa delālet eder ki āfet dimāğın kendide olur.

Ve dimāğın mizācı ve ef'ālī ve aḥvālī zıkrı mürūr eden senin bildiğın 'alāmetler ile olur. Ve bu 'alāmetler buḥlān-ı şemm ve noķşān-ı şemmin ikisinde dahi cereyān eder, zīrā o 'alāmāt kavī olursa buḥlāna ve ḍa'if olur ise ḍa'fa delālet eder.

Ammā ḥāricde olmayan 'ufūnetli rāyiḥa şemminde hādīs olup netni istinşāk eder gibi ḥālet zāhir olur ise onun sebebi mevāḍi'in birinde ḥılt-ı redī olduğuna dellet eder. Ve o ḥılt-ı redīnin maḥall-i mu'ayyenine zıkrı sābık 'alāmetlerin emsālī delālet eder.

Ve emrād-ı ḥādede mu'tāde ve ma'ḥūde olmayan revāyiḥ istişmām olunsa ve o mişllī revāyiḥi olan [286b] zū'r-rāyiḥa dahi mevcūde olmasa meşelā ḥuḍūrunda misk ve ḥīn ve semin olmayan kimsenin meşāmmında rāyiḥa-i misk ve ḥīn-i meblūl ve semn rāyiḥası hādīs olsa ve o marād-ı ḥādede 'alāmāt-ı rediyye dahi mevcūde olsa mevt muṭill ve müteveccih²³⁰ olduğuna delālet eder.

230 Muḥammed-i Ḳazvīnī der ki mevtin muṭill ve müşrif olduğuna delāleti onun içindir ki ervāhta bu keyfiyyetler vardır, iḥtirāk ile zāhir olur. Kaçan marīḍde bu ḥāl zāhire olsa ervāhın iḥtirākına delālet eder.

el-Mu'alecât: Âfet-i şemmin sebebi sū³-i mizâc olur ise çıdd ile mu'alece olunur ve mu'addem-i dimâğ kaçd olunup keyfiyyeti keyfiyyet-i mizâca müdâdde olan ne'ülât ve şemümât ve neşûkât ve atlıye ve admideler mu'alecât-ı re³ste yazıldığı üzere isti'mâl olunur. Ve sū³-i mizâcın âfete sebep olduğu ekser-i hâlde bu tarîk ile olur ki dimâğın iki batn-ı mu'addemi bi-külliyetihimâ bārid olur veyāhūd bürüdet halemētānın kendide olur. Ve bu iki vech ile olan âfetin 'ilâcı ve enfa^c edviyesi o se'ûtāt olur ki edhān-ı hārreden ittiḥāz olunur bu vech ile: ferfiyūn ve cünd-i bīdester ve misk edhān-ı hārre-i mezkûre içinde ḥall olunup se'ût kılınır.

Sebebi butūn-ı dimâğda ḥılt olan âfet-i şemmin 'ilâcı evvelâ ḥılt-ı mezkûr âfet-i şemmin sebebi olduğuna 'ilel-i dimâğ bābında zıkr olunan 'alâmetler ile istidlâl olunduktan sonra eger ḥılt cümle bedende gālib ise bedenden istifrag olunur ve dimâğa maḥşūş ise dimâğdan istifrag olunur. O müstefrigāt: şebyārāt ve ġarāğır ve se'ûtāt ve neşûkāt ve şemümāt-ı mülaṭṭıfeler ve bunlara benzer senin bildiğın devālardır. Ve eger faşd-ı 'urūka ḥâcet olur ise 'urūk faşd olunur. Bu mu'alecātın cümlesinde 'ilâc-ı dimâğda yazılan uşūl-i kânūna mūrāca'at olunur.

Ve eger âfet-i şemmin sebebi mişfāt demekle ma'rūf olan kemikte olur ise mu'alecetü'r-re³ bābında mezkûr olan ne'ülât isti'mâl olunur. O ne'ülât tenṭil olunup ne'ülātın buḥārına dahi 'alīl meyl ettirilir buḥārı dimâğa tenfīz için. Ve o ne'ül içinde fülful ve kündüs ve cāvşır ḥall olunup istinşāk olunur. Bunlardan sonra vācib olur ki re³se meḥācim ilzām ve eşyā-ı müfettiḥa-i ḥāddeden mütteḥāz ġarāğır iltizām oluna.

Ve tecrube olunan edviyedendir: Şūnīz birkaç gün sirke içinde nuḫū^c kılınıp ba'dehu nā'imen saḥk olunduktan sonra zeyt ile ḥalt olunup burna taḫṭır oluna ve o muḫaṭṭarı 'alīl fevk cānibine mehmā-emken istinşāk eyleye. Ve ba'dı kerre dahi şūnīz ġubār gibi saḥk olunup zeyt-i 'atīk ile ḥalt olunduktan sonra tekrār bir dahi saḥk olunur ḥattā eşeri kalmaz.

Ve mücerreb olup eṭṭibbānın dahi zıkr eyledikleri devālardan olur: Zernīḥ-i aḥmer ve fūtenec aḥz olunup cidden muḥkem saḥk olunur ve cemel-i a'rābī bevline ġamr olunup²³¹ şemse konulur ve günde iki kerre zarfı ile ḥaḍḥada ve taḥrīk olunur. Ve kaçan devā bevli neşf ve şürb eylese ana

231 Ya'nī zernīḥi setr edecek miḫdār bevl içine konulur.

bevl-i cedîd i'âde olunur. Ve ondan bir dirhem miqdârı enfe tebhîr olunur ve ba'dehu burun dühn-i verde iğrāk olunur.

Südde-i rihîyye için medh olunan devâlardan olur cebelî olan acı bâdem yağıyla isti'âf olunmak ve hârmel veyâhüd fülful-i ebyađ medkûkan enfe nefh olunmak. Ve ba'dı e'tıbbâ zıkr eylediler ki retenin kışrı kuruyup ve sahk olunup meshûku burna nefh olursa nâfi' devâ olur.

Eger âfet-i şemmin sebebi bäsür olur ise beväsîr 'ilâcıyla mu'alece olunur.

Ammâ râyiha-i tayyibeyi ihsâs ve müntineyi 'adem-i ihsâs işbu âfetin 'ilâcı o kimse râyiha-i miski 'ale'd-devâm istişmâm eylemektir ve o âfetten kurtulunca kadar miski şemme müdâvemet etmek gerektir.

Dördüncü Faşl Ru'âf Ya'nî Burun Kanamak Beyânındadır

Ru'âf ba'dı kerre daif olup kațarât-ı ma'düde teķātür etmekle olur. Ve ba'dı kerre dahi hâyice olur. Ve heyecânın sebebi ta'ne ve hafer veyâhüd dem kuvvet ile ğaleyân eylemek ile olur. Ve ba'dı kerre dahi demin inficârı dimâğın 'urûk ve şerâyîninden müntesice olan şebekesinden olur. Ve ekser-i hâlde şebeke inficârı kâbil-i 'ilâc olmaz. Ve bu inficârın ekseri şudâ'dan ve iltihâbdan ve marađ-ı hâddeden ve darbe ve sahta 'akibinde olur ve o inficâra tâbi' olur ef'al-i dimâğın fesâdı, lâ-mahâle bu fesâd 'arıđ ve inficâra tâbi' olur. Ve ba'dı kerre ru'âfin sebebi hâdde-i müteşac'ide olan buhârât olur. Ve şerâyînden münfecir olan dem evride deminden rikkat ve humret ve harâret ile temeyyüz eder.²³² Ve kezâlik ru'âf ba'dı kerre edvâr ile 'âid olur ve ba'dı kerre dahi def'aten vâkı' olur.

Ve ru'âf ba'dı kerre nâfi' ve ba'dı kerre dârr olur. Ve re'sinde imtilâ olan kimsenin ru'âfindan sonra başına hıffet 'arıđ olsa ve levni şedîden aħmer iken mu'tedilü'l-levn olsa ve seħanesi müntefiħa iken seħane dahi mu'tedile olsa o ru'âf nâfi' ru'âf olur ve huşuşan bu vech ile olan ru'âf emrâđ-ı hâddede ve evrâm-ı bâtinede ve 'ale'l-huşuş o evrâmın demevî olanlarında

232 Ya'nî şiryânın demi aşkar ve verîdin demi aħmer-i kânî olur. Ve dem-i şiryân dem-i verîdden eħarr olur, zîrâ maıtyye-i ervâhtır ve ervâh eħarr-ı a'đâdır. Ve dem-i şiryân rakîk olur, zîrâ ervâh ondan tekevvün eder ve dem-i verîdden a'đâ tekevvün eder.

ve şafrāvilerinde ziyāde nāfi⁶ olur. Ve dimāğda olan vereme ru⁶āfin menfa⁶ati ekşer olur ba⁶dehu kebid veremine ve ba⁶dehu hiçāb²³³ veremine ve ba⁶dehu riye veremine ru⁶āfin menfa⁶ati ekşer olur. Ve zātü'l-cenbde ru⁶āfin menfa⁶ati zātü'r-riyede olan menfa⁶atten ziyāde olur.

Ve emrād-ı hāddede çok kerre ru⁶āftan buhrān-ı kebīr olur huşuşan cüderī ve hasbe mişllilerin buhrān-ı kebīri ru⁶āf olur.

Ve kaçan ru⁶āf ifrāt üzere seyelān eylese onun ⁶akibinde beşereye ğayr-i mu⁶tād olan şufret veyāhūd reşāşıyyet veyāhūd kümüdet ⁶arıd olur veyāhūd ona haddi mütecāviz zübül ⁶arıd olup e⁶trāfına bürüdet ğalebe eder.

Ve eger ifrāt üzere seyelān eden ru⁶āf kaç⁶ olursa ⁶akıbetinden hāzer olunur. Ve kaçan ru⁶āf ⁶akibinde levni şufrete müteğayyir olsa mirār-ı aşferin ğalebesine delālet eder ve demin hurūcundan onun ta⁶darruru e⁶kall olur. Ve levnin reşāşıyyete tağayyürü balğamın ğalebesine delālet eder. Ve levnin kümüdete tağayyürü mirār-ı esvedin ğaşebesine delālet eder.²³⁴ Bu iki mirārdan hādış olan ru⁶āf ⁶akibinde levne kümüdet ve reşāşıyyet ⁶arıd olsa o ru⁶āfların ⁶ararı şedīd olur. Ve bi'l-cümle ifrāt üzere olan ru⁶āf ⁶a⁶f-ı kebidin ve istiskā mişllilerin mara⁶dlarından ha⁶tar üzere olurlar.

Ve ru⁶āfa eşedd-i isti⁶dādı olan ebdān mirār-ı şafrāvī olup ra⁶kıku'd-dem olan ebdāndır ve o mişlli beden ru⁶āf-ı mu⁶tedilden intifā⁶ eder.

Ve ru⁶āfin hudūşuna biraz delāil vardır, iki ⁶ayna tebārīk lāyiha olması gibi ve hu⁶tūt-ı ebya⁶d u aşfer ü a⁶mer görünmesi gibi. ⁶Ale'l-huşuş şudā⁶ ⁶akibinde bu mezkūrların delāletleri şedīde ve kavıyye olur. Emrād-ı hāddede ve emrād-ı hādde buhrānlarında bizim betān eylediğimiz sāir ⁶alāmetler dahi ru⁶āfa delil olur. Ve ru⁶āftan ve a⁶hvāl-i ru⁶āftan emrād-ı hādde a⁶hvāline ve emrād-ı hādde buhrānātına istidlāl olunur ve biz onları ma⁶hallinde beyān eyledik.

el-Mu⁶ālecāt: Buhrānda hādış olan ru⁶āfa ve buhrān ru⁶āfına müşābih olanlara ya⁶nī def⁶-i ⁶abī⁶ ile zühūr eden ru⁶āfa kuvvetin cidden su⁶kūtu ⁶havf olunmadıkça mu⁶ālece terk olunmak evlā olur. Ve ba⁶dı kerre seyelān eden ru⁶āf dört rı⁶la bālīk olur. Ve kaçan kuvvetin cidden su⁶kūtu ⁶havf olursa eger

233 “Hiçāb”dan murād şadrda olan hiçāblar ve ğışālardır.

234 Ğayr-i ⁶abī⁶ olan şafrāya mirre-i şafrā derler ve ğayr-i ⁶abī⁶ olan sevdāya mirre-i sevdā derler. İmdi mirre sevdāda ve şafrāda isti⁶māl olunur lākin şafrāda isti⁶māl ekşerdir.

o ru'âf ifrâṭ-ı şedîd üzere seyelân edip edviye ile kaçṭı kâbil olmaz ise o dem ḥabs olunur ya'nî sedd olunmakla ḥabs olunur. Ve eger ifrâṭ-ı seyelân yok ise edviye-i ḥābise ile kaçṭ olunur. Ammā beden mirārî olup isti'dādından ru'âf ḥādîş oldu ise vācib olur ki o kimsenin mirārını istifrāğa müdāvemet olunup aḡdiye ve eşribenin isti'māliyle o bedenin demî ta'dîl oluna.

Ve cemī'an ḥābisât-ı ru'āftan faşd efḍal olur eger ru'āfın [287a] cānibine müvāzî ve müşārik maḥallden ḍayyıkan faşd olunur ise 'ale'l-ḥuşuş ḡaşy vāki' olur ise faşdın ḍayyık olması ziyāde efḍal olur.

Ve ru'āfı ḥābis olan devālar ḳabḍı şedîde veyāḥūd tebrîdi ve taḡlîzi ve tecmîdi şedîd olan devālardır. Ve kezālik şedîdü't-taḡriye veyāḥūd ḥādde ve kāviye olan devālardır. Ve baḍılar dahi bi'l-ḥāşşa ḥabs-i ru'āf eder. Bu mezkûrlar müfreden ve ḡāḥice şünāî ve şülāsî ve sâir terākîb ile mürekkeben ru'āfı ḥābis olur.

Ammā ḳavābıḍ liḥyetü't-teys ve aḳākıyā ve cülleñār ve verd ve 'ades ve 'afş mişlli ve 'avsec yapraḡı ve kümmeşrā yapraḡı 'uşāreleri ve sefercel ve 'aşa'r-rāṭ mişllilerdir.

Ammā müberridāt afyün ve kāfūr ve bezr-i benc ve caşş ve bezr-i ḥass ve bezr-i ḥassın 'uşāresi ve ḥilāf ve belah-ı²³⁵ naḥlin suyu ve ḳāḳulî ve lisān-ı ḥamel. Bu mezkûrların cemī'isi ḡayr-i maṭbūḡ tebrîd eder.

Ammā muḡarriyāt ḡubār-ı reḥā ve diḳāḳ-ı küñdür.

Ve kāviyāt olan zācāt ve ḳulḳuṭār mişllilerdir. Ve vācib olur ki bu mişlli kāviyāt isti'māl olundukta iḥtiyāt oluna, zîrā çok kerre kāviyāt-ı mezkûre ḥuşkrîşet iḥdās eder ve kaçan ḥuşkrîşeti sākıta oldukta evvelā olan āfetten şerri āfet iḥdās eder. Ammā bi'l-ḥāşşa ru'āfı ḥābis olan devālar revş-i ḥimār ve bādrüc ve mā-ı na'nāc mişllilerdir.

Ru'āf-ı Ḥafîfin 'İlācı Budur: Ḥafîf olan ru'āfa baḍı kerre se'ūtāt ile mu'ālece olunur, o se'ūtāt bunlardır: Belah-ı naḥlin suyu ve aḳākıyā her birinden nışf ūḳıyye, kāfūr bir ḥabbe. Bunlardan ittiḥāz olunan se'ūt 'ale'd-devām enfe taḳṭir olunur.

Se'ūt-ı uḡrā: Mā-ı belah ve 'uşāre-i küñrās.

Āḡer: Mā-ı māliḥ-i müñr ve māu'l-küzbere. Lākin māu'l-māliḥü'l-müñr kulaḡa taḳṭir olunur.

235 “Belah” “اسم لثمرة النخل في اخضراره وتدوره وتفرق بعضه عن بعض” İbn Küñbî.

Āher: Kākulī 'uşāresi ğayr-i maṭbūh isti'āṭ olunur.

Āher: Mā-ı kışsā kāfūr ile.

Āher: Bādrūc kāfūr ile yāhūd lisān-ı ḥamel 'uşāresi ṫīn-i maḥtūm ve kāfūr ile yāhūd 'aşa'r-rā'ī 'uşāresi ṫīn-i maḥtūm ve kāfūr ile.

Bu bābda bālīgu'l-menfa'a olan edviyeden olur ḥımārın ṫarī ve tāze revṣi. Ve eger demin kesreti iḥsās olunur ise sirke ile maḥlūt zencār azar azar burna taḫtīr olunur.

Āher: Nā'imen saḥḫ olunan cūllenār lisān-ı ḥamel suyuyla isti'āṭ olunur.

Āher: Afyūn su içinde ıslatılıp isti'āṭ olunur.

Ve vācib olur ki ru'āfı olan kimse şedīdü'l-berd olan suyu dökünmeye, zīrā şedīdü'l-berd olan su demi 'aḫd eder ve dimāğın ğışālarında demi dondurur. Ru'āf için nefi ğāyete bālīg biraz se'ūṫāt vardır ki biz onu akrābādīnde zīkr eyleriz.

Beyānu'l-Fetāili'n-Nāfi'ati li'r-Ru'āf: Bir fetīle aḫz olunup ḥubza ğams olunup üzerine zāc ekilip burna sokulur.

Āher: Kurrayş yaprağının 'uşāresi ve kulḫuṫār ve tavşan yünü ve ḥımārın sirḫīn-i yābisi veyāḥūd sirḫīn-i raṫbı ve kürrās 'uşāresi ve kündür aḫz olunup onlardan fetīle ittiḫāz olunur.

Āher: Ḥavlān-ı Hindī-i muḫraḫ ve mā-ı bādrūc. Bunlardan fetīle ittiḫāz olunur.

Āher: Ğubār-ı rehā ve diḫāk-ı kündür ve şabır. Bunlardan sirke ve beyād-ı beyḫle fetīle yapılır.

Āher: Zāc, kırtās-ı muḫraḫ, ḫuşār-ı kündür mā-ı bādrūcla fetīle kılınır.

Āher: Bir fetīle gül suyuyla ıslatılır, kulḫuṫār ve şabıra o fetīle-i meblūle ğams olunur veyāḥūd mā-ı kürrāsla bir fetīle ittiḫāz olunup üzerine na'nā'-i meshūk ekilir veyāḥūd isfencle zift-i müzābdan fetīle ittiḫāz olunup sirke ile ğams olunur yāhūd sirāc-ı ḫuṫrubdan veyāḥūd nesc-i 'ankebūttan kulḫuṫār ile ve ḫalīlü'l-miḫdār zencār ile fetīle ittiḫāz olunur. Menḫuş tavşan yünü beyād-ı beyḫle ma'cūn kılman kündür ve şabıra ğams olunup ondan fetīle ittiḫāz olunur.

Āher: Zāc-ı muḫraḫ iki cüz', afyūn bir cüz' sirke ile cem' olunup ondan fetīle ittiḫāz olunur veyāḥūd ḫuşūr-ı beyḫ-i muḫraḫ ḫibr ve 'afş ile fetīle kılınır.

Ammā Nefūhāt: Havlān-ı Hindī-i muhraqtır.

Āher: Dafādī-ı muhraqa burna üfürülür.

Āher: Ğubār-ı rehā yāhūd türāb-ı hazef-i ebyad yāhūd nüre.

Āher: Kuşār-ı kündür, kırṭās-ı zāc mütesāviyetü'l-eczā aḥz olunup enfe nefḥ olunur.

Āher: Şecere-i dülb kuşuru saḥk olunur. Ve vācib olur ki dülbün kuşarı destbān ile bir miş üzere cem^c oluna ya^{nī} dülbün kabuğu ağaçtan bir ālet ile ḥakk olunup üzerinin zi^{biri} ya^{nī} havı bir palās üzere cem^c oluna ve ceddeden maşnū^a ya^{nī} şalābetli yerin toprağından yapılmış bir kūze içine o kuşār-ı mecmū^a ceddeden me^{hūz} bir miḳdār türāb ile ma^{an} vaḍ^c oluna. Eger onlara bir miḳdār türāb-ı faḥḥār ya^{nī} saksının kendi toprağı dahi ḥalt olunur ise evlā olur. Pes o kūzenin ağzı bağlanıp zılla ya^{nī} gölgeli maḥalle ilkā olunur ve kuruyunca ḳadar gölgede terk olunur ve kuruduktan sonra vakt-i ihtiyācda hebā gibi olunca ḳadar saḥk olunup burna nefḥ olunur ve nefḥ olunduğu mekānda ru^{āfi} ḳaṭ^c eder. Veyā yumurta kabuğu saḥk olunup nefūḥ kılınır.

Āher: Kaşabu^{z-zerire} ve nesrīn gülü ve bezr-i verd ve ḳaranfūl her birinden birer dirhem, mürr, ḳafş her birinden yarımşar dirhem, misk, kāfurun her birinden miḳdār-ı ḳalīl aḥz olunup eyyām-ı mütetābi^aada nefḥ olunur ve her nefḥ olunduḳça burunda o nefūḥu bir sā^{at} ḳadar imsāk eder ve onun eczāsından ağzına nüzūl edenleri tükürüp ağzından iḥrāc eder.

Ve vācib olan budur ki nefḥ bir ünḅübe ile ola ki ḥattā ru^{āfin} dūrürünü men^c eyleye.

Ammā Ru^{āf} İçin İstīmāl Olunan Atliye ve Şabūbāt: O atliyeden biri budur ki ḥilāf ağacının yaprağı ḳuşāresi ve kerm ve ās yaprakları ḳuşāresi ve gül suyu. Bunlar cem^c ve tebrīd olunup ḥırḳa-i kettānla cebheye ilşāk ve ilzām olunur. Ve kezālik ma^{rūf} olan edviye-i bāride vü ḳābiḳa vü muḥad-direnin cümlesinden dahi atliye ittihāz olunur. ḳuşārāt-ı müberride vü muḳabbıḳa içinde ḥall olunduktan sonra istīmāl olunur. Ve o ḳuşārāt bunlardır: eṭrāf-ı ḥilāf ḳuşāresi ve ḳavsec ve ḳuḍbān-ı kerm ve varāḳ-ı kümmesrā ve sefercel ve ḳaşa^{r-r-rāf} ḳuşāreleri. Pes bu ḳuşārelerden biriyle o edviye ḥall olunup ṭilā ve ḳimād istīmāl olunur.

Amma'l-Meşmūmāt: Ḥimārın tāze ve ṭarī olan revṣi.

Amma'l-Ḥaşâyâ: Burna sokulup enfi sedd eden haşvlar rîş-i kaşab²³⁶ ve ru'ûs-i mekânis²³⁷ ve kuṭn-ı berdiyy²³⁸ ve sâir nebâtâtın kuṭnu olur.

Ammâ ru'âftan ḥarâret-i şedîde ḥasebiyle ğaleyân-ı demden veyâhûd şerâyînin inficârından ḥâdiş olup kaṭrında şu'ûbet olanların mu'âlecesi ru'âfın ḥurûc eylediği munḥur cānibinde olan kîfâlden faşd olunur ve o faşd cidden ḍayyîk kılınır veyâhûd mu'ahḥar-ı re'sten şart-ı hafif ile ḥacâmet olunur. Ve maḥrec-i ru'âf olan munḥur cānibinden sedy üzere dahi bilâ-şart ḥacâmet olunur. Ve ba'dı kerre kîfâlden faşd olundukta ğaşye varınca kadar dem iḥrâc olunur. Ve kezâlik ḥalf cānibinden ketif 'urûkundan faşd olup ḥâcet olur ise ğaşye varınca kadar dem iḥrâc olunur. Bu faşdın nef'-i bâliği olur, zîrâ demi başa şu'ûddan men' eder onun için ki demin ḥurûcu ğaşye mü'eddî olsa dem sâkin olur. Ve bu vech ile olan faşd şedîdü'l-ḥâfir olan ru'âfta olur belki şiddet-i ru'âf iḥsâs olunup ḥafr fehm olunsa vâcib olur ki mübâderet ve müsâra'at olunup kable-sukûṭi'l-ḫuvve zîkr olunan faşda mübâşeret oluna.

Ammâ ru'âfta şiddet-i ḥafr olmasa belki қаṭarâtle ḥurûc eder ise veyâhûd ru'âfın ḥurûc ve seyelânı nevâib ile olur ise vâcib olur ki faşd ḫalîl olup mirrât mütevâliyâtla dem iḥrâc oluna. Ve kaçan fasd ile demi iḥrâc kifâyet miḫdârına erişe, demi tebrîd ve taḥşîr etmekle demi taġlîze iḫbâl ve iḫdâm oluna. Ve bu bâbda 'unnâb [287b] isti'mâl olunur demin ğalebesini teskîn eylediği için, her ne kadar ḥarr ve berdde mu'tedil olmakla onunla dem tebrîd olunmaz ise.

Ve dem-i ru'âf ğalebe ve heyecân eyledikte meḥâcim vaḍ'ı faşddan muġnî olmaz, zîrâ vaḍ'-ı meḥâcim dem-i ğâlibe muḫâvim ve müdâfi' olmaz belki dem ğâlib oldukta vâcib olur ki evvelâ dem faşd etmekle taḫlîl oluna ba'dehu miḫceme vaḍ' oluna. Ve ru'âf cānib-i yemînden akar ise miḫceme kebid üzere vaḍ' olunmak ve yesârî olan ru'âfta miḫceme ṭihâl üzere vaḍ' olunmak ru'âfın ecell-i mu'âlecâtından olur. Ve ru'âf cemî'an yemîn [ve] yesârda olur ise kebid ve ṭihâlin ikisine dahi miḫceme vaḍ' olunur.

236 “Rîş-i kaşab” kamışın saçağı ve yaprağı ma'nâsına.

237 “Ru'ûs-ı mekânis” süpürge ma'nâsına. Ve maḥleşa dedikleri nebte dahi miknese derler, onun bir sınıfının başı olur, İbn Kütübî müfredâtında muşarrahtır.

238 Ve “berdiyy” o nebettir ki, ondan ḥaşîr örerler.

Ve vâcib olur ki mer'ûfun etrâfı hattâ ricâlin huşyeleri ve nisvânı memeleri şedd olunup bağlana ve kulakları şedd edip bağlamak ru'âfa cidden nâfi' olur.

Ve vâcib olur ki mâ-ı bârid ile keşiren neţül oluna. Ve ba'dı kerre mer'ûf selcle müberred olan su içine iclâs olunmağa hâcet olur, a'ďasında hüdret 'arıđ olunca kadar mâ-ı müsellecde imsâk olunur. Ve ba'dı kerre dahi başı sönmüş kireçle²³⁹ veyâhüd sirkede meblül olan caşş ile dımâd olunmağa muhtâc olur veyâhüd başına mâ-ı bârid-i müsellec şabb eylemek ile başını tađdire hâcet olur. Ve ba'dı kerre dahi fetâil-i kavıyye isti'mâlinden lâbüdd ve lâzım olup zencârî fetüle isti'mâl olunur. Ve mâ-ı bâdrüc kâfür ile ve mûmiyâ-i hâliş ile bir dirhem kadar se'ûť olunur. Bu mezkûrlar işlemez ise lâ-eķall ađzında mâ-ı bârid-i meşlücu imsâk ettirile.

Ve ma'ľüm ola ki ba'dı mer'ûf kendiden yirmi rıtl ve ba'dı âheri yirmi beş rıtl dem çıkınca kadar sağ kalır, bu miķdârı tecävüz ederse helâk olur. Ve ba'dı mer'ûfa ğaşşy 'arıđ olup onun ğaşşyını ru'âfı kaç' eder.

Ve ađdiyeden ru'âfı kaç' edenler, summâķ ve ğall ve hısrımdan biriyle 'adesiyye tenâvülı olur ve buna benzer her ne ki var ise kaç'-ı ru'âfa mu'ın olur. Ve cübn-i raťb ya'nî tâze peynir mer'ûfine mülâyim ğidâ olur. Ve kezâlik elbân tađallüz edince kadar řabġ olursa onun dahi tenâvülı nâfi' ve mülâyimdir. Ve demi mirârî olmakla ru'âfa müsta'idd olanlara beyđ-i meslûķ mülâyim ğidâ olur. Ve ba'dı kerre dahi ħavâmıđ taķtî' ve telťifi ħasebiyle mer'ûfine muđırr ğidâ olur.

Erbâb-ı tecribeden bir cemâ'at zu'm eylediler ki ru'âfı olanlara tavuk beynisi efďal-i ađdiyeden olur belki ru'âfı şadme ve đarbe ve saķta ħasebiyle olanlara efďal edviyeden olur velâkin vâcib olur ki onunla tađaddî iķsâr ve merreten ba'de uġrâ tevâlî ve tekrâr oluna.

Ammâ řarâb taķviyesi ħasebiyle nâfi' ve demi tehyîc ve taġrîk etmekle đarr olur, pes řarâbı isti'mâle taķviyesi ħasebiyle mer'ûf muhtâc olsa ona řarâbdan miķdâr-ı řalîl memzûcen saķy eyle. Ammâ ıđtırâr olmayıp ru'âf isķâť-ı kuvvete nâhiz ve řarîb deđil ise o vaķt mer'ûfa řarâb saķy olunmaz.

Ve vâcib olur ki emr-i ru'âfa ve 'ilâcına ri'âyet oluna ve demin mi'deye nüzülı men' oluna, zîrâ mi'deye nâzil olan dem mi'deyi nefġ eder ve nabđı

239 "Caşş-ı meyyit" sönmüş kireç.

da'îf ve gâşyî tahrîk eder eger demden bir nesne mi'deye nüzûl eyledi ise. Mādām ki mi'dede bâkıye olur ise kay³ ile iħrâc olunur. Ve demin mi'deye nüzûlü iħsâs olunduğu sâ'at kay³a sūr'at ve mübâderet olunur. Ve kaçan o vaqt mürûr edip tenkıye olunmasa vâcib olur ki ona ihtikân oluna, onu ihtikân sūr'at ile iħrâc eder ve mi'dede beķāsına māni^c olur.

Fî Tedbîri'l-Mūra'ıf: Ba'đı emrâdda ter'ıf-i enf taşvîb olunur 'ale'l-ħuşûş emrâd-ı dimâğıyyede burnu tedbîr ve 'amel ile kanatmak ziyâde taşvîb olunur. Onun için ĩudemâ enfi 'akr eder bir 'âlet-i ter'ıf ittihâz edip yanlarında taşırılar, 'âķıbetü'l-emr burundan demin seyelânına ve ter'ıfine ĩâcet olan emrâdda o âlet-i 'âķıre ile ter'ıf ederler.

Ve ter'ıf için zıkr olunan tedbîrlerden olur leyyin ve mülâyim olan nebâtın ĩuşûnetli tarafı ile enfe dağdağa vermek ĩuşûşan o nebât izħır ĩadıbi ve dalı üzere nâbit ola, izħır ĩiçeği gibi. Ve kezâlik enfe 'ankebût ve fıķâh-ı izħırden ve fütenec-i berrîden mütteħaz şıyâfla ve kündüs ve mîvîzec ve ferfiyûn mişlli edviye-i ĩârre baķar merâresiyle ma'cûn kılımp burna bunlar ile dağdağa verilip ter'ıf olunur.

Beşinci Faşl Zükâm ve Nezle Beyânındadır

Bu iki 'illet dimâğdan nüzûlde müşterek olurlar lâkin ba'đı nâs nezle ismini boğaza nüzûle ve zükâm ismini enfe nüzûle ĩâşş kılarlar. Ve ba'đı nâs dahi dimâğdan nâzil olanlara hangi maħalle nüzûl ederse eylesin cümlesine nezle tesmiye ederler ve zükâm ismini burna nüzûle taħşîş ederler eger burna nüzûl eden mādde tuzlu ve nüzûlü mütevâtir ve şemme māni^c olup o mādde cem'ân 'ayna ve cilde-i veche ve sâir a'đâ-i vechin muķaddemine munşabbe olur ise.

Ve ba'đı kerre nezle müntefıda olup ĩalka ve riyye ve merıye ve mi'deye saçılır ve ba'đı kerre o 'uđvları taķrîħ eder ve çok kerre şehvet-i külliyyeyi tahrîk eder ve ba'đı kerre eb'ad-ı a'đâda olan 'aşabe dahi müntefid ve münteşir olur. Ve zıkr olunan intifâđlardan ĩavânıķ ve zâtü'r-riye ve zâtü'l-cenb ve ĩâşşaten sill ĩâdiş olur 'ale'l-ħuşûş nezle ĩârre ve ĩâdde ola ondan sill ĩudûşu ekşer olur. Ve kezâlik nezlenin intişârından evcâ'ı mi'de ve ishâl ve saħc ĩâdiş olur eger mādde mâliħa veyâħüd ĩâmiđa ise. Ve nezleden ĩülinc dahi tevellüd eder 'ale'l-ħuşûş o nâzile olan balğam muħâķı ĩâm olur ise.

Ve bi'l-cümle nevâzilin esbâbı mizâca hâşş olan harâret olur yâhüd harâret-i hâriciyyenin dimâğa teşîrinden olur sümüm ve şems işâbetinden veyâhüd misk ve zaferân ve başal gibi müsahhinât istişmâmından olur veyâhüd mizâca maşşûşa bürüdetten veyâhüd hâricden vârid olan bürüdetten olur, berd-i havâ ve rîh-i şemâl işâbetinden olur huşuşan havâ-i bâridde ve rîh-i şemâlde başın açanlara nezle ziyâde işâbet eder huşuşan hammâm ve riyâdet ve gâdab ve fikr ve bu misllilerin biri ile dimâg mütehalhil olukta havâ-i bârid ve rîh-i şemâlin teşîri ziyâde olur.

Ve ba'đı kerre dahi faşd ile taħalħul hâdiş olup bedeni ħarr ve berdi ħabüle müheyyâ ve müsta'idd eder ve ona binâen nezle hâdiş olur, bâ-huşuş faşd ile demi ihrâc ikşâr olunsa.

Ve kezâlik hâricden işâbet eden sū-i mizâc-ı ħârr ile dahi nezle hâdiş olur. Ve denilir ki meşâyıhta olduđu gibi kaçan berd mizâc-ı müstahkem olsa o mizâc māddeyi inđac eylemez meger ki o mizâc-ı ta'dil eyleyip mizâc-ın şihhati ve harâret-i ħariziyyesi ħâyete ve kemâle eriştirile. Meşâyıhın ve sâir dimâġı da'if olan kimselerin dimâġ-ı bâridlerine kaçan ġidâ vâşıl olsa o ġidâ münhađım olmaz belki fađla olup zıkr olunan a'đalara ħayr-i münhađım nüzül eder. Ve berd sebebiyle 'arıđ olan nezle harâretten hâdiş olan nezleden ekşer olur.

Ve mizâc-ı ħârr aşġâbının zükâmı fâ'il olan esbâb-ı hâriciyyeyi ħabüle olan isti'dâdı mizâc-ı bârid aşġâbının isti'dâd-ı mezkûrundan ekşer ve eşedd olur. Ve emzice-i ħârre aşġâbı esbâb-ı bedeniyye ile nezle 'urûđundan emîn olurlar ve onların emni mizâc-ı bârid aşġâbının emn-i mezkûrundan ekşer olur, zîrâ dimâġ-ı bârid vâşıl olan ġidâyı inđac eylemez ve dimâġa mi'deden ve sâir a'đâdan vârid ve şâ'id olan buġarı dimâġ-ı bârid taħlil eylemez belki o ebġure irtikâm ve ictimâ' edip münkesire olur ve ħar'adan inbîķe şu'üd eden ebġure inbîķten ħar'aya neks eylediġi gibi o buġarât dahi dimâġdan neks edip a'đâ-i sâireye nüzül eder ve ona binâen mizâc-ı bâridi olan dimâġ şâhiblerinde nezle keşire ve dâime olur.

Ve nezlenin kimi ġalîza ve kimmi dahi raķıķa ve mâiyye ve kimi dahi ħâdde ve mürre ve mâliġa olur veyâhüd o mādde-i nâzilenin ta'ımı rediyye ve ħârre-i lezzâ'a vü bâride olur. Ve nezle-i bârideyi ħummâ inđac eder, ammâ nezle-i ħârre ħummâdan intifâ' eylemez.

Nevâzilin kendi ve nevâzilden hâdiş olan emrâd-ı sāire rîh-i şemâl estikte 'ale'l-ğuşuş riyâh-ı cenûbiyyeden sonra [288a] hûbûb eden riyâh-ı şemâliyyede keşîrî'l-vukûc olur. Ve kezâlik faşl-ı şitâda ğuşuşan kâlîlül'l-maţar olan şayf-ı cenûbîden ve ħarîf-i cenûbî-i maţîrden sonra vâki' olan şitâda dahi nevâzil ve emrâd-ı nezliyye ziyâde keşîre olur. Ve bilâd-ı cenûbiyyede dahi keşîrî'l-vukûc olur, zîrâ o diyâr sükkânının ru'ûsları mümtelî olur.

Ĥakîm İbokrât dedi ki ekşer-i hâlde nevâzil işâbet eden kimseye tuĥâl işâbet eylemez. Ve Câlînüs, Bukrât'ın kelâmına ta'îl edip der ki zîrâ bir kimsenin bir 'udvunda marađ olsa 'udv-ı âĥeri âfetten selim olur. Ve şâhib-i *Kânûn*, Bukrât'ın kelâmına başka ta'îl edip der ki nevâzilin işâbeti mevâddın riĥkatine delâlet eder ve mevâdd-ı rakîĥadan tuĥâl 'arîd olmaz, zîrâ tuĥâl 'illeti ĥılt-ı sevďâvîden ve mevâdd-ı ġalîzadan hâdiş olur ve aĥlât-ı ġalîza dimâġa şu'üd edip nevâzil ihďas eylemez.²⁴⁰

Ve kaçan nezlesi olan kimsede şudâ' dahi olsa nezlesi ziyâde olur, zîrâ şudâ' cezzâbdır, mi'ceden ve sâir mevâđi' den mevâddı dimâġa cezb eder ve dimâġda kuvvet olmamakla mevâdd-ı meczûbu taĥlîl edemeyip nezle keşîre olur.

el-'Alâmât: Ĥâdde olan nezle zükâmiyye olur ise onun 'alâmeti yüzün ve gözün ĥumreti ve sâile olan ruĥbetin lez'î ve riĥkati ve melmesin ĥarâreti olur. Ve ba'đı kerre dahi o nezlede ĥummâ olur ve nezle o ĥummâdan intifâ' eylemez. Ve eger nezle-i hâdde vü ĥârre ĥalkiyye olur ise ya'nî boġaza dahi işâbet eylediyse onun 'alâmeti boġaza nüzül eden mâddenin ĥiddeti ve iĥrâķının şiddeti ve mevâddın riĥkati ve tenaĥĥu' katında ya'nî nuĥâmesini ve aġzı suyunu iĥrâc eyledikte iltihâbın iĥsâsı olur. Ve ba'đı kerre dahi ona delâlet eder nefşinin ya'nî tükürdüġü ruĥbetin şufret ve ĥumrete meyli. Ve ba'đı kerre ĥalkî olan nezlede dahi südde ve ġunne ve ĥurĥatli daġdaġa olur.

240 Şâhib-i *Kânûn*'un 'illet-i uĥrâya 'udülü Câlînüs'u redde işârettir, zîrâ müteġâyirü'l-cihet olan iki 'udvda ictimâ'-ı 'ilel keşîrî'l-vukûc'dur lâkin Câlînüs'un kavli ĥükm-i ekşerdir, zîrâ müteġâyirü'l-cihet olan 'udvların mâddeleri kıvâmda ve sâir keyfiyyette mütteĥid olur ise ya 'ulvü veyâĥüd süflü ĥâlib olur. 'Ulvü ĥâlib süfle ve süflü ĥâlib 'ulve nüzül eylemez. Ve eger cihetleri mütteĥid ise mâddeler 'udva nüzüle yol buldukta âĥer tarîĥe sülük eylemez ve mevâddın muĥtelifü'l-kıvâm olduġu nâdirü'l-vukûc olur.

Ve nezle-i bâridenin ʿalâmeti eger nezle burunda olur ise seyelân eden ruṭûbetin bürüdeti ve temeddüd-i cebhe ile enfin dağdağası ve süddenin ve ğunnenin şiddeti olur. Ve baʿdî kerre dahi zıkr olunan nezleye maddenin ğılzâtı delâlet eder. Ve eger nezle-i bâride halka dahi nâzile ise onun delîli ve ʿalâmeti nuḥâʿanın bürüdeti ve ebyaḍ olduđu ve ḥummâ ile intifâʿı olur eger ḥummâya muḳârin olur ise.

el-Muʿâlecât: Nezle ʿilâcından ancak ğaraḍ nezle mevâddını taḳlîl ve nezlenin sebeb-i fâʿilisine dıdd ile muḳâbele ve seyelânı kaṭʿ veyâḥûd sâili taʿdîl yâḥûd ciheti-i uḥrâya şarf olur. Ve kezâlik nezle muʿâlecesinden ğaraḍ nezle sebebiyle gelecek zamânda ʿarîḍ olacak enfte ḥaşem ve munḥurlarda ḳurûḥ ve halkta ḥuşûnet ve suʿâl ve riyede ve riye ḥavâlisinde ḳurûḥ ve verem mislli ʿavârîḍ-i âtiyenin ḥudûsuna mâniʿ edviye ve tedâbîr ile taḳdime olur. Ve bunların cümlesi taʿâm ve şarâbdan taḥm ve imtilâyı terke muḥtâc olur.

Ve ʿuṭâs yaʿnî aksırık nezlenin ve zükâmın evvel-i ḥudûsunda muḍırr olur, zîrâ ʿuṭâs dimâğda ḥâşıla olan aḥlâtı inḍâca mâniʿ olur onun için ki nuḍc sükûnet ile olur ve aksırık aḥlâtı taḥrîk eder ve mevâddı aʿzâ-i uḥrâdan dimâğa cezb eder ve lâ-maḥâle nuḍca mâniʿ olur. Ammâ aksırık nezlenin âḥirlerinde ve mevâddının nuḍcunda ziyâde nâfiʿ olur, zîrâ aksırık ancak nuḍcu olan mevâddı taḥlîl eder.

Nezle ve zükâm âfetlerine mübtelâ olanlara vâcib olur ki mümtelüʾl-baṭn beytütet eylemeye. Eger gecelerde mümtelüʾl-baṭn olup o vech ile uyur ise reʿsi mümtelî olur ve muʿtâd ve müstaʿidd olduđu nezle ḥâdiş olur ve mev-cûd olan nezlesi dahi müştette olur.

Ve yine nezle muʿtâdı olan kimseye vâcib olur ki dâimâ başını teşḥîm eyleye ve berdden tebʿîd eyleye ve rîḥ-i şemâlden ve ḥuşûşan cenûbdan sonra ḥübûb eden şemâl rûzgârından başını ḥıfz eyleye, zîrâ cenûb rûzgârı başını gevşek ve müteḥalḥil edip ruṭûbet ile dimâğı doldurur. Ve şemâl rûzgârı dimâğı ḳabḍ ve ʿaşr eder ve lâ-maḥâle ʿuşâresi nezle olur.

Ve nevâzile müstaʿidd olanlar karlı su içmekten ve gündüz uyku uyu-maktan ictinâb ederler, mümkün oldukça aç ve susuz ve uykusuz olurlar. Bu mezkûrlar nezle ʿilâcının aşlı ve esâsı olur.

Ve ishâlle ve demi iḥrâcla dahi nezleye faşḍ ve ishâle ḥâcet olur ise ʿilâc olunur. Ve ikisine maʿan ḥâcet olur ise evvelâ faşḍ olunur baʿdehu ishâlle

‘ilâc olunur. Ve nevâzilde faşda isti‘câl olunmaz lâkin mevâdd ve imtilâ şedîd olup beden o imtilâyı taħammül eylememek ħavf olunur ise bu mişli kalîlü’l-vukûc nevâzilde faşd isti‘câl olunur.

Ve su‘âle muķārın olmayan nezlede terk-i faşd ziyâde lâyıķ ve evlâ olur. Ve eger nezlede su‘âl olup onda nefş kalîl olur ise faşd olunmak lâzım olur lâkin dem-i kalîl iħrâc olunup kaç olunur. Tekrâr faşda ħâcet olur ise ‘udde olsun için biraz dem ibkâ olunur. Ve sâzec olan şarâb-ı ħaşĥâş isti‘mâl olunur eger o nezlenin seheri var ise. Eger nezle bilâ-seher ise şarâb-ı ħaşĥâş sükker ile isti‘mâl olunur.

Ve nezlede ħuķne isti‘mâl olunur, zîrâ mâ-ı şa‘ır gibi o ħuķne fuđülü cezb eder ve tarîķ-i ħurûcu telyîn edip mâ-ı şa‘ırın nezle mevâddını tenfîzi gibi ħuķne dahi mecâriye mevâddı tenfîz edip iħrâc eder.

Ve eger nezlenin evvel-i ħudûşunda naĥs olur ise delâlet eder ki mâdde cenbe mâildir, pes mübâderet olunup faşd olunur. Ve tedĥînâtın đarı olup ħummâya mü‘eddî olur. Ve şadrında ħuşûnet var ise ħabbu’s-su‘âl nâfi‘ olur, mevâdd-ı re’sse o ħabbın nef‘i olmaz.

Ve vâcib olur ki nezle aşĥâbı ‘aşa ve susuzluĝa şabr eyleye ve ‘aşaşını şarâb-ı ħaşĥâş mezc olunan su ile def‘ eyleye. Eger taķviye dahi kaçd olunur ise mâ-ı şa‘ır ve sevîķ dahi o mâ-ı memzûc ile mezc ve ħalt oluna. Ve nezle ile ħummâ dahi olur ise o ‘illet şâĥibi istiħmâm eylemesin.

Ve şayfen ve şitâen nevâzili dâim olan kimseye ħabb-ı kûķiyâ isti‘mâli ‘udedin nâfi‘idir ve onun şâliĥi olur.

Ve nezlesi olanlara nışf-ı esfelini taħrîķ cidden nâfi‘ olur mevâddı esfele cezb eylediĝinden için. Ve vaşfı teķaddüm eden tekmîdât ve tebhîrât dahi anlardan sonra isti‘mâl olunur velâkin imtilâ üzere isti‘mâl olunmamak şartıyla.

Ve nezle mu‘tâdı olan kimse ķable-ħudûşihâ mübâderet edip ħammâm-da terlemek ile nezlenin ħudûşunu men‘ eder. Ve her ħâlde ‘alîle vâcib olur ki başını neks üzere kıla ve visâdesinin lütû²⁴¹ ola ve nevminde istilkâ eylemeye. Ammâ nesle mâddesini noķşân üzere kılmak bedeni tenķiye eylemek ile ħâşıl olur. Ve tenķiye, mevâdd-ı ħârrede faşd ile ve mevâdd-ı

241 لَطَأً بِالْأَرْضِ وَ لَطِئَ أَيْضًا بِالْكَسْرِ (dammeteynle) yere yapışmak; yukâlu: لَطَأَ لَطْوًا أَي لَصَقَ بِهَا Vankulu.

hârreyi ihrâc eden ishâl ve mevâddı esfele cezb eden hıknê ile olur ve mevâdd-ı bāridede eşribeden ve hıknelerden hılt-ı balgāmıyî taqlîl başından ishâl eden edviye-i müşhilelerdir.

Ve'l-hāşıl nezle ʿilâcında vâcib olan mümkün oldukça ekli ve şürb-i mâyî taqlîl yâhüd bir gün bir gece külliyyen ekl ü şürbü terk etmektir, pes bununla nezle zâil olur.

Ammâ sebep-i fâʿile-i muḳâbilenin beyânı budur ki eger nezlenin sebep-i fâʿili harâret ise lâzım olur ki ictihād olunup re's bi'l-ḳuvve müberrid olan edviye ve sâir tedbîr ile tebrîd oluna, ḥammām-ı ʿazbe her şabâh duḥûl ve mâi eṭrâfına şabb ve başına ve eṭrâfına ve sürresine ve ḥalkaya yaʿnî ḥalka-i dübüre ve mezâkîrine ve [mezâkîri] eṭrâfına dühn-i benefşecle mesh ve şaʿır ve ḥaşḥâş ve benefsec ve bâbūnec işbu edviyeden müttehaz neṭülü istiʿmâl ve başı üzere ḳaviyyeten bürüdet-i fiʿliyyesi olan müberridatı şabb olur. Ve o ağdıye ile taḡaddî eder ki ḥiffete ve bürüdete ve ruṭbete meyli ola. Ve küllü yevmin cüencebîn istiʿmâl eyleye.

Ve bārid olan nezlede vâcib olur ki onun evvel-i zuhûrunda daḡdaḡa ve ʿuṭas ihsâs olduḡu gibi başını teşhîn için ictihād oluna. Ve ḥırḳa-i müsahḥine ile kimād olunup harâretin dimāḡa vuşûlü ihsâs olunca ḳadar [288b] kimād imsâk oluna. Ve baʿdî kerre milḥle ve cāvers ile kimāda ḥacet olur ve harâretine taḥammül olunacak ḳadar ıssı olan su ile dahi kimād olunur. Ve neṭülât-ı mündice vü muḥallile istiʿmâl olunur. Ve edhân-ı hârre ile eṭrâf temrîḥ olunur, düh-i şibş ve dühn-i bâbūnec e dühn-i merzencüş istiʿmâl olunur. Ve bunlardan aḳvâ olur sezâb ve bân ve ḡâr ve süsen dühnleri. Bu dühnler ile zeker ve zekerin ḥavālîsi ve ḥalka-i dübüre ve sürre ve eṭrâf cemīʿan bu mevâḍıce o dühnler ile mesh olunur. Ve şâbūn-ı Ḳoştantînî ile baş ḡasl olunur. Ammâ dühn istiʿmâl olundukta sana lâzımdır ki mümkün oldukça başına dühn ile mess eylemeyesin meger ki ḥacet müştette ola, tebrîd-i şâbite veyâḥüd teşhîn-i şâbite ḥacet olmakla. Bu şüretlerde dahi başta dühn istiʿmâli baʿde'l-istifrag olmak gerektir.

Ve kezâlik nezle-i bāride ʿilâcında baş üzere ve cebhe üzere ḡardal ve ḳuş ve onlar mişlliler ile leṭûḥ ittiḥâz olunup istiʿmâl olunur ve mâ-ı şâbūn mişlli ile ḡasl olunur. Ve o ʿalîl ağdıyeden ḥafîf ve laṭîf ve süḥûnetli ve mü-

ceffif olup şadrı telyîn eden gıdâlara meyl ettirilir. Ve ba^çdı kerre edviye-i muhammire ki onda güğercin tersi ve hardal ve tîn ve fütenec ve sâfisyâ vâki^ç ola, onu dahi isti^çmâle hâcet olur belki keyy dahi isti^çmâl olunur. Ve'l-hâşıl başı teshîm ve tecfif hâlâ mevcûde olan nezleye nâfi^ç ve gelecek zamânda nezleyi hudûşten mâni^ç olur.

Ve bu nezlede ya^çnî sovuktan ^çarıda olan nezlede vâcib olur ki kabale-nuçdı'l-mevâdd hammâma dâhil olunmaya belki tekmîdât-ı yâbise isti^çmâl oluna. Ve nezle-i bârideye misk şemm eylemek ve gâyet harârete bâliğ dühne mağmüse olan bir kıt^ça kuşneye üzünü ilkâm eylemek nâfi^çdir.

Ammâ nezlenin seyelânını kaç^ç bâride ve mücemmide olan garâğır ile olur, mâ-ı bârid ve mâ-ı verd ve mâ-ı ^çades ve mâ-ı küzbere ve kuşür-ı haşhâş tabh olunan mâ ve mâ-ı rummân gibi miyâh ile garğara olunur, lâkin nezle-i sâile eger bâride olur ise bu sular ile hârren garğara olunur. Ve nezle-i sâile hârre olur ise bu sular ile bâriden garğara olunur. Ve kezâlik şarâb içinde mürr sahk olunup onunla halk telth olunmakla seyelân kaç^ç olunur ^çale'l-huşuş seyelân eden mevâdd-ı bâride ola. Ve kezâlik afyûn ve mey^ça ve kündür ve za^çferân mişlliden benâdık ittihâz olunup mâiyyetini yutmayıp ağzında imsâk etmekle dahi seyelân kaç^ç olunur. Ve kaç^ç-ı seyelânda hâşşıyyeti olan eşribe dahi isti^çmâl olunur. Mevâdd-ı hârre seyelânı şarâb-ı haşhâş-ı sâzecele ve seyelân-ı bârid şarâb-ı kerneb ve şarâb-ı haşhâş isti^çmâl olunmakla kaç^ç olunur lâkin kerneb ve haşhâş şarâbı içinde mürr ve o mişlli nesnelere vaç^ç olunan sülâka ile şürb olunur ve onlar akrabâdinde mezkûrdur. Lâyık budur ki şarâb-ı haşhâş ancak evâil-i nezlede sahy oluna, mevâddı şadra nüzülden men^ç eylesin için.

Ammâ nezle muhtebes olup nefş ile ihrâca hâcet olur ise o vakte şarâb-ı haşhâş şürbü devâ-i şâlih olmaz. Ve bahûrât-ı hâbiseyi isti^çmâl edip hayşûma buhârını ilâc ve tenfîz için tehanük ya^çnî bahûrâtın buhârını hanekinde imsâk eylemek cidden nâfi^çdir. Nezle-i hârre vü bâride için cemî'an nâfi^ç olan bahûrât senderüs ve yalnız bâride için şünîzdir, bahûren ve şemümen isti^çmâl olunur ve kuş dahi şünîz gibi isti^çmâl olunur. Ve şünîz kavrulup bir kettân hırkası içinde şurre edip şemm olursa cidden nâfi^ç olur. Ve bunun

gibidir *kaşem* ki ona *kaşfâ*²⁴² tesmiye olunur. Ve *kezâlik* *hamrın* ve *‘aselin* buğhârları ki *hacer-i rehâ* kızdırılıp üzerine *hamr* veyâ *hüd* bal taçtır olunmakla *hâşıl* ola.

Ve bu *bâbda* *nâfi‘* olur *kündür* ve *‘ūd-ı hām*²⁴³ ve *senderüs* ve *kuşt* ve *lübna* ya’nî *mev‘a-i sâile* ve *‘ūd* *bağürân* isti‘mâl olunmak. *Ammâ* *tarfânın* ve *verdin* isti‘mâli *mevâdd-ı hârreyi* *kaç*’da *nâfi‘*dir. Ve *kezâlik* *taberzed* ve *bağlı* ve *şa‘ır-i münakka‘* ve *meğîd-i baçar* içinde isti‘mâl olunmak *bi’l-hâşşa* *nâfi‘*dir. *Sükker* ve *kâfûr* ve *sirke* içinde *neķû‘* olunan *nuhâle* *nezle-i hârre* için *tebhîr* olunur. Ve *kezâlik* *hacer-i rehâ* *ğasl* ve *tanzîf* olunduktan sonra kızdırılıp üzerine *şabb* olunan *sirkenin* buğhârı dahi *nâfi‘*dir.

Ammâ *nezle* *mevâddının* *kıvâmını* *ta‘dîl* *le‘ûkât* *mişllileri* isti‘mâl ile ve *keşîrâ* ve *habb-ı seferceli* *ağzında* *ahz* etmekle olur, *zîrâ* bunların *ğilzati* *nâzilenin* *raķîķine* *muğâlîf* olup *ta‘dîl* olunur, onlarda hem *ğilzat* ve hem *lüzüçet* *iğdâş* *edip* *‘umka* *nüzül* eylemez ve *nefsi* dahi *teshîl* eder. Ve *nezle* eger *ğalîz* ise *muraķķıkâtlâ* *ta‘dîl* olunup *ğilazı* ve *luğucu* ile *ezâsı* *def‘* olunur. Ve eger *nezle* *bâride* ise *ķable’n-nuđc* *hammâma* *duğul* *şâliħ* ve *muvâfiķ* olmaz. Ve eger *nezle* *hârre* ise *ķable’n-nuđc* *duğul-i hammâmda* ona *keşîren* *be’s* olmaz belki ondan *‘alîl* *intifâ‘* eder.

Ammâ *mevâdd-ı nâzileyi* *nüzülü* *cânibinin* *hîlâfına* *cezib* *meşelâ* *halka* *nüzül* eden *mevâddı* *enfe* *cezib* *mişllidir* ve o *cezib* *mu‘attısât* ve *bi’l-cümle* *munğurânı* ya’nî *burun* *deliklerini* *lez‘* eden *edviye* isti‘mâli ile olur. Ve *kezâlik* *esfele* *nüzül* eden *bi’l-cümle* *nezlelerde* *nukre* üzere *hacâmet* isti‘mâl olunur. Ve *reyâhîn-i câzibeden* *mütteğaz* olan *neğülât* ile *esfele* *nâzile* olan *mevâdd* *burun* *deliklerine* *cezib* olunur o *neğülât* üzere *meşâmını* *kebb* etmekle.

242 قال ابن كتيبى في مفرداته قوفى اسم يوناني يسمي به الصنوبر لعطريته ولذا يقولون معجون قوفى إنتهآ. *Ammâ* “*kaşem*” demekle *ma‘rûf* *devâ* olmamakla *İbn Kütübî*’nin bu kelâmı *ķarînesi* ile *zann* olunur ki “*kaşem*” “*kađam*”dan *lügat* ola. “*Kađam-ı Kureyş*” *şanevber-i şağîr* *ünşâsının* *habbına* *ıtlâķ* olunur.

243 “*‘ūd*” iki kısımdır, biri *muğarrâ* ve biri *hām*dır; onun için bu *terķîbde* *‘ūd* iki kerre *zıkr* olundu. *Evvelden* *murâd* *hām* ve *ikinciden* *murâd* *muğarrâdır*. *‘ūdun* *tağriyesi* *Kâmil-i ‘Alâi*’de *mezķurdur*.

Ammâ teḳaddüm ya'ni nezle işâbet etmezden muḳaddem 'uḍvu nezle işâbetinden muḳâfaza için olan teḳbîr budur ki ḫalk ve riye âfetten muḳâfaza olunur. Ve ekṣer-i ḫâlde o 'uḍvların muḳâfazası aḡdiye ile olur.

Ve şadrında ḫarâret var ise şadrı dühn-i benefşecle temrîḫ olunur ve mâ-ı şa'ir benefşec-i mürebbâ ve rummân-ı ḫulv mâi ile tenâvül olunur. Ve neşâ ve daḳîḳ-ı şa'ir ve bâḳilâdan leben-i ḫalîb ile mütteḫaz olan aḫsâ iḫ'âm olunur eger ḫummâsı yok ise. Ve ḫummâsı olana leben muḍırr olur. Ve leyyine ve bâride olan le'ûkât ve eşribe-i zûfâiyye-i bâride dahi isti'mâl olunur.

Ammâ nezle-i bâride teḳaddüm-i şadr dühn-i benefşec ve dühn-i bânla temrîḫ olunur ve ḫârre ve müleyyine olan aḫsâ tenâvül olunur, 'asel ile ıḫriye tenâvülü ve ḫınḫa nuḫâlesi suyunu bâdem yaḡıyla ve 'asel ile tenâvülü ve ḫubzu meybuḫtecle tenâvülü gibi ve ḫârre ve müleyyin le'ûkât dahi isti'mâl olunur. Ve ḫârre ve müleyyine olan eşribe-i zûfâiyye ve zûfânın kendi dahi işḫırâk ile isti'mâl olunur. Ve ıssı su içmek nevâzilde nâfi'dir, zîrâ mevâddı inḫâc eder ve ḡâilesini def' eder a'ḫâ-i teneffüse nüzül edenler naḫicen nüzül nüzül etmekle ve a'ḫâ-i teneffüsü telyîn etmekle. Ve şûrb-i nebîz nezle aşḫâbına muvâfiḳ olmaz. Ve ba'dı kerre ibtidâ-i nezlede nebîz şûrbü muvâfiḳ olur, ammâ mādde-i nâzilenin nuḫcundan sonra nebîzin mu'tedili nezleye muvâfiḳ olur. Nezlesi ḫârre olan kimse şarâb isti'mâl eylese gerektir ki o şarâb su ile memzûc ola. Ve zehûmâtı olan eḫimeyi tenâvül mevâddın nuḫcuna mâni' olur eger nezle zamân-ı ibtidâda olur ise. [289a]

Fenn-i Ḫâmisin Maḳâle-i Şâniyesi Enfin Bâḳi Aḫvâli Beyânındadır O Dahi Fuşûlü Müştemildir

Evvelki Faşl Enfte Olan Netn ve Râyiḫa-i Kerîhe Beyânındadır

O netne sebeb şadr nevâḫîsinden ve riye ve mi'deden şu'üd edip enfe vâşıl olan 'ufûnetli buḫârât olur veyâḫûd ḫayşûm kemiḡinde olan 'ufûnetli ḫılḫ olur, zîrâ o 'ufûnetli ḫılḫ ḫâdd olur ise ḫayşûmu taḳrîḫ eder ve her ḫâlde ondan netn riḫ olur. Ve ba'dı kerre riḫ fevḫe te'eddî edip zâidetân ve dimâḡa vâşıl olup netni iḫsâs olunur veyâḫûd netn-i enfin sebebi baḫnda 'ufûnetli olan ḫılḫ olur veyâḫûd dimâḡın küllisinde veyâḫûd dimâḡın

muḳaddeminde veyâḥûd dimâğdan enfi vely eden cānibde olan ḥılt-ı ‘afine sebep olur veyâḥûd netn-i enfe sebep ḥayşûm kemiğinin kendiye ‘ufûnet ve fesād ‘arîd olmakla olur ve netn-i enfın bu şınıfının mu‘alecesi ‘usretli olur veyâḥûd burunda ‘ufûnetli bāsûr olmakla olur.

el-Mu‘alecât: Eger netne sebep fā‘ili olan ḥılt-ı redî ḥayşûmda ve ḳa‘r-ı ḥayşûmda olmayıp mi‘dede ve dimâğda olur ise vācib olur ki onun mu‘alecesinde o ḥılt-ı redîden mi‘de ve dimâğ cümle-i mu‘aleceden muḳaddem tenḳiye oluna, ondan sonra edviye-i mevđi‘iyye ya‘nî enfın kendiye olacak devālar ile ‘ilāc oluna, fetāil ve se‘ūtāt ve ‘aṭūsāt ve nefūḥāt bunların emşāliyle enfe mu‘alece oluna. Bu bābda mücerreb olan fetāil isti‘māli bu vech üzere olur ki fetileden muḳaddem enf şarābla ğasl olunur ba‘dehu fetile ihtimāl olunur. Ve ihtimāl olunacak fetile bunlardır:

Fetile: Mürr, ḥamāmā, aḳāḳiyā. Bu edviyeden ‘asel ile fetile ittiḥāz olunna veyâḥûd ḥamāmā, mürr, verd bunlardan dühn-i nārdīn ile fetile kılınır. Bu edviyelerden veznlerinin ihtilāfi ḥasebiyle fetāil-i keşire ittiḥāz olunur, o edviyeler bunlardır: su‘d, sünbül, verd-i nesrīn, zerire, ḥamāmā, ḳaranfül, ās, şabır, verd, bir miḳdār milḥ. Bu edviyeden mecmū‘aten ve müteferriḳaten fetāil ittiḥāz olunur veyâḥûd bir fetile müselleş-i raḳıḳ ile ıslatılıp bu zürür üzerine ekildikten sonra isti‘māl olunur. O ekilecek zürür budur, şıfatı budur: ḳaranfül, su‘d, rāmik, lāden mütesāviyetü’l-eczā aḥz olunup zerür ittiḥāz olunur.

Fetile-i Uḥrā: Ḳaşabu’z-zerire, ās, nesrīn, verd, ḳaranfül birer dirhem, mürr, ‘afş her birinden nişf dirhem, misk dört ḥabbe, kāfūr dört ḥabbe, ḳılımiyā, milḥ-i enderānī dörder ḳirāt. Bu edviye fetile kılınıp isti‘māl olunur.

Ve se‘ūtātın bu se‘ūtlar isti‘māl olunur: ‘Uşāre-i futenec se‘ūt kılınır. Ve efđal-i se‘ūt ḥımārın bevli olur, onunla isti‘āt ziyāde nāfi‘ olur, teḥallüfü olmaz. Ve yine ceyyid ve mücerreb se‘ūt olur tiryākta vāḳi‘ enderūḥürün şarābda ḥall olunup enfe taḳṫir olunmak; bi-iznillāhi ta‘ālā netn-i enfın bunun ile berā‘et ḥāşıl olur. Ve dār-ı şışe‘ān ṭabīḥi şarāb-ı reyḥānī ile birkaç eyyām istinşāk olunur ve cidden ceyyid olur.

Ammā Letūḥāt: Enfın bāṭınına ḳulḳuṫār letūḥ kılınır.

Letūḥāt-ı uḥrā: Yāsemīn yapağı mā ile saḥḳ olunup onunla enf telṫiḥ olunur. Ve devā-i Aḳrītūn ile dahi telṫiḥ olunur, o devā budur: mürr dört

dirhem ve sülüşân dirhem, selîha bir dirhem ve sūdüs dirhem, hamāmā bir dirhem ve sūdüs dirhem balla ma'cûn kılınır.

Ammā Nefühât: Enfe fütencin kendi nefh olunur veyâhüd harbak-ı ebyađ ve şadef-i muhrağ nefh olunur. Ve âhir-i fetâilde zıkr olunan devâ dahi nefh olunur; kezâlik 'ūd, belesân dahi nefh olunur.

Ammā Neşûkâtan mücerreb olan dâr-ı şîşe'ân tabîhi su ile veyâhüd hamr ile birkaç eyyâm neşûk kılınır.

Ve netn-i enf mu'alecesinde tecrîbe olunan devâlardan olur o iki keyye ki biri yâfûhun sağında ve keyye-i uhrâ solunda olur, iki kulak hizâlarında iki şudğa mâil mahallden keyy olunur veyâhüd vasa't-ı re'sten bir keyy ile tekviye olunur. Bu keyyler bi'l-cümle netn-i enfe ve 'ale'l-ğuşuş netnin sebebi dimâğın veyâhüd muqaddem[-i dimâğın] 'ufûneti olur ise o keyyetânın ziyâde nef'i olur.

İkinci Faşl Burunda Hâdis Olan Qurhalar Beyânındadır

Ba'dı kerre burunda qurûh tevellüd eder ve o qurhaların esbâbı yâ hâdde veyâhüd rediyye olan buhârât olur veyâhüd hiddetli nevâzil olur. Ve o qurûh-ı enfin ba'dısı müntine ve 'afine olur ve kimisi dahi huşkrîşât olur ve kimi qurûh-ı besriyye olur ve ba'dısı dahi qurûh-ı sâzece olur. Ve o qurhalar qurha-i zâhire ve qurha-i bâ'tine olur.

el-Mu'alecât: Burun kulaktan ertab ve 'ayndan eybes olur, ona binâen vâcib olur ki emrâd-ı enfin mu'alecesi emrâd-ı üzün ile emrâd-ı 'ayn mu'alecelerinin beyninde ola. Ve qurûh-ı enfte müsta'cele olan müceffifât qurûh-ı üzünü müceffif edviyelerden tecfifte ekall ve qurûh-ı 'ayn müceffifâtı tecfifinden ekser ola, zîrâ qurûh-ı üzün keyfiyyeti tecfifte gâyete bâliğ devâya muhtâc olur ve qurûh-ı 'ayn merâtib-i tecfiften mertebesi gâyete bâliğ olan müceffif devâlara muhtâc olur. Bundan sonra biz deriz ki qurûh-ı enfe sebep mâdde-i sâile veyâhüd ebhîre-i şâ'ide olur ise o mevâdd ve ebhîreyi istifrâğla ve meyli tarafından senin bildiğin vech üzere cānib-i âhîre cezble mu'alece olunur ve senin onun mu'alecesinde evvelâ ihtiyâcın senin bildiğin edviye ile re'si tecfife ve takviyeye olur sonra munhurâna kaşd ve 'inâyet olunur.

Ve ma'lûm ola ki bevāsîr-i enf ve irbiyân için isti'mâl olunan edviyelerin küllîsi kûrûh-ı enfte dahi isti'mâl olunur ve o edviyeleri karîben biz zîkr eyleriz.

Kaçan kûrûh kavîyye olur ise o edviye 'alâ-hâlihâ isti'mâl olunur. Ve eger hafife olur ise o edviye lu'âbât ile ve lu'âba müşâbih nesnelere ile ley-yin olunca kadar kaynatılıp isti'mâl olunur, bi'l-cümle kûrûh-ı hafifelere menfa'atlı devâ olur.

Ve eger kûrûh-ı enf yâbise olur ise bir mesûhla²⁴⁴ mu'âlece olunur ki o mesûh bu edviyelerden terkîb olunur: şem' bir cüz', sâk-ı bakârın iliği nişf cüz'. Bu iki devâlar halî olunup dühn-i nîlüfer içinde veyâhüd şîrûgan içinde izâbe olunup mesûh ittihâz olunur.

Şeyh-i Re'îs der ki benim katımda mesûhun aşlı dühn-i verddir huşûşan ki dühn-i verd zeyt-i ün-fâktan²⁴⁵ müttehz ola.

Ve kezâlik dühn-i benefşecden kesîrâ ile veyâhüd bezr-i kaşûnâ ve haşmî rıgvesinden miqdâr-ı kalîl rıgve ile mesûh ittihâz olunup isti'mâl olunur. Ve kezâlik bir fetîle zûfâ ve şahm-ı başt ve şem'-i aşfer ve şahm-ı iyel²⁴⁶ ve şahm-ı decâc ve 'asel içine ğams olunup isti'mâl olunur veyâhüd şem' ve dühn ya'nî zeyt ve helîlec-i aşfer ve 'afş mesûh kılınır. Ve ba'đı kerre kûrûh-ı enfte kifâl faşd ve nukre üzere hacâmet ve müşilât dahi isti'mâl olunduktan sonra enften dahi iftişâd nâfi' olur.

Ammâ kûrûh raşb olup ona mādde-i hırrîfe vü rediyye vü müntineden biri muşabbe olur ise onun [ilâcî] şa'b olur. Ve vâcib olur ki onun ilâcında istifrag ve faşd oluna. Ve ba'đı kerre eyâricât-ı kibâr ile istishâle ihtiyâc olur.

Ve vâcib olur ki naşrûn ve şabûn ve huşûşan Es'alisâdis şabûnu ile ve şabûn-ı Kostantînî ile kûrûhu ğasle müdâvemmet oluna. Ve ba'ede't-tanzîf şedîdü't-tecfîf olan edviye isti'mâl oluna.

Ve yine hâdde ve hırrîf māddesi olan kûrûh-ı enf mu'âlecâtından olur kuşûr-ı nuhâs ve kâlkadîs ve zernîh-i ahmer ve harbak ahz ve sahk olup merâre-i sevr içinde humret hâşıl olunca kadar birkaç eyyâm nekû'

244 "Mesûh" mâ yümsehu bihi ma'nâsıdır.

245 Erişmedik zeytûna "ün-fâk" derler

246 İyel ya'nî geyik yağı.

kılındıktan sonra isti'mâl olunur. Ve ba'cdı kerre zıkr olunan edviye üzere hamâmâ ve mürr ve futenec ve ferâsiyûn ve za'ferân ve şebb ve 'afş ziyâde olunur.

Ve devâ-i Rûfes bu bâbda mücerredir, o devânın şıfatı budur: şebb, su'd, 'afş, mürr, za'ferân, zernîh [289b] bu edviyeler isti'mâl olunur.

Ve veca'ı şedîd olan qurḥa-i enfîn mu'alecesi mağsûl ve muḥraq üsrüb ve isfîdâc ve mürdâsenc aḥz olunup dühn-i verd ve şem'le onlardan merhem ittiḥâz olunup isti'mâl olunmakla olur.

Ammâ beşreli olan qurḥanın 'ilâcî dühn-i verd ve dühn-i âs ve mürdâsenc ve mâ-ı verd ve sirkeden miqdâr-ı kalîl aḥz ve isti'mâl olunur.

Ve qurūḥ-ı zâhireye bu merhem ile mu'alece olunur: isfîdâc bir rıtl, mürdâsenc üç ũkıyye, ḥabeş-i reşâş-ı muḥraq üç ũkıyye, ḥamr ile ve dühn-i âs ile ḥalḥ olunup isti'mâl olunur

Ve qurūḥ-ı enfîn cemî'an aşnâfına edviye-i müşterekeden olur rummân-ı ḥâmiḍ suyu bakır kap içinde nişfî miqdârı zâil olunca kadar ṭabḥ olunup ba'dehu bir fetîle olunla telṭîḥ ve isti'mâl olunur.

Ve qurūḥ-ı enfte isti'mâl olunan mu'alecâtındandır aqrâş-ı enderûnla mu'alece. Gâhîce o aqrâş şarâbla ḥall olunur ve gâhîce ḥall ve mâ ile ḥall olunup rey-i ṭabîb üzere 'amel olunur.

Ve merâhim-i ceyyidedendir: Ḥabeş-i üsrüb ve şarâb-ı 'atîk ve dühn-i âs aḥz ve saḥḥ olunup nâr-ı leyyine-i müsahḥane ile cem' olunur ve gılzat gelince kadar taḥrîk olunup ba'dehu inzâl olunup bir bakır kaptā ḥıfz olunur. Ve üsrüb-i muḥraq ḥabeş-i üsrüb ḥükmündedir. Ve lâyıḳ olur ki uşâre-i sılḳ yalnız veyâḥûd edviye-i sâire ile isti'mâl oluna, cidden nâfi' devâ olur.

Üçüncü Faşl Burunda Ḥilve²⁴⁷ Tesmiye Olunan

Qurūḥ-ı Enfîn 'ilâcî Beyânındadır

Bu qurḥanın zamân-ı ibtidâsında yalnız dühn-i verd yâḥûd şem' ve

247 أَلْحُلُو [el-ḥilv] (bi'l-kesr) به خف صغير نسيج به Kezâ fi'l-Ḳāmūs. "Ḥilve" ismi ile muḥarrere bir qurḥaya kütüb-i ṭıbbda müşâdif olunmamıştır. Gâlib-i ḥâl budur ki *Mu'alecât-ı Buḳrâṭiyye*'de bu faşl mevdi'inde bir qurḥa irâd edip der ki الباب الثاني في البثور التي يخرج ويستحجر فيها حتى يصير بصورة التأليل Zâhir budur ki o müteḥaccir olan faḍl ḥuff-ı mensûcun biḥ şeklinde olmakla ona ḥilve tesmiye oluna. "Ḥilv" nescâclar vaḳt-i nescde ayaklarına giydikleri ḥuff-ı şağîrdir.

şahm-ı decâc ile ve dühn-i verd ile ʿilâc olunur. Bunlardan aqvâ olur merhem-i isfidâc ʿale'l-ḥuşuş sefercel ḥabbı luʿâbıyla maḥlûṭ olan merhem-i isfidâc ziyâde ḳavî olur. Ve eger ziyâde tecfif murâd olursa o devyaya ḥabes-i fidḍa dahi kılınır ve baʿḍı kerre yalnız ḥabes-i fidḍa dahi kifâyet eder.

Ve kaçan o ʿillet yesiren müştetde olsa bu merhem istiʿmâl olunur: isfidâc birer rıtl, mürdâsenc üç ũkıyye, ḥabes-i reşâş üç ũkıyye, ḥamr ile meshûk olan reşâş-ı muḥrak u maḡsûl dört ũkıyye. Bu edviyelerden dühn-i âs ve ḥall ile merhem ittiḥâz olunur.

Ammâ o ḳurḥa müzmine ve cidden müştetde olur ise bu şıfat üzere bir merhem ittiḥâz olunur, nüşâ: mürdâsenc dört dirhem, sezâb-ı raṭb dört dirhem, şebb iki dirhem. Bu devâlardan dahi dühn-i âs ve ḥall ile merhem ittiḥâz olunur. Ve bu merhemden ḳavî olur zâc ve ḳalkand ve mürr her birinden yedi cüzʼ ve ḳalkadîs altı cüzʼ, şebb-i Yemânî, ʿafş, tûbâlîʼn-nuḥâs her birinden dört cüzʼ ve nişf cüzʼ, ḥall bir rıtl ve sekiz ũkıyye. Bu mezkûrlar inâ-i nuḥâs içinde ʿasel ḳıvâmında olunca ḳadar ṭabḥ olunup ondan leṭûḥ ittiḥâz olunur.

Dördüncü Faşl Ḥayşûmda Olan Süddeler Beyânındadır

O südde bir şeyʼdir ki dâḥil-i ḥayşûmda o şeyʼ muḥtebes olur ḥattâ ḥalktan enfe ve enften ḥalka nüfûz eden eşyâyı nüfûzdan mâniʿ olur. Ve o südde gâhice ḥılt-ı leḥic ü lezic olur ve gâhice laḥm-ı nâbit ve gâhice ḥuşkrîşe olur.

el-ʿAlâmât: Bu südde ḡunneye sebeb-i fâil olur ḥattâ nefḥanın faḍlasını teserriden ve yayılmaktan menʿ edip ḥayşûmda ṭanîni fâil olur.

el-Muʿâlecât: Acı mercimek bir dirhem, cünd-i bîdester yarım dirhem, afyûn bir kîrâṭ ve zaʿferân, nisk birer kîrâṭ, mürr nişf dirhem. Bu edviyeler aḥz olunup ondan ḥabb ittiḥâz olunur, merzencûş-ı raṭb suyuyla vaḳt-i ḥacette istiʿâṭ olunur. Ve keşiren burna maḥşûş mîl ile enfi ḥarta ve kazımaḡa dahi muḥtâc olur. Eger enfin cerdî mümkün olur ise tenḳıye ḥâşıl olunca ḳadar cerd ve ʿamel terk olunmaz. Ve baʿḍı kerre cerd ile şeyʼ-ı keşir ḥurûc eder ve ḥâric olan şeyʼ o ḳadara bâliḡ olur ki ondan taʿaccüb olunur ve ḳarîb olur ki nişf rıtlâ bâliḡ ola. Ve bu muʿâleceden ḡinâ ḥâşıl olmaz ise bâbuʼl-bevâsîrde mezkûr olan ʿilâcla muʿâlece olunur.

Beşinci Faşl Hunânın Mu'alecesi Beyânındadır

Bu faşl tabf ile olan nüshalarda yazılmamıştır. Qāmūs'ta der ki الخنخنة أن لا إنتهā. Pes bundan zāhir budur ki "hunān"-la şāhib-i Kānūn'un murādı kelāmını burnundan söyleyip hurūfātı mehāri-cinden ihrāca kādır olmamağa derler.

Ve hunānın mu'alecātından olur şıfatı ātī olan devā ile isti'āt ve ğarāğır isti'māl eylemek, o devānın şıfatı budur: 'Afs ahz olunup üzerini örtecek kadar tatlı enār suyu ile tabh olunur 'afs o suyu içince kadar, sonra o 'afs tecfif olunup ona nişfı kadar kündür ve anzerūt halı olunup yine 'afs tabihiy-le merreten uhrā ma'cūn kılınıp se'ūtan veyāhūd gayrı vech üzere eyyāmen isti'māl olunur.

Ve yine bu hunān āfetinin mu'alecātından olur şem' ve dühn ile tenkār²⁴⁸ vađc olunur ve berā'et hāşıl olunca kadar isti'māl olunur.

Altıncı Faşl Rađd-ı Enf Mu'alecātı Beyânındadır

Bu illetin mu'alecesinin efdali ve elyağı burnu dāhilden haşv ile doldurulup hāricden tesviye ve ta'dil eylemek ile olur. O haşvdan küllü vaktin miqdār-ı kalil ihrac olunur hattā rađda bür' gelip enf müstevī oldukta enfte haşvdan bir nesne bākī kalmaz.

Ammā enf-i merđūda nāfi' olan edviyeleri isti'mālde vācib olur ki o edviyeler enfte mevđi'-i kesre vađc oluna. Ve nāfi' olan edviye bunlardır: şabır, māş, mürr, za'ferān, rāmik, sükk, ün-i Ermenī, ün-i Rūmī, haţmī, lāden. Bu edviyeler mā-ı eşl ile o mevđi'e tılā olunur. Ve biz bu mu'alecātı babu'l-kesr ve'l-cebrde mu'āvede ve tekrār eyleriz.

Yedinci Faşl Bevāsir-i Enf ve İrbiyān Mu'alecātı Beyânındadır

Ammā bevāsir luḥūm-ı zāidedir ki enfte nābit olur. Ba'đı kerre o luḥūm riḥve-i beydā olur ve veca'ı olmaz; bevāsirden bu nev'in 'ilācı sehl olur. Ve ba'đı kerre o lahm ḥamrā ve kümüdetli olur ve veca'ı şedid olur; bu sınıfın 'ilācı şuşubetli olur, 'ale'l-ḥuşuş o lahmıdan şadid-i müntin seyelān ederse

248 "Tenkār" emlāh-ı būraḳıyye-i maşnū'adandır, bevlden ittiḥāz olunur; şan'atı İbn Kūtbī müfredātında zikr olunmuştur.

şu'ubeti ziyâde olur. Ve o bäsürün kimisi seretâniyyü'ş-şekl olup şekl-i enfi ifsâd eder ve temdîdi şedîd olmakla veca'ı dahi olur. O bäsür-ı seretânî kemidü'l-levn olan bäsür olur, onun tevellüdü cidden redî olur ve ğavr-ı keşîri olur ve ona müdârâtlâ 'ilâc olunur, kaç' ve cerd ile 'unf ve qahr olunmaz.

Ve ba'đı kerre denir ki seretân-ı enf ile bäsür-ı redî başka başka âfetlerdir ve beynehümâda fark budur ki eger enfte nâbit olan lahm-ı zâidin nebâtı 'ilel-i re's ve nevâzil âfetlerinden sonra hâdiş oldu ise o âfet-i lahm bäsür olur ve eger onların 'akibinde olmayıp belki şafâ-i enften ve seyelân olmadıĝından hâdiş oldu ise o lahm seretân olur ve 'ale'l-huşuş o lahm-ı zâidin enfte zühuru dimâĝda 'ilel-i sevdâviyye hâdiş olmazdan muqaddem ola o zamân lahmın seretânî olması mütehaqqık olur.

Ve seretânî âfet evvel-i zühüründe nohüd ve fındık kadar olur sonra büyür, kebîr olur ve haneke şalâbet ihdâş eder. Ve ekşer-i emrde seretânda şadîd olmaz ve boĝaza ru'tubet seyelân eylemez belki yâbis şulb olur. Ve ba'đı kerre bevâsîr uzar hattâ bevâsîr mu'allaqa olur. Ve ba'đı kerre uzunluğu o kadara bâliĝ olur ki enften veyâhüd hanekten hürüc eder.

Ve irbiyân dedikleri keşîri'l-ercül balık hey'etinde olan 'illete nâfi' olan edviyeler bevâsîr-i enfe dahi nâfi' olur. Ve ba'đı kerre o edviyelerin kuvvetini kesre hâcet olur ya'nî irbiyân edviyeleri bevâsîrde isti'mâl olundukta bevâsîr hafîf olur ise o edviyelere kuvvetini kesr eder edviye hâlt olunur.

el-Mu'âlecât: Zikr olunan bäsür aqsâmının kısm-ı evveli mu'âlecesi ya'nî rıhv-ı beydâ ve bilâ-veca' olan kısmın mu'âlecesi budur ki sikkîn-i daķık ile o lahmîyyet kaç' olunur ba'dehu micred ile bäsür nâ'imen cerd olunur.

Ve kısm-ı şânîde ya'nî hamrâ ve kemid olan kısmda bizim zikr edeceĝimiz edviye [290a] ile veyâhüd nâr ile keyy olunur. Ve nâr ile keyy olundukta şıĝâr ve diķâķ mekâvîler²⁴⁹ ile keyy olunur veyâhüd şımf-ı şânîde bäsür mecârid ile kaç' olunur. Ammâ o mecârid ki enften bäsür olan bi'l-cümle zevâidi ve fuđülü ihrâc eder ve mevâridin ecvedî ünbübî olanlardır. Bundan sonra munhurâna sirke ve su şabb olunur. Ve bundan sonra nefes cevdet üzere olup südde zâil olur ise ĝarađ hâşıl olur. Ve eger zâil olmaz ise ma'lûm olur ki 'umķta baķiyye vardır, bu şürette minşâr-ı²⁵⁰ haytî isti'mâl olunur.

249 "Mekâvî" âlet-i keyy demektir.

250 "Minşâr" desteredir.

Şıfat-ı minşâr-ı haytî: Tüyden veyâhûd ibrîsemden bir hayt aḥz olunup mevâdî-i müte'addidde düğümler ihdâş olunur hattâ minşâr gibi zü'l-esnân kılınır ve üsrübden başı mu'akḳaf bir iğne ittiḥâz olunup o hayt-ı minşârî o iğne suḳbesine idhâl olunur ve iğne ile o hayt-ı minşârî burun deliğinden bäsüra sokulup ḥanekten ucu ihrâc olunur. Ve o haytın bir ucu burun deliğinden ve âḥer ucu ḥanekin ḥâricinde olur ve o haytla bäsürun baḳıyye-i laḥmiyyeti minşâr ile tahta biçildiği gibi biçilir iki taraftan o hayt çekilmek ile. Ba'ḍehu reşâştan veyâhûd rîşeden bir ünbübe ittiḥâz olunup o ünbübeye bir hırka leff olunur ve o hırka üzerine edviye-i bäsüriyye ya'nî kırtâs devâsı ve enderün devâsı ve sâir bizim bundan sonra zıkr edeceğimiz devâlar zerür kılınır. Ve o ünbübe burna idhâl olunur, mevḍî-i nefes meftûḥ kalsın için. Ve mibred gibi bir micred yapıp ünbübî olsa ya'nî mücevvef olsa o micred ile burun bäsürdan tenḳıye olunmak mümkün olur. Ve kaçan cerd ve kaç' âlâtı ve edviye-i ekkâle bäsürda isti'mâl olursa vâcib olur ki o kimse ta'ḳis oluna hattâ o 'aṭse burunda olan 'ufûneti ve nüşâreleri burundan ihrâc eyleye.

Ammâ bäsürda isti'mâl olunan devâların ḥafif olanları bunlardır: enâr kabuğu su ile saḥḳ olunup ma'cûn kılınır ve o ma'cûndan bir fetîle ittiḥâz olunup 'ale'd-devâm isti'mâl olunur; bu fetîle mücerrebdir ya'nî nef'i olur velâkîn baḳî'dir, müddet-i keşîrde nef'i olur.

Ve kezâlik üşnân-ı aḥḍar-ı sâzecedden bir fetîle veyâhûd şaḥm-ı ḥanzalden sâzecen bir fetîle veyâhûd serv cevzesinden bir miqdâr incir ile fetîleler ittiḥâz olunup biraz eyyâm isti'mâl olunur veyâhûd bir fetîle yapıp ḥabaḳ 'uşâresi içinde ğams olunur ve yalnız o fetîle-i mağmüse isti'mâl olunur veyâhûd o fetîle-i mağmüse üzerine ḥabaḳın kuruşu ekildikten sonra isti'mâl olunur veyâhûd fetîle ḥamra ğams olunup üzerine saḥḳ olunmuş ḥabaḳ zerr olunur veyâhûd mâ-ı rummâneynin 'aḳîdi ma'a'l-ı kışr ve'ş-şahm daḳḳ olunduktan sonra ḥamra mağmüse olan fetîle üzere zerr olunur veyâhûd 'asel ve verdden fetîle ittiḥâz olunur ve fetîle beher yevm kirâren tecdîd olunur veyâhûd zernîḥ ve ḳalkand ḥall ile saḥḳ olunup tecfif olunduktan sonra nefûḥan isti'mâl olunur.

Ammâ bevâsîr-i enfîn müzmin olanlarına mu'âlece o fetâil ve zerürât ve merâhimdir ki onlar bu edviyeden ittiḥâz olunur: şebb, mürr, nuḥâs-ı muḥrak, ḳuşûr-ı rummân, süsen-i ebyâḍın aşlı, ḳalkand, ḳulḳutâr, zâc, naṭrûn.

Bu edviyelerden zıkr olunan fetâil ve nezâyirleri hamr ile veyâhüd mâ-ı habağ veyâhüd rummânın şahmı ve kırsı ile müttehaz olan mâ-ı rummāneyn ile fetâil ittiḥāz olunup istiḥmāl olunur. Veyâhüd nefühāt istiḥmāl olunur eger bu devālardan ḥalāş olmaz ise. Ānifen mezkūr olan sulardan fetile ittiḥāz olunup üzerine bu zerūrdan miḳdār-ı keşir zerr olunur ve o zerūr budur: ḳalkādīs, ḳulḳuḫār, ḳalā, zencār, zāc, şebb. Bu edviye mütesāviyetü'l-eczā aḫz olunup zerūr ittiḥāz olunur. Ve aşveb olan evvelā şarḫ olunup baḥdehu bunlar istiḥmāl olunmaktadır. Ve bunlardan necāt ve nefc olmaz ise ḳalkāndiyūn istiḥmāl olunur.

Ve baḥdılar dediler ki bevāsir-i enfe her ne ḳadar o bevāsir seretānī olur ise dahi bezr-i lūf şifā olur. Ve kaçan aşnāf-ı lūftan lūfu'l-ḫayye tesmiye olunan lūfun tarafında olan ḥunḳūd yaḥnī salkım ḥaşr olunup ḥaşiri bir ḳıḫ'a şūfe içirilse ve o şūfe munḫurāna idḫāl olunsa laḫm-ı zāidi ve seretān-ı enfi izāle eder.

Ammā irbiyān²⁵¹ yaḥnī o verem-i enḫ ki dūd heyḫetinde olup keşirü'l-ercül olan balığa müşābih olur, bu kelime menḳūşadır, Ḳāmūs'ta ربيان māddeesinde zıkr eder. Nüşaḫ-ı Ḳānūn'dan nüşaḫ-i sultāniyyede ve kezālik Muḫāleccāt-ı Buḫrātiyye'de rā'dan sonra bā ve āḫiri yā resm olunmuştur (اربيان) ve Ḳānūn-ı maḫbūf'da rā'dan sonra nūn ve āḫiri bir noḫtalı bā resm olunmuştur (اربيان); taḫrīf ve taşḫīf olduḫu irād olunan vech-i tesmiyeden zāhirdir.

Pes bu ḥillette ḥamel-i yed ile muḥālece aşveb olur velākin evvelā bedende ve reḫste olan imtilā nefḫ olunduktan sonra yed ile ḥamel olunur. Ve eger o ḥillet ḫafife olur ise edviye-i ḫurūḫtan ḳavī olan devālar istiḥmāl olunur, meşelā bu nefūḫ istiḥmāl olunur ki şebb, mürir birer cüz, ḳulḳuḫār, ḥafş yarımşar cüz aḫz olunup enfe nefḫ olunur veyâhüd o devādan fetile ittiḥāz olunup istiḥmāl olunur.

Ve bu devāyı Cālīnūs iḫtiyār eylemiştir, o devā budur: tatlı ve ekşi enārlar aḫz olunup kabuḫu ve şahmıyla maḥan ḥaşr olunur ve o ḥaşir yesiren ḫabḫ

251 Cālīnūs'un bu vereme irbiyān tesmiyesinin iki vechi vardır. Vech-i evvel budur ki bu verem rıḫvdır, nitekim balık rıḫv olduḫu gibi. Ve vech-i sānī budur ki bu veremde burnun içinde ve ernebe dedikleri burun ucunda kırmızı damarlar olur, zıkr olunan balıkta o mişli ercül-i keşire olduḫu gibi ḫattā o damarlar şulb ve aḫḫar olsa ona seretān tesmiye ederler. Ve irbiyāna ḫazzāk eḫḫbānın kimisi bāsūr fi'l-enf ve kimisi nāşūru'l-enf tesmiye ederler, ikisi dahi ḫaḫādır, vech-i ḫaḫā Muḫālece-i Buḫrātiyye'de meşūrdur.

olunup bir kurşun kap içinde hıfz olunur. Ve ʿaşr olunan hılv ve hâmiḍ enârin şüflü daqq olunup ʿacîn gibi kılınır. Ve ʿuşâre-i maṭbûḥa-i mezkûreden o şüflü telyîn edince kadar o şüfle ʿuşâreden miqdâr-ı kifâye sakıy olunur. O şüfliden şiyâfât-ı müteṭâvile ittiḥâz olunup enfe idḥâl olunur ve onda ʿalâ-hâlihi o şiyâf terk olunur. Ve baʿdî evkâтта tervîḥ için o şiyâf iḥrâc olunup o vaqt istirâḥatta dahi maḥfûz olan mâ-ı rummâneyn ile burna ve ḥaneke ṭlâ olunur ve bu tedbire müdâvemet olunur. Pes bu devâ ḳurûḥ ve bevâsîre nâfiʿ olur ve elem-i muʿteberi olmaz.

Ve baʿdî kerre Cālînûs'un iḥtiyâr eylediği devâ-i mezkûr üç nevʿ rummândan ittiḥâz olunur: ʿAfiş ve hâmiḍa ve hılv. Eger bäsür şulb olur ise hâmiḍ ve hılv ve ʿafîştan ziyâde kılınır. Ve eger bäsür keşîrî'r-ruṭubet olur ise rummân-ı ʿafîş âherlerinden ziyâde kılınır. Ve Cālînûs'tan sonra bir ḳavm dediler ki bu devâyâ baʿdî kerre ḳulḳuṭâr ve nûşâdur ve zencâr ziyâde kılınır.

Ve bu ʿilleti ḳalʿ eden devâlardan olur devâü'l-emḳar demekle maʿrûf olan devâ. *Tab ile olan nüshada "ve hüve's-şabîru'l-esved" diye tefsîr olunmuştur.* Ve edviye-i ekkâlenin küllîsi bu ʿillette enfe nefḥ olunur.

Ve kaçan bu nefûḥla verem ḥâdiş olur ise enf icmâm ve tervîḥ olunur, şiddeti sâkine oldukta şemʿ ve dühn ve ʿasel istiʿmâl olunur sonra yine o devâ nefḥ olunur sonra icmâm ve istirvâḥ olunur ḥattâ o bäsür suḳûṭ edince kadar nefḥ baʿdehu icmâm tekrâr olunur.

Ve bu ʿillette Nebaṭî ḥarnûbun raṭbı mücerrebdir. Pes bu ḥarnûb bir şüf içine konulup burna idḥâl olursa irbiyânı ekl eder, siğilleri ekl eylediği gibi. Kezâlik cevz-i serv dahi nâfiʿdir.

Ve yine tecrîbe olunan devâlardandır zâc-ı aḥḍar kuḥl gibi saḥḳ olunup akşam sabâḥ nefḥ oluna, bi-iznillâhi taʿâlâ bürḥ ḥâşıl olur.

Ve irbiyân kaçan ḳaç olursa demini ḥabs için soğuk su ile ṭîn ittiḥâz olunur ḥattâ o ṭîn sakızlandırılır baʿdehu yine o ṭîn tekrâren tebrîd olunup bürüdeti ḡâyete eriştikte enfe ṭlâ olunur, nâfiʿdir.

Sekizinci Faşl ʿUṭâs Beyânındadır

ʿUṭâs bir ḥareketdir ki dimâḡ cānibinden gelir ve o ḥareket havâ-i müsten-şıktan istiʿânet ile ḥıltî ve ḡayr-i ḥıltî olan müziyât-ı dimâḡı burun ve ağız tarîḳ-lerinden iḥrâc eder. Ve dimâḡın ʿuṭâsı riye ve ḥavâlî-i riyenin suʿâlî gibi olur.

Ve ba'ḍılar zann eylediler ki dimāğ müziyâtı ihrâc için o zamân ʿuṭās ihdâş eder ki hılt-ı müzî havâiyyete istihâle eyleye, zîrâ ʿuṭās ile hâric olan ancak havâ olur ve havâyâ [290b] müstaḥîl olmayan müzî ʿuṭâsla ḥurûc eylemez. Ve bu ba'ḍının zann eylediği istihâle emr-i vâcib değıldir belki müziyât ihrâcını dimāğ kaşd eyledikte havâyı hılt-ı müzî cânibine cezb eder ve ʿale'l-ittişâl bedeni o cezb eylediği havâ ile mümtelî eder.

Ve kaçan ʿunfle şadr ve hiçâbın ʿaḍalâtı cemr'an hareket eyledikte bedeni mümtelî eden havâ tezaʿzuʿ ve hareket eder ve dâhilinden hârice o havâ müntefid olup silkinir ve şadrda mekân-ı ba'ıdde olan havâlar dahi münḥafir ve mündefiʿ olur. Ve bu vech ile havânın indifâʿı hılt-ı müzînin ḥurûcuna meʿûnet olur her ne kadar o hılt-ı müzî havâyâ müsteḥîl olmadı ise. Ve o meʿûnet ile kuvvet-i dâfiʿa dimāğda müteḳavviye olup müziyâtı ihrâc eder.

Ve nezle ve zükâm evvelinde ʿuṭās cidden ḍârr olur, zîrâ mevâdd-ı nezleden nuḍcu maṭlûb olan māddeyi indâcda sükûndan lâbüdd ve lâzım olur.

Ve ba'ḍı kerre ʿuṭās ḥummayât ve ḥummayât mişlli emrâd-ı sâirede keşret ve vefret üzere olur ḥattâ keşret-i ʿuṭâsla kuvvet sâķıṭa ve re's mümtelî olur.

Ve ba'ḍı kerre dahi keşret-i ʿuṭās şediden ruʿafı tehyic ve tahrik eder. Ve vâcib olur ki o ruʿafı ḥabste ʿacele ve ʿuṭâsı def'e sür'at oluna velâkin füvâķ-ı māddiyyi keşret-i ʿuṭâs taḥlîl eder za'za'ası ḥasebiyle. Ve ʿuṭâs ba'ḍı kerre dahi nevâib-i ḥummayât evâilinde vâķiʿ olur.

Ve ḥukemâ-ı Hind zuʿm eder ki ʿatısın evḍârının evfaķı ve efdali başı cihet-i ḳuddâma ve şadrı ḥizâsına olup iki cânibe mültefit ve müntekis olmaya. Bu vaḍʿ üzere olanların ʿuṭâsında gâile olmaz velâkin Hind'in bu zuʿmu şavâb ʿadd olunmadı.

Ve başı taḥfife teʿdiyesi için ʿuṭâs enfaʿ-ı eşyâ olur mevâdd-ı re's ḳalîle ise. Her ne miḳdâr o mādde-i ḳalîle naḍic olmaz ise dahi ʿuṭâs onu nefḍ edip ihrâc eder. Ve o mādde-i ḳalîle riḥiyye olur ise veyâḥûd mādde riḥiyye olup keşire olur ise yine ʿuṭâs onları nefḍ ve ihrâc eder.

Ve başta olan imtilâ-i buḥârîye ʿuṭâs enfaʿ-ı eşyâ olur. Ve mevâdd-ı ḡalîzadan naḍice olanları dahi ʿuṭâs nefḍ eder.

Ve kaçan mevâdd-ı re's ḡalîza ve keşire olup ʿuṭâs ḥâdiş olur ise o ʿaṭşe dimāğın kuvvetine delâlet eder, onun için mevti ḳarîb olup kuvveti sâķıṭa olanlarda ʿuṭâs olmaz. Ve bir ʿalilde muʿaṭṭisât istiʿmâl olunup ʿaṭşe eylese onun bürʿ ve şıḥhati elbette recâ olunmaz.

Ve ʿuṭās fuḍûl-i muhtebeseyi nefde muʿîn olur ve vilâdeti teshîl ve meşî-meyi iḥrâc eder ve şîkâl-i reʿsi teskîn ve taḥfîf eder velâkin reʿsinde ğayr-î naḍîc mâddesi olan kimse intidâc için sükûna muhtâc olsa ʿuṭās ona muḍîr olur. Ve bir ʿuṭās dahi muḍîr olur ki o ʿaṭse dimâġi teshîn edip dimâġ ḥavâlîsinde olan mevâddın sühûnet-i ḥâdiṣe ḥasebiyle dimâġa incizâbından ḥavf oluna. Ve kezâlik şadrında mâdde-i keşîre veyâḥûd ficce olanlara dahi ʿuṭās dârr olur.

Dokuzuncu Faşl ʿUṭâsı Menʿ Eden Edviye Beyânındadır

Dühn-i verd-i tayyib ile istiʿâṭ ʿuṭâsa mâniʿ olur. Ve dühn-i ḥilâf ʿuṭâsı şedîden teskîn eder. Ve baʿdî kerre burnu ḥaşv-ı ḥârr ile doldurmak ve başı ıssı su ile taḥmîm ve teshîn eylemek ve kulaklara dühn-i ḥârr şabb eylemek ve kâfâsı altına ıssı yüz yastığı vaḍʿ edip istilkâ eylemek ve tuffâḥ ve sevîk istişmâm eylemek ve isfence-i bahrî istişmâm eylemek cemʿan bu mezḳûrlar ʿuṭâsı kâṭıʿdır. Ve baʿdî kerre fikr ve âḥer nesneye iştiġâl dahi ʿuṭâsı kaṭʿ eder.

Ammâ şıbyânın ʿaṭselerinin ʿilâcı budur ki bir böbrek şahîḥan ve tâmmen aḥz olunup âteş üzere şeyy olunur ve nuḍc-ı tâmm olmazdan muḳaddem refʿ ve sâile olan ruṭûbeti istişşâk veyâḥûd istiʿâṭ ettirilir.

Ve ʿuṭās gelip teveccüh eyledikte şiddet-i şabr ile muḳâvemem eylemek dahi kaṭʿ eder. Uṭâstan daʿîf olanlara muşâbere ʿilâc-ı kâfi ve tedbîr-i vâfi olur.

Ve yine mâniʿ-î uṭâstır ʿunuḳu ve üzünü delk eylemek. Ve kezâlik eṭrâfı ve ḥaneki delk ve taġrın²⁵² şiddeti ve kuvveti yaʿnî inficâr-ı ruṭûbetin kuvveti ve esnemek ve fevḳ cānibine ḥiddet ile nazar ve taḳallüb ve temelmül ve edhân-ı murattıbe ile ʿaḍalâtı temrîḥ ʿale'l-ḥuşuş çene kemikleri üzere olan ʿaḍalleri o dühnle temrîḥ ve nevminde istiġrâk edip tederîc üzere uyanmak ve ġubâr ve duḥândan ihtîrâz üzere olmak dahi ḥâbis-î ʿuṭās olur.

Onuncu Faşl Muʿaṭṭisât Beyânındadır

Edviye-î muʿaṭṭise bunlardır: ḥarbaḳ-ı ebyaḍ, cünd-i bîdester, kündüs, fülful, ḥardal. Müfreden veyâḥûd mürekkeben bu edviyeler aḥz olunup bi-

252 كَامُوسُ تَعْرِ الْعَرَبِيُّ الْفَجْرُ *Kāmūs. Taʿrîl-ʿArabîl-Ḥamūs.*

rer rîşe ile enfe ilşâk olunur. Veyâhüd ʿâkıırkarhâ, sünbül, şîl-i müdahhân²⁵³, sezâb-ı berrî, şabır, onlar ile enf telîh olunur.

Ammâ hafîf olan muʿattısât bunlardır: Afyün ve eftîmün istişmâmı. Ammâ bâdrüc kuđbânı ve zerâvend ve verd be-zeğabe²⁵⁴ maħrûrîni taʿtıs eder. Muʿattıs devâ ile enfîn bâtınını telîh eylemek o devâyı burna nefhten aşveb olur.

On Birinci Faşl Burunda Vâkıf Olan Eşyânın Muʿâlecesi Beyânındadır

Burnunda kazâ vâkıf olan kimsede edviye-i muʿattıse istiʿmâl olunmakla kazâsı ihrâc olunur. Ve selîm olan munhuru vaqt-i ʿušta aħz olunmakla munhur-ı âherin kazâsı ħurûc eder ve bunun zikri mürûr eyledi.

On İkinci Faşl Cefâf-ı Enf Beyânındadır

Enfin kuru olması bađı kerre ħarâretten ve bađı kerre yübüset-i şedîdeden ve gâhîce enfte olan ħılt-ı lezicin cefâfından olur ve bunların her birinin muʿâlecesi zâhirdir. Ve enfa-ı muʿâlecâtı bâride-i rađe olan edhân ve ʿuşârât olur. Ve ħılt var ise evvelâ ħıltı edhân ve ʿuşârât ile telyîn edip bađdehu o ħıltı ihrâc olur.

On Üçüncü Faşl Enfin Ħikkesi Beyânındadır

Enfin ħikkesi bađı kerre ħiddetli buħardan veyâhüd seyelâni kavî olan nezleden olur ne kadar o nezle bârid dahi olur ise. Ve bađı kerre dahi büşürdan olur. Ve ruʿâfın ħareketinden dahi ħikke olur. Ħareket-i ruʿâf ile olan ħikke buħrâna delâlet eder ve cüderî ve ħasbeye dahi delâlet eder, tafşîli inşâallâhu taʿâlâ mevđîinde taħrîr olunur. Ve bunların her birinin ʿilâcı senin bildiğın kânûndan sühûlet üzere aħz olunur. el-Ħamdü lillâhi ʿale'l-itmâmi ʿadede mâ-yüktebü bi'l-aqlâmi. Uşallî ʿalâ-nebiyyinâ Muhammedin ʿaleyhi'ş-şalâtu ve's-selâm. [291a]

253 “Şîl-i müdahhân” ayrıktan ittiĥâz olunan düde yaʿnî duman.

254 “Zeğab-ı verd” gülün ortasında olan ħaşvıdır.

KİTÂB-I ŞÂLİŞİN FENN-İ SÂDİSİ FEM VE LİSÂN EMRÂDINDA VE MU'ÂLECÂTINDA OLAN KELÂM-I MÜCMELDİR

Bir makāleye haşr olunup fuşülü müstemil kılındı.

Evvelki Faşl Teşrîh-i Fem ve Teşrîh-i Lisân Beyânındadır

Biz deriz ki fem ğidāyı cevfi esfele îşāle gerekli bir ʿuḍv-ı ḍarūrīdir. Ve havāyı cevfi aʿlāya îşālede burun mişli aʿḍā-i sāire dahi feme müşāriktir. Ve fem, miʿdede müctemiʿa olan fuḍülü kazfte nāfiʿdir, esfelden o fuḍül-i müctemiʿayı defʿ ʿusretli oldukta ağızdan defʿ olunur. Ve insānda olan aʿḍā-i kelāma ve ḥayvānāt-ı sāirede aʿḍā-i taşvite fem viʿā-i küllīdir.

Ve lisân, femden bir ʿuḍvdur ve bir âlettir. ki maḍğ olunan memḍūğât onunla taḳlīb ve onunla şavt taḳṭiʿ ve ḥurūf ihṛāc olunur ve mezūkātı zevḳ ona müstened olur. Ve lisânın saḥ-ı esfelinde olan cilde merī cildesine ve bâḥn-ı miʿdeye muttaşıl olur. Ve niṭin cildesi yaʿnī yukarı damakta olan cilde derz-i sehmī²⁵⁵ katında iki bölünür ve yine ribātāt ile biri birine bağ-lamp beynehümāda müşāreket ve ittişāl ḥāşıl olur. Ve sen külliyyatta lisāni taḥrīk eden ʿaḍalātı ve ḥisse âlet olan ʿaḍalātı bildin.

Min ciheti'l-ḳadr cevdet-i kelāma ḳıyās ile elsinenin eḳdali budur ki ṭul ve ʿarḍda muʿtedil ve eselesi müstedıḳḳ ola yaʿnī lisânın dip ṭarafından ön ṭarafı ince olur, o ince ṭarafa esele derler. Ve esele her ne ḳadar müstedıḳḳ ve ince olur ise kelām ve şavt ceyyid olur. Ve ḳaçan lisân cidden ʿazīm ve ʿarīḍ veyāḥūd şağīr olup müteşennic gibi olur ise onun şāḥibi kelāma ḳadīr olmaz.

Ve lisânın cevheri riḥv ve ebyaḍ bir laḥmdır, ʿurūḳ-ı şıḡār-ı demevī ona müdāḥale edip iktināf eylemiştir, o sebebden demin ḥumreti ḥasebiyle cirm-i lisân ebyaḍ iken aḥmer rüḳyet olunur.

Ve lisāna müdāḥale eden ʿurūḳun kimi evride ve kimi şiryānāt olur. Ve teşrīh-i aʿşābda zıkr eylediğimiz aʿşāb-ı erbaʿadan muʿātiye] şuʿbeleri dahi

255 Derz-i sehmī ṭul-i reʿsi iki nişfa taşīf eder; nihāyeti derz-i ikilīye muttaşıl olur. İki derzin mecmūʿuna seffūdī ve sehm gibi müstakīm olana sehmī ve beynehümāda muttaşıl olduğu ḳavs gibi olana ikilī derler.

lisâna müdâhîl olur. Ve lisân her ne kadar cirm-i şağîr ise onda olan a'şâb ve evride ve şiryânât müte'âref ve mütevaqka'dan ekser ve ziyâde olur.

Ve lisânın tahtında iki fuvvehe vardır, sukbe gibidir, ona mîl idhâl olunsa duhûl eder, lu'âb ya'nî ağızın suyu o fuvveheden aka, onlar menba'a'l-lu'âb olurlar. O iki menba'a müntehî olan mecrâların mebd'e'i aşl-ı lisânda olan lahm-ı ğudedî olur ve o lahm-ı ğudedîye müvellidü'l-lu'âb tesmiye olunur ve menbe'âna sâkibeyi'l-lu'âb tesmiye olunur. O menbe'ânın meskûbu olan lu'âb lisânın ruṭubetini hıfz eder.

Ve lisân üzere cârî ve mefrûş olan ğışâ femi müstev'ib olan ğışâyâ muttaşıldır. Ve cemîr'n ağızın ve lisânın ğışâları merî ve mi'deye muttaşıl olur.

Ve taht-ı lisânda ahḍaru'l-levn iki büyük damar vardır, ona şuredân tesmiye ederler.

İkinci Faşl Emrâd-ı Lisân Beyânındadır

Ba'ḍı kerre lisâna emrâd işâbet edip lisânın harekâtında âfet ihdâs eder ve o âfet üç sınıf üzere olur: Buṭlân ve ḍa'f u noḳşân ve tağayyür olur.

Ve lisâna ba'ḍı kerre emrâd işâbet edip o emrâd hiss-i lâmis ve hiss-i zâikte âfet ihdâs eder, o âfet dahi kemâ fi'l-evvel üç kısım üzere buṭlân-ı fi'l ve noḳşân-ı fi'l ve tağayyür-i fi'l olur.

Ve ba'ḍı kerre o iki hissın birisi me'ûf olup âheri selîm olur. O iki hiss kuvvelerinin hangisi ḍa'ife ise işâbet eden maraḍ onda âfet ihdâs eylemeğe kâdir olur, ammâ kuvvet-i kavîyyede âfet ihdâsına kudreti vefâ eylemez. Meşelâ lisânda olan iki hiss kuvvelerinde hiss-i lemste ḍa'f olup kuvvet-i zevkte kuvvet olsa emrâd-ı ḍa'ife o kuvve-i lemste âfet ihdâs eder, ammâ kuvve-i zâyikada âfet ihdâs edemez. Ve 'aksi üzere olur ise o emrâd-ı mezkûrenin âfet ihdâsı dahi 'aks üzere oluğ kuvve-i zâyikada âfet ihdâs eder, lâmise kuvvesinde âfet olmaz.

Ve lisân emrâdı gâhîce sū'î-i mizâc ve gâhîce emrâd-ı âliyye olur, meşelâ lisân ziyâde büyük ve 'azîm veyâhûd şağîr veyâhûd şekli ve vaḍ'ı fâsid olur, münbasîṭ veyâhûd münkabıḍ olamaz.

Ve lisân emrâdı ba'ḍı kerre inḫilâl-i ferd ve ba'ḍı kerre dahi maraḍ-ı mürekkeb olur, evrâm aşnâfından biri 'arıḍ olmakla. Ve ba'ḍı kerre âfet lisâna ḥâşş olur. Ve ba'ḍı kerre dahi dimâğ müşâreketi ile olur. Ve dimâğa

müşâreket ile olan âfet lisâna lâzım gelir ki vecneteyne ve şefeteyne dahi ekser-i hâlde müşâreket üzere ola.

Ve ba'đı kerre dahi âfet-i lisâna havâss-ı säire dahi müşârik olur, zîrâ havâssa hissi îşâl eden şaşab şucbelerinin âfet uşûlüne işâbet eder, âfet yalnız lisâna hiss kuvvesini îşâl eden şucbeye hâşş olmaz, lâ-mahâle o aş me'uftan şucab tarîkından hiss istifâde eden havâss âfette şerîk olurlar. Eger yalnız lisâna îşâl-i hiss eden şucbeye âfet hâşş olur ise âfet dahi lisâna hâşş olup havâss-ı säirede âfet olmaz. Ve çok kerre lisân mi'ce müşâreketiyle ve kâtilen riye ve şadr müşâreketiyle müte'ellim olur.

Ve lisânın mizâcına lisânın elvân-ı erba'asından istidlâl olunur ya'nî ebyad ve aşfer ve aħmer ve esved olduğundan istidlâl olunur.

Ve kezâlik lisânın mizâcına lemsinden ve gâlib olan ta'ımından dahi istidlâl olunur, humûdata ve hâlâvete ve tefeh[e] merârete ve 'ufûnetten mütevellide beşâ'ate şebîh tucüm ihsâsı ile ve 'ufuşat ma'a'l-kabd ihsâsıyla dahi lisânın mizâcına istidlâl olunur. Ve ta'ım ve levnden mizâc-ı lisâna istidlâl ba'đı kerre a'ďâ-i uħrâya ta'addî eder, zîrâ lisânın humreti ve 'ale'l-ħuşuş ħuşûnete mukârin humreti ba'đı kerre nevâhî-i re'ste ve mi'ce ve kebidde verem olduğuna delâlet eder. Ve lisânın beyâdı dahi ba'đı kerre mi'cedenin ve kebidin bürüdetine ve re'sin balğamiyye olduğuna delâlet eder. Ve ba'đı kerre dahi lisânın ebyad olduğu yereķâna delâlet eder, her ne kadar yereķânı olan kimsenin levn-i bedeni ebyadın ħilâfı üzere olur ise.

Ve ta'ım-ı gâlibi o ta'ımda olan ħıltın galebesine delâlet eder, o ħılt gerek ise mi'cede ve gerek ise re'ste yâhüd bi'l-cümle bedende olsun.

Ve ba'đı kerre lisân ruṭubet ve yübüseti cihetlerinden dahi mizâcına delâlet eder. Ve lisânın yübüseti iki cihet ile ihsâs olunur: Evvelkisi saṭṭ-ı lisânın şafâsı ve melâseti olur, bu cihetten ihsâs olunan yübüset yübüset-i ħaṭıķıyye olur. Ve ikincisi lisânın yübüseti ondan ğreviyyetli ve lüzüctli ħıltın seyelânıyla ve lisân üzere o ħıltı şiddet-i ħarâret tecfif eylemesi ile bilinir velâkin bu delîl cevher-i lisânda yübüset olduğuna delâlet eylemez belki delâleti lisân üzere ruṭubet-i lezice ictimâ'e eylediğinde olur. Ve lisân üzere o ruṭubet-i lezicenin ictimâ'ı nezle veyâhüd gâliẓa ve şeħine olan ebħire ħasebiyle olur.

Ve eṭibbâ cefâf-ı fem ḥasebiyle aḥvâl-i marîdî ta'arrüf kaçd eylediklerinde cefâfın ḥaḳîḳîsini ve 'arîdîsini fark ve temyîz eylemediklerinden gâlat ederler ya'nî mizâc-ı lisân raṭb iken yâbis zann ederler, yübüset-i 'arîdiyye 'alâmetini görüp yübüset-i ḥaḳîḳiyyeye onunla istidlâl ederler. Pes beynehümâda fark budur ki eger o mişlli lisânda ḥuşûnet olur ise yübüset-i lisâna delâlet eder, eger melâset olur ise ruṭûbet-i lisâna ve cefâfın ḥarâret ḥasebiyle 'arîd olduğuna delâlet eder.

Ve lisânın mizâcına ba'dı kerre lisânın tekellüm katında ḥareketinden dahi istidlâl olunur ve ḍumûrundan ve gılzat ve ḥiffetinden dahi istidlâl olunur. Ḥattâ lisân küllü vaktin noḳşân üzere olup 'inde't-tekellüm ḥareket şaḳîl olmak üzere ise lisân demden veyâḥûd ruṭûbet-i sâireden mümtelî olduğuna delâlet eder.

Ve lisânın ḥâline ba'dı kerre lisânda 'arîda olan evrâm ve büşürdan dahi istidlâl olunur. Ve bundan aḳdem mürûr eden uşûl-i külliyyeleri ve bundan sonra zikri âtî uşûl-i cüz'iyeleri ḍabṭ ve iḥâdadan sonra bu maḥallde zikr olunan [291b] meḥazdan senin için vücûh-ı istidlâlâtı ḍabṭ eylemek mümkün olur.

Ve lisân ba'dı kerre bi-infirâdihi ve ba'dı kerre dahi dimâg veyâḥûd mi'de müşâreketiyle müte'ellim olur.

Ve menâfi'-i lisânî fâ'il olan 'aşâb a'şâb-ı müte'addideden mürekkebirdir. Lisân ef'âlini o a'şâbın ittiḥâd ve ittişâlleri ḥasebiyle işler ve bi'l-cümle lisân fi'lini istikâmet üzere işlemekten o a'şâbın ittiḥâd ve terâfukuna ve biri birleriyle te'âvün ve tezâhürlerine muḥtâc olur, binâen 'aleyh ba'dı kerre o a'şâb cemî'an mu'âtiye olup fi'llerini işlemekte istikâmet üzere olurlar, içlerinde 'âyık ve şârif olmaz, pes o a'şâb şâhibinin kelâmı faşîḥ ve şaḥîḥ olur. Ammâ o a'şâbın ba'cdısı mu'âvîḳ ve fi'linde ḥalel olur ise o mişlli lisânda temteme ve temteme mişlli ḥâlet olup kelâm-ı şaḥîḥ tekellümünden 'aciz olur.

Ve ba'dı kerre 'aşâb-ı lisân kuvveti eczâ-i terkîbinden ḥâric 'aşâb-ı âḥerden taleb ve ibtiḡâ eder ve onlardan kuvvet aḥz edince kadar ḥareketten muḥtebese olup lisân ḥareketten kalır ve kelâmında temteme mişlli nesnelere ḥâdiş olur.

el-Mu'âlecât: Re's ve mi'de müşâreketiyle olan lisân emrâdının 'ilâcî re's ve mi'deyi muşlîḥ devâlar ile olur ve o edviye-i muşlîḥaları bâblarında

sen bildin. Ammâ hâşşaten lisânda olan emrâdın mu'alecesi ishâlle istifrag eder eşribe olur. Ve eşribe-i müşhile ile olan mu'alece, muqayyî'ât ve mübeddil-i mizâc olan edviye isti'mâlinden enfa' olur. Veyâhüd lisânın mu'alece-i maşşûsası edviye-i kâbıda veyâhüd edviye-i muhallile-i muqattî'a vü mülattîfe isti'mâli ile olur, eger o edviye şürb olundukta kuvveti lisâna te'eddî edip vâşıla olur ise. Ve bu mişlli eşribe şürbünde evfağ ve elyâğ olan, ta'am tenâvülünden sonra şürb olunmaktadır. Ve ba'dı kerre mađmađât ve delükât ve ğarâğırât ve edhân ile mu'alece olunur. O edviye isti'mâl olundukta ağızda bir müddet imsâk olunmak gerektir.

Ve ħubûbât ile dahi mu'alece olunur, o dahi ağızda imsâk olunmakla isti'mâl olunur. Ve o ħubûbât qarîben zıkr olunan kuvâları ħâmil olan 'akâķîr-i münâsibe ve edviye-i muvâfıkadan ittiĥâz olunur. Ve evlâ ve ecved olan o ħubûbât müferṭahu'ş-şekl olmaktır.

Ve vâcib olur ki fem ve lisân mu'aleceleri için edviye isti'mâllerinde ħalk muĥâfaza oluna, eger o edviyeler ħalk ve riyeye muđırr olur ise.

Üçüncü Faşl Fesâd-ı Zevķ Beyânındadır

Fesâd-ı zevķ dahi üç nev' üzeredir, buṭlân ve da'f u noķşân ve tağayyür olur. Ve üç vechin her birisi marađ-ı şirkî veyâhüd marađ-ı aşlı olur. Yalnız zevķe maşşûş olan âfet sũ-i mizâcdan veyâhüd marađ-ı âliden tevellüd eder veyâhüd ikisinin mecmũ'undan ħâşıl olur. Ve bizim bundan aķdem işâret eylediğimiz 'alâmetler ile onlara istidlâl olunur.

el-Mu'alecât: Fesâd-ı zevķ eger müşâreket ħasebiyle olur ise onun mu'alecesi aĥvâl-i dimâğı ta'arrüf edip senin bildiğın muşlıĥâtla dimâğı işlâĥ etmektir. Ve şirketi mi'deye ise onu dahi ta'arrüf ve ba'dehu işlâĥ eylemektir.

Ve eger âfet zevķ şirkî olmayıp ancak lisâna ħâşş ise lisâna mu'aleceye iştiğâl olunur. Eger lisâna maşşûş marađın sebebi imtilâ ve ħılt-ı redî olur ise vâcib olur ki o ħılt ħârr ise eyâric-i feyķarâ mişlli ile ve ħabb-ı kũkıyâ ile ve saķmũnyâ ve şaĥm-ı ħanzal ve milĥ-i Nebaṭiden mütteĥaz ħubûbla istifrag oluna. Ve eger o sebep ħılt-ı ğalîz ise eyâricât ile istifrag oluna ve istirĥâ-i lisân bâbında zıkr olunan ğarâğır isti'mâl oluna; o âfetin şâĥibine başal ve sũm ve ħardal ve sirke gibi ağıdiye-i ħırrîfe iṭ'am oluna.

Dördüncü Faşl İstirhâ-i Lisân ve Şıkal-i Lisân ve Kelâmda Olan İhtilâl Beyânındadır

İstirhâ-i lisân bundan aḳdem zıkr olunan istirhâ cümlesinden biridir ve senin maʿlûmun olan esbâbdan hâdiş olur. Ve baʿdı kerre dahi ruṭûbet-i mâiyye-i demeviyyeden olur. Ve baʿdı kerre sebep-i evveli dimâğda ve baʿdı kerre dahi sebep lisânı muḥarrrik olan ʿaşabede olur veyâhûd o ʿaşabe-nin bir şuʿbesinde olur.

Ve sen istirhâ-i lisândan dimâğ şirketiyile olanları ve min gayri şirketin olanları cemʿan bilirsin ḥiss ve ḥareketi dimâğdan istifâde eden aʿḳâ-i sâi-relerin ḥâlleriyle yaʿnî o aʿḳâ-i uḥrâ selîm olur ise istirhâ-i lisânın maraḳ-ı aşlî olduğu maʿlûm olur. Ve eger aʿḳâ-i sâirede dahi istirhâ olur ise istirhâ-i lisânın dimâğ şirketiyile olduğu âşikâre olur.

Ve ḥumret-i lisân ve kezâlık lisânın ḥarâreti mādde-i istirhânın demevî olduğuna delâlet eder. Ve mādde raḳıka ve mâiyye olduğuna luʿâb-ı raḳıkin kesreten seyelâni ve muḥallilât istiʿmâlinden ʿalîlin ʿadem-i intifâı ve kavâbiḳ istiʿmâlinden intifâı delâlet eder.

Ve baʿdı kerre istirhâ bir ḥadde bâliğ olur ki kelâm külliyyen münʿadim veyâhûd müteʿassir veyâhûd müteḡayyir olur. Ve müteḡayyir olan ḳabilden olur feʿfâ²⁵⁶ ile temtâm mişlililer. Ve şıbyânın baʿdıları tûl-i müddet kelâm-dan ʿâciz olurlar. Ve mütaʿtiʿinden baʿdıları emrâḳ-ı ḥadde işâbet etmekle lisânları münṭalık olurlar.

Taʿtaʿaya müʿeddî ve uşûl-i ʿaşabede muḥtebese olan ruṭûbetin zevebâni ve taḥallülü ile ve bunun emşâli sebeblerden için ḥâl-i şabâvette elsaḡ olan-ların baʿdıları şâbb oldukta ruṭûbeti zâile ve muʿtedile olup faşḥü'l-lisân olurlar.

el-Muʿâlecât: Bu ʿilletlerde vâcib olur ki evvelâ eyâric-i şaḡir ile baʿdehu eyâricât-ı kibâr ile beden tenḳiye oluna baʿdehu nâhiye-i reʿse reʿse maḥşûş

256 **الْفَأَاءُ** [el-feʿfâʿ] (ʿalâ-vezni **فَعْلَالٌ** [faʿlāl] bi-fethi'l-fāʿi) Şol kimsedir ki tekellü-münde fâ'yı çok getire; yukâlu: **رَجُلٌ فَأَاءٌ أَي يَتَرَدَّدُ فِي الْفَاءِ إِذَا تَكَلَّمَ** Kezâ zekerehu Muḥammed el-Vanî. “Teʿtaʿ”, “yeʿyâ” dahi tāʿda ve yâʿda terdid edenlere ıtlâḳ olunur. Ve tāʿda terdid edene “temtâm” ve tereddüde “temteme” derler. Ammâ “taʿtaʿa” muṭlaḳan kelâmda tereddüde veyâhûd ḥaşr olmaḡa derler ve ʿâciz olmaḡa dahi derler. Ammâ “elsaḡ” o kimsedir ki rāʿyı ḡayn veyâhûd lâm okur veyâhûd sînʿi tāʿ okur.

olan edviye ile kaçd oluna. Ve eger mādde-i ruṭubet ile demde ğalebe zann olunur ise ʿurūḳ-ı lisān faşd olunur ve çene üzere ḥacāmet olunur baʿdehu lisāniyye olan ğarāğır ile ve delūkāt ile muʿālece olunur. Baʿde'l-istifrag taḥrîk-i lisāna müdāvemem olunur. Ve zıkr olunan iki evvelki muʿālece edviyelerine emrād-ı re's tedbîrinde sen vākıf oldun.

Ammā edviye-i mevdi'yyeden isti'mālî keşîrî'l-vukûc olanlar bunlardır: Muḥallilāt ve muḳaṭṭı'āt ve mülattıfāt ile lisānı delk etmekle olur. Ve onların miyāhı ile dahi tağarğur ve tamaḍmuḍ etmekle olur ve o edviyeler bunlardır: sa'ter, ḥāşā, ḥardal, ʿāḳırḳarḥā, aşl-ı keberin kuşuru. Bunlar ile zıkr olunan maḍmaḍa ve ğarğara işlenir belki ḥardal ve kündüş mişliler ile maḍmaḍa ve ğarğara olunur. Ve bu edviyeler mürrî veyāḥūd ḥall-i ʿunşulî ile isti'māl olunur. Ve baʿdı kerre dahi o edviyeler ile nüşādur ve lübān, ruḥbîn veyāḥūd maşl²⁵⁷ ile lisānından lu'āb seyelān edince kadar isti'māl olunup intifāc olunur. Ve kaçan sikencebîn-i ʿunşulî ile ğarğara ve maḍmaḍa olursa cidden nefi olur. Ve lisānın istirḥāsına ve şıkaline vecc devā-i ceyyid olur.

Ve kaçan istirḥā müştedd olup kelāmdan ʿacz ve imtināc ʿarıḍ olsa ferfiyün ve kündüsten bir şey aḥz olunur ve onunla lisānın kendi ve lisānın aşlı ʿale'd-devām delk olunur. Bu devālar ve bunların emsālî devālar raḳabe üzere vaḍc olunur; zıkrî ātî nüşhada mezkûre edviyeden ḥubûb ittiḥāz olunup o edviyeyi sür'at-i inḥilālden mâni' olan edviye-i uḥrā ile edviye-i ḥubûb-ı ūlā yoğurulup ma'cûn kılınur. Meşelā lāden ve ʿanber ve rātiyānec ve şumûğ-ı lezice-i sāire ile yoğurulur.

Ve ḥabb-ı mezkûrun nüşhası budur: 'ilkü'l-enbāt iki dirhem, ḥıltî bir dirhem. Bunlardan noḥūd gibi ḥabblar ittiḥāz olunup taḥt-ı lisāna vaḍc ve imsāk olunur ve lisānın istirḥā ve del'inden nāfi' olur.

Ve bu bâbda mücerreb olan devānın biri dahi budur ki nüşādur, fül-fül, ʿāḳırḳarḥā, ḥardal, būraḳ, zencebîl, mevîzec, sa'ter, şünîz, merzencüş-ı yābis, milḥ-i neffî daḳḳ olunup elekten geçirilir ve mā-ı ḥārr ile mütevālîyen ve mütetābi'aten birkaç eyyām o devālar ile ğarğara olunur.

Ve bu şānda ehl-i Hind'in zıkr eyledikleri cüvārişlerdendir bu nüşha cüvārişi gibi, şıfat-ı nüşha: kemmün-ı esved-i Kirmānî, ḳırfe, milḥ-i Hindî

257 "Ruḥbîn" leben-i maḥbūhun suyudur. Ve "maşl" taḥḥ ile ʿaḳd olunan lebenin suyudur. Kezā zekerehümā İbn Kütbî.

yarım mişkâl, dâr-ı fülful [292a] yüz ʿaded, fülful iki yüz ʿaded, sükker se-kiz istâr ki her biri altı dirhem ve nişf dirhemdir. Ve *muşannifin bu kelâmi âhir-i kitâb-ı Kânûn'da zikri âti olan istârdan ihtirâzdır. Pes bu edviyeler-den sefûf ittihâz olunup küllü vaqtin istifâf olunur.*

Ve kaçan muhallilât istiʿmâlinde nefʿ müşâhede olunmaz ise ve ruṭû-betin rakıka ve seyyâle olduğu dahi ḥads olunur ise muhallilât-ı kâbıda ile istiʿânet edersin ve verd ile maḥlûṭ dâr-ı şîşeʿân gibi ve idḥir fikâhı ile ṭabâşır gibi nesnelere istiʿânet edersin. Ve ekşer-i evkâtta ḥavâmıd ve kavâbiḍ ile lisânı tedlik eylemek dahi nâfiʿdir, zîrâ bu edviye ile delk-i lisân lisânı şedd eder ve rîki taḥlîl ve isâle eder, edviyenin ḥumûḍatı ḥase-biyle. Ve o ḥavâmıd maşl ve ḥısrım ve sâir fevâkihın korukları gibi nes-nelerdir.

Ve geç söyleyen şabînin muʿâlecesinde vâcib olur ki devâm üzere lisânı taḥrîk oluna ve lisânı delk ve luʿâbı isâle oluna; bu tedbîrin o âfete nefʿi olur, ʿale'l-ḥuşûş delkinde ʿasel ve milḥ-i enderânî istiʿmâl oluna. Ve ruṭû-bet-i lisânda yazılan ʿilâcın küllîsi ile bu bâbda dahi muʿâlece olunur. Ve o geç tekellüm eden şabîye kelâm için cebr olunur ve mecbûren tekellüm eyleyerek lisânları muntalâk olup tekellümü sühûlet üzere olur.

Beşinci Faşl Lisânın Teşennücü Beyânındadır

Lisânın teşennücü lüzücteli ruṭûbetten ḥâdiş olur, zîrâ ruṭûbet lisânın ʿaḍalini ʿarḍan temdîd eder ve ʿaḍalın temdîdi ile teşennüc ḥâdiş olur. Ve baʿḍı kerre dahi sevdâ-i münkabıḍadan ḥâdiş olur. Ve baʿḍı kerre dahi em-râḍ-ı ḥâddede ʿarîḍ olur onun için ki emrâḍ-ı ḥâddede ʿaḍal şiddet-i ḥarâ-retten pişer ve kavrulur ve ʿaḍalın kavrulmasından lisâna dahi teşennüc ʿarîḍ olur. Ve baʿḍı kerre emrâḍ-ı ḥâddede ḍarar kelâmda olur yaʿnî lisânda teşennüc olmaz velâkin tekellümüne ḍarar işâbet eder. Ve laḳvede baʿḍı kerre lisân ibrâz olursa onda iʿvicâc zâhir olur ve bundan aḳdem biz bunları beyân eyledik.

el-Muʿâlecât: Teşennüc-i lisân muʿâlecesinin kânûn ve kavâʿidi işbu kitâb-ı şâlişin fenn-i evveli fuşûlünden teşennüc-i küllî muʿâlecesi faşlında zikr olunan kânûn ve kavâʿiddin baʿʿid deġildir, ammâ ʿale'l-vechi'l-aḥşş lisân teşennücü muʿâlecesinin beyânı budur ki aşl-ı unuḳ üzere bâbünece

ve ikilî'l-melik ve raṭbe merzencûş ve şıbs ile kimād olunur, bu edviye ile müfreden ve mürekkeben zıkr olunan maḥalle kimād nāfi'dir. Ve bunların dühnleriyle ġarāġır dahi nāfi'dir. Ve fātiren o edhān ile ihtîşā eylemek ya'ni ağzını o edhānla doldurup bir müddet ağzında o ḥaşvi imsāk eylemek ve ḥarāretli dühnler ve ḥalāvāt-ı muḥallile ve ḥulbe mişlli büzür ve ona müşābih nesnelere ile ḥabîş ṭabḥ ve ittihāz olunup isti'māl eylemek. Eger teşennüci lisān ḥummayātta 'arîd oldu ise isti'māl olunan edhān dühn-i benefşec ve dühn-i kar ve dühn-i ḥilāf olmak ve fātiren isti'māl olunmak enfa'dır. Ve vācib olur ki zıkr olunan mevādi' mā-ı fātir ve uşārāt-ı raṭbe-i müfettere ile tenṭil oluna.

Altıncı Faşl Lisānın Miqdār-ı Hılķı Vü Ṭabīden Ziyādeliġi Beyānındadır

Lisānın vech-i mezkūr üzere 'azīm olması ġalebe-i demden ve ba'dı kerre dahi irhā ve tehebbüci olan ruṭubet-i balġamiyyenin keşretinden olur. Ve ba'dı kerre lisānın 'ızamı o ḳadara bālîġ olur ki ağzına sıġmayıp ḥāric-i feme çıkar ve lisānın bu nev' 'ızamını biz bāb-ı teverrümde müfreden zıkr eyleriz.

el-Mu'ālecāt: Ammā lisānın veremi ve 'ızamı demden ve mādde-i ḥārededen olur ise ona delk ile mu'ālece olunur. Ve delk muḳaṭṭ'āt-ı ḥāmıda vü ḳābıda olup rībās ve ḥummādu'l-ütrücc mişlli devālar ile olmak evfaḳ olur.

Ve eger 'ızam-ı lisān ruṭubetten olur ise lisān nüşādur ve milḥ sirkeye ve maşla ḥalt olunup o maḥlūt ile delk olunur ve onun delki istifrāġattan sonra olur. Veyāḥüd zencebīl ve fülful ve dār-ı fülful ve milḥ-i enderānī aḥz olunup ceyyiden daḳḳ olunur ve lisān onlar ile delk olunur. Ve bu mu'āleceler ile lisān ḥacm-i ṭabī'isine 'avdet eder ve femden ḥāric olan dāḥil-i feme girer, del'i zāil olur.

Ve istirḥā lisān-ı şıbyāna 'arîd olsa onların mu'ālecāt-ı mühimmesine kifāyet eder ḥımye ettirilmek ve serçe ve palazları iç'ām eylemek.

Ve 'ızam-ı lisānı olan bir kimse mu'ālece ḳaşdı ile taḥt-ı lisāndan ihticām eyledi ve mibḳaġ ya'ni ālet-i şarṭ olan ḥadīdi ġışā-i lisāna muttaşıl 'aşabın līfine ḳarb etmekle lisān müsterḥī oldu.

Yedinci Faşl Lisânın Kışarı Beyânındadır

Ba'đı kerre lisâna kışar, lisânın tahtında olan ribâť lisânın re'sine veyâhüd eţrâfına muttaşile olup inbisât-ı lisâna mâni'ca olduğundan hâşıl olur ve ba'đı kerre dahi lisân müteşennic olup kışar teşennücden hâdiş olur.

el-Mu'âlecât: Kışar-ı lisân teşennüc hasebiyle hâdiş olur ise onun mu'âlecesi teşennücü izâle ile olur ve bundan aqdem teşennüc mu'âlecesinde biz tekellüm eyledik.

Ve kışar-ı lisân ribâťın kaşır olmasıyla olur ise onun 'ilâcı o kaşır olan ribâť ucu ve ţarafı cânibinden kalîlen kať olunur ve demini kať için zâc-ı meshûkla kať'ın mađarratı tedârük ve telâfî olunur. Ve ribâťın cânib-i re'sinden o miqđâr kať olunur ki o kaťla lisân münbasıť ola. Ve hanek-i a'lâya lisân işâl murâd olursa ba'de'l-kať lisânda bâkî kalan ribâť mâni'c olmaya ve kezâlik lisânın hârice ihrâc olunmasına dahi mâni'c olmaya.

Ve eger dem-i keşir infşcârından havf olunup lisânı kâbıđ olan ribâť zikr olunan minvâl üzere hadîd ile kať olunmaktan ictinâb ve ihtirâz olunur ise bir hayť-ı hârim iğne ile ribâťın tahtından geçirilip min-ğayri kať'ın ribâť harm²⁵⁸ olup cirm-i lisâna ribâťın ittışâli faşl olunur, mâni'c-i inbisât olmasın için. Ve o ribâť lisâna müceddeden iltışâk eylemesin için 'udva edviye-i hâdde-i kâviye vađ olunur. Ve o ribâť rıfķ üzere kať olup hîn-i kať'da taht-ı lisânda olan damar muhâfaza ve mu'âhede olursa hattâ âlet-i kať'dan mutađarrır olmasa o vech ile kať-ı ribâť dem-i müfriť seyelânına mü'eddî olmaz.

Sekizinci Faşl Evrâm-ı Lisân Beyânındadır

Lisâna 'arıđ olan verem ba'đı kerre hârr ve ba'đı kerre dahi verem-i balğamî veyâhüd verem-i rîhî yâhüd verem-i şulb ve sereťân olur. Ve bâbu'l-evrâm'da olan kelâmımıza mürâca'at olursa bu aqsâm'dan her birinin 'alâmâtı cem'ean zâhir olur.

Ve ba'đı kerre dahi sümüm şürbünden lisân müteverrim olur, fuťr²⁵⁹ ve afyün mişlliler gibi.

258 Fi'l-*Kāmūs* وَتَرَةً أَنْفِهِ إِذَا شَقَّ وَتَرَةً إِذَا شَقَّ إنتehâ. Bu maķâm'da murâd ribâťın lisândan infişâli olur.

259 "Fuťr" bir cins mantardır ki büyük olup beyâd olur. Kezâ kâle el-Vanî fi-terceme-ti'ş-*Şihâh*. Bunda murâd semmiyyetli mantardır.

el-Mu'âlecât: Ammâ evrâm-ı hârre evvelâ faşd ve işhâlle mu'âlece olunur, evrâm-ı lisâna bu 'ilâc kay'la mu'âleceden hayrlı olur. Ve ba'đı kerre dahi taht-ı lisânda olan damar faşd olunup ibtidâ-i veremde bu faşddan sonra ağızında 'uşâre-i hindebâ ve 'uşâre-i hass ve 'uşâre-i 'inebü's-sa'leb hâşşaten ve leben-i hâmiđ ve mâ-ı verd ve maţbûh-ı verd ve 'aşa'r-râ'ı 'uşâresi ve kuşûru'r-rummân 'uşâresi işbu edviyeleri ağızında imsâke hâcet olur. Ve raţb havh ile ya'ni tâze şeftali ile lisân delk olunur. Ve havhla lisânı delkin verem-i lisânda menfa'at-i 'azîmesi vardır.

Ammâ verem bu mu'âlecât ile taħallül ve teķayyuh eylemese âhirinde mündic ve muħallil olan edviye ile ğarğaraya hâcet olur. Ve 'asel ile maħlûţ leben ve süsen kökünün taḫîhi ve tîn ve hulbe taḫîhi ve zebîb ve râziyâ nec taḫîhi ile ğarğaraya hâcet olur.

Ve kezâlik fem-i mi'deden mevâdd-ı ğalîzi işhâl için eyâric-i feyķarâ şürbüne dahi hâcet olur. Ve mündic ve muħallil ağdiyeler ile tağdiye olunur. Kernebî ve kaţafî olan ağdiye dühn-i hall ya'ni şîrûğan ile iţ'âm olunur. Ve eger verem tefettüh ederse femde kavâbid isti'mâl olunur, summâķ ve âs ve 'ades ve zeytün varakı taḫîhleri ve şarâb-ı 'afîş isti'mâl olunur. Ve ona bu merhem dahi nâfi'dir:

Nüşa-i merhem: 'İnebü's-sa'leb 'uşâresi, dühn-i verd, 'ades-i muķaşşer, verd. Bu edviyelerden merhem ittiḫâz olunur

Ve bu vereme [292b] ve kezâlik muntehâya bâliĝ olan verem-i hârre uşûl-i râziyâ nec iħrâķ olunup vereme ilşâķ olunmak ile 'ilâc olunur. Ve bu veremde ve kezâlik ğılzati olan evrâm-ı hârrenin ba'đısında bu devâ ile isti'âţ olunur ve o se'ûţ budur: za'ferân, eyâric-i feyķarâ her birinden birer cüz' ve kâfûr ve misk her birinden birer cüz'ün şülüşü ve sükker-i taḫerzed bir cüz' ve nişf cüz'. Bu mecmû'dan iki dâniķ miķdârı aḫz olunup leben-i câriyede ya'ni kız doğuran hatunun sütünde o me'ḫûz olan iki dâniķ devâ hall olunup isti'âţ olunur.

Ve Câlînüs dedi ki bir kimsenin lisânına bir verem-i 'azîm 'ârîđ oldu ve o kimsenin sinni altmış seneye bâliĝ olup faşdın vakt ve zamânı mürûr etmiş idi, binâen 'aleyh o kimsede faşdı terk eyledim ve ona ķûfî tesmiye olunan devâyı verdim ve vaķt-i 'aşâda lisânını edviye-i bârideden ğılâf ve dîmâd içinde kılmak murâd eyledim. Eḫıbbâdan biri benim bu 'ilâcımı inkâr

ve bana muhâlefet eyledi. Ve o tabîb o gece rüyâsında gördü ki o kimsenin ağzında ‘uşâre-i hass ya‘nî marul imsâk olunmak nâfi‘ olur. Ona binâen yine meşveretim ile o devâ ile ‘ilâc eyleyip bür-i tâmm ile o ‘alîl bür² buldu.

Ammâ verem-i lisân şulb ya‘nî katı olur ise gerektir ki onun tedbiri telâf oluna ve ceyyid ağdiye ile tağdiye oluna ve ahlâf-ı gâlizaları zikri mürûr eden eyâricât-ı kibâr ile istifrâğ oluna ve garâğır[-ı mülattıfe isti‘mâl oluna ve ağzında] hulbe naķı‘i ve hulbe tabîhi incir ile ve kezâlik habbu’l-gârim zebîb-i naķi ile tabîh ve naķı‘i imsâk oluna. Ve ağzında kezâlik hatun sütü ve eşek ve keçi sütü imsâk oluna. Ve kezâlik temr ve tîn nebîz-i helvâ ile veyâhûd rubb-ı ‘ineb ile veyâhûd hıyârşenber balı ile tabh olunup ağzında maţbûhu imsâk oluna ve eyâric-i şağîr ve hıyârşenber ile telyîn-i tabî‘ata müdâvemet oluna.

Dokuzuncu Faşl İhtilâl-i Kelâm Beyânındadır

İstirhâu’l-lisân bâbında kelâmda vâķi‘ olan hâlelerin ba‘dıları haķķında biz tekellüm eyledik, şimdiki hâlde biz deriz ki âfât-ı kelâmdan gerek hâres ve gerek gayrı âfetlerin esbâbı ba‘dı kerre dimâğda ve lisâna gelip tahrîk eden ‘aşabın mecrâsında ve maħrecinde hâdiş olan âfet olur ve ba‘dı kerre dahi lisâna câi olan şu‘be-i ‘aşabın ‘ađalinde ve kezâlik o şu‘be-i ‘aşabın kendilerde ‘arıđ olan âfet olur. Ve o maħallerin âfetleri teşennüc veyâhûd temeddüd veyâhûd taşallüb veyâhûd istirhâ veyâhûd ribâtının kısılalığı veyâhûd hurâcât mündemilelerinin ta‘aķķudu veyâhûd verem-i şulb olur. Ve ba‘dı kerre kelâmda vâķi‘ olan hâlele sebep ruţûbetten olur ve gâhice yübüsetten dahi olur velâkin ruţûbetten hudûsu yübüsetten hudûsuna kıyâsla ekşer olur. Ve gâhice kelâmın hâleli lisâna ve lisânın nevâhîsine ‘arıđ olan evrâm ve kuruş sebebiyle olur. Ve ba‘dı kerre dahi sersâm ‘aķibinde kelâma hâlel ‘arıđ olur, dimâğdan a‘şâba fađlın indifâ‘ı hasebiyle. Ve hummayât-ı hârrede dahi şiddet-i tecfif hasebiyle hâdiş olur. Ve bu maŗađlarda olan kelâmın hâleli ile ma‘an az kerre lisânda đumûr ve teşennüc olur. Ve bu zikr olunan kelâmda hâleller ‘arađı olan hâlelleri.

Ba‘dı kerre dahi kelâmın hâleli hancerenin ‘ađalinde temeddüd ve istirhâ olmakla olur. Ve ba‘dı kerre evvel-i emrde insâna taşvît müte‘azzir olur onun için ki şadrının ve hancerelerinin ‘ađalâtını tahrîkte o kimse ‘unf eder.

Ve o ʿadaller ʿunfu taḥammül eylemeyip harekete ʿiṣyân eder ve kaçan evvel-i lafzada teneffüs eylese baʿdehu kelâmı istirsâl eder. Bu mişlli insâna vâcib olur ki nefes-i ʿazîm ile ve şadı ʿazîmen tahrîk ile kelâma ibtidâ eylemeye belki o mişlli kimse kelâma hevînen şürûʿ ve sühûlet ve mülâyemet üzere ibtidâ eyleye. İbtidâ-i kelâmda sühûlete müdâvemmet eyleyen kimseye bi'l-cümle kelâm sehl ve âsân olur.

Ve kelâmda olan vücûh-ı iḥtilâlden bu maḳâmda zıkr olunanların bâkîlerinin zıkrî bâblarında mürûr eyledi, iʿâde ve tekrâr olunmağa ihtiyâc yoktur.

Ve sersâmdan sonra olan âfet-i kelâma taḥte'l-lisân mevcûd olan iki damarları faşd cidden nâfiʿ olur.

Onuncu Faşl Dıfdrı Beyânındadır

Dıfdrı²⁶⁰ ğuddeye müşâbih şulb bir nesnedir, taḥt-ı lisânda olur ve levni saḥ-ı lisân levniyle dıfdrı olan damarın levninden mürekkeb ve kurbağa levnine müşâbih bir levndir. O ğudde mişlli dıfdrı'nın sebep-i ḥudûsu ruḥbet-i ğalîza vü lezice olur.

el-Muʿâlecât: Edviye-i ekkâle vü muḳaṭṭıʿa vü muḥallile ve kezâlik müceffif olan nüşâdur ve ḥall ve milḥ, işbu edviye o maḥalle vaḍʿ ve tecrîbe olunur ve zencâr ve zâcla dahi delk olunur. Eger onların fâidesi ve nefʿi olur ise ğaraḍ ḥâşıl olur. Ve eger onların nefʿi olmaz ise edviye-i ḥâdde istiʿmâl olunur, o edviye-i ḥâdde ankrabâdinde zıkr olunan devâ-i ebîrûn ve devâ-i isfâriyûn ve devâu'l-beyḍi'r-raṭb mişlliler istiʿmâl olunur ve taḥt-ı lisândan faşd olunur ve ḳulâʿ edviyesinin aḳvâsı istiʿmâl olunur. Bunlar dahi nâfiʿ olmazsa yed ile ʿamele ihtiyâc olur.

Ve muʿâlecât-ı dıfdrı edviye-i memdûhalarından olur saʿter-i Fârsî ve enâr kabuğı ve milḥ aḥz olunup dıfdrı olan şabînin lisânı onlar ile delk olunur, bi-iznillâhi taʿâlâ onunla bürʿ-i tâmm ḥâşıl olur.

Ve yine dıfdrı'a nâfiʿ mücerreb devâlardandır zâc-ı muḥraḳ ve sūrincân beyâd-ı beyḍ ile cemʿ olunup taḥt-ı lisâna vaḍʿ olunur ve cidden nâfiʿ olur.

260 العَدْفِدْرِي [eḍ-dıfḍrî] ḳâd'ın ve dâl'in kesri ile حَنْصِرٌ [ḥinşir] vezni üzere kurbağadır ki mâi olan ḥayvânâttandır. Vankulu.

On Birinci Faşl Hırkat-i Lisân Beyânındadır

Lisân hırkatı fem-i miçdenin ve dimâğın harâreti sebebiyle  arıđ olur, eger o harâret hummāya mü eddî olmak mertebesine bāliđ olmaz ise. Veyāh ud eşyā-ı hırrıfe v  mālîha v  m rre ve Őed iden mu atıŐ olan s ir nesnelere ten v l nden dahi lis ana hırkat  arıđ olur. Ve ba dı kerre bu sebeplerden a zam olan sebep ile h adis olur, hummay t-ı h dde ve evr m-ı b tine gibi sebepler ile  arıda olur.

Ve Mu alec tı: Fi'l-c mle budur ki lis nında hırkat olan huŐuŐan hırkat-i lis nı mara -ı āherde olan kimseye v cib olur ki kaf sı  zere uyumaya ve fađr-ı feme m d vim olmaya ya n  dev m  zere ađzını a ık komaya ve b z r-ı erba adan ya n  kavun ve karpuz ve kıss  ve  ar   ekirdeklerinden ve terenceb n ve neŐadan ve bunlara m Őabih olan hub b itti  z edip ten v l ne m l zemet eyleye ve icc Ő  ekirdeđini ve temr-i hind  ve s kker-i Hic z  ve el ibe-i ma l me ve  uŐ r t-i m berride-i murat ibeyi ađzında ims k eyleye. Eger lis nında hılt-ı lezic olur ise d hn ile lis nını mesh eyleye. Ve bunlardan sonra m l zemet edip ed n ile ve m m ve revđan n ve el ibe ve  uŐ r t ve Őuh m-ı tayr ile lis nı tedh n ve ma ma a eyleye. Ve ba dı n s nane ile lis nı delk etmekle hırkat-i lis na mu alece ederler.

On İkinci Faşl Őu uk-ı Lis n Mu alecesi Bey nındadır

Bezr-i  at n y  ađzında ims k ve ru ubetini tecerru  etmekle teŐa ku -ı lis na mu alece olunur. Ve pa a ve n m-biriŐt yumurta dahi n fi dir. Ve hırkat-i lis na menfa ati tecribe olunan dev alardan olur kıss y   at  edip  ı alarını biri biriyle delk edip h adis olan k p đ  ile ve kez lik sebist n ile Őı  k-ı lis na mu alece eylemek.

On  c nc  Faşl De -i Lis n Ya n  Lis nın Femden H rice Hur cu Bey nındadır

Lis nın ađzdan taŐra  ıkması ba dı kerre lis na verem-i  az m iŐabet etmekle olur. Ve ba dı kerre verem yok iken hav n kta lis n taŐra  ıkar, z r 

ḥunākla mecrā-yı nefes dar olur, ṭabī'at veyāḥūd irāde lisānı femden iḥrācla mecrā-yınefesigeniştirir.²⁶¹

Şāḥib-i Kānūn bu maraḍın mu'ālecesini zuhūruna bināen beyān eyledi, zīrā onun mu'ālecesi verem veyāḥūd ḥunāk mu'āleceleri ile olduğu zikr eylediği iki nev' esbābdan [293a] ma'lūm olur.

On Dördüncü Faşl Büşür-ı Fem Beyânındadır

Ağızda beşre ḥudūşunun sebebi ekşer-i hâlde mi'ce ve re's nevāhîle-rinde olan ḥarārāt ve buḥārāt olur. Ve ba'ḍı kerre ḥummayâtta dahi femde büşür ḥādîş olur. Ve dediler ki ḥummayāt-ı ḥāddede feme büşür 'arıda olsa ikinci günde 'alîl helāk olur.

Ve edviye-i müfrededen büşür-ı feme evvel-i emrde [ya'nî zamān-ı ibtidāda] nāfi' olan tebrîd ve tecfif kaşd olundukta bu devālardır: helîlec ve 'afş ve verdin bezri ve neşā ve şemeretü't-ṭarfā ve şiyāf-ı māmîşā ve cülleñār ve keşirā ve şandaleyn ve verd ve ṭabāşir ve summāk ve 'ades ve tîn-i Ermenî ve akmā'-ı rummān ve cüft-i bellūṭ ve kaymüliyā ve fūfel. Ve 'uşārāt-ı bāride bi'l-cümle bu müfredattan hangisi isti'māl olunsa nāfi'dir. Ve 'uşārāt-ı bāride bunlardır: ḥass ve 'inebü's-şaleb ve 'aşa'r-r-rā'î ve baklatu'l-ḥamkâ ve kermin eṭrāfı. Bu mezkûrun bi'l-cümle 'uşāreleri 'uşāre-i bāridedir.

Ve ağzında beşresi olan şıbyānın ekşerine sükker-i ṭaberzed ile kâfūr isti'māliyle 'āfiyet olur.

Ve femde olan büşüra mu'ālece zamān-ı intihāda edviye-i ḥārre ile olur ve o edviye-i ḥārre bunlardır: māmîrān, dār-ı şîşe'ān, ḥāşşaten kuşūr-ı cevz-i bevva, su'd, za'ferān, cevzü's-serv ve lisānu's-sevr, 'ākırkarḥā, karanfûl, misk, fūdenec. Cemī'an bu devālar edviye-i ḥārredir. Bu bābda kelbin ḥur'u ya'nî necāseti dahi devā-i nāfi'dir lākin müstaḳzer ve müstekrehtir. Ve ba'ḍı kerre büşür-ı fem teḳarruḥ eder, o zamān zernîḥ isti'mālîne ihtiyāc olur.

Ve büşür-ı gālîza için mücerreb devālardandır bu edviyenin maṭbūḥu, şıfat-ı maṭbūḥ: dār-ı şîşe'ān bir ūḳıyye, 'urūk-ı şufr yarım ūḳıyye, māmîrān rubu' ūḳıyye, şabır iki dirhem, za'ferān bir mişkāl.

261 یعنی حرکت اللسان الى الخارج انما يكون بحركة عضل اللسان ارادته وقيل هذا الحركة للعضل طبيعته وليس بارادية واليه اشارة بقوله فتدلعه الطبيعة او الارادة ويحتمل ان يراد ان محرك اللسان طبيعة في بعض الاحوال واراده في بعض آخر

Nüşha-i uhrâ: karanfûl, cevz-i bevvâ, dâr-ı şîşe'ân. Bu edviyeler veznde mütesâvî [veyâhûd mütekarîb] oldukları hâlde aḥz olunup su ile taḥḥ olun-
duktan sonra suyu isti'mâl olunur.

Kaçan büsür-ı fem teḳayyuh eylese o 'alîle bu edviyelerden mütteḥaze olan lu'âbât taḳrîb oluna, o edviye bunlardır: bezr-i kettân, bezr-i mürr,²⁶² şâhisferem, bezr-i ḥaṭmî. İşbu edviyenin lu'âbâtı veyâhûd kendileri isti'mâl olunur.

Ve daḳîk-ı şa'ır ile eşek sütü yalnız veyâhûd devâ-i âḥer inḍimâmı ile isti'mâl olunur.

Ve ba'ḍı kerre dahi bezr-i kettân ma'a't-tîn ve semn ve daḳîk-ı ḥınṭa ve na'na' ve ḥulbe taḥḥini isti'mâle ḥâcet olur.

Ve eṭṭbâdan ba'ḍı muḥaşşilîn der ki büsür-ı fem mu'âlecâtından dühn-i izḫiri fâtiren femde imsâktan nef'i bâliḡ bir devâ olmaz.

On Beşinci Faşl Kûlâ' ve Ağızda Zuhûr Eden Sâir Qurûḥ-ı Ḥabîse Beyânında Olur

Kûlâ' bir nev' ḳurḥadır ki ağızın ve lisânın cildelerinde ḥâdiş olup mün-
teşir ve müttesi' olup yayılır ve genişir; tedbîr olunmasa vaḳt vaḳt artar. Ve kûlâ'ın ekşer-i ḥudûsu şıbyânda olur onun için ki emdikleri sût redî ve mi'delerininin ḥaḍmı seyyi' ve redî olur.

Ve aḥlât-ı erba'anın her birinden kûlâ' ḥâdiş olur. Ve kûlâ'ın levni mād-
de-i kûlâ' hangi ḥılt olduğuna delâlet eder. Eger levn-i kûlâ' ebyaḍ olur ise mādde balḡamî ve müvellidi ekşer-i ḥâlde balḡam-ı mâliḥ olduğuna delâ-
let eder. Ve aşferü'l-levn olan kûlâ' şafrâvî olur ve telehhübü cümleden ekşer olur. Ve kûlâ'-ı esved sevdâvî olur. Ve aḥmer-i nâşî' demevî olur. Ve aşnâf-ı kûlâ'ın cümlesinden aḥbeşi esved olan sevdâvî kûlâ'dır.

Ve kûlâ'ın bir sınıfında te'ekkül şedîd olur ve şınf-ı aḥerininin te'ekkülü sâkin olur. Ve bir kerre kûlâ' verem ile olur ve merreten uhrâ kûlâ' verem ile olmayıp münferid olur.

Ve saḥḥ-ı femde zuhûr eden ḳurḥaların küllîsi serî'an münbasıṭ olur, zîrâ o ḳurḥalar ḥarâretinden münfekk olmaz, ona ḥarâret lâzıme olur ve cilde-i

262 وجميع بزر اصناف المرو تنضح الاورام الصلبة والدمامل والجراحات İbn Kütbî.

fem leyyine olmakla ve harâret-i lâzîme ile 'ale'd-devâm meczûbe olan mevâddı serî'an kabûl edip münteşir olur.

Ve Cālînûs'un 'âdeti budur ki femde zühûr eden qurûha mādâm ki ta'af-fün eylemeyip ve sahtan 'umka tecävüz eylemedikçe o qurûhaya kulâc tesmiye eder ve kaçan qurûha ta'affün ve ta'ammuk edip gavra gâişa ve gâire olsa ona qurûh-ı habese tesmiye eder ve kulâc ıtlâk eylemez. Ve qurûh-ı habîşe edviye-i kâviyeye muhtâc olur; kulâc'ın edviye-i kâviyeye ihtiyâcı olmaz. Ve kesret-i emtârda kulâc keşîrî'l-vukûc olur ve kezâlik hummayât-ı vebâiyyede dahi kulâc çok vâki' olur.

el-Mu'âlecât: Kulâc mu'âlecesinde evvelâ vâcib olur ki kulâc fâ'il olan hılt-ı gâlib faşd oluna; o hılt cemî'an bedende gâlib ise bi'l-cümle bedenden istifrag oluna ba'dehu taht-ı zeķanda ya'nî çene altında olan damardan 'ale'l-huşuş çehârek demekle ma'rûf damardan dahi istifrag oluna; maddiyye ve hârre olan cemî'an emrâd-ı feme çehârekten faşd nâfi'dir. Ve bunlardan sonra zikri mürûr eden edviye-i beşriyye isti'mâl oluna bu vech üzere ki eger kulâc kavî ve ruḫbeti keşîr olup kulâc'da midde ve şadîd olur ise onun mu'âlecesinde edviye-i kaviiyye isti'mâl oluna. Bu mezkûrlardan mu'tedil olanlara edviye-i mu'tedile ile mu'âlece oluna ve da'if olan kulâc'a edviye-i da'ife ile mu'âlece oluna.

Ve kaçan qurûh 'ızama bâliğa olur ise cidden kaviiyye olan edviye isti'mâline hâcet olur kalķandiyûn,²⁶³ miķdâr-ı keşîr aķâķiyâ ile isti'mâl olunur.

Ve vâcib olur ki edhân isti'mâlinde hattâ zeytten dahi kulâc mu'âlecesinde ictinâb oluna. Ammâ edviyeden isti'mâl olunmağa evfaķ olan devâlar bizim bâb-ı evvelde zikr eylediğimiz büşûriyye-i hârre vü bârîde olan devâlar olur.

Kulâc aşnâfından aḫmer-i demevî olan şımf-ı kulâc'ın evfaķ edviyesi vaķt-i evvelde kabd-ı yesîr ile tebrîdi olan devâlar olur. Ve kulâc vaķt-i ibtidâyî tecävüz eyledikte muḫallil devâlar isti'mâl olunur.

Ve kulâc'ın şukret ve şufrete meyli olan şımında tebrîdi ziyâde olan devâ isti'mâl olunmak vâcib olur.

Ve aşnâf-ı kulâc'dan levni aḥmer-i demevî ve aşkar ve aşfer olanlardan mâ'adâ aşnâfın mu'alecesi zamân-ı ibtidâda ve evvel-i mu'alecede itidâl üzere müceffif ve cālî olan devâlar olur ve ba'dehu kuvvet ile müceffif ve muḥallil olan devâlar isti'mâl olunur. Ve bu mu'alecâtın cümlesinde mukteḏâ-yı sinne mürâ'ât olunur.

Ammâ şıbyânın kulâc'ında isti'mâl olunan devâlar vâcib olur ki sâirlerden aḥaf ola ve sütü işlâḥa mâil ola. Ammâ kibârda olan kulâc' edviyesi aḳvâ olmak vâcib olur. Ve şıbyânın kulâc'ına ba'dı kerre kulâc'a nâfi' olan ağdiye ile taḡdiye nâfi'dir. Eger o tıfl henüz raḏî olup taḡdiye-i mezḳüre mümkün olmaz ise mürḏi'asına zıkr olan ḡidâlar iḥ'âm olunur.

Ammâ kulâc'-ı ḥâdde şâliḥa olan edviye 'ulleyḳ yapraḡını maḡḡ ile ve sirke ile mercimek tenâvülü ile olur. Ve sefercel ile ilik ḥalḡ edip isti'mâl eylemek 'ale'l-ḥuşuş muḥḡ-ı iyyel ve muḥḡ-ı 'icl vech-i muḥarrer üzere nâfi' olur. Kezâlik tuffâḡ-ı kâbıḏ ve kâbıḏ olan kümmesrâ²⁶⁴ ve zu'rür ve sefercel ve 'unnâb ve eḥrâf-ı kerm ve bostânî ḥubbâz-ı câff²⁶⁵ ve daḳıḳ-ı 'ades ve daḳıḳ-ı erüzz. Bunlar cemî'an nâfi'dir. Ve bunlardan aḳvâ olur 'aḡş ve ḡabâşîr ve verd ve aḳâḳıyâ mişllilerden zerür ittihâz olunup isti'mâl olunmak. Mâmîrân kavâbıḏ-ı sâire ile isti'mâl olunsa nef'-i 'acîbi olur. Ve kezâlik kulâc'da kâfûrun dahi menfa'ati şedîde olur.

Ammâ iki bârid kulâc' ya'nî sevdâvî ve balḡamî olanlara sen cevâlî ve müceffife olan devâlar ile i'ânet eyle 'ale'l-ḥuşuş o cevâlî ve müceffife ile balḡamî kulâc'a i'ânet ehemm ve elzem olur. Ve kezâlik balḡamî ve sevdâvî olan kulâc'da muḥallilât-ı ḳaviyyü't-tecfîf ve't-tahlîl ile dahi i'ânet olunur, 'ale'l-ḥuşuş sevdâvî kulâc'a bu muḥallil ve müceffif-i ḳaviyyeler ile i'ânet ziyâde ehemm olur. Ḳavî muḥallil ve müceffif edviye kirsenne daḳıḳi ve 'aḡş ma'a'l-asele olur. Ve raḳḳ merâresinin menfa'at-i [293b] bâliḡası vardır 'ale'l-ḥuşuş ḥall ile ḥalḡ olunup şıbyân kulâc'ında isti'mâl olunsa ziyâde nef'-i bâliḡi olur.

Ve kulâc' ḳurûḡ-ı ḥabîşeye istihâle eylese zâc sirke ile isti'mâl olunur. Ve balḡamî ile sevdâvî ekkâl ve redî olsalar zencâr ile ḳulḳuḡâr veyâḡhüd meybuḡtec ile 'aḡş, şebb, cüllenâr veznleri berâber ve mütesâvî isti'mâl olu-

264 Armut.

265 Kuru ebeḡümece.

nur. Ve kezâlik akrâş-ı mûsâs ve kuhl-i tarhamâtîkûn, ʿuşâre-i hışrım gibi ʿuşârât-ı kâbîda ile istiʿmâl olunur.

Ve edviye-i müşterekeden olur şebb-i meshûk ve ʿafş-ı meshûklar ki gubâr mişlli olunca kadar sahq olunduktan sonra fem-i meʿûfa o edviye ile nâʿimen delk olunsa aşnâf-ı kulâʿın her sınıfına ve kūrha-i habîşesine nâfiʿdir huşûşan ʿafş hall ve milh ile tabh olunup şıbyânın kulâʿına mađmađa olunsa nefʿ-i bâliği olur.

Ve mâzeryûn remâdının kulâʿ-ı redîde hâşşıyyet-i ʿacîbesi olur ve bu devâ aşnâf-ı kulâʿ beyninde müşterek olur.

Ve kezâlik bostân-efrûz ve mâ-ı nuhâsî ve dürdî-i muhrağ dahi edviye-i müşterekeden olur.

Ammâ kulâʿ-ı sevdâvî-i esvede menzûʿuʿl-ʿacem zebîb ve enîsûn balla yoğurulup tılâ olunur, nâfiʿdir. Eger o kulâʿda verem dahi olur ise bu merhem istiʿmâl olunur: bâdrûc suyu bir sükerrece, gül yağı bir sükerrece, ʿades niş sükerrece, zaʿferân iki mişkâl. Bu mezkûrlardan merhem ittiḥâz olunur.

On Altıncı Faşl Luʿâb ve Büzâkın Keşreti ve Nevm Katında Seyelânı Beyânındadır

Bu âfet baʿdı kerre harâretin ve ruḥbetin keşretinden ḥâdiş olur, ʿaleʿl-huşûş bu keyfiyyetlerin yaʿnî harâret ve ruḥbetin miʿdede ziyâde olduğundan olur ve baʿdı kerre yalnız harâretinin istilâsından olur, şâimlerde olduğu gibi. Kâlılen tağaddî eden veyâḥûd tağaddî eylemeyen ʿalîle gerektir ki ğidâ tenâvül edince kadar büzâkını iḥrâc eylete tâ ki seyelân-ı büşâkı hâdî ve sâkin ola.

el-Muʿâlecât: Seyelân-ı büzâkın sebebi harâret ise vâcib olur ki evvelâ bâsilîk faşd oluna ve rubûb-ı hâmiđa ve fevâkih-i kâbîda-i bâride ve mâ-ı keşir ile memzûc nebîz-i ğayr-i ʿatîk istiʿmâl oluna ve ğidâsı semek ve sâir luḥûm-i hafife cedy ve tayr laḥımları ola. Ve sülâkât-ı kâbîda ile mađmađaya müdâvemet ettirile yaʿnî ʿades ʿades ve summâk mişllilerden sülâka ittiḥâz olunup ʿaleʿd-devâm mađmađa ettirile.

Eger seyelân-ı büzâk berd ve balğamdan ise senin bildiğin muḳayyiʿât ile küllü üsbûʿin iki veyâḥûd üç defʿa ḳayʿ ettirile. Bu devâ küllü üsbûʿin merreten saḳy oluna, nüşâ: eyâric-i feyḳarâ iki dirhem, milh-i Hindî iki

dānik, enīsūn, nānhāh her birinden birer dānik. Bu edviyeler sikencebīn-i ʿaseli veyāhūd sikencebīn-i büzūrī ile saqy oluna. Ve bunlardan sonra tir-yāk ve cüvārişāt-ı hārre saqy oluna. Ammā onların ğıdaları efāvīh ve haldal ve şüm ile ferārīc-i muṭaycene olur. Ve ʿaşāları mürrī-i Nebaṭī ile kaʿk olur. Ve üzerine mā-ı hārre saqy olunur ve yatarken misvāk istiʿmāl eder.

Ve muʿālecāt-ı müştereke-i ceyyideden olur küllü yevmin bir dirhem kadar milh-i cerīş hindebā-i ṭarī ile istiʿmāl olunmak baʿdehu ıtrīfil-i şağīr istiʿmāl olunmak ve misvāk-i ṭavīl istiʿmālīne müdāvemem olunmak. Ve şeyy olunmuş fāreyi tecrībe eyledim ve menfaʿatini ʿale'l-ḥuşūş şıbyāna nefʿini müşāhede eyledim.

On Yedinci Faşl Me-külāttan Feme ʿĀriḍ Olan Kerīh Rāyihaların Kaṭʿ ve İzālesi Beyānındadır

Bu nevʿ rāyihayı femden izāle eder sezāb maḍğ eylemek ve ʿulleyk yap-rağını maḍğ eylemek ve bunları maḍğ eyledikten sonra ḥall-i ʿunşul ile maḍmaḍa eylemek. Ve suʿd ve zürünbādı feminde istiʿmāl eylemek.

On Sekizinci Faşl Femden Nezf Eden Dem Beyānındadır

Eger ağızdan ḥurūc eden dem cevher-i femden ve cilde-i femden olur ise büşūr bābında zıkr olunan kavābıḍ ile sen ona ʿilāc eyle. Qıḍbān-ı kermin ṭabīḥi ve kezālik ʿasālīci için menfaʿat-i ʿazīme vardır. Ve eger o dem cevher ve cildedem olmayıp menşeʿi mevḍiʿi aḥer olur ise onun her birini birer bābda başka başka beyān edip ebvāb-ı müteʿaddide ifrād eyledik.

On Dokuzuncu Faşl Beḥar Beyānındadır

Beḥar ḥāʾnın ḥarekesi ile ağızda ve sāir maḥallde olan rāyihā-i müntinedir. Ve bu maḥallde murād ağızda tevellüd eden müntine rāyihadır.

Beḥarın sebebi diş etlerinde olan ʿufūnet olur veyāhūd diş etlerine ʿārīḍ olan istirḥādān olur veyāhūd dişlerin kökünde veyā kendide ʿufūnet olduğundan olur veyāhūd beḥarın mebdēʿi femin cildesi olur, zīrā baʿḍı kerre cilde-i feme mizāc-ı redī ʿārīḍ olup ruṭübāt-ı femi tağyīr eder ve bu mizācın ekşeri hārre olur. Ve baʿḍı kerre dahi beḥarın mebdēʿi fem-i miʿde olur, ḥılṭ-ı

şafrevî veyâhûd hılı-ı balgamî fem-i miçdede ta'ffün eder, 'ufünetlerinin râyiha-i müntinesi ağzında zâhir olur. Ve ba'dı kerre dahi beharın mebde'i riye'nin nevâhîsi olur, sill marağında olan behar bu kabîldendir.

el-Mu'âlecât: Ammâ lişe ve 'umürdan olan behar mu'âlecesinde vâcib olur ki dâimâ dişlerin tenkıyesine itinâ oluna, sirke ve su ile ğasline müdâvemet oluna. Eger bu ğasller ile tenkıye hâşıl olur ise ma'tlûb hâşıl olur. Eger zıkr olunan ğasl ile tenkıye hâşıl olmayıp belki femde fa'dl-ı 'ufünet olur ise vâcib olur ki ğaslden sonra tarfâ şemeresini ve 'âkırkarhâ ve sezâb ve sâzec ve 'üd ve maştakî ve ütrücc kuşuru ve kıranfûl ma'dğ eyleye. Ve lişâtı üzere şabır ve mürr ve bunlar mişlli edviye va'dç eyleye ve hall-i 'unşul ile ma'dma'da eyleye ve enîsün ile ve tılâ²⁶⁶ ile veyâhûd nebîz-i hılv ile ağzını ve lişâtını delk eyleye.

Ve bunlardan aqvâ devâya hâcet olur ise mîvîzec ma'dğ edip ağzının suyunu tüküre. Bu dahi fâide etmeyip 'ufüneti zühür-ı beyyin ile zâhir olur ise zâc-ı muhrağ bir cüz' ve süsen kökü ve za'ferân her birinden nışf cüz' bu devâlar ağız olup 'asel ile [yoğurular ve] kırs kılınır, vaqt-i hâcette isti'mâl olunduktan sonra hall ile şırfen veyâhûd mâ-ı verd ile memzûcen ma'dma'da olunur.

Veyâhûd bundan aqvâ dahi edviye isti'mâl olunur, o aqvâ devâ budur: kırtâs-ı muhrağ üç dirhem, zernîh iki buçuk dirhem, misk, summâğ, zencebîl, fülful-i muhrağ, akrâş-ı kalğandîkûn ikişer dirhem. İşbu edviye ağız olup ondan delük veyâhûd leşük ittiğâz olunur ve üzerine hırka-i kettân va'dç olunur. Ve yalnız kalâ dahi nâfiçdir, eger 'ufünetin üzerine va'dç olursa 'ufünetini kalç ve işkât eder ve lahm-ı ceyyid inbât eder.

Bu devâ dahi mu'âlece-i beharda nâfiçdir ve mücerrebdir: Akâkıyâ, zernîh-i aħmer, zernîh-i aşfer, nûre, şebb. Bu edviyelerden sirke ile akrâş ittiğâz olunur, vaqt-i hâcette mâ-ı 'asel veyâhûd tabîh-i übhül ile isti'mâl olunur.

Ve eger beharı icâb eden 'ufünet sinnin kendide olur ise onun devâsı sinn-i müte'affineden maħall-i 'ufüneti hakk eylemektir eger 'ufünet sinnin tarafında ise. Ve eger 'ufünet kökü cânibinde ise mibred ile maħall-i 'ufünetin bürâdesi ihrâc olunur veyâhûd o sinn kalç olunur.

266 "Tılâ" munaşşaf dedikleri bâdedir ki bâzağ derler.

Ve eger o behar ile lişede istirhâ olup mübahhar olan ʿufünetin sebebi istirhâ ise onun ʿilâcı istirhâ-i lişede zıkr olunan edviye ile lişe-i müsterhiyeyi şedd olur.

Ve eger hılt-ı mübahher şafra olup miʿdede taʿaffün eyledi ise veyâhüd o hılt-ı müteʿaffin cilde-i femde ise ona ʿaleʿr-rîk mişmiş-i raṭb tenâvülünden enfaʿ bir nesne olmaz. Ve bitîh ve hıyâr ve havh bunlardan her birisi dahi mişmiş menfaʿatinde olur. Ve bu mezkûrlar hâdır ve mevcûd değil ise mişmişin ve havhın kurusu neḳûc kılınıp istiʿmâl olunur, ʿaleʿl-ḥuşuş mişmişin kurusundan ittiḥâz olunan neḳûcun nefʿi havh-ı kadid neḳûcundan ekser olur.

Ve behara nâfiʿ olan edviyeden olur sükker ile sevîk ve mâ-ı selc istiʿmâl ve terkibinde şabır olan ḥubûbun akrabâdinde zıkr olunduğu üzere istiʿmâli. Ve kezâlik ğassâl ve müberrid olup şafraya istiḥâle eylemeyen edviyeler istiʿmâli dahi nâfiʿ olur.

Ve beharın sebebi hılt-ı balgamî olur ise evvelâ kayʾ istiʿmâl [294a] olunur ve fem-i miʿdeyi münakḳî olan bâbuʿl-miʿdede zıkrî âti eyâricler istiʿmâl olunur, ıtrîfil-i şaġîr ve zencebîl mürebbâsı ve ḥâşşaten şahnât istiʿmâl olunur ve ğidâsı muṭaycenât kılınır ve mâ-ı keşîr şûrbünü taḳlîl eder ve fevâkih ve buḳûl-ı raṭbı hecr ve terk eder ve misvâkını zeytûn ve erâk gibi eşcâr-ı mürre kıtʿalarından ittiḥâz eder.

Bu ʿillete nâfiʿ edviyeden olur varaḳ-ı âs, bir mişli menzûʿuʿl-ʿacem zebîb ile terkib olunup her gün ʿaleʿş-şabâh cevze kadar aḫz olunmak veyâhüd cevz-i serv ve übhül zebîb ile aḫz olunmak. Ve o ʿillete ḥabbuʿş-şanevber [yaʿnî şanevber kozası] ve ḥabb-ı fûfel dahi nâfiʿdir.

Nüşa-i ḥabb-ı fûfel: fûfel, ḳaranfûl, ḥavlencân her birinden yarımşar dirhem, misk, kâfûr her birinden birer dâniḳ, ʿâḳırḳarḳâ bir dirhem, şabır üç dirhem, ḥardal bir dirhem tılâ ile yaʿnî ʿaşîr-i ʿineb nişfı kalınca kadar ṭabḥ olunup ondan ittiḥâz olunan sükker ile o edviyeden ḥabb ittiḥâz olunur.

Ve bu bâbda istiʿmâl olunan edviye-i müfrededendir: kündür, ʿüd-ı Hindî, ḳaranfûl, ḳırfe, kebâbe, maşṭakî, ḳuşûr-ı ütrücc, kâfûr, şandal ve verd-i besbâse, cevz-i bevâ, aşl-ı idḥîr, ermâl,²⁶⁷ üşne, azfâruʿt-ṭib, ḳâḳule, fe-

267 Bu makâmda “ermâl” lâm ile vâḳîʿdir, ammâ *Ḳânûn*’un müfredâtında kâf vâḳîʿ olmuştur. Her hâlde ʿıtriyetli bir nevʿ devâ-i Hindî murâd olunmuştur.

lenmiş ve varak-ı ütrücc, sünbül, nâr-müşk, zencebîl. İşbu edviyeleri her biri müfreden ve kezâlik senin elvâhta bulduğun bu bâba münâsib edviyeler cemî'an beğara nâfi'dir.

Ve edviye ma'cûn kılınmak iktidâ eyledikte bu miyâh mişlliler ile yoğurulur, o miyâh budur: meybih, meysevsen, 'uşâretü'l-ütrücc ve senin sâir ma'lûmun olanlardır.

Yirminci Faşl Fem Meftûhan Bâkî Kalmak Beyânındadır

Ma'lûm ola ki femin açık kaldığının esbâbı teneffüs-i 'azîme şiddet-i hâcetten olur. Nefes-i 'azîme hâcet bātında şiddet-i iltihâb olmakla veyâhūd hunâk mişlli nesne ile mecârî-i nefes dayyık olmakla olur. Ve ba'đı kerre 'ađal-i femde đaf olur ve uyudukta đaf hasebiyle o 'ađal fi'lini işlemeğe kâdir olmaz ve ağzı uykuda açık kalır. Ve femin meftûhan bâkî kalması emrâđ-ı hâdede redî olur. Ve elvân-ı lisânı tafşîl üzere beyânın mağalli mevâđi'-i âher ve emrâđ-ı hâdde yazıldığı bâblardır, bu tafşîli taleb eden kimseler o mevâđi'î tefahhuş eylesinler.

KİTÂB-I ŞÂLİŞ FÜNÜNUNDAN FENN-İ SÂBİ^ç EMRÂD-I ESNÂN VE MU^çÂLECÂTI BEYÂNINDA OLAN KELÂM-I MÜCMEL BEYÂNINDA OLUP FUŞÛLÛ MÜŞTEMİLDİR

Evvelki Faşl Esnân Ya^{nî} Dişler Beyânındadır

Bundan aqdem esnânın teşrîhinde ve menâfi^çinden biz tekellüm eyledik, vâcib olur ki o mevâdi^çde yazılan te^çemmül ve tezekkür oluna.

Ve ma^çlûm ola ki esnân o ‘izâm cümlesindedir ki onun için kuvve-i hâsse olur, zîrâ dimâğdan esnâna leyyin bir ‘aşab inip kuvve-i hiss getirir, binâen ‘aleyh esnân müte^çellim ve mütevecci^ç olsa esnâna ‘arıd olan çarebân ve ihtilâc ihsâs olunur. Ve ba^çdı kerre esnânın hikkesi ve dağdağası dahi ihsâs olunur. Ve ba^çdı kerre dahi esnâna istirhâ ve çalaç ve inçilâ^ç ve nütû^ç dahi ‘arıd olur. Ve kezâlik esnâna tağayyür-i levn ‘arıd olur, o tağayyür gâhice esnânın cevherinde olur ve gâhice dahi esnân üzerinde terkîb olunan çulyânda olur. “Çulyân” o kîr ve pâstır ki diş üzere müctemi^ç olur. Ve kezâlik esnâna te^çekkül ve ta^çaffün ve tekessür ‘arıd olur ve evcâ^ç-ı şedîde ve hikke ve çares ‘arıd olur. Çares evcâ^ç-ı esnândan bir şınıftır. Ve ba^çdı kerre dahi esnâna hulv ve hâmiçdi maçğdan ‘acz ‘arıd olur ve gâhice hâr ve bâridden mutaçarrır olup hâr ve bâridden birine veyâhüd ikisine dahi mülâkî olmağa şabrı çalîl olur. Ve ba^çdı kerre dahi miçdâr-ı tabî^çisine dahi tağayyür gelip uzar ve ‘azîm olur veyâhüd münşeçik olup aşınır ve küçük olur.

Ve ba^çdı kerre dahi dişlere verem ‘arıd olur ve esnânın teverrümünden için ta^çaccüb olunmaz; çidâ ile temeddüd edip nâmî olan nesnede ba^çd olmaz ki façl-ı çidâ ile temeddüd edip teverrüm eyleye. Ve eger esnâna mevâdd-ı façliyye nüfûz eylemese esnân aqdar ve esved olmazdı. Ve dişlerin gâhice aqdaru’l-levn ve gâhice esvedü’l-levn olduđu mevâddın nüfûzundan olur.

Ve esnân dâimâ nümüvv ve ziyâdeyi çâbil çalk olundu, münşeçik olup zâile olan eczâ bedeline çâim olur nesne hâşıl ve nâbit olsun için. Çattâ sinn-i sâçıta veyâhüd maçlû^ça muhâzîsinde olan sinn-i âçer münşeçik olmamakla vaçt vaçt uzar ve çülü esnân-ı sâireden ziyâde olur.

Ve ma'ûm ola ki esnânın mizâcına lişeden ya'ni dişlerin menbiti olan lahımlardan ve dişlerin elvânından istidlâl olunur. Ve elvânı şafırâ ise mirârî olduğuna ve beydâ ise balğamî olduğuna ve hamrâ ise demevî olduğuna ve esved veyâhüd sevâda mâil olup kemid olur ise sevdâvî olduğuna istidlâl olunur.

İkinci Faşl Dişlerin Şihhatini Muḥāfaza Beyânındadır

Dişlerin selâmetlerine muḥabbet eden kimselere vâcib olur ki sekiz 'aded ḥaşlete mürâ'ât eyleye:

Evv elkisi budur ki mi'cdesinde ṭa'âm ve şarâb mütevâtiren ve müte'âkıben fâsîd olmaktan ḥazer eyleye. Ve mi'cdede ṭa'âmın fesâdı ba'dı kerre ṭa'âmın cevherinden olup fesâda istiḥâlesi serîc olur, leben ve semek-i memlûḥ ve şahnât mişlli eṭ'ime gibi. Ve ba'dı kerre eṭ'imenin cevherinde fesâd olmaz velâkin tenâvülünde sũ-i tedbîr olmakla fesâda mü'eddî olur ve sũ-i tedbîri maḥallinde sen bildin.

Ve ikincisi ḳay' için ilḥâḥ ve ibrâm eylemeye, 'ale'l-ḥuşûş kusacağı ḳay'-ı ḥâmiḍ ola, o mişlli ḳay'a ibrâm ve ilḥâḥtan ḥazer eylemek ziyâde vâcib olur.

Ve üçüncüsü her 'ilki maḍğdan 'ale'l-ḥuşûş nâṭif veyâhüd tîn-i 'alik gibi ve tatlı ve sakızlı olan nesnelere maḍğdan ḥazer eyleye.

Ve dördüncüsü eşyâ-yı şulbeyi dişleriyle kesrden ḥazer eyleye.

Ve beşincisi muḍarrisâtan ya'ni ḍarese mü'eddî olan şeylerden ḥazer eyleye.

Ve altıncısı şedîden ḥârr ve şedîden bârid olanların her birinden ḥazer eyleye ve ḥuşûşan ḥârrı bârid üzere ve bâridi ḥârr üzere isti'mâlden ziyâde ḥazer eyleye.

Ve yedincisi dişleri min ğayri 'unfin tenḳıyeye ve ḥılâllamağa müdâve-met eyleye o vech üzere ki beyne'l-esnân duḥûl eden nesnelere rıfḳ ile iḥrâc ve esnânı tenḳıye ede velâkin dişlerin menbiti olan lişât ve dişlerin arasında olan 'umûr o tenḳıyeden mutaḍarrır olmaya ve dişlerin dahi ḥareketlerine mü'eddî olmaya.

Ve sekizincisi bi'l-ḥâşşa dişleri muḍarris olan eşyâdan iḥtirâz eyleye, meşelâ kürrâş mişlli nesnelere tenâvülden ictinâb üzere ola, zîrâ kürrâşın

dişlere ve diş etlerine ve müfredâtta mezkûr olan sair maħallere ğararı Őedîd olur.

Ve vâcib olur ki onun sivâk isti‘mâli i‘tidâl üzere ola. Ve sivâk isti‘mâli esnânın revnağını ve mâ ve behâsını izâlete mü‘eddî olmaya, zîrâ o vech üzere sivâk isti‘mâli baştan inen nevâzili ve mi‘deden Őu‘ûd eden ebħureyi ĳabûle esnânı müheyyâ ve müsta‘idd edip ĳaĳara sebep olur. Ammâ isti‘mâl-i [294b] misvâk i‘tidâl üzere oldukta esnâna cilâ verir ve esnânı ve ‘umûru kuvvetlendirir, ĳafrı ya‘nî diş etlerinin hüzâl ve ĳumûrunu men‘ eder ve ağız kokusunu ĳayyib eder. ĳaŐeb-i misvâkın efdali ĳabĳ ve merâ-reti olan ĳaŐeblerdir.

Ve vâcib olur ki ‘ind’-n-nevm tedhîn-i esnâna ta‘ahhüd oluna. Ve tebrîde ĳâcet olur ise o dühnü dühn-i verd kıla. Ve dişleri teşhîne ĳâcet olur ise esnânı dühn-i bân veyâħûd dühn-i nârdîn ile tedhîn eyleye. Ve ba‘ĳı kerre ikisini ma‘an ĳalt ve isti‘mâle ĳâcet olur ve evlâ olan budur ki o dühnleri ĳable‘l-isti‘mâl esnânda berd-i Őarîħ olur ise evvelâ esnânını ‘asel ile delk eyleye. Ve eger berde mâil olur ise veyâħûd ĳalîl ĳarâret olur ise sükker ile delk eyleye. Ve sükker ve ‘aselden her birinde birkaç dürlü ĳılâl-i maħmûde ve keyfiyyet-i memdûħa müctemî‘a olur, cilâ ve taĳriye ve tesmîn ve tenĳiyeyi her biri câmî‘dir velâkin bu keyfiyyâtta ‘aselden sükker dündür. Ve “taĳriye” ve “tesmîn” bedeline “taĳdiye” ve “teŐhîn” nüŐha olmak üzere işâret olunmuŐtur. Ammâ Őaberzed saħĳ olunup ‘asel ile ĳalt olunup isti‘mâl olursa esnâna cilâ verir ve esnânı tenĳiye ve liŐeyi Őedd eder. Pes bu vech üzere esnân sükker ve ‘aselden biriyle delk olunduktan sonra dühn-i mezkûr ile ‘aĳibince tedhîn olunur.

Ve Őiħħat-i esnânı muħâfaza eden devâların biri dahi budur ki yetû‘un kökü Őarâb içinde ĳabħ olunup beher Őehr o Őarâb ile iki def‘a maĳmaĳa eyleye. Bunun menfa‘ati ĳâyete bâliĳdir ki buna mu‘tâdı olan kimsede veca‘-ı esnân ‘arîĳ olmaz. Ve kezâlik tavŐanın re‘s-i muħraĳıyla istinânda dahi bu menfa‘at vardır. Ve yine bu nef‘ ĳâŐıl olur milħ ‘asel ile ma‘cûn kılınıp istinân olursa, gerek milħ muħraĳ olsun ve gerek ĳayr-i muħraĳ olsun, ammâ aŐveb olan milħ muħraĳ olmaktadır.

Ve vâcib olur ki o senûndan bunduĳa ittiħâz olunup bir ĳırĳa içine bunduĳa vaĳ olunmakla istinân oluna ve esnân delk oluna. Ve kezâlik türmüs

veyâhüd şebb-i Yemānī ile mürren bir şey³ mezc olunup delk olunmak hıfz-ı şihhat eder, ‘ale’l-huşuş şebb-i muhrak hall ile halı olunduktan sonra delk olursa nef’i ziyāde olur. Ve kaçan bu edviyeler ile esnān dibāgat olunsa vācib olur ki o dibāgattan sonra esnān ‘asel ile veyâhüd sükker ile delk oluna, ondan sonra bizim vaşf eylediğimiz üzere edhān isti‘māl oluna.²⁶⁸

Ve eger esnān nevāzile ‘urda olup ekşeriyyā ona nevāzil nüzül eylemek mu‘tād ise vācib olur ki femde eşyā-ı kâbıdanın tabihi imsāk-i tavile ile imsāk oluna ve muhrak olan şebb ve milh devām üzere zerūr kılına.

Üçüncü Faşl ‘İlāc-ı Esnān ve Edviye-i Sinniyyede Olan Kavl-i Külli Beyānındadır

Edviye-i sinniyyenin kimisi sinni muhāfaza için isti‘māl olunur ve kimisi dahi emrād-ı esnāna mu‘alece için isti‘māl olunur. Ve esnānın cevheri yābis olmakla mizāc-ı esnān müteğayyir oldukça ekser-i hâlde vācib olur ki esnān ta‘dīl ve mizāc-ı ašlīsine redd için isti‘māl olunan edviye müceffife ola. Ve ba‘dı kerre edviye-i hārre veyâhüd edviye-i bāride isti‘māl line dahi ihtiyāc olur, meşelā esnānın mizāc-ı ašlīsinden ya‘nī yübüsetten hürucuna harāret ‘arıda olur, o vaqhte esnāna edviye-i bārid ile mu‘alece olunup esnān mizāc-ı ašlīsine redd olunur. Ve ba‘dı kerre esnānın tağayyür-i mizācına sebep bürüdet olur ve edviye-i hārre isti‘māl ile mizāc-ı esnān ta‘dīl olunur.

Velākin meşālih-i esnāna münāsebet-i şedide ve muvāfaqat-ı külliyyesi olan edviyeler o müceffif olan devālardır ki onların iki keyfiyyet-i fā‘ileleri ya‘nī harāret ve bürüdetleri mu‘tedile ola. Devā-i sinnin küllisi devā-i sinni olduğu eelden müceffif olmak vācib olur. Ve ba‘dı kerre müceffif olmayan devā ile sinnin tabi‘i olmayan ‘avārıdına ‘ilāc olunur ve o ‘ilāc sinne sinn olduğu hasebiyle ‘ilāc değildir belki emr-i ‘arıda ma‘rūd olduğu hasebiyledir. Ve bundan sonra biz deriz ki müceffif olan edviye o edviyelerdir ki hārre ve yābis ola.

Edviye-i esnānın ef‘dali, tecfifi ve neşāfeti ve cilāyi ve esnāna mundefi‘a olan fuđülü ber-vech-i ‘itdāl taḥlīli cāmī‘a ve esnāna taḥallüb eden mevād-

268 Ya‘nī evvelā dibāgat ba‘dehu ğasl ve ba‘dehu tedhīn oluna. Bu tedhīn evvelā zikr eylediği tedhīn olur, ke-enne muşannif evvelen eylediği kuşuru şāniyen tedārük eyledi.

dı taħallübden mâni^{ca} olan edviyeler olur. Ammâ müceffifât bir nev^c edviyedir ki onda bürüdet olur veyâhüd bürüdete meyl olur lâkin hısrım ve hummâd-ı ütrücc gibi daresi mücib humûdatı ve ^cufuşatı olmaz, o vech üzere olan müceffifât bunlardır: sükk, kâfûr, şandal, verd, bezr-i verd, cüllenâr, dem-i ahaveyn, semeretü't-^ctarfâ, ^cafş, kehrübâ, lü'lü^c, fûfel, daķıķ-ı şa^cır, lihâ-i şecerü't-tüt ve varaķu't-^ctarfâ, aşlu'l-hummâd.

Ammâ edviye-i hârre ve harâretün-mâsı olan edviye-i sinniyye iki sınıf üzere olur, eħadühümânın harâreti edviyenin cevherinde ve âher şınıfında harâret-i müktesebe olur:

Harâret-i cevheriyyesi olan edviye bunlardır: milh-i muhraq, şih-i muhraq, su^d-ı hayy ve su^d-ı muhraq, dârçîn, zûfâ, fikâh-ı idhîr, semeretü'l-keber, kışr-ı aşlu'l-keber. Pes kışr-ı mezķûrun semere-i mezķûrdan sinne devâiyyeti aķvâ olur. ^cÜd, misk, persiyâvşân-ı hayy ve persiyâvşân-ı muhraq, varaķ-ı serv, übhül-i sâzec, ķarn-ı iyyel-i muhraq, ķarn-ı iyyel-i ğayr-i muhraq, fûdenec, remâd-ı futenec, maştakî, zücâc-ı muhraq, remâd-ı būraq, zerâvend-i muhraq, remâd-ı kışru'l-kerm, remâd-ı re'sü'l-erneb, temr-i muhraq.

Ve şinf-ı âher ya^cnî harâret cevher-i edviyede olmayıp harâret-i müktesebesini olan edviye remâd-ı ^cafş olur. Kaçan o remâd ħall ile söndürülse harâreti itidâle ķarîb olur; kuđbân-ı kermin remâdı ve remâd-ı ķaşab ve bunlara müşâbih olan nesnelerdir.

Ve harâret-i mu^ctedilesi olan edviye ķarn-ı iyyel-i muhraq ve mağsül-i cevzü'd-dülb, şecere-i şanevber lihâsı.

Ve edviye-i sinniyyeden bir nev^c devâlar vardır ki ona harâret min ciheti't-terķîb ^carıda olur, o mürekkebe mişli ki onda daķıķ-ı şa^cır milh ile ve meysevsen ile ma^ccün kılınır ve ba^cdehu iħrâķ olunur. Kezâlik temr ķaķrân-la ma^ccün kılınıp sonra iħrâķ olunur; o mürekkebe ħamrâ olunca ķadar iħrâķ olunduktan sonra üzerine meysevsen saçılır.

Edviye-i sinniyyeden olup mücerreb olan senünâtta olur bu terķîb üzere olan senün:

Senün-ı mücerreb: ķarn-ı iyyel-i muhraq on dirhem, varaķ-ı serv on dirhem, cevzü'd-dülb ^calâ-ħâlihi beş dirhem, aşl-ı bentâfilun on dirhem, persiyâvşân-ı muhraq beş dirhem, verd-i menzû^cu'l-aķmâ^c üç dirhem, sünbül üç dirhem. Bu edviyeler saĥķ-ı nâ^cim ile saĥķ olunup ondan senün ittiĥâz olunur.

Senûn-ı âher: Kârın-ı iyyel-i muhraq, kezmez, su^c, verd, sünbülü^c t-tıb her birinden birer dirhem, milh-i derânî rubu^c dirhem. Bu mezkûrlardan senûn ittihâz olunur.

Ve biz ebvâb-ı müstakbelede biraz senûn dahi zıkr eyleriz ve kezâlik akrabâdinde dahi biraz senûn zıkr eyleriz.

Ve biz kelâma ibtidâ edip deriz ki esnâna müceffifâta senin bildiğin ile mu^calece-i ilâc münâsibdir. Ve müsahhînât ve müberridât ile mu^calece bir nev^c ilâcdır ki sinne hâşş olan i^ctidâlden sinnin mizâcî şediden hurûc eyledikte o nev^c ilâca hâcet olur. Ve edviye-i sinniyye vücûh-ı şettâ üzere isti^cmâl olunur. O edviyenin kimisi senûn ve kimisi međûğ ve kimisi le^ctûh ve muhîşâtan²⁶⁹ olup onunla dişlere ve fekk üzerlerine tel^ctîh olunur ve kimisi mađmadât ve delûkât olur ve ba^cdı kerre o edviye ağıza hâşv kılınır ve kimâdât ve kâviyât ve kâli^cât ve bahûrât ve se^cûtât isti^cmâl olunur ve üzüne ka^ctûr dahi kılınır. Ve ba^cdı ilâc dahi vardır ki onunla mâdde istifrag olunur, o ilâc esnâna qarîb olan ma^challden faşd ve hacâmet gibi nesnelere. Ve edviye-i esnânın kimi muhallil ve kimi min-vechin müberrid ve kimi min-vechin muhaddir olur.

Ve kaçan esnânda muhaddirât isti^cmâl olursa esnân hatardan ba^cid olur, lâkin muhaddirâtı keşret üzere isti^cmâl ba^cdı kerre cevher-i esnânı ifsâd eder. Ve kezâlik ta^chlîli ve teshîni şedide olan edviye dahi ancak va^ct-i darürette isti^cmâl olunmak vâcib olur. Şediden ta^chlîli ve teshîni olan edviye bunlardır: hanzal, harbak, kışşâ-i hîmâr ve bunların [295a] emsâli edviye olur. Ve yine vâcib olur ki bu edviyeler ve kezâlik muhaddirât isti^cmâl olundukta cevfe vuşûlünde cev^cf muhâfaza oluna.

Ve esnânın mu^calecesinde çok kerre mişkab-ı da^ckîk ile sinni şakba hâcet olur, zîrâ bu minvâl üzere sinni şakb mâdde-i müziyyeyi sinnden in^câş ve ih^crâc eder ve esnâna va^cd olunan edviyenin nüfûzuna ve um^cğ-ı sinne vuşûlüne tarîk olur.

Ve sirke esnâna her ne kadar mu^cdîr olur ise lâkin edviye-i sinniyyeden gerek müsahhîne ve gerek müberride olan edviyenin hangisine hal^ct olursa nefi olur. Ammâ müberrid devâya nefi sirkenin tab^cı bârid olmakla mü-

269 Kâlılen sürülecek ve bulaştırılacak nesnelere muhîş derler; muhîş ile le^ctûh mütekaribü'l-ma^cnâ olur.

berrid devânın cevherini takviye eder. Ve sirke münfîz olmakla o devâyı sinnin ʿumkuna ve bâtınına tenfîz eder. Ammâ devâ-i müsahhîn-i sinniyyeye hallin nefʿi tenfîzi hasebiyle ve kezâlık taqtîʿinden için müsahhîn devânın tahtliline muʿin olduğu hasebiyle olur. Ammâ hallin esnâna mađarratı muhâliṭi olan edviye-i sinniyyenin iki nevʿinden her biriyle münkesir olur. Bu mezkûrlar cemʿan senin maʿlûmundur.

Dördüncü Faşl Dış Ağrıları Beyânındadır

Maʿlûm ola ki dış ağrılarının sebab-i müciʿi baʿdı kerre cevher-i sinnde olur, o sebebi biz sana bundan aqdem ihbâr edip bildirdik. Ve baʿdı kerre dahi sebab-i vecaʿı aşl-ı sinne vâşıl olan ʿaşabede olur. Ve baʿdı kerre dahi lişâtın sebab-i vecaʿı biʿl-ʿarađ sinni dahi icâc eder yaʿnî lişât teverrüm eder veyâhüd lişâta lahm-ı zâid nâbit olur ve verem ve kezâlık lahm-ı zâid mevâdd-ı müziyyeyi kabûl edip lişâtı biʿz-zât icâc eder ve sinnin kendi dahi biʿl-müşâreket müteveccâc olur. Ve baʿdı kerre dahi lişâta istirhâ veyâhüd rehel ʿarıđ olup mevâdd-ı müziyyeyi kabûl etmekle lişât biʿz-zât müteveccîa ve esnân biʿl-ʿarađ ve biʿl-müşâreket müteveccîa olur. Ve bu istirhâ ve terehhül hasebiyle baʿdı kerre dahi esnâna qalak ve ıdtırâb ve hareket ʿarıđ olur.

Ve esnânında ağrı olan kimsenin baʿdıları teʿemmül ve tefekkür ederler velâkin vücûh-ı esbâbı fark ve temyiz eylemezler. Ve her nevʿ vecaʿın muʿalecesi âherlere muğâyir ve muhâlif olmakla envâ-ı vecaʿı temyîze kâdir olmadıklarından muʿalecede haṭâ ederler.

Ve dış ağrılarının esbâbı baʿdı kerre sâzec sū-i mizâc-ı hârr ve sū-i mizâc-ı bāriden biri veyâhüd ğidâsının fıkdânından hâdiş cefâf olur. Ve bu vech ile cefâf-ı esnân meşâyıhta keşîrîʿl-vuḳûc olur. Ve sū-i mizâc-ı raṭb vecaʿ-ı sinne sebab olmadığını maḥallinde sen bildin yâhüd esnâna sebab sū-i mizâc-ı mâddî olur veyâhüd rîhî olur.

Ve maddenin sinni icâc-ı keşret-i mevâdd hasebiyle veyâhüd mevâddın ğılzati veyâhüd mevâddın hiddeti hasebiyle olur ve baʿdı kerre mevâdd sinni tevrîm veyâhüd sinnde teʿekkül ihdâş eder. Ve baʿdı kerre dahi sinnde dūd tevlid eder. Ve mevâdd-ı sinnin mebbeʿi baʿdı kerre miʿde ve baʿdı kerre dahi reʿs veyâhüd cemʿan miʿde ve reʿs olur. Ve sinnde olan mevâdd ile baʿdı kerre cemʿan beden her ne kadar mümtelî olur ise velâkin o mevâddın

esnāna olan ʔarīk-ı vuşûlü yine miʕde veyāhūd reʕs olur, onun için esnāna ğayrı sālīk-i ʔarīk yoktur.

Ve baʕdı kerre ħummayāt-ı ħāddede dahi esnāna vecaʕ ʕarīd olur, cemīʕan bedende olan sūʔ-i mizāca müşāreket ile sinne dahi sūʔ-i mizāc ʕarīd olmak ħasebiyle.

Ve kaçan sinn-i müteʔekkilin tahtında vecaʕ ve ʔarebān olsa o sinnin aş- lında nuʕc bulmadık mevādd olduğuna delālet eder. Ve vācib olur ki evvelā o sinnin verem ve vecaʕına muʕālece olunup baʕdehu ʔalʕ oluna.

el-ʕAlāmāt: Vecaʕ-ı sinn muʕālecesinde vācib olur ki sinnde teʔemmül ve nazar oluna, o sinn-i müteveccaʕın veremi lişede midir yoksa lişenin ħavālīsinde midir taʕarrüf oluna. Ve eger verem lişede olduğu zāhir olur ise ħads ve ħüküm olunur ki o vecaʕın sebebi nefis-i sinnde deĝildir. Ve kezālik işbaʕ mişli bir şeyʔ ile lişeye ğamz olundukta lişede vecaʕ ħādiş olur ise sebep sinnde olmadığı ħads olunur. Ve kaçan lişede verem olmadıĝı baʕdeʕn-nazar zāhir olsa o vecaʕın sebebi nefis-i sinnde veyāhūd aşl-ı sinne vāşıl olan ʕaşabede olduğuna delālet eder.

Eger sinnin kendide verem veyāhūd teʔekkül iĥsās olunur ise sebep cevher-i sinnde olduğuna delālet eder.

Ve sinnin tülünde elem iĥsās olunur ise sebebin o dahi sinnde olduğuna delālet eder.

Ve elem sinnin ğavrında iĥsās olunur ise sebebin aşl-ı sinnde olan ʕaşabede olduğuna delālet eder ʕaleʕl-ĥuşuş ğavr-ı sinnde olan vecaʕ ʕumūra ve fekke fāş olur ise. Ve ʔares mişli vecaʕ iĥsās olunur ise bu delālette kuvvet ħāşıl olur.

Ve mizāc-ı sinnin ħārr veyāhūd bārid olduğuna bundan aĝdem senin maʕlūmun olan edille ve ʕalāmātla istidlāl olunur. Ammā yübūset-i mizācına sinnin ʔumūru ve ʔalaĝı ile istidlāl olunur.

Ve vecaʕ-ı esnān rīhten olduğuna vecaʕ-ı mütemeddidin intīķālī delālet eder.

Ve vecaʕa sebep ĥılṭ-ı ğalīz olduğuna ħarāret ve bürüdeti cidden zāhir olmayıp ve vecaʕın rāsīḥ ve şābit olduğu delālet eder.

Demevī veyāhūd şafrāvī olan ĥılṭ-ı ħārr vecaʕa sebep olduğuna müvec- ciʕāttan sinnin sūrʕat-i teʕzzīsī ve vecaʕın sancıması ve taĝarrüzü ve levn-i

sinnin sebab-i veca^c olan mādde levnine müşākelesi ve dışın lems katında ihsās olunan hiddeti ve harāreti delālet eder.

Ve hılt-ı mūzīnin mebbeⁱ dimāğ veyāhūd mi^cde olduğuna delālet eder, her hangisinde imtilā ihsās olunur ise. İmtilā mi^cdede olur ise mi^cde hıltı mebbeⁱ olduğuna delālet eder. İmtilā dimāğda ise mebbeⁱ-i hılt dimāğ olduğuna delālet eder. İkisinde dahi imtilā ihsās olur ise ikisi dahi mebbe olduğuna delālet eder.

Ve sebab-i veca^c lişede olur ise sinni kal^c eylemek nāfi^c olmaz ve mu^calecesinde kal^ca ihtiyāc dahi olmaz. Sebeb-i veca^c eger sinnde ise sinni kal^c ve ihrācla veca^c sākin olur. Ve kaçan veca^cın sebebi aşı-ı sinne muttaşıl olan aşabda olsa ba^cdı kerre sinni kal^c eylemek ona nāfi^c olur ve veca^c onunla zāil olur ve ba^cdı kerre dahi sinnin kal^cı nefⁱ olmaz ve kal^c ile veca^c zāil olmaz. Adem-i zevālin vechi zāhirdir, zīrā hılt aşabede olur ve sinnin hurūcuyla aşabede olan sebab-i mūzīnin īzāsı mündefi^c olmaz. Ammā sinnin hurūcu ile veca^cın zevāli onun içindir ki aşaba gelen hılt ve fađlayı sinn dađt ve habs eder ve hıltın icā^sı dađt ve ihtibāsla olur. Kaçan sinn kal^c olursa o aşabede olan hıltın muhallili tevesu^c eder ve ihtibāslı olmaz ve ihtibāstan hādiş olan veca^c lā-mahāle zāil olur.

el-Mu^calecāt: Eger dış ağrısı uđv-ı āhere müşāreket hasebiyle olur ise evvelā müşārik olan uđvu tenkıyeye mübāşeret olunur faşd olunmakla ve eyāric ve şahm-ı hanzal ve saqmūnyā ile ishāl olunmakla tenkıye olunur veyāhūd nekū^cāt isti^cmāliyle ve başı münakķī olan garāğır isti^cmāliyle tenkıye olunur, eger sebab-i veca^c re^ste olur ise.

Ammā o veca^c lişede ve umūrda verem-i maḥsūs olur ise vācib olur ki evvelā faşd ve ishāle bed^l oluna ve alīlin kuvvetine ve faşd ve ishālin şerāyıtına ri^cāyet oluna. Ve veca^c-ı sinnin evvel-i zuhūrunda ve ibtidāsında veca^cın cemī^c aşnāfında femde uşārāt ve sülākāt ve emşāllerinden olan müberridāt imsāk oluna ve o müberridāt kāfūr ile takviye oluna ve onda ifrāt üzere kabđ olmaya. Ve çok kerre dühn-i verd ve maştakī üzere veyāhūd dühn²⁷⁰ veyāhūd dühn-i ās mişli üzere iktifā olunur.

Ve veca^c-ı sinne yine nāfi^c olur nebīz-i zebībin atīki ve dühn-i verdin ḡāmı ahz olunup cemī^can ṭabḥ-ı ceyyid ile ṭabḥ olunduktan sonra femde

270 “Dühn” muṭlak zikr olursa zeyt murād olunur.

o maṭbūh imsāk olunmak. Ve bu 'ilâclardan sonra tedrîcle muḥallilât-ı mündiçe isti'mâl olunur. Ve kavî olan muḥallilâtın cevfe seyelânından tevakḳî ve taḥarrüz olunur. Ve kezâlik tedrîcle nefsi-ı 'udvdan mādde istifrag olunur ve o istifrag üç vech üzere olur: Uşûl-i esnân üzere 'alaḳ irsâliyle yâhūd taht-ı lisânda olan damar faşd olunmakla veyâhūd tahte'l-liḥye bişarṭın ḥacâmet olunmakla olur. Ve eger veca' müştedd olur ise vâcib olur ki uşûl-i esnâna 'âkırḳarḥâ kâfûr ile ilşâḳ oluna. Ve her kaçan o iki devâ taḥallül eylese yine î'ade ve tecdîd oluna. Ammâ [295b] veca'ın iştîdâdı ziyâde olur ise dühn-i verd ile afyûn isti'mâl oluna. Ve afyûn isti'mâlinde maḥîş ve muḥallaş oldukça afyûn isti'mâli câiz değıldir belki lâyıḳ olan māddeyi inḍaca iştîgâl olunmaktadır.

Ve eger veca'ın sebebi nefsi-ı sinnde veyâhūd sinnin aşlına muttaşıl olan 'aşabede olur ise ve o sebep bilâ-mādde sū'ı mizâc olur ise ona o mizâcın dıddıyla ya'nî sū'ı mizâc-ı ḥârre edviye-i sinniyyeden bârid devâ ile ve sū'ı mizâc-ı bâride ḥârre devâ ile mu'alece olunur.

Ve eger esnânın sū'ı mizâcının sebebi me'kûlât-ı ḥârreyi ısırmaktan ḥâdiş oldu ise evvelâ bâridü'l-mizâc olan dühn-i müftir ile maḍmaḍa olunur sonra o mişlli dühn bi'l-fi'l bârid iken isti'mâl olunur.

Ve eger sinne sū'ı mizâc eşyâ-ı bârideyi ısırmak ile 'ârîd oldu ise edhân-ı ḥârre ile maḍmaḍa olunur, dühn-i nârdîn ve dühn-i bân gibi dühnler ile ve beyḍ-i meşvînin sarısı ḥârre iken ısırlır. Ve kezâlik ḥubz-ı ḥârre ısırlır. Ve bu iki tedbîr veca'-ı sinn aşḥâbının aşnâfının küllisine ḥârre ve bârid olan sū'ı mizâclardan ḥâdiş veca'a 'ilâc-ı müşterek olur.

Ve eger sū'ı mizâc-ı yâbis veca'-ı sinne sebep olur ise onun 'ilâcı zübd ile ve şaḥm-ı baṭṭ ile sinni delk olur.

Ve eger sinnin sū'ı mizâcı muṭlaḳan māddiyye olursa ya'nî mādde ḥâdde veyâhūd ḡalîza veyâhūd keşîre olmakla sū'ı mizâc ḥâdiş olup sinni mülüm oldu ise o māddeyi müstefriḡ olan edviye ile 'ilâc olunur. Ve mu'alecesinde vâcib olur ki ibtidâ-i veca'da bârid ve râdi' ile 'ilâca bed' oluna.

Veca' hangi sebep ile olursa olsun onda bârid-i râdi' ile bed' olunur lâkin veca' mādde-i ḥârredan ḥâdiş ise evvelâ onda isti'mâl olunan bârid-i râdi' ziyâde kılınır.

Ve mādde-i ğalīzadan hādîş olan veca^cda bārid-i rādi^c taqlīl olunur. Ve red^ci kavīyye olan edviyeden olur huşūşan mevādd-ı bārideyi red^ci ziyāde kavī olan devādandır sirke ile söndürülen şebb-i muhrak kendi mişli milh ile cidden sahq olunup isti^cmāl olunsa, üzerine hamr ile mađmađa olunsa. Ve hall ile ^cafş dahi red^ce şālīh olan devālardan olur.

Ve eger mādde-i veca^c hādde olur ise ^cuşārāt-ı müberride ta^cdīl olunup isti^cmāl olunur ve eger nāfi^c olmaz ise tedbīr olunup o hādđ olan mādde taqlīl veyāhūd sinn tađdīr olunur.

Eger mādde ğalīza veyāhūd keşīre olur ise ibtidā-i veca^cda isti^cmāl olunacak devālar vech-i mezkūr üzere isti^cmāl olunduktan sonra māddeyi taqlīl için tedbīr olunur. Ve hall ile mađmađa olundukta evlā olan halle dühn-i verd halı olunup mađmađa oluna, zīrā yalnız hall ile mađmađa olundukta hallin cezb-i zāidi olmakla fađl-ı mūlimi cezb ve def^c eyledikten sonra sinnin ruṭūbet-i aşıyyesini dahi cezb eder ve dühn-i verd ona halı olundukta cezbini ta^cdīl edip ruṭūbet-i aşıyyeye cezbi tecāvüz eylemez. Ve ba^cdı kerre dahi edviye-i muhallileye kavābıđ halıtına dahi hācet olur, ^cuđv-ı sinnin yübūsetihasebiyle.²⁷¹

Ve eger veca^c-ı sinnin sebebi riyāh ise onun edviyeleri muhallilāt-ı mezkūre olur, ^cale'l-huşūş sekbīnec, kınne, ḥabb-ı ḥarmel olur.

Beşinci Faşl Tahlile Muhtac Olan Diş Ağrısında Müsta^cmele Olan Edviye-i Muhallile Beyânındadır

O edviyelerin bir nev^ci mađmađāt olur. Evcā^c-ı sinnin bi'l-cümle aşnā-fında vācib olur ki femde müddet-i ṭavīle o hall imsāk oluna ki onda selhū'l-hayye ṭabḥ olunmuş ola. Eger ḥalld e ḥanzal ṭabḥ olunur ise o hall ile olan maṭbūḥun fi^cli ziyāde kavī olur.

Ve ger sinn-i müteveccī^cada berd zāhir ise şarāb ile yāhūd zürünbād ile veyāhūd ^cākırkarḥā ile ma^ca'l-ḥardal ḥıltīt ile ve kuşūr-ı keber ve kuşūr-ı şanevberden biri ile veyāhūd fūtenec veyā varaḥ-ı dülb veyāhūd ca^cde ve ca^cde kışrı ile hall veyāhūd suda halı olunup mađmađa olunur. Kezālik varaḥ-ı ğār ve şeylem dahi isti^cmāl olunur. Ve kezālik sūmun ^cıdānı ^cākırkarḥā

271 Ya^cnī sinnin yübūseti ḥasebiyle muhallil devā ziyāde mekş eylemedikçe yābiste teşīr eylemez, bināen ^caleyh kavābıđa hācet olur.

ile mađmađa olunur. Ve ĥall içine kündüş vađ^ç olunup ađızda imsâk olunur. Ĥall içinde ‘âkırkarĥâ ve semere-i tarfâ veyâĥüd merzencüş-ı yâbis veyâĥüd kışşâ-i ĥımârın kökü veyâĥüd ‘uşâresi ĥall içinde veyâĥüd kışşâ-i ĥımâr sirke içinde ĥarmel ile taĥĥ olunup veyâĥüd kebîkeç sirke ile taĥĥ olunup isti‘mâl olunur.

Ve veca^ç-ı esnân ĥarebânî olur ise onun mu‘âlecesi ficc olan ‘afş ĥall ile taĥĥ olunup maĥbûĥu isti‘mâl olmakla olur veyâĥüd sirke ile olan ‘inebü’s-sa‘leb maĥbûĥu isti‘mâl olmakla olur veyâĥüd bencele ĥall taĥĥi dahi isti‘mâl olunur veyâĥüd ĥarn-ı iyyel-i muĥraĥ ĥall-i ‘unşulide taĥĥ olunup taĥĥi isti‘mâl olunur veyâĥüd ĥarn-ı iyyel-i muĥraĥ saĥĥ olunup sikencebîn ile mađmađa olunur.

Ve muĥallile-i sinniyye olan edviyenin bir nev‘i dahi ġarġarâttır. Ve mađmađatta zıkr olunan edviyeler ile ġarġara dahi olunur. Ve cümle-i ġarġarattan efdal olur zebîb-i cebelî ma‘a’s-süm suda taĥĥ olunup ġarġara olunur ise ve ba‘dehu fem meftûĥen terk olunur lu‘âb-ı fem keşîren seyelan ve cereyân eylesin için.

Muĥallile-i sinniyye olan devâların bir şınfı dahi međüġâttır. Zıkrî mürür eden devâlardan ve emsâlınden međüġ dahi ittiĥâz olunur. Ve bu međüġ dahi nâfi‘dir: futenec-i cebelî ve ‘âkırkarĥâ ve fülful-i ebyađ ve mürr aĥz olunup laĥm zebîb ile ‘acîn kılınıp ondan bunduĥalar yapılıp ve bunduĥa bunduĥa isti‘mâl olunur.

Ve muĥallile-i sinniyyenin birer şınfı dahi leĥûĥât ve aĥliye ve neđücât ve ađmide olur. Bunlar dahi muĥallile-i ma‘rûfe devâlardan şan‘at olunur ve eczâları kıvâmı olan mâyi‘ât ile cem^ç olunur ‘asel ve ĥatrân ile ve suda ĥall olunan bir şey^ç ile ki o şey^ç ile muĥallile-i mezkûra ĥall olur ve[yâĥüd] o muĥallilât yalnız su ile cem^ç olunur veyâĥüd kerneb,²⁷² ĥudađ aĥz olunup onunla tılâ olunur yâĥüd ĥarebân için ĥardal saĥĥ olunup aşl-ı sinne vađ^ç olunur. Ve mücerrebâttandır şeftali çekirdeġi çekirdeġinin lübbü ve nışfı ĥadar fülful aĥz olunup ĥatrânla ma‘cûn kılınıp ve onunla diş delk olunur veyâĥüd lüşûĥ kılınıp veyâĥüd yalnız tiryâĥla telĥ olunur veyâĥüd yalnız ĥiltit veyâĥüd sencerinâ yâĥüd eristiĥân veyâĥüd sürestîĥân veyâĥüd şünîz-i meşûĥ zeyt ile ‘acîn kılınıp leĥûĥ ittiĥâz olunur.

272 Ba‘dı nüşhada “kerneb” bedeline “kibrîr” vâkı‘ olmuştur, zâhir budur ki taĥrîftir.

Ve tecrîbe olunan mu'âlecâtandır: fülful, 'âkırkarhâ, mîvîzec, zencebîl her birinden birer cüz², bûrak-ı Ermenî bir buçuk cüz² aḥz olunup ve saḥk-ı nâ'im ile saḥk olunup onunla esnân ve lişât delk olunur ve nef'-i şedîdi olur.

Ve ba'ḍı kerre dahi laḥy ya'ni sakalın menbitleri olan çene kemiği bu dımâd ile taḍmîd olunur, nüsha-i dımâd: ḥaṭmî, bâbūnec, şibt, ḥulbe, bezr-i kettân. Bunlardan dımâd ittihâz olunup isti'mâl olunur. Şibtin ṭabîḥi ve dühnü dahi dımâden isti'mâl olunur.

Ve Cālînūs zu'm eyledi ki sâmm-ı abraşın kebidî ağrıyan müte'ekkil diş üzere vaḍ' olunsa sâ'atince ağrıyı teskîn eder.

Ve edviye-i muḥallile-i sinniyyenin kimisi dahi kimâdâtandır, ḥâricden kimâd olunur ve kimâdın zamân-ı isti'mâli iki vaktin biri olmak vâcib olur: vakt-i ğidâdan iki sâ'at muḥaddem veyâḥûd vakt-i ğidâdan dört sâ'at sonra isti'mâl olunur. Ve şiddet-i veca' katında kimâda ḥâcet olur ve o kimâd milḥ ve câversle veyâḥûd zeyt-i müsahḥhan veyâḥûd şem'-i zâib ile olur ve laḥye kemiği tekrâr tekmi'd olunur esnândan mevâddı liḥâyâ cezb eylesin için. Ve kaçan mevâdd liḥâyâ müncezibe olup liḥâyâ tevrim eylese veca' sâkin olur, 'ale'l-ḥuşuş o vakte dühn-i muġlâ ile sinn-i müteveccî' keyy olunsa teskîni serî' olur.

Edviye-i sinniyyenin kimi dahi kâviyât olur ve ḥadîd ile dahi keyy olunmakla tedbîr olunur, meşelâ zikr olunan edviye-i muḥallile ile zeyt ṭabḥ veyâḥûd zeyt yalnız ṭabḥ olunup dişe [296a] ilşâk olunmakla keyy olunur veyâḥûd bir miselle²⁷³ aḥz olunup kızdırılır ve kezâlik sinn-i müteveccî'e bir ünbûb ya'nî masura gibi nesne geçirilir ve miselle-i muḥmât zeyte ğams olunup ünbûbeye idḥâl olunur, ünbûbe tecvîfinden miselle sinne vâşıl olup keyy eder ve eṭrâfına misellenin ḥarâretinden maḍarrat işâbet eylemez. Ve ba'ḍı bu vech ile keyyden muḥaddem sinn-i veci'anın ḥavâlîsine şem' ve 'acîn veyâḥûd bir nesne vaḍ' olunur ki sinn-i müteveccî' ile esnân-ı uḥrâ arasına ve esnân arasında olan 'umûra o nesne ḥâil ve ḥâciz olur. Ve sinn-i müteveccî'e keyy o vakt nâfi' olur ki eger mādde nefsi sinnde kesret üzere ise. Ve ba'ḍı kerre sinn-i müteveccî'e geçirilen münhedim ünbûbe tecvîfine kaynar zift taḫṭîr olunur. Ve bu bâbda dühn-i zeyt edhân-ı sâireden isti'mâle evfaḥ olur.

273 "Miselle" çuvâl-düzdür.

Ve kâviyât isti'mâlinde ba'dı kerre sinn-i müteveccî'e mişkâb-ı daķık ile saķb olunmaĝa hâcet olur, kâvî devânın kuvveti dâhil-i sinne nüfûz eylesin için. Eger mu'alecât nâfi' olmaz ise miselle-i muhmmât ile sinn-i marîda mirâren keyy olunur, 'alâ-vechi'l-kemâl keyy hâşıl olup veca'ı teskîn ve sinni teftit edince kadar keyy terk olunmaz.

Edviye-i muhallilenin bir sınıfı dahi delükâttır. Delükât dahi edviye-i sâlifetü'z-zıkrden ittihâz olunur. 'asel ile zencebîl delük-i ceyyid olur. Ve ma'a'l-hall milh dahi veyâhüd hall ve şahm-ı hanzal 'âķırķarhâ ile dahi delük nâfi' olur.

Ve edviye-i sinniyye-i muhallilenin biri dahi dehan ve baķûrât olur. Ecvedi budur ki ebhîre ve edhîne esnâna ķam'la²⁷⁴ îşâl oluna. Ve ba'dı kerre o ebhîre ve edhîne edviye-i muhallileden ittihâz olunur, meşelâ hanzalin 'urûķu veyâhüd habbı hardal ve hâfir-i hımâr ve bezr-i başal. İşbu edviyelerden biri tebhîr ve tedhîn olunur. Ve diş aĝrısı için buhârı ve duhâmı isti'mâl olunur huşuşan dūdî olan dişte isti'mâli ziyâde nâfi' olur. Kezâlik bu vech üzere âs varaķı ve ca'de ve varaķ-ı sezâb ve 'âķırķarhâ dahi isti'mâl olunur.

Ve edviye-i muhallile-i sinniyyenin kimisi dahi se'ûtât olur, mâ-ı ķışşâu'l-hımâr ve 'uşâret-i aslu's-sılķ ve 'uşâre-i raṭbe ve mâ-ı merzencüş ile aĝrıyan diş cānibinde olan kulaĝa taķtîr olunur.

Ve muhallile-i sinniyyenin ba'dısı ile dahi te'ekkülü olan sinne ihtişâ olunur ya'nî sükk su'd ile veyâhüd maşṭakî ile bilâ-'unf ve ma'a-rıfķ şukbe-i te'ekkül doldurulur. Eger ihtişâ 'unf üzere olur ise veca' ziyâde olur. Bu haşvlerden aķvâ olur kebîkec ile hıltit veyâhüd zeyt ile şünîz-i meshûķ yâhüd fülful veyâhüd muhrak dürdiyy ve ferfiyûn ve 'âķırķarhâdan biri ile mevdi'-i te'ekkül ihtişâ olunmak. Ve kezâlik şeftali çekirdeĝinin lübbü ve fülful ile ihtişâ olunur. Bil ki te'ekkül harâretten hâdis ise bâridâtlâ ve bürüdetten 'arıda ise hârrât ile ihtişâ olunur.

Ve edviye-i sinniyyenin bir nev'i ķalû'âttır. O edviye isti'mâl olundukta esnâı ķal' eder, biz onları bir bâb eyleriz. Ve o ķalû'ât ancak veca'ı nefsi esnânda olursa isti'mâl olunur.

274 Huni dedikleri nesnedir.

Altıncı Faşl Esnâni Muḥaddire Olan Edviye Beyânındadır

Edviye-i muḥaddirenin isti'mâli edviye-i muḥallile bâbında zıkr olunduğu vech üzere olur lâkin muḥaddirât leṭûḥ ve leşûḫ ve ḥaşv kılınmakla isti'mâl olunur ise evlâ ve evfak olur. Ve ba'ḍı kerre maḍmaḍa ve baḥûr ṭarîki ile dahi isti'mâl olunur, meşelâ ba'ḍı kerre bezr-i benc ve afyûn ve mey'a ve kınnne ikişer dirhem, fülful, ḥıltît birer dirhem aḥz olunup ve onlardan 'akîd-i 'ineb ile şiyâf ittiḥâz olunup ağrıyan dişe vaḍ olunur veyâḥûd afyûn cünd-i bîdester berâber aḥz olunup ondan bir ḥabbe veyâḥûd iki ḥabbe ağrıyan diş cānibinde olan kulağa dühn-i verd ile taḳtîr olunur yâḥûd aşl-ı yebrûḥtan su ile leşûḫ ittiḥâz olunur ve onu ağzında imsâk eder veyâḥûd bezr-i benc tebhîrinde zıkr olunan ṭarîk üzere tebhîr eder veyâḥûd yalnız yebrûḥun aşl-ı veyâḥûd aşl-ı yebrûḥ ma'a'l-benc şarâbla ṭabḥ olunup femde imsâk olunur.

Ve ba'ḍı kerre muḥaddirât saḳy ṭarîkiyle dahi isti'mâl olunur, meşelâ sinni müştékî olanlara felûniyâ saḳy olunur ve hem felûniyâyı ağzında imsâk eder ve felûniyâ uyutur ve maraḍının mâddesini inḍâc eder ve elemi ni teskîn eder. Min-ğayri ezâ taḥdîr eden muḥaddirâttan olur kar ile gâyet müberred olan su, zîrâ merreten ba'de uḥrâ o mâ-ı meşlûc femde imsâk olursa elbette sinni taḥdîr ve veca'ını teskîn eder lâkin veca'-ı sinnin zamân-ı ibtidâsında ba'ḍı kerre mâ-ı meşlûc-ı mezkûru femde imsâk veca'ı ziyâde eder.

Yedinci Faşl Esnân-ı Müteḥarrike Beyânındadır

Ba'ḍı kerre sinn ḳalaḳ ve ıḍtîrâb üzere olur ya'ni hareket eder saḳta ve ḍarbe mişlli sebab-i bâdî ile ve gâḥice sinni şedd eden 'aşabın ruṭûbeti ḥasebiyle hareket eder. Lâkin sebab-i hareket ruṭûbet olur ise o sinn semîn olur, ḳaḍîf olmaz.

Ve ba'ḍı kerre dahi sinnin hareketi menâbit-i esnâna te'eḳkûl 'ârıda olmakla olur, zîrâ o te'eḳkûl ile menâbit-i esnân tevessu' eder ve te'eḳkûl ḥasebiyle sinn teraḳḳuk eder ve tehendümü zâil olur veyâḥûd mağriz-i esnân olan dürdür münşelim olup gedilir ve tehendümü kalmaz.

Ve gâḥice dahi esnâna yübs gâlib olur, sinne ḍumûr gelir, nâḳihinde ve meşâyıḥta bu sebebden ḍumûr olmakla esnânı hareket eder.

Kezâlik cûc-ı mütevâliye ile câyic kimsenin gıdâsı kâşır olmak ile sinine dümür cârıd olup hareket eder. Ve ba'đı kerre dahi cümürünün lahmı kâşır olmakla hareket eder.

el-Mu'âlecât: Sinni müteharrik olan kimseye vâcib olur ki sinn-i müteharrik ile mađğ eylemeye, taqlîl-i kelâm eyleye; yedi ile veyâhüd lisânı ile o sinn-i müteharrike ta'arrud eylemeye ve bi'l-cümle mađğa muhtâc olan ađdiyeyi terk edip hasv ile iktifâ eyleye.

Ve eger hareket-i esnâna sebep te'ekkül ise te'ekküle cîlac eyleye ve edviye-i sinniyyeden olup şeddi olana kavâbıddan mađmađa ve delükât ve onlara benzer nesnelere isti'mâl eyleye.

Ve eger hareket-i sinne sebep dümür ise ađdiye ile dümürün mađarratı tedârük oluna velâkin dümürün bu vechle tedârükü c'usretli olur.²⁷⁵

Ve bundan sonra sinn-i müteharrikede ilşâkan ve delüken ve kaçüren fi'l-üzün muratıbbât isti'mâl olunur ve onlar dühn-i verdden ve dühn-i hilâftan ve c'inebü's-sa'leb yaprağının c'uşâresinden ittihâz olunur ve belki kavâbıd dahi isti'mâl olunur. Ve eger harekete sebep sinnin dümürü ise ađdiye isti'mâli ona nefc vermez, zîrâ ađdiye sinn-i dâmiri esra'ı evkâtta tesmîn eylemez belki vâcib olur ki o sinn-i müteharrik-i dâmire kavâbıd-ı bârîde ile cîlac oluna. Ve kezâlik darbeden hâdiş olan hareket-i sinne dahi zıkr olunan ilşâk ve kaçür ve nezâyirleri ile mu'âlece olunur.

Eger hareket-i sinn ru'ûbet-i mürhiye sebebiyle c'ârıda ise kavâbıd-ı müsahhine ile mu'âlece olunmak vâcib olur. Sidrden miqdâr-ı kalîl serv yaprağı ile ma'ân tabh olunan su ile mađmađa olunmakla veyâhüd şebb ve şebbini nışfı miqdârı milh nebîz-i zebîb içinde tabh olunduktan sonra maţbühü ile mađmađa olunmakla veyâhüd su ile sekbîneç tabh olunup mađmađa olunmakla veyâhüd su ile sekbîneç tabh olunup mađmađa olunmakla ve leşükâttan şebb iki dirhem, milh bir dirhem bunlardan leşük ittihâz olunup dişin köküne vađc ve ilşâk olunur yâhüd kuşür-ı nuhâs ma'a'z-zeyt ve ba'đı nüshada ma'a'z-zebîb ve aşl-ı süsen ve kuşürü's-serv her birinden dört cüz

275 Vech-i c'usret budur ki sinn dâimâ müteharrik olup âlet-i mađğ olmakla taqlîl ziyâde ve gıdâsı dem-i sevdâvî olur ve gıdâsı mağsem-i gıdâdan cânib-i c'ulve olup ve ba'ıd olur ve ona vâşıl olan gıdâdan karîben ve ba'ıden tağallül eden eczâ-i sinne bedel hâşıl olmaz.

ve şebb bir cüz² veyâhüd remād-ı tarafâ ve milh mütesâviyeten ahz olunur veyâhüd karn-ı iyyel ve əsel ile ma'cün olan milh-i muhrağ her birinden onar cüz², mürr ve za'ferân, maştakî, [296b] sünbül her birinden ikişer cüz², sezâb-ı yâbis, summāk, cüllenâr her birinden üçer cüz². Bu mezkûrlardan senün ve leşük ittiḥâz olunur. Ve kezâlik kavâbıda şabır ve kılkuṭâr ve iklimiyâ karıştırılıp maḥlûṭundan senün ve leşük ittiḥâz olunur.

Şıfat-ı senün: Bizim vaşf edeceğimiz senün bu bâbda şâlih devâ olur, o senün budur: su'd, sünbül-i ṭib, verd, milh-i enderânî, kezmâzek, karn-i iyyel-i muhrağ eczâ-i mütesâviyât ahz olunup senün ittiḥâz olunur. Ve hareket-i sinnin sebebi lahm-ı umurun noqşanı olur ise şebb-i Yemânî, üd-ı muhrağ, su'd, summāk, cüllenâr ahz ve nâ'imen saḥk olunduktan sonra isti'mâl olunur.

Sekizinci Faşl Esnânın Şukbesi ve Te'ekkülü Beyânındadır

Bu âfetin küllîsi esnâna ruṭûbet-i rediyye nüfûz edip ta'affün eylediğinden ḥâdiş olur.

el-Mu'alecât: Te'ekküle mu'aleceden ğaraḍ-ı maṭlûb te'ekkülü tezâyüd-den men'edir²⁷⁶ ve o mu'alece sinnden te'ekkül ihdâş eden cevher-i fâsidi tenkıye ile ve sinne müzî olan mevâddı taḥlîl ile ḥâşıl olur. Eger istifrâğa ḥâcet olur ise mevâdd istifrâğ olunmakla esnâna mevâddın inşibâbı men' ve şarf ve kezâlik mevâddın esnâna müteveccih ve muşabbe olanlarını esnân kabûlden men' olunur. Ve te'ekkülden esnânı men' eden edviye müceffifât devâlar olur.

Eger te'ekkül kavî olursa mu'alecede müsahḥin-i şedîd vce müceffif-i kavî isti'mâline ḥâcet olur. Ve eger te'ekkül da'if ise âs ve ḥavlân ve nârdîn mişli kabḍ ve tecfifi olanlar kifâyet eder.

Ve te'ekkül edviyelerini isti'mâl, zıkr olunan ṭuruk-ı isti'mâlin her biriyle olur ya'nî ṭilâ ve leṭûḥ ve maḍmaḍa olunmakla ve onların nezâyirleri isti'mâl olunur. Velâkin ekşer-i ḥâlde müceffifât-ı mezkûrenin te'ekkül mu'alecâtında isti'mâli ḥaşv tarîki ile olur ya'nî şukbe-i te'ekküle ve şülmesine²⁷⁷ o edviye doldurulmakla isti'mâl olunur:

276 Ammâ te'ekkülü ilhâm ve itmâm eylemek mümkün değildir.

277 "Şülme" gedik ve fürce ma'nâsınadır.

Cümle-i mu‘alecâtından biri budur ki şülme-i te‘ekküle sükk ve su‘d haşv kılınır veyâhüd sükk-i mümessek²⁷⁸ yalnız idhâl olunur, zîrâ bu vech ile olan ihtîşâ te‘ekkülü men‘ eder ve veca‘ı teskîn eder veyâhüd o te‘ekküle maştakî ve su‘d haşv kılınır veyâhüd mürr ve mey‘a ve ‘afş ma‘a-ħudâđ; bu mezkûrların biri veyâhüd mey‘a ve afyün veyâhüd kıinne, kibrît-i aşfer, ħudâđ veyâhüd ‘ilk-i buţm, fütenec veyâhüd ħall ile ve ‘asel ile ma‘cün kılınan şünîz-i medķūķ haşv kılınır. Ve kibrît dahi haşven ve tıläen isti‘mâl olunur. Ve ħall ve ‘asel ile maţbūĥ olan zencebîl isti‘mâlinin nef‘i ġâyete bâliġa olur. Ve ĥiltît ma‘a-ķatrân ve ĥiltît ve şîĥ veyâhüd yalnız ĥiltît isti‘mâl olunur. Ve ĥiltît taĥallül eylemesin için mûm ile iġlâ²⁷⁹ olunur ve veca‘ı teskînde nef‘i şedîd olur veyâhüd te‘ekkülün ‘ilâcı yalnız ķîr ile veyâhüd ma‘a-sâiri’l-edviye ķîr ile olur veyâhüd ĥavlân ve zâcla olur. Kâfûr haşv kılınmakla tecrîbe olundu, te‘ekkülü tezâyüdden men‘ ve veca‘ı teskîn ĥaķķında nef‘-i bâliġi dahi müteĥaķķaķ oldu. Ve veca‘-ı esnân bâbında zikri mürûr edenler ile dahi isti‘ânet olunmaķ vâcib olur.

Ve ba‘dı kerre edviye ve aţliye dahi isti‘mâl olunur, cünd-i bîdester, ‘âķırķarĥâ ve afyün ve kıinne mütesâviyetü’l-eczâ aĥz ve isti‘mâl olunur veyâhüd fülful, ķâķule ‘asel ile yâhüd ‘âķırķarĥâ, mürr ‘asel ile ve ĥabbetü’l-ĥadrâ ‘asel ile veyâhüd türâb-ı tîb üzere kaynar sirke şabb olup isti‘mâl olunur yâhüd ‘azâye demekle ma‘rûf olan ĥayvân-ı vezaġînin kebidini isti‘mâl dahi nâfi‘dir yâhüd kibrît-i ĥayy iki mişli ĥavlânla veyâhüd fülful leben-i yetû‘la yâhüd bûraķ ‘âķırķarĥâ yâhüd bezr-i benc kıinne yâhüd mey‘a ve afyün isti‘mâl olunur.

Devâ-i ceyyid: Bûraķ, benc ikişer cüz’, ‘âķırķarĥâ, fülful birer cüz’ ve afyün üç cüz’. Bu edviyeler aĥz ve cem‘ olup mevđî-i te‘ekküle vađ‘ olunur.

Âĥer: Ķam‘atu’r-rummân, fülful, übhül her birinden birer cüz’, mevîzec ve encüre bezri ve afyün her birinden yarımşar cüz’ aĥz olup isti‘mâl olunur.

278 “Sükk-i mümessek”, misk ile ma‘mül olan sükk demektir.

279 “İġlâ” kaynatmak ma‘nâsınadır.

Ba'dı kerre şukbe-i te'ekküle ihtişâ ve sinne tılâ eylemek cem' olunur ve ba'dı kerre dahi mevdi' üzere kalkadîkûn-ı²⁸⁰ kavî veyâhûd sūrincān veyâhûd nüre bu mezkûrlardan hangisi aḥz olunur ise ondan bir cüz², nüşâdur, şebb, mürr, 'afş, aḳāḳıyâ, îresâ her birinden birer cüz² aḥz olunup isti'mâl olunur veyâhûd sa'ter-i muḥrak, zebedü'l-baḥr ve ba'dı kerre dahi ona ḳinne ziyâde olunup isti'mâl olunur.

Ve femde imsâk olunacak maḍmaḍaların ba'dı kerre nef'i 'azîm olur, meşelâ uşûl-i keber ḥall ile ḥallin nışfı bâḳî kalınca ḳadar ṭabḥ olunup ṭabîhi femde imsâk olunur.

Ve ḳaṭûrât dahi nefsi-i te'ekkülde isti'mâl olunur; zeyt içinde müzâb olup zeyt ile ṭabḥ olunan zernîḥ te'ekkül mevdi'ine taḳṭîr olunur. Ve yine nâfi' olan devâlardan olur sinn-i me'kûlenin cânibinde dühn taḳṭîr olunmak.

Dokuzuncu Faşl Esnânın Tefettütü ve Tekessürü Ya'nî Dağılması ve Kırılması Beyânındadır

Esnânın tefettüt ve tekessürüne ekser-i ḥâlde sebep mizâc-ı sinnin ruṭûbete istihâlesi olur ve ba'dı kerre sinne mizâcî yûbs-i şedîd ile yâbis oldukta dahi tekessür ve tefettüt 'arîḳ olur. Ve aralarında fark budur ki tekessür ve tefettüt eden diş semîn olur ise tekessüre ve tefettüte ruṭûbet sebep olduğuna delâlet eder ve eger sinn-i müfettet ḍâmir ise yübüset sebep-i tefettüt olduğuna delâlet eder. Eger sinn-i müfettekte min ciheti'l-levn taḡayyür olur ise veyâhûd o sinnde te'ekkül olur ise mâddî olan mizâc-ı raṭbe delâlet eder.

Ḳısm-ı evvelin 'ilâcî ya'nî ruṭûbet sebebiyle olan tefettüt ve tekessürün 'ilâcî mâddeyi men' ve zikri teḳaddüm eden ḳavâbid-ı ḳaviyye ile esnânı taḳviye olur. Ve bu bâbda şebb ḳaviyyü't-te'sîr olur. Ve eger sinn-i mütekeşsir müsahḥan ise ona ḥarbaḳ-ı esved 'asel ile ma'cûn kılınıp isti'mâl olunmaktan fâideli bir devâ olmaz. Ve eger tefettüt-i sinne sebep mizâc-ı sinnin yûbs-i şedîdi olur ise onun 'ilâcî yübüsetin zikr olunan 'ilâcî olur.

Onuncu Faşl [Elvân-ı Esnânın Tağayyürü Beyânındadır]

Elvân-ı esnânın tağayyürü ba'đı kerre üzerinde olan tılâvenin²⁸¹ tağayyürü hasebiyle olur ve o tağayyürden ona qalaḥ²⁸² ḥâdiş olur. Ve ba'đı kerre uşûl-i esnânda müteğayyürü'l-levn olan tılâve taḥaccür edip qal'ı 'asîr olur. Ve ba'đı kerre levn-i sinnin tağayyürü mādde-i rediyyenin cevher-i sinne nüfūzuyla olur, zîrâ mādde-i nâfiẓe cevher-i sinnde müteğayyire olmakla levn-i sinni ifsād edip bâzincâniyyet levnini ve emşâlini ihdâs eder, her ne kadar üzerinde qalaḥ olmaz ise.

el-Mu'âlecât: Tağayyür-i levn qalaḥ olur ise ya'nî dişler üzerine şufret 'arıda olup bātında fesād olmaz ise onun 'ilâcı cālî ve münakḳî edviye isti'mâli ile olur, meşelâ zebedü'l-baḥr, milḥ, ḥazef-i meshûḳ, remād-ı şadef, aşlu'l-kaşab ve zerâvend-i müdahrec, sa'ter-i muḥraḳ, milḥ-i derânî mütesâviyetü'l-eczâ aḥz ve isti'mâl olunur. Ve eger sen murâd edersen bu terkîb üzere muḥraḳ olan ḥalezûn şadefini ziyâde edersen veyâḥûd ḳayşûr-ı muḥraḳ bir cüz', fülful bir cüz' ve ḥamâmâ üç cüz', şâdenec iki cüz', caşş-ı muḥraḳ on cüz' aḥz ve daḳḳ olunup ve isti'mâl olunur. Eger levn-i sinnin tağayyürü ve qalaḥın ifrâtı olur ise zencâr 'asel ile isti'mâl olunur.

Ve esnânın levn-i fâsidini izâle edip fi'l-hâl tebyîd eden edviyeden olur ğadâyir-i şînînin²⁸³ seḥîḳı ve zücâcın seḥîḳı ve meshûḳüniyâ ve sinbâzec²⁸⁴ ve ḥacer-i elmâs. Bunların isti'mâli levn-i fâsidi serî'an izâle eder.

Ammâ levn-i sinnin tağayyürünün şımf-ı şânîsi ya'nî mevâdd-ı fâside-nin cevher-i sinne nüfūzundan ḥâdiş olan levn-i sinnin tağayyürü mādde-i nâfiẓe taḥlîl ve iḥrâc ve cevher-i sinni cālî olan edviye ile olur, fülful ve fütenec ve ḳuşṭ ve zerâvend-i müdahrec ve ḥıltît mişlli edviye ḳarıben zıkrî mürûr eden edviye-i câliye ile ḥaḷ olunup isti'mâl olunur. Ve bundan aḳdem zıkr olunan senûn mişlli ceyyid olan senûn olur. Bu maḳâmda zıkr edeceğimiz senûn dahi nâfi'dir: [297a]

281 "Tılâve" bir nesneye revnaḳ veren mâiyyet.

282 "Ve "qalaḥ" sinnin şufretidir.

283 الغضارة الطين اللازب الأخضر الحر كالغضارة *Ḳāmūs*.

284 Sinbâre ve sımpara dedikleri taş ki ta'rib edip sinbâzec derler. Bu kelâm lügat-ı Ḥalîmî'nin ta'biridir; İbn Kütbi'de tafşîli mezkûrdur.

Senûn-ı ceyyid: Aşlu'z-zerāvend bir cüz², karn-ı iyyel-i muhraq iki cüz², maştakî üç cüz², dühn-i verd beş cüz². Bu edviyeler sahq olunup isti'mâl olunur.

Āher: Kaysūr, milh-i meşvī, şūnīz her birinden dört cüz², su'd beş cüz², sünbül bir, fülful altı.

Āher: Milh cemre mişālinde olunca kadar iħrāk olunup ondan ve şāde-nec iki cüz², sünbül den dahi bir cüz² aħz olunup isti'mâl olunur.

Āher: Şadefin remādī dört cüz², verd-i yābis beş cüz², su'd üç cüz², fikāhu'l-idhīr bir cüz².

On Birinci Faşl Dişlerin Sühulet İle Bitmesi Beyânındadır

Ba'đı kerre şıbyāna dişlerin nebātında 'usret 'arıđa olur ve ona nebāt-ı sinn elem verir. Ve ba'đı kerre ona istiqlāk-ı bađn müşārik olur, yüređi sürer, o zamān ta'dile hācet olur bađnına tılā etmekle ve 'uşārattan şiyāf ittiħāz edip imsāk ve ihtimāl etmekle ve kitāb-ı küllīde yazılan şiyāfāt ile tılā olunmađa ihtiyāc olur.

Ve nebāt-ı esnāni teshīl eden devālardan olur menbit-i esnāni şuhūmla ve edmiđa ile ve tavşanı pişirdikten sonra iħrāc olunan dimāđ ile delk eylemek veyāhūd hınnā ve semn ve dühn-i süsen ile delk olunur.

Ve ba'đılar dediler ki kelbenin sütünün nebāt-ı sinnde menfa'ati şedīde olur. Ve eger o vakte veca' müştedd olur ise 'inebü's-sa'leb 'uşāresiyle dühn-i verd mezc olunup müsahhanen isti'mâl olunur.

Ve kıvāmı ve katılıđı olan nesnelere çiyinemekten nebāt-ı sinn zamānında şıbyān men' olunur belki vācib olan mürđi'a parmađını şıbyānın ađzına idhāl eyleye, veca'-ı sinn ibtidāsında parmađı ile lişāt ve derādirini²⁸⁵ ya'nī etlerini şedīden delk eyleye, lişe tarafından ruţūbeti seyelān eylesin için ve ba'đehu zikr olunan edviye ile diş etlerine mesh eyleye.

Ve kaçan dişler kalilen zühür eylese vācib olur ki bir miđdār şūf dühne ğams olunup şabānin başına ve boynuna ve fekklerine dımād oluna ve kulađına dahi dühn taqfir oluna. Ve biz kitāb-ı evvelde bu bāba müte'allik bir nev' mesāil zikr eyledik.

285 "Derādir" "dürdür"ün cem'idir, mađriz-i esnān ma'nāsına.

On İkinci Faşl Kâf-ı Esnân Beyânındadır

Ba'dı kerre müşteki olan dişlerin âfeti bir hâle bâliğ olur ki elbette ilâc kabûl eylemez olur ve mu'alece ile teskîn olunsa zamân-ı kalilde yine 'avdet eder. Ve esnân-ı şahîhayı dahi mücâveret hasebiyle ıdrâr edip âfeti esnân-ı şahîhaya sâri olur, onu istişlâha tûruk-ı edviyeden bir tarîk olmaz, onun ancak ilâcî kal^c ve ihrâc olur.

Ve onun kal^cı ba'dı kerre kelbeteyn²⁸⁶ ile olur. Evvelâ uşûl-i esnân üzere olan luhûm keşf olunup ba'dehu sinn-i müşteki kelbeteyn ile ahz olunur.

Ve vâcib olur ki sinni ihrâc eylemezden muqaddem te'emmül olunup illet sinnde yâhüd âher maḥallde midir ta'arrûf oluna. Sinnde ise kal^c olunup lişede ise veyâhüd 'aşabda ise elbette kal^c terk oluna, zîrâ bu şüretlerde sinni kal^c her ne kadar veca^cı kalîlen taḥfif eder ise velâkin külliyyen def' eylemez belki yine 'avdet eder. Ağrının bir miqdâr hiffeti mevâddın kal^c ile taḥallülünden olur. Ve kal^cda edviye isti'mâl olundu ise o edviyenin lişeye ve 'aşaba vuşûlünden olur, kal^cın fâidesi olmaz.

Ve sinn-i müşteki gayr-i müteharrik olur ise onu kal^c ile evkât-ı keşirede ḥaṭar ḥâşıl olur ve ba'dı kerre fekki keşf eder ve cevheri müte'affin olur ve veca^c-ı şedîdi tehyic eder ve ba'dı kerre dahi veca^c-ı 'aynı ve ḥummâyı tehyic ve taḥrîk eder.

Ve eger sen bilirsen ki bu sinnin kal^cı 'asîr olup 'alîlin ona taḥammülü olmaz, o mişlli sinni şiddet üzere taḥrîk eylemek emr-i şavâb değıldir, zîrâ o mişlli hareket veca^cı ziyâde eder. Lâkin ba'dı kerre dahi sebebi veca^c sinnin kendide olmaz velâkin sinn kal^c olunsa sinnin hareket-i şedîdesi hasebiyle sinnin taḥtında olan mevâdd taḥallül eder ve veca^c sâkin olur. Ve ba'dı kerre dahi esnânın kal^cı edviye isti'mâliyle olur ve onda kelbeteyn isti'mâl olunmaz. Velâkin vâcib ve lâyıḳ olur ki sinn-i marîdin ḥavâlîsi mişraṭ ile şart oluna ve üzerine devâ-i kalî' vâd^c oluna. Ve o edviyeden ba'dıdır tût aşlının kuşûru ve 'âkırkarḥâ ahz olunup şemste ḥall-i şikḳîf ile bal gibi olunca kadar saḫḳ olunup sinnin kökü onunla günde üç kerre tîlâ olunur veyâhüd 'âkırkarḥâ saḫḳ olunup güneşte kırk gün miqdârı sirke içine vâd^c olunduktan sonra terk olunur ve sinn-i meşrûṭ üzere o devâ taḫṫîr olunur ve civârında olan esnâna mûmdan dir^c giydirilip

286 نَفْسِیْنَ كَلْبَتِیْنَ اَلَّةَ شَبِیْهَةَ بَكْلِیْبِی السَّهَامِ

muḥāfaẓa olunur ve baʿdehu sinn-i müşteki cezb olundukta münkalî olur veyāḥūd ʿākirḳarḫā bedeline kıssāu'l-ḥımār aşlı vađ olunur veyāḥūd ḥall ile mürebba zernîḥle tılā olunur, o tılā sinni irḫā eder veyāḥūd encüre bezri ḳınne yaʿnî ḳaşmı ile mütesāviyetü'l-eczā aḫz olunur veyāḥūd encüre bezri ve onun iki katı kündür aḫz olunur ve đırsın aşlı üzere vađ olunur. Ve incir yaprağı baʿdı kerre ḫabḫ olunup tılā olunur ve o tılā sinni irḫā edip süḫulet ile ḳal olunur. Ve dürdiyy-i ḥallin kendisinin bu bābda nefi ʿacib olur veyāḥūd ḳuşūr-ı tüt ve ḳuşūr-ı keber ve zernîḥ-i aşfer ve ʿākirḳarḫā ve ʿurük-ı şufr ve uşul-i ḫanzal ve şübrüm aḫz olunup mā-ı şibt veyāḥūd ḥall-i şikkîf içinde üç gün miḳdārı terk olunup baʿdehu tılā olunur veyāḥūd ʿurük-ı şufr ve ḳuşūr-ı tüt her birinden birer cüz, zernîḥ-i aşfer iki cüz aḫz olunup ʿasel ile maʿcün kılınır ve đırsın eḫrafına vađ olunup bir müddet terk olunur, o đırsı bi-iznillāhi taʿālā ḳal eder veyāḥūd ḳaysūmun kökü ve leben-i yetü her birinden birer cüz, aşl-ı yetü iki cüz aḫz olunup sinn üzere vađ olunur. Eger sinn đatîf ise şemci güneşe bal ile vađ edip izābe eyle baʿdehu üzerine zeyt taḳtîr edip dişi aḫrıyan kimseye emr eyle ki onu mađg eyleye.

On Üçüncü Faşl Sinn-i Müteʿkkileyi Tefḫit Beyānındadır

Sinni tefḫit ḳal gibidir lākin vecaı olmaz. Tefḫitin sebab-i fāʿilisi budur ki daḳıḳ leben-i yetüla yoḫurulur ve sinn üzerine o ʿacın vađ olunup birkaç sāʿat terk olunur ve dişi o devā daḫtır. Ve vācib olur ki tefḫiti ḳaşd olunan dişin üzerine leblāb-ı ḥādd-ı kenirin yaprağı ve đıfdı-ı şecerinin şaḫmı vađ oluna. Ve şaḫm-ı đıfdı-ı şecerinin ḳatı ve müfettit olduḫu maʿlumdur. Đıfdı-ı şecerî yeşil olan đıfdıdır ki onun meʿvāsı nebāt arasında ve şecerler arasında olur, bir ağaçtan bir ağaca sıçrar ve bu đıfdıḳatı ve müfettittir.

On Dördüncü Faşl Dūd-ı Esnān Beyānındadır

Bezr-i benc, bezr-i kürrāş her birinden dört cüz, bezr-i başal iki buçuk cüz aḫz ve daḳḳ olunup keçi şaḫmı ile ʿacın olunup ḫabb yapılır, her bir ḫabbın vezni bir dirhem kılınır; o ḫabbın biri tebḫîr olunup ḳam ile buḫarı dişe işāl olunur ve başı dahi setr olunur.

On Beşinci Faşl Şarîr-i Esnân Beyânındadır

Nevmde dişlerin şarîri ya'nî biri birine sürünüp ıştıkâk eylemekten zâhir olan [şavtı] iki fekin a'dalleri da'fından olur. Ve esnâna o âfet teşennüc gibidir. Ve âfet-i şarîr çok kerre şabîlere 'arîd olur ve idrâkleri zamânında zâil olur.

Ve kaçan bir kimsenin nevmi vaktinde esnânının şarîr ve şarîfi çok olsa ona sekte veyâhüd şar' veyâhüd teşennüc 'arîd olacağını inzâr eder. Ve ba'dı kerre batında dîdân hasebiyle 'arîd olursa o şarîrde feterât olur, o feterât ile dîdândan olan şarîr sekteyi ve nazîrlerini inzâr eden şarîrden fark olunur.

Ve bu âfete mübtelâ olan kimseye vâcib olur ki başını tenkıye ve boynunu kuvve-i kâbıdası ve 'ıtriyeti olan edhân-ı hârre ile tedhîn ede.

On Altıncı Faşl Uzayıp Kâdr-i Tabîiden Tavîl Olan Dişler Beyânındadır

Ve uzayan diş iki işba' ile veyâhüd âlet-i kâbıda ile ahz olunup [297b] mibred ile törpülenir hadd-i ictidâle bâliğa olunca kadar ba'dehu habb-ı gâr ve şebb ve zerâvend-i tavîl ahz olunup senûn ittihâz olunur ve onunla o diş istinân olunur.

On Yedinci Faşl Dares Beyânındadır

Dares esnâna 'arîd olan bir nevc hadere ve uyuşukluğa itlâk olunur. Ve onun sebebi muhaşşin olan nesnelere. Ve huşûnet-i sinn kâbıd veyâhüd 'afiş olan eşyâdan 'arîd olur. Ve o sebep ba'dı kerre sinne hâricden vârid olur veyâhüd kay' ile vârid olur. Ve ba'dı kerre o sebep mi'deden tesa'ud eder, mi'dede hılt-ı hâmiđ olur ise dişleri muhaşşin nesnelere o zamân esnâna şu'ud eder. Ve ba'dı kerre âher kimsenin cidden hâmiđi istirsâl tarîkiyle kađm eylediğini müşâhede eden kimselere o hâmiđi taşavvur vehmiyle taşavvurdan dahi dares hâdiş olur.

el-Mu'âlecât: Esnâna hader 'arîd olan kimselere bađlatu'l-hamkâ mađđı ziyâde nâfi' olur yâhüd havk veyâhüd bađlatu'l-hamkânın bezri dađđ olunup su ile meblûl kılındıktan sonra isti'mâli veyâhüd 'ilkü'l-enbât veyâhüd levz veyâhüd cevz-i melikî huşûşan nârecil veyâhüd bunduk isti'mâli dahi nâfi'

dir. Ve kezâlik zeyt-i ünfâkla esnânı delk etmek ve bakır kap içine konulup şemste veyâhüd âteşte tağlîz olunan zeytin ‘akeriyle esnânı delk veyâhüd eşek sütüyle ve dühn-i müftir ile mađmađa veyâhüd müzeffet şarâb küpünün kıri ya‘nî zifti veyâhüd habb-ı ğâr ve zerâvend-i tavîl veyâhüd hıltût ve leben-i yetûc ve ‘unşul ve milh. İşbu edviyeden biriyle mađmađa nâfi‘dir, humûdata bunlar dıdd olmakla çares âfetine cidden nâfi‘ olur.

On Sekizinci Faşl Mâ-ı Esnânın Zâil Olması Beyânındadır

Bu âfet zehâb-ı mâu’l-esnân demekle ma‘rûftur. Bu âfetin şâhibinin sinni harâret ve bürüdet ve şalâbetten bir nesneyi taħammül eylemez. Ve bu âfetin sebep-i ekşerisi bürüdet olur ve bu âfet muğaddime-i veca‘-ı esnândır.

el-Mu‘âlecât: Eger bu âfetin sebebi berd ise eyâric-i feykarâ ile delk olunur. O dahî nâfi‘ olmaz ise tiryâk ve dühn-i hardal cidden nâfi‘dir. Ve kaṭrân-ı müsahhan ile mirâren dişlere mesh olursa cidden nâfi‘ olur.

Ve eger bu âfete sebep mizâc-ı hârr olur ise o sebebden bu âfetin hudûşu her ne kadar nâdirü’l-vuķûc ise ‘alâmâtından ya‘nî levn-i lişeden ve lişenin melmesinden ve melmes-i esnândan vuķûcu taħakkuķunda vâcib olur ki dühn-i verd içine kâfûr hürdeleri katılıp o dühn ile ve şandal ile lişe ve esnân temrîhine müdâvemem olunur ve üzerine bezr-i kaṭûnâ lu‘âbı mâ-ı verd ile isti‘mâl olunur. Ve baķlatu’l-ħamķâ ve ħâşşaten baķlatu’l-ħamķânın bezri mađğ olunur.

On Dokuzuncu Faşl Da‘fu’l-Esnân Beyânındadır

Da‘f-ı esnâna bundan aķdem zıkr olunan kavâbid ve ħall ile muṭfâ olan ya‘nî söndürülen ‘aṫş-ı muḫraķ ve ħabbu’l-âsın ebyadı kavrulup ħall ile iṭfâ olunan milh-i enderânî ve râmik ve sâir senûnât-ı fâdıla isti‘mâlleri ile mu‘âlece olunur.

Senûn-ı ceyyid: Su‘d üç dirhem, menzû‘u’n-nevât ihlîlec-i aşfer beş dirhem, kırfê on dirhem, dâr-ı şmî üç dirhem, şebb iki dirhem, ‘âķırķarĥâ yedi dirhem, nûşâdur bir dirhem, dâr-ı fülful bir dirhem, sükk bir dirhem, za‘ferân bir dirhem, milh beş dirhem, summâķu’d-debbâĝîn iki dirhem, seme-retü’ṭ-ṭarfâ üç ‘aded, kaķule dört ‘aded, zürünbâd on altı dirhem, cüllenâr

dört dirhem. Bu edviyeler cemî'an saḥk olunup cem' olunur ve senûn-ı ceyyid olur.

Senûn-ı ceyyid-i âḥer: Şandal-ı aḥmer, kebābe, fūfel her birinden beş dirhem, dār-ı şīnī iki dirhem, baḳḳam dört dirhem. Bu mezkûrlar ḥıñtadan maşnūc neşāstec ile ma'cûn kılınır.

Bu şāna ceyyid senûn: Keşk-i şa'ır aḥz olunup raḥḍ olunur ya'nī ezilir ve miḳdār-ı ḳalīl ḳatrān-ı Şāmī ile lett olunup ḳurş kılınır ve dir' gibi bir ḳırtās içine konulup ācür ile mefrūş olan kızmış tennûrun içine ve ācürre-i mefrūşe üzerine vaḍ' olunur. Kaḳan levni esved olsa tennûrdan iḥrāc olunup ondan bir cüz' ve 'ūd ḥurdelerinden ve cüllenār ve su'd ve ḳışru'r-rummān ve milḥ her birinden birer cüz' aḥz olunup saḥk olunur ve mecmū'undan senûn ittiḥāz olunur.

Ve ba'ḍı kerre ḳarīben zıkr eylediğimiz şa'ır-i muḥraḳtan yirmi cüz' aḥz olunup su'd, fūfel, kezmāzek her birinden dörder cüz', zencebīl bir cüz' aḥz olunup senûn ittiḥāz olunur, o senûn bu şāna müfid ceyyid senûn olur. Temme'l-fennū's-sābī'u bi-ḥavlin minallāhi ve ḳuvvetin. Ve'l-ḥamdü lillāhi 'alā-ālāihi ve lehü'l-minnetü. Ve's-şalātu ve's-selāmu 'alā-resūli kaffe-ti'l-enāmi.

**KİTĀB-I ŞĀLİŞ FÜNŪNUNDAN FENN-İ ŞĀMİN
EMRĀD-I LİŞE VE ŞEFETEYN VE MU‘ĀLECĀTLARI
BEYĀNINDA OLAN KELĀM-I MŪCMELDİR.
BU FENN DAHİ BİR MAĀĀLE ÜZERE KILINIP
FUŞŪLŪ MŪŞTEMİLDİR**

Evvelki Faşl Emrād-ı Lişe Beyānındadır

Lişe ya‘nī dişleri muḥīṭ olan etlere muḥīṭ olan verem ‘arıḍ oldukta o verem ekşer-i ḥâlde baştan nüzŪl eden mevāddın sebebiyle olur. Ve ba‘ḍı kerre dahi lişeye verem mi‘de müşāreketi ile olur. Ve ba‘ḍı kerre dahi ibtidā-i istiskāda ve sŪ-i ḳunye ‘arıḍ oldukta lişeye dahi verem ‘arıḍ olur, zīrā o ḥāletlerde lişeye ebḥire-i fāsıde teşā‘ud edip lişātı tevrīm eder.

Ve elvān-ı lişevāt ile ve melmes ile māddenin hangi cins idiğine istidlāl olunur. Ve lişe veremlerinin ba‘ḍıları ḳarībŪ’l-‘ahd olur ve veremi zāhir ve āşikār olur ve o mişlil olan evrām-ı lişātın ‘ilācı ḳabŪlŪ ser‘ olur. Ve ba‘ḍısı verem-i gāir olur ve ‘ahdi ba‘īd olur, onun mu‘ālecātı ḳabŪlŪ baṭı‘ olur ve ona ba‘ḍı kerre dahi ḥummā ‘arıḍ olur.

el-Mu‘ālecāt: Eger mādde-i verem faḍl-ı ḥārır olur ise mu‘ālecātında istifrāğ-ı mevādd ve faşd-ı çehārek isti‘māl olunur. Ve edviye ile mu‘ālecātında evvelā o maḍmaḍa isti‘māl olunur ki müberrid ola ve eczāsında ḳabḍı olan devā ola, meşelā mā-ı verd ve leben-i ḥāmiḍ ve mā-ı ās ve ḳābiḍ olan evrāḳtan müştahrec miyāh ve cŪllenār sŪlāḳası ve mā-ı lisānu’l-ḥamel ve naḳı‘-i bellŪṭ ve baḳlatu’l-ḥamḳā ‘uşāresi mişlililer ile maḍmaḍa olunur. Ve bunlardan sonra zeyt-i ūnfāḳ ve şeceretü’s-sŪnbŪl dŪhnŪ ile ve dŪhn-i āsla bunların her ūḳıyyesine ūçer dirhem maşṭakī katıp maḍmaḍa olunur veyāḥŪd dŪhn-i verd içinde sŪnbŪl ve verd-i yābis ve maşṭakī kaynatılıp maḍmaḍa olunur. Ve şecere-i maşṭakīden istiḥrāc olunan dŪhn için evrām-ı lişe veca‘ını teskīnde ḳuvvet-i şedīde vardır, ‘ale’l-ḥuşuş zamān-ı ḥudŪşu ḳarīb olan veremlerin teskīninde ḳuvveti derece-i gāyete bāliḡadır, veremi ḳam‘ eder [298a] ve ḥuşŪnet iḥdāş eylemez. Ve o dŪhn vaḳt-i veca‘da isti‘māl olunur ise nefi olur, cŪll-i menfa‘ati o vaḳtte isti‘māle aḥaşş olur. Ve bundan sonra īresā-i raḅbın ‘uşāresi isti‘māl olunur ve o ‘uşāre demi isāle ve izāḥa eder ve māddenin zevālīyle verem ḥiffet bulur veyāḥŪd varaḳ-ı zey-

tûn ʿuşâresi veyâhûd hamrın ʿakeriyle yâhûd ʿuşâre-i sezâb veyâhûd su içinde kaynatılan hâbbetü'l-haḍrâ dühnü ve hâbbetü'l-haḍrâ varaķı veyâhûd zerâvend sülâķası istiʿmâl olunur.

Eger verem-i lişât ğâir ve ʿamîķ olur ise o verem edviye ile taḥallül eylemez belki tekayyuh eder ve o vereme bārülis tesmiye olunur. Baʿḍı kerre o verem ḥadîd ile ʿilâca muḥtâc olur. Ve baʿḍı kerre onun cevheri laḥm-ı cedîd inbâtına müʿeddî olur.

Ve kaçan verem-i ğâir tekayyuh eylese sen onun üzerine zencâr ve ʿafş istiʿmâl eyle veyâhûd kuşûr-ı nuḥâsı ḥall ile saḥķ edip biraz eyyâm istiʿmâl eyle yâhûd sūrî-i muḥraķı ʿafş ile istiʿmâl eyle.

Ve kaçan lişe intifâḥtan ḥâlî olmasa vaķt vaķt teverrüm edip bürʿ-i tâmm bulunmasa keyy olunmaĝa muḥtâc olur. Ve lişâtı keyyin ecvedi budur ki bir mîl üzerine bir kıṭʿa şûfe leff olunup kaynar zeyt içine ğams olunduktan sonra verem üzerine onunla mesh olunur ve o verem ḍâmir olup mevḍîʿi ebyaḍ olunca ķadar keyye müdâvemmet olunur.

Ve eger o verem ruṭûbet-i faḍliyyeden ḥadîs oldu ise o veremin zamân-ı ibtidâsında edhân-ı ḥârre ve ʿasel ve zeyt ve rubb ile maḍmaḍa eylemek gerektir. *Baʿḍı nüshada “rubb” bedeline “şarâb” vâķf olmuştur; zâhir olan “rubb” tahriḫtir.* Ve zamân-ı ibtidâdan sonra bundan aķdem zıkr olunan muḥallilât-ı ķaviyye istiʿmâl olunur.

İkinci Faşl Lişe-i Dâmiye Beyânındadır

Diş etlerinden dâimâ kan ḥurûc eylese onun muʿâlecesinde şebb-i muḥraķ sirke ile söndürölüp ve ḍıḥfı milḥ-i ṭaʿâm ve bir buçuk mişli sūrî ile ḥalt olunup lişe-i dâmiye üzerine ekilir veyâhûd semek-i tırrîḥ-i memlûḥ cemre gibi olunca ķadar iḥrâķ olunup remâdından bir cüzʿ ve verd-i yâbis iki cüzʿ aḥz olunur veyâhûd âs ve ʿades-i muḥraķ her birinden birer cüzʿ, summâķ ve sūrîden iki cüzʿ ve fiķâḥ-ı idḥir iki cüzʿ aḥz olunup ḥalt ve istiʿmâl olunur.

Üçüncü Faşl Şuķûķ-ı Lişe Beyânındadır

Diş etlerinin [yarıklarının] ʿilâcî şefeh yarıklarının ʿilâcî gibidir ve o muʿâleceler emrâḍ-ı şefeh bâbında zıkr olunur.

Dördüncü Faş Lise Qurhaları ve Te'ekkülü ve Nevâşiri Beyânındadır

Lise qurhası ba'đı kerre sâzece olur ya'nî te'ekkül ve ta'affünden hâlî olur ve ba'đı kerre ta'affüne başlamış olur ve ba'đı kerre te'ekkülü dahi aḥz olur.

el-Mu'âlecât: Lise qurhasından sâzec qurhanın 'ilâcî kulâc 'ilâcıdır.

Ammâ o qurūḥun ta'affününe bed' edenlerin 'ilâcî übhül ve ḥasek ile olur. Eger onlardan intifâc olunmaz ise 'aḥş bir cüz' ve mürr nıṣḥ cüz' aḥz olunup dühn-i verd ile cemc olunduktan sonra isti'mâl olunur. Ve ona nâfi'a olan maḍmaḍâtan olur ḥall-i 'unşul veyâḥūd elbân-ı ütün ya'nî eşek sütü ile maḍmaḍa eylemek. Ve kezâlik zeytün yaprağı sülâkası ile veyâḥūd verd ve 'ades ve 'aḥş ve aḥmâc-ı rummân sülâkasıyla maḍmaḍa eylemek.

Ammâ qurūḥ-ı lişeden te'ekkülde im'ânı Ve ba'dehu 'ahdi olan qurḥalarda o ḳalkandîkûn isti'mâl olunur ki te'ekküle maḥşuş ve ḳarâbâdinde mezkûr olur. Ve kezâlik lişe nevâşirinde dahi ḳalkandîkûn isti'mâl olunur. Ve bundan sonra o qurḥanın üzerine edviye-i ḳâbıḍa neşr olunur. Ve edviye-i ḳâbıḍa neşri katında isti'mâli mücerreb olan devâlardan olur ḫarfâ semeresi ve 'âḳırḳarḫâ her birinden üçer dirhem, māmîrân bir dirhem, ihlîlec-i aşfer iki dirhem, verd-i yâbis iki dirhem, ḳâḳule, nüṣâdur, kebâbe, zebedü'l-baḥr her birinden nıṣḥ dirhem, cülleñâr, za'ferân her birinden birer dirhem, kâfûr rubuc dirhem; bu edviyelerden senûn ittiḫâz olunur. Veyâḥūd o senûnât isti'mâl olunur ki onun terkîbinde zerâvend ve ḳulḳuḫâr ve tûbâlât ve zerâñḫ vâḳi' olmuş ola.

Ve te'ekkül-i lişede im'ânı olmayıp mütevassıta olanlarının mu'âlecesinde 'âḳırḳarḫâ ve aṣl-ı süsen her birinden birer cüz' ve cülleñâr ve ğayr-i meşḳûb 'aḥş ve summâḳ ve şebb her birinden ikişer dirhem. Bu eczâlar saḫḳ olunup ondan senûn ittiḫâz olunur ve te'ekkül ve nâşûrdan mütevassıtu'l-hâl olanlarda isti'mâl olunur.

Ve kezâlik cülleñâr ve ḫabeş-i ḫadîd lişeye kebs olunur ba'dehu ḫall-i 'unşul veyâḥūd içinde varaḳ-ı zeytün ḫabḫ olunan sirke ile maḍmaḍa olunur veyâḥūd felûniyâ mevḍi'-i te'ekkülde isti'mâl olunur ve ona devâ-i ceyyid olur.

Ve kezâlik devâ-i füteneçî ve 'ufûnete mâniç ve mevcûd olan 'ufûneti muḫallil edviyeler dahi isti'mâl olunur. O mâniç ve muḫallil edviyelerden olur ma'cûn-ı ḫarmelî. Ve o ma'cûn nâfiç olmaz ise ḳalkandîkûn isti'mâl

olunur. Ve menfa'atte bunlara qarîb olur şebb ve nûre ve 'afş ve zernîhân aḥz ve şedîden saḥk olunduktan sonra mecmû'-ı meshûḳtan bir dânik ile mevdi'-i âfet delk-i ceyyid ile delk olunur ve ba'de'd-delk bir sâ'at şabr olunup ba'dehu dühn-i verd ile maḍmaḍa olunur. Ve ba'dı kerre onun terkîbine aḳâkıyâ dahi idḥâl olunur ve o devâdan aḳrâş ittiḥâz olunup tecfif olunur ve vaḳt-i hâcette isti'mâl olunur. Ve ba'dı kerre yalnız iki zernîḥ ve nûre ve aḳâkıyâ ile iktifâ olunup ondan ḳurş ittiḥâz olunur. Ve ba'dı kerre bundan aḳdem zıkr olunan keyy nâfi' olur ve o keyy te'ekkülü isḳâṭ eder ve laḥm-ı şaḥîḥ inbât eder. Ve bundan sonra 'afş aḥz olunur, şülüşü miḳdârı mürr ile cem' olunup senûn ittiḥâz olunur ve o senûnu isti'mâl laḥm-ı şaḥîḥ inbât eder ve lişeyi şedd eder. Ve bu te'ekküle faşd-ı çehârek cidden nâfi' olur.

Beşinci Faşl Netn-i Lişe Beyânındadır

Bu netnin mu'alecesi bâbu'l-beharda mezkûrdur.

Altıncı Faşl Lişenin Nokşanı ve Dümuru Beyânındadır

Erkek günlük ve zerâvend-i müdahrec ve dem-i aḥaveyn ve daḳîḳ-ı kirsenne ve aşl-ı süsen mütesâviyetü'l-eczâ aḥz olunup ba'de's-saḥk 'asel ve ḥall-i 'unşul ile ma'cûn kılınıp delûken isti'mâl olunur. Ve ba'dı kerre burçak unu on dirhem miḳdârı aḥz olunup 'asel ile 'acîn ve ḳurş olunduktan [sonra] bir âcürre veyâḥûd bir ḥazefe üzere vaḍ' olunur ki o âcürre ve ḥazefe taḥt-ı tennürda kızdırılmış ola veyâḥûd o ḳurş ḥubz mişâlinde tennûra idḥâl olunup münşeḥik ve iḥtirâḳa qarîb olunca ḳadar tennürda terk olunur ve ba'dehu saḥk olunup üzerine dem-i aḥaveyn dört dirhem ve bir mişli kündür-i zeker ve zerâvend-i müdahrec ve îresâ her birinden iki dirhem bu edviyeler idḥâl ve ḥalt olunup vech-i mezkûr üzere istinân olunur.

Yedinci Faşl İstirhâ-i Lişe Beyânındadır

Eger lişeye 'arıḍ olan istirhâ yesîr ve da'if olur ise bi-ḥasebi'l-mizâc ḳavâbıḍ-ı ḥârre isti'mâli veyâḥûd ḳavâbıḍ ile maṭbûḥ su ile maḍmaḍa onun mu'alecesinde kifâyet eder. Ve o istirhâ-i da'ife şedîdü'n-nef' olan maḍmaḍalardan olur ḥall ile şebdden mütteḥaze maṭbûḥ. Ve eger lişenin istirhâ-

sı kavî ve ekşer olur ise onun mu^âlece[sinde] şavâb olan budur ki mişraṭ ile lişe-i müsterḥiye şart olunup demi tükürüle ve dem kaç^ç olunduktan sonra sülâka-i kavâbid ile vech-i mezkûr üzere maḍmaḍa oluna. Ve ona muvâfık sülâkâlardan olur medkûk olan semere-i tarfâ üç dirhem, varak-ı ḥinnâ iki dirhem, zerâvend iki dirhem aḥz olunup tefṭir oluna ve ba^çdehu isti^çmâl oluna veyâḥûd cülle^{nâr} ve kuşûr-ı rummân her birinden altışar dirhem ve iki şımf zernîḥ ve şebb-i Yemânî her birinden üçer dirhem ve verd ve summāk-ı Bağdādî her birinden sekizer dirhem ve sünbül-i ṭîb ve fikâḥ-ı idḥîr her birinden onar dirhem. Bu edviye aḥz olunup letûḥ ve lâşık ittiḥâz olunur. Ve çehârek diye ma^çrûf olan damardan faşd cidden nâfi^çdir.

Şıfat-1 [298b] leşûk-1 şâlih: Verd akmâ^ıyla ma^çan ve fülful her birinden yedişer, cüft-i bellût ve cülle^{nâr} ve ḥabbu'l-âsu'l-aḥḍar her birinden dörder, ḥarnûb-i Nebatî, summāk-ı münakḳâ, ermâl her birinden beşer yâḥûd ermâl bedeline âs sekiz. Bu eczâlardan leşûk ittiḥâz olunur. Ve ba^çdı kerre eyâric-i şaḡîr ile teḥannük edip ḥall-i ^çunşul ile ve ḥall-i ḥanzal ile maḍmaḍa dahi nâfi^ç olur ve senûnât-1 kaviiye dahi isti^çmâl olunur.

Sekizinci Faşl Lişede Nâbit olan Laḥm-1 Zâid Beyânındadır

O laḥm üzerine kalkand ile mürr vaḍ^ç olunur ve laḥm-1 zâidi külliyyen ifnâ eder, mücerrebdir.

Dokuzuncu Faşl İki Dudakların ve Emrâdlarının Beyânındadır

İki dudakların menfa^çatleri budur ki ağıza ve dişlere ḡitâ ya^çnî sitr olur ve lu^çâb-1 femi ḥabs eder ve nâsa kelâmda mu^çîn olur ve cemâlini ziyâde eder. Ve dudaklar laḥmle ^çaşabdan mürekkebdır ve onun ^çaşabları ^çaḍali muḥîṭ olan şezâyâlar olur.

Onuncu Faşl Dudaklarda Olan Şukûku Bildirir

Şukûk-1 şefeh mu^çalecâtında o edviyeler isti^çmâl olunur ki onda kabḍ ve tecfif telyîn ile cem^ç ola. Ve şukûk-1 şefehte nâfi^ç olan edviyeler keşîre olur. Kaçan femde keşîren imsâk ve lisânla keşîren ḳalb ve bir maḥallden maḥall-i âḥere taḥvîl olunsa şukûka nâfi^ç tedbîr olur. Sürreyi ve maḳ^çadeyi

tedhîn eylemek ve iki kıssâ kıt'alarını biri biriyle delk edip ve hâdis olan köpüğünü ahz edip onunla şukûk-ı şefeh üzere tılâ eylemek dahi nâfi' olur veyâhüd mâ-ı sebistân ve mâ-ı şa'ir ve lu'âb-ı bezr-i kaṭünâ, işbu üç edviyenin biriyle şukûka tılâ nâfi'dir. Ve dūsümâttan zübd ve muḥḥ ile ve şuḥūmdan buzağı ve kaz şahımları balla ḥalt olunup tılâ olunur veyâhüd ḥabbetü'l-ḥadrâ dühnü veyâhüd dühn-i verd ile tılâ olunur ve o dühne beyâd-ı beyd ve daḳıḳ 'ale'l-ḥuşuş daḳıḳ-i kirsenne karıştırılır. Ve kezâlik dühn-i verd ile ḳayrütî ittiḥâz olunup isti'mâl olunur. Ve ba'ḍı kerre ona mürdâsenc dahi idḥâl olunur.

Şukûk-ı şefeye edviye-i nâfi'a vü mücerrebeden olur isfidâc, reşâşla saḥḳ olunan 'afş, neşâ, keşirâ şahm-ı decâcla isti'mâl olunur ise. Ve kezâlik 'afş-ı meshûḳ ile ḥall yâhüd maştakî, 'ilk-i buṭm, zûfâ, 'asel, bu eczâlardan merhem ittiḥâz olunur. Ve kezâlik mürdâsenc ve şâzenec ve 'urûḳ-ı kürküm her birinden nış cüz', dehenec bir cüz', keçi tırnağı, za'ferân her birinden sülüş cüz', kâfûr südüs cüz'. Bu mecmû' altı cüz' şem' ve on altı cüz' dühn-i verd ile ve dühn-i belesân ve dühn-i bân ve dühn-i ütrücc işbu dühnden biriyle 'anber-i müzâb bu edviyelerin mecmû'u ḳayrütî kılınıp isti'mâl olunur ve onun gıdâsı ekâri' ve beyd-i nîm-birişt kılınır.

On Birinci Faşl Dudakların Evrâmı ve Ḳurūḥu Beyânındadır

Onların mu'âlecâtında vâcib olur ki ḥılt-ı ḡâlibi istifrâḡla bed' oluna ba' dehu edviye-i mevdi'iyeye isti'mâl oluna.

Ammâ şefeteyn evrâmı lişe evrâmına aḥkâmda ḳarîb olur ve lişe evrâmında isti'mâl olunan edviyenin ḳalîlen aḳvâları şefeh evrâmında isti'mâl olunur.

Ammâ şefeh ḳurūḥunun edviye-i mevdi'iyeleri ḳavâbıddan ittiḥâz olunur, helîlec, ḥudaḍ, bezrü'l-verd, cevzü's-serv ve uşûl-i kürküm gibi devâlar ittiḥâz olunur. Ve ba'ḍı kerre onlara dehenec ve azlâf-ı ma'z-i muḥraḳ ve sa'ter-i muḥraḳ ve cem' olunmuş duḥân ve üşne idḥâl olunur ve ammâ onda isti'mâl olunan edhân dühn-i mişmiş ve dühnü'l-cevzü'l-Hindî olur.

On İkinci Faşl Bevāsîr-i Şefeh Beyânındadır

Dudaklarda olan bevāsîre bu edviyeler nâfi'dir: habes-i hadîd ve mürdâ-senc ve isfidâc ve za'ferân ve şebb veznleri berâber aḥz olunup şem'le ve cevz-i Hindî ile veyâḥûd dühn-i levz ile merhem ittiḥâz olunur.

On Üçüncü Faşl İhtilâc-ı Şefeh Beyânındadır

Ekşer-i hâlde dudaklara seğrimek mi'de müşâreketiyle 'arîd olur, 'ale'l-ḥuşûş ğaşeyâna ve kay'a muḳârin olan ihtilâc-ı şefeh mi'de müşâreketiyle olduğu ziyâde zâhir olur ve 'ale'l-ḥuşûş emrâd-ı hâddede ve evḳât-ı beḥârinde senin bildiğin üzere mi'de müşâreketiyle şefehlere ihtilâc ziyâde 'arîd olur. Ve ba'dı kerre ihtilâc-ı şefeh o 'aşaba müşâreket ile 'arîd olur ki o 'aşab şefeye dimâğdan veyâḥûd nuḥâ'dan gelir ve o 'aşablar dimâğa müşârik olurlar. Ve senin üzerine vâcib olur ki o ihtilâcın esbâbını tefahḥuş eyleyesin ve hangi sebebden ḥâdiş oldu ise ḳânûn-ı sâbık üzere 'amel edip ona münâsib mu'alece eyleyesin.

KİTÂB-I ŞÂLİŞ FÜNÜNUNDAN FENN-İ TÂSİC EMRÂD-I HALK VE MU'ALECÂTI BEYÂNINDA OLAN KELÂM-I MÜCMEL OLUP FUŞÛLÜ MÜŞTEMİL MAKÂLE-İ VÂHİDE ÜZERE KILINDI

Evvelki Faşl A^cdâ-i Halkın Ya^{nî} Boğazın Teşrihi Beyânındadır

Halk o fedâ ve boş maħalldir ki iki mecrâyı cāmî^cdir ya^{nî} nefesin mecrâsı ve gıdânın mecrâsı o fedâda olur ve onun biraz zevâidi vardır lehât²⁸⁷ ve levzetân²⁸⁸ ve ğalşame²⁸⁹ gibi, onlar dahi a^cdâ-i halktan ma^cdüdedir. Ve sen merînin ve hancerenin²⁹⁰ teşrihini külliyyâta bildin.

Ammâ lehât bir cevher-i laħmîdir ki hicâb ve perde gibi hancerenin a^clâsına aşılıştır. Menfa^cati budur ki hâricden vârid olan havâyı habs ve ta^cdîl edip kaşabe-i riyede olan mecrâsına havâyı mu^caddilen irsâl eder. Vech-i mezkûr üzere havâ tedrîc ve ta^cdîl olunmayıp bürüdet-i hâriciyyesi üzere riyeye vâşıl olsa lâ-maħâle onun berdi riyeye nikâye ider.

Ve lehâtın âher menfa^cati duħânî ve ğubârî riyeden men^c eder. Ve lehât şavta muħra^c olup şavt ona i^ctimâd ile kuvvet bulup ^cazîm olur, ke-enne lehât maħrec-i şavta miğdârınca bâb-ı mu^şad u muğlağ olur, onun için lehât emrâd hasebiyle ka^ç-ı şavta muđırr olur ve berdi-ı hâricî riyeye bilâ-ta^cddül vâşıl olmakla riyeye müte^{ezz} olur ve riye berdi kabû eylemek ile su^a-le mü^{edd} olur.

Ammâ levzetân o iki laħmdır ki aşl-ı lisânda olup fevķ cānibine irtifâı olur, ke-ennehümâ iki üzün-i şağîre gibidir ve onlar iki laħm-ı ^caşabî gibidir ve ğudde gibi şulb olurlar ve üzünlere o ğuddeler aşl gibidir. Ve merîye tarîķ o iki ğudde arasından mürür eder. Ve onların menfa^catleri budur ki havâyı re^s-i kaşabe katında hıfz ve viķâye edip ona hazine gibi olur. Ve

287 “Lehât” bir cevher-i laħmîdir ki hancerenin a^clâsında asılıştır, ^cavâmm-ı nâs ona küçük dil derler.

288 “Levzetân” aşl-ı lisânda fevķ cānibine mürtefi^c ğudde mişâlinde ^caşabânî laħmiyyettir, ke-enne üzün-i şağîr mişâlinedir, merîye tarîķ onların arasından mürür eder.

289 “Ĝalşame” bir laħm-ı şifâkîdir, lehâtın tahtında haneke mülâşık olur ve tedellî edip re^s-i kaşabeye muntabık olur.

290 “Hancere” kaşabe-i riyenin fevķinde bir ^cudv-ı ğudrûfidir ve merî ile kaşabeye meşdüdedir.

kalb havâyı istinşâk eyledikte o levzetân kalbe kalbin taḥammülü miqdârı havâyı irsâl eder, zîrâ istinşâk ile havâ def'aten kalbe vârid olsa hayvânda şerak ihdâs eder ya'nî hayvân boğulur, keşret-i havâ ḥasebiyle.

Ammâ ğalşame bir laḥm-ı şifākîdir ki lehâtın altından ḥaneke muttaşlı ve mütedellî olup sarkar ve re's-i kaşabeye munṭabık olur.

Ve ğalşame üzerinde fâik²⁹¹ demekle ma'rûf bir 'azm vardır ki onun dört dıl'ı vardır, ikisi fevkte ve ikisi taḥtta olur. Ammâ kaşabenin ve mer'inin teşrîhlerini bundan sonra biz zıkr eyleriz.

İkinci Faşl Ḥalkta Olan A'ḍâların Emrâdı Beyânındadır

Boğazda olan a'ḍâlardan her birine emrâd-ı mizâc ve evrâm ve inḥilâl-i ferd 'arıklar olup o emrâdın şâhibi ta'âmı izdirâda yutmağa [299a] kâdir olmaz ve ğuşsa ihdâs eder. Ve ğuşsa ihdâsında bu emrâd gibidir ḥacmi olan bir nesne boğaza nüşüb edip yapışmak. Ve onun 'ilâcında vâcib olur ki ibtidâ o boğazında şey²-i nâşib olan kimsenin ya'nî boğazına ve iki ketifi arasına ḍarb oluna ve o ḍarbenin vâḥiden ba'de vâḥidin tekrârı müfîd olmayıp ğuşşası zâile olmaz ise kay³ ile i'ânet olunur velâkin onda ḥaṭar olur.

Üçüncü Faşl Boğazda Eğlenen Diken ve Onun Mecerâsına Cârî Olan Nesnelere Beyânındadır

Eger boğazda diken veyâḥüd ağaç ve kemik şaziyyeleri ve o mişli nesnelere kalır ise ona tedbîrde vâcib olur ki o şey²-i vâkıfa nazâr oluna. Ona parmak ile cess mümkün ise veyâḥüd rîşe veyâḥüd âs-ı berrî kökünün filizi veyâḥüd iki kat kılınmış yay kirişi ile o şey²-i vâkıfa erişip onların biriyle esfele o şey²-i vâkıf def' olunur veyâḥüd yukarı cezb olunup ağzından iḥrâc olunur. Ve o vâkıfe şevk için maşnûc olan âlet-i nâkışe ya'nî minķaş vâşıl olur ise şavâb olan onunla iḥrâc olunmaktadır. Ve bizim gelecekte vaşf edeceğimiz üzere iḥrâc olunur ise cümleden enfa' olur.

Ve bu vücûh ile iḥrâc mümkün olmaz ise vâcib olur ki aḥsâ-i müzliķa isti'mâliyle o nesneyi izlâk eyleyeler.

291 "Fâik" ğalşamanın fevkinde bir 'azm vardır ki onun dört adlâ'ı vardır, ikisi fevkte ve ikisi taḥtta olur.

Ve o dahi müfîd olmaz ise işba^c ve rîşe ve veyâhûd edviye ile fûvâk ve kay^odan biri tahrîk olunur. Ve bu bâbda mücerreb olan devâlardan olur küllü yevmin hûrf-i meshûk mâ-ı hârr ile şûrb olunup kay^o olunmak, zîrâ bu vech ile kay^o ile [nâşib olan] nesne kazf olunur. Ve evlâ olab budur ki mi^cdesini ta^câmla mümteli^e edip ba^cdehu üzerine bu kay^o isti^cmâl oluna.

Ve ba^cdı kerre bir kıt^a şerh olunmuş lahma bir kıt^a hayt^{-ı} kavî bağlanıp bel^c olunduktan sonra cez^b olunur ve o nâşib lahmıla hürüc eder. Ve kezâlik kuru inciri hayt^{-ı} kavî-i mez^kür ile muhkem şedd olunup kalîlen madğ olunduktan sonra bel^c ve cez^b olunmakla dahi ihrâc olunur. Ve ba^cdı kerre dahi rubb-ı ^cinebde tîn tabh olunup tabîhi ile ğargara olunur, o ğargara nâşibi mevdi^cinden ibâne edip ayırır.

Ve ba^cdı kerre dahi indâcı ve rıfk ile tefîhi olan edviye ile halka hâricden dımâd olunur, şey^{-ı} nâşibin mevdi^ci tefettu^h etmekle nâşib hâric olur. Ve o dımâdın mişâli zety ve mâ-ı fâtir ile arpa unundan müttehaz olan dımâd olur.

Dördüncü Faşl ^cAlağ-ı Nâşib Beyânındadır

Bi-hasebi'l-ittifâk ba^cdı miyâhta şağîr ve hafî ^calağ ya^cnî kurt tevel-lüd edip hafâsı hasebiyle ondan taharrüz olunmaktan zühûl olunur. Ve o suyun şâribi suyu içtikte ^calağ dahi bel^c edip ba^cdı kerre o ^calağ boğazın zâhirine ve ba^cdı kerre merînin bâtinına ta^calluk eder ve ba^cdı kerre dahi mi^cdede olur ve ba^cdı kerre dahi o ^calağın hafâsı ve şığarı bir qadre bâliğ olur ki müte^emmil olan kimse dahi ihsâs eylemez. Ve kaçan o dūd-ı hafî halka teşebbüs ve mürür-ı vaqt ile dem imtişâş etmekle büyür ve hacm ve cüşsesi zâhir olur.²⁹²

el-^cAlâmât: Nüşüb-ı ^calağ sebebiyle ya^cnî boğazına sülük yapışmakla o kimseye ğamm ve kerb ve nefş-i dem ^carıd olur. Ve eşihhâdan her kimde nefş-i dem veyâhûd kay^o-ı dem ahyânen vâki^c olur ise onun halkında sen te^emmül eyle, zîrâ ihtimâl vardır ki onun halkında ^calağ vardır.

292 Halkın zâhirine teşebbüs bu vechle olur ki o su ile dūd hancereye dâhil olmaz. Hancereye vâsıl oldukta sudan müfârakat edip halkın zâhirine teşebbüs eder.

el-Mu'âlecât: Eger 'alak-ı nâşib görünüp başar ile idrâk ve ihsâs olunur ise bizim vaşf edeceğimiz üzere onun 'alakı ahz ve nez' olunur.

Ve ba'dı kerre boğaza qarîb mahâlde ise garâgır ve bahûrât ile mu'âlece olunur. Ve ona se'ûfât dahi nâfi' olur eger 'alak-ı nâşib enfe qarîb ise.

Ve eger 'alak derinde ve mi'dede ise mi'dede mütevellid olan kurtları kusturucu ve ishâl edici muqayyî'ât ve müşilât isti'mâl olunur.

Ve ba'dı kerre bu mezkûrlardan mâ-'adâ hiyel-i uhrâ ile dahi 'alak işkât olunur, o hîleden biri budur ki 'alakı nâşibi olan kimse sarmısak yiyip mâ-ı hârr içine girer veyâhüd hammâm-ı hârra ku'üd eder, vaqt vaqt ağzına mâ-ı meşlûc doldurur, 'alak sâkıta olunca kadar bu hâl üzere olur. Ve bu hâle gâşy gelince kadar şabr ederse onun şabri emr-i şavâb olur, zîrâ 'alak şiddet-i harâretten müte'ezzî olur. Ve ağzında olan mâ-ı meşlûcdan ona eşer-i berd vardıkta harâretten fem cânibine kaçır ve bürüdet semtine hareket etmekle mevdi'-i nüşubundan munfaşıl olur ve ihrâc-ı 'alakta bu tedbîr ceyyid olur.

Ve çok kerre olur ki sarmısak ekl edip mâ-ı meşlûc hizâsında şemste ağzı açık oturmak o 'alakı ihrâcda kifâyet eder.

Ve nâstan ba'dıları şâhib-i 'alaka fesâfis sakı ederler. Fesâfis bir nev' bakktır ki cildi gâyet rakîk olan kurâda müşâbih olup kırmızı ve demevî olur, ona her ne kadar rıf ile yapışıl ve el ile mess olunsa münfesih olup ezilir. Ve fesâfisi hâll ile veyâhüd şarâbla sakı ederler veyâhüd kam' ile halka tebhir ederler. Ve zann olunur ki o vaşf olunan fesfese bizim diyârımızda²⁹³ "ebhal" diye ma'rûf olan hayvân ola.

Ve ba'dı kerre yalnız sirkeden hasv ittihâz olunup isti'mâl olunsa 'alakı ihrâc eder husûşan sirkeye milh dahi katılırsa fi'li kavî olur. Ammâ ihrâc-ı 'alaka nâfi' olan garâgır hâll-i hiltî ile yalnız veyâhüd milh ile mahlûtan gârgaradır. Ve kezâlik hardal iki mişli bûraç ile veyâhüd hardal bir mişli nüşâdur ile veyâhüd şîh nişf vezni kibrît ile yâhüd pelin bir mişli şüniz ile yâhüd hâll-i hamr ki içinde süm, şîh, türmüs, hançal, serahs tabh tabh olunmuş ola. Pes o maţbûhla yâhüd iki ukıyye miqdârı hâll-i hamrın içine üç

293 "Bizim diyârımızda" dediğinden murâd Şeyh'in diyârıdır. İsfahân'da Sulţân Maḥmûd-ı Gâznevî'nin oğlu Sulţân Mes'ûd'a vezîr olmuştur, Hemedân'da vefât etmiştir.

dirhem bûrağ ve iki diş şûm idhâl edip gârgara olunur. Ve bu gârgaraların her birisi isşkât-ı ʿalaka istiʿmâl olunur.

Ve ʿalaka iħrâcda kavak yaprağı ʿaşiri ile gârgaranın hâşşıyyeti vardır. Hall-i hıltit ile veyâhüd su ve kulkutâr ile gârgaranın menfaʿati vardır.

Ammâ o ʿalaka miʿdede hâşıl olur ise yaʿnî mâ-ı ʿalık-ı meşrûbla ʿalaka-ı şağır miʿdeye vâşıl olup onda büyüdü ise ona bu devâ saqı olunur, devâ-i nâfiʿ: Şih, kıysûm, efsentîn, şünîz, türmüs, kuşt, ebrenc-i Kâbülinin²⁹⁴ cevfi yaʿnî lübbü ve içi, serağs. Bu mezkûrların her birinden ikişer dirhem ağız olunup su ile memzûc sirke ile istiʿmâl olunur. Veyâhüd o kimseye şûm veyâhüd başal veyâhüd kerneb veyâhüd fütenec-i nehrinin tâzesi ve muṭay-yeb hardal içâm olunur.

Ve hâdd ve hırrif olan nesnelere küllisini tenâvül edip baʿdehu kayʾ eylemek. Eger kayʾ ona sehl olursa nâfiʿ olur. Ve o kimsenin kayʾı sühûlet üzere hâşıl olmaz ise onun takyîʿesi şeyʾ-i mâliḥ-i hâdd ile olur.

Ve eger ʿalakanın taʿalluk ve nüşübu enfe olur ise onda seʿût istiʿmâl olunur. Ve eḥabb-ı seʿûtâtı hall ve şünîz ve kıssâ-i hımâr ʿuşâresi ve ḥarbak olur.

Ve kaçan o ʿalaka-ı nâşibe inkıṭâʿ ʿarîd olup pârelense onun şâhibi şıyâḥtan ve kelâmdan ḥazer üzere olmak gerektir.

Eger demin seyelanı veyâhüd kazfi veyâhüd ishâli olur ise her birinin bâbında zıkr olunan senin bildiğin muʿâlecâtla ʿilâc olunur. Ve o ʿavârîd defde sūrincânın hâşşıyyeti vardır.

Ve ʿalaka kâlib ile yaʿnî âlet ile ağızın tarîki budur ki ʿalaka-ı nâşibin şâhibi güneşte ikâme olunup ağız feth olunur ve miğrefe mişâlinde maşnûʿ olan mîlin tarafı ile lisân esfel cānibine gamz olunup basılır. Kaçan ʿalaka zâhir olup görünse o kâlib ʿalakanın aşı-ı ʿunuḳuna vađʿ olunup ağız olunur, ʿalaka munḳatıʿ olmasın için kâlib ancak aşı-ı ʿunuḳa vađʿ olunur ve o kâlib bi-ʿay-nihi bāsûr ağız olunan kâlibdir.

294 “Ebrenc-i Kâbüli” biring-i Kâbüli demektir.

Beşinci Faşl Havānîk ve Zebh Beyânındadır

İhtināk, nefesin riyeye ve kalbe nüfūzunun imtinācıdır.²⁹⁵ Ve ihtināk es-bāb-ı keşireden ʿarıd olur; edviye-i hānîka ve edviye-i semmiyyeden dahi ʿarıd olur. Ve baʿdı kerre ahşāda demin cümūdundan dahi ʿarıd olur. Lākin el-ān bu maqāmda mebhūsumuz ancak o ihtināktır ki hancereye qarīb olan ālet-i nefeste hādîş olan sebep ile ʿarıd olur. [299b] O sebep verem veyāhūd inṭibāk veyāhūd ālāt-ı istinşākı tahrîkten kuvvetin ʿaczi mişli nesnelere olur.

Ve senin maʿlūmudur ki verem veyāhūd ʿuḍv-ı mücāvirin dağtı cārının menāfizini sedd eder. Ve kezālik senin maʿlūmudur ki o ʿaḍalāt ki onun aʿḍāyı tahrîki hasebiyle havā hāricden müncezib olur; o ʿaḍalāt, hancerenin ʿaḍalātı olur. Ve hancere ʿaḍalının havāyı cezbi keyfiyyeti ne vech üzere olduğunu bābu't-teneffüste biz beyān eyleriz ki dāhîl-i hancerede ve havālî-sinde olan ʿaḍallere baʿdı kerre yübs istilā eder. Ve yübs ve cefāf hasebiyle o ʿaḍaller aʿḍā-i teneffüste fiʿlini icrādan ve ʿuḍv-ı mücāvirini tahrîkten ve ʿuḍv dahi havāyı cezbinden ʿaciz olur.

Ve baʿdı kerre dahi o ʿaḍalāta istir[hā] veyāhūd teşennüc veyāhūd āfet-i āher ʿarıd olup mecrā her ne miqdār mesdūd olmasa dahi hayvān teneffüs etmeğe kâdir olmaz.

Ve baʿdı kerre dahi ihtināk ʿuḍv-ı mücāvirin aʿḍā-i teneffüsü dağtı edip o ʿuḍv-ı teneffüs munṭabîk olmakla olur. Ve bu vechle ihtināk ve inṭibāk aşl-ı ʿunukta olan fekārâtın bāṭın ve dāhîl cihetine zevāliyle hāşıl olur. Ve o zevālînin sebebi darbe ve saḳtadan biri olur ve ona ʿilāc olunmaz.

Ve baʿdı kerre dahi fekārın zevālî harezātın ʿaḍallerinin ve rābıtasının teverrümü ile ve kezālik merī ʿaḍalının ve rābıtasının teverrümü hasebiyle olur. Ve o harezatin dāhîle incizābı müşāreket ile olur veyāhūd harezāta

295 Maʿlūm buyurula ki *Kânûn*'un istiʿmālâtından fehm olunan budur ki hunāk ve zebha bir maʿnāya ola, lākin *Muʿālecāt-ı Bukrāṭiyye*'de Ahmed-i Taberī min-beyni aşnāfi'l-hunāk mistakîl bir bābda irād eyledi ve “el-Bābu't-Tāsiʿ ve'l-Erbaʿüne Fi-Veca'i'l-Halhi'l-Maʿrūfi bi'z-Zebhi” unvāni ile muʿanven eyledi ve dedi ki “Hulkūmun iki cānibinde iki ʿaḍale vardır ki onunla ve merī cildesi ile izdirād tamām olur. Ve merī ve hulkūm ağızlarında dahi bir ʿaḍale vardır ki ona tarcehāriyye derler ve reʿs-i mizmār dahi derler. Ve baʿdı kerre gālîz ve fāsîd ve hāddü'l-keyfiyyet ve sühünātı o ʿaḍallerden birine munşabb olup onlarda verem-i hārr ihdās eder ve hāricden o maḥallin üzerinde kulaktan kulağa hilāliyyü'ş-şekl humret zāhir olur ve bu veremde haṭar-ı şedîd olur. İntehā.

esbâbdan bir sebep ʿarîḍ olmakla o sebep harezâtı bâṭına cezb eder veyâhûd harezeye teşennüc ʿarîḍ olmakla bâṭına müncezibe olup ihtinâḳ-ı nefesi icâb eder.

Bu ihtinâḳın erdeʿi yübüsetten olan ihtinâḳ olur. Ve ʿaşaba işâbet edip yübüsete ʿaşabı müstaʿidd eden âfât-ı sāire dahi erdeʿ olur.

Ve ihtinâḳın şıbyâna ʿurûḍu keşîrîʿl-vuḳûʿ olur, şıbyânın erbitası leyyin olmak hasebiyle.

Ve ihtinâḳın ziyâde haṭarlısı feḳârât-ı ʿunuḳtan fıḳra-i şāniyenin ve fevḳinde olan fıḳranın zevâli hasebiyle olan ihtinâḳ olur. Ve eger fıḳra-i şāniye tahtında olan fıḳralardan birinin zevâli ile hâdiş olur ise o ihtinâḳ eslem olur. Ve fıḳra-i ülä zevâlınden olan ihtinâḳ eşedd ve eḥadd olur.

Ve mücāveret hasebiyle olan ihtinâḳ kabîlinden olur dîdân hasebiyle olan ihtinâḳ ve biz onu ʿusr-i izdirâd bâbında zıkr eyledik

Ve evrâm aḳdâ-i müteverrime iʿtibârı ile dört kısma münḳasım olur, zîrâ ihtinâḳı icâb eden verem baḳdı kerre ḥancerenin ḥâricinde olup ḳuddâm cānibine veyâhûd esfele mâile olan ʿaḳalâtın birinde olur bir vech ile ki veremin ḥumreti muḳaddem-i ʿunuḳta veyâhûd şadrda veyâhûd ḳassta²⁹⁶ zâhir olur ve veremin kendi dahi zâhir olur.

Ve baḳdı kerre dahi verem ḥancerenin ḥâricinde olur velâkin ḥalfe mâil olur. Ve verem ʿaḳalât-ı merîde dahi olur ḥattâ verem ve veremin ḥumreti ve levni dâḥil-i femde zâhir olur.

Ve baḳdı kerre verem ve veremin levni biʿl-müşâreke feḳâra ve nuḥâʿa teʿeddî eder veyâhûd verem merînin ʿaḳalât-ı bâṭinesinde ve merîyi vely eden aḳdâ ʿaḳalâtlarında olur, biʿl-cümle nefesi taḳyîḳ eder ve o verem hisse zâhir olmaz.

Veyâhûd verem ḥancerenin ʿaḳalât-ı bâṭinesinde olur ve ḥancerenin ğışâ-i müstebṭnında olur. Ve bu kısmdan ʿarîḍ olan veremin ihtinâḳı sāir ihtinâḳtan şerrli olur ve hisse bu dahi zâhir olmaz.

Ve baḳdı kerre ihtinâḳın sebebi zıkr olunan evrâm-ı erbaʿadan iki sınıf veyâhûd üç sınıf veremlerin ictimâʿından hâdiş olup sebab-i verem terkîb-i şünâi yâhûd terkîb-i şülâşî ile mürekkeb olur. Ve zıkr olunan evrâmın sebebi evrâm-ı sāirenin sebepleri gibidir.

296 “Ḳass” sîn ile ve şād ile lügattir, şadrın vasaṭında adlâʿın mültekâsıdır.

Ve ba'đı ağdiye vardır ki onu tenāvül edenlerin zıkr olunan a'đalarında o ağdiye evrām-ı erba'adan birini ihdās eder, ḥandeķūkā gibi. Ve ba'đılar dediler ki ḥandeķūkānın, ḥass ve hindebādan biri tiryāķı gibidir.

Ve bu evrām ba'đı kerre cemī'an bedende imtilā yok iken ve beden naķī iken mücerred a'đā-i nefes ve ḥalk civārında imtilā olmak ile zıkr olunan veremlerin biri ḥadis olur.

Ve ba'đı kerre ihtināķa mü'eddī olan evrām vech-i āḥer ile taķsīm olunur ve denilir ki ḥalkta olan evrāmın ba'đısı ḥāricde ḥisse zāhir olur. Ve ba'đı āḥeri te'emmiil ve tefekkür olundukta bāḥin-ı ḥalkta ve dāḥilde verem olduđu ḥisse zāhir olur ve ba'đısı ḥisse zāhir olmaz. Ve ḥisse zāhir olmayan verem merīde olur veyāḥūd dāḥil-i ḥancerede olur. Ve onlara ittīlā' ağzını fetḥ ve lisānını del' ve iḥrāc edip lisān üzere cānib-i esfele Őiddet ve kuvvet ile ğamz etmek ile ḥāşıl olur.

Ve bu evrāmın mādresi ba'đı kerre dem ve ba'đı kerre mirre-i Őafrā ve ba'đı kerre balğam olur.

Ve ihtināķın ekşer-i ḥālede sebeb-i fā'ilisi irḥā ḥasebiyle 'ađalin intıbāķı ve mecrā-yı nefesi seddi olur. Balğamdan olan, selīm ve bür'ü sehl ve serī' olur. Ba'đı kerre kırk gün miķdārı mütemādī olur. Ve balğamī ihtināķın kimisi balğam-ı lezic-i ğalīz-i bārid ile tevelliid eder. Ve ba'đı balğamī dahi balğam-ı laḥif-i ḥārrdan tevelliid eder.

Ve ihtināķı mücib olan verem ba'đı kerre ḥancerenin 'ulyāsında olan 'ađalātta olur. 'Ađalāt-ı 'ulyā veremi balğamdan dahi tevelliid eder.

Ve ba'đı kerre verem süflānī olan 'ađalāt-ı ḥancerede olur ve o veremin mādresi Őafrā-i laif olur, zīrā balğam-ı ğalīz 'ađalāt-ı süflāniye re'sten ba'īd ve dimāğdan dūr olmakla o maḥalle vāşıl olmaz ancak ḥārr ve laḥif olan mirre-i Őafrā tevrīm eder ve süflānī 'ađalātı sevdā lā-maḥāle tevrīm eylemez ve 'ulyāyı tevrimi dahi nādir olur.

Ba'đılar derler ki sevdādan ihtināķ 'ārid olmak mümteni' olur, zīrā sevdā bir 'uđvdan 'uđv-ı āḥere def'aten muñşabb olmaz. Őāḥib-i *Ķānūn* der ki ba'īd değildir ki her ne kadar nādirü'l-vuķū' ise ba'đı kerre mādde-i sevdā-viyye bir 'uđvdan 'uđv-ı āḥere def'aten nüzül eyleye veyāḥūd kalilen kalilen nüzül edip ihtināķa mü'eddī tevrīm eyleye. Ve ba'đı kerre dahi 'ađalāt-ı mezkūrede olan verem sevdāvī verem-i ḥārrdan intikāl ḥarīķiyle olur ya'nī

evvelâ ‘ađalâta mirre-i şafırâ munşabbe olup verem hâdis olduğundan mādde-i veremin laţifi muhterik olup verem hârr-ı sevdâvî olan vereme intikâl eyler. Pes o sevdâvî evrâm cemî’an erde³ olur.

Ve verem-i hunākî hâlî değıldir ki yâ maĥnūķu katl eder veyāĥūd mād-desi intikâl eder veyāĥūd dāĥil-i kaşabede teķayyuh ve tecemmu^c eder.

Ve ba‘dı kerre dāĥil-i kaşabede verem hâdis olur velâkin o verem ĥanık eylemek mertebesine vāşıl olmaz.

Ammâ o hunāk ki ġâyette redî olup ‘ale’d-devām ağzını açıp ve lisânını del^c ve iĥrâca muĥtâc ola, o âfete hunāk-ı kelbî derler.

Ve aşnâf-ı hunākta dāĥil-i ĥancere ‘ađalinden hâdis olan ve dāĥil ve ĥâricde olan veremlerin hunākına ve feķârın zevâlınden olan iĥtinâķa dahi hunāk-ı kelbî tesmiye olunur.

Ve ba‘dı kerre hunākın mād-desi riyeye intikâl [edip] zâtü’r-riye iĥdâş eder ve ba‘dı kerre dahi mādde-i hunāk ‘aşaba intikâl edip ‘aşabda teşennüc iĥdâş eder ve ba‘dı kerre mādde nevāĥî-i ĥalbe intikâl edip kâtil olur ve ba‘dı kerre dahi mādde-i hunāk mi‘deye intikâl eder.

Ve hunākta helâk olan kimselerde evvelâ teşennüc ‘arıđ olup ba‘de-hu helâk olur. Ve ba‘dı kerre hunāk-ı kelbî yevm-i evvel ile yevm-i râbi^c arasında katl eder. Ve rebî-i şitevide ba‘dı kerre hunāk mişlli emrâđ keşî-rü’l-vuķū^c olur.

Ve kaķan hunāk müştedd olsa nefes munĥurî olur ya‘nî burun deliklerinden ĥurüc eder ve revşe ya‘nî ernebe ve ‘arteme dedikleri burnun ucuyla o nefese i‘ânet olunur, zîrâ o nefes revşeyi ve şadı tahrîke ziyâde muĥtâc olur ve kezâlik ziyâde sür‘ate ve tevâtüre muĥtâc olur. Eger ĥuvvet ĥaviyye ise lâ-maĥâle nefeste sür‘at ve tevâtür olur ve nefeste nefĥa olmaz.

Ve hunāk ĥummayât-ı [300a] muţbıķada olan hunāk cüderîyi inzâr eder. Ve ĥummayât-ı muţbıķada ‘arıđ olan boġaz ağrısı dahi cüderîyi inzâr eder, o ağrı her ne ĥadar hunāk sebebiyle değıl ise.

Ĥummayât-ı ĥâddede ‘arıđ olan iĥtinâķ cidden redî olur, zîrâ teneffüse iĥtiyâc o hunākta cidden şedîd olur. Ve o hunāk yevm-i buĥrânda hâdis olur ise meĥûf ve kâtil olur; evrâm-ı hunākîyye ile buĥrân lâ-maĥâle kâtildir.

el-‘Alâmât: Bi’l-cümle aşnâf-ı hunâķa ‘âmm ve şâmil olan ‘avârıđdan olur dıķ-ı nefes ve fem meftūĥan bâķî kalmak.

Ve bir nesneyi bel'in şuşûbet ve imtinâ'ı ve bel'in şuşûbeti ba'dı kerre o rütbeğe bâliğ olur ki maĥnûk olan kimse şûrb edeceđi suyu ibtilâ'e eyledikte bođazından su geçmeyip munĥurlarından ĥârice ĥurûc eder. Ve yine 'avârıd-ı 'ammdan olur 'aynın cuĥûz ve irtifâ'ı. Ve ĥunâķın şedîd olanlarında lisânın del'i ya'nî taşra çıkması ve lisânın da'f-ı ĥareketi. Ve ba'dı kerre bu ĥâlet dâim olup munĥureynden tekellüm edenlerin kelâmına o maĥnûkun kelâmı müşâbih olur. Ve fi'l-ĥaķıķa o mişli maĥnûkun munĥureyni mesdüldür ve kelâmı munĥurdan tekellüm eylemek onlar ĥaķķında mutaşavver deđildir velâkin kelâm-ı munĥurîye onların kelâmları müşâbih olur.,

Ammâ balğamî ve şulb olan ĥunâķta veca' ziyâde şedîd olmaz ve ĥunâķ-ı ĥârrede veca' ziyâde olur.

Ve kaĥan veca' şedîd olsa ba'dı kerre raķabenin küllîsi müntefiĥa olup şişer ve vech dahi kezâlik müntefiĥ olur ve lisân tedellî eder ya'nî esfele sâķıt olur.

Ve zebĥanın eslemi zebĥası olan kimsenin nefesinde 'usret ve şuşûbet olmayanlar olur. Aşĥâb-ı ĥunâķın nabdı zamân-ı ibtidâda mütevâtir ve muĥtelif olup sonra şađîr ve mütefâvit olur.

Ve verem ĥasebiyle olan ĥunâķın cemî'an aşnâfi bu 'alâmetlerde müşterek olur ki onların merîleri ve ĥancereleri câsiye²⁹⁷ ya'nî şulbe ve mütemeddide iĥsâs olunur ve ĥissi başar veyâĥûd lems ile olur ve ke-enne ĥunâķın şâĥibi kay'ı iştihâ eder gibi olur.

Ammâ aşnâf-ı ĥunâķın zevâl-i fıķra ĥasebiyle olanlarının 'alâmeti o maĥnûkun raķabesi dâĥile müncezibe olur ve mevđi'-i zevâl teķaşşu' eder ya'nî kaş'a ve kâse gibi çukurlanır. Ve o mevđi'e lems olunsa veca' ĥâdiş olur ve kaķâsı üzere istilkâ eylese bir nesneyi yutmađa ve ibtilâ'a kâdir olmaz.

Ve zebĥa ile zâtü'r-riyenin her birinden đîķ-ı nefes ĥâdiş olur. Ve ikisinden her birinin farkı budur ki zâtü'r-riye def'aten ĥânîķ olmaz, iĥtinâķ onda tedrîcle 'arîd olur, ammâ zebĥada iĥtinâķın 'urûđu ba'dı kerre def'aten olur.

Ve ĥancere vereminden ĥâdiş olan iĥtinâķ ile merî vereminden ĥâdiş olan iĥtinâķ dahi biri birlerinden bu vechle fark olunur ki ĥancere vereminde bel' ve bir nesneyi yutmak mümkün olur ve nefes 'usretli olur, ammâ

297 "Câsiye" şulbe ma'nâsıdır.

merî vereminde 'aksi üzere bel' mümteni' ve teneffüs bilâ-'usret mümkün olur. Ve ba'dı kerre hancere veremi büyüyüp bel'e dahi imtinâ' gelir. Ve merî veremi dahi büyüyüp teneffüste dahi 'usret ve imtinâ' olur.

Ve merî veremlerinden dîk-ı nefes ihdâş eden verem merînin a'lâsında olan veremdir ve esfelinde olan verem ile dîk-ı nefes 'arıd olmaz, zîrâ nefesin mecrâsı kaşabe-i riye olur. Ve merînin fevkte ve a'lâda olan 'adalâtı teverrüm eyledikte o verem kaşabe-i riye tecvîfini ta'dyîk edip dîk-ı nefes ihdâş eder. Ammâ esfel-i merîde olan 'adalât veremleri kaşabe-i riye'yi sedd eylemez ve ondan dîk-ı nefes cidden 'arıd olmaz; min vechin dîk ve 'usret bulunur ise teneffüs ondan mertebe-i imtinâ'a varmaz.

Ve kaçan verem merînin 'adalât-ı dâhiliyyesinde olur ise o verem hisse zâhir olmaz ve belki lisân hanek-i esfele şedîden latı ve teseffül eder.

Ve ba'dı verem redî olup ondan bür' recâ olunmaz ve ba'dı âherde redâ'et o miqdâr olmaz ve ondan bür' recâ olunur. Ve redâ'eti kalîl olan kısım-ı sâni 'adalât-ı merînin âhîrde ve esfelde olan 'adalinde olup hisse zâhir olmayan verem olur. Pes bu veremlerin arasında emr-i fâriķ budur ki kalîlü'r-redâ'et olan veremde dîk-ı nefes ancak zamân-ı bel'de olur, ammâ redî olan verem hancerenin dâhîlinde olup o dahi hisse zâhir olmaz, hâricden ihsâs olunmaz ve mañnûkun halkı te'emmül olunsa dâhilde verem olduğu dahi bilinmez belki o verem gavrda olur, hâricden veyâhüd dâhilden ona ittilâ' ve ihsâs mümkün olmaz ve bu verem gâyet-i redâ'ette olur. Ve hâricden ihsâs olunup dâhilden ihsâs olunmayan veremin redâ'eti ondan dūn ve noķşân olur. Ve hunâķ-ı redîde men'-i nefes serî'an ve 'aceleten 'arıd olur; o redî hunâķın şâhibi istilkâ eylese nefesi aślâ ve külliyyen müntefî olur ve istilkâ eylemese nefesinde 'usret olur lâkin külliyyen imtinâ' olmaz.

Ve redî veremin 'alâmet-i uhrâsı budur ki o verem şâhibi boynunu dâimâ temdîd eder ve boynunu uzatmak ve temelmül etmek ya'nî bir taraftan taraf-ı âhere tahavvül ve teķallüb etmek ile teneffüse ihtiyâl eder ve ona intişâb ve dik durmak vâcib ve dârūrî olur, ıd'ticâ'a kâdir olmaz.

Ve kaçan mañnûkun dîk-ı nefesi ve ebhîre-i duhâniyyeyi iħrâca hâceti kuvve-i müteneffisenin hâl-i teneffüste ruķübâtı hârice iz'âc ve 'unf ile iħrâc eylemesi mertebesine bâliğ olup 'unf ve iz'âc olunan ruķûbette zebediyyet zâhir olur ise o mañnûktan bür'ü recâ olunmaz ve ona mu'âlece olunmak

vâcib olmaz belki ba'đı kerre maĥnûķun nefşinde zebediyyet aĥyānen bulunup zikri mürür eden vech üzere olmaz ise o maĥnûķa berā'et 'arıđ olmak recā olunur onun için o maĥnûķ-ı müzbidde kuvvet ve ta'āma şehvet mevcüde olur ve ondan 'āfiyet me'mül olur. Ammā o maĥnûķun yüzüne ĥudret ve meĥācir-i 'aynlarına sevād 'arıđ olsa o maĥnûķ meyyittir ya'nī helāke müşriftir.

Ve kezālik maĥnûķun nabđı şaĥir ve eṭrafı bāride ve lisānı ġalīz ve esved olsa bu 'alāmetler dahi 'alāmāt-ı rediyye olur.

Ve ĥavānīķte ĥummā-ı şedīde 'arıđa olsa mevt 'ācil ve müsri' olur, zīrā ĥummā nefes-i keşire muṭtāc olur ve maĥnûķun nefesi ħalīl veyāĥūd 'adīm olmakla mevt mübāderet ve müsāra'at eder.

Ve ba'đılar maĥnûķa mevtin serī'an teveccüh eylediĥinin 'alāmātını beyān edip dediler ki bir kimsede ĥavānīķ olup mu'ahĥar-ı 'unuķunun levni ĥumret-i mu'tādesinden beyāda veyāĥūd ĥudrete müteġayyir olup ibṭlelerinde ve ürbiyyelerinde 'arāķ bādir olsa o maĥnûķ iki ĥünün birinde ya'nī yevm-i evvelde veyāĥūd yevm-i şānīde meyyittir, te'ĥir olunmaz.

Ammā maĥnûķun recā-i bür'üne ve şıĥhatine 'alāmet budur ki onun ĥumreti ĥārice ĥurūc eder ve ĥāricde ĥumretin zuhuru 'alāmet-i maĥmüde olur. Ve çok olur ki ĥumret ĥāricde zuhūr eylediĥi gibi maĥnûķ gözünü açar ve ifāķat gelir. Ve kezālik maĥnûķun nefesi müteġayyir olup nefes-i şaĥir ü kaşir ile nefes almaĥa bed' eylese o dahi 'alāmet-i maĥmüde olur, zīrā maĥnûķ ĥāl-i şiddetinde nefesi taṭvīl eder ve ṭül-i müddet teneffüste ħalīlen ħalīlen havāyı cezb eder. Ve kaķan nefes kaşir olmaĥa başlasa delālet eder ki ĥunāķın şiddeti zāile oldu, nefes-i kaşir ü da'ṭf ona eşiĥĥā gibi kifāyet eyledi, pes bu delālet ile 'alāmet-i maĥmüde ĥāşıl oldu. Ve kezālik ĥunāķ cānibinin cānib-i ĥilāfında verem ĥādiş olsa o dahi senin bildiĥin vech ile ĥunāķın inĥilāline delālet eder.

Ve mādde-i iĥtināķın intikāli 'alāmātı budur ki ĥunāķın vereminde inficār yok iken istirāhata mü'eddī đumür ve inĥilāl müşāhede olunur ve bu vech ile veremi müşāhede eyledikten sonra vâcib olur ki nabđda te'emmmül oluna, nabđ mevcī ve 'azīm olup 'alīlde su'āl dahi var ise delālet eder ki o ĥunāķ zātü'r-riyeye intikāl eder ve eger nabđ müteşennic ise o ĥunāķ teşennüce intikāl eder ve eger nabđ cidden da'ṭf ve şaĥir ise ve tefāvütü dahi

var ise ve hafakân dahi [300b] hâyice ve garîziyyede inhilâl ve gâşy dahi hâdiş olur ise delâlet eder ki mādde nâhiye-i kalbe munşabbe olmuştur. Ve eger mi^cdede veca^c ve gâseyân hâdiş ise o mādde mi^cdeye intikâl eylemiştir. Ammâ hunākın veremi cem^c-i mādde eylediye ona dört günden sonra vereme lînet ^curūdu delâlet eder.

Ve ba^cdı hunākta evvelâ ^cunuқта ve nâhiye-i şadrda humret ^carıda olduğundan sonra o humret-i zâhir gâyibe olup batar ve o humretin gâybeti iki vech üzere olur: Vech-i evvel o maddenin bātına rücū^cundan olur ve vech-i şânî maddenin istifrâğından olur. İstifrâğ maddeden nâşî humret-i mezkûra gâybet eder ise ondan bür^c recâ olunur. Ve bātına maddenin incizâbı hasebiyle olan humretin gâybeti ^calâmet-i rediyyedir.

Ve hunāk-ı demevînin ^calâmeti senin bildiğin dem ^calâmetleridir; lisân ve vech ve gözlerin humretidir ve ağızda dem ta^cmı olmaktadır, ağızda dem halâveti olmakla veyâhüd şarâb-ı şedîd ta^cmı olmakla. Ve yine dem ^calâmetinden olur mañnūқта veca^c temeddüdünün şiddeti ve şedîden nefeste dīk olmak.

Ve ihtināk-ı şafrāvînin ^calâmâtı harâret ve iltihâb ve gamm-ı şedîd ve ^cataş-ı şedîd ve cidden şedîd olan veca^c-ı lezzâ^c ve merâret-i fem ve yübs ve seher olur. Ve şafrāvîde dahi dīk-ı nefes bulunur lâkin demevînin dīk-ı müballigaten bâliğa olmaz. Ve ba^cdı kerre hunākın şafrāvî olduğuna lisânın levni ve mevdi^c-i veremin hurkat ve hiddeti delâlet eder, o mevdi^c-de ke-enne bir şey^c-i lâzi^c vardır diye ihsâs olunur. Ve şafrāvînin veca^cı demevînin veca^cından eķall olur. Ve balgāmî hunākın maddesi balgām-ı mâliḥ ve balgām-ı bürākî vü lezic olur ve harâreti olur, binâen ^caleyh ağızında o keyfiyyette tu^cüm bulunur. Ve ba^cdı kerre ona lisânın ve vechin levni beyâd olmak ve ^cataş ve iltihâbı kalîl olmak delâlet eder. Ve ona ^calîlin lisânına istithâ olmakla del^c-i lisân dahi ^carıd olur. Ve kalîlen onun güddelerine verem ya^cnî halkında olan güddelere şişler ^carıd olur ve o şişin veca^cı kalîl veyâhüd ^cadîm olur ve hummâsı olmaz ve müddeti kırk gün miķdârı mütemâdî olur. Ve bu balgāmî hunākın şâhibi tağaddî edip loķmayı ibtilâ^c murâd eyledikte ona cidd ve ihtimâm eder ise bu nev^c hunākta ictihâd ile loķmayı isâğa mümkün olur, zîrâ balgāmı rıḥv olmakla tenfîz-i loķmayı kâbil olur.

Ve hunāk-ı sevdāvinin ʿalāmeti budur ki veremi şalābetli ve ağzında humūdat ve ʿufūşat olur. Ve o hunākın ʿurūdu defʿi olmaz, tadricle kalilen kalilen ʿarīd olur. Ve baʿdı kerre hunāk-ı sevdāvi verem-i hārrdan intikāl tarīkiyle olur.

Ve aʿdā-i teneffüsün yübsünden ʿarīd olan hunākın ʿalāmeti ağzında ruṭūbetin kıletti ve mā-ı hārr ile vaḳt-i istiʿmâlde intifaʿı olur. Mā-ı hārrın tertīb ve irḫāsı olmakla onunla yābise olan aʿdā-i nefes intifaʿ eder.

Ve bundan sonra maʿlûm buyurula ki baʿdı kimsenin boğazında vecaʿ ḥādīs olup bir sene ve iki sene o vecaʿ mütemādī olur ve o vecaʿ-ı mütemādī delālet eder ki o kimsenin nevāḫī-i ḫalkında faḍl ve mādde taḥaccür eylemiştir. Ve lāyık olur ki onun emri ve tedārükü ihmāl olunmaya ve muʿalecesinin ʿusretinden ve o āfetin şalāḫı kabūlü baṭı olduğından taḍaccur eylemeyip muʿalecesinde muvāzabet oluna. Ve ʿalile dahi vācib olur ki ṭabībın fiʿline tābiʿ ola.

Altıncı Faşl Nevāḫī-i Ḫalkta ʿĀrīd Olan Evrām-ı Ḫalk ve Hancerede ve Hancereyi Muṭīf ve Muḫīṭ Olan Ğudedde ve Lehāt ve Ğaşame ve Levzeteynde ʿĀrız Olan Verem Muʿalecelerinde Tekellüm Eylediğimiz Kelām-ı Küllî Beyānındadır

Bu evrāmı fāʿil olan faḍlın ʿuḍva evvelā munşabb olanları faşd ve ishālle istifrag olunmak vācib olur. Ve yine vācib olur ki mādde cānib-i muḫālife cezb oluna her ne kadar o cezb mevḍiʿ-i veremden baʿid olup mevḍiʿ-i vereme muḳābil olan maḫalle vadʿ-ı meḫācim ile olur ise. Ve eṭrāfı dahi rabṭ-ı mūlim ile rabṭ olunur. Ve edviye-i ḳābıḍa ile bedʿ olunup veremin üzerine ḳābıḍ edviyeye ʿasel gibi kalilen cilāsı olan devā mezc olunur. Ve o ḳābıḍ edviyenin eḑdali cevzin ḳuşūru ve tütun rubbu olur.

Ve bundan sonra maʿlûm ola ki kaçan vecaʿ-ı lehāt ve hunāk zuhūr eylese evvel-i zuhūrunda ḫall ile ğargara māddeyi inşibābdan menʿ ve redʿ eder ve ruṭūbet-i keşireyi celb ve cezb eder yaʿnī hārice iḫrāc ve istifrag eder. Ve bu ğargara eṣnāsında iḫdāş-ı ruṭūbet eden nesnelere imtināʿ ve iḫtirāz olunur.

Ve yine isti'mâli menfa'atli olan edviye-i kâbîdadan olur şebb, 'afş, cûllenâr ve teherrî edince kadar maṭbûḥ hûlv ve ḥâmiḍ iki nev' rummân. Bu mezkûrlar le'ûk ittiḥâz olunup isti'mâl olunur. Kezâlik nâfi' olan devâ-lardandır 'alîlin yâfûḥunu ḥalk edip aḳâkıyâ 'uşâresi ile o maḥalle tılâ etmek. Bu edviyeler ile ibtidâen mu'âlece olunur ba'dehu tadrîcle mündicât isti'mâl olunur ve ba'dehu müfettiḥât-ı kavîyye isti'mâl olunur ḥattâ istidrâc olunarak kuvvette nüşâdur ve 'âkırkarḥâ mertebesine bâliḡ olanlar dahi isti'mâl olunur.

Ve bu bâbda zîkr olunur ki ḥalka nâfi' olan edviyedendir kuşt, kündüs, varaḳ-ı diflâ, merzencûş mişllilerden 'aṭûs ittiḥâz olunup isti'mâl olunmak.

Ḥavânîk ve lehât ve levzeteyn evrâmlarında bi'l-ḥâşşa menfa'ati mücerreb olan devâlardan olur ve bi'l-cümle a'ḍâ-i ḥalka nef'-i 'azîmi olur biraz ḥuyûṭ 'ale'l-ḥuşûş urcuvân-ı bahrî ile maşbûğa olan ḥuyûṭ aḥz olunup onun ile efî ḥanıḳ oluna ba'dehu o ḥayṭ zîkr olunan evrâm şâhibinin boynuna taṭvîḳ oluna. Ve bu vech üzere olan ṭavḳın bu evrâma nef'-i ceyyid-i 'azîmi olup me'mûl ve mütevaḳḳa'dan ziyâde olur. Bu evrâmın cemî'an evḳâtında sût eşref-i edviyeden olur, red'î ve telyîni ve veca'ı teskîni olduḡundan.

Ve vâcib olur ki ḳabḍ ve taḥlîl ve inḍâcı olan edviyelerden birini isti'mâl murâd olundukta te'mmül olunup bedenin ḥâline nazâr oluna ve lîn ve şalâbetine bakıla. Eger beden şulb ise isti'mâl olunan edviye taḳviye oluna ve eger beden mülâyim ve leyyin ise edviye dahi telyîn ve taḍîf oluna. Kezâlik 'alîlin sinnine ve mizâcına ve zamâna ve 'âdete dahi mürâ'ât oluna.

Ve lehât ve levzetân veremlerine ve istirḫâlarına ḥâşşaten ḳaṭla dahi mu'âlece olunur. Ve ḳaṭ ile olan mu'âlecelerine biz bir bâb ifrâd ve ifrâz eyleriz. Ve bu âfetlere olan vücûh-ı mu'âleceden olur onun maḥallini ḡamz eylemek. Ve onun üç maḥalli ve mevḍî'î vardır: Evvelki maḥalli feḳârın zâil olduḡu maḥalldir. İkincisi lehât ve levzetânda olan maḥall-i veremdir, zîrâ ba'dı kerre lehât sâḳıṭa olup ḡamz ile fevḳ cânibine işâle ve terfîc olunur. Ve üçüncüsü 'unuḳtur, zîrâ evrâm-ı balḡamîde ba'dı kerre iki menfez ya'nî ḳaşabe ve merî tecvîfleri ma'an teḍayyûḳ eder. Ve o menfezleri tenḳiye ve telṭîfte 'unuḳa ḡamz ile isti'ânet olunur.

Yedinci Faşl Zebh ve Havānîk ve Sâir Esbâbdan Bir Sebeb ile Hâdiş Olan İhtināk Mu'alecelerinin Beyânındadır

Ammā bu emrâdlardan hunāk-ı hârr mu'alecesinde vâcib olur ki ona faşd ile ibtidâ oluna ve def'aten dem keşiren ihrâc olunmaya, 'ale'l-ḥuşûş kuvvet da'fı aḥz eylese dem-i keşir ihrâcından ihtirâz ziyâde vâcib olur ve o vaqt-i da'fta 'aşreten 'aşreten ya'nî defe'atle faşd olunup her bir faşdda onar katre dem ihrâc olunur. Eger kuvvet da'fa bed' etmedi ise dem ihrâc olunmaktan müneffek olunmaz, gâşye qarîb olunca kadar kavî olan kimselerden dem ihrâc olunur.

Ve yine vâcib olur ki faşdı tefrîk ve defe'atle eyledikte hıfz-ı kuvvete ve def'-i gâşye mü'eddî olur vech üzere tebdîd ve tefrîk eyleye, zîrâ o faşdlardan maḥnûka gâşy 'arîd olsa o gâşy kuvveti iskât edip maḥnûkta sukût-ı kuvvet ve 'usr-i teneffüs cem' olur ve o kimse ihtiyâren veyâḥûd đarûreten taklîl-i gıdâyı dahi aḥz eder ve bu hâletlerin ictimâ'ından lâ-maḥâle ḥaṭar mütevaḳḳî' olur ḥuşûşan ki o 'alilde ḥummâ dahi ola, ḥaṭarı 'azîm olur.

Ve bunlardan mâ-'adâ emr-i faşdda şey'-i âḥere mürâ'ât olunmak [301a] dahi vâcib olur, onun beyânı budur ki emrâd-ı hunākıyyede demin gâlib olup hunâka mü'eddî olduğunun sebebi dem-i ḥayḍ ve dem-i bäsür-dan birinin ihtibâsı olur. O mişlli hunāk mu'alecesinde vâcib olur ki bir maḥallden faşd oluna ki o faşd ile dem muḥtebes olduğu cânibe müncezib ola, meselâ dem-i ḥayḍ ve dem-i bäsür ihtibâsından hâdiş olan hunāk mu'alecesinde şâfin faşd olunur ve iki sâktan ḥacâmet olunur. Ve kaçan o faşd ve ḥacâmet ile dem-i keşir ihrâc olursa sâ'atince 'arîda-i hunāk sâkine ve zâile olur.²⁹⁸ Ve ba'ḍı kerre o faşd ve ḥacâmeti ertesi gün dahi i'âdeye muḥtâc olunur.²⁹⁹

Ḥaḳîkat-i kelâm budur ki 'alîlin ḥâlinin faşdı zamân-ı nuḍca kadar te'ḥî-re taḥammülü olur ise faşdı müdâfa'a ve te'ḥîr eylemek evlâ olur, bedende kuvvet bâkîye kalıp ve istifrâğ mādde-i maraḍın kendiden olsun için. Lâ-

298 Zîrâ dem-i ḥayḍ ve dem-i bäsür esfelden muḥtebes ve a'lâya müncezib olmakla hunāk 'arîd olmuş idi, şâfini faşd dem-i şâ'idi mevḍî-i lâyıķı olan esfel cânibine cezb etmekle mādde-i hunāk maḥall-i veremden tenķiye olunmakla 'arîda-i hunāk külliyyeten zâil oldu.

299 Ya'nî ba'ḍı kerre faşd-ı vâḥid kifâyet eder ve ba'ḍı kerre dahi tekrâr faşda ḥacet olur, dem keşreti ve sebeb-i ihtibâsın kuvvet ve da'fı ḥasebiyle.

kin zamân-ı nuđca mümkin oldukça te'ḥîr lâzım olan faşd faşd-ı küllîdir, zîrâ ḥunâқта қable'n-nuđc irsâlât demekle ma'rif olan faşda mürâ'ât olunur ya'nî evâil-i eyyâmda mütevâliyen ve mirâren faşd olunur ve her birinde demden қатарât-ı ma'düde irsâl ve iḥrâc olunur.³⁰⁰ Ve zamân-ı nuđca gelince iḥrâc olunan dem cemî'an vezn olunsa mādde-i verem olan demin 'öşrüne veyâḥüd ḥumusuna bâliğ olup ziyâde iḥrâc olunmamak vâcib olur. Ve қable'n-nuđc olan irsâlâtle teneffüste sühûlet ḥâşıl olur.

Ve kezâlik ḥunâқта imtilâ olur ise ve ğarâğır ile elem 'arîd olur ise o ğarâğır dahi te'ḥîr olunur, zîrâ o ḥâlde ğarâğır isti'mâl olunsa mādde-i imtilâyı mevdi'-i vereme cezbden ḥavf olunur ve lâzım olur ki ğarâğır dahi ba'de't-tenkıye isti'mâl oluna.

Ve zebḥten bir âḥer şımf dahi vardır ki verem onda ğalşamenin aқşasında olur. Ve kaçan o veremden қable'l-inḥitâḥ faşd olunsa maḥneқа ve boğulacak maḥalle zebḥ 'illeti münḥaḥta olur ya'nî o faşd bâ'is-i helâk olur.

Ve verem-i säire gibi ḥunâқın evkâtı dört vaқte münḥaşire olur: zamân-ı ibtidâ ve zamân-ı tezeyyüd ve zamân-ı intihâ ve zamân-ı inḥitâttır. İşbu ḥunâқın ezmine-i erba'asından her biri ekşeriyâ aḥvâl-i izdirâd ile ma'fûm olur. 'Usr-i izdirâdın evvel-i zuhûru zamân-ı ibtidâ ve 'usrun tezeyyüdü zamân-ı tezeyyüd ve 'usrun bir qarâr üzere vuқûfu zamân-ı intihâ ve 'usrun tenâқuşu zamân-ı inḥitâttır. Ve ḥunâқ mādâm ki zamân-ı tezeyyüdde olup ve faşd-ı bâliğa đarüret mess eylemezse zıkr olunan irsâlât ile iktifâ olunur ve faşd-ı bâliğ nuđcdan sonraya te'ḥîr olunur. Ve ḥunâқın ḥudüşu nâḥiye-i ḥalkta fađla olduğundan olup cemî'an bedende imtilâ yok ise ve bedenden nâḥiye-i ḥalka meded gelmekten ḥavf olunmaz ise faşdı terk eylemek câiz olur ve belki o maḥnûқun bedeninden esbâb-ı taḥallül külliyyen men' olunur, zîrâ keşret-i taḥallül bedel mâ-yeteḥalleli taḥşîli için keşret-i tağaddîye muḥtâc olur. Ve maḥnûқ ise ğıdâdan men' olunur onun için ki beden tağaddî için ruḥübet muḥtâc oldukta mevcüd olan ruḥübeti isti'mâl etmekle mādde-i verem olan ruḥübeti taқlîl eder ve verem olmağa şâlih olan mevâddı cihet-i veremden şarf eder, ke-enne ta'âm tenâvülü terk olundukta bedene ğıdâ olmağa şâlih olan dem қalil olmakla mādde-i veremi beden

300 Қable'n-nuđc iḥrâc olunan dem mādde-i verem demi değıldir belki o dem-i ḥâric dem-i âḥerdir lâkin onda dahi ḥurücu ile keşret def' olup bir miқdâr ḥiffet gelir.

ğaşb eder ve ba'dehu indâc ve işlâh edip bedenin ğidâsını tekşîr eder. Bu veh ile mevâdd ğaşb olundukta lâ-mahâle vereme hiffet gelir.

Ve kaçan faşda mübâderet olunsa ba'dı kerre faşd taħammül olunmaz ve bedel mâ-yetehâllel taħşîli için ğidâ isti'mâline hâcet olur ve ğidâyı isti'mâli maħnûka elem verir huşûşan ğidâyı isâġa müte'azzir ola ve loġma boġazdan geçmeye, o vaġt ğidânın 'azâbı ve elemi ziyâde olur. Lâkin vâcib olur ki taħt-ı lisândan faşda mübâderet olunup te'hîr olunmaya, her ne ġadar yevm-i evvelde olur ise dahi o faşd işlene. Ve kezâlik zıkrî müteġaddim olan faşdât-ı mütefârıka ve irsâlât ešnâsında dahi taħt-ı lisândan faşd oluna, 'ale'l-huşûş taħt-ı lisânda olan damarda temeddüd olur ise o damarı faşd ziyâde nâfi' olur. Ve ba'dı kerre vidâco ya'nî şâh damar dedikleri damarı dahi faşda hâcet olur. Ve ba'dı kerre dahi lisânın kendini şarta ve sâġları hacâmete muħtâc olur, zîrâ şart ve hacâmet ziyâde nâfi' olur. Ve havânîġ 'urûdu mu'tâdı olan kimseye vâcib olur ki kendide imtilâ ihsâs eylediġi gibi ġunâġ 'ârıd olmazdan muġaddem faşda müsâra'at eyleye ve faşl-ı rebî'de dahi faşd eyleye.

Ve şedîdü'n-nef' olan mu'âlecâttan olur cidden ġaviyye olan ġuġne isti'mâline mübâderet eylemek lâkin o kimsede ġummâ olur ise ġuġne-i leyyine isti'mâline iġtîşâr olunur, ġuġne-i ġaviyye isti'mâl olunmaz. Ve maħmûm olmayan maħnûka ġuġun-ı ġaviyye isti'mâlinin ve şiyâfât isti'mâlinin menfa'at-i ġaviyyesi olur.

Ve vâcib olur ki maħnûġ kimsenin eġrâfı tenîl oluna ve şûf ile 'unuġu taġvîġ oluna huşûşan zûfâ-i raġb demekle ma'rûf şûfla taġvîġ olunmak ziyâde nâfi'dir. Ve hangi şûfla taġvîġ olunur ise gerektir ki o şûfe zeyte veyâġûd babadya yaġına ġams oluna, zîrâ bu dühnler müleyyin ve veca'ı müsekkindir. Ve âġir-i demde bu devâlar nef' vermediġi vaġtte o dühnlere cevâzib dahi ġalt olunur. Ve o ġalt olunacak cevâzib bûraġ ve ġardal ve ġuşt ve cünd-i bîdester ve kibrît ve merâhim-i ġaviyye-i muħammire gibi nesnelerdir. Ve kezâlik 'asel-i belâdır ve müneffîġ olan devâlar dahi ġalt olunur.

Ve vâcib olur ki ġunâġı olan kimse yevm-i şâlişe ġadar ğidâsını sikencebîn veyâġûd şarâb-ı 'asele ġaşr eyleye, üç ġünden sonra ba'dı eşribe-i lezîze ile mâ-ı şa'tire tederrüc oluna ba'dehu yumurta sarısına tederrüc oluna. Ve kaçan sühûlet ile ibtilâc ve izdirâd mümkün oldukta ġanderûs ile aġsâ ey-

lemek muvâfık olur ve âhirinde ahsâyı mündicâttan ba' dehu muhallilâtan ittihâz eylemek evfağ olur.

Ve eger bel' ve izdirâd 'usretli olur ise harezât-ı rakabeden harezze-i sâniye üzere maşş ile veyâhüd nâr ile olan mehâcim vađ' olunur, qalilen qalilen menfez genişip ağdiyeden tecerru' olunan eđime sâyığa olsun için.

Ve mehâcim izâle olunmak murâd olundukta maşş ile vađ' olunan mehâcim rıfık ile izâle olunur, ammâ nâr ile vađ' olunan mehâcim bi-nefsihâ sâkıf olur, yed ile izâleye hâcet olmaz. Ve mihceme şart olunup o mevđi' den ve kezâlik ahd'e' ayndan³⁰¹ dem ihrâc olunmakta be's yoktur. Ve kezâlik bunlardan sonra mâdde munkaı'ı'a oldukta baş üzere dahi, mihceme-i vâhîde vađ'ında ve taht-ı halkta zekân üzere mihceme vađ'ında dahi be's yoktur, zîrâ bu mevđi'lerde mehâcim vađ'ı mevâddı cānib-i hilâfa cezb eder ve mevâddı hem taqlil eder. Ve kezâlik evvel-i emrde mihceme taht-ı sedye ve kâhil üzere dahi vađ' olunur.

Ve yine be's yoktur ki hayzurân ya'nî âs-ı berrî mişlli nesne kuṭn ile mel-fûfen halka idhâl olunmakla halk tevsî' ve tenkıye olunur. Ve ba'dı kerre zeheb ve fıddanın birinden kaşabe mişlli bir nesne ittihâz olunup boğaza idhâl olunur ve onun teneffüse i'âneti olur. Ve kezâlik dîk müştedd oldukta rakabe üzere mehâcim vađ'ından lâbüdd olur. Ve bel'ı teshîl ve nefesi tevsî' de ektâfı ya'nî omuz başlarını kuvvet ve şiddet ile oğmak nâfi'dir

Ammâ hunâkın zamân-ı ibtidâsında kavâbıd isti'mâli nâfi'dir huşuşan mevâddı olan hunâkta kavâbıdın nef'ı ziyâde olur. Ve kavâbıdın efdali o kabıddır ki onda keyfiyyet-i kabddan mâ-'adâ bir cevher-i laṭif olur ki o cevher keyfiyyet-i kabdı bâtına tenfîz eder. Ve tecrîbe ile olan istihrâc olunan kavânîndendir ki maḥlûṭ ve mürekkeb olan kavâbıd müfred-i basîṭ olan kavâbıddan enfa'dır. Ve ba'dı kerre evvel-i emrde [301b] ve ibtidâ-i hâlde veca' şedîd olur ve o zamân kavâbıda veca'ı teskîn ve telyîn eder devâlar hâlt olunur ve benefşe şerbeti ve fânîz leben-i hârr ve bezr-i kettân lu'âbı ve meypuhtec lu'âbı gibi evcâ'ı müsekkin ve müleyyin nesnelere hâlt olunur. Ve ba'dı kerre dahi inşibâb-ı mevâdd ekşer olur ve binâen 'aleyh o kavâbıda muhallilât hâlt olunmağa hâcet olur. Ve ba'dı kerre mevâddın inşibâbında kesret olmaz ve dahi kuvvet olmaz, o mişlli verem mu'âlecesinde bed' olu-

301 الاخدعان عرفان في موضع الحجامة في العنق Risâle-i Ebü'l-Faḍl.

nup ʿafş ve nüşâdur istiʿmâl olunur, zîrâ o devâlar mevâdd-ı mütevecciheyi inşibâbbdan kuvvet ile menʿ eder ve munşabb olanları kuvvet ile taḥlîl eder.

Ve ḥunâḳ-ı şafrâvîde vâcib olur ki ona tedâvî ile kaşd tebrîdine ve taḳbîdine ola. Ve o şafrâvî ḥunâḳ muʿâlecesinde leṭûḫât istiʿmâl olunur. Ve yine şafrâvîde ve her ḥunâḳ-ı ḥârrda ğarğarât dahi istiʿmâl olunur ve menâfiḫ ile nefûḫât nefḫi ve neşûrât neşri istiʿmâl olunur. Ve ğarğarât-ı nâfiʿadan olur sikencebîn ve mâ ve ḥall ile ğarğara eylemek, zîrâ bu ğarğaranın ḥârr veyâḫûd bârid olan ḥunâḳın evvelinde menfaʿati olur ve rubb-ı tût ile ḥuşûşan tût-ı berri ve rubbu ile ğarğara dahi nâfiʿdir. Ve bu ğarğaralar zamân-ı evvelde bilâ-sükker ve bilâ-ʿasel istiʿmâl olunup ve onun terkîbine ʿuşâre-i summâḳ-ı müceffife ve ʿuşâre-i ḫışrım-ı müceffife ve kimâmları yaʿnî ikisinin dahi çiçekleri ve cüllenâr idḫâl ve taḳviye olunduktan sonra ve kezâlik bu muḳavviyât ile taḳviye olunmaksız şırfen dahi zıkr olunan ğarğara istiʿmâl olunur. Bu mişlli ğarğaraya ʿasel ḫaltı tenkiye kaşd olundukta olur ve taḳviye için ʿasel ḫalt olunmaz. Ve kezâlik kaşb ve ʿasel taḫbîhi ile summâḳ ve ʿakîd-i ʿineb taḫbîhiyle dahi ğarğara olunur. Ve bundan aḳvâ [olur] cevz-i raṭb ʿuşâresi ve bu ʿuşâre evrâm-ı ḥunâḳın efḫâl-i edviyesinden olur. Ve tâze gül ʿuşâresi ve ḫaşḫâş rubbu kavâbid ile ḫalt olunsâ ibtidâ-i ḥunâḳta nefi şedîd olur. Ve bundan dahi aḳvâ olur âs ve bellût ve summâḳ taḫbîhleri. Ve mâ-ı küzbere ve mâ-ı summâḳ ve mâ-ı ḫuşûruʾl-cevz ve mâuʾl-ʿâs ve o su ki onun içinde cidden ʿades ve sefercel-i ḫâbid taḫb olmuş ola. Ve bu bâbda zuʿrûr ve şebb-i Yemânî için dahi ḫâşşıyyet vardır. Ve kezâlik maḫnûḳun ḫalkına bu nefûḫ nefḫ olunur, o nefûḫ budur: Bezr-i verd ve summâḳ, cüllenâr veznleri berâber, kâfûrdan şeyʿ-i ḫalîl ile aḫz olunup onlardan nefûḫ ittiḫâz olunur. Ve şafrâvî ḥunâḳ için buḫûl-i bâride ʿuşâresine ḫalîlen ḫabḫı olan devâ ḫalt olunup istiʿmâl olunur ve ʿaşaʾr-râî ve ʿinebüʾş-şaleb ve ḫudbânuʾl-kerm ʿuşâreleri dahi istiʿmâl olunur.

Ve şafrâvî ve demevî ḥunâḳlar arasında müşterek olan edviyelerden olur bezr-i verd ve bezr-i baḫlatuʾl-ḫamḫâ ve bezr-i ḫaṭûnâ luʿâbı ve neşâ ve taḫbâşir ve summâḳ ve keşîrâ ve kâfûr. Bu edviyeler aḫz olunup onlardan ḫabblar ittiḫâz olunur ve taḫt-ı lisâna vaḫʿ olunur.

Ve kaçan mevâddın taḫallübü munḫaṭıʿ olsa vâcib olur ki rubb-ı tûta mürr ve zaʿferân ḫalt oluna, zîrâ mürr kuvvet-i ḫabḫı ve taḫlîli ḫasebiy-

le bâtına gāvş eder. Ve za'ferân dahi gāvş edip inđâc üzere bâtında cem^c olurlar ve ittiḥād üzere inđâc ederler. Evrām-ı ḥunākıyyenin şalâbete meyli rü>yeyet olunur ise tûta bûraḡtan bir şey³ ḡalt olunur.

Ve zamân-ı intihāya verem ḡarîb veyâḡḡūd vâşıl olsa yine vâcib olur ki telyîni ve teskîni olan edviye o ḡâlde dahi ḡunākta isti'mâl oluna, içinde fûlûs-ı ḡıyârşenber ḡall olunan leben-i ḡalîb ve zift ḡall olunan rubb-ı tût ve ḡulbe ile tîn ḡabîḡi ve meypuḡtec ile rubb-ı âs ve kerneb 'aşîri 'asel veyâḡḡūd meypuḡtec ile veyâḡḡūd rubb-ı 'ineb ile maḡlûl olan muḡl-i 'Arabî işbu edviyelerin her biri cidden nâfi^c olur. Ve içinde zebîb ḡabḡ olunan mâu'l-uşûl ve ḡulbe ve tîn ve mürr ve za'ferân ve dâr-ı şîni sikencebîn ile yâḡḡūd mâ-ı 'asel ile o edviyelerden ḡargara ittiḡâz olunur. Ve kezâlik mevâdd-ı ḡunākı inđâc için şâhterec dîmâdı mişlî adımıde dahi isti'mâl olunur. Ve maḡnûḡun üzü-nüne bâdem yaḡı taḡtîri dahi nâfi^c olur ve sâ'at-i taḡtîrde nef'i zâhir olur.

Ve sen mevâdd-ı ḡunākın 'adem-i nuḡcunu iḡsâs edip veremde şalâbet rü>yeyet eylesen sana vâcib olur ki onun edviyesinde kerneb isti'mâl eylesesin.

Ve kaçan veremde nuḡc ḡâşıl olsa gerektir ki ictihād olunup tefcîr ve telyîni câmi^c ḡarâḡır ile tefcîr oluna. İçinde edviye-i ḡâdde olan leben ile ḡargara telyîn ve tefcîri câmi^c olur.

Ve eger ḡunākın veremi zâhirde olup 'ahdi ba'îd ve müteḡâvil ise ve tûl-i müddette münfecir dahi olmadı ise onda ḡadîd isti'mâl olunmakta be's olmaz, zîkri âti devâ edviye-i mu'tediledendir ve ma'a-ı'tidâlihi veremi sür'at ile tefcîr eder, o devâ budur: ḡulbe ile tînin ve temrin ḡabîḡi ve kezâlik 'ades ve verd ve rubbu's-sûs ve bezrü'l-merv. *Ve ḡab ile olan nüşhada "bezr-i merv" yerine "bezr-i verd" vâḡı olmuştur.* Pes bu devâların ḡabîḡi telyîn ve tefcîri cem^c eder. Ve bunlar isti'mâl olunduktan sonra bunlardan aḡvâ olan edviyeler tadrîcle isti'mâl olunur, rubb-ı tûta bûraḡ ve mürr-i keşîr ḡalt olunup isti'mâl olunur. Ve kezâlik bezrü'l-merv keḡi sûtü ile ḡall olunup isti'mâl olunur ve edḡân-ı müsaḡḡine ve ḡuşuşan 'asel ve sükker ile isti'mâl olunur. Ve kezâlik mâ-ı 'asel içine tîn ve fûtenec ve merzen-cüş veyâḡḡūd şibt ve na'nâ^c ve nemmâm ḡabḡ olunup mecmû'aten ve müteferriḡaten isti'mâl olunur. Ve bu bâbda ḡuşun 'ale'l-ḡuşuş ḡuş-ı baḡrînin menfa'at-i 'azîmesi vardır, zîk olunan vâḡtte ya'nî müddetin bu'dunda ve intihâ-i ḡaḡıḡide cilâ-i tâmm ḡaşd ve ḡaleb olunur ise. Ve o verem naḡrûn

ve bürak ve hıltit ve mürr ve fülful ve cünd-i bîdester ve zerķ-ı haṭāṭif ve ḥur'u'd-dīk mişli devālar ile tefcīr olunur ve o devālar rubb-ı tūt ile isti'māl olunur ve belki nüşādur ve 'ākırķarhā ve bezr-i ḥarmel ve ḥardal ve su ile bezr-i fücl ve kezālik sikencebīn ile bezr-i fücl bu mezkūrlardan nefūḥāt ittiḥāz olunup isti'māl olunur. Ve nüşādur ile nefḥ olunmak mürīhtir ya'ni o nefḥ ile istirahat ḥāşıl olur. Ve kaçan 'illet münḥaṭta olsa şarāb ve ḥammām ve tenṭil isti'māl olunur.

Şıfatu Ḥabbi'n-Nāfi'ı Fi'l-İntihā: Aşl-ı sūstan dört cüz², hıltit nişf cüz², bunlar kerneb uşāresi veyāḥūd 'aķīd-i 'ineb ile ḥabb kılınır.

Ammā ḥunāk-ı balgāmīnin 'ilācı budur ki ma'ḥūn³⁰² ve mu'vecc bir kaḍīb aḥz olunup üzerine bir ḥırķa sarılır. O kaḍīb-i melfūf ile verem laṭy ve tesfil olunur ve veremin ruṭūbeti onunla tenķiye olunur. Ve balgāmī ḥunākın 'atıķine hıltit ve dār-ı şīnī ile mu'ālece olunur veyāḥūd kūḳiyā ve eyāric ve o mişli müşilātla ishāl olunur ve cidden ḳaviyye olan ḥuķun-ı ḥādde ile iḥtikān olunur.

Ammā sevdāvī olan ḥunāķa enfa' edviye devā-i ḥarmeli ğarğaraten ve dāḥil ve ḥāricden letūḥan isti'māl olur. Ammā o edviye ki onun bi'l-ḥāşşa ḥunāķa nef'i olup küllü vaķtin evfaķ ve devāiyyeti olanlardan olur: ebyaḍu'l-levn kelb ve ebyaḍu'l-levn zı'b tecvī' olunup ona cū'-ı tām̄m ḥuşū-lünden sonra yalnız kemik iṭ'ām olunur ve vech-i mezkūr üzere kelb ve zı'b yalnız 'izām iṭ'āmına müdāvem̄et olunur ilkā eylediĝi ḥur'u ebyaḍu'l-levn olunca ḳadar ve onun ebyaḍu'l-levn ve ḳalīlü'n-netn olan ḥur'u aḥz olunup isti'māl olunur. Ve menfa'atte bu ḥur'lar mişli olur insānın zibli ve 'ale'l-ḥuşuş şabīnin menfa'at-i zibli ziyāde olur.

Ve zibl-i insānı isti'māl eden kimseye vācib olur ki zibli aḥz olunacak insānın ğıdāsını ḥaḍm edeceĝi miķdār kıla. Ve onun efdalı ğıdāsını miķdār-ı ḳalīl ḥubz-ı türmüs eyleye. *Ve bāḍı nüşhada "ḥubz ve türmüs" vāv-ı 'āṭife ile vāķ' olmuştur.* Pes ḥubz ve türmüs ile taĝaddīden sonra üzerine şarāb-ı 'atıķ saķy eyleye. Ve ondan ḥāşıl olunan [302a] berāzı aḥz edip tecfīf eyleye, zīrā netn ve rāyiḥa-i kerīhesi ḳalīl olup isti'mālinde beşā'at

302 “'Āhin” şol ḥurmā budaĝıdır ki ḥurmā göbeĝine ḳarīb yerde bite ve bu ehl-i Ḥicāz lüĝatidir. Ve ehl-i Necd zıkr olunan budaklara ḥavāfi derler, kezā fi-tercemeti'ş-Şihāḥ. Pes “ma'ḥūn ve mu'vecc kaḍīb” demek budaklı ve eğri dal demektir.

olmaz. Ve eger o insân hubz-ı mezkûr ile şey²-i âheri dahi iştihâ ederse ona muvâfık olup ceyyidetü'l-hađm ve hasenetü'l-keymûs ve bi-i'tidâl hâr-rü'l-mizâc olan luğûm-ı dücüc ü hacel ve eṭrâf-ı mâ'iz gibi ağdiye ile tağ-diye olunur, zîrâ bu gıdâların hađmında cevdet olduğundan mâ-‘adâ ihrâc eylediği süflde netn-i rāyiha kâlil olur.

Ve bu hunâkın bi'l-hâşşa nâfi‘ olan edviyesinden olur huṭṭâf-ı muhrağ. Ve onun ṭarîki budur ki huṭṭâf ya‘nî kırlangıç zebh olunup demi kanatlarına isâle olunur ve üzerine milh saçılır ve fînden mütteḥaz bir kûze içinde konulup kûzenin ağzı fîn ile sıvanıp şedd olunur ve tennûra vađ‘ olunup muḥterik olunca kadar terk olunur. Şâhib-i *Kânûn* der ki benim katımda içine huṭṭâf ilkâ olunan zücâc fîn-i hikmet ile tatyîn olunup tennûra vađ‘ olunmak ziyâde şavâb olur. Ve ḥaṭâṭîfin hur²unu ihrâk edip isti‘mâl eylemek ḥaṭâṭîf-i muhrağın kendi gibi nâfi‘dir.

Ve hunâğ şâhibine ba‘dı kerre bu devâyı ḥanekine sürerler, devâ budur: milh, ‘asel, ḥall-i zeyt. Ve evrâm-ı lehâтта dahi bu devâlar ile taḥnîk olunur.³⁰³ Ve ba‘dı kerre dahi merâre-i sevr ‘asel ile ve merâre-i sülâḥfât ve zehretü’n-nuḥâs ve memlûḥ olan semekler ruṡusları ile dahi teḥannük olunur ḥuşuşan evrâm-ı lehâтта bu teḥannük ziyâde nâfi‘dir.

Ve kezâlik sekencebîn ile bezr-i fücl ve kulkuṭâr ve kâlkadîs ṭabḥlarıyla ğargara verem-i negânığa nâfi‘dir.

Ve edviye-i mürekkebeden devâ-i tüt dahi bu bâbda nâfi‘dir, o devâ mürr ve zaferân ile isti‘mâl olunur. Ve yine mürekkebât-ı nâfi‘adandır devâ-i ḥaṭâṭîf ve devâ-i ḥarmel ve devâ-i kuşürü’l-cevzü’t-ṭarî ve akrâş-ı enderûs. Ve bu şıfat üzere olan devâ, nüşha: Kelb-i ebyađın hur²-ı muhrağı veyâḥûd ğayr-i muhrağ olan hur²u bir ūkıyye, fülful iki dirhem, ‘afş-ı muhrağ ve kuşür-ı rummân ve liḥa’l-ḥunzîr ve kurt ve ḍabu‘ bu üç ḥayvânın birinin lihâsı her birinden birer ūkıyye, mürr, kuş her birinden nışf ūkıyye. Bu mezkûrlar cem‘ olunup boğaza nefh olunur veyâḥûd ‘asel ile ma‘cün kılınıp telṭîḥ olunur.

303 Ya‘nî zıkr olunan devâlar ḥaneka vađ‘ olunur. “Ḥanek”ten murâd femin içinde olan saḥṭır; o saḥṭın fevkte olan maḥalline ḥanek-i ‘ulyâ ve taḥтта olana ḥanek-i süflâ derler.

Ve kezâlik hunâkın âhîr vaktinde ve vakt-i şiddetinde şabînin hubz-ı türmüs tenâvülünden hâdis olan 'aziresi ve kelbin hur'u ve haţâţif-i muhrağa ve nüşâdur her günde tekrâren isti'mâl olunur.

Ve ba'đı kerre maĥnûkun lisâmı dahi teverrüm eder ve onun mu'âlecesine dahi ba'đı kerre hâcet olur. Ve evrâm-ı lisânda biz bundan aĥdem tekellüm eyledik. Ve onların içinden bu maĥâma hâşş olan o kelâmımız budur ki onda zıkr olundu ki verem-i lisân için faşd olunduktan sonra mevâddı esfele cezb için ihtiyâl oluna diye. Ve bu maĥâma evfaĥ olan cezb eyâric-i feyĥarâ isti'mâliyle olur, zîrâ o eyâric fem-i mi'de e'âlisinde ve merîde ve ĥalkta olan aĥlâtı bi'l-hâşşa ĥaţ ve inzâl ve esfele cezb eder. Ve eyâric isti'mâl olunduktan sonra üzerine müberridât-ı râdi'a isti'mâl olunur ve 'uşâre-i ĥass bu bâbda müberridât-ı râdi'adan olduĝu rü'yâ-i nâfi'a ile bilinmiştir ve bu 'illette hâşşıyyeti ziyâdedir. Ve bunlardan sonra taĥlîl-i laţife hâcet olur ise o dahi işlenir.

Ammâ feĥârî olan hunâkın 'ilâcı zâile olan fıĥra mevđi'ini ĥalf cânibine ĝamz eylemek ile olur, bu vech ile ĝamz ona nâfi' tedbîrlerden olur. Ve ba'đı kerre âĥer nesneye hâcet kalmayıp bu ĥîle ile fıĥra-i zâile mevđi'-i aşlisine müsteridde olur. Ve o ĝamz ba'đı kerre işba' ile ve ba'đı kerre dahi âlet ile olur ve ba'đı kerre bu ĝamz ĥasebiyle maĥnûĥa râĥat gelir. Ve onun âleti licâm gibi bir şey'dir, ĥalka idĥâl olunup dâĥil olan maĥalli ĥâric cânibine def' olunur. Ammâ evrâmda ĝamzın cidden ĥararı olur.

Ve kaçan hunâĥ müştedd olup bu tedbîrler ona te'sîr eylemese ve helâk müteyaĥĥın olsa onunla taĥliş me'mûl ve mercû olan tedbîr budur: Ķaşabe-i riye şaĥĥ olunur ve o ĥaşabede ĝudrûftan manzûme ve mürettebe ĥalkalar olup o ĥalkalar biri birlerine ribâţlar ile baĝlı olmakla ĥaşabe-i riye şaĥĥının tarîĥi budur ki o ĝudrûfi ĥalkaların kendi şaĥĥ olunmaz ve belki her iki ĝudrûfun arasında olan baĝlar ĥaţ' olunmakla şaĥĥ olunur ve maĥnûĥ o maĥallden teneffüs eylemek ile helâktan necât bulur. Ve ba'ĥdehu tedbîr-i verem mu'âlecesinden ferâĝ olundukta maĥall-i şaĥĥ ĥayţ ile dikilir ve iltihâmı için mu'âlece olunur ve bi-iznillâhi's-şâfi' bür' ve şıĥĥat hâşıl olur. Ve o şaĥĥın şıfatı budur ki maĥnûĥun başı ĥalf cânibine medd olunur ya'ni ensesine kaĝrılıp imsâk olunur ve cilde-i 'unuĥ aĥz olunup şaĥĥ olunur. Ve aşveb olan budur ki cilde şınnâre ile aĥz olunup şaĥĥ mevđi'inden

ib'ād oluna. Ve kaşabenin üzeri keşf olundukta iki halka arası vasaattan ve şakḳ-ı cilde hizāsından şakḳ oluna. Ve verem bür'ünden sonra iplik ile diki-lip üzerine zerrür-i aşfer ekile. Ve vâcib olur ki cild-i meşḳûkun iki şefeleri bükülüp iğne güdrüflara ve ağşiyelere işâbet eylemeksiz dikile. Bu mezkûr-lar bu şakḳın hükmü idi.

Ve ona ğaraḍ ta'alluḳ etmeyip zıkr olunan erbitanın kendide verem ve âfet olduđu zann olunur ise zıkr olunan şakḳı isti'mâl vâcib olmaz. Eger 'alile ğaşy gelip ihtinâḳ-ı tâmm olur diye havf olunur ise müsâra'at ve mü-bâderet olunup huḳun-ı kaviiye isti'mâl olunur ve taht-ı lisânda olan damar ve kezâlik ırḳ-ı cebhe faşd olunur ve bi-şarḥ ve bilâ-şarḥ kafâ üzere ve taht-ı zeḳan üzere meḥâcim ta'lik olunur.

Ve eger o maḥnûḳun sebeb-i ihtinâḳ u ğaşyı ruḥbetin istiğrâḳ ve isti'âbi olur ise o 'alil tenkîs olunur ya'ni başı aşığı cânibe kılınır, ruḥbâtı menâ-fizinden seyelân eylesin için ve ba'dehu kuvveti ve ıtriyeti olan bahûrât ile tütsü verilir ğaşyden ifâḳat bulunca kadar.

Ve hunâḳ-ı şedîdden müteḥalluş olan kimseye vâcib olur ki o kimse ba'de't-taḥalluş faşd eyleye ve birkaç gün noḥûd unundan ittihâz olunan ḥasv ile ve süt ile ve içinde ḥubz idâfe olunan mâ-ı laḥmla ve yumurta sarısı ile tağaddî eyleye.

Ve ma'lûm ola ki boğazında ağrı olan kimseye vâcib olur ki kelâmı terk eyleye, o ağrı hangi ağrı olursa olsun.

Sekizinci³⁰⁴ Faşl Lehât ve Levzeteyn Emrâdı Beyânındadır

Bu iki 'udva ya'ni beyne'l-'avâmm küçük dil dedikleri'udv ve laḥmiyyet ile ḳurbünde olan güddeler gibi nâtî ve mürtefi' iki 'aded laḥm ḳıḥ'alarına nevâzil 'arıda olur ve o nevâzil o 'udvları tevrim eder hattâ o verem nefesi men' eder ve lehâtı müsterḥiye eder. Ve onun 'ilâcında onu ḳabḍ ve tecfif eden edviyelere ḥâcet olur gerekse nezlesi ḥârre ve gerekse bâride olsun ikisinde dahi ḳabḍ ve tecfif nâfi' olur. Ve ba'dı kerre lehâtı ḳaḥ'a dahi ḥâcet olur. Ve bu veremlerin mu'âleceleri hunâḳ mu'âlecelerine ḳarîb olur. Ve ibtidâ-i ḥudûşunda ona leḥûḥât ile ve rıfḳ üzere mess olunur ve leḥûḥ rîşe

304 Bu fasıl "sekizinci" fasıl olması gerekirken yazmalarda "dokuzuncu" olmuş ve "on ikinci" fasla kadar bu sıralama bozulmuştur.

ile mess olunur, zîrâ işba^c ba^cdı kerre ^cunf ile mess eder. Ve rıfķ eylediđi şürette dahi o veremin ba^cdı vaķtı olur ki her ne ķadar işba^c ile ona mess rıfķ üzere olur ise dahi müci^c ve mülüm olur.

Ve o veremlerin büyüklerinde iltihâb kalil olur ve onun üzerinde ^cafşa isti^cmâl olunur, ammâ mültehib olanlarının mu^calecesinde tebrîdi eşedd olan devâlar isti^cmâl olunur, ^cinebü's-şaleb ve bezr-i verd ve verdin yaprađı mişlliler isti^cmâl olunur, zîrâ o bâbda bunların fi^cli ve teşîri kavî olur.

Ve bu bâbda kavî olan edviye olur şamğ-ı ^cArabî ve ğirâ ve keşîrâ ve anzerût bu edviyeler besfâyec ile leţüh kılınır.

Ve kezâlik cüllenâr iki cüz', şebb-i Yemânî bir cüz' bu devâlar harîr ile elenip re^csi ^cardan maķtû^c olan bir mi^câka ile isti^cmâl olunur. Ve ba^cdı kerre bu devâlara za^cferân ve kâfûr dahi ziyâde olunur ve leţuhan isti^cmâl olunur.

Ve kezâlik ^cafş-ı meshûķ ĥall ile ĥalt olunup rîşe ile telţih olunur. Ve yine mâ-ı rummân-ı ĥâmiđ kavâbıđ ile isti^cmâl olunur.

Ve yine şâzenec ve ĥacer-i ķurûĥbûs-ı muĥraq ve aĥrâţûs tesmiye olunan ĥacer ve ĥacer-i efrûĥî ve tabâşîr ve tîn-i maĥtûm u Ermenî [302b] ve rubb-ı ĥışırım ve şevket-i Mışriyye şemeresi ve şebb-i Yemânî ve bezrî'l-verd. İşbu eczâlardan evvelâ mezkûr olan nüşha gibi leţüh ittiĥâz olunur.

Ve şibtin çubu ile tebahĥur eylemek cidden lehâtî ķabıđ olan devâlardan olur.

Ve kezâlik rummân-ı hulv kışrı ile saĥķ olunup ma^ca-ķışrihi ^caşr olunur ve me^cĥûz olan ^cuşâre sūdüsü miķdârı ^casel ile kıvâmlı ve şeĥin ya^cnî koyu kılınıp isti^cmâl olunur, zîrâ ceyyid leţūhtur.

Ve kavâbıđ ile ğarğara olundukta vâcib olur ki mâ-ı ĥârr ile ğarğaraya müdâvemet oluna, zîrâ mâ-ı ĥârr ile ğarğara femi kavâbıđın fi^clini ķabûle müsta^cidd eder ve femi telyîn eder ve kavâbıđ isti^cmâliyle feme şalâbet ^curûdunu men^c eder. Ve kaçan kavâbıđ isti^cmâlinden vereme şalâbet ve in^cîşâr-ı mülüm ^carıđ olur ise onda lu^câb ve şamğ ve keşîrâ ve neşâ ve anzerût ve bezr-i ĥatmî ve nuĥâle ve şa^cır suları isti^cmâl olunur ve eţrâf ^cavsec ^cuşâresi ĥumusu ķadar ^casel ile taķvîm olunup isti^cmâl olunur veyâĥûd o ^cuşâre bir mişli rubb³⁰⁵ ile veyâĥûd verd ve summâķ tabĥları sūdüsü miķdârı ^casel ile kıvâm ĥâşıl olunca ķadar tabĥ olunup isti^cmâl olunur. Ķabđ ve

305 “Rubb” bedeline “zeyt” nüşhadır.

tecîfî olan 'afş ve şebb-i Yemânî ve milhten müttehaz olan devâ mişlliler ile hâricden tılâ olunur ve o mu'alece ziyâde nâfi' ve menfa'ati sâir mu'alecât menfa'atinden akdem ve efdal olur.

Ve sevdâvî verem-i lehât u levzeteyne 'afş-ı ficc bir cüz', zâc-ı ahmer ve summâk her birinden üç cüz' ve şülüş cüz', milh-i meşvî yirmi cüz', bu eczâlar cem' olunup isti'mâl olunur.

Devâun Ceyyidün Fi'l-Ahvâli ve'l-Evkâtı: Şebb-i Yemânî üç cüz', bezr-i verd iki cüz', kuşş bir cüz'. Bu edviyeler ile dımâd olunup rîşe mişlli ile yâhüd mirfa'atü'l-lehât dedikleri âlet ile o devâ sürülür ve devâ-i ceyyid olur veyâhüd ma'a'l-kısr rummân 'uşâresi ahz olunup humusu miqdârı 'asel ile kıvâma getirilir ve onunla tılâ olunur. Ve kezâlik şebb bir cüz' ve nüşâdur bir buçuk cüz' ve nişf cüz', 'afş-ı ficc bir cüz'ün şülüşânı, zâc üç cüz', bu mecmû' isti'mâl olunur.

Ve kaçan bu veremler müntehâya karîb olsa veyâhüd zamân-ı intihâda olsa mürr ve zaferân ve su'd ve onlara müşâbih olan edviyeler ve dâr-ı şîşe'ân hâşşaten ve fikâh-ı izhîr ve 'dânu'l-belesân ve üşne. Bu mezkûrların kendileri lefûhan ve miyâhları gârgaraten isti'mâl olunur, 'ale'l-huşuş o miyâh gârgara olundukta aşl-ı süsen ve bezr-i verd ma'a'l-âsel tabîhi ile ma'an gârgara oluna, menfa'ati ziyâde olur. Ve o 'alîlin kulağına küllî vaktin dühn-i levz taqtîr olunur, nâfi'dir.

Eger levzetân evrâmı cem'-i midde eylese bâb-ı hunâkta zikr olunan sülâkât isti'mâl olunur. Ve veca' dâim olup sâkin olmasa ishâl mu'âvede olunur. Onunla dahi tamâm olmaz ise tahtlîli kavî olan edviyeler isti'mâl olunur; o edviyeler kıssâ-i hımâr, kibrît, kañturiyün, nañrûn-ı ahmer yalnız 'asel ile ve bunlar gibi olan devâlardır.

Ve kaçan verem şulb olup müddeti uzasa hıltît gibi ona nâfi' bir devâ olmaz. Ammâ o verem bir mevdi'de ince ve bir mevdi'-i âherde galîz olmağa başlasa onu sen kaç' eyle. Ve o veremi nüşâdur ile delk ve ıdmâr eylemek mümkün olur ise licâm mişlli olan mil'aka ile nüşâduru ona ref' eylemek evfağ ve evlâ olur. Ve o 'uđv-ı müteverrim kaç' olunmaz ise onun aşlı ya'nî dibi mezbul olmadıkça kaçan lehât kaç' olunmak murâd olursa evvelâ zikr olunan devâ ile aşl-ı lehât zübül üzere kılınıp ba'dehu kaç' olunur. Aşl-ı lisân semîn ve kavî iken kaç' olunmakta hañar-ı 'azîm olur.

Şıfatu Ğargaratı Teceffüfi'l-Evrâm ve Ğurûhı'n-Negâmı ve Tenakkîhâ:
 ‘Ades, cülleñâr her birinden beşer cüz’, māmîşâ, za‘ferân, kuş her birinden birer cüz’. Bu eczâlar suda taḥḥ olunup sülâkasından bir cüz’ aḥz olunup o meḥḥûza nişfi kadar rubb-ı tût ve rubb-ı u kadar ‘asel mezc olunup ğargara olunur.

Dokuzuncu Faşl Lehâtın Suḳûtu Beyânındadır

Ve suḳûḥ-ı lehât ba‘dı kerre ḥummâ ile olur ve ba‘dı kerre dahi ḥummâ-sız olur. Suḳûḥ-ı lehât ona derler ki beyne’n-nâs küçük dil dedikleri laḥm vaḍ-ı taḥî‘isi üzere kâim olmaz belki esfele nâzil olup bir dahi maḥalline varmaz ve loḳma ve bel’ ve izdirâd olundukta o laḥm-ı sâkıḥ mâni’ olur, parmakla dürtülmedikçe boğazdan o loḳma geçmez.

el-Mu‘âlecât: Eger o mevḍi‘de ḥarâret ve ḥumret olur ise sen faşd eyle ve ba‘dehu ebvâb-ı mâdiyede zıkr olunan ğargara ile ve mâ-ı verd ve sirke ile olan ğargara mişlileri isti‘mâl eyle. Ba‘dehu sâkıḥ olan lehâtu verd ve cülleñâr ve şandal ve kâfûr ve rubb-ı tût isti‘mâliyle işâle edip mevḍi‘ine ref’ eyle. Bu edviye ile ref’ olundukta vaḍ-ı taḥî‘isi üzere karar eder ḥuşuşan o işâle licâma müşâbih âlet ile olur ise ziyâde nâfi’ olur. Ve ‘alâ-eyyi ḥâl vâcib olur ki işâle rıfk üzere ola. Ve eger o mevḍi‘de ḥarâret ve ḥumret yok ise sikencebîn ve hardal ve mürrî-i Nebaḥî ile ğargara isti‘mâl olunur ve zıkr olunan âlet ile laḥm-ı sâkıḥ işâle olunur. Ve işâle bu devâlarla olur: ‘Afş-ı meshûk ve nüşâdur-ı meshûk ile olur.

Lehât-ı sâkıḥta olan mu‘âlecâtın aqvâsı âlet ile lehât-ı sâkıḥ ḥâric cānibine medd olunduğu ḥâlde fevḳ cānibine kebs olup ve medd ve kebs edviye-i kâbîda ile mücerreden veyâḥûd muḥallilât ile maḥlûḥan isti‘mâl olunduğu ḥâlde olur. Ve ba‘dı kerre dahi rubb-ı tût ve rubb-ı cevz ile parmaklar telḥîḥ olup lehât-ı sâkıḥ o işba‘la işâle olunur.

Ve kebs ceyyid ve muvâfiḳ edviyeden olur cülleñâr ve şebb ve kâfûr. Ve kezâlik işâle-i lehâta ceyyid olur sükk yâḥûd ‘afş her hangisi olur ise, nüşâdur ile isti‘mâl olunur lâkin lehâta ve ḥavâlisinde verem ve imtilâ yok ise sükk ve nüşâdurdan elḥaf ve isti‘mâle evfaḳ olur.

Ve kaçan lehât işâle olup ve taḥî‘i vuḳûfu gibi vâkıf olup karar eylese o vaḳt mâ-ı şelcle bi’d-defa‘ât ğargara olunur. Bu bâbda mücerrebâtan

olur bezrû'l-verd nıf rıfl, lihyetü't-teys uşâresi üç ūkıyye. Bu iki devâlar ʿasel veyâhüd tılâ içinde tabh olunup istiʿmâl olunur. Ve bu maṭbûh şıbyâna akvâ devâlardan olur. Ve baʿdı kerre ʿafş saḥk olunup ḥall ile istiʿmâl olunsa şıbyânın lehâtını işâle eder, ʿale'l-ḥuşûş bu devâ şıbyânın yâfûhları üzere tılâ olunsa nefʿi ziyâde olur.

Onuncu Faşl Müfreden Kaṭ-ı Lehât ve Bett-i Levzeteyn Beyânındadır

Vâcib olur ki kaṭ-ı lehât kaşd olundukta lehâta nazar olunup diḳkat ve dumûru tefahḥuş, ʿale'l-ḥuşûş [lehâtın] aşlı ve esfeli tefahḥuş oluna. Eger lehâtın tarafı ğalîz olup ondan irin gibi nesne tereşşuḥ eder ise o vaḳt kaṭın evvel vaḳtidir, o vaḳtte ḥadîd ile kaṭ olunur veyâhüd edviye-i kâviye istiʿmâl olunur. Ve ihtiyâṭ olunup kaṭdan muḳaddem müshilât-ı laṭife istiʿmâl olunmakla bedende demden ve ğayrı aḥlâttan imtilâ var ise o imtilâ nefd olunur, zîrâ imtilâ var iken lehâti kaṭda ḥaṭar olur. Ve eger lehât zeneb-i fâr gibi daḳıḳ ve müstaṭil olup lisânın üzerine rüküb eyledi ise ve imtilâ [dahi] olmayıp o lehâtın levni dahi aḥmer ve esved deĝil ise onun kaṭında ḥaṭar ḳalîl olur.

Ve Kaṭ-ı Lehâtın Şanʿatı Budur: Lisân cânib-i esfele kebs olunur ve ḳalîb ile lehâta temekkün ve tevaşşul olunup esfele cerr olunur. Ve kaṭ olunudukta külliyyen istîşâl ve istihlâk olunmayıp bir miḳdârı terk olunur, zîrâ ḥaneke ḳarîb mevḳiʿde kaṭ olunsa baʿdı kerre demini kaṭ mümkün olmaz. Ve kezâlik lehâttan şeyʿ-i ḳalîl kaṭıyla iktifâ dahi câiz olmaz, zîrâ lehât ḳalîlen kaṭ olunup bâḳî kalan maḳtûʿdan ekşer olsa kaṭı mücib olan âfet bâḳî kalan miḳdâr-ı keşirde ʿalâ-ḥâlihi mevcûd olur ve kaṭın fâidesi olmaz. Pes vâcib olan budur ki lehâtın ḳadr-i ṭabîʿiden ziyâdesi kaṭ olunup miḳdâr-ı ṭabîʿisi ʿalâ-ḥâlihi terk oluna.

Ve eger lehât ḥamrâ olup verem dahi olur ise onun kaṭında ḥaṭar vardır, zîrâ baʿdı kerre ḥamrâ-i vârimе olan lehât kaṭ olunudukta dem münfecir [303a] olup reḳûʿattan³⁰⁶ hangi reḳûʿ istiʿmâl olunsa o demi kaṭ eylemez.

306 “Reḳûʿât” kanı dindirici edviyeye derler.

Ve edviye isti'mâliyle dahi lehât kaç olundur ve edviye-i kâti'adan olur: hiltit ve şebb. 'Ale'd-devâm o iki devâ lehâtın aşlına vaç olunur ve ona müdâvemet ile lehât sâkıtır olur. Ve hiltit ile nüşâdur ve zâcât isti'mâli dahi keyy eylemek ile lehâti iskât eder. Ve vâcib olur ki bu edviyelere iktişâr oluna, o edviye dahi âlet-i mevşûfe ile isti'mâl oluna. Ve o edviyeyi ağzında bir sâ'at miqdârı imsâk edip bel eylemeye hattâ te'sîr eyleye ve bir sâ'at sonra yine o edviyeyi tevdîd ve i'âde eyleye ve bu minvâl üzere imsâk ve mu'âvedeye müdâvemet eyleye, lehât kararıp sâkıtır olunca kadar. Ekser-i hâlde zıkr olunan edviye-i kâviye ile üç günde sâkıtır olur. Ve vâcib olur ki ilâc olunan kimse müttekî olup ağzı açık ola hattâ lu'âbı ve ağzının suyu taşraya seyelân eyleye ve ağzında ihtibâs eylemeye.

Ammâ levzetân kaçının şarîkı budur ki şinnâre ile levzetân ta'lik olunup hârice cezb olunur mümkün olduğu miqdâr ve o cezbe şifâk ve ağşiyenin ma'an incizâbından tevaqqî olunur. Ve o levzetândan her biri istidâre üzere aşıldan ve dibinden yukarıdan kaç olunur. Ve eger onlar nütü-ı tabî'ından meyl edip yatmış ise evvelâ tül-i kadîmîsi üzere kılınıp ref olunur ve ba'dehu vech-i meşrûh üzere levzetânın biri kaç olunur ve ba'dehu âlet taklîb olunup âheri kaç olunur ve o iki levzeleri vâhiden ba'de vâhidin kaç şerâyit-ı mezkûreye ri'âyetten sonra olur ya'nî o 'uđvlarda hâre't ve humretten biri olmayıp hacminde verem yok ise olur. Ve kaçan kaç olunan cüz'ler sâkıtır olsa 'alâ-hâlihi terk olunur hattâ miqdâr-ı şâlih seyelân ettirilir. Ve o kimse yüzü üzere mükibb olur ve kebbi hasebiyle o dem boğazına seyelân eylemez. Ve bundan sonra tebrîd olunmuş su ve sirke ile mađmađa eder ve kusar ve öksürür bađnını tenkıye için. Ve ba'dehu mađall-i kaç üzere kulkuđâr ve şebb ve zâc vaç eder ve 'ulleyk³⁰⁷ ve varak-ı âs tabîhi ile müftiren gargara ede.

On Birinci Faşl Lehât ve Levzetân Kaçları Āfâtının Beyânındadır

Bu 'uđvları kaçın āfâtı vardır:

Evvelkisi şavta muđırrdır.

307 "Ulleyk" şeceri gül ağacına ve mîvesi tûşe ya'nî tûş-ı aħmere müşâbih olur ki ba'dı diyârda böğürtlen derler.

İkincisi riyeye harr ve berd hâricden ziyâde vârid olur ve harr u berd-i hâricîler şarâfeti üzere riyeye ta'arruðundan öksürük olur ve 'aşaşa şabrı olmaz.

Üçüncüsü rîh ve ğubâr ve o mişlli olan esbâb-ı bâdiye mi'cdeye vârid olmakla mi'cdeye sū-i mizâc çok 'arıđ olur hattâ onlardan çok kimseler o sū-i mizâc-ı mi'cde hasebiyle havâ-i mu'tedili istibrâd ederler ya'nî mu'tedil havâ ona sovuk gelir ve onlardan çok kimselerde berd müsta'kem olup helâklarına mü'eddî olur.

Dördüncü âfet ba'đı kerre onlara nezf-i dem 'arıđ olup munka'tı' olmaz.

Lehât ve levzetânı ka'tdan hâdis olan nezf-i dem 'ilâcını beyân eyleyelim: Zıkr olunan nezf-i dem mu'âlecelerinde vâcib olur ki 'unuk üzere ve sedyân üzere mehâcim vađ' oluna ve 'urûk-ı sâfile-i müşârikeden ya'nî ibtî mişlli damarlardan mevâddi esfele cezb kaşdı ile faşd oluna. Ammâ edviye-i müfredelerden demi hâbis olan devâlar ve hâbs-i demde müsta'emele olan le'tühât zâc mişlli nesnelerdir ki le'tühân ve zerüren isti'mâl olunur veyâ bi'l-fi'l müberridât-ı nâfi'a selc mişllilerdir ve 'uşârât-ı kâbıda vü bârıde ve 'uşâre-i hışırım ve kerm 'arâcını³⁰⁸ ve rîbâs ve 'inebü's-şaleb ve ekşi ayva suyu mişllilerdir. Ve bu bâbda hâşşıyyeti olduđu mücerreb olan eşyâlardan olup fi'l-hâl isti'mâli vâcib ve Câlînüs'un nef'ini müşâhede eyledikleri devâlardandır diyücânes³⁰⁹ demekle ma'rûf devâ ki ona kühsârek dahi derler. Ve yine nâfi' devâdır lisân-ı hamel 'uşâresini isti'mâl ve huşuşan akrâş-ı kehrübâ ve tîn-i mahtûm ile isti'mâl olunsa nef'î ziyâde olur. Ve vâcib olur ki bu mezkûrlardan hangisi isti'mâl olunsa bârıden isti'mâl olunup hârren isti'mâl olunmaya, zîrâ harâret-i fi'liyye cezbi hasebiyle devânın fi'lini ibtâl eder.

Bu mevđi'de fenn-i tâsi' bihamdillâhi'l-Meliki'l-Vâsi' hatm olunmağın fenn-i 'aşire şürü' olundu hamden şüme hamden.şümme hamden ve şalavâtullallâhi 'alâ-seyyidinâ ve mevlânâ Muhammedin ebedâ.

308 “‘Arâcîn” “‘urcün”un cem'idir, şimrâh ma'nâsınadır. *Terceme-i Şihâh*'ta der ki “‘Urcün salkımın aslıdır ki hurmâ ağacında durduđu yerde eğilir ve kaçan hurmâ salkımı kat' olunsa ağaç başında kurur.” İntehâ. Bu ma'âmde murâd teğek ışıkmı ve ađdar olan ma'halli olur.

309 “Diyücânes” muşahhafıtır, diğürcânes ve diğürces mezkûr fi'l-Câmî, felyütleb, kezâ fi'l-hâmiş.

**KİTÂB-I ŞALİŞ FÜNÜNUNDAN FENN-İ ‘AŞİR AHVÂL-İ
ŞADR VE RİYEDE OLAN KELÂM-I MÜCMELİMİZ
OLUP BEŞ MAKÂLE ÜZERE KILINDI**

**MAKÂLE-İ ÜLÂ AŞVÂT ve TENEFFÜS BEYÂNINDA
OLUP FUŞÛLÜ MÜŞTEMİL KILINDI**

**Evvelki Faşl Hancere ve Kaşabe-i Riye Teşrihleri ve
Riyenin Dahi Kendi Teşrihi Beyânındadır**

Halkın tecvîfi iki tabakaya taqsım olunmuştur, biri fevķānī ve āheri tahtānīdir. Fevķānī olan tecviften riyeeye havā cereyān eder ve onu muhīf olan ‘udva kaşabe-i riye³¹⁰ tesmiye olunur. Ve süflānī tecvife merī derler, mi‘deye ta‘ām ve şarāb ondan sālīk olur. Ve kaçan teneffüs olunsa beyne-hümāda olan hicāb süfle nāzil olup kaşabe tarīķi açılır ve merī tarīķi mes-dūd olur ve kaçan ta‘ām ve şarāb tenāvül olunsa merī yolu açılıp kaşabe-i riye tarīķi kapanır.

İzā ‘arifte hāzā şāhib-i *Qānūn* evvelā kaşabe teşrihine şürū‘ edip der ki kaşabe-i riye harezāt mişālinde biraz gādārīften mü‘elleftir. O gādārīfin kimisi dāire-i tāmme hey’etinde olur ve kimisi dāire-i tāmme olmayıp kavı-ı dāire hey’etinde olur ve nişf-ı dāireye qarīb olur. Ve o gādārīf tertīb ve tanzīm olunup kavı-i dāire hey’etinde olanlar nişf-ı dāireye qarīb olup

310 “Halk” a bir vāv ziyāde olunmakla kaşabe-i riyeeye hulkūm ıtlāk olunur ve kütüb-i lügatte dahi bu “hulkūm” un mecrā-yı nefes ve “merī” nin mecrā-yı ta‘ām u şarāb olduđu muşarrahtır ve teşrihe muvāfiķtır lākin kütüb-i fiķhiyyeden *Hidāye* ‘aks üzere zıkr eder ve Şadru’ş-şerī‘a onu sehve haml eder. Ve Tāciü’ş-şerī‘a der ki şāhib-i *Hidāye* bu kavilde *Mebisūt*’larda zıkr olunan kavle tābī‘ oldu velākin zāhir olan budur ki hulkūm mecrā-yı nefes ve merī ta‘ām ve şarāb mecrāsıdır, hattā “إِذَا” “وَبَلَّغْتَ الْقُلُوبَ” āyeti dahi onu iş‘ār eder. İntehā. Ve sūre-i Ahzāb’da “وَبَلَّغْتَ الْقُلُوبَ” āyetini tefsīrde Beydāvī ve *Keşşāf* şāhib-i *Hidāye* gibi tefsīr ederler. Ta‘accüb olunur ki bu āyette “hulkūm” un mecrā-yı nefes olduğuna delil olmak vādīhtır, zīrā kalbin hulkūmun medhali olan hancereye hurūcu hulkūmun mecrā-yı nefes olmasını iktidā eder ve hem hulkūm mecrā-yı nefes olduğđu müşāhedāttan olur. Pes o fuđālānın kelāmından temehhulāt-ı ba‘id irtikāb olunmađa hācet olur. Ve *Keşşāf*’ın bir temahhulü dahi budur ki “hulkūm” u “galşame” ile tefsīr eder, galşame ise aşl-ı lisāndan hancereye nüzül eden lisān-ı mizmārın isimidir.

kaşabeden merīye mülākī ve esfel olan maħalle nazm olunur. Ve kaçı tarafı merī cānibine olup o nişf-ı dāireye qarīb olan ğadāriften nābit ve hāric olan cism-i ğışā merīye mümāss olur ve ğadārifin kendileri cihet-i kuddāmda olur. Ve ğadārifler ribātāt ile rabṭ ve te'lif olunup üzerinden bir ğışā ile teclil olunur. Ve cümle-i kaşabe iç taraftan dahi müstebṭın ve emles ve yübüsete ve şalābete emyel bir ğışā ile setr olunur ve kezālik kaşabenin ağzı ve hancereyi vely edip a'lāsı olan taraf fevk cihetinden dahi bir ğışā-i mücellil ile setr olunur.

Ve kaşabenin cānib-i esfeli evvelā iki kısma münkasım olur ba'dehu her bir kısım aqsām-ı keşireye münkasım olur. Ve o aqsām-ı şıġardan her biri urük-ı dāribe ve urük-ı sākine şu'belelerinden birine mücāvır olup ma'an riye cereyān ederler. Ve tevezzunun intihā eylediği maħallerde kaşabe-riye şu'belelerinde dayyık fuvvehāt olur; urük-ı dāribe ve urük-ı sākinelere mücāvır olanların fuvvehāti o miqdār adyāk olmaz.

Ve kaşabe ğadāriften halk olunduğunda maşlahat budur ki hāl-i tenef-füste sühulet ile münfetiħa olup mülāyemet hasebiyle kaşabe munṭabıka olmaz ve boynu kuddām cānibine meyl eyledikte o ğadārif kaşabeyi intibāktan muħāfaza eder. Ve ğadārifte şalābet olmakla şavtın hudūsuna sebep veyāhūd mu'in [303b] olur. Ve kaşabede olan ğadārif-i keşire ağşıye ile merbūta olduğunda maşlahat budur ki bu vech üzere olan kaşabenin istinşāk-ı havā ve teneffüs vaktinde imtidādı ve ictimāı mümkün olur ve müşādemāt hālinde ya'nī fevk ve tahttan kaşabeye şadme 'arıda olsa ondan müte'ellim olmaz ve ona iki taraftan incizāb 'arıda olsa [dahi] ondan müte'ellim olmaz ve o ğadāriften birine āfet işābet eylese mađarratı āherlere sāriye olmaz. Ammā 'aded-i ğadārif hālā mevcūd olan miqdardan noşşān olsa bu fāideler hāşıl olmaz.

Ve o ğadārif müstedire olup eşkāl-i sāireden bir āher şekl üzere olmadığında maşlahat budur ki muħīt-i dāirenin tecvīfi evsa' ve muħātı sāir tecvīfin muħātından ekşer olur ve şademāt katında şekl-i müstedirin đararı eşkāl-i sāirenin đararından eķall olmakla şekl-i müstedir eşkāl-i sāireden eslemolur.³¹¹

311 Zīrā şey-i şādım şekl-i kürī üzere mümāss olur ise şekl-i müstedire mümāssesi bir cüz ile olur, bākiler dahi bu kıyās üzeredir.

Ve o ğadârîften merîye mümâss ya'ni muhâzî olanlar nısf-ı dâireye karîb olup tedvîri nâkış ve ğayr-i tâmm olduğunda maşlahat budur ki kaçan ta'am tenâvül olursa merîye nâfîze olan loğmanın müzâhimi olmamakla üzerinde olan hicâbı fevk cānibine def' eder ve merî si'aya temeddüd eder, o taqđîr üzere kaşabenin tecvîfi müste'an³¹² olup merî ondan isti'anet eder, zîrâ merî loğma memerrini tevsîr için münbasıt olsa hicâb ya'ni merînin saḥ-ı a'lası kaşabenin tecvîfine müncezib olur ve kaşabe tecvîfinden bir miqdârı merî tecvîfine munḍamm olmakla merîye vü'sat gelip loğmanın nüfûzu sühûletli olur.

Ve teneffüs ile izdirâd zamân-ı vâhidde cem' olmaz, zîrâ izdirâd merînin infitâhı ve kaşabenin intıbâkıyla olur ve teneffüs kaşabenin infitâhı ve merînin intıbâkıyla hâşıl olur. Ve bu iki sebep arasında mübâyenet ve müdâdde olmakla teneffüs ile izdirâdın ictimâ'ı mümkün olmaz.

Ve nefes mecrâsı olan kaşabe-i riye ta'am ve şarâb mecrâsı olan merînin üzerinde halk olundu onun için ki 'aks üzere olup merî kaşabenin fevkinde olsa merîden mürûr eden ta'am ve şarâb kaşabeye nüfûz ve riye'yi izâ eder. Ve kaşabe cihet-i fevkte olmakla riye me'mûnu'l-ğâile olur.

Ve kaşabenin inṭibâkı ve kapanması kitâb-ı evvelden hancere ğudrûflarını teşrîh faşlında tafsîl olunduğu üzere mikebbî ve lâ-isme leh demekle iki 'aded ğudrûfların mecrâ-yı nefes üzere kapanması ile olur. Ve kaçan kay' ve izdirâddan biri vâki' olsa vech-i meşrûh üzere mecrâ-yı nefes olan kaşabenin ağızı evvelâ kapanır ba'dehu kay' ve izdirâd vâki' olur. Ve hâl-i teneffüste kay' ve izdirâd vâki' olmaz, zîrâ karîben beyân olunduğu üzere kay' ve izdirâd hancerenin inṭibâkına ve teneffüs onun infitâhına tevaḳḳuf eder. İnfitâh ve inḳıbâd arasında müdâdde olmakla cem' mümkün olmaz.

Ve şavt hâdiş olsun için bir şey ya'ni bir lahmiyyet halk olundu ki ona lisân-ı mizmâr tesmiye olunur, o şey hancereden kaşabeye nüzül eder ve o lisân düdükte olan lisân gibi hancerede müttesi' ve geniş olur ve si'adan bed' edip tadrîcle teḏâyuk eder ve kaşabenin femi onunla dar olup ba'dehu

312 Ba'dı nüşhada "müste'an" bedeline "müste'ar" vâki' olmuştur, o müveccedir. Ve bu takrîrden zâhir oldu ki tâmmü'l-istidâre olan ğadârîf kaşabenin hancere tarafından merîye müzâhim değildir, zîrâ zamân-ı intifâhında merî esfele müncezib olup o tâmmü'l-istidâre olan ğadârîfe müzâhim olur, merîde intifâh olmaz.

fezâ-i vâsife müntehî olur ve bir muh̄bis h̄asebiyle şavtın taḍyîk olunması şavtın zuhûruna sebep olur. Ve lisân-ı mizmâra müşâbih olan o cirm gâhice mundamm ve gâhice münfetiḥ olur ve onunla şavta qar^c eder.

Ammâ kaşabe-i riyei müstebḥın olan ğışânın şalâbet üzere olduğunda maşlahat budur ki baştan nüzül eden h̄iddetli nevâzile ve kalbden merdūd olan nüfûs-ı rediyye ve ebḥure-i duḥâniyyeye şalâbet-i ğışâ h̄asebiyle muḳâvemet eyleyip qar^c-ı şavt ile müsterḥî olmaz.

Ve kaşabenin evvelâ iki kısma münkasım olduğu onun içindir ki riye iki kısımdır, kısım-ı vâhidi şadrın iki tecvîfinden tecvîf-i eyemde ve kısım-ı s̄anisi tecvîf-i eyserde olur. Ona binâen kaşabe dahi iki kısma münkasıma oldu ki kaşabenin kısım-ı eymeni riye den kısım-ı eymene menfez ve eyseri eyserde menfez ola. Ve o iki kısmın her birisi müteşâib olup her bir şu^c-besi ʿurûk-ı sâkine şu^cabından birine mücâvir ve muḳârin olduğu ʿurûk-ı sâkinenin hâvî olduğu ğidâdan kaşabenin sehmini aḥz içindir. Ve kaşabe şu^cbelerinin intihâsında olan fûvvehâtın dayyika olduğu o fûvvehâtın kalbe sâlik olan şerâyine havânın nüfûzu kadr-i lâyık üzere olup ve o kaşabe şu^cbelerine mücâvir olduğu ʿurûk-ı sevâkin ü ḍavârib şu^cbelerinden tereşşuḥ eden dem nâfiz olmasın içindir, zîrâ kaşabe-i riye fûvvehâtı vâsi^c olup dem ona nüfûz eylese nef̄s-i deme müʿeddî olur. Bu zikr olunan aḥvâl kaşabe-i riye nin şüreti idi.

Ammâ hancere bir âlettir ki şavt onunla h̄aşıl olur ve nefes onda muḥtebes olur. Ve onun dâhîlinde lisân-ı mizmâra şebîh bir cirm vardır ve qarîben biz onu zikr eyledik ve hancerenin karşısında zâide mişlli bir laḥmiyyet vardır ki o mizmârın re^sini şedd eder ve şavt o zâide ile tamâm olur.

Ve hancere kaşabe ile ma^can merîye meşdûdedir. Ve kaçan tenâvül olunan loḳmayı merî izdirâd eylemek kaşd eylese merî loḳmayı cezb için esfele meyl eder ve merînin tesseffülü ile hancere munḥabık olup fevk cānibine dahi mürtefi^c olup hancere ğudrūflarının ba^cdısının ba^cdı aḥere intibākı şeddîd olur ve aḡşiyeleri ve ʿaḍalleri temeddüd eder. Ve kaçan ta^cām merînin³¹³ mecrâsına muḥâzî olsa kaşabenin femi ve hancere ḥanek-i a^clâya munḥabık olur o vech üzere ki merî katında h̄aşıl olan ta^cām kaşabeye dâhîl olmak mümkün olmaz, ta^cām ve şarâb merîden mürür eder; ondan kaşabeye bir

313 “Merî” emîr vezni üzeredir ve mehmûzdur.

şey² sukût eylemez lâkin ba⁴dı kerre merî izdirâda ⁶acele edip kaşabenin femi ve hancere tamâmen kapanmadan mütenâveli cezbe bed² eder veyâhüd merîde ⁶acele olmaz lâkin ta⁶am kaşabe feminin inđımâmından mukaddem hareket-i müşevveşe ile hareket eder ve o şüretlerde ta⁶am ve şarâbdan bir cüz² kaşabe mecrâsına duhül eder ve tabî⁶at o şey²-i dâhili def⁶ edince kadar su⁶âl ihdâsından hâlî olmaz.

Ve hancerede olan üç ⁶aded ğudrûfun teşrîhini kitâb-ı evvelde [teşrîh-i] hancere bâbında biz beyân eyledik ya⁶nî derakî ve türsî ğudrûfu ile lâ-is-me leh [demekle] ma⁶rûf ğudrûfun keyfiyyet-i terkibi ve üzerlerinde olan mikebbî ğudrûfunun onlara olan keyfiyyet-i ittisâli ve fem-i kaşabenin ve hancerenin inđımâm ve infitâhı ne vech ile olduğu tafşîlen beyân olundu.

Ammâ riyenin ya⁶nî akciğerin teşrîhi budur ki riye birkaç türlü eczâdan mürekkebirdir: Evvelkisi kaşabenin zikri mürür eden şu⁶beleri olur, ikincisi şiryân-ı verîdînin şu⁶besi; üçüncüsü verîd-i şiryânînin şu⁶besi olur. Ve bu a⁶dâları cem⁶ eden lahm lâ-mahâle cüz²-i râbî⁶ olur; o lahm havâi ve mütehalhil lahmıdır, demin ziyâde rakîkından ve eltafindan mahlûktur, rakîk ve eltaf olan dem ile tağaddî eder.

Ve riyenin menâfiz-i keşîresi vardır ve levni beyâda mâildir huşuşan hilkatî tamm olan hayvânâtın riyesi beyâda emyel olur. Ve cirm-i riye mütehalhil kılındı, zîrâ mütehalhil olan cirmde fürceler olur ve hâricden istinşâk olan havâ-i hâm o fürcelere nüfûz eder ve onda o havâ-i hâm nuç bulur. Riye o havâ-i hâmı inđac edip fađlını def⁶ eylemedikçe kalbe irsâl eylemez ve bu kıyâs üzeredir kebidin ğidâya nisbet ile hilkatî.

Ve riye iki kısım üzere halk kılındı, bir kısmı şarddan tecvîf-i eymente ve ikinci kısmı tecvîf-i eyserde olur. Kısım-ı eyserin iki şu⁶besi ve kısım-ı eymenin üç şu⁶besi vardır.

Ve bi'l-cümle riyenin menfa⁶ati havâyı istinşâk olur ve istinşâkın menfa⁶ati kalbe irsâl için havâyı müheyyâ eylemektir. Her istinşâk nabđa-i vâhideye kifâyetten ziyâde havâ cezbe eder ve miğdâr-ı hâcetten ziyâdeyi iddihâr edip vakt-i hâcette ya⁶nî suya ğavş gibi ve teneffüse mâni⁶ şavt-ı tavîl gibi ve fâsid havâ istinşâkını isti⁶afe ve istikrah eylediği vaktler gibi evkâтта o havâ-i mu⁶add u müddeharı tabî⁶at isti⁶mâl eder. Ve bu mu⁶add olan havâyı riye kalbe irsâl ile [304a] harâret-i kalbî tervîh ve teskîn eder.

Ve tervîhten mâ'adâ o havânın bir menfa'ati dahi budur ki Ʒalbede tekevvün eden rûhun cevheri eczâlarından bir cüz'ü havâ olmakla hâricden istinşâƷ olunan havâ o cüz'-i havâiyi taƷviye ve temtîn eder.

Ve ba'đılar zann eylediler ki ervâhın mâdde-i tekevvünü yalnız havâdır, riye tarîƷinden Ʒalbe vâşıl olan havâdan ervâhı tevellüd eder. Bu zann şaħîh olmaz, havâ-i mu'addın rûha Ʒıyâsı sunun ķıdâ-i bedene Ʒıyâsı üzere olur, yalnız sudan ķıdâ hâşıl olmadığı gibi yalnız havâdan dahi ervâh hâdiş olmaz,³¹⁴ bunlardan her birisi yâ cüz'-i ķâzî olur veyâhüd müneffiz, mübedriƷ olur, ammâ su bedenın ķıdâsını müneffiz ve mübedriƷ olur ve havâ rûhun ķıdâsını müneffiz ve mübedriƷ olur. Ve rûh cism-i mürekkebdır ya'nî kebiddeden Ʒalbe vârid olan laţif ahlâttan hâdiş olur ve ahlâtın her birisi erkân-ı erba'adan mürekkebdır, ba'đının zann eylediğı gibi basit değıldir.

Ammâ rûh ve riye de olan hırâƷaları ve duħâniyyeti ihrâcın fâidesi budur ki o fađalâtın ta'đil-i rûhta sühûnet-i müktesebesı hasebiyle nef'i olmaz ve belki đarar-ı zâhiri olur ve lâzım olur ki sühûnete müstaħil olan ve ta'đil-i Ʒalbede menfa'ati olmayan edhine mişlli hırâƷât ihrâc oluna hattâ o muħrecât bedeline havâ-i ceyyid ve nesim-i bârid istinşâƷ olunmakla intifa' oluna.

Ammâ urûƷ ve Ʒaşabenin riye de teşâ'ubunun menfa'ati budur ki teneffüs fi'linin tamâmı Ʒaşabe ve şiryân-ı veridinin 'amelleriyle hâşıl olur ve riyenin tađdiyesi şiryân-ı veridî ve verid-i şiryânının iştirâkleriyle olur. Felâ-mahâle o uđvlar riye de teşâ'uba menfa'ati 'amm olsun için hâcet olur. Ve zıkr olunan şiryân-ı veridî ve verid-i şiryânî Ʒalbeden gelip nađic ve şâfi olan dem ile riye yi tađdiye ederler.

Ammâ laħm-ı riyenin menfa'ati, o laħm zıkr olunan şu'belerde olan fürceleleri doldurur ve şu'beleri cem' edip đabıt eder ve dađılmağa mâni' olur.

Ve laħm-ı riyenin taħalħulünün fâidesi budur ki o taħalħul hasebiyle istinşâƷ için riye ye şalâhiyyet gelir, zîrâ havâ ancak Ʒaşabeye nâfiz olmaz belki riye dahi havâyı istinşâƷ edip Ʒaşabeden bir miƷđâr havâ riye fürcelelerine nüfüz eder ve riyenin bu istinşâƷ ve inbisâtıyla cezb olunan havâda kesret hâşıl olur ve inƷıbâdı ile dahi def'-i fađalâta i'ânet eder. Ve inƷıbâd ve inbisâta şalâhiyyet taħalħul ile hâşıl olmakla zıkr olunan fevâidi taħşil

314 Rûhun havâdan tevellüdü Câlînüs'a nisbet olunur.

için riye mütehalhil halkı olundu. Ve riyede tahalhil olduğundan nefhi olan nesnelere ile riyeyi sen müntefiha rüyet edersin.

Ve ammâ riye ebyađ olduğu keşiren riyeye havâ nüfuz eylediğinden olur ve ğidâsı dahi havâiyyeti ğâlib ve havânın riyeye tereddüdü keşir olduğu için olur.

Ammâ riyenin iki şıkık olduğu onun içindir ki muttaşıl vâhid olsa riyenin bir tarafına âfet işâbet eyledikte teneffüs külliyyen bâtil olur, ammâ iki parça olmakla bir parçasına âfet işâbet eylese âher parçası selim olmakla teneffüse đarar-ı külli terettüb eylemez. Ve bu maşlahat için riye iki parça olduğundan her parçası dahi iki şu'be müşa'ibe oldu lâkin cânib-i eyemde olan riyenin şu'besi eyserde olan riye şu'besinden bir şu'be ziyâde kılındı ki o ziyâde şu'be ile cem'an şu'ab beş 'aded şu'beye bâliĝa oldu, iki şu'be yesârda ve üç şu'be yemînde oldu lâkin dördünün menfa'ati maħđ teneffüste olur. Ammâ hâmisî ya'nî yemînde olan şu'abın üçüncüsünün menfa'ati budur ki o şu'be kebiddan nâbit olan ecvef dedikleri damara viťâ' olur ya'nî tahtına firâş gibi mefrüş olur ve o şu'benin teneffüste keşiren medhali olmaz.

Ve şadrın cânib-i eyserinde olan şıkık-ı riyede iki şu'be ile iktifâ oldu, sebebi budur ki kalbin maħalli bir miđdâr cânib-i eysere mâil olur, felâ-maħâle şadrın tecvîf-i eyserinde bir miđdâr maħall-i riyeden artık bir fedâ lâzımdır ki onu şâĝil ola. Ve cânib-i eyemde bu hâlet mevcüd değildir. Pes lâzım oldu ki eyemde olan riyede bir şu'be ziyâde ola ve o şu'be-i zâide 'urûka viťâ' ola.

Ve riyenin cevherinde hiss yoktur velâkin cevher-i riyenin üzeri bir ĝişâ-i 'aşabî ile setr olundu, her ne kadar o ĝişâ cevher-i riyeye müdâhil olmaz ise lâkin riyeyi mücellil olur ve üzerinden setr eder, binâen 'aleyh riyede bir nevc' hiss mevcüd olur. Ve riye lîni hasebiyle kalbe viťâ' ve firâş kılındı ve ona hem riye viťâye oldu.

Ve şadr dahi iki tecvîfe taksim olunmuştur ve iki tecvîf arasında bir ĝişâ-i fâşıl vardır ki o ĝişâ muntaşif-ı kaşş muhâzâtından neş'et eder. Ve iki tecvîf arasında ehadühümâdan âhere nâfiz menfez yoktur. Fi'l-haķıķa bu ĝişâ-i vâhid ihsâs olunan iki ĝişâdan mürekkebdir ve o iki ĝişâ cânib-i halften feķâra muttaşıl ve fevķten iki terķuvelerin mülâķi olduğu

mevdi'lere muttaşıl olur. Ve bu ğışâ-i hâcizin hâlfinde menfa'at şadrın tecvîfi iki kısım üzere olmaktır hattâ iki batnın ve tecvîfin birine âfet işâbet eylese âhere o âfet sârî olmayıp selîm olan tecvîf ile teneffüs fi'li ve aġrâd-ı sâire tâmm ve kâmil olur.

Ammâ hicâb ya'nî şadri iki batna taġsîm eden ğışânın şüretini ve menfa'atini kitâb-ı evvelde teşrîh-i 'ađal faşlında biz zîkr eyledik ki ġaġîkatte o ğışâ 'ađalâtın biridir ve o 'ađal üç tabaġadan hâşıl olur: Tabâġa-i mütevassıta bir veterdir ki o 'ađalin fi'li onunla tamâm olur. Ve o tabâġa-i mütevassıtanın fevġinde olan tabâġa şadri müstebtın olan bi'l-cümle aġşiyeye esâs ve kâ'ide mişâlinde olur. Ve esfelde olan cüz' kezâlik aġşiyeye-ı şifâka esâs ve kâ'ide olur.

Ve hicâbda iki şukbe vardır. O iki şukbenin kebîri merîye ve şiryân-ı kebîre menfez olur ve şaġirinden ebher dedikleri verîd damarı nüfûz eder ve o damarın şukbe-i mezkûreye ta'alluġ ve iltihâm-ı şedîdi olur.

Ma'lûm ola ki Kânûn'un bu zîkr olunan verîd damarına ebher ıtlâkı Kâmûs'a muvâfîġ olur velâkin Vankulu lûġatında ve kütüb-i tıbbiyyede ve 'ulemânın muġâverelerinde müsta'mel olduġu üzere ebher yürek damarıdır ki ona şiryân derler. İntehâ faşlu't-teşrîh.

İkinci Faşl Riye'nin Emzicesi ve Riye Aġvâlinin Tıruġ-ı

'Alâmetleri Beyânındadır

Biz deriz ki riye mizâcının hârr olduġuna 'alâmet budur ki o mizâc-ı riyesi hârr olan kimsenin şadri vüs'atlı olur ve nefesi 'azîm olur ve ba'đı kerre nefes-i mütedâ'ıf olur³¹⁵ ve nefesinde nefġa ve şavt olur ve riyede şîġal ihsâs olunur ve havâ-i bâriddin tađarruru ġalîl ve havâ-i hârrdan tađarruru ekşer olur ve ona 'aşaş 'arıđ olup mâ-ı bârid şürb etmeden mücerred nesîm-i bârid istinşâkı ile 'aşaşı sâkin olur ve çok kerre leheş ve su'âl 'arıđ olur, şiddet-i ġarâretten lisânını iġrâc edip öksürür.

Ammâ mizâc-ı riye bârid olduġunun 'alâmeti budur ki o mizâc şâhibinin şadri şaġir olur ve kezâlik nefesi ve şavtı şaġir olur lâkin ġiddetli olur, her bâriddin tađarrur edip o riyede balġam tevellüdü keşîr olur ve çok kerre onda nefes-i mütedâ'ıf 'arıđ olup ona rebv ve su'âl muşâhib olur.

315 “Nefes-i mütedâ'ıf” odur ki riye inbisâtını tamâm edip inġıbâda bed' eylemeden inbisât-ı âġer ile inbisât-ı evveli ta'ġîb eder.

Ve riyenin mizâcı raṭb olduğunun ʿalâmeti budur ki o mizâcda olan ri-yede kesret-i ruṭûbeti ḥasebiyle buḥûḥat-ı şavt ve ḥarḥare olur, bu ḥâletler mizâc-ı raṭb-ı sâzcede olur. Ve eger mizâc-ı raṭb māddeye mukârin olur ise o mādde cihet-i fevke mâil ise şavt ve ḥarḥare ziyâde olur. Ve bir ʿalâmet dahi budur ki riyesinin mizâcı raṭb olanlar refʿ-i şavttan ʿâciz olur ve o ʿacz daʿf-ı beden ile olmaz belki ruṭûbet ḥasebiyle olur.

Ve mizâc-ı yâbisin ʿalâmâtı budur ki o mizâcda fuḍûlün kılleti ve şavtın ḥuşûneti ve kürkî³¹⁶ şavtına müşâbeheti olur ve çok kerre yübüset ḥasebiyle tekâşüf ziyâde olup rebv ʿarîḍ olur.

Ve bu zıkr olunan mizâclar baʿḍı kerre riyeye mizâc-ı ṭabîʿî [304b] ve baʿḍı kerre mizâc-ı ʿarîḍî olur ve zıkr olunan emzicenin ʿalâmetleri dahi gâhîce o ʿalâmetler ṭabîʿî ve gâhîce ʿarîḍî olur ve baʿḍı kerre ʿalâmet mizâc-ı aşlıde ve ʿarîḍide müşterek olurlar ve baʿḍı âḥer kerre her birinin müstaḳill ʿalâmetleri olur.

Ammâ ikisi arasında müşterek olan ʿalâmetler evvelâ zıkr olunan ʿalâmetler olur lâkin onlardan müsteşnâlar vardır ki bundan sonra zıkr olunur.

Ve ammâ müstaḳill olan ʿalâmetler iki ʿalâmettir: O ʿalâmetten biri mizâc-ı ṭabîʿîye ve âḥeri mizâc-ı ʿaraḍîye delâlet eder, zîrâ mizâc-ı erbaʿadan her birinin ʿalâmeti ṭabîʿî olur ise mizâc-ı ṭabîʿî olduğuna delâlet eder ve eger ʿalâmet ğayr-i ṭabîʿî olur ise mizâc dahi ʿarîḍ ve ğayr-i ṭabîʿî olduğuna delâlet eder. Meşelâ leheş ve ʿaṭaş mizâc-ı riyenin ḥarâretine delâlet eder lâkin o kimsede leheş ve ʿaṭaş ḳadîm ve muʿtâd ve dâimî olur ise o leheş mizâc-ı ṭabîʿînin ḥârr olduğuna delâlet eder ve eger leheş ve ʿaṭaş o kimse-nin muʿtâd-ı ḳadîmi olmayıp emrâḍ ḥasebiyle ʿarîḍ oldu ise mizâc-ı riyenin ḥârr olduğu ʿaraḍî olduğuna delâlet eder. Ve'l-hâşıl zıkr olunan ʿalâmetler ḳadîm ve ṭabîʿî olur ise medlûlü olan mizâcın ṭabîʿî olduğuna ve ḥâdiş ve ʿarîḍ olursa mizâcın dahi ʿaraḍî olduğuna delâlet eder.

Ve her ʿalâmet medlûlü olan mizâcın ṭabîʿî ve ğayr-i ṭabîʿî olanları arasında müşterektir. O ʿalâmetler ṭabîʿî veyâḥûd ğayr-i ṭabîʿî olmaları ile mizâc-ı ṭabîʿînin ʿalâmeti mizâc-ı ʿaraḍînin ʿalâmetinden mümtâz olurlar. Lâkin mizâc-ı ṭabîʿînin bir nevʿ ʿalâmeti dahi vardır ki o mizâcın ṭabîʿî olduğuna ḥâşş olup ʿaraḍîye delâleti olmaz, meşelâ sıʿa-i şadr mizâc-ı riyenin

316 “Kürkî” turna maʿnâsınadır.

harâret-i tabî'isine delâlet eder ve harâret-i 'aradîyye ile sonra şadra sı'a gelmez, binâen 'aleyh harâret-i 'aradîyyede delâleti olmaz. Bâkî 'alâmetler dahi bu kıyâs üzeredir.

Ve ma'lûm ola ki şadr ve riye ahvâline ahaşş olan delâil teneffüsten me'hûz olur, zîrâ teneffüsün harr ve berdi ve 'ızam ve şıgarı ve sühület ve 'usreti ve netn ve tîb-i râyiyası ve bunlardan mâ-'adâ nefes 'avardı şadr ve riye ahvâline delâlet eder. Ve şavt dahi nefeste zıkr olunan a'râd hasebiyle şadr ve riyenin ahvâline delâlet eder. Ve kezâlik âfet-i 'ađal hasebiyle şavt müteğayyir olduğundan sonra eger o şavt-ı müteğayyir hunâkı olan kimse-ler şavtı gibi olsa delâlet eder ki âfet şadrı bāsıf olan 'ađalde olur ve eger o şavt ebaħħ ya'nî keşrî' l-buħūħa olanların şavtı gibi olur ise delâlet eder ki o âfet şadrı kâbıd olan 'ađalde olur. Ve kezâlik su'âl ve nefş ve nabđ dahi riyenin mizâcına delâlet eder. Nefesin ve şavt ve su'âl ve nefşin delâletleri keyfiyyâtı bundan akdem senin ma'lûmun oldu ve a'râd-ı emziceden her biri envâc-ı nabđın hangisini icâb eylediğini dahi sen bildin.

Ve riyenin mevâdî'î kalbe karîb olup mücâveretleri olmakla ahvâl-i kalb ile riyenin ahvâline olan istidlâlât sâir istidlâlâtan akvâ olur. Ve riyeden şu'ab-ı kaşabeyi vely eden mevâdî'în ahvâline nabđın delâleti akvâ olur. Ve riyeden kaşabenin kendiyi vely eden mevâdî'î ve laħmiyyet ahvâline su'âlin delâleti akvâ olur. Ve riyede şıkal ihsâsı hâşşaten mādde riyede olduğuna delâlet eder. Ve lez' ve naħs ihsâs olunduğu mādde ağşiyede ve 'ađalâtta olduğuna delîl-i hâşş olur. Ve eger nefş su'âl-i hafîf ile vâkî' olur ise mādde kaşabenin a'lâsına karîb ve kaşabeyi vely eden mevâdî'îde olduğuna delâlet eder. Ve 'alîlin nefşî ancak su'âl-i keşîreden sonra vâkî' olur ise mādde ğavrda ve derinde olup ba'ide olduğuna delîl olur. Ve ba'dı kerre a'đâ-i şadr âfâtının 'alâmâtı ba'idede olur, meşelâ verem-i riyenin 'alâmetleri a'đâ-i ba'ideye maşhûb olan ħumret-i vech mişlli. Ve verem-i ħicâba 'alâmet düvâr mişlli nesnelere olur.

Üçüncü Faşl Riyeye 'Arıda Olan Emrâđ Beyânındadır

Müteşâbihü'l-eczâ olan a'đâya maħşûş emrâđ ve kezâlik a'đâ-i âliyyeye 'arıda olanlar bi'l-cümle riyeye 'arıd olur, 'ale'l-ħuşûş 'urûkuna ve kaşabesinin eczâ ve şu'abına, 'ale'l-ħuşûş 'urûk-ı ħaşinelerine ve müteħalhil olan cirmi

fürcelerine südde ʿarîd olur. Sâir maḥallerde süddeyi icâb eden esbâbın küllîsi riyede zîkr olunan südde-i mezkûreleri dahi icâb eder ḥattâ intıbâk ve maraḍ-ı şirkî ḥasebiyle dahi riyeden o maḥall-i mezkûrlarda südde ʿarîd olur.

Şitâda ve ḥarîfte emrâḍ-ı riye keşirü'l-vuḳûʿ olur keşret-i nevâzil ḥasebiyle ḥuşûşan şayf-ı yâbis-i şimâliden sonra ḥarîf-i maḥîr vâkiʿ ola, o ḥarîfte emrâḍ-ı riyede keşret ziyâde olur.

Ve havâ-i bârid riyeye ḍârr olur. Ve baʿḍı kerre riye ḥarr-ı şedîd ile müteʿzzî bulunur, o mişlli riyeye havâ-i bârid muḍırr olmaz.

Ve çok kerre riye emrâḍ-ı kebid müʿeddî olur ve kezâlik riyenin şiddet-i berdi ve şiddet-i ḥarrı istiskâya müʿeddî olur. Ḥicâb dahi riye gibidir yaʿnî o [dahi] kebid emrâḍına müʿeddî olur.

Fî Muʿâlecâti'r-Riye: Rebv ve nefes bâblarında tekellüm olunan kelâm da teʿemmül olunup rebv ve emrâḍ-ı nefese esbâbda muvâfiḳ olanlara o kelâm nakl olunsun. Ve baʿḍı kerre sen riyeden refʿ-i şavt ve nefes-i nâfiḥ misilli nesnelere rüʿyet ve istimâʿ edersin, pes o vâkte zîkr olunan bâblarda mezkûre mülaṭṭifât ile riyenin fuḍûlünü telṭif eyle. Ve edviye-i şadriyye istiʿmâlinin heyʿet-i ḥâşşiyesi olur, zîrâ vâcibdir ki şadr için istiʿmâl olunan edviyeden ekşeriyâ ḥubûbât ve leʿûkât ittiḥâz olunup femde imsâk oluna ve onlardan ḳalîlen ḳalîlen taḥallül edenler belʿ olunur, ḳaşabe civârında o edviyelerin mürûr ve ʿubûru müddetleri ṭavîl ve tekerrür ḥasebiyle ḳaşabe-i riyeye o edviye vâşıla olsun için; ʿale'l-ḥuşûş o edviye femde iken müstelḳiyen nâim olup riye ve ḳaşabe-i riye câniblerinde olan ʿaḍaller irḥâ oluna. Ve riyenin fuḍûlü imâle olunacak mevâḍiʿin akḳreb ve evfaḳı riyeden merîyi vely eden mevḍiʿdir, onun için mâniʿ-i ḳayʿ olmadığı yerde ḳayʿ-ı keşirin fuḍûl-i riye indifâʿına menfaʿati olur.

Dördüncü Faşl Riyeye Nâşib ve Müteʿallik Olan Mevâdd ve Aḥkâmı Beyânındadır

Riyede ḥâşıl olan mevâdd baʿḍı kerre ruṭûbet cinsinden olur ve baʿḍı kerre ḳayḥ yaʿnî irin cinsinden olur ve baʿḍı kerre cins-i demden ve ḥârre ve daḳıḳa olan mevâddan olur.

Ve riyeye nâşibe olan mevâddın baʿḍı kerre intifâsı yaʿnî nefş olunması ʿusretli olur. Ve sebep-i ʿusret budur ki mevâdd ḡalîza ve lezice olur

veyâhüd rakıka olur, riye fürcelerine nüfûz eder ve su'âlden hâdiş olan rîhle mündefîc olmaz, zîrâ su'âlin ihdâs eylediği rîh o ruṭûbet-i lehiceye vârid oldukta ruṭûbeti 'aḳd eder ve rîh ayrılıp ruṭûbet fûrcelerde bâkî kalır veyâhüd sebep-i 'usret mevâddın şiddet-i keşreti olur.

Ve kaçan mevâdd-ı şadriyye ğalîza olsa onun tecfifinde mübâlağa olunmak câiz olmaz belki telyîn ve taḳṭîc ve taḳlîle iştiğâl olunur ve o taḳlîl müdirrât ile olur. Ve gerektir ki taḳṭîc ve taḳlîlden sana ehemm olan taḳṭîc olup taḳṭîc'e 'inâyetin taḳlîle 'inâyetinden ekşer ola.

Bu edviyelerin küllisinde mâ-ı 'asel isti'mâl eyle, zîrâ mâ-ı 'asel edviyeyi tenfîz eder ve cilâ ve telyîn eder ve mâ-ı 'asel isti'mâlinin tarîki sana ma'fûmdur.

Beşinci Faşl Şadriyye Olan Müfrede ve Mürekkebe Edviyenin Kendileri ve O Edviyenin Cihet-i İstf'mâlleri Beyânındadır

Edviye-i şadriyye o devâlardır ki onunla şadr tenkıye oluna. Ve bu edviyeler üç mertebe üzere olurlar:

Mertebe-i ülâda olan devâlar bunlardır: daḳıḳ-i bâkılâ ve mâ-ı 'asel ve maḳlûvv olan bezr-i kettân ve levz ve şarâb-ı hulvdür. Şarâb-ı hulv riye südedini şedîden teftîh eder lâkin bâbu'l-kebidde zıkr olunacağı üzere süded-i kebid tevlid eder. Ve bâridâtından şadri münaḳḳî olan edviyeler: ḥabbu'l-kıssâ ve ḳaşed ve biṭṭîḥ ve ḳar'adır. Ammâ semn yalnız isti'mâl olunur ise yalnız semnin inḳâcı tenkıyesinden ekşer olur, eger semn 'asel ve levz-i mürr ile le'ûḳ kılınıp isti'mâl olunur ise inḳâcı eḳall ve tenkıyesi ekşer olur. Ve bundan ḳavîdir 'ilkü'l-buṭm ve levz-i mürr ve sikencebîn-i 'unşulî ve ḥulbe ve kündür ve temr-i heyrün için bu ma'nâda ḳuvvet vardır. Ve ondan dahi aḳvâdır kemmün ve fülful ve kirsenne ve aşl-ı süsen ve aşl-ı cāvşîr ve cünd-i bîdester 'asel ile isti'mâl olunur [305a] ve 'unşul-ı meşvî saḥḳ olunup ve 'asel ile ma'cûn kılınıp isti'mâl olunur. Ve ḳanṭuriyün-ı kebîr ve zerâvend-i müdahrec ve şünîz ve su destîlerinin altında bulunan kurtlar cembr üstüne konulan bir ḥazef üzere tecfif olursa o dahi nâfi' olur. Ve o kurtlar beyâd olunca ḳadar tennür içinde kurutulsa yine nâfi'dir, 'asel ile ḥalt olunup isti'mâl olunur. Ve râsen edviye içinde idḥâl olursa o dahi nâfi' olur. Ve râsenin suyu keşîrû'n-nef'dir. Ve rivend nefsi ishâl kılan ed-

viyeden olur. Ve sîsâliyûs şedîdü'l-menfa'attir. Ve bülbûs cidden nâfi' ve münakķîdir ħuşûşan nîp ola veyâĥûd selķa-i vâĥid ile selķ oluna. Ve za'ferân âlât-ı nefesi takviye edip nefsi cidden ishâl eder. Bu zıkr olunan edviyeler şürben ve dımâden isti'mâle şâlih olur.

Bu bâbda müsta'mele olan edviye-i mürekkededen olur Eflâţûn ħabbı. Ĥabb-ı Eflâţûn budur: Ĥabb-ı mey'a ve şarâb-ı zûfâ nüşhalarından biri ve Enderümâĥus devâsı ve İşķalînâdus devâsı ve Câlînüs devâsı ve eşribe-i ĥaşĥâş nüşhaları ve devâ-i Maĥnâvus ve devâ-i belâdur ma'a'l-helilecât.

Ve middeyi bu devâ nefş eder: Sekbînec, mürr her birinden birer mişķâl, afyûn bir mişķâl, ĥardemânâ bir mişķâl, cünd-i bîdester bir mişķâl. Bu edviyeler vezn-i mezkûr üzere aĥz olunup şarâb-ı ĥulv ile ma'cûn kılınır ve şürb-i vâĥidesi bir mişķâl olur.

Ve yine tecribe olunan devâlardandır: Kündür dört,³¹⁷ mürr üç ũĥıyye, meybuĥtec ile 'asel kıvâmında olunca ĥadar taĥĥ olunup le'ũĥ kılınır veyâĥûd kerneb 'uşâresi veyâĥûd sülâķası bir mişli 'asel ile 'aĥd olunca ĥadar cemr üzere taĥĥ olunup isti'mâl olunur.

Ve kezâlik mürr, fülful ve encüre bezri ve sekbînec ve ĥardal bu mecmû'dan ĥabb ittilĥâz olunup ĥudveten ve 'aşıyyeten 'inde'n-nevm isti'mâl olunur.

Ve kezâlik ĥardal bir dirhem, bûraķ dokuz ķîrât, ķıssâ-i ĥımâr 'uşâresi bir buçuk ķîrât. İşbu edviye bir şerbettir ki fuđul-i keşîreyi iĥrâc eder ve bilâ-ezâ tenķiye eder.

Ve tenķiye-i riyeden bu devâ dahi edviye-i ĥaviyyedendir: Maĥrûs ĥardal, bezr-i encüre, ķıssâ-i ĥımâr 'uşâresi, enîsûn 'asel ile bu edviye cem' olunup ma'cûn kılınır.

Ve ĥarre mâil aĥlâttan ya'nî mürekkebâttan olur ĥulbe iki buçuk ũĥıyye, ķirsenne nişf ũĥıyye, ĥabb-ı ĥuţnun cevfi nişf ũĥıyye, rubbu's-sûs iki ũĥıyye. Bu mecmû' bâdem yaĥıyla lett olunup islatılıp ve 'asel ile cem' olunur.

Ve kezâlik sebistân ve tîn-i ebyađ ve menzû'u'l-'acem zebîb ve aşl-ı sūs ve persiyâvşân su ile taĥĥ-ı nâ'im ile taĥĥ olunup maţbûĥu saķy olunur. Ve eger o su içinde türbûd ve besfâyec taĥĥ olunur ise nâfi' olur.

317 Bunlarda 'aded zıkr olundu lâkin mişķâl midir yoksa dirhem midir beyân olunmadı. Zâĥir budur ki muĥaddeminde mişķâl olmakla bunda dahi mişķâl murâd olundu.

Ve ma'âlûm ola ki çok vâki^e olur ki bir şey^e şadrda muhtebes olur ve o şey^e nefsi kabûl eder lâkin kuvve-i nâfise da'fı hasebiyle nefse kâdir olmaz, o mişli vakitte vâcibdir ki kuvve-i 'utâsla i'ânât oluna.

Altıncı Faşl Teneffüste Olan Kelâm-ı Küllîdir

Teneffüs iki hareket ya'nî hareket-i inbisât ve hareket-i inkıbâd ve iki hareketin arasında olan iki vakfeden mürekkebirdir ya'nî teneffüs-i vâhidin tamamı dört cüz^e ile olur, evvelâ hareket-i inbisâtiyye b'edehü vakfe ba'edehü hareket-i inkıbâdiyye ba'edehü yine vakfe olur ve tamâm-ı teneffüs bu dört cüz^e ile olur. Ve dördüncü cüz^e ya'nî vakfe-i sâniye nihâyetinden sonra nefes-i sâniyenin hareket-i inbisâtı bed^e eder. Ve vakfe-i ulâ teneffüs-i evvelin hareket-i inbisât ve hareket-i inkıbâdları arasında olur ve vakfe-i sâniye teneffüs-i evvelin hareket-i inkıbâdı ile teneffüs-i sâniinin hareket-i inbisâtı arasında olur. *Pes Kânûn'un التنفس تتم بحركتين وقتين بينهما dediği 'ibârette müsâhele ve müsâmağa vardır.*³¹⁸

Ve nefes dört ile tamm olmakta nabda benzer, zîrâ nabda-i vâhide dahi iki hareket ve iki sükûn ile tamm olur lâkin nefesin hareketi irâdiyyedir, mecrâ-yı tabî'isinden o hareketi bi'l-irâde tağyîr mümkündür, ammâ nabdın hareketi şırf tabî'îdir, mecrâ-yı tabî'iden bi'l-irâde tağayyürü mümkün olmaz.

Ve teneffüsten gârađ riyei nesîm-i bârid ile mümteli'e kılmaktır. Ve imtilânın fâidesi budur ki riye o nesîm-i bâridi işlah edip nabdât-ı kalb için 'atâd eder ve kalb riyeinin 'icdâd eylediği nesîm-i bâriden aħz etmekten ve buħâr-ı duħânîsini ona redd etmekten hâlî olmaz hattâ riyeide mümteli'e olan nesîm-i bârid iki hâlin bir 'arîd olunca kadar evvelki hâl budur ki riyei mümteli'e eden havâ-i bârid muħâlîtlerinden ve mücâvirlerinde kadr-i şâlihten ziyâde sühûnet iktisâb eder ve o sühûnet hasebiyle tervîh-i kalbe şalâhiyyetten hürüc eder. Ve ikinci hâl riyeide müddeħar olan havâ-i bârid-i şâf kendiye buħâr-ı duħânî muħâlâta etmekle şıfâtından ve şafâsından istihâle eder ve nabda meded olmağa şalâhiyyeti kalmaz. O vakıtlerde riyeide

318 Vech-i müsâmağa budur ki 'ibâret-i mezkûreden mütebâdir olan budur ki iki vakfe nefes-i vâhidin iki hareketi arasında ola ve vakfe-i sâniye ise ulânın inkıbâdı ve sâniyenin inbisâtı arasındadır.

bâkî olan gayr-i şâlih havâyı riyyeden ihrâca hâcet olur ve o muhrec olan havâ bedeline riyyeye havâ-i cedîd idhâline dahi hâcet olur. Ve muhterik havâyı ihrâcla havâ-i cedîdi idhâl arasında iki vakfe dahi olur.

Ve havâyı istidhâl ki ona istinşâk tesmiye olunur, o istidhâl ve istinşâk-riyenin inbisâtı ile olur. Ve riyyenin inbisâtı riyyeyi muṭîf ve muḥîṭ olan ecrâmın hareketine tâbi^c olur ve o ecrâmda olan bir sebep ile ecrâmın ve riyyenin hareketlerine fütür geldikte inbisât hareketleri tâmm olur. Ve edhıneyi istihrâc hareket-i inkıbâdiyye ile olur ve hareket-i inkıbâdiyye dahi riyyeyi muṭîf ve muḥîṭ olan ecrâmın hareketleriyle olur.

Ve ʿamme katında nefes o maḥrûc olan edhıne ve ḥurâkanın ismidir. Ve eṭibbâ ʿörfünde baʿdî kerre ʿamme katında ıtlâk olunan edhıneye ıtlâk olunur ve baʿdî kerre dahi dâhil ve ḥâricin mecmûʿuna ıtlâk olunur, nitekim nabđ ʿamme katında yalnız hareket-i inbisâtiyyeye ıtlâk olunup ʿörf-i eṭibbâda iki hareket ve iki vakfenin mecmûʿuna ıtlâk olunur.

Ve ṭabîr muʿtedil olup âfetten hâlî olan teneffüs hicâbın hareketi ile tamâm olur. Ve kaçan qadr-i muʿtâddan ekşer nesîme hâcet olup veyâhüd edhıneyi ve ḥurâkâtı ihrâc için kuvve-i zâideye ve takviye-i nefese hâcet olur ise o zamân şadr ʿaḍalâtının küllîsi hattâ o ʿaḍalâtın ʿalîsi dahi hicâba muṭin olup nefesi takviye ederler. Ve baʿdî kerre ʿaḍalât-ı sâfilenin takviyesi kifâyet eder. Ve eger nefesi şavṭ kılmağa hâcet olursa elbette hancere ʿaḍallerini istiʿmâle hâcet olur. Ve o şavṭı ihdâs-ı ḥurûf ve teʿlîf-i kelâm için taḳṭîre hâcet olur ise hancere ve lisân ʿaḍallerini istiʿmâle hâcet olur. Ve bu bâbda baʿdî kerre şefeh ʿaḍalini dahi istiʿmâle hâcet olur, nitekim nabđın ʿazîm ve şağîr ve ṭavîl ve kaşîr ve serîf ve baṭîr ve ḥârr ve bârid ve mütevâtir ve mütefâvit ve kavî ve daʿîf ve muttaşıl ve munfaşıl ve müteşennic ve mürteʿiş, haşv-ı ʿurûku ḳalîl veyâhüd keşîr yaʿnî mümtelî ve gayr-i mümtelî ve umûr-ı maḥmûde ve umûr-ı mezmûmesi olup bunların her birisi için sebep ve her birinin bir emre delâleti ve bunların emzice ḥasebiyle ihtilâfları ve kezâlik ecnâs ve esbâb ve ʿavâriḳ-ı bedeniyye vü nefsâniyyesi olur. Kezâlik nefes için dahi bu umûr-ı maʿdûde ve onlara müşâbih olan nesnelere olur.

Ve aḳsâm-ı nefesten her birinin sebebi vardır ve her biri bir şeyin delîli olur. Ve nefes dahi ʿazîm ve şağîr ve ṭavîl ve kaşîr ve serîf ve baṭîr ve mütefâvit ve mütevâtir ve ḳıḳ ve vâsi^c ve sehl ve ʿasîr ve kavî ve daʿîf ve ḥârr ve

bârid ve müstevî ve muhtelif olur. Ve aşnâf-ı nefes için biraz isimler vardır ki onlar nefese mahşûş olur, nefes-i munkatıf, nefes-i muđâıf, nefes-i muntaşib, nefes-i ħunākī, nefes-i müstekreh ve zü'l-fetre gibi. Nefes-i zü'l-fetre sekte ve sekte mişlli emrâđda olur.

Ađđā-i nefeste o âfet ki ondan nefese dahi âfât  arıđa olur, yā ađđā-i nefesin kendide olur veyāĥüd ađđā-i nefesin mebdâisinde olur veyāĥüd ađđā-i nefesin civârında olup müşâriki olan ađđāda olur.

Ve ađđā-i nefes ħancere, riye, kaşabe,  urūk-ı ĥaşine, şerâyîn, ĥicâb-ı şadrın  adalleri ve şadrın kendi olur, zîrâ bađdı kerre đayyık, şađır olmakla nefeste âfet ihđâş [305b] eder. Ammā ađđā-i nefesin mebdâisi dimâğın kendi ve nuĥâ  olur, zîrâ nuĥâ  ĥicâbın menbiti olur o vechten ki ĥicâbın ekşeri  aşab-ı nuĥâ ın zevc-i râbi inden nâbit olur ve ona zevc-i ĥâmis ü sâdisten bir şu be ve o şu beye muttaşıl olan a şâb-ı sâireye ma an muttaşıl olurlar.

Ammā ađđā-i nefese bi'l-mücâvere müşârik olan ađđā mi de, kebid, raĥim, em a ve sâir aĥşâdır. Pes zıkr olunan ađđā-i nefesten aşnâf-ı selâseye emrâđ-ı  arıđa s -i mizâc-ı muđâ af ĥârr veyāĥüd bârid veyāĥüd raĥb veyāĥüd yâbis olur; bunlardan her biri bilâ-mâdde veyāĥüd ma a'l-mâdde olur ve o mâdde o ađđāda muĥtebes ĥılt olur veyāĥüd onlara ĥılt sonradan munşabbe olur. Ve mâdde dahi keşir veyāĥüd lezic veyāĥüd gâliz olur. Midde ve kayĥtan her biri dahi zıkr olunan mâdde cümlesinden olur veyāĥüd o mâdde riĥ ve buĥârdan biri olur.

Ammā ađđā-i nefese  arıđ olan marađ-ı  âlî fâlic ve teşennüic ve inĥilâl-i ferd gibi emrâđdır. Ve inĥilâl-i ferd dahi taşaddu  ve ta affün ve te arruĥ ve te ekkül ve verem-i ĥârr ve verem-i bârid ve verem-i şulb gibi nesnelendir veyāĥüd ađđā-i nefese  arıđ olan âfet veca  olur.

Ve bizim ĥikâye ve beyân eylediđimiz mezk urlardan sana ma l m oldu ki nefesin riye aĥvâline delâleti nabđın delâleti gibi kaıyye olur. Ve nefesi ta arrüf mu tâda mürâ ât ile olur ise nabđ mecrâsına cârî olur. Nabđın delâletinde nabđın emr-i ta ısi mülâĥaza olunmak gerekli olduđu gibi kezâlik teneffüste dahi emr-i mu tâdı mülâĥaza edip  arıđ olan tađayyürât ile riye aĥvâline ona göre istidlâl oluna.

Yedinci Faşl Nefes-i 'Azîm ve Nefes-i Şağîr ve Bunların Emsâli ve Bi'l-Cümle Delâilleri Beyânındadır

Nefes-i 'azîm ona derler ki onunla cidden keşîr ve mu'tedilden ekşer olan havāya neyl-i hāşş ola, zîrā nefes-i 'azîmde bi'l-cümle a'ḍā-i nefes cihātın küllisine münbasıta olur ve inbisâtı dahi miḳdār-ı vāfir olup o inbisâtlar ḥasebiyle meclûb olan havā dahi ekşer ve ezyed olur. Ve nefes-i şağîr ü ḍayyîk nefes-i 'azîmin ḍıddı üzere olur ya'nî bi'l-cümle a'ḍā-i teneffüs onda ḥareket eylemez ve ḥareket edenlerde dahi inbisât-ı tāmmlmaz. Pes o mişlli ḥareket ile meclûb ve müstenşak olan havā dahi miḳdār-ı ḳalîl olur.

Ve kezâlik nefes-i 'azîmde teneffüs bi'l-cümle münḳabıḍa olur ve miḳdār-ı inḳıbâḍ dahi tāmml olur ve medfû olan edḥıne ve ḥurâḳât-ı havā dahi ekşer olur. Ammā nefes-i şağîr ü ḍıḳta 'aks üzere olup bi'l-cümle a'ḍā-i teneffüs münḳabıḍ olmaz ve münḳabıḍ olanlarda dahi inḳıbâḍ-ı tāmml olmaz ve o mişlli inḳıbâḍlar ile medfû olan faḍalât ve ḥurâḳât dahi cidden ḳalîl olur.

Ve nefes-i 'azîmin esbâbı nabḍ-ı 'azîmin zıkrı mürür eden üç 'aded sebepleri olur.

Ve ba'ḍılar zann eylediler ki nefes-i şağîr yalnız ḥicâbın ḥareketi ile ḥāşıl olan nefese ıtlâk olunur. Ve onların zannı 'ale'l-ıtlâk şaḥîḥ değıldir, zîrā ba'ḍı kerre yalnız ḥareket-i ḥicâb ile ḥāşıl olan nefes her ne ḳadar şağîr olur ise ba'ḍı kerre dahi yalnız ḥareket-i ḥicâb ile nefes-i mu'tedil ḥāşıl olur, zîrā ḥareket-i ḥicâbda ba'ḍı kerre ḳuvvet ziyâde olur ve ḥicâbın ḳuvveti ḥâlinde ḥareketi ile nefes-i mu'tedil ḥāşıl olur. Ve ba'ḍı kerre dahi a'ḍā-i teneffüs cemî'an ḍa'f olur, o mişlli kimsenin ḍa'fı ḥâlinde a'ḍā-i teneffüsü bi'l-cümle ḥareket eylese yine nefesi şağîr olur. Ve ba'ḍı kerre olur ki yalnız selîm olan ḥicâbın inbisâtı ve inḳıbâḍıyla meclûb ve merdûd olan havā ve ḥurâḳa miḳdârı cemî'an a'ḍā-i teneffüsün inbisâtı ve inḳıbâḍı ile meclûb ve merdûd olmaz, zîrā ḥicâb ve sâir a'ḍā-i teneffüsten bir 'uḍvda inbisât-ı tāmml olmaz ve inbisâtı tāmml olmayan a'ḍā ile meclûb ve merdûd olan lâ maḥâle noḳşân üzere olur. Ve ba'ḍı kerre ḥicâb sâir a'ḍā-i teneffüs me'ûneti ile rıyeyi başt eder velâkin yine nefes-i mu'tedil ḥāşıl olmaz onun için ki menâfizi ḍayyîk olup inbisât-ı tāmml maḥall müs'ade eylemez. Ve maḥall

müsâ'îd olsa dahi kuvâda dâf olup riyenin inbisâtının kemmiyyeti tâmm olur ise keyfiyyeti nâkış olur ve meclüb ve merdûdu dahi nâkışlar olur; zâtü'r-riyede olan nefes bu minvâl üzere olur.

Pes bu takrîrâtan zâhir olur ki nefes-i mu'tedilde mu'teber olan havânın mu'tâd üzere meclüb ve merdûd olması olur gerek ise yalnız hicâb hareketleriyle ve gerek ise sair a'qdâ-i teneffüsün hicâba i'ânetleriyle olsun ve gerek ise inbisât ve inkıbâd-ı tâmm olsun ve gerek ise tâmm olmasın.

Ammâ nefes-i 'azîmde şadrın 'ađalleri ve kezâlik şadı vely eden nevâhîlerin 'ađalleri hareket-i câmi'a ile hareket eyleyip ve zîkr olunan 'udvların hareket-i câmi'alarından her birinin inkıbâd ve inbisâtları gâyete bâliğa olup havâ-i keşîrde taşarruf eylemek şart kılındı, ammâ nefes-i şağîr nefes-i 'azîmin muķâbili ve müđaddesi kılındı.

Ve ba'đı kerre a'qdâ-i teneffüsün şiddet-i hareketi bir kadre bâliğa olur ki inbisât-ı hareketi cihet-i kuđdâmdan iki terķuvelere ve ħalf cânibinden iki ketif kemiklerine ve yemîn ve yesâr câniblerinden iki ketifte müctemî'a olan mu'zam-ı lahma münteĥî olur. Ve ba'đı kerre a'qdâ-i teneffüs burun deliklerinden şiddet-i hareket vaķtinde isti'ânet eder belki ekşer evķâtta a'qdâ-i teneffüs munĥurândan isti'ânet eder. Ve ba'đı kerre inkıbâd ve inbisât hareketleri 'ızamda ve şıgarda biri birlerine muĥâlîf olur. Ve ba'đı kerre hareket-i inkıbâd hareket-i inbisâtın a'zam olur ve bir kerre dahi inbisât inkıbâddan a'zam olur. Ve bu ihtilâf mevâdd ĥasebiyle olur, zîrâ kalbi tervîĥe ĥâcet kalîle ve edĥıneyi iĥrâca ĥâcet şedîde ve keşîre olur ise inkıbâd 'azîm ve inbisât şağîr olur ve 'aks üzere olup tervîĥe ihtiyâc iĥrâcâta ihtiyâcdan ekşer olur ise hareket-i inbisât ekşer olur. Ve ba'đı kerre o insâna müşâdefe olunur ki onun istinşâķı ya'ni hareket-i inbisâtiyyesi şağîr olur velâkin o şağîr hareket-i inbisâtın sonra hareket-i inkıbâdı 'azîm olur ve o ĥâl delâlet eder ki ĥarâret-i ĥarîziyye o kimsede nâkışa ve ĥarâret-i ĥarîbe-i dâĥile zâide olmuştur.

Ve a'qdâ-i teneffüsün 'unfle hareketlerine teceşşüm ve tekellüflerine sebeb dört şey'dir:

Evvelkisi kalb ve riye nevâhîlerinde ĥarâret ve iltihâb ekşer olur.

Ve ikincisi a'qdâ-i teneffüsü muĥarrîk olan 'ađallerde veyâĥûd o 'ađallerin usûlde müşâriklerinde dâf olur, sill ve dıķķ marađlarının âĥeri mişlillerde

olduğu gibi ve kezâlik cem^c-i midde katında o maraqlarda da'f olduğu gibi, zîrâ cem^c-i midde katında veyâhûd âher 'illet hasebiyle kuvve-i muharrikeye da'f gelip a'çdâ-i teneffüsü tahrik eylemek için teceşşüm ve tekellûf eder o âher illetler ki a'çdâ- teneffüse 'arıd olur, teşennüc ve fâlic ve sũ²-i mizâc ve verem ve veca^c mişllilerdir.

Ve üçüncüsü mi^cdeye ağıdiyeden veyâhûd riyâhtan imtilâ 'arıd olur ve o imtilâ 'açalı inbisâtтан mâni^c olup tekellûf ve 'unfa hâcet olur. Ve riyâhla mi^cdenin imtilâsı haddi tecâvüz edip hicâbla inbisât arasına hâil olmakla yalnız hicâbın inbisâtına mâni^c olur ise o vakte riyâhla mi^cdenin imtilâsı inbisâta mâni^c olup 'unf-ı harekete hâcet olur.

Ve dördüncü sebep budur ki hancerede ve kaşabe cedâvilinde ve şerâyîn mişllilerde olan menâfîzde müdâyaka olur ve kezâlik taħalħul hasebiyle riyede olan menâfîz aħlâtle mümteli'e olur ve zıkr olunan menâfîzde süddeler o vech üzere olup sühûlet üzere o a'çdâ münbasîta olmaz ve kezâlik riyeye verem dahi 'arıd olup inbisâta mâni^c olur, nitekim bu hâletler aşhâb-ı rebv ve aşhâb-ı midde ve zâtü'r-riye aşhâbında mevcûd olur veyâhûd ma'a'l-hâce ev 'ademi'l-hâce kuvvet-i muharrikeye zühûl 'ani'l-hareke 'arıd olup beyne'n-nefeseyn vâқи^c olan sükûnun müddeti uzun olur, binâen 'aleyh nefesten fevt olan miqdârı tedârük için nefes-i 'azîme hâcet olur. Muhteliñü'l-'aql olup bürüdet-i qalbi şedîde olmayanların nefesi bu minvâl üzeredir, evvelâ zühûl edip [306a] şâniyen ta'zîm-i nefes ile mâ-fâtı tedârük ve cebr-i noqşân eder. Ve nâimin nefesi dahi bu cümleden olur, zîrâ nâimde buhârât-ı duhâniyye keşîre olur ve nefes ya'ni tabî'at o buhârâtı keşîre olmadıkça nefes ile iħrâcdan zâhile olur. Kaçan ebħure-i duhâniyye tecemmu^c edip ve ezâsı vâfire olup o edħıneyi iħrâca dâ'ıye oldukta tabî'at mütenebbih olup nefes-i 'azîm ile iħrâc eder ve kezâlik zıkr olunan nefesten zühûl cümlesinden olur o kimsenin nefesi ki onun qalbinin ħarâret-i mizâcı nefese tekâđî eylemez ve nefesi vakt-i darûrete kadar müdâfa'a edip terk eder ba'cdehu müdâfa'a ve mütâreke hasebiyle fevt olan nefesi nefes-i 'azîmle telâfî ve tedârük eder. Bi'l-cümle bu umûr-ı mezkûre đabı ve fehm olunsun.

el-'Alâmât: Karîben mürür eden esbâbdan nefes-i 'azîm hangi sebebden ħâdiş olduğunun 'âlâmetleri budur ki eger nefese hâcet ekşer ve kuvvet dahi kavıyye ise o kimsenin nefesi idhâlinde ve nefşinde kebîr olur ve nefesin

melmesi hârr ve mültehib olur ve onun nabdı dahi nefesi gibi ʿazîm olur. Pes bu mişlli nefes harârete delîl olur. Ve o nefes şâhibinin şadrında ve yüzünde ve gözlerinde ve lisânında iltihâb ʿalâmetleri ve levninde ve huşû-net-i bedeninde dahi harâret ʿalâmetleri olur.

Ve eger şadrında iltihâb olmayıp ve kuvvet dahi sâkıt olmayıp aʿdâ- teneffüsü için inbisât-ı tâmm mümkün olur gibi ise onun sebebi zıkr olunan menâfizlerin dayyık olması olur.

Ammâ aʿdâ-i teneffüsün küllîsi hareket kaşd ve irâde edip baʿdehu hareket-i muʿteddün bihâ vücûda gelmese ve baş-ı tâmm ile hareketi murâd edenlere münbasıta olamasa belki vücûda gelmeyen hareketi kaşd eder olsa ve eylediği harekette küllü taʿvîl ile munhûrayna taʿvîl ve ictimâd eder olsa ve o hâlde redd-i nefes eyledikte nefhâ ile redd eder olsa ʿađalde olan kuvve-i muhârrike meʿûfe olduğuna delâlet eder.

Eger kaşabe ve kaşabeyi vely eden mevâdîʿden ruṭubet hasebiyle dîk olup nefeste harḥare dahi olmakla onu şâhibi tenaḥnuḥa muhtâc olsa bu ʿalâmet dîk-ı küllî üzere zâid bir ʿalâmettir. Ammâ bu vech üzere olmayıp yaʿnî harḥare ve tenaḥnuḥa ḥâcet olmasa dîkı mücib olan ruṭubet ağvas olduğuna delâlet eder.

Ve kaçan dîk-ı harḥarî defʿaten ḥâdiş olsa delâlet eder ki nevâzil mevâdından bir mâdde riyeye defʿaten nüzül eyledi veyâḥûd aʿdânın birinden midde ve kayhtan biri evvelâ riyeye ve sâniyen kaşabeye defʿaten nüzül eyledi.

Sekizinci Faşl Nefes-i Şedîd Beyânındadır

Nefes-i şedîd o nefestir ki o nefes ʿazîm olduğundan mâʿadâ onun şâhibi nefesini bâṭına idḥâl için faḍl-ı inziʿâc ile münzeʿic olur ve nefesi ihrâc için faḍl-ı nefh ile nefh eder ve onda ʿızam ile kuvvet dahi olur.

Dokuzuncu Faşl Nefes-i ʿÂlî vü Şâhiḳ Beyânındadır

İşbu nefes-i ʿâlî nefes-i ʿazîmden bir şınıftır ki o nefeste ʿađal-i şadrın eʿâlîsi olan ʿađalleri taḥrike ḥâcet olur ve hicâbi ve ʿađalât-ı şadrın esâfilini taḥrike ḥâcet olmaz. Ve bu mişlli nefes-i şâhiḳ çok kerre ḥummayât-ı ve bâiyyede ḥâdiş olur.

Onuncu Faşl Nefes-i Şağîr Beyânındadır

Nefes-i şağîrin esbâbı nefes-i ‘azîmin esbâbından bi-‘arîki’l-mukâbele ma‘lûm olur. Ve ba‘dı kerre veca‘ sebebiyle nefes şağîr olur, zîrâ veca‘ a‘dâ-i teneffüs ile a‘dâ-i teneffüsün hareketleri arasına haylûle eder. Ve ba‘dı kerre dîk hasebiyle dahi nefes şağîr olur. Kaçan nefes-i şağîre tefâvüt mukârin olsa tabî‘atın mevtine delâlet eder ve kezâlik nefes-i şağîre tevâtür mukârin olsa a‘dâ-i teneffüste ve a‘dâ-i teneffüsü vely eden mi‘de mişllilerde kûrûh ve evrâmdan veca‘ olduğuna delâlet eder.

el-‘Alâmât: Nefes-i ‘azîmin esbâbına mukâbil olan nefes-i şağîrin esbâbı ve ‘alâmetleri mukâbilinin ‘alâmetlerinden mukâbele ‘arîkiyle ma‘lûm olur.

Ammâ şıgar-ı nefes dîk ile olmayıp belki veca‘ hasebiyle olur ise ona veca‘ın vücûdu delâlet eder. Ve şâhib-i veca‘ olan kimse veca‘a şabr eder ise onun için nefes-i ‘azîm mümkün olur.

Ve veca‘dan olan nefes-i şağîr eşnâsında ba‘dı kerre nefes-i ‘azîm dahi vâki‘ olur, zîrâ ba‘dı kerre nefesin ‘azîm olup veca‘ı ihtimâle hâcet dâ‘iye olur veyâhüd nefes-i ‘azîme dâ‘iye olan hâcet veca‘dan zühûle bâ‘iş olur.

Ve dîktan hâdiş olan veca‘ın ‘alâmetleri veca‘dan hâdiş olan nefes-i ‘azîm ‘alâmetlerinin ‘aksi üzere olur.

Ammâ nefes-i ‘avîl bir nev‘ nefestir ki o nefesin havâyı istinşâkı ve ba‘dehu reddinin müddetleri ‘avîl olur, havâ-i keşîri cezb mümkün olsun için.

Ve ba‘dı kerre dahi nefes-i ‘azîmin serî‘ olmasına veca‘ mâni‘ olur, pes ‘azîm-i serî‘ bedeline nefes-i ‘avîl ikâme olunup onunla meclûb olacak havâ nefes-i ‘avîl ile celb olunur.

On Birinci Faşl Nefes-i Kaşîr Beyânındadır

Bu nefes nefes-i ‘avîlin hilâfı olur. Kaçan nefes-i kaşîre tevâtür mukârin olsa âlet-i teneffüste ve âlet-i teneffüsün nevâhîsinde veca‘ olduğuna delâlet eder. Ve kaçan nefes-i kaşîre tefâvüt mukârin olsa garîziyyenin mevtine delâlet eder.

On İkinci Faşl Nefes-i Serî Beyânındadır

Nefes-i serî bir nevc nefestir ki onda müddet-i hareket kaçîre olur ve nefese hâcet gâyete bâliğa olur ve nefes-i şağîr ve nefes-i kaçîrden ziyâde havâyı cezb ve hürâka-i havâyı def^e eder. Ve nefes-i serî'in hudûsuna bâ'îş budur ki havâ-i bâridi cezbe ve hürâkayı def^e hâcet gâyete bâliğ olmakla nefes-i 'azîm kađâ-i hâcete vefâ eylemez veyâhüd nefes-i 'azîmin hudûsuna mâni^c ve müzâhim olup nefes-i 'azîm ihdâsı mümkün olmaz ve bunun mişli nabđ-ı serî'in mişli olur. Ve zîkr olunan mâni^c ve hâil bađdı kerre âlette olur ve gâhîce hareket-i inbisât hareket-i inkıbâddan esra^c ve gâhîce 'aks üzere olur. Ve ehadühümânın âherden esra^c olduğunun sebebi nefes-i 'azîmin inbisât ve inkıbâdının tefâvütü esbâbı mişli olur.

On Üçüncü Faşl Nefes-i Baî Beyânındadır

Bu nefes bir nefestir ki nefes-i serî'in müdâddesi üzere olur. Ve nefes-i baî'in sebebi dahi nefes-i serî esbâbının müdâddesi üzere olur. Ve bađdı kerre dahi veca^c hasebiyle âlet-i teneffüs rıfķ ve tu³ede üzere hareket etmekle o veca^c buđ-ı harekete sebeb olur.

On Dördüncü Faşl Nefes-i Mütevâtir Beyânındadır

Bu nefeste her iki hareket aralarında olan sekenât müddetleri sükûn-ı mu'tâddan kaçîr olur. Ve bu nefesin hudûsuna sebeb tervîhe hâcet 'azîm ve serî'in kađâ eylediđi hâcetten ekşer olduğu olur veyâhüd 'azîm ve serî^c olan nefeslerin hudûsuna hâil ve hâciz bulunduğu olur. O hâil bađdı kerre veca^c veyâhüd verem veyâhüd fedâ-i şadrda mevâdd-ı keşîrenin đıķı veyâhüd âlet-i mevâddın dađtı hasebiyle olur ve kayhın inşibâbı yâhüd o mişli nesnelerin biri ile olur.

Ve hâcet hasebiyle hâdis olan tevâtür ile veca^c mişli sebeplerden hâdis olan tevâtürün farkı nefes-i 'azîmde zîkri mürür eden vücûhları beyândan zâhir olur. Ve Bukrâţ'ın şehâdet eylediđi üzere nefes-i mütevâtire âfet-i uhrâ tâbi^c olur, zîrâ nefes-i mütevâtir riyei tecfif eder ve ađâ-i nefesi ve onları vely ve taķıb eden 'udvları it'âb eder ve o sebepten cefâfa müte'allik marađlar hâdis olur.

On Beşinci Faşl Nefes-i Bârid Beyânındadır

Bu nefes kuvvetin mevtine ve harâret-i ğarîziyyenin müntafî olduğuna ve mizâc-ı kalbin bürüdete istihâlesine delâlet eder. Ve nefes-i bârid emrâd-ı hâddenin ‘alâmetlerinin cümlesinin erde’i olur, ‘ale’l-huşuş nefes-i bâridde nedâvet ya‘nî yaşlık dahi olur ise ğarîziyye inhilâlne delâleti tamm ve kâmil olur.

On Altıncı Faşl Nefes-i Müntin Beyânındadır

Bu nefes behar³¹⁹ aşnâfından bir şınıftır ve bu şınıfın sâir aşnâf-ı behardan farkı budur ki sâir aşnâfta râyiha-i kerîhe her vakt zâhir olur ve bu şınıfta vakt-i teneffüste râyiha-i müntine bulunur, mâ-‘adâ evkâta mevcûde olmaz. Ve bu nefes a‘dâ-i teneffüsten kaşabede veyâhüd riyede olan hılt ve middenin ta‘affün eylediğine delâlet eder.

On Yedinci Faşl Nefes-i ‘Azîm ve Nefes-i Serî ve Nefes-i Mütevâtir Aralarında [306b] Vâkıfa Olan İntikâlât Beyânındadır

Bundan aqdem senin ma‘lûmun oldu ki kaçan tervîhe hâcet ziyâde olup ve bir mâni‘ ve hâil dahi mevcûd olmasa nefes o vakte ‘azîm olur.

Ve kaçan nefes-i ‘azîmin meclûbu olan nesîm-i bâridden ekser nesîm-i bâride hâcet olsa nefes-i serî hâdis olur. Ve ondan dahi ekser nesîme hâcet olsa o zamân nefes-i mütevâtir dahi olur. Ve kaçan hâcet terâcu‘ eylese evvelâ nefesin tevâtürü zâil olur ba‘dehu sür‘ati sonra ‘ızamı zâil olur. Ve havl ve men‘ dahi bu kıyâs üzere olur ya‘nî mâni‘ ve hâciz evvelâ ‘ızama ve ba‘dehu sür‘te ve ba‘dehu tevâtüre hâciz ve hâil olur ve mâni‘in zevâli ile evvelâ tevâtür ba‘dehu sür‘at ba‘dehu ‘ızam zâil olur.

Ve kaçan ma‘ânî-i şelâse ya‘nî ‘ızam ve sür‘at ve tevâtür cemî’an mefkûd olsa aşnâf-ı nefesten keşîrû’l-vücûd olan nefes-i mütefâvit ba‘dehu nefes-i batî ba‘dehu nefes-i şağir olur. Hadd-i itidâlden nefesin şığara hurûcu bu‘a hurûcdan ekill olur ve nefesin şığar ve bu‘a hurûcu tefâvite hurûcdan ekill olur. Ve hâlât-ı mezkûreleri inbisât ve inkıbâdın her birinde sen itibâr eyle, nesîm-i bâride ihtiyâc katında hareket-i inbisâtiyyede

319 “Behar” femin râyiha-i kerîhesidir.

bu hâlât cereyân eylediği gibi havâ-i fâsideyi iḥrâca ḥâcet katında dahi bu hâlât cereyân eder. Ve kaçan sebab-i inbisât ziyâde olup inbisâta ed'â olur ise lâ-mahâle inbisât mâ-ḳablinde olan inbisâtтан ziyâde olur. Ve kezâlik inḳibâda sebab dahi ziyâde olur ise zamân-ı sükûn ya'ni hareket-i inḳibâdiyeye ziyâde olur ve nefes-i mütetâbi' ü serî' verem-i ḥârre veyâḥûd süddeden ḥâdiş dīka tâbi' olur.

On Sekizinci Faşl Nefes-i Munḥurî Beyânındadır

Bu nefes³²⁰ kuvvetin da'f ve ḥaverine ve zebḥada dīḳ-ı şedîd-i ḥânıḳ olduğuna delâlet eder veyâḥûd midde tecemmu'una veyâḥûd midde ve aḥlâttan birinin inşibâbına delâlet eder.

On Dokuzuncu Faşl Sû-i Teneffüste Olan

Kelâm-ı Külli Beyânındadır

Sû-i teneffüs bi'l-cümle a'râd-ı âyife-i marâdiyyeye tâbi' olup tabî'iden ḥâric olan enfâsın küllisine 'âmm ve şâmil olur. Ammâ a'râd-ı şıḥhiyyeye tebe'iyyetle ḥadd-i i'tidâlden ḥurûc eden nefese sû-i teneffüss ıtlâḳ olunmaz. Pes sû-i teneffüs aşnâfının esâmîleri bunlardır: 'usr-i teneffüs, dīḳ-ı nefes, tedâ'uf-ı nefes, inḳitâ'-ı nefes, nefesü'l-intişâb.

Ve ba'dı kerre sû-i teneffüs sû-i mizâc envâ' ve kezâlik imtilâ ve süded ḥasebleriye ḥâdiş olur. Ve a'dâ-i teneffüsü ḥareketten mâni' olan davâğıt ve evrâm ve evcâ'a mücâveret ḥasebiyle ve ḥicâbda ve nevâḥî-i şadrda olan ḳurḥalar ve kezâlik emrâd-ı nâhike³²¹ ve ḥummayât-ı ḥâdde vü vebâiyye ve sümûm-ı meşrûbe ḥasebleriye dahi sû-i teneffüs 'ârıd olur.

Ve sû-i teneffüsün küllisi ve kezâlik dīḳ-ı nefes ve 'usr-i nefes mâdde ḥasebiyle olur ise üç hâl üzere olur: İstilkâ katında ekşer ve cenb üzere ıdtı-câ' olundukta ve vasaṭu'l-hâl ve zamân-ı intişâbda eḳall ve ḥafif olur. Ve bâtın-ı ḥalkta olan ḥunâḳ ḥasebiyle 'ârıd olan sû-i teneffüs istilkâ katında ḥunâḳ-ı küllî olup teneffüs aşlen mümteni' olur.

320 “Nefes-i munḥurî” nefesi burnundan almak; “zebḥa” maḥall-i iḥtinâka derler ve o maḥallde 'ârıd olan ḥunâka derler.

321 “Emrâd-ı nâhike” da'f edici marâḍlar demektir.

Yirminci Faşl Dîk-ı Nefes Beyânındadır

Bu nefes bir nev^c nefestir ki onunla hâricden meclûb olan havâ bâtı-na sülûk eylemeğe menfez bulmaz ve nüfûz edenlerin dahi nüfûzu kalîlen kalîlen olup mu^tâd üzere havâ-i müstenşak münşerib olmaz.

Ve dîk-ı teneffüsün esbâbı hancerede ve kaşabede ve kaşabe şu^cabında ve şerâyinde ve riye hâlhalelerinde³²² riyenin kendide olan veremlerdir.

Ve evrâm-ı riyeden nefesini ziyâde tađyîk eden verem verem-i şulbdür veyâhüd riyede ahlât-ı gâlîza ve ahlât-ı lezice-i keşîrenin ictimâ^cı ve ahlât-ı mâiyyenin kezâlik ictimâ^cıdır veyâhüd muđayyîk olan sebep riyeye ^carıđ olan intıbâktır.

Ve riyeye olan intıbâkın ^curûđu kebid ve mi^cde ve tıhâlden birinde mevcûd olan verem-i hârr-ı mücâvirin dađtı olur veyâhüd ziyâde tađyîke sebep istiskâ ve evrâmın inficârâtı hasebiyle cevfi esfelde olan feđâya ahlâtın inşibâbı olur, zîrâ zikri mürür eden eşyâlar riyenin inbisâtına mâni^c olurlar.

Ve yübs hasebiyle riyeye ^carıđ olan tekâşüf ile ve kezâlik riyede olan kabđ ve riyeye ve hicâba işâbet eden berd ile dahi dîk-ı nefes ^carıđ olur.

Ve ^caşab ve hicâbda olan sebeplerden dahi dîk ^carıđ olur lâkin bu iki mevđi^cde olan esbâbla ^carıđ olanlara ^cusr-i nefes tesmiye olunmak evlâ olur.

Ve kezâlik dîk-ı nefes ebhûre-i duhâniyyenin mevâđi^c-i đayyıkada medâhil-i nefesi tađyîki ile dahi ^carıđ olur.

Ve ba^cđı kimselerin şadıı đayyîk olup li-ecli't-teneffüs münbasiða olan a^cđâ için mağall-i inbisât olmaz ve o sebepten nefesinde dîk olur.

Ve ba^cđı kerre dahi buhrân hasebiyle mevâdd fevk cânibine şu^cüd etmekle dîk-ı nefes hâdiş olur.

Ve gâhice dahi nefesin ^cusr ve dîkı evrâm-ı bātıneden mevâdd seyelân edip nevâhi-i re^cse intikâl etmekle ^carıđ olur. Bu vech ile ^carıđ olan dîk iki üzünün hâlfinde verem hüdüsünü inzâr eder eger o sebepler ile ^carıđ olan dîk eslem olur ise ve eger o dîk şu^cübetli ise dimâğda verem hüdüsünü inzâr eder.

el-^cAlâmât: Evrâm-ı hunâkiyye ^calâmetlerinin zikri mürür eyledi, ammâ nefsi-riyede ^carıđ olan veremin ^calâmetleri budur ki o âfette nefsi-riyede

322 “Hâlhalelerinde” ya^cnî fücülerinde demektir.

veca^c-ı şakîl olur ve şadrın ʿađalâtında ve hicâblarında veca^c-ı nâhıs³²³ olur ve o veca^c bâtında akvâ ve zâhirde ađʿaf olur. Ve riyenin ğađârîfinde dahi veca^c olur. Ve ğađârîf-i riyede olan veca^cın međđî ya^cnî hikkesi olur ve bađđı kerre onun hikkesi su^câle müʿeddî olur.

Ve eger riyenin veremi verem-i hârr ise ona hummâ dahi ʿarıda olur.

Ammâ ahlât hasebiyle olan đık eger o ahlât kaşabede vâkı^ca ise onun ʿalâmâtı nefş ve su^câle iştiyâk ve nefş ve su^câl ile intifâ^c ve ednâ su^câl ile nefşin hurücu ve harhare olur.

Ve eger mücib-i đık olan ahlât riyede olur ise onun dahi ahlvâli kaşabede olan ahlâtın ahlvâli gibi olur lâkin bu sınıf đıkta vâkı^c olan su^câl ağver olur ya^cnî derinde olur ve bunda olan harhare müntefişin şuşûbeti miđđârınca olur.

Ve eger mücib-i đık olan ahlât cevfi esfelin fedâsında ise onun ʿalâmâtı o şikaldır ki bir cânibden cânib-i âhşere intikâl eder, o đıkta kađr-i mu^cteber su^câl olmaz.

Yirmi Birinci Faşl

Nabđın ihtilâfı gibi nefes dahi muhtelif olur ve hilâfı dahi muntazam ve ğayr-i muntazam olur.

Yirmi İkinci Faşl Nefes-i Muđâ^cıf Beyânındadır

Nefes-i muđâ^cıf nefes-i muhtelif envâ^cındandır. Ve muđâ^cıf bir nev^c nefestir ki onun bir defʿa inbisâtı iki hareket ile olup o iki hareketin arasını bir sükün fâşıl olur ve iki hareket bir sükünun mecmû^cu inbisât-ı vâhid olur; o mişli olan inbisâta fađm derler. Ve kezâlik hareket-i inkıbâđiyye dahi iki hareket arasında bir sükünla olur ve o inkıbâđiyye olan harekete te^cassür ıtlâk olunur, bunun nazîri şabînin zamân-ı bükâsında vâkı^c olan nefesi olur; o nefesin inbisâtı fađm ve inkıbâđında te^cassür olur.

Ve nefes-i muđâ^cıfın sebebi harâret-i keşîre olur, zîrâ harâret-i keşîre havâ-i müstenşaka kanâ^cat eylemeyip havâyı ikşâr kaşdı ile hareket tamâm

323 “Veca^c-ı nâhıs” ğışâ ʿarđan mütemeddid olup dürtülür gibi hâlet ihşâs olunur ve veca^c-ı şakîlde mevđî-i veca^cda şikal ihşâs olunur.

olmazdan muḳaddem ḫareket-i uḫrā aḫzına ibtidā eder. Ve nefes-i muḫāḫıfın sebebi āḫeri nefesin ālāt-ı maʿlūmesinin nefeste istirāḫata muḫvic olan ḫāḫıfı olur ve o ḫāḫıfı kuvveti müskıḫ olan sū-i mizācla olur veyāḫūd ālet-i nefesi müceffıf ve muḫallib olan sū-i mizāc olur ve ikinci ḫāletın vuḫūcu ekḫer olur. Veyāḫūd nefes-i muḫāḫıfa sebep aḫḫā-i nefeste ve mücāvırlınde vecaḫın ve veremin vuḫūcu olur. Aḫḫā-i nefesin mücāvırlıri ḫıceāb ve kebid ve tıḫāl olur, lākin kebidin [307a] aḫḫā-i nefese müḫāreketi tıḫālın aḫḫā-i nefese müḫāreketinden eḫedd olur.

Veyāḫūd nefes-i muḫāḫıfın sebebi maraḫ-ı ālı olur ve maraḫ-ı ālının taḫdādı kirāren mürür eyledi. Ve o emrāḫdan nefes-i muḫāḫıfa ekḫer-i ḫālede sebep olan ḫālā mevcūd olan teḫennüic veyāḫūd gelecekte vuḫūcu mütevakkiḫ olan teḫennüic olur.

Ve nefes-i muḫāḫıf emrāḫ-ı ḫādede ve kezālık ḫāde olan ḫummayātta ʿālāmet-i redıyye olur. Velākin berdden ḫādiḫ olan nefes-i muḫāḫıfa ḫummā bāʿıḫ-i ḫıfā olur.

Yirmi Üçüncü Faḫl Nefes-i Muntaḫıf Beyānındadır

Bu nefes bir nevḫ nefestir ki onun nıḫıfı meʿūf ve nıḫıf-ı āḫeri selım olur ve onefes-i sālım olannıḫıf olur.³²⁴

Yirmi Dördüncü Faḫl Nefes-i ʿAsir Beyānındadır

Bu nefes bir nevḫ nefestir ki onun havāda taḫarrufu meḫāḫḫatlı olur onda gerek ise ḫıḫ olsun ve gerekse olmasın. Bu nefesin sebep-i ḫudūḫı neḫāyirinde tafḫıl olunduḫı üzere ālāt-ı teneffüsün āfeti olur.

Ve baḫḫı kerre bunun ḫudūḫına sebep ḫalbe lehıb-i nārının ḫalebesi olur.

Ve kezālık berdin kuvveti imāte ve izāle eylemesi veyāḫūd meʿūfe kılmaması olur, nitekim tılā ve tılā miḫlli müberridāttan biri ile ḫıceāba bürüdet ʿārıḫa olsa ʿusr-i nefes ʿārıḫ olur.

Ve baḫḫı kerre dahi havānın bürüdetinden veyāḫūd ḫıceāb üzere vaḫḫ olunan ḫımādnın bürüdetinden ḫıceāba ʿārıḫ olan sū-i mizāc ḫasebiyle ʿusr-i nefes ḫādiḫ olur.

324 Yaḫnı nefes-i tāmın nıḫıfı bāḫıl olmakla nıḫıf-ı sālım ile intifā olunur.

Ve ba'đı kerre mi'cde veyāhūd kebidde olan āfet hasebiyle onların üzerlerine müberrid dımadlar vađ olunmakla hicāb onların bürüdetinden bi'l-mücāvere müte'essir olup inbisāta semāhat eylemez.

Ve ba'đı kerre dahi südde hasebiyle 'usr-i nefes hādiş olur. Ve südde ka-tında rıh-i müstenşak muhtebes olup o süddeyi teftih için cehde hācet olur ve bu 'usr-i dıka muhālif olur ve çok kerre süddesi verem olur.

Ve ba'đı kerre dahi 'usrün hudūsu müşhil isti'mālinden olur o vakte ki müşhil mevāddı işāre ve taħrık eder velākin iħrāca kadir olmaz ve kezālik haqn-i hādde dahi ba'đı kerre mevāddı taħrık eder, iħrāca kudreti olmaz ve hareket-i mevādd ile 'usr-i nefes hādiş olur.

Ve yine 'usr-i nefese sebep olur zātü'l-cenb marađında faşd olundukta dem kadr-i hācetten nokşān iħrāc olunsa 'usr-i nefese sebep olur.

Ve sana vācib olur ki dıķ-ı nefes faşlının āħirinde zıkr olan aqvālimizi dahi bu maķāmda zıkr eylesin.

Yirmi Beşinci Faşl İntişāb-ı Nefes Beyānındadır

Bu nefes bir nev' nefestir ki o nefesi taħşil mümkün olmaz, ancak onun şahibini müstevī ve muntaşib olup fevķ cānibine boynunu medd etmekle hāşıl olur, zīrā bu hey'et ile 'unuķu açılıp süddeleri teftih eder, o hādde nefes cereyāna menfez bulur. Ve bu nefesin şahibi boynunu bükmeğe kadir olmaz, zīrā raķabesini eđmek ve bükmek ile onun üzerine nefesi dayyık olur, raķabesi half cānibine müncezib olan kimselerin nefesi dıķ olduđu gibi ve kezālik o 'illetin şahibi şadrını ve zaħrını half cānibine döndürmeğe kadir olmaz. Ve kaķan nefes-i intişāb şahibinin intişābı ve istikāmeti zāil olup hey'et-i uħrā üzere olsa 'ale'l-ħuşūş hey'et-i istilkā üzere olsa o kimsenin eczā-i riyesinden ba'đısı ba'đı āher üzere vāki' olup mecārī-i riye mesdüde olur, zīrā o mişlli riyenin ekşer-i mecārīsi fi'l-aşl mesdüde olur ve onda meftüh olan mecārī şey-i yesir ve miķdār-ı kalil olur. Ve hey'et-i istivānı zevāli ile meftüh olanlar dahi eczālarının ba'đısı ba'đı āher üzere meyl eylemek ile mesdüde olup infitāhı aşlen ve külliyyen bātil olur.

Ve ba'đı kerre dahi nefes-i intişābı muķteđi olan süddeler ħummayāt mişlli emrāđın 'arađı olur, zīrā ħummayātta ebħire ve ruķūbāt-ı münhālle keşirü'l-vuķū' olup menāfizi doldurur ve nefes mecārīsi mesdüd olur. Ve

ba^çdı kerre dahi ahlâ^t-ı ha^kîkiyye o mecârîleri sedd eder. Ve evrâm dahi sedd edip bu nev^ç nefesi icâb eder.

Ve hey^çet-i istivânın zevâlî ile nefes bâtıl olduğunun bir sebebi dahi budur ki a^çdâ-i teneffüsün a^çdalâtı bu mişlli âfette müsterhiye olur ve hey^çet-i istivâ üzere oldukta a^çdalât-ı müsterhiye ayak cânibine tedellî eder ya^{nî} sarkar ve o tedellîden mecârî-i nefes mün^çdağıt olmaz, ammâ hâl-i istilkâda a^çdalât-ı zahr u şadr cânibine tedellî eder ve lâ-ma^çhâle a^çdâ-i hareketi dağıt eder.

Yirmi Altıncı Faşl Aşhâb-ı Tabâyifin Nefesi ve Esnânda Her Birinin Nefeslerinin Beyânındadır

Ammâ şıbyân onların fu^çdül-i duhâniyyeyi ihrâca hâcetleri şedîde olur, zîrâ onların ha^çımları sâirlerinden ekşer ve edvem olur;³²⁵ onların ta^çtfîeye hâcetleri kalîle değıldir ve kuvvetleri dahi cidden şedîde değıldir onun için ki onların ebdânları ve kuvâları kâmile değıldir. Ve nab^çlarında³²⁶ sür^çat ve tevâtür olup ikisi dahi şedîd olur³²⁷ ve şedîden nab^çları a^çzîm olur, a^çızamın şiddeti sür^çat [ve] tevâtür şiddetlerinden ednâ olur.

Ammâ şâbb olanların enfâsı a^çzam velâkin tevâtür ü sür^çat-i nefesleri e^çall olur, zîrâ şübbânda ta^çzîm-i nefes hâceti kâmilen ka^çdâ eder.

Ammâ kühülün nefesleri zîkr olunan i^çtidâlden zâide ve ma^çânîde şübbânın nefeslerinden e^çall olur ya^{nî} sür^çat ve tevâtür ve a^çızamları şübbânın nefesleri sür^çati ve tevâtürü ve a^çızamından e^çall olur velâkin meşâyihün nefesleri kılletine bâliğ olmaz.

Ammâ meşâyihün enfâsı aşğar ve eb^çta^ç ve tefâvütü eşedd olur. Ve bu mezkûrlar sana hafî değıldir.

325 Lâ-ma^çhâle ha^çımın ziyâdeliğinden eb^çire ziyâde olup ihrâca hâcet dahi ziyâde olur.

326 “Nab^ç” bedeline “nefes” nüshâ olmak üzere işâret olunmuştur.

327 Sür^çat ve tevâtürleri ta^çtfîeye hâcetleri kalîle olmadığından olur ve kuvâları kâmil olmamakla nab^ç ve nefesleri şedîden a^çzîm olmaz.

Yirmi Yedinci Faşl Ğıdādan ve Habel ve İstiskā Mişllilerden Hādiş Olan Nefes-i Mümtelī Beyānındadır

Bu kimselerin nefesleri şıĝara māil olur, zīrā hareket-i bāsiṭadan hicāb-ları mađĝūṭ olur. Ve bu şıĝar ḥasebiyle eger kuvvetleri vefā eder ise nefeslerinin tevātür [ve] sür'ati lāzım olur; eger kuvvetlerinde ḍaḥ olup sür'at ve tevātüre ma'an vefā eylemez ise yalnız tevātür ihdās eder.

Yirmi Sekizinci Nefes-i Müsteḥamm Beyānındadır

Mā-ı ḥārr ile istiḥmām eden kimsenin tervīḥe ḥāceti olup āletinin dahi mülāyemeti olduğundan nefesi 'azīm ve serī ve mütevātir olur, ammā mā-ı bārid ile istiḥmām edenlerin nefesleri 'aks üzere olur.

Yirmi Dokuzuncu Faşl Nāimin Nefesi Beyānındadır

Nāimin kuvveti kavıyye olur ise nefesi 'azīm olup mütefāvit olur ve sebebi bābu'n-nabḍda zıkr olundu. Ve nāimin ḥaḍmı ziyāde olup ebḥiresi ve edḥinesi keşir olmakla nāimde inḳıbād inbisāttan ekşer olur.

Otuzuncu Faşl A'ḍā-i Şadrda Vecaı Olanların Nefesi Beyānındadır

Bundan aḳdem zıkrı mürür eylediĝi üzere bu 'uḍvlarda vecaı olanların nefesleri şıĝara ve kışara māil olur ve ba'ḍı kerre dahi teḍā'uf ve 'usrdan her birine dahi meyl eder ve telehhübü yok ise buṭ üzere olur ve tevātür eder ve şıĝar ve kışarı buṭundan ekşer olur, zīrā bu ḥāli üzere olanlara ihtibāsa ve kıllet-i inbisāta dā'ı rıfka dā'iden ekşer olur. Ve bu müteveccī'lerin şızam-ı inbisātle te'ezzisi sür'at ile te'ezziden eşedd olur. Eger ḳalbde iltihāb ve süḥūnet olur ise onun nefesinde sür'at olmak lāzım olur, her ne miḳdār sür'atten müte'ezzī olur ise.

Otuz Birinci Faşl Nefesi Ḍayyiḳ Olanların Hangi Sebebden Olur İse Olsun Nefeslerini ve Şāḥib-i Rebvin Nefesini Bildirir

Ḍiḳ-ı nefes ḥasebleriyle fevt olan enfāsın ekşer-i ḥālede sür'at ve tevātür ile telāfisi ve tedārüküne ihtiyāc olur, ona bināen o kimsenin nefesi şaĝir, ḍayyiḳ, mütevātir olur ve şāḥib-i rebvin nefesi bābında zıkr olduğuna üzere olur.

Otuz İkinci Faşl Aşhâb-ı Middenin Nefesi Beyânındadır

Midde şâhibleri şadrın küllîsini başta tekellûf ederler ve onların harâret ve nefhası olur velâkin nefesleri ‘azîm olmaz ve kuvvet ile hâdiş ve hâşıl olan nesnelere dahi mevcûd olmaz, zîrâ onların [307b] da‘f-ı kuvvetleri im‘ân üzere olur, ammâ zâtü’r-riye ve rebv aşhâblarında kuvvet bâkîye olur.

Otuz Üçüncü Faşl Zebha ve İhtinâk Aşhâbının Nefesleri Beyânındadır

Bu âfet aşhâbının nefesinin başta ‘azîm olur ve sür‘at ve tevâtürü dahi olur nefese ihtiyâc olup mevâddın dahi gavrda olduğu için ve onda nefha olmaz.

Otuz Dördüncü Faşl Rebvde Olan Kelâm-ı Mücmeli Bildirir

Bu ‘illet ri‘iyedir ya‘nî riyede bir mara‘dır ki onun şâhibi vâdi³²⁸ iken nefesi tevâtür eder ve ondan münfekk olmaz ve nefesi ma‘h-nûk-un ve mek-dûd-un nefesi gibi olur. Ve bu ‘illet meşâyı‘ha ‘arı‘da olsa bür‘ mutaşavver olmaz, zîrâ şübbâna ‘arı‘da olsa bür‘ ‘usretli olur, meşâyı‘hta bür‘ ne keyfiyette mutaşavver olur! Ekser-i emrde va‘kt-i istilâkâda rebv ziyâde olur.

Ve bu ‘illet ‘ilel-i müte‘âvileden olur, ma‘a-tülîhâ şar‘ ve teşennüc gibi onda nevâib-i hâdde olur. Ve ba‘dı kerre rebvi mücib olan âfet nefsi-riyede ve riye-nin ittîşâlinde olan mevâdi‘de olur. O mevâdi‘de olan şerâyînde ve şu‘ab-ı şîgâr u revâdi‘da ahlâ‘-ı gâlîza telahhuc etmekle o âfet hâdiş olur. Ve ba‘dı kerre dahi kaşabe-riyede âfet olmakla rebv hâdiş olur. Ve ba‘dı kerre dahi hâl-hale-riyede emâkin-i hâliyyede âfet olmakla rebv hâdiş olur ve bu mevâdi‘de telahhuc eden ru‘ûbet ba‘dı kerre o mevâdi‘e re’s-sen munşabbe olur, ‘ale’l-huşuş bilâd-ı cenûbiyyede ve riyâh-ı cenûbiyyenin keşret-i hüübunda baştan inşibâb keşîrî’l-vu‘ûc olur. Ve ba‘dı kerre dahi zîkr olunan mevâdi‘e mevdi‘-i âherden o ru‘ûbet mündefi‘a olur. Ve ba‘dı kerre mevâdi‘-i mezkûreye bürüdet ‘arı‘ olup zîkr olunan ru‘ûbât o mevâdi‘de hâdiş ve mütevellid olur ve ondan hâdiş olan rebv kalîlen kalîlen hâdiş olur. Ve ba‘dı kerre rebve sebep riyede ve riye-nin şerâyîninde olmaz

328 “Vâdi‘” sâkin ma‘nâsındadır; “de‘at”tan ism-i fâ‘ildir.

belki miçdeye baştan ve kebiden muşabbe olmakla olur veyâhüd miçdede mütevellide olan ruṭûbet rebve sebep olur.

Ve mevâdiç-i mürtefiçaya şuşûd zamânında ḥâdiş olan bühr yaçnî solumak miçdenin ḥicâba ve ḥicâbın riyeye müzâhamesinden çarıḍ olur. Ve baçdı kerre dahi kebidde bürüdet ve ğılzat çarıḍ olup rebve muçın olur. Ve zıkr olunan aḥlât baçdı kerre dahi kemmiyyet ve keşreti ḥasebiyle îzâ eder. Ve riyenin yübs ve cefâfından ve ictimâçından yaçnî dürülmesinden dahi baçzı kerre rebv çilleti ḥâdiş olur. Ve bürüdet riyeden dahi çarıḍ olur. Ve çaşab ve nuḥâç ve dimâğ mişli açdâ-i teneffüsün mebâdileri âfetleri ḥasebiyle dahi bu çillet çarıḍ olur veyâhüd o çuḍvlara nevâzilin inşibâbından ve açdâ-i teneffüse mücâvirlerinin dağtı olup inbisâtтан mâniç olduğundan bi'l-müşâreke bu çillet ḥâdiş olur, meşelâ miçde mümteliçe oldukta ḥicâba müzâhim olup bu âfet ḥâdiş olur. Ve baçdı kerre rebv ebḥire-i keşire vü duḥâniyye riyeye şâire ve muḥteçine olmakla ḥâdiş olur. Ve gâhice açdâ-i teneffüste riyâḥ-ı muḥteçane olup nefese müzâhim olmakla olur. Ve şadrın şığarından [dahi] ḥâdiş olur, zîrâ şadr şağîr oldukta miçdâr-ı ḥâcet olan nefese şadrın siçası olmaz ve nefeste bu âfet âfet-i cibilliyye vü ḥılkıyye olur. Ve miçdesi şağire olanlara dahi bu âfet ḥâdiş olur. Ve baçdı kerre dahi rebv müştedd olup nefes-i intişâba müçeddî olur ve çok kerre zâtü'r-riyeye intikâl eder.

el-çAlâmât: Eger rebvin sebebi nefes-i kaşabede olan aḥlât ve ruṭûbât olur ise o şürette o teneffüste dıç ve tenaḥnuḥ ve naḥîr³²⁹ olur ve bir mâdde-i vâkıfe iḥsâs olunur ve onda tefl³³⁰ olur ve o tefl ile mekân-ı karîbden şeyç-i yesîr nefş olunur. Ve eger o aḥlât nezle ḥasebiyle olur ise onun rebvi defçaten ḥâdiş olur; eger nezle ḥasebiyle değil ise çalîlen çalîlen çarıḍ olur. Eger o ruṭûbet çurûç-ı ḥaşineden olur ise onda nabç-ı ḥafaçânî ve muḥtelif-i dâim olur. Ve baçdı kerre onda ḥafaçân müstaḥkem olup mühlik olur.

Aşḥâb-ı rebvin ekşerinin nabçı ḥafaçânî olur velâkin o âfetin sebebi olan mâdde ḥâric-i feçâda olur ise ne vech üzere olur ise olsun o çillette suçâl olmaz. Ve eger zıkrî mürür eden açdâ-i maçlûmenin mebâdisinde olup

329 “Naḥîr” burnundan söylemek maçnâsmadır.

330 “Tefl” tükürmektir. Ve onun kuvvet ve daçf ḥasebiyle esâmîleri vardır; gâyet daçf olana beç ıtlâç olunur baçdehu tefl baçdehu nefş baçdehu nefḥ ıtlâç olunur: *وقد تغل من باب ضرب ونصر Kezâ fi Muḥtâri's-Şiḥâh.*

bi'l-müşâreke rebv ʿarîd oldu ise o mebâdînin âfât-ı mâdiyesi ona delâlet eder ve eger mücâvirlerine müşâreket ile hâdis oldu ise o mücâvir ʿırdıvlar- da olan âfet ziyâde oldukça rebvin dahi ziyâde olduğu ona delâlet eder ve kezâlik o mücâvirlerde imtilânın vücûdu dahi delâlet eder. Ve eger bu nezelât hasebiyle hâdis oldu ise nezelâtın hâli ona delâlet eder. Ve eger midde defʿaten aʿdâ-i nefese münfecire olduğundan olur ise rebvin o sebebden hüdûsuna veremin vücûdu ve cemʿ-i midde eylediğinin teʿaddümü delâlet eder. Ve inficâr sonra inficâr hasebiyle ʿarîd olan ahvâl dahi delâlet eder.

Ve eger rebv yübüset hasebiyle ʿarîd oldu ise ona ʿataş ve ʿatâş nefıs ol- mamak ve müratıbbât tenâvülü katında ve kezâlik müratıbbât-i säire istiʿmâl olundukta nefısın vücûdunun kılleti delâlet eder.

Ve eger rebv rîh sebebiyle ʿarîd oldu ise ona nevâi-i şadrın hıffeti ve dîkîn vücûdu ve o dîkîn nevâfiḥ tenâvülü katında arttığı ve nevâfiḥ terk olundukta ʿilletin nokşân üzere olduğu delâlet eder.

Ve eger rebvin hüdûsu mizâc-ı riye hasebiyle olur ise ve meşâyih rebvi gibi ise o rebv evvelâ kalîlen kalîlen ʿarîd olur baʿdehu müstahkem olur.

el-İlâc: Bu maḥallde rebvin ve dîk-ı nefesin ve intişâbın muʿalecâtını bildirelim.

Bu mezkûrların ruḥbâtan hâdis olanlarının muʿaleceleri budur ki onla- rın riyelerinde olan ruḥbâtı rıfḥ ve ʿtidâl üzere ifnâ etmeğe iḳbâl olunur. Ve eger bilinirse ki ona o âfet riyede keşret-i ruḥbetle ʿarîd olmuştur, o ḥâlde müşhilât istiʿmâliyle beden istifrag olunur. Ve vâcib olur ki istiʿmâl olunan edviye mülattıfe ve mündice ola lâkin teşhîn-i şedîdi olmaya, zîrâ teşhîn-i şedîd māddeyi tecfif etmekle taḡlîz eder. Ve mevâdd-ı ḡalîzanın rebvde maḍarratı ziyâde olur, onun için evâil-i eṭıbbâ ve ḳudemâ-ı ḥuzzâḳ rebv için mütteḥaz olan maʿâcîne afyûn ve benc ve yebrûḥ ilḳâ ve idḥâl eylemediler³³¹ meger ki o maʿcûndan ḡaraḍ menʿ-i nezle ola, o vâkt nezle-i keşireyi menʿ için zıkr olunan afyûn mişli nesnelere maʿâcîn-i mezkûreye ilḳâ olunur. Ve kezâlik bezr-i ḳatûnâyı dahi maʿcûn-ı mezkûreye ilḳâ eyle- mediler illâ bi-meşiyetillâh baʿdı kerre ilḳâ ve idḥâl eylemiş olalar.

Pes vâcib olur ki mevâdd ḡalîza ve lezice olur ise tertîbe ve indâca taʿah- hüd oluna ve tertîb-i sâzecz veyâḥüd taḳṭıʿ-i sâzeczle iktifâ olunmaya. Ve

331 Zîrâ bu muḥaddirât mevâddı taḡsîr ve taḡlîz eder.

ruṭübâtı ifnâ ʿunf ile olur ise maddenin ʿiṣyâni katında cirâḫat riyeye müʿeddî olur, onun için müdirrâtın küllîsi bu ʿillette idrârı cihetinden muḍırr olur, zîrâ müdirrât riyede olan ruṭübet-i raḳıḳayı iḫrâc eder.

Ve eger rebv ʿillette kebidde ğılzat iḥsâs olunur ise vâcib olur ki edviye-i şadriyyeye ğâfeş ve efsentün mişlli edviye ve iki emri cāmîʿ yaʿnî kebid ve riyeye âfetlerine nâfiʿ fûvvetü'ş-şıbg ve zerâvend mişlli edviyeler ḫalṫ olunur.

Ve eger şabînin rebvine ʿilâc olunur ise rebv edviyeler şabînin anası sütüyle cemʿ olunur ve şıbyâna edviye-i muʿtedile kifâyet eder, râziyâ nec-i raṭb ile maʿa'l-leben onlara ʿilâc olunur, dîk-i herim meraḳası māddeyi nuḍc ve nefse muʿin olur.

Ve bu bâbda nâfiʿ tedbîrlerden olur şadri ve ḫavâlisini yed ile ve ḫâşşaten menâdîl-i ḫaşine ile delk eylemek. Eger o ʿillette intişâb olur ise min şayri dühn delk-i muʿtedil-i yâbis ile delk olunur; eger iʿyâsı olur ise o zamân dühn istiʿmâl olunur. Ve vâcib olur ki baʿdı evḳâtta delk ile ḳaysüm ve naṭrûn istiʿmâl olunup onlar ile o mevâdiʿ [308a] delk-i şedîd ile delk olunur. Eger mādde keşîr ise müşhil ile tenḳıye olunmak vâcib olur ve o müşhil bezr-i encüre ve besfâyec ve ḳıssâ-i ḫımâr ve şaḫm-ı ḫanzal mişllilerden mütteḫaz olur.

Ve tenḳıye ve ḳayʿdan sonra bu ʿillette tedbîr budur ki şavt istiʿmâl oluna. Şavt-ı daʿif ü şağirden bedʿ olunup şavt-ı ḳavî ve şavt-ı ṫavîle tadrîc oluna.

Ve bu ʿilletin tedbîr-i âḫeri budur ki onun muʿâlecesinde ḳayʿ-ı muttasıl istiʿmâl oluna, ʿale'l-ḫuşuş o ḳayʿ fücl tenâvülünden veyâḫüd dört dirhem bûraḳ şarâb-ı ʿaselden beş vuḳıyye şarâbla tenâvül olunduktan sonra ola velâkin bu tedbîr ʿillet şaʿbe ve ḳaviyye oldukta istiʿmâl olunur.

Ve bu bâbda ḫarbaḳ-ı ebyaḍ cidden nâfiʿ olur ve emrâḍ-ı şadrda ḫarbaḳ istiʿmâlinden ḫavf olunmaz ve onun istiʿmâl meʾmûnu'l-ğâile olur. Ve onu istiʿmâlde aşveb olan vech budur ki ḫarbaḳ-ı enyaḍ ḳıṫʿaları aḫz olunup fücle ğarz olunur ve füclde bir gün bir gece miḳdârı terk olunup baʿdehu ḫarbaḳ ḳıṫʿaları iḫrâc olunduktan sonra o fücl ekl olunur.

Kezâlik ḫardal ve milḫ bir dirhem, bûraḳ-ı Ermenî yarım dirhem, naṭrûn bir dâniḳ. Bu edviyeler vezn-i mezkûr miḳdârı aḫz olunup beş istâr mâ-ı

‘asel ile isti‘mâl olunur. O miqdâr mâ-ı ‘asel bir ûkıyye ‘aselden ittiḥâz olunmak lâzım olur.

Ve bu ‘illetin bir tedbîri dahi budur ki ṭabî‘at dâimâ mülâyim kılınır. Ve telyîn-i ṭabî‘ata mu‘în olur ḳable’ṭ-ṭa‘âm keber-i mümellaḥ ve ṭırrîḥ tesmiye olunan semek-i ‘atîḳ tenāvülü ve kezâlık dîk-i herim meraḳasını ḳırtım lüb-bü ile ve leblâb ve sılḳ ile tenāvül eylemek. Ve bunlar olmadığı mevzî‘de o mâ-ı şa‘ır isti‘mâl olunur ki şedîden ṭabḥ oluna ve içinde ḳalîlen eferfiyün ola.

Ve bu ‘illette eftîmûn şedîdü’n-nef‘ olur. Ve eger mâ-ı ‘asel eftîmûnla ṭabḥ olmuş sudan ittiḥâz olunur ise onun dahi nef‘i şedîd olur. Ve kezâlık eftîmûndan bir mişkâl meypuḥtecle tenāvül olunur.

Ve kezâlık tîn ve fütenec ve sezâb suda ṭabḥ olunup ondan mâ-ı ‘asel ittiḥâz olunur.

Ve yine ḥulbe ve tîn-i semîn ‘asel-i keşîr ile ṭabḥ olunup tenāvül-i ṭa‘âm-dan ziyâde zamân-ı ṭâil muḳaddem isti‘mâl olunur. Ve bu vech ile devâ-i mezkûru isti‘mâl mu‘âvede ve tekrâr olunur, bir def‘a isti‘mâl ile iktifâ olunmaz.

Ve kezâlık zebîb ve ḥulbe mâ-ı maṭar ile ṭabḥ olunup ṭabîḥi isti‘mâl olunur.

Ve yine maraḍ-ı mezkûrun bir tedbîri dahi budur ki tedrîcle riyâdet olunup o riyâdette buḍdan bed’ olunup sür‘ate tevaşşul olunur, zîrâ riyâdetde tedrîc olunmayıp def‘aten ‘unf ile riyâdet isti‘mâl olunssa bi‘l-cümle mād-deyi taḥrîk eder. Ve cemî‘an maddenin ḥareketi ḥîn-i mu‘âlecede ihtinâḳa mü‘eddî olur.

Ammâ ‘ilel-i mezkûre aşḫâbının aḡdiyesi vâcib olur ki zıkr olunan riyâdetten sonra isti‘mâl oluna ve ḥubzları ḥubz-ı naḍîc ü mütevebbel ola ya‘nî o ḥubz tevâbil ile ıṣlâḥ olunmuş ola ve ‘acîn-i ḥamîrden³³² müt-teḥâz ola. Ve nuḳlleri o mûlaṭṭıfât ola ki onun terkîbinde ḥabbu‘r-reşâd ve zûfâ ve sa‘ter ve fūdenec ola. Ve eṭ‘imelerinin dūsümeti şuḥûm-ı erneb ve şuḥûm-ı iyvel ü ḡazâl ve ḥâşşaten şuḥûm-ı se‘âlib ve ḥuşuşan riyât-ı se‘âlib³³³ ola, zîrâ şa‘lebin riyesi ya‘nî tilkinin akciḡeri kurutulup ondan iki dirhem

332 “‘Acîn-i ḥamîr” mayalı olan etmek.

333 “Riyât” riye’nin cem‘idir, akciḡerler ma‘nâsınadır.

mikdârı sakıy olunsa bu 'illetlere devâ olur. Ve kezâlik yaban kirpisinin akciğeri dahi bu minvâl üzere isti'mâl olunur ise bu 'illetlere devâ olur.

Ve ammâ o 'illetler aşhâbının luhmânı ve yedikleri et semek-i şahrî vü nehrî olur, semek-i âcâmî onlara muvâfık olmaz ve serçe ve keklik ve dür-râc ve düyük etleri dahi onlara luhûm-ı şâliha olur. Ve ba'đı kerre onların ğidâsında lisân-ı hamel idhâl olunur. Ammâ onların şarâbı reyhânî-i 'atîk-i rakîk olan şarâb olur ve kalilen isti'mâl olunur.

Ammâ māddeyi inđac edip nefse mu'ın olsun için şarâbdan keşîrî'l-mikdâr isti'mâl olunmak kaçd ve irâde olunsa o zamân cidden rakîk olan şarâb aĥz ve şürb olunur ve şarâb-ı 'asel dahi onlara nâfi' olur. Ve ĥumûr-ı ĥulvede dahi o 'ilel aşhâbına menfa'at vardır eger o ĥamra eşyâ-ı mülâttıfe idâfesi ile i'ânet olunur ise, zîrâ o mişli ĥamrda cilâ ve telyîn ve teşhîn-i mu'tedil keyfiyyetleri mevcûde olur. Ve vâcib olur ki onlar ta'âm ile şarâb arasını teb'îd eyleyeler, eĥadühümâ isti'mâl olunduktan sonra müddet-i tavile mürûrunda âher isti'mâl oluna. Ve def'aten kanacak mikdârı su içmeye belki mikdâr-ı mezkûr suyu defe'atle isti'mâl eyleye.

Ve o 'ilel aşhâbının ĥazer edecek nesneleri bunlardır: Onlara ĥammâm-dan ĥazer lâzım olur, 'ale'l-ĥuşuş ta'âm tenâvülünden ve nevm-i keşîrden ve ĥuşuşan nevm-i nehârdan sonra istiĥmâm ziyâde muđırr olur. Ve ta'âm-dan sonra uyumak onlara bi'l-cümle mađarrâttan ziyâde đararlı olur meger ki o kimse[lere] fetret-i şedîde ve i'ÿâ ve ĥarâret 'arıđa ola, onlara nevm-i yesîr câiz olur. Ve yine vâcib olur ki bu 'ilelde nefĥi olan ĥubûbu isti'mâlden ĥazer oluna ve ta'âm üzere su yâhûd meşrûbât-ı sâire isti'mâlinden dahi ĥazer oluna.

Ve edviye-i müşhile-i kaviiyeden onlara mülâyim olan müşhil budur ki cāvşîr ve şahmu'l-ĥanzal her birinden nışf dirhem aĥz olunup mâ-ı 'asel ile sakıy olunur veyâĥûd cünd-i bîdeter üçşec ile isti'mâl olunur. Ve ĥabb-ı ğarîkûn beher şehr iki def'a isti'mâl olunmak gerektir.

Ve eger 'illet kaviiyye ise onun nüşhası budur: ğarîkûn üç dirhem, aş-lu's-sûs [ya'nî beyan kökü] bir dirhem, ferâsiyûn bir dirhem, türbûd beş dirhem, eyâric-i feykarâ dört dirhem, şahm-ı ĥanzal, anzerût her birinden birer dirhem, mürr bir dirhem. Bu mezkûrlar aĥz olunup meypuĥtecle ma'cûn kılınır ve şerbet-i vâhidesi iki dirhem kılınır.

Kezâlik şahm-ı hançal nişf mişkâl, enîsün südüs mişkâl ahz olunup su ile ma'cûn kılınıp habb yapılır ve onlara huḳne-i sâzece isti'mâlınden bir gün sonra isti'mâl olunur. Ve o huḳne-i sâzece mâ-ı sılḳ ve dühn-i simsim ve bûraḳ ve o mecrâya cârî olanlardan ittiḫâz olunur.

Ve kezâlik şahm-ı hançal iki dâniḳ, bezrû'l-encüre iki dirhem, eftîmûn nişf dirhem mâ-ı 'asel ile ma'cûn kılınır. Ve bu nüşha bir nev' şerbettir ki o şerbet isti'mâl olunduktan sonra üzerine üç sâ'at miḳdârı şabr olunup bir ũḳıyye ve şülüş ũḳıyye mâ-ı 'asel saḳy olunur.

Ve kezâlik şahm-ı hançal ve şîḫ mütesâviyü'l-vezn, bûraḳ nişf cüz', aş-lu's-süs bir cüz', cāvşîr bir cüz'. Bu edviyelerden habb ittiḫâz olunur. Ve onun şerbet-i vâhidesi bir buçuk dirhemden iki dirheme varınca kadar olur. Ve bu şerbet isti'mâl olunduktan sonra bir sâ'at şabr olunup üzerine nişf kütûlî mâ-ı 'asel saḳy olunur.

Ve kezâlik ḫardal bir mişkâl, milḫü'l-'acîn nişf mişkâl ve kıssâ-i ḫımâr 'uşâresi nişf mişkâl. Bu miḳdâr edviye-i mezkûreden sekiz 'aded ḳurş ittiḫâz olunup yevm-i evvelde bir ḳurş isti'mâl olunup yevm-i şânide terk olunur ve yevm-i şâliste bir âḫer ḳurş dahi isti'mâl olunur. Bu minvâl üzere birer gün fâşıla ile her nevbette birer ḳurş isti'mâl olunur ve o ḳurş mâ-ı 'asel ile şürb olunur. Ve bu şerbet ḫabî'atı telyîn ve nefsi teshîl eder. Ammâ sair edviye isti'mâlınde vâcib olur ki devâ-i vâhid ittişâl üzere kirâren isti'mâl olunmaya belki edviyeden biri isti'mâl olunduktan sonra devâ-i âḫere intikâl oluna, zîrâ bir devâ 'ale'l-ittişâl devâm üzere isti'mâl olursa ḫabî'at ona me'lûfe olup te'sîri olmaz.

Ve ma'lûm ola ki edviye ile ebdân beyninde bir nev' münâsebet vardır ki o münâsebet ancak tecrîbe ile ma'lûm olur. Ve kaçan bir bedende edviyeyi tecrîbe edip bir devânın o bedende enfa' olduğu bi-ḫasebi't-tecrîbe senin ma'lûmun olsa ona mülâzemet eyle, o 'illette bizim nüşhalarımıza ve sözlerimize iltifât eyleme.

Ve vâcib olur ki mevâddın cihet-i maşabbı dahi ri'âyet oluna. Eger mādde baştan indi ise nevâzil 'ilâclarıyla başa tedbîr olunur ve o tedbîr ile ḫılt tenḳıyye [308b] olunur ve o münakḳıyyâtta muḫaddirât idḫâl olunur ve nevâzili men'ede tîn-i Ermenî için te'sîr 'acîb olur.

Ammâ tefârîk-ı edviye³³⁴ bunlardır: Dîşkürîdüs devâsı ve zerâvend-i müdahrec ve küllü yevmin su ile anlardan nişf dirhem tenâvül olunur. Ve sekbîneç şarâbla ve übhül ve cevzü's-serv isti'mâl olunur.

Kezâlik fâşerâ ve fâşerşîn ya'nî kerme-i neydâ ve kerme-i sevdâdan dört buçuk dânik mâ-ı uşûl ile isti'mâl olunur.

Ve o hall ki ya'nî o şirûğan ki onda defe'âtle mirâren encüre bezri nak' oluna. *Tabf ile olan nüshada hâ-i mühmele bedeline hâ-i mufceme sirke ma'nâsına "hall" vâk' olmuştur.* Pes o nuķû'u isti'mâl dahi nâfi'dir. Veyâhüd bezri-i hurftan iki dirhem miķdârı üzerine tatlı bâdem yağı taķtır olunup isti'mâl olunur.

Ve aşl-ı fûvve³³⁵ nişf dirhem ve rubu' dirhem ya'nî bir dirhem in iç rubu'u miķdârı aşl-ı fûvve sikencebîn-i 'unşulî ile cidden nâfi'dir. Ve 'unşul-i meşvînin kendi dahi nâfi'dir huşuşan 'asel ve zerâvend-i müdahrec ile isti'mâl oluna.

Ve kezâlik ķanţuriyûn³³⁶ maţbûhu nâfi'dir. Ve ķanţuriyûn iki şınıftır, her bir şınıfı 'alîlin iki hâlınden birine maşşuş olur: Ķanţuriyûn-ı ģalîz mād-denin hareketi ve zamân-ı ibtidâya hâşş olur ve ķanţuriyûn-ı daķık vaķt-i sükûna ve âhir-i 'illete hâşş olur, ondan 'asel ile le'ûķ ittihâz olunup isti'mâl olunur.

Ve kezâlik 'ilk-i enbâţ yalnız veyâhüd 'âķırķarhâdan miķdâr-ı ķalîl ile ve kezâlik bârzed ve cāvşîr bu 'illete cidden nâfi' ve ķavî olur velâkin a'sâba olan mađarratı ve ģâilesi 'azîmdir ve gerektir ki muşlıhât ile onun ģâilesi def' ve işlâh oluna. Ve onlara devâ-i kibritûnin dahi nef'i şedîd olur.

Kezâlik ģurf, simsim her birinden otuz dirhem, zûfâ-i yâbisten yedi dirhem aģz olunup isti'mâl olunur; şerbet-i vâhidesi müşâhede miķdârı olur ya'nî tabîbin 'alîli tecribesi ģasebiyle olur.

Ve kezâlik tilkinin riye-i yâbisinden beş dirhem, fütenec-i cebelî dört, bezr-i kerefs ve sâzec-i Hindî her birinden sekizer, ģamâmâ, fülful her birinden dörder, bezr-i benc iki dirhem. Bu edviyeler dahi nâfi'dir.

334 Kütüb-i tıbbiyede "tefârîk-ı edviye" kütüb-i fıķhiyyede zikr olunan mesâil-i şettâ maķâmındadır.

335 "Fûvve" bir köktür ki onunla şiyâbı kırmızıya boyarlar.

336 قنطوريون اسم يوناني وهو نوعان كبير وصغير ويقال غليظ ودقيق İbn Kütübî.

Veyâhüd başal-ı ‘unşul ‘uşâresi bir mişli ‘asel-i fâik ile aḥz ve nâr-ı faḥm üzere ‘aḳd olunup bir saṭrûn ḳable’ṭ-ṭa‘âm ve bir saṭrûn ba‘de’ṭ-ṭa‘âm isti‘mâl [olunur] ve kezâlik fütenec, ḥâşâ, îresâ, fülful, enîsûn aḥz olunup ‘asel ile ma‘cûn olunur ve bunduḳa ḳadar aḳşam ve şabâḥ isti‘mâl olunur.

Ve kezâlik ca‘de ve şîḥ-i Ermenî, kemâfîṭûs, cünd-i bîdester, kündür, zûfâ her birinden birer mişḳâl aḥz olunup ‘asel ile ḥalt olunur. Ve o edviyeden miḳdâr-ı mezkûr iki şerbet olur.

Veyâhüd bûraḳ dört, fülful-i ebyaḍ iki, encudân üç, uşşak iki. Bunlar aḥz olunup meypuḥtece ma‘cûn kılınır, ondan miḳdâr-ı bâḳılât bir şerbet olur ve mâ-ı ‘asel ile isti‘mâl olunur.

Veyâhüd cünd-i bîdester, zerâvend-i müdahrec ve uşşak her birinden birer mişḳâl, fülful on ḥabbe. Bu edviyeler aḥz olunup rubb-ı ‘ineb ile ḥalt olunur; şerbet-i vâhidesi bir bâḳılât olur, sikencebîn ile isti‘mâl olunur.

Ve kezâlik ferâsiyûn, ḳuşṭ, mey‘a, ḥabbu’ş-şanevber her birinden birer mişḳâl, fülful-i ebyaḍ, ḳıssâ-i ḥımâr ‘uşâresi her birinden nişf mişḳâl aḥz olunup ‘asel ile ma‘cûn kılınır. Ve şerbet-i vâhidesi miḳdâr-ı bâḳılât olur, ısıcak mâ-ı ‘asel ile isti‘mâl olunur.

Ve kezâlik ḥardal, bûraḳ her birinden iki cüz’, fütenec-i nehrî ve ḳıssâ-i ḥımâr ‘uşâresi her birinden birer cüz’, ḥall-i ‘unşul ile ma‘cûn kılınır. Bir şerbeti bir kirsenne miḳdârı olur, ‘ale’r-rîḳ mâu‘ş-şehd ile isti‘mâl olunur.

Veyâhüd şîḥ ve efsentîn ve sezâb aḥz olunup ‘asel ile ma‘cûn kılınıp sikencebîn ile saḳy olunur veyâhüd zıkr olunan edviye ṭabḥ olunup ṭabîḥi veyâhüd sülâḳasının mu‘aḳḳadı ‘asel ile isti‘mâl olunur veyâhüd fütenec ṭabîḥi leben ile isti‘mâl olunur, ‘ale’l-ḥuşuş ‘alilde ḥarâret olur ise.

Ve ma‘lûm ola ki râsen ve râsenin suyu bu ‘illette şedîdü’n-nef‘dir.

Ve bu ‘illette edviye-i ḳaviyyeden olur zernîḥ râtiyânece onlardan ḥabbu’r-rebv ittiḥâz olur veyâhüd zernîḥ mâ-ı ‘asel ile veyâhüd kibrit nîm-birişt ile isti‘mâl olunur.

Ve itidâle ḳarîb edviye-i ceyyideden olur kemmûn ḥall-i memzûcla. Ve bu devâ cidden nefes-i intişâba nâfi‘dir.

Ve kezâlik ḥardal-ı ebyaḍın lu‘âbı bir mişli ‘asel ile le‘ûḳ ḳıvâmında ṭabḥ olunup isti‘mâl olunur. Eger ihtinâḳ ve dîḳ-ı nefes şedîd olur ise o zamân bûraḳ dört dirhem, ḥurf iki dirhem aḥz olunup mâ-ı ‘asel ile isti‘mâl

olunur ve bu devâ[la]r bu mişlli marađa isti‘mâli sâ‘atinde nâfi‘ olur ve ‘ırku’n-nesāya dahi nâfi‘dir. Ve onların eşribelerine taqtır olunacak edhân acı ve tatlı bādem yağları ve şanevber yağıdır. Ve merühātı süsen dühnü ve dühn-i gārdır. Bu dühnler ile şadr temrîh olunur ve kezālik dühn-i şibt ile temrîh olunur.

Ammā o ‘illet aşhābına tedhîn olunacak edviye zernîh ve kibrît olur. Ve bu devâlar keçi böbreği şahmıyla tedhîn olunur. Ve kezālik mürr, kuşt, selîha, za‘ferān, zerāvend ve kezālik mey‘a-i sâile, bāzred, şabr-ı isķūtarî ve kezālik zernîh ve zerāvend-i tavîl saħk olup şaħm-ı baķar ile ‘acîn ve ondan bunduķalar ittiħāz olup ve ondan bir dirhem miķdārı ile tütü verilir, on gün miķdārı beher yevm üçer def‘a tebhîr olunur.

Ammā rebvden ve dîķ-ı nefesten ķalbe müstevlî olan ebħire-i duħāniyye ile ve şerāyinde olan aħlātla hādîs olanlar faşd ile intifā‘ ederler ve onlara faşdın evlāsı ve enfa‘ı cānib-i eyserde olanları olur.

Ammā rîhten hādîs olan rebv ve dîķın ‘ilācından maķşūd ve maṭlûb iki emrdir: Birisi riyāħı rıfķ ile taħlîl eylemektir, bu raħlîl mülaṭṭifāt-ı ma‘lûme ile olur. İkincisi südedi tefṭîhtir, zîrā tefṭîh sebebiyle taħlîle ‘işyān eden mevādd-ı rîhiyye ħurūca menfez bulur. Ve yine rîhten olan emrād-ı mezkûreye dühn-i nārdîn ile dühn-i ğār ve dühn-i sezābla temrîh eylemek dahi nef‘ verir. Ve o ‘ilele ađmide-i nâfi‘adan olur durak otu, babadya, merzencüş. Bu devâlar taħḫ olup maṭbūhātıyla şadra ve iki cenblere kimād olunur. Ve meştübāttan sencerînā ve emrüsüyā ve ķūfā ve sekbīnec ve çāvşîr şerbetleri bu āfetlere nâfi‘dir ve bunlardan hangisi isti‘māl olunur ise şerbet-i vāhidesi mişķāl-i vāhid olur.

Ammā nevāzil ħasebiyle hādîs olan rebv ve dîķ mu‘ālecelerinde evvelā nevāzil men‘ olunur ve müctemi‘a olan ruṭûbet-i şadr nefş ile iħrāc olunur.

Ve a‘şāb sebebi ile ħudūsu zann olunan dîķ ki fi’l-ħaķīķa o dîķ ‘usr-i nefesten bir nev‘dir ve kezālik dîķ-ı teneffüsten olmayan sū‘-i teneffüs, onların biz mu‘ālecātını ‘usr-i teneffüs bābında zikr eyledik.

Ammā yübs ve cefāttan hādîs rebv eşek sütü ve keçi sütü ve ‘uşārāt ve edhân-ı bārîde vü raṭbeler ona nâfi‘dir. Ve dühn-i levz ħasv ile ve murattıbu’l-mizāc şarāb dahi isti‘māl olunur. Ve o āfet aşhābı müsahħināt ve senin ma‘lûmun olan muħallilāt ve müceffifāt isti‘mālinden ictināb üzere

olurlar. Ve onlara atlıye-i murattıbe ve merâhim-i nâcime ve merûhât muvâfık olur.

Ammâ harâret hasebiyle cârıd olan dîk-ı nefeste iltihâb olur. Ve vâcib olur ki onda merâhim-i müberride ve kayrûtiyât-ı müberride isti'mâl oluna. Ve bu nev' dîk-ı nefes fi'l-hakîka dîk-ı nefes değildir belki sū-i teneffüsten bir nev'dir. Ve benefşec-i mürebbâ ve mâu'ş-şair şürbü ona nâfi'dir.

Ammâ bürüdetten hâdiş olanlara meşrübâtan ve tılâlardan müsahhînât cîlac olur. Hülbe tabîhini zebîb ile şürb eylemek dahi nâfi'dir.

[Otuz Beşinci Faşl] Sū-i Teneffüsün Sâir Aşnâfi

Mu'aleceleri Beyânındadır

Eger sū-i teneffüsün sebebi harâret-i kalb olur ise onun mu'alecesinde edviye-i müberride şürben ve tılâen isti'mâl olunur.

Ve eger sebep nefis-i kalbde olan buhârât veyâhüd riyeye ıdv-ı âherden gelen buhârât olur ise onun cîlacı bâsilîki faşd olur ve onda sikencebîn ile müttehaz olan mâ-ı cübn [309a] eyâric-i feykarâ ile isti'mâl olunup ebhüre onunla istifrag olunur. Ve onların ellerin ve ayakların delk eylemeği sen isti'mâl eyle.

Sū-i teneffüsün sebebi ruṭûbet-i rakîka olur ise o rakîk ruṭûbatı taḡlîz edip ta'dîl eden mu'addilât isti'mâl olunur.

Ve eger sebep-i mu'tedile olan ruṭûbat-ı sâde olur ise habbu'ş-şanevber ve cevz ve zebîb mişlli cālî olan edviye isti'mâl olunur. Ve raṭb olan sū-i teneffüse nâfi' olur â-i bâdrücdan bir sükerrece veyâhüd mâ-ı sezâbdan o miqdâr şürb eylemek.

Eger sū-i teneffüse sebep ruṭûbet-i ḡalîza olur ise onda münakḳiyât-ı kavıyyetü'l-celâ olan edviye-i mezkûre isti'mâl olunur, unşul ve zūfâ mişlliler gibi ve bâb-ı rebvde mürür eden aqvâle dahi mürâca'at olunur ve kezâlik şadriyatta ta'dâd olunan devâlara dahi mürâca'at olunur.

Ve eger ebhüre ve ruṭûbat şadra mevâdi'-i âherden geldi ise onlardan dimâḡî olanlara nezle ve tenkiye-i re's mu'aleceleriyle cîlac olunur. Ve eger o nezle cevher-i dimâḡın da'findan olur ise ona cîlac olmaz. Ve şadra mevâdi'-i âherden gelen sū-i teneffüs mevâddı faşd ve istifragdan sonra mevdi'-i âhere cezble cîlac olunur ve şadri takviyeye ikbâl olunur. Ve o tak-

viye zerāvend ve iskürdiyün ve uşuhūdüs isti'māliyle olur. Ve diyākūd-ı sâzec ve diyākūd-ı muqavvī taqviye-i re'ste cidden nāfi'lerdir.

Ve eger sū-i teneffüs a'sāb hasebiyle hādīs oldu ise onda a'sābī ve a'sāb-da olan ervāhı taqviye ve in'āş eden edviye isti'māl olunur, edhān-ı ıtrıyye mişlililer a'sābı taqviye eder.

Ve sū-i teneffüs merīde olan verem ile veyāhūd sū-i mizācı ile hādīs ise onların bābında mez-kūr olan mu'ālecāt ile ıilac olunur.

Ve eger mi'de müşareketiyle hādīs ise mi'de taqviye ve tenkıye olunur, mi'de bābında zıkrı ātī münakkiyāt ve muqavviyāt ile.

Ve eger berdden hādīs ise sencerīnā ve emrūsiyā ve ankar diyā mişlililer ile isti'māl olunur.

Ve eger yūbsten hādīs ise fānīz mişlililer leben-i hālīb ile isti'māl olunur ve ebvāb-ı uhrāda yazılan devālar dahi isti'māl olunur.

Ve eger riyāh sebebiyle ʿarıḍ ise rebvde zıkr olunan kimādāt, rebvde ve gayrıda zıkr olunan ḍimādāt isti'māl olunur. Ve ma'lūm ola ki za'ferān o ıillete nāfi' edviyeden olur, sū-i nefese ve ʿusr-i nefese menfa'ati vardır, zīrā za'ferān ālāt-ı nefesi taqviye eder ve nefesi teshīl eder.

Sū-i nefes cümlesinden ʿusr-i nefes mu'āleceleri budur ki:

Eger nefesin ʿusreti ruṭubetten hādīs ise Cālīnūs emr eder ki onda devā-i ʿuşul ʿasel ile ma'cūn kılınıp beher şehr iki def'a isti'māl oluna ve şerbet-i vāhidesi otuz altı kīrāttır. Ve o devāyı vaqt-i tenāvülden iki gün muqaddem tekellümü ve hareketi kaṭc edip vaqt-i tenāvülden yedinci sâ'atte şarāb-ı memzūc ile ḥubz tenāvül eder ve ʿaşıyyen yumurta sarısı lübb-i ḥubz ile iç'ām olunur ve ertesı gün ferrūc-ı şağīrden mütteḥaz meraḳa iç'ām olunur ve o ḡadın ʿaşıyyesinde ḥammāma vaḍc olunur.

Ve eger bu mu'ālecātla bür' ḥāşıl ve maraḍ zāil olmaz ise ma'cūn-ı büs-sed ve devā-i Enderümāḥus verilir, ʿale'l-ḥuşuş o ıilletin zamānı tetāvül eyleyip uzun ola.

Eger ʿusr-i nefesin sebebi baştan ise onun re'si beher hafta iki def'a şābūn ve būraḳ ile ḡasl olunur ve onda mu'atṭisāt çok isti'māl olunur, rubb-ı tūt ve şabır ve mürr ile keşīren ḡargara ettirilir ve arkasını temrīḥ ile riyādet ettirilir ve onun sākı rabṭ olunur ve rabṭa fevḳten bed' olup cānib-i esfele nüzül olunur. Ve zıkrı mürūr eden münakkiyāt ve kezālik

bu şıfat üzere olan habb isti'mâl olunur. Ve o habbın nüshası budur: şîh ve sezâb tâlesi ve efsentîn haşîşi mütesâviyetü'l-eczâ aḥz olunup habb ittiḥâz olunur ve küllü yevmin ḥımmaş miqdârı ikişer habb isti'mâl olunur ba'de-hu sikencebîn ve ḥuşuşan sikencebîn-i 'unşulî isti'mâl olunur. Ve kezâlik cünd-i bîdester ve şîh her birinden birer cüz', efsentîn ve kemmûn her birinden nişf cüz' aḥz olunup noḥûd kadar ḥabblar ittiḥâz olunup isti'mâl olunur. Ve onlara kerneb le'ûku dahi ceyyid olur. Ve kezâlik taht-ı cirârda olan 'alaḳın küllîsini isti'mâl dahi nâfi'dir ya'nî su küplerinin altında olan kurtlar aḥz olunup kûze-i ḥazef içinde remâd olunca kadar iḥrâk olunur ve onun remâdı 'asel ile ḥalt olunup küllü yevmin ondan birer mil'aḳa ile isti'mâl olunur. Ve zikri mürûr eden vücûh-ı edviye ile cem'ân intifâc olunur, eger sebab 'aşabî olur ise.

Ve eger sebab-i 'usr ḥarâretten ise bu şıfat üzere olan ḳurş ona nâfi'dir: Şıfat-ı ḳurş: verd altı dirhem, aşlu's-sûs on dört, enberbâris iki dirhem, zerâvend, maştakî, 'uşâretü'l-gâfeş, 'uşâretü'l-efsentîn, sünbül, enîsün, bezr-i râziyâ nec her birinden üçer dirhem, za'ferân yarım dirhem, büzrû-ı erba'â ya'nî ḥıyâr ve kıssâ ve ḳar' ve bıttîḥ bezrlerinin her birinden birer dirhem, şamg-ı keşîrâ, rubb-ı sûs, bezr-i ḥubbâzâ her birinden birer dirhem. Bu devâlar miqdâr-ı mezkûr aḥz olunup onlardan akrâş ittiḥâz olunur. Ve vâcib olur ki ḥarâretten ḥâdiş olan 'usr-i nefes mu'âlecesinde aḥlât-ı ḥâddeyi iḥrâc ve istifrâg eden müstefriğât isti'mâl oluna.

Ammâ 'usr-i nefes a'sâba da'f veyâḥûd âfet işâbeti ile ḥâdiş olur ise onun mu'âlecesinde vâcib olur ki 'aşabda olan rûḥ muḳavviyât ile taḳviye oluna ve 'ıtriyeti olan edhân-ı ḥârre ya'nî dühn-i nercis ve dühn-i süsen ve dühn-i râzîkî ve efâvîh ile mütteḥaze olan edhân ve o edhândan mütteḥaze olan ḳayrûḫiyât ve dühn-i za'ferân ve za'ferânın kendi. İşbu devâların menfa'ati ve taḳviyesi gâyete bâliğa olur.

Ve eger 'usre sebab a'sâb-ı mezkûrenin menâbiti üzere vâki' olan ḍarbe olur ise mevâkıf-ı vereme lâyıḳ olan edviye ile mu'âlece olunur. *Ba'dı nüshada "mevâkıf-ı verem" yerine "mevâdî-i verem" vâkı' olmuştur ve bu nüsha azherdir. [309b]*

KİTÂB-I ŞÂLİŞ FENN-İ ‘ÂŞİRİ MAĞÂLÂTINDAN MAĞÂLE-İ ŞÂNIYE ŞAVTIN HAĞÎKATI VE BÎ’L-CÜMLE AŞNÂFINDA OLAN KELÂM BEYÂNINDADIR O DAHÎ FUŞÛLÜ MÜŞTEMİLDİR

Evvelki Faşl Şavtın Ta‘rifi ve Emrâdı Beyânındadır

Ve ben derim ki şavtın fâ‘ili o ‘adaldır ki hancere katında olur ve o ‘adal hancereyi fetih ve havâ-i muhreci taqdîr eder ve o taqdîr ile şavt hâşıl olur. Ve şavtın âlâtı hancere ve lisân-ı mizmâra müşâbih olan cismdir. Ve fi’l- hağîka şavtın âleti lisân-ı mizmâr tesmiye olunan cirmdir ve bâkîleri ona mu‘inler ve bâ‘işlerdir ve mādde-i şavta bâ‘iş olan şadrın hicâbı ve ‘adalleridir ve mādde-i şavtı edâ eden ya‘nî hancereye işâl eden riyledir ve māddesi o havâdır ki hancere katında temevvüc eder

Pes bu vech ile âlât-ı şavt sana zâhir olur ki şavtın âfeti ba‘dı kerre esbâb-ı fâ‘ilden olur veyâhüd bâ‘iş-i mādde sebebiyle olur. Ve şavtın âfeti buflân veyâhüd nokşân olur veyâhüd buhûha ve hiddet ve şıkal ve huşûnet ve irticâş mişlîlerin biriyle olur ve bu esbâb cihetinden şavta ‘illet sū‘i mizâc-ı müfred veyâhüd sū‘i mizâc-ı mādî ile ‘arîd olur huşûşan o sū‘i mizâc hancereyi bâlle olan nezle hasebiyle keşîrî’l-vukû‘ olur. Ve ba‘dı kerre dahi o âfetin hudûsu hancere ‘adaline ‘arîd olan inhilâl-i ferd veyâhüd inkişâ‘ veyâhüd veca‘ veyâhüd sağta ve darbe ile olur. Ve ba‘dı kerre âfet hancereye bi-nefsihi veyâhüd şirket hasebiyle olur ve şirketi dahi a‘şâb- dan teşazzî edip hancere ‘adalâtına varan mebdə‘i karîbe olur veyâhüd mebdə‘i ba‘id olan dimâğ hasebiyle olur veyâhüd a‘dâ-i gıdâdan ve a‘dâ-i teneffüsten mücâvirlerine şirket ile olur veyâhüd o iki nev‘ mücâvirleri muhît olan bañ ve şadra müşâreket ile veyâhüd onlara muttasîle harezât-ı fekâr ve belki hanek mişlîlere şirket hasebiyle olur. Ve hanekin rutûbete veyâhüd yübüset ve huşûnete tağayyürü bi’l-müşâreke şavtı tağyîr eder. Ve âfet-i şavtın hanek müşâreketiyle olanlarından olur lehât ve levzeteyni ka‘t- la hâdiş olan şavtın tağayyürü, zirâ o ‘udvları mağtû‘ olan kimseler taşavvut eylediklerinde onlarda bir dağdağa zuhûr edip onları tenaħhu‘a ilcâ eder.³³⁷ Ve ba‘dı kerre dahi onların hağkları mesdûd olur.

337 “Tenaħhu‘a ilticâ eder” demek tükürmeğe muđtarr eder demektir.

Ammâ havâyı mü'eddî cihetinden ya'nî riye cihetinden hâdiş olan âfet-i şavt onun içindir ki ba'đı kerre riyeye harâret veyâhüd bürüdet veyâhüd ru'tebet istilâ eder ve evrâmdan kayh veyâhüd nevâzil istilâ eder ve bi'l-cümle bu hâlât ile şavt müteğayyir olur. Ve kezâlik riyeye 'arıđ olan yübüset ile dahi şavt müteğayyir olur. Ammâ riyenin harâreti şavtı ta'zîm edip büyütür ve riyenin bürüdeti şavtı taşğir edip küçültür velâkin hiddetli eder. Ve yübüset huşûnetli edip kerâkiyy şavtına müşâbih kılar; ru'tebet buhğa ihdâş eder. Ve melâset ya'nî riyenin ve halkın emles ve melsâ' olduđu şavtı ta'dîl ve temlîs eder ya'nî şavt hasen olur. Ve kaçan ru'tebet ile riye mümteli'e olup halk dahi na'kiyye olmasa o kimsenin şavtı 'âlî ve şâfi olmaz, zîrâ şavtın şafası riyenin şafası ile hâdiş olur; her ne miqdâr riye ve hancere şâf ise şavt dahi o miqdâr şâf olur ve kezâlik riye ve hancere ne miqdâr şâf olmaz, o miqdâr şavt şâf olmaz.

Ve ba'đı kerre şikal ve hiffette kaşabe-i riyenin ve hancerenin đık ve si'alaları hasebleriyle muhtelif olur. Ve a'đâ-i bâ'iscede ve mü'eddiyede zıkr olunan âfât müştedde olur ise şavt bâtil olur velâkin şavt bâtil olmakla kelâm bâtil olmaz, zîrâ kelâm bilâ-şavt olan nefes-i mu'tedil ile dahi hâşıl olur. Bunun mişâli o recülün şavtıdır ki onun 'aşab-ı râci'ini hadîd ile keşfe ba'đı kerre hâcet olur ve keşf olundukta ba'đı kerre o 'aşaba işâbet eden bürd hasebiyle şavtı zâil olur velâkin nefes-i mu'tedil ile kelâm bâkî olur. Ve mişâl-i uhrâ budur ki hanâzîri olan kimse mu'âlece olundukta iki 'asab-ı râci'lerinin biri munka'tı' olur ve o kimsenin nişf şavtı dahi o sebebden munka'tı' olur.

Ve eger âfet müşbete olan 'ađalde olur ise şavtın buhûhatı ziyâde olur. Eger sebep 'ađal-i muharrike-i bâsıtada olur ise şavt hunâkî olur belki o âfetten hunâk dahi hâdiş olur. Ve eger âfet 'ađal-i muharrike-i kâbıdada olur ise ondan şavt-ı nefhî hâdiş olur. Ve eger 'ađalin fi'li bâtil olur ise şavt dahi bâtil olur. Ve eger o 'ađalde istirhâ-i nâkış u gayr-i tamm hâdiş olup onda ra'şeye müşâbih bir hâlet 'arıđ olsa şavt dahi mürte'iş olur.

Ammâ 'ađale 'arıđ olan ru'tebet irhâ eylemek meblağına bâliğa olmaz ise şavtta buhûhat ihdâş eder. Ve kaçan buhûhat ru'tebetten 'arıđ olur ise o ru'tebet bir nev' ru'tebet olur ki o ru'tebetten buhûhatı ihdâş eden miqdâr üzere miqdâr-ı kalîl ru'tebet ziyâde olsa şavtta irti'âş ihdâş eder ve eger miqdâr-ı keşire ziyâde olsa şavtı ibtâl eder. Ve ba'đı kerre buhhatı'ş-şavt hudûsuna

sebeb âlât-ı taşvîtin şe'ası³³⁸ ya'ni dağınık ve perîşân olmasıyla olur ve o vech ile hâdis olan şavttan i'câ' arıd olur. Ve ba'dı kerre dahi o âlâta 'arıd olan, verem ve tevettür ile hâdis olur ve bu buhhanın erde'i ta'am üzere hâdis olan buhha olur. Ve ba'dı kerre dahi berd-i haşin ve harr-ı müfrit hasebiyle o âlâta sū-i mizâc 'arıd olup ondan buhha 'arıd olur. Ve kezâlik seher ve ađdiye-i muhaşşine dahi buhūhat ihdās eder. Ve kesret-i şiyâhla halkı ve hancereyi setr ve tağşiye eden tabakaya bellenin taħallübü ile dahi buhūhat hâdis olur. Ve meşâyıha 'arıd olan buhūhat için berā'et ve şihhat olmaz. Ve kaçan faşl-ı şayf şimâli ve yâbis olup harîfi cenübî ve ma'fir olsa nda buhūhat keşirü'l-vukū' olur.

Ve şavtın esbâb-ı şalâhından çok kerre devâlî 'arıd ve zâhir olur. Ve ma'lûm ola ki nâkîh ve da'ifü'l-kuvve³³⁹ ve huşû'ları hasebiyle du'afâya teşebbüh edenlerin kuvvetleri kalîle olmakla onlar havâ-i keşiri şarf etmekte 'aciz gibi olmakla şavtımız hiddetli olsun için hancerelelerini tađyîk ederler. Ve kaçan fi'l-haķıķa da'ifü'l-kuvve olanlar icthâd ile hancerelelerini tevsi' edip şavtlarını şakîl etmek murâd eyleseler hancereleleri mu'tâva'at eylemez ve gen olmaz.

İlâc-ı İnķitâ-i Şavt: Eger inķitâ'-ı şavt ba'dı 'ađallerde olan sū-i mizâc veyâhūd âfet-i âher ile hâdis olur ise sū-i mizâc bâbında mezkûr olan mu'âlecât ile ilâc olunur. Ve ibtidâ-i inķitâ'ı ihsâs eden kimseye vâcib olur ki o âfet kuvvetlenmezden muķaddem ilâca mübâderet eyleye bu vech üzere ki o evvel-i [vaķtte] beyd-i meslûķun şufretini ve simsim-i muķaşşer ve leben-i halîb her birinden birer mil'aķa ahz edip su ile beher yevm üçer def'a şürb eyleye.

Ve yine vâcib olur ki imlîsî dedikleri rummânların tatlısından bir rummâne ahz olunup ıssı kül içine defn ve yumuşayınca ķadar terk oluna ve sonra ihrâc olunup onun re'si ve taraf-ı a'lâsı kal' oluna ve bir mihvâđ ile ya'ni şarâb

338 Hâmiş-i kitâbda İbn Cüme'î'den nakl olunur ki bu maķâmda zikr olunan "şe'as" "ta'ab"dan taħrîf olunmuştur ya'ni aşl nüshada "ta'ab"dır, kâtib "şe'as" yazmıştır.

339 "Fi'l-haķıķa "da'ifü'l-kuvve" demekle teħaşşu' edenlerden ihtirâz olunur, zîrâ müteħaşşî'unun hancereleleri her ne ķadar i'tiyâd ile dayıyık oldu ise lâkin tevsi' icthâd ile genişir hattâ "Lâ terfe'ü aşvâteküm fevķa şavti'n-nebiyyi" el-âyet nüzülünden sonra Hâđret-i Ebî Bekr ve 'Ömer rađıyallâhu 'anhümâ hâđretleri Resûlullâh şallallâhu 'aleyhi ve sellem hâđretlerinin katında bir mertebe isrâr üzere olurdu ki kelâmlarından istifhâma ihtiyâc olurdu, ma'a-hâzâ vaķt-i ihtiyâc-da onlar hancerelelerini tevsi' ve kelâmlarını kalîl eylemeđe ķâdirler idi.

karıştırılacak nesne ile bâtınında muntabıh olan mahalleri karıştırılıp ve miqdâr-ı kalîl mâ-ı sükker ile taḥliye olunduktan sonra şürb olunur.

Ve eger inkıṭâ-ı şavta sebep ḥancerede ve ḥancereye qarîb olan mahallerin aḍallerinde olan ruṭûbet olup o ruṭûbetin veca-ı olmayıp lâkin ziyâde istirḥâsı olur ise ve onda küdüret ve şıkal dahi mevcûd ise onun mu'âlecesinde vâcib olur ki kuru incir ve fūzenec aḥz olunup ma'an ṭabḥ olunur ve sülâkaları ile meshûk olan şamğ-ı Arabî asel gibi olunca kadar ḥalt olunup le'ûk gibi tenâvül olunur veyâḥūd mürr ve za'ferân aḥz olunup aḳîd-i ineb ile tenâvül olunur veyâḥūd za'ferân üç buçuk dirhem, mürr iki dirhem, [310a] rubb-ı sūs ve kündür her birinden birer dirhem bu edviyeler rubb-ı ineb ile veyâḥūd asel ile cem olunup aḳd olunur veyâḥūd za'ferân bir, ḥiltî yarım, asel üç bu edviye cem olunup aḳd olunca kadar ṭabḥ olunur ve ondan ḥabblar ittiḥâz olunup taḥt-ı lisânda imsâk olunur.

Ve bu illete kerneb le'ûku dahi nâfi'dir. Ve raṭb kernebin kaḍıblerin maḍğ edip maḍğından ḥâşıl olan suyunu kalîlen kalîlen tecerru etmek nâfi'dir. Eger le'ûk-ı kerneb yalnız nef vermez ise onun üzerine miqdâr-ı kalîl ḥiltî ilkâ olunur.

Burçak unu ve ḥulbe ve kürrâş-ı Şâmî ve kürrâş-ı Nebaṭî ve başal ve başalın uşâresi ve şüm ve fustuk ve tatlı kış üzümü dahi nâfi'dir.

Ve kezâlik zencebîl-i mürebba ki mübâlağa ile terbiye olunup leyyin ve yumuşak ola ve daḳḳ olunup ilik gibi olmuş ola. Ve onun üzerine nısfî miqdârî dâr-ı fülful kuḥl mişlli olunca kadar saḥk olunduktan sonra ilkâ oluna ve rubu kadar za'ferânın meshûku dahi ilkâ oluna. Ve bu mecmû miqdârî dahi neşâ bunlar ṭaberzed ile ya'nî maḥlül ve muḳavvem olan mey'ât sükkeriyle veyâḥūd asel ṭabḥ olunup isti'mâl olunur ve cidden münakḳî devâ olur.

Ve ona muvâfık ağdıye ekâri' ale'l-ḥuşuş ekâri'-i baḳar olur. O ekâri'in aşabları ekl olunur, ale'l-ḥuşuş o ekâri' bal ile ekl oluna veyâḥūd balla ṭabḥ olunan ekâri' tenâvül oluna, nef'i ziyâde olur.

Ve inkıṭâ-i şavt yübsten olur ise ve ḥuşuşan merî müşâreketi ile olur ise onun alâmeti budur ki onda olan buḥḥa ile nefesin ızamı olmaz belki onda nefes-i şağîr olur ve ḥiddetli olup nev'ün-mâ şavtın şafası olur ve ḥuşûnet ve veca-ı olur. Ve onun mu'âlecesi budur ki nevm katında tâze ve azb dühn-i benefşecden bir mil'aḳa ṭaberzed sükkeri ile alınır ve kezâlik lu'âb-ı bezr-i

kaṭûnâ mâ-1 sükkerden miḳdâr-1 keşîr ile dahi isti'mâl olunmak nâfi' olur. Ve kezâlik murattıbe ve müleyyine decâce merakası, isfîdbâcât, buḳûl-i ma'lûme ve tîn mişlli ğîdâlar dahi inkıṭâ-1 şavta nâfi'dir gerek ise o âfet ruṭubetten olsun ve gerek ise o âfet yübüsetten 'arıḳ olsun. Ve fütencele mütteḫaz olan devâ-i tîn tenâvül edip istilkâ eylemek dahi buḫḫa ve ḍa'f-1 şavta nâfi'dir.

'İlâcu Buḫḫati's-Şavt ve Huşûnetihi: Esbâb-1 buḫḫa bundan aḳdem senin ma'lûmun oldu. Şimdi ma'lûm ola ki şavtında buḫḫası olan kimselere vâcib olur ki cem'an ekşilerden ve tuzlu ve huşûnetli ve ḫiddetli ve ḫarâfetli olan mütenevelâtan ictinâb eyleyeler. Lâkin onları isti'mâlden 'ilâc ve mevâdd-1 ğalîza vü leziceleri taḳṭîr ḳaşd ve irâde eder ise o vech üzere isti'mâli nâfi' olur ve ona lâzımdır ki o ḳaşd ile isti'mâl eyledikte edviye-i leyyine ile mezc edip isti'mâl eyleye.

Ve eger buḫḫa keşret-i şıyâhtan 'arıḳ oldu ise tîn ve na'na' ve şabır veznleri berâber aḫz olunup meybuḫtecele ma'cûn kılınır. Ve ḳamḫ lübâbından ve keşk-i şa'irden ve bâdem yağı ve za'ferândan dahi ḫasv ya'nî bulaḫ maḫ ittiḫâz olunur. Ve tîlâ-i 'ineb dahi isti'mâl olunur.

Ve buḫḫaya inkıṭâ-1 şavtta zıkr olunan edviye dahi nâfi' olur, 'ale'l-ḫuşuş devâ-i ḫiltît za'ferânla isti'mâl olunur. Ve o âfette ḫarâret dahi olur ise sermaḳ, ḫubbâzâ merakaları ve mâ-1 şa'ir ve ḳıssâ ḫabbı ya'nî çekirdeği ve neşâ ve levz nâfi' olur.

Ve eger buḫḫanın sebebi berd olur ise devâ-i ḫiltît ile dahi intifâc olunur. *Tab' ile olan nüshada zikri mürûr eden za'ferânla dahi intifâc olunur diye mezkûrdur.*

Ve ḫardal-1 maḳlûvv üç dirhem, fülful bir dirhem, mürr altı dirhem, lüb-nâ ya'nî meyc'a-i sâile ve ḳınne her birinden dörder dirhem aḫz olunup ḫabb-lar ittiḫâz olunur ve taḫt-1 lisânda imsâk olunur veyâḫûd mürr iki dirhem, lübân³⁴⁰ ya'nî günlük on dirhem tîlâ³⁴¹ ile cem' olunur.

340 "Lübân" ğulâm veznindedir.

341 الطلاء وهو ماء عنب طبيخ فذهب اقل من ثلثه. كذا في الهدايه والكافي وقال في المحيط الطلاء اسم للمثلث وهو ما يطبخ من ماء العنب حتى ذهب ثلثاه وبقي ثلثه وصار مسكرا. كذا في درر الغرر وفي آخر كتاب القانون الذي رسم بالطبخ الطلاء يتخذ بان يترك العنب في كرمه بعد ان يتضح زمانا يسيرا او يقطع العنب النضيج يشمس ثم يعصر ويطبخ. انتهى. الطلاء اسم لعصير العنب اذا صار خمرا غليظا مائلا الى السواد والتخن اما بنفسه او بالطبخ وهو اسم عربي تشبيها بالقطران والزفت الذي و طلاء للجمال عند جربها. ابن كتيبي

Eger buhğa şıyâh ve ta'ab ile hâdis oldu ise ıyâ-i säire gibi hammâmın nefi vardır ve onlara mürhiye ve muğarriye olan süt ve nîm-birişt yumurta bilâ-milh ve ıtriye mişli gıdalar nâfi' olur. Ve ma'rûf olan hasırlar ve sermağ merağası ve hubbâzâ merağası dahi nâfi'dir ve bu mişli merağalar dahi nâfi'dir. Ve neşâ ve keşîrâ ve rubb-ı sūs ve şamğ bunlardan mütteğaz olan habb dahi nâfi' olur. Ve hubûb-ı leyyine-i mündice dahi nâfi'dir, zîrâ o hubûb verem mişli nesnelere taħlîl eder. Ve kezâlik havânîk-ı hârre mu'alecâtından olan ġarâğır ve le'ûkât-ı leyyineler dahi nâfi'dir. Ve kezâlik tağriye ile cilâyı câmî' olup lez'î olmayan bâkılâ unu ve kettân tohumundan mütteğaz hasırlar nâfi'dir. Ve şamğ-ı buğm bunlardan dahi aqvâdir.

Ve bu buhğa şâhibine vâcib olur ki şarâbı ašlâ hecr ve terk eyleye, 'ale'l-ħuşûş ibtidâ-i zuhûrunda terki ziyâde vâcib olur. Eger onda verem olup şûrb-i şarâba ikbâli olur ise ona şarâb-ı hulvü şûrb eylemek tıbben câiz olur; maṭbûh ve mürebbâ turp dahi nâfi'dir.

Ve buhğanın sebebi ruṭûbet olur ise inḳıṭâ'-ı şavtta zıkrî mürûr eden câliyâtı isti'mâl eylemek lâzım olur ve cemî'an o câliyât buhğa 'illetine nâfi'dir. Bâkılâ ununa burçak unu idhâl olunup hasv ṭabḥ olursa o dahi nâfi' olur. Ve burçak unu ve derece-i ülâda cilâsı olan eşyâ-ı säire ve kezâlik ıtriye ve leben ve ba'dehu semn ve 'aḳîd-i 'ineb ve ašl-ı sūs ve rubb-ı sūs nâfi'dir. Ve bunlardan sonra nâfi' olan 'asel ile ṭabîh tîn nâfi'dir. Ba'dehu mürr ve 'unşul ve bunlar mecrâsına cârî olan nesnelere dir.

Ve eger zıkr olunan buhûhat-ı raṭbe nevâzilden ise onun şâhibine ħaşḫâş ve rubb-ı ħaşḫâş verilir. Ve kebbâbe maḡđı ħuşûnetli ve küdüretli şavtı taşfiye eder. Ve buhûhûti izâle eden devâlardan olur tatlı enâr suyu kaynatılıp içine dühn-i benefşec taḳṭîr olunup taḳvîm olunan devâ.

Şavtın Selâsetini Hâfıza ve Şavtı Taḫsîn Eden Edviyede Olan Kelâm Beyânındadır: O edviye-i mevşûfe bâkılâ ve şanevber habbı ve zebîb ve tîn ve şamğ ve hulbe ve kettân tohumu ve temr ve beyan kökü ve bâdem ħuşûşan acı bâdem ve şeker kamışı ve sebistân ve zıkrî âti meypuḫtece isti'mâl olunacak 'aseldir. Ve o menfa'ati olup hârre olan edviyeler mürr, ħiltî, fülful, bâzed, lübân, 'ilk-i buğm, fütenec, râtiyâ nec, lübânâ, ħall-i 'unşul olur. Ve eger o şavt şâhibinde ħarâret-i yübüset yoksa bu edviyelerde o menfa'at olur. Ve cävşîr kökünde dahi muṭlağan bu menfa'at var-

dır. Ve menfa‘at-i mezkûresi olan edviyenin bârideleri bunlardır: kıṣṣâ ve kar‘ çekirdekleri ve neṣâ ve keṣîrâ ve şamğ ve bezr-i kaṭunâ lu‘âbı ve rubb-ı sūstur. Ve yumurta sarısı ve leben-i ḥalīb bi’l-cümle terākîbi cem‘ eden eşyâların aṣlahıdır. [310b]

Maḳâle-i Şāniyeden İkinci Faşl Ḥuşūnet-i Şavt Beyânındadır

Berdden ve ‘aḍal-i şavtın tevettüründen ya‘nî gerginliğinden şavta ḥuşūnet ‘arîḍ olur. O ‘aḍalde teşennüc gibi olan ḥâletin ‘urūḍundan ve o ‘aḍalın cefâf ve keṣret-i terennümünden ve lehâti kaṭdan ve cimâc ve seherden ve bi’l-cümle bu mezkûrlardan ḥuşūnet-i şavt ‘arîḍ olur.

el-İlâc: Ḥuşūnet-i şavtın mu‘âlecesi zikri mürür eden nesnelere ḥımye olur. Ve terennümü terk edip bâbu‘l-buḥūhada zikri mürür eden müleyyinât ve yaş incir ve kuru incir ve zebîb ḥuşūşan onlardan dühn-i levzde münaḳka‘ olanları tenāvülün menfa‘at-i ‘azîmesi olur.

Ve kaṭ-ı lehâtan ‘arîḍa olan ḥuşūnet-i şavt aşḥâbına şavâb olan ‘ilâc budur ki ‘aşîr-i ‘inebi bir mişli ‘asel ile rığvesi nez‘ olunacak kadar taḥḥ edip ba‘dehu mâ-ı ḥârr ile temrîḥ³⁴² edip onunla ğarğara eylemektir ve ondan o ḥuşūnet şāhibine saḳy dahi olunur. Ve o taḥîḥin ‘atîki tarîsinden enfa‘ olur.

Üçüncü Faşl Şavt-ı Kaşîr Beyânındadır

Şavt kısalığına sebep nefesin kaşîr olduğudur. Pes onun mu‘âlecesinde vâcib olur ki tedrîcle nefes taṭvîl oluna. Ve tarîki budur ki nefes ḥaşr ve ḥabs olunmak mu‘tâd kılınır, riyâdette ve derc³⁴³ ve rābiye³⁴⁴ şu‘ūd ve ḥübūtta ya‘nî ve yokuşa ve mürtefi‘a dericelere tedrîcle çıkılır ve inilir ve âkıbetinde taṭvîl-i nefesi mücib olan ḥaşr ile nefes ihşâr olunur. Ve ḥammâmda meḳṣ taṭvîl olunur. Ve teneffüsü icâb edip teneffüse ta‘cîl eden işlerin küllîsinde nefes ḥabs olunur. Ve bunların küllîsi ile riyâdet olup istihmâm olun-

342 “Mâ-ı ḥârr ile temrîḥ”ten murâd ıssı su ile karıştırıp ğarğara olunacak kadar terḳîḳ eylemektir.

343 دَرَجٌ كَسَمِعَ صَعِدَ فِي الْمَرَاتِبِ *Kāmūs*.

344 [Tokadî şahsî nüshasında hamişte bu kelimeyi yeşilliği çok olan yer anlamında “rvb” kökünden “rûbet”ten düşünmüşse de doğrusu tepe anlamına gelen “rbv” kökünden “rābiye” olmalıydı!]

duktan sonra hammâmdan ba'de'l-hurûc vâcib olur ki şarâb şürb oluna, zîrâ şarâb rûhu ziyâde tağdiye eder. Ve kezâlik ta'âm tenâvülünden sonra dahi şarâb şürb eder ve nefes-i vâhidde miqdâr-ı keşîr şürb eder. Ve aşhâb-ı kışara uyku cidden nâfi' olur.

Dördüncü Faşl Şavt-ı Ğalîz Beyânındadır

Şavt-ı Ğalîz o buhhadan 'arîd olur ki onun irhâsı olup mecârîyi dahi tev-sî' eder ve keşret-i şıyâhtan dahi 'arîd olur. Ve mezâmîr ve bûkâtı³⁴⁵ keşiren nefhten ya'nî düdük ve surna mişlileri çok üfürmekten dahi hâdi olur, zîrâ zikr olunan nesnelere nefhte nefese teqattü' ve ihtibâs gelip havâ-i nefes riyede muhtekân olmakla mecârî-i nefes genişir.

Beşinci Faşl Şavt-ı Daķık Beyânındadır

Şavt-ı daķık şavt-ı kedir muķâbili ve dıddır.

Mütercim der ki zâhir olan budur ki şavt-ı daķık şavt-ı Ğalîza müdâdde ola. Ğalib-i hâl budur ki kâtibden sehv vâķ' olmuştur.

Ve bu şavtın esbâbı terennüm, seher ve i'ya huşuşan ba'de't-ta'âm olan terennüm ve müt'ib olan riyâdetler ve istifragâtıdır. Ve bu şavtın 'ilâcı terk-i şavt u riyâdât-ı muhđibe³⁴⁶ ve ađdiye-i mu'tedile ve her şabâh hammâma duhûl olur ve kavâbid ve müceffifâtı ve bâhı terk olur.

Altıncı Faşl Mużlim ve Mükeddir Olan Şavt Beyânındadır

Ve bu şavt o şavta müşâbih olur ki iki kıt'a reşâş ıştıkâk olursa ya'ne biri birine tokuşursa o şavt ondan hâdis olur. Ve onun sebebi cidden Ğalîz olan ruţûbet olur. Ve riyâdet ve müşâra'at ya'nî güreş etmek ve haşr-ı nefes ve kettân hırkalarıyla yâbisen tedellük ve hammâma duhûl ve mülattıfe ve muqattı'a olan ađdiye isti'mâli ya'nî semek-i mâlih ve şarâb-ı 'atıķ gibi nesnelere isti'mâl ona nâfi' olur.

345 "Bûķ" Bektaşîlerin üfürdüğü boynuzdur.

346 "Riyâdât-ı muhđibe" o riyâdât-ı mu'tediledir ki ona mürâ'at eden kimse semiz olur.

Yedinci Faşl Şavt-ı Mürteiş Beyânındadır

Bu şavtın şâhibi emr olunur ki şayha eylemeye ve bir şehri mikdârı refc-i şavt ve kesret-i kelâm ve dahiki ve hareketi ve ʿadvi ve şuʿûd ve hübütu ve gâdabı terk eyleye. Ve yedleriyle dahi ʿameli terk edip iki ellerini râhat-ta kıla ve şehri-i mezkûr mürûrunda istilkâ edip şadrın fevki üzere ihtimâl edeceği kadar reşâş vadʿ edip o reşâş şadrı üzere iken tekellümde tekellûf eyleye. Ve ona efdal ağdiye iki cenblerini takviye eden ʿađal ve ekâriʿ ve sâir tağriye ve çabdı olan nesnelerdir.

FENN-İ ʿAŞİRİN ÜÇÜNCÜ MAĞĀLESİ İKİ FAŞLI MÜŞTEMİLE OLUR

Evvelki Faşl Suʿāl Beyānındadır

Suʿāl yaʿnī öksürük o harekättandır ki onun ile ṭabīʿat-ı aʿdānın birinden ezāyı defʿ eder. Ve suʿāl ile ezāsı defʿ olunan ʿuḍv riyeye ve riyeye muttaşıl olan veyāhūd müşārik olan ʿuḍvlardır.

Ve şadrın suʿālī dimāğın ʿuṭāsı gibi olur. Şadrın inkıbād ve inbisātı hicābın hareketiyle ḥādīs olur. Ve suʿālīn ḥudūsu riyeye ḥāşş olan sebep ile veyāhūd ʿalā-sebīlī'l-müşāreke olur. Ve suʿālī icāb eden esbāb sebep-i bādī yāhūd sebep-i vāşıl yāhūd sebep-i sābık olur.³⁴⁷

Ve suʿālīn sebep-i bādīsī bir nevʿ sebebdır ki onunla şadr mizācında veyāhūd heyʿetinde meʿūfe olur, meşelā havā-i müstenşak ile veyāhūd mā-ı bārid-i meşrüb mişlli ile riyeye veyāhūd ʿaḍalāt-ı şadra ve şadrdan āher ʿuḍva bürüdet işābet etmekle o müzīyi defʿ için ṭabīʿat hareket eder ve müzī var ise onu defʿ eder. Eger müzī mücerred bürüdet keyfiyyeti ise ṭabīʿat hareket edip o keyfiyyet-i bürüdeti teşhīn eder veyāhūd riyeye ve nezā-yirine müyebbis ve muḥaşşin duḥān ve gubār mişlliler ile veyāhūd ḥāmīd ve ʿafīş ve ḥırrīf ağdiyelerin taʿmı işābet eder veyāhūd kaşabe-i riyeye ve nefesten mā-ʿadā bir nesne kabūl eylemeyen mecārīye ğaflet ile taʿām ve şarābdan bir nesne dāḥil olmakla suʿāl ḥādīs olur. Ve cemīʿan bu esbāblar esbāb-ı bādīye olurlar.

Ammā suʿālīn esbāb-ı vāşılası suʿālīn o sebebleridir ki bedeniyye olup bi-māddetin ve bilā-māddetin mizācı teşhīn veyāhūd tebrīd veyāhūd tertīb veyāhūd tecfīf eder. Ve mādđī olan sebep dahi demevī ve şafrāvī, rakīka ve ğalīza balġamī ve sevdāvī olur. Ve sevdāvīden suʿālīn ḥudūsu eḳall olur.

Ve zıkr olunan mādde şadra fevḳten muşabbe olur ise [311a] o mādde kaşabe-i riyeye eşyā-ı lezicenin ḥāyīte iltizākı ve taʿalluḳu gibi taʿalluḳ eder ise o vech üzere taʿalluḳ eden mādde-i muşabbe keşīren suʿālī icāb eyle-

347 Esbābın aḳsām-ı selāsesi kitāb-ı evvelde zıkr olundu ki sebep aḳlāttan ise o sebep-i bādī olmaz. Sebeb-i bādī ḥāriciden olan sebeblerdir. Keyfiyyāt-ı nefsanīy-yeler bi'l-cümle sebep-i bādīdir. Ve qarīb olana sebep-i vāşıl ve baʿīd olana sebep-i sābık derler.

mez. Ve eger o mādde kaşabe-i riyenin feđāsına ve boş maḥalline teveccüh ve kaşd eylese o vech üzere māddenin inşibābı suʿālî taḥrîk eder. Ve kezālik o mādde lezʿ eylese veyāḥūd mādde riyede istikrār eyleyip onu ṭabīʿat defʿ eylemek murād eylese yine suʿāl hareket eder.

Ve baʿdî kerre dahi mādde riyeye miʿdeden ve kebiden mündefiʿa olur ve şadrın baʿdî aʿđāsından ʿuđv-ı āḥerīne mündefiʿa dahi olur veyāḥūd o müzī olan mādde şadrda ve riyede tevellüd eder ve bu şüretlerde dahi suʿāl ḥādiş olur.

Ve ḥicāb ve riye ve ḥulķūmda ve kezālik zıkr olunan mevāddı kâbil olan şadriyye ʿuđvlarının birinde mevcüd olan verem veyāḥūd südde sebebiyle dahi suʿāl heyecān eder. Riyenin ve ḥicāb-ı ḥācizin ve riye ile ḳalb arasında olan ḥicābın āfātıyla dahi suʿāl hareket eder. Ve biʿl-cümle bu esbāblar ile esbāb-ı vāşıla olurlar.

Ammā suʿālın esbāb-ı sâbıkaları imtilā ve zıkr olunan esbāb-ı vāşılaya teḳaddüm eden esbāb-ı bedeniyye olur.

Ve müşāreket sebebiyle olan suʿāl o suʿāldir ki kebidin veremi ve āfāt-ı sāiresi veyāḥūd merī ve fem-i miʿde ve memeleri işbu aʿđādan birine āfetin ʿurūđuna müşāreket ile veyāḥūd ḥummayâtta cemīʿan bedene müşāreket ile ḥuşuşan muḥrıḳa ve taʿabiyye ve vebāiyye ḥummālar misllilerin müşāreketiyle veyāḥūd ḥummayāttan ğayri marađlarda cemīʿan bedene müşāreket ile dahi suʿāl ḥādiş olur.

Suʿālın baʿdısı balġamī ve baʿdısı raṭb olur. Suʿāl-i yābiste nefş olmaz. Suʿāl-i yābisin sebebi sūʿ-ı mizāc-ı ḥārr veyāḥūd sūʿ-ı mizāc-ı bārid veyāḥūd müfreden sūʿ-ı mizāc-ı yābis ḥasebiyle ʿarıđ olur. Ve baʿdî kerre dahi suʿāl-i yābis nevāḥī-i şadrda olan evrām-ı ḥārrenin evvel-i ḥudūşunda māddenin nuđcu zamānına varınca ḳadar ona müşāreket ile ḥādiş olur. Ve verem-i şulb ile dahi cidden suʿāl-i yābis ʿarıđ olur. Ve baʿdî kerre suʿāl-i yābis kebidin meʿālīḳi ve erbiṭası nevāḥīsinde olan veremden dahi ʿarıđ olur. Ve aḫyānen evrām-ı tıḫāl ḥasebiyle dahi ḥādiş olur. Ve feđā-i şadri doldurup suʿāle mündefiʿa olmayan ruṭubetten dahi suʿāl-i yābis ḥādiş olur.

Ve maʿlūm ola ki baʿdî kerre öksürük ile miḳdār-ı ḥımmaş veyāḥūd miḳdār-ı bered³⁴⁸ bir şey-ı ḥacerī ḥurūc eder. Onun sebebi o ḥılt-ı ġālīzdir

348 “Bered” doludur ki gökten yağar.

ki onu harâret tahcîr eylemiştir ve o şey-i mütehacciri İskender ve Bülus müşâhede eylemiştir ve onlar zıkr ederler ki nefsten o şey-i mütehaccir hurûc eyledi. Şâhib-i *Kānûn* der ki nefsten o şey-i mütehaccirin hurûcunu biz dahi müşâhede eyledik.

Ve ilhâhla olan suâl ba'dı kerre nefsi-i deme mü'eddî olur ve ba'dı kerre dahi şitâ faşında ve şitevi olan rebî'de suâl keşîrî'l-vuķû' olur. Ve ba'dı kerre dahi rebî-i mu'tedilde ve kezâlik rîh-i şimâlin hübübunda dahi suâl keşîr olur. Ve şayf şimâli ve kalîlü'l-maţar olup o şayfın harîfi cenübî ve maţir olsa onların şitâsında suâl keşîr olur.

el-ʿAlāmât: Ammā suâl-i bāridin ʿalāmetleri budur ki berdin ziyāde olduğundan suâl dahi zāid ve nokşāni ile nākış olur ve harâretle dahi suâl-i bārid nākış olur. Ve o suâl-i bārid şāhibinin vechi reşāşyyul-levn olup onda ʿaţaş kalîl olur. Ve ba'dı kerre suâl-i bārid nezle ile olup bir şey'in şadra nüzülü ve o şey'in halkta imtidādı ihsās olunur ve māddeyi enfe cezb- le suâl taķlîl olunur. Ve o suâlin māddesinden halka nüzül edenler tanaħħu'la iħrâc ve ilkā olunur. Ve mecārî-i nezlede daġdaġa ve cebheyi vely eden cānibde temeddüd ve munħurlarda südde ve bu mişilli āşār-ı nezle o suâl şāhibinde rü'yet olunur. Ve suâl-i bārid aşhābı evvel-i emrde bir şey ne nefis eylemez ve sonra balġamāni veyāħūd şufrete veyāħūd ħuđrete māl bir nev' ruţubet nefis eder. Ve ba'dı kerre suâl-i bārid ile ħummā dahi olur.

Ve suâl-i ħarrın ʿalāmātı budur ki onun şāhibinde iltihāb ve ʿaţaş olup o āfetleri havā-i bārid istinşāķının tesķini mā-ı bārid şürbüntün tesķininden ekşer olur ve yüzünde ħumret ve nabdı ʿazīm olur.

Ve suâl-i raţbın ʿalāmetleri cevher-i riyenin ruţubeti olur. Ve meşâyıġa ve mizāci merţüb olanlara ʿurūdu ve kesret-i ħarġara ve ħuşuşan nevm vaķtinde ve ba'dehu ħarġara ġalebesi olur.

Ve suâl-i yābisin ʿalāmeti ġareket katında ve vaķt-i cū'da suâl ziyāde olup sükün ve şibaʿ ve istiħmām ve muraţţıbāt şürbü katında suâlin ħiffeti olur.

Ve bu keyfiyyâtlardan sâzec ve bilā-mādde olanlarına muķārin olan suâlin ʿalāmeti elbette nefis mevcūd olmadıġı olur ve mādde ile olduğuna nefsin vücūdu delālet eder. Ve maddenin cinsine nefsin cinsi delālet eder.

Ve evrâmdan ve evrâm mişlilerden hâdis olan su'ale hârrlar ve bāridler olan zātü'l-cenb ve zātü'r-riye ve onlar mişlli âfetlerin bâblarında zikri âti 'alâmetler olur.

Ve kayhın inşibâbı ile olan su'alin 'alâmeti te'kayyuhun zikri âti 'alâmetleri ve veca' ve yübs olur. O su'al çok kerre ra'f dahi olur.

Ve qurūhtan olan su'alin 'alâmeti riye qurūhu bâbında zikr olunan huşkrîşet nefsi ve kayh veyāhūd riye'nin cirmini veyāhūd qaşabenin cirmini nefis olur Ve kezâlik su'al-i qurūhînin nevâzil-i ekkâleden ve nefis-i demden ve evrâm hudûsundan sonra hudûsu dahi 'alâmet olur.

Ve su'al-i yâbisin ekşer-i hudûsu şadrın māddeden ne'kâsı olduktaki veyāhūd mādde mevcûde olup velâkin kuvvette da'f olmakla nefis ile mevâddı ihrâca kuvvetin kâdire olmadığından olur, qarîben onları bâbında sen bilirsin.

Müşârekât ile olan su'alin beyânı budur ki mi'de müşâreketi ile olanların 'alâmetleri mi'de âfetinin delâili olur ve o âfeti mûcib olan sebeblerin tezeyyüd ile su'alin ziyâdeliği olur, o sebep gerek mi'denin hâlâsı ve boşluğu olsun ve gerek mi'denin imtilâsı olup bi-hasebi'l-ağdiye olsun. Ve bu müşâreket hasebiyle olan su'alin ekşeri imtilâ katında ve hađm katında heyecân eder.

Ve kebid müşâreketiyle olan su'al zātü'l-kebid 'alâmâtıyla ma'lûm olur. Ve eger zātü'l-kebidin veremi hârr olur ise ona hummâ lâzım olur ve eger verem hârr değil ise ona şıkal lâzım olur. Ve delâil-i sāireyi te'emmil edip ondan su'alin kebidî olduğunu fehm eyle.

Ve ma'lûm ola ki eşyâ-ı hârre isti'mâli mevâddı terkîk edip o mādde intifâş olunmaz. Ve şarâb-ı haşhâş ve harîre gibi bārid nesnelere māddeyi cem' edip intifâşı teshîl eder velâkin bürüdet şedid olur ise mevâddı icmâd eder, dondurur. Ve şarâb-ı zûfâ su'ale devâ-i şâlih olur eger o su'alin sebebi galîz mādde ise, zîrâ şarâb-ı zûfâ cālîdir, galîz olan mevâdda onun cilâsı hasebiyle nefi 'acîb olur. Ammâ o su'alin mevâddı ra'kîk olur ise şarâb-ı zûfâ ona şâlih olmaz.

Ve su'alde ra'kîk ve galîz nefisten biri dahi bulunmaz ise o su'alin sebebi huşûnet-i şadrıdır. Onun 'ilâcı le'ûkât isti'mâl olunmakla olur.

Ve ba'ḍı kerre maḥmūma su'āl 'arîḍ olur. Su'ālî müsekkîn olan tedbîr ile o su'āl teskîn olunmasa onun ḥummâsı dahi sâkine olmaz ve ḥâl-i ibtidâsı üzere ric'at edip münkâlî'a olmaz.

Ve su'âlde kavâbıḍ isti'mâl olunmaz, zîrâ kavâbıḍ mecârî-i nefsi taḍyîk eder. Ve mâ-ı şa'îrin nefsi cem'de eşer-i 'acîbi olur. Ve su'âlî olan kimsenin nefsi muḥtebe ve onun ayakları ıssı olsa bu ḥâlet onda mevâdd ta'affün eylediğine delâlet eder ve onda o 'ufûnetli mādde ḥummâ-ı 'afîne ve ḥummâ-ı dıkk̄tan birini iḥdâş eder.

el-İlâc: Ammâ mizâc-ı bârid [311b] ile ḥâdiş olan su'âl hafîfü'l-meblağ olup bâdî ve ḥâricî sebebden oldu ise ḥaşr-ı nefes fi'l-ḥâl riyyeyi teşhîn eder.

Ve bundan aqvâ 'ilâca bu 'illette veyâḥûd bürüdet-i mizâcdan 'ilel-i sâirede ḥâcet olur ise onlara 'ilâc-ı aqvâ olur taḥt-ı lisânda o bunduḳayı imsâk ki mürren veyâḥûd 'asel ile mey'adan mütteḥaz ola.

Ve kezâlik kaṭrânın dürdünden bir mil'aḳa tenâvül ve 'ilk-i buṭmu 'asel ile tenâvül ve dühn-i belesândan bir mişḳâle varınca ḳadar sekbînece şürb eylemek ve kerneb-i nîm-birişt tenâvül eylemek dahi bu bâbda ḳuvvetli devâdır.

Ve lu'âb-ı ḥârreyi ve kirsenneyi 'asel ile ve mâ-ı rummân-ı ḥulvü 'asel veyâḥûd fânîz ile muḳavvemen isti'mâl dahi nâfi' olur.

Ve şadr üzere merûḥâtan dühn-i süsen ve dühn-i nercis ve şem'î aḥmer ve keşîrâ ile isti'mâl olunur.

Ve 'aselî cülencebîn mâ-ı tîn ve zebîb ile ve kezâlik aşlu's-süs ve ber-şiyâvşân isti'mâl olunur. Ve bir mişḳâl ḳûfî dühn-i levz ile ḥall olunup isti'mâl olunur.

Ve ṭabîḥ-i zûfâ ile zûfâ ve esârün tîn ile isti'mâl olunur ve onların aḡdiyeleri ḥıntadan mütteḥaz ḥasvlar ḥulbe ile ve semn ve tîn ve temr ve kür-râş-ı Şâmînin uşülü olur ve bi'l-cümle bu aḡdiye onlara muvâfîḳ ḡidâ olur.

Ve onların dühnleri dühn-i fustuḳ ve ḥabbu's-şanevber dühnü olur. Ve fânîz ile ıṭriye isti'mâlî onlara nâfi' olur.

Ve onlara muvâfîḳ luḥûm luḥûm-ı ferâric ü düyûk ya'nî horûs laḥmı ve onlardan mütteḥaze veyâḥûd bir yaşında olan koyun etinden mütteḥaze olan isfîdbâcât muvâfîḳ luḥûm olur.

Ve muvâfık nuklleri ya'nî çerezleri fustuk ve şanevber habbı ve hulbe ile zebîb ve şeker kamışı ve tîn ve kışmış ve mevz olur. Ve kuru incir ile levz ve cevz tenâvülü su'âl-i müzmini kaç eder. Ve rakık ve reyhânî olan şarâbın 'atîki ve mâ-ı 'asel dahi muvâfık olur.

Ve su'âl-i hârrın 'ilâcî 'uşârâttan ma'rûf olan mülaţţifât ve edhân-ı tay-yibe ile ittihâz olunan aţliye ve merühât ve cüllâb olur. Ve bizim zıkr edeceğimiz nüsha gibi olan diyâküd-ı sâzecz akşam ve şabâh saqy olunur. Ve kezâlik haşhâş le'ûku dahi saqy olunur.

Haşhâş Le'ûkunun Nüsha-i Ceyyidesi Budur: Cidden t̄ariyye olmayan haşhâş on beş 'aded, bir kışt çeşme suyu veyâhüd yağmur suyunda bir gün bir gece nak olunur ve yağmur suyunda nak olunmak evlâ olur ve sonra o haşhâşlar teherrî edince kadar tabh olunup taşfiye olunduktan sonra o maţbühun her bir cüz'üne nişf cüz' 'asel veyâhüd nişf cüz' sükker ilkâ olunup le'ûk kıvâmı üzere taqvîm olunur. Ve onun şerbet-i vâhidesi şabâh ve akşam birer mil'aqa olur.

Ve su'âl-i hârrı olanlara sebistân ile mâ-ı şa'ir isti'mâli ve benefşec şarâbı ve tabih zûfânın bāridi nāfi' olur, 'ale'l-huşuş maddenin nuḍcu vak-tinde veyâhüd maraḍın āhirinde nef'i ziyāde olur.

Ve mâ-ı rummān taqvîm olunup üzerine taberzed sükkeri ilkâ olunsa o mâ-ı rummān ve kezâlik kaşab sükkeri dahi nāfi' olur.

Ve su'âl-i hârrı olanların le'ûkâtı bezr-i kaţünâ ve habb-ı sefercel ve neşâ ve şamg-ı a'râbî lu'âblarından mütteḥaz olanlar olur. Ve onların ḥubûb ve lübûbları ḥubûb-ı su'âl bābinda zıkr edeceklerimiz olur. Ve ba'ḍı kerre onlara muḥaddirât dahi karıştırılır.

Ve onların aḡdiyeleri buḳûl-i bāride ve lübûbdan mütteḥaz olur. Kıssâ ve qar' ve ḥıyâr lübûbu dühn-i levz ile ve tabhla müherrâ kılınıp merḍûd olan bâkılâ dühn-i levz ile ve dühn-i qar' ile ve mâ-ı şa'ir ve kezâlik şa'ir ve bâkılâdan mütteḥaz ḥasv ve buḳûl ve neşâ ve mâ-ı nuḥâle isti'mâl olunur. Ve eger tab'at inḥilâle müteveccih ise sükker ile sevîk-i şa'ir ve iṭriye isti'mâl olunur. Eger emr-i 'illet müştetde olur ise mâ-ı şa'ir eṭrâfı menzû'a remād ile maḡsûl ve mümellaḥ olan sereṭânâtle isti'mâl olunur.

Nüsha-i Diyâküd-ı Bārid: Haşhâş-ı raṭb ma'a-kuşūrihi raḍḍ olunup müherrâ olunca kadar suda tabh olunur ba'ḍehu taşfiye olunup üzerine sükker

ilkâ olunur ve cüllâbı kıvâmı üzere takvîm olunur. Ve haşhâşın raṭbı bulunmaz ise kurusunun bezri daḳḳ olunup su içinde bir gün bir gece naḳ olunur ve baḍdehu ṭabḥ olunur. Ve bundan aḳvāya ḥacet olur ise haşhâş-ı yâbisin bezri ile kuşûru dahi cem olunur huşûşan haşhâş-ı esvedden ittihâz olunur ise kuvveti ziyâde olur. Ve suḳal bundan dahi müştedd olur ise ona bezri-benc miḳdâr-ı ḳalîl katılır, o maṭbûḥun içinde ḳalîlü'l-miḳdâr afyûn dahi idâfe ve idâfe olunur.

Ammâ mizâcî raṭb olan suḳalın muḳalecesi ruṭubet riyeinin kendide olur ise edviye-i câliye ile maḥlûṭ müceffifât-ı nâşife ile olur ve bu terkîb o şıfat üzere olur:

Nüşa-i Ṭîn-i Ermenî: Keşîrâ, şamḡ-ı aḳrâbî her birinden birer cüz, fûzenec, zûfâ, hâşâ, dâr-ı şînî, îresâ, bersiyâvşân her birinden nışf cüz bu devâlar aḥz olunup maḳcûn kılındıktan sonra istiḳmâl olunur.

Ve mizâc-ı yâbis suḳalının ḳilâcî budur ki o suḳal ḥâlî deḡildir ki onda yâ ḥummâ olur veyâḥûd o suḳalde ḥummâ olmaz. Ḥummâsı olmayan suḳale eşyanın evfaḳı eşek sûtü ve keçi sûtü ve sâir sûtler olur ve sâir tedbîrler dahi istiḳmâl olunur. Eger o suḳalın ḥummâsı olur ise muraṭṭıbat-ı meşrubenin sûtten mâ-adâsı cemîan ona devâ olur. Ve maḳrûf olan müberrid ḳayrûṭıyât istiḳmâli ve mâ-ı şaḳr dahi nâfiḳ ḳilâc olur. Ve edhân ile ayaklarını dâimâ tertîb eylemek dahi nâfiḳdir. Ve levziyye-i muraṭṭabe olan olan ḥasvlar iḳam olunur.

Ve eger mürekkebü'l-mizâc olur ise o suḳalın tedbîri dahi terkîb olunur: Eger suḳalde mādde-i raḳîḳa olur ise o mādde diyâḳûdiyât-ı sâzece ile ve leḳûkât-ı haşhâşıyye vü luḳâbiyye ile inḍac olunur ve onların baḳdılarını biz aḳrabâdinde zıkr eyleriz. Ve eger mādde-i suḳal ḡalîza olur ise onu taḥlîl ve tecliye eder tedbîri istiḳmâl edip sen bizim bundan aḳdem zıkr eylediğimiz şurûṭa riḳâyet dahi edersin yaḳnî onu ancak iḳtidâlde teshîin edip teshîinde iḳtidâli tecâvüz eylemezsin belki māddeyi telyinde ve taḳṭîrde ve izlâḳta ictihâd edersin. Ve zıkrî mürûr eden mûnaḳḳıyâtı dahi sen istiḳmâl eyle ve o mûnaḳḳıyâttan bu mevdiḳe hâşş olan ḳilk-i enbâṭı ḳasel ile veyâḥûd ḳırtımı ḳasel ile istiḳmâl, kezâlik suḳd kendi vezninde ḳasel ile veyâḥûd rubbu's-sûs ve keşîrâ ve ḳinne ve levz-i ḥulv veznleri berâber aḥz olunup istiḳmâl olunur. Ve şabır ḳasel ile femde imsâk olunur ve cidden nâfiḳ olur. Ve kezâlik

üç ‘aded beyda-i şahîha ve iki mişli ‘asel ve nışfı kadar semn ve fülfulden kırk ‘aded fülful bi’l-cümle bu mezkûrlar aḥz olunur ve saḥḥ olunup delk ile cem‘ olunur ve bi-ğayrin indācin ‘aḳd olunup akşam ve şabāḥ le‘ūkan isti‘māl olunur. Ve kezālik kürrās-ı Şāmīnin ru‘ūsundan yedi ‘aded ru‘ūs aḥz olunup üç rıtlı su içinde sülüşü kalınca kadar taḃḥ ve taşfiye olunup o kürrāsın kısrından aḥz olunan ‘uşāre ve ‘asel ile maḃbūhtan bākī kalan sülüş ḥalt olunup taḃḥ olunur. *Ve bu taḃḥ-ı şānī taḃ ile olan nüshada mezkûrdur.*

Ve su‘ālî müzmin olanlara kaḫrān ‘asel ile laḥk ettirilir veyāḥūd ḫušt-ı Hindī bir sükerrece mā-ı şibt maḃbūhuyla dühn-i ḥallden dahi bir mil‘aḳa ile saḳy olunur veyāḥūd yaş gül sekiz, ḥabbu’ş-şanevber vāḥid, şamḡu’l-butm vāḥid, zebīb dört, ‘asel miḳdār-ı kifāye aḥz olunup ondan le‘ūḫ ittiḫāz olunur.

Devā-i Ceyyid: Fūtenec-i nehrī sekiz ūḳıyye, ḥabbu’ş-şanevber, bezr-ri’l-encüre her birinden birer ūḳıyye, bezr-i kettān, fülful her birinden üçer ūḳıyye ‘aşel ile ma‘cūn kılınup isti‘māl olunur.

Veyāḥūd temr-i laḫīm beş cüz’, süsen sekiz cüz’, za‘ferān, fülful her birinden ikişer cüz’, kirsenne yirmi cüz’ bu edviye aḥz olunup menzū‘u’r-rıḡ-ve ‘asel ile ma‘cūn kılınır.

Veyāḥūd za‘ferān, sünbül-i ḫīb, fülful her birinden birer cüz’, ferāsiyūn, zūfā her birinden üçer cüz’, mürr ve sūs her birinden ikişer cüz’ ‘asel-i muşaffā ile ma‘cūn kılınır.

Veyāḥūd bezr-i kettān-ı maḳlūvv yalnız ‘asel ile veyāḥūd [312a] onun on cüz’üne bir cüz’ ‘asel ḥalt olunup isti‘māl olunur veyāḥūd fūtenec ile isti‘māl olunur.

Ve kezālik ‘asel-i lübnā ‘asel-i naḥl ile isti‘māl olunur. Ve kezālik cāvşir ve ḥardal ve levz-i mürr isti‘māl olunur ve meşrūdītūs dahi nāfi‘dir.

Ve şabīlere ḥabaḳ-ı maḃbūḫ hatun sütüyle ‘asel ḫıvāmında olunca kadar ḥalt ve saḳy olursa veyāḥūd raḫb rāzyānec suyuyla ḥalt olursa kifāyet eder.

Ve eger sebeb-i su‘āl nezle olur ise nezle mu‘ālece olunur. Ve eger men‘-i nezle için ḫımād-ı tīn isti‘māliline ḥācet olur ise o ḫımād baş üzere isti‘māl olunur ve küllü vaktin ve ḫuşūşan gecelerde neşā taḫt-ı lisānda imsāk olunur.

Ve ‘afiş ve ḥāmiḫ olmayan ḫavābıḫ ile ve diyāḳūd-ı sāzec ile su‘āl-i ḫārr için ḡargara olunur.

Ve eger su'âl bârid ise mürr ve za'ferân mişlliler ile gârgara olunur.

Ve riye ve şadrın veremleri ve kırhalarıyla hâdiş olanlara mu'alecede sen zâtü'l-cenbde ve zâtü'r-riyede ve zâtü'l-kebidde ve sill bâblarında zıkr olunacak mu'alecâta mürâca'at eyle.

Ve ba'dı kerre su'âl için hûbûb ittiḥâz olunup femde imsâk olunur. Ve o hûbûbdan birisi ḥabbu's-su'âl tesmiye olunan ḥabb-ı ma'rûftur, o ḥabb ḥarârete muḳârin olan su'âlde isti'mâl olunur. Ve o hûbûbdan biri dahi bu edviyeden terkîb olunan ḥabbdır: Rubb-ı sūs, şamğ-ı keşîrâ, nüşâ, bezr-i ḳaṭünâ lu'âbî, ḥabbu's-sefercel, lübbü'l-ḥubûb ya'nî kıssâ ve ḳar' ve ḳased ve ḥıyâr, tabâşîr, ḥabb-ı ḥaşḫâş bu edviyelerden ḥabb ittiḥâz olunup su'âl için isti'mâl olunur.

Ve ba'dı kerre dahi bu şıfat üzere ḥabb ittiḥâz olunur, nüşâ, keşîrâ, rubb-ı sūs bu edviyelerden ḥass 'uşâresiyle ḥabb ittiḥâz olunur.

Ve o hûbûbdan biri dahi ḥabbu's-su'âlü'l-bâriddir ki o ḥabb rubb-ı sūs ve münakḳâ temr-i Hindî ve *ba'dı nüshada "temr-i Hindî" bedeline "temr-i heydünî" vâḳ' olmuştur*, lübâb-ı ḳamḫ, za'ferân, keşîrâ, ḥabbu's-şanevber, ḥabb-ı ḳuṭn, ḥabb-ı âs, bezr-i ḥaşḫâş, kısr-ı ḥaşḫâş, enîsün, şebb, mürr, fânîzden ittiḥâz olunur.

Ve biri dahi o ḥabbdır ki ondan taḥdîr ve tenvîm ḳaşd olunur, o ḥabbın 'imâd-ı terkîbi muḥaddirât olur ve o muḥaddirlere bād-zehriyyeti olan edviye-i ḥârre ḫalṫ olunur.

'Atîḳ ve müzî olan su'âle nâfi' ve mücerreb ḥabbın biri dahi ma'rûf olan ḥabb-ı mey'adır, su'âli teskîn eder ne ḳadar 'atîḳ olur ise.

Ve kezâlik mey'a, ḳunduz ḫayâsı, esârün, afyün veznleri berâber aḫz olunup onlardan ḥabblar ittiḥâz olunup femde imsâk olunur.

Ve kezâlik bezr-i benc altı, ḥabbu's-şanevber üç, za'ferân bir, bu edviyeler aḫz olunup meypuḫtecle ma'cün kılınıp ondan ḥabblar ittiḥâz olunur.

Ve kezâlik mey'a, mürr, afyün her birinden nışf ũḳıyye, dühn-i belesân, za'ferân her birinden iki dirâḫmî bu edviyelerden kirsenne miḳdârında ḥabblar ittiḥâz olunur.

Ve ba'dı kerre 'atîḳ ve raṭb olan su'âlde bâbu'r-rebvde zıkr olunan deḫan ve tebḫîr isti'mâl olunur.

Ve eger o ruṭûbetin ḳadr-i muṭteberi olur ise o şürette zernîh-i ahmer ve tavşan necâseti ve arpa unu ve fustuk kabuḡu bu mezkûrlar şufretü'l-beyḡ ile maṣcûn kılınıp ondan bir dirhem miḳdârında ḳurşlar ittiḡâz olunup ve şemste kurutulup üç defṣa tütsü verilir yaṣnî günde üç defṣa demeḡi murâd eder.

Ve kezâlik zerâvend ve mürr ve meyṣa ve bârzed veznleri [berâber] ve mecmûṣun bir mişli zernîh aḡz olunup semn-i baḡar ile maṣcûn kılınıktan sonra ondan bunduḡalar ittiḡâz olunup bireriyle tebhîr olunur. Ammâ ḡummayâtta ḡâdiş olan suṣâl için bâb-ı aṣrâḡu'l-ḡummayât ṣunvânıyla muṣancen bâbda müstakillen bir faşl kılındı.

İkinci Faşl Neṣṣ-i Dem Yaṣnî Kan Tükürmek Beyânındadır

Ve femden demin ḡurûcu baṣḡı kerre tefl ṡarîḡiyle olur, o ḡâric eczâ-i ruṭûbet-i femden ṣadd olunur. Ve baṣḡı kerre tenaḡḡuṣ ṡarîḡiyle ḡâric olur, o nuḡâṣa nâḡiye-i ḡalktan olur. Ve baṣḡı kerre dahi tenaḡnuḡan ḡâric olur ve o ṡarîḡ ile ḡurûc eden dem ḡaşabeden ḡâric olur. Ve baṣḡı kerre ḡurûc-ı dem ḡayṡ ṡarîḡiyle olur, o ḡayṡ merîden ve fem-i miṣdeden ve miṣde ḡarından ve kebiddeden işbu ṣudṡların birinden olur. Ve baṣḡı kerre dem suṣâl ile ḡurûc eder ve o dem ḡâric-i nevâḡî-i şadrden ve riye-den olur. Ve riye-den ḡurûc eden demden ḡavf olunduḡu miḳdâr şadrden ḡurûc eden demden ḡavf olunmaz, zîrâ şadrden ḡazf-ı dem eden âfet için serîṣan bürṡ ḡâşıl olur ve bürṡü dahi olmasa şadrın ḡurḡasında riye ḡurḡası miḳdârı ḡâile olmaz ve çok kerre o dem nâşürî olan ḡurḡadan ḡâric olur ve küllü vâḡtin neṣṣ ile muṣâvede eder.

Ve bu zıkr olunan neṣṣ-i dem aṣnâfının cemîṣan sebep-i ḡavîleri *-baṣḡı nüşhada sebep-i ḡarîbi vâḡf olmuştur-* o cirâḡattir ki şadr ve kebid ve ḡicâbdan biri üzere ḡarbe ve saḡtadan ḡâdiş olur veyâḡḡud o ṣudṡlara bir şeyṡ-i ḡâṡîṣ işâbet etmiş olur veyâḡḡud onda ilḡâḡ üzere suṣâl veyâḡḡud şıyâḡ veyâḡḡud bilâ-tedric şavtnı ḡiddetlendirmiş veyâḡḡud onun ḡucreti olur. Onun için mecâninde ve ednâ nâ-muvâḡıḡ nesne zḡḡunda ḡucreti iḡşâr edenlerde neṣṣ-i dem keşîrü'l-vuḡûṣ olur.³⁴⁹

349 Mecnûnlarda ḡucret keşîr olur. Ve cününü olmayıp ḡucreti keşîr olanlar gibi mecnûnda dahi neṣṣ-i dem keşîrü'l-vuḡûṣ olur ḡucretleri ḡasebiyle.

Ve ba'ḍı kerre kay²-ı 'anîften dahi münba'is̄ olur huşûşan nefş-i deme müsta'idd olanlarda ziyāde münba'is̄ olur.

Ve ba'ḍı kerre dahi müşilāt-ı hādde şürbünden ve sūm ve başal gibi ağ-diye-i hādde tenāvülünden ve demin ihtidādına bā'is̄ olan havf ve ğammdan ve dōşeksiz kuru yer üzere uyumaktan ve halka ve halkın dāhiline 'alağanın teşebbüsünden nefş-i dem hādīs̄ olur.

Ve nefş-i dem esbābı ba'ḍı kerre dahi sebab-i vāşıl olur ve o sebab-i vāşıl dahi yā 'urūқта veyāhūd ğayrı maḥallde olur. Ve 'urūқта olan sebab yā inķitā' olup damar kesilmek ile hādīs̄ olur veyāhūd inşidā'la ya'nī damarın yarılması ile olur veyāhūd damarın qadr-i ṭabī'iden ve vech-i lāyıķından ziyāde tefettüh edip genişmesiyle olur ve damarın istirhāsıyla dahi olur veyāhūd hiddet-i hılt̄ ile damarda te'ekkül olmakla olur veyāhūd cevher-i 'urūқun sehāfet-i rāsīhası ile olur ve çok kerre kaşabe-i riye ve şerāyīn ec-zāları arasında olan menāfiz̄ ve menāfis̄ si'a-i ṭabī'iden ziyāde tevessu' edip ondan tereşşuḥ eden dem nefş ile hürüc eder. Ve zıkr olunan menāfiz̄in si'ası demin nefş ile hürücuna sebab-i vāşıl olur.

Ammā nefş-i demin 'urūқun ğayrıdan olan esbāb-ı vāşılaları yā cirāḥat veyāhūd qurḥa olur. Ve qurḥa dahi yā cirāḥattan olur veyāhūd te'ekkül ve ta'affün ile 'uḍvdan bir nesnenin inķilā'ıyla olur.

Ve ba'ḍı kerre dahi riyede verem-i demevī hādīs̄ olup ondan tereşşuḥ eden dem nefş ile hürüc eder. Ve bu mişlli verem selīm olur, zīrā demevī olan veremde maḥķūn olup ğalīz olan mevādd tereşşuḥ ṭarīķiyle veremden hürüc eder. Ve zıkr olunan nefş-i dem esbābının küllisi riyede mevcūd olmak cāizdir lākin 'alaқа riyeye teşebbüs eylemez.

Ve zıkr olan esbāb-ı vāşılardan muқaddem biraz esbāb dahi vardır ki ona esbāb-ı sābıķa derler. O esbāb-ı sābıķlar mevāddın keşreti olur ve keşret-i mevādd ağdiyeyi iķsār edip riyādeti terk etmekle veyāhūd ṭabī'atın i'ḍād ve iddiḥār eylediđi miқdārdan mevāddın keşreti olur. Kitāb-ı evvelden terk-i riyādet mişllilerin bābında bunun tafşīli bizim beyānımızdan ma'lūm olur.

Veyāhūd o sebab-i sābıķ mādnenin hiddeti veyāhūd şiddet-i hareketi veyāhūd sebab 'urūқtan olan riyāḥ olur, zīrā 'urūқu fetķ eder, 'ale'l-huşuş tebahbuḥu ve tenaḥnuḥu iķsār edenlerde o mişlli sebab-i sābıķ ziyāde fetķe sebab olur.

Veyâhüd sebab-i sâbık mevâddı hâviye olan âlâtın infitâka isti'dâdı olur, [312b] meselâ âlâta işâbet eden berd ile âlete kabd 'arıd olur ve tabî'at ya'nî kuvvet-i mükellefe mevâddın cereyânında âlâtı bast ve temdide kâdir olmaz belki âlât münşakka olur.

Veyâhüd o sebab-i sâbık dâhiliyye ve hâriciyye olan harâretler olur.

Veyâhüd sebab-i sâbık yübüset olur gerek o yübüset keşâfetten ve gerek ise cefâtan 'arıd olsun, zîrâ o yübüsetler âlâtı ednâ sebebler ile inşikâka müsta'idd eder.

Veyâhüd sebab-i sâbık ruṭubet olur, zîrâ ruṭubet âlât-ı mezkûreyi irhâ eder ve mesâmmâtını tevsî' eder.

Veyâhüd sebab-i sâbık hârik ve kâttâ' ve mu'affin olan nesnelere birinin mevâddı hâviye olan âlâtın birine mülâkâtı olur.

Ve kaçan 'urûka imtilâ-i demevî 'arıd olsa tabî'at ona ikbâl edip mevâddın hangi tarafa meyli ziyâde ise o tarîkten def' eder; gâhice nefş ile ve dem-i bevâsiri isâle ve ishâle ve dem-i tamş ile mevâdd-ı imtilâyı dahi ihrâc edip def' eder. Bu müdeffi'lerin mevâddi'-i faḍla hangisi qarîb olup ve faḍlın hangi müdeffi'e teveccühü eşedd ise o taraftan faḍlı def'e tabî'at ikbâl eder. Ve kaçan 'urûk kaviiyye olup hâvî olduğu demi ve mevâdd-ı imtilâyı terk eylemeyip vücûh-ı mezkûre ile faḍlın tahallülü mümkün olmaz ise lâ-mahâle o faḍla 'urûkun mercî' ve maşîri olan tecâvife munşabbe olmakla mevt-i müfâceyi ihdâş eder.

Ve nefş-i dem 'arıd olan kimseye ekşer-i hâlde qurḥa-i riye dahi 'arıd olur, zîrâ ekşer-i hâlde nefş cirâhattan hâdiş olur ve cirâhatın meyli qurḥaya olur.

Ve kaçan nefş-i dem 'arıd olan kimseden nefş-i mezkûru muḥtebes olup ba'dehu yine nefş-i dem 'arıd olsa ḥavf olunur ki onun şâniyen nefş eylediği dem dem-i qurḥa [ola]; dem-i menfûs-ı evveli kazf eden cirâhat qurḥaya istihâle eylemiş ola.

Ve keşîren vâki' olur ki nefş olunan dem dem-i ru'âf olur, o dem baştan riyyeye nâzil olup riyyeden nefş ile ḥurûc eder. Ve eger nefş nevâhî-i riyyeden ḥurûc eder ise ondan iki vech üzere ḥavf olunur: Ḥavfın birisi demin ifrâtına ta'alluk eder ve âḥeri o nefsi icâb eden cirâhat-ı riyyenin qurḥaya istihâlesi olur.

Ve nef̣s-i demin küllîsi meḥûf ve ḥaṭarlı olmaz belki o nef̣s[-i dem] ḥaṭarlı olur ki devām üzere nef̣s vâkıʿ olup muḥtebes olmaya veyāḥûd ḥum-māya muḳârin ola. Ve çok vâkıʿ olur ki nef̣s-i dem kebid ve tıḥāl veremle-rinin bürʿüne sebep olur.

el-ʿAlāmât: Ḥancereye ḳarîb olan maḥallden suʿâl-i ḳalîle ile nef̣s olu-nur ve ammā faḍla ḥancereye baʿide olur ise o faḍla suʿâl-i keṣîr ile nef̣s olunur. Ve mevâdd-ı menfûse ḥancereden ne miḳdâr baʿide ise o miḳdâr suʿâl şedîd olur ve faḍla olduḡu cānib üzere ıdṭicāʿ olunup uyunsa in-tifaṣât ziyâde olur.

Ve vâcib olur ki nef̣s-i dem ʿarîḍ olan kimseye nazar oluna, o kimsede ruʿâfın vuḳûʿu keṣîr olduḡu veyāḥûd ḳalîl olduḡu taʿarrüf oluna ve nef̣sın vuḳûʿundan sonra o kimsenin reʿsine ḥiffet ʿarîḍa olduḡu veyāḥûd reʿsi keʿl-evvel ve ʿalā-ḥālihi bâḳî kaldıḡı taʿarrüf oluna, eger ruʿâf onun muʿtādı ise ve nef̣sten sonra ona ḥiffet ʿarîḍ ise ruʿâfı nef̣sın ruʿâfı olduḡuna delâlet eder. Ve ʿalāmât-ı ruʿâfa dahi nazar oluna.

O kimsenin yüzünde ve gözündə ḥumret ve gözü muḥāzîsinde tebārîḳ var ise müṣāhede oluna ve onu nef̣sı zebedî olmayıp ve nef̣s defʿaten oldu-ḡu biline, pes bu ʿalâmetler nef̣s-i dem aṣḥâbında mevcûd ise delâlet eder ki o dem-i menfûse ruʿâfidir.

Ammā riyenin cirāḥat ve ḳurḥası ḥasebiyle laḥm-ı riyyeden menfûs olan demin ʿalâmeti budur ki o dem-i menfûs zebedî olup müteḳaṭṭıʿ ve bilâ-ve-caʿ olur ve laḥm-ı riyenin cevherinden dem-i menfûs ʿırḳî olan dem-i men-fûstan miḳdârda eḳall ve gâile ve redâʿette ekṣer olur.

Ve zātü'l-cenb ve zātü'r-riye aṣnâfının aṣḥâbları baʿdı kerre riyyelerinde olan ḥarâret-i nâriyye-i muḡliyye ḥasebiyle dem-i zebedî ḳazf ve nef̣s eder.

Ve baʿdı kerre dem-i menfûs-ı zebedî ḳaşabe-i riyyeden olur velâkin o mevḍiʿden olan zebedî nef̣s yeṣîren tenaḥnuḥ ve suʿâl ile ḥurûc eder ve miḳdârı dahi ḳalîl olur ve levni dahi ebyaḍ olur ve o nef̣ste elem ḳalîlen iḥsâs olunur.

Ve ḳaşabe ʿurûḳundan menfûs olan dem zebedî olmaz ve süḥûneti ziyâ-de olur ve riyyeden ḥurûc eden dem-i menfûsun kıvâmından onun kıvâmı eṣedd ve deme müṣābeheti ekṣer olur velâkin ḡılzati şadrdan ḥurûc eden nef̣s ḡılzatinde olmaz.

Ve şadrdan menfûs olan nefsin ʿalāmâtı o nefsin sevâdı ve gılzati ve tül-i mesâfe hasebiyle nefsin cümüdü ve fi'l-cümle zebdiyyeti ve rıgvesinin vücüdü olur. Ve o nefste fi'l-cümle vecaʿ olup mevđiʿ-i ʿillete o vecaʿ delâlet eder. Ve her kaçan mevđiʿ-i vecaʿ üzere yatıp nâim olsa o vaqt vecaʿın iştidâdı zıkr olunan delâleti teʿyîd eder. Ve o vecaʿ ihsâsının sebebi şadrdın aʿdâ-i ʿaşabânî olduğu olur ve intifâsı yaʿnî o nefş ve o vecaʿın zevâlî kalîlen kalîlen olur, kaydan³⁵⁰ ve defʿaten olmaz ve nefsi suʿâl-i şedîd ile olur ve nefş hâşıl olmadıkça suʿâlî teskîn olmaz.

Ve inkıţâʿ-ı ʿurûktan hâdis olan nefş-i dem ʿalâmeti demin gazâret ve kesreti olur. Ve teʿekkül nefşinin ʿalâmeti teʿekkül esbâbının teʿaddümü olur. Esbâb-ı teʿekkül eşyâ-ı hırrife tenâvülü ve nevâzil-i hırrife nüzülü olur. Ve hummâ ve nefş-i kayh ve kışruhu ve riyeden munfaşıla olan riye cüzʿlerini nefş ve nefşin mâu'l-lahm gibi olduğu dahi teʿekkül ʿalâmâtı olur. Ve teʿekkül nefsi yesîren yesîren bedʿ eder ve baʿdı kerre sonunda münbeşik³⁵¹ olup defʿaten ve serîʿan hürüc eder ve şeyʿ-i şâlih nefş eder velâkin o şeyʿin levni müteğayyir olur.

Ve damarların imtilâ ile ağızları açıldığından hâdis olan nefşin ʿalâmeti budur ki o nefste elbette vecaʿ olmaz ve nefş ile ona râhat ve lezzet gelir. Ve bu nefş evvel-i hürücunda inkıţâʿ ve inşikâkın evâil-i nefşinden miqdârda ekall olur. Ve ekşer-i hâlde bu nefş teʿekkül nefşinden ekşer olur.

Ve veremden tereşşuh hasebiyle hürüc eden nefşin ʿalâmeti o nefşin kıllet-i miqdârı ve zâtü'r-riye ve sair veremlerin ʿalâmetlerinin vücüdü ve huđuru olur.

el-Muʿalecât: Nefş-i dem muʿtâdı olan kimseye vâcib olur ki hâl-i imtilâsına mürâʿât eyleye. Ve kaçan o kimse kendide imtilâ ihsâs eylese faşda mübâderet eyleye. Ve şadrdı dayyik olanlara imtilâ ihsâsında bu mübâderet ziyâde vâcib olur ve kezâlik suʿâl-i mülihhi olanlara dahi bu mübâderet evceb olur. Ve aşeb olan budur ki o mişlli kimselerde dem esfele meyl ettirile ve onların şâfinleri faşd oluna ve baʿdehu bâsilikleri faşd oluna.

350 بِئُرْ مَقْبِضَةٌ كَمَدِيبَةٍ كَثِيرَةٌ الْمَاءِ *Ķāmūs*.

351 بَنَى النَّهْرَ كَسَرَ شَطْلَهُ لِيُنْبِتَ الْمَاءَ *Ķāmūs*.

Ve hatunların ʔamşları zamānlarında ʔamşlarını idrār ve kifāyet miqdārı isāle onlardan nef̄s-i demi izāle eder, nitekim onların ʔamşlarını ḥabs nef̄s-i demi ihdāş eder.

Ve yine nef̄s-i dem muʔtādı olanlara vācib olur ki demi muḥarrîk olan ağdiye-i müsahḥine tenāvülü gibi ve veşbe ve şayḥa ve ḍacer ve cimāf ve nefes-i ʕālî ve kelām-ı keşir ve kırmızı şeylere nazar ve şarāb-ı keşiri şürb ve keşret-i istiḥmām gibi nesnelere ihtirāz eyleye. Ve kezālik o kimseler kerefs, şabır, simsim, şarāb, cübn-i ʕatîk gibi müfettiḥāt istiʕmālinden dahi ictināb eyleye, zīrā o edviyelerin ona maḍarratları olur, ammā tāze peynirin ona menfaʕati olur.

Ve nef̄s-i dem muʔtādı olanlara muvāfiq edviye muḡarrî ve müseddid ve mülahḥim olan gıdālar olur. Ve demi müberrid olup ḡaleyāndan māniʕ olanlar dahi onlara gıdā-i muvāfiq olur ve o gıdālardandit maḡbūḡ olan leben, onda [313a] taḡriye vardır ve dahi meḡīd-ı baḡar, onda ḡabḡ vardır ve zübd ve cübn-i ʔarî ki tuzlanmış olmaya ve fevākîh-i ḡābıḡa ve iccāş-ı şaḡīrin ḡabḡı olan nevʕi cemʕan bu nesnelere muvāfiqtir. ḡaḡḡ ve ʔarî zeyt-i ünfaḡ ile onların eḡimeleri tedsīm olunur ve onlara miyāh-ı şebbiyyenin menfaʕat-i şedidesi olur.

Ammā cirm-i riyeden ḡādîş olan nef̄sin muʕalecesi budur ki edviye-i yābise vü mülahḥime ile tedbîr olunurlar, ḡīn ve sāzenec lisān-ı ḡamel suyu ile ve su ile memzūc sirke ile saḡy olunur.

Ve o nevʕ nef̄sin zikr olunan tedbîrinden mā-ʕadā ʕilācî budur ki mübāderet edip inḡilāl-i ferd hangi cānibde ise ḡads olunup o cānibde olan bāsîlikten daḡıḡan faşḡ olunur ve ondan defeʕāt ile dem aḡz olunur ve her iki defʕaların araları üçer sāʕat mişli müddet ile faşḡ olunur. Ve ʕalîlin ḡuvvetine mürāʕāt olunur, zīrā faşḡ demi cānib-i ḡilāfa cezb eder ve cirāḡat-ta verem ḡudūşunu menʕ eder.

Ve onların eḡrāfları dahi delk olunur ve kezālik eḡrāfları şedd olunur ve şedde fevḡ cānibinden bedʕ olunup esfele nüzül olunur. Ve ictinābı vācib olan nesnelere zikri mürūr eylediḡi üzere ictināb olunur. Ve havāları taʕdîl olunur ve ıḡḡicāʕları cenb üzere olup o ıḡḡicāʕları heyʕet-i intişāb üzere kılınır yaʕnî bükülmez, imtidādı muntaşibın ve ḡāimin imtidādı gibi olur, zīrā bu heyʕet üzere ıḡḡicāʕda eczā-i riyeden baʕḡıları baʕḡı āḡer üzere vāḡiʕ olmamakla o ıḡḡicāʕın maḡarratı olmaz.

Ve onlara su ile memzûc olan sirke saqy olunmak nâfi'dir, zîrâ bu memzûc sirke nezf-i deme mâni' olur ve şadr ve riye nevâhîlerinden dem-i muhtebesî tenkıye eder ve cümûduna mâni' olur.

Ve kezâlik onlara muğarriye olan edviye-i bâride saqy olunur, zîrâ o 'alîle 'ilâc eden kimse muğarriyâta iştiğâl eylemek evlâ ve elyaktır. Eger tağriyesi olan edviyede tenkıye dahi bulunur ise gâyet maţlûb olur.

Ve bezr-i қаtûnâ sâir tedbîr ile saqy olunmak nâfi'dir. O bezrin tebrîdi hasebiyle 'aşaş-ı şedîdi olan nefş-i dem aşhâbına ziyâde nefî olur.

Ve ba'dı kerre bu tedbîrlere muhaddirât hâlt olunmak iki vechten nâfi' olur: Evvelkisi demi teskîn ve terkîk eder ve ikincisi muhaddirât tenvîm etmekle hareketi izâle eder. Ve bu bâbın âhirinde nefş-i dem aşnâfı beyninde müşterek edviyeyi inşâallâhu ta'âlâ biz zîkr eyszeriz.

Ve kaçan nefş-i dem cidden hırîfe-i şafrâviyye olmayan nezleden hâdiş olur ise sâ'atine sen o 'alîle riclinden faşd edersin. ve etrâfını fevkten rabta bed' edip esfele nüzûl edersin ve zeyt-i hârr ve dühn-i hârr ile meşelâ kıssâ-i hımâr dühnü mişllilerle etrâfını delk edersin, ammâ re'si elbette delk olunmaz.

Ve onların ağdiyesinde 'afûşâtan bir şey' hınţa ile hâlt olunup hasv tarîkiyle isti'mâl olunur. Ve gerektir ki onların 'afûşâtı şimâr cinsinden ola. Ve onlarda da'f olur ise mâ-ı bârid ile memzûc olan sirke içinde hubz naç' olunup iç'âm olunur ve üzerine huqne-i hâdde isti'mâl olunup mevâdd nâhiye-i re'sten cezbe olunur. 'Ale'l-huşuş bir mâni' olmakla faşd mümkün olmasa o zamân huqne-i mezkûreyi isti'mâl ziyâde gerekli olur. Ve vâcib olur ki ictihâd olunup mümkün oldukça baştan tebrîd oluna ve ammâ tertîbinde cehd-i keşîr şarf olunmaz.

Ve o 'illete nâfi'a olan eşyâdan olur aqrâş-ı kehrübânın saqy olunması. Eger zîkr olunan mu'âlecât nâfi'a ve nâci'a olmaz ise nezle mu'âlecesi isti'mâl olunup nezle habs olunur. Ve başı tırâş olunup zibl-i hamâmdan müttehz olan dımâd ile başı tađmîd olunur ve hâcet miqdârı o dımâd başında terk olunup ba'de қаdâi'l-vaţar nez' olunur.

Câlinûs zu'm eyledi ki bir hatuna nezleden nezf-i dem işâbet eyledi ve huqne-i hâdde [ile] o hatuna ihtikân eyledim. 'Ale'l-huşuş ondan faşd olunmadı ise dört gün miqdârı tenkıye olunur ve tenkıyesi dört gün üze-

re muḍā'af dahi kılınır. Ve onun 'ahdi ğıdāya ba'īd ise ḫarīre ve fevākih-i k̄abıḍa iṭ'ām olunur ve başında güğercin necāseti ile tedāvī olunur ve li-ec-li'd-devā onlara ḫammām için izn verilir ve başında dühn isti'māl olunmaz, başını tertīb eylemesin için. Ve ona tiryāk-ı ṭarī saḳy olunur, zīrā tiryāk-ı ṭarīde afyūn kuvvesi vardır, tenvīm eder. Ve o 'alilde dağdağa-i su'āl var ise teskīn olunur ve mevādd-ı nezle seyelānından men' olunur mādde taḡlīz olunmakla.

Ve bu devāları isti'mālın ikinci gününde mevādd-ı nezleyi taḫrīke ta'arrud olunmaz. Ve mevādd-ı hādiye vü sākine terk olunur ve riye dahi tenkīyeye ihtiyācı üzere terk olunur. Ve o günde onun ekşer-i tedbiri eṭrāfi delk olunur, zikri mürūr eden tiryāk-ı ḫadıṣ ü ṭarīden yevm-i evvelde saḳy olunan miḳdārdan eḳall ve miḳdār-ı bākīlāt tiryāk saḳy olunur. Ve o günde müdāvīnin ğaraḍı tadrīcle riyeyi tenkīye eden 'asel isti'mālīne vesīle olan devālar olur. Ve tiryākı saḳydan bir sā'at mürūrunda³⁵² eṭrāfını delk eder ve delkten sonra kuvveti in'āş eylesin için ḫubzdan miḳdār-ı ḳalīl ile ona mā-ı şa'ir verir. Ve yevm-i rābī'de ona 'asel-i keşir ile tiryāk-ı 'atīḳ verir, riyesini şedīden tenkīye eylesin için. Ve eyyām-ı sāirede muḳtedāsı vācib olduđu üzere taḡdiye eder ve nāḳıhın tedbiri gibi onlara tedbīr eder. Ve bu tedbīr ile ma'an vaḳt vaḳt 'alīlın başına şāfsiyādan mütteḫaz olan ḳayrūfī vaḍ' eder ve onlara istiḫmām ḫarām olur. Ve bi'l-cümle zikri mürūr eden tedbīr ceyyid olur.

Ve vācib olur ki onlara saḳy olunan tiryākın müddeti iki şehrin arasından dört şehir tamāmına ḳadar ola ya'ni o tiryākın o isti'mālī terkīb olduğundan bir şehir mürūrunda olur ve āḫeri dört ay tamāmında olur. Bir aydan muḳaddem veyāḫūd dört aydan sonra isti'māl olursa bu ḫuşušta onun menfa'at-i mu'teberesi olmaz. Ve bu müddette olan tiryākı isti'māl münevvidir ve nezleyi dahi ḫabs eder. Ve zikr olunan edhān onların başlarına taḳrīb olunmaz ve onların başlarına muḫammirāt vaḍ' olundukta evvelā ḫalḳ ve tırāş olup ba'dehu vaḍ' olunur, ne ḳadar o nezle şāḫibesı hatun olur ise dahi ḫalḳ-ı re's terk olunmaz. Eger nezle māddesinde keşret var ise evvelā faşd olup ba'dehu ḫabb-ı ḳūḳıyā ile ishāl olunur ve ba'dehu edviye-i muḫammire isti'māl olunur.

352 “ثم تركها ساعة” bedeline ba'dı nüshada “ثم تركها ساكنة” vāḳi' olmuştur, bu nüsha evlādır zikri ātī olan “وفي الرابع” ḳarīnesiyle.

Ve eger nef̄s-i dem damarın inşikāk ve inkıṭāından olur ise ve onların sebebi imtilā olur ise vācib olur ki mümkün olduğu miqdār aç konur ve belki üç gün miqdārı tecvīr olunur ve o üç günde miqdār-ı kalil eşyā-ı lezice ile onlar taḡdiye olunur. Ve kuvvetin suḡūtu zāhir olmaz ise taḡdiye dört gün tamāmına kadar müdāfaa olunur. Ve eger kuvvetin suḡūtu ḡavf-ı vācib ile ḡavf olunur ise o aḡdiyeler ile taḡdiye olunur ki onlardan ḡılt-ı muṭedil tevellüd eder veyāḡūd o ḡıdānın meyli berde olur ve onda lizāk ve telzīc ve ḡabd ve demi taḡlīz ḡāşşıyyeti olur, ekārīr ile istiṭmāl olunan herīse gibi ve ruṭūs ve nīm-birişṭ ve itriye ve ḡāşşaten ṭades ile ṭabḡ olunan itriye gibi. Ve ṭades ve ṭunnāb gibi aḡdiyeler ile taḡdiye olunur ve mümkün olduğu miqdār onlar ḡavī olan aḡdiyeler ile taḡdiye olunmaz ve ḡıdās-ı mā-ı şaṭire ḡaşır olunur ḡuşūşan ṭades ve ṭunnāb ve sefercel ile maṭbūḡ mā-ı şaṭire ḡaşır olunur. Ve ḡubz mā-ı bāride veyāḡūd bir ḡāmiḡ nesneye ve müzevvere³⁵³ ḡams olursa onun bi'l-fiṭl tebrīdi olur.

Ve ṭillet uzar ise meḡīd-ı baḡar ona nāfiṭ olur ḡabdı ve berdi ḡasebiyle. Ve kaynamış süttün dahi menfaṭati olur, taḡriyesi [313b] ve ilzākı için. Ve kaynamadık süt demi ziyāde etmekle bu ṭillette maḡarratı olur. Ve semek-i raḡrāḡīnin menfaṭati şedīde olur.

Ve bu ṭillet aşḡābının ve kezālik bundan sonra zıkr olunacak ṭilel aşḡābının aḡdiyeleri bi'l-fiṭl bārid olan ḡıdālar olur ve tuzlu olmayan tāze peynirin onlara menfaṭati cidden şedīd olur. Ve bu ṭillet aşḡābını laḡmla taḡdiye murād edersen o laḡmı iṭṭām edersin ki ondan ṭabḡ olunup iṭṭām olunur.

Ve dem-i nef̄sī ḡaṭ eden eşyā-ı mücerrebeden olur baḡlatu'l-ḡamḡāyı maḡḡ edip suyunu ibtilā eylemek. Ve baḡdı kerre o baḡlı maḡḡ edip suyunu ibtilā sāṭinde demi ḡaṭ eder. Ve yine ḡaṭ-ı demde mücerreb devālardan olur fevākihten ḡābıd ve ṭafīş olan sefercel ve tuffāḡ ve yaş ṭunnāb ve ḡabbu'l-ās ve ḡarnūb-ı Şāmī [ve] bunlar gibi olan fākiheler. Ve onlar için ṭīn-i maḡtūm ve ṭīn-i Ermenī ve şamḡ-ı arābī ve miqdār-ı kalil kāfūrdan nuḡl ittiḡāz olunur.

Kaḡan bu edviyeler ile dem muḡtebes olur, yevm-i rābīe bālīga olsa vācib olur ki onlar taḡdiye ve taḡviye olunalar ve taḡdiyeye bed olunup evvelā suda veyāḡūd mā-ı herāyiste ıslanmış ḡubz verilir ve ekārīr ve edmiḡa ile dahi taḡdiye olunur.

353 المزورات الاطعمة التي لا يكون فيها شبيء من اللحوم

Ve eger inşikāk ve inkıtâ'ın sebebi hiddet-i dem olur ise demi eṭrāfa meyl ettirici 'ameli sen işle ve cihet-i hilāfa demi şarf eyle ve safrāyı istifrag eyle ve kuvvet ile tebrîd edip tertîb dahi eyle ve kezâlik kavâbıdı ve muğarriyâtı isti'mâl dahi eyle. Ve mā-ı şa'r ve seretânât ve qar' ve Enderümâhus devâsını ve devâ-i Cālînûsu bi'l-cümle isti'mâl eyle.

Ammâ damarların ağızları infitâhından hâdis olan nef̄s-i deme mu'alecede vâcibdir ki kabdı ve 'ufuşatı ve tağriyesi olan edviye isti'mâl oluna.

Bundan akdem zıkr olunanların mu'alecesinde ihtiyâc-ı kabđ ile olan muğarriye ve mülâhḥime olan edviyeye olduğu gibi ma'a-tağriyetin kabdı ve 'ufuşatı olan edviye cülleñâr ve akmâ'-ı rummân ve summāk ve tarâşis 'uşâresi ve 'asâlic-i kerm 'uşâresi ve 'uşâre-i 'aşa'r-râ'ı ve şekâ'ı ve hısrım 'uşâresi ve heyüfekîdâs mişlilerdir.

Ve bu edviyelerin kendi ve bunlardan mütteḥaz olanlar ba'dı kerre şebb ve 'afş ve şabır ve efsentîn ile takviye olunur ve onlardan edviye-i mürekkebe ittiḥâz olunur. Ve bu bâbda ma'düde ve mu'adde olan akrâş bu edviyeden terkîb olunur. Ve bu edviyeler ba'dı kerre sâde suda ṭabḥ olunur veyâḥüd ba'dı 'uşârât ile ṭabḥ olunup ṭabîḥi şürb olunur. Ve ba'dı kerre dahi onlardan dımâdât ittiḥâz olunur. Ve ba'dı kerre bu edviyelere ve sâir cem'an edviye-i nef̄siyye ve edviye-i şadriyyeye kerefs ve nânḥâh ve enîsün ve sünbül ve râmik ḥalt olunur. Ve ba'dı kerre dahi yebrûḥ aşlının kuşuru ve benc ve ḥaşḥâş mişli muḥaddirât ḥalt olunur. Ve muğarriyâtta şamğ ve kündür kuşarı ve kevkeb-i Şâmus ve ṭabâşîr ve lisân-ı ḥamel bezri ve bezr-i kaṭûnâ lu'âbı ve kaṭûna bezri ve baḳlatu'l-ḥamkâ 'uşâresi ve ḥabb-ı sefercel lu'âbı dahi ḥalt olunur.

Ammâ nef̄s-i demin sebebi demin veremden tereşşuḥu olur ise onun 'ilâcı evvelâ faşd ve istifrag edip ba'deḥu mādde-i veremi indâc ile olur. Ve bu nev' nef̄s kavâbıdı ile mu'alece olunmaz, zîrâ kavâbıdı âfet-i 'azîmeyi celb eder belki bu bâbda zâtü'r-riye mu'alecâtı ile 'ilâc olunur.

Ammâ te'ekkül ile olan demin mu'alecesi şu'übetli ve 'usretli olur ve onun bür'ünden me'yûs gibi olunur, zîrâ te'ekkülün bür' ve iltihâmı sū'-i mizâcın zevâli ile olur ve onun zevâli müddet-i ṭavilede olur ve müddet-i ṭavilede verem yâ taşallüb veyâḥüd ta'affün edip yine bür' ḥâşıl olmaz lâkin ba'dı kerre te'ekkülün evvel-i zuhûrunda ḥılṭ-ı ḥârr nefđ olunmakla mu'ale-

ce olunup te'ekkül müstahkem olmasa o zamân mu'âlecenin nef'i olur. Ve ba'đı kerre ğarîkûn ħabbı ile o verem-i müte'ekkilin ğalîz ve şafrāvî olan maddesi ishâl olunur. Ve eger sen o ħabbı ziyâde takviyeye muhtâc olur isen onu takviye edersin ve dağdağa-i su'âli teskînde bezr-i verd devâsını ihtimâl edersin, ümîd olunur ki o devâyı ihtimâlin min-vechin nef'i müşâhede oluna.

Ve bi'l-cümle te'ekkülü olanların 'ilâcı mevâddı istifrâğ olur, o istifrâğ gerek ise faşd ile olsun ve gerek ise âĥer vechle olsun. Ve kezâlik ceyyide-tü'l-keymûs aĝdiyenin dahi nef'ün-mâsı olur.

Ve verem-i ekkâle şifâ olan edviyeden olur lübân ve mürr ve üzün-i cedy³⁵⁴ ve baklatu'l-ĥamkâ bezri ve ĥaţmî kökü ve akrâş-ı kevkeb ve bunlara nişf cüz' afyûn dahi ziyâde olunur.

Ve bu bâbda isti'mâl olan edviyeden olur o devâ-i mürekkeb ki onu Bûlus zıkr eyledi ve akrabâdînde dahi zıkr olunur ve onlara nâfi' edviyeden olur o edviye ki şâzene ve dem-i aĥaveyn ve kehrübâ ve senderûs ve tîn-i maĥtûm ve bi'l-cümle müceffif ve münakķî ve muĝarrî ve mülaĥĥim nesnelere dâĥil olmuş ola.

Ammâ şadrdan olan demin mu'âlecesi şadr üzere vađ' olunan o çimâdât olur ki onun 'imâd-ı edviyesinde cevher-i laţif ola veyâĥûd 'imâd-ı edviyelerine muĥâlîf olan cenâĥlarında cüz'-i laţif ola, zîrâ laţif edviyeyi şadra ĥşâl eder. Bâdrûc demekle ma'rûf olan devâ iki emri dahi câmi'dir hem onda nef's-i deme nâfi' devâiyyet vardır ve hem cüz'-i laţifi vardır.

Ĥads olunup nef'sin sebebi ĥarâret idiĝi bilinir ise zıkr olunan edviyenin küllîsi ona nâfi'dir.

Ve sebep bürüdet olduĝu ĥads olunur ise onun 'ilâcı Câlînûs'ın zu'mu üzere olur. Câlînûs der ki "Bir yiĝide bürüdet ĥasebiyle zıkr olunan nef's-i dem ĥâdiş oldu ve ben ona 'ilâc edip yevm-i evvelde ona faşd edip onun faşdını teşniye eyledim ve lâyıķı üzere eţrâfını delk edip eţrâfını şedd eyledim ya'cî nezf-i demi ĥabste zıkr olunan delk ve şeddi işledim ve şâfsiyâ kayrûţisini şadrına vađ' edip o kayrûţiyi aşsiyyen şadrından nez' eyledim, gerekli olan sühûnetten ekşer teşĥîn eylemesin için. Ve onu ĥasv ile taĝdiye edip ona devâ-i büzür saķy eyledim. Ve yevm-i ğâlîste yine yevm-i

354 "Üzün-i cedy" 'inde ehli'ş-Şâm lisân-ı ĥamelin kebûrine iţlâķ olunur.

evvelde işlediğimi işleyip zıkr olunan kayrûṭîyi şadırbna üç sâ'at kadar vaḍ' eyledim. Ve sonra üzerinden aḥz ve nez' edip mā-ı şa'ır ile ve ördek etinden mütteḥaz isfıdbâce ile taḡdiye eyledim. Ve bu tedbîrim ile zıkr olunan şābb ve fetānın mizāc-ı riyesi mu'cedil olup riyesinde verem ḥudūsunun ḥavfı zāil oldukta onun riyesini mütekāmili'l-eczā ona tiryāk-ı 'atık saḳy etmekle tenḳiye eyledim ve onu tedricle eşek sütti şürb etmekle müsta'idd eyledim. Ve vaḳt-i isti'dādında o süttü ve sâir nāfiş olan edviyeleri ona saḳy eyledim.”

Ve Cālînūs zu'm eder ki aşḫāb-ı nefşten her kim yevm-i evvelde Cālînūs'a mürāca'at eylediler, onun devāsı ile cemī'an şıḫḫat buldular, ammā yevm-i evvel mürürundan sonra mürāca'at edenlerin ḥālî muḫtelife oldu, kimi şıḫḫat buldu ve kimi helāk oldu.

Şāḫib-i *Kānūn* der ki bu tarîḳ üzere tedbîr olunan nefş-i dem aşḫābının şıḫḫat bulduklarını ben dahi müşāhede eyledim.

Ve eger ḥads olunur ise ki nefşin sebebi ruṭūbet ve istirḫā olmuştur, onun 'ilācında sen teşḫīn ve tecfif ve ḳabḍı olan aşl-ı izḫir ve maşḫakī ve kemmūn-i maḳlūvv ve fūzenec-i cebelī ve ḳalkādīs ve cünd-i bīdester mişlli devālar isti'māl eyle. Ve o devāları şadra iblāḡ ve īşāl için onlara za'ferān ḫalt olunur ve baḍı kerre dahi onlara şāh-bellūṭ gibi ḳavābıd-ı mu'cedile dahi ḫalt olunur. [314a] Ve bunlardan baḍı kerre aḳrabādinde zıkr olunduğu üzere edviye-i mürekkebe ittiḫāz olunur.

Eger sebab-i nefş yübūset idiği ḥads olunur ise her ne kadar nefşin yübūsetten ḥudūsu nādiren vāḳi' olur ise onun mu'ālecesinde muratṭıbāt-ı ma'ālūmeden elbān ve edhān ve 'uşārāt isti'māl olunur velākin māddeyi cihet-i ḫilāfa imāle mişlli 'ilāc-ı müşterek isti'māl olunduktan sonra o 'ilāc-ı müşterekten bu nev' nefşte isti'māl olunan faşd ve ḡayrılar gerektir ki nefşin sâir aşnāfında isti'māl olunanlardan aḍ'af ola.

Ve eger nefşin sebebi kebid üzere vāḳi' olan şadme ise onda bu sefūf isti'māl olunur: rāvend-i çīnī on, lükk beş, ṫīn-i Ermenī beş bu edvālardan sefūf ittiḫāz olunup şerbet-i vāḫidesi bir buçuk dirhem olur.

Ammā nefş envāfı beyninde müşterek olan edviyelerden edviye-i müfredede kitāb-ı şāninin cedāvil-i ma'ālūmesinde zıkr olundu. Ve bu maḳāmda isti'mālî lāyık olan edviye-i müfredede şāzenecdir, zīrā şāzenec şedīden saḫḳ

olunup ğubār gibi olsa onun bir mişkâli ba'đı kavābıđ ile veyāhūd 'uşārāt ile isti'māl olunsa onda ecell-i intifā'la intifā' olunur.

Ve semiz et mađğ olunup suyu ibtilā' olunsa ba'đı kerre fi'l-ħāl demi ħabs eder.

Ve māu'l-ħıyār ve kezālik 'uşāre-i ħıyār 'ale'l-ħuşūş cidden muğarriyāt-ı kâbıda ile yesiren yesiren tecerru' olunsa ve muħrağ geyik boynuzu isti'māl olunan edviyeye ħalt olunsa nef'i keşir olur. Ve na'nā' suyu dahi onlar gibidir. Ve kezālik bir dirhem şemeretü'l-ğareb dahi nāfi'dir.

Ve kezālik küzbere fiķāhı mā-ı bārid ile üç dirhem miķdārı akşam ve şabāħ saķy olunmağın nef'i olur. Ve kezālik büssed ve ħin-i Şāmūs dahi nāfi'dir. Ve zu'm olunur ki ħin-i Şāmūs lisān-ı Yūnān üzere kevkebü'l-arđ dedikleri devādır. Zāħir budur ki talt dediklerinden başka bir devādır.

Ve kezālik oğlak kanı donmazdan muķaddem aħz olunup üç gün miķdārı ondan nısf ũkıyye saķy olunur ve e kezālik ħabbu'l-ās veyāhūd lisān-ı ħamel bezri iki dirhem miķdārı lisān-ı ħamel suyuyla isti'māl olunur. Ve verd 'uşāresinin nef-i bālīgi vardır ve ħuşūşan sefercel meşvīsi nāfi'dir.

Ve kezālik tavşan infeħası mā-ı verd ile veyāhūd tavşan infeħası sār ħayvān infeħaları ile ħalt olunup maţbūħ 'afış ile veyāhūd mā-ı bādrūcla bi'l-cümle nefse nāfi'dir, 'ale'l-ħuşūş şadrī olan nefse ziyāde nāfi'dir.

Ve kezālik ħin-i maħtūm dahi nāfi'dir. Ĥin-i maħtūma miķdār-ı ħalil sirke ile ħall olunan ħin-i Şāmūs bedel olunur.

Ve kezālik seķūṭūn ya'ni ħayy-ı 'ālem dahi nāfi'dir. Ve bir kimse edviye cem' eylediği kitabında yazdı ki "Seķūṭūn bir nev' fūtenecedir ki beyne's-şuħūr nābit olur; o fūtenec aħz olunup ferik olunur ve ba'dehu tuz ile ekl olunur; Mavşil diyārında ona yebrūħ-ı berrī derler veyāhūd luffāħ-ı berrī derler." O kimsenin bu kelāmında nazar vardır. Ve o devā bir mişli neşā ile tenāvül olunur.

Ve kezālik envā'-ı nefse 'ale'l-iştirāk nāfi'dir şebb-i Yemāninin saķyı ve nef'i ħāyete bālīgiđir ħuşūşan yumurta sarısı teftir olunup cidden 'aķd olmadan içine şebb-i Yemānī idħāl olunup isti'māl olunsa nef'i ziyāde ve ekser olur. Ve kezālik ħırā-i semeki saķy dahi nāfi'dir.

Ve emr-i nefş şa'b olur ise ba'đı kerre ona rubu' dirhem miķdārı bezri benc mā-ı 'asel ile saķy olunur.

Ve vâcib olur ki nefsi hâbis olan edviye şarâb-ı ‘afîş ile isti‘mâl oluna devâyı tenfîz eylesin için, meger ki nefis hummâya mu‘ârin ola, o hâlde edviye-i mezkûre ‘uşâre-i uhrâ ile isti‘mâl olunur.

‘Atîk ve kadîm olan nefis mu‘âlecesinde kürrâs-ı Nebatînin bezri ve habb-ı âs mütesâviyü’l-vezn kılınıp o maḥlûttan iki dirhem miqdârı ‘aşâ’r-râ‘î suyuyla saḳy olunur veyâhûd kürrâs-ı Şâmî ‘uşâresi bir ûḳıyye, ḥall nıṣf ûḳıyye aḥz olunup şabâhla saḳy olunur veyâhûd sünger ḥurâkası nebîzden bir şey’ ile saḳy olunur.

Ve Câlînüs nezf-i dem için tiryâk ve meşrûdîṭûs ile mu‘âlece eylerdi. Ve râyiḥa-i ṭayyibesini olan edviyeler ile dahi mu‘âlece olunur, zîrâ râyiḥa-i ṭayyibe ṭabî‘atı taḳviye eder ve ḳaviyye olan ṭabî‘at deme buḥl edip nezfe mâni‘ olur ve cirâḥatı dahi ilḥâm eder.

Ve kezâlik akrâş-ı kevkeb ve Enderümâḥus devâsı ve ḳanṭuriyûn işbu devâlar nefsi ḥabs eylediğinden mâ-‘adâ tenḳiye dahi eder. Pes bu devâlar maḥmûme su ile ve hummâsı olmayanlara şarâbla saḳy olunur. Ve Şaḳâlibe ṭâifesi nâfişlere ḳanṭuriyûn-ı celîl aşlının ṭabîḥiyye ile mu‘âlece ederler.

Ve onlara muvâfiḳ eşribe lisân-ı ḥamel ‘uşâresi iki dirhem ve lisân-ı şevr ‘uşâresi iki dirhem, baḳlatu’l-ḥamkâ ‘uşâresi ḡadḏa olan aḡşân-ı verd ‘uşâresi bir ûḳıyye bu eşyâlar bilâ-reşşi’l-mâ’ daḳḳ olunup ‘uşâreleri istiḥrâc olunduktan sonra taṣfiye olunur ve o ‘uşârât ṭabḥ olunmaz belki içinde bir miqdâr ṭîn-i maḥtûm ḥall olunup onlardan miqdâr-ı mezkûr isti‘mâl olunur. Veyâhûd aḡşân-ı verd ‘uşâresi aḥz olunup içinde heyûfekîṭîdâs veyâhûd şâzenec ve muḥrak geyik boynuzu ḥall olunduktan sonra saḳy olunur.

Ve ona nâfi‘ olan akrâşın biri bu şîfat üzere olan ḳurştur: Aḳâḳıyâ, cûllenâr, verd-i aḥmer, liḫyetü’t-teys ‘uşâresi, çift-i bellûṭ, ḳuşûr-ı kündür mütesâviyü’l-vezn aḥz olunup ḳurş ittiḥâz olunur. Kezâlik zernîḥ, luffâḥ aşlının ḳuşûru, ṭîn-i buḫayre, kündür, aḳâḳıyâ, semiz ot toḫumu, bezr-i bâdrûc, cûllenâr, kâfûr bu edviyelerden dahi akrâş ittiḥâz olunup ikişer dirhem yarım vuḳıyye su ile şûrb olunur yâhûd şarâb-ı ‘afîş veyâhûd mâ-ı bâdrûc ile saḳy olunur. Ve kezâlik o ḳurş dahi saḳy olunur ki onu Serâbiyûn zîkr eyledi ve o ḳurş levz şamğı ile isti‘mâl olunur. Ve şadr üzere isti‘mâl olunan edhân eyyâm-ı şayfta dühn-i seferceldir ve faşl-ı şîtâda dühn-i sünböldür.

Kurş-ı Ceyyid: Tîn-i buhayre, büsüdd, kevkeb-i Şâmus, verd-i yâbis her birinden ikişer cüz², kehrübâ, şamg, neşâ her birinden birer cüz² bu mezkûrlar aḥz olunup ḥalt olunduktan sonra akrâş ittiḥâz olunur ve onun şerbet-i vâhidesi dört mişkâl olur. Maḥmûma bu kurş kâbıd³ uşâre ile ve maḥmûm olmayanlara şarâb ile saḳy olunur.

Envâc-ı nefş beyninde müştereke olan admidedendir arpa unu ve diḳâḳ-ı kündür ve aḳâḳıyâ beyâd-ı beydle dımâd ittiḥâz olunur. Ve kaçan demi sen ḥabs eylesen cirâḥatı ilḥâma vađc ve men^c-i vereme sen iḳbâl eyle. Ve cirâḥatı ilḥâm senin bildiğin muğarriyât-ı kâbıdâ ile olur. Ve men^c-i verem ğıdâyı men^c ile ve mevâddı etrâfa cezble ve tebrîd-i şadr ile olur. Ve o ilet aşḥâbına vâcib olur ki ḥall-i memzûcu mirâren tecerruc eyleye ve zıkr olunan iḳbâl ve tecerrucdan sonra zıkrî mürür eden muđır nesnelere dahi iḥtirâz eyleye. Ve ammâ onların mâ-ı meşrûbları vâcib olur ki mâ-ı maḥar ola veyâḥûd o su ola ki onun içine tîn-i Ermenî ve verd konulmuş ola ve mâ-ı ḥadîd³⁵⁵ veyâḥûd o su ola ki onun içinde ḥadîd-i muḥammât söndürülmüş ola, onları şürb cidden nâfi^c olur onlarda keyfiyet-i kâbıd olmak ḥasebiyle.

Ve kaçan riyede demin cümüdü ḥavf olursa vâcib olur ki evvelâ ona mâ ile memzuc ḥall saḳy oluna. Ve su^câli olanlara ve zıkrî mürür eylediği üzere dem-i cämidi olanlara nişf dirhem devâ-i kerm, mâ-ı kürrâştan bir miḳdâr ile ve sikencebîn ile saḳy olunur. Ve cümüd-ı dem için mürekkebâtan maḥbûḥ ḥulbe iki dirhem, zerâvend bir dirhem, mürr üç dirhem, dühn-i süsen bir dirhem, fülful vâhid, benc vâhid, verd iki dirhem bu mezkûrlardan kurş ittiḥâz olunup zılda tecfif [314b] olunur ve râziyâ nec ve kerefs suyuyla saḳy olunur. Ve kezâlik erneb infeḥası incir ağacının remâdi ve ḥâşâ ile saḳy olunur yâḥûd sa'ter ʿasel ile saḳy olunur veyâḥûd müstefriğât ile ishâl olunur. Ve o edviye-i müfredeler dahi isti'câl olunur ki onları biz kitâb-ı şânide zıkr eyledik ve o mürekkeb devâlar isti'câl olunur ki onları akrâbâdinde zıkr eyledik. Ve kitâb-ı râbi'eden dem-i cämidi taḥlîl bâbında olan kelâmımızı dahi sen kırâ'et eyle.

355 Mâ-ı ḥadîd o sudur, ḥadîd ma'cidenine mürür edip ona o ma'cidenin eczâsı muḥâlîḥ ola.

**FENN-İ ʿAŞİR MAḲĀLĀTINDAN DÖRDÜNCÜ
MAḲĀLE ḲALBDEN MĀ-ʿADĀ AʿḌĀ-İ ŞADRIN
ḲURŪḤ VE EVRĀMINA MŪTEʿALLİK OLAN
ʿİLM-İ NAZARİNİN UŞŪLŪ BEYĀNINDADIR
O DAHİ FUŞŪLŪ MŪŞTEMİLDİR**

Evvelki Faşl Zātü'l-Cenb Beyânındadır

Şadrda ve şadrın adlâında ve nevâhisinde olan hucub ve şifākât ve ʿadallerde cidden mŷziye ve mŷciʿa olan evrām hâdiş olur ki ona şevşa ve bersâm ve zātü'l-cenb tesmiye olunur. Ve baʿdı kerre dahi o aʿḌalarda min-ğayri veremin vecaʿ hâdiş olur ve o vecaʿ bilâ-verem riyâhla hâdiş olur velâkin o vecaʿ hasebiyle gâlaḫ olunup zann olunur ki o kimsenin şadrında veremi ve zātü'l-cenbi vardır ve hâlen ki onda verem yoktur. Ve zātü'l-cenb ancak nevâhî-i şadrda hâdiş olan verem-i hârrdan olur. O verem dahi nevâhî-i şadrın bātınında olan ʿadâlâtında ve şadrı müstebtın olan hicâb-da veyâhŷd hicâb-ı hâcizde olur. Ve hicâb-ı hâcizde olana zātü'l-cenb-i hâliş derler. Veyâhŷd o verem-i hârr nevâhî-i şadrın zâhirinde ve hâricinde olan ʿadalde olur veyâhŷd hicâb-ı hâricde cilde müşâreketiyle olur veyâhŷd bilâ-müşâreket yalnız hicâb-i hâricide olur.

Ve bunların aʿzamı ve haḫarlısı hicâb-ı hâcizin kendide olandır, o nevʿ zātü'l-cenb cümlesinden şuşübetlidir. Ve bu veremin ekşer-i mevâddı mirâr veyâhŷd dem-i mirârî olur, zîrâ şifâkiyyeti olan aʿḌaya mevâddan ancak laḫîf mirâr nüfŷz eder, ondan sonra nüfŷz eden dem-i hâliş olur, onun için demden hâdiş olan hummânın nevbet-i iştîdâdi ekşer-i hâlde gıbb olur.

Ve ekşer-i hâlde zātü'l-cenb mevâdd-ı laḫîfeden hâdiş olmakla cüşâ-i hâmiḏi keşîrŷ'l-vuḫŷʿ olanlarda zātü'l-cenb olmaz, zîrâ o cüşâ balğamiyyŷ'l-mizâcda olur ve balğamdan zātü'l-cenb hâdiş olmaz. Ve dem-i muḫterikten ve mŷteʿaffin olan balğamdan hŷdŷsu keşîren olur, nâdiren ʿufŷnetli ve mŷlتهibe sevdâdan dahi olur.

Ve kitâb-ı küllide biz beyân eylemiştik ki verem-i hârrın mâddesi balğam ve sevdâ olmamak lâzım değıldir belki verem-i hârr şifat-ı mezkŷre ŷze-re olan balğam ve sevdâdan dahi hâşıl olur velâkin hŷddetli olmaz, ancak verem-i hâdd mirreden ve demden hâdiş olan veremler olur. Ve bunların

mâ-^cadâsından hâdiş olanlar müzmin olur. Bu mezkûrlar biraz fevâiddir ki nâsın çoğu onu taḥşîl eylemediler.

Ve evrâmın me'âli üç nesneden birine râcî^c olur yâ taḥallül eder yâhüd cem^c-i midde eder yâhüd taşallüb eder ve ona binâen zâtü'l-cenbin dahi en-câmı üç hâlin biri olur. Lâkin zâtü'l-cenbde şalâbet nâdirü'l-vuḳû^c olmakla zâtü'l-cenbin bi-ḥasebi'l-gâlib me'âli taḥallül yâhüd cem^c-i midde olur. Ve kaçan zâtü'l-cenb taḥallül eylese ekşer-i hâlde o mevâdd-ı müteḥallileyi riye ḳabûl eder ve sonra riye onu nefş edip iḥrâc eder. Ve ba^cdı kerre cihet-i uḥrâya taḥallül edip o mevâdd-ı müteḥallile riye câ nibine müteveccih olmaz. Ve kaçan zâtü'l-cenb veremi cem^c-i midde eylese münfecir olsun için inḍaca ḥâcet olur. Ve ba^cdı kerre riye o middeyi nefş eder ve ba^cdı kerre dahi middeyi ^curûḳ-ı ecvef ḳabûl edip bevle iḥrâc eder ve ba^cdı kerre dahi midde mecârî-i şüfle ya^cnî em'âya muḥşabbe olup ishâlle istifrag olunur ve ba^cdı kerre dahi o münfecire olan midde emâkin-i ḥâliyede ve luḥûm-ı ğudediyyeye nüfûz edip evrâm iḥdâs eder, ürbiyyelere ve meġâbine ve ḥalf-i üzüne seyelân ettikte evrâm iḥdâs eylediği gibi.

Ve çok kerre zâtü'l-cenbin mādde-i mezkûresi dimāğa ve a^cdâ-i uḥrâya mündefi^c olup ḥaṭar iḥdâs eder ve ihlâk eder. Ve ba^cdı kerre mevâdd-ı mid-diyye ḥanık edip boġar ve onun ḥanığı mecârî-i nefeste olur. Ve ba^cdı kerre mevâddın keşreti zikr olunan meblağa bâliġa olmaz ve hem naḍic olur gerek o mādde midde olsun veyâḥüd midde gibi nefş olsun velâkin ḳuvâda ḍa^cf olmakla onu nefşten ḳuvvet ^câcize olur. Pes vâcib olur ki onun o vâkette ḳuvveti taḳviye oluna, zîrâ a^cdâ-i nefesin ḳuvveti ḳaviyye oldukça şediden münḳabıḍ olup su'âl-i nâfişi iḥdâs eder. Ve bu nefş iki ḳuvvet ile tamm olur: Evvelkisi ṭabî'iyedir, o ṭabî'î ḳuvvet evvelâ māddeyi inḍac eder ve ba^cdehu def^c eder. Ve ikinci ḳuvvet irâdiyyedir, def^c onunla vücûda gelir. Ve o iki ḳuvvet ḳaviyye olsa mümkün olur ki tenḳiyeden ^câcize olurlar.

Ve ma'lûm ola ki nefşin ^cusrü ḳuvvetin ḍa^cfî ḥasebiyle hâdiş olur veyâḥüd âletin ḥareketten te'ezzîsi ḥasebiyle olur gerek ḥareket-i müziye âletin kendi ḥareketi olsun ve gerek ise cârının ḥareketi olsun. Ve ba^cdı kerre ^cusr-i nefşin sebebi mādde olur, zîrâ mādde cidden raḳîḳa veyâḥüd ġalîza veyâḥüd lezice olsa onları nefş ^cusretli olur. Bu aḥvâlde riyyeye ve ḳaşabeye muḥşabbe olup nefşe ^câşîye olan mevâdda havâ muḥteliḥ olup

riyede galeyân mislli bir hâlet ‘arîd olur. Ve zâtü’l-cenbin mevâddı on dört gün içinde nef̣s ile tenkıye olunmasa o kadar günde zâtü’l-cenbin veremi middeyi cem^c etmiş olur. Ve kırk gün kadar kayh mütemâdî olup istinkâ hâşıl olmasa o kimse zâtü’r-riyede ve sillde vâkı^c olur. Ve ba‘dı kerre teḳayyuḥ yedinci günde ḥâdiş olur, ammâ ekser-i emrde yirminci günde teḳayyuḥ eder; kırk günde ve altmış günde dahi teḳayyuḥ eder. Ve ba‘dı kerre zâtü’l-cenbin inficârı ḳableḥn-nuḍc vâkı^c olur onun için ki mādde keşreti veyāḥūd ḥiddeti ile īzā etmekle ṭabī‘at ḳable’n-nuḍc mādde-i müziye-i mezkûreyi def^c eder. Ve kezâlik ḥarâret ḥasebiyle ve sinn ve faşl ve büldân ile dahi ḳable’n-nuḍc mādde münfecire olur. Ve ṭabīb ḥaṭā edip ḳable-evānihi edviye-i müfeccire saḳy etmekle dahi ḳable-nuḍci’l-mādde evrām-ı şadr münfecire olur. Bundan sonra biz inşāllāhu ta‘ālā edviye-i müfeccireyi beyân eyleriz. Ve ‘alîlin ḥareket-i müt‘ibe-i müfriṭası ile ve şayḥa ile dahi ḳable’l-vaḳt mādde münfecire olur ve bu vech ile vâkı^c inficârda ḥaṭar olur.

Ve ba‘dı kerre zâtü’l-cenb zâtü’r-riyeye intikāl eder, o vaḳtte riye zâtü’l-cenbin māddesini ḳabûl eder ba‘dehu nef̣d ve nef̣sinde icāde edemeyip mādde-i maḳbûle riyei tevrîm eder.

Ve ba‘dı kerre dahi zâtü’r-riye vâsıṭasıyla zâtü’l-cenb sill maraḍına intikāl eder, o intikālın ṭarîḳini biz sana ḳarıben beyân eyleriz.

Zâtü’l-cenbin sille intikālî ba‘dı kerre dahi bilā-vasıṭa olur, zâtü’r-riye beynehümāya tavassuṭ eylemez belki zâtü’l-cenbden müteḥallile olan mādde ve midde evvel-i emrde min ḡayri tevrîmin cevher-i riyei taḳriḥ eder, māddenin ḥiddeti ve redā‘eti ḥasebiyle.

Ve ba‘dı kerre dahi zâtü’l-cenb teşennüce ve küzāza intikāl eder, zîrā şadrın ‘uḍvları ‘aşabānî olmakla onun ittişālinde ve civārında ‘aşablar bulunur ve a‘ḍā-i şadrın mādde-i veremleri bi’l-mücāvere ‘aşabelere intikāl eyledikte teşennüc, küzāz ḥâdiş olur ve bu intikāl ḳatıl ve mühlik olur. Bu intikâlde ‘alāmāt-ı sāire her ne kadar ceyyide olur ise dahi ba‘dı kerre o ‘alāmet-i ceyyidenin menfa‘ati olmaz.

Ve ba‘dı kerre zâtü’l-cenb ve zâtü’r-riye aşḥābına o maraḍlar ‘aḳibinde ḥader ‘arîd olur, onların mu‘aḥḥarı ‘aḍudunda ve insī cānibinde ve sā‘idinde eşābi‘leri etrāfına varınca kadar ḥader olur.

Ve ba'dı kerre zâtü'l-cenb maddesi kalbe haml olunup andan hafakân 'arıd olur ve hafakâna gâşy tâbi' [315a] olur. Ve ba'dı kerre zâtü'l-cenb maddesi dimâga haml olunur. Bu hamller kable'l-cem' olan taħallülde olur ve hâl-i taħallülde olanlarda dahi olur.

Ve ba'dı kerre zâtü'l-cenbin mevâddı zâhire intikâl edip a'đâlarının zâhirinde ħurâcât ħâdiş olur.

Ve zâtü'l-cenb mevâddının intikâl-i mezkûrları 'aşab ve veter vâsıtası ile olur.

Ve mevâdd-ı mezkûre ba'dı kerre 'aşabın ve veterin cevherlerine ve belki cevher-i 'izâma nüfûz eder. Ve kaçan maddede-i mezkûre süfliyye olan mevâdî'e meyl edip ba'dehu münfetiħa olup nâşür ihdâs eylese esbâb-ı ħalâştan olur velâkin nâşürün kendisi ħabîs ve mu'azzıbdır. Ve eger o maddede mefâsıla meyl eder ise ve nevâşır olur ise o nâşür dahi sebebi ħalâş olur lâkin bulunduğu 'uđvda müzmin olur ħuşuşan o 'uđvda berâz ve keşîrî'r-rüsüb bevl-i gâliz ve keşîr ve nađic olan nefis bulunmaya. Eger bunların biri bulunur ise o nâşür eslem olur, zîrâ o ahvâl ħurâcı ihdâs eden maddenin kılletine ve nuđc ħasebiyle şalâħına delâlet eder. Ve bu intikâlde olan ħurâcât kaçan hafıyye ve gâire olsa âfete ve nükse ve âfetin ziyâde olduğuna delâlet eder ħuşuşan maddede rıyeye ric'at eder ise o delâlet mü'ekke olur.

Ve ba'dı kerre dahi şiddet-i ħummâ ħasebiyle ħâdiş olan tevâtür-i nefes ile maddede-i menfûseye cefâf 'arıd olup ona lüzücut ħâdiş olmakla şiddet-i veşabiyye ve lehîbin izdiyâdına tevâtür-i nefes ve tevâtür-i nefese lüzücut tâbi' olup bu ikisi gâile ihdâsında te'āvün ederler.

Ammâ zâtül-cenb ve zâtü'r-riye aqsâmlarının hangisi erde' olur? Cānib-i eyserde olup kalbe mücāvır olan zâtü'l-cenb ve zâtü'r-riye mi erde'dir yoksa cānib-i eyemde olanlar mı erde'dir? Pes bu meselede ihtilâf olunmuştur. Ba'dılar eyserde olan âfet erde' olduğuna zâhib oldular ve ba'dılar cānib-i eyemin âfetleri erde' olduğuna zâhib oldular. Ve ħaħħ olan budur ki kalbe min ciheti'l-mekân qarîb olan zâtü'l-cenb ve zâtü'r-riye erde' olur velâkin maddeleri nuđcu kâbil ise onun nuđc ve taħlîli eshel olur. Ve min ciheti'l-mekân kalbe ba'îd olanlar eslemdir lâkin maddesinin nuđc [ve] taħlîle 'işyânı vardır, sühûlet üzere nuđc ve taħallül eylemez.

Ve ba'dı kerre nâhiye-i re'ste veyâhûd nâhiye-i şadrda veyâhûd nâhiye-i şadra munşabbe olan 'urûқта vâkı' olan imtilâ-i hılî zâtü'l-cenbe sebeb olur.

Ve ba'dı kerre dahi mâ-ı bāridi keşret-i şürble mādde şadrda muhtekeane olmakla ondan zātü'l-cenb hādîş olur.

Ve berd-i zāid ve hāret-i şedīde dahi zātü'l-cenbe mü'eddī olur. Ve ahlātı tahrīk ve işāre eden şarāb-ı şırfı şürb dahi zātü'l-cenbe mü'eddī olur.

Ve nüsha-i sultāniyyenin hāmişine tahrīr olunup nüsha olmak üzere işāret olunmuştur ki zātü'r-riyenin zātü'l-cenbe intikālî nādiren vāķ' olur, ammā 'aksi keşirü'l-vuķ' olur ve m'a-hāzā onda dīķ-ı nefes hiffet üzere olur. İntehā.

Ve zātü'l-cenb ekşer-i hālde hārif ve şitā faşlarında 'arıd olur huşūşan rebī'-i şiteviden sonra olan hārif ve şitāda ezyed olur. Ve şitevi-i rebī' de ve rīh-i şimāl hūbūbunda fuđūla keşret veyāhūd ihtikān 'arıd olup cenb ve adlā' evcā'ı keşirü'l-vuķ' olur huşūşan cenūbda olan şimālin hūbūbunda keşreti ziyāde olur. Ve faş-ı şayfta ve cenūb hūbūbunda cidden қalil olur lākin şayf-ı cenūbī ve maṭir ve 'akibinde olan hārif dahi cenūbī ve maṭir olur ise o hārifin āhirinde şafrāvīlerde zātü'l-cenbin keşreti olur ve gayr şüretlerde ve cenūbī olan ehviye ve büldān ve riyāhta zātü'l-cenb қalil olur.

Ve ṭamşı olan hatunlarda dahi zātü'l-cenb қalil olur, zīrā onların mizacı ruṭübetе māile olmakla mirāriyyet onlarda қalil olur. Ve ḥamli olan hatunlara kaçan zātü'l-cenb 'arıd olsa mühlik olur. Ve kezālik meşāyihün қuvāsı da'ife ve nefş ve tenķiye gayr-i қaviyye olmakla onlara işābet eden zātü'l-cenb dahi mühlik olur.

Ve zātü'l-cenb ba'dı kerre zātü'l-kebid ile müştebih ve mültebis olur, zīrā kebide verem işābet edip o veremden me'ālīķ mümtedd olsa onun temeddüdü hicāb ve ğişāya te'eddī eder ve onlarda veca' ihsās olunur ve dīķ-ı nefesi dahi te'eddī eder. Ve bu ḥāller zātü'l-cenbin 'avāricından olmakla beynehümāyı farka hācet olur.

Ve zātü'l-cenb ba'dı kerre sersāma mültebis olur. Ve zātü'l-cenb gāhice a'rādının 'ızamıyla қatil olur ve gāhice dahi ḥanıkıyla қatil olur. Ve ba'dı kerre dahi zātü'r-riyeye ve sill marādına veyāhūd ğaşye intikāl eder ve sāir mā-ķile intikāl eder.

Ma'lûm buyurula ki kaçan zātü'l-cenb nefse muķārın olsa onun mişâli o istiskā olur ki o istiskā ĥummāya muķārın olur. Pes o zātü'l-cenb nefsi dem ĥasebiyle 'ilāc-ı kâbıda ve zātü'l-cenb ĥasebiyle müleyyin mu'āleceye muhtāc olur, nitekim nazīri bi-sebebi'l-istiskā müsahĥin ve müceffif veyāĥūd müceffif-i mu'tedil 'ilāca ve bi-sebebi'l-ĥummā müberrid ve murattıba muhtāc olur.

Ve çok kerre zātü'r-riye ve zātü'l-cenbin sebebi ħunnebū gibi ġalīza ve demi muġallıza olan aġdiyenin tenāvülü olur, zīrā o mişli aġdiye tenāvül olundukta onun keymüsu tündüve tesmiye olunan memelerin bittiġi ve maġrizi olan mevdi'e ve cenbe olur ve zıkr olunan iki āfetleri iĥdāş eder.

Tab ile olan nüshada "ħunnebū" bedeline "ħubbeyt" vāķ olmuştur. "ħubbeyt" bir nev helvādır, ammā nūn ve bā ile "ħunnebū" buķül-i me'kūledendir.

Pes bu nev āfetlerin 'ilācı istiĥmām ile mevāddı terķik edip mevādi'i mezküreden sür'at üzere o mevāddı sikencebīn isti'māliyle iĥrācdır. Ve o mevādi' dühn ile temriĥ olunmaz, zīrā dühn cezzābdır. Ve zıkr olunan tedbīr ile ba'dı kerre bu āfette faşddan istiġnā olunur.

‘Alāmāt-ı Zātü'l-cenb

Zātü'l-cenb-i Ĥālīşin ‘Alāmātu Beştir.

Tab ile olan nüshada "alāmātü ĥamsetin" ve nüsha-i sulţāniyyede "alāmātu mübeşşinetin" vāķ olmuştur, alāmāt-ı mülāyime vü muvāfıka ma'nāsınadır.

O beş ‘alāmetin evvelkisi ĥummā-ı lāzimedir, zīrā zātü'l-cenb-i ĥālīş ħalb ile riye arasında olan ĥicābda ĥādiş vereme ıtlāk olunur ve lā-maĥāle o verem ħalbe ħarīb olmakla ĥummāsi lāzime ve ġayr-i müfāriķa olur.

Ve ikinci ‘alāmet taĥt-ı adlā'da olan veca'-ı nāĥıstır, zīrā 'udv-ı ġişāyī olmakla onda o veca' iĥsās olunur ve çok kerre dahi o veca' faķať teneffüs zamānında iĥsās olunur. Ve ba'dı kerre dahi naĥs ile temeddüd dahi iĥsās olunur. Ve ba'dı kerre zātü'l-cenb-i ĥālīşin mevāddı ekşer olur ve temeddüd mādde kemmiyyetinin keşretine delālet eder ve naĥs mādde keyfiyye-

tinin kuvvetine delâlet eder, zîrâ kuvvet-i keyfiyyet hasebiyle nüfûzu ve lez'î ziyâde olup naḥs iḥsâs olunur.

Ve üçüncü 'alâmet veremin riye'yi dağtıyla ḥâdiş olan dîk-ı nefes olur ve nefesin şıgarı ve tevâtürü olur.

Ve dördüncü 'alâmet nabđ-ı minşārîdir. Ve nabđ-ı minşārînin sebebi budur ki zâtü'l-cenb-i ḥâlişin nabdı evvelâ muhtelif olur ve zamân-ı intihâda kuvvete da'f gelip ve mādde dahi keşret üzere olmakla o nabđ-ı muhtelif nizâmdan ḥurûc edip nabđ-ı minşārî ḥâdiş olur.

Ve beşincisi su'âldir, zîrâ bu 'illetin evvelinde su'âl-i yâbis ḥâdiş olup ba'dehu nefş eder. Ve ba'dı kerre dahi bu 'illetin evvelinde su'âl-i nâfiş ḥâdiş olur, bu su'âl-i nâfiş zamân-ı ibtidâda cidden maḥmûde olur. Zâtü'l-cenb-i ḥâlişte bu su'âlin ḥudûsu riye'nin mevdi'-i vereme mücâvereti hasebiyle olur, zîrâ verem mücâveret [315b] hasebiyle māddesini riye'ye reşş eder ve riye dahi mādde-i merşūhayı külliyyeten nefş için su'âli ihdâş edip taḥlîl eder. Ve zâtü'l-cenb-i ḥâlişte çarebân olmaz, zîrâ çarebân şerâyîni keşire olan 'uḍvda olur ve zâtü'l-cenb vereminin mevdi'inde olan şerâyînde keşret yoktur.

Ve zikri mürûr eylediği üzere zâtü'l-cenb su'âl ve ḥummâ ve dîk-ı nefes ve temeddüd-i me'âlîk ve gîşâ-i müstebtîne elemin indfâ'ı hasebiyle zâtü'l-kebidde müşâbih olduğundan vâcib olur ki beynehümâ fark oluna. Ve a'râđ-ı mezkûreler ile ve onlardan mâ-'adâ nefş ile zâtü'r-riye dahi zâtü'l-kebidde müşâbih olur, onların arasını dahi fark-ı fârîka ḥâcet olur. Pes zâtü'l-cenb ile zâtü'l-kebidin farkı budur ki zâtü'l-kebidde nabđ mevcî ve veca' veca'-ı şakîl olup onda veca' naḥs eylemez ve vechin levni şufret-i rediyyeye istiḥâle eder ve su'âlinde nefş olmaz belki zâtü'l-kebidin su'âli yâbis ve mütebâtî'e olur ve ba'dı kerre lisânı ba'de-şufretin esved olur ve bevli ğalîz, istiskâî olur ve berâzı kebidî olur ve cānib-i eymente şîkal iḥsâs olunur ve verem-i kebidde mess olursa onda veca' iḥsâs olunur. Ve ba'dı kerre zâtü'l-kebidî olanlarda laḥm-ı çarî gūsâlesine müşâbih ishâl olur kuvvetin da'fı hasebiyle. Ve eger verem kebidin ḥadebesinde olur ise ekşer-i ḥâlde o verem lems ile iḥsâs olunur. Ve eger verem kebidin taç'irinde olur ise onu gâyet-i kuşvâda olan teneffüs keşf edip bildirir, zîrâ nefes-i 'azîm ile teneffüs olundukta kebidde bir şakîl nesne asılmış gibi iḥsâs olunur

ve zātü'l-kebidde olan dīk-ı nefes müşābih olur ya'nî bir qarār üzere olur, artıp ve eksilmez ve cidden şedîd olmaz. Ammā zātü'l-cenb onun su'âlinde nefis ve veca'ında naḥs olur ve bevlinin kıvâmı ve levni aḥsen olur ve dīk-ı nefesi eşedd olur ve onun dīk-ı 'ale'l-ittişâl şiddete terakķī eder hattâ her altı sâ'atte tefāvütü zāhir olur ve keşîren izdiyâda terakķī eder. Bu zıkr olanlar zātü'l-cenb ile zātü'l-kebid arasında olan farklar idi.

Ammā zātü'l-cenb ile zātü'r-riye arasında olan furûk budur ki zātü'r-riyenin nabdı mevcî olur ve veca'ı şakıl olur ve dīk-ı nefesi eşedd olur ve nefesi eşhan olur.

Ve bunlardan mâ-'adâ zātü'l-cenbin 'alâmât-ı uḥrâsı dahi vardır, o 'alâmetler sersâmın 'alâmât-ı münkere vü müstekrehesidir, onlar ba'dı kerre zātü'l-cenb marađına dahi 'arađ olur ve o 'arađlar bunlardır: ihtilâ-ı zihni ve hezeyân ve tevâtür-i nefes ve ḥafaḳân ve ğaşydır. Ve bu 'arađlardan dün ya'nî hafîf 'arađları dahi vardır, o 'arađlar kerbin şu'ûbeti ve şiddet-i đacer u sehanenin elvân-ı muhtelifeye tağayyürü ve şiddet-i ḥummâ ve kay-ı mirâr. Ve sersâmın bu 'arađları cemî'an zātü'l-cenb 'illetinde dahi 'arıđa olduğunun sebebi budur ki zātü'l-cenb 'illetinin maḥalli şadır ve sersâm 'illetinin maḥalli a'đâ-i re'isedir. Ve şadrın a'đâ-i re'iseye müşâreketi ve mücâvereti olmakla ona 'arıđ olan 'avarıđ bi'l-müşâreke âfet-i şadrda dahi 'arıđ olur.

Pes bu 'arađlar beynehümâda müştereke olmakla onları fark edip o 'arađlar bersâmdan veyâḥûd sersâmdan idiđini tebyîn ve ta'yîn eder 'alâmetten lâzımdır ve o furûk bunlardır ki zıkr olunur: Sersâmda evvelâ ihtilâ-ı zihni 'arıđ olup ba'dehu a'râđ-ı sâire müştredde olur. Ve sersâmda teneffüs eslem olur ve teneffüsün fesâdı ihtilâ-ı zihnden sonra zühür eder. Ve sersâmda 'alâmât-ı müştereke ile ma'an sersâma hâşş olan gözlerin ḥumreti ve fevķ cānibine incizābı mişlli 'alâmetler mevcûde olur. Ammā bersâmda ya'nî zātü'l-cenbde ihtilâ-ı zihni sonradan 'arıđ olup müte'aḥḥir olur. Ve ba'dı kerre ihtilâ-ı zihni bersâmda mevtine qarîb zühür eder ve o zamāna kadar 'aklı selîm olur velâkin bersâmda nefesin tağayyürü ve sū'u teḳaddüm eder. Ve bersâmın zamân-ı ibtidâsında fevķ cānibine merākķın temeddüdü olur ve ke-ennehu merākķ-ı şadrda olan vereme müncezib olur ve veca'-ı nāḥısı dahi olur.

Ve sersâm ve bersâm arasında olan furûkun biri dahi budur ki sersâmda nabđ ‘azîm olup tefâvüte mâil olur ve bersâmda nabđ şağîr olup mâ-fâtı tedârük için tevâtüre meyli olur. Ve zâtü'l-cenb müştedd oldukta a‘râdı dahi müştedd olur ve lisânda yübs ve huşûnet olur. Ve zâtü'l-cenb ziyâde oldukta mecnûbun yüzüne ve gözüne iħmirâr ‘arîđ olur ve kâlak-ı şedîd ve fesâd-ı teneffüs ve ihtilâf-ı zihni ve ırk-ı munķatı^c olur ve ba‘dı kerre dahi ihtilâf-ı rediyye olur ya‘nî ishâl-i redîsi olur.

Zâtü'l-cenb-i Ĥâlîş ü Ġayr-i Ĥâlîşin Aşnâflarının ‘Alâmâtı Beyânındadır

Zâtü'l-cenb ĥâlîş olmayıp belki verem adlâ‘ı mücellil olan ġîşâda olur ise yâhüd ‘ađalât-ı ĥâriciyyede olursa onda olan veca^c ve âfet bir ĥadde müntehî olur, zîrâ ġîşâ-i ĥâricde olan veremi lems idrâk ve iħsâs eder. Ve ba‘dı kerre cilde dahi ġîşâya müşâreket ile teverrüm edip başara dahi verem zâhir olur. Ve ba‘dı kerre o verem ĥârice münfecir olur ve o mişlli ĥârice münfecir olan veremde nefş olmaz. Ve veremin ĥârice inficârı ba‘dı kerre tabî‘î olur ve ba‘dı kerre dahi şinâ‘î olur. Ammâ o zâtü'l-cenb-i ġayr-i ĥâlîş ki onun veremi ‘ađalât-ı ĥâriciyyede ola, o veremde đarebân olur. Eger o đarebânı iħsâs zamân-ı istinşâķta olur ise o verem ‘ađalât-ı ĥâriciyyeden bäsîť olan ‘ađallerde olur. Ve eger đarebânı iħsâs redd-i nefes katında ya‘nî nefesi bâ‘ından ĥârice iħrâc katında olur ise o verem ‘ađalât-ı kâbîđada olduđuna delâlet eder. Ve senin ma‘lûmun oldu ki tabâķa-i ĥâriciyye vü dâĥiliyyeden her birinde kâbîđ ve bäsîť olan ‘ađallerin her birisi mevcûde olurlar. Ve zıkr olunan verem ġamz ile dahi iħsâs ve idrâk olunur.

Ve zâtü'l-cenb-i ġayr-i ĥâlîşte zıkr[i] âtî a‘râđ zâtü'l-cenbi'l-ĥâlîşte olduđu miķđâra bâliġ olmaz belki onda olanlardan ednâ olur. O ‘arađlar bunlardır ki zıkr olunur: veca^c-ı nâĥıs, đıķ-ı nefes, su‘âl, şalâbet-i nabđ, miñşâriyyet-i nabđ, şiddet-i ĥummâ, şiddet-i a‘râđ-ı ĥummâ. Ve ġayr-i ĥâlîşte ba‘dı kerre nabđ-ı leyyin dahi olur. Ve ba‘dı kerre dahi zıkr olunan mevâđî‘den mâ-‘adâ maĥallerde olan veremden dahi ĥummâ-ı veremî ĥâdişe olur. Ve kezâlik mecnûb olmayan kimselerde nezle ile veyâĥüd ci- het-i uĥrâ ile ‘arîđ olan nefş ile dahi ĥummâ ‘arîđda olur velâkin o vech üzere olan maĥmûmda veca^c-ı nâĥıs ve nabđ-ı miñşârî ve zâtü'l-cenbin ‘alâmât-ı

sâiresi dahi olmaz. Ve ğayr-i haķīķī olan zātü'l-cenbin ekşerinde veca^c ketif muşţunun esfelinde olur. Ammā zātü'l-cenb-i hālişin ya^cnī hicāb-ı hācizde olan zātü'l-cenbin veca^cı şerāsīfe māil olur. Ve hālişte ihtilāt-ı ^cakl ekşer ve a^crāđ-ı sâire müştedd olur ve veca^c ve ^cusr-i nefes dahi müştedde olur ve şiddet-i hummāsı sür^catli olmaz, hummā-ı sâire gibi mütesāri^cş-şiddet deĝildir. Ve ba^cdı kerre hummāsı fađlanın ta^caffününe qadar te^cehhür etmekle hummā ziyāde kuvvet bulur.

Ve eger zātü'l-cenb veremi şadrda müstebtın olan ĝişāda ise veca^c terķuveye māil olur ve onda veca^c dahi muhtelif olur, terķuveye o ĝişā eczālarının mümāssesinden ve kezālik o eczāda olan kuvve-i hāssede ihtilāf olmak hasebiyle. Ve onda elbette đarebān olmaz. Ve onun veca^cı şerāsīf nāhiyesine māil olur ve onun veremi adlā^cda olan a^cđā-i laħmiyyede olur ve onda keşir ğaţar olmaz.

Ve Onun Redīsinin ve Selīminin ^cAlāmetleri Beyānındadır

Zātü'l-cenbin selāmetine delālet eder [316a] nefşin sehl ve serī^c ve nađic olduĝu. O şıfat üzere olan nefş ebyađ ve emles ve müstevī olur ve nabđda şalābet olmaz ve mişāriyyet-i şedīde dahi olmayıp veca^c ve sâir a^crāđ kalīle olur. Ve nefesinde ve nevminde selāmet olur ve ^cilacı dahi kabül eder ve onun ĝāilesine ^calīl olan kimse taħammül eder. Ve bedeninin ğarāreti müteşābih ve müstevī olur. Ve onun līni olur, ^cataşısı ve kerbi kalīl olur ve berāzı ve bevli hālet-i maħmūde üzere olur. Ve bevlin nuđcu o ^cillette ^calāmet-i ceyyidedir, redā^cet-i bevli o ^cillette rediyye olduĝu gibi. Ve berāzın redā^ceti ve netni ve şiddet-i şufreti ^calāmet-i rediyyedir. Ve o ^cillette ru^caf olsa ^calāmāt-ı ceyyide-i nāfi^cadan olur.

Ve zātü'l-cenb redā^cetinin ^calāmeti budur ki o zātü'l-cenbin a^crāđ ve delāilī şedīde ve kavıyye olur ve nefş muhtebes veyāhūd bađ^c olur ve nefş nađic olmayıp levninde ğumret-i şırfe veyāhūd kümüdet ve sevāddan biri olur. Ve o nefşin lüzücuti ve ^cusrü ve ğanıķı olur. Ve bi'l-cümle zātü'l-cenb-i maħmūde ^calāmetlerinin ğayr-i maħmūd olanın ^calāmetleri adđadı üzere olur.

Ve yine ^calāmāt-ı rediyyeden olur bevlinde ^caker olup ğayr-i müstevī olduĝu. Ve kezālik bevlin demevī olduĝu, zīrā bu mişlli şü^cün dimāĝın il-tihābına delālet etmekle redī olur.

Ve yine ‘alâmât-ı rediyyeden olur mecnûbun harâret-i şedîdesi olup huşuşan eṭrâfında bürüdet olmak ve half cānibine mümtedde veca‘ı olmak ve ‘illet olan cānib üzere nāim oldukça veca‘ı ziyâde olmak.

Ve kaçan zātü'l-cenb ve zātü'r-riye şāhiblerine maraḍları āhirinde ihtilâf ya‘nî müsterāha tereddüd ‘arıḍ olsa kebid ḍa‘ife olduğuna delâlet etmekle redî olur, ammâ o ihtilâf zikr olunan maraḍların ibtidâsında ‘arıḍ olur ise ceyyid ve emr-i nāfi‘ olur. Ammâ bu ‘illetlerden sonra ihtilâf ‘arıḍ olup ondan ‘usr-i nefes ve kerb zâil olmasa ba‘ḍı kerre o ihtilâf dördüncü günde katl eder veyâhüd dördüncü günden muḳaddem katl eder.

Ve zātü'l-cenbde taht-ı şerâsife ihtilâc ‘arıḍ olsa ekser-i hâlde ihtilâḫ-ı aḳla delâlet eder, zîrâ zātü'l-cenb vereminin mevḍi‘i olan hicâb-ı hâciz re‘se müşârik olup dimâg bi‘l-müşâreke müte‘ezzi olur.

Ve kezâlik ‘alâmât-ı rediyyeden olur zātü'l-cenbin teneffüsünden hâdiş olan hurâcâtın ḳable-sükûni'l-ḥummâ ve ḳable-ḥudûşi'n-nefs ḡaire ve ḡâibe olması, zîrâ hurâcât-ı mezkûrenin ḡavrı mâddenin ḡavra ve bâḫına rücu‘ eylediḡine delâlet etmekle mevte ‘alâmet olur. Ammâ ba‘de't-teḳayyuh zuhûr eden ceyyide ve rediyye ‘alâmâtın beyânı için münferiden ve müstaḳillen bir bâb irâd eyleyiz.

Ve ma‘lûm ola ki zātü'l-cenbde nefṣ zuhûr eylemese nefṣin olmadığı ba‘ḍı kerre maraḍın ḥiffetinden ve ḍa‘if olduğundan olur ya‘nî maraḍın ḍa‘fi mâddenin ḳilleti ile olur ve mâdde-i ḳalîle nefṣ olunmaz. Ve ba‘ḍı kerre dahi nefṣin ‘ademi maraḍın ḥubsünden olur, zîrâ mâddenin kemmiyyetinde keşret olur velâkin nefṣe o mâdde ‘âşîye olur ve lâ-maḫâle ondan hâdiş olan maraḍ ḥabîs olur.

Buḳrâṭ dedi ki mecnûbun ba‘ḍı kerre nefesi ve nefsi ma‘an ceyyid ve sehl olur velâkin ‘alâmât-ı uḡrâsı rediyye ve ḳâtile olur, meşelâ nefesi ve nefsi ceyyid ve sehl olan mecnûbun veca‘ı half cānibine meyl eder ve arkası zahrına ḍarb olunan kimsenin arkası gibi olur ve bevli ḳayḫî ve demevî olur. Pes bu hâlet üzere olan mecnûb ḳalîlen felâḫ bulur belki yevm-i ḥâmis ile yevm-i sâbi‘ arasında helâk olur. Ve o hâl üzere olan mecnûbun on dört güne varınca ḳadar ḫayâtı ḳalîlen mütemâdi olur ve eker-i hâlde yedinci günü tecāvüz eder ise necât bulur.

Ve ba'ḍı kerre o mecnûbun iki ketifi arasında humret zâhir olup ketiflerine sühûnet 'arıda olur ve ku'ûda kudreti olmaz. Pes bu hâl üzere olan mecnûbun başında dahi sühûnet olup ondan berâz-ı aşfer zühür eder ise o kimse helâk olur meger ki yevm-i sâbi'î tecävüz eyleye.

Ve zâtü'l-cenbde aşnâfı keşir ve muhtelif olan nefş sür'at üzere zühür eyleyip sonra veca' dahi müştedd olsa yevm-i sâliste o kimse helâk olur ve yevm-i sâlişi tecävüz eder ise şihhat bulur.

Ve zâtü'l-cenbin bir nev'î dahi vardır ki onda terkuveden sâka mümtedde olan çarebân olur ve onun büzâkı ya'nî ağzının suyu nefş olup aşı-ı büzâk o nefşe muhâliş olmaz ya'nî ondan büzâk-ı aşlı müncezib ve mün'adim olur. Ve hem bevli nakî ve şâf olsa o zâtü'l-cenb dahi kâtil olur, zîrâ mādde cemî'an başa şu'ûd eylediğine delâlet eder lâkin o hâlet üzere olanlar dahi yevm-i sâbi'î tecävüz ederler ise onlar dahi şihhat bulur meger ki Allâhu ta'âlâ helâkini irâd eyleye. İnnehu 'alâ-mâ-yeşâu kadîrûn.

Zâtü'l-cenb Evkâtının 'Alâmâtı Beyânındadır

Evrâm-ı sâireler gibi zâtü'l-cenb vereminin dahi ezminesi dört kısımdır: zamân-ı ibtidâ ve zamân-ı tezeyyüd ve zamân-ı intihâ ve zamân-ı inhiâtîttir. Ve bu ezmine-i erba'adan her birinin 'alâmetleri vardır.

Ammâ zamân-ı ibtidânın 'alâmeti budur ki ibtidâda olan zâtü'l-cenbde nefş olmaz veyâhüd nefsi rakîk veyâhüd kalîl olur veyâhüd o nefş olur ki ona büzâk tesmiye olunur ve o büzâk tesmiye olunan nefsi qarîben beyân eyleriz.

Ve zamân-ı tezeyyüdün 'alâmeti odur ki o zamânda a'râd ve nefş ziyâde olur ve nefşin rikâtî nokşân ve huşûreti ya'nî koyuluğu ziyâde olur. Ve nefşin evvelinde humret bulunur ise humrete münâsib işfirâra muntehî olur.

Ve zamân-ı intihânın 'alâmeti budur ki o zamânda nefş eshel olur ve zikri mürûr eden nuçc üzere nefş naḍic olur ve nefş-i keşir ve veca'-ı hafif olur. Ve bu zamân-ı intihâ nuçc-ı tamm zamânıdır.

İnhîâtînin 'alâmeti budur ki cemî'an zikri mürûr eden zamân-ı intihâ 'alâmetleri mevcûd olup içlerinden nefş ve şiddet-i a'râd nokşânı ahz eder ve o 'alâmetler zamân-ı inhiâtâta 'alâmet olur. Ve nefş ve a'râd cemî'an zâil olur ise zamân-ı inhiâtînin nihâyeti olur.

Zâtü'l-cenbin Bi-Ḥasebi'l-Esbâb Olan Aşnâfları °Alâmâtı Beyânındadır

Zâtü'l-cenbin sebab-i fâ'ilisine istidlâl olunan °alâmetlerin birisi nefstir. Nefsin basîtü'l-levn ve muhteliṭü'l-levn olduğu ile sebab-i fâ'iliye istidlâl olunur. Ve mevḍî°-i veca°dan ve ḥummâdan ve ḥummânın şiddetinden ve ḥummânın nevbetinden dahi istidlâl olunur, zîrâ nefis ḥumrete mâil olur ise sebab-i fâ'ilî dem olduğuna delâlet eder ve şufrete mâil ise şafrâya delâlet eder ve nefsin levni aşkar ise dem ve şafrâ ma°an sebab-i fâ'ilî olduğuna delâlet eder ve nefste nuḍc olmayıp levni beyâda mâil ise balgama delâlet eder. Ve nefsin levni sevâd ve kümüdete mâil olup ve o levnler duḥân mişli li ḥâricden şey°-i şâbiḡ ile °arîḍ olmadı ise sevdâya delâlet eder.

Ve kezâlik balgamî veyâḥûd sevdâvî olan zâtü'l-cenbin veca°ı süfle mâil olur ve leyyin olur, ammâ mâddesi dem ve şafrâdan biri olur ise onun veca°ı fevke müteşac°id olup mültehib olur

Ve şiddet-i ḥummâ dahi mevâdd-ı ḥârreye ve ḥummâ-ı ḡayr-i şedîde mevâdd-ı bârideye ve berdün-mâya delâlet eder. Ve ba°dı kerre ḥummâ nevâibi ḡasebiyle dahi mevâdda delâlet-i ceyyide ile delâlet eder.

Zâtü'l-cenbin İntikâlâtı °Alâmetlerini Bildirir

Kaçan zâtü'l-cenbde nefis-i maḡmûd serî°an mevcûd olmasa ve on dört gün mürûr edip o günlerde istinkâ dahi ḡaşıl olmasa o [316b] verem cem°-i middeye intikâl eylediḡine delâlet eder ve cem°in tezeyyüd ve taşac°udunun ibtidâ-i ḡâline delâlet eder.

Şiddet-i veca° ve °usr-i nefes ve ḡik°-ı nefes ve nefesin inbisâtı ḡâlinde ma°a-şıḡarin tedâuf-ı nefes ve şiddet-i ḥummâ ve ḡuşûnet-i lisân ḡâşşaten ve su°âl-i yâbis, bu yâbis su°âl mâdde telezzüc eylediḡinden olur ve keşâfet-i ḡicâb ve kuvvetin ḡafı ve şehvetin sukûtu ve ihtilâf ve seher ve o mevâḍî°de iḡsâs olunan şikâl cemî°an bu eşyâlar zâtü'l-cenb vereminin middeye ibtidâ eyledikleri °alâmetleridir.

Ve kaçan midde kâmileten cem° olursa ḥummâ ve veca° sâkin olur lâkin şikâl ziyâde olur.

Ve kaçan verem münfecir olsa ona nâfid-i muhtelif ve nabđ-ı müsta'rid-i muhtelif 'arıđ olur ve kuvvet sâkıđ ve nefes mezbûl ya'nî ħurde ve şağır olur. Ve ba'đı kerre midde a'đâyı ve veremi lez' edip ħummâ-ı şedîd aĥzına mü'eddî olur.

Ve kaçan verem münfecir olup vađt-i inficârdan kırk güne varınca kadar mâdde tenkıye olunmasa sill marađına te'eddî eder. Ve müteĥayyih olan veremin inficârı yevm-i sâbi' de olur, yevm-i sâbi' den sonra münfecir olanların vuĥû'u yevm-i sâbi' de münfecir olanlardan eĥall olur velâkin o eĥalliden biri birine kıyâs ile keşîrû'l-vuĥû' olanlar yirmi yâhüd kırk veyâĥüd altmış günlerde münfecir olanlardır. Ve her ne miĥdâr zâtü'l-cenb vereminin 'avârıđ-ı cem'î müştedde olur ise o veremin inficârı esra' olup müddet-i ĥalîlede münfecir olur.

Ve kaçan zıkr olunan 'avârıđ³⁵⁶ leyyin ve ĥafîf olsa inficâr ebta' olur.

Ve kaçan zâtü'l-cenbin 'alâmâtı hâile ve meĥûfe olsa ve onun nefşinde ve ĥayrıda 'alâmât-ı maĥmûde müşâhede eylesen sen o 'alâmât-ı hâileden ceza'-ı küllî ile ceza' eyleme, zîrâ nefş-i maĥmûd ile ma'ıyyeti olan 'alâmât-ı hâile cem'in 'avârızındandır.

Ve her kaçan zâtü'l-cenbde olan veca' nefş ve faşd ve ishâl mişlli nesnelerin biri ile teskîn olunmasa o zâtü'l-cenb veremi yâ teĥayyuĥ eder veyâĥüd ĥable't-teĥayyuĥ ĥatlı eder. Bu iki emrin hangisi olacađı delâil-i sâire ile ta'yîn olunur: Nabđ şedîden temeddüd eylese ve ĥuşuşan nabđın tevâtürü dahi müşredd olsa eger o kimsede kuvvet ĥaviyye olur ise zâtü'r-riyeye ve teĥayyuĥ ve sille intikâlini inzâr eder. Ve bi'l-cümle mecnûbda kuvvet ve selâmet delâili mevcûde iken nefş ve ishâl ve faşd ve tekmiđ ile onda olan veca' sâkin olmasa o veremin me'âli teĥayyuĥa râci' olur.

Ammâ o kimsede selâmet ve şebât-ı kuvvet ve şebât-ı şehvet mişlli nesnelerin delâili mevcûde olmasa onlar zâtü'l-cenbin evvelâ ĥaşy ihdâs edip ba'đehu ihlâk edeceđini inzâr eder. Ve ekşer-i ĥâlde veremin inficârı ve vecnelerin iĥmirârı katında şehvet-i sâkıđta ve eşâbi'e sühûnet 'arıđa olur, zîrâ inficâr katında ebĥure müteşâ'ide olup bu ĥâletler 'arıđa olur.

Kaçan o verem fedâ-i şadra münfecir olsa birkaç gün miĥdârı 'illet ĥif-fet üzeredir diye tevehhüm olunur sonra onun ĥâli seyyi' ve redî olur. Ve

356 Ya'nî zâtü'l-cenb veremi cem'-i midde eylediđi zamân ĥâdiş olan a'rad.

verem münfecir olsa bundan aqdem bizim hikāye eylediğimiz üzere nabđ đāf ve müsta'rif ve ebta' ve mütefāvit olduđu müşāhede olunur, zīrā veremin inficārında olan istifrāğla kuvvete inhilāl ve ħarāret-i ġarīziyyeye intifa'ārıđ olur.

Ve kezālik veremin inficārında ahlātın lez'î ħasebiyle evvelā nāfid aĥz edip ona ħummā tābi'a olur. Ve eger verem-i münfecirin mādresi keşire ve kuvvet đāife olur ise helāke mü'eddī olur.

Ve ma'lûm ola ki kaçan kuvvet đāife olup temeddüd ve tevātür şedid olur ise bundan aqdem senin bildiğın üzere o ħālet-i ġaşy inzār eder. Eger tevātür ednā ve zātü'l-cenbin iktidā eylediği mertebeden dün olur ise bađı kerre sübātı ve teşennüci veyāĥüd buđ-ı nuđcu inzār eder. Ve zıkr olunan aĥvālin sübāt ihdāsının vechi budur ki o inficārdan ħāşıl olan ebĥire-i raĥbe ĥiddetli olmaz, zīrā ĥiddetli olsa idi nabđın tevātürü müştedd olur idi, pes tevātür-i nabđda şiddet olmadığı zıkr olunan ebĥirenin muĥtedde olmadığına delālet eder. O ebĥire dimāğa şu'üd eyledikte onu dimāğ kabül eder ve kuvvette đāf olmakla dimāğın kabül eylediği ebĥireyi a'sāba def'e kâdire olamayıp sübāt ihdāş eder. Ve eger dimāğda kuvvet olup o ruĥbetli ebĥireyi a'sāba def'e kâdir olur ise a'sāba def'e edip teşennüc ihdāş eder.

Ve maddenin ġalīza olduđu tekayyuhun ħuşülü buđ üzere olduğuna delālet eder. Ve dimāğ ve a'sābda bađı kerre kuvvet olup zıkr olunan ebĥireyi kabül etmemekle zātü'l-cenb emrāđ-ı dimāğıyyeye intikāl eylemez. Ve zātü'l-cenb şāhibinin đıķı müştedd olsa velākin ħummāsı olmasa teşennüci inzār eder.

Ve kaçan 'illet-i mezkûre qalilen sükûnet ve ĥiffet üzere olunup onda nefş olmasa mādde bevl ve berāz ile müntefida olduğuna delālet eder. Ve bađı kerre onda ihtilāf-ı mirāriyye-i raķıķ zuhūr veyāĥüd bevl-i ġalīz zuhūr eder. Ve bevl ve berāzında o ħāller zāhir olmaz ise qarīben ħurāc ihdāşına delālet eder.

Ve kaçan merāķķ ve şerāsifte temeddüd ve ħarāret ve şıķal rü'yet olunsa ürbıyyelerde ħurāc ihdāşını veyāĥüd sāka māil ħurāc ĥudūsunu inzār eder. Ve ħurācın sāka meyli olanları selāmete şediden delālet eder. Ve bu mişlilere Buķrāt emr eder ki ħarbaķ ile ishāl eyleyeler.

Ammā o 'illette 'usr-i nefes ve dīk-ı şadr ve şudā'-ı veter kuvvette³⁵⁷ olsa ve sedy ve sâ'idde şıkal ve fevke mâil harâret ihşâs olunsa maddenin iki kulak câniblerine ve nâhiye-i re'se meylini inzâr eder. Ve zıkr olunan hâletler mevcüde olup velâkin kulak ve re's nâhiyelerinde veremden ve hürâcdan bir nesne olmasa mādde dimāğa meyl edip katl eder.

İkinci Faşl Zātü'l-cenb Hudüşünden İkinci Veyâhüd Üçüncü Günde Bed' Eden Nefse Müte'allik Kelâm-ı Câm'îdir

Efdal olan nefsin evşâfı budur ki o nefş sür'at ile zühür ve sühûlet ile hürüc eder, keşirü'l-mikdâr olur ve nuçcu dahi ziyâde olur.

Ve mādde-i nađıcanın 'alâmeti budur ki nađic olan nefş emles ve müstevî olup onda lüzüçet olmaz belki kıvâmı mu'tedil olur veyâhüd o vaşf üzere olanlara karîb olur. Kaçan mecnübda ihtilâf veyâhüd seher veyâhüd 'arad-ı redî-i âher zühüründen sonra o mecnübda nefş-i nađic zühür eylese o redî olan 'arađları nefş-i nađic teskîn eder. Ve zıkr olunan evşâf ile mevşûf nefsten sonra efdal olan nefş evâil-i eyyâmında şufrete nâzır olup humrete meylî olanlardır. Ondan sonra efdal olan nefş nefş-i zebedîdir.

Ve zebedî olan nefsin sebebi budur ki hılttan mikdâr-ı kalîl bir cüz²-i rakıka havâ-i keşir muhâliç olup onun muhâlaçası cidden ziyâde ve şedide olur. Ve zebedî olan nefş evvelâ zıkr olanlar kadar ceyyid olmaz belki redâ'ete mâil olur. Ve evvel-i hudüşunda nefsin aħmer-i şırf veyâhüd aşfer-i şırf-ı nârî olanları erde' olur.

Ve cidden erde' olan nefşlerden biri dahi budur ki nefş ebyad-ı lezic olup müstedir olur. Ve cemî'an nüfûsun erde'î esved olan nefştir, 'ale'l-ħuşuş nefş-i esvedin müntin olanları ziyâde erde'dir. Ve nefş-i aşfer nefş-i esvedden ve kezâlik galîz ve mütedahric ve müstedirden hayrlıdır. Ve nefş-i müstedir nefş-i aħmerden hayrlıdır her ne kadar nefşin istidâresi maddenin ğılzatine ve harâretin istilâsına delîl olup redî olur ise. Ve o istidâre üzere olan nefş marađ uzayıp bi'l-âhere sille ve zübüle mü'eddî olacağını inzâr eder. Ve aħmer aşferden hayrlı olur, zîrâ nefş aħmer oldukça yalnız dem-i tabî'î olur veyâhüd dem-i tabî'înin balğam-ı mu'tedil ile muhteliç olanları

357 [Ragıp Paşa'da ibare "şudā'-ı veter kuvvette", Hamidiyede "şudā' ve 'ırk kuvvette", Arapça matbuda "ve şıkalen fi't-terkuvet"tir.

olur ve her hangisi ise şafrâ-i [317a] ekkâle ve muhterikadan gâilesi ehven olur. Ve nef̣s-i aḥḍar cümûda veyâḥûd ihtirāk-ı şedîde delâlet eder.

Ve baʿḍı kerre nef̣s cevherinde redî olur, maʿa-hâzâ ħurûcunda sühûlet olur ve onun sühûleti ħurûcu ile redâʿet-i cevherinin ħükmü zâil olmaz. Ve müntin olan nef̣s redî olur ve bu mişlli redîlerin intifâsı yaʿnî nef̣se muṭâvaʿati keşîrî'l-miḳdâr olduğundan olur yoksa o muṭâvaʿat nuḍc ḥasebiyle ḥâşıl olan sühûlet deĝildir. Ve her ne nef̣s ki onun ile ezâ mündefiʿ ve sâkin olmaya, o nef̣s ceyyid deĝildir.

Ve eṭibbânın ʿâdeti budur ki şadrdan iḥrâc olunan ruṭûbet sâzece olup ona şeyʿ-i ĝarîb naḍîc ve aḥlât-ı erbaʿanın birinden dahi bir nesne muḥâlîṭ olmaz ise ona büzâḳ tesmiye ederler ve ona nef̣s ıtlâḳ eylemezler. Ve bu mişlli büzâḳ dâim olup onun hangi ḥılt idiĝine ve onda nuḍc ḥâşıl olduğuna delâlet eder bir ḥâlet olmasa o mişlli büzâḳın devâmı delâlet eder ki o ʿillet müzmin olup uzar ve kaçan ʿadem-i nuḍcla redâʿet dahi olur ise helâke delâlet eder.

Ve bi'l-cümle nef̣sın levni ḥasebiyle ve kıvâmının ĝılzati ve rikḳati ḥasebiyle ve şeklinim istidâresi ve ʿadem-i istidâresi ile ve kemmiyyetinin keşret ve kıletti ile delâleti olur.

Ve nef̣s-i mâliḥ nezle-i ekkâleye delâlet eder. Ve ḥılt-ı ĝalîz-i nef̣sî ve belki nef̣s-i kayḥ baʿḍı kerre riyede ḳurḥa yok iken ḥâdiş ve zâhir olur ve o mişlli nef̣s bir nevʿ ruṭûbet-i şadriyyedir ki o ruṭûbet otuz yaşımı elli yaşına varınca ḳadar tecâvüz edip riyâdeti terk edenlerin bedenlerinden taḥallüb eder ve feḍâ-i şadra müteḥallib olup nef̣se muṭâvaʿat eder. O nef̣s ile kırk günde tenḳıye ḥâşıl olur ve baʿḍı kerre bir sene ḳadar nef̣s edip sene tamâmında istinkâ ḥâşıl olur ve o mişlli nef̣ste keşîren beʿs olmaz.

Buḥrânât-ı Zâtü'l-cenb

Kaçan mecnûb yevm-i evvelde nef̣s edip o nef̣s raḳîḳ ve naḍîc olsa tevaḳḳuʿ olunur ki o ʿilletin mâddesi dördüncü günde nuḍc bulup yedinci günde buḥrân eyleye. Ve eger râbiʿde nuḍc ḥâşıl olmasa veyâḥûd yevm-i evvelde nef̣s eylemeyip yevm-i evvel mürûrundan sonra nef̣se ibtidâ eylese onun buḥrânı on birinci günde veyâḥûd on dördüncü günde olur. Ve dördüncü gün tecâvüz edince ḳadar nef̣s eylemeyip sonra nef̣se ibtidâ eylese

ve nefsinde nuçc olsa o 'illetin emri mütevassıf olur ya'ni redâ'et ile cevdet arasında olur. Eger râbi'den sonra ibtidâ eden nefste nuçc olmaz ise 'illetin müddeti tavîle olur ve ondan bür' recâ olunur 'ale'l-ıhuşuş onda 'alâmât-ı ceyyide ola, recâ ziyâde olur. Ve o 'alâmât-ı ceyyideler kuvvetin ve şehvetin vücūdu ve sinnin hadâseti, şābb-ı kavī olduğudur.

Ammā mecnūb yedinci güne varınca kadar nefş eylemese veyāhūd nefsinde kaç'ā nuçc olmasa belki o nefş hılt-ı sâzec olsa, eger o nefş şahibinde kuvvet da'ife ise delâlet eder ki onun mādresi ba'de-zamānin nuçc eder ve ona kable'n-nuçc da'f ve hāver 'arıf olur ve da'fı hasebiyle on dört günü tecāvüz eylemez belki on dört günden muqaddem helāk olur, zīrā maddenin nuçcu ve 'illetin buhrānı kırk günde veyāhūd altmış günde olur ve tabī'at-ı da'ife o günlere varınca kadar sālimenten mümtedde olmaz. Ammā nefşin şahibinde kuvvet kavıyye ve iki şehvet³⁵⁸ dahi mu'cedile ve maḥmūde olsalar ve nevm ve nefes dahi lāyıkları üzere olsalar ve bevl dahi nađic ve ceyyid olsa recâ olunur ki o 'alil on dört günü tecāvüz edip ekser-i hâlde on dört günden sonra helāk olur. Ve bu mezkūrların küllisi eger mādde hādde olur ise vāki' olup onun hükmü olur. Ve bi'l-cümle buhrān-ı hafifin bu 'illette aṭveli on dört günde olur ve ba'dı kerre yirmi güne varınca kadar mümtedde olur. Ve Cālīnūs zu'cm eder ki ba'dı kerre otuz günde nefş ile istinkā hāşıl olup o vakte buhrān-ı tām mūşādif olur. Ve bundan aqdem biz zıkr eyledik ki sâzec büzākı olan nefş tūl-i 'illete delâlet eder.

Ve ba'dı kerre müttefik olur ki bir vakt içinde buhrānın vukū'una tevaḥku' olunur, ona bir delil ve sebep 'arıf olup o buhrānı taqrīb yāhūd teb'ed eder, meşelā nefş bulunup ve aḥvāl delâlet eylese ki buhrān on dördüncü günde vāki' olur velākin yedinci günden sonra nefş-i esved vāki' olsa ve huşuşan o nefş-i esved sekizinci gün gibi yevm-i redide vāki' olsa o nefş on dört günden muqaddem buhrān-ı redī vukū'una delâlet eder. Ammā şüret-i mezkūrede delil-i redī bedeline delil-i ceyyid zuhūr edip nuçc-ı maḥmūda delâlet eylese buhrān-ı redīnin te'eḥhürüne ve buhrān-ı ceyyidin teḳaddümüne delâlet eder. Ve lāyıktır ki bu umūrlar fehm olunup mu'alecede duc-ret olunmaya.

358 "İki şehvet"ten murād şehvet-i ta'ām ve şehvet-i şarābdır.

Üçüncü Faşl Zātü'r-riye Beyânındadır

Zātü't-riye bir nevc verem-i hârrdır ki o verem-i hârr riyede hâdiş olur. Ve o verem baçdı kerre riyede olan sebep ile evvelen ve ibtidâen riyede hâdiş olur. Ve baçdı kerre riyeye nüzül eden nezleye tâbiç olur ve o, havânîk hasebiyle olur ki o havânîk riyeye taħallül eder yâhüd zātü'l-cenb zātü'r-riyeye istiħâle eder. Ve bu mişlli zātü'r-riye yevm-i sâbiçe varınca kadar katlı eder. Ve bu mişlli zātü'r-riyede taḫîr at nefis-i māddeye kaviiyye olur ise ekşer-i hâlde sill vuķûcuna tevaķķuc olunur.

Ve zātü'r-riye aḫlât-ı erbaçanın her birinden tekevvün eder lâkin balğamdan tekevvünü keşirü'l-vuķûc olur, zîrâ uḫv-ı riyede seḫâfet hasebiyle ḫılt-ı rakîķ muḫtebes olmaz ve ihtibâsı nâdirü'l-vuķûc olur.

Ve zātü'l-cenb zātü'r-riyenin çaksi üzere olur, zîrâ zātü'l-cenb uḫv-ı ğışâi ve keşif ve müstaḫşaf mevâdiçde olur, onlara ancak mirâr mişlli laḫîf-i hârr olan mevâdd nüfûz eder, balğam gibi keşif olanlar nâdiren nüfûz eder.

Maç-a-hâzâ baçdı kerre zātü'r-riye demden dahi hâdiş olur ve ḫumret cindisnden olur ve zātü'r-riyeden bu cins kâtildir, ekşer-i hâlde redâçeti hasebiyle ve riyenin ḫalbe mücâvereti hasebiyle katlı eder. Ve katlin bir sebebi dahi budur ki muçâlece kaşdıyla ona edviye verilse o edviye keyfiyyet-i nâfiçası bâķiye iken riyeye vâşıl olmaz buçd-ı mesâfe hasebiyle ve kezâlik dımâd olundukta dımâdın dahi keyfiyyeti riyeye keşiren vâşıl olmaz.³⁵⁹ Ve muçâlece-i mezkûrenin taḫîr ata içâneti olmamakla maraḫ ğalebe edip katlı eder.

Ve zātü'r-riye baçdı kerre taħallül ile zâile olur ve gâḫice dahi meçâli teḫayyuḫa rüçuc eder ve gâḫice dahi taşallüb eder ve çok kerre dahi ḫurâcâta intikâl eder ve ḫarânîḫusa dahi intikâl edip redi olur ve ḫalîlen zātü'l-cenbe dahi intikâl eder. Ve zātü'l-cenbi ḫader taķķib eylediĝi gibi zātü'r-riyeyi dahi ḫader taķķib eder. Zātü'r-riyeyi ḫaderin taķķibi zātü'l-cenbi taķķibinden ekşer olur.

Ve ruçâfin zātü'l-cenbe nefci olduĝu kadar zātü'r-riyeye nefci olmaz, mādde-i ruçâf dem ve zātü'l-cenbin māddesi balğam olmakla māddelemi muḫtelif olduĝu hasebiyle ve yine o sebep ile ki maḫall-i ruçâf riyenin, şad-

359 Zîrâ dımâd ile riye arasına adlâç ve aĝşiyeye ḫâil olur.

rın hicâblarından ve ağşiye ve ʿadalâtından baʿîd olur ve maḥall-i baʿîdden mevâdd müncezibe olmamakla keşîren tenkîye hâşıl olmaz.

el-ʿAlâmât: Zâtü'r-riye aşḫâbında ḥummâ-ı hâdde olur aḫşâda verem-i ḥârr olmak ḥasebiyle ve şedîden dîk-ı nefes olur ḥunâkı olanlar gibi. Ve o dîk ile müteneffis olan kimse muntaşib olur. Ve o verem mesâlik-i nefesi tadyîk eder ve nefesinin ḥarâret-i şedîdesi olur. Ve cevheri ğayr-i ḥassâs olup ğışâsında ḥiss olan ʿudv-ı riyyede keşret-i mâdde ḥasebiyle şîkal olur. Ve o ğışâ cevher-i [317b] riyyeyi küllen muḥtevî olduğundan zîkr olunan mâdde-i müctemîʿa-i keşîre şadri bi'l-cümle temdîd eder ve onda bir nevʿ vecaʿ olur ki o vecaʿ şadrdan ve ʿumkṭan bedʿ edip kassa ve şulba yaʿnî feḫârât-ı zahra müntehî olur. Ve baʿdî kerre beyne'l-ketifeyn dahi vecaʿ iḥsâs olunur ve baʿdî kerre ketifte ve terḫuvde ve şedyde ḫarebân iḥsâs olunur ve o ḫarebân muttaşıl olur veyâḫûd suʿâl ʿarîd oldukta iḥsâs olunup baʿdehu munkatıʿ olur.

Ve zâtü'r-riye aşḫâbı idṭicâʿa kâdir olmaz lâkin kâfâsı üzere muḫtaçʿ olmak ona mümkün olur; cenb üzere idṭicâʿ eylese muḫtenîk olur.

Zâtü'r-riye şâhibinin evvelâ lisânı muḫammere olur sonra esved olur. Ve lisânına yed ile mess olunsa yede iltişâk edip yapışır ve hem lisânında ğılzat ḫâdişe olur. Ve baʿdî kerre imtilâ ve temeddüde vech cemîʿan şadra müşârik olur. Ve iki vecnede ḥumret ve intifâḫ zâhir olur, zîrâ veche ve veceneye buḫâr taşaʿud eder. Ve onların laḫmiyyetleri ekşer ve hem müteḫalḫil olduklarından mâ-ʿadâ cildeleri cebhe cildeleri gibi müstahşaf deĝildir, onun için onlar şâʿide olan ebḫireyi kabûl edip zîkr olunan ḫâlât ʿarîda olur. Ve baʿdî kerre ḥumret ziyâde olup yanakları maşbûĝ gibi olur. Ve baʿdî kerre o ebḫirenin şuʿûdu iḥsâs olunur ki ke-enne nâr-ı müştʿile onun vechine ʿâlî olur ve onda nefḫa-i şedîde dahi zâhir olur ve ḥummâsı ve âfeti ʿazîm olmakla nefesi ʿazîm ve serîʿ olur ve gözlerinde tehebbüc ve gözlerinin ḫareketlerinde aĝırlık ve gözleri damarlarında imtilâ ve cefnlerinde yaʿnî göz kapaklarında dahi aĝırlık olur. Bu mezkûrların sebeb-i ḫudûsu dahi zîkri sâbîk ebḫire-i şâʿide olur. Ve ṭabaḫât-ı ʿayndan ṭabaḫa-i ḫarniyyede teverrüm gibi ve ḫadeḫa-i ʿaynda cüḫûz ve düsümet ve simen gibi ḫâlât zâhire olur. Ve raḫabesi dahi taĝalluz edip kalın olur. Ve buḫâr-ı raṭbın keşreti ḥasebiyle baʿdî kerre sübât

dahi ‘arîd olur. Ve gâhîce o ‘illet şâhibinin etrâfı bâride olur ya‘nî eli ve ayağı sovuk olur.

Ammâ zâtü’r-riye aşhâbının nabđı³⁶⁰ mevcî ve leyyin olur, zîrâ o marađda olan veremin maħalli ‘uđv-ı leyyindir ve mādde-i marađ ruṭubettir, pes o mişli marađda nabđ mevcî ve leyyin olur. Ve nabđ-ı mevcî inbisât-ı vâhidde muhtelif olur ve ba‘dı kerre dahi munkaṭı‘ olur ve gâhîce dahi inbisât-ı vâhidde zâ-kur‘ateyn olur. Ve ba‘dı kerre dahi nabđın zıkr olunan aşnâfi bu ‘illette inbisâtât-ı keşîrede vâkı‘ olur ve ba‘dı kerre el-vâkı‘ fi’l-vasaṭ tesmiye olunan nabđ dahi hâdiş olur. Ve zâtü’r-riye aşhâbının nabđı ekşer-i hâlde ‘azîm olur şiddet-i hâcet ve lîn-i âlet olduđu için lâkin onların kuvvetleri cidden da‘îf oldukta nabđ ‘azîm olmaz. Ammâ onların nabđı ba‘dı kerre müştedd olur ve ba‘dı kerre dahi tevâtürü ḳalîl olur ve tevâtürün şiddeti hummâ ve hâcet hasebiyle olur ve tevâtür ile ‘ızamı cem‘e kuvvet kâfiye olup veyâhüd kâfiye olmadığı hasebiyle olur.

Ve fâdîl İbuḳrâṭ zıkr eyledi ki zâtü’l-cenb aşhâbının sedyeleri katında ve ḳurbünde ḫurâcât olup teḳayyuḫ eyleyip ḳurḫasında nâşür olsa zâtü’r-riye âfetinden onlar taḫalluş ederler ve ḫalâşın sebebi ma‘lûmdur. Ve kezâlik onların sâḳlarında dahi ḫurâcât olsa yine ‘alâmât-ı maḫmûde olur.

Ve zâtü’r-riye zâtü’l-cenbe intikâl eylese, her ne kadar o intikâl nâdir ise, onların dıḳ-ı nefesleri ḫiffet bulur ve onda vehar ya‘nî ḫarâret-i şadr hâdiş olur. Ve zâtü’r-riye şâhibinin nefsi zâtü’l-cenbde olduđu gibi gâhîce elvân-ı muhtelife üzere olur. Ve zâtü’r-riyenin ekşeri balḡamî olur.

Ammâ o zâtü’r-riye ki ḫumret³⁶¹ cinsinden veyâhüd ḫumrete mâil olsa o zamân zâtü’r-riyede dıḳ-ı nefes olur velâkin şadrda şıḳal-i maḫsûs ḳalîl olur ve iltihâbı ḡâyet şiddette olur.

Ve zâtü’r-riye vereminin teḳayyuḫa intikâlinin ‘alâmetleri zâtü’l-cenbin teḳayyuḫa intikâlinin ‘alâmetlerine ḳarîb olur ve o ‘alâmetler bunlardır: Onların ḫummâları ve veca‘ları noḳşân üzere olmaz ve mu‘teber olacak kadar onlarda nefş ve rüsûbu olan bevl-i ḡalîz ile yâhüd berâz ile onlarda nefđ ve mevâddı def‘ olmaz. Ve kaçan bu ‘alâmâtı marađ-ı mezkûrda müşâhede

360 Nabđât-ı mezkûrenin ḫaddi ve mâhiyyeti kitâb-ı evvelden bâbu’n-nabđda tafşil olunmuştur.

361 “Ḫumret” o veremdir ki onun mevâddı dem ile şafrâ olur.”

edip ve o ʿalâmetler mevcûde iken marîdî sâlim ve kavî bulsan o verem ve marađ teqayyuh ve ħurâcâtтан birine müʿeddî olur ve mevâddı fevke veyâhûd süfle râciʿa olur. Zâtü'l-cenbin zıkr olunan ʿalâmât ħasebiyle hangi tarafa meyli olduđu maʿlûm olur. Zıkrî mürür eden ʿalâmât mevcûde iken marîdde kuvvet ve selâmet olmasa marîdin helâki tevakkuʿ olunur.

Ve kaçan marîdin büzâkında yaʿnî ağzı suyunda ħalâvet zâhir olsa zâtü'r-riye veremi teqayyuh etmiştir, o şürette kırk güne varınca kadar tenkiye olur ise fe-bihâ ve illâ müddet-i marađ tavîle olur.

Ve kaçan zâtü'r-riyenin müddeti tavîle olsa ayaklarda tehebbüc ħâdiş olur, kuvvet- ġâziyenin ħuşuşan ayakta olan kuvvet-i ġâziyenin daʿfi ħasebiyle. Ve eger mevâdd meşâneye meyl eylese ondan selâmet recâ olunur.

Dördüncü Faşl Riyede Ĥâdiş Olan Verem-i Şulb Beyânındadır

Baʿdı kerre riyede verem-i şulb ħâdiş olur ve o verem-i şulbe dıġ-ı nefes delâlet eder ve o dıġ günden güne ziyâde olur ve şıkal ve kılllet-i nefis ve suʿâlden ħâdiş şiddet-i yübüset olur. Ve baʿdı kerre tevâtür-i suʿâlden cefâf ħâdiş olur ve maʿa-hâzâ şadrda ħarâret ħalîl olur.

Beşinci Faşl Riyede Ĥâdiş Olan Verem-i Riĥv Beyânındadır

Baʿdı kerre riyede verem-i riĥv ħâdiş olur ve ona dıġ-ı nefes ʿarıđ olup onda büzâġ-ı keşir ve ruĥbet-i şadr olur ve ħarâret-i keşiresi olmaz ve yüzünde kırmızılık dahi olmaz belki levn-i vechi reşâşî olur.

Altıncı Faşl Büşür-i Riye Beyânındadır

Baʿdı kerre riyede büşür olur ve ʿalâmeti budur ki riyede şıkal iĥsâs olunur ve dıġ-ı nefes olup sürʿat ve tevâtür dahi olur ve şadrda ħarâret ve iltihâb olur ʿumûm üzere olan ħummâ yok iken.

Yedinci Faşl Riyede Olan İctimâʿ-i Mâ Beyânındadır

Baʿdı kerre riyede su cemʿ olur ve ona melîle ve ħummâ-ı leyyine ve eġrâfta ħâdiş olan verem ve süʿ-ı teneffüs ve rakıġ ve mâi olan nefis ve müstekġ olanların ħâli gibi ħâlin ʿurûđu delâlet eder.

Sekizinci Faşl Kaşabe-i Riyeye ʿĀriḍ Olan Verem ve Cirāhat Beyānındadır

Ve onların ʿalāmetleri budur: Onların ḥummā-ı daʿīfesi ve vasat-ı zahırında ḍarebānı ve vecaʿı olur; vecaʿ ihsās olunmamakta kaşabe-i riye riye'nin kendi gibi değildir, kaşabede vecaʿ ihsās olunur velākin vecaʿı hafif olur. Ve o āfette cesedde ḥikke ve şavta buḥḥa ʿārīḍa olur. Ve o cirāhat-i kaşabe teḳarruḥ eylese onda nükhe-i semekiyye ve nefṣ-i nezr zuhūr eder yaʿnî ağzında balık rāyiḥası ve nefṣ-i ḳalîl bulunur.

Dokuzuncu Faşl Kayḥ ve Cemʿ-i Midde Beyānındadır

Kayḥ kelām-ı eṭṭibbāda iki maʿnā üzere gelir: Evvelkisi budur ki veremin midde cemʿine ıtlāk olunur. Ve bu maʿnā üzere olan kayḥ eṭṭibbā muḥāverelerinde her maḥallde istiʿmāl olunur. Ve ikincisi budur ki emrād-ı şadrda ḥāşşaten kayḥ ıtlāk olunup onunla şadr ile riye arasında olan feḍā ve fūrce'nin münfecire olan irin ile imtilāsı murād olunur o imtilā gerek ise cānib-i vāḥidede veyāḥūd iki cānibde olsun.

Ve bu imtilānın sebepleri nezle olup zıkr olunan fūrceyi defaten şabb eylediği mevādd mümteliʿe eder veyāḥūd riyede ḥādîş olan ḳurḥa-i münfecireden midde ve şadîd seyelān edip o feḍāyı mümteliʿe eder. Ve ekşeriyyā yirmi günden sonra o feḍāda müctemīʿa olan mādde teḳayyuh edip intifāş eder yaʿnî nefṣe muṭāvaʿat edip nefṣ ile tenḳiye olunur veyāḥūd o imtilānın sebebi nevāḥî-i şadrda olup münfecire olan veremin midde-i [318a] sâilesi olur ve bu sebep ile imtilānın vuḳūʿu ekşer olur. Ve o feḍāyı mālî olan midde naḍice olur veyāḥūd dürdiyy gibi bir nesne olur.

Ve zıkr olunan feḍāyı mümteliʿe eden middenin dört ḥālî vardır: Yâ keşret-i kemmiyyeti ile ihtināk edip ḳatlı eder. Ve bu ihtinākın zamān-ı ḥudūşu müteḳarib oldukta evvelā nefesi ḍîḳ aḥz edip nefṣ eylemez. Veyāḥūd feḍā-i şadrda müctemīʿa olan midde riyeyi taʿfîn edip sill maraḍını ihḍās eder. Veyāḥūd sehl mütedārik nefṣ ile mevādd tenḳiye olunur, zîrā o mevādd ʿırḳ-ı ʿazîm ve şiryān-ı ʿazîm ṭarîḳlerinden meşāneye munşabb ve mündefiʿa olup bevl ḡalîz olduğu ḥâlde ḥurūc eder ve feḍā-i şadrda o mevādd-ı müctemīʿa evvelā veriddeden kebide ve kebiden külyelere sülük eder ve

baḍı kerre dahi kebiden em'âlara mündefi'â olup berâz ile ḥurūc eder, bu iki taraḳten ḥurūcu maḥmūd olur. Bundan aḳdem müddet-i inficârı biz zıkr eyledik.

İşbu aḥvâl-i erba'â kuvvet-i 'alâmât ve sinn ve faşl ve mizâc ḥasebleriyle ḥads olunur. Ve meşâyıḡ teḳayyuh vukū'unda şübbândan ziyâde ve ekser helâk olur, nevâhî-i ḳulūbları da'if olmak ḥasebiyle. Ve evcâ'la şübbânın helâkları meşâyıḡ helâkından ziyâde olur, şübbânın iḥsâs-ı veca'ları ekser olmak ḥasebiyle.

Ve zâtü'l-cenb intikâlâtı bâbında teḳayyuhun ve inficârın 'alâmetlerini beyân eyledik, ammâ feḍâ-i şadrın ḳayḡ ile imtilâsının 'alâmetleri budur ki şadrda şıḳal olur ve ma'a-bührin ve veca'in su'âl-i yâbis olur. Ve onların baḍıdılarının su'âli raḡb olup nefş eyledikçe ḥiffet taḡayyül olunur ve nefesleri mütetâbi' olur ve o sebebden kelâmları serî' olur ve 'inde't-teneffüs veterât-ı ünūfları³⁶² ḡareket edip munḍamme olur ve onda daḳıḳ ḡummâ olup me'âli istiskâ olur.

Ammâ cihet-i middenin ya'nî şadrın hangi cānibinde midde ile imtilâ olduğunun 'alâmeti budur ki o 'alîl merreten bir cānibe idḍicâ' olunup ve merreten uḡrâ cānib-i uḡrâya idḍicâ' olunur, her hangi cānibe idḍicâ'da şıḳal-i ḍāḡıḡ-ı mu'allak iḥsâs olunur ise imtilâ o cānibin ḡilâfı cānibinde olduğu ma'lûm olur. Ve kezâlik middenin şavtı ve recrece³⁶³ ve ḡaḍḡaḍası³⁶⁴ hangi cānibden zuhūr eder ise imtilâ o cānibde olduğu ma'lûm olur. Ve kezâlik ḡin-i aḡmer³⁶⁵ su içinde idâfe ve ḡall olunur. Kettândan maşnū' bir libâs o ḡin-i müdâfa ḡams olunup o 'alile ilbâs olunur ve şadrı üzere olan libâsın hangi cānibi evvelâ kuruduḡu tefahḡuş ve taḡarrî ile ta'arrüf olunup imtilâ dahi o cānibde olduğuna istidlâl olunur.

Ammâ inficâr selîm olduğunun 'alâmeti budur ki veremden ḡâdişe olan ḡummâ 'aḳıḡ-i inficârda sâkine ve şehvet nâhiḍa ve nefş ve nefes sühulet üzere olur veyâḡhūd o inficâr ile cenb ḡarafında ve nevâḡisinde zâtü'n-

362 “Veterât-ı ünūf”tan murâd burnun iki ḡarafında olan ḡaḍârîf-i leyyinelerdir.

363 أَلْوَجْرَجَةُ [er-recrecet] (râ'ların fethi ve cîm'in sükūnuyla دَاخِرَجَةٌ [dahrecet] vezni üzere) İḍḡrâb etmek ya'nî ḡareket etmek. Vankulu.

364 أَلْخَضْحَضَةُ [el-ḡaḍḡaḍat] ('alâ-vezni أَلزُّزَةُ [ez-zelzelet]) Suyu ve su mişli nesneyi taḡrîk etmektir. Vankulu.

365 “ḡin-i aḡmer” maḡre dedikleri aşıdır.

nevâşîr³⁶⁶ hüracât hâdişe olur. Ve kezâlik o hüracât hâdişe olur ki keyy yâhüd baṭṭ olursa onlardan naḳbet ve beydâ midde hürüc eder.

Ammâ inficâr-ı redînin ‘alâmâtı budur ki ihtinâḳ ve ğaşy ve nefş-i redî ve sill işbu âfetlerden birinin ‘alâmâtı mevcûde olur veyâhüd hüracâtı keyy ve baṭṭ olursa onlardan midde-i hamî’e vü müntine hürüc eder.

Ammâ nefşin midde veyâhüd balġam idiĝini farḳ eden ‘alâmet odur ki o nefş suya ilkâ olunur, ṭâfî olur ise balġam olduĝuna ve râsib olanların midde olduĝuna istidlâl olunur. Ve kezâlik o nefş nâra ilkâ olunur, netn ve râyiḩa-i kerîhesi var ise midde olduĝuna ve netni olmayanların balġam olduĝuna istidlâl olunur. Ve ma‘a-hâzâ sillin ĝayrıda midde nefşinin ṭarîḳ-i hâşşî olduĝunun beyânı bundan aḳdem zîkr olundu, onunla dahi farḳ olunur.

Ve ba‘dı kerre müteneffîş cidden keşîr olan ḳayḩ iḩrâc eder ve ben sâ‘at-i vâhidede müteneffîşin nefş ile bi‘l-menni’ş-şâĝîr iki menne ḳarîb veyâhüd bir buçuk menn ḳayḩ iḩrâc eylediĝini müşâhede eyledim. Ve küllü yevmin elli ûḳıyyeye ḳarîb ya‘nî dokuz ḳûṭüliye ḳarîb olan ḳayḩı müteḳayyihîn nefş ile iḩrâc eylediĝini dahi Câlînûs müşâhede eyledi.

Ve midde ile ruṭûbât-ı uḩrânın farḳını tuḩüvv ve rûsûb ile ve nâra ilkâ katında netnin zuḩûru ve ‘adem-i zuḩûru ile sana ta‘rîf eyledik ve her birinin hâşşaten ‘alâmetlerini beyân eyledik.

Ammâ teḳayyuḩun sille intikâlinin ‘alâmâtı levnin kümüdeti ve cebîn ve ‘unuḳun imtidâdı ve cem‘an eşâbi‘inin sühûneti ĝayr-i müfârâḳa ile tesahḩunu olur ḩattâ ḩummayâtta dahi eṭrâfı bürüdet üzere olmak mu‘tâdı olanların dahi teḳayyuḩu sille intikâl eyledikte eşâbi‘leri tesahḩun-ı lâzım ile mütesahḩine olur ve onlarda onların ḩummâları leylen ziyâde olur ĝidâ ḩasebiyle ve tırnakları ta‘aḳḳuf eder, taḩt-ı azfârda olan laḩmın zevebâniyla ve gözleri tedessüm edip gözlerinin levni beyâd ve şufrete meyl eder. Ve bunlardan mâ‘adâ teḳayyuḩun sille intikâli ‘alâmâtını bâbü’s-sillde biz zîkr eyleriz.

366 “Zâtü’n-nevâşîr”den murâd o hüracâttır ki ağırşaklanmış ola diye işâret olunmuştur.

Onuncu Faşl Şadr ve Riyeinin Qurûhu Beyânındadır ve Sill Dahi O Qurûhtan Biridir

Ve bu qurhalar yâ şadrda veyâhüd şadrın hicâblarında veyâhüd riyede olur. Ve riyede olanlar ya'nî ksm-ı ahîr sill ismi ile müsemmâ olur. Veyâhüd o qurûh kaşabe-i riyede olur ve onun zikri mürür eyledi. Bu qurûh beyninde şadrda olan qurhalar eslem olur onun için ki şadrın ʿurûku aşgar ve eczâları aşlebdir, ondan zuhûr eden şikk ʿazîm olmaz ve o ʿurûkda şadîd bâkî kalmaz belki fedâ-i şadrda seyelan eder, ammâ riye bu ahvâl üzere değıldir.

Ve kezâlik şadrın hareketi hareket-i riye gibi kaviiye değıldir belki şadrın hareketi sükûna karîb ve hareket-i daʿfedir. Ve kezâlik şadr lahmîdir ve lahmî olan ʿudvun iltihâmı kabûlü esraʿ olur. Ve keşîren hurâcât-ı mütteʿaffinden hâdis olan qurûh-ı şadrda şadrın ʿizâmının fesâdı ʿarîd olur hattâ o ʿizâmdan mevdiʿ-i taʿaffünü kaʿa hâcet olur, civârına ʿafen sirâyet eylesin için. Ve baʿdı kerre o ʿizâmı vely edip civârında vâkiʿ gışâyâ dahi ʿafen sirâyet eder.

Ammâ hicâbda olan qurûh iltihâm eylemez. Ve hicâb-ı gayr-i nâfize olan qurhaları eger hicâbın eczâ-i ʿaşabiyyelerinde vâkiʿ olur ise iltihâmı kabûl eylemez. Ve eger o qurhâ hicâbın eczâ-i lahmîyyelerinde olur ise iltihâmı kabûl eder, eger ibtidâsında tedârük ve tedâbiri rüpyet olundu ise yâhüd teverrüm edecek miqdâr terk olunmadı ise. Ve ammâ hicâb qurhaları teverrüm veyâhüd zamânı uzayıp müzmine olsa o mişlli qurhâ-i nâfiz her ne kadar eczâ-i lahmîyyede dahi olur ise iltihâmı kabûl eylemez ve ona bür dahi hâşıl olmaz.

Ammâ qurûh-ı riyeinin büründe ve ʿadem-i büründe eţbbâ ihtilâf eylediler. Bir kavm zâhib oldular ki riyede hâdis olan qurhâ için elbette berâʿet hâşıl olmaz, zîrâ qurhanın bürü sükûnet ile olur, riye ise dâimâ hareket üzeredir. Câlînüs onlara muhâlefet edip der ki yalnız hareket bür ve iltihâma mâniʿ-î tamm olmaz, mevâniʿ-î uhrâ harekette mundaamm olur ise o vâkte hareket mâniʿ-î bür olur. Onun delîli budur ki hicâbda olan qurhalar berâʿeti kabûl eder ve maʿa-hâzâ hicâb dahi müteharriktir. Ve qurûh-ı riyede Câlînüs'un kavli budur ki riye qurhasının ʿurûdu verem veyâhüd hılt-ı ekkâl ile hâdis olan teʿekkül ile olmayıp belki esbâb-ı uhrâdan hâdis inhilâl-i ferd ve teferuk-ı ittişâl ile riyede qurhâ hâdis oldu ise o qurhâ mādâm ki teqayyuh ve teverrüm eylemeyip hurâc-ı mahd oldukça tedbîr ile ona bür hâşıl olur.

Ve kezâlik riyede olan kûrḥalar nakıyye olup teḳayyuh eylemese onun dahi bürü cāiz olur. Ammā kûrūḥ-ı riyeden verem ve teḳkûl ile ḥādîş olanlar için bürü recā olunmaz, zîrâ müteḳayyiḥa olan kûrḥaya middesi tenḳıye olunmadıkça bürü ḥāşıl olmaz; riyeden middeyi tenḳıye ise ancak nefṣ ile ve nefṣ suḳāl ile olur ve suḳāl kûrḥayı tevsîc ve ḥark eder. Ve kezâlik suḳālın dağdağası kûrḥanın vecaḳını ziyâde eder ve vecaḳ mevâddı mevdiḳ-i vecaḳın nevâḥîsine cezb eder ve bunlar cemîn mâniḳ-i bürü olur. [318b]

Ve kezâlik riyede olan kûrḥa-i müteḳayyiḥayı bilâ-suḳāl edviye ile tenḳîş ve tenḳıye dahi mümkin olmaz, zîrâ onda müceffifât istiḳmâl olunsa müceffif edviye nefse mâniḳ olur ve nefṣ olmadıkça tenḳıye ḥāşıl olmaz ve muratḫbât istiḳmâl olunsa muratḫb edviye kûrḥayı tertîb edip bürü mâniḳ olur.

Ve kûrḥa-i mezkûrenin ḳadem-i bürüüne delîl-i âḥer dahi vardır, o delîl budur ki ḫılt-ı ekkâlden ḥādîş olan teḳkûlün bürü teḳkûl mevdiḳini ıslâḥla olur ve onun ıslâḫı zamân-ı keşîrde olur. Ve kûrḥa-i müteḳkilele zamân-ı keşîrde taḥarruk ve taḥazzün edip nâşür olur ve nâşûru olan kûrḥa mülteḫim olmaz veyâḥûd siḳāye edip eczâ-i riyeyi ekl eder ve riye-i müteḳkilenin şāḫibi için felâḫ mutaşavver olmaz. Ve kûrḥa-i riye verem ḥasebiyle olur ise bu maḳnalar onda dahi mevcûd olmakla onun için dahi bürü olmaz. Ve şuḳubet-i bürüde zıkr olunan maḳnalara hareket-i riye muḳine olur. Ve kezâlik riyenin ḳurûḳu kibâr ve vâsiḳ ve şalâbetli olur ve ona binâen onda olan fetḳ mülteḫim olmak ḳasîr olur.

Ve bu vücûh ile dahi riyenin müteḳayyiḥa olan kûrḥalar için bürü recā olunmadığına istidlâl edip deriz ki meşrûb olan devânın medḫaliyle riye beyninde mesāfe-i baḳide vardır ve lâ-maḫāle o mesāfeyi ḳatḳda devânın keyfiyyet-i nâfiḳasına ḳaḳf gelip menfaḳati kalmaz, ḳale'l-ḫuşûş saḳy olunan edviye bāride ise belîd olup nüfûz eylemez. Ve edviye-i ḥārre saḳy olunsa kûrūḥ-ı riyeye lâzım olan ḫummāya muḳırrre olup ḫummāyı ziyâde eder ve müceffif devâ kûrḥa-i riyeye lâzım olan daḳka muḳin olur ve muratḫbât saḳy olunsa kûrḥanın iltiḫāmına mâniḳ olur, zîrâ mülteḫim olan kûrḥaların sebep-i iltiḫāmı müceffifât istiḳmâli olur ve onlara bi'l-cümle muratḫbât muḳırrre olur ḫuşûşan riyeye fevḳinden ve taḫtından ruḫbet vāride olup cevher-i riye saḫîfe olmakla teḳkûlü ḳâbil olur ve bu mişlli ḳudv kûrūḫunda muratḫbât istiḳmâli ziyâde muḳırr olur.

Ve baʿdı kerre teʿekkül-i riye ʿilâcı kâbil olur bu şurûta riʿāyet olunur ise, o şurût bunlardır: Evvel-i zuhûrunda ve zamân-ı ibtidâsında tedbîre mübâşeret oluna ve muʿālece olunan teʿekkül o ğışâ üzere hâdiş ola ki kaşabe-i riye-yi dâhilden o ğışâ setr ve tağşiye eyleye ve riyenin cevher-i lahmîsi dahi o âfeti serîʿan kabûl eylemeye. Ve teʿekkül kaşabe-i riyenin ğudrûfundadır olur ise o teʿekkül ʿilâcı kabûl eylemez.

*Bu maḳâmda Kânûn'un ʿibâreti budur: واما في الغضاريف نفسها فلا يقبل إنتهâ. İşbu kelâm iki maḳalle nâzır olmak ihtimâli vardır, ercaḥı tercümede zıkr olunan maʿnâdır.*³⁶⁷

Bi-ḥasebi'l-esnân sill marađının ʿilâcı ziyâde kabûl edenleri şıbyâna ʿârıd olan sildir. Ve ħurûḥ-ı riyenin eslemi ħuşkrîşet cinsinden olan ħurḥadır, eger o ħurḥa mizâc sebebiyle hâdiş olmadı ise ve ħurḥa-i yâbiseyi kûbâiyye kılan ħılt ḥasebiyle olmadı ise. Ve baʿdı kerre sill marađı mümtedd olup uzar ve müzmin olur ve ihlâka istiʿcâl etmeyip meslûle dehrden bir müddet verir. Ve baʿdı kerre dahi şebâb sinninde mümtedd olur, sinn-i kühûlete varınca kadar mühlet verir. Ve muşannif der ki ben meslûle bir hatun müşâhede eyledim ki onun silli yirmi üç seneye ħarîb veyâḥûd yirmi üç seneyi ħalilen mütecâviz vaḳt mümtedd oldu.

Ve ħurûḥ-ı riye aşḫâbı faşl-ı ħarîfte cidden mutađarrır olur. Ve marîđin riyesinde ħurḥası olup veyâḥûd olmadığı maʿlûm olmasa marađda işkâl olursa faşl-ı ħarîf duḫûlünde o işkâl keşif olur, riyesinde ħurḥa mevcûd ise ʿalâmetleri zâhire olur.

Ve maʿrûf olup zıkrı teḳaddüm eden silden mâʿadâ bir uḫrâ ʿillet dahi vardır ki ona dahi sill ıtlâk olunur ve o ʿillet-i uḫrâda ḥummâ olmaz velâkin aḫlât-ı ğalîza-i lezice nevâzil tarîkı ile riye-yi muşabbe olur ve riye dahi o māddeyi kabûl etmekle mecârî-i riye ḳayyık olur ve onlarda đıĳ-ı nefes ve ilḫâhı olan suʿâl hâdiş olup ħuvâlarını inhâka müʿeddî ve ebdânlarını izâbe eder. Ve fi'l-ḫaḳıka bu ʿillet aşḫâbı ʿilâcda rebv aşḫâbı mecrâsına cârî olup onun muʿalecâtıyla ʿilâc olunur. Eger bu ʿillet aşḫâbında ħarâret ħalile olur

367 وقد يقبل هذا التآكل إذا كان في الابتداء وكان على الغشاء المغشي على القصبه ن داخل وليس في (hâzâ ʿibâretü'l-Kânûn) الجوهر اللحمي في الریت سريعاً واما في الغضاريف نفسها فلا يقبل ڳavli ليس في الجوهر اللحمي وكان على الغشاء المغشي ڳavline nâzırđır ve ihtimâldir ki ڳavline rabṭ oluna, ehline ḫafî deđildir.

ise bunun mu'alecesinde rebvin 'ilâcında müsta'cele olanlardan dūn edviyeler isti'mâl olunur.

Fî Esbâbı Qurûhî'r-Riye: Riye kûrhasının esbâb-ı müte'addidesi vardır. Nezle-i nezzâ'a veyâhūd ekkâle veyâhūd mu'affine olan nezleden biri nüzûl edip onlara mücâveret ile riye müntedîc ya'nî meşviyye olmaktan sâlime olmaz veyâhūd o mevâddan biri 'uđv-ı âherden riyeeye seyelân eder veyâhūd evvelâ zâtü'r-riye hâdiş olup ba'dehu teqayyuh edip zâtü'r-riye kûrha-i riyeeye isti'hâle eder veyâhūd zâtü'l-cenb teqayyuh edip münfecire olur ve kayhı riyeeye seyelân ederek riyeeyi takrîh eder veyâhūd kûrha-i riyenin sebebi esbâb-ı nefsin biri olur, fem-i 'ırkın infitâhı ve 'ırkın inkıtâ'ı ve inşidâ'ı gibi esbâbın biri olur. Ve onların sebepleri dahi gerek sebab-i dâhilî olsun galeyân-ı dem mişlî ve gerek sebab-i hâricî olsun hâricden olan darbe ve sakça gibi cem'an bunlar fem-i 'ırkın infitâhına ve nezâyirine sebep olur.

Ve ba'dı kerre dahi kûrha-i riyenin sebebi cirm-i riyenin nefsinden 'ufûnet ve ekkâl hâdişe olup riyeeyi takrîh eder, a'đâ-i sâirede cevher-i 'uđvdan 'ufûnet ve ekkâl hâdiş olup o 'uđvu takrîh eylediği gibi. Ve şayf şimâlî ve yâbis olsa ve o şayfı ta'kıb eden harîf cenübî ve ra'ib olsa o harifte emrâd-ı silliyeye keşîrî'l-vukû' olur.

Heyette ve Sinnde ve Beldede ve Mizâcda Sille İstî'dādı Olan Kimselerin İstî'dādları 'Alâmâtı ve Ahvâleri Beyânındadır

Sille müsta'idd o kimselerdir ki onlar mücennaḥ olup ya'nî 'izâmı şadı vech-i âtî üzere me'ûf olup şadrları dayyık ve ektâfları laḥmdan 'ârî 'ale'l-ḥuşuş ketiflerinin ḥalf cānibi laḥmdan ziyâde 'ârî ve ektâfları kuddâma mâil olur ve meyli cenâḥ gibi zuhûr ve bürüz edip o kimsenin iki tarafta olan ketifleri tayrın iki cenâhına müşâbih olur ve onların ketifleri 'ađudlarından ve kezâlik kuddâm ve ḥalflerinden munkaṭı'lar olur ya'nî o 'uđvların terekkübleri müstevî olmaz ve a'nâkları tavîl olur ve hem kuddâma 'unuklarının meyli olur, boğazları nâtî ve bāriz olur ve o müsta'iddinin şadrlarında ve şadrları ḥavâlilerinde riyâḥ ve nefḥ ziyâde olur, göğüsleri küçük olduğundan.

Bu evşâflar mevcûde olduğundan mâ-'adâ onların dimâğlarında dahi da'f olup ona müteveccih olan fuđülü dimâğ kabûl eylese ve kendi ğıdāsını dahi dimâğ da'fı ḥasebiyle inđaca dahi kâdir olmasa şerâyite isti'dād onda

tamâmen mevcûde olur, ‘ale’l-ħuşûş evşâf-ı mezkûre aşhâbının ahlâtı hâdde-i mirâriyye ola.

Ve sille müsta‘idd olanların isti‘dâdlarına şehane ile dahi istidlâl olunur. Sür‘at üzere silli kâbil olan kimselerin şehaneleri zıkr olunan tecennuh mevcûde olduktan sonra ze‘ar³⁶⁸ ve beyd olup onun beyâdı şükrete dârib olur.

Ve şulb ve mütekâşif olan ebdân dahi serî‘an silli kabûl eder, onlara inhirâk-ı ‘urûk ‘arîd olmak hasebiyle. Ve bâridü’l-mizâc olan kimseler dahi müsta‘iddlerdir.

Ve min ciheti’s-sinn sille müsta‘idd olanlar sekiz yaşından otuz bir yaşına varınca kadar yaşları olanlardır.

Ve bu ‘illet bilâd-ı bâride keşîrî’l-vuķû‘ olur, zîrâ o bilâdda ‘urûk bürüdet ile münfetîka olur ve nefsi-i dem ekşer olur. Ve fuşûlden zıkrî teķaddüm eden ħarîf-i mevşûfta keşîrî’l-vuķû‘ olur.

Câlînûs dedi ki sille müsta‘idd olanlara vâcibdir ki hâdde ve ħırrîfe olan edviye ve ağdıyeden ve kezâlık a‘dâ-i şadri temdîd eden şıyâh ve đacr ve veşbe mişlilerden tevaķķî ve ictinâb eyleyeler.

‘Alâmâtu’s-Sill: Marîdin midde nefsi olur. Ve middenin ‘alâmeti bundan aķdem bizim şerħ eylediğimiz levn gibi ve tebħîr gibi nesnelerdir. Ve sillin lâzımı olan, ħummâ-ı daķıķadır, mevđi‘-i ‘illete ya‘nî riyeye kalbin kurbü olmakla meslûltan ħummâ müfâraķat eylemez ve tağaddî eyledikçe ve gecelerde ħummâ-ı dıķķın iştîdâdı ciheti üzere meslûlun ħummâsı dahi müştedde olur, ğidâ hasebiyle beden teraţţub eylediği için.

Ve meslûlde olan ħummâ [319a] ba‘dı kerre ħummâ-ı dıķķ ile ħummâ-ı nâibe ve rib‘ ve ħıms ħummâlarından mürekkeb olur. Ve ħummânın şerrlisi ħummâ-ı ħumstır ba‘dehu şaţru‘l-ğıbb ba‘dehu nâibe şerrlidir.³⁶⁹

Ve kaçan sill hâdiş olsa onun şâhibinde teķayyuh bâbının âħirinde zıkr olunan ‘alâmetler zâhir olur ve ondan küllü vaktin ‘araķ feyedân ve seyelân eder, zîrâ onların kuvvetleri ğidâyı imsâk ve tedbîrden đarîf olur ve o ğidâyı ħarâret dahi taħlîl ve isâle eder.

Ve o ‘alîl ħuşkrîşet nefsi eder ise ‘illetin sill olduĝunda aşlâ şübhe kalmaz ħuşuşan ki sille mü‘eddî olan sebebler o ‘illet üzere teķaddüm etmiş ola.

368 “Ze‘ar” tüyü kalîl olmak.

369 Ve ħummayât bâbında zıkr olunan ħummâların mâhiyyetleri mezkûrdur.

Ve kaçan beden zübüle ve eṭrâf inhināya ve gîdâ ve fuḍûlün fesâdları ḥasebiyle tüyler dahi intişâra bed' eylese sill şaḥîhu'l-vuḳû' olur. Ve ba'ḍı kerre ibtidâ-i sillde meslûlün levni kümüdet üzere olur lâkin buḥârâtın taşa'udunda ḥumret ḥâdişe olur. Meslûlün 'unuk ve cebîni temeddüd eder, 'ale'l-ḥuşûş sill istikrâr ve istiḥkâm üzere olsa o 'uḍvların temeddüdü ziyâde olur ve onların eṭrâfları müntefiḥa olur ve ḥuşûşan eyyâm-ı sillin âḥirinde ayakları ziyâde müntefiḥa olur ve aḥlâṭ fâside olup eḳâşî-i bedende ğarî-ziiyenin redâ'et-i mizâcla müstehlike olduğundan eṭrâfı terebbül³⁷⁰ eder.

Ve sebeb-i silli ḥılt-ı ekkâl olan meslûl cidden mâliḥ olan mâ-ı baḥr gibi büzâḳ ḳazf eder ve nabḍı nâti ya'nî refi' ve sür'atte mu'tedil ve şaġir olur ve ba'ḍı kerre dahi iki cānibe meyelân 'arîḍ olur. Ve bu 'alâmetler zuḥûrundan sonra baṭnında ḳarâkır ḥâdiş olup şerâsîfi fevḳ cānibine münḥanî ve mâil olur ve onda 'aṭaş müştedd olur ve ḳuvâ-yı ṭabî'iyyesinin ḍa'fı ḥasebiyle ṭa'ama şehveti bâṭıl olur ve ḳuvvetinin suḳûtu ḥasebiyle baṭnı iḥtilâf üzere olur ve mevti ḳarîb oldukta ḥalkâ gibi nesnelere ve kezâlik damarların cirmini nefṣ eder. Eger menfûş olan 'urûḳ kibâr ise o 'urûḳ-ı menfûşe riye 'urûḳudur ve eger şıġâr ise ḳaşabedendir. Ve çok vâḳi' olur ki onlar ḥaşât nefṣ ederler. Ve onlar ḳaşabeden sāir vâḳte ḥalkâ nefṣ eylemez ancak ḳurḥa-i 'azîmeden sonra onlar ḥalkâ nefṣ ederler. Ve sillin âḥirinde nefṣ ve büzâḳ ğalîz olur ba'dehu munḳatı' olur ḍa'f-ı ḳuvvet ḥasebiyle. Ve onlar ba'ḍı kerre iḥtinâḳta helâk olurlar. Ve zıkr olunan nefṣ ba'ḍı kerre âḥir-i sille te'eḥḥür eylemez belki evvelinde ḥâdiş olur eger sill cins-i redîden ise ve ḥadmi ḳâbil olmayan mevâdd-ı ğalîzadan ise.

Ve kaçan âḥir-i sillde nefṣ munḳatı' olsa onların ḥayâtları dört gün üzere ziyâde olmaz. Ve ba'ḍı kerre nefṣlerinin inḳitâ'ı ḍa'f-ı ḳuvvet ḥasebiyle olur, bu şürette nefesleri dahi ḍayyık olur ḥattâ onların nefesleri ğayr-i maḥsûs gibi olur. Ve çok kerre su'âlleri müştedd olup mütetâbi'an nefṣ-i deme mü'eddi olur. Ve onların su'âllerine mu'âlece olursa bir miḳḍâr ḥiffet bulur velâkin ma'a-ḥiffetihi helâk olurlar. Ve su'âlleri ḥâli üzere terk olunup mu'âlece olunmasa nezf-i dem ile serî'an helâk olurlar. Ve kaçan meslûl olan kimsenin keffi üzere bâḳılâya müşâbih ḥabbe zâhir olsa o kimse onun zuḥûrundan elli iki gün sonra helâk olur Allâhu ta'âlâ a'lem.

370 الريلة ويحرك لحمه غليظة *Ḳāmūs*.

FENN-İ ‘AŞİR MAKĀLĀTINDAN BEŞİNCİ MAKĀLE
A‘DĀ-İ ŞADRIN MĀ-SİVA’I-KĀLB OLAN
‘UDVLARININ VE NEVĀHİSİNİN KURĖHALARI VE
‘İLELLERİ ‘AMELİYYĀTI BEYĀNINDADIR
O DAHİ FUŞŪLŪ MÜŞTEMİLDİR

Evvelki Faşl Nevāhî-i Şad ve Riye Evrāmının Mu‘ālece-i
Müşterekleri Beyānındadır

Ben derim ki bi’l-cümle o ‘illetlere ‘ilāc-ı müştereklerin biri faşddır ve zamān-ı ibtidālarında cānib-i muhāliften faşd olunur. Evvel-be-evvel faşdı lāzım olan ‘ırk ‘illete tūlen muhāzī olan şāfındır ve ba‘dehu ‘arđan muhāzī olan bāsılıktır ve ba‘dehu ‘arđan muhāzī olan ekhaldır. Ve eger ekhal zāhir deđil ise kīfāl faşd olunur, zīrā kīfālın faşdının dahi nef’i vardır her ne kadar onun menfa‘ati geç ve ebta‘ ve ekall ise. Ve bu faşdlar olunup birkaç gün mürürundan sonra maħall-i ‘illete ‘arađda muvāfık olan cānibden faşd olunur. Ve ba‘dı kerre şadr üzere hacāmet olunur ve o hacāmet bilā-şar‘ olur ve ma‘a-şar‘ dahi olur tā ki māddeyi hārice cezb eyleyip taklīl eyleye huşuşan faşd ile mesbūk olan hacāmet māddeyi ziyāde taklīl eder.

Ve Cālīnūs dedi ki bu ‘ilel aşhābının hummāsı cidden şedīde ise ona müşhil verilmekten ihtirāz lāzımdır, onun ‘ilācında faşd ile iktifā olunur, zīrā faşdda ha‘ar yoktur veyāhūd ha‘arını ekalldır. Ve ishālın ha‘arını ‘azīmdir, zīrā mevāddı ishāl tahrīk eder ve ba‘dı kerre ishāl eylemez ve ba‘dı kerre ifrāt eder. Ve vācib olur ki onlara mümkün oldukça muħaddirāt takrīb olunmaya, zīrā muħaddirāt nuđca ve nefse māni‘a olur.

Ve onlara muvāfık olan ađdiyeler mā-ı şa‘ir ve mā-ı hın‘ta ve kezālik ĥubbāzā ve ba‘latu’l-Yemāniyye ve mülukiyye ve qar‘ tabīhlerinin suyu ve kezālik mā-ı bākılā ve kışmış mişlli ađdiyeler olur ‘alilde ifrāt üzere hārāreti yok ise. Ve ‘illetin āhırinde hāşşaten zebīb dahi nāfi‘ olur ve cemī‘an tenkıye-i mevādd eyleyip huşūneti izāle ve derece-i ūlāda telyīni olan mā-ı ‘unnāb ve benefşec ve haşhāş ve uşūlū’s-sūs ve hıyār ve kıssā ve gayrū-hümānın lübbleri ve bezr-i hindebā ve sebistān mişlli edviyeler dahi zikri mürür eden ađdiye-i muvāfıka mecrāsına cārī olur. *Tab‘ ile olan nüshada “ađdiye” bedeline “edviye vāk‘ olmuştur.* Ve ba‘dı kerre onlar ayva çekir-

deği lu'âbı ve şamg ve keşîrâ ve bezr-i haşhâş dahi idhâl olunur. Ve bu zıkr olunan mu'alecâtla kable'l-inficâr 'ilâc olunur.

Ve onları münakkiye ve câliye olan edviyelerin efdalı nevâhî-i şadr ve riyeden mâ-'adâ aḥşâ-i sâirede verem yok ise mâ-ı 'asel olur ve eger verem var ise yine mâ-ı 'aseli isti'mâl eyle velâkin veremi olanlarda isti'mâl olunan mâ-ı 'aselin mizâcı mâ-ı keşîr olmak maḥabbetlidir, o mâ-ı 'asel su gibi olmak elyaktır velâkin cüllâb ve mâ-ı sükker o mişlli mâ-ı 'aselden dahi evfaḫ ve elyak olur. Ve bunlardan sonra mâu'ş-şar ve ba'dehu şarâb-ı ḥulv evfaḫ olur. Ve bu 'illet aḥşâbının efdal-i şarâbı şarâb-ı ḥulvdür ḥuşuşan o şarâb-ı ḥulvden ebyaḍ olan şarâb ziyâde nâfi'dir ve nefse i'âneti dahi ekşerdir. Velâkin zâtü'l-cenb ve zâtü'r-riye maraḍında şarâb-ı ḥulv kable-nuḍci'l-mâdde şürb olunmayıp ba'de'n-nuḍc şürb olunmak evlâ olur ve bunlarda dahi 'aṭaş ve işhân olur ve ba'de's-saḳy ḥâdiş olan 'aṭaşları teskîn eden tedbîr ile tedârük olunur. Kebid ve tihâlinde 'illeti olanlara o şarâbı saḳy etmek lâyıḳ [319b] değıldir. Ve şarâb-ı ḥulvden sonra enfa' olan ḥamr-ı mâidir. Ve ḥamr-ı mâi sudan ziyâde kuvveti taḳviye eder ve hem taḳtîr ve telṭifi olur. Ve kaçan sikencebîn-i 'asel ü sükkerden biri ve ḳalilü'l-miḳdâr ḥall ile ittiḥâz olunup su ile mezc olunduktan sonra isti'mâl olursa taṭfi'e ve tenḳiye menfa'atlerini cem' eder. Ve eger o sikencebîn cidden ḥâmiḍ olsa cidden nefş ihdâş eder veyâḥüd tebrîd edip ve cidden lüzücut ihdâş edip şıḳal ve vebâl olur hattâ taḳtîr eylediğı faḍl dahi kuvvet-i ḳaviyye ile nefş olu[nu]r. Ve eger ḥâmiḍ isti'mâlinin lüzümü olsa o ḥâmiḍ tefîr olunur veyâḥüd ona mâ-ı ḥarr haşṭ olunup ḳalilen ḳalilen saḳy olunur.

Ammâ mu'tedilü'l-ḥumûḍat olan sikencebîn saḳyında bu gâilelerden emânet bulunur ve hem müsta'mel olan ḥalâvetin taṭfişine ve mirreyi işâresine ve mirre tevliḍine dahi mâni' olur. Ve mâ-ı 'asel tertîbde eblağ ve mâu'ş-şar taḳviyede eblağ olur. Ve ba'dı kerre ta'dil-i ṭabî'atta bâdem yağı ile ḥummâḍ vermeğе ḥâcet olur.

Ammâ bu 'illet aḥşâbının mâ-ı meşrûbları şitâda mâ-ı ḥarr ve mâ-ı sükker ve mâ-ı 'aselin raḳîḳi olur ve eyyâm-ı şayfta mâ-ı mu'tedil saḳy olunur; onlara mâ-ı bârid şürb eylemek mekrûh olur. Eger 'aṭaşları müştedd olur ise mâ-ı bâridden miḳdâr-ı ḳalil saḳy olunur veyâḥüd cüllâb ve sikencebînden biri mâ-ı bârid ile tebrîd olunup saḳy olunur, zîrâ sikencebîn sür'at ile nüfûz

eder ve mâ-ı bāridi dahi tenfîz edip mađarratını defc eder. Ve bu cilletlerin zamān-ı inhiṭātında cālile su meybuḥtecle saqy olunur.

Ammā veremin cemc-i midde eylediği zamānda ve inḍac ve tefcîri kaşdı olunduğu zamānda ve ba'ḍe't-tefcîr dahi neye muḥtāc idiğini beyān için müstaḳillen bir bāb irād eyleriz.

İkinci Faşl Zātü'l-cenb Mu'ālecātı Beyānındadır

Vācib olur ki vereme müttecih ve müteveccih olan mevādd evvel-be-evvel veremden menc oluna istifrāğ ile ve mevāddi cānib-i ḥilāfa cezb eden tedbîrler ile. Ve bu faşldan muḳaddem zıkr olunan faşlda bizim vaşf eylediğimiz mu'ālecāt dahi kıṛā'et oluna ve ba'ḍı kerre onların zıkrını biz icāde eyleriz ḳarīben inşāallāhu ta'ālā.

Ve biz deriz ki zātü'l-cenbde dem-i gālib bu faşldan muḳaddem zıkr olunan faşlda zıkr olunduğu üzere olur ise onun icālācı faşd olur ve dem-i faşdın levni tağayyür edince ḳadar dem iḥrāc olunur, zīrā demin tağayyürü delālet eder ki dem-i mūzī istifrāğ olunmuştur.

Ve ma'lûm ola ki ebdān demlerinin eşedd-i sevād ile esved olanları bu veremlerde veyāḥūd bu veremlere ḳarīb olan veremlerde olan dem-i esveddir ya'nī bu verem mişllilerin dem-i veremleri ziyāde mūzīdir ve ma'a-hāzā onlarda dahi [iḥrāc-ı] dem murād olundukta ḳuvvete mūrā'āt olunmak gerektir. Ve ba'ḍı kerre zıkr olunan ḥadde varınca ḳadar dem iḥrācına ḳuvvetin müsāfadesi olmaz ya'nī her ne ḳadar dem esved ve efsed olur ise.

Ve ḳaçan o cillate sebep olan mādde dem olmayıp ḥılt-ı āḥer olur ise o ḥılt-ı āḥer istifrāğ olunur lākin helīlele veyāḥūd ḳabḍı olan edviye ile istifrāğ olunmaz belki bu cilletlerde o edviye isti'māl olunur ki onda ishāl ile ma'an telyīn cemc ola o edviye gibi ki onlar benefşec ve terencebīn ve şırḫışt ve Ḥicāz sükkeri gibi nesnelere ittiḥāz oluna ve onlara müşhilāt leylen saqy olunur.

Ehl-i ma'rifetten bir ḳavm dedi ki aşveb olan onların istifrāğları faşd ile olmaktadır, zīrā ba'ḍı kerre şürb-i müşhil cālī muḍtarib eder ve bu cillate ıḍtırāb muḍırr olur ve bu gāileden faşdda emīn olunmakla ḥasbe-mā emken faşd ishālden aşveb olur. Ve ishālin ıḍtırāba mü'eddī olduğu zıkrını biz taḳdīm eyledik. Ve nefş mirārī oldukta ishālin mađarratı ziyāde olur,

‘ale’l-ḥuṣūṣ Cālīnūs’un zıkr eylediği üzere ḥummāsı cidden şedīde olanlara ishāl ziyāde muḍırr olur. Ve Cālīnūs saḳmūnyā şürbünden taḥzīr eder ve eyāricden ve ḥarbaḳtan taḥzīr eylemez ve müshil isti‘māl edip fāriğ olduktan sonra isti‘māl olunan mā-ı şa‘ırin fi‘lini medḥ eder. Ammā müshil ile ma‘an isti‘māl olunan mā-ı şa‘ır müshilin fi‘lini ḳaṭ‘ eder ve ma‘a-hāze’l-beyān vācib olur ki cihet-i veca‘a mürā‘āt oluna. Ve eger terk-i mürā‘āt olunsa faşd ve ishālden bir dahi müfīd ve nāfi‘ olmaz. Eger veca‘ın ve mevāddın meyli terḳuve ve ḳassa ve onların fevḳi cihetine ise faşd evlā olur ve eger elem şerāsīf cihetine müteveccih ise yalnız ishāl isti‘māl olunur. Ve māddeinde dem dahi müşāhede olunur ise ma‘a’l-faşd ishāl isti‘māl olunur, esfele māile olan mevāddı yalnız bāsīlīkten faşd ḳadr-i mu‘teber ile cezbe ḳavī olmamakla o şürette ishāl isti‘māliline ḥācet olur.

Ve zātü’l-cenb mu‘ālecesinde tekmiḍ ve taḍmiḍ ile iktifā olunmaz, el-bette istifrāğ-ı mevādda ḥācet olur, zīrā bi-ḥasebi’l-müşāhede ve’t-tecribe s̄abit olmuştur ki o ‘illette tekmiḍ ve taḍmiḍ ile veca‘ teskīn olmaz veyāḥūd veca‘ı tekmiḍ ve taḍmiḍ ziyāde eder ve bu ḥāl delālet eder ki bedende cemī‘an imtilā vardır, lā-maḥāle istifrāğa muḥtācdır ḥuṣūṣan faşda ḥācet ziyādedir.

Ve ḳaçan o ‘illette faşd ve istifrāğ eylesen velākin a‘rāḍ sākinе olmasa faşd ve istifrāğı mu‘āvede ve tekrār eyleme, zīrā [faşd] ve istifrāğdan maṭlūb olan veremin cem‘-i middesine mümāna‘at eylemektir. A‘rāḍın ḥālī üzere iştidādı delālet eder ki mādde ḡayr-i naḍīc olmakla faşd ve istifrāğ kendilerden maṭlūb olan mümāna‘ata ḳavī deḡildir, pes onlar onlar tekrār olunsa maṭlūb olan mümāna‘atta tekrārın te‘şīri olmaz belki tekrār mezkūr māddeyi teblīd edip ba‘dehu inḍāca külliyyen māni‘ olup māddenin ezāsı artar. Pes lāyīḳ olan budur ki bir def‘a faşd ve istifrāğ olundukta a‘rāḍ sākinе olmasa ḥālī üzere terk oluna ve istifrāğ tekrār olunmayıp nuḍcu intiḍār oluna. Ve ḳaçan nuḍc-ı mādde ḥads olunsa mādde-i naḍīce middeye istiḥāleden men‘ oluna ve ictihād olunup middeye istiḥāleden muḳaddem nefṣ ile mādde tenḳıye oluna.

Ve bi’l-cümle bu ‘illette faşd olunmaksız mādde nuḍc edip nefṣ-i naḍīc ü şālih ḥāşıl olsa velākin o nefṣten sonra yine ḳuvvette sen ḳa‘f görsen o nefṣ-i şālihten sonra nefṣte ḥādiş olan ḳa‘f-ı mezkūreyi def‘ için faşd eyle-

me, zîrâ faşd ve ishâlden hâdiş olan da'f nefşten hâdiş olan da'ftan ekşerdir ve eķalli def' için fesâdı ekşer olan irtikâb olunmaz. Ve bu 'illette hıķun-ı mütevasıf veyâhûd hârre re'ÿ-i řabîb üzere isti'mâl olunur huşuşan veca'ı-ı řerâsîf cânibine mâil ise hıķne isti'mâli ziyâde elyaķ olur.

Ve fâdı İbukrâf işâret eyledi ki mevâđi'-i säirede veca' olmayıp ancak řerâsîfe veca'ın řediden meyli ihsâs olunsa onun 'ilâcı harbak-ı esved ile veyâhûd kaylûn ile istifrâğ olur. *Ve ba'dı nüshada "kaylûn" bedeline "el-baklatu'l-berrîyye" vâki olmuştur. Bu bakla-i berrîyye baklatu'l-ħamķāya müşâbihtir ve onun lebeni olur, yetî'âtandır yaf'nî lebeni hâddir.* Ve bu müstefriğlerin biriyle istifrâğ edip elem ve veca'da ħiffet rü'yet eylesen sen mâ-ı sükkere veyâhûd řa'îr taķşîr olunup ve mâ-ı keşîr içinde řabħ olunan mâ-ı řa'îr isti'mâline iķtişâr edersin ve taķviyeye ħâcet olur ise mâ-ı ħanderûs³⁷¹ dahi saķy edersin. Ve bi'tîh-i Hindî ve mâu'l-'unnâb ve mâ-ı sebistân ve benefşec-i mürebbâ ve bezr-i ħaşĥâş dahi isti'mâl edersin. Ve bu mezkûrlar ile isti'mâl olunacak dühn dühn-i levz olur. Ve zâtü'l-cenb 'illetinde bir ķavm rummân tenâvülünden nehy eyledi. Ve muşannif der ki benim katımda o 'illet aşĥâbına rummân-ı ħulv tenâvülünde be's olmaz.

Ve bu edviyelerden ba'dı kerre maţbûħ ittiĥâz olunup tenfîs için isti'mâl olunur ve o edviye bunlardır: řa'îre-i muķaşşer, 'unnâb, sebistân, benefşec, bezr-i ħaşĥâş ve řarâb-ı benefsec [320a] ve řarâb-ı nilüfer. Ve bu iki řarâb cüllâbdan efdâldir. *Ve nüsha-i sultâniyyenin ħâşiyesinde ħaşĥâş dahi iħrâc olunmuştur.*

Ve bu 'illetin ibtidâsında Câlînûs bi-cemî'ci aşnâfihi diyâķûd isti'mâl olunsun diye emr eyledi, zîrâ diyâķûd râdi'dir, māddeyi inşibâbdan men' eder ve māddeyi indâc eder ve 'alîli tenvîm edip uyutur. Muşannif der ki ben derim ki seher ředîd olmayıp diyâķûd isti'mâline o cihetten ħâcet olmasa ħaşĥâş isti'mâli māddeyi teblîd ve nefsi ķaç etmekle isti'mâli evfaķ olmaz; seheri ředîd olur ise o vakte ħaşĥâş isti'mâl olunur. Ve eger ħaşĥâşın mađarratını dâfi' olan sükker diyâķûda idĥâl olunur ise bilâ-seher zâtü'l-cenb 'illetinde isti'mâl olunsa be's olmaz. Bu şürette dahi diyâķûdun bezr-i ħaşĥâştan ittiĥâz olanları kışrdan ittiĥâz olanlardan evfaķ olur.

371 خندروس صنف من الحبوب وهي الحنطة الرومية İbn Kütbî.

Ve vâcibdir ki nef̄s ile def̄ olunmayıp muhtebesen bâkî kalan mevâdd istifraḡ oluna. Ve ʿalîlin ğidâsı iksâr olunmayıp kadr-i lâyıķı üzere taķdîr oluna ve ʿilletin ħiddetinin ve aʿrâdının keşret ve kılleti ħasebiyle telʿîf-i ğidâ oluna. Ve eger aʿrâd ħâdiye ve ħafîfe ve sehle ise ceyyiden taḅḅ olunan mâ-ı şaʿîr-i muķaşşer ile taġdiye olunur, zîrâ o mişllî mâ-ı şaʿîr muķattîʿ ve muķavvî olur. Ve kaçan o mâ-ı şaʿîri taḅliye kaçd olursa sükker yâhüd ʿasel ile taḅliye olunur. Ve eger aʿrâdında ıdḫîrâb olur ise ıdḫîrâbdan müstebrî olunca kaçdar mâ-ı şaʿîr ile iktifâ olunur yaʿnî onun şaʿîri taķşîr olunmaz; kaçan ħâlî müstebrî olsa ħuşuşan nef̄s keşret üzere zuhûr eylese keşret-i mâdde maḫarratından emn ħâşıl olur. Ve taķviye-i kuvvete ħâcet olduĝu senin maʿlûmun olmakla o vaķt taķviye kaçd edip mâ-ı şaʿîr-i muķaşşer ile taġaddî eylemek elyaķ olur. Ammâ nef̄ste ihtibâs olsa tedbîri telʿîf ve mâ-ı şaʿîre ve eşribeye ħasbe-mâ emken iķtişâr edersin.

Ve kaçan zâtü'l-cenbde ishâl ħâdiş olsa o zâtü'l-cenb evvelâ ħâdiş olan zebḫadan müntakîl olsa ondan zâtü'l-cenb ʿilâcları külliyyen menʿ olunup ona faşd ve telyîn-i taḅîʿat ile muʿâlece olunmaz ve onun tedbîri sevîķ-i şaʿîre istiʿmâline kaçr olunur. Ve eger zâtü'l-cenbde faşda ħâcet mess eylemeyip mevâddında nuḫc olmasa şavâb olan budur ki onun mevâddı otuz cüzʿüne taḫmînen taķsîm olunduktan sonra faşd olunup on bir cüzʿ miķdârı iḫrâc oluna yaʿnî müctemiʿ olan faşlın şülüşünden miķdâr-ı ḳalîl ziyâdesi iḫrâc oluna. Ve maḫall-i faşdın üzerine milḫ ve zeyt vaḫʿ olunmakla faşdı teşniye ve tekrâra mevḫîʿ-i faşd müstaʿidd kılına. Ve çok kerre faşddan muķnî olur onda istitlâķ-ı baḫn zuhûr edip küllü yevmin bir meclis veyâḫüd iki taḫallî eylese. Ve faşd olunduktan o faşdı ĝaşy veyâḫüd şedîden ʿusr-i teneffüs ve ḫîķ taʿķîb eylese delâlet eder ki mevâdd-ı müziye faşd ile istifraḡ olunmamıştır. Ve evlâ olan budur ki evcâʿ-ı şadr evâilinde taḅîʿat telyîn olunmaya lâkin ħuķun ve şiyâfât-ı ħafîfe ile telyîn olunmakta beʿs olmaz. Ve onlara müberridât-ı şedîde saķy olursa ħaḫâ-i ʿazîm olur lâkin mâddesi şafrâ olan zâtü'l-cenb aşḫâbına müberridât-ı şedîde saķy olunur ve müberridât-ı kâḫıdayı saķy ve ʿades mişlliler ħumûḫât ile iḫʿâm olunur.

Ve maʿlûm ola ki bu ʿillette ve sâir evrâm-ı baḫînede mâ-ı bârid saķyı muvâfiķ olmaz, mümkün oldukça o ʿilletlerde mâ-ı bârid saķyı taķlîl olunur. Ve eger ʿaḫaş ʿişyân edip mâ-ı bârid saķyına ħâcet olur ise mâ-ı bâridi si-

kencebîn ile hâlt edip maḥlûtu saḳy eyle, mā-ı bāridin ḡevretini ve şiddetini sikencebîn kesr eyleyip ve mā-ı bāridin bātında beḳā ve şebātı müddetini taḳlîl ve taḳşîr eyleyip bi'l-cümle bedene bürüdetini tenfîz eylesin için ve hem mevāddı dahi taḳtîr ve telṭîfte sikencebînle intifāe eylesin için.

Ve ma'âlüm ola ki zātü'l-cenb 'illetinde iltihāb keşîr olsa tebrîd için isti'māl olunan edviyede cilā ve tertîb cem'e olmak gerektir, mā-ı hıyār ve bitṭîḥ-i Hindînin suyu gibi. Ammā mā-ı ḳar'ın her ne ḳadar cihet-i vāhideden nef'i var ise ba'dı kerre idrārı ḥasebiyle maḳarratı olup 'alîli da'îf eder.

Ve bu 'illette ictināb ve iḥtirāz olunacak nesnelere bunlardır. Mā-ı baḳlatu'l-ḥamḳā, mā-ı hindebā ve tebrîd ve teḳşîfi olan sāir eşyālardır.

Ve vācibdir ki bu 'illet mu'ālecesinde senin mu'zam-ı ḡaraḳın sühûlet-i tenfîşe ola. Ve nefsi teḳşîr eden tedbîrlerden olur 'illet olan cānib üzere ıdṭicāe edip uyumak. Ve ba'dı kerre tenfîs için 'alîl şedîden hezz ve taḥrîk olunur ve ḥarārete māil olan su mütetābiṭan ve cur'atün ba'de cur'atin saḳy ve tecrî olunur. Ve ba'dı kerre şiddet-i veca'e ḥasebiyle ḥıltütten bāḳılāt miḳdārı 'asel ve ḥall ve mā ile saḳy olunmaḡa ḥācet olur lākin veca'-ı müberriḥ³⁷² şedîd olur ise saḳy olunur. Ve eger nefsin 'işyānı ḡaṭîṭ ve ḥaşrece ḥudūsuna ya'nî ḥāl-i ḡarḡarada ve ḥāl-i ḥanıḳta olan nefes hırılıtsı gibi hırılıtya mü'eddî olur ise onun mu'ālecesinde üç parmak alacaḡı ḳadar naṭrûn aḡz olunur ve bāḳılāt miḳdārı zencār ve miḳdār-ı ḳalîl zeyt ve mā ve miḳdār-ı ḳalîl 'asel dahi aḡz olunup isti'māl olunur. Ve bunlar nāfi'e ve nāci'e olmaz ise o edviyelerin üzerine fiḳāḥ-ı kerm ve fülful ve ḥall dahi ziyāde olunur ve bu mezkûrların küllîsi müftiren saḳy olunur veyāḥūd zūfā ve ḥardal ve ḥurf mā ile ve 'asel ile müftiren saḳy olunur. Ve bu terkîb evvelen zıkr olan devā-i mürekkebden aḳvādır. Ve bunlar ile nefis ḥādiş olduktan sonra yumurta sarısından ḥasv ittihāz olunur, zîrā bu ḥasv o edviyeden ḥādiş olan ḡāileyi izāle eder.

Ve eger mecnûbu ḡidā-i ḳavî ile taḡdiyeye muḥtāc olur isen semek-i raḳrāḳî ile taḡdiye eyle velākin semek ile taḡdiye ḥummānın inkisārı vaḳtinde olur. Ve kezālik ḥubz sükker ile ve zübd ile taḡdiye olunur nuḳc ve nefse mu'în olsun için. Ve kürrāş ve milḥ ve şibt ile meslûḳ olan semek dahi iṭ'ām olunur.

372 “Berḥ” eş-şiddet ve 'ş-şerr. *Ḳāmūs*.

Ve ictihād edip nevāhī-i baṭnı tecfīf eyle nevāhī-i şadra müzāhım olmasın için. Ve nevāhī-i baṭnı tecfīf telyīn-i ṭabīʿat ile ve baṭnda süfl-i yābis var ise ḥukne-i leyyine ile onu iḥrāc ile olur, meşelâ mâ-ı keşk miqdār-ı ḳalıl mâ-ı sılḳ ile ḥalṭ olunup ḥukne ittiḥāz olunur.

Ve vācib olur ki nefḥten iḥtirāz üzere olup nefḥi menʿ eyleyeler. Ve maʿlūm ola ki süflün buḥārı ve nefḥ bu ʿillette cidden muḍırrdır.

Ve zātü'l-cenbin vuḳūʿunda ehemmi meḥāmm ve eşedd-i mā-yehtāmm olan budur ki onun aşḫābı mübāderet edip mādde-i verem midde olmazdan muḳaddem mādde-i ʿilleti inḍāc eyleye. Eger midde olur ise o midde teʿek-külü aḥz eylemezden muḳaddem tenḳıyeye mübāderet eyleye.

Ve maʿlūm ola ki mecnüb olan kimseye vācib olur ki onlar dāimā teḥāvillerini³⁷³ tertīb eyleye nefṣ sehl ve serīʿ olsun için. Ve kaçan nefṣ zāhir olup ve yevm-i rābīʿ mürür eylese beyan kökü ve baldırkaradan ittiḥāz olunan maṭbūḥ nefṣi taḳviye eder. Ve kaçan mādde ḡalīza ve ḳuvvet dahi ḳaviyye ise ve ʿaşabda dahi āfet yok ise ona sikencebīn-i memzūc saḳy eylemekte beʿs olmaz, mādde-i ḡalīzayı ḳaṭʿ eylesin [için.] Ve ona eger ḥıyārşenber sükker ile ve terencebīn ve şırḫışt ile saḳy olunup ṭabīʿatı telyīn olursa emr-i şavāb olur. Ve baʿḍı kerre ona muʿālecede ḍimādāt ve merūḫātla istiʿānet olunur.

Ve bu ʿilletin muʿālecesinde evvelā istiʿmālī vācib olan o ḳayrūḫıdır ki dühn-i benefşec ve şemʿ-i muşaffādan ittiḥāz olunur. Ve bundan sonra ted-rīcle şuḫūm ve elʿıbe ve ḡubār-ı reḫā istiʿmāl olunur ve baʿdehu tedrīcle bunlardan aḳvā olan bābūnec ve aşl-ı ḫaṭmī ve aşl-ı sūs ve benefşec ḍimādı ve bostānī ebeḡümece ṭabīḫi istiʿmāl olunur. Ve bunlardan aḳvā ve ecvede ḫācet olur ise kerneb-i meslūḳ ve rāziyānec-i meslūḳtan mütteḫāz ḍimād istiʿmāl olunur. Ve kezālik efsentīn ve beyan kökü aḥz olunup ʿaselden bir şey ile ve dühn-i nārdīn ile ḍimāden istiʿmāl olunur.

Ve maʿlūm [320b] ola ki mecnübun māddesi keşire ise ona bārid ḍimād ve tılā ḍārr olur. Eger o ʿilletin māddesi ḳalile ise bevārid ile ḍimād ve tılā olunmakta beʿs yoktur. Ve kezālik mādde-i keşireden ḫādiş olan verem taḫallül edip baḳıyye-i mādde ḳalıl olsa yine müberridāt ile taḍmīd ve taṭ-liye muḍırr olmaz. Ve kezālik mevādd faşd olunduktan sonra müstefriḡāt-ı

373 Zāhir olan budur ki “teḥāvīl”den murād nefṣin memerrinde olan teʿārüclerdir.

sâire ile dahi istifrâğ olursa o istifrâğdan sonra zîkr olunan aṭliye ile ṭlā olunmakta dahi be's yoktur.

Şıfat-ı Dımād-ı Ceyyid: Benefşe yaprağı ve ḥaṭmī her birinden birer cüz³, beyan kökü iki cüz², bâḳılā unu, arpa unu her birinden birer buçuk cüz², bâbūnec, keṣīrā birer cüz². Bu mezkûrlardan dımād ittiḥāz olunur. Eger mādde ḡalīza olup taḥlīl-i zāide ḥācet olur ise o şürette edviye-i mezkûre üzere bezr-i kettān ziyāde edersin ve o edviyelerin 'acni meybuḥtec ve şem^c ve dühn-i benefşec ile olur. Ve eger ḡılzat-i mādde ile kıllet-i ḥarāret olur ise dühn-i benefşec bedeline dühn-i süsen veyāḥūd dühn-i nercis vaḍ^c olunur. Eger şüret-i mezkûrede ḥarāret kaviiye olur ise ziyādāt-ı ḥārre-i mezkûre ya'nī bezr-i kettān ve ba^cdehu zîkr olunanlar terkîbden ihṛac olup yerine varaḳ-ı nīlūfer, verd ve ḳar^c vaḍ^c olunur.

Nüşa-i Merūḥ-ı Ceyyid: Şem^c, şaḥmu'l-baṭṭ, şaḥmu'd-decāc, dühnü'l-ḡanem,³⁷⁴ zūfāu'r-raṭb. Bu edviyeden merūḥ ittiḥāz olunur ve cidden nāfi^c olur.

Şıfat-ı Dımād-ı Ceyyid: Bu dımād hem inḍāc ve hem teskīn-i veca^c eder, şıfatı budur: Arpa unu, iklīl-i melik, kışru'l-ḥaşḥāş, bu mezkûrlardan dımād ittiḥāz olunur.

Ve ba^cdı kerre bu şillet mu'alecesinde raṭb ve yābis kimādāt ile dahi isti'ānet olunur velākin onun veremi ḥumrete māil ise kimād-ı raṭb evfaḳ olur ve filiḡamūniye māil ise kimād-ı yābis evfaḳ olur. Ve raṭb kimād nāfi^c olmadığı şürette ḍārr dahi olmaz ve kimād-ı yābis ḍārr olur ise onun ḍararı 'azīm olur. Ve beyne'l-kimādāt taḳdīme evfaḳ ve aḥrā olan, süngeri ıssı su ile ıslatıp onunla kimād eylemektir. Ve bundan aḳvāsı mā-ı baḥr ile ve mā-ı māliḥ ile tekmīddir. Ve bunlardan ziyādeye ḥācet olur ise buḥār³⁷⁵ ile veyāḥūd zeyt-i ḥār³⁷⁶ ve mā-ı ḥār ile kimād olunur. Ve bunlardan aḳvā

374 “Dühnü'l-ḡanem”den murād semn-i ḡanemdir. Velākin dühn ḳarīnesi ile “'utm” 'ayn ile ve tā ile berrī zeytūna itlāk olunur. Nüşa muḥarref olup berrī zeytūn dühnü demek zāhirdir.

375 Bu maḥallde “بخار” bā ile ve ḥā ile vāḳi^c olmuştur ve ma'nā-yı şaḥiḥi yoktur meger ki bir ḥırka buḥār ile teşḥīn olup ḥırka ile tekmīd oluna. Zann ederim ki aṣl nüşa nūn ile ve cīm ile buḥār “نجار”dır, zīrā “نجیل” ve “نجير” ayrıık otuna derler diye muḥarrerdir ve ayrıık ḥaşşesinin dımādı bu aṣl vereme nāfi^c olduğu muḥarrerdir.

376 Ve ṭab^c ile olan nüşada “zeyt-i ḥār” bedeline zift-i ḥār” vāḳi^c olmuştur.

olur bir kıt'a şüfa dühn içirip onun içine hall ve kerneb ve kirsenne bast olunduktan sonra onunla tekmi'd eylemek. Yâbisât-ı laṭife olan kimâdattan olur nuḥâle ba'ḍehu câvers ba'ḍehu milḥ bedende imtilâ olmayıp tekmi'din cezb-i mâdde eylemesinden ḥavf olunmasa tekmi'd her türlü veca'ı hall edip nâfi' olur, o veca' gerek beden'in e'âlîsinde ve gerek esâfilinde olsun. Ammâ faşdın veca'ı taḥlîli ḡâliben e'âlî-i bedende olan veca'lardır.

Ve kaçan zıkr olunan kimâd ve ḍimâd ile tekmi'd ve taḍmi'd olunsa ictihâd olunup onların buḡârı 'alîlin yüzüne işâbetten men' oluna, zîrâ men' olunmasa o buḡâr 'alîlde kerb ve ḍıḡ-ı nefes iḥdâş eder. Ve ba'ḍı kerre yûbs-i 'illet şedîd olup raṭb olan ḍimâd ve kimâdın buḡârı ona nâfi' olur, zîrâ i'tidâl üzere raṭb olan kimâd ve ḍimâdın ebḡireleri yüzüne işâbet edip istinşâḡ ile bâṭına zâhib olsa o ebḡire-i raṭbenin yûbüseti ta'dilde menfa'ati olur.

Ve bu 'illette ba'ḍı kerre nâsın isti'mâl eyledikleri le'ûkât ile dahi isti'ânet olunur ve o le'ûkâtın elyeni ve maḥrûrüne evfaḡı şem'-i ebyaḍ-ı muşaffâ vü maḡsûlden dühn-i benefşec ile ittiḡâz olunanlardır 'ale'l-ḡuşuş veca' şedîd oldukça nef'i ziyâde olur.

Ve ba'ḍı kerre faşd ile müstefriḡât-ı sâire ile beden tenḡıye olduktan sonra meḡâcime ilticâ olunur, zîrâ zıkr olunan müstefriḡât ile tenḡıye ḡâşıl olduğuna yakîn olunduktan sonra mevḍi'-i veca'a meḡâcim vaḍ'ının nef'i 'azîm olur. Ve o meḡâcim ba'ḍı kerre veca'ı aşlen teskîn eder ve ba'ḍı kerre dahi nevâḡi-i ḡârice cezb eder. Ve o veca' olan mevḍi'e ḍimâd-ı ḡardal vaḍ' olunsa veca'ı nevâḡi-i ḡârice cezbde meḡâcim 'ameli gibi 'amel eder.

Ve kaçan o 'illet yevm-i sâbi'i tecâvüz eylese eṭṭibbânın ḡudemâları emr eylediler ki onlar levzden mütteḡâz olan le'ûḡ ve ḡabbu'l-ḡurraş³⁷⁷ ve 'asel ve semn ve 'ilk-i buṡm ile semnden mütteḡâz olan le'ûḡ isti'mâl eyleyeler. Ve onlar ba'ḍı kerre eṡânâsiyâ gibi ma'âcîn-i kibâr dahi isti'mâl ederler. Bu ma'âcîn-i kibâr isti'mâli tenḡıyeye bir ṡarîḡ-i ceyyid olur ve ḡudemâdan muḡâḡḡikûn bu mişlli ma'âcîn-i kibârı isti'mâl edip meblaḡ-ı şâfiye bâliḡ olurlar ve feṡânetlerine i'timâdları olmakla bunları isti'mâllerinden bir ḡâdiş'e âriḡa olur ise tefatṡun edip onun maḡarratını tedârük ve telâfi ederler. Ammâ eṭṭibbâdan muḡdeş ve cebân olanlar bu mişlli ma'âcîn-i kibâr

377 Encüre ve yüsemma'l-ḡurraş. İbn Kütbî.

isti'câlınden hâzer ederler, şınâ'alarına vüŝûkları olmadığından için hattâ 'asel idhâl olunacak terkîbe havflarından 'asel bedeline sükker halı ve idhâl ederler, 'aselden hâdiŝ olan 'arıdayı ve o 'arıdanın tedârikü hangi nesne ile olduğunu tefattından 'âciz oldukları için.

Ve kezâlik kudemâ-ı etıbbâ bu illetin mu'alecesinde biraz tenkıyesi kaviiye olan edviyeye işâret eylediler ki o edviye 'asel ile yoğurulup ondan hûbûb ittihâz ve müheyâ ederler, vaqt-i hâcette tahte'l-lisânda imsâk ederler ve onunla zıkr olunan tenkıye-i kaviiye hâşıl olur.

Ve yine aqdemün zâtü'r-râyiha tesmiye olunan aqdmideye ve merzencüş-tan müttehâz olan aqdmideye ve merhem-i sezâbiye işâret ederler ki onlardan zıkr olunan tenkıye-i kaviiyeden sonra müsta'mele olur.

Ve cümle-i kelâm budur ki her kimse ki bu mu'alecâtta kudemâ meslekine sâlik ola, gerektir ki tevakkî ve hâzer üzere sâlik olalar, tefcîr-i verenden ve harâret-i keşîre tahrikinden havf eyleyeler. Ve o müdâvîler ki kudemâ tarîkine tevakkî ciheti ile sâlik ve üslûb-ı hakîm üzere mehâlik tarîkından tecennüb ve terakkub ederek temeşşî ile tedâvî eyleyeler; onlar necâh ve şifâ-i kâmil huşûlüne vüŝûk ve itimâd eylesinler.

Bu mütercim 'abd-i fakîr ve müterif-i takşîr der ki Şeyh-i kâmilin bu kelâmı Şahîh-i Buḥârî'de olan Ebû Hüreyre raḍiyallâhu 'anhü hadretlerinin rivâyet eylediği hadîsin madmûn-ı münîfi ve maḥşûl-i m'ânâ-yı şerîfdir ki Resûlullâh şallallâhu 'aleyhi ve sellem buyururlar: مَا أَنْزَلَ اللَّهُ مِنْ دَاءٍ إِلَّا أَنْزَلَ لَهُ شِفَاءً Ve bafdı rivâyette geldi ki بِإِذْنِ اللَّهِ فَإِذَا أُصِيبَ بَرَأَ بِإِذْنِ اللَّهِ Ve bu hadîs-i şerifte olan bâkî su'âl ve cevâbı şürrâh-ı hadîş tafşîlen tahrîr eylediler. İntehâ.

Eger bu tedbîrlerden sonra illette on dördüncü güne varınca kadar baqiyye kalır ise o zamân hacâmet ve telîf-i tedbîr vâcib olur. Ve onlarda seher müştedd olur ise şarâb-ı haşḥâşî ve haşḥâşîn kendiyi isti'câlı vâcib olur.

Ve kaçan onların nefesleri tevâtür eylese tertîb ile onun đararı tedârik olunur ve bezr-i kaṭûnâ lu'âbî şey'en ba'de şey'in tecerruc olunur ve cüllâb ile dahi tertîb olunur. Ve veca'ı tahfif ve tevâtür-i nefesi taqlîl için 'alîlin cenbi tenṭîl olunur. Ve marađın inḥitâtı zâhir olduktan sonra ḥammâm is-

ti'câm olunup kavî ve şedîd olan tedbîrlerden ictinâb olunur meger ki verem humret cinsinden olur. Ve kezâlik muğallız olan tebrîdden ictinâb olunup tel'îfe iştiğâl olunur ve zikri mürûr eden eşribe ve miyâh içinde kürrâs ve fûdenec tabh olunup âhir-i 'illette saqy olunur ve bezr-i kurrays 'asel ile le'ûk kılınır. Ammâ verem 'işyân taleb edip cem'-i midde cânibine ikbâl eder ise onun tedârükü bâbında zikr olunur.

Ve zâtü'l-cenb 'illeti henüz zâile olup nâkıh olanlara vâcibdir ki mülûhât ve hürâfât ve imtilâ ve şiba' ve şems ve rîh ve duhân ve şavt-ı 'âlî ve nefh ve cimâ'dan hâzer ve ictinâb eyleyeler, zîrâ zâtü'l-cenb 'illeti kaçan nüks eylese 'alîl helâk olur. Ve bu mu'alecât-ı mezkûre bizim kavlimizdir ki zâtü'l-cenb hârr-ı hâliš oldukta onlar ile 'ilâc olunur, ammâ zâtü'l-cenb hâliš ve şedîdü'l-harâre olmasa onun 'ilâcı delk edip hulbe ve zift ile dîmâd ve vaq'-ı mehâcim olur. Ve bizim bu dîmâdımız o bâbda nâfi'dir:

Şıfat-ı Dîmâd: Aşl-ı kerneb remâdı aḥz ve şaḥm ile ma'cûn kılındıktan sonra dîmâd [321a] olunur. Ve balğamî olan zâtü'l-cenb mu'alecesinde huḡun-ı hâdde ve ishâlle ibtidâ olunur. Balğamî olanlarda faşd isti'câm olunmaz ve zikri mürûr eden admide ve kimâdâtın kuvvetli taḥlîli olan muḡallilâtı isti'câm olunur ve onlara sılḡ ve mâ-ı kerneb ve mâ-ı hımmaş ve dühn-i zeyt ve dühn-i levz-i hulv ve dühn-i levz-i mürr iç'âm olunur. Ve dîmâdât-ı hârre ve kimâdât-ı hârre dahi isti'câm olunur ve Yûsuf-ı Sâhir'in dühn-i hırva'la saqy eylediği maḡbûḡ dahi saqy olunur.

Ammâ sevdâvî olan mecnûba ḡınta-i mehrûseden ittiḡâz olunan ḡasv 'asel ile ve dühn-i levz ile iç'âm olunur ve le'ûkât-ı leyyine-i hârre dahi verilir ve dühn-i levz mişli edhân-ı leyyine tecr' olunur, bâḡılâ ve miḡdâr-ı ḡalîl hulbeden mütteḡaz ḡasv ile ve bâ-ḡuşuş leben-i ḡalîbden mütteḡaz olan ḡasv ile taḡdiye olunur ve onlara eşek sütü nâfi' olur.

Ve yine sevdâvî zâtü'l-cenbe nâfi' olur ḡuşttan bir dirhem aḥz olunup bir mil'aḡa ḡabîḡ-i şibt suyu ile ve dühn-i belesânla veyâḡûd şarâb-ı 'asel ile isti'câm olunsu. Ve bu devâ su'âl-i rediye dahi nâfi' olur.

Ammâ riyede müctemî' olan suyun 'ilâcı budur ki teḡayyuh için bizim zikr eylediğimiz mu'alecâtın eḡaffı isti'câm olunsu riyede olan ictimâ'-ı mâya dahi 'ilâc olur. Ve ba'ḡı kerre baḡḡa dahi ḡâcet olur lâkin baḡḡa ḡaḡar-ı 'azîm vardır, küllü'l-ictinâb ondan ictinâb eylemek gerektir.

Fî Mu'alecâtı Zâtü'r-riye

Mu'alecede zâtü'r-riye zâtü'l-cenb mecrâsına cārî olur lâkin zâtü'r-riyenin dımādâtı zâtü'l-cenb dımādâtından aqvâ olur ve zâtü'r-riye 'ilâcına muğavvişât dahi idhâl olunur.

Vâcib olur ki şabîbin hırşî zâtü'r-riyede tenfîse eşedd ola ve zâtü'l-cenbde cihet-i müneffeseye olan ıdîcâc bedeline zâtü'r-riyede istilkâ ola velâkin o cihet-i müneffeseye bir miqdâr istilkâsı mâil ola.

Ve eger 'alîlin şabîcâtında itikâl var ise vâcib olur ki zikri âtî şarâbdan her iki günde bir def'a saqy oluna, o şarâb budur: Hıyârşenber ve çekirdeği iħrâc olunan zebîb her birinden üçer istâr aħz olunup üzerlerine dört sükerrece su ilkâ olunduktan sonra nişfî kalınca kadar şabî olunur ba'dehu inzâl olunup o maḥbûhun üzerine bir sükerrece 'inebü's-şaleb suyu ilkâ olunur. Kāvî olanlara bu mecmûc şerbet-i vâhîde olur ve du'afâya onun nişfî şerbet-i vâhîde olur. Ve eger 'alîlin şabîcâtı muḍ'ıf olan lînet ile leyyine olsa ona rubb-ı âs ve ħulv sefercelin meşvîsi ve rummân-ı ħulv verilir.

Zâtü'r-riyenin mâşerâ ve ħumret cinsinden olanlarının mu'alecâtı muḥaddemâ zikr eylediğimiz üzere şab'dır, onlara nâfi' 'ilâc var ise o 'ilâc tatfî'esi bâliğa olan ħaşḥâş ve şimâr ve sâir şedîdetü'l-berd olan buḳûl-i ma'lûme 'uşârâtı olur ve onlara müberride-i müleyyine olan 'uşâretü'l-Hindî mişlliler dahi saqy olunur.

Tab̄ olan nüshada "Hindî" bedeline "hindebâ" vâķ̄ olmuştur. "Hindî"-den murâd biḫḫ-i Hindîdir, onun 'uşâresinde tebrîd ve tatfî'e-i şedîde vardır ve kabđı yoktur ve hindebâ dahi müberriddir, ħumrette ist' mâl olunur diye muḥarrerdır. Pes iki nüsha dahi şahîhtir.

Ve mâşerâ ve ħumret cinsinden olan zâtü'r-riyenin māddesi olan şafrâyı şırḫışt ve temr-i Hindî ve terencebîn ve bu mişlli müstefriğât ile istifrâğ eylesen bu istifrâğ dahi câiz olur. Ve bu 'illette dahi imtilâ var ise faşđ câiz olur.

Teḳayyuḫta Olan Kelâm-ı Qalîl Beyânındadır

Kaçan zâtü'l-cenb ve zâtü'r-riye evrâmında cem'în 'alâmât-ı mezkûresi zuhûr eyleyip taşa'ud eylese ya'nî zamânı zamân-ı tezeyyüd olsa vâcib olur ki evvelâ beden tenķiye olunup ba'dehu veremin inḍâcına i'ânet oluna.

Ve onun me'ûneti o dımādât ve kimādât ile olur ki onlar daķık-i şa'ir ve 'ilkü'l-butm ve şarābu'l-hulvü'l-ebyađ ve temr ve tın-i yābis mişllilerden ittiḥāz olunur. Ve bunlardan akvā olur o ađmide ve kimādât ki zıkr olunan edviyelere zerķu'l-ḥammām ve naṭrūn idḥāl oluna. Ve bunlar tefcīr katında dahi dımād-ı şālīḥ olur.

Ve vācib olur ki ḳable-vaķtı'l-inficār o 'alīl cānib-i 'illete muđtacı' ḳılına, zīrā idṭicā' nefṣ ve tefcīre ziyāde mu'īn olur. Eger onlarda ḥarāret-i keşīre olur ise mā-ı şa'ire mā-ı 'asel idḥāl olunup saķy oluna veyāḥūd 'aselin mādde-i raķīki yalnız saķy oluna. Ve kaçan ḥarāret ḳaviyye olmayıp ḳıvvet ḳaviyye olsa onlara ṭabīḥ-i zūfā içinde ḥāşā ve ferāsiyūn ve tın ve 'asel saķy olunur. Ve yine vācib olur ki onlara aşl-ı sūs ile maṭbūḥ olan mā-ı şa'ir saķy oluna. Ve ba'dı kerre meşrūdītūs ve tiryāk vermeđe dahi ḥācet olur indāc eylesin için lākin tiryākın evķāt-ı saķyının ziyāde evfaķı nuđc-ı tāmmdan sonra olur, zīrā o vaķt saķy olundukta veremi tefcīr ve ğarīziyyeyi dahi ḥıfz eder. Bu vaķtte ve ba'dehu temr isti'māli ceyyid olur veyāḥūd şarāb-ı ferāsiyūn isti'māl eder ise nef'i ğāyete bālīga olur.

Dımād-ı Mücerreb: Bezr-i ḥaṭmī, ḥubbāzā, ḥıyār, bitṭīḥ, ḳar' bezrleri, rubb-ı sūs, iklīl-i melik fiķāḥı ve benefşec bu edviyelerden dımād ittiḥāz olunur ve çok kerre dahi onlardan bezr-i kettān lu'ābı ile akrāş ittiḥāz olunup vaķt-i ḥācette incir suyu ile saķy olunur.

Ammā onların ḥāl-i taşa'ud u tezeyyüdde ğıdāları su ile veyāḥūd mā-ı 'asel ile meblūl olan ḥubz ve nīm-birişṭ yumurta ve bu mişlli nesnelere olur. Ve onların nuķlleri şanevberin ḥabb-ı kebīri ve ḥabb-ı şağīri ve tatlı bādem ve daķıķten mütteḥāz aḥsā ki şa'ir ve ḥımmaş ve bāķılā daķıķleri ve dühn-i levz ve sūkker ve 'aselden mütteḥāzdır.

Ve kaçan nuđc-ı tāmmdan ve vaķt-i inficār ḳarīb oldukta vācib olur ki tefcīre i'ānet oluna, zīrā ḥālī üzere terk olunsa marađa şu'ūbet ve şe'n ḥāşıl olur. Ve ḥulūfları³⁷⁸ ṭayyib olsun için onlara muķavvī olan şarāb-ı zūfā ile lūbnā ya'ni mey'a-i sāile³⁷⁹ saķy olunur, biz onu bundan aķdem zıkr eyledik. Ve

378 [el-ḥulūf] (ḳammeteynle) şāim olan kimsenin ağzı rāyiḥa bağlamak, kezā fi-tercemeti's-Şihāh. Nüşhalarda “وتبخر حلوقهم” ḥā ile ve ḳāf ile vāķi' olmuştur. Her ne ḳadar onun ma'nāsı şaḥīḥ ise, bizim tercümede zıkr eylediğimiz azherdir; kātib mezāyā-yı kelāma 'adem-i itṭilā'ından taşḥīf eylemiştir.

379 “Mey'a-i sāile” وهي طيبة الريححة جدا يدخل في الطيب

kezâlik bizim zîkr eylediğimiz ad̄mide-i kavîyye dahi istiʿmâl olunur. Ve bu zîkr olunan ʿqurb-ı inficâr vaqtinde meşrûdîŧûs ve tiryâk istiʿmâli dahi nâfiʿ olur eger ʿhummâ ve neḥâfet ve hüzal yok ise. Ve ona semek-i mâlih içʿam olunur. Ve nevm vaqtinde bu ḥabbı imsâk ve aḥz eder ki o ḥabb eyâric ve şaḥm-ı ḥanzaldan mütteḥaz ola. Ve kezâlik ʿindeʿn-nevm onlara kûkıyâ ḥabbı dahi saḳy olunur. Ve onların ḥulûfları yaʿnî ağızlarının râyihaları lüb-nâ saḳy olunmakla tatyîb olunur.

Ve baʿdı kerre ʿalîli kürsî üzere iclâs edip o kürsî her ne kadar taḥrîk olunur ve o vech ile ḥareket ʿalîle nâfiʿ olur lâkin bir kimse vaqt-i taḥrîkte ʿalîli iki ketiflerinden tutmak gerektir ki yaʿnî sukûḥ ḥavfından için. Ve onlara mâ-ı ʿasel ile ḥardal saḳyı ve leben içinde ḥılîḥ saḳyı dahi nâfiʿdir.

Ve kaçan verem-i müteḳayyihın inficârı kaçd olursa cânib-i şaḥîḥ üzere ıdḥicâ onlara nâfiʿdir. Ve o vakte onlara baʿdeʿl-ʿaşâ taḳyîe ile emr olundu lâkin onların kayḳında ḥaḥar-ı ʿazîm vardır, zîrâ kayḳ defʿaten inficâr-ı ʿazîme müʿeddî olup iḥtinâk ḥavf olunur. Ve eger verem müteḳayyih ve münfecir olmasa ona keyyden lâzım olur. Ve baʿdeʿl-keyy middeye nazar olunur, midde nuḳbe-ı³⁸⁰ beydâ ḥurûc eder ise ondan bürḳ recâ olunur ve illâ bürḳ ümîd olunmaz. Ve kaçan midde münfecire ve sâile olup ḥads olursa ki midde ḳalîle veyâḥûd muʿtediledir ve mādde-i müctemîʿa vü münfecire kırk güne varınca nefş ile tenḳıye olunur. Onlarda o ḥâlde cellât ve ḡassâle ve münakḳıye olan ʿasel ve kerneb ve daḳîḳ-ı ḥımmaştan ve sâir edıḳḳadan mütteḥaz zîkri sâbık ḥasvlar istiʿmâl olunmak vâcibdir. Ve o ḥasv ittiḥâz olunan daḳîḳalara burçak unu dahi idḥâl olunur ve onlara ʿuḣşul leʿûḳu dahi nâfiʿ olur. Ve bu ʿillette istiʿmâl olunan edvîyenin ümmehâtı olup teʿşîrde [321b] nām u şānı olan müfred devâlar burçak unu ve süsen saḥîḳi ve aşlının saḥîḳi ve iki zerâvend yaʿnî zerâvend-i ḥavîl ve zerâvend-i müdahrec ve felâfil-i selâse yaʿnî fülful-i esved ve fülful-i ebyaḍ ve dâr-ı fülful ve ḥardal ve ḥurf ve cāvşîr ve ḳuşḥ ve selîḥa ve isḳîl mişllilerdir. Ve baʿdı kerre bu ümmehât-ı edvîyeden hangisi istiʿmâl olunur ise ona muḥaddirâtan miḳdârı olan bir cüzḳ ḥalḥ olunur. Ve bu ümmehât olan edvîyelerden maʿdûd olur seḳürdiyûn, zîrâ bu bâbda onun menfaʿat-i şedîdesi vardır. Ve bu ʿilletin zîkr olunan vaqtinde istiʿmâl olunan [nâfiʿ] edvîyelerden bu zîkr olu-

380 النُّقْبَةُ [en-nuḳbet] biʿd-dammi el-levn. *Ḳāmûs*.

nan edviyeler ümmehât edviyelerdir, eşribe ve dımādât ve isfencât ile olan neţulât ve edhân cemî'an o ümmehâtтан ittiĥâz olunur.

Ve bu ümmehâtın bađı kerre kuvveti edhâna iĥrâc olunur. Ve ümmehât-ı mezkûrenin kuvveti iĥrâc olunacak dühnleri bu mişlli edhân olur: dühn-i süsen, dühn-i nercis, dühn-i bâbûnec, dühn-i ĥımnâ, dühn-i nârdîn, dühn-i ġârdır. Ĥuşûşan vaĥt-i inĥitâtta edviye-i mezkûreden kuvvet aĥz eden dühn-i ġârın menfa'ati ziyâde olur.

Ve 'alîlin mizâcı ve vaĥt ĥasebleri ile bađı kerre o edviyelerin kuvveti dühn-i benefşece dahi iĥrâc olunur. Ve bađı kerre onların içinde bu edhânlar dahi kılınır: râtiyânec ve şuhûm ve kınne ve fiĥâĥ-ı idĥir ve zûfâ-i raĥb ve varâĥ-ı ġâr ve muĥl ve bunlar mişllilerdir.

O 'alîlin ĥummâsı ĥaviyye ise onun 'ilâcında ifrât üzere teşĥin olunmaz, zîrâ ĥummâsı olanları ifrât üzere teşĥin sũ-i mizâca ve sũ-i mizâc đâf-ı kuvvete ve đâf-ı kuvvet dahi nefşten 'acze mü'eddî olur.

Ve vâcib olur ki mübâderet olunup zâtü'r-riyede ĥayĥ şadra münfecir olduktan sonra şadrdan nefş ile iĥrâc oluna ve o iĥrâc 'alilde ĥiffet ĥads olunduġu eyyâmda ola.

Ammâ zâtü'l-cenb de ĥads olunup mâde keşire olduġu bilinse ve kırk günde ve kırk gündend eġalde tenĥiye ĥâşıl olmayacaġı ma'lûm olsa ve sille mü'eddî olacaġı dahi fehm olunsa o verem keyy olunmak vâcib olur. Daĥıĥ bir mikvâ ittiĥâz olunup onunla şadr şaĥb olunur ve o mikvâ middeyi neşf edip ĥalîlen ĥalîlen istiĥrâc eder. Ve mâ-ı 'asel ile ġasl olunur ve ĥârice cezbine i'ânet olunur. Ve kaĥan bu vech ile tenĥiye ĥâşıla oldukta ilĥâmına iĥbâl olunur.

Ve vâcib olur ki ĥayĥ hangi cihette olduġu zikri mürûr eden 'alâmetler ile ve ĥayĥın şavt ve ĥadĥadâsıyla ta'arrüf oluna. Ve kezâlik tîn-i aĥmer ile maşbüġ olan ĥırĥa 'alîle ilbâs olunup o ĥırĥadan şadrın üzerinde vâĥic olan kıř'anın hangi cânibde cefâf evvelâ ĥâdiş olur ise onunla mevđic-i ĥayĥ ma'lûm ola ve o maĥalle 'alâmet vađc olunup o mevđic keyy veyâĥûd baĥt oluna, zîrâ bađı kerre zâtü'l-cenbde keyy olunmayıp baĥt olunmaġa ĥâcet olur. Ve o mecnûbun cenbi mibđa'la³⁸¹ baĥt olunur ve onun naşbesi o naşbe

381 Ya'nî irin iĥrâc olunacak âlet. İrin iĥrâcı için maşşûşan âlet olduġunun zikri ĥarîben gelir.

olur ki onunla midde küllü yevmin kalîlen kalîlen aḥz olunur, def'aten midde-i keşîreyi iḥrâc eylemez. Ve bu mişlli vakte laḥmla ve ğidâ-i mu'tedil ile kuvvet ḥıfz olunur ve o vakte ḥummâya iltifât olunmaz, zîrâ veremde mādâm midde bâkiye ola, onun bür'ü mutaşavver olmaz. Ve kaçan o aĝdiye tenāvülü ile kuvvet ḥâşıl olup nef̄s ile mādde tenkıye olundukta ḥummâ dahi münkalî'a olur.

Ve ba'dı kerre dahi müttefik olur ki ḳable'n-nuḍc verem münfecir olur ve o ḥâlde mādde-i münfecire dem olur. Ve o şürette faşddan deffâ'a ve reddâ'a olan ḳımādattan lâzım ve lâbüdd olur ve def' ile taḥlîl beyninde müşterek olan aḍmideden olur kerneb-i müdgâm³⁸² ve mâ-ı 'asel ḳımâdı ehren nüshası üzere terkîb oluna. Ve bu şıfat üzere olan ḳımâd dahi nâfi'dir: büber ve baldırıkara ve zūfâ-i yâbisve encüre ve zerâvend-i müdahrec. Bu edviyeler aḥz olunup 'asel ile ḳımâd ittiḥâz oluna.

Üçüncü Faşl Nevâhî-i Şadr Ḳurūhu ve Mu'älece-i Maraḳ-ı Sill Beyânındadır

Ammâ o ḳurḥa ki ḳaşabe-i riyede ḥâdiş ola, ona sür'at üzere devâ olunur. Ve vâcib olur ki 'alîl ḳafası üzere ıḍḳicâ' olunup isti'mâl olunacak devâ dahi 'alîlin aĝzında imsâk oluna ve rîḳını ibtilâ' edip def'aten ve keşîren ḥalkına rîḳını irsâl eylemeye, zîrâ def'aten rîḳ-i keşîri irsâl su'âlî taḥrîk edip muḍırr olur. Ve vâcib olur ki rîḳını kalîlen ibtilâ'ında boĝazı 'aḍallerini irḥâ eyleye ḥattâ ihdâs-ı şudâ' eylemeden rîḳi ḥalkına nüzül eyleye. Ve aĝzında minvâl-i mezkûr üzere imsâk olunacak edviye o muĝarriyât-ı müceffifedir ki onları biz sill mu'âlecâtında zıkr eyleyiz.

Ammâ bizim zıkr eylediĝimiz üzere şadr ve riyede olan ḳurḥalar, ḳurḥalara cellât ve ĝassâl edviyeler zerûk kılma ve 'alîle emr olunup cânib-i 'alîl üzere ıḍḳicâ' eyleye ve onun su'âlî taḥrîk oluna, hezz-i raḳîḳ ile hezz oluna yâhüd 'alîl bi-nefsihi ihtizâz eyleye.

Ve ba'dı kerre o ḳurḥaya mâ-ı 'asel irsâl olunduktan sonra ḳayḥı cezb edecek âlet ile onun ḳayḥı istiḥrâc olunur. Ve kaçan middeyi biz tenkıye edip recâ eylesek ki ondan bir şey' bâkî kalmadı, o vakte edviye-i müdmile isti'mâl olunur. Cilâsı olup münakḳî olan devâlarda 'asel gibi bir nesne

382 "Kerneb-i müdgâm" dürülmüş lahanadır.

yoktur, zîrâ 'asel münakḳîdir ve ṭabî'ata maḥbûb bir gîdâdır, onunla ḳurḥa mutaḍarrır olmaz.

Ammâ nef̄s-i riyenin ḳurḥasının tedbîri iki emrdir, birisi 'ilâc-ı ḥaḳḳ, ikincisi müdârât olur 'ilâc-ı ḥaḳḳ ile o zamân mu'âlece olunur ki 'illet 'ilâcî ḳâbil ola; bundan aḳdem onu biz vaşf eyledik. Ve o 'ilâc-ı ḥaḳḳ ḳurḥa-i tenḳiye tecfif ve mevâddı ḳurḥaya inşibâbdan def'le ve nevâzili men' ile ve ḳurḥanın iltihâmına i'ânet ile olur. Ve nevâzil men'inin tedbîrini bundan aḳdem biz beyân eyledik. Ve men'-i nevâzil bu bâbda olan cemî'an mu'âlecâtın aşlı olur. Ve men'-i nevâzilin icmâli ve dâbıtası bedeni tenḳiye ve māddeyi re'sten esâfile cezb ve re'si taḳviye edip re'se müteveccih olan fuḍülü re'sin 'adem-i ḳabülü ḥasebiyle keşret-i fuḍülü re'sten def'le ve re'sten riyeye fuḍül inşibâbını men' ve cihet-i uḥrâya şarfla olur.

Ve vâcib olur ki mevâddı tenḳiye faşd ile ve fuḍül-i muḥtelifeyi iḥrâc eden ḳûḳıyâ devâsını isti'mâl ile ḥuşûşan ḳûḳıyâya muḳl ve şamḡ ziyâde edip onları isti'mâl ile olur. Ve ba'ḍı kerre eftîmûn mişlli devâlar ile aḥlât-ı sevdâviyyeyi iḥrâca dahi ḥâcet olur.

Ve ba'ḍı kerre sen istifragâtı tekrâr ve mu'âvedeye muḥtâc olursun fuḍülü taḳlîl ḳaşdı ile. Ve o mu'âvedenin ṭarîḳi budur ki evvelâ devâ ile istifrag olunup faşd dahi olunduktan sonra bir müddet terfîh olunup 'alîl istirâḥatta kılınır ba'dehu istifrag ve faşd mu'âvede olunur ve ḥâşşaten bu mu'âvedeye ebdân-ı ḳaviyye ziyâde muḥtâc olur.

Ve nevâzilin ḍararını def'de nâfi' olan eşyâdan olur diyâḳûd isti'mâli ḥuşûşan o diyâḳûda ki aḳrabâdinde ve ḡayr-i maḥallerde yazdıkları üzere ḥaşḥâştan ittiḥâz olunur. Zikr olunan tedbîrleri 'udvun ḳabülünde ṭabî'ata mu'ine olan ḥâlâtta olur havâsı câff olan bilâdda naḳl ve hicret edip onda mu'âlece ve leben şürb eylemek. Ve vâcib olur ki o kimse ekser-i ḥâlde intişâb üzere ola ve onun intişâbı 'unuḳunu fevḳe ve ḳuddâma temdîd eder intişâb ola, zîrâ bu vech ile olan intişâb eczâ-i riyenin ba'ḍısının ba'ḍı âḥer üzere vuḳû'unu tesviye eder ve eczâ-i ḳurḥayı inṭibâḳatan veyâḥûd muḥâzât-ı ṭabî'iyyeden izâle eylemez.

Ve vâcib olur ki mevâni'-i nef̄s olan nesne isti'mâl olunmakla teskîn-i su'âl için ilḥâḥ olunmaya, zîrâ men'-i nef̄ste ḥaṭar-ı 'azîm vardır her ne ḳadar teskîn-i su'âl ile [322a] bir miḳdâr ḥiffet ḥuşülü îḥâm olunur ise.

Ammâ kûrḥa-i riyenin müdârât için olan mu'âleceleri budur ki kûrḥayı taşlîb ve tecfife tedbîr olunup kûrḥa fâş ve müttesi'â olmaktan men' olunur her ne kadar zîkr olunan taşlîb ve tecfifle kûrḥaya iltihâm ve indimâl ḥâşıl olmak me'mûl olmaz ise. Ve bu müdârât olan tedbîr ile o kûrḥa şâhibine mühlet ḥâşıl ve 'ayşî mümtedd olur velâkin onun 'ayşî 'ayşî-râdiye olmaz belki o kûrḥa şâhibi sâir tedbîrinde ḥaṭâ olanların te'ezzîleri gibi müte'ezzî olur.

Ve bu zîkr olunan müceffifât riyeyi kabḍ eder ve tecfif eder ve kûrḥayı taṭbîk eder velâkin idmâl eylemez. Ve bu ṭarîke sülûk edenlere vâcibdir ki elbette leben isti'mâl eyleye. Ve sill edviyeleri 'asel ile terkîb olunur, 'aselin kûrḥa maḍarratı olmaz. Ammâ kûrḥasının tenkîyesi münakḫiyât-ı mezkûre ile ve akrabâdinde zîkr olunan zûfâ ṭabîhiyle olur. Ve bundan akvâ olur ada soğanı le'ûkunu eşek sütü ile isti'mâl eylemek. Ve ba'dı kerre bu devâlar ile mülezzicât-ı muğarriye cem' ve idâfe eylemeğe ḥâcet olur. Ve ba'dı kerre def'-i su'âl için muḥaddirât ile dahi i'ânet olunur, zîrâ su'âl devâ-i sâirenin fi'line ve te'sîrine mâni' olur, def'-i su'âl oldukta devânın te'sîri kavî olur. Ve bu takdîr üzere in'âş-ı ğarîziyye için nâ'iş-i kavî tedbîrine ḥâcet olur. O nâ'iş-i kavî olan münakḫiyâtı o ebvâbda ve kezâlik bâbu't-tekayyuhṭa biz zîkr eyledik. Lâkin o mezkûrlardan isti'mâlî mu'tâde olan kirsenneden mütteḥaz olan aḥsâdır. Ve kezâlik o aḥsâdır ki daḫîk-i ḥımmaş ve daḫîk-i ḥanderûstan ittihâz olunup içinde kürrâş-ı Şâmî vâki' ola. Ve kezâlik kürrâş-ı Şâmînin kendi dahi meslûkan isti'mâl olunur. Ve miyâh-ı 'aselde müneffisât-ı münakḫiye ve mûlaḥḥimât ṭabḥ olunup isti'mâl olunur. Bunların küllîsinin beyânı mürûr eyledi.

Ve kûrḥayı müceffif olan ma'âcîn bunlardır: kemmûnî ve eşânâsiyâ ve le'ûk-ı bezr-i kettân gibi ma'âcînlerdir. Ammâ meşrûdîṭûs ve tiryâk kaçan vakt vakt ḥuşuşan evâilde ve hüzâl ḥâdiş olmazdan muḫaddem isti'mâl olunsa nâfi' olur ve ḥummâ zübûl ihdâş eylemeden dahi nâfi'dir. Ve ṭin-i maḥtûm cemî'-i evkâtında o 'illete enfa' eşyâdan olur. Ve kezâlik küllü'l-evkât ṭin-i Ermenî nâfi'dir. Ve dîmâdât ve merûḥât-ı münakḫiyeden bizim zîkr eylediğimiz cemî'an nâfi'dir.

Ve kaçan şadır ve riyede olan kırhalar ‘atıka olsalar şabâhla yalnız kastrân-dan bir mil‘aka-i şağire veyâhüd ‘asel ile veyâhüd kınne-i sâileden³⁸³ bir şey’ ona il‘ak olunmak nâfi‘ olur. Ve eger o ‘alilde hârâret olsa ve münakkiyât-ı hârre isti‘mâlınden havf eylesen ve isti‘mâl eylediğin münakkiyât-ı bâride-ler dahi nâfi‘ olmasa o zamân riye-i şa‘leb ve bezr-i rāziyānec ve naķı olan rubb-ı sūsu ve bersiyāvşān uşāresini aħz edip mā-ı sūkker-i muğallaz ile cem‘ edip isti‘mâl olunur ve nef‘i gāyete bāliğ olur.

Ve bu ‘illette müceffif ve münakķı olan ecnās-ı baħūrāt kam‘la tebhır olunur. Ve o baħūrātın olur zernîh ve fūlfül gibi nesnelere aħz olunur ve onlardan beyād-ı beyd ile bunduķa ittiħāz olunup tebhır olunur. Ve o baħūrāt-ın biri dahi zeytūn-ı hār yaprađı³⁸⁴ ve baķar-ı cebelî hısıy ve teys külyesi-nin şahmı ve zernîh ve ba‘ru‘l-erneb bu mezkūrler mütesāviyü‘l-vezn aħz olunup onlardan baħūr ittiħāz olunur. Ve o baħūrātın biri dahi nebķ kuşuru ve zernîh ve teys böbreğinin şahmı bu edviyeden mütteħaz baħūr olur. Ve biri dahi zernîh ve semn-i ğanemdir ve biri dahi zernîh ve zerāvend ve aşl-ı keberin kuşuru olur gerek ise ‘asel ile cem‘ olsun gerek ise semn ile cem‘ olsun. Ve kezālık o şanevber ki onda kastrānın dürdü ola. Ve kezālık zernîh-i aşfer şirecle baħūrāt-ı mezkūreden olur.

Ve her kaçan o kırhanın mizācı fađl-ı sūhūnet ile müsahħan ola, birkaç gün kırş-ı kāfūr ile mu‘ālece olunup ba‘dehu tecfif mu‘āvede olunur. Ammā onların ađdiyeleri ebāzır ve efāvih ile muṭayyeb olan dürrāc olur. Şarāb-ı ebyād-ı sırif ‘illetin evvelinde onlardan men‘ olunmaz, onlara dāimā reyāhîn şemm ettirilir. Ve onlara nevm ve de‘a ve sūkūn ilzām olunup ğadab ve dacer terk ettirilir, onlara müriş-i ğamm olan nesnelere irād olunmaz.

Ve mirār-ı keşire ile ebdān-ı muḥtelifede ve büldān-ı muḥtelifede benim tecribe eylediklerimden cülenebīn-i ṭarī-i sūkkerī tenāvülü o ‘illet şāhi-bine ilzām olunmak, ‘amme-i nāsa kādīr oldukları kadar küllü yevmin iṭ‘ām

383 “Kınnne” kasnı ma‘nāsına. İbn Kūtübī der ki الماء الحار في يجعل بان خشبه بان يجعل في الحر في حرقه من غير عصر فيذوب ويطفو ما فيه فيصفي في حرقه من غير عصر. Ve cāizdir ki nebtinden bir şımıfı bi-nefsihi sâile ola, onun için sâile ile kayd eyledi.

384 “Zeytūn-ı hār yaprađı” İbn Kūtübī der ki zeytūn şeceresi bi-cem‘i eczāihī bâridir illā şemere-i nađicesi mu‘tedilen hārıdır. Pes bu maķāmda zeytūn-ı hār ile Allāhu a‘lem māzeryūn murād olunur, zīrā māzeryūn ve varaķı zeytūn varaķına mūşābih olur, rābi‘adan hār-ı yābistir.

olunur. Ve kudret-i mâliyyesi olup keşiren cüencebîn tenāvülüne kudreti olanlara hubz ile tenāvülü ilzâm olunur ve bunlardan sonra o ‘alîlin emrine mürâât olunur. Cüencebînde olan verdin tecfifiyle onda dîk-ı nefes hâdisi olduysa onlara miqdâr-ı hâcet züfâ şarâbı saqy olunur ve eger hummâsı müşte‘ile oldu ise akrâş-ı kâfûr saqy olunur ve dîktan ve hummâdan ihtirâz için cüencebîn isti‘mâlinde fütür ve kuşûr olunmaz belki mađarratı zîkr olunan devâlar ile tedârük olunur.

Eger tekzîb olunmaktan taqiyye ve hâzer eylemesem bu bâbda ‘acâyibler nakl ederdim ve meslûle olup cüencebîn tenāvülüne mülâzemet ve müdâvemet eden hatunun kışşasını hikâyet ederdim, zîrâ sîll ‘illeti o hatunda uzun oldu ve ruķûd mertebesine vardı hattâ cihâz-ı mevtini rûpyet eder kimse taleb olundu. Ammâ o hatunun er karındaşı re’si muhâzîsinde kâim olup bu ‘ilâcla müddet-i tavîle mu‘âlece eyledi, o hatuna bür^{ve} ve ‘âfiyet hâşıl olup sağaldı ve semridi. Ve o hatunun tenāvül eylediği cüencebînin miqdârını zîkr etmek havfen mine’t-tegzîb benim için mümkün olmaz.

Ve ba‘dı kerre bu ‘illetten hâdis olan yübs ve zübül leben veyâhüd düğ isti‘mâline muhvic olur ve bunda tağdiye ve tertîb ve hılt-ı fâsidi ta‘dîl ve cübniyyeti ile kurhayı tağriye ve lebende olan mânın cilâsı ile şadîd [ve] middeden tenkıye olur. Ve çok kerre bu tedbîr ile riye kurûhuna bür^{hâdis} olur. Kurhanın taşlîbi kaşd olunmaz ise bu tedbîr isti‘mâl olunur.

Ve meslûle nâfi‘ ve evfaķ olan leben o leben-i nisâdır ki memeden emilir ba‘dehu eşek sütü ba‘dehu keçi sütü huşûşan keçi sütünde olan kabđ keyfiyyeti ziyâde evfaķ olur ve leben-i rimâkın dahi bu ‘illete menfa‘ati olur ve nefsi dahi leben-i rimâk tenkıye eder ve muşannifin zannı üzere onda tağriye dahi vardır, ammâ leben-i baķar ve leben-i ğanemde ğılzat vardır, eger dar‘ından maşşa meslûl kâdir olur ise evfaķ olur.

Ve vâcib olur ki leben-i maħlûbun hayvânı o nebâtı ra‘y eyleye ki ondan aħz olunan leben ne ğarađ için tenāvül olunur ise o nebâtın ona menfa‘ati ola, meşelâ lebenni isti‘mâlden maħlûb kurhanın idmâli olsa o hayvâna ‘aşa’r-râfî ve ‘avsec ve ħablü’l-mâkirî³⁸⁵ ve bunlar gibi olan nebât ra‘y et-

385 Hâmişte olan iki hâşiyeye tahrîrinden sonra şürûh-ı Mûceẓ’den şerh-i Sedîdî ve şerh-i Kazvîni’de “ħablü’l-mâkirî” bedeline “ħablü’l-mesâkîn” yazıldığı bulunmuştur, lâkin “lu‘betü’n-naħl” zîkr olunmamıştır.

tirilir. Ve kaçan leben isti'mâlinde ma'vlüb tenkıye ve tenfıs ise hâşâ ve lu'betü'n-nahl³⁸⁶ ve hândeķükâ ve belki yetü' mişli nebâtât ra'cy ettirilir. Ve o meslül ki şürb-i lebene meşgûl ola, ona vâcib olur ki sâir tedbire dahi mürâ'ât eyleye, zîrâ o tedbîrlerin birinde hâfâ eylese meşrûbu olan leben ba'cdı kerre ona şıkal ve vebâl olur.

Ve muhaşşilü't-tıbdan ba'cdı muhaşşil saķy-i leben keyfiyyetini vaşf edip der ki vâcib olur ki doğurduķu müddetten dört ay veyâhüd beş ay mürür eden ütün ya'nî dişi eşek ihtiyâr olunur. Ve sût sađacak ulbeye ya'nî mihlebe kaşd olunup su ile ulbe ğasl olunur. Ve eger o ulbe kullanılmış olup muķaddemâ içine sût sađıldı ise mâ-ı hârr ile ğasl olunur ve onun ğasli bu vech üzere olur ki evvelâ ulbenin içine mâ-ı hârr şabb olunup hâli üzere [322b] terk olunur. Kaçan sütün bulaşığı taħallül eyledikte o su irâķa olunup tekrâren mâ-ı hârr ile ğasl olunur ve ba'dehu yine mâ-ı hârr ve mâ-ı bârid ile ğasl olunur ve ba'dehu ulbe mâ-ı hârr içine vađ olunup ulbe mâ-ı hârr içinde iken halb olunur ve miķdâr-ı ma'vlüb nişf sükerrece kılınır ki o miķdâr-ı ma'vlüb yevm-i evvelde saķy olunur eger illet selîme ise ve eger selîme deđil ise nişf sükerreceden ziyâde saķy olunur ve ziyâdenin miķdâr-ı tabîbin ĥads ve taħmîni ĥasebiyle olur. Ve yevm-i sânde dahi miķdârı yevm-i evvelde olan miķdârın đafı ve iki katı kılınır velâkin keyfiyyet-i halbi evvelki keyfiyyet üzere olur. Ve yevm-i evvelde meşrûb olan leben ile tabî'at istimsâk üzere olur ise ya'nî itikâl üzere ise yevm-i sânde saķy olunacak sütün içine sükkerden bir şey idhâl olunur. Ve yevm-i şâliste kezâlik yevm-i evvel gibi saķy ve halb olunur. Ve yevm-i şâliste tabî'atta

386 “Lu'betü'n-nahl” *Ķânûn*'da ve bizim isti'mâl eylediđimiz sâir müfredâtta bu isimde devâ yazılmamıştır; onlarda yazılan lu'be-i Berberiyedir ki sürincân veyâhüd sürincâna müşâbih bir nebâta itlâķ olunur, onda tenfıs ve tenkıye hâşşası olmamakla bu maķâmda irâde olunmaz. Ve lu'abu'n-nahl asele itlâķ olunur, bu maķâmda o dahi murâd olmak şaĥîh olmaz, zîrâ ĥayvân asel ra'cy eylemez meger ki leben-i insân lübnâ ola. Ve lu'be mu'laķ zıkr olursa aşl-ı yebrih murâd olunur velâkin onun nahle idâfetinin vechi olmaz. Ve zann-ı gâlib budur ki bu maķâmda “lu'betü'n-nahl”den murâd “lâĥıye”dir. Ve lâĥıye yetü'dandır, bu hâşşaları vardır, ona keşiren baĥl vârid olur, muşarraĥtır. Leblâbın bir sınıfı vardır ki ona ĥablü'l-mesâķin derler, müdmilü'l-cirâĥattır, Ĥâcî Paşa ve İbn Kütbi müfredâtında muşarraĥtır. Muşannifin ĥablü'l-mâķirî adı ile zıkr eylediđi ĥablü'l-mesâķin olmak zâhirdir.

lînet hâdiş olmadı ise ona iki sükerrece leben saqy olunur ve onun içine milh-i Hindîden iki dāniḳ ve neşādan bir dirhem veyāhūd bir buçuk dirhem katılır ve her gün nişf sükerrece leben saqy olunmağa mülāzemet olunur. Ve yevm-i sādise varıp o vakte dahi ṭabīrat mücibe olmasa üç sükerrece leben aḥz olunup içine sükker ve milh ve dühn-i levz ve neşā ḥalt olunur. Eger bu tedbîr ile üç meclisten ziyāde ṭabīrat mücibe olur ise baʿdehu saqy olunan lebene bir nesne ḥalt olunmaz ve leben dahi miḳdār-ı mezḳürdan noḳşān üzere kılınır. Ve'l-hāşıl vācib olur ki bir gün ve bir gece de üç meclisten ziyāde ṭabīrat mücibe olmaya ve iki meclisten dahi noḳşān üzere olmaya. Ve bu vech üzere leben istiʿmālinden intifāc eder ise üç hafta miḳdārı saqy oluna.

Ve baʿdî muḥaşşılîn dahi zîkr eylediler ki leben-i üttün saqyında ecved olan o lebendir ki onun dābbesi o mevādiʿde raʿy eyleye ki onda ḥaşāyiş-i mülattife vü münakḳıye olup o ḥaşāyişte ḳabḍ ve tecfîf dahi ola, efsentîn ve şîh ve ḳayşüm ve caʿde ve ʿuleyḳ gibi.

Ammā leben-i māʿiz saqyında aşveb olan māʿizin ḥalîbine sudan bir şeyz mezc olunup ve kızdırılmış ḥicāre o ḥalîbin içine birkaç defa ilkā oluna, lebene nuḍc ḥāşıl ve māiyyeti zāhibe olunca ḳadar ḥacer-i muḥmā ilkāsi tekrār oluna. Ve bu vech ile inḍac olunan leben nār üzere maṭbūḥ olan lebenden ecved olur, zîrā ḥadmi ziyāde ve telyîn-i ṭabīrat muʿāveneti olur meger o ʿalilde zereb ola o ḥâlde lebenin içine ṭarāsîs katılır veyāhūd leben istiʿmāl eden ʿalîlin suʿāl-i keşîri ola, o zamān bir dirhem keşîrā katılır. Eger miʿde daʿife ise lebene kemmûn ve kerāvyā ḥalt olunur. Eger meslûl olan kimse saqy olunan lebene ḥadım eyledi ise ona ḡidā-i kāfi olur. Ve sût içmekle meslûle ḥummā hâdiş olur ise saqy-ı leben ḳaṭ olunur.

Ammā [saqy-ı] dūḡ ḥummānın iştidādı vaktinde ve vakt-i ishâlde olur. Bu iki vakte dūḡun cidden menfaʿati vardır. Ve dūḡun ecvedı o dūḡdur ki rāyibin yaʿnî yoḡurdun zübdü bi'l-cümle aḥz olunup baʿdehu mevdiʿ-i muʿtedilde bir gece terk olunur ve baʿdehu o rāyib maḥḍ-ı şedîd ile maḥḍ³⁸⁷ olunur ḥattā baʿdî eczāsı āḥer eczālar ile şedîden imtizāc eyleye. Ve baʿdehu ceyyidü's-simîd olan daḳîḳ-i ḥıntadan mütteḥaz olup minḳat ile

387 “Maḥḍ” yağ çıkarmak için sütün çalkamak. Vankulu.

menkûta olan hubzdan bir kuruş ağız olunur ki o kuruşa Fârsîde perâzde³⁸⁸ tesmiye olunur. Ve o kuruşun on dirhemine otuz dirhem zıkr olunan düğ şabb olunur ve leûkan tenâvül olunur. Ve ikinci günde düğdan on dirhem ziyâde ve hubzdan bir dirhem noğşân kılınır ya'ni dokuz dirhem hubza kırk dirhem düğ şabb olunup leûkan isti'mâl olunur. Bu minvâl üzere hubzdan her ikinci günde birer dirhem nakş ederek düğ-ı maḥḍ bâkî kala. Ve kaçan âfiyet zâhir olup ve maraḍ inḥiṭâta varıp düğdan istiğnâ ḥâşıl olsa kışşa kalb olunur ya'ni düğ tenkîş olunup hubz ziyâde olunur, bu minvâl üzere düğ munkatı' olunca kadar saḳy olunur. Ve meslûllerin ba'ḍılarında zereb mevcûd ise onlara saḳy olunan düğa ḥadîd-i muḥmâ mirâren ilkâ olunmakta be's olmaz. Ve zerebi olanlar için ankrâbâdinde zıkr olanlara dahi mürâca'at olunsun.

Ammâ onların ağdiyeleri muğarriyâtta hubz-ı simîd ve iṭriye ve câ-versiyye mişli ağdiyelerdir. Ve erüzz dahi münakḳîdir ve laḥmı münbittir. Ve keşk-i ceyyid-i şa'îrin dahi maṭbûḥu muğarrî ve münakḳîdir ve şiddet-i ḥummâ katında ğidâ-i şâlihtir, 'ale'l-ḥuşûş eṭrâfı netf olunup mâ ile ve remâd ile mükerreren ğasl olunan serâṭânât ile vaşf olunan keşk-i şa'îr taḥḥ oluna ve ḥuşûşan bukûl-i bâride ile ve kezâlik 'ades ile o sereṭanlı keşk-i şa'îr-i mevşûf taḥḥ oluna. Ve neşâ ve ḥıyâr ve biṭṭiḥtan mütteḥaz olan ğidâ nefsi teshîl eder. Eger meslûlde ḥummâ ḥafife ise onlara kerneb ve helyûn gibi bir nâfi' şey' olmaz.

Ve ammâ münakḳıyât-ı nâfi'a bunlardır: Semek merreten ev merretân tenâvül olursa tenkıye cihetinden nef'i olur. Eger kuruşa ḥabîşe ise semek-i mâlihten ve sâir mâlih olanlardan ictinâb olunmak vâcib olur. Eger ğudveten laḥmla tağdiye murâd eder isen ṭayâḥic ve decâc ve ḳanâbir ve 'aşâfir luḥümüyla tağdiye edersin lâkin luḥümü mütenevel olan tıyûr ğayr-i müsemmin olmak gerektir ya'ni kafeslerde beslenmiş olmaya belki şayd olunup isti'mâl oluna. Ve gerektir ki o luḥüm şeyy olunup isti'mâl oluna, zîrâ şeyy ile isti'mâl olunanların tecfîfi ve ilḥâmı ziyâde olur. Ve ekârîc dahi onlara ğidâ-i ceyyid olur lüzücuti ḥasebiyle. Ve kebâb kılınan semek dahi ğidâ-i ceyyid olur.

388 Ba'ḍı nüsaḥta "berâzâde" vâkı' olmuştur.

Kaçan aşhâb-ı sill merekayı iştihâ eyleseler merekaya ‘asel halı olup ba‘dehu o maḥlûṭ ile taḡdiye olunur. Qable’l-ḡidâ ve ba‘de’l-ḡidâ onları ḥammâma idḥâl câiz olur eger kebidlerinde süddeleri yok ise, zîrâ o vaktlerde duḥûl-i ḥammâm onları tesmîn ve taḳviye eder, ammâ onların meş-rûbları yağmur suyu olur.

Bundan aḳdem zîkr olunduḡu üzere aşhâb-ı sille çok kerre nef̣s-i dem ‘arîḳ olur ve o vakte bu ḳurş mişlliler ona nâfi‘ olur: ṫîn-i maḥtûm üç dirhem, neşâ, ṫîn-i Ermenî, verd-i aḥmer her birinden dörder dirhem, kehrübâ, ḥabbu’l-âs her birinden altışar dirhem, sereṫân-ı muḥrak, bezr-i firfir her birinden onar dirhem, büssed, keşîrâ, ṫabâşîr, şâzenec her birinden beşer dihem, şamḡ-ı dūdî,³⁸⁹ ‘uşâretü’s-sūs her birinden yedişer dirhem bu edviyeler aḥz olup baḳlatu’l-ḥamḳâ suyuyla veyâḥûd tâze ve ṫarî gül suyuyla ‘acîn edip ondan ḳurş ittiḥâz olunur ve vakt-i ḥâcette mâ-ı ḳıssâ ile veyâḥûd mâ-ı maṫar ile şûrb olunur.

Ve meslûl olan kimsenin çok kerre lehâtı sâḳıṫa olur o vech ile onda naḥîr ve ḡaṫîṫ zâhir olur ve ba‘ḑı kerre lehâtını ḳaṫ’a ḥâcet olur. Ve mücerrebât-ı nâfi‘adandır nevâḥî-i şadrı şandaleyn ve ṫîn-i maḥtûmla ṫilâ etmek ya‘nî o ṫilâ meslûle nâfi‘ ṫilâdır. [323a]

389 “Şamḡ-ı dūdî” idāfet ile devâ-i vâḥiddir ḥattâ İbn Kütbî der ki الصمغ وهو اي الصمغ العربي صمغ شجرة متشوكة يسميها العرب القرط واجوده الصافي الدودي النقي من الخشب والشوك والنجارة الاصفر الى بياض الشفاف والابيض ايضا جيد

**KİTÂB-I ŞALİŞ FÜNÜNUNDAN ON BİRİNCİ
FENN EMRÂD-I KALBİN VE MU'ALECÂTININ
BEYÂNINDA OLAN KELÂM-I MÜCMELDİR
O DAHİ İKİ MAKÂLEYİ MÜŞTEMİLDİR**

**Maķāle-i Ūlā Onun Mebādīleri Beyānındadır
O Dahi FuşŪlŪ Müştemildir**

Evvelki Faşl Teşrīh-i Kalb Beyānındadır

Kalb āfāttan baʿīd olsun için laħm-ı kavīden maħlūktur, o laħm-ı kavīde ašnāf-ı elyāf müntesicedir ki o ašnāf cemīʿan kavıyyedir ve şedīdü'l-iħ-tilāftır, kimi řavīl-i cezzābdır ve kimi ʿarīd-i deffāʿdır ve kimi müverreb-i māsiktir. Ve bu elyāf kalbde intisācının menfaʿati budur ki onlar ĥasebiyle kalbde ĥarekāt-ı mütenevviʿa-i kavıyye mevcŭde olur.

Ve kalbin miķdār-ı ĥilķati ķadr-i kifāye olur, zīrā ķadr-i kifāyeden ziyāde olsa ondan tekevŭn eden nesnelerde fađl olur ve hem şıķal olur.³⁹⁰ Ve kalbden menābit-i řiryān olup ve ribātin müteʿallıķı olan mevđīʿ azīm ve ʿarīd kılındı menbit nābite vefā eylesin için. Ve menbit olan řaraf-ı ʿarīd eczā-i sāirenin ʿālīsinde kılındı ʿizām-ı řadra ittikā eylemesin için, zīrā ittikā eylese řadrın ĥareket-i inbisāt ve inķıbādında adlāʿ-ı řadrın müteʿezzī olur. Ve kalbin āħiri daķıķ kılındı ĥattā noķta-i vāħıdeye muntehī gibi oldu ʿizām-ı řadra mŭmāsse olan eczā ķalīle olsun için ve o cüzʿ-ı daķıķ fađl şalābet üzere ĥalk olundu o adlāʿa mŭmāsseden o cüzʿ mutađarrır olmasın için. Ve kalbin şekli derc olunup şekl-i řanevber üzere leff olundu süflŭnŭn ve fevķinin hendāmı ĥasen olup ve boş kalmayıp fuđŭle meķān ve maķarr kalmasın için. Ve ĥiřā-i ĥaşafīden bir ĥılāf içinde kalbin cevheri ve laħmiyyeti vedīʿa ve [maħfŭza] kılındı, o ĥılāf ona cŭnne ve viķāye olsun için, zīrā o ĥılāf her ne ķadar aĥşıye cinsinden ise cidden müştāşıf olmakla ona şıħanda ve kalınlıķta ķarīb olur bir ĥiřā olmaz. Ve kalbin cirmi o ĥiřādan bir miķdār müteberrī ve munfaşıl kılındı velāķin aşlına ve ķāʿidesine ķarīb

390 Yaʿnī ervāħ ve dem-i řiryān ve keyfiyyet-i ķuvā mişilliler bedeni tedbīre ķadr-i kifā[ye]den ziyāde olup müfsid olur ve kezālık kalbin cirmi kebīr olsa bedene şıķal ve vebāl olur.

maḥallde ve menbit-i şiryānda ğıṣā cirm-i ḳalbe mümāss ve ğayr-i müteber-rī oldu ḳalb için, min-ğayri ihtināk inbisāt mümkün olsun için.

Ve ḳalbin aṣlında esās gibi ve ğudrūfa ḳalilen müşābih bir ʿudv vardır ve o ʿudv ḳalbin ḳāʿidesidir, cirmin ḥilkatine ve cüsşesine o ḳāʿide veṣīḳa ve müstened olur.

Ve ḳalbde üç baṭn vardır, ikisi baṭn-ı kebīrlerdir ve biri onların aralarında vasaṭ gibidir. Cālīnūs o vasaṭı dehlīz ve menfez ʿadd eder, ona baṭn ıtlāk eylemedi. Ve onun fāidesi ḳalbin cevheri gibi ḳalbin ğıdāsı dahi keṣīf-i ḳavī olur ve o baṭn ona mekān-i müstevdaʿ olur ve dem-i laṭiften ḳalbde tevellüd eden rûḥun maʿdeni olur ve iki kebīr baṭnların arasında mecrā olur ve o mecrā ḳalb ḥareket ḥasebiyle ʿarīḍ oldukta müttesiʿ ve ḳalb uzun olup ʿardına noḳşān geldikte zıkr olunan mecrā munḍamm olur. Ve o iki kebīr baṭnın biri eyemde ve āheri cānib-i eyserde olur.. Ve eyserde olan baṭnın ḳāʿidesi baṭn-ı eyem ḳāʿidesinden keṣīren erfaʿ ve baṭn-ı eyemnin ḳāʿidesi keṣīren enzel ve esfel olur.

Ve ʿurūḳ-ı davārib yaʿnī şerāyīn iki şıfāklı ve iki kat ḥalk olundu lākin şerāyīnden biri bir şıfāk ve bir kat ḥalk olundu.³⁹¹ Ve iki şıfāklı olanların iç tarafında olan şıfāk taṣrada olan şıfāktan aşleb kılındı, zīrā ḍarebān şıfāk-ı müstebṭına mülākī olur ve ḥıfz [ve] ḥirāseti mühimm olan cevher-i rûḥun ḥareket-i ḳaviyyesi o şıfāk-ı müstebṭın içinde vāḳiʿ ve mümāss olur, pes şiyāneti ehem olan ervāḥa ḥırz-ı ḳavī ve mecrā-yı şedīd ü müteḥammil olsun için şedīden şalābet üzere kılındı.

Ve şerāyīnin menbiti ḳalbde olan iki tecfiften tecvīf-i eyser kılındı, zīrā tecvīf-i eyem kevide tecvīf-i eyserden ḳarībdır ve ona lāyık olan kebiden ğıdā cezbine meşğul olup o ğıdāyı istiʿmāl eylemektir. Pes baṭn-ı eyem ğıdā-i ğalīzi ḥāvī ve baṭn-ı eyser dem-i şiryān-ı raḳīḳi ve ervāḥ-ı laṭıfeyi ḥāvī olmakla beynehümāda teʿādül olmadı, teʿādül bulunsun için ğıdā-i ğalīzi ḥāvī olan baṭn-ı eyem raḳīḳ ve vāsiʿ kılındı ve ervāḥı ve meded-i ervāḥ olan dem-i şiryān-ı raḳīḳi ḥāvī olan baṭn-ı eyser ğalīz ve aḍyaḳ kılındı.³⁹²

391 Bir şıfāklı olan şiryān riyyeye muḥālīṭ olan şiryāndır ki ona şiryān-ı verīdī derler.

392 ḳalbin ğıdāsı ğalīzdır ve demin ve bi'l-cümle keymūsun laṭıfī baṭn-ı vasaṭa müncezb olup onda ziyāde telatṭuf eder baʿdehu baṭn-ı eysere müncezb olup ṭabḥ oldukta ervāḥ tekevvün eder, pes baṭn-ı evsaṭta olan dem iki baṭn-ı kebīrlere nisbet ile vasaṭı'l-hāl olur.

Ve baṭn-ı eymenin ḥāvîsi raḳîḳ ve maḥvîsi ğalîz olup baṭn-ı eyser ʿaks üzere olmakla beynehümâda teʿādül ḥâşıl oldu. Ve baṭn-ı eymenin maḥvîsi ğalîz ve keşif olmakla her ne kadar ḥāvîsi raḳîḳ ise ondan tereşşuḥ ve tefeşşî ḥavfî zâil oldu. Ve baṭn-ı eyserin maḥvîsi her ne kadar ervâḥ-ı laṭîfe ise ḥāvîsi ğalîz olmakla tereşşuḥ ve tefeşşîden emn ḥâşıl oldu. Ve dem-i ḳalbin aʿdeli vasatta olan tecvifte kılındı.

Ve ḳalbin iki zâidesi vardır, o zâidenin birisi ḳalbe dâḥil olan demin medḥalinde ve âḫeri ḳalbe dâḥil olan nesîmin medḥalinde vâkıʿ olmuştur; o iki zâide iki kulak mişâlındedir, cirm-i ʿaşabilerdir ve ḳalbin inḳibâdı ḥâlinde o iki zâide müsterḫî ve mütefaşşî olup ʿuḍv-ı âḫer gibi olurlar ve kaçan ḳalb münbasıṭ olsa tevâtür ederler ve ḳalbe iʿânet edip zamân-ı inbisâtta muḫtevî olduğu eşyâyı ḥaşr ve ḥabs ederler. Ve o iki zâide ḳalbin ḥazînesi gibidir, evʿıye-i sâireden ḳalbin mühimmâtını ḳabûl edip baʿdehu kifâyet miḳdârı ḳalbe irsâl ederler. Ve o iki zâide raḳîḳ-i şulb kılındı inḳibâda icâbeti aḫsen olup maḥvîsini iḫtivâsı muḫkem olsun için ve infîʿâlâttan dahi ebʿad olsun için.

Ve ḳalb ḳuvâ-yı ṭabîʿiyyesi ḥasebiyle iġtidâ eder ve ğidâsı olan demi inbisâtla dâḥiline havâyı cezb eylediği gibi cezb eder.

Ve şadın vasatı aʿdel-i mevâdıʿ olmakla ḳalbin mevđîʿi şadın vasatı kılındı velâkin kebidin mekânına siʿa ḥâşıl olsun için bir miḳdâr kebiden tevʿid olunup şadın yesârına miḳdâr-ı yesîr ḳalb meyl ettirildi. Ammâ tıḫâlin mevđîʿi mevđîʿ-i ḳallden keşiren enzel ve esfeldir. Ve tıḫâlin ḳallden ebʿad ve keşiren enzel olduğunun fâidesini inşâallâhu taʿâlâ biz zıkr eyleriz. Ve kebid ʿuḍv-ı şerîf olup tıḫâlden efḍal olmakla ḳalbin mekân-ı kebidî tevsvîʿi mekân-ı tıḫâli tevsvîʿi üzere terciḥ olunup yesâr cânibine ḳalb meyl ettirildi yaʿnî kebid miʿdeyi cânib-i yemînden muḫtevî ve tıḫâl cânib-i yesârın esfelinden muḫtevî olmakla ḳalbi cihet-i yesâra imâle olunup kebidin mekânı tevsvîʿ ve tıḫâlin mekânı tadyîḳ olundu, ḳalb vasat-ı ḥaḳîḳide kılınıp iki mekân berâber kılınmadı.³⁹³ Ve ḳalbi cânib-i eymene imâlenin vech-i âḫeri budur ki ḳalb ile kebiden her biri ʿuḍv-ı ḥârrlardır, eger ḳalb cânib-i yesâra imâle olunmasa bedenden şıḳḳ-ı eymen şıḳḳ-ı eyserden aḫrâ olurdu

393 Kebid miʿdeyi cânib-i eymenin fevḳinden müştemildir ve tıḫâl miʿdeyi sol taraf-ı esfelinden müştemildir.

ve kezâlik cânib-i eyserde olan tihâl mefrag-ı sevdâ olup ve sevdâ hılt-ı bârid olmakla şıkk-ı eysere tihâlin ihdâs eylediği bürüdeti kalbi cihet-i yesâra imâle ile ta'dil olundu. Ve bir vech dahi budur ki kebiddeden nâbit olan ırk-ı ecvefe kalbin cihet-i yesâra meyli ile müzâhamesi olmaz ve ecvefin mekânı tevessu' eder.

Tavşan ve geyik gibi ba'dı hayvânâtın kulübü kebîr olur ve ma'a-hâzâ cebân olurlar, onun sebebi budur ki onların harâret-i kulübları kalîledir ve cirm-i kebîri harâret-i kalîle teşhîn eylemez belki cirm-i kebîr içinde harâret fâş olup dağılır ve teşhîni kalîl olur ve bürüdetten cübn hâşıl olur. Ve ba'dı hayvânın kalbi şağîr velâkin cerî ve cesûr olur onun için ki onların harâret-i kulübları keşîre olur ve cirm-i şağîrde harâret-i keşîre muhtekime olup ondan iştidâd hâdiş olur lâkin ekser-i hâlde cerî olan hayvânın kalbi a'zîm olur.

Ve kalb elemi ve veremi kabûl eylemez, onun için [323b] zebh olunan hayvânların biri me'ûfu'l-kalb bulunmaz; sair uduvlarında âfet olanların dahi kalbi selîm olur.

Ve kebîrû'l-cüsse olan hayvânların ba'dılarının huşûşan sîrânın³⁹⁴ kulübunda kemik bulunur³⁹⁵ ve o kemik güdrüfiyyete mâildir. Ve kalbde bulunan o mişli a'zâmın ekberi ve a'zamı ve ziyâde şalâbetlisi kalb-i filde bulunan a'zamdır. Ve maymûnun ba'dılarının kalbi iki başlı bulunur. Ve kalbde hayâtın kuvveti hasebiyle kaçan hayvânından kalb sell olursa hayâtın onda bekası hasebiyle müddet-i vâfire meslûl olan kalb mücellâ ve mübeyyâd bâkî kalır, ba'de-zamânin mütegayyir olur.

Ve ba'dılar zann eylediler ki kalb a'daledir, o kimseler ha'tâ eylediler belki her ne kadar kalb a'dale müşâbih ise³⁹⁶ lâkin hareketi gayr-i irâdiyyedir ya'nî a'dal-i ha'kîkî olsa kalbin hareketi irâdiyye olur idi, kalbin gayr-i irâdiyyesi olması a'dal olmadığına delâlet eder.³⁹⁷

394 “Sîrân” “sevr”in cem'idir, öktüzdür.

395 Zîkr olunan a'zâm kalbin kâ'idesinde.

396 Vech-i müşâbeh budur ki kalbde elyâf-ı keşîre münşecce ve fûrceleri lahm-ı kavî ile mümteledir, nitekim a'dal dahi bu minvâl üzeredir.

397 Ve kezâlik a'dalın kuvve-i muharrikesi dimâgdandır, kalbin hareketi dimâğî değildir hattâ dimâğa âfet işâbet eylese kalbin hareketi munka'tı'a olmaz. Bu hâl delâlet eder ki hareket-i kalb dimâğ hasebiyle değildir, eger dimâğî ise dahi kalbde ta'karrür etmiştir ki merdin inkı'tâ'ı ile munka'tı'a olmaz. Ve Qarşî hareket-i kalbe irâdiyye-i tabî'î tesmiye eder.

İkinci Faşl Qalbin Emrâdı Beyânındadır

Qalbe aşnâf-ı emrâdın küllîsi ʿarıda olup qalbin hâşşaları meʿûf ve müteğayyir olur, sâir aʿdâya emrâd ʿarıda oldukta o aʿdânın efʿâli müteğayyire olduğu gibi. Ve sū-i mizâcât aşnâfının küllîsi dahi qalbe bi-mâddetin ve bilâ-mâddetin ʿarıda olur. Ve sū-i mizâcın mâddesi qalbin ʿurûkunda olur veyâhüd qalbin cirmi ile gılâfı arasında olur, ʿale'l-ḥuşuş mâdde-i ruṭûbet qalb ile gılâf arasında keşîrû'l-vuḳûc olur. Ve maʿlûmdur ki o arada olan ruṭûbet keşîre oldukta qalbin inbisâtını dâğıta olur. Ve baʿdı kerre qalbe evrâm ve süded dahi ʿarıda olur. Ve baʿdı kerre ona emrâd-ı vaḍc dahi ʿarıda olur mizâcında inbisâtın mâniʿ ruṭûbet oldukta ihtinâk gibi ve bu ihtinâk kıttâl olur ve inḥilâl-i ferd gibi ve o inḥilâl baʿdı kerre qalbin cevherine ve baʿdı kerre gılâfına ʿarıd olup ittişâlleri müteferriḳ olur.

Ve kaçan qalbin sū-i mizâcı müstaḥkem olsa ʿilâcı qabûl eylemez ve sū-i mizâc müstaḥkem olmasa her ne kadar qâbil-i ʿilâc olur ise velâkin sühûlet ile qabûl eylemez, onun ʿilâcı şurûbet ile olur. Ona verem-i ḥârr işâbet eylese fi'l-ḥâl kıttâl olur ve verem-i bârid baʿdı kerre baʿde-buʿdin kıttâl eder yaʿnî baʿdı kerre fi'l-ḥâl ve baʿdı kerre baʿde-buʿdin kıttâl eder. Ve qalbde verem-i şulb ve verem-i rıḥvın ḥudûsu nâdirû'l-vuḳûc [olur] belki o veremlerin ḥudûsu gâliben gılâfa olur. Ve eger bi-ḥasebi'l-ittifâk o bârid veremler cevher-i qalbe ʿarıd olsa verem-i ḥârrın vaḥyen kıttâl gibi vaḥyen yaʿnî fi'l-ḥâl kıttâl eylemez ve maʿa-hâzâ kıttâldır.

Ve baʿdı kerre qalbin gılâfında ḥılt-ı gâlîz ʿarıd olan verem-i şulb veyâhüd ḥılt-ı mâiden ʿarıd olan verem-i müneffîṭ ü ğayr-i şulb bir müddet imhâl eder, vaḥyen kıttâl eylemez ve bu mişlli verem kulûb-ı kırdı yaʿnî maymûnda keşîrû'l-vuḳûc olur ve kıttâl vaḥyen olmaz belki meliyyen³⁹⁸ kıttâl eder. Ve Câlînûs ḥikâye eder ki kırdın gılâf-ı qalbine zıkr olunan verem işâbet edip kırd naḥîf ve daʿîf olur ve meliyyen o kırd ʿayş eder ve helâk olduktan sonra teşriḥ olunup nazâr olundukta gılâf-ı qalbinde zıkr olunan verem iḥsâs ve müşâhede olunur ve zıkr olunan aḥkâm ondan istinbâṭ olunur. Ve kaçan bu taḳrîrden qalbin veremi taḥammül eylemediği zâhir oldu

398 المَلِيَّةُ [el-meliyy] (mîmin fetḥi ve yânın teşdîdi ile) zamândan bir miqdâr ki tûl ile muttaşîf ola; yukâlu: وَأَهْجَزَنِي مَلِيَّةً أَي طَوِيلًا وَمَضَى قَالَاللَّهُ تَعَالَى أَفَامَ مَلِيَّةً مِنَ الدَّهْرِ Vankulu. مَلِيَّةٌ مِّنَ النَّهَارِ أَي سَاعَةٌ طَوِيلَةٌ

ise verem-i kalbin tecemmu^c ve tekeyyuhu mümkün olmadığı bi-tarîki'l-ülâ sâbit olur.

Ve kaçan kalbin mütehammil olduğu besre gibi kalbde kurûh hâdis olsa e^tibbânın zıkr eyledikleri üzere o kimseye ru^câf-ı esved ârid olup ba^cdehu katl eder. Ve ba^cdı kerre kalbin urûkuna süded ârida olup ef^câl-i kalbe dararı olur.

Ve kalbin in^chilâl-i ferdi kabülü kalbin veremi kabülünden eb^cad olur ve kaçan kalbe in^chilâl-i ferd ârid olup onun teferruku bu^tün-ı tecâvife nüfûz eylese fi'l-hâl katl eder ve eger o teferruk bu^tüne nüfûz eylemez ise ba^cdı kerre yevm-i sâniye helâki te^cehhur eder.

Ve ba^cdı kerre kalbe emrâd gılâfına müşâreket ile ârid olur ve dimâg ve cenb ve riye ve kebid ve mi^câ ve a^cşâ-i sâire müşâreketleri hasebiyle dahi ârida olur huşûşan mi^cde müşâreketiyle kalbe emrâd urûdu keşir olur. Ve a^cdâ-i uhrâ ve cem^can beden müşâreketiyle dahi ârid olur, nevâibinin ve bu^chârâtının ta^chakku^cu katında hummayâtta kalbe urûdu olan marad gibi.

Ve a^cdâ-i uhrâ müşâreketiyle kalbe ârid olan maradın ba^cdı kerre sebebi munkatı^c olur. O in^ckı^tâ^c kebid müşâreketiyle kalbe hâdis olan maradda olur, zîrâ kebid ba^cdı kerre da^cif olup kalbe tevcih-i gıdâdan âciz olur ve ona binâen kalbe bilâ-gıdâ bâkî kalmakla âfet işâbet eder ve kebidin da^cfi zâil oldukta o sebep munkatı^c olur. Ve kezâlik dimâg müşâreketiyle kalbe ârida olan emrâdın dahi esbâbı munkatı^ca olur, zîrâ ba^cdı kerre dimâga da^cf gelip âdal-i teneffüs dahi da^cif olur ve qadr-i kifâye nefes bulunmamakla kalbe âfet işâbet eder ve dimâgdan da^cfin zevâli ile sebep munkatı^c olur. Ve ba^cdı kerre kalbin u^cdv-ı âhere müşâreketiyle olan maradı u^cdv-ı âherden kalbe te^ceddî eden nesnelere olur:

Ammâ dimâgdan te^ceddî bu vechledir ki dimâgda hılt-ı sevdâvî keşir olur ve şerâyîn tarîkînden o hılt-ı sevdâvî kalbe nâfiz olup hafa^cânı tehyic ve ta^chrik eder ve kezâlik kuvveti ışkât ve gamm irâş eder ve sû-i fikrden ve hemmden bir hâyc hâdis olur. Ve kezâlik dimâgda müctemi^c ve keşir olan hılt-ı ra^tb dahi zıkr olunan sebilden sülûk ve kalbe du^chûl eyledikte o hılt belâdet ve kesel ve sukû^t-ı neşât ihdâş eder.

Ammâ kebid kalbe dem-i rediyy-i hârr veyâ^chûd rediyy-i bârid ve rediyy-i gâlîz dem irsâl eder ve onlara münâsib âfet kalbe ârid olur.

Ve ba'đı kerre albin uđv-ı āherer mşārekeri uđv-ı āherin ezāsından alb bi'l-mcāvere mte'ezzī olmakla olur ya'nī uđv-ı āherden keyfiyyet-i ezādan ayri nesne te'ezzī eylemez, te'ezzī eden ancak keyfiyyet-i ezā olur, meşelā albin ilāfında hārr ve bārid veremlerin biri hādiş olur ise ona mşāreker ile alb dahi mte'ezzī olur hşūşan aşā-i sāirenin te'ezzīsini ile alb mte'ezzī olur. Ve mi'cenin hlt-ı lezzic-i lezzā'dan veyāhūd dīdān ve habbu'l-ar' ve ay-ı lāzi' ile te'ezzīsinden dahi alb mte'ezzī olup albe hāfaān 'arīd olur. Ve ba'đı kerre dahi uđv-ı āherde olan veca'a mşāreker hasebiyle alb mte'ezzī olur, zīrā uđv-ı āherin veca'ı mştedd oldukta albe mntehī olur ve ok kerre albe mntehī olan veca' attāl olur.

Ve ba'đı kerre hnā ve zātü'l-cenb ve zātü'r-riyede mādde intikāl et-tikte albe meyl eder ve o māddeden hāni hādiş olup atl eder. Ve alb ile albin ilāfı beyninde vāi' olan mşārekerden helāk muhtemm ve vācib olmaz her ne adar şirki olan āfet hārr olmayan verem olur ise. Eger ilāfın veremi hārr olup alb ona mşārik olur ise lā-mahāle atl eder. Ve ba'đı kerre fem-i mi'cede ihilāc hādiş olup o ihilāc albe de zann olunur.³⁹⁹

Üçüncü Faşl O Vücüh Beyānındadır ki Onunla Avāl-i albe İstidlāl Olunur

Ve onlar sekiz vechtir: nabđ ve nefes ve hlat-ı şadr ve melmes-i beden ve 'avārīd-ı beden ve alā ve uvvet-i beden veyāhūd đāf-ı beden ve evhāmdir.

Ammā nabđdan me'hūz olan istidlāl budur ki nabđın sūrati ve 'ızamı ve tevātürü albin hāreterine delālet eder ve bu nabđların addādı bürüdete delālet eder. Ve nabđın līni ruübet ve şalābeti yübüsete delālet eder. Ve avī ve müstevī nabđ ve kezālīk muhtelif olup ihilāfı nizām üzere olan nabđ albin şihatine delālet eder ve onların addādı olan nabđ hlāf-ı şihate delālet eder.

'Azīm ve serī' ve mtevātir ve hārr olan nefesler dahi albin hāreterine ve onların [324a] addādı albin bürüdetine delālet eder.

Ve şadr vāsī' ve 'arīd olup re's şāir veyāhūd mtevassıtu'l-hāl olsa ve nabđda dahi uvvet olsa hāreter-i albe delālet eder. Ve şadr đayyī olup

399 Onun için 'avāmm o ihilāca hāfaān derler.

re's şağîr olmasa qalbin bürüdetine delâlet eder. Ve ba'đı kerre re's kebîr olduğundan dimâğın keşretine istidlâl olunur. Ve dimâğın keşret ve kibe-ri nuhâ'ın 'ızamını icâb eder ve nuhâ'ın 'ızamı fekârâtın 'ızamını ve fekârâtın 'ızamı fekârâttan nâbite olan adlâ'ın 'ızamını icâb eder. Adlâ'ın 'azîm ve şadrın vâsi' olduğu bu şürette harâret-i qalbe delâlet eylemez. Ve bu kıyâs üzere şağîrî'r-re's ve 'd-dimâğ olan kimsenin đıķ-ı şadrı dahi bürüde-te delâlet eylemez belki şadrın đıķını dimâğın kıletti iktidâ eder, bürüdetin onda medhali olmaz.

Ve şadr üzere nâbit olan şa'r-ı keşîr huşûşan o şa'r-ı keşîrin ca'd ve kı-ıvırcık olduğu qalbin harâretine delâlet eder. Ve şadrın ecred ya'nî tüysüz olduğu ve şadr[ın] kılet-i şa'rı qalbin bürüdetine ve şa'rı fâ'il olan harâ-retin 'ademine veyâhüd qalbin yübüsetine delâlet eder, zîrâ *mâdde-i şa'r duhândır ve duhân ruḡubetin tabḡından hâdiḡ olur, kaçan ruḡubet bulun-masa duhân dahi bulunmaz ve şa'r dahi nâbit olmaz*. Ve kaçan şadrı ecred olup velâkin bi'l-cümle beden mizâcı raḡb olsa veyâhüd havâ ve beled ve sinnin şadrdâ şa'r olmamak mu'tâdı olsa o zamân şadrın ecred olması yübüset-i qalbe delâlet eylemez.

Ve kaçan cemî'an beden hârr olsa qalbin harâretine istidlâl olunur. *Qalb hârr oldukta cemî'an bedeni teshîn eylemek lâzım olur ve lâzımın vücudu müşâhede olundukta melzûmun vücüduna istidlâl olunur.* Ve ba'đı kerre cemî'an beden hârr velâkin tıḡâl ve kebid bârid olur, *o şürette harâret-i beden ile qalbin harâretine istidlâl olunmaz, zîrâ tıḡâl ve kebi-din bürüdeti qalbin harâretini ta'dîl eder ve qalbin harâret-i mu'tedilesi cemî'an bedeni kadr-i tabḡiden ekşer teshîn eylemez ve ma'lûm olur ki cemî'an beden harâret-i zâidesi harâret-i ġarîbedir, qalbin ġarîziyyesi hasebiyle deġildir.*

Ve bi'l-cümle beden bürüdeti ile qalbin bürüdetine istidlâl olunur ve bu istidlâl qalbin bürüdetine kebidin harâretinin ednâ muķâvemeti olmadığı vakitte olur.

Ve beden lîni ile qalbin ruḡubetine istidlâl olunur eger kebidin ruḡu-bet-i qalbe ednâ muķâvemeti olmaz ise.

Ve beden şalâbeti ile kebidin yübüsetine istidlâl olunur o qalbin yü-büsetine kebid muķâvemet eylemez ise.

Bu maqâmda zikr olunan mesâilde muşannif kelâmını icmâl eyledi ve şüret-i ülâda fehmi âsân olsun için biz tafşil üzere tercüme edip şuver-i bâkıyede itnâbdan taharrüzen mukâyeseye havâle edip tercümeyi icmâl eyledik, zîrâ şüret-i mufaşşala tarrüf olundukta bâkîleri dahi ondan istinbât olunur.

Bir kimsede hummayât-ı ‘afine oluplâkin kebidî şahîh ve sâlim olsa o hummâ delâlet eder ki onun kalbi hârr-ı raşbdır.

Ammâ ahlâktan me’hûz olan ahvâl-i kalbin edillesi o gâdab ki tabîrî olup ve itiyâd hasebiyle olmaya. Ve kezâlik hared⁴⁰⁰ ve mehâlike ikdâm ve hiffet-i harekât ile kalbin harâretine istidlâl olunur. Ve bu delâilin addâdî bürüdete delâlet eder eger evhâmdan ve mu’tâddan değil ise.

Ve bedenî kuvvetiyle dahi kuvvet-i kalbe istidlâl olunur. Ve bedenî da‘fı dimâg ve a‘şâbda olan âfet hasebiyle değil ise kalbin da‘fına ve kalbin da‘fı kalbin sū-i mizâcına delâlet eder. Ve kezâlik kalbin kuvveti kalbin mizâcının itidâl-i tabîrsine delâlet eder. Ve kalbin itidâl-i tabîrsi hârr-ı gârizînin ve rûh-ı hayvânînin kalbde kesreti olup ve gâyr-i mültehibe ve ve gâyr-i muddahane olup nûrânî ve şâf olmakla olur. Ammâ harâret-i ‘arađiyye iltihâba ve çacer-i nefese delâlet eder. Ve ba‘dı kerre ‘arađiyye harâret nefeste âfete mü‘eddî olur.

Ammâ evhâmdan me’hûz olan edille eger evhâm feraha mâile ve tül-i emele ve hüsn-i recâya dahi mâile olur ise o nesnelere meyli miqdârı kuvvet-i kalbe ve harâret ve ru‘ubette kalbin itidâline delâlet eder. Ammâ evhâm ihâşa ve izâyâ mâile ise harâret-i kalbe delâlet eder ve gâmm ve havfa mâile ise kalbin berd ve yübsüne delâlet eder. Ammâ o ahvâl ki nefsi kalbde ihşâs olunur, meşelâ kalbe iltihâb ve hafakân ‘urûdu ihşâs olunur, onların ba‘dısı bi-infirâdihi kalbin mizâcına delâlet eder iltihâbın harâret-i kalbe delâleti gibi ve ba‘dı uhrâ karîne-i uhrâ ile kalbin mizâcına delâlet eder hafakân gibi, zîrâ kalbin cemî’an sū-i mizâcâtı envâ’ında hafakân-ı kalb ‘arıd olur, sū-i mizâc-ı hâşşa delâleti olmaz. Ve çok kerre dahi hiss-i kalbin kuvveti ve zekâsı ile ednâ vehmden ve buhâr-ı kalîl mişlilerden hafakân ‘arıd olur.

400 “Hared” şiddet-i gâdabdır; yukâlu: حرد حرد الأسد

Ve ba'ḍı kerre dahi emrâḍ-ı kalb a'ḍâ-ı uhrâya müşâreket ile 'arîḍ olur huşuşan re'se ve fem-i mi'deye müşâreket ile kalbe emrâḍ 'arîḍ olduğu keşir olur. Ve emrâḍ-ı dimâğdan mâlîhülyâ ve şarḥ mişlli olan maraḍlar kalbe müşâreketten hâlî olmazlar. Ve ba'ḍı kerre zâtü'l-cenb ve zâtü'r-riye mişlli maraḍlardan kalbe onların mevâddı intikâl eder ve o intikâl 'aṭab-ı⁴⁰¹ 'azîme mü'eddi olur, mühliktir. Ve kaçan ahlâṭ qadr-i vâcibden nokşân olur ise onun maḍarratı evvelâ kalbe işâbet edip kalbin mizâcı müteğayyir olur; ḥarr-ı şırf ve berd-i şırfıtan hangisi qable't-ta'dîl kalbe vâşıl olsa o kalbin şâhibi helâk olur. Ve ba'ḍı kerre sen maşrûdu ya'nî serî'an berdi qabûl eden kimseyi görürsün ki tekellüm eylerken fevt ve helâk olur ve onun helâki gâhice 'araḳ ile olur ya'nî sovuḳ ter dökerek olur gâhice bi-ğayri 'araḳın helâk olur. *Bu tercümenin Qânûn'da olan 'ibâreti budur: وربما رأيت المصدر إنتهآ يتكلم وقد مات بعرق وبغير عرق*

Qalbin Emzice-i Tabîleri Beyânındadır

Qalbin mizâc-ı tabî'si ḥarr olduğuna delâlet eder bi-ḥasebi'l-hilkat şadırın si'ası, lâkin zikri mürür eylediği üzere bu delâlet dimâğ kebîr olmadığı şürette olur. Ve kezâlik ḥarâret-i kalbe delâlet eder nabḍ-ı tabî'nin 'izâmı ve tevâtür ve sür'ate meyli ve şadr üzere şa'ırın keşreti ve huşuşan şadrın miqdâr-ı kalîl sola mâil olduğu maḥallde tüylerin keşreti lâkin şadrı ba'ḍı kerre uḍv-ı âḫer cidden ve şedîden tertîb etmekle tüyler keşir olur her ne kadar kalbde ifrâṭ üzere ḥarâret yok ise ve bu şürette şadrın şa'ır ḥarâret-i kalbe delâlet eylemez. Ve kezâlik ḥarâret-i kalbde beled ve havâ ve şiddet-i gâḍab ve mehâlike ikdâm ve hüsn-i zann ve füşhatü'l-emel delâlet eder. Ve dimâğ ḥasebiyle olmayan 'izâm-ı şadr dahi delâlet eder deyildi.

Ammâ kalbin mizâc-ı tabî'si bârid idiğinin edillesi şıgar-ı re'sten nâşî olmayan dîk-ı şadr ve nabî tabî'nin şıgarı ve buṭ ve tefâvüte meyli ve kesel ve lâ-bi't-taḥalluk ve'r-riyâdet ḥilm ve ahlâḳ-ı nisâya müşâbih ḥulḳ ve deheş ve ḥayret ve belâdet ve muḥaḳḳarâttan infi'âl ve bedenin cemî'an bürüdeti olur.

401 “Aṭab” bi-ma'na'l-helâk.

Ve qalbin mizâcının ruṭûbeti ʿalâmetleri lîn-i nabḍ ve vâridât-ı muğḍıbe veyâḥûd vâridât-ı müfriḥadan sūrʿat-i infîʿâl ve ğaḍab ve feraḥın sūrʿat-i inşirâfı ve cildin ruṭûbeti olur. Lâkin zikri mürûr eylediği üzere cildin ruṭûbetinin ruṭûbet-i qalbe delâleti kebidin ʿadem-i muḳâvemeti şüretinde olur.

Ammâ mizâc-ı qalbin yübüseti ʿalâmetleri şalâbet-i nabḍ ve buṭ-ı infîʿâl ve buṭ-ı sükûn ve ahlâkı sibâʿ ahlâkı gibi olmak ve yübs-i beden olur. Ve yübs-i beden yübüsete delâleti zikri mürûr eylediği üzere kebidin ʿadem-i muḳâvemeti şüretinde [324b] olur.

Ve mizâc-ı qalbin ḥârr-ı yâbis olduğunun ʿalâmetleri bir miḳdâr nabḍın ʿızamı olur ve vech-i delâlet budur ki nabḍın ʿazîm olduğu ḥâcet ḥasebiyle olur ve ḥâcet qalbin ḥarâreti zamânında olur velâkin ʿızam-ı nabḍ kemâl üzere olmayıp nâḳış olduğu âletin yübsünden ve âletin yübsü qalbin yübsünden olur. Ve nabḍ-ı serîʿ ḥuşuşan inḳıbâda mâil sūrʿat ve nabḍ-ı mütevâtir ve nefes-i ʿazîm ü serîʿ ḥuşuşan iḥrâc-ı havâ katında tevâtür ve şerâset-i ḥulḳ⁴⁰² ve veḳâḥat⁴⁰³ ve ḥarekâtta ḥıffet ve celâdet ve sūrʿat-i ğaḍab ḥarâret ḥasebiyle olur; cemîʿan onları fâʿil ḥarârettir. Ve buṭ-ı rıḍânın fâʿili yübüsettir. Ve şadrda keşret-i şaʿr ve o şaʿrın keşâfeti yübs-i mâdde ḥasebiyledir. Ve cuʿüdet-i şaʿr ve ḥarâret-i melmes ve yübs-i melmes cemîʿan bunlar mizâc-ı qalbin ḥârr-ı yâbis olduklarına delâlet eder. Ve beyân olunduğu üzere kimi ḥarârete ve kimi yübüsete delâlet eylediği iki nevʿ ʿalâmetler müctemîʿa olsa lâ-maḥâle mizâc-ı qalib ḥârr-ı yâbis olduğuna delâlet eder.

Ammâ mizâc-ı qalbin ḥârr-ı raṭb olduğunun ʿalâmâtı şaʿr onda eḳall olur ve şadr ziyâde ʿarîḍ olur, nabḍ aʿzam olur velâkin elyen olur ve sūrʿat ve tevâtürü mizâc-ı yâbiste olan sūrʿat ve tevâtürden eḳall olur eger ḥarârette müsâvî olur ise. Ve mizâc-ı raṭbda ğaḍab sūrʿat üzere ḥâdiş olur lâkin şedîd olmaz. Ve melmes-i beden ḥârr-ı raṭb olur eger kebidin bürde muḳâvemeti şedîde olmayıp ve ruṭûbette dahi bilâ-iştirâṭı'ş-şidde muḳâvemeti olmaz ise. Ve ḥârr-ı raṭb olan qalbde emrâḍ-ı ʿufûnet keşîre olur.

Ammâ qalbin bârid-i raṭb olduğunun ʿalâmeti budur ki onun nabḍı şıḡara mâil olur, ʿazîm olmaz ve leyyin olup serîʿ ve mütevâtir olmaz belki

402 أَلشَّرَاسَةُ [eş-şerâset] (şîn'in fethi ile) Bed-hü olmak. Vankulu.

403 Ve وَقَاحَةٌ [veḳâḥat] kıllit-i ḥayâ maʿnâsına da gelir. Vankulu.

mizâclarının meblağı hasebiyle buṭ ve tefâvüte meyli olur ve o ḳalbin şâhibi keslân ve cebân ve ʿâciz olup meyyitü'n-neşâṭ ve ecred olur, ḥaḳûd ve ğadûb olmaz. Ve eger teşhîn-i şedîd ile ve tecfîfün-mâ ile kebid muḳâvemmet eylemez ise onun bedeni bârid-i raṭb olur. Ve mizâc-ı ḳalbin bârid-i raṭb olduğunun ʿalâmâtı onun şâhibinin nabḍı kellâ nabḍ-ı müteḳaddimin buṭu kadar olmaz ve ğadabı baṭı olur ve bedeni ecred olup bârid-i yâbis olur eger kebid teşhîn-i keşir ve tertîb-i ḳalîl ile muḳâvemmet eylemez ise.

Dördüncü Faşl Emrâḍ-ı ḳalbin ʿalâmâtı Beyânındadır

Emzice-i ḳalbin ğayr-i ṭabîrî olanlarının delâili ve ʿalâmâtı emrâḍ-ı ḳalbin ʿalâmâtından maʿdûd olur. Ve ḳalbin sūṣ-i mizâcî ʿalâmetleri bunlardır: ḍâf ve kuvvetin inḥilâli ve o zevebân ki sebeb-i bâdiye ve sebeb-i bâbîka veyâḥûd müşâreket-i ʿudva mensûb olmaya. Ve bu delâilin maʿiyetinde ḥafaḳân dahi mevcûde ise delâlet-i mezkûre tâmmen olup ḳalb sey-yiü'l-mizâc olduğunda iştibâh kalmaz. Ve eger sūṣ-i mizâc ğaşye müʿeddî olursa o sūṣ-i mizâc müstaḥkem olduğuna delâlet eder.

Ve ḳalb üzere sūṣ-i mizâc bârid veyâḥûd ḥârr veyâḥûd yâbis-i ḳavî olsa ve o emzice mâddeye muḳârin olsa beden ṭarîḳ-i silli aḥz ve zevebâna sâlik olur.

Eger o ğâlib olan mizâc ḥârr olur ise ondan muṭlaḳan dıḳḳ ḥâdiş olur. Ve mizâc-ı bârid hasebiyle ḥâdiş olan dıḳḳ meşâyıḥa ve heremi olanlara nisbet olunup dıḳḳ-ı şeyḥühî tesmiye olunur. Ve mizâc-ı yâbis hasebiyle ḥâdiş olan dıḳḳ silli maraḍından bir nevʿ olur. Ve cemîʿan dıḳḳın aşnâfı riye hasebiyle olan maraḍ-ı sille muḥâlif olur, zîrâ dıḳḳın aşnâf-ı mezkûresinde nefsi riye meʿûfe olmaz ve o aşnâf-ı dıḳḳın birinde dahi suʿâl olmaz. Ve bürüdetten ve yübüsetten ḥâdiş olan dıḳḳ dıḳḳ-ı ḥârra ʿadem-i ḥarâret ile muḥâlif olur.

Ve ḳalbe sūṣ-i mizâc-ı ḥârr ʿarîḍ olduğunun ʿalâmetleri bunlardır: O sūṣ-i mizâc-ı ḥârrı olan ḳalbin şâhibinde nabḍ sürʿat ve tevâtürde ḳadr-i ṭabîrîden ziyâde olur ve nefes dahi ḳadr-i ṭabîrîden ziyâde ʿızama ve sürʿate ve tevâtüre ḥurûc eder ve onda ʿaṭaş ziyâde olur ve ʿaṭaşı havâ-i bârid istinşâkıyla teskîn olur ve berd ile istirâhata mâil olur ve nuḥûlü ʿâmm olup ve sebeb-i âḥer yok iken bedeni zevebân eder ve iltihâba muḥâlif ḡamm ve kerbi olur.

Ammâ kalbin sū²-i mizâc-ı bāridinin ʿalāmetleri budur ki onun nabđı şığara ve buṭ ve tefāvüte ʿadri-ı tabī²den ziyāde meyl eder lākin kuvvet sākıta olur ise bi'l-ıdṭırār tevātür eder, buṭ ve şıgar hasebiyle fevt olan ḥāceti o tevātür ile tedārük eder ve o kimsede nefes-i ḍāf ve inḥilāl-i kuvvet olur ve melmesinde ve şemm ve zevkünde ḥarāret olan nesnelere ile istirāhata meyl olur ve tefezzu² ve cübñü ve rikḫati ve rahmeti ifrāt üzere olur.

Ammâ kalbin sū²-i mizâc-ı raḥbının ʿalāmetleri ʿadri-ı tabī²den ziyāde nabđı leyyin olur ve mütevātiren ve mütetābi²an vārid olan ṭayf ve ḥayālden serī²an münfa²il olur ve infi²ālātı dahi serī²an zāil olur ve onlara ḥummayāt-ı ʿufūniyye keşireten ʿarīḍ olur.

Ammâ kalbin sū²-i mizâc-ı yābisinin ʿalāmātı budur ki onun nabđı ʿadri-ı tabī²den ziyāde yübse māil olur ve infi²ālātı ʿusret ile olur, ednā sebebdan münfa²il olmaz ve infi²ālī şebāt üzere olur gerek o infi²āl kavī olsun ve gerek ḍāf olsun ve bedeninde zevbān olur.

Beşinci Faşl Kalbin Delāil-i Evrāmı Beyānındadır

Evrām-ı ḥārrenin delāili bunlardır: Verem-i ḥārın zamān-ı ibtidāsında nabđda ḡayr-i ma²ḥūd iḥtilāf-ı ʿacīb olur ve bedeninin lehībi ʿazīm olur ve ḥuşuşan a²ḍā-i nefes nevāḥisinde lehīb ziyāde olur ve müteneffis olan kimse nefesini ta²zīm edip havā-i keşir-i bārid istinşāk eylese keşret-i lehībi hasebiyle o kimse ʿādim-i havā gibi olur, lehībinde noḫşān ve sükūnet iḥsās olunmaz ve ba²dehu ona ḡaşy-i mütedārik ü mütetābi² ʿarīḍ olur.

Verem-i kalbdan mā-ʿadānın ḥār olan veremlerinde ālet-i nabđın şalābetiyle verem-i ʿudvun ḥālī ma²lūm olur idi, ammâ kalbin veremi nabđı taşlıb etmek mertebesine bālīg olmadan katlı eder.

Ve verem-i kalb hasebiyle nabđ şulb olup o şalābetten kalbin aḥvālī ta²arrüf ve tefahḫuş olunmak mütevaḫḫa² olmaz ve ammâ kalbe inḥilāl-i ferd ʿarīḍ olduđu esbāb-ı bādiyyenin teḫaddümünden ta²arrüf olunur. Ve ba²ḍı eṭṭbbā dediler ki kaçan kalbde ḫurḫa olsa onun şāḥibinin munḥur-ı eyserinde dem seyelān edip o kimse helāk olur ve o ḫurḫanın ʿalāmeti onun tendüve-i yūsrasında ya²nī sol memesinin maḡrizinde ve bittiği maḥallde veca² olmaktadır.

Altıncı Faşl albede M eşşire Olan Esb bların Bey nındadır

albede m eşşire olan sebeblerin kimi  ale'1- uş ş yalnız albede te şir eder ve kimisinin dahi albede ve  ayride te şiri m şterek olur, albe ma ş ş olmaz. Ve beyneh m da m şterek olan esb b emzice ve evr m ve in il l-i ferd ve s ir bunlara m ş bih olan sebeblerdir ve onları biz sana kit b-1 k llide ta d d eyledik. Ve onlardan m - ad  albede h şşaten te şir eder biraz esb b vardır, o esb b nefes h sebiyle ve infi al-i nefs niyye h sebiyle olur ve onların te şiri albe ma ş ş olur.

Amm  nefes h sebiyle olan esb b bunlardır: cidden nefes-i  ayyık ve cidden s h netli vey h d nefes cidden b rid olur ve o sebeblerin her birinden albe  fet i abet eder.

Amm  infi al t-1 nefs niyyenin albede te irini biz k lliyy tta bey n eyledik ki o infi al t-1 nefs niyye evvel  r hta te şir eder ba dehu r h v s tasıyla albede te şir eder. Ve ka an infi al t-1 nefs niyyeden biri ifr t  zere bulunsa o infi al t erv h  b tına cem  eden infi al t ise ifr t  zere oldukça h n k olur. Ve eger o infi al t b s t olup h rice erv h  ba t eder infi al t ise erv h  n şir olur ve o ifr t h sebiyle infi al-i h n k ve infi al t-1 n şirden her biri  ahice  a y ih d ş eder ve  ahice dahi hel k eder.

Ve keyfiyy t-1 nefs niyye-i mezk renin birisi  adabdır velakin  adabının atli n dir '1-vu  dur, amm  seher ve riy det erv h  ta l l eder ve erv h n ta all l  albi id af eder.

Yedinci Faşl  il c-1 albe M te allia Olan av n n-i K lliyye Bey nındadır

Bizim i in edviye-i albiyye h kkında m fredeten [325a] bir mak le ya n  bir faşl vardır. Bir kimse ki onun ma rifet-i t bbini ma rifet-i u l  ile cem  eylese onunla intif c eder ve bu iki ma rifet beyninde  um m ve  uş ş-1 mu lak vardır; ma rifet-i u l si ma rifet-i t bbiden  ammdır. Ve zikr olunan mak leyi biz bundan sonra zikr eyleriz.

Amm  Őimdiki h lde biz k t b-i t bbda kavmin zikr edip albin a d -i re iseden oldu una ve a d -i re isenin cem an e refi oldu una ve mu alec tlerinde albe mu alece s ir mu aleceden a dem oldu una ve evvel-be-evvel mu alece-i albede  amd ve a d olunmak cezm-i b li  ile evceb ve elzem

olduğuna ve ʿalā-eyyi hāl yaʿnī muʿāleceden ğarađ gerek istifrāğ-ı hılt ve gerek taʿdīl-i mizāc olsun her hālde qalbi işlāh cümleden ehemmdir dediklerine işāret eyleriz:

Ammā o istifrāğ ki faşd mecrāsına cārī olur, ona biz ikdām eyleriz bir vech ile ki o istifrāğ hasebiyle münakḳıyāt olan tedābīr-i uhrāya muhtāc olmazız. O istifrāğda bize ancak lāyık budur ki kuvveti işkāt edecek miḳdār ifrāt eylemeyip kuvvette ḥaver-i qalīl ve daʿf-ı yesīr ḥads olundukta kuvveti inʿāş eyleyeyüz. Mizāc-ı bārid ve ḥārrdan veyāḥūd o mizācdan ḥadis olan āfet-i āherden daʿf-ı kuvveti izāle için nāʿiş-i kuvvet olan edviye ile istifrāğ hasebiyle qalbe ʿarīđ olan daʿf ve ḥaveri dahi inʿāş edevüz. Ve bu vech ile inʿāşın vücūbu faşd ile dem iḥrācından ʿarīđ olan daʿfa ḥāşş olmaz belki cemīʿan istifrāğatta ihtiyāt olunup münʿiṣāt-ı kuvvet istiʿmāl olunur velākin iḥrāc-ı dem şüretinde münʿiṣāta ḥacet ziyāde olur. Ve faşd ile istifrāğ olundukta aṣnāf-ı tedābīrden muḥāvele olunan sāir tedbīrden istiğnā ḥāşıl olur, zīrā ekṣer-i hālde qalbin imtilāları demden ve buḥārdan olur ve faşd ile onların đararı defʿ olur her ne kadar mütenāvel olan edviye gibi faşd ile qalbe vārid bir nesne olmaz ise. Pes qalbin imtilāsı demden ise bāsīlīk-i eyemenden faşd olunur ve eger imtilā-i qalb buḥārdan ise bāsīlīk-i eyserden faşdolunur.⁴⁰⁴

Ammā edviye ile olan istifrāğat-ı sāirede vācib olur ki mevādd-ı qalbi müstefriğā olan zikri sābīḳ edviyelere tedbīr-i āḥer ḥalt oluna. Ve bunun beyānı budur ki edviye-i müstefriğānın ekṣeri bedene müdādde olur ve o müdādde olan istiʿmāl olundukta vācib olur ki onunla maʿan qalbi takviye edip bi-ḥāşşıyyetihā qalbde fiʿli olan edviye-i qalbiyye ḥalt ve istiʿmāl oluna, zīrā bu vech ile istiʿmāl olunan müstefriğāt edviye-i

404 Zīrā dem-i qalbin mevđīʿi tecvīf-i eyemendir ve ervāḥ tecvīf-i eyserde olur ve iştibāh yoktur ki bāsīlīk-i eymeni faşd demi keşret ve sühület ile istifrāğ eder ve bāsīlīk-i eyser ervāḥı ziyāde ve sühület üzere istifrāğ eder. Ve şiryānı faşd bāsīlīki faşddan demi ve rūḥu ziyāde istifrāğ eder velākin şiryānı faşdda nezf mişilli ḥaṭar-ı ʿazīmden ḥavf olunmakla ona cesāret olunmaz. Ve bāsīlīk qalbe cānib-i eyemenden muttaşıl olur her ne kadar bāsīlīk eyser olur ise onun qalbe ittişāli eyemenden olur ve maʿa-hāzā yine rūḥ istifrāğ olunmak murād olundukta yine faşd bāsīlīk-i eyserden olur, teşriḥte beyān olduğu üzere evridenin şerāyine ittişāli olup bāsīlīk-i eyserden faşd ittişālinde olan şiryān-ı eyser ṭarīkinden ervāḥı ekṣer cezb ve istifrāğ eylediği için.

tiryâkiyye vü bād-zehriyye hükümünde olup semmiyyeti ile mevâdd-ı dâr-reye kahr eder ve ondan ʿarîd olan kalbin mađarratını ve âfetini tiryâkiyyeti ve bād-zehriyyeti ile ıslâh eder. Ve bundan mâ-ʿadâ müstefriğâta maہlûf olan edviye-i sāirenin menfaʿat-i uہrâsı dahi olur, zîrâ baʿdı kerre ona hâlî olan edviyede kuvve-i münfize olup edviye-i müstefriğayı kuvveti izâle olmazdan muқaddem kalbe tenfîz eder ve o müstefriğâtı âher mevdiʿe inşırâftan menʿ eder.

Ammâ mizâc-ı kalbi tebdîl ve taʿdîl eylemek bu vech ile olur ki mizâc-ı kalbin itidâlden hurûcu keyfiyyât-ı erbaʿadan birine olur, қadr-i ṭabîʿiden ziyâde bârid veyâhûd hârr ve raṭb veyâhûd yâbis olur:

Kaçan biz mizâc-ı bâridi tebdîl murâd eylesek biz cürʿet ve cesâret edip edviye-i kalbiyye-i hârre ile muʿaddilât-ı mizâc olan edviye-i hârre-i sāireyi hâlî edip maہlûtan saқy eyleriz ve o meskânın hılt-ı kalbi tahrîk-i ʿanîfin-den ve cirm-i kalbi bi-hasebiʿr-riyâh temdîdinden veyâhûd bi-hasebiʿl-ve-rem temdîdinden hıfz ve şavna mürâʿât eyleriz.

Ve kaçan kalbin mizâc-ı hârrını tebdîl murâd eylesek yalnız müberridât istiʿmâline biz cesâret eylemeziz, zîrâ cevher-i kalb tekevvün-i ervâh için maہlûktur ve ervâh üzere harâret-i ğarîziyye maşbûbe olmuştur ve harâret-i ğarîziyye harâret-i dârrenin ğayri bir nevʿ nâfiʿa harârettir. Ve kaçan kalbe sū-i mizâc-ı hârr istilâ eylese harâret-i ğarîziyyeye қillet ve taḥallül ve tedaḥḥun ve tekeddür ʿarîda olur ve kalbin mizâcını tebdîl için istiʿmâl olunan müberridâta edviye-i kalbiyye-i hârre hâlî olunmasa müberrid olan o edviye ervâhtan bâķî kalan miқdâr-ı қalîli dahi itfâ edip söndürüp kalbe işâl-i mađarrat etmek mümkün olur, o müberridât ile cirm-i kalbin tebrîdi ğarîziyyenin ve ervâhın inṭifâsı katında müfid olmaz. Ve o müberridât edviye-i kalbiyye-i hârre hâlî olundukta edviye-i kalbiyye keyfiyyet-i harâreti mütaşşib olan hâşşaları ile kalbi ve bâķî kalan ervâhı taқviye eder.

Ve [kalb ve] ervâh-ı kaviiyelere tebdîl-i mizâc için istiʿmâl olunan müberridâtın mađarratı olmaz belki o müberridât kalbe istilâ eden harâret-i ğarîbiyyeyi tebdîl ve tağyîr edip âfet-i kalb zâil olur, onun için ʿulemâdan akdemün kalbe ʿarîd sū-i mizâc ve sū-i mizâca müterettib olan aʿrâd-ı sāire muʿalecelerini edviye-i kalbiyye-i hârreden hâlî kılmazlar belki minvâl-i muḥarrer üzere muʿaddilât müberride edviyelere edviye-i kalbiyye-i

hârre hâlî ederler ona binâen ki onlar için vüſûk ve i'timâd hâşıldır ki edviye-i kâlbiyye havâſşı ile me'ûf ve da'îf olan kâlb kavî oldukta hârr ve bâriden mürekkeb olan edviyenin bürüdetini harâretinden temyîz eder ve bürüdeti cirm-i kâlbe haml edip cirmi tebrîd ve ta'dîl eder ve harâretini ervâha ve ğarîziyyeye haml edip onları inmâ ve iksâr eder. Ve kaçan zîkr olunan kudemâ lisân-ı ſevr gibi mu'tedil veyâhüd mu'tedile qarîb ve rûhu bi'l-hâſſa taqviye eder bir devâ bulurlar ise onların o devâdan isti'ânetleri müſtedde olur, ammâ kaçan tabî'at da'îfe olsa zîkr olunan tebdîr ona nef' vermez.⁴⁰⁵ Ve kâlbede isti'mâl olunan müberridâta kudemânın edviye-i kâlbiyye-i hârre hâlînin bir sebebi dahi budur ki onlara ma'lûmdur ki hârr olan mizâc-ı kâlbi tebdîl için isti'mâl olunan edviye-i bâridenin cevheri ſakîl olmakla kâlbe nüfûzu ba'tî olur ve onun meyli ſebâta ve 'adem-i nüfûza olur, keyfiyyet-i nâfi'ası bâkiye iken kâlbe nüfûz eylemez. Ve zîkr olunan bu hâl kudemâyı edviyeyi kâlbe münfîz olan sâir devâ hâlîna muhvic olur, nitekim akrâſ-ı kâfûrun ahlât-ı sâiresine bu ğarađ için za'ferân hâlî ederler ve o akrâſın ahlât-ı sâiresi her ne miqdâr ſakîl olup ğayr-i mütebedrik ise za'ferân onları kâlbe sevķ ve îſâl eder ve ahlât-ı sâire za'ferânın sevķiyle kâlbe vuſûlünde tabî'at za'ferânı ſadd ve def' eder veyâhüd za'ferânı ervâha haml edip müberridâttan mizâc-ı kâlbi ta'dîlde isti'ânet eder ve kâlbe bu vech ile isti'mâl-i müberridât ecdâ ve enfa' olur ve müberridât-ı maħda isti'mâlinde bunun gibi menfa'at olmaz.

Ve o kimseler ki kudemâ mesleğini tağyîr edip akrâſ-ı kâfûrdan za'ferânı iħrâc eylediler, onlar o akrâſta zîkr olunan menfa'ati bulmadılar ve kılllet-i nef'i kendilerin sū-ı terkîblerinden ve ahlâtıttan za'ferânı iħrâclarından hâdiſ olduğunu bilmediler.⁴⁰⁶

Bundan sonra biz deriz ki kâlbin sū-ı mizâc-ı hârrına mu'âlecede ba'đı kerre rubûb-ı fevâkih huſuſan mâ-ı tuffâh ve huſuſan mâ-ı tuffâh-ı ſâmî ve sefercel saķy olunur ve bu mezkûr ni'me'd-devâ olur. Ve kezâlîk bizim

405 كما قيل تروح الى العطار تبغي شبابها ولن يصلح العطار ما افسده الدهر

406 *Kânûn*'un akrâſ-ı kâfûrdan za'ferânı iħrâc edenlere ta'nı emrâđ-ı kâlbede isti'mâl olunan akrâſ-ı kâfûra maħſûſtur, ammâ o akrâſ kebid ve mi'ce ve aħſâ-i sâire için ittilhâz olursa za'ferânı iħrâc vâcibdir, zîrâ za'ferân edviyeyi kâlbe haml eder, iſlâhı kaſd olunan aħſâ tarîkinden ſadd ve men' eder. Kezâ ğaķkaķahu'l-Ķarſî fi-ſerhi'l-*Kânûn*.

karîben zikr edeceğimiz nesnelere zikr olunan rubûb ve miyâha müşâbih olanlar dahi saqy olunur. Ve harâreti muţfî olan devâlar ile muqavviyât-ı kalb hâlt olunup o maḥlûttan aţliye ve aḍmide ittiḥâz ve istiʿmâl olunur.

Ve ḳalbin sū-i mizâcına sebep mâdde olur ise onun mâddesi istifrâğ olunur

Mizâc-ı bâridin ʿilâcî bizim zikr edeceğimiz maʿâcîn-i kibâr ile olur ve şarâb-ı reyḥânî ve ḍimâdât ve riyâḍât-ı muʿtedile vü ḳalbiyye olup hârre ve ʿaţire edviyeden tılâ-i mütteḥaz ile ve haḍm olunacak miḳdârı aḡdiye-i hârre ile olur. [325b] Ve eger mizâc-ı bâridin sebebi mâdde olur ise o mâdde istifrâğ olunur.

Ammâ sū-i mizâc-ı yâbisin ʿilâcî raḥb aḡdiye ile keşiren taḡdiye ve taḡdiye ʿaḳabinde ḥammâma idḥâl ve maʿa-terfihin âbzen istiʿmâli ile ve ḳillet-i ḥareket ve deʿa ve mâ-ı bârid saqy etmekle olur. Ve o yâbis sū-i mizâcda bürüdet dahi olur, berdi şedîd olan mâ-ı bârid saqyından iḥtirâz olunur belki onun yübüseti edviye ve eşribe ile taʿdîl olunur ve onlar taʿâm-ı ḥarr tenâvülünden sonra nevmi iḳşâr eylesinler. Eger mizâc-ı yâbisin sebebi mâdde ise onun mâddesi istifrâğ olunur. Dıḳḳ ve zübül bâbında mizâc-ı yâbis muʿâlecâtının tafşîli bizim kelâmımızdan senin maʿlûmun olur.

Ammâ ḳalbin sū-i mizâc-ı raḥbının ʿilâcî telţif-i ḡidâ ile ve edviye-i müceffife ve keşret ve tevâtür ile olan riyâḍât-ı muʿtedile istiʿmâliyle olur. Ve eger sebep mâdde olur ise mâdde-i yübüset istifrâğ olunur. Ve mizâc-ı raḥbın ʿilâcî keşret-i riyâḍet ve ḳableʿt-ḥaʿâm istiḥmâm ve miyâḥ-ı ḥamʿe ve miyâḥ-ı hârrede keşiren istinkâc ve müshilât ve müdirrât istiʿmâli ve şarâb-ı ḳavî vü ʿaţırdan miḳdâr-ı ḳalîl istiʿmâl ve keymûsu maḥmûde aḡdiyeden ḳadr-i maʿrûf ve ḡayr-i keşiri istiʿmâl olunur. Ve eger o mizâc-ı raḥbda harâret dahi olur ise ḥammâmdan iḥtirâz gerektir. Ve raḥb mizâcda cimâc dahi istiʿmâl olunur. Ve mizâc-ı raḥbın sebebi mâdde olur ise o mâdde gerek hârre ve gerek bâride olsun istifrâğ olunur.

Sekizinci⁴⁰⁷ Faşl Edviye-i Kâlbiyye Beyânındadır

‘Ale‘l-kemâl edviye-i kâlbiyyeyi iltikâf bizim kitâb-ı şânide idrâc eylediğimiz edviye-i müfrede elvâhında olan a‘dâ-i nefes ü şadr levhasından iltikâf olunur, ammâ şimdiki hâlde zikri lâzım olanlardan rü‘ûs ve uşul gibi olanları beyân eyleriz: Ve biz deriz ki edviye-i kâlbiyyeden i‘tidâle karîb olanlar yâkût, pîçâdağ⁴⁰⁸, firûzec, zeheb, fıdda, lisân-ı şevrdir. Ve hârre olanlar derûnec, cedvâr, misk, ‘anber, zürünbâd, hâşşaten ibrišem, za‘ferân, behmenân. Bu iki behmenin kâlbi takviyesi ‘âcilen olur. Kâranfûl cidden ‘acîb olur. ‘Ûd-ı hâam,⁴⁰⁹ bādrencebūye ve bādrencebūye bezri, bādrüc ve bezr-i bādrüc ve şāhisferem ve şāhisferemin bezri ve kākule ve kebābe ve felencmüşk ve hummāda⁴¹⁰ ve varağ-ı ütrücc ve hummād-ı ütrücc ve sâzec-i Hindî ve rāsen. Bu mezkûrlar cidden ‘acîbdir. Edviye-i kâlbiyyenin bârid olanları lü‘lû, kehrübā, büssed, kâfūr, şandal, verd, tabāşîr, tîn-i mahtûm, tuffāh, küzbere-i yābise ve küzbere-i raṭbedir.

407 [Yazmalarda “yedinci”dir, ancak sıralamayı göz önünde tutup “sekizinci” yazdık.]

408 “Pîçâdağ”, “pîçâde” ma‘rûf ve meşhûr cevāhir envā‘ındandır, gāyet iyisi yâkût renginde olur, ekşer budur ki pîçâde yâkûta müştēbih olur, od ile fark ederler. Gāh olur ki od dahi fark eylemez, bununla fark olunur ki yâkût susuzluk giderir, bu gidermez. Erbāb-ı lügāt ipliğē dizilmiş karaca uvacık boncuk diye naql eyledi. Maḥbūbların bıyığı karardıkta şā‘ir ona teşbih eder. Ḥalīmī. Müfredatta mezkûr değildir.

409 “‘Ûd-ı hâam”dan murād mürebbā ve muṭarrā olmayan ‘üddur.

410 Ḥummāda”dan murād kuzukulağdır.

KİTĀB-I ŞĀLİŞ FÜNÜNDAN ON BİRİNCİ FENNİN İKİ MAKĀLESİNDEN İKİNCİ MAKĀLE EMRĀD-I KALBDE CŪZ-İYYĀT-I MUFAŞŞALA BEYĀNINDADIR O DAHİ FUŞŪLŪ MÜŞTEMİLDİR

Evvelki Faşl Hafakān ve Esbāb-ı Hafakān Beyānındadır

Hafakān bir nevc hareket-i ihtilāciyyedir ki o hareket kalbe ʿarīda olur. Onun sebebi kalbe īzā eden nesnelendir gerek ise o mūzī cevher-i kalbde veyāhūd kalbin ġilāfında veyāhūd kalbe muttaşıla ve mücāvire aʿdā-i sāire ve aʿdā-i müşārikede olsun ve baʿdı kerre sebep-i ġarībden veyāhūd hiss-i şedīdden dahi hafakān ʿarīd olur. Ve kalbe īzā eden mevādd-ı hultıyye baʿdı kerre demeviyye veyāhūd ruṭūbiyye veyāhūd sevdāviyye olur ve baʿdı kerre dahi şafrāviyye veyāhūd riḫiyye olur. Ve riḫiyye olan hafakān cemīʿan hafakānın eḫaffı ve esheli olur.

Ve mizāc-ı sāzecz hasebiyle olan hafakānın beyānı budur ki mizāc-ı kalb kaçan qadr-i ṭabīʿiden ḫāric olup keyfiyyāt-ı erbaʿın biri ġālib olsa o mizāc-ı ġālibin küllisi kalbin daʿfını icāb eder. Ve daʿf-ı kalb dahi ifrāt üzere olmayıp kalbde baḫiyye-i kuvvet mevcūde ise ezāyı nefsinden def için kalb ıdṭırāb edip hafakān ḫādiş olur. Eger mizāc-ı ġālibin icāb eylediği daʿf ifrāt üzere olur ise evvelā hafakān ḫādiş olup baʿdehu ġaşye intikāl eder ve daʿf kemāl-i ifrāt üzere ise helāke müʿeddī olur. Ve bu efʿālin küllisini mizāc-ı sāzecen küllisi işler yaʿnī emzice-i sāzecenin ḫārr ve bāridi ve raṭb ve yābi-sinden hafakān ve ġaşy şādır olur.

Ammā verem-i ḫārr kaçan o verem-i ḫārr ḫudūsa ibtidā eylese zamān-ı ibtidāsında hafakān ihdāş eder baʿdehu ġaşy sonra helāk eder. Ve kalbin verem-i bāridi dahi verem-i ḫārra fiʿlde qarṭb olur lākin baʿdı kerre müddet-i kalīle imhāl eder. Ve bunların aḫkāmında olur inḫilāl-i ferd yaʿnī kalb ittīşālinin teferruḫı ve kalbde olan dem ve rūḫ mecārīlerinin südedi ve o mecārīler ḫavālīsinde veyāhūd eczā-i riyeden ʿurūḫ-ı ḫaşinede olan süddeler. İşbu mezkūrlar dahi hafakān ve ġaşy ve helāki ihdāş eder.

Ammā sebep-i ġarībden ḫādiş olan hafakān evcāʿ-ı müşḫineden⁴¹¹ ve aʿdā-i mücāvire evrāmından intikāl eden mevādd ile ve şürb-i sümüm ve

411 أَلْإِنْخَانُ [el-işḫān] (hemzenin kesri ile) bir kimseyi zebūn etmek; yuḫālu: أَنْخَنَتْهُ الْجِرَاحَةُ إِذَا أَوْهَنْتَهُ Vankulu.

lüsû-ı hayvânât ile hâdis olanlardır. Ve kezâlik batında tekevvün ve tevel-lüd eden hayyâtta ve huşuşan o hayyâtın mevâkıf-ı gıdâ ve mevâkı-i süfl olan a'cdânın e'âlilerine şucüdlerinden hâdis olanlardır.

Ammâ hiss-i kalbin le'âfetinden ve zekâsından hâdis olan hafakân cirm-i kalb ile gılâf-ı kalb esnâsına miqdâr-ı kalîl ve ednâ rîh tahallülünden veyâhüd o rîhin gılâf-ı kalbe nüfuzundan veyâhüd urûkuna nüfuzundan hâdis olur. Ve kezâlik hârr ve bâridin ednâ keyfiyeti kalbe te'eddiden dahi hâdis olur hattâ mâ-ı bârid şürbünün 'akabinde dahi hafakân 'arıd olur her ne miqdâr o şürbden e'âl-i kalbde da'f hâdis olmaz ise.

Ammâ uduv-ı âhere müşâreket ile 'arıd olan hafakân-ı kalb cemî'an be-dene müşâreket ile olur ise o müşâreket hummayâtta ve huşuşan vebâiyye olan hummayâtta olur.

Ve gılâf-ı kalbe müşâreket ile olan hafakân-ı kalb rıhv ve şulb verem-lerinin biri gılâfa 'arıd oldukça olur, zikri mürür eylediği üzere kırd ve dîk kalbleri gılâfına 'arıd olan veremlerden onların kulübüne hafakân 'arıd ol-duğu gibi.

Ve mi'de müşâreketiyle kalbe 'arıd olan hafakân fem-i mi'dede balgam-ı zücâcînin lüzüctlisi veyâhüd hılt-ı lezzâ-ı şafrâvî olmakla veyâhüd fem-i mi'dede e'çimenin fesâdından olur.

Ve şedîden müteveccî olan cemî'an bedene [326a] müşâreket ile dahi hafakân 'arıd olur.

Ve çok kerre mi'de ka'ırında olan hılt ile ve mi'denin feminde olan beşre-ler ile ve kay-ı 'anîf ile dahi hafakân-ı kalb bi'l-müşâreke 'arıd olup kalbin marađ-ı aşlîsi olan hafakân ile fark ve temyîz olunmaz.

Ve ba'dı kerre dahi riyede kalbi vely eden cânibde keşret-i süded oldukça nefes cereyân etmemekle kalbde bi'l-müşâreke hafakân olur, o hafakân gayr-i me'mûn ve haşar-nâk dîk-ı nefes urûdunu inzâr eder.

Ve ba'dı kerre dahi buhrânatta ahlâttın buhrân cânibine hareketi hase-biyle hafakân 'arıd olur ve o hafakânı inşâallâhu ta'âlâ mevdi'inde beyân eyleriz.

Ve o kimseler ki onun hafakânı marađ 'akabinde ona 'arıd olup onda tehevvu' ve keşîren şafrâ kazf eyleye ve tehevvu'ü dâimî olup zâil olmaya, o hafakân redî olur ve mi'dede teşennüc urûdunu inzâr eder.

el-‘Alâmât: Her nabđ ki onun ‘ızamda ve şıgarda ve buđda ve tefāvüt ve tevātürde ve nabđât-ı maḥsüselerde ihtilâfı olup o ihtilâf ḥaddi mütecâviz olsa o nabđ ḥafakâna delâlet eder. Ve aşḥâb-ı rebv nabđına ḥafakân nabđının müşâbeheti keşîrû'l-vukûc olur.

Ve ḥafakân-ı raḥbın edillesi lîn-i nabđ ve maḥfûkun ḳalbi ruḥbet içinde taḳallüb eder gibi ḥalet iḥsâsı olur.

Ve demevî olan ḥafakâna ḥarâret ve iltihâb ve nabđın sür‘ati ve vaḳt-i ḥafakânın mâ-‘adâsı olan evḳât-ı sāirede nabđın ‘ızamı ve cimâ‘dan o maḥfûkun intifâ‘ı delâlet eder. Ammâ ḥafakân-ı bâridin edillesi ḥafakân-ı ḥârrın edillesi aḳdâdı olur.

Ve şafrâvî ḥafakân ḳalilü'l-vukûc olur ve emrâđ-ı sevdâviyye vuḳûcundan sonra olur ve ona tâbi‘ olur ve onun nabđında şalâbetün-mâ ve şiddet-i iltihâb olur.

Ve sevdâvî ḥafakâna ğamm ve vahşet ve nabđda şalâbet delîl olur.

Yalnız rîhî olan ḥafakâna sür‘at-i taḥallül ve ḥiffet-i me‘ûnet ve nabđın ḳillet-i ihtilâfı delâlet eder.

Ḳalbin cevherinde veyâhud ğılâfında verem-i rıḥv ve verem-i şulb hasebiyle olan ḥafakâna o iki veremin sâbıḳu‘z-zıkr ‘alâmetleri delâlet eder.

Ve inḫilâle ya‘nî teferruḳ-ı ittişâle ḥâdiş olan ḥafakâna esbâbının teḳaddümü delâlet eder.

Ve kezâlik sümüm ve lüsû‘dan olanlara o sebeblerin teḳaddümü ve sāir esbâb-ı ḥafakânın ma‘düm olduđu delâlet eder. Ve dîdândan ḥâdiş olan ḥafakân dahi bu minvâl üzeredir.

Ve mizâc-ı ḥârr-ı müfreden ya‘nî bilâ-mâddetin olan mizâc-ı ḥârrdan nâşî olan ḥafakân ‘alâmâtı iltihâb-ı şedîd olup onda ḳalbin ruḥbet içinde terecrücü ve taḳallüb ve ıḳtırâbı iḥsâs olunmaktır. Ve vaḳt-i heyecândan ğayride dahi nabđın sür‘ati ve tevātürü ve mâddî olmayan müsahḫinât⁴¹² ‘aḳabinde vuḳûcu ve dıḳḳ mişlîl maraḳlarda ḥudûsu olur.

Ve kezâlik berd-i sâzecden ḥâdiş ḥafakâna ḥarâret-i ğarîziyyeyi muḫfi olan esbâb-ı istifrâğât ‘aḳabinde vuḳûcu ve emrâđ ve ehviye-i müberrideden sonra ḥudûsu ve vaḳt-i ḥafakânın ğayride nabđın buđu ve tefāvütü delâlet eder.

412 Mâddî olmayan müsahḫinât şemsin teḳaḥḫî ve nâr ile ıştılâ gibi.

Ammâ süded ile olan hâdiş hafakâna şıgar ve kiberde ve da'f ve kuvvet-te nabđın ihtilâfı olup 'alâmât-ı imtilânın olmadığı delâlet eder.

Ve hiss-i kalbin lu'f ve zekâsının icâb eylediği hafakâna nabđın kuvveti ve nefesin şıhhati ve sâir a'cânın selâmeti delâlet eder.

Ammâ kuvvet-i nabđ ve 'ızam-ı nabđın delâleti edille-i sâire delâletlerinden kavî olur ve onları te'kid eder: o hafakân ednâ müzîden ve riyâh-ı kalileden hudûşune binâen mütetâbî'an ve mütevâtiren vâkı' iken bedenin selâmeti ve kuvvetin ma'fûza olması ve şıhhatte olan mu'tâdın 'alâ-hâlihi be'kâsı.

Ve lu'f-ı hiss hasebiyle olan hafakân o kimselere 'arıd olur ki gâdab ve ferah ve gâmm mişlililer gibi infi'âlât-ı nefsâniyye ile, velev kalilen, onların vücûhunda âsâr-ı infi'âl zâhir olur.

Ammâ cemî'an beden müşâreketiyle hummayâtta 'arıd olan hafakân ve kezâlik buhrânî olan hafakân zâhirdir, onları ta'arrüf için edilleye muhtâc değildir.

Ammâ mi'de hasebiyle olan hafakâna ahvâl-i mi'de delâili ve şehvet ve mi'deden takazzüf eden ru'tubet ve hayâlât ve mağş ve vaqt-i cû' u havâda hiffet ve me'külün hađmı vaqtinde iştîdâd delâlet eder.

Ve riye müşâreketiyle 'arıd olan hafakâna onun şâhibi mi'rad-ı rebv⁴¹³ olup onda ru'tubet-i riye 'alâmâtı ve südde bâbında zikri âtî olan mecârî-i riyenin insidâdı 'alâmâtı mevcûd olduğu delâlet eder.

Ve ba'tında tevellüd eden hayyât ile olan hafakâna bâbında zikri âtî 'alâmetler delâlet eder. Ve hayyât edillesinden olur lu'abın seyelânı ve 'âdd ve gârizin veca'ı gibi veca'ın vücûdu ya'nî ısıricı ve dürtücü nesnenin ihdâş eylediği veca' gibi fem-i mi'dede veca' bulunduđu delâlet eder.

el-Mu'alecâtu'l-Küllîyye Li'l-Hafakâni: Mevâdd hasebiyle 'arıd olan cemî'an hafakân aşnâfına istifragât nâfi'a olur. Ammâ demevînin istifragı faşd ile ve dem-i bâliğ ihrâcı ile kemm ü keyfte gıdâyı ta'dîl ile olur.

Eger o hafakân-ı mâddiyenin nevâibi olur ise veyâhüd fuşül-i erba'anın birinde meşelâ rebî'de hareketi mu'tâde ise vâcib olur ki o vaqt gelmezden mu'kaddem faşd ve ta'dîl-i ađdiye oluna ve mu'kavviyât-ı kalb tenâvül ettirile.

413 Mi'rad-ı rebv o kimsedir ki ona keşiren rebv 'illeti 'arıd ola. Fi'l-aşl "mi'rad" o şiyâba derler ki satılık câriyelere giydirirler.

Ammâ hılt-ı balgamî ile olan hafakânda vâcib budur ki o hılt-ı balgamî o edviye ile istifrag oluna ki onun te'siri kalbe bâliğ ola. Ve o edviyenin kalbe evfağ olanları eyâricât-ı kibârdır, zirâ onlar lüzücutli ruḥubâtı istifrag eder.

Ammâ dem-i sevdâviden hâdiş olan hafakân onun 'ilâcı faşd ve kebidî bābında mezkûr olan tedābîr ile ta'dîl olur ya'nî ḥâlen mevcûd olan demevî sevdâyı faşd tenķiye eder ve kebidî ta'dîl ve ıslâḥ dem-i sevdâviyi tekev-vünden men' edip 'ilâc ḥâşıl olur.

Eger hafakâna sebep mücerred hılt-ı sevdâ olup ona dem maḥlûḥ olmaz ise onun mu'alecesi eyâric-i Rûfus ve eyâric-i lügâziyâ ve bi'l-cümle mekân-ı ba'iddin hılt-ı sevdâyı müstefrig olan edviyeler ile olur. Ve zıkr olunan edviyeler ile istifrag olunduktan sonra mizâc ta'dîl olunur.

Ammâ mizâc-ı bârid müsahḥinâtla ve mizâc-ı ḥârr müberridâtla ta'dîl olunur ḥuşûşan ḥârr ve bârid olan o mu'addiller edviye-i kalbiyye ola.

Ve mi'de müşâreketiyle olan hafakân eger mi'denin âfeti hılt-ı gâlizden ise ta'âmdan sonra ve kezâlik turp uşâresi ve sikencebîn mişlli mülattıfat tenâvülünden sonra kay' ile ve ba'de'l-kay' ishâl ile mu'alece olunur ve o ishâl eyâricât-ı kibâr ile ya'nî eyâric-i lügâziyâ ve eyâric-i Tebâzeritûs ile ve şahm-ı hançal ve gâriķûn ve eftümün ile muḥavvî olan eyâric-i feyķarâ ile olur.

Ve eger mi'denin âfeti şafrâ-i lezzâdan ise mi'de taḫviye olunmakla mu'alece olunur ve mi'denin taḫviyesi rubûb-ı fevâkih ile ve tuffâḥ ve sefercel gibi fevâkih-i aṭirenin kendi ile olur ve ḥuşûşan ba'de-hâzâ zıkr olunan fevâkih tenâvülü ile olur ve kümmeşrâ ve kümmeşrâya müşâbih fevâkih tenâvülü ile ve ṭabî'atı lîne imâle ile ve hılt-ı mirârîye istihâleden ictinâb ile ve ta'dîl-i mi'de ile olur.

Ve kezâlik mi'denin âfeti mi'dede olan ağdiyenin fesâdıyla olur ise lâyıḳ olur ki zıkr olunan fâside eṭimeyi mi'de ḥaḍm eyleyecek miḳdâr muḥavviyât-ı mi'de isti'mâliyle mu'alece olunur ve o muḥavviyât bâbu'l-mi'dede zıkr olunur. Ve bu tedbîr ile sebep-i hafakânı sen kaṭ' eylediğın gibi 'ale'l-fevr sana vâcib olur ki o esbâbdan bi'l-müşâreke münfa'il olan ḳalbi taḫviye eylesin ḥattâ o ḳuvvet ḥasebiyle esbâb-ı mezkûrenin keyfiyyetinden ḳalb müte'eşşir ve münfa'il olmaya. Ve sebebi kaṭ'â mu'alecede iḳtişâr edip münfa'ili taḫviyeyi terk eylemek sana câiz olmaz belki vâcib olan budur ki

ba'ce-kaç'ı's-sebeeb edviye-i kalbiyye ile takviye-i kalbe ta'ahhüd eylesin. Ve hafakâna nef'i 'azîm olur leyâlî-i mütevâliyede nevm katında lisân-ı sevrden bir mişkâl [326b] şürb eylemek. Ve yine o 'illette nef'i mücerreb devâlardan olur kıranfûl-i zekerden⁴¹⁴ bir nevât vezni, on iki mişkâl leben-i halîb ile 'ale'r-rîk şürb eylemek ve merzencüş-yâbisten bir mişkâl mâ-ı bârid ile şürb eylemek eger onda harâret var ise. Ve harâret olmayan mahfûk merzencüşu şarâb ile şürb eder ve merzencüş dahi eyyâm-ı mütevâliyede şürb olunmak gerektir.

Ve hafakâna nâfi' olan nesnelere olur mahfûkun ma'iyyetinde hafakâna mülâyim tîb olmak ve tebhîre müdâvemet eylemek ve tıyûb-ı mülâyimedeyen şemmâmeler ittihâz eylemek. Ve hafakân-ı hârri olan kimselerin gâlib-i hâlde isti'mâl eyledikleri tîbleri verd ve kâfûr ve şandal ve edhân-ı bâridelerdir lâkin bu tîblere miqdâr-ı kalîl misk ve za'ferân ve kıranfûl mişli la'rifetü'l-harâret olan edviye-i uhrâ dahi halî olunur meger ki o miqdâr-ı kalîl dahi kadh vere o zamân bevârid-i şırfeye kaşır olunur. Ve eger mizâc-ı hafakân bârid ise onun tıyûbu misk, 'anber, dühnü'l-bân, dühn-i ütrücc, mâ-ı kâfûr, gâliye ve bunlar mişli tıyûb-ı sâire olur. Ve bunların menfa'atine kırib olur aşnâf-ı dehan ve bi-hasebi'l-mizâc mülâyim olan nüdûd⁴¹⁵ isti'mâlleri.

Bu maqâmda edviyeden kalbi ta'dîl beyânında biz kelâmımızı ikşâr eylemeziz, zîrâ cemî'an o mu'addilâtı cedâvil-i sâbıkadan a'câ-i nefes cedâvilinden edviye-i müfredede sen mektûb ve mersûm bulursun. Ve beyân-ı icmâlîsi budur ki "Küllü devâin 'atırın fe-hüve kalbiyyün" ya'nî "Her devâ ki onda 'ıtriyet ola, lâ-mahâle o devâ kalbi takviye eder." Ve ma'a'l-icmâl takviyesi ezyed ve ekşer olanları bu bâbda biz zıkr eyledik.

Ve hafakânda bizim zıkr eylediğimiz üzere tehevvu'-i dâim olur ise o hafakân redî olur, onun 'ilâcî ve huşûşan onlardan baqiyye-i hummâ olanların 'ilâcî mâ-ı hârri ile mağsûl müberrid sevîk-i şa'ir on dirhem sükker ile isti'mâl olunmakla olur ve bu minvâl üzere isti'mâl-i sevîk her ne kadar kay'a sebeb olur ise lâkin yine menfa'ati olur. Eger sükkeri tehevvu'u ziyâde olduđu için kerîh görür ise sükker bedeline sevîk-i şa'ir-i mağsûle habb-ı

414 Kıranfûl-i zekere zeytûne-i câffe miqdârında olur.

415 "Nüdûd" "nedd" in cem'idir, bir nev' tîbdir diye Vankulu lügatinde muşarrahtır.

rummân hâlt olunur ve o maḥfûḳun sâḳları şedd olunur ve kāfûr ve kāfûra müşâbih nesnelere ḥall ile istiṣṣâḳ kıldırılır ve mā-ı şandaleyn ve kāfûr ve o mişlli miyâh ile meblûle hırḳa onun şadrına vaḍ olunur. Ve çok kerre bu tedbîr ḥafaḳânı taḥrîk edip ziyâde kılar ba'ḍehu onun ḥafaḳânı yemneten ve yesreten meyl eder ba'ḍehu sâkin olur.

Ḥafaḳân-ı Ḥârr Mu'âlecâtı Beyânındadır

Ḥafaḳân-ı ḥârr mevâdd ile olup mevâddi istifrâḡ olundukta yine eşeri bâkî kalır ise yâḥûd ḥafaḳân bilâ-mâddetin ḥâdiş oldu ise vâcib olur ki o ḥafaḳân şâhibinin taḡdiyesinin miḳdârı ḳalîl ve menfa'ati celîl ola, mā-ı verd içinde naḳ olunup içine şarâb-ı reyḥânî şabb olunan ḥubz gibi ve şarâb-ı tuffâḥ ile ve meraḳatu't-tuffâḥla isti'mâl olunan ḥubz gibi, kezâlik maḥḍının 'ahdî ḳarîb olan düḡ ve cidden ḥâmiḍ olmayan düḡ ve ḳar ve baḳlatu'l-Yemâniyye ve fevâkih-i bâride isti'mâl olunur. Ve eger laḥm isti'mâline taḥammülû olur ise keklik ve piliçten ḳarîş⁴¹⁶ ve hülâm⁴¹⁷ ittiḥâz olunur. Zîkr olunan laḥm-ı tayr-ı mezkûrun ḥafaḳân-ı bâride ḥâşşıyyeti olduḡu gibi ḥafaḳân-ı ḥârrede dahi ḥavâşşı olur. Ve bu laḥmlardan ittiḥâz olunan meşûş⁴¹⁸ aṣnâfının dahi nef'i olur. Bu laḥmlardan ittiḥâz olunan aḡ-diye-i mezkûreler 'uşarât-ı fevâkih ve hısrım ve tuffâḥ-ı ḥâmiḍ ve ḥall-i ḥâzîḳ ile ittiḥâz olunup üzerlerine mā-ı verd ve mā-ı ḥilâf reşş olunur, eger ḥummâḍ-ı ütrücc veyâḥûd leymû var ise cümleden enfa' olur.

Eger emr-i ḥafaḳân ve iltihâb müştedd olur ise ona mā-ı bâride ve mā-ı selce mā-ı verd mezc olunup cur'aten-ba'ḍe-cur'atin tecrîr olunur ve şarâb-ı fevâkih ve tuffâḥ-ı Şâmî şarâbı ve onlar mişlli eşribe dahi şey'en-ba'ḍe şey'in tecrîr olunur. Ve o eşribelerde kāfûr idâfesine muḥtâc olur ise sen ona kāfûru idâfe eyle. Ve ba'ḍı kerre bir rıḥl veyâḥûd iki rıḥl râib saḳy ve taḡdiye ile 'ilâcî ḳaşra muḥtâc olursun ve o râibi ḥubz ve ka'k ile taḳviye ey-

416 القريص يعمل ضروبا حسب الحاجة وفي الجملة بقول و ابايزر يغلى مع الخل ثم يغلى فيه السمك والاكارع والفراريح ولحوم لجدي حتى ينضج ثم يرتفع ويترك حتى يجمد

417 الهلام ان يغلى شئ من هذا الحوم المذكورة في الماء والملح حتى ينضج ثم يخرج ويوضع على شئ لطيف حتى يقطر ماؤه كله ثم يغلى ما يحتاج اليه من البقول ويلقى فيه تلك اللحوم ويرفع

418 المصوص ايضا يعمل ضروبا وجملته ان يحشى بطون الفراريح والقباچ ونحوهما ما يحتاج اليه من البقول الباردة والحارة من الخس والكزبرة والكرفس والسذاب والكراث ونحوها ثم يغلى في الخل حتى ينضج

lemeğe muhtâc olur isen dahi onu işlersin. Ve eger maḥfûkun kuvveti daʿife ve taḥfîye hâceti hafife olur ise ḥubz ve kak ile râibi takviye eylemek sana vâcib olur. Ve bu mecrâya cārî olur kebâbe, kâkule, varaḳ-ı ütrücc ve kezâlik küzbere ve kâfûr ve verd ile ve ṭabâşîr ile taʿdîl için istiʿmâl olunur, ammâ lisân-ı sevr bu mezkûr üzere taʿdîlde muḳaddemdir.

Ve maḥfûka itʿâm ve saḳy eylediğin eşribe ve eṭimenin küllisine lisân-ı sevrî sen alt eyle ve onun zuhûr eden gâilesinden sen ḥavf eyleme ve miḳdâr-ı saḳyî ʿâdet üzere eyle. Ve lisân-ı sevrin suyu ḥaşışesi gibi nâfiʿdir. Baʿdî kerre o sudan bir dirhem miḳdârı râvend-i Şînî ile mâ-ı bâridde ey-yâm-ı mütevâliyede saḳy olunur. Ve sen ictihâd edip onun havâsını gâyet tebrîd ile müberred eyle ve onun olduđu mevâdiʿde neḍḥât yaʿnî merşüşât ve şemûmât-ı ʿatire-i kâfûriyye vü şandeliyye ḥâdire ola ve onların râyiḥalarını ḳalbe tenfîz için o nesnelere üzerlerine şarâbdan bir şey reşş olunmakta beʿs yoktur.

Ve ḥafaḳân-ı ḥârrî olan kimselere havâsından ekşer bârid olan havâyâ intikâlin menfaʿati olur ve bu intikâl ile ʿalîl şihhate ʿavd ve rücuʿ eder.

Ve vâcib olur ki gâflet olunmayıp şandal ve mâ-ı verd ve mâ-ı ḥaddâdîn ve kâfûr ve verdin kendi ve ṭabâşîr ve ʿadesten aḍmide ittiḥâz olunup fuʿâdi üzere ḍimâd oluna ḥuşuşan ḥummâsı olanlara bu ḍimâd nâfiʿ olur.

Ammâ ḥafaḳân-ı ḥârrda mürekkebâtan nâfiʿ olan edviye zaʿferânla mütteḥaz akrâş-ı kâfûru ḥummâd-ı ütrücc şarâbıyla saḳydır ve onun içine varaḳ-ı ütrücc dahi vaḍʿ olunur. Ve mürekkebâtın biri dahi devâu'l-miski'l-ḥulv ve müferriḥ-i bâriddir.

Ve Onun Mücerrebe Nüşhası: Ḥafaḳân-ı ḥârrın şedîdü'l-ḥarâret olmayanları için ṭabâşîr dört cüzʿ, ʿüd-i Hindî, sükk her birinden birer dirhem, ḳaranfûl, kâkule her birinden birer dirhem, kâfûr nışf dirhem, keşîrâ üç dirhem. Bu miḳdâr edviye aḥz olunup mâ-ı terencebîn ile onlardan akrâş ittiḥâz olunur ve her bir ḳurşu nışf dirhem vezninde kılınır.

Nüşha-i Uḥrâ: Derünc bir cüzʿ, kâfûr rubuʿ cüzʿ, şandal sülüş cüzʿ, lü-lüʿ, büssed, ʿüd-i Hindî, kehrübâ, ṭabâşîr, verd her birinden nışf cüzʿ, lisân-ı sevr iki cüzʿ. Bu edviyeler mâ-ı tuffâḥla maʿcûn kılınıp akrâş ittiḥâz olunur ve şerbet-i vâhidesi bir dirhemden mişḳâl-i vâhide varınca ḳadar olur.

Ve Taṭfiʿede Bundan Akvâ Olan Devâ-i Âḡer: Bezr-i ḡass, bezr-i hindebâ ve fi-nüşhatin bezr-i Hindî, ṭabâşîr, verd, şandal, bezr-i baḡlatu'l-ḡamḡâ, lisân-ı şevr, küzbere-i yâbise, kehrübâ, lü'lüʿ. Bunlardan sefûf ittihâz olunup iki dirhem miḡdârı istifâf olunur ve cidden ceyyid olur. Eger ḡâcet müştredde olur ise ṭabâşîr, şandal-ı aşfer, verd her birinden birer cüzʿ, kāfûr rubuʿ cüzʿ bunlardan aḡz olunup istiʿmâl olunur ve bunun şerbet-i vâḡidesi iki dirhem miḡdârı olur.

Nüşa-i Uḡrâ: Neşâ, kehrübâ, inci, büssed, bâderencbüye, felencmüşk, şebb-i Yemânî-i maḡlûvv üçer üçer, ṭîn-i Ermenî beşer beşer. Bu devânın şerbet-i vâḡidesi mişḡâl-i vâḡid olur, oḡul otu suyu ile istiʿmâl olunur. Eger ḡafakân müştredde ve iştiʿâl ziyâde olur ise ve ḡalbin vereme bedʿinden ḡavf olunur ise o vâḡitte baʿḡı kerre bezr-i luffâḡ ve afyûn saḡyına ḡâcet olur. Ve ecved olan bezr-i luffâḡtan rubuʿ dirheme varınca ḡadar ve afyûndan nişf dâniḡa varınca ḡadar aḡz olunup misk ve ʿûd-ı ḡâm ve kāfûr ve zaʿferândan mütteḡâz olan [327a] ʿıtriyetli devâ ile ḡâcet-i vâḡt ve ḡuvvet ḡasebiyle ḡalṭ olunduktan sonra istiʿmâldir.

ḡafakân-ı Bâride Muʿâlecâtı Beyânındadır

ḡafakân-ı bâride mâddî ise onun mâddesi bizim bundan akdem şerḡ ve beyân eylediḡimiz ṭarîḡ üzere istifrâḡ olunur. ḡafakân-ı bârid-i mâddî beyninden mâddesi nâḡiye-i ḡalbde veyâḡûd nâḡiye-i miʿdede olan balḡam-ı raṭb istifrâḡından tecribe olunanlardandır: Ġârîḡûn nişf dirhem, şaḡm-ı ḡanzal bir dâniḡ, türbûd bir dirhem, muḡl bir dâniḡ, misk, zaʿferân her birinden birer ṭassûc,⁴¹⁹ ʿûd-i Hindî bir dâniḡ, milḡ-i nefî rubuʿ dirhem ve bu mezkûrlar devâ kılınır ve mezkûr olan mecmûʿ-ı mürekkeb şerbet-i vâḡidesi olur.

Ve sevdâvî için tecribe olunanlardan olur: Ehlîlec-i esved, ehlîlec-i Kâbülî her birinden birer dirhem, eftûmûn nişf dirhem, ḡacer-i Ermenî rubuʿ dirhem, devâu'l-miski'l-mürü üç dirhem. Bu devâlar aḡz olunup onları ıslatacak miḡdâr şarâb-ı reyḡânî içinde saḡy olunur.

Ve baʿḡı kerre sevdâvî ḡafakân mâddesini istifrâḡda müdâvemet üzere eyâric-i feyḡarâ istiʿmâline iḡtişâr olunur ve o eyâric-i feyḡarânın miḡdârı

419 الطسوح نصف قيراط وهو وزن شعيرتين

bir mişkâl olup bir dānik eftīmūn ve sikencebīn ile muvāşaleten ve mü-tetābī'aten saqı olunur.

Ammā mizāc-ı kalbi mübeddile olan edviye tiryāk ve Mesrūdītūs ve devāu'l-miski'l-ḥulv ve devāu'l-miski'l-mürr ve devā-i kayşar ve şelisā ve cüvārişenü'l-ūd ve cüvārişenü'l-anber ve devā-i kamīd ve fī-nüşḥa-tin devā-i kubbād ve müferriḥ-i kebīr ve ma'cūnu'n-necāḥ ve akrāşu'l-misk mişllilerdir.

Ve kaçan ḥafaḳān-ı bāridde berd-i ḳavī olsa enḳardiyā mişlliden saqı olunmağa ḥācet olur. Ve ba'dı kerre ḥafaḳān-ı bāride nef'i olur ḳaftārgān-dan⁴²⁰ bir nohut ḳadar içinde lisān-ı sevr naḳ' olunan otuz mişkâl tılā ile tenāvül eylemek ve onlar mā-ı ḥımmaş ve firāḥ-ı ḥamām ve aşāfir ve ḳanābir ile taḡdiye olunurlar.

Ve mürekkebāt-ı nāfi'a-i uḫrādan olur bu devā-i mücerreb: Lisān-ı sevr bir dirhem, zürünbād, derūnec her birinden dörder dirhem; onun şerbet-i vāhidesi bir dirhemdir. İşbu devā şehrin ibtidāsında ve evsātında ve āḫirinde şürb olunur ve onun şürbü şarāb-ı reyḥānī içinde olmak vācibdir.

Āḫer: Kehrübā, cünd-i bīdester her birinden birer cüz', ḳışr-ı ütrücc-i yābis, felencmüşk toḫumu her birinden nişf cüz', kehrübā, büssed her birinden birer dirhem, felencmüşk, ḳaranfül, sükk her birinden birer cüz', şerbet-i vāhidesi nişf dirhemdir, muşaffā olup ve muḡlāt olmayan uşāre-i müferriḥ ile saqı olunur. Ve bu şānda edviye-i nāfi'a vardır ki bālīḡan cey-yidedir, ḫavīlü'n-nüşḥa ve keşīrū'l-aḫlāttır, akrabādīnde mezkūrdur.

İkinci Faşl Aşnāf-ı Ğaşy ve Ğaşy Esbābı ve Mevt-i Müfāce'e Esbābı Beyānındadır

Ğaşy bir ḫālettir ki onda ḥiss ve ḫareket ḳuvālarının cüllü ve ekşeri mu'atḫale olur onun için ki ḳalb ziyāde ḫāf olur ve ḳalbi işlāḫ için cemī'an a'ḫā-i sāirede olan ervāḥ ve ḳuvā dāḫile ḫareket eder ve ḥiss ve ḫareketi fā'il olan ervāḥ ve ḳuvā ḫāricden munḳaḫ'a olmakla ḥiss ve ḫareket mu'atḫale olur veyāḫūd bāḫında olan ervāḥ bāḫında muḫteḳine olur ve teneffüs edecek menfes bulmamakla ḫāricden munḳaḫ'a olup ḥiss ve ḫareket mu'atḫale

420 “Ḳaftārgān” ḳāf ve fā ve tā ve elif-i maḳşüre ve rā ve ḡayn-ı mu'ceme ve elif ve nūn ile ma'acīn-i kibārdandır, onun şaḡīri ve kebīri olur, akrabādīnde zikri ātīdir.

olur veyâhûd ervâh kalîle ve rakîka olur ve ma'deninde ya'nî kalbin tecvîf-i eyserinde bulunması vâcib olan miqdârdan ziyâde ve fâdil ervâh olmaz ve mevcûd olan ancak ma'denin mühimmâtına vefâ edip ervâh ve ervâhın hâmil olduğu kuvâdan bir nesne hârice hürûc etmemekle hiss ve hareket kuvâları mu'attele olur.

Ve bizim bu tahkîkimiz senin ma'lûmun olur esbâb-ı gâşyi bizim beyânımızdan, zîrâ gâşyin sebepleri mevâdd-ı hânîkadan keşret üzere kalbin imtilâsı olur veyâhûd kalbde südde olur veyâhûd rûhu muhallil istifrag olur veyâhûd cûc-ı şedid hasebiyle rûhtan mütehallil olanlara bedel bâ-yetehallel hâşıl olmaz.

Ve gâşye şabri ađaf olanlar o kimselerdir ki onların hâllerini şihhat ve marađ beyninde vâsıta kılıp etıbbâ derler ki onlar ne şahıh ve ne marıddır ve onlar şıbyân ve şıbyâna muķârib ve meşâyıh ve nâkıhündür. Ammâ bi-hasebi's-sinn mütenâhî olanlar ya'nî kühül onlar gâşye tahammül ederler ve onların şitâda gâşye tahammülleri şayfta tahammüllerinden ziyâde olur.

Veyâhûd esbâb-ı gâşy kalbde müstahkem olan sü-i mizâc veyâhûd sü-i mizâcdan kalbe defaten hâdis olan marađ-ı azîm veyâhûd vecac-ı şedid veyâhûd ađâ-i re'iseden birinin kuvâsında olan đafıtır, o đafı kalbin đafı ise onun gâşyi icâbı ekşer olur ve ba'dehu đaf-ı dimâg ve ba'dehu đaf-ı kebid gâşyi icâb ederler.

Veyâhûd gâşyin sebebi kalbe müşârik uđvun đafı olur, fem-i mi'de mişli veyâhûd sebep-i gâşy cem'ân bedeninin đaf ve hüzal ve nehfeti olur veyâhûd 'arıđ-ı nefsanînin istilâsı olur mevđi-i âherde bizim beyân eylediğimiz üzere. Ve 'arıđ-ı nefsanî hasebiyle olan gâşy ekşer-i hâlde meşâyıha ve đufâfâ ve nâkıhîne 'arıđ olur.

Veyâhûd sebep-i gâşy kalbe ve rûha bi-hasebi'l-cevher müdâdde olan bir nesnenin kuvveti kalbe ve rûha vürüdu ve vuşülü olur müntine ve mu'af-fine âbârı⁴²¹ ve havâ-i vebâiyyeyi istişmâm gibi. Ve hummayât-ı vebâiyye ve ciyef-i müntine vuķû'unda ve sümûmun kuvveti kalbe nüfûzunda dahi gâşy 'arıđ olur. Ve ba'dı kerre bi-müşâreketi's-şiryân gâşy 'arıđ olur. Ve fem-i mi'deye şu'üd eden didân hasebiyle dahi olur.

421 "Âbâr" kuyular ma'nâsına.

Bu maqâmda zıkr olunan tafşilden ekşer baş-ı kelâm ve tafşil-i merâm etmek vâcib olduğuna binâen tafşile şürû edip biz deriz ki mevâddan gâşyin hudûsu mevâdd keşire olup mecârî-i rûhu sedd edip cemî'an rûhu kalbde habs ve haşr etmekle olur, hattâ o haşr bir meblağa bâliğ olur ki o meblağ ihtinâka qarîb olur. Ve keşret-i mevâdd ile gâşyin hudûsu kabîlinden olur ahlât-ı keşirenin ve demin mi'deye ve şadra ve o mişlilere inşibâbı hasebiyle olan gâşy. Ve kezâlik verem-i hunâk ve zâtü'l-cenb ve zâtü'r-riye maddesinin nâhiye-i kalbe def'aten intikâli veyâhüd o mevâddın mesâmma luhûcu ve mesâmm-ı ervâhı seddi 'ale'l-huşûş teneffüs a'fâsında olan mesâmma luhûcu ve seddiyle hâdis olan gâşy o kabîlden olur. Ve ba'dı kerre zıkr olunan mevâddın 'urûk-ı bedeninin cümlesine 'amm olduğundan hâdis olur her ne kadar o mevâdd-ı şâmilenin 'urûku seddi keşire ve tämme olmaz ise.

Ve ba'dı kerre dahi gâşy keşret-i kemmiyyeti ile olmaz belki keyfiyyeti şedîd ve ezâsı muhkem ve müştedd olmakla olur, meşelâ o mâdde cidden bâride ve cidden lezzâ'a ve cidden muhrika olur, onların îzâsından gâşy hâdis olur; nevâib-i hummânın evâilinde olan gâşy bu kabîlden olur, zîrâ evvel-i nevbette olan mâdde gâliba ve lezice veyâhüd lezzâ'a veyâhüd muhrika olur. Ve o mevâdd ba'dı kerre kalbe qarîb olan a'fâda olur ve ba'dı kerre kalbe müşârik olan a'fâ-i uhrâda olur, meşelâ dimâğda olur. Ve kaçan dimâğda olan südde kâmile olur ise o südde sektenin fâ'ili olur ve lâ-mahâle sektede gâşy hâşıldır.

Ve ba'dı kerre mi'dede olan sebeb-i kadîm veyâhüd da'f hasebiyle fem-i mi'deye hârr ve bârid mevâdd tahallüb eder ve ondan gâşy hâdis olur. Ve ba'dı kerre 'urûk-ı bedende keşret-i süded olduğundan olur hangi mevki'inde olur ise olsun.

Zıkr olunan mevâdd-ı kıttâle ba'dı kerre ekl ve şürb ifrât üzere olup sū-i hadm hasebiyle 'arîd olan tevâtür-i tohm ile tekevün eder ve o mevâdd bedene münteşire olur ve 'urûku mümteli'e eder ve mesâlik-i nefesi sedd eder. Ve bu mevâdd cihet-i uhrâdan dahi gâşye mu'ine olur, [327b], zîrâ o mâdde ki keşreti hasebiyle gîdâ-i şâlihîn tarîkini sedd eder ve kendi dahi bi-nefsihâ gîdâ-i şâlihe istihâle eylemez, zîrâ o mevâdd keşretinden nâşî tabî'ata gâlibe olup münfa'ile olmaz ve tabî'at mağlûb olmakla onu gîdâ-i

şâlihe ihâleden ʿâcize olur, lâ-cerem beden ğidâdan maħrûm olduğundan o mādde-i fâsideden müteʿezzî olmakla ʿarîd olur. Ve bu vech ile ğaşı fâʿil olan mevâdd-ı keşîretü'l-kemmiyyet ve rediyyetü'l-keyfiyyet ğaşı fâʿile olduğu gibi miʿdede vâkıʿ oldukta her ne miqdâr kemmiyyeti ve redâʿeti kalîle olur ise yine kerbi ve ğaşı fâʿile olur.

Ammâ ifrâṭ üzere istifrâğdan hâdiş olan ğaşı onun içindir ki istifrâğ olunan mevâdd-ı rediyye ile maʿan ervâh dahi istifrâğ olunur hattâ o istifrâğ keşîre oldukta ervâhın cumhûru münhezim ve müteħallil olup ğaşıye müʿeddî olur. Ve o istifrâğ-ı müfrit zereb katında ve ishâl-i müteṭâbiʿde ve zelağ-ı miʿde ve zelağ-ı emʿâda ve sahc-ı keşîrde ve kayʿ ve ruʿâfta ve mağʿade ʿurûku efvâhından ve cirâhâtan ve o mişlli ʿudv-ı âherlerden dem nezf eyledikte veyâhüd verem-i istiskâ bezl olup suyu istifrâğ olundukta⁴²² ve dübeyle baṭṭ olup mādresi keşîreten ve defʿaten iħrâc olundukta ve hayḍ ve nifâs nezfinde ve keşret-i riyâdetde ve şedîdü'r-taʿrîk olan ğammâm-ı ğârda keşret-i mağâm katında veyâhüd esbâb-ı uħrâ ile taʿrîk-i şedîd vuķûʿunda gerek ise taʿrîki o sebep-i lezzâta fâʿil olsun ğarâret gibi ve gerek bedeni ʿarağa müstaʿidd olsun bedende taħalhul ve aħlâṭta bi-ğasebi'l-cevher ve ʿṭ-ṭabâyiʿ teraķķuk iħdâş eden nesnelere gibi, pes bu istifrâğların her hangisi vâkıʿ olur ise onlar ile ervâh dahi keşîren istifrâğ olunup ğaşıye müʿeddî olur.

Ve kaçan istifrâğ-ı aħlâṭ ğasebiyle ğaşı ʿarîd olup henüz kuvve-i ğayvâniyye kavîyye olsa o ğaşı baʿde'l-faşḍ hâdiş olan ğaşı gibidir, ikisi dahi meħûf ve ğaṭar-nâk değildir.

Ammâ vecaʿın ğaşıye müʿeddî olduğu ervâhı ifrâṭ üzere taħlîli ğasebiyle olur, ilâvus ve kûlınca bu vech üzere ğaşı hâdiş olduğu ve miʿde ve fem-i miʿde, miʿâ ve bunların emşâli aʿḍâda olan lezʿ-ı müfritten ğaşı hâdiş olduğu gibi.

Ve ʿaşabda hâdiş olan ğurâcât ve ķurûḥ ve o ʿudvlara işâbet eden lesʿât-ı ʿaķreb u zembür ve müsevvede olup iħtikâki olan ķurûḥ-ı mefâşıl ve mefâşıl mefrâğlarına mevâdd-ı müzînin inşibâbından nâşî olan vecaʿlar dahi ğaşıye müʿeddî olur. Ve kezâlik ķurûḥ-ı sâʿiye ğiddeti ve teʿkkülü ile ğaşı iħdâş ve ʿudvu ifsâd edip hattâ mevte müʿeddî olur, zîrâ o ķurûḥ ğaşıye evvelâ vecaʿ ğasebiyle ve âğiren ķalbi şedîden tebrîd ile veyâhüd onun buğâr-ı semmi

422 Yaʿnî “bezl olundukta” “şaķķ olundukta” demektir.

fâsidi teceyyüf-i 'uđvdan⁴²³ münba'ise olup mizâc-ı insânın dıddına istihâle eylediğinden sonra kalbe irâdı hasebiyle icâb eder.

Ammâ 'avârıd-ı nefis ile 'ârıd olan gâşyde bundan akdem biz tekellüm eyledik ve o 'avârıd-ı nefsin kalbi ihcâf ve ihlâk eylediğinin sebebini sen bildin.

Ammâ veremin gâşyi icâbı ba'dı kerre 'ızamı hasebiyle olur. Verem-i zâhirî ve verem-i bâtınî 'azîm oldukta onun ezâsı şerâyîn tarîkından kalbe vâsıl olup mizâc-ı kalbi ifsâd eder veyâhüd verem ğılâf-ı kalbde ve o mişlli kalbe qarîb olan 'uđvda olur, kurbıyyeti ile kalbi ifsâd eder her ne kadar verem cidden 'azîm olmaz ise, verem-i 'azîm ba'ıdın fi'lini işler. Ve ba'dı kerre veremde veca'-ı şedîd olup gâşye mü'eddî olur, ammâ mi'de âfetlerinin küllisi gâşye sebeb olmağa şalâhiyyeti vardır.

Ve ma'lûm ola ki mi'de mevdi'-i kalbe qarîb bir 'uđvdur ve ma'a-hâzâ mi'denin hissi şedîddir ve ma'a-hâzâ ahlâf-ı muhtelifte ictimâ'ının ma'denidir, pes mi'denin gâşyi ihdâsı ba'dı kerre cidden tebrîdi ile olur, bülümüs⁴²⁴ âfetinde olan gâşy gibi veyâhüd cidden teşhini veyâhüd cidden icâcı ile olur. Ve ba'dı kerre dahi mi'dede ğalîza rediyye-i bâride veyâhüd lezzâ'a-i hırrife mevâdd olduğundan olur ve fem-i mi'dede büsür ve kuruş olduğundan dahi olur.

Ve ma'lûm buyurula ki a'đâ-i âherin âfeti gâşye sebeb olduğu onlarda olan veca' kalbe muttaşıl olmakla olur veyâhüd onlarda buhâr-ı semmî olup kalbe irsâl etmekle olur ve bu irsâl-i buhâriyye ile olan gâşy ihtinâk-ı rahim mişllilerde olur. Ve taħallül-i rûha mü'eddî olan istifrâğ ile ve fem-i mi'dede đâf-ı şedîd olmakla dahi gâşy olur.

Ammâ südedin gâşyi icâbı havâlî-i kalbde olan mecârî-i rûhu süded sedd ve hanık etmekle olur.

Ve emzice hasebiyle olan gâşy o mizâc-ı fâsid redî ve kavî olup mizâc-ı kalbe ğalib olmakla olur rediyye-i muhrağa ve vebâiyye olan hummâlarda olduğu gibi. Ve bu gâşy cemî'an bedene müşâreket ile olur.

423 Ya'nî 'uđv fâsid ve cife gibi olduğundan sonra onun buhâr-ı semmîsi kalbe vürü-
dunda gâşy hâdis olur demektir.

424 "Bülümüs" cü'-ı bakârî dedikleri mi'de âfetidir.

Ve ma'lûm ola ki kaçan ğaşy müstahkem olsa ona 'ilâc olmaz. O ğaşy ki onun şâhibinin yüzüne ihdırâr ve rakabesine intikâs te'eddî eyleye ve başını kaldırmağa qarîb olmak mertebesine vâşıl olmaya, o şâhib-i ğaşyin hâli bu meblağa bâlîğa olsa re'sini ref' ve işâle eylediği sâ'at helâk olur.

Ve ma'lûm ola ki bir kimseye faşd vâcib olmakla iftişâd eyledikte ona ğaşy 'arîd olsa ve o ğaşy keşret-i istifrâğla veyâhûd o kimsenin faşd katında ğaşye i'tiyâdı olmakla olmasa o ğaşy delâlet eder ki onun bedeninde marađ veyâhûd mi'desinde li-zâtihâ veyâhûd inşibâb-ı mevâdd ile da'f vardır.

Ve kaçan şeyh-i maħmûmun ħummâsı münħalle olup mevâddi mi'desine vürüd eylese ğaşyi ihdâş eder.

Ve faşd mu'tâdi olmayan kimseye evvel-i faşdında ğaşy 'arîd olsa o ğaşy-ye i'tibâr olmaz, zîrâ onun ğaşyi müfâce'e hasebiyledir, onda ħařar yoktur, i'tiyâd hâşıl oldukta iftişâd katında bir dahi o ğaşy vâkı' olmaz.

Ve beħârîn evkâtında çok kerre ğaşy vâkı' olur, zîrâ buħrânlarda mevâdd müntefîda oldukta mi'deye vârid olup ğaşy icâb eder. Ve çok kerre dahi faşd tebrîdi ile ğaşyi ihdâş eder.

el-'Alâmât: Ğaşy esbâbına ve evcâ'ına delâlet eden 'alâmetler bundan aқdem zıkr olunan ħafaқân 'alâmetlerine münâsib 'alâmetlerdir, zîrâ o esbâb da'ife olur ise esbâb-ı ħafaқân olur ve eger қaviyye olur ise esbâb-ı ğaşy olur ve eger aқvâ ve cidden şedîd olur ise mevt-i müfâce'e esbâbından olur.

Ve nabđ ğaşye edell-i delîl olur. Ve kuvvette şebât olup nabđda inđiğât olur ise mâdde-i dâğıřaya delâlet eder. Ve eger nabđda ihtilâf-ı şedîd olup feterât ve şığar dahi olur ise kuvvetin inħilâline delâlet eder. Ammâ nabđın sâir aĥvâl üzere delâlet eden edille-i sâiresi bundan aқdem senin ma'lûmun oldu.

Ve'l-ħâşıl ğaşy def'aten ħâdiş olmasa o mişlli ğaşyde evvelâ nabđ-ı şağîr ħâdiş olur, ondan sonra dem ğaybeti aĥz eder ya'nî dâĥile rücu' eder ve levn-i beşere olduğu ħâlden raĥavvül ve tebeddül eder ve göz kapađını kaldıramamak mertebesine qarîb olur ve ħareket-i 'aynda da'f zâhir olur ve gözünün levni dahi müteğayyir olur ve vücûd-ı ħâricîsi olmayan ħayâlât dahi görünür ve eřrafı bârîde olur ve bedeninde nedâvet-i bârîde zâhire olur ve ba'đı kerre ğaşeyân ve ba'đan cemî'î bedene bürüdet 'arîda olur. Bu

‘alāmâttañ kaçan birisi faşd ve ishāl ve mücib-i ālām bir nesneyi müzāvele ‘aķabinde zāhir olsa o emr terk olunup mücib-i ālāmın sebebi kaçt olunur, zīrā terk olunmasa ğaşye mü‘eddī olur.

Ve kaçan ğaşy vāķi olup esbāb-ı bādīye ve esbāb-ı sābıķadan bir sebep zāhir [328a] olmasa ve o ğaşy ħafaķān-ı mütevātir ile olup fem-i mi‘dede ħafaķān-ı mütevātiri ve mütekerriri mücib bir emr dahi olmasa o ħafaķān ķalbīdir ve müstahkemdir. Ammā ğaşeyān ve kerb ile olan ħafaķān ba‘dı kerre mi‘dī olur.

Ve kaçan mütevāliyen ğaşy-i şedīd vāķi olup onu icāb eder sebebi zāhir olmasa belki o ğaşy ķalbī olsa o ğaşyin şāhibi fec’eten helāk olur.

el-İlāc: Sū-i mizāc-ı müstahkem ile ħādīs olan ğaşy-i ķavīnin mu‘ālecesi olmaz, ammā bu minvāl üzere olmayanlar belki eķaff veyāhūd ķalbden ħāric esbāb ħasebiyle olanlara mu‘ālece olunur. Ve şāhib-i ğaşy ba‘dı kerre ğaşyde ve ba‘dı kerre beyne’l-ğaşy ve’l-ifāķa bir ħālet-i mütevasıtada olur ve ba‘dı kerre dahi ğaşyden eķaff bir nevmde olur. Eger o ‘alīl ğaşyde olur ise biz ona dāimā kaçt-ı sebep ile mu‘ālece eylemek mümkün olmaz belki o sebep ile ‘ārīd olan ‘arađa lāyıkı olan ‘ilācla mu‘ālece eyleriz. Ve ba‘dı kerre mu‘ālecede biz mütedāddān iki ‘ilāca muĥtāc oluruz o ‘illette müteĥālīfān iki cüz’ olmak ħasebiyle, ona bināen a‘đāda olan aĥlātı istifrāĝ edip noķşān üzere kılarız ve ervāĥı rūĥu münmī ve mün‘iş olan nesnelere ile iķsār ve in‘āş eyleriz ve ervāĥtan müteĥallile olan eczāların bedelini taĥşīl eyleriz.

Ve ‘ārīd olan ğaşeyānın mu‘ālecesinde evvelā biz bed’ edip rūĥu revāiyi-‘i ‘atīre ile taĝdiye ve tenmiye eyleriz. Lākin iĥtināķ-ı raĥimde ve iĥtināķ-ı raĥimden ħādīs olan ğaşyde vācib olur ki ünūfuna revāiyi-‘i mün-tine taķrīb oluna ĥuşūşān o revāiyi fem-i mi‘deye mülāyim rāyiĥa ola. Ve iĥtināķ-ı raĥim ve ondan ħādīs olan ğaşyde ĥıyār şemminin ħāşşıyyeti vardır ve o ħāşşıyyet mücerredir ĥuşūşān ħārr ve şafrāvī olan ğaşyde ħāşşıyyeti ziyādedir; ĥass dahi bu minvāl üzeredir. Ve taĝdiye-i rūĥtan sonra kuvveti nāiş olan eşribe saķy ve tecrīf olunur. Eger ‘alīlin cū‘ ve ĥavāsı var ise ona şarāb-ı şırf taķrīb olunmaz belki onun şarābına keşiren mā-ı laĥm ĥalt veyāhūd su ile o şarāb mezc olunur. Eger ‘ale’l-cū‘ ‘alile bilā-ĥalt velā-mezc şarāb-ı şırf saķy olunur ise o ‘alilde iĥtilāt-ı zihñ ve

teşennüc ʿārîd olur.

Ve envāʿ-ı ğaşyin ekşerinde ehemm ve elzem olan h̄āric-i beden[i] tekşîf eylemektir ervāh muhtenika olup taḥallül eylemesin için meger ki onda ishāl-i kavī veyāhūd ğaşyin sebebi berd-i şedîd ola.

Ve kaçan ğaşyde reşş-i mā-ı bāride münāfî berd-i zāhir gibi sebeb olmaz ise lāyık olur ki mā-ı bārid reşş olunmakla tervîh oluna ve mā-ı bārid dahi tecrîʿ oluna, ʿale'l-ḥuşûş mā-ı verd ile tervîh oluna ve mā-ı şandal reşş olunan şiyāb dahi ona ilbās olunup revāyih-i bāride şemm ettirile. Ve çok kerre bu tedbîr ile ğaşyden ifākat h̄āşıla olur.

Ve kaçan ğaşyi kavī olsa bununla ondan ifākat h̄āşıla olmaz. Ve o ğaşy cidden cidden h̄ārr ve muḥallil olan bir emrden sonra ve ʿaḫabinde h̄ādîş deĝil ise vācib olur ki ondan burnuna misk nefḥ oluna ve ĝāliye şemm ettirile ve ona nedd⁴²⁵ tebhîr oluna ve mümkin ise ona devā-i misk tecrîʿ oluna.

Ve eger sebeb-i ğaşy ḫarāret ise onun ʿilācında ʿıtr-ı bārid istiʿmāl olunur ve yüzüne mā-ı bārid reşşi evlā olur. Ve ʿıtr-ı bārid içine ḳalîl misk ḫalt olunmakta beʿs yoktur eger onun aḫlātında olan kāfūr ve şandal ve sâir ḳaviyyü't-tebrîd nesnelere miske ĝālib olur ise onun için ki bevārid mūzî olan mizāc-ı h̄ārrı taʿdîl eder ve misk dahi h̄ārr-ı ĝarîzîyi taḳviye eder ve kezālik mā-ı bārid tecrîʿinde dahi beʿs yoktur. Eger ʿalîlin h̄ālî şarāba müteḫammile ise şarāb-ı müberred-i raḳîḳ-i laṭîf ile o mā-ı bārid mezc olunmakta beʿs yoktur belki ecved olur. Ve bu tebrîd ile maʿan fem-i miʿde mütevātiren delk olunmak lāyık olur ve vācib olur ki onun maḍcaʿı havā-i bārid olan maḥallde ola. Ve kezālik sebeb-i bāriden h̄ādîş olan ğaşyden mā-ʿadā aĝşiyānın cümlesinde maḍcaʿ havā-i bārid olan mevḍiʿde olmak vācib olur ḥuşûşan aşḫāb-ı dıḳḳın maḍcaʿı havāsi bārid olmak müʿekkeden vācib olur.

Ve vācib olur ki müdāvemet üzere onların eṭrāfları ve aʿḏā-i reʿisele-ri nevāḫileri mā-ı verd ve maʿrûfe olan ʿuşārāt-ı bāride ile tenṭîl oluna ve lâbüdd ve lâzımdır ki şarāb-ı müberred onlara saḳy oluna. Ve eger onlarda fivāk ve ğaseyān mişlli aʿrāḏ olur ise vācib olur ki ʿalîlin ḫarāreti inʿāş olunup ve taḫrîfatına iʿānet oluna, ḫalkına rîşe idḫāl ve daĝdaĝa ihḏās edip kusturula ve onun ḳayʿı tehyîc ve taḫrîk oluna ve ervāh dahi bāṭından h̄āric-i

425 Bir nevʿ tibe derler; ʿArabiyyü'l-aşl deĝildir. Vankulu.

bedene tahrîk oluna.

Ve vâcib olur ki bu mezkûrlara müdâvemet oluna ve onun katında celebe ve şıyâh-ı şedîd oluna velev bi'l-kündüş ta'cîs dahi oluna. Bunlardan dahi 'alîl intifâc eylemeyip kündüş ile dahi 'uṭâsı olmaz ise o marîd hâliktir.

Ve ğaşyda ve huşuşan ğaşy-i istifragîde vâcib olur ki onlara eṭime-i şehiyyenin revâyihi takrîb oluna lâkin fem-i mi'dede vâki' hılttan nâşî olan ğaşy ve ğaşeyân aşhâbına o revâyiḥ takrîb olunmaz.

Ve vâcib olur ki müberreden ve müsahḥhanen şarâb iki ma'lûm olan hâl i'tibârıyla saḳy ve tecrîc oluna.⁴²⁶ Ve şarâb onlara eşyânın enfezi ve eraḳkı ve elṭafı ve ta'men aṭyebi olur bu evşâf ile mevşûfe olan şarâbda kuvvet-i kabddan baḳiyye olduḡu için. Ve vâcib olur ki o şarâbda merâret-i kaviiyye olmaya ve ğılzat dahi olmaya, zîrâ merâret olur ise ṭabî'at onu müstekrihe olur ve ğalîzin sür'at üzere nüfûzu olmaz. Ve vâcib olur ki onun levni şufrete mâil ola lâkin ğaşy istifragî hasebiyle oldu ise ve huşuşan o istifragî mesâm-mâtın taḥalḥulü olup mesâm-mâtın mevâddın istifragî hasebiyle ḥâdiş oldu ise o 'alîle şarâb-ı esved-i ğalîz saḳyı maḥbûb olur, zîrâ şarâb-ı esved-i ğalîz ziyâde taḡdiye eder ve ondan ḥâdiş olan hıltın 'adem-i taḥallüle meyli olur ve rûhu kıvâm-ı aḣlisine i'ade eder. Ammâ bu a'zârı olmayanlara şarâbın evfaḳı sür'at-i nüfûzu olan şarâbdır. Ve sür'at-i nüfûz bununla ma'lûm olur ki bir şarâbı ḳalîlen şürb edersen eger o şarâb-ı meşrûb şâribi serî'an teşhîn eder ise ve onun kıvâmı ḥasen ve kendi ṭayyib ise o şarâb maṭlûb ve ğaşye muvâfiḳ olur. Ve ba'ḋı kerre o şarâbın içine miskten iki ḥabbe miḳdârına ḳarîb misk veyâḥûd devâ-i miskten bir şerbet miḳdârı veyâḥûd şerbet-i vâhidenin nişfi veyâḥûd sülüşü ḥalṭ olunur eger ğaşy şedîd olur ise. Ve kezâlik akrabâdinde zıkr olunan akrâş-ı misk dahi ḥalṭ olunur. Ve şarâbın evfaḳı bu 'illet mişllilerde müsahḥhan olanlardır, eger ğaşy ḥarâret hasebiyle deḡil ise enfez olmakla enfa' olur. Ve eger o şarâb ḥubz ile taḳviye olursa in'âş-ı ḥarâretten eb'ad olur.

Ve aşhâb-ı ğaşyden şarâb-ı müsahḥhan saḳyına ziyâde muḥtâc olan o kimselerdir ki onun ğaşyinin ifâḳatı baṭî olur ve buṭ-ı ifâḳati olanlara şarâb-ı bârid saḳy olunmaz. Ve kezâlik cemî'-i bedeni tebrîd eden ğaşy aşhâbına şarâb-ı bârid saḳy olunmaz belki o mişlli ğaşylerde eṭrâfı ve mi'

426 Ya'nî ḥafaḳân-ı ḥârreda şarâb-ı bârid ve ḥafaḳân-ı bâridde şarâb-ı ḥârr saḳy oluna.

deyi edhân-ı hârre vü ʿaṭire ile delk ve temrîḡe ḡcet olur.

Eger ḡaşy mādde ile ḡādîş oldu ise, mümkün ise mādde tenkîş olunur; sühulet ile kayṗ eylemesi meʿmûl olan kimseler taḡtiʿe ile veyâḡud ḡuḡne [328b] ve faşd ile mevâdd-ı mûziyesi taḡlîl olunur.

Ve eger sebab-i ḡaşy cihât-ı dâḡileden ḡādîş olan istifrâḡla ḡādîş oldu ise eṭrâf teşḡîn olunur ve eṭrâf edhân-ı hârre vü ʿaṭire ile delk olunur. Ve baʿdı kerre eṭrâfı šedde ḡacet olur ve istifrâḡ bâbında zıkr olunan istifrâḡı ḡâbis olan tedâbîrin cümlesiyle tedbîr olunur ve inʿâş-ı kuvvet eden senin bildiḡin tedbîr ile tedbîr olunur.

Ve ḡaşyin heyḡa ʿaḡabinde olanlarına devâ-i šâliḡ olur sükk ve misk šarâbla istiʿmâl olunmak, mâ-ı laḡm-ı kavî ile maḡlûṡ ʿušâre-i sefercel šarâb içinde istiʿmâl olunmak ve onlara kündür maḡḡı ve kâfûr ile mürebba ṡîn-i Nîsâbûrî nâfiʿ olur.

Ve eger cihât-ı ḡâriceden yaʿnî ʿarak mišlliler ile olan istifrâḡdan ḡaşy ḡādîş ise zıkr olunan tedâbîrin aḡdâdı ile tedbîr olunur yaʿnî eṭrâf tebrîd olunur ve cilde âs ve ṡîn-i kaymüliyâ ve kušûr-ı rummân ve sâir kavâbiḡ zerr olunur ve mevâdd elbette ḡârice taḡrîk olunmaz. Ve bu zerûr dâḡilden olan istifrâḡla ḡādîş ḡaşyde istiʿmâl olunmaz.

İstifrâḡî olan ḡaşylerde kuvvet taḡviye olunmak vâcib olur ḡušušan aḡdiye-i šehiyye mišllilerin râyiḡasını taḡrîb ile taḡviye olunur.

Ve eger ḡaşy vecaʿ sebebiyle ḡādîş ise o vecaʿ taḡdîr olunur eger sebab-i vecaʿı kaṡṡ mümkün olmaz ise ḡûlinc vecaʿı felûniyâ mišlliler ile taḡdîr olunduḡu gibi.

Ve eger sebab-i ḡaşy sümûm ise ona bâd-zehrât-ı mücerrebe ve devâ-i misk ve bâbu's-sümûmda mezkûr olan edviyeler dahi saḡy olunur.

Bu tedbîrler ḡâlet-i ḡaşyde olan tedbîrler idi. Ammâ ḡaşyden ḡalîlen ifâḡat bulup fetrette olanların tedbîrleri yine vaḡt-i ḡaşyde olanların tedbîrleri gibidir ve ḡalîlen ifâḡat ḡasebiyle o tedbîrlerin baʿdılarına tešşirde temekkün ziyâde olur ve iki ḡâlde yaʿnî ḡâl-i ḡaşy ve ḡâl-i fetrette mütesâvî ve temekkünde berâber olan tedbîrler bi-ḡasebi ḡâlin ḡâlin bâbu'l-ḡafaḡân-da zıkr olunduḡu üzere ʿaceleten tecerruʿ olunan edviye-i nâfiʿalardır.

Ammâ fetret-i ḡaşyde temekkün-i zâidesi olan tedbîr fem-i miʿdede imtilâ ḡasebiyle olan ḡaşy-i fâtirin tedbîridir, zîrâ o cihetten ḡādîş olan fetrette

kaş şifâ olmakla takyî'e için ictihâd olunur.

Ve kezâlik fem-i mi' dede imtilâ olsa vâcib olur ki o kimse tecvî' olunup ğidâsı taqlil olunur ve o mişlli 'alilin mütehammil olduğu riyâdet ve delk ile cemî'-i a'đâ hattâ mi' de ve meşâne dahi delk olunur ve ona ađdiyeden hâlet-i ğaşyde it'âmı lâzım olan şarâbı ađdiyelerden mâ-'adâ bir ğidâ tahmîl olunmaz. Ve eţibbânın cehelesi ğaşy-i fâtir aşhâbını tađdiye ederler ve zann ederler ki o ğidânın ona menfa'ati olur, ma'a-hâzâ o ğidâ onların kuvvetlerini fâş eder ve harâret-i ğarîziyyelerini hanık edip ihlâk ve katl eder. Ve bu mişlli ğaşy aşhâbı sikencebîn ile ve huşuşan içinde zûfâ mişlli tel'tif ve taqtî'i olan edviye tađlı olunan sikencebîn ile intifâ' ederler.

Ve eger sebab-i ğaşy a'đâ-i nefeste ve o a'đânın nevâhîsinde olan südde olur ise sikencebîn ona tecrî' olunur ve iki sâkı ve iki 'adudu delk olunur ve bu tedbîr mişlliler ile idrârına iştigâl olunur. Ve ona şarâbın rakîki saşy olunur ve bu şarâbı saşy eger 'alilde harâret var ise olur.

Ve eger o ğaşy istifrag ve da'f hasebiyle olur ise ona lahmıdan taqtîr olunan su tecrî' olunur ve mu'aţtar ve mâ-ı verd ile mađlût olan şarâb-ı reyhânî içinde menkû' olan hubz dahi maşş ettirilir. Ve ba'dı kerre dahi ona düğ müberreden saşy olunmakla intifâ' ederler o vaqtte ki onlarda ma'a'l-istifrag harâret ola. Ve bu hükmde mâ-ı hışırım düğ gibidir. Ve onlardan efđal ve enfa' olur ütrücc hummâđının rubbu ki onun içinde varaş-ı ütrücc vađ' oluna.

Ve bi'l-cümle kaçan ğaşy ile ma'an kerb-i mülhîb var ise veyâhüd ğaşy ta'arruk-ı şedîdden hâdiş ise ona verilecek ve saşy olunacak nesnelere müberreden verilmek vâcib olur her ne kadar o saşy olunan devâdan mađlûb olan fi'l teşhîn ise. Ve o ğaşye enfa' olur mâ-ı lahm tađlı-ı kavî ile içinde şarâb-ı reyhânîden on ya'nî on dirhem ve şufret-i beyđden dahi bir miqdâr ve tuffâh-ı selâşeden birinin ya'nî tatlı ve ekşi ve mayhoş elmalardan birinin 'uşâresinden bi-hasebi'l-iktîdâ miqdâr-ı lâyıkı olduğu hâlde tađlı olunduktan sonra saşy olunmak. Ve eger sen şarâbın teşhîninden hazer edip saşy-ı şarâba cesâret eylemez isen râib-i müberred içinde hubz-ı semîd idâfe edip saşy edersin ve rubb-ı fevâkih ile ma'mûl olan meşuş envâ'ını it'âm edersin.

Ve eger vaqt-i ğaşyde veyâhüd ba'dehu veyâhüd bu müberridâtı isti'mâl

katında o ʿalîle berd ʿarîd olur ise huşûşan aḥşâsına berd hâdiş olur ise ona maʿcûn-ı felâfilî veyâḥûd felâfilin kendi ve efsentîn saḳy olunur ve baʿdı kerre bunlar şarâb ile saḳy olunur.

Ve kaçan ʿilâcda tenkıyeye ḥacet olsa ve ona ifâkat gelse vâcib olur ki miʿde takviye oluna ve o ʿilâca ibtidâ olunup ʿasel ile maḥbûḥ olan efsentîn şarâbı saḳy olunur ve miʿdeyi muḳavvî olan aḍmide-i mezkûre istiʿmâl olunur ve baʿdehu şarâb-ı reyḥânî saḳy olunur ve ğidâiyyeti maḥmûd olan aĝdiye ile taĝdiye olunur.

Ammâ ibtidâ-i ḥummâyâtta hâdiş olan ve evrâm ile olan ğaşıylerin muʿalecâtını bâbu'l-ḥummâda ḥummânın aʿrâdı muʿalecelerinde inşâillâhu taʿâlâ biz zıkr eyleriz: Ve beyân-ı icmâlîsi budur ki onlara muʿalecede vâcib olan eṭrâfı delk olunup teşhîn oluna ve hem eṭrâfı şedd oluna kuvvet ve mādde dâhile ğâyîşa olmasın için ve ekl ve şürbden onlar menʿ olunur ve nevmli hecr olunur, lâkin ibtidâ-i ḥummâda ğaşyin ʿurûḍuna sebep ḍaʿf olur ise o zamân nevmden menʿ olunmazlar.

Ve ğaşy olan kimselerde tenâvül-i taʿâmâ muḥtâc olanlara vâcib olur ki onların taĝaddîleri ḳable-nevbeti'l-ḥummâ ola ve nevbet gelmezden iki sâʿat ve üç sâʿat muḳaddem ola ve onların ğidâsı sevîḳ-i şaʿîr-i müberred ve ḥubz maʿa-müzevvere olur ve onlara ṭîb istinşâḳ ettirilir ve onların ṭabîʿatlarında itikâl olur ise telyînî olan aĝdiyeler taḳdîm olunur, evvelâ isfîdbâcât ve o mişlli aĝdiye verilir, şarâb-ı tuffâḥ sikencebîn ile şürb ettirilir ve bu şarâb o mişlli ğaşye nâfiʿdir. Ve eger muṭlaḳan ğidâya ḥaceti olur ise yaʿnî ğidâdan telyîn maḥlûb olmaz ise ona mâu'l-laḥm ve şufretü'l-beyḍ verilir ve o ḥasvler dahi verilir ki lübâb-ı ḥubz ve mâu'l-laḥmdan mütteḥaz ola. Ve baʿdı kerre o aĝdiyelere şarâbdan bir şey ḥalṫına ḥacet olur. Ve bunlar ile maʿan o ʿalîl takviye-i miʿdeye muḥtâc olur ise lâyıḳ olur ki o aĝdiyeye fevâkih-i ʿaṭire rubûbu ve ʿuşârâtı ḥalṫ oluna ki onlarda ḳabḍ ola. Ammâ o şâhib-i ğaşye ḥummânın vaḳt-i nevbetinde şarâbdan lâbüdd olur.

Ammâ ʿavârîḍ-ı nefsanîyye ḥasebiyle hâdiş ğaşyin tedbîr ve tedârükü zıkrî mürûr eyliidiĝi üzere yine revâyiḥ-i tayyibe ve enf ve şuḳbeyi sedd ve eṭrâf ve miʿdeyi delk için de kaʿk idâfe olunan mâu'l-laḥm ile taĝdiye olur, bi-ḥasebi'l-hâl şarâb dahi müberreden veyâḥûd müsahḥhanen istiʿmâl olunur.

Mirre-i şafrâ ḳayının mütevâliyen vuḳûʿuna muʿalece için saḳy olunan

şarâb memzûc olmak vâcib olur ve kezâlik [329a] veca'dan hâdis gâşyin saqı olunan şarâbı memzûc olur. Ve kûlinc için saqı olunan şarâbı kûlinc bâbında biz zıkr eyleyiriz.

Ve faşd 'aķabinde hâdis olan gâşy ekşer-i hâlde mi'de aşhâbına ya'nî mi'desinde âfeti olanlara ve 'urûķu đayyık ve kezâlik mi'desi đayyık olanlara veyâhüd bedenlerinde mirre-i safrâ ġalibe olanlara 'arıđ olur.

Ve faşd itiyâdı olmayanlara evvelâ iftişadında dahi gâşy 'arıđ olur.

Ve mu'tadı deġil iken faşd murâd edenlere vâcib olur ki ķable'l-faşd mi'deyi ve ķalbi muķavvî olan rubûbdan bir şey şürb eyleyeler. Ve kaçan gâşyde vâķi' olduklarında zıkr olunan tedbîr olunur ve şarâb-ı memzûc-ı müberred saqı olunup mi'deleri taķviye olunur ve ķuvvet-i mevcûdeleri hıfz olunur ve huşuşan o şarâb 'uşâre-i uķrâ ile saqı olunur.

Ve bize vâcibdir ki kelâmı baştan tekrâr edip diyeyüz ki gâşya mu'alecede biz birkaç nesneyi cem'e muhtâc oluruz: İstifrâġatı men' için ķabda ve taķlîle mu'ın olan a'dâ-i müsterġiyeyi taķviyeye ve fem-i mi'de mişlliyi ona vâride ve munsabbe olan mevâddı ķabûl eylesin için şedde muhtâc oluruz ve şarâb mişlli rûhu muġaddî ve ķuvvetinin nüfûzu serî' olan edviyeye dahi muhtâc oluruz. Pes bunların ef'âlî birbirlerine müdâdde olur, iki fi'l bir vakte cem' olmak câiz olmaz. Ve vâcib olur ki onlar ezmine-i müteferriķada isti'mâl olunalar, ķābıđ olan edviye zamân-ı ifākatta isti'mâl oluna veyâhüd ķuvveti nâ'iş olup nüfûzu serî' olanları isti'mâle mübâderet olunup evvelâ isti'mâl olunur ve in'âşla eşeri zâhir olduktan sonra şānî ya'nî ķābıđ isti'mâl olunur ve ķābıđ taķdîm olunup 'aķabinde serî'ü' n-nüfûz olan devâ saqı olunmaz, zîrâ ķābıđ nâfizi nüfûzdan men' eder. Ve ba'dı kerre dahi taġdiyesi ķavî olan şarâb saqıyına hâcet olur huşuşan gâşyi bi-sebebi'l-cû' hâdis oldu ise veyâhüd taħallül-i keşîrden hâdis oldu ise. Ve kaçan şarâb-ı sâzec saqı olundukta onun ebdânında nikâyesi olur ise şarâb sâzecen saqı olunmaz, o ebdâna evfaķ olan zıkrî mürûr eden mâu'l-laħm ile maħlûť olan şarâb saqı olunur ve kezâlik bi-hasebi'l-emreyn ġamîđ veyâhüd hulv olan tuffâħ 'uşâreleriyle maħlûť olan şarâb saqı olunur. Ve eger bir mâni' olmaz ise ecved olan o şarâbın içine ķaranfûl ve misk mişlli nesnelere ilķâ olunur, zîrâ o mişlli şarâba mi'denin iķbâli ziyâde olur ve onunla mi'de ķuvvetinin intibâhı eşedd olur ve

onu kalb ziyâde cezb eder. Ve ba'ḍı kerre o tecerruc olunan şarâb içinde ħubz-ı semîd idâfesine ħâcet olur eger o kimsenin ġidâya 'ahd ve zamânı ba'îd ise ve onun eṭrâfı delk ve şedd olunur.

Ve kezâlik bi'l-cümle ġaşeyâna kay' nâfi' olur lâkin ervâhı ħârice tahrîk eden keşret-i 'araḡtan ve o mişlliden ħâdiş olan ġaşye kay' nâfi' deġildir, zîrâ bu mişlli ġaşylerde ħâcet ervâhı teskîne olur, onlarda ervâhı tahrîk ve eṭrâfı şedd ve rabṭ ve taḡyî'e lâyıḡ olmaz. Ve aşġâb-ı ġaşyi muḡayyi' olur mâ-ı fâtiri dühn ile veyâġüd zeyt ile veyâġüd şarâbla memzûcen saḡy eylemek. Ve vâcib olur ki muḡayyi'ât ile taḡyî'eden muḡaddem mi'ḍe ve mi'ḍenin cevânibi ve civârından olup mi'ḍeyi vely eden uḍvlar teshîn oluna ve eṭrâf dahi teshîn oluna kay' sühûletli olsun için.

Ve ma'lûm ola ki delk-i eṭrâf ve merûġât ile mi'ḍeyi teshîn ve ta'ṡîr ve kezâlik fem-i mi'ḍeyi dühn-i nârdîn mişlli merûġât ile ṡibe ta'ṡîr ve ħardal ve 'âkırḡarġâ mişlliler ile teshîn ġaşye cidden muvâfık olur eger onun iġmâsı istifrâġ-ı dem ve sâir ħılt istifrâġından veyâġüd imtilâdan ħâdiş ise ve belki ekşer-i aşġâb-ı ġaşye onların nef'i olur ġaşyeleri aġlâṡın ħârice hareketinden 'ârîḍ deġil ise. Ve vâcib olur ki onların sâḡları ve 'aḍudları 'ışâbe ile mirâren ve mütevâliyeten ta'ṡîb ve leff oluna ve 'ışâbe ħall olundukta cihet-i istifrâġın muḡâbiline îcâb eylediġi tedbîrle tedbîr olunur ve o mişlli ġaşyi olanlar şedd-i eṭrâf ile 'ale'l-ġuşuş âbâṡı ya'nî koltuklarını şedd ile intifâ' ederler ve kezâlik mâ-ı mârîdi reşş ile ve fem-i mi'ḍeyi delk ile dahi intifâ' ederler. Ve istifrâġdan nâşî olan ġaşylerin küllîsi dahi bu mezkûrlar ile intifâ' ederler ve şarâb-ı memzûc ile dahi intifâ' ederler meger ki verem ve ħılt ġayr-i naḍîc ve iġtilâf⁴²⁷ ve şudâ' mişlli şarâba mâni' bir nesne mevcûd ola. Ve ġaşeyân aşġâbından taḡviyeye ihtiyâc-ı kavîsi olanlara dahi şarâb saḡy olunur ve ondan mübâlât olunmaz ve o ħâcet 'azîm ve şu'ûbetli ġaşyden olur.

Ve zereb ve ħeyḍadan 'ârîḍ olan ġaşye ħammâm muvâfık olur; eger ġaşy nefz-i dem ile 'ârîḍ ise onlara ħammâm cidden ḍârr olur. Ve 'araḡ-ı keşîrden nâşî olan ġaşye dahi ħammâm ḍârr olur. Ve ġaşyden ifâḡat gelip fem-i mi'ḍesinde telehhübü olan kimselere dahi ħammâm nâfi'dir.

Ammâ fem-i mi'ḍenin telehhübü fem-i mi'ḍenin ḍa'fından ħâdiş ise vâ-

427 "İġtilâf" müsterâġa keşret-i tereddüd ma'nâsına.

cib olur ki fem-i mi'ce üzere ađmide-i kaviiyye isti'mâl oluna, o đımâd maş-takî, sefercel, şandal ve za'ferân ve süsenden müttehaz olan đımâddır. Ve kezâlik fem-i mi'cede ye đımâd-ı şarâb dahi vađ olunur ki o đımâd misk ve süsen ile şarâbdan müttehaz olur. Ve o mişlli iltihâbı olanlar eţrâfını delk ve şedd ile cidden intifâc ederler.

Ve cûc hasebiyle 'arid olan ğaşyi ba'đı kerre bir dirhem ħubz teskîn eder.

Ve yübs-i beden veyâhüd yübs-i tabî'at ile olan ğaşyin nevbetine birkaç loğma ħubz, mâ-ı rummân ve şarâb-ı tuffâh tenâvülü ile telakķı olunmak muvâfiķ olur. Ve ba'đı kerre emrâđ-ı ħaddede ħâdiş olan ğaşy sebebiyle saķy-ı şarâba ħâcet olur ve o ğaşye aşlah ve evfaķ olan şarâb şarâb-ı tefih olur ve aşĥâb-ı ğaşye seher ve terk-i kelâm teklif olunur.

Üçüncü Faşl Bağteten Ĥâdiş Olan Sukût-ı Kuvvet Beyânındadır

Bu illetin ekşer-i ħudûsu veca' ve ishâl ve verem-i 'azîm ve istifrâğ-ı 'azîm olmadığı ĥâlde olur ve onun ħudûsu aĥlât-ı mâli'eden olur ya'nî zikri âtî mi'ceyi ve 'urûku mümteli'e kılan aĥlât ile olur. Ve aĥlât beyninden dem ile ħudûsu eķall olur, zîrâ dem a'râđ-ı ulĥrâ ihdâş eylemezden muķaddem bağteten sukût-ı kuvveti ihdâş eylemez. Ve bu illetin ekşer-i ĥâlde ħudûsu mi'cede veyâhüd 'urûķta aĥlât-ı ğalıza olup mecârî-i nefesi sedd eylediğinden olur.

Ve ma'fûm ola ki kuvvetin sukûtu ba'đı kerre ğaşyi mü'eddî olmak mer-tebesine bâlig olur ve ba'đı kerre dahi o mertebeden dñn olup ğaşyi mü'eddî olmaz onun için ki kuvvet ancak 'aşabdan ve 'adalden bâtıl ve zâil olur ve onlarda kuvve-i muĥarrike olmamakla insân naşbesinde ve đac'asında⁴²⁸ ĥarekete kâdir olmaz ve ziyâde cehd ve bezl-i tākāt ile ancak kıyâm ve kû'uda kâdir olur, zîrâ bizim zikr eylediğimiz esbâb-ı ğaşyin ba'đısı müş-tedd olur ise cem'ân kuvveti isķât edip ğaşyi icâb eder ve eger o sebebler đâ'if olur ise 'aşab ve 'adalden kuvveti isķât edip dñne'l-ğaşy ĥâlet-i mezkûreyi ihdâş eder.

Ve çok kerre dahi bağteten sukût kuvvet-i aĥlâtın cevherinden rikķat olup taĥallülü kabûlü ile ĥâdiş olur ĥuşuşan ĥummayâtla taĥallülü ziyâde

428 Ya'nî yatıp kalktığında.

ķabûl etmekle sukûṭ ekṣer olur ve onların ef'âl-i siyâsiyyeleri tâmm-ı ğayr-i me'ûfe olur ya'nî onların zikrleri ve ğayâl miṣlli fi'cleri Őaĥîḩa olur her ne kadar o ef'âlin keṣret üzere tekrîrine taĥammülleri olmaz ise.

el-İlâc: Bu 'illet aşĥâbının 'ilâcî aşĥâb-ı [329b] ğaṣy 'ilâcına ķarîb olur imtilâ-i demevîden ĥâdiṣ olan sukûṭ ķuvvet-i faṣd ile mu'âlece olunur. Ve aĥlât-ı sāireden ĥult-ı ğalîz ĥasebiyle olanlara ĥâl-i ifâķatlerinden müteväti-ren istifrâğ olunmakla mu'âlece olunur ve eyâricât ile onlar istifrâğ olunurlar ve ba'ḑı kerre türbüd ve milĥ-i Hindî ve ğarîķûn ve eftümün ve onlar miṣlli edviyeler ile ve eyâric-i feyķarâ saķy olunmakla iktifâ olunur ve ba'ḑı kerre saķmünyâ saķy olunmakla i'ânet olunur, zîrâ saķmünyâ edviye-i uĥrâyı i'mâl eder.

Ve väcib olur ki onlarda ķayḑ dahi ba'de'l-ishâl isti'mâl oluna ve muķavviyât-ı ķalb tenävülüne müdâvemem oluna ve Őemümât-ı muķavviye dahi 'ale'd-devâm işmâm oluna ve eṭrâfları ğayre merretin zikri mürür eylediĝi üzere ĥarâret-i ğarîziyyeyi mün'îṣ olan delk ile delk oluna ve ba'dehu riyyâdet-i mu'tedile isti'mâl oluna. Ammâ onların aĝdiyesi o aĝdiye-i laṭife ola ki onda teltîf ve taķṭîr ķuvvetleri ola, ĥardal ile ve dühn-i zeyt ve dühn-i levz ile isti'mâl olunan mâ-ı ĥımmaṣ ğibi ve Őarâb-ı raķîķ ü 'atîķten dahi bir miķdâr isti'mâl oluna ve ba'de'l-istifrâĝ ĥammâm dahi isti'mâl olunup ĥârr-ı ğarîziyi nâ'iṣe ve mülaṭṭife olan edĥân ile temessuĥ oluna ve ba'de'l-istihmâm Őarâb-ı Őırf ve Őarâb-ı 'asel ve Őarâb-ı efsentün ve bunlar miṣlli eṣribe isti'mâl oluna. Ve kaçan ĥârr-ı ğarîzi intî'âṣı aĥz eylese väcib olur ki muķavvî ve ĥadmi serîc olan aĝdiyeler ile tedbîr oluna, mârrü'z-zikr maķâlâtımızdan o aĝdiyeler senin ma'lûmun oldu.

Ve ma'lûm ola ki muvâfîķ aĝdiye ve eṣribe ile ve ṭîb ve de'a ve sürür ile ve aĥzândan ve muḑaccirâtta bür'et ile ve sevdiĝi nesneleri tâzeleyip cedîden cedîden isti'mâl ile ve mu'âṣeret-i eĥıbbâ ile ķuvvet ziyâde olur.

Dördüncü Faṣl Ķalbinde Verem Ĥâdiṣ Olduĝunun 'Alâmâtı Zuhûr Edenlerin Tedbîrleri Beyânındadır

Zâhir-i ķalbe 'arîd olan verem ba'ḑı kerre 'urûd ma'riḑinde olup ķable en-ya'riḑa helâķ eder ve ba'ḑı kerre dahi ķalbe verem ba'de en-ya'riḑa helâķ eder. Ve ķable'l-ihlâķ kaçan o ķalbi müteverrim olan kimseye ĥafaķân-ı

‘azîm ve iltihâb-ı şedîd ‘arîd olsa ve zikri mürûr eden ‘alâmeler mevcûde olsa o kimse vādî-i helâk kenârında suķûṭ şadedinde olur, helâke vuķû‘dan bir nesne onu müncî olmaz. Eger ona bâ‘is-i necât olur bir nesne var ise o tedbîr faşd-ı bâsilîķ olur.

Ve ba‘dı kerre esâfil-i bedende olan şiryânı faşd ve ‘alîlin şadrını selc ve kâfûr ve şandal ve küzbere-i raṭb ile tebrîd edip ve ‘ale’d-devâm merreten ba‘de-uḥrâ selc ve kâfûr miyâhını tecrî‘le dahi necât ṭama‘ ve ḥalâş ümîd olunur. Allâhu a‘lemü bi-ḥaķîķati’l-ḥâlî. el-Ḥamdü lillâhi ‘ale’l-itmâmi ve’ş-şalâtu ve’s-selâmu ‘alâ-seyyidinâ Muḥammedin seyyidi’l-enâmi mâ-dâme’l-ibtidâu ve’l-iḥtitâmu.

KİTÂB-I ŞALİŞ FÜNÜNUNDAN ON İKİNCİ FENN EMRÂD-I ŞEDYDE VE MU'ÂLECÂTINDA OLAN KELÂM-I MÜCMELDİR O DAHİ FUŞÛLÛ MUHTEVÎ BİR MAĶÂLEYİ MÜŞTEMİLDİR

Evvelki Faşl Teşrîh-i Sedy Ya'ni Memeleri Teşrîh Beyânındadır

Sedy bir nevc uđvdur ki onda leben tevellüd eylesin için halk olunmuştur, onun müvelled ve mükevven olan leben ile henüz mevlüd olan tıfl müstahkem ve kuvveti nâmiye olup gıdâ-i kavî vü keşif hadma şâlih olunca kadar tağaddî eder.

Ve sedy cism-i mürekkebdır, uruk ve şerâyîn ve aşabdan terkib olunup esnâsında olan fürcelere gudedî ve ebyad ve gayr-i hassâs lahm haşv kılınmıştır. Ve kaçan dem sedye bâliğ ve vârid oldukta gıdâ uđv-ı mu'edîye müşâbih olmak vâcib olmakla o dem ebyadu'l-levn olur, ondan sedy gıdâsını ahz eyledikten sonra fađla-i gıdâdan leben tevellüd eder. Ve o lahm-ı gudedînin lebene kıyâsı kebidin keylûs-ı mi'deden mütevellid olan deme kıyâsı üzere olur, nitekim mi'deden keylûs kebide vârid oldukta kebide tab'da ve levnde teşâbüh edip kebid aħmer olduđu gibi ona vârid olan keylûs aşlında ebyad iken dem-i aħmere istihâle eder, kezâlik sedye dahi dem vârid olup tab'da ve levnde lahm-ı gudedî ebyada müşâbih olup dem-i aħmer leben-i ebyada istihâle eder.

Ve sedyde olan uruk ve şerâyîn ve aşab cevher-i sedyde mebsûse oldukta eczâ-i lifiyyeye müteşâ'ib ve mütecezzî olur ve sedyde o eczâlar iltifât ve iştibâk eder ve istidârât-ı keşiresi dahi olur.

Ve sedy ile rahim arasında müşâreket vardır, zîrâ ikisinin arasında biraz uruk-ı müntesice vardır ki o uruk beynehümâda vâşıldır, onun için leben maddesi dem-i rahim olur. Ve kitâb-ı evvelde teşrîh bâbında beynehümâda bu vech ile müşâreket olduđuna sen vâkıf oldun.

İkinci Fasıl Lebni Tağzîr Ya'ni Sütü Ķalîl Olan Hatunların

Sütlerini Çok Etmek Tedbîrleri Beyânındadır

Ve ma'lûm buyurula ki lebenin keşreti dem-i ceyyidin keşreti hasebiyle olur. Ve kaçan lebene kılet gelse onun kıletini demin kılet-i kemmiyyeti

ile veyâhüd demin ‘adem-i cevdetiyle olur. Ve demin kılletine sebep mād-de-i dem olan ğidānın kılleti veyâhüd ğidāda yübs ve berd-i müfriṭ olup ondan tevlīd-i dem ḳalīl olmakla veyâhüd dem cihet-i şedyi ḫilāfında olan uḫrā cihete muṣarīf olmakla olur, meşelā dem nezf edip yāhūd verem olan mevḍi‘e ve ğayri maḫalle sülūk edip şedylere vārid olan dem ḳalīl olur. Ve ba‘dı kerre demin kılleti mizācın ‘illeti ve sū²-i mizācı ile olur, o sū²-i mizāc dahi cemī‘an bedenin sū²-i mizācı veyâhüd yalnız şedyin sū²-i mizācı olur o vechle ki o mizāc ruṭubeti tecfīf eder veyâhüd o mizāc ruṭubeti telyīn edip māī eder ve farṭ-ı māiyyeti ve itidālden bu‘dü ḫasebiyle ondan leben tevellüdü ḳalīl olur.

Ammā demde cevdet olmamak ḫasebiyle lebenin kılleti onun içindir ki kaçan dem ğayr-i ceyyid olsa tevlīd-i lebene o dem şālih olmaz, zīrā leben ancak dem-i şāliḫten tevellüd eder:

Ve dem ceyyid olup lebene istihāleye şālih olduđu o vechle olur ki aḫlāṭ-ı selāse ya‘nī balġam ve şafrā [330a] ve sevdādan birer eṣer demde zāhir olur.

Ve şafrādan demde zāhir ve ğālib olan eṣer levn-i lebende olan şufret ve kıvāmında olan rikḳat ve ḫiddet olur. Ve balġamın eṣeri lebenin şiddet-i beyādı ve māiyyeti ve rīḫinde ve ta‘mında ḫumūdata meyli olur. Ve sevdānın eṣer-i ğālibi sıḫanın şiddeti ve kılleti ve keṣret-i kuvveti ḫasebiyle olur. Ve o dem ki aḫlāṭ-ı selāsedan müte‘eṣsir olup sūhūlet ile bu vech üzere onlardan münfa‘il ola, o dem dem-i ceyyiddir, lebene istihāle eder ve kaçan bu vech üzere münfa‘il olmasa dem ceyyid deĝildir ve lebene istihāle eylemez. Ve ba‘id deĝildir ki demin vech-i meşrūḫ üzere ‘adem-i infi‘āli demin keṣreti ḫasebiyle ola, zīrā demle keṣret oldukta keṣreti ḫasebiyle zıkr olunan aḫlāṭa ğalebe eder ve lā-maḫāle ğālib maĝlūbdan münfa‘il olmaz ve ṭabī‘ata dahi ‘iṣyān edip o dem-i keṣir-i ğālibi lebene istihālinden ṭabī‘at ‘ācize olur ve bu vech ile olan leben kılletinin ‘alāmātı zāhir ve ğayr-i ḫafī olur.

Ve ba‘dı kerre cefāf ḫasebiyle leben ve menīden her biri ḫayṭ mişālinde ḫurūc eder ve lebende bu ḫāletin zūhūru ona ḫaml olunur ki demde her ne kadar ğazāret ve keṣret var ise lākin cevheri maḫmūd olmaz ve o dem leben-i ğarīzīye istihāleye şālih olmaz belki ondan leben-i ğayr-i maḫmūd tekevvin edip o hey‘ette ḫurūc eder. Ve lebenin vücūh-ı āfetleri esbābı senin ma‘lūmun oldu ise o sebeblerin ḳatı mu‘ālecesinde sen başir olursun.

Ve ma'ûm buyurula ki gâzâret-i menîyi mûcib olan edviyenin küllîsi ekser-i ebdânda lebenin gâzâret ve kesretini dahi icâb eder. Tüderiyeyn ve bezr-i haşhâş ve dar^c-ı mâ'iz ve dar^c-ı da'n ve bunlar mişlli edviyeler gâzâret-i menîyi icâb eylediği gibi lebene dahi mûcib-i gâzâret ve kesret olur.

Bu 'abd-i fakîr ve mütercim-i hakîr der ki Kânûn'un 'ibâresinde "mişle tüderiyen" vâkıf olmuştur ve ihtimâldir ki şîğa-i teşniye olup "iki tüderi" demek ola yafnî tüderinîn berrisi ve bostânî[sî] murâd oluna, zîrâ tüderi dedikleri mâ'rûf nebtin bâha menf'ati muşarrahtır ve bâha nefi menîyi teksîri ve menîyi teksîr lebeni teksîri müstelzimdir. Velâkin İbn Kütbî tüderi resminin evâhîrinde der ki şâhib-i Minhâc tüderiyûn ismini zîkr eyledi lâkin mâhiyyeti ne idüğünü beyân eylemedi, ancak bu vech üzere zîkr eyledi ki bu devâ kâtildir, onu şûrb eden kimseye teşennüc 'arıd olur ve şâribinin yüzü ve dudakları güler gibi bâkıye kalır; mâ-ı 'asel ve leben sakı olunmakla takıye ve âbzene iclâs ile ona 'ilâc olur ve bu devâ gayr-i mâ'rûftur. İntehâ. Ve ihtimâl-i gâlib Kânûn'un murâdı bu devâdır ve cem'e mülhak olmakla İbn Kütbî'nin kelâmında tüderiyûn vâkıf olmuştur; her ne kadar bu devâ kâtıl ise bâ'de'l-ışlâh istf mâl olundukda menf'at-i mezkûresi olmak câizdir. Fe'lnercf ile't-tercemeti.

Ve kezâlik menîyi tecfîf ve taklîl eden ve tevellüd-i menîye mâni' olan nesnelere küllîsi lebeni dahi taklîl eder şehdâneç mişlli devâlar gibi:

Ve eger kıllet-i lebene gıdânın kılleti sebep olur ise gıdâsı teksîr ve terfîh olunur ve maħmûdu'l-keymûs hârr ve raḥb ağdiye ile tağdiye olunur.

Ve eger kıllet-i lebene sebep fesâd-ı gıdâ ise gıdâyı zîkr olunan cinse redd etmekle ıslâh olunur.

Ve eger sebep keşret-i riyâdet ise riyâdet taklîl olunmakla terfîh olunur.

Ve eger kıllet-i leben kıllet-i demden nâşî olup ve kıllet-i demin sebebi nezf-i dem mişlli nesne olur ise dem hâbs olunur esâfil-i bedende nezf eden dem e'âlî-i bedene ve e'âlî-i bedenden nezf eden esâfil-i bedene cezbe olunmakla.

Ve kıllet-i lebenin sebebi mizâc-ı sâzecen fesâdı ise onun ağdiyesi o mizâcın dıddı üzere mizâcı olan gıdâ cinsinden kılınır ve keymûsu dahi keşir olan ağdiye ile tağdiye olunur. Ve eger sebep-i hılt fâsid gâlib olur ise o hılt-ı fâsid aḥlât-ı erba'adan hangi hılt ise onu müstefriğ olan devâ ile istifrag olunur.

Ve hatunlardan şafrâviyyü'l-mizâc olanların ğıdâsı bürüdet ve ruṭübeta meyli olan cinsten kılınır ve onlara nâfi^c ğıdâ olur cüllâbla isti'mâl olunan mâ-ı şa'ır ve kezâlık bir ḥufne ya'nî bir avuç bezr-i ḥıyâr ve bezr-i kıṣṣâ tenâvülû dahi nâfi^cdir ve kezâlık edmiġa tenâvülû ve keçi ve baġar sütünü şürb ve semek raḍrâḍ ve cedy ve dücüc-i müsemmine luḥûmu ve keşk-i şa'ır ile leben ve bostânî ḥubbâzâ meraġasından mütteḥaze olan ḥasv bi'l-cümle bu aġdiye nâfi^c ve nâci^c olur.

Ve balġamiyyetü'l-mizâc olan hatunların tedbîrleri o aġdiye ve o edviye ile olur ki onlarda derece-i ūlâdan şâniyeye varınca ġadar teşhîn olup terṭib veyâḥûd tecfif-i ġalîl dahi ola. Ve bu ġâbilden olur circîr ve râziyâ nec ve şibt ve kerefs-i raṭb ve kerefsin semerbiyün⁴²⁹ dedikleri şıfının raṭbı, ammâ yâbisi müceffif ve müsahḥindir, bu bâbda muvâfık deġildir ve o ḥasv dahi nâfi^cdir ki ḥınta daġıki ile ḥulbeden ve râziyâ necden mütteḥaz ola.

Ve kaġan leben ġılzati ve yübsü ḥasebiyle ḥayṭ gibi ḥurûc eylese onun mu'alecesi cidden muraṭṭib olan nesnelere ile tenṭil ve muraṭṭibât olur tenâvülû olur. Ve menî dahi bu minvâl üzere tedbîr olunur.

Ammâ sevdâviyyü'l-mizâc olan hatunların tedbîrleri zıkr olunan tedbîre ġarîb olanlar ile tedbîr olunup edviye ve aġdiyeden faḍl-ı teşhîni ve terṭib-i bâliġi olanlar isti'mâl olunur. Ve ġâlib olan sevdâ aşnâf-ı sevdânın hangi şıfı idiġi ta'arrüf olunup o şıfı muvâfık tedbîrât ile tedbîr olunur.

Ve lebene taġzîr ve teġşîredip edviye-i mu'tedileden olur selve'n-naḥl⁴³⁰ otuz dirhem, râziyâ nec yirmi dirhem, raṭbe on beş dirhem, ḥınta-i mehrüse yirmi beş dirhem, ḥımmaş-ı muġaşşer, şa'ır-i ebyaḍ-ı merḍûḍ her birinden on sekiz dirhem, tîn-i kibâr on dâne aḥz olunup otuz rıṭl su içinde kaynatılır, sekiz rıṭl veyâḥûd dahi az kalınca ġadar; onun şerbet-i vâḥidesi beş ūġıyye olup nişf ūġıyye dühn-i levz-i ḥulv ve bir buġuk ūġıyye süleymânî sükker ile isti'mâl olunur. Ve kezâlık semek-i melîḥ dahi lebene teġşîr eder.

429 “Semerbiyün” kerefs-i berrî diye işâret olunmuştur.

430 Sedîdî nüshasında “selve'n-naḥl” vâġi^c olup 'asel ile tefsîr eylemiştir; “selvâ” ‘asel” ma'nâsına geldiġi Vankulu lügâtinde dahi muşarraḥtır; bizim nüshalarımızda سلى النخل vâġi^cdir, taḥrîf olduġu zâhirdir.

Ve yine edviye-i muğazziretü'l-lebenden olur simsimin taḥînini aḥz ve şarâb-ı şırf içinde mers edip taşfiye olunduktan sonra muşaffâsını şürb edip süflü ile şedyi taḍmîd eylemek.

Ve keزالik tekşîr-i leben eder bādincânın cevfi nişf kâfîz kadar aḥz olup su içinde müherrâ olunca kadar şedîden selk olunur sonra mers-i şedîd ile mers olunup taşfiye olunup üzerine bir ûkıyye semn ilkâ olunup şürb olunur.

Veyâḥûd hımmaşın nakî'i aḥz olup birkaç gün 'ale'r-rîk şürb olunur, 'ale'l-ḥuşûş süt içinde nak' olunan hımmaş nakî'i ziyâde tekşîr-i leben eder.

Ve 'asel ile veyâḥûd gülâb ile mâ-ı şâ'r şürb olunur veyâḥûd raṭbe bezri cüz'-i vâhid, cülbâb⁴³¹ iki cüz' aḥz olup şürb olunur ve onun şerbeti mâ-ı ḥâr içinde bir kâmiḥa olur. Veyâḥûd iki dirhem miqdârı ḥabb-ı bân şarâb ile şürb olunur.

Ve bu bâbda edviye-i ceyyideden olur semn-i baḳar bir ûkıyye ve şarâb kaḍı-i kebîr-i vâhid aḥz olup 'ale'r-rîk saḳy olunur. Ve şakâyık kuḍbânı ve varakı aḥz olup deşîş-i şâ'r ile taḅḥ ve ḥaşv kılınır. Veyâḥûd fücl ve nuḥâle şarâb içinde kaynatılıp taşfiye olunur ve muşaffâsı şürb olunur. Veyâḥûd maḳlûvv olan bezr-i ḥaşḥâş veznde berâber sevîk ile aḥz olup sikencebîn veyâḥûd meybuḥtec içinde üç gün kadar nak' olunur ve bu devâ ecved olur. Ve şünîz dahi 'asel ile saḳy olunur veyâḥûd bezr-i şibt ve bezr-i kürrâş ve bezr-i ḥandeḳûkâ [330b] her birinden birer ûkıyye, bezr-i ḥulbe, bezr-i raṭbe mütesâviyetü'l-eczâ aḥz olup râziyâ nec 'uşâresi ile ḥalt ve şürb olunur lâkin 'asel ve semn ile ḥalt olursa efḍal olur.

Üçüncü Faşl İfrâṭ Üzere Dürür-i Lebni Men' Edip Taḳlîl Eylemeğin Beyânındadır

Kaçan lebenin ifrâṭ üzere keşreti olsa mülîm ve müverrim olup celb-i emrâd eder. Ve ba'ḍı kerre gebe olmayan hatunların memelerinde leben cem' olur taḡsları muḥtebes olup ve kuvvetlerinde dahi ḍâf olmakla raḥiminden indifâ'dan 'âciz olmakla leben şedy taḳîkine munşarif olup her ne kadar o hatunun ḥamli olmaz ise iki şedyinde leben müctemi' olur. Ve ba'ḍı

431 [Kelime "cülbân" olmalıydı!]

kerre dahi ebdân-ı ricâlde leben cem^c olur ve ‘ale’l-ğuşuş mürâhık olup henüz memeleri fülke gibi müstedir olanlarda leben ziyâde cem^c olur.

Bundan akdem taqlîl-i leben eden edviyeler senin ma‘lûmun oldu. Ve taqlîl-i leben esbâbının ‘umdesi ve dâbihası budur ki her nesne ki şiddet-i neşfi ve taqlîl ve teshîni hasebleriyle şediden müceffif ola, o evşâfla mutataşife olan müceffifâtın cümlesi ve kezâlik cemî’an müberridât ve mâi olup şedîdü’t-tertib olan murattıbat mübalğamların demlerini taqlîl eder ve lâ-mahâle dem kalîl oldukta leben dahi kalîl olur. Ve taqlîl-i menî eden edviyenin küllisi lebeni dahi taqlîl eder.

Ve o muqallilâtın edviye-i bārideleri bezr-i hass ve ‘ades ve tıfşîl-i muhal-
lel olur. Ve atlıyeden muqallilât bezr-i kaṭūnā şeceresinin ‘uşāresi ve bezr-i kaṭūnā lu‘ābı ve hass ve o mişlli nesnelere olur. Ve kezâlik baqlā unu, dühn-i verd ve ḥall ile isti‘māl olunur. Ammā muqallilâtın hārr olan edviyeleri sezāb ve bezr-i sezāb ve ḥuşuşan cebelî sezāb ve fencenceşt ve bezr-i fencenceşt mişlliler olur ve şerbete bāligası iki dirheme varınca kadardır. Ve bādrūcun bu bābda nefinde ihtilāf olunmuştur. Eşahh-ı aqvâlde bādrūc lebeni taqlîl eder ve baḍılar lebeni teksîr eder dediler. Ve kemmūn ḥuşuşan cebelîsi lebeni tecfîf eder. Ve kezâlik kemmūn ile ḥall tılā kılsa dahi lebeni taqlîl eder. Taqlîl-i leben için isti‘māl olunan atlıye-i hāddedendir uşşak şarāb ile tılā olursa.

Tılā-ı Ceyyid: Uşûl-i kerneb aḥz olunup daḳḳ olunur ve medkūku ile tılā olunur veyāḥūd mercimek unu ve baqlā unu ve zaferān ve cūr-ı gendüm ve milḥ aḥz olunup mā-ı bārid ile tılā olunur. Ve kezâlik ḥulbe ‘uşāresiyle veyāḥūd lülk ve mertek ve dühn-i verd ile ve bu mecrāya cārî olan edviye ile tılā olunur ve bi’l-ḥāşşa nāfi‘ olan tılā bahrî ve meshūk olan sereṭān veyāḥūd nehrî ve muḥrak olan sereṭān ile tatlıye eylemek.

Dördüncü Faşl Şedyde Mütecebbin Olan Leben Beyânındadır

Ve şedyde leben tecebbün eder ya‘nî peynir gibi olur bürüdet-i mücebbine ḥasebiyle veyāḥūd ḥarâret-i müceffife ḥasebiyle. Ve bu iki sebebden her birinin ‘alâmetlerini taqdîm eylediğimiz beyândan senin ma‘lûmundur.

Ve tecebbüne mâni^c olan edviye dühn-i hîrî ve dühn-i na^cnâ^c mişlli edhân-ı laţif içinde maħlûle olan şem^c ile tılâ olur. Ve kezâlik na^cnâ^c daĥķ olunup ĥabîş⁴³² gibi kılındıktan sonra onunla dahi tılâ olunur.

Ve ĥarâretten ĥâdiş olan tecebbünden şedy-i ĥârre üzere olucak tılâlar ĥayrûfî kılınp ba^cdehu tılâ olunur.

Ve lu^câbât-ı bāride ve edhân-ı bāride ve şem^c-i muşaffâ ve küzbere-i raţbe ve baĥlatu'l-ĥamķâ işbu edviyeler şedîdetü'l-menfa^cat olur; bunlar ile dımâd sâir admideden evfaķ olur.

Tecebbün-i ĥarrı taħlîl eden edviyelerdendir: Ĥall-i ĥamr teşhîn olunup dühn-i verd-i müsahĥan içinde ĥarb olunduktan sonra onunla tılâ olunmak veyâĥûd ^cineb-i şa^cleb yapraĥı daĥķ olunup dımâd olunur veyâĥûd varak-ı kākü nec, varak-ı ^cineb-i şa^cleb, varak-ı kerneb ile dımâd olunur ve bunların ^cuşâreleri ile tılâ olunur ĥuşâşan o ^cuşârelere mürr ve za^cferân ĥalt oluna. Ve kezâlik ĥall ve ĥamr ve dühn-i benefşec ve ĥulbeden miķdâr-ı ĥalîl aĥz olunup bu mecmû^cdan tılâ ittiĥâz olunur.

Ve tecebbün-i bāridi muĥallil olan edviyeden olur devâm üzere su ile tentîl eylemek. Ve kezâlik tecebbünü men^c eder rāziyāneci teķammuh⁴³³ ve şibt ve bezr-i rāziyānec tenāvülü. Ve müdirrât-ı leben olan cemî^can edviyelerin içinde bābū nec ve şibt ve nemmām ve ĥulbe ve ĥaysūm⁴³⁴ ve cünd-i bîdester taĥĥ olunan nesneleri saĥy eylemek.

Ve tecebbünü men^c eden edhân dühn-i süsen, dühn-i nerces, dühn-i ĥuştur.

Ve edviye-i mu^ctedile-i ceyyideden olur ĥubz-ı ĥuvvārâ ve daĥķ-ı şa^ctr, circîr, ĥulbe, ĥaţmî, bezr-i kettân-ı medķûķ her birinden birer ĥufne ya^cnî birer avuç aĥz olunup mecmû^cundan dımâd ittiĥâz olunur.

Ve memede leben tecebbün eylediĥinden sonra memeler teverrüm eylese ona ^cilâc-ı nāfi^c budur ki bir kı^ca sünger mâ-ı fâtir ve ĥall-i fâtir içine ĥams olunup memelerin üzerine vaĥ^c olunur veyâĥûd temr ĥubz ile ve mâ ve ĥall ile ma^ccūn kılındıktan sonra vaĥ^c olunur. Ve na^cnâ^c ĥall ile ve ĥamr-ı ceyyid ile vaĥ^c olunur. Ve merķaşîsâ ĥubâr gibi saĥķ olunup dühn-i verd ve beyâĥ-ı beyĥ ile vaĥ^c olunur.

432 “Na^cnâ^c-ı muĥabbaş” daĥķ olunup ĥabîş dedikleri ĥelvâ gibi olan na^cnâ^c demektir.

433 Ya^cnî ıslatmadan istifâf eylemek.

434 “Ĥaysūm” kovan çiçeĥi dedikleri ottur. Ĥalîmî.

Ve şedyde olan südde-i lebeni feth eder ħarâfîn ve mürr mâ-ı fütenecele ve mâ-ı enîsün ile memelere tılâ olunmak. Ve kezâlik daķık-i ħımmaş, varaķ-ı ġâr, bezr-i kerefs, kemmün-ı Nebaî, kâķule, ‘aşa’r-râfı suyuyla tılâ olunmak. Ve kezâlik mâ-ı sılķ ve ħınıta ve şünîz ile tılâ olunmak ve kündür, mererâtü’ş-sevr ile tılâ olunmak. Bu mezkûrlar feth-i südde ederler.

Ve ‘asel-i lübna aĥz olunup dühn-i benefşec ile ħalt olunduktan sonra onunla memelere meş olunsa tecebbünü ve veremi ħall eder ve bu bâbda mâ-ı kerneb teĥassî olunsa nâfi^c olur.

Beşinci Faşl Memelerde Lebenin Cümüdu ve ‘Ufûneti ve Meme[lere] ‘Āriđ Olan İmtidād ve Gerginlik ve Memelere İşābet Eden Marađ Beyānındadır

Bađı nüshada “marađ” bedeline “rađđ” vāķf olmuştur, bu nüsha esahhtir. Bunların ‘ilacı için sılķ aĥz olunup teherrî edinceye kadar taĥb olunur ve lübāb-ı ħubz ve daķık-i bāķilā ve dühn-i şirecle cem^c olunur veyāĥüd ħubz ve berđıķıyās⁴³⁵-ı raĥbe tesmiye olunan ħaşışe şem^c ve verd ile ba‘de’l-cem^c tılâ olunur veyāĥüd ħubz su ile ve zeyt ve ‘asel ve şarāb ile veyāĥüd meybuĥtecle ile đımād olunur ve günde o đımād iki üç def’a tekrār olunur. Kezâlik simsim ‘asel ile veyāĥüd simsim ve semn ve ‘asel ile tılâ olunur; eger onlara ħubz-ı ħuşkār veyāĥüd bāķilā unu ħalt olunur ise nâfi^c olur. Ve şedyi mâ-ı ħârr ile tenţil edip mâ-ı ħârrın buĥarı üzere memeleri ik-bāb ve imāle eylemek ħuşuşan o mâ-ı ħârr içinde bezr-i kettān ve ħulbe ve ħatmî ve onların bezrleri ve bābūnec taĥb olunan mâ-ı ħârr olur ise ziyāde nâfi^c olur bu mezkûrların şüflü ile đımād olunmaġa müteĥammile olmayanlara ya‘nî eger taĥammül eder ise şüfl ile đımād ve ziyāde enfa^c olur.

Ve eger bu ‘illetlerin ‘urūđunda memelerde rađđ dahi olur ise bu đımād ona nâfi^c olur, o đımād-ı nâfi^c budur: Māş ve ‘acem-i zebîb aĥz olunup daķķ olunur ve serv ve eşl suları ile ma‘cün kılınır.

Ve kaĥan şedyde leben tecebbün eyler ise dühn-i benefşec ile temrîĥe müdāvet olunur ve ba‘dehu memeler üzere mâ-ı ħârr şabb olunur ba‘dehu bu bâbın evvelinde zıkr olunan đımād ile tađmîd olunur.

435 “Berdıķıyās” ħaşıšetü’z-zücāc diye işāret olunmuştur.

Altıncı Faşl Şedyin Verem-i Hârrı ve Sendüve Evcâı Beyânındadır

Bu illetlerin evvel-i zuhûrunda ilâcları ma'rûfe olan râdi'ât isti'mâli olur ve o râdi'âta kalilen teltîfi olan edviye dahi hâlî olunur, meselâ hall-i hamr mâ-ı hârr ile tekmiid olunur veyâhüd miqdâr-ı kalil dühn-i verd ve bâkılâ unu sikencebîn ile veyâhüd 'inebü's-şâleb dühn-i verd ile tekmiid olunur. Ve o verem zamân-ı ibtidâyı miqdâr-ı kalil [331a] tecâvüz eylese ona o dımâdlar ile tađmiid olunur ki onları biz imtidâd-ı sedy ve cümüd-ı demde zıkr eyledik. Ve bu bâbda ceyyid-i bâliğ devâladan olur daķık-i bâkılâ ve iklîlü'l-melik aħz olunup ikisi dahi şahk olunur ve onlara dühn-i simsim hâlî olunup o mecmûc mâ-ı 'azb ile tılâ olunur. Ve kezâlik hubz-ı medķük ve daķık şa'ir ve daķık bâkılâ ve hulbe ve haťmî ve yumurta sarısı ve zaferân ve mürr bu edviyeler aħz olunup tađmiid olunur. Ve kezâlik bezr-i kettân-ı medķük hall ile tılâ olunur.

Ve çok kerre birsâm hall olup sendüve⁴³⁶ veremine intikâl eder ve o hâlde zâtî'l-cenb illetinden havf olunur, pes vâcib olur ki sen ihtiyâl edip veremi cem'e mu'alece ve tedbîr eyleyesin, yalnız re's-i vereme bezr-i kaťünâ vađc eyleyip havâlîsine bezr-i kaťünâ vađc eylemesin ve re's-i verem havâlîsine esfele varınca kadar revâdi'c vađc eyleyesin.

Ve mevdi'c-i veca'a veca'ın evvel-i zuhûrunda kimâd olunmaz, zîrâ o vakte kimâd maddenin raķıķını taħlîl eder ve ğalîzini ibķâ eder ve bu mişli fi'li ve eşeri olan tedbîr haťâ olur.

Ve kaçan haleme-i sedyde⁴³⁷ veca'c olsa faşd edip mâ-ı şandal ve aķâķıyâ ile tılâ olunur, zîrâ onda bu tedbîr olunmasa o veca'c seretân ihdâş edip darar-ı 'azîme mü'eddî olur.

Yedinci Faşl Şedyânda Bârid Balĝamı Olan Evrâm-ı Bâliğa Beyânındadır

Bu vereme nâfi'c olur kerefsi daķķ edip veremin üzerine vađc eylemek yâhüd bâbûnec-i medķük [ve] iklîlü'l-melik vađc olunur ise o dahi nâfi'cdir.

436 Şedyin bittiĝi mevdi'c sendüve derler.

437 "Haleme-i sedy" memenin bunduķa gibi iltikâm olunup maşş olunacak zâidesidir.

**Sekizinci Faşl Şalâbet-i Şedy ve Şedyde ʿĀrıḍ olan Silaʿ ve
Ġuded ve Henüz Mürâhiḳa Olanların Şedylerine
ʿĀrıḍ Olan Tekaʿub-ı ʿAzîm Beyânındadır**

Ve kaçan şedyde olan verem-i zâhiri şalâbete meyl eylese onun ibtidâsında nâfiʿ olur şarâb içinde nakʿ olunan erüzz ile ğimâd olunmak. Ve bu kayrûṭi ile temriḥ dahi nâfiʿdir, o kayrûṭi budur: Dühn-i benefşec, şufretü'l-beyd ve keşirâ; bunlardan kayrûṭi ittiḥâz olunur.

Ve verem-i şulb oldukta bu kayrûṭi ile tılâ olunur, o kayrûṭi budur: Şemʿ, dühn-i verd, kaṭrân, mâ-ı kâfûr. Bu edviyede kayrûṭi ittiḥâz olunur. Ve baʿdı kerre bu kayrûṭimin aḥlâtına mererâtü's-sevr idḥâl olunur ve baʿdı kere ʿafş varakı ve dühn ile ʿilâc olunur. Ve ona nâfiʿ olan edviyeden olur ʿatîḳ ve maṭbûḥ ḥamrın dürdîsi ve ḥallin dürdîsi, o dürdîler ile tılâ olunur.

Ammâ şedyde zuhûr eden silaʿ ve ğuded muʿâlecâtında ecved devâ budur ki ḥavḥ varakının raṭbı ve sezâb yaprağının dahi raṭbı cemʿ olunup daḳḳ olunduktan sonra onunla ğimâd olunur. Ve eger o silʿa ve ğuddeler ḥâl-i mürâhiḳte zuhûr eden tekaʿubun baḳiyyesi ve eşeri ise veyâḥûd baʿde't-tekaʿub ḥâdiş olup edviye ile taḥlîle ʿâşî ise vâcib olur ki o silʿa ve ğudde mevḍiʿi şâḥmeye vâşıl olunca kadar baṭṭ olunup içinde olan silʿa ve ğudde iḥrâc olunduktan sonra ḥayṭ ile dikile.

Dokuzuncu Faşl Şedylerde Ḥâdiş Olan Dübeyle Beyânındadır

Ve kaçan şedyde mevâddı cemʿ edici verem ʿarıḍ olsa o mevâddı inḍâca ceyyid edviyeden olur: Bezr-i kettân, simsim, aşl-ı süsen, meyʿa, baʿru'l-maʿz, zibl-i ḥamâm, naṭrûn, râtiyâ nec. Ḥasbe-mâ yücibuhu'l-müşâhede bu edviye evzânı berâber aḥz olunup şîrec ve dühn-i ḥîrî ve sâḳ-ı baḳarın iliği ile leṭûḥ ittiḥâz olunur ve murâd eder isen o leṭûḥun aḥlâtında meypuḥtec dahi idḥâl edersin ve eger baṭṭa ḥâcet olur ise onu dahi işlersin.

Onuncu Faşl Şedyde ʿĀrıḍ Olan Ḳurḥalar ve Ekkâl Beyânındadır

Nebîz-i ʿafştan yirmi rıṭl aḥz olunup içine summâḳ-ı debbâğînden bir rıṭl ve ğayr-i naḍic olan ʿafştan nişf rıṭl ve selîḥadan nişf rıṭl ve cevz-i servden bir rıṭl vaḍʿ olunup şarâb içinde yirmi gün miḳdârı nakʿ olunduktan sonra

o menkûc tabh ve tabhı hâlinde servden müttehaz haşeb ile nısfı zehâbına kadar darb olunur ve ba'dehu nârdan inzâl olunup kuvvetle mers olunup taşfiye olunur ve muşaffası yine nâr üzere şihan gelip koyulayınca kadar âteş üzere terk olunur ve o nâr vâcibdir ki cidden leyyine ola ba'dehu bir zücâce içinde hıfz olunur. Ve bu devâ fem ve lisân ve gayriler gibi cem'an leyyine olan a'dâ kırhalarına nâfi' olur ve ekkâli men' edip ıslâh eder.

**On Birinci Faşl Şedyi Sukûttan Men' ve Şâgiren ve
Müktenizen Şedyi Hıfz Eden ve Kezâlik Şıbyânın Huşyelerini
İzâmdan ve Kiberden Men' Eden Devâlar Beyânındadır**

Hatunlardan memeleri müktenize ve gayr-i sâkıta olmasını murâd edenler ve kezâlik sıbyânın dahi huşyesinin şâgîr kalmasını murâd edenler hammâma duhûlü taklîl eylesinler ve ba'dehu isfîdâc ve tîn-i kaymüliyâ her birinden ikişer dirhem aḥz olunup bezrû'l-benc suyuyla ma'cûn kılınır ve dühn-i maştakîden bir şey dahi ḥalḥ olunup onunla tılâ olunur ve 'ale'd-devâm bir kıt'a kırka-i kettân mâ-ı 'afş-ı müberrede ğams olunduktan sonra üzerine vađ' olunur huşuşan müsterḥiye olan şedye ziyâde nâfi' olur.

Ve bu devâ nisvânın tecribeleri ile nâfi'dir, o devâ tîn-i hurr ve 'asel ile tılâdır, eger içine afyûn ve ḥubz ve ḥall vađ' olunur ise o bâbda tılâ kavî olur veyâḥûd tîn-i hurr yirmi dirhem, şevkerân iki dirhem aḥz olunup ḥall ile ondan tılâ ittihâz olunur veyâḥûd tîn-i Şâmûs, aḳâkıyâ, isfîdâc aḥz olunup şeceretü'l-benc 'uşâresiyle tılâ olunur veyâḥûd kündür ve veda' ve daḳıḳ-i şa'îr aḥz olunup cidden şikkîf olan ḥall ile ma'cûn kılındıktan sonra üç gün miḳdârı şedy onunla tılâ olunur veyâḥûd beyḍ-i kıbâc ve zencâr ve mey'a iklîmiyâ aḥz olunup bezr-i ḳaṭûnâ suyuyla tılâ olunur. Ve kezâlik ḥaşışe-i şevkerân daḳḳ olunup üç gün terk olunduktan sonra onunla 'ale'l-fevr tılâ olunur ve eger tılâ hafîf murâd olunur ise ḥall ve mâ içine ğams olunan sünger ile tılâ olunur veyâḥûd 'uşâre-i ṯarâsîş ḳuşûr-i rummân, reşâş-ı muḫraḳ bi'l-kibrît her birinden üçer dirhem, şebb-i Yemânî, isfîdâc, reşâş, 'ades-i muḫraḳ her birinden birer dirhem, ḥalezûn-ı muḫraḳ, ḳaysûr⁴³⁸ her birinden üçer dirhem. Bu mezkûrlar aḥz olunup lisân-ı ḥamel suyuyla ma'cûn

438 Her ne kadar "ḳaysûr" yazılır ise tab' olan nüshada mîm ile "ḳaysûm" vâki'dir.

kılındıktan sonra tılâ olunur. Veyâhüd kemmûn süsen aşlı ve başalı ile ahz olunup ğasl ve mâ ile tılâ olunur ve şedy üzere o tılâ üç gün miqdârı terk olunur. Veyâhüd uşşak ve şevkerân ahz olunup üç gün miqdârı meme üzere vađc olunur. Veyâhüd yalnız şevkerân dokuz gün kadar vađc olunur ve bađı nüshada yedi gün vâkıc olmuştur.

Ve bu bâbda da'vâ olunan tedbîrlerdendir ħunzîr-i zekerin demi ve kezâlik dem-i ħunfuz ve dem-i sülâhfât şedy üzere tılâ olunmak veyâhüd zeyt ve kuhl mişlli sahk olunan şebb. Bu mezkûrların ikisi ma'an üsrübden⁴³⁹ müttehaz bir havan içine vađc olunur hävenin eczâ-i reşâşıyyeleri ħall olup edviyeye maħlûţ olunca kadar ba'cdehu ahz olunup devâ temrîĥ olunur. Ve kezâlik ħin-i ħurr ve 'afş-ı ficc veyâhüd kışr-ı rummân ve ħuşâr-ı kündür ħall ile tılâ olunur.

439 “Üsrüb” “sürb”-i Fârsîden mu'arrebdir, reşâş-ı esved ma'nâsınadır, Türkîde kurşun demekle ma'rûftur.

